

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社


四庫全書存目叢書

集部
第一五二冊



責任編輯：孫言誠 賀 偉

ISBN 7-5333-0615-5



9 787533 306151 >

EB22/02

四庫全書存目叢書·集部一五二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.5 印張

1997 年 7 月第 1 版 1997 年 7 月第 1 次印刷

印數 1 - 100

ISBN 7 5333-0615-5

Z·60 集部定價：127800 圓

集部第一五二冊目次

集部・別集類

大泌山房集一百三十四卷目錄二卷(三)

〔明〕李維楨撰

北京師範大學圖書館藏明萬曆三十九年刻本(卷八十卷八十一卷九十一至卷九十三配鈔本)

.....一

大泌山房集一百三十四卷

目錄二卷(三)

〔明〕李維楨撰

北京師範大學圖書館藏明萬曆三十

九年刻本(卷八十卷八十一卷九

十一至卷九十三配鈔本)

大泌山房集卷之五十九

京山李維楨本寧著

郭中丞政記

漢水至大別東而入江而其上百里而遠爲漢川縣水無所歸溺漫四布轉徙無常田可耕者才十之一邑故有沉安貳所徵魚課五百金有奇自歸景邸而加賦三倍之已歸潞邸而加賦十倍之諸閹寺奉王命來倚勢作威自租挈外所掊剋攘奪更無筭又當舟車縮轂僕億蒸仍民力靡有子遺耗矣諸閹寺擁蔽王莫以聞卽疏于朝廷往往重親親報聞罷御史中丞郭公心哀之失

大泌山房集

卷之五十九

記

郭

今不爲計民不走四方則立槁耳是無漢川也于是捐長沙歲徵安廬二倉供公督府軍興之費凡一千三百餘金代漢川輸正賦以解倒懸剝牀之困而公方奉詔佐臺事行經漢川邑縉紳逢掖父老婦孺無慮數千人遮留公車不得發更慮公行後或生得失不能久徼惠公曰是不難下檄所司著爲令而中丞李公自楚左丞代公守公法賴若畫一不爲羣議所奪行之兩歲漢川民稍息肩而其長者謂三孝廉李君龍君蕭君此吾邑百萬生靈之命也何不勒之石以垂永永而三孝廉辭曰有鄉大夫在則以屬周觀察明卿明卿則又以不文

辭而屬不佞不佞先世家竟陵之皂角市在漢川境上而先大夫亦嘗置不腆之田於其邑今諸弟實占籍焉利害固不得秦越視也乃按孝廉觀察尺牘記其大槩如此而更申其指曰昔周公制禮司徒以天下土地之圖周知九州地域廣輪之數山林川澤丘陵墳衍原陸之名制邦國都鄙畿疆而溝封之以土會土宜土均之法辨物名制地征少司徒建國正封地訟以圖正之而太宰分九職九賦少宰司會司書各有版圖閭師縣師遂人川衡澤虞川師原師任土作貢各異其物司險掌九州圖周知其阻職方氏爲尤詳蓋六官之中而疆理

大必山房集

卷之五十九

記二

郭

之事版圖之藏十居其一歲會月要日成互相廉察人不得爲奸故封國累千而天下密如假令周禮至今存漢川地高下延袤可按圖而知王邸安得以汙萊爲督亢而倍其征諸侯惡其害已而去其籍周禮之亾久矣矧於季世齒路馬而忌投鼠莫如蒞土據城社而爲釜萬莫如奄寺中丞公卽國大臣欲以田野細氓之故達於君門萬里之遠必無幸矣上不欲傷

天子肺腑恩且虧國賦下欲佐百姓之急恥與刑餘人爭口舌不得已而去先去兵故損軍興以活此一方民民爲貴君爲輕瘠民以肥宗藩猶割肉而救饑也中丞

公此舉備有孔孟家法矣昔楚康王時薦掩書上田度山林鳩藪澤辨京陵表淳鹵數疆濼規偃渚町原防牧墾阜并衍沃量入修賦君子以爲禮得周公遺意紀之春秋名聲流而不泯然楚非有牽制如今藩王奄寺之難而薦掩因勢利導亦未嘗損上益下若公卓犖可紀之政漢川士民尸祝不忘公固其所也不佞抗顏而受筆札之後豈曰能文要以存其故實比于周禮圖籍使後之人有所考鏡云耳邑令王學禮郡守胡篤卿與聞其事者得併記焉

游參知政記

大必山房集

卷之五十九

記三

郭

荊門州故荊州府屬也

漢皇帝自安陸邸嗣大曆服以安陸爲承天府比於兩都而割荊門州隸焉州幅員數百里山居十之七水三之士大夫散處四境視州城如寄而市豪聚城中其始興臺五伯之屬至微細耳交關曹掾爲奸利羽翼成而恣睢益甚小民有訟賄豪爲居間其黨拳勇者任受刑桀黠者任對簿無不捷矣所得賕賂日富則使其徒爲州胥史已爲郡胥史又以其賂通監司若兩臺之爲胥史者兩臺耳目寄之十五郡司理又以其賂通十五郡司理偵事者朋比構會陰操州長吏及佐幕短長所不

便予下考千里之外其應如響卽士大夫踴躍下免而不肖者欲有所甘心或陰用之于是視士大夫州長吏蔑如卽郡若監司若兩臺且玩弄掌股之上長吏至與具宿主禮仰其鼻息舞文犯科不可窮詰歲加州賦數千金以實其橐若固有之其魁治宅中爲堂以集其黨計事者是時吳軟絲價騰躍豪出令非此不得入簾簾明日上梁得吳軟絲百疋皆朱色嘗有喪其徒千人會葬馬臚純白如雪填委山谷號饑寒者解者詣堂下陳詞輒曰某所餘粟某所餘布某所有婦有女往取之其家諾如不及少後糜碎矣藏匿四方之亡命借交報仇薄暮塵起州民重足而立而會閩人游太初公以參政部荆西治承天所至鋤強扶弱裁霜稜肅如也州大姓坐加賦窘以狀白公公知郡倅潘君廉幹可任屬使治之倅悉發其謀黨噤不能對而豪之養子某爲郡倅首當坐倅笞之三十死而郡守恚曰投鼠不忌器乎遂與倅相持豪滋張適州都試諸生大姓子爲諸生就試豪頓指禽之梅棘之下戟其手以爲犧牲而薦之次者自頂至踵榜掠而下備極慘毒諸生奔告州大夫州大夫不應也左右前後無非爲豪地者告累至姑命其幕往納縮不敢前諸生迫號召子弟之就試者若干人

穴垣而入竄生歸豪詆譎諸生圍奪我郡與州信之幾覆沒而游公微得其寔校袂奮怒此豈可與共堯舜之世者耶部署材官若諸游徼卒立沈命法先後捕其黨二十餘人具獄士憤小申而加賦蠲州民懽呼載道矣方豪虐生時其子在外聞之嘆曰吾欲死此人如孤豚腐鼠誰知者奈何不忍一朝之忿而白晝攫人于市使彼有詞耶其黨更爲流言中倅倅謫而游公之讒亦就矣公以考功令當調且去州諸生與其父老子弟泣而謀曰孰左袒豪而秦越肥瘠吾儕者耶孰使我衣冠之族不爲豪魚肉者耶力不能排九閭明公誣則相與尸祝之而使不佞勒其事於石以垂永永夫紀綱風俗之牧壞莫甚於今日而尤莫甚于楚楚莫甚于吾郡自江陵敗大臣往往爲湘纍堂庶冠履陵夷漸盡士大夫垂首結舌吏無所忌憚城狐社鼠又從而爲之釜鬻情日壅塞權日旁落威日假借而橫民出焉其種有六曰土豪曰市猾曰訟師曰訪窩曰主文曰偷長根株窟穴常相通爲用如荆門豪兼六者而有之其黨以千計其貲以萬計其巧繁拜請妖訛洵沸遠則楚十五郡上則輦轂力折權行豈朝夕之故哉蓋天下有三患而蠻夷之憂不與焉曰內大臣之變曰外諸侯之叛曰匹夫羣起

之禍而今天下無內大臣外諸侯之慮也可惠獨橫民耳班固有言安國承家有法有制家不藏甲國不專殺矧乃齊民作威作惠王叔之宰曰簞門圭竇之人而皆陵其上其難爲上矣夫游公之治荆門豪爲紀綱風俗慮甚遠而其身已橫被讒口不及結竟其事繼公而來者有如萬分一懲於發難一切務爲優容將令盜跖長居民間而以人肝益朝餉之膳也匹夫羣起其禍未艾可不爲寒心哉公善政更僕未可悉數而不佞獨書其大者豈曰爲荆門諸生美報抑豈曰前事不忘後事之師第以爲荆門賜而已杞憂廢卹之謂則何敢辭公名

大泌山房集

卷之五十九

記六

郭

朴字太初閩之福寧州人登萬曆甲戌進士司理成都入爲廷評比部尚書郎出爲粵南按察副使遷今官

李郡守政記

不腆郊郢

先皇帝潛邸在焉自州遷爲郡諸守郡者率簡才賢以將順

天子眷眷故鄉德意今可百年良二千石踵屬而自不佞有知所覩記若越人鄭公之清直都人何公之銳敏齊人房公之端亮爲尤著其能兼三君子之長者有秦人李公云公爲守三年用治行高等數簡擢方岳而會

郡多故

上陟降在庭繹思

皇祖就拜公湖廣按察副使巡荆西郡仍隸部下士民祖治公旦莫偃伏之愛旣徙治沔陽依依若嬰兒違慈母則相與指數公政績而籍記之以貽不佞某徵文傳遠其大凡若干條曰懲誣訟以化頑嚚曰正文體以還雅道曰嚴陵工以治闡寺曰裁奇贏以寬征賦曰平物價以惠商賈曰議供張以汰浮濫曰時餽餉以作士氣曰破深文以蘇冤獄曰察病創以全瘼死曰速斷決以省稽故曰詳簿領以徹欺弊曰謹權量以清乾沒曰祛私斂以舉屯田曰慎委造以實軍裝曰修鄉約以興民行曰嚴保甲以遏盜寇曰任長吏以杜多門曰辟賂遺以肅觀典皆日用所常行而關切於吏治民隱者事爲之規坊而人爲之要束精神心志旁皇周浹于四境或日昃不遑食或浹辰不監寐而從容暇裕不廢清賞入公之庭掾功曹捧手凜凜三尺伍伯植立如木偶人而夜軒眼無憂杆文罔入公之市踊不貴履貨不抑直街彈室虛無人食肆無所牟牟利門常晝局入公之界吏自黃綬以下若豪右諸惡少年毋敢輟吾單赤公之造我郢宏矣不佞里居時聽人誦公耳目所及得其貌耳

大泌山房集

卷之五十九

記七

郭

不佞游於公深且久悉公叅伍盡變發奸摘伏赫然若神明不可犯而闊達大度訓藩籬去城府於人何所不容其延見儒生者老問疾苦體貌款接藹然周詳若易與可狎而不能以毫髮非義干鄙夫俗子望之自遠其見事首尾衡決勢若破竹而機鋒不露若含光承影之爲刃殆不可視其一介不苟取若齋馬釜魚而律設大法禮順人情若雀鼠壯而杯羽化則庶幾窺公底蘊萬一且論公功有進此者日楚宗上變遠邇震動公密佐兩臺定計罪人斯得已復長慮却顧恐生他虞請告

獻帝廟行甸人公族之法而理出其株蔓者無傷親親

大泌山房集

卷之五十九

記八

郭

恩半歲間大難芟夷四方戎心震疊

上寬南顧之憂公功固不獨在郢郢人陰受賜莫能名也于是士民以不佞爲知公將作公考而私計公方在事疑其頌而近調不佞適承乏晉陽公嘗令長治長治人生而祠之于今無貴賤長少駿奔走對越垂涕思慕生可祠也碑於何有諸父老不聞楚故實乎令尹子文舊政必以告新孔子稱其忠是石也可以代公忠告矣公方在事官屬是則是倣以爲戶牖之銘以爲象魏之懸以爲韋弦之佩寧惟郢人蒙福

皇祖在天之靈實嘉享之郡理李公聞不佞言憮然曰

高山仰止景行行止小子不敏一意以公爲師請先士民受礪石之役

張工部權政記代

周官山虞掌山林之政令物爲之厲而爲之守禁斬材以時霜者罰復有林衡山師柞氏分理之唯漆林之征二十而稅五古時山木皆領于官民不得私而更征稅之如此今制山林聽民自取而第於所隱以司空郎司樵事焉其一江陵其一武林其一蕪湖其一易水易水征無幾何蕪湖近陪京則以陪京司空郎任之亦以近陪京故巧繁拜請法尼不行較諸關爲難治蜀張公之

大泌山房集

卷之五十九

記九

郭

蒞蕪湖也無匝月賈人頌聲載路浹歲頌者如一日余嘗廉公狀而得其略公之言曰征商以裨國用而准者乃囊橐其中封已養高恣所美好置侈長物或取貨於市直十不顧一義之所不敢出也即不然所居孔道篋篋率奉過賓飽游士行媚兩都貴人義之所不敢出也即不然以多餘之贏爲能爭尋常而盡其民義之所不敢出也吾第無使闌出入無失故額而已木菽江而下風濤之不時縛維之不力且以誨盜吾因其早暮寒暑謹察之無稽故也吾既已絕知交之請而署以外白徒之衆無上事而乘木以陰惕商圍奪之大駟藉口諧

價若居停主人詆欺相高詭態橫出抄忽之差鼓舌僥倖侵牟商百方吾亟屏之無令內窺也署以內府史胥徒竊嘖笑而高下手舞文犯科商敢怒不敢言吾汰其冗者無令以商爲奇貨刑其不法者謹將之無鉅滑也羣不逞以意錢之戲及優侏儒獲雜子女誘吾商燕女溺志好濫淫志日朘月削遂爲無貲省者驅之毋令盡也商父老子弟有喪資而假貸亡所凶年饑歲嫁于外者有疾病天札者有棺斂不具暴骨者有以市籍自占數而不得復卽爲諸生若資用乏者賑之療之掩殮之衣食之而爲行束脩使力學無他虞焉故無論商無論

大泌山房集

卷之五十九

記十

郭

蕪湖一邑遠近四民羣然趨之詠歌嗟嘆之不衰余於是而深有感於人臣之效忠未有不先自盡者也上以國用不足取給於升權始猶用文臣或執金吾已乃專屬閹寺天下騷然靡有子遺耗矣垂二十年升罷而權如故中外起而爭之公車牘如山

上若弗聞也儒者恒言事君之道信而後諫勿欺而後犯已則固利而規上行仁義有如頃日武林權郎聽其言修潔之爲親雜汙之爲狀迹所行事盜臣與聚斂臣兼有之健而貪甜而亂口寧而誕國之藏孽爲衣冠辱上固疑羣臣善面謾人權政尚有軼漏而翹主過以博

名高彼閹寺者亦竊笑詩書禮樂之士口夷心跬何求多於我于以希罷權必無幸矣張公志意定乎內禮節修乎朝法知度量正乎官忠信愛利形乎下上可以對君父幽可以質鬼神洗沓墨之恥伸薦紳之氣左貂右騶輦望之意消而色阻通達之屬莫不從服自今而後庶幾在事諸臣皆砥礪名號務爲清白積誠以感動上迴心鄉道昭德塞違照臨百官諫行言聽膏澤下民是非所謂以義爲利不以利爲利之明效哉公旣代典客湯某與其黨思以公善政垂示後來法之成律貫用終惠此畿輔一方民余曰可采輿誦而勒諸石不獨爲

大泌山房集

卷之五十九

記十一

郭

君子度張公與余心有同然矣

毛郡丞政記

維揚郡丞毛公初仕爲汾西令汾西人愛之如慈母事之如神君其旁邑民有事莫不願屬毛君者諸臺請更調繁劇以盡其才汾西人奔走力爭不忍舍事遂已余時方領晉臬聞頌汾西之賢萬口如一也會大比士公與執事始識公稠衆中聳身山立而言論風旨一歸正直忠厚故宜得民心乃爾比余遷洮岷尋予告坐急難留滯廣陵金陵間向人論吏治輒首爲公屈指意且以臺省徵而仕無中人財擢丞維揚郡度公有所不足而

也公麾之或以常例爲名公笑曰例安從出買人稽首以請公復大笑俗之漸民久矣若豈可令我復有後言買人稽首而謝吾儕以小人度君子腹無罪爲幸踊躍惟呼此數十年所未見清白吏也當事者使攝儀真令儀真孔道十九買人買人十九以鹽筴起而爲閹推稅者所魚肉困不支馳輶傳御樓船輻奏並進一切供張假之民間如實漏卮公以其廩餼及帑府之羨置諸器用而勒石諸館中儀真人常賦外不知有他庸調矣其最苦者單夫一歲而收三歲之征汰其費與後允者出入不出一歲積粟如坻以待艱難淫雨爲災民無流亾

大泌山房集

卷之五十九

記十二

郭

顧退然不勝曰昔者先君子嘗守此郡也外父傳公嘗守此郡也其吟聲在長老之耳某不能紹續是懼曷敢有越志公所領職爲江防治在瓜洲洲萬家之聚當一大邑東南諸貢道此爲都會大豪巨猾漁食閭里號稱天罡者與左右錢通表裏爲奸公廉得其主名置之法細民有所患苦非時入謁卽爲驅除市井晏然文武吏之隸麾下者曰巡司曰稅使曰閘官曰衛總皆受民訟無不薦賄亂獄滋豐公禁不得投一牒皆詣公片言得情不移晷而數百人歛服無異議訟寢省矣爲籍授五坊之長細事下長鞠之登諸籍率以白公而公斟酌焉未嘗有金矢之罰城旦春以上獻監司亦時有恩貸江防游傲卒有舟舟有官官侵牟卒餉恣其失伍而舟敵不修荏苒之盜衡行無忌公出不意覈離次者罪如律而立旗單以次相傳舟與卒更番上下今巡司一人當夕砲發則舟權火舉登岸者譁鉅舟中人齊聲應之夜凡十五度爲常雖風雨不爽盜無所容跡漕艘之北也公刺扁舟督之自屯船塢至揚子橋鱗次櫛比無留行者遂以轉餉論功第一事有大卻大窳游刃有餘地胥吏奉手屏息逡巡而退邸中所需一蔬粒米與民同平賈驤使者檄掣鹽蓋坐署可得數千金買人所樂輸

大泌山房集

卷之五十九

記十三

郭

皆途人也如此非廉也一曰迂僻遲頓不及事房文烈
爲吏部郎遣婢糴米連三四日方還文烈徐謂之與家
無食汝何處來竟無樵撻周治四爲令居處不理遂至
無宅曹昇歷官國子祭酒不營家以餒終王起三任節
鎮老年寒苦至與伶人分月俸自給君子將以身濟天
下身不自濟何有於人如此非廉也一曰色取而行違
吳起卧不設席行不騎乘節廉而喜名儒者誅意是貪
心所使華欣王衍稽淵席豫馮道之屬亦有清節詘首
權勢阿邑取容盧欽言毛玠用事吏垢面羸衣常乘柴
車軍吏入府朝服徒行惟徐景山雅尚不與俗同劉虞
冠敝不改就補其穿而妻妾盛綺綺荀子曰盜名不如
盜貨陳仲史鱸不如盜也其說與孟子合如此非廉也
一曰刻深而寡恩郅都不發私書問遺無所受請寄無
所聽已背親而出身終不顧妻子庫狄士文不收公料
家無餘財子噉官廚餅杖之一百買鹽菜必于外境親
舊絕跡而皆名編酷吏暴于猛虎怙其一節驕人徑情
敢往身爲怨府如此非廉也夫毛公廉矣不簡髮而櫛
不數米而炊不以人所難繩人不以已所長愧人不畏
強禦不侮矜寡不搖非譽不計升沈不設鉤鉅不察淵
魚不大聲色不尚刑戮立綱陳紀因能授任數軍實章

大梁山房集

卷之五十九

記十四

郭

物采辦等威民傷者厚養勞者相享飲食饋遺鄉晦屢
息沐其德奉其法始則敬忌之中則歡就之久則習而
安之孔子稱君子比德於玉廉而不劘吾聞其語矣今
見其人矣以二十餘年所旁求廉吏之效而始得一毛
公甚哉才之難也友人鄭太學澤曰君知毛公深其論
廉吏道精微然有本焉孝者百行之本公一舉足一出
言而不忌太公是以能濟美象賢余曰善於是邑與鎮
之民次其事樹碑劇驂以志公去後思且諗夫世之思
爲廉吏思用廉吏者公名炯宇德華任縣人太公名木
嘉靖癸丑進士歷官按察副使
大梁山房集
卷之五十九
記十五
郭

尹司理政記

爲政莫先足民民之不足則以賦役故而賦役法古今
殊異古授民以田十稅一均土地以稽人民而周知其
家可任者民不耕蠶畜樹爲里布屋粟夫家以懲之爲
無性盛無棹無衰帛以辱之而已秦壞井田爲更卒復
爲正間一歲屯戍力役漢因之爲算賦爲口錢始舍田
而稅人唐則田出租身與戶出庸調而庸調多無田之
人異一矣古役民以軍旅土木爲大不奪三時今無事
不役民民無時不受役異一矣古田野事主以命官比
長里宰閭胥鄰長族師鄙師黨正縣正州長皆大夫士

之賢者漢亭長奮夫游激有祿秩而鄉三老孝弟力田與縣令丞尉以事相教復無繇戍暨唐而人不願爲鄉長里正有輪差有避免於今則事極困人極賤期會追呼笞箠督責以身毀家相踵而喋惡民竄其中倚法爲奸異一矣宋賦有五曰官田曰民田曰城郭曰維變曰丁口而支移折變出焉宋之役有三差易而雇雇易而義義復易而差然賦自賦役自役也自頃置一條編法兩稅四差不別丁田淨客編氓不別苦樂起運有留不別緩急斂幣以中金不別錢幣省耗省陌史所譏刺且以爲良法施用之異一矣古者五家爲比比十士人爲長層累而上以達諸侯天子他天官地官之屬凡役民一事賦民一物莫不有官官莫不賢彼其時大國甫百里諸侯世守與民相習今一縣封域或倍一國而第以付之今令東西南北之人非素練也吏道雜而兩端其爲承若倖若尉賢者十不得一而欲令以一人之身事事物物管綜無爽乎異一矣夫號爲賢令者不能必一縣民無病於賦役而望攝縣者之不泰越其民遂廬其官庸可冀耶蜀尹公六年佐吾郡再攝吾縣而其於賦役法弊無所不釐利無所不舉不佞時時從田廔褐父游溪指而數公政下里應賦應役者預爲期如期而集

朝以入卽朝以竣夕以入卽夕以竣不使市猾以保主爲奇貨也賦析爲四季季又析爲三限置權衡於堂上民自取衷焉有高下手則鳴金而聲其罪其出以給募役輩以充上供亦如之不使筦鑰吏爲欺罔侵牟也邑當孔道輿隸厮養牧圉職在將迎若魚貫若環循法不合乘傳者奪其符不使桀黠漏射而單赤疲奔命也封內常祀若上官過賓之共張與公服食器用諸曹掾一切經費以時許物價價無論官民若畫一不使負販怨摧直而泣折閱也城隍矣議繕完畫地授功平版牘稱希築邑所尤苦者隄繇四百里外而胼胝將事民陸沈耳則計徒庸慮材用膏餼糧以直往不使時訕舉贏消功單賄者藉口實也民之情僞公悉知之矣不得妄訟訟者自相通言胥卒不得捕逮旣至俛首嘉石不得借資左右屏氣而却步不得目攝眉語贖者登之憲牒不得私籍貧老弱不任贖復不任笞咸縱舍之不使醉飽過差犯刑戮也民有什伍里有魁善惡以告出入以常守望相助桴鼓不聞外戶不閉四境晏如矣善乎先民之言有治人無治法賦役法雖三代盛時無久而不敝者誠得其人廉介以臨之公平以劑之精明以覈之果毅以持之安靜以養之不必料民不必均田不必損戶

不必令土斷而官方不廢民不告勞雖周官何以加焉
尹公之於吾邑其彰明較著者矣昔者孔子爲委吏會
計必當使顏子而多財願爲之宰世厭薄錢穀簿書爲
俗吏英雄欺人語耳不佞竊謂賦役兩端善而吏治修
民情安天下能事過半矣公政聲冠諸郡國徵書顯拜
不夙伊莫邑之亭父田部數十百人謁余而請曰邑不
能久借明使君維是明使君有大造於邑子大夫耳而
目之其筆之書以告來者奉以周旋將世世受明使君
之賜此數十百人者不佞所故嘗游其述賦役獨詳譬
之樵言山漁言水言言實際也不佞小爲潤色而附以

大泌山房集

卷之五十九

記 十八

郭

古今事變之大略使效法公者無厭故常而喜紛更無
取文具而鮮誠意其人存則其政舉矣

孫吳江政記

不佞沿牒入越蓋嘗以期會兩走平望平望則吳江地
也居民萬家舳舻鱗次數里烟火鬱勃望而知其爲樂
土與越異間從館人問故則娓娓道其令孫公賢歸而
時語越諸令安得孫吳江參錯七十五城中我輩坐蒙
成耳踰年而孫公擢爲陪京工部郎不佞甚訝之令治
行高等必召爲臺省若天官尚書郎卽頃者
上厭薄臺省不復授然何至屈孫公爲郎而遠在陪京

豈不佞聞于館人者非曹好與已而吳江之士民數十
百人操舴艋過越謁余而其大夫士之賢且仁者首陳
辭曰孫公子之鄉人也楚材無雙不腆下邑辱在宇下
天實賜之益六年而田野愁苦之聲寂如也乃就常調
遷極知孫公不以升沈介於懷維是諸惠政爲邑人百
世利安必來者常有今日請吾子記而勒之石以永公
賜卽吾子與有榮施焉其誦公善政亦若館人而大者
則清丁口覈田賦賦與田兩相隨而貧無無田之賦富
無無賦之田曹無總書而隸無總催民得自便輸官其
督課則別區限而爲陰陽籍記之其衡量平田部鄉佐
不得高下其手而吏不得以奇贏自潤賦之最急者起
運小緩者存留宿猾避免急而趨緩公量入爲出先其急
者後其緩者漕有南北允南人黠而北人推往往避南
而趨北而公爲平亭之無觴已革所謂私儘亂儘者已
免輕齋省行糧而積汎米待凶荒以次番休夫家庸調
又爲之立役米資其困乏修官塘瀦水旱汲潦泄田蕩
積荒者蠲其征益弊無所不釐而不爲淵魚之察食無
所得浮而不爲數米之炊施無所不周而不爲濫吹之
竽豈弟君子民之父母公其有焉官家思藏富於國紹
瑄之使括天下貨計之京師窮萬道矣三吳故稱殷富

大泌山房集

卷之五十九

記 十九

郭

貢賦當天天下大半盜臣與聚斂之臣率求多焉日朘月削束手待斃有司發憤爲民請旦夕命輒下詔獄加三木中人益驕恣不法無益于民而反害之故三吳先天下受困省刑薄斂之仁立民既不能得之於天子而有司復類秦越人視此瘡將奚賴焉吳江望邑前孫公而爲令者豈盡無賢要以飢渴易爲食飲則孫公之時然也孟氏論仁心仁聞不若仁政能覆天下孫公政仁矣其士大夫庶人謀垂之金石著爲典則以詔後來貫行無數亦公之仁也寧惟吳公不佞將持以風越之爲令者由吳越而推諸方內民所疾苦大氏相似是則是倣作頌也子產衆人之母耳非仁政所關不具載

張欽縣政略記

西陵張公以名進士除江陽令治行爲西川第一徵拜給事中上書忤旨謫廣昌尉十許年稍遷欽令治一如江陽可三年擢民部郎光祿丞銓曹言有臣如此民之望也不宜隨牒平進特請拜廷尉丞而欽士民不忌公具論其善政之大略屬不佞著諸石章蓋欽四塞地一

歲食仰給江湖十半週糴令下穀價暴踊貴而民歿徙公語富民從天而頌之孰若先天而制之以豐歲多積穀官知其數而不與其事穀價遂平黃山延袤千里一國薪蒸者往焉而或專之價亦踊貴公爲禁民得以斧斤時入賈遂平欽三面受諸山水雨集放潦損民居無筭勢且嚙城公爲石隄石橋而不虞水欽賈遍四方以此累富俗尚侈靡致四方之貨又好上人而多訟不惜傾囊篋以快一朝之忿平居無事結納有司希盼睵之榮務市奇麗取歡吏其土者見可欲而心亂則口實惡賤丈夫之壟斷抑直市貨十不償一公一無所受亦一無所取卽上官有徵索封還其檄追胥不及肆塵而商以安聽訟具兩造卽天論郵罰麗於事不與強禦不容開說而無情者不盡其辭簡民轉移無常職者或穿窬而論城旦春罷歸者召其人來予之資資橈据拾朝夕有所餬口而盜以戢諸生日省月試旌異其有志操者市井草莽之夫微長片善必加禮焉審曲面勢爲建浮屠以埤益山川形勢而人傑地靈競爽公初聞欽除鬻其家名田治裝又歲載家粟而食之其廉如此廉則不屈于物而剛不蔽于欲而明不徇於私而公自在事無隱人無軼民無勞役無冤刑無惰士無戚戚閭巷之

豪無偏著里端之籍既代深山窮谷倪旄婦女遮留不得發而公念母病亟歸省乘夜私從間道去其得民甚深去後見思宜也然余以爲此公緒事耳蜀江陽號難治令未有入爲臺省者有之自公始欽文獻國因勢道利成功差易即所指數諸善政他邑令亦能辦而余所深嘉公不在是比年

上高拱穆清厭人言遂諫臣空署積歲不補其辱爲氓隸錮之狂狴賫志長沒者何限而以春秋責備賢者之義律言事得罪諸臣竊所不滿有言責者直言敢諫自其分內事而挈鈴封賣固已褊矣謫不之官之官不奉

大泌山房集

卷之五十九

記三十三

郭

職而受祿上官重其風槩與講敵禮彼亦居之不疑特名羅於當官耳民之疾苦漠然不關其心曰吾旦夕賜環取公卿如反掌奚事此其干上隱而爲怨顯而爲懟敖而爲僭其于下矜而爲忿戾芻狗而爲不仁甚者改節而爲墨吾業已立節顯名於天下其如我何夫公不以舊省臣之貴直臣之望謫居下秩而精心爲政若將終身焉范史之論曰榮悴交而下無二色進退用而上無猜情不亦君子之致爲乎余故習公觀於令欽而益信其君子人也天下爲人臣者以此爲臣鵠可矣優一欽縣一欽縣人戴公是奚足哉

吳大夫卻金記

吳公左遷鹽官也蓋添註云公舉進士四十年一僉憲事兩典大郡坐直道三黜當事者故以添註優之遷客類不事事俛仰從容以需復踦而公不可事君先事而後祿彼乘田委吏非耶諸臺使高其誼鹽筴大卻大窳輒屬公批導迎刃而解賈人從之如歸市公以如水之心應如市之門苞苴筐篚逡巡行馬之外不敢近其僚或悍塞而多受取涇以渭濁公廉平聲大著而稍遷陪京比部郎賈人無計留公相與象公貌而生祠之睨公篋亾何有也釀金爲贈於邗溝舟中公辭日者不腆奉

大泌山房集

卷之五十九

記三十三

郭

稍竊愧荒飽以助維揚書院之費此何爲者而可受已贈之三十里郊亭公復辭仕非爲貧也而有時乎爲貧此惟抱閭擊柝可耳然祿也非餽也以吾從大夫之後而患貧受私餽乎已贈之瓜渚公固辭若曹以白晝孔道羣然來汎非暮夜私相授受比耶充類至義之盡使我傷廉若傷惠是穿窬溝壑之說也若家子弟多受儒術試歸而質之當信吾言于是諸賈人愧而退而其子弟數輩同辭稱曰吳公君子哉走告不佞請記其事天下攘攘皆爲利往賈而欲贏錐刀之末將盡爭之非請謁不勝寵賂彰而官邪所由來矣鹽官體與方面等號

貴倨而仕宦不樂就避之若浼不見可欲使心不亂耳
上使閹人括貨十年不罷鹽官之長亦久不除意若曰
彼浚諸商以自肥孰若置之爲官家用閹人亦腹非之
衣冠之士方囊橐其中何有於我諸賈人又曰餓虎飢
鷹市曹白刼上之人則然何有於我任俠并兼不避法
禁走死地如驚鹽策乃大敝極壞幾不可爲矣誰生厲
階至今爲梗有如吳公淪躓仕路不改節以不貪爲寶
以不賄聞於諸侯其同官寧無恥不若人勉爲清白吏
乎審如是人且以鹽官爲磨涅是堅白之所徵也而豈
顧遠之諸賈人寧無畏罪遠邪微重而矜節先公家之

急而後身逸樂以爲閭里率乎諸閹寧無愕然是夫也
不爲利疚不爲勢詘薦紳學士中固自有人也卽

上聞之必曰有臣如此下不病商上不病國以義爲利
視以利爲利相萬也奈何以刑餘爲忠足任而疏遠賢
士大夫乎一舉而上下賢愚僉受其益惟此時爲然極
知吳公非博名高好賢如縉衣民之秉彝惡可已也吳
公亦恥獨爲君子公他懿美詳兩淮輿頌中不具論

潘郡倅解官記

郡司馬潘公名一復鳴羨人也治在沙洋洋濱漢而
居可數千家實承天荊州二郡之介爲盜賊逋逃數郡

司馬集騎射士千振卒彈壓其中取道里均易搜捕而
士卒多首匿盜不可問公廉得其主名窮治之日修保
甲法徼循追邏前後所得大盜數十百人環左右百里
行旅露宿桴鼓不鳴而荊門州大豪某子甲居州城中
撮徒成黨腹心爪牙千餘人布滿州郡及上官所寄耳
目用事之人嘲笑朝暮聞得預爲地受取狼藉中人之
產必割其半共之乃得安枕卧而更刺人家陰事輒以
便宜施行主斷生殺自恣爰書視其上下手所睚眦文
致不得反鉤撫微細躡尋過誤造爲歌謠條目轉相扇
惑以傾邦大夫之不便已者捷於探丸毒於射影諸以
急抵蒙死而存之頌共禁不與四方以命夜半過門執
僕御之禮願先死備錄益收伏飛蹶張投石拔距超於
等倫者出入擁以自衛隱如敵國莫敢誰何而有乞丐
携養爲郡掾取州租挈竄易之加斂千金自肥州民力
詘訴之叅知游公游公下潘公覈校十年中文書辯質
印篆令環跪庭下詰之得其姦明審豪怒曰古匹夫游
俠權倖人主以乃公力食租衣稅奚不可者而區區干
金不得有耶且我在也而刑吾子辱莫甚焉何以勸來
者爲蜚語中公諸臺使爲所欺謬矣初公得掾情實未
敢書獄私奏牘游公復奏牘郡守守屬有病閉門牘未

大泌山房集卷之六十

京山李維慎本寧著

太湖兩洞庭游記

余雅聞太湖洞庭之勝思寓目焉中秋過婁江王司寇兄弟更憇憇之二十日返金閶雨不果行馮元敏憲使謂余盍以間為支硎遊乎道胥門度楓橋呼筇輿行十里許至山山故支公道場今為章中丞墅松桂陰陰雨色添翠酒數行起視雲隙返照作金色界亦一奇也踰嶺至周公瑕別業主人肅客而入登羽玄閣羽玄芝也以閣成時產因名上才兩楹修廣丈有奇下三方翼以大泌山房集卷之六十記一

飛檐琴書觴咏所在宜人閣後為亭二林水翳然山四面如設帳霧甚不可辨公瑕指示余一一有故實余領之而已同余宿者朱貞吉馮元敏汪仲淹仲淹婦弟蔣茂弘猶子永叔也晨起元敏別去余六人從賀九嶺至天池寺寺遠近居人種茶池以茶聞天下首枕巨石葑荻闕之水為不流左方折而上為毛中丞冢城更折而右為蓮花峰草沒徑余賈勇先登公瑕使使以偏提從數起數蹶忽逢一樵父解衣掖余乃登其上四五巨石如蓮花有小凹雨注之視玉女洗頭盆可十之二望太湖千帆競渡如飛鳥貞吉快之披襟而當風為醺三觴

從其陰萬松中猿接行下山院則公瑕為置頓令童子導余觀三洞洞無奇僅一石大士像差瑩潔耳遂之天平蜚鴻滿野蓬萊塞路惟時聞水犀香天平者石人立作手板狀又名萬笏峯下有寺不治少年僧掩關為賓通飲食然應接不輟寺前井欄好事者取雲礎為之有方豪氏三字銘旁為范文正公祠祠其先後人凡十一世作禮歸歸則傅明府俊伯以泛湖期請且俾許山人子長偕來詰朝張都尉左虞來已汪子建毛豹孫兩山人來諸君力言風橫宜先往石湖便乃度采春橋訪故高士王履吉居復度兩橋至治平寺寺故履吉讀書處左有井陸鴻漸所品第四泉也飲之盡一蠶至上方度猶未莫復登吳山山首小丘若斥堠若覆敦以數十百計仲淹顧而異之形家稱梅花龍乃爾豹孫曰此堯時洪水懷山居人築以避水也豈其然乎子建豹孫旋別去明日午至木瀆關關吏具木冠來謁余笑謂諸君是賢於霸陵尉矣無何一舴艋附舟則蔡孝廉士良傅明府所屬為洞庭地主者也至胥口謁子胥廟廟圯像如少年美姿態大不類英雄氣既更舟泛湖左虞攜三斗釀甚甘約曰過龜山時當以此酌之覺喉吻間不可耐左虞首浮太白諸君以次受爵立盡舟人譁龍見蜿蜒

艇雲間繞如尺蠖俄而風逆波鼎沸衆議去留不決余
顧謂左虞士良兩公土人意若何左虞曰吾所畏夫峽
艇雲間者耳姑返棹而遊靈巖可乎遂返至靈巖巖故
吳館娃宮梁天監時爲寺寺西得二井一規一八方相
距丈所方者蔚藍與天一色僧言井通太湖有魚時上
游其深不測規者吳王時物方者知積師開山鑿也更
西登琴臺臺石可坐鼓琴是扼湖山中樞崑之馬鞍熟
之虞錫之惠江陰之均洞庭之東西皆可俯而窺也江
外諸山輕烟一抹如畫長蛾不審夷光顰時何似臺
下卽響屧廊遺址山麓溪流如綫曰采香涇香山當席
大必山房集 卷之六十 記三

四山包寺故門左右幢陀羅尼尊勝經以爲知永書非
是亦佳筆也一石當門闕吳人許初臨聖教序書宋時
建寺碑題名及額復具三體殿左楹後有宋慈受禪師
像骨稜稜不羣雨甚止宿僧房其明日游毛公壇毛公
者劉根也體生綠毛人呼爲毛公壇盛時道流千人坐
法夷滅惟兩智井謂是煉丹井耳已至上方寺寺廢門
外小石橋有松一株如青鸞鼓翼欲翔爲停策一賞之
行六七里許至吳王銷夏灣灣所以名縹緲峰張翼而
爲東西崦西盡于大小龍山東盡于明月灣太湖水別
流兩崦中人家負山履湖蒨驛筆三山前時蒨處中如
青玉案菱塘如井田烟樹如錯綺雞犬相聞比屋素封
余所見西夏倚賀蘭河從西南來爲一曲從東北去縈
迴五百里前有馬鞍山如紫駝峰臥而待駕外則沙漠
蒼莽無際城中十萬家饒米鹽如江南茲具體而微矣
崦著姓蔡分東西居士良東蔡人也宿其明秀閣中士
良言涵村陸山人伯相雅能詩能遊請與俱行又以其
弟士堅玉卿見頃之伯相至俱斌斌雅士日小遷游大
小龍山山上下石俱玲瓏而下爲勝面吳興者似龍吳
興人以厭勝去之別一石嵌空頗具七十二峰之致是
名小洞庭離之數仞有石磨山又小山離離水中似鼠

者五其稍大而迴顧若欲捕鼠者一爲猫山何肖也下
取道圻邨得烏砂泉泉在井中大柳陰之距湖高若遠
皆可丈許每汲必有烏砂沈盞底伯相曰是烏得敵紫
雲紫雲在縹緲西一石如砥泉出穴如樸滿不增不減
是爲奇耳余聞而亟羨之謀以明日登縹緲而雨如注
不止又明日爲九月朔雨如故余謂主人卽不嫌館廩
費奈何株守待免此去石公山非遠何至若天孫河鼓
空相望也雨小減呼舟過明月灣則已霽垂楊覆岸見
千家在白雲黃葉中愛之舍舟徒步士良言汪司馬遊
時以譚九經從走一力呼之至則老儒生也興致故不
大泌山房集 卷之六十 記五 大

乏具陳山詭異狀請先趾而後頂如其言歷歸雲洞峭
雲峯望雲梯聯雲嶂諸勝已陟石樓坐石陂叩石公觀
風弄從劒樓至頂復以舟行山足探諸洞壑梁橋而石
公之勝無纖毫遺矣余大異之別有記夜左虞請急歸
其明日飯士貞家登縹緲諸峰羅列如兒孫湖四環如
博山如璧水扶桑初日近若可擬江南名郡邑隱隱平
蕪片雲如縷自東峰起忽狂走四專諸峰初如冒絮已
如阿閼國僅一再現頃刻萬狀爲賦看雲詩四章小雨
釀寒不可留遂下酌玉椒泉飯西湖寺寺左池有沉香
大士浮其中香火甚盛今廢已過涵邨避雨陸伯相琅

玕亭中更走十里至資慶寺宿焉寺勝如包山僧慧靜
者七十矣能詩明日至天王寺故吳王桃花塢也至馬
城廟故吳王牧苑也復念林屋之勝未竟乃以數十人
束炬前余露紵著蒯屨衣短後衣行百步水愈深手足
俱旋淖且作牛飲遂返登曲巖屏崑齊物觀游丙洞陽
谷無礙道園訊所謂架浮亭者廢久矣其傍有廟羽人
芟草治道有茶竈石罇間云富人子杜氏物園有茂林
修竹殊勝刈之如童而家中回祿耗矣脫其中二石稍
露頭顱命工人搜剔之絕似大象一立一伏因題名其
上俄而二缸起岸下光彩奪目徐徐渡湖中去舉酒目
大泌山房集 卷之六十 記六 大

送酒未竟迴視落霞殘日照映卞山如紫磨金在鎔表
裏洞徹湖光殷血如渭水論囚時總之如安公冶與天
通亦龍下迎如咸陽三月火如大旱鑠金焦石余生平
未睹者喜極欲狂恨季倫小子不見此紫布障寧止四
十里耶瞑乃歸宿岳廟中明日乘風渡湖而東頃刻觶
寒山鎮步入靈源寺寺故天竺道場也候輿人久之度
嶺宿興福寺松杉鬱鬱極宜暑僧引遊葑山山頭石龍
長丈許張吻湖中爲亭覆之隔岸爲金家灣湖水入其
中如張弓僧以擬西銷夏云明日僧言俞塢甚盛起啜
一堰粥游塢塢內有小塢者九大約可三四十里余所

行可六里樹夾道蒼翠撲襟流泉涓涓繞足下幽觀若隔人世西山所未有也塢將窮得高峰寺殊卑隘不稱復取故道歸至法海寺宿明日入翠峰寺天衣懷請雪竇講法處門左有雪竇像大慧爲贊有井龍嘗出聽經右折而至山足復一井名悟道亦雪竇故物小酌解渴遂登莫釐峰峰視縹緲差雁行惟後眺松陵湖稍隘而北陽羨諸大觀爲西山障耳僧爲言峰傍支有二海眼一塞一通大不盈尺以石投之不知底止其塞者爲游人所厭云又言西有龜山東有錦鳩可相當西角里東西金皆與主山不相屬以橋渡信然歸墟五山根無連

大必山房集 卷之六十 記 七 大

著儻此類乎是夜宿翠峰明日下觀柳毅井談龍女事問舟而歸前後凡十日旁采土宜民風蓋蠶絲菱芡之利東西均用之而銷夏灣爲最西則角里之梨源邨之梅東邨新安里之橘柚東則俞塢之茶竹枇杷各擅其勝西山如孟而圓東山如帶而長西編戶爲里七十有奇東五十有奇西居民散若邨落東聚若闔閭其室宇墻高數仞白盛類新安東無奇石而西無小石東累小石爲墻如編貝始東人科第相踵大魁凡兩人而西人多力農往往見鄙夷其後東人多大賈走江淮間而西儒業漸盛兩相持至不相能然士好客民可使則西爲

勝東寺觀形致多不逮西其修飾稍過之僧以鬻酒爲業望門百步糟漿之氣逆人鼻中堂積檣檣如累碁了不爲異也嘉萬間游最著者汪司馬王司寇皆有記二先生文章命代湖山託以不朽捧心效顰山鬼得無揶揄耶然二先生吳人此尋常杖屨間物且以得游爲奇余家楚不遠數千里而來雨師山靈相留爲十日歡又所得東山可十之五六則二先生未遑也斯亦足自奇已既抵金閭濡首酒食憶游踪已不盡記因訊諸同行者述其大槩藏之篋中昔徑山贊嗣宗曰大湖三萬六千頃卽師之口也洞庭七十二峰卽師之舌也余以口舌作山水觀他日再謁洞庭君或不至桃源迷耳

大必山房集 卷之六十 記 八 大

五臺遊記

方內大道場三峨峩則普賢普陀則觀世音五臺則文殊余入蜀與閩人李叔玄遊峨峩不及記入越所治武林距普陀遠無他故不及遊入晉但言五臺心已馳於彼矣故所善須菩提蒲阪福登踪跡在五臺最久且著數招余遊遊莫如夏宜會當按事忤代間約同入以五月中往期果此願而屢稽故爽約承乏入棘闥監試有泚岷除目則中丞防秋移鎮鴈門例謁辭於游殊便友人楊元素從都下還里人詩僧復遠以遊五臺過太原

聞登師有潞安真定之行無爲地主者使使徵之還報師已遲我小店矣九月七日發太原漏下三鼓宿成晉驛質明至小店過登師寓因以復遠昇之翼日走忻州距城十里許取他道走定襄宿九日渡漳沱過五臺縣塞上早寒每先月令月許自夏涉秋天久不雨是日燥熱行人汗出如漿道旁枯蕒蜂蝶時有蓋旱徵也薄暮過廣陽嶺居士叩馬而言此爲五臺第一山門寺燬於火渠爲募而新之又指余領下大川嘉靖庚申歲九十五人從崢嶸代至此殺人掠牛馬無格鬪者捆載向繁峙去夜宿西峽村民家明日行十五里登師設朝舖於五

大沁山房集

卷之六十

九

大

臺小寺行三十里至清涼石其前石壁云臥佛洞佛失所在有梵字刻徑五尺衆莫識憶李太白詩遺我鳥跡書飄然落崖間其字乃上古讀之了不開可解嘲矣從此而入青枝黃葉相錯而黃倍蓰之皆松也黃落者自一種云已觀石石色青長十有五尺廣半之不甚方圓亦有訛缺不能平如砥下二石支之置盂水焉童子踞躍曲踊則水蕩搖余呼與隸厮卒若僂非鬻汲之屬俱集一僧擊木魚引而上呼佛號繞石三匝而下數之得一百一十有四人尚有容足處斯亦奇矣或曰可容四百人既飯上南臺過歡喜嶺有吉祥庵登師留置頓余

與元素遠上人行南臺與諸臺不相屬取徑歡喜嶺上臺故名錦繡峰寺曰廣濟西向下臺折而西南三百步而遠凸出仙花山古南臺負之小寺故北向蜀僧明知易西向規模弘遠工未及半中有仙人池殊濁其麓有靈境寺異時三僧廬同釜而炊羯羶者析箸僧漸貧散走而靈境遂弗廢矣日且入歸飯吉祥庵而宿古清涼寺寺枕山坳頗幽寂僧二百許藤蒲靜好其師能寬有戒行臨終囑徒衆毋分爨而徒仁萬更乞余示余笑謂佛法世法固不可偏廢乎殿左文殊相傳塑工屢不就一夕自成衣文面貌與俗不類殿右側有龍池蓋井也

大沁山房集

卷之六十

九

大

綆四尺及泉泉尺許四周不及一丈而水可供百千人不涸不溢已乘月過清涼寺寺亦自古清涼分者憲廟賜經藏焉道側流泉灑灑如也有楚僧淨室僧不舉其名日惟飲水夜則信步歷諸山林澗壑及旦而歸登師少時如此多靈感山中人能言之晨起五里至金閣寺昔有金閣見空中見者象而爲之圯嘉靖初更修亦漸剝矣閣中範金爲大佛高五丈有奇後臥佛稱是又里所爲石佛堂就石壁鑿象尺許浪得名耳又里所爲普門精舍新構整潔可居山行林木翳然可十里至獅子窩繁峙縣界也縣吏人候於此謝而行沿山可五

里得板橋曰清涼可五十步復得橋名與之同折而右
山左右往來相迎可二里許中有澗兩山泉從兩橋匯
於澗琮琤可聽山木畏佳寺据兩橋中亦以橋名度夏
月綠陰撲人衣袖暑雨泉噴沫大有致而寺庠隘蕪穢
殊不稱後有好事者常實力焉又里所爲臥雲菴僧局
其門叩之不應真雲矣又三里至西臺臺名掛月峯
後爲放光臺前爲雷寺寺左白龍池與清涼泉井同
涸無涓滴老衲云百年有之災也道俗萬人曾無禹
步吹氣坐繩床燒安息致龍行水者乎寺僧贈六道
木杖木出山中不盈握又可踰肩以爲筋或能試毒販

大泌山房集

卷之六

記十一

大

之南中象筋同價下臺百步飲牛池池亦泉井也溢而
流丈許而已僧云是滲入山下山故空空耳其旁冰雪
經日不消又三里至八功德水出石巖縱橫不及丈有
七寶池覆以亭龍池復以閣此水差多而遂專功德名
其最著者維摩文殊據二石說不二法天女散花後人
就石架閣曰不二閣其最偉者千佛閣創自

慈聖燬而更作竊計取名宜擇於斯二者或曰維摩無
震旦迹以文殊附會耳謂唐法林見緇白二叟立談者
近是故有尼僧後身爲京師慧月上人上人至而大笑
人視之宛然故尼僧也因坐演華嚴經寺以其故葺飾

啜茗行半道二獸伏草間驚而往走蓋靡也僧別爲之
名殊無據又五里至中臺臺一名翠微峯寺曰演教有
大華池前有舍利塔不悉所自來欽而向忽雷雨大作
復如故循臺而下走北臺道也右脇有萬年水僧廬
百許居之水積故厚今以旱消且十之五杜陽雜編唐
順宗時拘彌國獻千年水語故非誣迤邐而北有水泉
庵其左有白馬寺云摩騰駝經所由時漢都洛陽從隴
右河外諸郡寄徑此則迂矣嶺中有諸佛浴池池亦泉
井也文殊足跡在上是與魏文人馬跡獅子跡真矣蓋
不可知每歲六月十五日四方人於此飯僧日以百千

大泌山房集

卷之六

記十二

大

計西有打毬臺度走馬嶺與中嶺俱抵北臺二臺相去
可十五里許臺一名叶斗峰峰上積雪尚盈尺按黑帝
汁光紀叶當作汁寺曰演教其後望大同郡目力所至
可三百里中有山間之太原大同分山南北爲限池神
獨號黑龍龍甚神矣一畝則雷雨隨至余初登三臺覺
諸山不爲下疑之比至北臺四面山皆左次知選勝者
故不虛耳下臺可三里而遠度華嚴嶺凡五里過聚龍
庵至法雲寺宿焉寺故團焦代王更之頗弘麗有文殊
殿唐貞元時天女三昧姑修行處側有碧峯師影堂狀
魁梧美鬚髯尺許曾寓此講華嚴經在國初擅名夜風

作虞不成遊晨起風小戢過觀音坪山坳風甚利然以
面日不寒走十五里至東臺臺一名望海峰寺名因之
以觀日如從海中湧起然自高山觀日出率類是山下
羅那洞相傳文殊同時人髮僧維揚人者迎余入年七
十五矣住山三十二年已過青龍池池故東臺主也
上賜玉帶衣舄五臺龍池皆有之帶鴈物中貴人私易
余因悟東臺青龍北臺黑龍西臺白龍蓋以方色而中
東冒之耳夫玄武之當巒嶺西方玉女之居東岱寧止
一井爲然哉登師遲余飯觀音坪之小室因攜手步而
下山可十里始輿而至永明寺寺緣起余特有記焚香
禮佛觀登師所造銅殿文殊象唐王緡創五山祠銅瓦
塗金此爲再遵汪司馬伯玉先生遊太和見銅象殿駭
其精美奪目儼若化人之居卽令國工不及彼以人主
力爲之此乃出老僧高廣視太和幾倍而此者三令司
馬見若爲嗟異左右翼以三樓皆累瓴甃以藏經避火
災也其前爲無梁殿大都登師指授而請於
上以法須來代住持須師武陵人領僧五百人二年之
間金碧煥然萬衆無譁因觀
聖母賜須師虎魄頂五佛字冠金珠頂十佛冠夏冬千
佛衣各一領上人軀幹洪大衣必適體與常製殊拜讀

大泌山房集

卷之六十

記十三

大

上所御書佛說眼明經十二卷蓋以
慈聖病目祝釐云 皇貴妃亦手書經一卷并什襲藏
之過景陵僧海義已攜之過塔院寺塔爲阿育王所造
藏舍利者八萬四千之一也久且頽而
聖母新之旁有文殊髮塔修塔時見之者言髮黃金色
旁佛足碑則後人所摹刻寺以塔更建後有檀香轉輪
佛內物也已過殊相寺以文殊見象故而 皇貴妃新
之妃父嘗修寺勒其名於甃好事者以聞因擅施云已
過紫府廟紫府者五臺山故名文殊易以清涼其後更
數名今邇其所始而爲廟祀山靈主之者亦僧也已過
羅睺寺初有西域法王至今奉香火者多番僧去來不
常悉能爲漢語問之則河州弘化寺僧也已過圓教寺
亦以法王建有銀印曰清修禪師後葬山中已過廣宗
寺亦以法王建有鐵瓦殿欲置臺上而難於轉運遂置
諸此天竺僧年七十六寓焉不通漢音已過文殊寺亦
以法王建永樂時造六臂文殊像甚奇有鼓有柄人皮
冒之徑可二尺許亦內賜也番僧精舍修整佛燈及供
給多西竺物繞永寧寺後行有李使君新治靜室使君
前身爲五臺僧云宋馮京死而復甦曰適往五臺山昔
爲僧時物都在言我俗緣未盡遺歸作文記之李使君

大泌山房集

卷之六十

記十四

大

事相似旁有三塔寺廢其後北山寺有法照金剛窟門盈尺中窺竊然或聞天樂或見諸寶藏焉隱峯禪師倒立而化其妹咄曰老兄曷昔不循法律死更熒惑於人以手推之遂踣就闇維收舍利建塔今不審所在月上復與登師步金殿光彩煜煜射人不寒而栗晨起出寺百步度橋橋下泉清泚水石粼粼前有巡檢司舊以僧俗混淆設官譏訛罷久矣居民可二百家屠沽獲雜子女誘僧崇飲宣淫而亡命偷魁窟穴焉邑之猾又私爲市僧是物輒權貧僧尺布斗粟恒割半甚苦之永明寺僧持戒足不出門望之攢眉余聞伽藍陀長者先以地

大泌山房集

卷之六十

記十五

大

施外道後更以施佛官家何愛此尺寸地不以畀僧而今誨淫誨盜乎又里許過玉皇廟蓋帝釋官之訛也已過竹林寺亦新改作易向其前方空闊有舍利塔三石函可升許寺僧鎮澄都下人嘗修清涼志出所著書數種勃率理窟余里有僧惟定富人薙髮荆之護國寺以聽經至甚朴野出門遇吳僧如碧僧亦能詩顧小侯所建稱之駐馬與語惜相見之晚也已過獅子窩其寺名文殊亦新整前有五色瓦塔四十里過秘魔巖取道山澗流不絕聲茂樹亦時刺眼將至二里若鑿空而入多青松紅葉間之石壁刻畫若礮級百仞文殊寺倚

其下春夏之交草木蔭映雲興霞蔚其稱秘魔則以木叉和尚居之每僧來禮拜卽又却頸惟霍山通和尚見通便攬入懷拊背三下通起拍手便迴或曰高齊之比丘尼法秘禪定五十年無徙足薄暝發因咏太白詩五峯轉月色百里入松聲步步惜別而去山名五臺或曰以五峯象菩薩頂五髻或曰頂無林木有如疊土之臺或曰五方如來之座或曰古今所載北臺卽中臺中臺卽南臺太黃尖卽北臺栲栳山卽西臺漫天石卽東臺北臺中臺古今無異東臺西臺古今差別或曰周穆王時文殊目連來化示以四高臺是伽藍說法處因造

大泌山房集

卷之六十

記十六

大

三會道場則臺何以遺一而慧禪傳亦云南臺寂寞人罕經延一廣傳五臺復有四埵之目豈以是耶不則四臺當別自一區耳佛典又言大震那中有常喜國又云南方有國名勝樂山名高妙峯則翻譯之音不一或曰清涼山卽鴈門郡五臺以文殊異名或曰燕京山一名管涔卽五臺之一也或曰水經注溥池水西注五臺山北其山巒巍然故號五臺又云晉永嘉中鴈門人避亂入五臺山見仙人爲先驅因而不返尋訪莫知所在俗以爲仙都今行本逸此二則地志代爲仙都忻爲聖阜而趙簡子獵常山西占紫雲之瑞疑卽所謂紫府者耶

登師宿余新樓望見之余因名樓紫雲或曰無師臺趙
襄子登以觀代在恒山頂隋煬帝於此避暑因天池立
宮室號西埵南繫舟山上有銅環船軸帝堯時遭水繫
舟文殊見此號南埵北覆宿卽夏屋山山後魏孝文避
暑往復宿此下見雲州號北埵今志恒山天池夏屋覆
宿與五臺不相蒙無論晉永嘉雖簡子亦應在文殊後
乃其時都不聞有佛教迄於今文殊盛傳而仙聖之地
杳然柳州文稱雲代間有靈山與竺乾鷲嶺角立相望
而畫野分疆五臺專在代不在雲矣或曰山不峻嶮惟
所處地高故易寒游人不辦三月糧染指而罷而弔詭
之說易起四臺卽西極化人事寓言不足信然耶否耶
又云中臺高四十里頂平廣周六里東臺高三十八里
頂平廣周三里西臺高三十五里頂平廣周二里南臺高
三十七里頂平廣周二里北臺高三十八里頂平廣周
三里亦不盡符要之五山無棘刺無邪蒿亦無參天合
抱之木枯草寸許滑膩人馬易失足南臺以稍痺不盡
爾也校余所遊蓋木爲瓦以禦風列木爲柵以代墻列
木爲溝以引泉長至里所類峨眉僧廬負半壁足二分
垂外類峯嶺架木類蜀棧閣云陳晨常談叢葵州李翁
與鄉人游五臺衆少皆騎翁老且健獨步而至衆所見

如常翁與山東老人見樓閣千疊余不以恢台盛夏木
蔚草滋時至又不能依倚登師久住庶幾遘離獄火球
麗農瑤室洞光珠樹玉澗瓊芝自明之金環光之璧竊
自幸者山歲積堅冰夏仍飛雪每有大風吹人欲墮六
月披裘猶懼不勝以故遊或不登臺卽登不必徧而余
以杪秋來風恬日暄無所患苦五臺咸託足焉舍輿而
騎舍騎而步六十老翁不煩支策上下石蹬崇嶺不躡
不仆因笑謂同行者今李翁所見了不異人第不爲昔
李翁臂便足勝多多許抑何修而臻此法華導師於險
道中化作一城疲極之衆生已度想生安穩想則余所
微惠於佛力山靈者度越尋常遠矣是不可以無記

金陵城北三寺游記

太史焦弱侯數爲余言城北三山之勝也會黃安耿克
明江都顧所建至三月十有三日命駕道右城連山自
雞鳴覆舟而北陂陀逶迤道左多蔬圃夾道竹樹宛若
郊垌出神策門小市百家迴瞰玄武湖春水新綠烟草
迷離山翠撲人衣袂車騎填咽州煙聲震林谷蓋白土
岡有司疫神都人傳爲神生日香火奔走繼屬可里許
而別取道至嘉善寺寺故名鐵石山俗呼老鶴山山椒
有石佛閣正統間僧法通繕之請賜今額山多石石多

異狀其著者曰蒼雲巖故有洞卽洞石爲大十像上覆以閣石爲閣所掩太史易以石蒼雲始可攬結矣好事者張生大晉董其役乞太史識之而集蘇端明書勒巖中其前復一石如雷門鼓舊有亭圯而石亦顯名之雲巖山後石壁立數仞中裂見天光如一線因以爲名太史別爲閣於左而加崇廣閣枕石名曰嘉石登而望山四塞鍾阜巋然松楸王氣雲興霞蔚其下麥隴花塢基置繡錯大暢心目初爲閣時下山取水道遠工作病之忽右趾石間有泉可濫觴衆歎之不盡飲之清美寺僧於今賴焉太史屬余命名余取詩小雅檻泉云下而飯殿後軒軒左右牡丹各一高大各數尺花各累百香氣非非襲人克明賞以大白余三人不勝杯酌凭欄噴噴而已飯罷至幕府寺寺在幕府山麓晉元帝自廣陵渡江建康城荒落府第居北山下因以山爲名或言王導建幕府于此山山是以名梁武帝與誌公來遊見林巒殊勝命建精藍初名同行一名勝遊後改秀巖院嘉祐中又改寶林寺鞠爲茂草矣太史慨然欲復之而難其人僧如方如覺有戒行任其事方兄弟三人父死分產貽三子方不受母與兄弟不可因以爲修寺費而所善三檀越復裨之故不丐貸而寺工舉隣僧怪且忌昌

言方掘地得金若干盜操戈入室亾何有也撲殺方太史傷之不忍入寺寺復廢而有中涓李氏崇信燕僧性恒迎置其中盡捐貲修寺累石爲垣八觚導山泉濬池如泮環之而更爲門而鍾阜所建與中涓談方悟爲舊練也嘗司推龍江關譏征不肯復毀家俟佛將無有宿因耶太史克明止精舍中獨中涓從余與所建行四百五十步而至達磨洞延袤可五六丈許高三之一云折蘆渡江時嘗憇此有喬莊簡小篆三字洞下臨江烟波莽蒼變態非一盪桡裂背憶古人語大江如索帶舟船如鳬鴻遙看野樹短望樵人細信然矣復循仄徑下有石穿若門門側洞不盈丈置一人榻復循仄徑下有泉涓涓吐溜所建掬而漱頽歸僧設粟飯問山故實仙人臺虎跑泉孫大帝石床石榻晉元帝五馬渡化龍亭宋武帝武帳岡陳武帝破北齊軍山下虜其將四十六人後主幸山校獵虞世南獻賦晉穆帝永平陵宋明帝高寧陵晉王導溫嶠明康茂才墓都失所在檢諸志或言幕府山又名石灰爲建業門戶魏人至瓜步文帝登此山觀形勢齊師伐梁至鍾山龍尾南北固峽有石洞西北峯曰夾蘿亦曰翠蘿或言幕府寺在石灰山或言齊明帝葬生母沈太后幕府山寶林寺西南俗呼國婆

墳考宋文帝紀魏人南侵帝登烽火樓極望不悅圖經云在石頭城西南最高處似非幕府弘濟寺亦非山境而石灰幕府或爲一山或爲二山或可通稱鍾山張敦頤六朝事迹實林不言沈后墓寶林幕府二寺亦有分有合歷祀綿邇建置因革不常傳信闕疑可也寺傍有蘆云卽渡江遺種史言宋高帝伐荻新洲洲與山相對安知非是可資一噓小說又言門無草出兔牀園一名離地草其葉似蘆藉草離地二尺不步而行行速於步所向無礙欲止則抱定一物達磨所渡以此亦子虛烏有之屬也太史感想平昔觸物懷懷若王珣之于林公

大湖山房集

卷之六十

記三

大

徘徊而去至崇化寺寺無垣而山迴合松逕可一里幽靚宜人布席于梅花水水有二俱石壁下出其一有泉眼其一上有松若石楠二水相去丈許僧以構室爲垣間之問所以名梅花或云泉沸水面若梅花以僧侵葬傷地脉不復然或云山故多梅僧舍亦有牡丹二株與嘉善寺等克明評紫者勝山左右泉從竹中趨澗琮瑤如遠公廬山蓮花涌出門讀魏文靖碑寺垣故五百步而遠不若今無垣疎豁也上元新志嘉善寺在太平門外梅花水在崇化寺而諸寺中又不載崇化余惟金陵饒佳山水文物之盛昉于六朝東渡者爲帝正統西來

者爲禪初祖皆肇基此間爾時巨麗之觀瑰奇之迹滅沒弗廢徒寄虛名大千世界咸住壞空人王梵王將若之何太史家世金陵宅心域外覩三寺興替數矣里居十有四年此籬落間物尚不能日月至吾輩寄耳目於人取須臾之翫討求往蹟如按圖索駿又欲勒姓名垂不朽如杜武庫沉碑計直是有情癡耳

華山游記

華山隸句容縣距縣七十里而遠距南都八十里而近初長老福登範銅爲文殊普賢觀世音三象奉文殊於五臺奉普賢於峨嵋各因其現化之所觀世音應在普陀而會島夷犯屬國我師勞費七年僅邀天幸遁去驚然有輕中國心象至彼夷航海來朝且爲封疆患艤舟江關猶豫未決有獻議者華山寶誌公庵可增式廓也遂輦象居之更庵爲寺

上賜名曰護國聖化隆昌云登公數爲余談山之勝而法須故代登公主五臺以歸展墓寄徑金陵諸芻蕘聞其來迎之結夏因招余游屢爲期且踰歲念此後無適主者遂以四月七日同陳山甫楊元素大兒營易往先夕風甚厲比旦側寒挾纈由御賜廊歷北安門出朝陽門草樹上下一色黃屋青林承以晨旭居然趨朝光景

經神烈山馳道如砥鍾山葱鬱造天夾路萬木森聳如羽蓋霓旌行人如交戟之內冷風則絲竹飄風則海濤六月無暑無論清和時矣三十里飯麒麟門路室郭城以土善崩攝司空事者請繕必以磚約十年訖工出郭畛臨彌望農慶麥秋度三小市而達東陽鎮上元句容二縣界也鎮人可五十家以名醫自標者七余調元素無自矜鴻術何地無才小溪通龍潭大江華山薪樵舟載而鬻利視力田有加過范家場數里抵山麓微雨舍籃筍步入寺禮佛謁銅殿象象塗白金爲白衣莊嚴妙好下而飯圓祿房圓祿者登公所屬造寺者也三中涓

上與

將作館其中而虛左兩楹館余飯已復登周閣恭覩

太后頒藏經各一部七年前嘗施千金而中涓送經者還報寺工才十半復令諸椒房若左貂以下各捐助凡四千金將至矣四顧白雲瀟漫如陸海風雨隨之如屢結鵬運僧言山欲雨候輒爾巡簷入殿看諸僧作晚課而退就枕簷溜猶有聲至明而霽是日浴佛金閭賈客載長明燈飯僧米麩三石果蔬諸物稱是三江中流遭風舟幾覆忽得渡龍潭泊東陽登岸眾譁然訝爲佛力考佛生日或言周昭王或言莊王或言貞定王或言殷

武乙或言生年有八別周正四月非今四月爾時西方不通中土以曆定甲子寧免紛紜憶京華此日間賜百官不落英故鄉僧餉青糗飯不可得矣從南上有團焦僧真儉日以豆計誦佛號其門見大江及江外山登公本意安象殿所相土者以華山蟲出雲表凡三成殿基實山督脉四山環之如負辰如步障西向嶺蜿蜒其雕誌公拜經臺青龍作案昂首如躍於形家宜喬木千章啼鶯時有折而東南下有蒲團白石止水回龍庵蒲團或言蒲堂訛爲蒲萄二三老宿居焉庵趾周遭崿嶮無名田廬雞犬自一隅區折而西嶺凹亦見江與江北山下爲僧蔬圃亦可建靜室伐石者陶冶者取給於斯可里許而得誌公黃花洞尚三尺修二十尺相傳誌公悟道處旁有秦僧團焦僧嘗游余邑能談邑事洞後沮洳僧深其口泄水余謂上與旁可仍舊無鑿渾沌竅洞前地二丈許疊石爲岸架閣岸下石出泉如井汲之不竭葦腥人觸則爲祟復西行半道山石嵌空履之有聲可十丈許因訝靈谷琵琶胡乃寂然稍上有碧霞元君祠遺址下小坎號龍池蜥蜴十許僧云某公嘗乞見之不得歲旱以禱雨輒應又稍上有雷擊石焦裂是何怪物窟宅已升臺巨石位置參差磊珂相扶踞而小憩指顧

江南北諸山遠則三茅金焦近則栖霞牛首或可伯仲
鼎立鴈行鍾阜龍飛在天此爲虞賓不純臣禮最近如
銅山之屬餘子碌碌何足數也丹徒儀真六合諸郡邑
水雲烟樹縹緲斐疊如山氤氲南都王氣糾結輪
囷如五城十二樓雕繪滿眼報恩浮圖如不律五采毫
大江如匹練可曳而取臺東址復有龍沼較西池稍狹
亦有蜥蜴鄉人薦雨較西池更驗方議建龍祠復還臺
坐微颺徐來草木香發作旃檀薰陸鼻觀僧言盛夏黃
花滿山如金蓮不種而生山以此名禮王藻大夫玄華
註云華黃色以素爲帶飾之外以玄內以黃詩小雅裳
裳者華芸其黃矣山名取義有以也還而僧指一山首
平曰切萊墩冠達帝爲誌公飯僧地事無據名不雅馴
應有以易之其地亦可建靜室而有升虞誨盜覓徑從
僧圃還已行飯寺門右池上泉伏流池中朱魚萬頭錯
以瑇瑁諸色施食爭取羣遊成隊池水盡赤胡床坐觀
林水翳然便有濠濮間想山甫快意大呼得未曾有有
中貴故隸大璫張成林連罪廢談成所以受譴與掖庭
永巷曲折頗悉其儔戒無多言乃已余誦王建詩不是
大家頻向說九重爭得外人知衆爲微哂步而上象殿
旁有二樹名菩提山甫言斬春歲敗此樹實無萬數是

鉢塞莫否余曰菩提本無樹實之則無名於何有翼殿
二藏經樓累甍甍禦火而除其隙擬爲四十八願樓山
中僧募秦晉人金數百以娶婦從軍想如調達入地獄
自喜不減四禪天樂日漸下度夕陽看山有奇致復與
圓祿上真儉室稍右有凹攬結江山殊勝祿云可建閣
良然又下坐池上月從樹間照人游魚撥刺出聽夕梵
僧言嘗掘地得棺廣六尺長十有二尺發視惟一鱸歸
之中貴人又言象未至時山鳴經月當置殿日山下人
望上有旛刹矯若游龍山時吐光怪如霞如炬如燈炮
釋家幻詭之談有萬倍此者存而不論可也天闕靈秀
以貽聖明花宮蓮界忽如飛來忽如化成神通煥赫擁
佑萬年之曆凡屬瞻禮若爲讚誦詰朝取舊道下循池
而得橋琤琤聲即池泱流泉可百步又一泉會之爲池
池旁橋入澗過橋又得石門洞穴受風如潮音須公欲
擬普陀更名又有欲爲閣洞旁者稍下嶺名歡喜凡陟
險而夷如岱宗恭上五臺俱有歡喜嶺茲山行殊無苦
而人情懷安以趾臣目頓成異境山窮探天井泉田間
草頭露沾衣履若濯泉方廣可十丈云與潮汐相應萍
藻冒之綠不見影流可百許步道傍復有楊柳泉會之
小橋流水二人家白板扉映帶其間有銀杏出地即

大

分兩幹合抱如一垂蔭半畝數百年物也里許又得泉有橋俱名河充諸泉滙爲大洞溉田萬畝已過金姑庵庵女僧六七八人當蟠龍右脅即龍潭鎮背也上爲李文定先生先墓山陂陀而龍潭支河趨之大江繞其右地靈人傑固非偶然復至東陽鎮於中得一弄則走攝山道也按志林陵郡嘗改東陽東陽鎮在琅琊鄉宋葉適創瓜步堡屏蔽東陽又稱華山與竹里山皆在縣北六十里有翻車峴見鮑照詩劉牢之斬王恭帳下督顏恭宋武帝破吳甫之於此竹里城在鎮東鎮于前朝稱要害問之人無知者志又曰秦淮源二一出句容華山一出溧水東廬山合流入方山埭自通濟門入都城天井諸泉當卽秦淮水源也梁武帝問華山何如蔣山高薛對曰華山高九里似與蔣山等泉水倍多兩言是山實錄矣真誥所云鹿跡華山卽宗居華山註屬南徐州界別是一山耳又考諸傳記誌公產東陽市古木鷹巢中朱氏收育之舍宅爲寺七歲依鍾山法儉爲童子儉名之曰寶誌於道林寺修習禪業或見景陽山或見龍光廟賓兩寺或往來興皇淨名兩寺都不及華山然市距山不一舍寧詎無公遺跡昔人構庵標公名必非無因山前有東謝西謝公受記家其族猶繁生女多持齋旣

大

攝山游記

山由公顯何得庵以山廢余憶公語云人道班鳩拙我道班鳩巧一根兩根柴便是家緣了豈以華山爲家以瓦宇爲美志在大乘視帝釋官猶脫屣耳所葬獨龍阜建木塔更以石今爲孝陵夫沙門不敬王者猶然奪之不嗔毀之不受况歸依西方之聖慙此一拘吒迦乎昔張僧繇畫公像不就以爪割破面門現十二觀音則華山之爲普陀公所幸願也釋家以達摩誌公俱觀世音化身同時顯化南北或用爲疑夫化身千百億復何疑二身是山事觀世音卽誌公在其中余言又多乎哉

攝山距華山三十里於歸途不甚迂二沙門一中貴使人先於所往日亭午至矣門有池種白蓮蓮葉田田也一名月牙池道左靜室張孝廉賓王授徒甚衆道右唐高正臣所書高宗爲齊明徵君碑嘗沒園中御史李燾父宜翁發之殊有虞褚法碑陰棲霞二大字傳亦唐人筆極有好勢徵君名僧紹捨宅建寺名棲霞唐名功德名妙因宋名普雲嚴因崇報名景德名虎穴亦再仍故名洪武復棲霞迄于今進天王殿蓋門也僧募象彌勒其中進大雄寶殿禮佛二殿棟宇宏傑金碧煥煌中貴人新之諸作尚未斷手銀杏二本高數仞徑圍丈許定

芳輞物出西廂門過珍珠泉泉上噴壘如貫珠而瀄
之爲池覆以亭可環坐至圓通庵庵所繇起真陽高僧
真節奉殷少宗伯石刻吳道子觀世音真儀陸太宰所
範金像于庵庵火二物歸然獨存巨商感其異載木若
甕更構視昔益鉅麗嘗講經至法華多寶佛塔品塔見
相空中因建塔庵後中貴人還白

慈聖賜金縷袈裟眞節表謝綴以偈吳人周公瑕書其
寫照上庵住持性麗肅客而入老僧如珠楚人經學通
明皆節徒也以沙彌導余游元素不能從惟山南暨兒
營易與俱東行有施食石臺金壇僧喜峰首事而眞節

大石山房集

卷之六十

記
五元

大

成之度嶺得石坎廣尺深長倍之謂巨人跡有千佛巖
三大字巖之尻也有蟒洞鎮以石佛蟒率產嶺表此或
附會梁武帝郤妃事乎懺悔升切利天矣清波志云其
地鹿苑院土人名蕭帝寺者也下觀石塔七級初級刻
諸象如髮四周金剛力士又上刻諸佛雕琢巧緻柱有
諸佛及經呪尚可辨識鐵爲鈴索存十二三隋文皇遇
異尼得舍利數百分三十各州同日建塔以藏此其一
也有靈應見王劭記大都所遣僧與守臣阿邑語或曰
南唐曾繕之前亭兩接引石佛高丈許與塔同時立者
象貌衣紋有顧虎頭法塗以金引品外泉爲九曲池名

八功德池已枯余失笑功德不可思議矣泉在塔垣外
之右中峰澗水伏流而出亦爲池亭覆之中鑿石爲蓮
花泉腐沸而起池不浸者尚三尺而羸不可濯纓不可
燭鬚眉宜不爲鴻漸所品從此以往多澗溜盤石或衡
爲梁可聽可憩左就石爲無量壽佛高四丈許旁觀世
音大勢至殺三之一徵君與法度師講無量壽佛經夢
巖有如來光采又依稀見之欲造像而未采其子臨沂
令仲璋竟父志焉後人以三聖殿冒之得無佛頂伊尼
平門左爲退居老僧清栢病而鬚髮髮頰白若維摩
詰吐屬有致几案都雅登其閣曰紫峰孫以德少字所

大石山房集

卷之六十

記
三十

大

署以對紫盆峰也余曰去其峰而可矣閣左扉可望中
峰其下有泉供十許人朱庶子元介署曰甘露余復名
之蒼麓四山蒼然泉出其麓與山一色偶合清栢別號
云升巖覽千佛齊文惠太子竟陵王豫章王田英宋江
夏王霍姬等次第所爲梁臨川王加飾焉上紗帽峰片
石突出肖之前代紗帽可通用今獨以呼官人冠遂覺
此峰不韻古松數株自石罅中出擎攫飛舞爲峰增勝
下至白雲庵又數十步得白鹿泉庵傳爲徵君故宅宋
張瓊讀書處見王安國記庵後石壁二孔出泉方池貯
之不溢不涸有樹糾蔓如擗羊角而上花似蓮蓓蕾名

石蓮花泉名或以居人逐鹿或以徵君馴鹿或以此卽
白乳泉後人妄爲白鹿耳傍有小石塔卽空安禪師閣
維處也從此往多茂林屏翳如突夏竦寮上不見天松
風謾謾披襟而當之爲之暢然已至凌虛室試茶亭皇
甫冉有送陸鴻漸棲霞采茶詩茶今董有無製者所謂
白乳泉湮久矣山家神祠舊說楚大夫靳尚自通法度
師主此山七百餘年求爲門徒受戒廟薦斷牲醴尚受
秦賂誘鄭姬惑懷王去張儀楚以敗辱屈原憤死明徵
君生於宋不爲齊臣託名山淨土終老尚如有知顏面
若爲相對或云下洞蟒卽尚所化此寧當受香火僧興
善又以夢爲碧霞元君祠又闢四門爲娑婆四聖庵玄
帝三茅君象狐假威蛇添足非山靈所安宜專祠徵君
表爲山神可也徵君初游山野老諫多猛虎毒蛇久絕
行迹徵君曰忘信可蹈水火物何能爲結茅茨居二十
許年不事人世太徵君不私有宅寧私有山在徵君則
可在祀典則不可盛仲交小志言廟舊號江乘祀徵君
子仲璋仲璋令臨沂非江乘山下地有江乘營稱江乘
廟或本此晉析江乘建康縣置懷德臨沂卽丘陽都四
縣則臨沂可稱江乘南史僧紹住江乘攝山攝山隸江
乘自其父已然禮子不先父食舍父祀子非也山名攝

或以自攝至如飛來或以生藥草可攝生或以峰最高
總攝羣峰未知孰是一名徽山形如張蓋阿堵所及北
大江江外諸山西鍾山東南金焦諸山延袤千里老僧
明曉澧州人指示余此爲南都下沙江千天寧帶子兩
洲三年前江漲洲上人蟻附山下避水而兩洲厥淤漸
廣原田每每千畝萬井吠澮距川儼然唐虞三代之制
小麥青青大麥黃間以綠樹映以朱曦臨以丹崖翠壁
土木如衣文繡黃天蕩最灝漾舟楫往往戒嚴比日出
小洲久當更長南都風氣翕聚金湯萬年之兆聽其言
良可喜又語余竹籐港敗軍河是金兀朮敗時所掘以
奔六合者也兀朮爲韓世忠所扼潛匿攝山是時建康
守臣何在不加遺一矢與韓夾攻兩軍對壘寧無斥堠
偵騎宋史又言相持四十八日金人掘港若罔聞知何
也別而下覽天開巖唐公巖迎賢石石房禹碑諸勝天
開巖於石犬牙中有隙劣容人目以定體足以步目手
以輔足自下而上殊覺奇險余自高遞降無驚怖故腰
簪不作楚唐公巖深峭復不敵天開石不似房浪得名
耳迎賢石或言對中峰頂若迎之或言徐鉉宅盛園池
在寺東北有來賓亭豈所寄徑耶以諸石較洞庭石公
邾莒之與齊魯也空谷傳聲入境問如竹樹結陰杳然

太古唐宋人題名甚衆多剝落存十一于千百耳禹碑于山無涉山下院衡陽山禹碑出衡山麓或以是故巖側有大覺庵出庵小逕數武卽汗西凹人以紗帽峰前一平石爲明月臺其地可望江導僧言非是日西匿詰朝當請游其是者余謂臺以月名明月夜何可無臺兒子勗釗勃率而升有嶺當山中見江月金波注射餘皇隱隱可數於臺名殊稱僧復導過嶺以爲臺在是酷不類其下陂陀云有金銀氣不生草木而水浸潤潭淖流入汗西凹去如珠言汗當作塢歸宿僧房雲間曹叅軍元茂海虞周茂才孟爲過訪坐談有頃別去晨起報二

大泌山房集

卷之六

記

大

明月臺臺浪巖汗西凹試茶亭之兩有也虎洞虎穴或在寺門山或在圓通庵也其廢者唐咸通南唐太保二石幢宋陳氏繡佛幽居庵默坐軒白乳泉也其過譽者五色土也其不可知者自鳴鐘也其地是而名非者宴坐臺之爲定慧庵太虛亭之爲凌虛室也鹿野堂之爲法堂也翠微庵之爲柯閣又爲紫峰也邇口中貴人建置紛紜益難質究矣其有名而爲他所掩者中峰也法紹與法度稱北山二聖知顓造寺三十六所以棲霞靈巖天臺玉泉爲四絕而開山獨歸法度也晉扈謙曾隱此而獨歸明徵君也南史言仲璋痼疾家貧第山賓乃行干祿仲璋爲令無乃以佞佛貧乎或以佛故請臨沂平史又言明氏南度雖晚並有名位齊書仲璋名元琳皆不載官職又云僧紹乏食隨弟慶符之青州父子皆依弟而食高逸略同仲璋況有功山寺祠必有因而名獨歸徵君也山賓荅神滅論於釋典頗有會臨郡出倉米贍貧後刺史以爲耗闕追責籍宅入官默不自理更市地造宅梁昭明言其珥金拖紫恒事屢空貽詩以庚桑原生擬之蓋庶幾大隱者旣父兄爲山中人能無蹤跡則坐仕宦掩矣唐碑以棲霞名肇僧辨史言徵君隨慶符之鬱洲住弁榆山棲雲精舍欣翫水石不一入州

大泌山房集

卷之六

記

大

城則棲霞名似倣棲雲而作又言徵君往候僧遠於定林寺齊高帝欲出寺見之不可遁還攝山建棲霞寺而居之高帝甚以爲恨史當不誣今墓已無考宅址亦若有若亡雖佛塔祇樹來自六朝以久特聞定有盡時惟山外江山山中石壁壁誌日月終古常見而光景常新三先生記出總持正臣兩碑上殆與山俱不朽哉憶工部游時年甫三十余今倍之司寇未至絕巔觀窳會假輒與余以半日之晷徒步之力披綠陰援紫蘿得其勝十六差可做三先生耳歲不我與倖難再微聊識大略爲歸日臥遊之資其於山則渾沌施眉於三先生則東

大泌山房集

卷之六

三

家持心矣

大泌山房集卷之六十一

京山李維楨本寧著

牛首游記

金陵勝境攝山牛首齊名而攝山稍遠余先游其遠者越四年蹉跎未果叔弟擢夔府丞已入舟賈勇獨往余甚愧之友人汪士能促余甚力以九月八日偕陳山甫士能弟有威子子桓子桓師曹元薦內兄江仲隆出安德門折而南里許徑漸闢田疇相錯廬落時有是年旱季夏雨方足以兩山麓受小雨輒潤故歲頗登稻香逆風襲人周遭茂樹綠陰不減纔夏數里憩漫塘井亭亭

大泌山房集

卷之六十一

記

牛

名流惠卞氏濬以濟道喝者吳人袁魯望爲記有橋冶鐵爲之廣尺許長丈許名鐵心橋韓山當其前以韓憲王陵故名已經唐定王母李賢妃陵松楸鬱然中貴鄭强冢在其間百有七年而宰木與帝妃帝子等其族頗蕃歲時伏臘之祭殆過之矣過劉村訊土人雪坡道人葬地紫藤生處皆莫能對今古賢愚同一坏土道人辭侯封不求身後名又何論玉魚石麟下里僞物哉所經山木畏佳望之路絕忽從小丘中度如此者二抵弘覺寺寺枕牛首山膝有辟支文殊遺跡南朝名佛窟後名崇教正統初中貴王瑾拓之御賜今名

高帝駐蹕有詩

仁宗獵龍山幸之亦有詩

武宗至山江彬畜異謀山忽鳴駕還岳武穆禦元木覆諸山下今百人黑衣入金營金人驚自相蹂躪又以騎二百卒三千乘之大破其衆而流俗言

高帝怒山北走杖而削之畀宣州甚無謂也再上爲白雲梯凡百級士能置頓凌雲堂畢主僧淨德以徒導游入禪堂其右漢壽亭侯伽藍闔扉孔如彈丸塔影倒垂案帷中晴晦不殊京師天寧寺影在佛座後有二三皆全體直上校此更奇出登善來閣閣事彌勒而無著天

大泌山房集

卷之六十一

記二

牛

親左右之歷接引殿華嚴閣讀咸通時碑至辟支佛塔建塔者取後代高僧舍利藏其下時放光非辟支所遺也壁嵌宋人小碑二記塔緣起其後則辟支洞有石鉢孟唐神龍初鄭克俊取入長安宋尚書右丞徐爰博士司馬與之太常丞陸澄議郊宜正午山當午地移郊壇于山東執事者百餘人游西峰石窟遇一僧跌坐問之忽不見但存錫杖香爐梁時司空徐慶于其處造寺名佛窟此建塔之繇也或曰洞有石鼓天欲雨自鳴不知其處或曰山南芙蓉石可坐數十人者是僧引觀仙竈如甕中四面塗之投以薪自有風如鼓鑄聲旁二釜可

容石許釜外爲烟突云文殊遺製他蘭若倣之卒不就

此與五臺清涼石並稱靈蹟然是巧工手耳最上至天

關初晉欲作雙關王導出宣陽門外指牛頭山曰自此

天造改作何爲陸倕石關銘晉氏浸弱假雙關于牛頭

趙宋時人刺導無稽妄談昔王珣道江左地促不如中

國若使阡陌條暢一覽而盡故紆餘委曲若不可測偏

安之代財力正詘導假雙關于牛頭與其建都不欲盡

一覽別有意似未可盡非也余先登右關見大江江南

北諸山可千里爲之一快闕下有洞道流所栖旣去而

野豬襲之因以名物之不可無所託如此衆皆拊口兩

大泌山房集

卷之六十一

記三

牛

闕後有飲馬池水不涸而濁甚僧雖取汲云傳自梁昭明者無據有三茅君行宮廢其二惟三茅在右闕下而里人不及至句曲者猶就山頭焚香楮望拜下過免率巖文殊洞觀卓錫泉泉竇深廣不盈尺復無水離之二尺許有竇名佛足跡水一勺耳過彌勒殿涵虛閣下登舍身崖岱宗泰嶺白嶽皆有之此不足當十一有藏經石幢有觀音閣燬于火尚餘二礎旁二幢則瘞造閣兩僧崖下有太虛泉泉視諸水獨清有應真羅漢碑僧莫知所在已觀地湧泉泉出石罅日汲不足百甕汲者必以後先爲次一名感應謂龍女指授今鑿石壁祀龍王

更名龍王泉已登左闕高右闕當數十仞下登七級浮屠唐代宗感夢造此其遺址以在天闕下陟其巔目境轉覺隘耳歸凌雲堂右有臺五月布席其上十能數浮太白揖余就寢獨坐諷詠不減南樓胡牀之致晨起汪民部君倩與其弟孟樸來朝餉竟君倩兄弟登山余與山甫仲隆出門觀桃花澗古藤墩姚山人別業前二山一名獅一名象亦擬攝山云登獅山望山如一幅着色畫君倩在上頭飄飄若仙舉爲二詩贈之入游西隱東隱兩庵觀白龜池虎跑泉差多於地湧登臥佛閣佛身財丈六之半余舉庾公言此子疲於津梁袁羊言何嘗見明鏡疲於屢照僧對此涅槃耳山甫問故余舉張協韻敷語答之至殿臺下勒尹宗伯題秀蔭古今四字銀杏一木圍可二十尺高百尺相傳唐宋間物野火不焚猶有燒痕久不結實矣君倩下行酒諸君俱盡飲獨余與子桓不勝杯酌幸及寬政夜登臺賞月興復不淺翼日至祖堂山山故名幽栖自法融得道大信而其弟子以爲開山祖名曰祖堂門首無梁殿事人士後亦有虎跑泉左有法融洞洞有方石融趺坐處信師書佛字上遂悟入禮馬祖與志公象馬祖少年白哲志公着幅巾貌殊倜儻後殿禮融象象聚茗而出殿前柏亦前代物余

至蜀求武侯祠柏所謂霜皮溜雨四十圍黛色參天三千尺者亡何有也此庶幾當之寺頗幽勝而山四環不能望遠香火不如牛首別而上獻花巖融師習靜巖中百鳥獻花有歸雲亭喬司馬宇陳御史大夫鳳梧詩詩皆古象二公精此技也飯亭左小閣復上至拱北峰峰有小樓再上有亭圯而望差遠芙蓉閣六觀聳翠二亭次之所至牛首之勝一一可攬結其名拱北以鍾山在北也余從鍾山之尾見攝山巍然特秀大江繞其麓則江于京師遙相縈抱未爲無情下坐小星槎僧指銀杏云貞觀時種者欲以敵牛首大則不及高則有餘矣或疑槎于山寺不合吳都賦云橫塘查下邑屋隆夸長干延屬飛甍舛互三國時立柵白石頭至查浦新亭孫林板橋相去各十里查浦卽查下金陵鼎族聚居橫塘查浦間樓閣壯麗無比至趙宋猶然山下小溪雨集可通舟星槎義或取此第考六書當作查不當作槎也君倩以事先歸余輩日下春乃行華嚴經謂文殊顯化北有五臺南有牛首領八千徒衆以居余已酉九日游五臺甲寅九日游牛首事亦非偶或曰經所言牛首在毗陵國今江東者似之耳而高深宏麗亦遜攝山山靈或不以後至見討乎淨德索余記因次第其所見聞者書而

付之

游莫愁湖記

余將之南徐與山甫俱乘舴艋泊三山石城二門間有所遲未卽發遍仄殊甚山甫曰此去莫愁湖不遠盍往觀乎舟子識其處者前導兩人攜而步至湖邊湖屬魏國家中有小艇三四覓之渡不可魏國監奴將來捕魚漁人具網罟以俟復沿仄徑穿委巷而出至大道過西城兵馬司治所望二石後狻猊則徐氏別業入門瓦礫滿地蓋久圯敝而匠石方掃除更新之前爲四美堂是徐髯仙篆後爲勝基樓則徐公子筆又有扁曰湖山逸興題出邢太史雉山字亦出髯仙髯仙故善古篆也樓旁垂楊數株髮髮作羽葆形勝甚未知所自豈謝安手談地耶按晉書苻堅大舉入寇謝玄問計苻曰已別有旨不敢復言令張玄重請安命駕山墅與玄圍碁賭別墅安甚常劣於玄是日玄懼便爲敵手而又不勝安顧謂其甥羊曇以墅乞汝是不勝者張玄也非謝玄也而後人訛以爲幼度謝可冒張樓不可冒野耶山甫爲之一粲左方有馮咸甫次唐人韻詩殊佳憑樓北檻而望鍾山龍蟠其右石城虎踞其左秀色倚靡若指掌上秋樹尚綠倒影湖中魚躍驚泛暢人心目樓下引湖爲池

人必山房集

卷之六十一

記六

牛

財得枯荷葉少許小橋可渡湖堤已斷其半堤中尚有亭址主人翁或漸次修舉能着兩三畫舫更佳余叔氏入夔門山甫與諸人謀置餞於此以蕪穢不治罷計向後游客必盛矣按唐書樂志樂府解題皆謂莫愁樂出於石城樂以石城有女子名莫愁唐人所謂南國佳人字莫愁也宋曾三異以石頭城在余郢中漢江西岸有莫愁村一統志金陵不載莫愁湖三異又云曾見莫愁像石本衣冠甚古乃古神仙者流非女子郢中倡女竊其名則莫愁爲女子亦誤石城在竟陵郡有晉杜預第臧質爲竟陵郡時作石城樂莫愁村在其西盧家女善歌嘗召入楚宮古辭云莫愁在何處莫愁石城西艇子打兩槳將送莫愁來又云聞懽下揚州相送楚山頭探手抱腰看江水斷不流唐人詩莫愁覓散石城蒼村近莫愁連竹塢人歌楚些下蘋洲莫愁故爲楚女或以楚山頭似郢而江水下揚州似金陵然郢視揚州亦可言下漢水亦稱漢江而郢人又呼漢爲河那呵灘曲有江陵三千三聞懽下揚州語則此二語未可爲吳郢分地定據或言此地相傳有妓盧莫愁家焉或亦如三益所云竊名好事者因其人以名湖而竟陵與金陵聲之訛石城與石頭城言者省文自可通稱亦非兩地判業也

人必山房集

卷之六十一

記七

牛

又按後魏孝文宣武相繼得江左舊曲及江南吳歌荆楚西聲總謂之清商隋置清商署謂之清樂唐用十部樂清樂在焉則天長安後不重古曲僅子夜等曲列吳聲而西曲則石城樂莫愁等曲或舞曲或倚歌雜出荆郢樊鄢間以其方俗謂之西曲莫愁如吳人曲不當列西曲矣樂志石城樂和中復有忘愁聲因有此歌樂錄曰莫愁樂亦云蠻樂是以莫愁屬郢之明徵也又河中之水歌藝文類聚作古辭玉臺作梁武帝樂府曰河中之水向東流洛陽女兒名莫愁莫愁十三能織綺十四採桑南陌頭十五嫁爲盧家婦十六生兒字阿侯盧家

人必山房集

卷之六十一

記

蘭室桂爲梁中有鬱金蘇合香沈麝事古意本此別有還將盧女曲夜夜奉君王則魏時宮人故將軍陰升之妙明帝崩出嫁爲尹更生妻者也如何四紀爲天子不及盧家有莫愁或未敢以妓方天子妃所指非阿侯母卽更生妻矣由此言之古今有三莫愁而盧氏多好女令湖山爭借以爲重乎山甫微笑曰君卽人欲尋莫愁爲故實耳然其言辨可并記之

京口三寺游記

京口招隱鶴林二寺肇於六朝九華則萬曆中新造也余嘗以秋初同叔弟及陸長倩顧所建沈玄度程才逸

士賢兄弟遊卒卒未暇記今年四月謝曰可比部與余會京口彭元莊侍御問之東比部雨洗金焦長江增練君出游乎當屬吏人治具比部曰三山舊游惟三寺未至乘此補缺幸甚遂呼籃舉行農人喜雨山川草木吐色兩掖習習搏風視昔遊景倍勝矣過李長卿觀察桃源莊觀察方與客奔闌入之延坐通姓名如舊相識因導游園園之勝在石假山質理嵌空瑩澤可敵太湖不顯斧鑿痕可參鼎無縫塔引招隱珍珠泉爲池曲折有致如王茂弘治建康城法亭樹潔不容唾亦不遣土木勝人觀察欲留辭以須後期從此竹樹翳徑小橋流泉

人必山房集

卷之六十一

記

縈繞足下時有三家之市雞犬相聞二麥作餅餌香萬松籠烟濯露縹青沉綠故萬松闢道也華表猶在非李廵所書矣忽有丹樓出翠岫間以爲九華非是蓋招隱新構鹿泉庵云數折乃至初丹徒邑子周棟有妻妾而艱於子年且五十舉子夢地藏王有所指授翻然生出世想間行至京峴山林中見山外大江雲霧盪胸曰此可祀地藏矣遂毀家爲寺而從洪恩師祝髮稱門徒遠適檀施全集以地藏顯化在池陽九華因名共山小九華凡二十年所費數萬不大募乞殿甫上梁其子天其妻妾亦爲尼無悔心寺爲石磴九曲入門復數折爲地

藏經樓殊宏偉又數折至殿南數百里青山刺天
刺眼大江東下如朝宗山故多松栢以雜樹蔥鬱蔽虧
六月無暑山故多虎今絕無至者按志國初盜劫浙貢
使金詔捕急吏就馮淵卜馮曰月明犬吠二十八人扶
棺來是也如其言伏京峴山夜午山吐月村犬皆吠有
哭而昇棺來者數之得二十八人發棺金具在盜伏辜
然則盜不虞虎乃假虎威耶抑人言成虎耳志言京峴
山在城東五里峴山西南五里唐顧雲碑山分荆峴則
京一作荆或云京峴乃二山見宋王莊定公詩註李德
裕以北固為京峴一支故有龍目湖在京峴山或云秦

八
卷之六十一

十

牛

見有天子氣使赭衣徒鑿湖中長岡因名丹徒或云梁
武帝所相久失其所又有平水大王廟學士蘇紳朝散
俞康直提舉焦禮墓在京峴山宋時甘露降峴山統制
詹侯墓在焉二山名既疑似事因混冒宋忠簡公宗澤
墓則久為寺僧所侵矣棟又為余言購木時木賈詰曰
夜日有僧定訖若何為者始悟僧為地藏化身也從攝
山迎減塑地藏象奉之已為銅象一鼓而就大盜利其
貨欲行劫雜諸善男子數千人竊闕而減塑象貶眼不
止數千人駭異盜懼散走後以他事就捕向人言是地
藏戮我也凡衣糧木石金碧之費小詘正沉吟間明日

輒有人施如所欲他占卜相地諸靈應甚夥余領之而
已棟意不欲居小名曰京口九華與池陽九華抗衡此
部諺余曰君家供奉以九子為九華足下以此九華為
九子何如余諺比部尊人別號九山而伯氏與可號九
子君號山子喚作謝家山可乎因憶劉宋朝南徐士子
從華山畿往雲陽悅客舍女子感疾死葬時車載從華
山度聞女歌而棺開遂入棺合葬開商文衍為散騎
常侍畫九華山於白綾半臂令此身常在雲泉之內華
山畿當是西嶽以彼私昵能踰山谿合幽明佛力神通
池陽九華胡不飛來南徐耶沙門崇佈梵宇與半臂同

卷之六十一

十一

牛

一幻景同一象教也從其右出有屋如廡石勒施者姓
名財物萬許比部謂人好名名羶而人附之善哉比丘
矣沿山數折而至招隱志言招隱與峴山俱在郡西南
惟招隱七里峴山五里今九華招隱同負一山寺相去
可里許有毘盧殿下為室曰玉藥仙踪玉藥說不一以
為瓊花者宋子京宋次道劉原父晏同叔蘇子瞻王元
之以為山礬者黃魯直洪景廬會端伯蔡寬夫傅子容
又有以為米囊為瑒花為八仙者大都求瓊花不得以
玉藥當之遂至紛紜而招隱王藥絲李衛公知名詞人
詠物往往侈言唐昌不及招隱周子克謂集賢院有之

翰林院有之蔡寬夫謂乾元萬壽宮有之多本招隱種
種今無傳故有王業亭宋岳珂題詩其上未識是遺址
否有洞不深廣無他奇亦未識是舊招隱洞否又下爲
石丁顏曰戴顓高臥處泉出石池可方丈許石數十武
有鹿跑泉唐李昉有銘泉上亭敝漏不治郡守晉陵許
公割鹿泉以上別爲寺卽余所半道望見者而其爲志
與圖遠黜招隱矣顓父達亦隱士求死不得見譏於時
殊不及子顓著史道季看達行像云神明太俗由卿世
情未盡顓傳言父達兄牧隱遁有高名達傳言長子教
有父風微不起曾不言顓顓有巧藝恥爲貴人鼓琴略

大泌山房集

卷之六十一

十二

與父同後多誤爲一人又有戴逵與釋慧命往返蓋南
梁北周時人高僧傳以爲顓父亦誤也顓與兄勃並隱
遁有名世居剡下又以桐廬地多名山復共游之因留
止居後教疾患醫藥不給謂教曰隨兄得閒非有心於
默語兄今疾篤無可營療當干祿以自濟耳乃告時求
海虞令事垂行而教卒顓便引退許公黜招隱果何意
耶斗酒雙柑往聽黃鸝歲俗耳鼓吹詩腸其襟宇故
自不凡未可訾也古木大數抱是前朝物梵宇荒落無
管鑰者盜穴其中旁有虎跑泉見蘇子瞻詩招隱山一
名默窟獸虎立以避唐諱虎跑又自虎窟生耳二泉會

而爲澗門有碑以招隱自顓始而其女舍宅爲寺問米
元章父子述載顓行實斷碑亡矣按南史衡陽王劉義
季鎮京口長史張御與顓姻通迎來止黃鵠山山北有
竹林精舍林澗甚美顓憇此澗義季亟從之游不載女
舍宅事顓嘗見降龍道者曰生死外人願陳三拜獻護
經籙青銅磬或此地耶梁蕭綱剡銘招隱寺本顓館齊
景度道人創爲寺顓初至京口居竹林後築館此山虎
窟因更名招隱故有井梁昭明太子所開讀書石案尚
存招隱一作昭隱以昭明得名故有俞用中碑周伯綺
書蘇天爵篆額亦三絕之流亞也出寺至珍珠泉泉見

大泌山房集

卷之六十一

記三

子瞻詩故有庵有亭悉廢泉餘外門過西園道人二
橋分爲二右者經社壇至右軍寨與渙水合左者經皇
右深皂嘉泰懷德斜橋大園六橋俱達京口港入江所
溉寺田上腴恒產盡轉鬻他人以是不耐常住寺日顓
圯唐李錡語猶子約爾每誇招隱寺昨游何異州中約
曰所賞者疎野耳若遠山將翠幕遶古松用綵物裹腥
膾浣鹿跑泉音樂比山雞聲實不如叔父大廳我輩對
此曠寂正合李約所賞行三里而遠至鶴林寺寺在黃
鵠山下鵠與鶴通故又名黃鶴或以宋武帝游有黃鶴
飛舞其上更名鶴或以衡陽王與戴顓游在文帝元嘉

元年去武帝時久已名黃鶴曾收之亦駁圖經之非今有鴻鶴山有東南鴻鶴橋一在鶴林門外鶴當爲鶴鈕潛母與從弟書譏我養鶴戒以衛懿之禍可徵鶴通要用要之不足深辨也東南磨笄山以顯女磨笄誓不適人得名趙襄子姊前爲代王夫人襄子陰擊殺王其姊聞磨笄自殺代人憐之所死地名爲磨笄山兩女子能使山重愧殺鬚眉男子寺以竹林改名或曰故名竹院開元間爲寺師馬元素主之曾往參船子和尚故寺有夾山丈室宋紹興間更名報恩光孝寺師慶清主之有李龍井宋武來游臥講堂前有五色龍章衆驚白帝

大泌山房集 卷之六十一 記十四 牛

帝心喜詭曰上人妄言井泥不食寺荒落如招隱孤僧應客而已或指佛出戴顓手非是史言佛像胡夷朴陋人不生敬顓始藻繪雕刻製像訖自隱中聽人臧否隨而改之積十年方就瓦官寺六銅像而恨瘦錯減臂胛瘦患即除江夷託造觀音像夜夢神曰江夷與觀音機緣未契可改爲彌勒顓即馳報而夷書已至手成妙象融久此或有製佛不可知靈跡都滅安得獨存象殊平平何必顯作殿及門廡多唐宋人刻自招隱移置者剝且十七後有玄素道場殿榜天雨寶華四字趙潛筆訛爲子昂寺伽藍爲米元章元章襄陽人中年樂南徐

風土之美因家焉志言宅在千秋橋西軒曰致爽齋曰寶晉後併入丹陽館又有淨名齋在北固山海藏庵在東利涉門南山上研山曰在靈建寺東則岳河關之以祠南宮者僊亭臺水石之勝所模刻米真蹟藏鵬雲萬里樓中迨元時耗盡矣蘇端明嘗與元章書過往凌雲之氣清雅絕俗之文超妙入神之字何時見之元章荅曰是不盡知我修楊許之業爲帝宸碧落之遊異時相見乃知也其高自標置如此晚好禪盡焚所蓄書畫奇物將歿預告邵吏具棺槨置便坐閱案牘書文極洋洋自若也至期作偈謂來從衆香國其歸亦然或曰愛此

大泌山房集 卷之六十一 記十五 牛

松石泥秀誓以來生作伽藍擁護沒之日伽藍無故仆地里人知公欲還宿願遂易米像志又言米墓在黃鶴山蔡肇爲銘其父母亦葬此而程致道贊曰昇歸葬丹徒五州山之原五州山距郡五十里一統志又云在長山距郡二十里何也致道又謂公旣沒覺招隱鶴林爽氣都盡今光景尚然寺左爲陸丞相君實祠陸自鹽城徙潤州志列之流寓史言君實記海上二王事以授鄧光薦幸傳之光薦卒故莫得其詳偶然流寓地香火不絕忠寬感人曠世如生祠後有亭修竹百箇好事者存鯨羊豈竹院之龍孫乎唐貞元中天台僧鉢中攜杜鵬

花根種此高丈許春月花爛熳傾城游賞或見二女子
訝爲花神後殷七七以重九前二日往花所夜聞女子
來曰當爲道者開之然不久歸閨苑九日花開如春州
帥燕賀累日已兵火焚寺花遂絕此花閩粵多有之吳
越間雖種不能作花或謂卽山石榴映山紅山躑躅則
常卉耳何足珍異竹有亭玉葉有室杜鵑無齒及者物
亦有幸不幸哉問楊文襄所贖十三松盡矣寺右爲周
敦頤先生祠先生依舅氏鄭龍圖所假館或云母葬潤
州宋元時有書院屢遷遂廢地併于寺再興復廢而有
今祠以尹和靖曾寓潤州并祀之程舜俞判興化時詢
大泌山房集 卷之六十一 記十六

之故老言周易太極圖傳於鶴林僧壽涯劉後村詩亦
云然或曰太極圖陳搏得之麻衣麻衣有正易心法而
東林總公廣之以授周子又曰濂溪曾謁佛印於廬山
叅問性道以一偈呈遂請主青松社配遠公白蓮名鸞
溪配虎溪將無繼流附會題帖耶然黃山谷書與濂溪
旣在淦城可致敬文長老胡汲仲大同論孟子沒一千
四百年而周子出周子傳出壽涯程朱傳得周子晁公
武亦云師事鶴林壽涯言當不妄學無常師何必諱哉
祠有小蓮池蘇端明種竹池上號東坡竹院今池似後
人倣作蓮存而竹亡究其歸一也兩公祠以理學以節

義其道甚大其名甚正而列寺左右如明堂位九采之
國在應門之外是燂之耳顓嘗注禮記中庸篇中庸表
章特行先得宋儒之旨而理學家置不談不得分茂叔
祠片脯慨嘆久之復至長卿莊置酒可軒軒在石山上
正對磨笄而鴻鶴副之烟嵐紫翠與梧竹花草相映發
披襟爽然宋景陽山成恨不令戴顓觀之此山景故佳
舉酒招覓其有知乎不也問周棟祝髮及諸靈異長卿
皆言非謬乃知宇宙大矣何所不有孔子不語怪神非
以其無也夫山不必高深林不必邃密泉不必甘冽石
不必秀拔得一戴仲若便足千古地靈職由人傑人何
大泌山房集 卷之六十一 記十七

不自立哉卽周棟市人子開山作祖營綜宏遠使招隱
鶴林雅俗香火一朝回面趨嚮雖人情厭常喜新事亦
非偶談諧移晷林鳥歸栖揖長卿別入舟燒燭記之以
貽昔同游者

茅山遊記

余擬謁三茅君久矣數坐事不果今年抱病杜門閱四
月室人交謫得無神咎負約耶憶小茅君言八月中彼
人暫看燒香必也二十二日昧爽與陳山甫出通濟門
沿堤而東秋水方澄斜月猶懸一兩點露如雨三五個
星在天令人蕭爽晨光漸起廬落比屬烟樹鬱葱未

刈者十九雜以鳧此菱茨芋疇蔬畦田地善可家兼之
豐歲故爾過小市有坊曰梁昭明太子讀書處俞進士
仲茅題視之在一蘭若中從後入有佛殿昭明祠當其
南卑隘圯剝爐塵多於餘燼憶荆襄文選樓頗壯麗何
此地寂寞也飯淳化鎮而行取間道歷黃彥壩至淤村
孫氏宿焉村在秦淮下流復一溪會之潮時至時否所
以名淤蓋赤山湖尾湖廢塞爲田矣問道間蝗何不亟
捕云翔而不高下而不食食青而不食黃或遺子土中
蓋七八月交蝗蔽天自留都東北去凡數日日數時未
已閱禮緯含文嘉蝗食苗爲常不食占有兵或未可信

大泌山房集

卷之六十一

記十八

不則憂方大也詰旦霞天如赭疑爲雨微沿小溪行十
里而遠逕松林中松高不過丈許能使人迷如是者可
十里而近凡五十里至玉晨觀觀故許長史宅定錄君
言近所標靜舍地此金鄉至室若非許長史父子豈得
居之後世當有赤子賢者居此陶貞白爲朱陽館唐太
宗以桐栢栖真改華陽觀玄宗以玄靜修經改紫陽館
宋大中祥符始定玉晨之號嘉靖初再燬揚州人張全
恩棄家入道爲三茅君玄帝殿各一茅君殿無梁甍甍
皆累高九丈深十丈有奇廣十二丈有奇余所見天壇
行宮五臺佛殿無逾此者茅君背龕展真人肉身按真

詰高辛時仙人展上公於伏龍之地植李彌滿展今爲
九宮內司保常衡人說昔在華陽下食白李味異美忽
已三千年元時劉文彬山志並不言有肉身何所據也
真詰云大茅山有玄帝時銅鼎可容四五斛許偃刻甚
精好在山獨高處入土八尺有盤石掩鼎上玄帝命東
海神埋藏中君言軒轅子昌意娶蜀山女生高陽號顓
頊是爲玄帝鑄寶鼎各獻一於洞山神峰則今所祀玄
帝亦非昔玄帝而高陽高辛俱出黃帝黃帝仙家所祖
從來殊遠後人傳訛失其本真耳真靈位業圖展上公
在第五天右位仙階殊不高也左陸顏魯公李君碑碑

大泌山房集

卷之六十一

記十九

四面書鵠字爲吳崇休故良手雖墮損尚多可讀碑言
李君姓弘遜孝敬皇帝諱改李名含光謚玄靖都玄敬
金薤琳瑯載此碑亦作靖左廡碑河東柳識撰李陽冰
篆額云避則天諱兩碑俱大曆中建右有陸長源法師
韋景昭碑云葬玄靜墓左柳陸碑作靖容誤乃云避則
天諱何不審也鄭夾漈通志略載顏碑亦作靜又徐鉉
撰紫陽觀碑內云天下者孝高之天下憲章者昇元之
憲章昇元李昇建元孝高其廟號而徐鉉與書帝號在
鼎刻者王文秉皆不書國後已未十二月二日建不書
元蓋昇子璟改元保大戊午改元交泰壽安帝號奉周

正朔已未周恭帝立不改元明年遂爲宋故其體如此然何以不稱周顯德至云孝高之天下其二碑則稱保大稱烈祖稱今上不已侈大哉陰雲四合懼而妨遊巫呼竹兜子之下宮下宮者崇禧萬壽宮也宋延祐賜官號勅有碑而元至治碑王去疾爲文趙孟頫書云改官爲觀自此始宮惟帝居可稱如後人稱朕稱聖之類豈宋稱官後又嘗稱觀元復之耶門有小溪自上宮來上官者元符宮也蓋至是始有喬木而合抱于霄者亦鮮門外樹屏中嵌九字每字高廣三尺餘是詹姜家與臺弘治乙卯立已周二甲子道士云有大姓妄意其下藏

大山山房集

卷之六十一

二十

金欽更修竊取以衆目所視而止從左行丁司空有屏禁婦女遊者書大明律于上前有奉律亭葉相國爲記清虛真人云黃赤之道混氣之法是張陵受教施化爲種子一術非真人事也吾數見行此而絕種未見種此而得生百萬中盡被考罰思懷淫欲存心色觀而以兼行上道抱玉焚火金棺葬狗也真人偶景者所貴存乎匹偶相生在於二景雖名夫婦不行夫婦之迹數行交接漏泄施寫氣穢神亡精靈枯竭雖復玄挺玉錄金書大極將不可解於非生而治遊者以謂仙祈子爲因窺室家之好行穿窬之事矣謂孫寒華與杜契通情叛係

張毅毅爲脫免事平歸茅山寒華有少容今尚俱處華姥山以此得名夫玄白道忌房室自契受道不得行此妻藉艾假用志能抑斷乎禁之良是登大茅峰九霄宮据其上西南四平山俗謂方山下有洞室名曰方臺問道士莫能名其處宮後有龍池大旱不涸祈雨于此請龍山多石俗有巧石窩之名而天市壇當洞天中央玄窓上是安息國天市山石玄帝召四海神運諸洞天非但句曲有之豈石亦如仙聖有種耶何遠求也宋淳佑加封三茅真君誥大茅十六字中茅三茅十二字按天皇大帝九錫玉策文今敬授盈位爲太元真人領東岳

大山山房集

卷之六十一

記
二十一

上卿司命神君中君小君亦各有紫素書策文中君位爲定錄小君屈司三官保命其位似僅定錄司命各二字而南嶽魏夫人與楊君說衆真次第位號則曰東嶽上真卿司命君不書名字句曲真人定錄右禁郎茅季偉三官保命司茅思和註謂以多爲高猶今世徽號則策文是而魏夫人所說中茅字何以多于兄豈多寡又在本品論耶大茅形甚少于二弟二弟同來倚立命坐乃坐宋封字多寡亦是然人間浮名非天仙所受多見其不知量也拜觀

上御書高上玉皇本行集經異下至喜客泉泉出池中

爲八方石欄其色碧客至噴珠自下而上若喜者或叫
呼之不出金壇曹太史造老君庵其上子祖鶴脩之蓋
因李德裕茅山三象記自號上清玄都大洞三景弟子
上爲九廟聖主次爲七代先靈下爲一切含識敬造老
君孔子尹真人三象此其意重君親而以孔子則李尹
間甚無謂又有僞作孔子福地記云崗山間有伏龍鄉
可避水避病夫以茅山祠柱下史未盡合況孔子乎出
祠數十武爲流玉亭泉九曲溧陽史氏鑿源出上宮龍
池而喜客併入焉道左有洞泉二字碑石封之上有朴
樹云泉通海爲人所汗風雷示異又有小螺取拭目輒
大泌山房集 卷之六十一 記 三十一

佳至五雲觀觀外有小碑宋景祐中書門下下五雲觀
牒過華陽洞洞可偃僂入者數十步其中遠不可窮類
林屋隔凡句曲洞宮有五門南兩便門東西北各一虛
空之內有石階曲出承門口得往來上下都不覺是洞
天中謂是外之道路中君云東便門在中茅東小茅阿
口從此入至洞天最近而外口甚小以石塞之東門似
在柏枝有兩三洞口恐真門外亦不開南便門外雖大
開內已被塞緣穢氣多也華陽中有玉碣文鄧夫人語
許長史妻此仙要言解此則仙今文自傳而玉碣當還
歸天上矣陶隱居華陽頌十五篇讚述此山洞內外事

欲于昭靈臺前立小碣子未辦作石其文具在無樹碣
者紛紛惡札爲石災良可懊惱又數十武有玉柱洞狹
而石差潤是新鑿出意或與華陽通已入元符宮觀正
統時賜藏經勅

上賜玉樞寶經象在上經在下後有符有朱賜玉柄劍
不滿三尺繡澁已甚有玉圭有方諸研有玉鎮新符文
曰全明天帝日勅有玉印九疊篆其右都曹印三字甚
明蓋本朝物而道士詭言傳國璽可發一笑有趙子昂
九天生神章經爲錢塘隱真庵道士何道堅書中失十
二行倩拙手補後有趙雍題曰先平章暮年筆復有道
大泌山房集 卷之六十一 記 三十一

流吳全節題此經爲元符道人史姓者所得以質錢史
金吾元乘其子復以歸觀要不敢信爲子昂雍與吳題
字相類疑是二人臨本耳雨垂垂欲下道士促歸余聞
蝗以旱生保命君有丞四人一主雨水理禁伯亦主雨
水若請雨宜併爲辭果得雨除蝗余將爲民請命何惜
効遊昇夫請窮日之力無煩再舉從之至積金峰相傳
峰以秦皇瘞金名按金陵有二有秣陵之金陵有句曲
之金陵河圖中要元篇句曲之壇其間有陵兵病不生
洪波不登稽神樞曰金陵者洞虛膏腴句曲地肺土似
北印堅實宜禾穀掘作井似長安鳳門外井水色白

都不學道居其土飲其水亦令人壽考是金津潤液之所溉大茅山相連長阿中有連石古名積金山此中甚多金物秦時名爲句金之壇以洞天內有金壇百丈外有積金山亦因積金爲壇號其非秦所瘞可知且天市壇四面皆有寶金白玉各八九千斤入地九尺又曰山生黃金近東處碎石往往有金沙苗山亦有金可往採王莽時黃金百鎰光武遣使者吳倫賚金五十斤在小茅山獨高處埴上有聚入地三四尺安得秦有瘞金不載耶茅君臨去時曾埋金欲服金者任取但不中以營私累太上官中歇以青金爲誓然後發行受錄者齊金

大泌山房集

卷之六十一

記二十四

張一并諸幣以見師師受贊以錄受之仍剖金環持其半以爲約許氏書亦云然此自鼎鑊所須而誤以營私愚矣觀後玉皇閣右石名飛來即本山中所未移者漫爲之名耳已至二峰有德祐觀玄嶺高處司命埋西湖玉門丹砂六千斤山左右當泉水水流赤色飲之益人抱朴子以石丹泉與太華井泉無異爲作銘泉所在有之無赤色者已至三峰有仁佑觀神座右有石亦修觀時未及剗削余謂此亦可名飛來泉爲一衆漢明帝修句曲真人廟了無遺趾二觀應門財一兩人作可憐之色游興易倦歸而禮黃冠祝釐方輒爲謝昇夫不但饒

濟勝具其興故不減吾輩矣枕上聞簷溜竊虞不成行遲明雨漸微之園中觀許長史丹井石孔二分陰陽水氣冬則左孔出夏則右孔出問徐鉉銘不知所在門有池池前三土壘不及丈曰三星真誥言長史所營宅對東面有雷平山參龍池周時雷氏養龍在此後姜叔茂田翁亦居焉宋真宗遣中使禱龍取二龍中路風雨失其一持一龍至闕下其形可異爲歌記之恐此龍亦天書之類也山北有柳汧水或名田公泉玉沙流津浣衣不用灰當在此地而泉湮矣已謁貞白墓披草莽有篆字碑元泰定時立梁昭明邵陵王唐司馬子微碑俱亡

大泌山房集

卷之六十一

記二十五

神仙感遇傳言桓闢不知何許人事隱居執役十年無所營爲一日青童自空下曰命求桓先生隱居默然問所修何道至此曰修默朝之道陶君欲師之桓執謙卑不肯服天衣昇天而去三日密降陶室曰君陰功著以本草蟲蟲水蛭輩爲業功雖及人而害于物須一紀解形辭世邵陵王隱居碑云弟子桓法闢等慕遙風于縑氏結餘想于喬陽勒三碑而相質騰絳霄而流芳別傳桓法闢字季舒東海丹徒人陶隱居高第弟子于鬱岡築玄洲精舍周處士弘讓題其壁王僧辨使陸冕圖闢與已形及周處士象于便面寫闢與僧辨書于障世有

指間爲隱居執爨者宋道士賈善翔集高道傳謬用其說隱居書間入山詩及隱君墓碑可考豈兩人一名閻一名法閻耶既以昇天又下降爲隱君立碑耶雨未已永短後強而登雷平山有故祠址石子徑猶可辨也乾元觀主使人來導行將至里許松栢夾道時有梧竹輔之峭蒨可入其地俗呼大橫山實名鬱岡名山記所謂岡山下泉水李明于此合神丹而昇玄洲陶貞白因之建鬱岡齋室宋朱真人爲觀業已蕪沒獨碑在雲陽陳輔造七閭蔡儀書土人仆之地一夕風霆作其上碑植立如故裂石合而復生石白文所支鐵屑亦成石字無

大泌山房集

卷之六十一

記二十六

一損遠近駭異道人閻希言來卜居與其徒江木實剪刈蓬蒿荆棘而宮之希言逝其徒李徹度以道行名新觀舊趾事閻禁中爲賜道藏經命其徒李敬順視作而徹度去之天子都敬順竭廢從事人施者衆其教奉全真淨潔與諸道流殊餐風之士栖集其中有山東蕭乾陽頗諳玄宗物化矣余雅聞遷安王合中號九靈子少遭家難出家於陰陽五行諸家多所通曉訪之團焦一龕一衲叩會極有省問余曾學調息乎真人之息以踵衆人之息以喉在踵者安可調今仕宦必欲棄天下而自爲殊不其然貴以身爲天下則可寄于天下愛以身

爲天下乃可以託于天下聖人後其身而身先外其身而身存此寧獨善其身者積功滿千有過得仙巖居川觀不踐生蟲不履生草不食生物爲功幾何孰與仕宦立功之大且久也道德經終篇既以爲人已愈有既以與人已愈多天之道利而不害聖人之道爲而不爭不害不爭見爲細行而五千言廣大精微畢具矣余嘗見一君示楊許至寂非弘順之主愴然非教授之匠故當向以領無李含光對唐玄宗言道德公也輕舉公中私也王語固自有本示余所爲宗源類叅同悟真而本于易陶隱居之參差經術跌蕩辭藻其庶幾乎夜宿敬

大泌山房集

卷之六十一

記二十七

順別室因憶陶貞白愛山水每經澗谷吐卧其間吟咏盤桓不能已已謂門人曰見朱門廣厦識其華樂而無欲往之心望高巖瞰大澤雖知此難立直恒欲就之永明中求祿得輒差舛若不爾寧得爲今日之事豈惟是有仙相亦緣勢使之然馬樞得邵陵王書二萬卷肆志尋覽殆將周徧喟然嘆曰貴爵位者以巢山爲桎梏愛山林者以伊呂爲管庫東名實則芻芥柱下之言翫清虛則糠粃席上之說稽之篤論亦各從其好也此求志之士望塗而息天不惠高尚何山林之無聞甚乎乃隱于茅山有終焉之志後以門人勸應聘行則志亦未竟

遂極目精洞黃能視閭中物有白燕一雙巢其庭樹馴狎欄廡時至几案春來秋去幾三十年蓋有道術者似從萬卷中悟入陶之弘覽博物更出其上余讀書遠謝二君且無仙相而號山水仕多差舛略相似今入仙都猶以兒女繫戀未即解脫何無志分若是愧之汗下晨起觀李明真人丹井丹泉泉有三合而爲井與九靈偕游魏元君洗心池水出石中可二三石不涸不溢池上小閣祠王重陽四隅劣容一人下祠江文谷旁有元君祠行數十武得燕口洞可坐兩三人一名緝麻元君緝麻其中志有燕洞官爲仙女錢妙真化所梁邵陵王爲

大泌山房集

卷之六十一

記二十九

記池亦是其跡有溪蓀紫色生淺水中而託爲元君爲張道陵母何也又方隅洞在方隅山上洞二門其一卽燕口亦不可辨取逕而上有石棋枰界道宛然亦後人爲之今墮矣再上有石橋石根隱嵒相屬橋高廣不過五尺九靈云歲覺長校渠初來時高一尺許下至大池爲堤廣丈許長十丈許蓋以障山中諸泉若雨水爲灌田計者昔郭四朝于許史舍前造塘高其堤岸遏柳沂小得深朝乘小船遊戲有扣船歌四首歷代久遠塘牆頽下居民猶呼一平澤地爲郭于此池自不可少欲于堤上建亭亦佳又欲于鬱岡巔爲三茅君祠山以茅

得名惟王晨專祠而諸官多置之廊廡於義未安此舉良是余謂其後當作小齋以志貞白之舊九靈唯唯止矣復入飯而歸相傳吳太伯初逃至此越駢王亦逃此卽莊子所云王子搜從之丹穴越人薰之以艾者也顧著作況有山房都莫可踪跡山中有鳥曰山和尚似鵲而斑每呼曰前山裏去前山吃果去音甚明徹未得聞也泰孝王時道士周大賓於句曲山下種五果有地名姜巴路姜茂泰孝文時封巴陵侯種五果五辛菜不審爲何品至于五種神芝身非仙骨自難遇耳山未開時雅稱仙境而近代人烟輻湊漸鑿渾沌之竅自元旦

大泌山房集

卷之六十一

記二十九

至三月十八香火特盛秋時人絕少四履膏腴田百萬悉入民家道流牧馬飯牛察鷄豚供徭役復苦胥吏追呼如玉晨者其右房盡轉鬻他人與民家通上官富者有千金產而未嘗掃除牛渤馬洩積與階平神明隲區穢牒已極欲望雲裝烟駕之至止也其可得乎觀妙先生朱自英曰道士當巖居穴處勤修上道遵保大茅君苦行然後可報國恩若效西方土木莊嚴非老氏慈儉之教此論自奉則可奉神則不可乾元中興闕仙整潔百人同金而炊蔬素無他第山田入薄不足供億余自濁入清差爲一快非此則俗物敗人意不可駐足山甫

張然而咍曰君所至考典故斯異同彼善於此耳上真視之不免謂俗余爲之悚然意下矣

余師爲游茅山記而於山中往事竊有疑焉司命高祖
 梁師邑歌曰神仙得者茅初成駕龍一昇入太清時下
 是州戲赤城龜世而往在我盈邑人何以前知司命之
 名或歌亦如後世識語司命或因邑歌而取名如劉更
 生耶三君不往謁祖祖下玄洲戲赤城何以句曲無跡
 跡張釋碑云溪深識玄覽絕塵華嶽及君入山顯乘雲
 駕龍初成未聞眞靈遊茲圖大傳記失載入山顯乘雲
 位號龍南嶺閭眞靈遊茲圖大傳記失載入山顯乘雲
 二天左位司命東嶽上眞卿太元眞人茅君諱盈字
 叔申二茅君在第四天左位曰句曲眞人茅君諱盈字
 茅君註諱固字季偉爲地眞初成亦在第四天直書名
 官保命小游君而中位曰右禁郎定錄眞君中茅君治
 華陽洞天拔仙迹似孫不遠祖乃今位業祖不遠孫耶
 二茅旣四又六何也位業圖或疑非眞白華中不遠孫耶
 大泌山房集卷之六十一記三十

因鶴集處分句曲山爲大茅君中茅君小茅君三山焉
統而言之盡是句曲一山無異名也定錄君曰句曲自
是司命別官吾人亦不錄爲洞臺之正主而位紫圖云
第六天中位右禁郎定錄眞君中茅君玄洲赤城非祖
也情莫親于祖孫不乞靈眞而乞他人玄洲赤城非祖
下戲地耶何不式靈之有所教訓豈其祖德隆庇不必
顯示耶信如王君言祖德鍾靈及孫乃位業不如孫耶
道莫高于王母而必假上元轉授豈所授猶非至道耶
事莫難于仙而兄弟可以私情請求富貴驕淫之士一
旦脫離凡境有非積行累功所敢望者仙功滿二百孫
雖有過得仙功滿三百遇不足相補者仙功滿二百孫
仙子無過又無功德藉先人功德便得仙無志多過可
得富貴仙不可冀千而下三百而上若爲差次如初成
有太平無虞記神仙第五卷茅濛咸陽南幽州人也十一卷
之大茅君盈不言何許人第十卷茅君事同豈兩入耶鑑
以二茅三茅附大茅大茅仙傳大茅君成後兩茅辭官學仙而其
道專受之于兄無他師于王母條下載大茅受經王母
南治句曲之山京帝元壽二年八月南嶽眞人西城王
大泌山房集

君等並從王母降茅君室使四使者授王策諸物宴罷
王母携王君及大茅省顧兩弟王母命上元夫人授以
太霄隱君丹景道精等四部寶經又命侍女張靈子執
交信之盟授之事訖每升天去則兩弟以兄成仙便得
俗隔傳聞說誤依託附會難必實耳得道者常恨不早
聞受失道者常恨不精勤當如射箭直往不顧始造瑯
的然而青光先生谷希子南岳松子長里先生墨羽之
然皆太極眞人所友或太上玄帝所念典與眞正外混
不學道而仙自來過此以下皆須篤志內明眞正外混
命許乂何在修何道答曰此我鄉里士內明眞正外混
世業是鄉里故舊容相援引不但子孫兄弟矣甄命受
則謂南岳松子爲太虎眞人谷希子爲右仙公皆有道
相傳豈得道在成仙之後耶南陽樂子長淳朴之自然
師不受順天任命不知修生之方行不犯惡德合自然
雖不受延年度世死登福堂練神受氣名登帝錄補修
門部位亞仙次此非罔兩可得玄珠者耶而不免死何
也命謂度世苦功無一積惡不改其罪已定今臨
命方候修德以自濟免徒費千金之用不亦晚乎是矣
吳沐醑吏未純因幼郭靜孤竿范伯慈事俗並世間薄

途遂能得道足知心之所造非關善惡何也貞白別有
周氏真通記其人名子良司馬括蒼曰學道不勤而得
道者乃周生乎記事頗詳而多之夢見夜受印與
語而往言相授受何四兄弟猶得之少而許蕭子雲
二而必授元郭八人猶得之少而許蕭子雲
此或裴拔宅元郭八人猶得之少而許蕭子雲
茅井不復得丹不識何物其一中吞化爲鶴飛去其
由耳不復得丹不識何物其一中吞化爲鶴飛去其
寓就動神候方人謂足食仕宦中冠不得禮道室家
未可動神候方人謂足食仕宦中冠不得禮道室家
至道應劭漢官儀載自崔暕表云許敬可去隱耶已
所陰德流後官儀載自崔暕表云許敬可去隱耶已
台鼎無與定錄並多三陽功著世所以年且永身安
仙得無與定錄並多三陽功著世所以年且永身安
位慕無與定錄並多三陽功著世所以年且永身安
大泌山房集卷之六十一許邁下遇泰上父曰君元
古自天宜學升遐之道邁隱迹潛遁乃候之未
通五岳子往來茅洞至時節還山之洞庭西門潛
觀存也爲書遺其婦曰欲問懸壺之響山鳥之音以
蕭部九成不能勝也偶景青蔥之下息巖岫之音以
爲離別矣遺妻孫宏女未審適所終志絕于此吾其
長亦何待遺妻孫宏女未審適所終志絕于此吾其
若難得何等之易得之復不難也陶隱居爲長史耳日
而十二世又似與上說不合考司馬隱居爲長史耳日
年百八歲出家四十九而歸金吾已九十三歲生景帝
三年至宣帝元四年轉執金吾已九十三歲生景帝
元年宣帝元四年轉執金吾已九十三歲生景帝
人爵超然物表二弟辭官求道百歲有本隱居曾夢
或年歲未確也釋無生道長百歲有本隱居曾夢
佛授菩提記云名爲勝無生道長百歲有本隱居曾夢
誓受五大戒其遺命着舊永上乃生戒及臂衣鉢冠
法服左肘錄鈴右肘藥鈴佩符絡左腋下繞腰穿環絡

于前叙符于鬚通以大衆宗模余蒙百足明器有車馬
道人道士此在門中道人左道士右道亦覺粘滯已甚
其答朝士訪仙佛兩法體性書曰凡道者亦覺粘滯已甚
神形神合特則仙佛兩法體性書曰凡道者亦覺粘滯已甚
合佛鍊鍊上極離亦合仙道所依今問以爲時此
仙是鍊鍊上極離亦合仙道所依今問以爲時此
上力既鍊鍊上極離亦合仙道所依今問以爲時此
以樂石鍊鍊上極離亦合仙道所依今問以爲時此
解其鍊鍊上極離亦合仙道所依今問以爲時此
進解其鍊鍊上極離亦合仙道所依今問以爲時此
了而示跡無窮功令則或存或亡於各隨所修則
遺好行陰德極窮功令則或存或亡於各隨所修則
與晉陵薛德極窮功令則或存或亡於各隨所修則
永中隱居一遇便盡素契陶後解綬結宇中茅仍請負
度相就經典藥術常並論之負解綬結宇中茅仍請負
人欲刊定經典藥術常並論之負解綬結宇中茅仍請負
方龍山房集卷之六十一許邁下遇泰上父曰君元
海宮耶仙障有九名居其一故有三朝浮名之嘆五緯
無不就白晝帝路從狗寶一過史雄黃後合飛丹名
善霜雪一名成勝並爲佳隱居自升未嘗不中又無
帝所獻非其至耶抑隱居自升未嘗不中又無
與仙真丹殊耶史言父爲妾所害弘景終身不娶又云
母夢青龍無尾自己升天果不娶弘景終身不娶又云
夜雲照帳孤鳴寒月微寒風聲愁絕山霜滿高烟平
華雲照帳孤鳴寒月微寒風聲愁絕山霜滿高烟平
勝虎思來誰能忍大似閑情遊戲耶愁若嬰兒姪女
之術耶按生母通記玄人周子良德聊當一笑影居弟
十臨化時生母通記玄人周子良德聊當一笑影居弟
莫聲不異于生造家東周此後音影未通寐寐客覽
鮮淨不異于生造家東周此後音影未通寐寐客覽
陶氏其性命雙修天佛同歸固在師前而陶之示跡大
陽林陵人今刻白雙修天佛同歸固在師前而陶之示跡大
陽乃陶上世蓋三代前事共徙居丹陽已十三世矣而

道明與通明字異茅司徒廟云有人病疾卧道邊有導
從乘馬者與之藥問曰我茅司徒也且而愈因立廟乾
元觀東以司徒為茅容考容傳附郭林宗後並不立廟
錄又有官職而字季偉與中茅君同或即中茅君耳乃定
所謂司徒而第六天之左位季偉乃中茅耶抑仙階有
升遷故河見耶諸事未關至極愚情
殊不曉所以未敢諸疑因筆記之

大泌山房集卷之六十二

京山李維楨本寧著

鎮遠侯世家

舊史氏曰司馬子長為漢臣諸侯年表四將相名臣年
表一高祖功臣侯者百三十人獨蕭曹張絳侯列世家
抑何難也其言曰漢興至太初百年間見侯五餘以食
邑富厚子孫驕溢坐法隕命亡國耗矣罔亦少密焉明
二祖封功臣與漢等漢爵一明爵三侯介公伯中奉邑
取虛名雖祿千石實歲入不過五百金今二百餘年守
故封者視太初見侯十之國恩良厚矣哉然無功而貴
大泌山房集 卷之六十二 世家 一

仕父兄之教不先子弟之率不謹其人能以材武行誼
紹延令緒者與有幾作鎮遠侯世家

鎮遠侯顧成字景韶其先湖廣湘潭人也曾王父百四
王父千二父萬一以輯濯土至江都相筑籬灣居焉遂
為諸賈綱紀族眾善武藝號拳棒顧家成豐碩魁岸膂
力絕人橫槊舍矢如擲如樹稍長受書略上口而已生
平為氣見強暴必摧服之能亂流而濟文其身禦水怪
人目之顧花子北遊遇賊薄舟眾莫敢格成奮棘矜偏
袒而馳賊驚辟易數里張士誠僭王泰州成見之羞其
不足從游裝為去

高帝取太平路成聞其英傑來歸隸麾下執蓋出入未嘗有過從元帥者林渡江與十一人肉薄登鎮江城口且入無繼者被縛坐沙上屬劔于頸成大呼縛斷起踣執刀人跳驅或昇以斧追者摺伏及水與齋俱入與汨俱出達隊主所語其衆曰城中士不耐戰可取也一戰克之授百戶青軍據揚州成念母往說使降酒中有甘心成者成覺耳目非是佯入廁出載母及昆季行青軍得其徒一人炙而食之矣從攻常州弩傷頸不顧常州平克宣州擢爲旅正克江陰從寧河王邵愈克通州擢充千戶攻雙刀趙于樅楊箭傷右足克安慶江州池州

大泌山房集

卷之六十二 世家

二

鎮

與國諸山寨敗陳友諒龍江獲其戰艦及馬友諒還據二郡從中山王徐達復之取其八陣營克南昌援安豐敗元兵克廬州鐵彈傷左臂克武昌鎗傷右臂弩傷左膝除鳳翔衛百戶克荊州衡州從開平王常遇春克襄陽歸克泰州收馬騾港守禦興化從徐達攻破舊館克湖州吳元年克蘇州弩傷左右手及左足擢金吾衛副千戶洪武元年授武略將軍扈從北狩返至陳州舟忽膠篙工數十百人無如何成以背負舟舟決然行帝壯之擢堅城衛指揮僉事破信陽唐州興安諸寨所獲生口廉問其親知歸之衆大悅河南平授宣武將軍

與世襲從臨江侯陳德征蜀至青州生得僞太尉諸將二十許人斬首百至隆安羅江生得僞平章元帥等十有二人駐漢州敗其僞丞相知院兵逐北至成都小東郭降之還攻青川拔之蜀平以所居官銓成都後衛守蜀征重慶妖賊王玄保玄保遁獲其季父而蒙力士以常服持季父泣呼曰官軍幸去若安在玄保應聲出力士挺斃之并禽其黨萬戶李邦祖等改銓貴州衛建石門五西南臨河東北浚池而四衛盡地守之繕城郭起塢候關梁之險多所襟帶討新添甕傍蠻犍犍叛者克洛邦洛河諸寨俘三十人斬四百一十二人以寨降者

大泌山房集

卷之六十二 世家

三

鎮

十有三招土官王萬全以明氏金牌銅印降俘五百人賊圍乖西我軍有死者成奮擊自未至酉大敗之俘五人斬九十六人捕黃絲諸堡賊斬十有八人以徇進階廣威將軍與世襲龍小思叛引兵深入巢穴小思遁斬其黨龍猪狗等至饒平禽三十三人斬一百四人至猛藏卜空河俘二人斬七人至西園俘寨主債義空桶十五人斬四十八人夷人震壘號顧老虎以止小兒啼從顧川侯傅友德征雲南克普定因移守之從安陸侯吳復征西堡斬八百人俘一百六十八人蠻婦衆可二萬聞我四門諸將爭言戰成曰彼衆我寡出則坐見短矣

俟其及柵然後可及柵擐甲乘馬出北門手殺前拒者十許人諸將噪而出東西門賊却逐之各有斬獲而縱一人使語圍南門賊夜盡殺爾屆期賊聞角聲懼而遁圍解俘斬凡八百人普定城北二里有歡喜嶺以此戰得名也攻阿咱等寨斬四十餘人攻勝土斬九人俘六人賊來侵軼我斬五十四人攻落角當硬寨破之斬五百五十人攻西堡賊首阿黑寨斬一百七十人破浦則諸寨斬一百七十人擢昭勇將軍移普定衛指揮使世襲上遣奉御謝榮資金帶一金龍紵絲襖三賜之貴州人至今號龍衣指揮家攻阿黑螺蛳狍狍諸寨俘九人斬

大泌山房集 卷之六十二 世家 四

四百三十人征七百房破諸寨俘三十人斬九十人從黔寧王沐英征蠻次尾灑酋馬乃怖駭迎降於水禾仲家寨置槍梟儲胥其中攻阿黑瓦硬砦斬一百四十人俘二十人阿黑走搜捕小西界獲之俘二十人斬一百五十人征乖西苗斬三百六十人俘九十人土官阿束阿宗以衆叛時精兵俱在東川衆以炎蒸兵善病宜需後舉成撫劔厲聲曰義不反顧役不再藉矣嬰城固守時將騎數十縱賊疑殺阿宗出降部落悉平普定故羅甸國元爲府隸雲南我兵克之官其長者額爲知府者額以成爲柱置心不便將傳刃焉其黨以語金筑安撫

密定密定告成成執首者以聞者額貶死罷府以民隸衛設三州六長官司成舉諸校有功及酋可任者官之分棄前思布昭恩信民夷樂業廣西泗城知州岑張兄弟仇殺成以一介爲辯而定自克普定凡斬賊四千五百人俘六百九十人二十五年入朝賜四百金及鈔幣上曰十四年命三十六萬人下雲南留周能大理袁張四楚雄顧花子普定蠻反惟成相救如符要徵執而取之日宴會同館鑄普定衛軍民指揮使司印予之擢貴州都司都指揮同知征康佐諸長官司九十九寨蠻俘渠率安采等五百人斬二千六百六十人降三千七百

大泌山房集 卷之六十二 世家 五

五十四人今副長官薛福壽召民授田廬頒租挈攻西堡峒賊俘八十七人斬一百三十一人降二百八十二人入通租三千六百石討阿德諸砦賊酋掠我境者禽其長七十人尸之斬從賊一千六百二十人降一千五百六十人土官阿傍亂攻之破獅子孔白石峴諸砦俘二十三人斬三千一百四十人降二千一百五十人征都勻豐寧長官司賊破其砦俘六百八十人送京師斬五千五百人降四千六百五十人入賀萬壽擢驃騎將軍右軍都督府都督僉事以子統爲普定衛指揮使未幾水西酋居宗必登不科阿加等戕普安衛官軍

上命成總兵佩征南將軍印勦之破關木諸寨斬三千三百人俘二千六百人馬百三十三匹時西平侯沐春亦令宣慰安的招密羅歸濟阿尼三寨而不料阿加地斗入山難進兵賊酋卜刺讚遁與土官阿火者助必登成使其息統懸重購誘禽卜刺讚復射殺阿火者必登援絕遠遁而五開蠻亂平羌將軍齊讓討之無功命左軍都督楊文爲征虜前將軍代之命成策應成破臻部六峒俘二百九十人斬九百三十人降七百六十人已從楚王楨湘王栢勦天柱天堂春花金井蒲頭大坪小坪諸生苗俘一百四十人斬一千四百三十人降一千八百

大泌山房集

卷之六十二 世家

六

續

十人水西阿曠畢所部酋么不率化屹阿由那與西堡滄浪諸寨長畢莫者亂西堡賊阿革傍等復合阿黎爲寇成率指揮使陸秉與統分道擊敗之斬一百一十人降二百九十人

建文帝立討平洲六洞長官司苗坡羨塘光金蒙臺蠻一百三十七砦及龍里諸蠻前後斬二千八百六十人俘二千八百五十人招雍郎尅渡諸砦來降駐師常德上命錦衣衛指揮使談全諭班師還京署右軍都督府事靖難師起命往山西練兵已從長興侯耿炳文駙馬都尉李堅都督寧忠等攻北平初張保降燕言炳文兵

三十萬先至者十三萬分營渚沱河南北

文帝厚撫保遣之詐言被執得脫及雄鄭兵敗狀燕兵旦夕至河南北兵併力禦之爲易炳文因移南營渡河文帝至真定炳文逆戰敗奔燕將朱能追至炳文衆尚數萬列陣向能能貫願奮戟衝陣衆狼顧不支相駢藉死棄甲降者三千餘人堅忠及成皆止麋之

文帝釋成囚曰

皇考有靈以汝授我泣而語以不得已稱兵之故成亦泣數行下遣還北平輔

仁守居守而成治壕塹造九門諸守禦具咸備南軍攻

大泌山房集

卷之六十二 世家

七

續

百方機變械飾卒不可拔每與姚廣孝議不相中或問曰成南將叵測命出將兵成固辭願得侍帷幄陪末議效尺寸足矣賜以甲冑刀劒弓矢不受大寧之役贊

文帝親行保定受圍啟

仁宗必救皆效

文帝益委心歸計焉南軍攻者一夕忽去成曰是聞大寧師還往搏戰耳作書射南軍剋日戰南軍不成行而文帝得全師歸與守兵合戰屢勝南軍折北矣羣臣勸進成諫不宜或以黃河爲界解何復廷爭非計文帝擢爲後軍府都督同知已爲右都督而先是

建文徵其嬖屬入京憂病死者六人至是又誅十六人以幼獲免者九人耳

文帝立封奉天翊運推誠宣力武臣特進榮祿大夫柱國鎮遠侯賜鐵券世襲食祿一千五百石身免二死子免一死開國功臣永樂始封者成與西寧侯宋晟也元年命鎮守貴州成以西南有征討官軍土軍兼進宜并練之庶可支久

上曰卿策固善夷人憚拘檢役同官軍將怨我擾是在卿酌之蠻以成留京師故跳梁比至列蠻庭下饗以酒食蠻歸曰顧老虎來矣相率譁服謝罪誓不復反鳥撒

大泌山房集

卷之六十二

世家

八

錄

永西兩家開令指揮蔡禮劉彪質責之刑牲而盟抵安新添諸衛蠻五百八十寨十有七房康佐長官司歲輸糧普定改輸安南相距三百五十里往復半月人須負食米三斗成請仍輸普定

上諭賞奏者此小事侯決於外不從中制惟大事來自耳成置奏上雲南兩廣蠻賊如龜上駭除東南倭狡沿海嚴防亦無足慮惟北虜遺孽點悍遷徙烏舉即之如搏景終爲國患及今小康數使使賞賚慰藉偵伺動靜高城浚隍屯田積粟厲兵秣馬不宜一日懈若留家漠北輕兵入寇據險設覆彼騎不得施出不得展蹈瑕候

間哉可得志如是數年虜難抒矣國家大事臣所欲言者早立東宮贊萬機使天下臣民共享太平之福奏御上荅曰卿忠而自信勇而善謀輔成匡濟勞績居多往

鎮舊邦用佚高年乃情帝室憂深思遠誠切志謙深惟啓沃良足褒嘉遣使賜綺羅紗絹用酬惓惓至可領也上謂侍臣大武不遠涉朕休兵息民守在四夷成言甚合朕意斯人老成非喜功好勝之流以是獎之成使人進馬復陳邊務勅勞之曰卿建明遠略思慮周密允契朕心特遣人賜二百金及鈔段成使土人襲福民于水西諸夷招出男婦四百五十人附籍福民入奏詔除的大泌山房集

卷之六十二

世家

九

輿

澄河巡檢子勇率土官入覲除貴州衛指揮同知招合江州十五寨寨長光眼等黃平叛蠻于董信等新添長官虎蹄等十一寨內附永寧宣撫阿聶爲其下所殺弟赤水宣撫阿智與謀且欲劫其兄妻奢蘇成伴阿智送京師奏以奢蘇襲夫職撫其地

上念成久于外命錦衣衛千戶張綱召還京車駕將北狩欲成佐監國也

上嘗宴見從容語次問卿兒若何成曰臣長兒蒙

高皇帝予貴州都司成奏兒性剛難任都司與之普定指揮建文賜死矣次兒勇貴州衛指揮性溫柔曉事亦

閑騎射嫌貌寢耳

上曰勇不在大又與論交趾事成曰日南瘴熱懸隔中華步軍轉者踵軍數十萬重不及事

上曰廣西海中可去成曰臣年迫餘日索矣設未老猶堪一行

上曰貴州不可無卿成因言

皇太子孝友仁厚恭勤明達社稷有奉臣不勝大幸廷臣多智識深長非愚臣所及蠻夷雖服狼子野心易爲亂力求還鎮許之入辭

仁宗進曰殿下事君父恤兵民素行有誠惟宵人當寘大泌山房集卷之六十二 世家 十

度外萬事有大理不足介懷蓋趙庶人蓄他志不樂成在內云宣慰司宋斌奏其屬谷勞玉石等寨蠻連結酋宋阿禰等爲亂勅勦之斬賊首暮向等八百餘人餘黨奔殫諭以禍福相繼降宋阿禰間道詣闕言事

上命成驗之安城京師棄市四川播州宣慰使楊昇請勦當科篤雍等十一寨賊

上勅昇曰蠻夷非我族類其心必異自古記之矣用兵卽一方胥遭荼毒宜先撫諭設不從有鎮遠侯成在聽經略可也成使鎮撫胡敬敷奏事羣臣莫得聞

上手答諸事朕已悉爾未可來以成從子瞻承蜀王椿

中女富順郡主而召共在京孫長壽賜之勅曰久不見

卿夢寐不忘強食自愛用副朕懷其倚任如此垂邊諸寨內侵子勇俘二人斬賊五十三人餘聽撫播州清平

平越都勻普定一百九十五寨賊首盧董信等內附古木百咬諸寨蠻亂屬指揮蔡禮督女官奢蘇等禽其長

七人下其寨五十六貴州人爲成生立祠成決上上可許祠成奉表謝子孫今環祠而居正統時命有

司春秋致祭湖廣思州臺羅諸寨苗普亮等亂上方犁虜庭

仁宗言大泌山房集卷之六十二 世家 十一

上上曰鎮遠侯老將知兵帶脇諸蠻夷令簡師胥後命永寧宣撫司啓

仁宗蘭州等蠻辰州竿子坪苗長官吳者泥等叛命成處分成招下吳者泥等七寨都勻衛陳蒙爛土攀村口

十二寨不從招者宵軍之斬一十七人皆降上聞成病遣醫診視復征攀村諸寨蠻賊斬三百七十

人諸蠻俱降初思南宣慰使田宗鼎副使黃禧構怨累年朝廷雖惡宗鼎以田氏世守其地優容之而改禧爲

辰州知府思州宣慰使田琛亦與宗鼎有怨禧結琛圖宗鼎禍罕未已禧益橫虐其民民苦之琛自稱天主妻

地主并攻思南宗鼎室逃琛殺其弟發其墓而戮其母屍縗索其貲所過殘暴宗鼎訴於朝勅琛對簿不至使桀黠奴張勝依教坊司官吏勉入內供奉將乘間爲變事覺命行人蔣廷贊往召之而勅成以兵五萬壓其境諸黨懼禽琛禧送京師琛妻復誘臺羅寨蠻爲亂冀遣琛還可免死詔錮琛等以宗鼎自歸末減復職歸思南而宗鼎奏必得報怨兩家

上惡之留不遣宗鼎誣其祖母與禧姦實造禍本而竊損衣食欲殺之祖母亦發宗鼎縊殺親母詣不法狀

上下刑部訊諭戶部尚書夏原吉等曰本意官兩人以大必山房集

卷之六十二 世家 十二

劉

安土人顧爲土人害其以思州二十二長官司爲思州新化黎平石阡四府思南十七長官司爲思南鎮遠銅仁烏羅四府鎮遠州婺川縣隨地分隸而于貴州衛設承宣布政使司按察司總入府仍與貴州都司同領貴州宣慰使司其布政司官屬俱用流官府以下參用土官諸疆理城隍邸廨祠社多成所經營也

上初密勅成曰播州宣慰楊昇奏琛禧聞天誅必竄古州請以貴州兵斷古州偏橋鎮遠路播州兵自禽琛等若計宜者卽約昇行之有不當無諱又勅曰琛罪不容死宗鼎次之欲遣歸思南播惡且甚於琛爾深知彼中

人情事勢緘書郵聞毋露章

上實采成秘謀諸賊亦憚成無蠢動者師還而清水江革真寨賊叛誅一百六人并其魁宋阿留普安遺寇暗希復爲害督安撫慈長撫定之還我兵亡者六百六十人伍臺羅苗反以成及都督蔡福共討之而遣中使馬賢勅成馳報曲折已勦三水孔寨至邛水天柱分道進抵小平春花金井中林諸山箐俘斬僞普天王普亮僞平定侯王忠軍師楊賢二楊再志等獻之成復病

上以二醫費藥治命班師疾稍侵服朝服北面稽首奉表謝訓子孫曰吾起徒步遇

大必山房集

卷之六十二 世家 十三

劉

聖明免累臣位通侯躋耄耄何所憾汝曹守禮法行忠孝無貽地下人辱其日陰晦欲雨不雨有赤光如電從窓隙入臥所聲訇然遂卒雷雨大作衆聞祠中若萬人馬馳驟聲

仁宗遣官致祭

上還京惜之以明玉珍僭號夏貴州其竊據地成戰功于貴州最追封夏國公謚武毅成愛士卒瞻察飲食居處拊循疾痛門閭之屬皆加恩儲信賞必罰人爲盡力所將常選捷無虛月既貴未嘗倨見賓客問疾者引入訣別肅衣冠與言疊疊無倦貴州遐方踈俗殊鄰絕黨

之域開藩樹屏文物齒于中華成之力也庶幾哉於漢家勲與馬伏波諸葛忠武相編矣莽策維濟舟車孔道率樹鬱葱鳥集無萬數觀者以爲地靈人傑之占云統成長子也字總威初名克嗣成普定衛指揮使征水西蠻居宗破硬寨安那關斬四百人俘四百人土官阿傍把事卜刺讚卜工杓寨長阿火者誘而殺之征五開蠻破岑輦人岑鼎山征橫坡絞伍諸寨勦臺耶米毫賊俘三十人車一千三百人征哨萬朝諸寨俘斬三百人征西堡蠻攻阿姜硬寨至水西落么俘斬五百人誅滄浪六寨賊首五人

大泌山房集

卷之六十二 世家 十四

鎮

是文帝徵還遇害勇成第五子也平江伯陳瑄都督陳懷及御史按察司舉諸衛指揮使能治軍者二十七人勇與焉擢貴州都司合江州化從諸寨長章翁同等引廣西賊章萬良等叛勇兵入梅花洞平之正統初命鎮守普定蠻阿遲阿哈等僭號爲妖書焚公署流劫四境勇捕得阿哈并其從械送京師

英宗梟阿哈餘宥死戍廣西家屬給官兵從征麓川斬賊首十餘人進攻刀招漢寨與賊戰死之贈都指揮同知賜祭子能請襲兵部以流官例不與

英宗曰勇功多且死王事許其子襲以示勸從子瞻爲

宗人府儀賓先是都督張興爲

文帝言名王樁陰誘死士造戰船有不臣心

文帝曰徐察之蜀王樁懋同母兄也微與共事懋不懋會樁子崇寧王悅燔獲罪於父避懋所懋詭衆曰建文君實不死今在此樁聞之使瞻奏懋藏亡匿叛造舟艦弓弩器械教習戰鬪建天成閣私度僧千人晝夜祝詛以都指揮張成爲師尚父詭言圖謀已于親王中次在十八與懋相應使典寶劉信貽樁寶帶藏識帶匣示之復致書曰德蒼時不可言桓文之事桓文時不可言德蒼之事使匠製燈以獻陰詞事募壯士習音樂擬奏技

大泌山房集

卷之六十二 世家 十五

鎮

殿庭行刑柯政事長史盧庭綱驟諫誣以誹謗勝諸城上指揮唐彰舍人覃常泄其謀輒搥殺之

上得奏歎曰朕待懋若何而不利于朕乎蜀王言不欺與張興符遣中官諭懋逃悅燔還蜀且踪跡所爲賜書獎蜀王有周公之心顧瞻還附黃金二百白金千玉帶龍衣兜羅錦高麗布各累十百米千石胡椒千斤十馬二鞍往致意上飛變之賞無踰此者統子興祖字世延嗣侯順而美髯博覽詩傳旁通諸藝初爲普定衛指揮使從征乖西諸寨征清水江叛蠻宋阿留獲其妻復以成鎮守貴州入貢方物留京扈從至行在承樂已亥遣

之呂梁與人徒傳土治河通漕

文帝北征督山東山西河南餉至沙窩猝遇虜戰敗之至野猪口虜如蝟毛起身被十三創殊死戰虜遁而廣西慶遠峒賊韋錢望等偽稱王侯元帥殺巡按御史諸璞奪其印命與祖率湖廣廣西貴州兵討之湖貴兵戍兩廣自此始也以指揮葛霆先披山通道榜諭脅從自歸兵既集以指揮魯義等爲左哨由賓州遷入寨諸路進以指揮李宣史雄爲右哨由思恩縣諸路進以指揮駱榮爲後勁而自率中軍趨柳州由小安定進斬其偽通天侯韋萬賢無敵大將軍韋公嚮等分擊思恩五十

大泌山房集

卷之六十二

世家

十六

二峒賊斬其偽通天都元帥覃萬兩偽猛烈將軍韋公笑等四千三百四十人獲獐人六百八十四人得御史印歸我男女萬人已平平樂南寧二府樊家等村賊首蘇公夏等八千人俘偽韋王韋萬黃等五百九十人融縣蠻梁羅八自稱梁羅王梁保十自稱梁得天移兵討之皆繫頸乞寬獻俘行在所

上釋之又造橋渡烏泥江斬賊覃公隱等六百八十人仁宗卽位命進士任祖壽勅勞之佩以征蠻將軍印與黔國公沐晟武安侯鄭亨武進伯朱榮都督譚廣費獻諸鎮同賜鎮守臣佩將軍印自此始也已誅忻城縣賊

韋宜等六百四十人降義寧僑獐九百餘人武緣融縣賊廖孟進等偽稱治平王陳宋將軍兵至東泉斬其偽都督韋圓等三百三十九人俘廖孟進送京師還軍駐桂林請留貴州兵二千湖廣兵一千爲捍蔽餘放歸農以思恩州居民僅八百戶割武緣白山峒七百戶隸思恩從之除廣東叅議李守中署案牘事

宣宗卽位命進士楊夔章勅勞之衡州府藍山縣言賊潘康生等內訌

仁宗初勅與祖勦之與祖按視康生等種類自相殘未

敢掬剽鄉聚今款關請一等之罪所掠給主歸官檻車

大泌山房集

卷之六十二

世家

十七

膠致康生等取進止

宣宗貸不誅廣西諸賊復叛分軍出梧州界挫虎天門蒼冒二嶺而冒突露橈沿江攻東寨廖家樓盤入大山諸賊斬周時泰等一千九百人自天門入南平縣大軍駐大藤峽江口殲祿廟諸山賊駕舟入峽抵潯州水陸夾攻武宣縣諸賊獲其魁韋保達傾巢舉落無噍類矣大藤峽者有藤大如斗延亘兩崖諸蠻蟻渡如徒杠然其地以桂平爲前庭象州爲後戶右貴縣左藤縣若兩臂峽以北巢峒星列道惡懸度猿引輒迷謬峽以南山小廉瘠諸村倚江路亦四塞諸徭好殺輕生憚見官府

通向化猿老結城市豪曰招主自稱耕丁招主賂官左
右漏師升峽巔四顧數百里在眉睫間得豫爲備諺云
益有一斗米莫沂藤吹水囊有一陌錢莫上府江船至
是道大通官軍拜舞相賀聲震地而故都指揮葛森妻
許氏告與祖十五罪

上曰大臣責在靖寇安民寧渠如是以兒婦人口罪邊
將非體也命自列與祖首實

上語都御史劉觀等有之遷思回慮其可也又以興祖
言增置桂平平南十縣土官副巡檢各一員凡十五人
舉土人陸扶神等至皆用之流官巡檢相尋死瘴瘴土
人必山房集 卷之六十二 世家 十八

人習貫庶無曠官也蠻覃公旺寇思恩縣覃公新冠河
池縣僞稱都督屬指揮彭舉等爲前鋒而提兵繼入三
十六洞斬大酋韋天黨等一千七十五人執拘公新送
京師誅之已討宜山賊韋穩等夜銜枚行天雨賊熟寢
寤而驚失措斬七百人地遂平於普義里思攬村封屍
爲兩京觀諸峒長韋敬曉等率衆附

上謂兵部尚書張本人情貪生畏死蠻夷同之卿語興
祖體朕意字育諸髮首左言之衆毋致失所興祖休兵
存金夷戢鈔暴嚴斥候設支閫卽水南立墟夷得交易
月以六日名之曰豐樂墟南丹衛甫有城而南平蠻殺

通判張文郁江州土官黃志斌爲叔所殺奪印去崇善
土官知縣趙暹僭王執故左州土官奪印殺其母皆討
平之勅以五千人從成山侯王通征交趾通比失利而
交趾禮縣賊楊伯春合黎利賊僞威遠將軍入犯興祖
以都指揮孫聚兵協討遇於思攬村斬三百三十人

上旌其功交趾僞金吾將軍三萬餘人攻隘留關分軍
四道攻之獲僞威遠將軍斬三百五十人黎賊圍丘溫
聚爲敵樓飛砲神銃禦之賊不敢嚮邇城中糧少屬指
揮使楊政等往餉毋乏御史朱惠等奏如永樂中編戶
儲甲仗同巡檢司兵庀武守興祖應爲犄角

大泌山房集 卷之六十二 世家 十九

上謂兵部臣王驥廣西疲於交趾安能虛內事外已之
而橫州及貴縣賊入欽州殺靈山知縣至馴象衛境興
祖捕得渠魁又勦柳慶府賊韋萬黃韋朝傳等黎利陷
隘留關興祖屯南寧不及赴御史奏興祖宿留逮下錦
衣衛獄尋釋之命祭夏禹王宋孝宗理宗陵南鎮會稽
山持節封代王二子爲郡王命領五軍左哨命同豐城
侯李賢兵部侍郎鄭辰都察院右僉都御史丁濬于通
州運糧二百萬石貯宣府大同興祖言運軍自通州至
懷來九堡堡四千六百人自懷來至萬全左衛七堡堡
三千人自萬全左衛至大同十堡堡一千三百人人力

不齊請以京軍三萬四千三百人視地遠近哀多益寡
上可之命捕畿內蝗命領神機營以馬不適士請給馬
五百有奇從視學賜坐聽講駕還奉天門受賀明日賜
宴後二年復命同諸勳臣國子監聽講祭酒李時勉屬
諸生講五經既罷設饌諸勳臣曰身受教就弟子坐惟
太師與先生抗禮諸生歌鹿鳴詩賓主極歡而退朝臣
傳爲盛事太師者英國公張輔也命兼掌右府事賜金
鳳胄金裙欄柳葉甲從幸城東閱師奏營軍十五司布
陣分爲外圍宜練東教場府軍前衛軍八千人爲一司
四面各四隊隊增長牌五長刀五砍敵馬脚遮敵弓矢

大必山房集

卷之六十二

世家

二十

鍾

可徐置火器從之聞王振縱史

上出塞與祖興成國公朱勇從連行殊遠勇殺鷄兒
嶺衆喪氣振強之進次土木虜突至我兵敗績駕蒙塵
皇太后命于謙爲兵部尚書謙劾武臣興祖文臣王佐
革失律喪師褫其冠服尋復之克副總兵守阜城門禦
賊已用爲左府都督同知守紫荆關築城造墩臺有差
景泰三年降鎮遠伯祿八百石已復侯祿一千五百石
大順元年命同魏國公徐承宗守備南京管中府事後
七年卒賜祭葬禮與始封侯同興祖軍有紀律或擐人
笠禦雨立斬之疾病死亡隱親備至居恒譟問賊山川

蹊隧部領器用所食嗜畏惡何若以其人爲耳目爪距
故在兩廣橫厲無敗留後時預營墓安德門巷阿邀客
觴咏其中人謂之達長子翰字維周當嗣少有高韻視
察戟貂蟬猶繆繆也固讓其弟玘食酒可數斗醉不二
三喜讀書六籍之外百家衆氏投間而作目所關覽終
不忘喜爲詩興至擲管不能已已旁通繪事有吳仲圭
米元章倪元鎮風爲戲墨自署雪坡道人或曰雪庵中
人或曰雪或曰維周或曰怡樂不著姓名題荆棘曰都
無君子純是小人時王振竊權與回天獨坐等麟轅大
臣諺有頭搗蒜腿燒葱語翰識去就之槩蘊藉義憤甚

大必山房集

卷之六十二

世家

三

矣是以退身避地仕途恣心從好跌蕩放言殆古之狂
者與卜地金陵以葬戒其子不作下里偽物不封不樹
不用諛墓文地產紫藤蔭畝許子孫上冢莫審所在望
藤酌酒而已翰卒玘未及嗣亦卒復以翰子淳嗣侯淳
卒無子以玘子溥嗣玘字文度服食儉節而好接士大
夫游宴終日客無貴賤無留門者親修具食飲甚設鄉
黨有急則周之貸不能償者不責也淳好文有父風五
爲正使封晉魯肅周靖江府却靖江王璽王重之與諸
大夫國人爲詩贈別居無何卒溥字宗泰年十三嗣侯
憲宗命以朔望朝謁受學國子監同輩凡十四人諭祭

酒周洪謨嚴誨無情通經史工楷法命冊封岷寧藩肅
四府祭遼王弘治改元從耕籍田克三公五推祭告渾
王等府歷代帝王山川皆如禮命管五軍營右掖命坐
果勇營命佩平蠻將軍印鎮湖廣時年二十有九兵部
以溥與南寧伯毛文可用而溥更廉故有是命桑植賊
殺安撫焚其廨奪印去遁入銀山嶺溥誅首賊賞其黨
五百人獲失印五或曰盡盡誅之曰安撫倚勢以削激
之反可原也所活四百餘寨貴州黑苗僭王兵部尚書
馬文升請命溥討之溥以清平屬叅將趙晟以都勻屬
都督僉事王通各三路進溥與太監江惠都御史鄧廷

大泌山房集

卷之六十二 世家 三

鎮

贊管落乍御史黃珪隨軍紀功溥議爛土賊之門戶迎
敵必於此督通爲橋冷水斬賊奪橋者僞都順王乜富
架標狡鋒銳溥使千戶陶佐舍人張虎詐之禽其父子
克九十四寨俘斬一千二百人晟由萬潮進俘斬四百
五十人破岑郎漫洞八十九寨俘斬六百二十七人答
千上下都結諸寨苗曰大河天塹兵其如我何溥度河
深廣橋未易就督保靖宣慰彭仕龍等領鄉人隔河陽
好語之賊退募善游者登岸獲賊船我兵盡渡破四十
二寨禽五百一十人斬其魁阿屠故長阿藤以徇攻獵
白平孔十寨斬二百五十人都指揮吳庸陶英由石黃

諸路與泗城州舍人岑接主兵合于牛場斬賊二十五
人乘勝鼓行而前俘斬六百八十人都指揮王寧高俊
等入鷺家諸寨山舍中劣容一人衣短後衣牽蘿以登
俘斬四百三十二人清平左右哨俘斬一百九十人王
通自雞場移兵攻潘洞化從者千諸寨進至爛土慢丙
地溥移兵就之賊衆萬餘排柵九重竹笆三重開九門
一面絕壁一面臨江具筒櫓船二百爲逃死計前門差
平而狹道潭麾兵齊進賊矢石雨下鼓無退聲塵數十
合日晏矢石盡我兵發將軍神砲烟漲寨天賊喘恐仆
兵俘斬一千二十人自縊若焚溺者無算攻黎田黎稍

大泌山房集

卷之六十二 世家 三

鎮

採平諸寨斬一百九十人凡克一百一十一寨降一百
三十八寨酋阿養死埋歹浦戮其屍土兵射死苗得銅
匣一內有印副使俞俊及趙晟等攻化雞諸寨斬七十
人僞總兵長脚引亡邸都定後山寨兵禽之降都定二
十五寨攻天坦管北禽僞都指揮保阿利等降密勇密
勾九十四寨土知府李克恭都指揮劉英副使吳倬等
攻朶羅大地硬寨俘斬二百一十人降谷定二百二十
餘寨置都勻府二州一縣勅褒溥功加太子太保益食
祿二百石溥初以旁支嗣祿給八百石本色三百五十
石折色四百五十石請如其高祖時數戶部執不許

孝宗特于折色內改支本色百石安陸州大雨迅雷擊城旗竿四散委地城垣廬舍崩圯大洪山水蹶出蕩析人畜田宅雷擊吉王府端禮門吻并柱溥疏言初造吉府議費未及萬王少之奏遣內外官修如崇府材物數十萬銀米亦逾數萬歲役夫三萬餘工四年矣宜汰省以寬民繇舊賜鄧梁二府田廬沃長河湖課界分額則較然而侵倍之又併兼民田奪各王賜地勢必釀亂請下部議工可緩者如郡王例子之直聽自修無侵各王與民而給事中楊瑛等劾罷京營督帥遂安伯陳韶成山伯王鏞請以溥代兵部覆奏報可溥再疏謝病不允

大泌山房集

卷之六十二 世家

三十四

鎮

趣上命督三千營去楚日士民泣而送之不絕于途

上見輔臣平臺議營帥去留劉健李東陽請

上自裁

上留英國公張懋保國公朱暉惠安伯張偉而去王鏞與寧晉伯劉福問如何健等對曰當問新寧伯譚祐較福如何東陽對曰祐似勝福

上曰祐但可神機營若團營宜別選朕將用顧溥溥如何健等應曰溥在湖廣甚宜新有貴州功

上曰然則可兼神機乎東陽曰祐伯也名次張懋而以張偉副祐便

上手勅兵部尚書馬文升行之十二年命督團營兼三千營仍掌前府事溥持重馭下有恩紀督修禁門諸工事集而無擾乞歸葬母

上命弟淵代之疽發背

上命醫療命中官存問溥官三十年無長物棺殮不具諸勳臣賻之

上為賜米布有司部署其喪謚襄恪將吏聞者莫不流涕嘗役軍汲水灌牡丹有僧問水汲自何處路遠近若何溥知其諷已也謝曰微上人溥何由知過君子賢之子仕隆字仲勳嗣侯歲祿一千石本色折色半支其後

大泌山房集

卷之六十二 世家

三五

鎮

皆知之冊封遼府荆府不納私餽

武宗即位從視學陪祀賜坐賜宴如故事領神機左哨兼紅盔將軍命坐神機營兼掌府軍前衛事命克總兵官督漕守淮所條議南京衛所殷實運軍改快船諸役運糧指揮千百戶與管廠者改京操非制也遮洋兌軍應加耗米鎮江廬州二衛兌軍應加脚米高郵寶應二湖涵洞改建滾水壩而臨湖田多强家阻廢之管河管牌管泉諸部臣株守一方不以時巡行水增減為蓄洩計諸盜決者效尤相屬官守謂何定把總官總領備運行移相見之體量陞都指揮以便行事湖廣運船通改

楠木濬常州以東小河修閘座壞者在運物故官軍給
檣橈仍存恤二年把總官勤慎無愆者三年陞俸一級
五年陞署職一級一歲債五千奪俸半年滿萬降俸一
級三年滿萬降官一級有侵牟從重論總計三年功過
相準千百戶以滿千爲率罪止其身積債之害其因有
五債之難償其因亦有五乞許納長蘆鹽百引回時變
價鹽本令債主自上亦兩利之道也修惠通河置船袋
運京糧守凍官軍糧於耗米支給所運糧改入通倉發
空船速回修艚運軍糧必以時如額行給禁權關苛留
運船帶貨者浙江總船屬北關主事主之督有司通借

大泌山房集

卷之六十二

世家

三六

鎮

水次糧督衛所補軍有司補未支月糧有司以徵糧違
限罰則宜豁運官上糧違限罪禁通倉官役阻詐運軍
漕運理刑部臣事宜關白凡二十許疏皆報可羣盜焚
劫運船自劾罷不許部議運船凡一萬二千船取一軍
把總官分領防送而仕隆等分地巡督焉逆賊劉七等
蹂躪江南北仕隆扼其吭大窘狼山之捷賴之

武宗南幸下徐州所得魚鳥以賜人一鱗一毛必金帛
爲謝漁清江浦累日南京河南山東江北文武官戎裝
徒行無復威儀江彬日傳旨徵索梓胡郡縣長吏緹騎
四出至民家園奪鷹犬珍寶古器稍拂之三木囊頭莫

堅其命通判胡琮雉經南京守備成國公朱輔見彬如
部吏仕隆獨不爲屈餽不過算器食彬怒數醵之仕隆
與守臣迎

上廟道口集

上顧語仕隆無誤漕亟還治而彬嫉嬖幸言總兵府有
兩銅屈戌重大卽大內不如也

上至淮安屏侍衛步入城幸仕隆第無何有遂行以平
宸濠有聲援功受賞

世宗卽位命鎮湖廣在淮十餘年餽廩外無妄取舍中
兒言不出閫漕屬請寄不行都御史潘埏謂隆有大臣

大泌山房集

卷之六十二

世家

三七

鎮

之道四寬而不脫略慈而不姑息明而不計小過才而
不見矜色淮人遮道泣送立石識去思焉尋命督三千
營掌右府京師地震以人言辭免

上優詔留之奉安

孝惠皇太后梓宮

上將幸承天手勅加太子太傅調掌中府事司九門筦
鑰請申明永樂戒諭武臣榜文

上曰祖宗訓告諄切恩意深厚承平日久嗣者若罔聞
知曠職怠事兵部行天下申諭本府刊印給各官舍誦
讀賜謀叛罪人寫亦虎仙等妻妾爲奴同禮部九卿大

臣議考

興獻帝及祔廟大禮世廟神路素冊寶上

章聖太后尊號迎

獻皇帝神主安觀德殿

上率羣臣上冊寶代告郊廟而有王邦奇之獄邦奇傳陞千戶也遇詔削級詔出大學士楊廷和手望之比奏復舊物又爲兵部尚書彭澤所抑因詭上書言哈密失國由澤督甘肅軍時啓爨及廷和詔殺寫亦虎仙所致復言大學士費宏石琚俱廷和黨夜過一清問計而廷和子兵部主事倬匿舊牘無考驗其義子侍讀葉桂章大泌山房集

卷之六十二 世家 三六

鎮

增修撰余承勛澤弟冲等交通請托詔下倬等獄命仕隆與廷臣會鞠給事中楊言奏邦奇修私憾飾姦言詬大臣惑聖聽宜正刑章上怒逮言併問仕隆等覆邦奇假陳言希進虛妄無實上以仕隆等徇情庇護切責之而黜謫楊倬等有差仕隆稱疾不朝從願賜骸骨歸

上以三千營務命遂安伯陳懋暫攝而掌中府如故明年卒贈太傅謚榮靖鄭曉吾學編云余觀彭楊林徐四家名臣錄贊何其略武將也因稍述所聞銓次其事令後世得覽焉撫寧侯朱謙懷寧侯孫鏗定西侯蔣琬襄

城伯李隆新寧伯譚祐鎮遠侯顧仕隆啓封嗣秩並蔭聲猷語在異姓諸侯傳中子寰字君錫父嘗教之吾以清白吏子遺若若不能以清白吏事父耶始在髫髻欲厲風迹既嗣侯命坐五軍營右哨命管紅盛將軍給事中魏良弼薦之命僉左府事命坐鼓勇營命僉中府事命冊封周府命守備南京兼掌中府事故事三法司五年慮囚正統初遣司禮太監金英秉筆後爲常張蓋列駟騎至大理寺升高坐南向尚書都御史侍坐御史郎中以下奔走左右嘉靖十六年特以武定侯郭勛大學士李時夏言理之勳臣閣臣會審自此始也體稍正矣

大泌山房集

卷之六十二 世家 三九

鎮

南京則勅命寰寰詳識得情釋重辟十九人人稱平允江水齧城詔祭江神以修孝陵工賜銀幣已命充總兵官督漕運鎮淮安三辭不允其時運船避梓宮及河決阻凍二千九百來春還已過運期且各省災糧必運請免運一年約所載糧可九十六萬石許被災州縣折銀正兌石七錢改兌石六錢同米輸太倉從之又上七事有司不得干兌時逮軍誤運運官完糧後候交輓席等事不得坐誤期旗甲必有丁力人戶棄船侵盜諸罪并坐輕齋銀至京方給遇起剝將米賤糶臨倉多負宜聽總運覈實動用倉糧用刮鐵收受禁高下手多增每

厥席六千可殺其半易銀入庫官軍有犯漕司專理無他赴告給事中王交劾宸賊萬計下巡按御史驗不實交尋以計典謫命宸僉右府事命坐神機營乞假葬母命馳傳行復命督漕守淮已改鎮守兩廣與督臣應價議兩廣用兵有三曰大征曰鵬勦曰截殺截殺最難而得功最真鵬勦次之大征濫矣然必請命與師凱旋奏捷有升級之例鵬勦截殺事出不測不請命不奏捷不錄功斬一人財賞一金俘一人財賞二金至摧鋒陷陣奪門斬關運謀用間功悉不錄請如嘉靖初部議增賞許陞無輒調土兵示弱長驕

大泌山房集

卷之六十二

世家

三

鎮

上從之所選衛所兵萬人悉勒習戰矣桂林平樂徭殺知縣張士毅傷百戶曹恩宸討之俘斬四百八十人已討七山賊七山居蒼梧岑藤三縣中阻山二百里弘治以來四征不克宸治兵以征西爲名至潯州還潛入賊界賊棄巢遁戒無仰攻覆諸山下夫屯晝夜決辰賊饑盡蒲伏降復命督漕守淮鄭曉爲督撫與宸同心共濟所議十二事俱著爲令曉移書司馬聶豹顧鎮遠廉靖端毅漕務非此人不可某得爲佐幸甚久任賜璽書增秩可也宸議濬新莊閘以下百里河通漕募官兵分守洋麻港雲梯關廟灣東西海所倭不得入已命總督京

營戎政初正德中大閱監京營兵諸勲臣唯諾恐後後以幸臣言集九邊梟騎數萬人京師號威武營

武宗自爲大將軍江彬許泰爲副而十二營自如嘉靖初散邊兵用武定侯郭勛爲帥閻張永尚書李承勛監之與武定忤武定主兵二十餘年培尅鉅萬尋得罪成國公朱希忠伯陳總代虜警益急團營見兵少選三萬騎聽征號東西二官廳各總以都督一人餘則元帥中貴家役屬之奪其精矣庚戌虜大入京兵出戰死者萬人侍郎王邦瑞極言利弊詔勒太監高忠等歸內罷希忠總任改京營總兵曰總督戎政官以咸寧侯仇鸞爲

大泌山房集

卷之六十二

世家

三

鎮

之設侍郎一人協理併十二營爲三大營曰五軍營副將一員叅將四員遊擊將軍四員三千營曰神樞營副將一員佐擊將軍六員練勇叅將六員神機營如之鸞奏調邊軍數萬隸近畿使京兵雜而征戍其培尅如勛亡何鸞敗而襄城侯李瑾代俄卒平江伯陳圭代圭卒以宸代命下兵手額相慶也而鄭曉爲協理於宸至深宸言營兵遇免操月勢渙難集請留五軍營正兵及標下兵四萬人分四班班得萬人每月番上一班駐京月加糧二斗脫有急萬人可立致從之給事中游震得等議京營諸衛雜配各營多寡參差請以大小衛所兼配

一衛專隸一營兵部覆從之寔言五軍營選正兵三千餘爲備兵分強弱二等神樞神機兩營亦然若序衛順營必改隊伍秋防在邇兵將不習

上曰寔言是兵宜如舊諸建白窒礙難行者部臣毋依違題覆當是時部臣不敢違科臣而營臣得執之假令在今白簡摺摺不勝不休矣則

肅皇之明威可知也已以修朝門工大營兵力不給請以京衛官旗募夫視俸厚薄爲等甦軍累工部不從老弱者俾自雇倩有司勿與知可也京營兵聽征每枝三千總督標下四千不足兩枝寔請于備兵內選二千爲

大必山房集 卷之六十二 世家 三十一 鎮

標兵分兩營增將一人與坐營官備策應又議四事八月至十月各工軍回營操練外衛秋班軍先期赴工所備兵歸伍以其馬兌聽征官軍各營馬驚瘠者賣之省芻秣報可萬壽宮成賜諸有功者加寔太子太保又議九事營將簡兵武藝精者備調遣膂力強者備教習老弱者令替補戎政大臣同巡視科道會選冊送部各營號頭中軍千把總等官有關酌年資及營分以次補可杜夤緣之弊置食糧官軍籍營中據以稽覈衛中據以支餉精兵秋操支糧六十其次半之損馬第追椿銀免比較掛號及年終叅奏營軍不當復與民算事所犯非

大故有司無輒收繫通州新舊遊兵二部選三千人設中軍千總等官分隸之仍聽佐擊將軍指麾餘悉歸備兵營巡捕兵馬故隸京營自增設給事中叅奏不及矣宜歸兵部主事隸京營科道損馬必行叅奏其年終舉劾將官惟視賢否勿泥成數又議八事選營軍一萬八千分六將領熟演火器將官與朝臣無相涉者處以賓禮中途不必引避募兵逃例不補病亡者補以壯丁被罪者許自首復役諸獄或跡染將官必會戎政二臣即訊行工部造兵車止則爲營行則爲陣甲冑弓矢必預稱奴列營守城官軍必預編列兵部覆如議復請發營

大必山房集 卷之六十二 世家 三十一 鎮

兵出防邊

上勅兵部尚書楊博詳計之博言居庸鎮邊二地以懷保爲外藩去京師不百里有警朝發夕至而以薊鎮邊兵分成二地兵力減弱請以京兵戍二地薊兵專守要害古北冷口此爲虛喝彼得實濟然大舉方爾無以小警張皇糜餉

上從之復以博言諸勳臣嗣爵未任事年三十五以下及應嗣者送京營學射受孫吳兵法百將傳諸書巡視科道歲終以勤惰勇怯具聞勳臣之入京營教習自此始也虜自牆子嶺入京師戒嚴詔寰以營兵布城內外

而於東北二方選鋒銳當之

上手諭閣臣徐階問諸文武臣優劣階對顧寰雖非將材然姪姪廉謹未見有可代者京兵驕惰久不能殺賊而能犯上叅將張琮以軍不候操畢先散用箭穿耳諸軍遂譁寰再三譬曉爲叅張琮後已

上復諭階如不必侯伯或有人否階請會官公舉

上曰旣無勝寰者可命寰恤練兵卒別選一二戰將備緩急給事中辛自修劾協理都御史李燧外僚越遷望實未孚宜別用而勅寰洗心滌慮仰報殊恩

上下吏兵二部議覆宜如自修言

大泌山房集

卷之六十二 世家

三

鎮

上從之復報階曰京營總督不必增卽以副將名選用亦可寰以故得不代

穆宗卽位視學陪祀賜坐聽講賜宴如故事耕籍田克三公五推會巡視科道考三大營將領優劣旌黜之已巳秋九月

上將大閱寰請修廳臺及補扈衛官軍駐蹕之所厥衛五城加嚴遊徼命文武大臣守諸門命恭順侯吳繼爵安鄉伯張鉉吏部左侍郎王本固戶部左侍郎劉自強分閱諸校及軍士御史何程劉堯卿王圻蘇士潤監射英國公張溶祭旗纛神諭寰及將士曰詰戎講武保治

弘圖訓練有方國威乃壯爾等其勉之駕還樂奏武成之曲是日也天宇肅清

上韎韐蒞師步伐止齊不吳不揚故老快覩曠典云寰等率將士表謝

上御皇極殿受之百官稱賀兵部上大閱將領侯伯錦衣衛官一等六十六人二等十人三等五人恭順侯吳繼爵等亦上所分閱官兵次第賞罰如例仍賜寰與協理侍郎王之誥巡視科道李已劉思問銀幣又諭寰等無玩愒廢事無姑息長姦無營私撓公無苛刻擾衆使部伍克實士馬精強訓練不爲虛文征調皆有實用庶

大泌山房集

卷之六十二 世家

三

鎮

幾重根本之勢消燹孽之萌以稱朕作六師至意已諭禮兵二部扈從執事并戎政官自二十六日始予假三日軍免操五日寰等奏三大營官軍不滿九萬視初設兵數才三之一議以各衛原額營官軍悉爲清勾務滿十萬不足則以先年召募逃故名額補之詔如議復命督漕鎮淮勳臣四領漕政寰一人耳卽文臣陶琰以正德五年九年十五年三任亦僅見也御史楊家相劾把總李天祐等賊穢寰亦縱僕誅求兵部覆寰廉民戶知之今未履任何至是

上命供職如故而罷天祐等運河厥淤漕舟不時至詔

奪宸偉半年宸以老疾辭許之復命總督京營先是大學士趙貞吉奏京兵分左右中前後五營各擇一將分統開營訓練而以文臣巡覈之收戎政印歸之內府有事則領勅掛印命將閫外事已則繳勅納印歸將營中下兵部議不盡合仍分五軍神樞神機三大營各一總兵統之而以文職大臣一員總理餘如貞吉言命恭順侯吳繼爵都督僉事袁正焦澤爲三營總兵官繼爵恥與正等伍以疾辭爲言官所糾復以二將名位輕用定西侯蔣佑領神樞平江伯陳王謨領神機繼爵領五軍各設文臣提督爲右都御史曹邦輔劉燾陳其學頃之大泌山房集

卷之六十二 世家

三六

鎮

復如嘉靖制而宸仍爲總督云御史王宗載劾宸年老才庸請罷任初總督缺久中旨特用宸覽疏怒詰宗載奪其俸宸移疾致位不允後以都給事張國彥言始命閒住明年命掌左府事

今上七年力請老

上曰顧宸清慎三朝耆舊無更煩以事聽辭任加少保兼太子太保優異之勳臣免而加恩昔未有也九年卒年七十有九宸修髯闊額豐頤方吻端重不苟言笑事母恭敬養備至出鎮留其婦與弟侍單車就道所共事文武大臣數十人久而敬之無間言士卒承其計皆泣

下時英國公張溶亦卒與宸俱請謚宗伯徐學謨曰溶墨而宸清若卹謚與溶同何名彰燁贈宸太保謚榮信開國時文武臣并用而武臣事權居右後雖右文兵寄則武臣任之在勳臣專制尤重仕隆以前如職所奏率自達宸亦間有隆慶以來勳臣不出鎮惟黔國守雲南與京營漕運三人耳事不關決拱默尸祿彼其之子故焉能爲有無也論者求多於宸方之近事宸詎易得哉字仕隆次子字君器初仕隆官京師謂先墓無子弟爲主命字家揚州揚州都會人競華侈宇寒一裘暑一葛與婦糲食相對或嘲以田舍翁行之自若從父無賴者大泌山房集

卷之六十二 世家

三七

鎮

操之甚密避不校或諷曰獨不可一言直乎曰直之易耳不欲傷吾同類泣隨語下宸疏請勲衛序當及宇宇固讓弟寵老頗佞佛焚修不懈寵宇某廣願豐下疆項不受挫于人燕客不踰數簋酒數巡而止不濡酒宸督漕淮上宇守墓祀母留養京師寵事之以孝聞宸無子以宇子承光嗣承光字思謙宸鎮粵時挾與俱多用其策既嗣侯五析遺產以四畀諸季父昆弟躬取一焉人皆難之侯六月典殿前大漢將軍賜蟒衣侍經筵劒履上殿收僉前軍都督府事典禁直官軍軍虛冒半廩而驕承光飾之軍容改觀祀 獻裕二陵冒霜雪歸病矣

久之言者以老病奪所領職奉朝請踰歲乞假歸江都
視先隴給傳行再踰歲還朝復請休沐杜門不關時政
又七年卒居父母喪執喪禮友于兄弟睦于子姪宗族
藏書萬餘卷弱冠游郡庠卒業南雍七試有司晚年語
人吾冠蟬佩玉貴矣使得一挂名鄉薦書豈以此易彼
哉子大禮嗣承學字仲子字思敏鄉人私謚爲貞白者
也少治易爲郡諸生恂恂若寒畯士省兄京師屬當爲
錦衣勳衛兄具奏請學辭兄曰世臣支裔稱勳衛虛名
耳義嗣者爲正自義嗣外更許子弟一人爲勳衛惟二
公三伯一侯侯則吾家列聖殊恩何敢弁髦棄之且無
大泌山房集 卷之六十二 世家 三

以明祖德乃就除未暮年乞歸與故人徒步入里門侍
御史按部過之避不見明日再過將有咨問伴以他語
對寢卒諸昆弟取諸卷握物學獨收圖籍及本朝典故
先世遺文少師郡諸生徐慕慕峭嚴爲方年七十貧甚
奉養斂菲備禮所知死無歸爲主治喪兄請告還里朝
夕依依如童時病則嘗藥問卜禱神如事父事嫂如事
母末年語子大猷吾見唐人長孫氏鳳池曆柳氏序訓
載無忌歷官本末公綽以下內外事迹若家世子孫其
書不傳當以言之無文故惟司馬子長史記世家千載
弈弈如新士諷誦不衰吾願開國承家于今十世朝議

正修國史做司馬所論著以俟金匱石室之采力不副
心篋中書具在孺子嚶嚶好古無念爾祖圖之此其時
矣長子大德字懋昭生而失母王母育之王母病晝夜
以指畫心遠屋而走斷革血危坐一室誦玉皇消災經
日幾百過或跪或拜或號或泣手擁一帚云爲王母掃
疾則癰成矣祖母卒癰遂厲或跳而入市遇人輒嚙其
面臂不知也入居王母喪則否吊者異之無何殯次子
大猷字所建嗣勳衛官爲故相陳于陛御史大夫沈思
孝所知朝鮮中倭王師問罪平秀吉草疏願從征得比
正統間郭定襄登以勳衛奏麓川騰衝之捷旣而封議
大泌山房集 卷之六十二 世家 三

成不果中官四出採升督稅而間用錦衣衛官或固要
大猷往大猷恥之遂乞歸詔給傳行結髮游學閱覽博
物嫻於辭令淮海維揚一俊人也所述九世事迹及勳
臣家外紀廣陵文獻紀累數百萬言又游秦晉討論邊
政及漕鹽諸議有琦瑋倣儻之畫策焉語具南湘外史
傳中子九尾冲年心精詞綺郡邑長吏亟稱之成之後
五世有淵字宗本玘次子以兄溥平都清蠻授錦衣衛
鎮撫復以功擢副千戶卒無子以溥子仕忠爲子留家
金陵子孫居先祠中諸遺像外無何有也八世有信家
貴州萬曆癸酉舉人知雲南霑益州貴州普定兩衛世

原缺

千億如侏儒坐飽囊粟無短長之效卽行如會閭如
游夏誰與登文石涉赤墀展平生蘊抱哉俯首吾
毫沉吟空自苦耳于時許中丞康太史有玉臺金臺之
韻所製新聲絲肉競奏公妙得其解分判節度細極黍
絃雖少年絕藝工師老伶微有乖越指示莫不心服開
西人謂爲絃索董狐性好客客日滿座漿酒藿肉爲長
夜飲人無賢不肖傾身相待士雖貧賤徒步引與釣禮
尤篤宗親周旋緩急專以振窮乏爲務食犬豕之食衣
牛馬之衣者飲酒醖地皆祝延之公酒酣以往大叫擣
蒲一擣百萬左右爲駭曾不顧問醒卽如數相付或稱
大泌山房集 卷之六十三 宋傳 又二

以給人稱公長者而生是嘗矣從父無子公當爲後
稍經理其故貲貲乃日起豪奢日益甚先是客晚公索
亡何有掉臂去比復來或自訟公仰視屋而嘆富貴無
常忽輒易人如此傳舍所閱多矣自我得之自我失之
自我失之自我得之等耳君不見蘇季子乎卽嫂與婦
前倨後恭何論他人事後父母朝莫定省奉養盡志盡
物與偶惠恭人和而莊念所生父母早逝歲時伏臘若
薦新告出入淚下沾襟古人所謂希見親不在已數十
年語及輒涕者豈不難哉藩祿不給朝遣使與諸宗計
便宜公言秦王當成弘時王祿歲萬石將軍中尉六等

第缺第一、二葉

不滿三百歲食七萬金今人且踰千歲食十五萬金度
支日詘久當若何人無四民之業不知稼穡艱難祿入
緣手盡請以七萬爲則均給之下知限制不恃養橫
費上不虧主恩使者還報朝衆避其言晚年屏居郊垌
與三老田庚爲布衣交見流泉而喜曰是順理而行似
有智者動而下似有禮者郭防而清似知命者自署野
泉老人謝遣他客獨諸故舊月有會修無算爵卽閒居
正獨醒一夕轟飲覆掌中杯而卒孫誼節誼余曾孫存
林有文行知名于世舊史氏曰語有之馬或奔蹏而致
千里士或負俗之累而立功名野泉公獨行一意不以
得失關懷視門客去來若蚤蚤之過前也濶達大度益
孟嘗君廉頗翟公輩所不及皮相之士不目公爲博徒
酒人幾希見爵位而無實者刀不應齒士不聞耳何足
畜乎余于其答同舍復朝使語益重有感焉

朱恭僖家傳

成國恭僖公朱輔莊簡公之子平陰王之孫東平王之
曾孫也東平崛起藩衛贊
文皇帝中興之業平陰以土木難必忠義聞於天下迨
莊簡三世矣遭時承平不獲以功節顯獨被服道術兢
兢於當時之禁云

敬皇帝九年爲弘治丙辰嗣封

毅皇帝十一年爲正德丙子掌中軍府是秋虜入白羊口京師震恐詔遣大將往禦之諸將皆綺紈子不習兵相視莫敢發公獨毅然請往

上壯之命佩平胡將軍印以行聞虜退罷還人始稍知公可備緩急矣明年丁丑守備南京寧庶人反有端遠近聞者計莫知所出公與司馬喬公日夜畫攻守策賊規知有備不敢犯未幾就禽辛巳召還京會

肅皇帝踐祚奉命冊封韓王歸病卒

上輟朝一日贈太傅謚恭僖諸賻祭營葬如例正德時

大泌山房集

卷之六十三

家傳

四

內外虛耗羣盜四起乘輿方爲八駿萬里之遊彼諸虜者豈能一日忘南牧哉然卒巡不窺內地知有公等在也寧庶人發謀始事所睥睨金陵耳假令非公居守公卽不交驩司馬有如萬分之一士卒不豫附內訌而起其爲患詎易言不待兵刃矢石之間而功在國家矣公位上公衣食雅素無貴介靡麗態尤喜吟咏居嘗臥槐陰下操尺牘誦習如童子或時與姊婿李文正公相倡和使韓過函谷遇牽青牛者市以歸其好奇類此論曰余蓋有營制疏云

高皇帝監前代強臣握兵之害以內外兵分隸五府府

有正有佐三人

文皇帝北伐旋師結營圍操以三千神機二營附之號三大營實皆五府兵耳故有五軍營之名正統變爲十營弘治加十二又增東西官廳然舊營中尚有老家軍之籍五營名自在五府意猶存也府各設將事權不偏營各統兵分數易明將將兵計莫善於此自仇鸞貴幸分宜阿邑請特設戎政廳內外兵悉授於鸞而

二祖分營分府之制漸盡矣賴天幸鸞蚤歿不則國家之禍寧在虜哉繼鸞者多避忌而不敢練以一人掌十萬兵而不能練真同兒戲矣誠如舊爲五營以五將練

大泌山房集

卷之六十三

家傳

四

之仍以文臣覈之兵練者舉不者斥免賢不肖強弱易見互相奮厲兵必可用有警然後揮大將佩印出師事竟則將歸於朝卒歸於伍此

二祖良法美意也當事者於禮節等威處置失宜浮言肆起卒從寢罷夫功臣後裔生有師保之尊沒有贈謚之典累世皆然惟成國一家恭僖易名義取敬順事上小心恭慎今當今戎政能復毅然請往如鄉日意氣耶余爲公傳竊拊膺三太息焉

顧貞白家傳

周書有之世祿之家鮮克由禮身安逸樂而心誇矜勢

能之榮俗之漸民久矣顧氏先有雪坡道人者辭侯封其言行大要洸洋自恣以適已至其孫貞白去勲衛如釋敝屣不以身之察察受物之汶汶繩其祖武殊塗同歸豈非漸陸之鴻羽可用儀者哉作貞白顧公傳貞白顧公者江都人也名承學字思敏別號邗野其先楚湘潭人勝國有十二公賈楊州遂家焉其父百四其子萬一皆贈夏國公夏國公名成從

高皇帝行間累官至都督僉事著功于貴州爲最

文皇帝時封鎮遠侯卒贈公謚武毅傳五世孫溥嗣謚

襄恪溥子仕隆嗣謚榮靖仕隆長子寰嗣謚榮僖次子

大沁山房集

卷之六十三

宋傳

五

續

宇從家京師父以先墓在揚州屬宇歸奉祀宇三子伯承光季承烈仲卽公寰卒無子以承光嗣侯而公少治易爲郡諸生是時承平久侯家子日爲飲食而無事類多白癡或生貴甚走人於庭避人於涂廣陵都會萬貨之湊天下善爲音佳麗人之所出也高訾賈人華侈相競大家雖滲樂而從之三者往往而是公獨樽節退讓隆師親友無羞亟問讀書談道恂恂若寒峻士郡諸生徐纂伉厲守高拙指而事之北面受學馴謹儒雅名駿駸起鄉校中矣初娶於何生子大德何蚤卒王母徐夫人子之徐夫人卒大德晝夜哭遂病狂易跌而之市嚙

市人面入居王母喪則否頃之竟歿公哭母復哭于毀矣繼室王夫人生子大猷王父抱之喜富貴所自有所不知者子孫也手書壽孫二字貽公公積而藏之朔望禱於神吾大人長撫此負牀之孫分甘繞膝爲歡也父卒哀倍喪母時毀滋甚見者心傷之久之省兄京師屬當爲錦衣衛勲衛兄具奏請公辭書生文弱安能勝其任而愉快乎兄不可凡世臣支裔稱勲衛蓋冒耳義嗣者爲正然猶家戶所有自義嗣外更許子弟一人爲勲衛惟二公三伯一侯侯則吾家此

列聖殊特恩數也曠而不居隱君之賜且無以明祖德

大沁山房集

卷之六十三

宋傳

六

續

公乃就除平晝閒居喟然自嘆不見杜山之木乎年已長矣苦夫匠人以繩墨按規矩刻鏤我者不能暮年乞歸與故人徒步入里門邑長吏以輿隸來不受令家僮舁籃筍而已侍御史沈公按部過公固謝不見明日再至強而後可將有所咨問公陽爲不省以他語對沈公益稱公長者不容口勲臣家監奴恣睢市井人不敢忤視公繩制嚴道遇菜傭乞子必讓不者重則逐輕則朴榮僖之卒也諸昆弟悉取珠玉錦綺公第收圖籍及先世遺文國朝典故故公藏書爲富嘗語大猷聞之高皇帝御奉天門見侯家子爲散騎舍人者衣新衣問

曰直幾何曰五百緡責之曰此上農歲入也而曹不織而衣作法於奢災及爾身何日之有余自少至今非接大賓未嘗去布衣食常豆飯菹羹惜福當如是耳然所識窮乏多方周之不厭其數稱貸者不責子錢或併還其券歲凶餽飢人掩暴骨不可勝計師徐綦學使者試上等當受廩其婦翁周龍亦當廩而名在募次綦讓之後竟不偶年七十貧甚授衣授粲沒爲斂葬心喪三年四明諸生余紹元會稽簿李憲章死無所歸爲治後事而復卵翼其子居朝不好面諛貴戚有勢在已之右不欲加禮居鄉當孔道貴人往來雖故知不通謝婚姻有

大泌山房集

卷之六十三

家傳

七

廉

客怪其語不祥明日飲友人所吐黑水如墨數十百方療之不起其性友于兄弟乃知前所云然正永訣耳四境之內薦紳以下至長輓者故畢曰顧公君子人也而其賢者按諡法不隱無屈曰貞外內貞復曰白與公生平合私謚之曰貞白子大猷夙惠既受書則命之曰其人多暇日者其出入不遠矣孺子母以敏而不好學倪寬帶經而鋤路生截蒲而書黃霸桎梏受業宵子夙夜倍功豈質不若人哉學固不可鹵莽滅裂爲也已而善屬文則命之曰母多奮辭而寡可信古之作者帝王公侯遵之可以致隆平頌清廟卿大夫士蹈之可以尊君

大泌山房集

卷之六十三

家傳

八

廉

父立忠信守志厲操者儀之可以崇高節抗浮雲是爲大儒已而多少年遊則命之曰器惟求新人惟求舊鄉邑老者而先受坐之士子入而問其賢良之士而師之耆父而惇尊嚴而憚誦說不陵人意知不愈於後進乎最後見大猷讀史記又命之曰太史篇終自序廢明聖德不載滅功臣世家賢士大夫之業不述墮先人所言罪莫大焉余先世開國承家詎出漢功臣侯下頗欲倣龍門爲表爲世家以詔後人忽忽不就是在孺子篋中藏書具在吾且待子而與大猷爲勲衛不半歲歸無忘公所欲論著殺青且竟矣舊史氏曰宋子京傳隱逸以

挈治世具弗得伸或峭行不屈於俗其於爵祿汎然受
悠然辭者爲可貴非夫謏薄枯槁而驕語巖穴者也余
見顧公遺像廣頰美鬚神姿高徹如千丈松雖磊珂有
節目施之大廈可任棟梁之用三讓而進一辭而退其
視朝市若將浼焉方之古人於貴介中何幼道謝宣遠
之流與郡乘傳公篤行士林謚公貞白不虛美矣

高司徒家傳

太子太保高公燿字子潛其先小興州人也明興徙實
畿內遂家清苑傳七世爲霍丘令顯宗生公公少有成
人度弱冠舉進士縣官方事土木神仙對策直言無隱
大泌山房集 卷之六十三 家傳 九

當事者恐得罪不以聞然猶寘上第除虞部主事有清
江漕艘之役蓋利藪也用廉智自將改銓曹累遷爲文
選郎所拔擢皆民望遷太僕少卿會虜內侵烽火達於
竹宮入衛兵四集所需馬倍常額公給用無乏遷光祿
卿其僚與中貴人相水火中貴人誣奏之詞連公客語
公宜善自謀公不可身爲正卿事與官屬共之何得自
免且吾安能爲閹寺左袒有詔就吏訊卒如初因受罰
調叅政河南居頃之遷南太僕卿順天府尹南戶部侍
郎已爲北戶部考最尋爲其部尚書而諸殿闕災
上御西內征繕禱祀日繁北虜東倭數爲患軍興迫遽

事充政重歲賦詘十之五

上益明習天下事齋居淵默雷聲大臣數被譴司農無
當意者朝不及夕公精知略咸當窳會所建白計處國
用八事黃冊事宜十七事漕運六事理財十四事應詔
陳言八事定經制十事疏軍餉六事覆條陳五事國體
人情斟酌損益交相得也

上悉公朴誠倚之如左右手寵禮有加特命郊廟視牲
者三代行祭告者二十有五賜金幣不可勝計謂其有
成勞也晉太子太保冢宰缺

上秘問閣臣燿何如卒不得則有故矣公外若易與而
大泌山房集 卷之六十三 家傳 十

中實毅然即

上盛怒督責不爲動嘗被手勅取雲南新錢執奏非正
供又取鹽引銀十萬公言鹽課六十萬餉邊猶不給何
可他出無已則以五萬進

上詰問鹽課歲百萬何不給之有公復疏其詳委

上乃已御史言倉場召商事多整情實公格不行御史
大失望而

世宗崩

穆廟初年有所更置憾者乘之公不免人言歸矣歸三
年遭父喪祭葬如禮

今上御極海更諸大慶存問故老有司數以公應詔築室城東隅種竹蒔花嘯咏其中當路先脩謁者始出報謝無所造請或以事容公關一邑利害如建麗譙廢條鞭審馬戶侃侃進言鄉里德之行年八十有五而沒所著高太保集藏於家子七人以科第起家不專繇任子貴也孫二十有二人其三孝廉子姓多且賢畿內談祿胤者高氏無兩焉伯子奎以令高第擢州郡守與余善舊史氏曰余偕計時從道上望見公七尺魁岸脩眉廣額而豐下美髭髯後謁公里居言論風旨務歸長厚先進君子也嘉靖之季司徒則公司空則豐城雷公

大淑山房集

卷之六十三

家傳 十二

集

上所倚辦最重司空雅文辯惠公質厚少緣飾其區畫調劑良苦好事者不設身處地求多兩公過吳國家文臣一品改玉往往得之遲暮在朝在野無絕久者惟劉文靖三十一年徐文貞三十三年呂文安三十四年故閣臣也六卿獨公一人三十三年至其子孫之盛殆有過之天所開右非偶然矣

耿恭簡家傳

耿先生名定向字在倫黃州麻城縣人也春秋時以國爲姓至漢名臣相望子孫散處江淮間迄明有國寶者攜仲子必安從

高皇帝起義以功授濟陽衛千戶伯子必順卜麻城之太平里家焉五世爲鳴甫公大振六世爲靜庵公金生先生及仲子定理叔子定力季子定裕鳴甫公父子雅行躬耕里中目爲隱君子先生生而明慧甫脫襁抱卽朝夕王父側不離王父時置之膝上一日問曰人何者爲貴遽數之極公卿而止更問其上曰惟聖人耳先生拱而對曰兒他日當爲聖人王父大驚此兒定非凡流七歲王母李淑人卒哭之哀既薨歲節必展拜其墓十四負笈從師去家七十里而遠聞王父計奔歸哭聲不絕哀感路人二十爲邑諸生邑令余勿銳敏而未練事

大淑山房集

卷之六十三

家傳 十二

集

都試諸生先生具白利害幾五千言令奇之拔第一人久之舉於鄉以春秋魁南宮授行人奉使者再稱不辱命詔選臺省官鄉人馮公爲少宰諷先生一見先生謝不往已授雲南道御史時分宜當國其黨與太宰鬻爵無厭臺省嘿嘿取容先生爲太宰彈事語侵分宜世宗斥太宰而分宜疑畏遣人偵先生所往還姜廷善胡正甫諸公皆補外知交屏迹先生不爲動其年巡東城嚴良賤輿服之等謹閭里童蒙之教省訟便民平反重辟若干人已按甘肅著巡夏約法三章七月改視南畿學政所舉藩臬太宰王公本固宗伯孫公應鰲中丞

孟公養性方伯趙公希夔爲世聞人而司馬王公崇古負俗之累先生特異其才推轂之卒立功名邊陲間往御史出分宜宴好有加幣希千金謝先生第爲尺素書報因以二人薦其一爲江陵相此異日可以代公其一爲羅維德此公卿人中不食烟火者尋分宜敗門下客盡亡匿獨維德數過存之分宜嘆曰識君晚矣向耿侍御曾語我我何顏見二君已抵南畿毅然以斯文爲任獎名檢黜浮華隨機立教賢愚僉受其益又建崇正書院著會儀達十四郡髦士羣而教之而令太史焦君竑等領其事士習爲之一變海忠介公令淳安先生廉其

大必山房集

卷之六十三

家傳十三

鎮

清鯁薦之徐文貞公召爲戶部主事忠介抗疏忤旨下獄先生草疏申救文貞曰是愈機也乃已新鄭相與文貞卻御史齊康阿邑詆文貞先生慨然邪正消長之幾安得無言露章按新鄭罪病國莫大乎妨賢而凶德莫甚於圯族趙璟構陸贄李沐排趙汝愚爲唐宋覆轍康之効輔臣也僉謂某嗾之不斥必且亂政

穆宗爲謫康慰留文貞而新鄭不能容矣都御史御史在外舉刺率會同無異議撫臣謝公疏論維德先生及兵憲王公道行先生疏白之撫臣職在肅吏治見吏治之弊故其綜覈也嚴臣職在育人才見人才之難故其

保惜也切跡若相反而實相成已寓書文貞曰閣下獨屬意江陵深相獎挹誠爲天下得人顧其性喜藹淡吐握之勤不逮閣下十一願更與進焉反覆數千言拳拳以推賢接能爲意已晉太理丞尋乞告歸文貞既謝新鄭起田間攝家宰事快其宿憾謫先生判廣西橫州二年新鄭敗用臺臣薦起屢遷都察院右僉都御史協理院事江陵初執政屢省率作其流苛急少恩先生規之不相入尋遭母喪歸奉太公居龍灣莊竭力耕田以供子職孳孳日之不足也服甫除而江陵因人望以故官起撫福建先生疏辭不報太公更慨然乃公方健食何

大必山房集

卷之六十三

家傳十四

鎮

害趣治裝爲含涕入閩先撫臣臨武劉公以閩濱海卒有緩急何所得兵食權商稅課積逋清隱田稍稍贏矣南海龐公悉罷之先生衰益其中兵民胥不病而方田之令下手模廣輿圖式地列區分意匠八法布之不數月報完事集而民不告勞已一官民則立條編籍凡田口所應輸庸調錢穀窮鄉細民得知其數猾胥莫能高下手修保甲鄉約法輯小學新編閩訓禮纂以訓誨之賊林道乾四出剽閩廣間勢張甚而東埔諸寨酋爲聲援我兵得銅銃一是東埔鎮器相傳言失之者災酋憂懼不知計所出先生約獻賊腹心并我兵陷沒者數百

人乃以歸之酉踴躍如命賊遂不復犯閩界閩人頌之先生不自以為功受賞最下已遭太公喪歸所舉今中丞鄭公汝璧輩皆有公輔之望而為當路所猜嫌者識者越之服除則江陵已沒臺省連章薦先生起左僉都御史尋晉左副都御史皆佐院事陸莊簡公為御史某所誣先生上言光祖耆舊未可輕弃而新進好事者爭搏擊為名高先生陰劑之甚者廷諍之保全善類甚眾已晉刑部左侍郎南京都察院右都御史再乞休不允以御史諫言不合體例引咎求退并申救撫臣陳公有年徐公元太周公繼部議持先生言是又言先生道義

太極山房集

卷之六十三

家傳

十五

集

有天臺山數攜羣從考德問業人因稱之天臺先生叔子以奉常子告侍行先生俄嘆曰吾與此山別矣歸而寢疾疾劇猶衣冠匡坐與門人論學如平日頃之假寐而逝遺命母乞身後恩臺使者以聞上采廷議贈太子少保謚恭簡先生髫髻與邑孝廉彭公甫共學公甫學先主敬規行矩步先生以道在明倫為著五倫圖說兩人相切磋甚至公甫疾革執先生手訣曰以君之才雲蒸龍變自有時第孰為君益友者先生雪涕而誓必不敢負及為行人仲子於道有悟矣先生舉羅文恭語相質學須得靜中光景仲子厲聲曰光景安在為之憮然因攜入都從羅維德胡正甫兩先生游嘗共仲子飯忽契王文成良知之說仲子亟謂兩先生吾兄反約以約失之者鮮矣歸而習靜五雲山語仲子一身皆知體也奈何耿耿於膺耶仲子曰通天徹地皆知體又何但身先生唯唯居恒以良知直指本心簡易痛切有功聖門後學請祀之孔廟而王氏之徒一再傳後竊其頓悟便其無檢生心害政漸不可長宜有以維持撥正之故其學以孝弟為本以默識為先以小物必勤為徵驗某子甲持論虛勝玄遠先生結方外之契晚節頽然自放辭而闕之不遺餘力邑西偏土風朴茂

太極山房集

卷之六十三

家傳

十六

集

不見可欲擇處莫如斯矣是以有今黃安縣移家聚族焉先生沒其子甲身名俱喪麻城俗靡蕩殆不忍言夫然後知先生見幾早憂道深而默相世教功長遠也先生官八座家無長物黃人語曰尚書宅刺繡帖言其庫隘也而自爲舉子赴鹿鳴宴同儕製綺張蓋以明得意先生布袍自如河西奇寒故事中丞以貂裘義帳來迎戴中丞不可欺公古道人也母用俗禮相溷先生引爲知己往還一敝篋自隨而同人以石經贈喜而受之道見昇者暑中汗浹踵惻然曰節用愛人非經中語耶輒以留洛陽學宮母生日享客有盛饌鄱陽史公爲比部

大湖山房集

卷之六十三

家傳

十七

集

見之嘆曰富貴移人拂衣走出先生拜謝過後會史公語其故史公怪問爾時何不言先生曰恐人以余不喜聞過故不自明耳史公揖謝先生愧知子淺也家婚姻祭葬一準古禮而以學得之彭公甫爲子室其女其慟仲子也若失左右手季子有至性而警家政百爾谷之兄弟娣姒怡怡如也子姓循循如也童僕訢訢如也門下士斌斌如也環先生閭而居者父老瞿瞿如也稚孺愛愛如也化導非一日矣所著有綸簡類編奏疏牘草應迹碩輔寶鑑耿子庸言先進遺風敦學商求牧要編譯異編儒宗傳大事譯學彙黃安初乘耿氏家譜觀生

紀詩文集若干卷蓋奄有文成之美云李生曰余自史官出爲陝西參議分部隴右耿先生時以太僕詣闕從郵舍中進謁先生示余諸俗邊政甚悉比入隴先生清風惠澤往往而在有餘師焉余侍教君子衆矣容貌詞氣一見而使人心服意消閱時憂國憐才服善疊疊不休則蜀趙文肅吳王司寇先生三人耳楚材自昔爲盛其在木朝名位與先生等埒者若劉忠宣夏忠靖何減古人至論學術先生尚矣於戲夫寧獨楚也

陳司馬家傳

陳司馬名瑞字孔麟閩長樂人也舉嘉靖癸丑進士除行人擢監察御史巡視河東鹽政是時都御史鄧懋卿以分宜相黨被命總天下鹽政所至有司共張如王者日夜輩賂賄相屬於道公上疏言商困狀

大湖山房集

卷之六十三

家傳

十八

集

肅皇帝覽之色動懋卿小戢已按蘇松常鎮四郡四郡大水復疏罷諸征斂斥汰貪吏若干人糜食餓者悵療疫者殯埋死者吳人歡若再生而公已當代交上書乞留所司以爲非制

肅皇帝特報可更一歲吳人度不能再留公請行府隸號道爲噎相與貌公而祠之今四郡山水佳勝公祠輒踞其上報賽如一日已選山西督學使所甄錄多人

遷河南叅政廣東按察使以母喪歸服除補故官累遷左右布政使右副都御史四任皆在楚而江陵方貴盛其戚黨交遊躋膺仕爲奸利宦楚者竭府藏以充饋遺公勢不能無往還然率出奉稍不以損官若民而江漢數溢盜繕治隄坊數千里民得耕而食大崙山與江西隣稱盜藪置帥一人守其地迄今無桴鼓之警焉先後楚凡八年召爲南京戶部侍郎尋徙北刑部已晉右都御史刑部尚書皆在南會兩廣制府缺詔公爲兵部尚書兼左副都御史督軍務居頃之以平寇功賜飛魚服及白金文綺賞議請復烏鰲船通鹽利兼資其力捕虜

大泌山房集

卷之六十三

家傳

十九

疏

事格不行而江陵已沒中外告言姦黨快其私憾斥逐一時大臣殆盡公遂中白簡

上寬之于致仕凡七年卒伯子長祚以兵部職方郎九年考最爲湖廣叅政政政不一年病免薦紳學士稱其操行尤著舊史氏曰江陵之事蓋難言矣天下胥目江陵爲姦臣夫江陵救時之相也自頃西虜東倭燧一舉而朝衆相顧失色小吏遠臣羣起言國事莫知政之所出令江陵在有是耶江陵獨行一意烏得爲姦姦不可加江陵奈何舉其共事者悉以姦黨錮之乎彼生於楚宦於楚爲江陵構怨者有人也余里居十年司馬已去楚楚

人頌司馬寬然長者至其子甲則唾之然司馬卒廢不用矣司馬不附分宜黨僥得無敗其爲德華亭鄉甚盛僅就常調外補晚乃以江陵墮其聲豈不悲大夫爲江陵構怨者或獄或戍或爲編戶食貧公獨得致仕衍衍林泉子孫多賢且貴大道固有知也世貴耳賤目吠聲射影以一背掩終身如司馬者可勝道哉

何太宰家傳

何公名寬字汝肅浙江臨海人也父從良爲掾史文無害除進賢尉公從之就外傳進賢萬太宰傳司寇者見而奇之他日功名不減我輩年十八補邑諸生汪中丞

大泌山房集

卷之六十三

家傳

二十一

疏

徐文貞爲督學使以國士器公公亦自負篤志於學泛濫六經諸史百氏之書而於大學衍義尤所淹通輯錄爲六卷曰此應世宰物之具也庚子舉於鄉庚戌李文定首拔公成進士第九人觀政大司馬省中嘗入科接本給事中據案不卽迎公止不前俟其起然後入成禮而退拜南京刑部湖廣司主事諸郎多以文酒山水自娛公取律令讀之丙夜不休或笑其迂毅然曰民死生關三尺法奈何使刀筆吏輾轉欺我爲奸利已遷浙江司員外郎廣東司郎中皆不離故局而廣東司稱最劇京師諸獄咸隸焉有富人殺人而薦賄故出者卒抵罪

一幕官與部尚書有連受賄執法尚書庇之公不可少
司寇曾公故亢直不阿常目屬何郎有大臣風槩事恒
容焉六載出守成都成都在省會領三十二屬案積如山
公至越月庭無留牘口授吏數十人操筆書苦腕脫
也早則步禱於神雨立應如此者再三殿災采木於蜀
蜀人大困成都以公故民不告劇已杜囂訟懲豪右逐
貪墨嚴干擬有盜魁亡匿十許年購求莫能得詣公自
服旁郡以盜帑金典守株累繫者百許人一日部民訟
爭遺金公疑金非民間所有訊之則盜旁郡者繫者得
釋民亡子訴公公言而予在旁邑其所諸生以試事謁
大泌山房集 卷之六十三 家傳 二十二

喜更得公而恨失之服竟當事者復除故官以慰士民
之望益飭廉隅精請獻中外舉異才章滿公車擢僉都
御史巡撫福建下車省牙卒散召募一意練士著爲兵
大將軍張元勳言其不便公持之堅汰老弱歸農而簡
肆其驍勇者裁諸賞功廩給浮費以食之士投石超距
一當百矣粵賊歐老寇彭湖提偏師潛入其穴賊夜驚
散八閩梓鼓不聞而務爲節儉與民休息其他征徭蠲
六萬金減丁米十五司農議以所蠲爲邊儲公愀然曰
吾冀閩民少寬一分之賜耳如以餉邊孰若以備閩緩
急力請而後可三年入爲大理卿先是有二裨將坐事
法當逮問廟議惜其才俾領南兵戍薊門公爲竟其獄
遣行而新鄭江陵二扣有卻新鄭門人御史杜者以爲
出江陵意疏劾少司馬谷公薊帥戚公詞連公公遂歸
亡何新鄭去御史黜臺臣訟公冤卽家改南京副都御
史督操江會盜抄蕪湖中丞監司以下遞受罰公按部
察要害布水兵增哨船明分守定期會覈功罪設荻港
都護城濱江諸邑之無城者法視閩加詳而蕪湖盜先
後捕獲數十百人大江千里估客安枕已遷工部右侍
郎尋進左河奪淮潰爲漕道梗與河臣合築防淮疏河
漕始通所建白若織造抽分軍器諸便宜迄今賴之以

乾清宮河橋成兩受金幣之賜滿考遷南京刑部尚書故公所筮仕地精敏絕倫有韓兵馬聶舉人麗于法而貴人爲居間者一無所聽吾鄉爲郎不敢以尚書故有縱舍今爲尚書不欲使諸郎口實且吾官八座年踰者夫何求焉而徇人以尸其位因上書乞骸骨不果尋改南京吏部當計吏司業新建張公以諫江陵奪情自經延山脩憾未已將中之削籍公謂楚人深於怨宜薄處以殺其怒而私語子大縉是舉也吾失江陵意又不能爲德於新建無以解好事之口皇天后土鑒此心耳御史知狀糾郎鬻獄者因以罪公尋得白復上章乞骸骨

大泌山房集

卷之六十三

宋傳 二十三

鎮

不果三上江陵調旨予致仕既歸跡不入公府偕二三故人觴詠斗室中風日晴和籃筍偏提遨遊雲峰桐栢赤城間歲時朔望朝衣冠北向稽首呼

天子萬壽以爲常又數年卒年七十有三恒言當官自常祿外交際皆私也況莫夜之金乎自爲舉子恥關說卽父母之命必遜謝之閩有營帥負才名公業薦之舟登而以米二百斛餽公怒曰而才名皆繇此致立削其草鄉人有爲郎遭父喪者致十金壽公公訝之是將爲大計地耶察其政果多謬因去之其於廉吏直臣推轂不遺餘力若朱泉州炳如詹御史仰庇惠

某齋齋

權貴而特薦於朝識者疑之所甄拔自督學粵右以來知名士後先相望在蜀則楊太守沂少司馬梅友松趙可懷其著者也遭父喪柴毀孺慕事母備極色養伯兄潮州守寵卒公乞歸養按令甲不合而止先世所遺田宅悉推以畀母弟宋其從弟宣貧蚤歿爲二子受室治生而拓蔡家畧守家舍置田供伏臘費置義田六十畝給宗人婚葬母黨各以親疎歲受賜有差少司空金公爲公子婦翁篤論君子也稱公生平慕趙清獻包孝肅本朝耿清惠王端毅之爲人殆庶幾焉詩法建安開元文法廬陵南豐云少讀書三山賀氏塾中怪見廳事驚

大泌山房集

卷之六十三

宋傳 二十四

鎮

曰陽間有大貴人遽返走卒之日無雲而雷雨驟下人以爲異子大縉有父風今爲郡守舊史氏曰余束髮歷三朝見爲相有權力者若分宜華亭新鄭江陵去位則同時大臣多以黨人見斥不復可辨太宰公兩仕楚有聲江陵用之自出公議及爲太宰考功郎以列卿左官覬覦舊物望江陵風旨甘心新建公不能奪耶後顯庸未有訾之者獨於公求多何也公自免在江陵先是亦足謝衆口矣余深悲其意而具論之

張司徒家傳

張公名孟男字元嗣河南中牟人也少讀書郭外僧寮

寄徑廢河白晝行旅斷絕公恒以雞鳴中夜獨往來若有物前導者卽雨淖不塗足同舍生跡之大驚知當似其遠祖矣蓋公之先十二世有仕元爲禮部尚書者云舉進士除廣平李官廣平燕趙之交其俗大氏精急高氣勢報仇過直輕爲姦吏善舞文而公所摘發得情傳比中律一日可結竟大獄數十老胥抱案拱立然而簡易寬恕無鍛鍊周內以立聲名廣平人去後見思旣用治行高等徵故事徵者詣侍御史及中丞臺辭皆有饗禮侍御史已與公爲期質明謁中丞就邸中治具饗公比出而侍御史恚公失期是夫謂旦暮給事省中据我上不屑就也中之鈐曹出公丞漢中郡事白擢順天治中已徙司寇尚書員外郎已徙宗伯省已徙尚璽丞治中威儀伍伯二人朱障泥裹壯荆馬首前唱喏司寇郎一人青障泥宗伯郎一人右執荆左執胡牀而已尚璽丞與治中同而腰帶無花不得執象笏都人爲之語曰張公三宦騶減半宦無厚囊帶花落象齒不足繼以竹是時高文襄以閣臣攝冢宰其夫人公姑也隆慶初徐文貞當國與文襄共事不相能旣召用頗脩卻而儉人爭真力焉所舉進士爲六曹郎者改除兩都臺有百許人貨行於言罪成於手皂囊白簡如蜩蟬矣鄉人河內

大泌山房集

卷之六十三

家傳

二十五

集

武安之屬數招權顧金錢道路以目公守散曹罕文人歲時起居夫人則文襄置酒便坐歡燕諧謔終不及他一日詰夫人卿家尚璽何爲疎我夫人對曰天下事方在公掌握公不以妾故昵妾猶子猶子不敢以私請公妾知免矣當爲公賀文襄笑曰卿言大佳少司寇曹公者文襄姻家與公抗志清妙外絕榮競譽輯朝野標的當時謂之中州二室言其正體巍然也會先帝晏駕梓宮在殯太皇太后暨仁聖皇太后未封正酷暑俄傳三旨同下削文襄籍入心震駭門生故吏散走公駭馬之文襄卽入其門無人門焉者入其閨無人閨焉者文襄反袂拭面涕沾袍悽哉諸大夫遂無化我也吾不早知子生無相見亦無相哭公慰之曰四時之序成功者退公士之甚薄之甚何爲言此幸而退致足樂耳執筆食與四脰脯祖文襄于郊文襄下韋藩木捷而執手吾夜思子之言嘉子之行若熱之有濯也譬以爲席鞍以爲几大嚼而別江陵執政有震主之威薦紳岐意於楚或勸公數候問之公不可鄉者不昵吾戚而今親所疎乎君子比德以贊事不引黨以封已吾充位九列無職兢焉卽私見何所置辭

大泌山房集

卷之六十三

家傳

二十六

集

長安弈棋吾貫習矣俛眉承睫諸附貴勢今安在哉殷鑒不遠君無復言江陵亦悉公不黨爲丞四年遷少卿少卿一年遷卿卿三年遷南京太僕少卿三年考績客言江陵遇公不薄何自外公曰執政以我不阿故相見知奈何負知已江陵物受禍視文襄烈矣公名愈重三年四遷自太僕太常大理三卿爲少司空皆在南京三年考績以少司空行通政使事又三年爲少司空爲左司徒踰年爲南司空未上移南司徒

上不視朝中外言事多報聞罷或留中公爲通政疏言祖宗朝日一再御門臣司日取事重大者請與諸大臣面計可否凡臣民封事急則應時裁決緩不過三日又摘起數引奏者至御前承旨下之諸司

上八月不視朝矣災異頻仍星辰繆越坤靈震動年穀不登人相食啖白骨委積臣聞人之於天也以道受命人之於人也以言受命不若於道者天絕之不若於言者人絕之羣臣久不見至尊進無所關其忠退而上書置不省覽人誰受命下閭上聾幽隔鬱滯天地否塞不亟采納施行欲以末撥災異必不得之數也日者輿人翟繩祖輩稱故都御史李材功蔡人喜彥科輩訟故令曹世卿冤頌繫兵馬司橐橐不繼莫必其生虧損盛德

臣職在喉舌責望所歸不任款款之忠

上稍爲聽受而中貴人關說者謝絕之妄加詆謀居一歲譴張杜口覆沒信眉則誦聲作矣留都賦積逋巨萬公請重總督糧儲之權課殿最憑黜陟于是飛輓鱗次歲入數倍可支七年而諸郎分權者如蟻附羶爲量豐約均勞逸差先後遞出入金夫不便也噴有煩言公力謝病歸散髮衡門若將終焉中外推轂舊臣以公爲首五歲起家仍故官疏辭不允既至主者白金不滿五萬財足兵兩月餉夏賞不與焉公酌緩急定期會權貿遷通有無迨夏而稟賜一無所詘士不呼庚癸商不得射

時收倍稱之息府庫倉廩有贏而島寇播夷作難官殿數災少府水衡時取給無乏長子早世守藏吏以百金調棺殮詰所從來曰羨也公愀然奈何以私喪廢公帑夫仲尼之于伯魚非耶卻不受脩倉席竹故取諸司空公覈得贖緩二千建府軍左倉三廩司空不知也久而司空嘆曰廉不爲名公之謂矣六年考績加太子少保益感奮孳孳公家之務既病議分水兌支倉儲及豁除虧折諸大利害伏枕具草以是勞瘁日甚凡五乞骸骨上優詔慰留而最後病力慕史魚尸諫爲遺疏屬其子上之曰臣頂戴曲私越從沔泥歷事三朝年踰七十朱

博翰音實愧于懷臣故羸劣善病從間以來逆害飲食寢以沉困恐先狗馬填溝壑不能輸寫心力仰負隆天重地之恩視不可舍伏惟

陛下初載覽總大麓經營天物政非惠利不圖於心制非舊典不訪于朝百工允釐方垂無事今殊不然臣備員地官所徵賦於天下什不及一皆鬻男女剗肉骨之餘也臣以催科爲職臣職不廢而民病矣民爲邦本聚財以病民虐民以搖國有臣如此安所用之頃者中人四布伐山竭澤算及雞豚戶口消亡諸臣法言異語交滿公車臣何敢贅臣在官言官天下之財止有此數財

大泌山房集

卷之六十三

家傳 二十九

一

之所生止足其用諸所與利豈有異術率巧名以榮衆多方以剝下民之所有不增而官之所收日廣所有不增則不得不侵正賦所收日廣則不得不浚民生民生計索而正賦又不敢闕此臣所以持籌嘆息一日不能安其位也宇縣水旱薦臻京邑少者枳路上方珠寶之奉河隄梗苗之費歲無虛日六戚不保甘爲盜賊夫經大業者不在兵威而在德澤濟大用者不在利權而在人心弘大統者不在邊疆而在中國西夏底平緬酋授首倭闖藩籬敗之絕域至神武矣曾不足補中國之虛耗解萬姓之怨讟土崩瓦解勢甚可虞宜沛德澤收人

心強中國永延令緒要在

陛下一身無遠求也郊廟朝講曠廢幾二十年六卿九列百司庶府聞其無人鞠爲茂草言責官守之臣仰屋嘅嘆流涕相對診視妖孽書不絕上史冊所罕聞見陛下無恐懼誠心無脩省實政第傳旨云官中儆惕令臣下致齋耳

陛下果有誠心實政當復郊廟朝講如初年寒暑不輟然後引進羣臣甄別邪正去者與衆捨之勿開僥倖之路留者與衆用之勿滋屈抑之恨爲官擇人不因人而廢官爲事責官不因官以誤事撤中使歸舊德停採造

大泌山房集

卷之六十三

家傳 三十

一

發帑藏以代常供則德澤暢人心悅畎畝皆爲囊篋閭閻皆爲金湯隱憂博禍庶有豸乎

陛下聖神高出百王失此不爲至於根株交瘁兵食并詘雖欲改圖無及矣鳥之將死其鳴也哀人之將死其言也善臣無善言而切哀鳴非哀其身之歟爲

陛下抱杞人之憂耳伏惟憐察疏行明日而公卒士大夫讀其言而悲之司寇趙公偕諸寮奏公清忠大節羽儀表著宜有殊錫以旌鴻碩

上下禮官議其宜贈太子太保遣內史治葬祭有加等公薨而失母未仕而失父深用銜卹入廟展墓諸哀端

所觸涕數行下事仲父季父如事父母所居園史凝塵
飲食衣服器用猶惡終鮮兄弟同氣之親綴念弗殊婚
姻鄉黨施各有差年位彌高不豁平昔時意中卒有加
賦數十年物力因以彫剋白當事者蠲除之邑人歡若
更生比戶尸祝焉口不言人短所獎拔材俊士甚衆士
無知者或知而稱謝自詭曰無有鄉所擠公侍御史後
亦官卿貳見公夷然無幾微之間喜愧參并嘗讀書至
克勤於國克儉於家極賞其言服之終身中子孝廉民
表有文學虛靜恬淡宅心事外人倫之脉業也舊史氏
曰昔者鄭楚之構也舉國若狂使鄭不可得親易使楚
不可得疎難余入仕四十年所見俗之移人約有四端
理學則貴虛無勝口說廉介則崇矯激夷等咸謹正則
多建白競攻擊敏達則事繳繞擅紛更張公有一於是
乎司馬子長稱萬石建陵張叔其人皆長者而病塞侯
微巧周文處調漢興削觚爲圓宇內日化及乎武帝朝
稱說天下長者止此耳當今之時乃有張公豈易也哉
公素好史記繕寫數過於中有深會矣

王司徒家傳

王公名好問字裕卿永平樂亭人也父艾矣無子禱於
泰山始生公骨相殊異胡僧見而奇之稍長善誦書屬

文居母喪哀已補諸生從中岳柯公究性命之學貢入
辟雍遂登鄉書邑令迂諸郊關之外以鼓吹旌旂前導
謝不受餽之粟百石復不受已舉進士除太常博士父
喪哀幾毀服除貧無以治裝邑令餽金十鎰卒不受謁
選人仍故官時分宜用事寵賂其彰獨公久不調公作
太常先生傳自嘲銓曹以是知公選爲御史視南城豪
某上元張燈于市觀者相蹂踐成疏劾之緹綺帥陸方
貴幸爲關說不許按陝以西聞套虜入犯并道之官將
士知公來悉力拒虜虜遁去

上好方士家言四方爭言符瑞隴右以白鹿芝草進斥
之再按山以西罪榆次人獻天書者一夕心動命有司
慮囚所理出千餘瘞溺者骹骸繫繫也請罷陽城鐵稅
民大悅繼母喪喪之如父若母隆慶元年除故官覈中
人漏軍器三萬有謀督京營兵者抗疏言是將爲劉瑾
王振也中人震恐鼎革之際所建白悉關大體其著者
止行幸重孝思勤聖學肅戎政海內誦之遷大理丞歷
左右少卿平亭疑獄人以方張釋之于定國遷太僕卿
廉得監收兌發多所乾沒汰之者爲令邊臣數請馬價
持不可遷南太常卿召入爲通政使以考最遷少司空
頌職如故治奸人聞人奏者讒說不殄行矣已遷少司

寇少司徒有所不合乞予告不得而以次遷御史大夫
司徒皆陪京汰冗費得羨二千金官屬廩廩侵牟計塞
歲饑米踊貴亟發倉粟以賑不待報卒無脫巾江南北
餓莩活以萬計人以方汲黯會聞兄太守喪哭之慟遂
病乞歸歸而展墓哭更哀不起矣公折節爲恭儉望之
知其長者至於守正行志不允豫奪常也卒之日衣財
數襲書千餘卷而已子三人有父風渾然爲比部郎最
知名舊史氏曰嘉靖慶曆間相臣之妻凡三好倂而黷
貨好清議而寡實用好綜覈而過苛縉士大夫追趨逐
略波流草偃中行獨復內不失已外不失人者王公耳
列大山房集 卷之六十三 家傳 三十三

居恒恂恂言不出口其所著春煦軒集抑何斐然也賢
者固不可測哉

少司寇宋公家傳

少司寇宋公名仕字汝學平原人也舉辛未進士初仕
衡水令巨璫馮保家深州所置田宅與族類怨屬盤互
邑中公一切繩以法保銜之詭語當事以勝劇調遵化
遵化中丞治所距督府帥府不數舍將迎供億騷然煩
費至則謝饋問裁浮濫清租挈祛宿蠹新學舍訓士以
文行相切磋諸材官良家子弟時肄習之文武斌斌並
興是時大帥有與援權出文吏上獨敬忌公裨將以下

臣風相戒有不善懼爲公所知公以特出寒察彼已情
形畫攻守之宜當事者借等輒中六年用治行高第徵
爲侍御史無何有父喪服除還臺出按西川履畝定賦
除其三弊而民因大蘇知鹽政之多秕也驗商引汰無
井無竈之征而移巡徽吏密通譏防焉帥郭成黷貨無
厭數其罪去之將吏斂手回面承寧酋長奮効忠死其
弟進忠妻其婦奢世統猶以効忠名與爭地公爲文告
法聞子繼父不聞妻繼夫況失身於夫之弟又何可攘
利千夫之子使者有三尺在世統懼聽命人謂公一檄
勝百萬師以此大比士七十人極一時之選布列中外
大大山房集 卷之六十三 家傳 三十三

威有聲績載按東吳所興除利害大者十有二事釐空
役以甦介特禁那移以杜侵漁立循環以稽玩惕置由
票以便收納革攀賊以全無辜懲驛騷以飭糧運罷調
檢以遠奸僞懲凌虐以恤幽囚慎留獄以絕欺罔罪火
化以敦薄俗布成書以垂永久吳人施用至今居臺滿
兩考遷承京兆貳廷尉以御史中丞拊畿南六郡公令
時習畿南事若越人見垣一方人所布憲有倫有脊奇
兵民兵二營無以游食冒餉召募與隸增其餼直潞王
之國寄巡部中中涓奉要束唯謹有司隱盜不以聞者
應旌旗金鼓尉傳方物取媚使客者真保營兵暫東成

而沿爲故常者滌惡民竊礦利釀亂者稅斂多羨而以
輸將費橫索者武弁以貲得官朶下者平糶無本強括
之民官廩積粟以待艱難而實不符名者邑令淫刑以
逞者賦役法不盡一者通軍興若指冠者災傷不白水
利不修戰馬不蕃尺籍不滿品弛胥靡而脫爲大寇者
悉按如律險走集縉城隍勤簡練周偵候屹然重鎮京
輦恃以無恐府庫倉庾克桴鼓不聞民無愁嘆疾苦閭
閻爲廷臣最召入佐院尋以副都撫江南以大理卿任
留都未上而公按吳于兩執政無款曲撫畿南糾其威
黨之爲監司郡守者言者乘之蝕公公抗疏致爲臣而

大山房集

卷之六十三

家傳

三十四

集

去構釋幕園以居土木無所刻飾衣冠無所標異舊時
同學後進儒生談道講藝相率以禮讓暇則與里人樵
牧耕釣方幅齒遇薪不槎葉澤不伐天獸長麕麋鳥翼
殼卵蟲舍蛾蝶俗尚仁厚邑爲善國事後母孝白首依
依膝下如嬰孺每言諸弟吾一身也諸父吾父一身也
緩急相護有無通共推而及于諸子及于支親及于姻
戚鄉鄰含醇詠德謳吟屬路諸臺觀風使者請召用章
數十上越二十五年起家爲留都少司寇比年縣官斬
名器列印弗予八座如曙星承攝去來法紀陵遲公以
會典所載十三子部職守申儆之率作屢省諸郎孜孜

勵翼而六卿庶府亦憚公修正恪守官次輒物爲之一
新矣老成人利益國家如此哉舊史氏曰公開府畿南
余時分部大梁諸頌公政者類曰嚴明獨郡太僕子愿
曰公仁人頃客金陵親炙行事不言而飲人以和不督
而令行不怒而威于鈇鉞子愿公婚姻相知相盡其評
焉偉矣

韓宮諭家傳

宮諭韓公名文煥字崇雅陝西涇陽人也涇陽任縣明
興大臣以勲名表著相望而未有官諭者有曰公始公
父繼周以孝廉知霍山縣首舉公王父贈太常少卿公
父繼周以孝廉知霍山縣首舉公王父贈太常少卿公

大山房集

卷之六十三

家傳

三十五

善爲星按公三命五行是必亢吾宗五歲受書日誦千
言不忘塾師未之奇也請於父兄欲爲舉子業父試之
須臾具草若習貫者父驚喜向後屬文典麗而有深沉
之思老師宿儒遜謝不如年十九舉于鄉益下帷發憤
著作不休從父宦邸取孔曾思孟書集百家傳注發明
微言大義凡四十萬言名曰萃珍其爲制義稱是皆諸
賢尋味所不得以故受吹拙目四上春官當萬曆甲辰
始第改庶吉士讀書中秘屬政府有貢夷事學士以詢
諸吉士無應者公剖析不阿邑或病其慙曰此關國家
利害何得緘默取容衆爲歛衽以繼母及父喪歸讀禮

之暇博物多通凡六年授檢討史官尋以王母喪請假
歸三年人直起居注不虛美隱惡有董狐之直焉丙辰
分校禮閣所錄二十人皆名下士爲臺省藩臬曹郎極
一時之選以久登遷春坊贊善奉使蜀公體故鴻太先
是比士惟恐失人沈吟酌寢食不時重以蜀道青天
終古登陴貌爲省瘦未及報命進太子諭德而病不起
矣公以辭賦之業無裨經世於朝章國故民隱邊情尤
所刺心目讀史數十篇擇其可者類次之苟有用我持
是以往耳又好養生家言輯之爲衛生經惠與釋子遊
傳設善言虛勝荀粲談尚玄遠振其勝場故應訓志傳
大泌山房集 卷之六十三 三十一

微顯闡幽語曰不知其人視其友其友久要不忘生平
之言卽公賢可徵也

大泌山房集卷之六十四

京山李維楨本寧著

王文肅家傳

王文肅公名錫爵字元馭太倉州人也其先從太原徙吳居嘉定南鄉寺溝已割其地隸太倉遂爲州人有仕莆田丞者謙廉而能慈生侃侃生銑銑仲子湧娶於徐生典客夢祥娶吳夫人是生公銑以下皆以公貴贈光祿大夫太子太保禮部尚書武英殿大學士生時有萬爵集屋梧前州人以爲祥因名之比能言資稟殊異蓋旬日盡時師累年之學立談見昔人千載之機矣年十

大泌山房集

卷之六十四

家傳

王

二爲州諸生戊午試南畿以春秋舉第四人壬戌舉禮部第一人廷對賜進士及第第二人授編修侍經筵講莊皇帝稱其明爽切直已典文官誥勅己已遷南京國子司業明年遷北京尋爲右春坊右中允辛未同考會試往史臣朝退則由東階趨史館有給事中某使鴻臚來言非是公謁政府道給事勢凌逼人詞甚厲高文襄不悅

今上方出閣公宜爲宮僚而以諭德掌南翰林院事蓋遠之也壬申

上登極還坊爲

穆宗實錄副總裁癸酉領右春坊事主順天鄉試甲戌復同考會試

穆宗實錄成陞侍講學士加四品服遷國子祭酒條上監規用國初積分法重胄子之選公侯伯子應襲者詣監習禮無以虛文塞責師道士習煥然改觀丙子遷少詹事攝府事爲

世廟實錄副總裁直筆威于鈇鉞書成晉詹事疏辭故事三品無辭辭自公始已遷禮部右侍郎江陵不奔父喪史臣趙用賢吳中行疏論之與同官詣江陵求解拒不見公徑造喪所極言其非江陵泣且拜曰

大泌山房集

卷之六十四

家傳

王

上固留我而諸子力逐我我將何居有死而已直入不顧卒廷咎兩人公掖之行大痛倡同人辦裝詔許江陵以假歸三月還朝九卿爲疏請公不署名投筆起而身乞省親客曰得無形相君短乎公曰吾知有吾親耳他何計焉既歸與王元美司寇兄弟暢玄風修白業而會女曇陽子緣守節昇舉阿邑江陵者以爲口實江陵心重公不孰何也未幾江陵沒人莫不敦惡毒孽若祓不祥公遺當事書江陵相業僕始終不甚病之所不滿人意自有數端一死足償因勢而抵腕如重傷國體何已遭父喪甲申廷推閣臣

上以禮部尚書召入開疏終喪禪縣而不樂比入不御
上遣行人勸駕乙酉赴闕首疏禁誦諛抑奔競戒虛浮
節侈靡再疏闡橫議省工作公初出使王邸及典誥勃
故有饋問常儀一切無所受既相大指在卹民隱進貞
良屏貪墨郎某以數百金爲贄疏斥之風裁廩廩矣從
上閱壽宮有以堪輿說撼大臣者抗章力辯丙戌主會
試考丁亥重修大明會典成進階一品再疏辭

上允辭太子太保改太子少傅公嘗病閣臣恩澤濫何
以風百官重廉恥故陵工河工邊工玉牒加恩數懇免
戊子江南大裁請蠲積逋折有司攤荒之議使貧富無

大泌山房集

卷之六十四

家傳三

王

淪胥以敗時國本未定大闢張鯨有異意又以東廠詞
事恐迫人公與申公密計除之御史馬象乾語侵輔臣
上怒下詔獄給事中李沂繼疏復予廷杖公力爭未減
而鯨亦敗滿考加太子太保子衡領北畿解禮部郎高
桂言中式可疑者八人衡與焉公請覆試語意不平刑
部郎饒伸遂攻公

上置之理公疏請得免御史喬璧星亦言公過激不難
引咎謝也雜評事于仁疏諫

上酒色財氣四失

上嚙齟未發庚寅元日召輔臣入

上手擁 皇長子令就視輔臣趨拜已命皇三子繼出
輔臣擬拜

上止之曰不可旋出惟于仁疏欲冀重典而目屬公卿
意云何公曰今外人不以于仁訕上而名之納忠若重
罪之人不以

上治狂而以爲拒諫

上意頓釋公因以升儲視朝請

上首肯之明日御札以冊立豫教分爲二事一可一否
而疑羣臣請爲離間公疏云凡稱離間者本貴而間使
賤之本親而間使疏沘

大泌山房集

卷之六十四

家傳四

王

上手擁 皇長子明示臣等長幼之序臣等早勸冊立
以成

上所欲貴進愛勞之說豫教之方以成

上所欲親何名爲間也自後屢疏疊疊萬餘言其最謹
正者前有 皇長子始生明詔後有節奉慶旨公有兩
京諸臣合奏私有皇親鄭國泰專請近有都城委巷流
言遠有四方萬姓屬望 九廟神靈 兩宮慈訓昭如
日星

上寧得過舉一念臣等亦豈可苟順一言然而 聖心
默定 皇貴妃密贊暗室無影之事臣何據以曉喻臣

民而解疑息訾哉已數奉御札冊立元子倫序以定朕
豈有溺愛偏執待過十歲大典並舉行公謂同官 聖
意無他第以大事不宜自臣下發之吾輩當拱默俟耳
會西虜內犯言者多欲罷款決戰公嘆曰熙河之事殷
鑒不遠疏戒邊吏嚴斥堠彼鹵掠無得和市不保當自
定朝議多不相入後卒如公料礦議起

上問閣臣公疏不利四事得輟其後有陰導之者遂流
毒天下矣辛卯以母病懇請歸省再疏得允濱行疏祈
上止酒遠濕以調聖躬抑火戒怒以寬左右舉

朝講召對之儀躬祀天享廟之禮除額進加取之例信
大沁山房集 卷之六十四 家傳 五

冊立豫教之命錄建言廢棄之臣復極言邊事當以王
安石韓侂胄賈似道為戒既歸見

上以給事中張有德言改遲冊立復馳疏請之不報
上趣召還朝七辭不允癸巳就列復以建儲請

上諭公祖訓立嫡不立庶欲三子封王待數年 中宮
無子乃行冊立公時以京察居邸中使立趣回奏未詳
檢故事為傳帖二道一併封三王一請 中宮以 皇

長子為子

上手答

聖祖垂訓豈敢背違學他人假借以偽亂真下並封三

王諭禮部而外廷紛紛詆公公不自安請收回並封
聖諭

上復諭羣臣元輔反覆勸朕冊立此朕去歲之命復何
所疑恐背祖訓日後事難處暫將三子並封外臣爭論
不知何意已而光祿丞朱維京刑科給事中王如堅各
以建言謫戍公為救解因連疏請急勅九卿臺省會議
請召對面陳

上未允公復以三誤引咎

上報云卿若引咎置朕何地既爾俱不必封俟二三年
行之公復據初詔請定大典請先行豫教謂外廷疑
大沁山房集 卷之六十四 家傳 六

上於中宮睽隔久藉口待嫡而實不利于中宮為奪長
地其切直如此凡四上不報最後

上仍以待嫡為辭勅公無避怨來迫豫教亦候旨行又
屢密疏不報而京察拾遺部科議不合考功郎趙南星
被劾褫職禮部郎陳泰來等疑閣臣主之通政魏允貞
少卿曾乾亨相繼論列公故不干察典且惜南星材器
先揭救矣

上欲重罪泰來諸臣疏解之又疏釋都御史李材皆不
報因屢疏乞休溫詔慰留復疏陳泰交要務期以定國
論一政體而大旨歸之主與臣交大臣與小臣交當事

者與言事者交反覆數千言而請召對請御門請發
奏請灑宸翰免口傳及擬定講經書資啓沃十許疏尤
爲詳懇慧星入紫微垣公疏紫微垣王者之宮太子之
象惟早建儲可禳此變至仲冬

上爲之出而張朝已御煖閣召公獨對 諭卿扶母來
京忠孝兩全公言冊立事不舉羣疑未釋以激聖怒臣
恐思孝兩虧請早斷使人無詞

上曰朕意不搖遲早一也公言宮中事難以家喻戶曉
上曰中宮有生若爲處公言此事數年前言之猶可今
皇長子十三歲矣民間子弟無十三歲不讀書者況皇

大泌山房集

卷之六十四

家傳

七

王

子乎

上乃曰朕子明歲當畜髮期卿奏洞悉苦心公叩頭請
早斷則煩言自息聖怒自平

上頷之而已公退復六疏以請曰外議以固寵險謀歸
之 皇貴妃臣恐鄭氏舉族不安不但臣身憂苦不得
全也

上諭公屢揭有 皇貴妃字是何說彼雖屢進勸朕亦
難允祖訓后妃不預外事其可聽信乎公復疏曰今與
皇長子相形者惟 皇貴妃之子天下不疑 皇貴
妃而誰疑 皇貴妃不任以爲已責而誰責臣昔時跪

請

上明稱 皇貴妃之賢欲使臣下知之而反以爲預外
事不聽信乎 皇貴妃侍

上久至親至賢臣之所不敢言也天下歸怨 皇貴妃
臣之所不忍聞也又罪臣煖閣所奏未知何言不過爲
上鋪張籠罩外廷之局以臣編卒林甫許敬宗奸臣傳
臣當萬死

世宗晚年惑方士二龍不相見之說然當二王加冠時
使兄受弟拜而景王卽出封則天下翕然未嘗如今之
朦朧也凡此皆人所難言

大泌山房集

卷之六十四

家傳

八

王

上知公而茹納之閏月諭公冊立候旨行明春行豫教
禮朕思二子年相等今並行出閣或先後行卿可詳酌
之公請三子少待次年以示等差

上報可因請侍班講讀遴選詞臣并擬閣臣侍班期悉
用東宮儀

上報可天下曉然知元良之位定矣而中人開買出閣
費至踰三十萬公疏請得減半甲午河南大饑人相食
公極陳公私交困賑濟無所出請與同官盡辭俸佐貧
民亦望

上登兩宮發內帑以助隨奉諭 皇貴妃進助賑銀五

千 中官以下各有捐貲

上既英明獨斷觸逆者不復賜環而甚有以後言加罪前言一事波及一署者外議歸咎輔臣愈急公心憂之因密薦舊輔王家屏又兩疏請增閣臣會病大作

上為發金建醮以祈神佑未有起色辭疏八上始允特加吏部尚書兼建極殿大學士賜金幣行人護乘傳歸臨辭勅

上戒盛怒親廟享勤視朝重詔令起廢臣核議論發章奏惜老成慎譴罰節財用飭邊備稽吏治扶掖下榻焚香拜上之涕泗交頤也抵家數月毋沒

大泌山房集

卷之六十四

家傳

九

王

上聞賜札賜賻賜祭加四賜葬皆特遣使臣以往辛丑衡始對公車兩試俱第二人是冬

上以 皇太子禮成遣官勅勞公曰朕因羣臣激沮故冊立延緩知卿忠言至計尚鬱于懷今已立 皇太子冠婚並舉念卿家居係心良切特諭知之

上於公言益服膺未嘗忘也乙巳

聖母春秋六十適 皇太孫生再被存問公陳謝附以規諫

上臨御久益習外事稔知公為人御屏百官圖于公下書清正二字公所諍諷即震怒時霽威曲聽所不報者

未嘗不經目第不欲示人異同而已久之思公不置丁未復召輔政加少保兼太子太保遣官敦趣就道而公父子交病不能應有虞公出而欲尼之者與修卻者爭以並封及密揭為詬病其揭云竊觀邸報中惡言詈語指斥朝廷鬼泣神號遍傳都市

皇上置而不理以為我之量大正不煩言彼之氣衰久當自止而不知此輩方恃

皇上之不聰不喜因得行賣直沽名之計其氣愈盛其言愈長矣君父至尊必自立無過之地然後令出惟行請幡然降旨盡除關稅召還內差仍斥散內庫之有餘

大泌山房集

卷之六十四

家傳

十

王

以濟邊儲之不足天下必歡呼踴躍以頌聖德萬幾雖冗豈爭片時緡閱之勞積案雖多自有擬票承行之吏乃至十疏九格以蒙羣訪可為嘆惜臣所嘆惜者留中之章奏也而章奏中亦自有緩有急如推補九卿庶官無一事可緩而九卿以吏部都察院為最急庶官以六科十三道為最急悠悠道路見久虛此缺羣猜以為聖心但利缺官之俸不為用入行政之謀此可嘆惜之甚者也科道喜拾風聞妄言誠有之

上屢格考選之疏欲裁抑此輩以清耳目而考選久停則被抑者皆未考未選及已考選未命下之人其見在

考選授官年深者寥寥數人勢不得不稟從姑息以備各差之用於是考察降調及年例外補之典盡廢而科道官方積資累俸以待九列之推睥睨睢盱絕無疑阻與其故裁抑留不肯以塞賢者之途孰若稍疏通簡新進以決舊日之壅此臣私論明開言路陰散狂黨爲今日攬權最上策也揭大指如是而或有私易之謂導上罪言官者公生平不示人諫草既被人言恐如鄒浩諫立劉賢妃以焚草而人爲僞疏誣浩浩不能辯及禍乃請于

上以揭告諸臣而申明先後建儲原議以見

上于大事慎重無忒云臨終有遺疏

上覽之惻然公貌若山澤癯弱不勝衣雙頰聳起眉長覆目自是風塵表物事親左右無方夜必卽安而退有怨其父者執而欲甘心焉公兄弟奔赴或曰駢死何益公必往凶人望公來心動不忍遂脫于難園居時花以父好菊種菊最盛先後乞將母章十許讀之人人落淚酷愛母弟哀其無後思至悲哽問絕暇日讀書臨帖客至款語不涉時事小興蒙帷微行山水間人不知也家世累富鉅萬而忍嗜欲節飲食室無姬侍手不識算以故瘠而神王年踰七望八所爲舉子業程式之文天下

誦之其他著述窮悉事理剛腸英氣不可挫抑而恥以翰墨爭勝與王元美晚合元美文章司命推遜公甚至今其孫時敏獨以疏草先行于世云舊史氏曰自余有知所見輔臣得君未有若華亭江陵者然其遺疏具在如公觸忌諱決嫌疑鮮矣

上亦時屈已從之卽不從必使論其所以今輔臣奏如水投石與羣臣無異而體貌益衰或卧病數年委之而去攸卜久稽若以爲枝官可有可無不亦輕朝廷羞當世之士耶公去就有禮其歸與沒

上恩眷視在位倍敦非清忠簡在帝心能然哉不知者求多公惟並封密揭兩事余是以詳著於篇

朱方伯家傳

朱方伯杔字汝衷蘄水縣華桂山人也紫陽先生後裔居樂平有顯卿者卜遷其諱曰北海有鯢乃徙南溟鐵冠大人荷畚止耕九世其興西入楚寄逕蘄之團陂村天雨休樹下忽有翁戴釜而趨異之此所謂鐵冠大人也遂止居焉至杔蓋九世云父文奎母姚恭人恭人喜施膏飯老僧乞者飯已謝曰三日君家當產異兒兒既生問僧化矣啼聲聾訝曰童子炯然雖在鞠穉有壯夫

識量刻厲向學冬擁短褐夏御燈至明不休垂三十未
得志于有司而仲弟已游鄉校食廩後進或侮之是將
爲考父乎父亦寬譬以若勤苦改而業農所得孰與仲
多謝不敏不耐與僇服伍盜起震于鄰征公避書舍中
不覺也讀自如人服其篤志尋爲諸生壬子舉楚第七
人侮者愈不敢見先造門謝人服其雅量明年成進士
分宜攝柄主斷鄉人廩仕接迹于朝或請占故籍結歡
不可拜行人使於四方咨耆老詢故實問謗譽於路辨
妖祥於謠察利病於野而籍記之所至王國賓饗贈餞
固請徹加而後卒事郡人陶仲文以方幸封伯領三孤
大山山房集 卷之六十四 家傳 十三

公卿趨和承意出則擁車騎植羽葆建幢檠儼如大府
傳呼辟人行遇諸塗不爲禮薦紳以此重之拜南京廣
東道御史都市惡少年設方畧誘良家子圍奪其財吏
莫誰何跡得渠率火光水光之屬獄究之黨潰散矣諸
邸市買區物率推其直爲平市價衡石一稱斗斛一量
丈尺一綽制上下守之已巡上江江求盜盜與盜通候遮
捍衛不行青陽南陵諸巖邑豪爲逋逃藪下檄監司郡
邑長尉與諸武臣曰不問盜者卒也不問卒者官也吾
當問官自今以往盜無論衆寡以白簡從事官屬廩廩
跡盜浹月盜出界略盡鳳陽安慶諸倉大猾窟宅其中

爲奸利悉掃除之按部軌迹夷易不探追不及之事罷
一切共張騶導人莫識爲直指使者也前後抗疏十許
關朝常民隱不鉤撫微細至斥爲縣官求方士方書者
則批逆鱗僥免禍耳報政官簿在西臺之右以無援就
恒調擢常州郡守常州故饒自惟島寇重以水患官民
匱詘布政先節儉燕客器用陶匏有醴有常品雖嗔其
簡陋不顧又依禮定婚嫁喪葬之儀不得陳庶侈終其
任官屬無敢以筐篚入郡門敵以上饋遺不可辭不入
私署付之司庫酬幣宴貨取給焉鄉先生有宦楚素相
善欲得於出納中小自潤以正對曰聚斂臣與盜臣一
大山山房集 卷之六十四 家傳 十四

間耳某不敢爲盜何敢以盜事人鄉先生轉相告語朱
郡伯片言之賤辱過市朝之撻吾曹何顏復干以私請
謁稀少矣時廉諸官屬銖兩之過面質而心愧之其或
持正失上官指譏人交構其間必爲辨數乃已官屬感
奮不忍負濯磨自新往往以功名顯郡訟牒委積覽之
喟然而嘆吾故治易善平易之言訟也上以剛凌下下
不險則未必訟下以險陷上上不剛則未必訟故曰上
剛下險外健而內不險未必生訟內險而外不健未必
能訟故曰險而健吾先祛舞文者與深文者無以險健
示民佻而宜與令爲下所訟連染數百人諸生口語籍

籍爲齋戒聽于神首事者懼逸去餘亦釋憾令得白郡人薛應旂稱爲君子是善用易者理不可渝復而卽命勢不可克歸而逋竄夫非有乎何能空惕哉所錄囚徒多縱舍大辟不可赦歛歟累日而後奏當以時給罪人衣食瞻視其疾苦增廩其居室數詔獄吏吾爲求生而不生奈何今可無死而死也三年流庸還田野闢爲良二千石最擢陝西副使去郡之日獄囚涕泗號呼聲徹棘牆之外郡人泣泣巷哭扶老攜幼送者肩摩趾錯釀金爲祠生事之臨洮方中虜所親尼無行艱然曰事不避難臣之誼也鞠躬盡瘁而已既至簡將練士儲餉治大泌山房集 卷之六十四 家傳 十五

空文冒餉誅吏抵罪并治諸王子侯官兵腹果然矣先朝賜番僧號國師佩玉印與衛擬於王者其後僧亦黑水相禪貴倨坐殺人辟諸僧信不信服習知其事佛謹矢之佛前輒俛首受命罰入馬太僕千蹄獄乃竟番以馬易茶開出入有禁而吏奉行過當馬出廐茶出圃坐私販達繁株送赭衣數百千輩原其無辜者蠲之河西士民軍商如渴飲漿而寒挾續歡躍動地擢雲南右叅政行攀援如常州也監司拜黔國祖廟階下投袂而起譙讓之審然者謁天子廟當如何非人臣禮而繩責監奴如律黔國恐伺其他出則以金玉諸玩好餽仲子仲子財五齡其母賢明上流婦人也訶詰麾使大門之外嘗攝銀場有鄉人侵沒四千金訊之不爲未減又有查貪而忍嫁禍於細民者且死悉傳生比監試士得人最盛所爲程式文有大雅先進之遺焉是時陳方伯善徐司空栻皆有聲三人旅力同心正色率下滇所指數三良也已擢浙江按察使緩深故之罪若而人未幾擢右布政使復之滇滇人手額迎勞也而母卒則年垂六十矣哀而噉洩沫血而朝夕居子舍奉其父未嘗一日離側父沒哀如母蔬食惟一味人稱之一味先生不聽音樂者七年除故官浙江司空舉九府圖法鑄錢以勸農

贍不足而私鑄穀雜爲巧市肆易用爲釐革制量法錢
立而隱屏鑄作者息以調盈虛收奇羨錢無壅而民不
害江陵不奔父喪弔且諷之江陵不報而藩臬公賄外
其長私問甚厚給之云兩縑耳如其言以兩縑往左右
怪問此寧有不足相君所耶亦老蚩惱耳聞之而笑曰
夫老人所叫呼而祈也庸何傷勒令歸老舟過常州人
持牛酒逆境上慰藉數日方解纜揮淚爲別而送之京
口者從登金焦見其徒步矯健曰假令秉鉞行畧遑萬
里如昔在西戎南詔時何歎乎哉憤執政不能客爲之
孔優起謝曰吾久埃罪于外自願賜骸骨耳居鄉雖樵

大泌山房集

卷之六十四

家傳十七

牧廝賤延接無倨色仕宦三朝裝齋無長物衣帽極之
衣食渾庖之食第宅無丹牖文采而樂善孳孳不倦爲
義田義館義冢田歲收五百斛賦同宗支庶館數十百
人教之學成爲諸生者二十人家以昭穆爲序所自助
祿槥不與焉推之母黨妻黨又推之婚姻鄉里緩急相
護飢授餐病授藥死授殮人歲以千計非公事足不入
邑門部使者數推轂之固辭不任政不宜民若有枉抑
移書言狀其人不知所從來也通國依以爲命者十餘
年晚好黃老家言陰符大過赤文洞古諸篇手錄數過
袖王色澤七十有三而卒前期若見深衣玄裳者環榻

侍呼仲子以一豚肩犒之儻所計生有自沒有歸者耶
華桂山先隴形家以爲大吉子孫無祔者族人懷德五
屬外皆持總麻服念無爲報則奉以附祖墓而卽墓前
地爲祠歲時展謁近淚無乾土焉徐文貞爲坐主當國
以講學帥天下學社遠邇慕置在楚則耿恭簡顧參政
觀察兄弟同郡同榜然殊不肯例師不立門戶不聚生
徒不分文析字不煩言碎辭稽古有獲筆之於書沒而
子發視之其說雋永獨造無因襲分宜江陵不入其黨
事敗後人人人口實故相冀於復跡沒齒無怨言其爲長
者如此伯子期至仲子期昌翹然楚材至爲懷慶守人

大泌山房集

卷之六十四

家傳十八

王

祠之如常州昌爲茂才不問生產或齟齬之夷然不屑
所推廣德美尤著今舉進士爲民部郎論曰晚世士所
爭實力者理學爲上其次氣節其次政績其次武功其
次文苑十九名不副實朱方伯於五者無得而名焉夷
考其行具體矣瞿待詔屠夫敘奄有九德焦太史弱侯
述耿恭簡之所評目訥如愚朴如田父守如處女醇如
嬰兒信哉躬行君子微斯人誰與歸

查叅政家傳

查公名允元字仁卿海寧人也王父秉彝

世廟時給事中有直聲官至京兆尹父志立官至河南

叅政爲禮部郎時生公神姿秀徹首有奇骨京兆公柑之喜是必繩吾武者叅政公初司主客後司精膳公問曰禮之於賓主也前司是矣精膳褻事豈所謂禮始諸飲食耶叅政公大異之自是益力學善屬文方垂髫督學使滕公試士公不欲往士自有遠大期一青衿安論蚤暮父促之歸遂爲諸生舉於鄉年才十七耳叅政公罷歸若有不豫色然公曰愠于羣小古聖賢所以進德也不容何病叅政公色稍解入南雍極爲許文穆公所知會喪其弟依依膝下不忍離父母不可旣舉南宮請急居子舍溫清之暇披覽六籍百氏而於薛文清遺

大泌山房集

卷之六十四

家傳

十九

王

書服闋又奉焉又三年詣廷對策進御置二甲第四人授主客主事父子相繼典禮人以爲榮貢夷入市多異物胥吏黠者或摧其直公禁勿得交通夷不譁于館而有父喪哭仆地左右扶之起徒跣出國門日負苦靈牀頭非侍母寢膳不出服除母命之曰若父以世受國恩未報蒙大詬未白望若竟其志兒寧忘之耶起除祠部諸請卹者一以令丙從事毋濫而尤重謚法御史大夫顧公佐軒公親持請易名士林快之考績上書爲叅政公訟冤略曰臣父廉吏爲御史朱璉所中璉何如人卽臣父品可知其歲功則有諸薦牘在鐫職不收抱恨三

泉臣敬爲一雪之疏上父得還故官已進員外郎而大司馬封侯議起奏下禮曹諭朝鮮無義用兵公覽之勃然不悅烏寇侵軼我屬國與師問之曰有利鈍當僇力再舉而聽姦言以封事解構獎叛示弱計之左也疏上臺省躋公言司馬議奪而賊方郎有朝鮮置君之說上書力陳不可者三儲位未定政府誤畫三王並封之策上復以待嫡爲辭公疏云並封行否關天下萬世是非建儲遲速關宗社萬世安危設此兩端者大都不利有儲耳臣死不敢奉詔其持大體執大義多此類已出僉江西憲事視學政屬大比五閱月而歷十三郡所甄拔

大泌山房集

卷之六十四

家傳

二十

王

皆雋才而敦崇風節事其大夫之賢者則少宰少司寇兩劉公納言李公鄒王羅三給事公按使徐公廬陵豫章之風翕然中興焉甲午丁酉兩科得人爲最遷叅議部湖東居半載吏治改觀所攝四道篆贖銀千金緘付守臧吏以奉表行諸輓遺逡巡行馬之外不敢入朱璉因郡守請首領之罪公謝曰吾豈小人腹或訟其子不法公謝之此殺人媚人耳而爲位告叅政公彼夫雖生不如死大人目可瞑矣過里省母擢西學憲副以道遠不欲行母不善也自起至江上送之其治一如豫章大指務爲清靜毋擾獄市而已公子啓大年十二能爲蟠

桃詩壽王母王母絕愛之半道而殤公慮母哭孫慟卽
白臺使乞歸而母卒矣奔喪居喪一如父時喪畢楊少
宰曾大宰以書勸駕入都江右人士歸者如市除公分
部南昌大浸稽天米價踊貴荏苒之盜多有上弭盜十
議中丞衛公施用之盜平而鹽政以私販與捕卒連體
爲奸壘不行下令無誰何擔負獨操兵仗義苛大艦橫
行江湖者窮治無遺閩人辜推懼禍徵尺籍卒自衛號
稅府家兵無賴子竄其中糜餉而齟齬細民慘于寇公
廉問之此非典制意欲何爲於是兵盡歸伍餉盡歸兵
矣尋擢其省參政而李宜人病卒公不勝哀一月五告

大梁山房集

卷之六十四

家傳

三十一

王

休官吏士民走諸臺使留之者殆萬人公去志已決衛
中丞請于朝孫大宰請予致仕俟病間召用參政公嘗
書公慎廉勤和五字訓公奉之無忘終身不招人過不
脩人却不輕諾諾必踐不妄交交必久恂恂言如不出
口而綱常紀法所關不爲利移勢詘入仕三十年循序
而進不躐級一辭面年未艾也累世貴盛才所遺田
三十頃十畝之室矣社田半在邑器具雅素無他長物
食無二味衣恒浣補與李宜人相敬如賓雖燕居無嫌
語御家人不怒而威斤斤循法極爲鄉黨所安有講學
虎林書院者招公爲一往嘆曰此所謂書肆說鈴也吾

不欲觀之矣所心服獨前鄒給事梁溪顧光祿蘭谿徐
太常德清許少司馬云查氏未有宗祠參政公建于里
之奕恩橋歲久圯拓而新之四時脩祀事率宗人行禮
而察其貧者捐家廩食之周其艱厄曾王父墓濱水爲
築堰以防築室以守篤愛兩女弟問遺不絕教兩家外
生與所師四明馮生子元安元定皆成名婦翁李公卒
擇支子爲之後而歸其廬之轉徙他人者安成給事王
公如堅以爭三王並封得罪公每言昔
文廟儲位亦未定解大紳侍見

宣廟極贊曰

大梁山房集

卷之六十四

家傳

三十二

王

聖孫

仁廟遂立解吉水人特訪其後裔附諸生籍以奉蒸嘗
而數存問王給事家自爲文祭曾太宰以申知己之感
公初歸厝宜人別第而構館中峰南時以與登山舟汎
湖與子婿談執賦詩述宜人行事數千言屬門人丘太
史爲狀又手輯左傳國語鈔未幾舅氏春秋六十公往
爲壽因展外王父墓已赴從兄喪走若溪視其師吳職
方遺孤決旬坐小艇風波暑雨中病矣聞盧公過訪款
之三日尋詣方伯吳公歸往南屏精舍與婿譚不頃時
疾作昇還舍翼日遂卒公無子仲女適駱駸曾者復蚤

死其長女擇顧生模爲婿曰可屬大事女嘗判股療李
宜人公卒而門人樊比部令仁和模乃請比部立近屬
大說大義大同三人奉祀事三分其室謂子名得一馬
而於與與甥甥弘璋一三分不足三以授子婿一子甥一
備葬祭費模推所受田二百畝與兩弟均之人謂公知
人可方劉放之奇張茂先却鑒之識王右軍矣舊史氏
曰余嘗識查公於武林云公身貌不踰中人而言動有
禮法武林萬貨之轅齊民華侈相高矧於世家以約者
鮮獨公能不汰耳視學江右當網密事叢後務爲惇大
頌聲作焉余讀樊比部狀亟稱婿顧太學賢不見李氏
乎公不私一縉且令無爲餒鬼蓋身教者從矣

大泌山房集

卷之六十四

家傳

王三

王

馬武陵家傳

馬公升階字汝弼蜀內江人也仕爲楚武陵令以子魯
卿贈主事以孫鳴鑾加贈布政司叅政其先扶風季長
裔元季有爲閬中令者遷內江中江里家焉王父自然
官亦至叅政舍光醇德爲士作程叔子松山公愷實生
公公弱不好弄有成人之度父嘗對客言諸子惟不能
承家客去請卽日從外傳學夢許遜投刺不識許何人
亡何有貽旌陽傳者啓讀之至大忠一物不欺大孝一
體皆愛學道光明洞徹則知本性喟然曰茲非孝經至
德要道歟循而行之入聖達天矣自是治舉子業必反

諸身心行顧其言尋補邑博士弟子員與故學士趙文
肅公其弟國學公俱著名字三人盛年同志相與上下
千古左右百家定是非考同異絜廣狹辨瑕瑜孜孜無
倦也戊子偕文肅舉於鄉明年入太學見士講王文成
良知之學者文肅曰此學如江淮河漢無不灌注吾邑
何沒沒也公曰時至氣化當自有之文肅曰舍我其誰
公引天自天今而後有一毫不可與天知者天厭之遭
母喪不赴南宮局一室兀坐澄心而已又十年北上文
肅已爲史官語公京師萃四方英俊會友輔仁庶不負
茲遊矣公曰學不貴言貴精一實到耳居三月歸明年

大泌山房集

卷之六十四

家傳

王四

王

文肅在告與公切劘益至而公雅意欲見諸行事謂善
運天下者獨執其權善用權莫如舜善論權莫如春秋
論秉權謂輔相用天下者也吾見用于天下者矣未見
用天下也用天下有三而迹則有五按其所遭而審其
所就論輔相輔德謂諫在人人在備三德論諫謂古之
司牧近于民遠于君今之司牧近于君遠于民論司牧
謂俗有異有同有不異不同異厥異同厥同能不異不
同是謂盡共論訓俗謂刑非聖人之心說者以比天道
之秋則不然論刑其他論教內侍論豪傑論矜細論養
士論選將凡萬餘言又十有八年松山公力命之仕公

亦自奮曰處士純盜虛名吾何解於人言丙辰謁選得武陵武陵榮王封國方奪民菱湖溪以爲蓮池屬中人甘言重幣張具召公公卻之宿田家麥飯藜羹躬履幽表道至則民家纍纍矣公頌謂中人果王家物民安得葬此遂予民國人先與民袁錦爭舟誣錦故校尉劉思安逃男公覈錦實江西安福人祖父遊武陵占籍生錦二十年而後王分封豁之王怒縛錦眷屬錮之審理所公方詣郡王使人白郡守謂公斷獄不平公厲聲曰版籍具存難以口舌爭守日攝公退卒直錦乃條上邑六事曰清王租占地曰收容民入籍曰覈賣田遺

金

卷之六十四

王

王

糧曰均直日支應曰革驛館積弊曰開石門舊路當路不盡用也而直指黃公坐責通課公慷慨奏記今土木禱祠煩費無算天下虛耗民有貳心宜延攬豪傑招撫流移無急催科爲亂民歐黃公避之而

上別遣御史追通者至公詳具武陵戶口逃亡狀引嘉靖以來蠲租詔爲證事良已于時榮王亦數責通祿公抗言

天子尚不問租挈以紓民王其奈何而採木之役興趙中丞按部符牒雨下公與中丞廷辨武陵最爾邑運木者九他郡富庶十倍木不及武陵十一民則何事趙

公語塞令他郡輦米三百石助武陵而榮中人監奴艾萬福收責子錢家子錢家有死者郡鞠實下武陵獄薄暮國人踰邑門而入左右請避之公不可坐如故于戶李經直上前揖公詰之客何爲者對曰王府校尉有司故不當收獄公曰萬福非校尉也經不聽奪之去公退而稱疾不出乞骸骨歸兩臺監司交留之直指義烏吳公至武陵慮囚校尉劉漢儒斃杖下公白分守婺源游公此獄由升階今漢儒死與王隙滋深其中傷必力望賜生還游公引入內固問信欲歸耶公曰出處大節那可面謾游公沉吟當以何名去曰願以老病游公嘻

大泌山房集

卷之六十四

王

王

曰何事乃爾必去遠禍者調可也公起拜謝吳公亦謂公無懼而公斬免詞愈懇明年報改職公入謝吳公吳公憮然曰往以邑苦掣肘署君下考姑欲遂君志耳今方愧之上京莫須有道里費否公言父老矣請歸侍養吳公檄郡故武陵令廉其爲辦裝抵家發其橐才十有八金耳武陵鄉先生道林蔣公鮮所許可其服誦公不容口詳所爲贈行文中公且歸往別蔣公假桃園書屋與諸子談越四日卽緣村去蔣公率諸生爲別邑父老子弟送者道相錯也蔣公曰吾邑人不慣奉官長卽郡守以遷行送者寥寥君得此勝遷矣旣去邑人思之爲

像祠麗譙中久之立專祠而松山公躋大臺伯兄亦致
襄陽二守事先是子魯卿生鳴鑾甫十日而夫母公同
張淑人育之淑人歿而鳴鑾甫中公攜與俱居山中俯
仰四世致足樂也踰年松山公卒免喪公自號爲宜山
人已更宜松以示隱且志思云凡二十年杜門距躍取
諸史暨諸紀載參互品騭爲歷代將相傳略四十卷
本朝傳略四卷而標其指以周孔爲宗以易包荒用馮
河不遐遺朋亡爲準又著經旨舉要一卷易義會通十
五卷卜筮考略一卷宜山便覽十卷宜山外編十卷慎
思錄五卷恥躬錄二十卷 皇明清韻錄四卷常語一
卷 松山房集 卷之六十四 宋傳 王

卷隨筆錄二卷五嶽編一卷公之學大旨以道本率性
而其要在無我中庸首言率性末言無聲無臭原始要
終一以貫之矣故曰性之德也合外內之道也而紫陽
以喜怒哀樂已發爲情情則有我我則知故萌生習
氣沉溺物而不化嘗著我懺文其畧云我之一字衆罪
之門惟其有我是以有人人我並競利欲交生起于迷
妄洪波滔天習于幾微禍機傾世學道害道立志害志
故惟孔子母我顏子未達一間教以克己復禮克己者
無我也復禮者復性也是性也本自圓明有一隔缺有
一礙蔽何以一貫夫萬物一元寧有兩性命哉聖學極

於盡性至命而二氏殊途同歸二氏生與周孔後先當
成周文明之世周孔明道德立紀綱以維天下猶用兵
之正二氏發天人之隱明鬼神之狀以助明正教猶用
兵之奇奇以翼正而後兵之用不窮二氏因貳以濟民
行而後周孔之教不衰二氏教在世外而周孔在世內
故聖人可以爲世法而二氏各自以爲法二千年來爭
辯奚翅聚訟徒以其迹爭之不以心究之而第信口耳
以成其闢邪崇正之名則亦我而已矣人性未通卽我
性害我我互塞天地懸隔豈性命至一之旨哉乃著二
氏指要二卷高真錄四卷楞伽要義一卷華嚴約旨四
卷 松山房集 卷之六十四 宋傳 王

卷大洞註節三卷而撮其精爲論真詞四章其一云性
本圓虛無欠無餘先天而來因炁託初先天吐真後天
範形妙合而凝神化無垠先天唯真後天會真一真自
如是曰全真先天有炁後天有炁以水投水通一無二
始焉滴涓肆大以玄浩淼汪洋無量無邊其二云老曰
復命性自寓焉佛曰見性命不外焉咨爾學徒岐而二
之性曰陰靈命曰守尸性非陰靈陽光顯現命非守尸
百千萬變百千萬變非性孰靈陽光顯現非命孰呈性
命惟一無先後天強生分辨聖真不然其三云若言同
類亦非他物父母元精造化攸屬原自先天會于元靈

善能守之純粹圓明功深力到應圓冲舉爲大法王爲
真仙子不見釋伽受生刹利因然應化垂迹萬世不見
純陽會然于呂經千萬劫惟曰呂氏其四云嗟嗟學徒
喻設匪則性曰主人身曰宅舍宅舍主人原無交涉豈
先後天混合無別性命堅完自無傾滅尸解之說出
自仙家學淺半途豈太上耶佛曰解脫脫塵解縛真如自
性又何解脫但明此機卽從此學從入爲因結證爲果
勤行精進決定不疑一念萬年任世推移盡性至命漏
盡天全包涵法界照燦大千自王文成以卽心之良知
卽聖良知徹始徹終無始無終卽前念不滅後念不生

大泌山房集

卷之六十四

三十一

王

良知如明鏡應物妍者妍媸者媸一照皆真一過不留
卽無所住而生其心其妙用卽元神其流行卽元氣其
凝聚卽元精完養此身卽仙不染世累卽佛學者疑信
相半公晚不及門而所發明有功文成爲多每與門人
極論明興好學者惟文成最爲超詣繼文成者惟文肅
日以其學質文肅文肅莫逆也而門人中入室者爲激
江守蕭祐子先文肅病革以詩來證公曰寂寂念圓未
後着寥寥音合未生初公答之曰一念萬年原面目三
輪四諦那終初比公卒之年其春折簡示子先思安靜
以還造化借談笑以洗風埃子先異之有頃入城患風

欬語子先吾昨已去矣意甚快何必留戀世緣辟穀決
旬神氣了無昏倦鎮日默坐常覺光射滿室五月二十
九日呼僧續宸爲我趣子先來子先至舉元依一精明
分成六和合二語似公因問趙先生屬纊時所取證者
今若何公曰一精明卽我究竟處子先曰既究竟則形
累俱無何有軀殼應聲曰然子先曰夫無聲無臭無去
無來生死不能斷滅者先生惟安靜以還之耳又應聲
曰然薄暮忽自言世間一切有爲事不必道向最上安
靜法門去伯兄問有何言對曰不必言漏下二鼓子先
問何言與子孫不答子先曰一念萬年原面目正在此

大泌山房集

卷之六十四

三十一

王

時連首肯而逝公居恒尚友古人誦詩讀書必論其世
其言曾子少孔子四十六歲計孔子卒年才二十有五
從遊未久也孔子自喪回後拳拳子貢兩楹夢奠逍遙
曳杖遲其來與訣孔子卒而賜獨場居三年其所授受
豈淺淺哉親傳聖道當先回賜而後參思曾之得傳蓋
在賜後後人以賜初年貨殖而遺其晚年一貫性道之
聞過矣其言伯夷叔齊皆賢人而孟子獨稱伯夷謂天
倫重則武王不讓伯邑考非耶謂父命私則兄之讓爲
徇父之私耶叔齊于此未免有意參焉其後流爲季札
以禍吳國再爲唐太宗瞍血禁門方太宗慕義讓兄豈

不希踪季札叔齊而不知有非義之義史稱唐宗能畏義惟不知義是以畏義惟其畏義是以悍義耳其言魯昭公爲季孫意如所逐齊景公欲討之而以賂梁丘據阻晉定公欲治其罪而以士鞅受貨免季孫益橫而昭公竟死乾侯藉令齊景晉定有臣如管夷吾則季氏誅魯昭復矣夫子撫事而思其人故亟稱管仲之功其微顯闡幽類此母卒哀毀病大作父抑而教之始勉就禮父病時深夜露禱有二僧來問疾出山倏不見病尋差人傳爲孝感及父卒哀如母語子先吾幼哭母而不勝哀今老哭父尚能勝之是寧無故哉伯兄進階蚤與齊

大泌山房集

卷之六十四

家傳三十一

王

名晚共隱家徒四壁立日相對怡怡如也弟泰階蚤死撫其孤肅卿彥卿守卿懋卿甚篤少年好面斥人過張淑人規之座右書攻其惡無攻人之惡以自警淑人弟延年清修篤志人稱張夫子公引爲益友淑人卒不再娶者二十有五年有爲公贊者曰不能容已過亦不能容人過既不以一介自汙亦不欲人汙于一介晚年冲淡和平并包涵納人與之俱化子先謂公貞潔似伯玉和粹似林宗順親似毛義齊家似萬石君厚德率物似陳太丘王彥方深造自得直欲追伯安子靜伯淳茂叔子淵蓋實錄云子魯卿辛未進士嘗割股療親疾居官

有父風孫鳴鑾甲戌進士久侍公山居聞道最深有文武林從子彥卿令岐山守寧州其行事大較如武陵舊史氏曰語曰不知其人視其友余蓋得公於趙文肅云文肅公爲館師罷去一切詞賦日以大學相督誨時時言吾友馬汝弼嘗從事於斯矣文肅初赴召公舉禪者之說以贈曰可與入佛未可與入魔入佛者正也入魔則微妙玄通回融異類觀機迹金剛唯釋迦能耳漢陳仲弓弔張讓其庶幾乎方其時事柄在讓仲弓將身化誨之故爲是兆焉用意微矣未能入魔而從旁制魔陳平燕居深念張東之泛江中流語是已制魔而制于魔

大泌山房集

卷之六十四

家傳三十一

王

陳仲舉是已文肅拜相未一歲坐與同人議不合引歸嘆曰吾思吾友之言愧不能入魔文肅又言老子經世釋氏出世惟孔子之道大中正公申之曰正則大正則中大則天地萬物無不包也中則天地萬物無不會也孔子曰中心無爲以守至正變化無窮萬物各正故學孔子性命老釋一貫矣文肅歸作經世出世通多就公商榷未竟而卒令其略具在公言及肅超詣良然其名位子孫又大類陳仲實特舉仲弓勗文肅有以也

吳益都家傳

故益都令吳公宗堯字仁叔歛北岸人也其先爲唐御

史少微子孫散處新安郡諸邑富貴相望而北岸獨治
農公父浹母凌孺人舉三男矣慮無以爲生計娠公投
藥墮之不墮也且有異徵舉生之母授以懿筐使拾麥
辭曰兒願以此受書九歲就外傳日誦數百言應對進
退若成人夜分讀不休王父現故奇公相非常指其門
曰兒他日能署一鄉進士乎對曰當賜進士于廷何論
鄉游學壽昌屬文有奇思師謝不敢以爲弟子無何王
父卒朝夕望門而泣何以見先人地下學成爲邑諸生
名下士推爲漸溪社長旌德人館公江村著錄弟子籍
者甚衆或強公觀劇立水田中垂首構思劇罷文成問

大泌山房集

卷之六十四

家傳

三十三

王

作何劇不知也其篤志如此亦以受濕故嬰疾云彭邑
令以公冠邑士召肄業鄭公祠守祠者夢黃龍蛇蜿蜒下
光屬天戊子舉于鄉芝產書舍紫氣繞之乙未舉進士
除益都令益都衡王封國青州府及分巡使者治焉事
米鹽凌雜而民好訟訟者數十百人立摘其無情之辭
懸于門訟寢省矣問筦庫者庫安在曰堂之列櫝是也
問司庾者庾若何曰財數椽存焉耳新作庫而繕故庾
至今賴焉養濟院圯哀縗寡孤獨者之露處也葺而居
之觀學殿廡敝器具缺旁取土成坎窞非形家所宜爲
鳩工從事而課校士優者日有程式其後登賢能書視

昔爲多中丞行墾田諸有司率貌應公巡行阡陌得其
疾苦翔實爲十事上之曰明紀錄定冊式疏溝渠寬畝
步濟金粟均等則蠲積通省徭役給牛種建官庄禁爭
訟流民來歸數十百家田日闢官庄二十所積粟如坻
其地不可耕者教之曰是宜木一歲之計樹穀十歲之
計樹木木利倍穀十年易俟耳與民約樹六十上農五
十次之不及四十爲下民如今十年而林木鬱然號吳
公甘棠矣倭寇朝鮮計部以山東輸臨德二倉粟爲餉
諸邑輸二倉粟故以直易粟賈踊貴有困糴者記到公
疾發帑金糴粟四境盡以粟至而賈更平或議造車運

大泌山房集

卷之六十四

家傳

三十四

王

運公策其非便買民間車而專官運之旅順是役也益
都與先登功等徵禦倭兵道益都民苦鈔暴爲要東安
堵如故齊女好游元夕以往張燈累月肩摩跣屣誨盜
誨淫公禁市無張燈諸祠廟闔扉無啓俗以一變閭閻
增奉璽書采礦建牙益都依勢作威倚法以削誣奏福
山令下詔獄令恐往往長跼如屬吏更白公公叱曰鬚
眉男子乃爲闔屈膝耶不往見而之登州謁海防使者
衡王使人諭增此非他令比也增陽諾公還王使兩璫
來翼公輿而入增無可如何下堂迎卒成賓主之禮而
退然耻爲公所亢衡之深矣公里無賴子程守訓附增

得官內史與同事詭言家世多顯者公向人折其非以此憾公公過金嶺鎮驛長金子登擁騶從如上官公訶之已盛供張復麾不納宰詬曉曉者易缺繳繳者易汗是安能爲孟坵山有鉛礦子登說增此可蓄金幸以相付月得金若干爲大人壽增遂檄之公數責子登若自有司存而翼姦爲闢奴乎上之所以收若者豈其微哉子登遂構公增逮諸富民誣之盜礦三日至五百人徵邑千人取礦日索十金不者罪令與民以阻撓民多畢命於箠楚重足一迹莫知所措公曰誰爲民司牧坐視其死而不救乎以吾一死易萬民死其可也於是草疏五千言劾增其略曰謹案陳增罔上營私剝官毒民山以東莫不盡繇臣第言益都益都有鉛砂無銀礦薛學詩初議買鉛煎砂非以鉛買銀也增強入銀業非法矣更強采者代納稍緩逮吏捕民某日刑十六人榜掠無完膚某日刑三十人三木囊頭三日暴尸以徇貧者單枝韓文一等若而人稱貸而應之粥田宅子女不則自經富者翟攀徐大亮等若而人初給以批令買鉛輸價價已入奪其載曰此盜鉛也籍其家無有子遺且非獨於此也嫌公署卑陋改作壯麗倍徙舊制又營別館以奉其母若姻戚僮僕日用飲食筆札阜隸輿臺鼓吹

大泌山房集

卷之六十四

家傳

三十五

王

庶僚傳呼塞路出則舁夫乘騎動數百計歲時饋餉宴饗供億不啻萬金此益上赤子膏血也如投虎狼口矣驛丞金子登爲增鷹犬所白事有大奮乾綱語乾者上之大象綱者上之大權增居之不疑以下郡人臣無將將則必誅豈可令衆庶見哉陛下令采礦采礦所本有也非曰凡山川皆有也又非取之民也益都無礦而令民以其衣食性命充之陛下所得十一而增私囊十九捲握之物足當十世已獲厚實而上收汗天下增罪不勝誅陛下無亦失計乎臣么膺豎儒履虎尾捋虎鬚必爲福山之續誠不忍增鑿齒益都一縣以虧損聖德有如民計盡無復之斬木揭竿以誅增倡亂土崩瓦解之患臣不忍言陛下亟誅增以雪益都兆人深怒以銷山東諸郡隱憂臣出位妄言斧質鼎鑊惟陛下所命拜疏之日爲文禱于邑城隍神以祈必行增聞而懼謂其黨曰強項令吾固知有今日將奈何是女禍我也相持而泣告其母亦泣而其徒王惟忠與程守

大泌山房集

卷之六十四

家傳

三十六

王

訓謀曰行重賂於左右若

上所最寵信者必無患

上得公疏心動科臣包見捷郝敬先後疏增罪

上以增不仰體德意姑記過以觀其後增復奏辯

上奪公俸一歲中丞尹應元疏繼之

上乃免公官而增復誣公匿稅多受取裝齋寄維揚吳

時休家時俸者新安高貲賈人之尤也居西鄉公居北

鄉素昧生平又吳弘道吳時來吳滂三人皆公宗守訓

悉其根株窟穴或欲因公連染以索賄或欲假以傳致

公罪嗾弘道時來舉首滂爲證

大泌山房集

卷之六十四

家傳 三十七

王

上惑之乃逮公初公見增之惡已執有委隨者書而藏之笥曰吾儕七尺軀戴天履地託足聖門豈可浮慕空談自類穿窬際會當幾則張膽明目爲民請命爲主達聰爲縉紳作氣身外榮瘁都付浮雲公子揣知其指諷曰無益公曰當爲秋霜無爲檻羊吾志已決矣郡守胡士鰲甫上官五日以疏示之士鰲曰君有二親不虞貽其憂乎曰有兄弟在曰聞君貧曰可以筆耕略無戚容子私垂涕公顧慰藉之吾得死所矣何憾既逮而士鰲卜之靈棋曰金精欲起賴得元士左手抑之乃獲止息其詩曰疾風知勁草板蕩識忠臣籍此匡扶力乾坤物

又新公曰金精所謂六庚白虎客星害氣也左手抑之

桎梏之象扶乾坤者誰乎邑人傾城來觀爭欲啗增肉

增亦錯置礦盜數十百人其中將爲難郡丞燕召祖來

言少緩須更待我部署之定也而衡王使兩內豎送公

祖召語之吳今不獨與增忤卽王邸中豪令時操三尺

從事聞且鵠衆圍奪邑祭藏以重令罪兩豎失色誰爲

此言者祖召曰請以王傳教非益都人而至斯者海防

卒盡禽之如言而增黨引去增杜門不敢啓祖召因語

民闔肉脰不中啖其先之官道爲令別諸生數百人掩

面哭至郊關公語諸生宦不期月日迫壓事未與諸君

大泌山房集

卷之六十四

家傳 三十八

王

細論文卽學工未訖也有後之君子在父老行哭失聲公攬涕謝曰父老念我厚我則何有語頃天忽暗十步之內不辨人公青襟皂帽騎驢從間道去衡王所使兩璫夾公與者載酒餞公揮鞭謝之非王命也不敢舉君之觴薦紳送者相屬而或羨仕宦人以遷行何限安所得此於民郡長佐各以十騎輔行抵濟南或曰請就逮所公笑曰雞肋不勝尊拳姑待之明旦詣中丞中丞泣與諸司以數百金畀官校毋苦公而後率公詣署讀旨縣簿以械具進公瞋目何至是中丞召簿捷之而遣材官占護公入京歷下士民轉相告語不識吳益都何狀

觀者如堵牆至京路人亦謹看忠臣看忠臣奄司門者
嘖嘖曰吳先生奇男子夫增狗馬不食其餘矣下金吾
三事以下語之無令

上有害賢臣名金吾爲具沆沐棲之別室已下鎮撫司
問鎮撫請下法司公乃就司寇獄而益都民欲殺增者
洵洵增恐徙徐州而五百人詣中丞請白冤狀中丞感
額曰生爲令白磯

上怒其可再乎山東案公事無染祖召攝益都爭之強
其牘四上指天日爲誓

上奪士釐祖召官各一等俄夢牛在山上啼曰其出牢
大汕山房集 卷之六十四 家傳 三十九

之徵乎會增以所括時俸等貲數十萬進而陽乞貸公
儀郎鮑應齋偕其友六人謁四明相曰南康守星子令
徵惠得正襟牖下益都何獨不然四明秘啓入卽日
上釋公歸辛丑壬寅以恩詔復衣冠復職而公卒卒之
前半歲益都人生祠公卒之後半歲邑父老子弟博士
祀公於學少時父病累月不寐亦病欲死久乃瘳進士
省觀不欲謁選父趣治行去爲令五月以父母不就養
上書乞移近地旣劾增尋上書乞放還山皆不報父母
念公俾公婦來視至淮聞逮止不進公使吏翟士朴奉
書還而奄迹得之十朴藏書壁隙令旁舍兒馳去奄考

朴亡所有舍之公喜吾二人知我不以逮憂死天幸也
獄中承母凶問哀不飲食或曰有知以哭母死人且謂
上實死公於獄公乃起歸而痛彌彌滋甚而父且九十
矣氣息財屬爲飲食醫藥扶掖啓處不離側者踰年居
恒自傷三釜之不逮一命之不貽也且以身被繫貽其
憂相繼卒又自高曾以下喪未歸土惟得吉地而厝之
庶可以悅心旁求積不獲復復苦無重購沒之口以爲
大戚王母之卒也經營喪事不以煩父兄兄楠卒公方
少侍疾如侍父而字其二孤如子者終其身所友程天
任何其仁汪有章程汝宁極驪旣爲孝廉以有司借計
大汕山房集 卷之六十四 家傳 四十

費贈天任以兩女爲有仁汝宁子婦以子爲有章璲君
子稱其不忘雅素古之道也或中其諸父于彭令令故
重公公請之甚力令曰君鄉未有請一請必力何也公
正色曰諸父也而爲仇覆沒又辱公知不力請亦不仁
甚矣令乃諾諸昆弟有宗孟者貧召與共飲食授尚書
誦通爲諸生費皆於公平資或譏於令將黜之公極言
而免之滂陽請囚告急公公曰是夫由我而繫與子斥
產恣所使以自脫公下獄滂度不得生出獄戶而增授
滂子宗旦以官大爲山東惠已部使者牛應元捕訓黨
害公人置法公猶爲之地也所居後喬木千雲天可蔽

牛公舉於鄉而宗人妬者伐木殆盡將不利于公然公竟第更種樹或侵墓則更修他無所問嘗言兇人對語必以忠告仇人在難必以身拯故能犯而不校以德報怨如此在京師或攜歌童過飲見公內大布之衣駭曰閱新進士百許人未有也行田間躡而小休襦絮須捷同人誑之公曰吾不入內內人不得間澣補耳子爲製一紬衫一綾氈曾以極寒御旋篋之沒發篋二物如新益都以增故供億倍往額千金去之日畀管庫者牒出入數畢具而以淮上所親質庫若冠帶器具償之守藏者驚官費而家償人何樂乎爲官在途以十金授長賦者卻承命勞送人忽曰若長賦虞生得失亟歸而十金封識宛然問何以不勞曰民自勞之矣公不可令吾墨所得詎止此若亟持去承命語人自吾長賦所見一介不取惟吳公耳五百人以所斂餽費金使數人貽公橐餽卒却不受郡邑長吏憫公無故而蒙大難重之奉一言爲九鼎公絕不入城市有丐居間者以金往公艱然夫金與身孰重吾不愛身而屑此爲侍御曹學程以言事得罪長繫公與最昵阮出曰吾不苦獄而以得待子爲快也吾不快出而以不得待子爲戚也曹後二年赦還亦卒公嘗夢胡襄懋襄懋故益都令後亦下詔獄妖

惟吳公一人

上重創公以監謗而竟恕公以旌忠英主哉余讀公子年譜其時爲直指監司者或下石於井或首鼠兩端是陳增陽乞貸公之不若也士風至此可爲痛哭流涕矣

夢是踐豈非天哉襄懋剪滅島寇東南受其賜公以口舌誅增增不敢居山東後數年暴死王維忠程守訓者累疊反接復輿山東如解倒懸雖爵秩懸殊功相埒矣始滂與其黨宗旦爲厭勝術置桃人冢中公見之驚未言也既卒而羣兇欲併除其二子歸將發難會郡守梁公至覆庇之羣兇無可如何復爲雜劇汗蠟公以獻媚於增疑誤人視聽將令公身名俱隕識者莫不痛心髮豎焉公卒五年而其偶凌孺人以憂毀卒所爲同公茹苦助公爲德者大是上流婦人自有志狀論曰奄人以礦權出中外臣得罪者百數其爲邑令抗章請尚方劍

顧司馬家傳

御史大夫贈大司馬顧公名養謙字益卿揚州府通州人也父贈公志中母單淑人娠時夢嫗抱送筐中綠衣兒曰此其鼻與僧迦大聖同公生信然時夢有大校執金牌擁衛者四歲父出句曰孤燈一室明承響而對片月千山照父喜他日當勝我七歲就外傳所誦終身不忘行文千餘言立就十八爲諸生二十二舉于鄉九年成進士名在二甲李文定將拔公庶吉士與締姻皆辭

大泌山房集

卷之六十五

傳

司

除戶部主事司兌小難敏幹清約軍民誦之楊太宰霍司馬欲得公爲其子部而劉司徒不可吾倚顧郎如左右手諸奏率出其筆給事宋之韓者司徒鄉人偕公審京商聽司徒關說公不可司徒甚欲左遷運司同知太宰曰始留之謂何無已則擢福建僉事所部邵武黨斗爲亂公傳諭撫安而設方畧禽其魁賊遂解散三年擢廣東叅議山寇賴一清曾廷鳳等勢甚張從間道入其穴圍取之降者籍爲兵賜金幣擢副使而在閩時郡丞按獄文致掠立迫恐公每翻異憾公中之撫臣所撫臣一夕暴死代者與按臣因以刺公御史吳從憲與廣

左薦紳持之得調嶺東官屬士民遮道泣留久之方得發歸而與諸兄弟奉母至足樂也踰四年以母命謁選入除雲南僉事順定知府猛寅以女弟妻大侯知州奉敕尋據其所領寨公詰之寅故聞公閩粵威名懼而謁款還故地御史劉維昵門子馬某及夷官子向化生下督學文博士弟子員公面折其非而潛江歐陽栢爲憲副與公同志御史敬忌之以考功令中相公大不平馳三百里來別爲長歌贈之劉不善也公無所得遂已已擢浙江叅議公守溫處六比士得名流若干人而浙有兵民之變司馬蜀張公出撫廉公執材可急使公擢

大泌山房集

卷之六十五

傳

司

山東副使司馬請留以新秩部杭嚴道前是浙營兵怨撫臣損餉而陰賊馬文英楊廷用率七隊桀黠者陳德勝方子龍李文高張賢陳文滿吳意成盧州辱撫臣相團結橫行圍奪莫之誰何市民又以禁額役抗令烏合毀諸臺司門焚巨室光燭天張公下車召諸營兵討亂民自效所誅一百五十人而念亂兵猶未罷法公進說曰誅亂民宜速誅亂兵宜緩緩而不密其憂方大或取他事罪之或襲取之不足示武張公是以留公公謀知諸兵前辱中丞時文英廷用詭自縛請死要其眾曰我以一死易若輩生其爲我具棺斂給妻子費衆歛數百

金子之不死卒不償金衆大悔恨是以言語爲約束無文書後將賣我輩矣會春當發兵防汛兵集而侯建牙公屬游擊徐景星捕德勝等七人詣張公臺斬之文英廷用潛匿衆中窺動靜微得之斬以徇公單騎馳入營或諫曰何自輕公不顧至則兵皆震讐召之前若等在死法中第首亂罪有所坐費不問衆頻頽伏地而流涕謝曰微公吾屬無類矣願以死報浙乃大安張公列公捐身關策功第一而臺省二十許人交章薦公邊才移治蘄州兵則張公亦爲蘄督府尋入本兵矣其在蘄修水利興屯田爲諸道最關者以聞

大泌山房集

卷之六十五

傳

三

司

上賜金而會遼東缺撫臣橫拜公僉都御史任之公疏言往在浙與臬臣徐汝陽協力同心汝陽調而臣曠貴于義不安又治蘄田將有緒乞留任終事

上不允以治田責成代者令亟入遼其年東虜炒花把兎兒合西虜犯遼蒲瀋汎河諸堡公與遼帥李成梁分道禦之斬首百三十級再挫之東河三挫之前屯開原上賜金幣而北虜土蠻把兎兒諸酋蟻聚遼南界兩河間連亘千里寇舊遼陽公曰諸鎮餌虜幸旦夕無患非太制不可與成梁集兵分二陣以一直前砍賊以一應援偵虜先時虜六我兎降收其梟騎隸麾下至是哈亥

降盡得其要領驅以前導而戒成梁潛出繞虜營後軍持糒膠不舉火別將李平胡等銜枚疾趨二晝夜次可女林虜迎戰二陣兵合呼聲震地賊倉卒驚走我師斬級踰千他俘獲無算公于法當封而以讓帥成梁財升副都御史歲大水請開海禁糴粟活饑民七萬餘人而條上遼左四難邊長虜衆兵寡餉薄司徒議增餉七萬有奇司馬議增馬直四萬有奇增設復州蓋州守將聲勢相倚明年再中水復爲減屯糧請九萬金賑之遼人德公爲公盡力則有鎮夷堡鎮寧堡之捷有小黑山古城之捷已開清水谷田斥鰲陽諸邊規土連城亭隧樓櫓五兵備具平行二百里而兵使王緘任天祚交構公

大泌山房集

卷之六十五

傳

四

司

疏天祚多守禦功緘言誣上逮兩人質問科臣詆公不早言公兩自効

上慰留之而東虜把漢大成糾土蠻十餘萬寇牽馬嶺軍無見糧亟餽金市所儲牛羊芻豆饗士士禦虜虜退而寇鎮夷四日不下公與兵使鮑希顏守廣寧廣寧亦無餉復市餉如前爲戰車環城深廣池塹與帥相去四十里堅壁如山虜環睨無如之何亦退公度虜憊歸夜命選卒五百人追虜三百里外斬數十人而還上復賜金幣而王緘飛語變惑公請下督臣復案

上勅公與帥任事如故而南臺臣復襲科臣語刺公
上以公本無失事不聽公再辭不允東夷那林李羅卜
及猛骨索羅溫姐結西虜入寇公謂成梁此吾屬夷而
有二心長此安窮鄉所禽湯和哈者其部落也可爲內
應所禽康古六者溫姐其妻父妾也使收溫姐而繫其
子猛酋城破無得安殺成梁從之提數千騎之海州公
率數千騎次遼陽先持檄諭猛骨二酋二酋不應更殺
我三卒督兵進其城下城四重中城堅火器中其守城
者多洞宵死爲雲梯高出其上城潰斬夷五百有奇酋
窮蹙號咷慟哭叩頭榜面自誓改往返過終今以來和

大泌山房集

卷之六十五

傳五

司

互商爲我藩衛詔加祿一等賜金幣封其三世是役也
公當任子金吾先移書本兵辭故賞僅爾公以天祚得
罪繇緘緘得罪繇臣臣自居功叩心深慚辭不受賞再
以地震自陳俱不允而議開原善後事宜上之報可尋
考三年最任子入太學如令甲已擢南京少司徒以斬
逆酋奴兒哈赤功賜金幣甫至官遭母喪二年卽家拜
少司馬督薊遼軍事再疏以母喪未終辭

上謂非不辟金革之義趣上至淮而督府已別屬矣召
還京先是公在遼餉不時給兵貸子錢餉至則緣手盡
于市馬時立官市法積子錢十二萬以三萬救荒餘貯

充餉後按遼者言公削馬直博子錢名所入公家私橐
各半公疏事始未宜革市馬之弊無廢子錢之利兩疏
辭不允而薊遼督府復缺改公左侍郎任之復兩疏辭
不允是時倭奴關白行長清正兵數萬據金山陷朝鮮
虜王子陪臣去陷王京平壤朝鮮王告急

上命宋應昌經畧復平壤後乃爲倭所敗而行長遣小
西飛乞封貢應昌許之朝議不然應昌罷歸公并日倍
道至遼疏察倭情形爲疏萬餘言大指以國家患虜不
患倭倭不能越朝鮮犯中國其勢不足畏自古御夷常
以順逆爲撫剿權恩威而用之倭所侵朝鮮耳吾爲朝

大泌山房集

卷之六十五

傳六

司

鮮復疆土歸所侵掠恩至厚今倭且歸命宜因聽許卽
不許貢而始許封提空名紆實禍無使于此者類稱
戰守其名美而可喜臣料戰則不能必得志于倭守則
徵兵遠戍共恃流輸歲耗大司農金錢七十萬疲中國
而代受其敝遼左歲惡人流以東征故士馬凋殘徒見
靡齒老弱虜如乘虛而入何以應之臣以中國爲全局
以朝鮮爲局外日本故王非中國所立假令關酋王而
與故王不相下則國內亂不暇謀朝鮮卽能附衆立國
必德我不復有異志此中國與屬國兩利之道也爲諭
文昇材官胡大經與倭酋吉兵至釜山使示關白歸島

盡驅釜山倭方與請封

上是公言無更以文法中制朝議爭之愈力公復疏言今日之難不獨在倭情而在朝議言之則易任之則難宋應昌有收復朝鮮功諸臣一切未殺之而加之罪當平壤未破時已有許貢許封之說應昌不明言直任亦自誤事機耳臺省言者紛紛

上俟公再奏因奏言許則封貢並許絕則封貢並絕所以難者難貢道

祖宗時貢道由寧波刑部侍郎孫鑄密畫策示臣言者身無利害其爲說易任者身係安危其爲責難輔臣本

兵必欲人無一言而後決計是俟河之清也今日議不

傳七

得旋踵并謝屬國兵餉之請

上下其議九卿臺省而孫公言戰守言官以爲是詆公公復疏乞罷以鑛代又言經畧總督兩設彼此掣肘必

歸于一

上以孫經畧留公總督而山東登萊荒甚遼東廬耗請以倭餉十二萬石以半賑登萊以半濟遼虜犯遼河西遼帥楊紹勳失事公疏言臣于正月抵小凌河虜以數萬三面連營臣從行五百騎與兵使馮時泰七日食不下咽衣不解甲于風雪中垂城城幸無破今日泰被

逮而撫臣韓取善奪爵臣應與同罪

上不允復疏趣經畧之任俾專事倭而臣專事虜

上于是以總督經畧俱屬孫公而令公還部公疏言臣不能復與數萬師百萬餉以與倭戰五百里外又不能勞兵糜餉爲朝鮮守鬱邑致病不敢率位願賜骸骨還里三疏不允甫還朝擢右都御史總理河道復三辭許之踰年以公協理京營戎政言者猶不休公力辭致仕家居十餘年卒公以父未逮祿養歲時伏臘及受恩資哀不自勝晚年事母孝敬備至色稍不豫長跪請罪母爲一祭而後起自通籍所得秩祿散與五屬支親外黨

大邑山房集

卷之八

傳八

裴送姊妹極豐以百金買地遷伯祖父濱江墓其子放與贈公爲難者也伉俠好客緩急相護同榜胡御史澤李參議存文爲經紀其喪周給其妻子京口韓氏皆雄里中久而貧其子聘張光祿女不能娶助之成禮霍文懿公座主也子汝益召之幕下使報捷得爲武爵累遷參帥州苦催科嚴民竈交困士入試額太隘力言于所司而損益之知州某子甲以築城鑿山石徙民居不徙者焚之所掘冢千百公爲言不從則昇徙者資瘞諸暴骨狼山浮屠幾沒于海濤有司繕修不足公捐家廩而就山山爲增勝或以捕盜格誣平民六十人強服其罪

力爲之脫已得真盜而家尸祝公也故記室受惠而負
之後以事抵公復爲營救同年爲御史者刺公遇諸他
所御史起避公揖與語無纖介其人愧謝不吝口里中
子流言付之一粲居官薦寵下輩或灑耻投拭用之而
不任德雖以寧遠重臣僅能不得及門將吏遷官庭實
爲壽彈治之居家耻求田問舍藏書萬卷訓子孫于書
涉獵而微言大義輒已明了爲詩文雄贍有體州志之
修也多所裁定四方客滿坐對之出教左右繕寫不給
耳聽目視口宣手荅如流尺牘日百函無一舛誤晚年
罷遣常客獨與六七子結社賦詩好奕奕終日夜不勒

大泌山房集

卷之六十五

九

司

爲人魁岸廣額方面耳四寸舌能抵鼻又有臂力隻手
舉席一足去地五尺席上盤盂數百滴水不傾以臂乘
人持盃大嚼投壺最巧一發十矢中耳各二百試無失
引六鈞弓材官蹶張不如嘗按塞憇最爾城虜十萬猝
至或請召近地卒三千爲備公笑曰卽三千安能當虜
十萬啟四門張黃蓋而坐虜覘知爲公卒不敢近將吏
面無人色公談笑自如也

上勅嘉公膽畧以此年六十八忽痰作不食旣革家衆
環哭張目叱之問何言唯曰報主恩者三子孫皆以詩
書起家而長子懋賢爲比部郎最知名舊史氏曰弇州

王司寇云談邊事者楊文襄詳而不必文翁襄敏文而
不必暢王文成兼之而不必覈顧公具體集成信哉弟
就奏議言耳其後督府諸建白司寇未見也公勞而不
伐數辭爵賞累遭讒不觖望收時應變卒然臨之而不
驚中懷輸寫不逆詐不億不信于家于國言無隱情從
容語次折衝千里沉幾先物深畧緯文可謂國家柱臣
矣

馮氏家傳

馮裕字伯順其先臨朐人也明興募中國人實塞下曾
大父思忠始徙遼廣寧裕少孤父之叔母池育之池卒

大泌山房集

卷之六十五

十

司

爲三年喪有司嘉其誼屢辟不就舉進士知華亭縣治
務廉平縣大水令上田代輸逋租什一會與大吏議不
合坐令加賦民交走言狀事白猶改知蕭縣蕭故羯獫
新中盜閭虛無人鋤強扶弱民乃安遷知晉州漳沱河
自城北南徙北地瘠而賦如故爲更其額遷南京戶部
員外郎督儲中都與留守中貴人抗中貴人陰伺聞中
之卒無所得稍遷郎中蓋自是復還臨朐居矣久之遷
知平涼府以後期改知石阡凱播酋相攻爲正疆界計
所殺傷償之如其俗遂不復爲亂遷按察副使治兵威
清土酋龍里死其兄侵之里妻率衆鬪兵合數萬遠近

震恐乘單車往諭皆立解散苗犯程番議者欲用師不可徐遣斷事撫之苗聽命無二心當官抗直有裁斷而貌粥粥若無能者見謂不勝任大計時予致仕歸親仁善隣有召飲輒往輒盡醉以私請則辭好爲詩晚結詩社所倡和多傳於人在廣寧聞義州賀給諫談理學師之得其宗嘗謂希寵者負君媚人者負己謀身者負人生乎蓋三無負矣年六十有七五子少子惟直早卒其四人俱知名伯惟健仲惟重叔惟敏季惟訥

惟健字汝強胡中丞纘宗更字之汝至從父遊南都方弱冠有文名與南都人陳元舉楊全卿盧國賢金子有

大泌山房集

卷之六十五

傳士

司

子坤馬承道陳孟錫許仲貽爲師友才情駿發超然絕塵父罷官家徒四壁惟健拮据生業供養無乏弟妹皆嫁以時舉于鄉屢試南宮不第弟惟重卒廬江方歲晏觸冰雪歸其喪又反其妻孥京邸所著陂門集南征聖泉賦四愁詩學士大夫亟稱之子子咸

惟重字汝威十歲屬文觀書數行俱下有會于心輒手錄之少伯兄一歲游學相長大然不敢鴈行弱冠補選東廣寧衛庠生故清河令蔣某異其文以女妻焉尋從父歸臨朐改郡庠齊魯間執經爲弟子者日衆豐願修幹譚說風生常挹遜無矜奮之容飲酒斗許不亂起整

衣冠滌器則有酒所矣刻意爲詩無大曆以後語書道逸有晉人筆父嘗語諸子曰吾每飯意未嘗不在醫無間也先人丘墓寄焉以道路之不易誰往省者惟重請行於時虜數入寇行旅斷絕匹馬烽火中月餘達廣寧展墓焚榛蕪繚垣拊之以棘勒石而識之乃還報命父大喜舉進士授行人

肅皇帝南狩奉命告湖湘一切餽遺無所受走烈暑中及廬江疽發於背友人臨視之曰子之病病矣恐卒然不可諱貽子父母憂奈何子何不歸謝曰惟重受

天子命介於南國不幸病不能卒事重也是懼在禮朝

大泌山房集

卷之六十五

傳士

司

會而終以尸將事受事於朝卽命于事乃其所也敢懷首丘虧人臣死職之義爲家大人羞遂卒頌蔣生子子履才百日期與俱死勺飲不入口已自念曰夫子死而無死以有孺子耳未亡人從夫子死將并死孺子是未亡人死夫子也乃起育其子莞蔑之室不蔽風雨竟以勤儉起家子履成進士上書言狀詔表其閭年八十一卒

惟敏字汝行總角時父官石門力不能携家惟敏曰萬里荒微奈何令大人獨往從之行暇則讀六經諸子史含咀英華爲文閎肆萬言可立就晉陵王慎中督學山

東自謂於書無不讀猶遜其才也尋舉于鄉既屢上南宮不第結茅冶水上居焉放舟上下浩歌自適望之如神仙中人久之謁選授知涑水縣事縣所食用取諸俸稍不以煩里甲出則簞食壺漿自隨繕學宮浚城隍樹以榆柳行道之人歌詠之縣民富者爲將軍爲校尉爲力士爲執金吾爲中貴人兼併地無算而適租孳惟敬適其最召者懲之貧民以爲德而豪右謗四起矣坐謫鎮江教授聘典雲南試錄文多出其手稍遷判保定府奉檄修府志爲集楊忠愍遺文行於世陳郡利害十六事皆中窾綮尋左遷王官遂歸構亭治原之上命之曰大澗山房集

卷之六十五

詩三

同

卽江南日與朋輩觴詠無何遭疾卒卒之日侍者以朱衣進搖首曰不當服此時有甚喪云其文不爲刻削語情事若指掌上填詞尤號當家西北人往往被之絃索孫緩亦成進士

惟訥字汝言六齡就外傳誦書聲朗朗如成人質問敢言父名之惟訥自是謹厚沉毅矣少長授毛詩與仲兄同舉于鄉舉進士知宜興縣捕諸豪僣牟租者治之得數萬金報郡郡守以爲能大愛重之部使者乘間行邑適有他期會不得見坐蜚語論調魏縣虜犯塞畿南震恐增築邑城城變并鎮功成不愆于素遷知蒲州州多

強宗大姓其政情法相得衆咸服與諸生談道論文寒暑不輟得人爲一時冠選揚州府同知以父喪歸服除除松江督賦入京師舟中惟圖書數卷而已遷南京戶部員外郎郎中曹務簡日手不釋書以母喪歸服除除兵部車駕郎未幾遷陝西按察僉事分巡隴右番虜雜處民勞爲甚至則繕城隍謹斥堠懲貪墨平政令四民安業嘗勸督學事品題十不失一凡五年遷河南右叅議尋遷浙江督學副使士習浮靡轉相承效育與諸生約正文體敦德行以興化條未幾遷山西叅政按察使陝西右布政使清屯田得萬餘頃事聞有金幣之賜遷大澗山房集

卷之六十五

詩四

同

江西左布政使嚴上供瓷器浮費令民以地爲率祗出一錢顧役民大悅肖像事之人觀評隲官屬與大宰廷辨無依違語事竣疏請老太宰惜其才以光祿卿致仕稍營郭外田數十畝又愛海浮山之勝營菟裘其中踰年卒嘗輯上古以來迄六朝爲詩紀百卷藝林極珍之性密靜有思其爲詩文斌斌然弘博君子也

于履字禮甫舉進士爲固安令縣無留事請寄不得行簡麾下驍壯者勒習騎射捕大盜三百人桴鼓不鳴以能擢駕部郎尋擢山西僉事治兵大同大同自嘉靖以來兵數告變戶部爲新法馬給諸邊司餉郎吏隱之承

歷上兵關門而謀將爲不利郎大窘子履徐驅而至曰
女曹豈欲反耶此吏之過乃公爲若治之卒解散而按
誅其倡亂者一鎮歛然會大旱繼以霖雨米暴騰踊亟
發倉賑而厚爲直召諸商米遠近輳集歲不爲災虜王
之款塞貢市也以愛孫把漢那吉故那吉入市自伐其
善射請與子履爲耦子履計虜騎當有以折之虜矢重
不能及遠遂移其侯於百步外與之約負者輸物若干
事那吉連負盡輸其衣與馬面發赤乃稍移前令獨射
每中一矢還一物遂盡還之那吉大喜終其任貢市無
譁屢還參議副使治如故部給事陳三謨者僉人也大
計取他人事誣子履奪爵一等子履以母老不復謁還
十年虜犯西寧詔舉能任邊事者臺省俱薦子履起知
和州爲平徭賦劑量重輕以水災力請蠲征縛治其里
豪殺人者至與部郎相持部郎氣奪遷陝西僉事分巡
隴右脩旱賑饑一如大同時盜據關山爲亂擇部吏有
口者持尺檄往諭之兵隨其後盜盡亡去秦人爲祠生
事焉久之治兵易州易州兵不習戰而中分其餉爲公
費兵益頓乃汰老弱歸農更募勇敢善騎射者充之兵
與餉復故額部使者大閱畿輔兵獨易州爲冠慧星見
民訛言易水深水間有王氣祲見於天

上且舉兵加誅皆竄走司推郎就子履討之當奈何廻
視從官蓋厯有存者子履曰是難家喻戶曉惟靜以鎮
之耳命庖人具酒炙不闔門而酣飲士民望見轉相告
語復來歸而迹爲訛言者由東鹿一道士以左道惑人
人從者千餘爲起祠吏就索錢弗予則告東鹿令是白
蓮教謀爲大逆令懼詣都御史請兵民是以恐子履持
不可是一亭長力能辦耳何庸兵爲二檄授使者至東
鹿發其一執道士及吏卽訊其一譬曉諸民事遂定而
奸民數言易州多礦金宜採以資國用子履爭言其不
便乃已三載遷河南參政則子琦爲少詹事侍讀學士
矣以入賀至京師遂力求歸于時年甫踰艾耳歸四年
從弟孝廉子咸卒子履哭之哀遂病革與友人調笑
如故妻子環泣能小留乎復笑曰是在司命不在我令
閉戶無擾恬然而瞑子履厚性寬中與人言竭情無私
杯酒談笑一坐盡傾義所不出必申其志御下最明察
能容小過居家軌迹夷易路逢乞兒馬醫必下揖之採
縱虜王及諸大酋無犯格令後數年虜索市溢額漸淪
盟而
天子以大內災聽奸民言采礦畿輔駭然薦紳介冑拊
髀憶子履矣子履爲文援筆立就草書得晉法勝其父

然以政事聲掩琦今爲少宗伯有公輔之望

子咸字貞甫舉于鄉一再偕計吏遂罷不赴隱居冷水
上少從婦翁少司馬冀鍊爲理學以莊敬自持朝夕闔
戶靜坐忽有所悟敬在常惺惺豈檢束若微纒也與哉
人生而靜天之性也致虛極守靜篤歸根曰靜靜曰復
命是爲聖功之本因以本名軒以本軒自號四方來就
學者日衆或問學曰不剛不決不恒不久問廉曰惟靜
者能廉問應事曰事歸當然無務上人問處人曰和氣
誠心問立身曰如志士不忘在溝壑則能立盡其在我
無干法人則無入不自得問鄉人皆好之如何曰徇俗

大泌山房集

卷之六十五

傳七

者無志問處小人曰不惡而嚴能自守也其持論類此
所著日進劄記自警私錄耕餘筆談讀禮抄記類有深
識精詣父蚤死事母孝事伯兄恭侍母病非寒暑節變
不解襟帶食不知味既卒泣血柴毀酌古今爲禮書脩
家廟定祭儀立族約設好會歲時祭必親終事無惰容
有田數十畝躬秉耒以耕非其力不食絕不受人饋曰
吾無以報也母昆弟貧者養之沒身又推以賑其鄰百
餘家歲凶倡宗族兄弟與富人出粟貸明年稍豐鄉人
爭還粟乃設義倉以法散歛自是鄉不苦饑客至炊黍
刈蔬共食無他饌與士言士與農言農人告以過則喜

見人過亦若其身有之必婉詞相規於鄉人好馬君某
馬卒徒行風雪數十里送葬遂抱病卒鄉人日來哭臨
鍾給事爲之誄薦紳學士以方陳新會曹霍州謚曰貞
靖先生論曰裕學以從政臨事不惑身遠與寡厄窮無
怨白首耆艾魁壘之士也諸子道術通明瞻于文辭典
幹撫民以惠初爲績又皆有節槩知去就之分語曰依
世則廢道違俗則危殆此古人所以難受爵位也以彼
父子質行齊魯諸儒莫及位不過藩臬甚者左官蚤世
光曜掩而不宜其在屯蒙之際耶天降時雨山川山雲
五世其昌莫之與京豈不宜哉

大泌山房集

卷之六十五

傳六

南郡守家傳

紹興守南公名大吉字元善陝西渭南田市里人也父
金爲蜀博士母焦宜人禱于泰寧官之神生公少跼弛
不修小節時與群兒戲列行伍號召指麾謹聲動地焦
宜人惡之安得此不才子其大父心獨喜是非凡流比
長通易禮二經弱冠舉鄉試第四人尋登進士授戶部
主事歷遷員外郎郎中前後司御馬天津倉者一司下
糧廳漕儲者一司保定邊儲者一司京坊草場者一會
計嚴審諸捐不得侵半嘗稿師雲中上郡師交口誦其
廉惠而在本科獨久部事無大小有所與罷

屬公草奏明解朝章亢直敢言所條上便宜若督漕大臣歲起京師會議至今施用之

肅皇帝即位賜七十二宿衛士金中貴人意在培植公持不可諸司京營卒食糧者汰斥強半更煽蜚語撼公不爲動或遺火焚所司草場計公當坐尚書廢得狀卒不能奪也久之擢知紹興郡丞新塘者歷年多習郡事微公以所不知公佯不省既三月一日召諸吏集庭下數之曰若曹何面謾人乃爾某事可若以爲不某事不若以爲可取故案剖決數十事如流悉中情理丞乃大服吏震讟汗下已飭條教行屬邑曰稂莠不除則嘉禾

大泌山房集

卷之六十五

傳九

司

不生古未有養好而可爲治者也今與諸長吏約如農夫之去草芟夷蘊崇無使能殖焉石天祿戴顯八者劇盜所窟穴更倚大姓爲庇有司莫敢問公立捕論殺之每臨重囚朱衣象簡秉燭焚香開重門坐堂上令衆見之望者以爲神然稍傷苛急矣當是時王新建方倡良知之學公故出其門間以政請益新建曰人言不如自知之明自悔之篤君乃問我中得無有不足乎此卽良知顧力行何如耳公大悟於是肅威嚴務以和得民乃葺稽山書院創尊經閣簡八邑才儁弟子肄業其中爲新建刻傳習錄風示遠近四方從新建者麇集公爲都

養焉又濬郡河開上竈溪理出影賴丁夫復謝太傅王右軍祠奪所侵祠塹地皆不便其部中顯者會大計遂以考功令中之罷妻孥尚在郡買舟東下望與俱歸士民涕泣送者不絕于道祀之名宦其後御史唐愈賢論考察不當舉公爲證更四十年張宮諭元將修紹興志載其行事甚詳公豪爽善詞賦故與康武功太史胡秦安中丞齊名甫強仕歸田怡然無怨內行益飭其視母弟憲副逢吉與諸女弟子姓倫極恩禮三原馬光祿綬德馬宗伯爲志表其墓二公篤論君子公執友也所爲詩文與紹興渭南志關西人誦之今祀公鄉賢祠長子

大泌山房集

卷之六十五

傳十

司

轅仲子幹季子輔俱諸生蚤卒獨仲子有子企仲舉進士爲吏部郎以文行禪其家李生曰天下爲新建學者不少矣託之空言不若見諸行事深切著明則公其人耳余聞嘉靖初當國者忌新建禁僞學噤公行其傳習錄讒口因是得入今新建配食孔子公並受秦越人血食學何負人哉公繼室范宜人以節孝聞余自有傳

李郡守家傳

故鳳陽守李公名愈字惟中太原平定州人也其家世殊遠家碑或言自唐時而譜則以恕爲始祖恕四傳曰之才爲金總領十三傳曰煥入明保世滋大煥三傳曰

鳳封順天推官鳳子五人舉於鄉者三人伯子曰應奎
仕至晉府右長史長史子七人伯子念仕至歸德守仲
子則公母董宜人娠時夢丈夫袍笏登其堂遂生公八
歲從右史公教諭高陵高陵呂文簡者一代名儒見公
摩挲其頂異日當爲國器已從右史公教授輩昌廬州
與門下高第弟子談經論文學日進歸爲諸生傾其儔
偶嘉靖甲午與季父應箕同舉於鄉明年與歸德公同
成進士李氏門閥於是益盛除南京太常博士署故清
華無饜事而呂文簡方爲少宗伯時因暇豫周旋誨接
多聞則守之以約多見則守之以卓文簡喜曰重稚識
大泌山房集 卷之六十五 傳五

君幸不負矣霍文敏少所優潤于公獨折節下交也三
年考績有繼母喪服除擢戶部員外郎督儲通州條上
四事已擢郎中覈諸邊儲條上五事著爲令擢知鳳陽
鳳陽故

帝鄉民情而田野不治穎毫間豪右爲通逃數俠氣敢
往公任勢守數以爲常周聽遠近以續明旨要審而賞
罰必農夫不失其時百工不失其功商無廢利民無游
日財無抵滯四境歡樂謳吟之而公雅意游仙矣初朝
邑有劉翁者得仙道仕兗州守卒官益戶解云行遊四
方至平定招提見公與歸德公而異之二孺子皆二千

石也公既仕遇翁淮上有所指授以故爲郡守輒致其
事歸歸則右史公無恙歸德公亦里居諸弟與子孫聚
順承歡朝暮相隨出入相友絃誦相聞公美髯髯揚休
山立于衆中望之若天際真人焉春秋七十卒丈夫子
八人孫曾以下倍之踵武登朝勳名未艾三晉雖仕國
莫之與京矣道人有廬陽稿金陵集潞河湯興金臺雜
咏林間唱和彙而曰蒲石山房集蒲石者公別號其所
遊息地也博祭酒新德馮庶子有經劉廷尉士忠張都
諫國儒姚侍御鏞亟稱之孔左水天胤志公墓述公孝
友恭懿捐金賑饑素嚴事關漢壽夜遇暴客爲禦之
大泌山房集 卷之六十五 傳五

余仕晉訊之其鄉人信然叔子榮令鳳翔以治行高第
擢南京中城候榮叔子可贊諸生有僞才皆余所知也
舊史氏曰古稱仙者不必在世外第以李氏論元禮之
與郭林宗同舟也供奉之豪于酒與詩也皆以仙名鳳
陽公從劉翁學仙事未可知迹其謝不待年俯仰無愧
兄弟無故孝養察父以天年終南面而王天下樂何加
焉余又聞頑仙不若才鬼天上無凡俗神仙李公遺文
爲學士所推許舉此二端可以爲仙矣

來職方家傳

來職方儼然字望之陝西三原人也其先有貴爲中水

者莫詳系次今所知得甫景賢子春肅鎔時良貧七世
賀雲中郡丞君父也郡丞元配張宜人無子娶于翟夢
神署其門曰五嶽鍾靈遂生君郡丞得子年已逾五十
重勞君君自知嚮學就父受易經術通明更習他經年
十四爲諸生更習子史詩賦遠者千里貴者百金必購
得之賈人日以奇書見售常經旬掩關不出家人微之
支頓然滿解願自賞也詩稱唐文稱漢所撰著必肖乃
已乙酉舉于鄉明年入南雍攬結江山之秀與吳越諸
名勝上下論議爲文清綺絕倫司成鄧文潔異之益出
金市古書歸構集古齋三楹貯其中諷誦校讐朝暮寒
暑無倦制義必傳古作者倖董竊笑之君益自信不笑
不足以爲道十歲成進士出蜀庶子黃昭素之門時稱
其知人能得士也明年除太和令太和于江北非善地
歲比不入令威儀不具君怡然就列昔漢黃穎川輩宦
此土以循吏著聲豈伊異人耶首定士大夫相見禮已
揭科條十許堂皇之上以示吏民奉行之毋失尺寸三
日而吏舞文者卒面設者銖兩之姦無所不悉以輕重
受法訟者數百人羅階下則進鄉三老陳說
高皇帝六諭雜以古成敗事爲左驗慷慨切至衆泣下
沾襟莫能仰視裂其辭而出歲租二萬石有奇以四時

輸權衡斗甬不謬黍稷小羨卽以充來月來歲經費民
爭門而入租犂爲諸邑最身行阡陌教民農桑毀畜濬
溝洫滙陂池水旱不爲災市牛種給貧者四境之內陸
則禾麻菽麥水則葭莢荷芡彌望市無二價僞者有常
刑無赦而聽自首原輕罪民有行喪而讓財孝弟力田
者表厥宅里鄰有烈婦手爲文詣其家祭之新饗官講
肆拔諸生俊異就其質程業日考月成邑百年科目曠
絕士蹶然興起有登賢能書者矣雉堞樓櫓廬舍亭堠
以次繕治期月而士民謳吟之直指周公行郅邑千人
遮道請留太和令直指詰其故同辭而對曰下邑褊小
當事者且謂牛刀不應割鷄一旦符下柰何直指入壽
春千人復從之門外聲如雷直指陽怒令博名高教若
曹乃爾則大泣令何所利于民民實不忍無令直指故
瑣科條其人父老遞進僂指言狀復大泣已而銓部差
擇高第果調曲周直指上章太和令理訟不罰片紙收
租不贏一錢先時民詣臺若嬰兒唯恐失慈母願卒留
令終惠報可君喟然而嘆靡不有初鮮克有終人情乎
吾脫改節何顏以見邑人益精心爲政夙興夜寐日昃
不遑食四鄰聞輒竄籍太和弓來君與決諸臺事疑
難必下太和無虛日所親過君勞苦邑肥而貌瘦得無

從井救人乎君謹謝之吾一日不爲民除一害與一利如重負在背樂此不知疲也紀氏子富而侈怨家中以人獄立爲理出賊入酒家殺酒庸奪其財丐兒小霍從旁窺之賊過市則以告而縛之賊不服我常夜過以足蹴若故志而誣我君大喙此女所以真殺人盜也女蹴若試其眠覺不耳遂坐律旁都有兩人積不相能一人書所憾者姓名告已罪吏賂羣猾爲地君訊之女自告女而欲坐人誣奈何欺乃公羣猾首服邑故盜數白日圍奪人君廉知其主名縣賞格分捕修什伍法盜無可容伺君以公事出攻子錢家高氏其魁衣黃襦率衆登樓榜掠主人若婦與子救者集賊以主人乘樓矢石雨下衆莫敢前君馳至下令挺賊有能全高氏子者免死麾衆小退日暮勒衆爲左右翼以進而藏力士車下引錐穴垣縱火怒號盜莫知所爲爭自剄死猶生致二十人高氏婦子以隙免聚觀者千萬人踴躍歡呼來明府類山澤之癯今日之事何知且勇也有虎不啞人識者目爲祥六年報政徵拜職方郎邑衆知不可復留貌而生祠之諸學士爲實政錄而更伐石紀之以垂久遠其行也傾國胡耆婦孺奔走竭蹶或啼而泣或歌而頌或祝輶或輓車或酌明水或送一錢各行其意百里內

繩繩不絕或涉淮入河依依不忍去或望塵痛哭而返君官職方所領山海關事賈人不得奸蘭出入皆給符無名籍若失期者必抵罪人贖君視符無他縱之去貧而生還者無萬數居民亦有符符久患滅不可辨爲新符更給凡數千行旅如歸而中貴人權關稅者嚴憚君約束其下人鑿齒竄窬之徒稍稍戢矣君以勞勩致病關人襁褓卜筮饋藥迎醫如子弟之爲父兄而君故不色慍與所善吳人談笑自如命中子臨誦詩欹枕聽而抵掌和之四方客書問至口占答粲然有條亡何遂卒卒之日橐如洗遠邇驚悼返葬白衣冠而送者踵錯于路既歸巨人行哭失聲者宿通儒譚之者數十輩太和及臨間闕炙絮來奠者或月一至焉或日一至焉臨間人祠君如太和也君自少時擇地而蹈立不跛視不流非其人不內交久要不忘平生之言居父母喪哀而毀瘠三原多高貴賈人塋祭盛陳馬備具資召緇黃治幡幢梵唄科醮決旬不休君一切弗用按朱紫陽家禮豐約中度邑俗一變至道君之功也其他焚券卻金諸小善不具論所著自愉堂集十卷藏於家舊史氏曰始余視學秦中校三原生來君在高等不虞其善古文辭去之二十餘年備兵嶺上而君從太和擢司馬郎猶及

見之舟中刺問江北吏治民情如指掌助我實多其後按部入太和太和上民言必稱君也余乃愧爲君師矣君伯子復中子臨與殺羽馬材號三才子爲君狀萬言文采奕奕驚人乞余爲傳余言殊不直二子所望恨知君不蚤姑以墮塞前過云耳

汪代州家傳

代州守汪公名文璧字叔圖休寧人也唐越國公華裔由篁墩遷休寧邑南已遷充山至公王父南崖公明戴氏禮爲諸生父念崖公嗣之業儒不售改服賈娶戴孺人賢而不宜子其助進者戴舉三千伯天仲亦服賈季大泌山房集

卷之六十五

傳

司

爲公少有大志多聞強記王父曰是必亢宗延名士爲師弱冠耿恭簡公錄爲諸生顧數誦京兆試里中人諷公父季子以儒減產所得孰與仲多公學益勤博綜羣書手輯綴數十萬言壬午舉于鄉人言公父還遺金却奔婦有陰德天以公報之云四上春官不第父且老不忍去子舍父語之曰若不聞昔人風樹之恨耶觴酒豆肉薦之墓上奉之膝下子心何收焉乃謁選入除秀水教諭秀水才士如林督課勸相科條甚飭而色笑藹然膳卹疾苦月奉什一在內十九在外士樂就之如家人父子皆脩邑乘衆謂良史之筆甲午秋聘江西分

校官得人爲盛竣事歸爲父稱九十觴奏諸士歌頌而父喜可知也丙申擢閩將樂令秀水士爲勒石紀德云將樂有兄弟訟久不決片言折之立解游民喜擣捕往往毀家取其尤竄之櫟其屋爲亡國之社野有盜殺人莫適計補筮易得鳥焚其巢迹之有人曰舒巢皮者一訊而服邑士之賓與有年所矣相學宮水勢于形家不宜濬之縈如帶其歲登賢書者二人已禁賠田置義倉療疫撫恤爲梁通道修楊龜山墓祠移武弁屯糧諸善政次第具舉計吏爲七閩最會父喪歸邑人肖象生祠之服除再知湯溪湯溪故割金蘭龍遠四邑之地而成大泌山房集

卷之六十五

傳

司

文獻闕如集父老子弟討論故實與士大夫參伍修飾之爲邑志民之利病如指諸掌距邑二十里有葉灣河舟子扼人于險方大雨雪渡者爭舟而覆以秩祿置三艘市田二十畝藉其入歲供補葺至今人無病涉諸爲次置臺爲通逃藪者廉得主名懸重購令其黨自攻偷長見法衆皆瓦解夜戶不閉矣擢漁鰭益州湯溪人詣臺留公不得請其衣冠藏之麗譙歲時謁款焉霽益萬里荒僻公子以爲戚公慰籍之不聞炎風朔雪天王地平治裝行寄徑于黔黔夷方剽劫道梗御史大夫郭公以兵衛導之出疆霽益在金碧蒼珥問夷酋安紹慶同

知州事守者刻覈大至以不肖之心應之公外無邊幅
內無城府談諧酬酢歡若平生酋喜汪公長者推赤心
置人腹中何慮而守備馬一龍索逸賊于酋部酋持不
與有違言因相格鬪諸臺患之將用兵公不可必以兵
是播之績也單騎馳往說之而罷酋束盜十輩付吏錄
所盜以歸主者諸臺疏于朝有杯酒釋流土之仇黔蜀
咸願質成語自黔入滇州南交水綰轂其口爲建公署
時省方問俗知征關之病商也省之開礦之誨盜也禁
之行鄉約以化導細民而簡諸生秀者肄習之文學齒
于上國所舉武閣士皆一時之選諸臺以公能經營劇

大漢山房集

卷之六十五

傳三

請調騰越嵩明不報而最後移代州適武定之變震于
其隣公險走集明斥埃率士民乘城爲守禦計而安酋
以往事疑上官督過不出兵公委曲譬曉之酋悟不三
日得兵五千人赴難解諸郡邑之圍霑益稱首功事定
入代代爲晉要害郡治兵使者督餉曹郎分守偏裨居
其中而中丞歲防秋駐節供億煩費前守墨而忍代人
如坐湯火公以寬字民以廉御史省刑罰薄稅歛事集
而民無擾謳吟載路中丞李公督府馬公旌其賢通先
後三年報政直指喬公還朝差次諸州吏公爲冠薦剡
行上而左官晉藩報至上下錯愕莫測其故代人惜其

來莫而奪之遽也有流涕者公曰吾故倦遊得遂初服
幸甚登鴈門眺五臺而後返過京口覽三山歷姑蘇構
李武林諸名勝歸與故人相過從無幾微不豫之色繕
居舍上流星榻築堤捍水量功命日身先衆受役堤成
爲記詔久遠長干渡所苦與葉灣同言於上設方船簫
工楫師有常餼日夕不離次而人便之其不忘故業爲
人津梁類此又欲修族譜哀其遺文曰綠野池集未就
而書所歷五政事置座右吾非以自矜內省無疚可對
人言耳公傷母早逝有終身之慕父九十有四歲卒養
生送死無纖芥憾而捐軀哀慟幾於毀性搦管狀行實

大漢山房集

卷之六十五

傳三

迸淚如縷縻病革若夢漢壽亭侯者祀其象忽甦復夢
乾坤清烈日月光華語再閱月語家人吾以侯陰佑緩
須臾今不可爲矣告仲兄吾爲邑爲州差不負公家而
事機不偶不能以一命及先人早失伯兄幸事兄數十
年吾病兄千里來視醫藥殫技無以報德獨是介介耳
已告女兄而母子並以節著足不朽而子事吾若父神
必福之已詔子孫無念爾祖率修厥德登枝而捐其本
者不祥士不論窮達要之有品官品品之一朝人品品
之百代吾每服膺祝給諫之言撫其長孫曰爾垂髫稱
茂才無自多士所當爲不盡此撫其勿孫曰有父兄在

其則不遠言訖晏然而逝年六十有七公豐順美鬚髯
內行修飭宦四方所居民富去則見思而不好名稱喜
怒予奪不過其則不流世俗不爭勢利上下無所凝滯
人莫之害即蠻夷玩弄於掌股上義不苟取無蓄金玉
若諸玩好鄉之君子按謚法行義說民曰元寬樂令終
曰靖謚之曰元靖舊史氏曰余陳晉泉時守代者虐用
其民而有與援其鄉人直指刺之猶予輕比奪爵二等
功司不勝姻婭之昵許平調汪公至代代人如熱之有
濯居頃之曳王門裾黜陟如此吏治何繇興余扼腕茲
事久矣不二年公捐館舍視天夢夢人何尤焉公子乾

大溪山房集

卷之六十五

傳三

行馴謹明練其孫調鼎材知深美冠倫魁能天之胙公
將在此乎

蕭令公家傳

蕭令公者名數字汝教其先廬陵右田人也國初祖善
芳徙龍須登科山清江里家焉世有隱德父正芮娶於
某生公少時方正有標準所讀書館在城西隣女夜奔
閉戶不納因徙避之受知於邑令翁夢山公翁公材氣
視人無如獨折節公拔與諸茂才異等者二三人別授
室而居之出所論撰眾莫不推服然不以賢知先人恂
恂如也竟翁公任未嘗私有造請庚子舉于鄉待詔公

車者久之筮仕爲巴縣令巴當孔道兵使者及郡治在
焉最號繁劇又多薦紳巨室法尼不行公事士大夫以
禮馭吏以法待小民以慈惠夜寐夙興克勤小物縣無
遺事至其廉不私名一錢即豪右內慚公奉要求唯謹
已察民所疾苦若里甲徭役逋負數事上書諸臺必得
請乃已會三殿災詔蜀采木郡議役富民從事公持不
可窮困小民非也窮困富民亦非也請使小民出其力
富民出其財募諸商賈素市木者經紀部署之便中丞
黃公題公言下諸郡倣行之公重念役者苦以時巡問
渴予漿饑予食寒予衣疾予藥沒予棺巴人喜爲公盡
力木三倍他邑他邑令木不中率更屬公代之往來西

大溪山房集

卷之六十五

傳三

陽石柱永寧播州諸蠻夷部踰兩歲具悉其跋涉險阻
供億費詘饑寒疹癘顛沛歿傷呻吟號泣一切情形繪
爲圖白所司上聞識者謂其有鄭監門之忠焉郡守坐
民盜主守錢穀戍邊若城旦春者數十人藉其家不能
償往往成獄中郡倅奉檄覈一切筦庫篋篋鄉亭吏
門長街卒與卑扈養之屬復坐五百許人公力疏其無
辜與郡不相能部使者將發幣于公卿以索公公不應
遂與郡比中公考功令調瀏陽瀏陽員租挈數十年公
悉其弊在土保者侵牟下令民尺布斗粟以上得自入

官民踊躍應令入更饒運漕粟者歲詭言水湍激舟敗
匪賦以爲常爲更小艇載之郡而後入漕艘奸冒計塞
年饑發賑以便宜行事不待報鬻子女者損俸稍贖之
所全活無算士學術淵疎民問子應明經纔三十人爲
言督學使者悉隸博士弟子員已新學宮購經史東名
士爲之師而身勞來作新之絃誦士輩出矣郡邑上計
吏必謁御史告行公獨不謁御史叩之公聞卽從闕下
解組歸瀏陽民如失父母走告監司郡守使強起公再
三卒不能奪兩爲令而豪肅然田廬無改其舊用孝友
爲政于家繕宗祠修譜牒治封樹歲時率族人祭享而
大泌山房集 卷之六十五 三

太常王公時槐篤論君子也銘公之墓不虛美矣舊史
氏曰余起家入蜀承乏攝采木事諸長吏有私役富民
者而叙州爲甚獨巴渝間以召商小艇父老猶能言蕭
公也巴人賴公無株累歟何可勝數公始終一令卒自
免活千人者必封此言非耶公孫當之矣

郁長樂家傳

郁長樂名文周字文叔常州江陰人也其先家山西高
平校書郎廷珪徙吳常熟勝國時子良避亂江陰樂其
風土以籍自占爲安豐里人子良生敬常敬常生經經
生珣珣生芹芹生寶寶生體乾娶于徐是生公幼穎悟
大泌山房集 卷之六十五 四

絕倫舅氏鳴玉鳴鳳師事陽明先生以良知爲宗旨嘗
語公大畧輒能曲暢而旁通之舅氏驚嘆問道無後先
吾乃愧孺子屬文千言立就不爲卑調書於前代褚米
畫於吳人沈文皆入堂與觚墨小間從酒人劍客走馬
鬪雞爲少年之戲選伎徵歌彈碁六博歡呼日夕不厭
會島夷蹂躪吳越軍興倍起父以中人產受大僮不勝
訴之主者主者怒子杖垂歎公泣而奮曰爲人子令父
若是何用生爲走代父往役是時公已補博士弟子員
拮据奔命資用乏矣其偶夏孺人勤儉治生能供所需
諷公妾見里中兒借計吏無敢誰何以君才寧遽遜之

公乃銳精爲舉子業試每冠其曹偶遂以丙子舉于鄉
方父之沒也人謂公無嘗省易與耳觀閱受侮百端地
恐之天方玉我於成而逆天以僥倖不可知乎既登賢
能書里人故受賜郁先人者欽然稱曰天與善人不于
其身于其子孫信哉江左諸孝廉連體比周造請當路
與錢通以其勢漁食閭里并兼田宅匭蓋所過路人避
之公獨把損不以聲色加人有以求田問舍來掩耳不
欲聞終日言不臧否人物無論所有德者重報禮諸怨
家一切不介于懷有急更陰脫之其人自訟固亦而已
於是三吳士無貴賤益服慕公高誼爭交歡行蹤歲十
大邑山房集 卷之六十五

尤在金闕文壽承兄弟及周公瑕號者宿結孔禰之好
而于王百穀襟契最洽每過從藝名香坐隱囊吸清茗
搖麈尾上下今古出入經史酬倡歌詠鑒賞法書名畫
小齋曲池花竹水石位置都雅壺矢棋局投閒遞作小
倦命酒相勞二三童子演明珠紅拂諸傳奇以寄俠烈
之思家居沙山客填噓其門盛共張浹辰累月更爲辦
裝於酒財可卮許而家多美酒客不醉無歸表劉伯倫
杜仲寧墓吾神交高陽舊酒徒也居恒自嘆吾昔遭閔
而不虞有今日則惟先人之靈是賴爲堂曰念祖爲亭
於河干曰觀稼此世業也安得素食而忘其本王父故

嘗爲石柳繫馬沒泥中出而更樹之卽俠邪諸語及
庭閣變色而作歲時伏臘上食父之几筵淚未嘗不泫
然承睫也王母嘗政居飲噉率其婦相之所欲先意逢
迎不言而喻以終鮮兄弟爲憂因請于父置妾舉兩弟
已百兩第於襁褓長則冠婚聘師督課俾無納于邪兩
姊貧葺屋而處之薪水布帛時給不絕已修世譜新家
廟爲祭饗期刑仁講讓賑其不能自全者次之姻黨次
之故舊次之鄉鄰周急各有差緇衣黃冠小有意者引
而進之操杖履以從東南佳麗山水簾箔蠟屐登覽無
遺蹟焉七上公車無牢騷不平之感亦無復宦情而夏
大邑山房集 卷之六十五

令人卒睹遺掛哀不自勝強出謁選除閭長樂令恒以
雞鳴起視事案牘如山一覽而決訟者散于庭片言納
其窾會皆叩頭服罪他邑聞之願就質成日數十百人
上官有所疑難屬公剴割如流日食孟飯片脯皆家所
齋送若鬻以月奉不推直一錢數詣費舍爲諸生講德
談藝察三老有行者爲鄉祭酒訓誨其黨而時臨校之
已脩孔廟置祭器煥然一新已清丁口影賴嚴租庸飛
詭權羅糴子母汰徵收餘羨馬江亭之市買梅花所之
兵餉具爲掣式凡一令下四境歡呼得未曾有屬歲旱
借父老羸服走赤日中迎龍祈雨汗如漿頭搶地成泥

累百拜匍伏行三日而雨集蟬噪宜禾汗邪滿車而公執勞過當病矣則又請賑故事賑付吏胥手公犯嵐瘴歷峻坂深谷中悉召民鰥寡孤獨疲癯廢疾者計口給粟不失黍系有八九十老人趨而前謁視公民有生以來未見親民若此者也然公之仁以卹無告不以惠奸巨盜張利榮獄已具略而減疾爲胥靡復鳩飢民暴鈔鄉落立禽論如律或議望壙主爲屯而大姓豪家實欲擅之考邑米得前蔣令湖規極言其利弊寢不行濱湖之民尸祝焉爲令甫踰期所經畫務貽久遠不趨辦目前夜有所思恨不卽已薄最詳緻成一人手病稍侵上

大泌山房集

卷之六

三

書乞歸上官挽之曰閩人方思長樂百其身何可去固留之公亦不忍去長樂藥餌節宣卒無效諸臺惜之外吏以病請則罷無已請移爲廣文又惜之曰是謫也請以病不任劇徙小鄱縣其可乎長樂產荔枝江瑤柱西施舌署中奉其父遺象得三物必薦而後食出告反面如生歸之日伏地哭失聲兒所爲瑩精竭力求無忝民父母庶幾二年報政以一命榮大人今象猶布衣酬履也已矣不孝罪無死所矣不俟報而行民號泣攀送千里內不絕次語溪呼中子庭葵而語之吾不及周甲子者二歲若兄弟皆有子能自生復何憾具湯沐爲吾櫛

髮剪爪正衣冠以見先人地下遂題索無以歛假僱而卒事長樂人聞之罷市巷哭博士弟子員與鄉大夫采錄治行上之祀學名宦邑故有五賢祠配公而六江陰人復祀之鄉賢語在公移祠記中舊史氏曰文士不必有吏才豪士不必有內行江左沿六朝風華而不實士益難以求全如郁長樂者其體矣長樂三子廷芝孝廉廷葵諸幕廷蓀茂才皆吳之偶也

何博士家傳

何博士炯者晉江人也生四歲能識書中奇字父洪家貧以賣竿爲業無何洪卒博士年十三提學而泣曰儒

大泌山房集

卷之六

三

寧任市儈乎取所受書飲泣而讀不絕聲仲父浚憐之因令罷買割資爲佐讀而是時王父賢大耋父所遺兩弟一女弟皆仰給浚浚又收諸甥孤者所入不足更費博士日再飭粥而已爲人傭書邑中邑倖汪洋召試諸傭兒見博士奇之十九應試爲邑諸生遂益旁通六經諸子史百家之言御史聶公豹督學使者吳公仕試晉江生皆以博士爲冠鄉大夫顧公珀李公源丘公養浩王公慎中號爲宿學鉅儒折節與博士交上下論議博士每豎一義諸君翕然稱善也七閩之士負篋從游者歲數十百人大都授時始昕登堂鳴鼓以次攝齊而升

大泌山房集卷之六十六

京山李維楨本寧著

王左司徒家傳

戶部左侍郎王公名之垣字爾式山東新城人也王父某潁川教授父重光叅議贈太僕少卿皆用公貴贈如其官母劉太淑人太僕公爲水部郎理呂梁洪公扶持行時潁川公尚無恙每讀公文輒下泣王母盧淑人怪之曰是兒當大吾門惜吾不及見耳太僕公爲貴州叅議公舉鄉試第七人正燕時慘然不樂則太僕公勤事客死矣偕伯兄走闕下請卹典太宗伯語公分宜子竊國柄非以五百金賄不可公語伯兄賄而得卹祇貽親辱耳逮歸三年成進士除荊州司理劉淑人就養母訓之曰刑一成而不可變惟恕可以無冤故公訊獄多平反雖在斷割之中其所不忍之色可見也諸郡願質成者屬路遼無人暴甚撲殺郡吏御史檄公按問公逮邸中助惡者十四人庶人登樓大呼王推官何乃侵親王公斂衽而對此輩邪人參耦比周而陰謀犯天子三尺使王冒不韙名望往世之前而視來事之後恐王之植社稷而墮裂矣治之所以全王也庶人語塞將陰報怨公乃輦其母之猶子所以避之未幾庶人敗矣二年荆

原門疑義日晏乃罷其說不守章句下至釋官野史與朝章國故靡所不綜洽聽者大喜蓋以諸生稱師者垂三十年甫貢上京師授江西安福縣訓導安福鄒文莊公方倡道江右博士執維師事之文莊七十諸門人稱壽者或以從心不踰矩爲譬博士獨不可擬人不於其倫非所以重鄒先生也鄒嘗官視邑事高年者得接恩詔嚮冠服或頽其堂曰承恩博士移書讓之恩詔非常典事遇則已無詔而偶引之如同上何請于堂額削吾名彭理問求爲其父主簿祀鄉賢博士廉得主簿不宜祀狀卻之已而郭生儼爲其舅王燁明以請是嘗從學

大泌山房集

卷之六十六

王

司

王新建博士持之口孔氏之門三千人從祀者才七十新建之徒豈必皆賢耶郭生無以難而獨舉祀其鄉先生之賢而無援者若干人旌婦女之節烈者若干人表諸生之有行誼者若干人入以爲父久之遷靖江縣教諭靖江故江中一洲數苦澇郡守屬博士勘災博士上書言宜開港以垂永利其事甚詳覈至今施用之郡守知博士故饒吏才將錄異之而博士業已倦游遂歸歸之日有劉生者匍匐來送泣不自勝則故嘗爲訟師博士以白學使者答而懲之者也其感人類此歸田荷鋤耕耘下者糞除之事身親之時語其子曰民生在勤勤

原缺

人訟開田者息爭契券者媿貪利偷生者悶以治行高第徵拜刑科給事中

莊皇帝新卽位陳安民固本四事會虜犯石州詔集廷議公疏重責實以圖後效言甚切至著爲令奉使鄭藩愧遺一無所受擢禮科都給事中數言朝政忤旨奪俸兩月誠意伯劉世延才小而輕冒虛聲獨言其不可用執政解之不得世延後卒如公料也尋乞歸省母久之陟刑科進聖功圖基命錄悉付史館新鄭相秉銓有兩給事是其門人一論華亭相坐戍將復之以屬公公曰吾從衆一佯狂入掖垣哭且笑公第言某有迷罔疾惟

人從山房集

卷之六十六

家傳

二

上橫貸識者謂爲得體新鄭脩隙華亭私人食閭禍且不測公持之堅御史大夫葛端肅公數言于朝王都諫邦之司直也以資擢太僕少卿無何移鴻臚卿鴻臚卿率用貲郎簠簋不飭禮文廢缺公正色率下曹務秩然上日視朝聽政鴻臚卿依陛楯立進退無得失尺寸始當事者病公強項欲難公見公寅清夙夜媿曰翻成豎子之名已擢大理左右少卿當開府而兩僚有佻長干次者力讓之乃擢南太僕卿已移北于馬政多所釐革匡救已擢順天府尹抑豪強并兼姦民影賴租庸中貴人匿間架稅及止采珠使畿輔困民爲蘇至脩欽天監

候氣室繕學宮不惜千金費也已擢副都御史撫楚楚舊遊地民之情僞盡知之矣盜入景恭王故邸遺火焚其宮主者懼以盜坐律誣郡丞倅與其邑人飲故有旨捕妖人曾光急監司執塗人榜掠而誣服之公皆明其不然孝廉梓邑令辱諸市編管遼左或惜其文學巧寬之不許其持正特立類此是時天下通行履畝則壤而楚最善民于今便之脩

獻帝陵園例有慶資口不言功三年擢戶部右侍郎已遷左而劉淑人春秋高矣復請歸省

上許之爲六月期故事六卿佐請告無虛庸者自公始

人從山房集

卷之六十六

家傳

三

而公再上書臣所謂報劉之日短也方寸亂不能事陛下

上報可日居子舍奉母母初舉公而公善病無完膚母以故絮裹而懷之絮著病輒啼又患疹在死法中真諸地覺有微聲復收保如故太僕居約并日而食遣公從外家丐戎菽或麥雜糠覈啗之公居恒舉此詔子孫涕淚戾不可止故于母備極色養九十餘歲而後卒貴州人特祠太僕公公卽家爲特祠勒

肅宗旨忠勤二字顏之以淑人配歲時伏臘率族脩事讀法講禮而懲其不恪者潁川公行糜粥於路食餓人

嘗坐槐樹下槐大十圍矣爲檻護之此王氏故事一可
敵三無忘先德卒之日侍者私泣公顧譬之始乎叔季
終乎伯孟吾于世足矣塙之壞愈其立也水之泮愈其
疑也以其反宗夫何憾焉生平布衣蔬食羊裘解札器
不鏤木不斷曳杖徒步晚以末疾坐小兒子之野入里
門必下少年惡子詢而踰公第閉門謝之諸子孫受業
家塾僅足蔽風雨寒則取秉扞焚燭令熱置敝衾臥鷄
初鳴卽起出必告僕指計歸期無敢小逾時取成之迹
危坐而說之曰周鼎者僅使侑其指明巧之不可爲也
無禍爲福不喪爲利小子念之予孫舉南宮者十有一
人舉于鄉者十有四人諸生若貢太學數十人山東族
無兩大其家法暑不蓋冬不爐衣無閭差之制冠無羸
觚之理望而知其爲王氏子弟馴雅孝謹有洙泗間遺
風焉伯子仕爲令若府訓勅之官而墨視盜當加等其
以叅政守宣府口北趣之行此兒王父宣力地也旣撫
蜀兼督貴州便歸寧公復趣之行此兒王父殉節地也
老臣藉手以報國恩無作兒女戀別兵其惜於志而莫
邪爲下寇莫大於陰陽而枹鼓爲小尚慎旃哉所著瑯
琊游記攝生炳燭百警諸編非衰世湊學語也伯子名
象乾官位名實與公等埒其北御史車二夷西南處置

永寧繩其祖武矣舊史氏曰余舉楚之年公實分校所
收皆知名士其政事則楚人能言之友人程仲權客公
家久言公辭官隱處爲鄉邑下無尺牘入公府邑化之
二十年間強不掩弱衆不暴寡田不侵畔漁不爭隈市
不豫賈無抽箕踰備之姦歲賢昔日愈昨上下調而無
尤民命保而不夭有司如零星之尸儼然玄默而吉祥
受福大家難而天下易是乃公所以千萬人而無數者
也王氏之盛冠于齊魯所灌輸大矣所斟酌衆矣

左司馬家傳

左司馬詹公名榮字仁甫永平山海衛人也其先福建
龍溪實宋良臣先生裔洪武初曾太父旺徙山海旺生
王玉生通通行年六十無子有善相人者告之若多陰
德徵於面目宜生子且當大貴已而公生姿儀環秀神
情爽拔好學多關覽所誦久而不忘十二遂爲諸生弱
冠成進士授戶部郎權河西關有鈔數百萬直數千金
籍以上聞人稱其介公家故臨邊習邊事居常籌度戰
守機宜叩之如響先是兵部郎王冕守山海關禮公爲
子師遼海妖賊沈淮詐爲商關入關執冕欲殺其母冕
罵賊死人度公不免迹之則其日先與冕子之角山精
舍矣至是淮遺種循衛行畿輔間公申徹以待賊虞有

機陷遽去已遷郎中督大同餉初大同帥議城五堡卒
譁而叛帥死之事雖平其黨故在也會虜將渡河帥李
瑾議於天城左浚壕四十里以遏虜騎制府劉源清許
之期以三日瑾煩督卒重足一迹憤殺瑾源清聞變與
帥卻永率兵至陽和榜示諸路曰五堡之變未重懲蓄
亂宿禍乃有今日農夫去草芟夷蘊崇之無使能殖可
矣叅將趙綱以甲士三百人大索城中所捕誅名不盡
實五堡圍視起召號諸士伍出叅將黃鎮指揮馬昇楊
麟于獄以爲主開門迎戰殺一裨將而潛出塞以其裝
齎哨虜入寇守臣上變告京師戒嚴議徵兵四面討之
大泌山房集 卷之六十六 家傳 六 二

人則源清罷仔以張瓚代傳首詣瓚營翼日瓚與繼祖
按臣蘇佑稜威盛容自南門入詣公門送敬子在吾憂
而不手城中人歡呼震地虜亦止不來捷聞
上擢公光祿少卿詹剛授世襲冠帶總旗而公徒跣奉
父喪歸將士德公賻奠繼屬一無所受服除起尙寶少
卿轉南太常少卿尋拜僉都御史撫甘肅甘肅數遭虜
士選突縮胸虜至土官百戶馬能白帥楊信憤耗不知
所爲驅魯迷諸國貢夷九十八人掌距之九人死焉夷譙
讓信欲與虜連公疏言信爲大將不身當虜而借兵于
夷卽勝不足示虜強而示夷弱夷以敗而絕我附虜是
增一虜也
大泌山房集 卷之六十六 家傳 七 三

上奪信兵逮馬能正罪而令公給樁櫓護死者歸國士
苦寒衣不時給公以庫餘布制衣而以應徵布次弟償
之士爲用命討番夷之內訌者所至克捷屬大同撫臣
趙錦與帥積不相能御史王三聘言于
上上以公與錦相調大同人躋足抗首是蒙死而存我
者也歲饑牢直不畢廩賜斷絕請太僕寺馬價二千太
倉銀二十萬補餉士得宿飽虜寇左衛公偕帥周尙文
禦之戰黑山旌旂所搗及并力焱發馳至京城斬五十
人馬駝器械數千

上晉公右副都御史再禦虜中路鐵聚關鴉鵲峪兵部
上諸邊禦虜狀再賜金幣公有特加大同以東宣府以
西地踔遠築牆二百里隨地形裁割繕城廓起塢候作
樓櫓置郵亭皆聖鑒之舉烽馳羽項時而達論功晉祿
一級而代宗充灼七人者標校鋒俠與張文博張洪麟
盜囊橐公効奏奪其稍食鞅鞅望結妖人次仲太羅
廷璽謀廷璽故挾白逆術替說欺天轉相惑眾令充灼
擇善虜語者通小王子入寇自爲內應則奉小王子爲
代王而充灼取太原平陽爲晉王張文博爲表章旗幟
約期舉兵反城而先火四門草廠使不得推蘇草廠火
大 山房集 卷之六十六 八

公謂偶然已報御至分曹躡尋反跡見而尚文獲充灼
所使引虜者以充灼逆謀辭驗公白代王錮充灼等分
捕叛者無一得脫虜知已敗引還奏入檻車徵灼等簿
責懸而扼吭焚其尸磔文博等于市收孥相坐
上前有勅褒公守邊功俟勘明議陞又有旨俟禽叛事
情併議至是晉兵部右侍郎巡撫如故公因言代宗缺
祿請以山西藩司所貯及河東鹽課各二萬金補之復
請因四隄山修角弘賜諸堡亭障累百復疏屯田之
利累千言請以市馬金易牛給佃者處業振贍之通使
區種增耕

上報可虜偵我兵食足無瑕可乘屢乞貢而陝方有復
河套之議貢不得行三年考績封祖父任子如令甲督
府翁萬達陳諸鎮邊虜不入功官簿無出公右晉左侍
郎召還理部事萬達亦入爲大司馬尋憂去公攝篆以
懷來功食一品休盡防秋十事詰京操飭兩關三鎮遼
左四鎮兵廣將才明賞罰裕芻粟先機伐謀皆軌事之
大者也至今莫出其範圍

上倚重公方見柄用亡何疾請賜骸骨歸未踰年卒
年才五十有二公少讀書角山夜行有執燭導者喚侍
郎侍郎陳教授夢金甲神告之明當有侍郎都督至晨
起公與武生張世忠投謁其後世忠以參將贈都督在
河西齋壁崩墜伏几下得無死與不中張淮禍天實相
之矣任子于遠不逮仕殤孫廷今爲比部郎舊史氏曰
肅皇帝垂意邊事不惜重賞嚴誅鼓舞邊臣獨於詹公
若有靳邊臣非大功不特勅公受特勅而賜止金幣何
也勅曰議陞旨曰議陞第以副都御史晉兵部右侍郎
秩相等耳故事侍郎以事出使改副都御史行不得言
陞也叛卒逆宗處置稍失宜代非國家有矣
上亦曰消弭隱伏功出非常而陞第就常格何也邊臣
三歲進爵二等或內僚通理或畿南諸郡不被邊得並

公即被邊不必有戰功公有戰功僅一任子何也隆慶初楊襄毅秉銓撫甘肅在公後錄叙邊臣廢罪者甚眾不及公何也公爲郎不任兵且當居憂執事不諉上臨危吐決知勇邁人爲國扞蔽財予一五品卿前此見殺於叛卒者或得卹錄而公缺如何也且也詹剛世官而發縱指示者顧次之何也質之近事叛卒孰如武林叛宗孰如江夏挑取功譽者不以此益思詹公其故難言之矣

鄭少司馬家傳

鄭公名汝璧字邦章其先淮安人也宋紹興間進士桂

大泌山房集

卷之六十六

家傳

十一

六

今繪雲民德之因留家焉十二傳爲邵武丞鑒鑒生因因生文文生重文重皆贈如公官公少聰悟九歲明經善屬文十三爲郡諸生尋升米廩郡守督學使試冠諸生隆慶丁卯舉于鄉戊辰登進士除刑部江西司主事歷雲南司郎中精心法比獄大小奏成其手老吏莫贊一言大司寇石首王公每有重獄必屬公始定黔國公沐朝弼驕恣虐其部民殺

上所賜閣人命緹騎逮至京下兵部會法司議辟公言朝弼在八議列所犯多赦前萬里械世守重臣賊疑親聽卽周內不可貸虧損國恩列罪狀而入詔赦令可原

作故殺閣人律合死請上裁不正言斬也御史大夫蔣公曰夏貴溪非一品議貴耶而正言斬今何不然公曰凡應議人止稱合死不正言斬

祖宗名律如是

世宗怒夏甚詰法曹法曹恐不敢用律而阿邑以斬請今上幸以法付法曹奈何舍正法而任意司寇從之

上念沐氏先王功貸朝弼死安置南京官卒覆漕舟失米例禁京師獄征其餉爲償長繫累至五百餘人公言

失米非盜米罪不至死而瘐死獄米連如故是兩傷也

釋之昇新運官領付主者五百人生還米亦無遺指揮

大泌山房集

卷之六十六

家傳

十二

七

花卿歸生子因名其子爲鄭焉錦衣校尉稱駕下刺姦盜西司房鎮撫理詔獄盜發白金吾註捕字卽捕詣理刑撓治備慘毒多誣服送刑部校尉入署目攝諸郎獄少反者理刑千戶馮斯索富人十輩家財不得誣以盜當上刑公察其冤檄諸校尉及兵馬司番役對狀斯大恚謂郎與錢通縱賊攝校尉校尉奉勅緝盜詎郎所得攝耶大金吾語司寇意不平司寇鞠之賍出捕者家番役吐實促公具疏金吾亦謝過斯實罔我後以惡盈貫誅矣諸郎斷獄時毋得容諸校入署門自公始也其脫常州官民貢布爲中人掠立擬反辨李英非殺王堂劉

龍非與王鴻侵內帑金事或二十餘年牽率斃數命一朝更生轉相告語鄭郎名動京師出入人指目之矣調儀制司司宗藩事最夥吏胥善爲奸賄以千百計

世宗嘗嘆禮部好一王府科者也凡宗人生三日王以聞下宗人府籍之五年請名儀司簡稽府籍有無相冒貧宗大困公請宗伯置籍每藩一冊每宗五格一始生二請名三請封四請婚五卒禮科抄王疏出宗人府者過儀司入冊主事一人主之一覽瞭然宗人府無以難諸宗而駙馬都尉爭之曰是欲廢宗正舊制閣臣直部議著爲令諸宗奏先後無序抄愈繁事愈壅請每季各

大泌山房集

卷之六十六

家傳

十一

潘合請名爲一疏請婚請封如之先後有序合者題不合者寢未明者再覈書于牌示齊奏人有漏則直言其故吏胥無所高下手又作同姓諸王表列親郡王世裔而積歲宗人名封以駁正遲誤者行巡按御史覈無他卽予封諸宗省費無算得爵祿者十九至爲生祠祠公上在東宮已冠又四年蓄髮中人侈其事丐恩澤諭閣臣趣禮部具儀公考

英廟蓄髮祭奉先殿翰林撰告文無他儀也中人失望持部疏不下閣臣三請乃允暹羅國雄海中恥與東蠻牛國婚東蠻牛怒結諸國兵圍之三年破其城王自經

死虜世子及賜印去攝國者遣譯揭元禮具金葉表文方物入貢因請曰暹羅統數十國非天朝印不得調兵上受之令予印公計印匱不悉若何閣臣言暹羅國王耳公對曰初封不必王且篆文小異亦不足取信諸國其國公移舊印固在留一使京師以一使歸取印文至則都統制使印也衆大服非郎且僭賞爲外夷笑元禮故江西人爲人轉鬻暹羅王以其黠用爲通事幸之白願居廣東夷使強之返公曉之曰今敗若主事則不可留今得印無負主矣華人還華固其所也有議城鳳陽府城者曰不爲陵園地乎事遂寢其他論廟制不宜踣

大泌山房集

卷之六十六

家傳

九

睿宗于

武宗上當專祀世廟功臣配享位次靖難舊遜開國郭武定勛以寵進其祖英而誠意伯反爲之下且

諸帝有挑諸臣亦當遞殺王新建已贈侯劉誠意仍伯非禮也當事者不能盡用久之調吏部驗封司楊太宰有功臣底簿余語公宜輯之公諾而有胡龍謬稱越國公大海裔應襲東川侯公按簿詰之東川侯乃胡海子降襲也胡大海歿贈越國公兩人名有單複安得爲一其人泣曰家故饒爲某所誤可以同姓資緣前後費不貲室如洗公嘆曰惡害已而去其籍籍可但已乎移五

府取功臣誥券宗支作功臣封爵考已移考功黜墨吏
有與援者數十百人雖政府客不免江陵欲黜某郡守
公不可而以盜事削其官若相報云故事考功分校禮
部江陵子應試公辭用他司郎已移文選首擢故給事
中趙參魯以推官爲福建提學僉事次第拔名士淹抑
者中人請託一切謝絕夷陵王篆舊吏部郎多所干冒
公不許江陵知公才篆說不行既以例擢太常少卿而
江陵奔父喪篆嗾其黨譏公不勝不止遂出爲閩參議
行縣清流有流米數百石莫知所自來召績奇鄉躍龍
好語之汝罪當遣實汝第爲我言所以某里隱糧若
子可相抵也榜出衆稱快寧化令課殿當左官公集民
庭下素無逋賦者立于東貧不能共者立于西非貧者
逋者召東西人內之皆蹠不內公笑曰若安之乎此沿
習非一朝姑與爾一月期至而逋有三尺耳衆爭輸
如額海澄舊爲月港夷與華人有鬻競始置邑彈壓
之守羅青霄請開海市禁惟不得通日本富家及少年
羣不逞羸得過當歲徵稅數萬金爲兵餉後乃日益稅
公竊慮之此不利于亡命恐釀他患稅得無益尋擢廣
東副使以道遠不得奉親養辭歸屏居十餘年母卒邊
候告急中朝薦公可急使召兵備井陘未上改赤城赤

大邑山房集 卷之六十六 十四

城孤懸塞外略去苛禮與諸將戎衣講武行邊數百里
舍輿乘馬夷劫戍守者立斬其首酋怨不爲逆何死公
數之曰此盜也非逆也逆則安容女盜則中國人皆殺
何有于夷夷賴受命虜入寇提泉騎距之頗有斬獲
賜金綺已遷河南參政遷陝西按察使備兵榆林不數
月拔識將材行伍間選鋒蓄銳兩禦犯塞虜有功遷山
東右布政未上遷僉都御史撫山東歲大饑亟疏請賑
上與
母后出帑金萬餘公捐月俸與庫庾羨佐之屬有司賦
粟爲粥區畫曲盡自仲冬暨季春精神夢寐惟足爲孜
孜而時出不意廉虛實勘磨窮里僻壤虞虞如公在上
本要東里諸所活人六百三十萬而州魏邦濟嘯聚
流移爲亂使帳下兒密禽而杖殺之尸以徇先是有人
失人安丘馬中丞家云借樹皮曰家少樹以人皮代
朝夕殿等卒無耗曰聞渠魁死餘黨烏獸散矣以翰林
禦虜功兩賜金條寇金山公主戰守破封貢邪說練南
兵六千人聖島田儲粟數萬石爲防海計甚周爾徒言
河南與山東荒同山東有鄭某遂若無荒然而媚城中
以飛語調公南京解任歸父卒服除可六年中外復推
轍公不宜置散地起南太常少卿攝南雍以禮法表帥

大邑山房集 卷之六十六 十五

士習益正文體每過太史焦公鉞談混有雅致踰年復故官撫延綏延綏塞千二百里黃台吉鐵雷火落赤諸酋互市寧夏而帳落在延綏界西則卜失兔屯河套東則莊亮賴偏頭關則剪牙氣憑弄諸虜爲患公夙諳其情形制禦中竅酋炒忽兒犯孤山擊之殪其愛子火落赤犯寧塞擊之生縛百餘人已復犯懷遠擊之前後首虜二百七十有奇虜懼受款市中實有差不過予而虜王西行迎佛勒諸虜無從王諸虜奔告公勢那得無從但不以王故牧馬公境請質妻子具威靈震疊如此屢賜金綺三年擢兵部右侍郎兼金都御史督宣大山

大湖山房集

卷之六十六

十六

天若成其孝德焉愛三弟與支周父兄弟及母黨幼有長老有終沒有歸矣居常見客與理家事事各有人人各有期家範肅然如公府上官罕見其面至邑大利病若鹽戶防運夫役者極言無諱也所嚴事同里參政李公健少司寇銑兄弟鼎湖之峽間杖履琴尊相隨望之真仙都中人其學宗王文成而以寡欲實踐爲本口恒靜坐二時餘則手一編吾伊如諸生不喜事不厭事卽造次不動聲色或坐終日不欠伸直躬而行目觀無回雖至於門閭之下廊廟之上猶之如是也在獨人中如不能言而叩之響應其機沈其力定其識盡其決斷

大湖山房集

卷之六十六

十七

支許之契焉舊史氏曰余所見當時理學諸臣浮偽者不足論竊語錄緒談而寡獨造抑斤斤自守施于政達時宜諸兵機者幾何人哉鄭公學術操脩高明醇正旁綜二氏得其要旨不標門戶為禮曹吏曹曹掾多越人舞知舞文不可方物獨嚴憚公每間喚聲踉蹌流汗思置對俛無譙訶為幸給事中按邊者言今邊臣明目張膽敢言戰守者鄭觀察一人而已當官所至設科條後人莫能損益即其撰著斐然升作者之堂可謂通儒矣

張廷尉家傳

張廷尉者山東萊陽桃花里人也其先家萊安勝國時祖海山始徙居焉數傳為雄雄以義民奉詔褒勞其孫曰相相仲子鉅娶于蓋是為廷尉父母以廷尉貴仲子贈陝西副使蓋恭人恭人之娠也副使公夢大魚躍梁上已而廷尉生名之夢鯉字之汝化而號之龍池幼奇儻無他好好書日誦千言應對機鋒駭發稍長習公車業之即墨受詩某師夢神言詰朝有顯者來母嫫已而公負笈造門心異之試其文文大佳某師避席謝曰吾不如也三年學成以第一人為邑諸生年財十有六耳兩邑人爭師友之邑令吳公以名進士宰東萊延見鄉大夫問諸生孰優具以公對既都試諸生得公文擊節

嘆賞啓之則公也令踊躍自喜能知人尋學使者錄高等千廩食已舉乙卯鄉試第十有八人明年成進士所射策有外藩繼統語主司懼失

世宗意差次之二甲尋以蓋恭人喪歸三年除戶部主事監太倉慎愷筭無秋毫奸闌出入者大司農謂公年少而精覈簡之權許墅以副使公喪歸久之除兵部武庫遷職方員外郎車駕郎中肄將家子隸武學者騎射韜鈴各因其材而務適於用往往由武科起家以名將稱而嚴杜諸債帥薦賄自公退食門可羅雀也太宰楊襄毅公故為大司馬悉公廉遂以知開封開封領州

縣三十餘雞鳴起治文書謁諸臺使日盱而聽政兩造盈庭片言得其要領手具獄詣白事者立雉門外版答尋出不問館人而事訖矣廳事間如也邑令以贖錢進斥去之使市穀備歲凶歲時亦不得有絲纓饋藏吏以奇羨進杖遣之使籍而佐常賦常賦自府而達藩司者第為易其牒以報不復入府藏入府藏者堂下置權衡藏吏無所高下其手里甲郵傳汰其浮濫溢尤水旱蠲租發廩民無轉徙郡道里四達推埋御人之盜易囑聚亦易遁逃自公為政苛慝不作盜賊伏隱矣周卽宗人萬數扞有司文罔月無虛日公諷見有期餉遺有禁廩

廣相戒毋犯張公而新鄭以首換極冢宰威權震主戚黨知交怙勢力折守相嘗城新鄭城百司致餽恐後公第尋常遇之至計吏不快於扶溝令將構職公廷爭之強新鄭無以難也遷陝西按察司副使備兵靖邊靖邊居延寧兩鎮間與虜庭若比屋新置治兵使者其中威儀不具而虜吉囊黃台吉諸部落互市竊將淪盟公首勸諸將無浚卒而治吏侵虜者死芻粟以時給人樂爲用復以計操縱虜酋會入關見軍帥強禦卒乘競勸色動市如約而止無譁間則走險集結亭障所築塞垣百二十里朝議重脩守功等於首虜大司馬王公遵行

大泌山房集

卷之六十六

家傳

十一

邊列功狀上之賜金綺而歲市賞不與焉靖邊距延安郡遠士鮮師承公爲豐既廩儲經史督課之而語督學使者廣弟子籍四方學徒聞之響應景附矣今上卽位覃恩邊臣副使公與蓋恭人所由贈也已擢山西叅政職督餉通計所部徭賦之數田產與賦合丁口與徭合衰其上下籍其出入而以次輸有司有司以緩急輸藩省故時布常無藝徵斂無度長徭賦者悉倚富民而富民困小民倚里魁市猾而小民困公下令小民自入官如開封時法官主辦罷富民與小民歸農所節約不啻數萬金民不以逋賦亡命官不以逋賦受責

到于今受其賜而海內咸取則焉爲挈令比及三年聲望蔚起副廷推巡撫山西尋遷江西按察使過開封士民耆艾婦孺簞食壺漿塞路泣而迎勞公也至則懲吏貪墨捕訟師譴張民者若干人理案牘積滯雪獄岸沉寃若干事三月復副推巡撫尋遷山西右布政使而有鑄錢之役條議其便否八事錢法行而民無擾兩臺以公故督儲曙晰其根株窟穴而鄉所經畧後人惡其害已而去其籍屬公爲賦役成書所裒益無綺重輕無漏毫髮書成兩臺奏上命錄公勞特大用其月卽遷其省左布政使錢穀出入亦如開封時未三月而以僉都御史撫順天于時畿輔亦議定經制而京兆尹與五道治兵使者抵牾公劑量均停之要諸畫一頭鬚爲白已請獨逋八萬金有奇除橫征十二萬金有奇公曰民小息肩矣可以卽戎簡將吏時候糧繕甲兵嚴斥堠信賞而必罰公曰兵可用矣土蠻規知薊有備去而犯遼兩出師援之所俘獲中率

大泌山房集

卷之六十六

家傳

十一

上以公能完薊而更爲遼蔽翼詔褒嘉賜金幣增祿一等其勦犯古北寇脩當路塞受賞稱是屬會長昂爲東虜中行說詞惴要求無已公召而面數之會懼已見公所爲火器若炮牆若飛車之類人意想所不至會益懼

乃結誓不敢爲邊害而部內多勲臣戚呢中貴人與其宗黨廬舍備有南陽弘農之不可問又密邇輦轂要路私人請謁關說公獄獄莫能干大失望而大帥戚者挾政府重督撫臣更置出其口吻公故兒女戚不爲之下所召募南兵與北兵皆以力戰爲功母偏優南而坐食帥內媿且患牽制而裁順天巡撫之議起遷公副都御史撫甘肅以示不如薊之貴近也未上召爲大理卿以示不如中丞之權重也公自念委質事君惟君之所使之耳遠近要散何擇焉江陵尚綜覈酷吏以多決囚取寵公平反其疑者大司寇御史大夫所奏當或加翻

大泌山房集 卷之六十六 家傳 十三

異面從之中不相能也公卿多江陵後進見不乘輿獨公乘輿如故其鄉人有爲廷平者老憊矣丐公優假復不以時應都給事中某子甲望公意氣不得因爲蜚語中公公嘆曰吾立朝二十餘年名不掛彈事今不去後進之口何所不至往吾失新鄭歎予靖邊地苦寒不毛衣食不溫飽殆將困我何意有今日夫安知塞翁之喪馬非福也上書言病願歸骸骨田里至于三乃予告其後中外以遺賢薦者十許公無復宦情矣公之爲戶兵部郎也山東人應爲吏部者衆心儀公而分宜子索賄公聞之艷然柰何失身不義左使故無遷僉都者自慶

厝始蓋季孟之間云耳而公未爲左右使業已推轂及之更數年而無加按察使率傳舍其官公新園亭種竹蒔蔬若將終焉其不希驟進可知也雖官九列義無苟取守開封餘俸僅八十金家奴盜之而逃不介于懷歸十年治園亭山微具泉石之勝日觴咏其中荆扉槿籬備數事而已諸子或嫌太簡公笑曰天佚我以老而我求全自苦耶書有之旣勤垣墉惟其塗暨茨是在若曹矣二時課家僮服田力穡乃亦有秋身貶食省用而周亟矜無資區豆鍾釜之粟六戚共之邑人代他邑租庸及東人歲供明糧樞府力白上官已其征脫以事丐居

大泌山房集 卷之六十六 家傳 十三

間則謹謝不能程某令五年遷去語人曰非公事不至偃之室吾今復見張廷尉矣其侍親疾晝夜不解衣冠每被祿賜以不逮養爲恨潸然隕涕事兄恭事異母弟慈愛割督亢田與之字從子如巳子從孫如巳孫也諸子文行紹繹不衰爲齊名家舊史氏曰嘉靖以來中國苦虜而邊臣重尤莫重于薊遂爲仕宦捷徑自監司至撫督或不易地不越十年位公孤子孫世執金吾矣張廷尉繇左丞拜僉都御史入領棘寺無殊尤之擢又爲言者所中素履之往獨行願也其斯人與政府敗二十餘年諸廢斥者用爲口實立至大官廷尉卒不自明余

以是益賢張公也公伯千水部郎嗣誠矯矯有父風節而文藻過之與余善

何中丞家傳

何公名東序字崇教簡氏二相坊人也高祖濟以明經仕兩京典客生純純生廷璋廷璋生尚德舉春秋第一人累官同知開封府娶潘宜人公其仲子也父嘗夢月入室翼日公生七歲授古書一覽至千言輒覆誦十歲能屬文賦詩十四補邑諸生讀書以夜繼日母愛之不爲篝燈則潛畜火候母寢起讀已負笈如京師從閩林文恪受春秋遂精其業巡鹽使者簡河東士首公而羅大泌山房集卷之六十六

在

大泌山房集

廿四

山尚公尤奇之爲詩贈其入試壬子舉於鄉明年成進士除戶部主事權清源稅清源稅最天下易汙人公不私一錢有司入之不取盈守藏吏出之不問羨稞額增十三而費省十四父故節廉喜名聞其狀曰不媿吾子矣比代士民商旅伐石頌德已擢郎中司餉遼左廣寧城以久雨圯遼帥又移山海關虜倖至公獎率將士擗然授兵登陴而守刁斗不絕聲虜覘知有備遁去歲饑人相食再上書請賑得通州粟四十萬所全活無萬數帥某省食而忍恃與援日益橫露章彈劾以去就爭之因病免歸裝財四十金治書舍孤山之桃花洞討論經

在

大泌山房集

宋傳

廿五

史國故不通賓謁數年復除此部與同舍郎呂鳴珂包經芳輩講五經同異以古文辭相唱和斷獄按法令傳經義諸郎獻疑就公而決會有詔逮楊侍郎選趙編脩祖鵬將子死比公宣言曰是無死法衆目攝之已出守徽州徽多高貲賈人而勇於私鬪不勝不止又善行媚權勢公不受謁重門反鎖時進父老子弟咨故實問疾苦有依勢作威倚法以削者去之如農夫之去草焉朝貴爲資使賓客請終莫能解上下不干美惡不踰戚化廉清大治濯俗浙雲霧山礦盜贅聚掠劫四境吳越震恐檄公捕之誅其渠率若豪傑擅私爲囊橐者屬邑委大泌山房集卷之六十六

祁縣績故無城公城城量功命日不愆于素已飭學宮集諸生董振擇之市善田千畝供既廩筆札他日起家爲名臣相望郡理某子甲捷諸生婦于庭諸生譟而操白挺踴府邸或下令悉禽之公單騎往諭辱及婦人負在理其過小率衆迫脅上官負在若其過大諸生棄其仗去而以沒入分宜黨羅龍文家兩臺或稱快衆忿或議過當家宰衷之調衛州其治一如新安棘闌舉士皆一時之選錄文經筆削海內以爲程兩上計無所布幣考課爲二千石最

穆廟訪落條上重正官察輿論勵任事課樹藝議保障

歸鼓鑄六事下所部覆行已擢山東副使備兵紫荆衝
人生祠公比于趙清獻贈之一鶴公謝曰鶴固清獻自
有舍乃需人餉乎却之紫荆逼介之關藩蔽京師自城
郭倉庾介胃戈鋌以次繕治數行下縣紀農協功置義
倉以調艱厄立鄉社以登善抑惡二年畿內軍政民風
一變超拜僉都御史撫榆林勒習士馬規畫甚詳其大
者分信地定應援亟脩濬重哨探設柴塘詰奸細併小
堡固城守練鄉兵簡監司楊襄毅謂可方余肅敏經略
云吉能賓免寇當路塞命將禦之俘生口二百斬首虜
百餘馬駝牛羊他物無算虜怖駭請和捷聞賜金綺晉
大泌山房集 卷之六十六 家傳 廿六

損益先世之貲悉畀伯季宗家嫗屬鄉黨故人所善賓
客貧者仰衣食婚葬奉祿悉以給有差邑大旱疫捐金
若粟振之不以名位格物納誘後進謙若布衣橫經問
字倒屣迎勞無留門者諸生荆一薦耿靜生養死葬門
人李光普王道陞志墓蹕域竿牘之間三十年不通有
司聞喜某西安某橐金求關說叱使去其覆沒無因極
者陰爲申理不令知也不借宦於朝不假譽於左右部
使者薦公宜大用章以十數卒不報至老手不輟書文
好左史莊列詩好漢魏唐初盛之際而不襲其迹多獨
造語字得古人筆法晚年右腕幾脫以左代之因名其
大泌山房集 卷之六十六 家傳 廿七

集四書正理麟經發微課子制義纂錄史漢抄評鴻烈
類選古文會編四六玄圖唐詩類苑士多稱而道之惟
兵書秘不傳最後喜遊及養生家言涉七澤望王官至
于顛軫決涇水觀濤龍門登菟姑射之山徘徊神人所
居庶幾遇之訪梁徵君高梁善存神養和之術已約老
友常君遊五老峯曰余將結爲六老以其七屬子矣厥
明正襟而逝汗覆面或疑其尸解云門人衛廉荆如松
私諡之曰文欽先生中丞直指聞于朝子洪岳詣關請
卹典俱如令舊史氏曰何公故治春秋其文謹嚴其人

亦如之用以緣飭吏事大都相類經生專門名家出入不悖所聞吾見其人矣吾聞其語矣

余太僕家傳

余公名一龍字汝化婺源沱川人也其先宋桐廬簿道潛自晚徙居子孫蕃盛多賢且貴者十四世爲時英公號寒塘處士受學覺山洪先生又師事東廓鄒先生娶於汪生公母夢黑龍繞身王母夢鸞棲其手故名之龍小字之鶯少有志分言動若成人六歲日受千言成誦嘗指堂中食案問其父此爲地所載若爲載地者父曰水載之因取石投水曰不能載石何以載地父心知其

大泌山房集

卷之六十六

家傳

廿六

十五

不凡矣九歲鄉貢士樹幟其門父以爲題試之公應聲曰有天下之才者大天下之觀也父益異之十四師吳一源先生見所爲文擊節曰若吾友也吾何敢爲若師時洪一源江朝陽兩公與公年相若令劉公目爲三聖童稱公可屬大事遂爲諸生邑人戴槐陽公欽其器宇以女字焉是爲戴夫人讀書芝山夜有獸當道挺擊之三咆哮去則虎也乙卯舉於鄉耻隨同輩造請戴夫人出奩具助之館冲頭張氏所用漲水及橋衆莫敢渡公渡而履不濡人怪之公曰有老人類如珂雪負我入朱山以米授山中人炊其人辭此多鬼魅午後冷風吹沙

石山人吾且徙公笑曰我待之及暮寂然舉進士觀政吏部每事問尤研究法比江山司寇毛公爲其邑擇令得公毛公舍中兒詣前若欲揖者怒叱之毛公聞曰是磊塊有正骨吾邑之福也已至大詢衆庶得其疾苦要領而興除之聽征役以比居聽閭里以版圖無或不均府治藏市平賈辟其詐爲書以空作見者去其淫怠與奇豪者奉身不殊寒唆即賓客若上官牢醴委積膳獻飲食殮牽陳數取成禮而止聽訟片言立決三尺不貸刑柴毛等若而人四封肅然而當大辟哀矜無辜數月與人誦之一日堂下衆屬集不知余明府何狀冀幸一

大泌山房集

卷之六十六

家傳

廿九

十六

見公語之吾亡以瘡人惟不作妨民事惡夫好名無實者民歡呼而退學宮圯拓而新之與諸生談道論文從毛司寇請薛文清讀書錄與公父孝經義版行之曰天下文章莫大乎是士風一變至道矣邑無城牆額外萬金城之日三數巡功民有室當撤其婦悍以湯禦人及公衣隸執之公言過誤何足校人服其量先是叩阼者江山城欲成直待金龍興蓋公名也浙兵防海道江山攘奪民無厭公至仙霞關稽其什伍兵譁朴之譁更甚公拍案言若等才三千人吾民百萬一呼嚮應若無噍類矣兵遽從間道不入城仍著爲令戴夫人以刲股療

姑卒李夫人來繼合卺夕慮有乘間者潛出則邏卒醉獄戶啟重囚並逸悉捕獲之坐徹明不入內郊行見婦哭夫于墓而不哀有男子從召問若與彼何親曰婦夫友也廉其隣里婦故淫夫暴死家無基功親收婦繫獄陰語獄卒來視婦者告我前男子頻致其私獄卒以告執訊之汝姦某婦殺其夫其人詞遁取婦別鞠吐實邑稱神明以治行高等徵拜南京江西道御史疏請

東官出學有諫臣鄭履淳而捕殺妖僧藏亡命爲不軌

者出入乘馬都人避路如鮑氏驄遇雨衣沾濕或請用

籃輿公曰非制也同官因盡乘馬歸自外有餉酒者恐

大泌山房集 卷之六十六 家傳 三十 七

其納賄碎之人號碎甕御史云高文襄不利首輔李文

定屬南臺省刺文定公文襲門生持不可銜之出公湖

廣僉事治沔陽湖稅八百金爲郎中費以修三學四城

建荆門石牐築任家嶺堤督兵禦盜沙湖風逆帆覆水

公手引之而報母病舍舟而騎盜遮道公呵曰我兵使

者也盜辟易散其聚桐栢湖者以計授百夫長斬之盜

遂平歲大比士直指屬公公聞江陵子入試固辭其監

奴游七持江陵父書爲人脫死不許犒之才三錢翼日

諸僚偵其狀曰余公加人數等矣遷浙江左叅議部寧

紹兩郡爭墓域者十數年不決相其地若所爭非吉壤

各爲擇可者皆頓首謝嘗攝藩篆手朱墨二筆牘至不停揮人有二筆之號遷貴州副使治兵威清兩郡人就公治前所手植栢名余公栢以寄思威清鵝羴瘴癘所親勸無行公正色曰五月渡瀘非人哉單車往而苗

腊謝四十四寨犯界中丞何公議興師公言宜先文告

如其怙終師故未晚先傳檄往公隨之苗納款者五千

人列爲編戶山多虎行旅戒嚴榜能殺者予五金虎患

絕矣苗安復爲寇公計此徂前招撫故出不意以除夕

發兵勦之中丞王公嘆曰是何異雪夜平蔡乎江陵嘗

問公於王中丞璇對曰余觀察明如日清如水吾所嚴

事也江陵曰微君言幾失余君遂擢江西叅政西安國

亨以金贖麾之乃私貽從者藥一缶望公眉間有蠱氣

須此可解受而飲之毒流血于梅竟月乃愈豫章諸宗

人祿不時給詬辱藩伯公定其期錙銖不爽無有後言

直指慮囚諸司無所可否公知必言言必盡脫一老宦

以妻死久繫辨一叔母誣姪姦者貴人欲奪僧田執勿

與劉侍御臺傳侍御應禎以忤江陵遣數加禮焉已遷

浙江按察使復王文成胡襄懋祠請賜文成祠額曰勳

賢已遷右布政使其長多猜公端居署中暇則吟眺湖

山間晏如也已遷左錢穀出入一衡量諸織尚方服者

大泌山房集 卷之六十六 家傳 三十一 八

誦不容口甫三月以父喪歸直指使坐小嫌刺公溫太保方爲中丞爭之不得浙人建祠吳山祠公復並祀六賢祠尋有母喪六年與弟一鯤寢苦靈牀頭朝暮奠歲時祭哀如一日服除除四川爲坊表武侯文翁爲井潘司前共千家汲治鐵爲欄防溺者初蜀平九絲蠻設建武所元戎蒞焉松潘則有游擊將軍議者欲相更調公以增兵增餉勢必煩民且松潘雖近房未有警而先自擾乎駭難十返不從王中丞議勦播分兵以進公訟言兵不踰萬分之則弱從一道入首尾應援或無豐敗中丞不聽我兵覆沒孫太宰知公可大用推開府粵右有

大泌山房集

卷之六十六

家傳

廿二

十九

非直言無隱權勢當前不忌家無長物有構之權奄者挫其產不屑意也於母弟終身相敬愛恒語其子世寧有百年長富貴之人惟孝友二言溫飽在其中矣宗祠講學會海陽績溪會推公祭酒又與周海門公會蚌埠其學先義利之辨而非談性命遺實修者失孔子下學上達之指署余村書屋壁曰得見君子願學爲君子躬行君子耻獨爲君子其趨操可知已村有盜邑佐以兵杆極謝曰老夫齋厨蕭然即延盜不入也公廣頌美髯聲如洪鐘高視闊步挺然山立故精青島之術目卜地遷葬王父果得第江山建水星樓而火災息濬溝澮而疫癘除沔陽樹木置金人于斗以敵麗譙而官遷成都塞八門之半通金水河建洪濟橋回瀾塔而人文日盛形家心目所不逮也里居爲塔與方爲登瀛橋苦力不給亦以此游覽跋涉中暑而卒先期雷震家廟已星隕橋東公當之矣子同光文行有父風舊史氏曰余初上南宮先大夫携以行至鄭州公從子謫判州事卽少司徒懋學公父也招余父子公及少司徒猶子國學純然公俱在授分締交垂五十年矣其年公第而余與少司徒同榜公部荆西嘗以余邑饒於山而水不足爲議建牐啟洩水石已具屬公遷無能繼者士民至今思之其

大泌山房集

卷之六十六

家傳

廿三

廿

在蜀越余宦轍踵公後睹聞政績甚稔新安俗文勝而
發源多悃悃無華如公者洵哉躬行君子顧其言矣

周太僕家傳

周公名一經字子明貴溪人也宋文簡公執羔裔家弋
陽杉山子十有六人孫四十有八人其六子堯嶸徙貴
溪之周方五世孫大然遷荷山又五世孫川川子法爲
諸生祭酒卽公父也娶張宜人生二子公爲長王父視
其相有異曰吾門待此子而興七歲從父入郡晨旭方
昇顧謂公東方日出天開眼應聲曰西嶽山高地出頭
父奇之比長治舉子業其理折衷濂洛關閩諸儒其文
大必山房集 卷之六十六 家傳 三

好兩京以上語許石城王敬所兩先生皆負人倫鑒拔
爲冠首學徒聞名受業者日進處士吳暹以女女公有
大姓某欲得公爲婿使人通言啗公千金卒不可識者
知公節槩器量度越人遠矣丁卯舉于鄉明年成進士
除長洲令以母病不赴母卒免喪除江浦至則裁冗役
冗費累千緩催科懲游惰繩長賦巧侵牟者楊冬春等
若而人置權衡堂上大書其楣曰多取者受天誅邑當
孔道庸調蒸仍民力不支比屋流移公召而復其徭給
以牛種受田如初田濱江沒水者以新田代其賦戶口
自是無耗矣先時島寇犯江南因悉城諸邑無城者江

浦以財訕罷公損月奉爲先四境子來崇墉屹屹如也
語具周垣記中諸臺以能任劇移金壇金壇田不均下
令均田巨室爲十不可五不便之說撓公公校籍履畝
自賜田以下定爲一則而外界庄田絕裝租田諸弊釐
矣荒白蕩田清矣細民踊躍更生浮議莫能難而心內
媿陰中之以是平進爲陪京比部郎三遷皆不離局所
平反疑獄甚衆而不軌法惠奸猾吏有與援當坐乞輕
比大司寇何公亦爲言不聽或曰不難爲上平公正色
而對吾爲司寇守法正所以尊司寇也司寇遷怒曹掾
然竟重公凡大獄必屬周郎同舍郎呼老法家云一麾
大必山房集 卷之六十六 家傳 三

出守而得貴陽貴陽與夷錯處強名之郡耳公怡然就
道至則陳便宜一十三事曰訓耕織曰除史弊曰革科
派曰防微漸曰慎召募曰嚴防守曰制苗夷曰更番戍
曰飭軍政曰制土司曰懲劫虜曰嚴將官至今黔人賴
之府轉夷酋長散處三四百里外隆慶朝議設州縣不
果而會曾宋顯印甯國梁剝其部夷毒苦夷張良珠詣
闕上書願隸有司如隆慶時議事下公與石阡守袁亮
計以程番舊府爲州改貴筑平代二司爲縣皆用文吏
如內地而易正副長官爲丞簿仍以夷領職裁通判一
人吏目十二人以供祿秩酋不利其削也爲蜚語上聞

公治其陰謀者數十人而請給夷誥命傳世以寵之兩臺稱善奏入報可名州曰定番自此始也府治庫隘構地拓而新之名堂曰啓正名門曰天造經綸望之儼然未施敬于民而民敬之矣夷老項宋等爲亂佐開府劉公策禽之論功賜金幣暇則督課諸生馬文卿蔣杰輩皆爲名士三年擢四川副使備兵威茂而撫臣已他有所屬更公巡川西有馬湖李採木入夷夷遇之無禮恚而告變夷且反開府徐公方有松羌之捷欲移師討之衆唯唯公獨爭言非便徐公見爲怯傲李游擊以三千人往天大雪斷餉道夷邀其敝蹂躪我兵無一返者徐公悔不用公言而恥見短撫它事刺公公歸杜門不交人事構堂課子其中題柱曰至樂無如讀書至要無如教子名二至堂居久之所知勸駕復除廣西備兵右江曾黃關有膂力善騎射而涉獵文藝殺掠人無厭諸臺捕之不出田州夷羅滿雷宗弑其主關給盧佑兵滿萬口實吊喪進掠田州旋殺佑以州叛公憤曰是何可令諸夷見也擐甲驟馬與叅將汪宏器采入其阻浹旬斬關首縛其黨數百人督府陳公上功大司馬而主爵以公貳苑馬卿督府疏言非周副使右江未可安枕臥也請擢叅政仍留巡右江便未幾拜甘肅同卿矣適右江

大江山房集

卷之六十六

家傳

廿六

分守缺陳公復薦公可任不報右江人泣留不得肖像生祀焉甘肅左番右虜孤懸河外公延將吏于庭而與之約曰大司馬以馬名官蓋重之也今何敢效馬曹自菲薄馬必如額必良死傷多者必補椿朋銀必以時內非是者法無赦越歲馬政秩然舉矣虜酋青把都據後山連套虜松虜及捆柴山虜入犯公從開府田公率敢死士先登斬虜首七百餘級獻俘賜金帛首總憲仍領卿事自後數有戰功紀錄者四賜金幣者三陞奉者二已遷蜀右丞蜀採木方殷事無統紀廷議請勅公專任之公念自嘉靖來採木役三四舉木非能助長卽有之必不可得出徒驅民死地耳爲講求先年折算例白兩臺以聞定爲令所省金錢全活蜀人無萬數蜀人尸祝公如右江也按甘肅者或流言詆譏公家宰深知公生平寢其章不行數推公爲陝左丞公謝曰士得一知己死且不恨禮大夫七十告老吾年及之矣稱疾力乞休開府譚公御史趙公固留之不待報而行兩公請加太僕卿以旌勲勞以崇恬退制許之歸之明年乃卒公赴省試而父卒不及殮甫第而母卒不及祔終身以爲大戚思至泣踊如初喪食恒蔬素衣恒布褐不敢踰其親之奉也篤愛同產弟爲置田宅爲入貲授爵以季子爲

大江山房集

卷之六十六

家傳

廿七

後蒸嘗勿絕訓子務勤儉忠恕而戒驕奢淫蕩座右書
王沂公四箴以比韋弦之佩晚名其居曰留餘其於取
予尤慎江浦人指數邑令及公則曰是飲吾邑一勺水
者也宣慰使安國亨以罪奪印行金錢爲地其人從公
上計往復累月終無間而入府江荒遠寬假文法官屬
贊以筐篚郡丞循故事陳廷實公艷然麾之賕賂遂絕
百姓吟曰右江數載天無日周道巡行始有光攝蜀藩
有羨金半千筦庫者內公私第公叱曰此若輩鼠竊事
何以汙我其始終一致如此舊史氏曰公與余同榜同
官蜀采木之役余實代公率循規畫百世之利也時方
大泌山房集 卷之六十六 家傳 三

馮祭酒家傳

祭酒馮公夢禎字開之秀水人也高王父恭曾王父經
王父良良弟震震以良子第爲子封翰林編脩娶沈贈
孺人則公父母也上世自高郵徙以匠隸司空所治葺
麻薄技耳而富擬郅濁然皆目不知書公少警悟出人

父若王父謀曰是可以學乎姑試之六歲遣詣塾塾師
大異之公亦厲精無倦時王父沒王母夏引與同臥起
見公吟諷夜半不輟王母笑曰吾曹治生日入而息孺
子乃以夜繼日耶默而沉思數取衣衾障窓寂然無聲
丹鉛翰墨遞作或不覺旦一朝之書肆見左氏春秋司
馬公史記曰文不在茲乎何相見之晚也文遂奇進以
奏其師師不曉所謂是子日損矣公因謝其師去已爲
諸生受室石孺人益取其簪珥購古書叩一飽無時不
顧也而所後王父母與其母卒家多故未嘗廢業舉于
鄉偕計吏之京師所覽觀都邑宮闕山河之勝交游四
大泌山房集 卷之六十六 家傳 三

方薦紳學士文物之美胸府益開詞條益暢而婦卒貧
滋甚爲武林沈氏贅婿挾策坐小樓間若無人再上春
官不第盡棄故時所爲舉子業而遨遊雲間個人廣坐
中時垂首不言或獨居如共人語笑歌踊躍里之大家
禮爲子師大家豪舉衆賓阿邑取容而公亢直自如大
家北上騶從傳呼甚寵公蹇驢蹶躅尾其後夷然不屑
也至都嘉善袁坤儀負才名甚盛獨招公居郊寺論文
一洗鉛華歸之大雅凡百日常言如石投水饑則出袖中
一二錢市胡餅共啖而罷遂爲會試第一人廷試二甲
第三人選爲庶吉士而江陵以不奔父喪爲賢者所刺

譏其人多公意氣交下詔獄竄荒憬無適援救惟仰屋笑或題詠寄慨江陵故已旁猜而公亦咯血病乞長休告羅近溪先生倡道江亦江陵所倚也公舍之室中一歲考德問業義在師友間三年還朝除編修明年分校禮閣得二十有四人率名士而有父喪哀幾毀柰何以一官失一日養持其所選得士錄薦之几筵惟此差不負君親耳以是疏素奉西方之教自署真寔居士閒居研講希心理味每舉塵尾清言如屑老宿結舌注耳蓋公爲史官僅踰年而修隙者目之浮躁中以考功令衆駭然莫知所坐公顧自謝此兩言極中吾所受病讀

大泌山房集

卷之六十六

家傳

四十

兄爲驟遷必有所馮藉公不自明惟稱疾乞退銓臣疏留之報可至則進諸生於庭督誨之高皇帝定天下首善在茲節誼文章一時人才最盛今直傳舍視之如功令何辰入酉歸手一編與諸生等諸生橫經捧手如牆而進洪鐘應叩津梁不疲得片語寸長口之不置卽有瑕不以掩瑜務在獎成李生憲可者初閱其文以爲亡如也他日再閱之驚曰人固不易識惆悵累日錄之高等向後評閱去取益慎重月試細事耳或居間首列爲名高必不可所軒輊衆初駭久乃信服朞年文體一新天下欽然宗之經所評曰卒爲通人

大泌山房集

卷之六十六

家傳

四十一

諸生無妄發我宜以實聞聽上所命詔奪比部奉士氣
伸而國體全監多經史歲久訛謬散佚爲校讎補綴而
榜其齋曰知非吾入仕二十餘年山林十七今五十矣
如魚見波光趨而就之與吞餌何殊哉謝病不允而比
部郎歐陽君彈劾一督府以公爲偶公喜是善成吾志
引咎請勘諸生憤不平有煩言公拒之此甚吾罪耳不
待命而歸於是張榜張素養王名登李嘉胤薛德裕宋
貞杜士碩邢堅念曹仲華秦章等千餘人以七月之望
集小教場宣言馮先生培士節程士品兩科元魁迭出
後來方雲蒸龍變而先生受誣何取弟子爲哉具白六

大泌山房集

卷之六十六

家傳

四十三

館師少司成走大小九卿臺省言狀張金礪陳廷策等
三百餘人作懿範堂貌公象而事之踰年助事上詔公
在籍聽用而公爲菟裘孤山之麓名之曰慧業松篁水
石軒堂田圃圖史琴尊嘯歌登眺忻然樂之終身矣嘗
得寒疾五日不交睫忽大鼾臥寤而汗如沐曰方鼾時
夢出門見遠山蔽天身入空室中如紗厨外錯星霞手
拭之石也行里許大海中萬山色正如鬱藍金碧相射
濤聲雷震其澄徹處蛟龍鬼神可數指也仰視諸山秀
色可餐忽已在足下聳身而入兩隸前導啓朱門中有
偉丈夫數十人以旌幢迎庭中樹多異香風吹作聲如

絲竹階切峻整宮宇弘麗皆有封識俄然洞開其中物
似光妙所成無有形埒又似家所常御一人目予後會
何期出門返顧其額曰宛委之山云夢之九年而公入
秀水居拙園手書與伯子辭旨燦然晨起擬還武林正
嗽粥箸墮地不能拾屈一臂以枕呼之不應咽喉霍然
如下一物逝矣四肢軟如兜羅綿面有生氣時作野薔
薇花香儼所謂妖夢是踐耶非也囊無一金諸門人爭
爲助而後畢殮事越多君子每爲余言公初以吉士歸
沈太史君典在告而屠長卿令青浦三人故同榜豪爽
有風樂文酒酬酢傲睨一世紙貴洛陽扇重葢山鏡湖

大泌山房集

卷之六十六

家傳

四十三

春色鄒坊肉聲布帽代擲金間訖飲莫測爲何如人中
年以率致爲達有曠世之度卿自用卿法我與我周旋
野王弄遂仁祖起舞萬里長江千里一曲何所不可晚
年方寸湛然玄對山水恩怨毀譽一切都捐無人相亦
無我相有遠體亦有遠神雖古之沉冥何以過此其信
然哉公三子伯驥子仲鶴雛叔去邪驥子爲諸生奕奕
清舉知子莫若父善乎公之名子也舊史氏曰馮公少
余一歲余初識之武林鬚如珂雪虛懷泛愛真率徑盡
長者哉跡其生平爲文人爲良史爲豪士爲直臣爲清
吏爲逸民爲禪宗要不可以一節名矣 卷之六十六

入泌山房集卷之六十七

京山李維楨本寧著

曾方伯家傳代

余少聞長老言嘉靖初載多宿儒骨鯁之臣自余爲郎大臣縮朒羣臣恐諛苟以便文自營止矣詩曰彼其之子邦之司直誠有味乎其言之也作曾公傳公名存仁江西吉水人也繇郎起家爲浙江福建叅議廣西叅政貴州按察使雲南布政使嘉靖二年成進士觀大司寇政司寇林公俊有古大臣風節諸尚書郎無當其意者獨雅善公公罷遣常客多長者游以此聲名藉甚郎署

入泌山房集

卷之六十七

傳

余

間居頃之拜宗伯尚書郎主祠祭事

天子釋思

獻皇帝育鞠恩報酬功德禮秩務與生貴等而永嘉用一言相朝衆坐以誅進多矣光祿丞何淵謂通

獻皇帝廟門太廟中宗伯席公書心知其非是未能得堅決也令百官廷辨之公上書爭曰夫欲通廟門非伐樹毀垣不可臣以爲太廟樹皆先朝所培植垣垣以內

祖宗神所宴娛也

陛下伐先朝種樹致

祖宗愕然有後世不欲安寢之心爲

獻皇帝得矣如

列聖何書御

肅皇帝震焉馮怒詔奪爵三級出判和州而言者交章爲分明之乃已於是大禮之議起黨人阿邑人主與俱上下章下宗伯重迹而押至數使使趣具對太宗伯卒不知所出輒以屬公公明習文法練國制度條剴六經中應義者置奏上皆如意指無何修明倫大典詔宗伯誰差諸郎文學者使典筆札公與潘公潢同舍俱知名宗伯以應詔公疏謝曰臣聞學橢陋亡以喻人

陛下垂過誤之寵俾得奏薄技於前臣不勝大願臣聞

入泌山房集

傳

余

古者史官終身不二事繼世不改業以此能名其書而傳後世今懷鈐之臣摩研編削非乏材也且大禮

陛下所手定後先諸臣章具在粗按舉可得使臣越俎代斷終無絲髮效義之所不敢出也臣昧死再拜言願陛下財察疏報聞罷而宗伯再三攝公使受詔公爲不得已而強往即日取告歸蓋其時永嘉貴惡異已諸附離之者起家至列卿而公彊執不善阿事尊貴持論不爲屈永嘉亦陽浮道與之求可以傷公者不能爲地公畏讒之就力辭得免後四年起爲主客郎主客職四方諸夷朝貢貢外導行費誠母及私門諸夷舍邸中與

漢人市漢人往往以耕鎌苦惡物取倍稱之息甚者白晝攫不予金諸夷寢尋出不遜語公廉得徂詐豪奪者抵罪都市以清海西韃靼持薄貢索厚賞公言

上詔切責主者罪而西域胡因象胥言京師中浩穰欲日出遊縱觀之公與宗伯極論其非便事遂寢先是武定侯郭勛者陰賊感桀新用事營惑天子數請謁公不行而公已出叅藩守四明會稽天台三郡矣中貴人崔戚奉璽書治礦三郡間勛以屬成曰幸爲乃公快之三郡故出白金然莖諸浮食奇民與惡少年鼠竊盤互其中豪傑擅私爲囊橐官出記召募物其地圖而授之用財各以鉅萬數所入不足償僦費成簿錄郡中豪壻財者使共張徭役擣度吏乘勢以侵蒸庶其下人比比烏集醉飽吏民之家吏民亦以氣力轉相漁食閭里三郡民任罷脅閹閹匿而君持徒手與提衡勅縣毋得發富民給事中貴人府又以法繩其監奴成知公有意督過之憲滋甚遂誣言公格詔逮繫京師公怡然就吏家人爲後棺絮往三郡民詣使與遮道泣爭欲齟齬成謝公城門噎不得關至則下廷尉獄雜治公自辨數而上亦知公無罪既理出以舊官入閩在閩凡三年數攝省長吏事省出納財貨靡密煩碎郡國便巧吏習計簿

能欺上府者裁推擇爲省掾姦利不可勝原公岫摘如神吏以故莫能負緣爲市故事御史滿歲代藩臬大夫送至郊或私相問遺殷勤甚備閩御史王某還朝公走使以尺素往王大失望落公名薦剡中而御史卒以墨左遷矣後入京師冢宰許公瓚面進公曰君個儻大節有當世之具而久不調是余過也未還治卽拜叅粵西政粵屬議征南交後軍無見糧白兩臺留所假貲粵東萬餘金給之而富川荔蒲諸邑斗絕萬山中與諸僚錯壤林莽覲攀陟險塞使者行縣數十年不敢入其境公奮然叱馭往所至延見父老人人問以謠俗民所疾苦道里遠近翔實教以庸次比耦農桑殿畜又籍記其什伍里居謁舍各自占所爲而兩江左右棄田萬餘頃督亢者召民佃作其中偃豬潢汙廣川薦草規度其受水多寡爲石隄激及諸渠股引淳鹵堯匿之地表異之闢其租賦下縣子弟不習於學爲築宮令師事孔子移諸博士課授經義或增置子弟員而子弟員因是嚮學有與計偕者居未朞月兩江俗翕然一變去之日父老纒屬持牛酒勞公至相踰藉而更垂涕言非公吾曹何知有朝廷恩德也桂林倅某洿行無節法當坐免官上官爲關說更三四人獄不能具公至有力者復爲書請

持必不移而粵宗人祿薄又後期歲旬貸子錢家富者
侵牟有宛財而貧者日坐困公爲刻日給不足則取藏
金奇贏者與之宗人大安其在滇大將軍沐朝輔橫甚
朝輔先世有黔寧定遠二王廟歲時從官行禮祠下如
太廟儀方伯潘公璜語稍侵之朝輔詭言權輕無以填
諸臣請于朝賜璽書令潘臬長吏受約束長吏車不敢
馳桂枏問府中人虎而冠莫誰何者公謂之曰璽書所
有二三大夫敬執以聽命然未可加於璽書之外也朝
輔間遣其私人入省中鉤撫細微迷昧之過久之無所
得公亦時把其宿負傾駭之朝輔慙服身自摧謝而祀
大說山房集 卷之六十七 傳 五

以違衆獨鄒司成羅贊善二先生特立後起砥礪名號
往來龍華雪浪間至大都授時攜榼往質問大義二
先生深推轂公貌不美情言不溢行君子也公居官財
勢絕路然重發人過鬱林守某梧州倅某嬰罪則通門
者餽廩米置白金其中欲爲道公覺且日召兩人者還
之終不公言兩人事曰吾恥修廉隅以采名而重人譴
也西江仕歸者率治宮室器用侈衣食玩好公驚馬稜
車衣澣濯非祭享無酒肉所居先世之廬無文鏤采椽
然諸父羣從昆弟待而舉火者數十人骨肉之親聚而
不殊里人有急傾橐中裝付之爲折券棄責歸可八九
大說山房集 卷之六十七 六

年手一編自誦無老驥伏櫪之嘆邑人無長少賢不肖
問之則曰曾方伯廉而直者也始策仕時冢宰欲除爲
諫官謝不往乃終以諫顯其卒也召其子同亨屬之曰
吾嚮者所志蓋不小今已矣是在吾子猶蹶然起坐手
書吾病甚者七日而卒子同亨仕爲太常寺少卿李于
曰于野爲銓曹郎會

今上踐祚登用英儒及先朝直臣或片言詿誤遭放逐
微自藻潔不合於世之柄臣關寺者朝廷重於九鼎大
呂不拘官簿橫拜間不一歲大抵無慮至卿貳矣假設
公在時宜何如也二十餘年隨牒平進在萬里外未得

休足內郡執憲轂下依日月之末光蓋于野與余言如此于野自雕飭不以鬻汗噴其家聲吉水多貴族至金紫兩世獨公父子爲然亦異矣于野者同亨字季乾亨待詔公車

李方伯家傳

公名承式字敬甫廣字之義號曰見衡雲中人也其先唐裔宋毘陵福五公罷少府居江淮間是爲泰興李明初同知山西忻州者信免官家代龍門遷雲中是爲雲中李五傳英家城東北八里燕家莊是爲燕家莊李英四子其季滿贈職方郎公父也家故受田伯兄以末富

大沁山房集

卷之六十七

傳七

余

而爲職方公耕數無年負其課數爲吏所窘辱無愠口有兄在則禮然娶衛宜人亦生四子叔曰承弼號菜澗公其季爲公父督之業儒曰吾恨以農廢將快意於若兄弟而伯氏三子俱承代翁主車騎傳呼甚寵人諷職方公此爲門戶計甚便公不答而菜澗公以嘉靖丙午舉于鄉官新安令壬子公復舉丙辰成進士伯氏愧謝其弟吾不能訓子乃以婦取貴乎公筮仕錢塘令當都會案牒山積冠蓋雲委其精力勝劇尚有暇日豁宿逋平疑獄諸臺以循良薦者數十而胡襄懋受知世宗用軍興法繩諸吏諸吏震恐一日檄製袴褶二萬

山房集

卷之六十七

傳八

余

具吏不知所爲公下令城中人家製一具頃時而就襄懋喜書生能應卒他日功名庶幾我而以事敗愷督離使者調深澤深澤大猾陳光宙善詞人陰事前後毀敗賢守令若干人公謬爲好語召之來而密使人索其家所爲籍記人過失狀視之陰啗不得對遂伏罪邑人相賀吾曹安枕矣以父喪歸免喪補固安八日以母喪歸免喪謁選人念公之久勞邑事也擢南京工部主事督蘆課嚴戚里侯門侵冒者具如圖籍公故家於邊習邊事閒居博覽經史及國家故實旁及人文地理奇門太乙醫藥諸方術益討論九邊地形要害扼塞戰守方略

而以餘兵三萬人飛芻輓粟萬人治斥堠若餉道三萬人城守宣府遼東胥以勝兵犄角三衛不難復也已復而建鎮置營屯田更戍遼陽直接山後歲省修邊乘障費十數萬益募敢戰士實之可長無虞患當事者畏難而止爲樵牧野談以俟後人而虜索互市鐵鍋執勿予又建治大帥交通執政司馬者因出公爲副使兵備榆林榆林虜騎倨見邊臣公與約非拜階下無得見諸所市非例無得索虜唯唯而日勒習士倣古握奇六花諸法爲圖機陣圖明什伍分數形名因山川形勢步騎離合首尾相應奇正相生采諸武經爲攷鈴集要授諸生

大泌山房集

卷之六十七

九

余

誦之榆林人人知兵矣少司馬吳公大閱驚曰此物此志金城湯池也何憂虜哉還朝舉公爲首加祿一等賜金幣而開府張公某操下繳繞兵幾叛公刺之而解開府歸請以公代不報擢河南叅政部開封歸德兩郡時更定捕盜令捕不滿品守若令坐率逮繫無辜掠立迫恐盜不哀止公許自首懲株送時有所寬以明恩貸嚴保甲于撤盜無可容桴鼓不鳴其察吏重操行鄭州守張允濟南陽理王見賓從衆毀中推轂之兩人卒以功名顯江陵奔父喪所過監司長跪庭下公偕其僚謁長揖而已江陵晒之監奴尤七訶問何物螭強若是公大

言曰身是某也業已擢浙江按察使計吏時搜求公過不得而山東以諸監司馳驛者名上竄公其中奪官三等補隴右叅議未至擢河南副使主河道攝驛傳河上無事以千金濟驛傳之窘者未幾擢四川叅政守川北道甫上擢湖廣按察使反除甚罪簡罪斥逐墨吏甚衆楚中涓郭某挾功放利而行嫉其濟誣以筆殺衛士立釋之已擢陝西右布政使居數月稱疾乞歸居五年島寇犯朝鮮南北臺首薦公邊才以山東右布政使治兵開原開原西南爲福寧衛夷所駐牧每鉢土蠻寇遼陽公肄士儲餉製火器惟日不足東事方議和公言倭可

大泌山房集

卷之六十七

十

余

取也和無策矣諸公意不懌而守堡官有阻虜市妄索者虜誘殺之事久不決公語虜縛殺人者贖罪虜詐降夜入堡縱火焚百餘家潛以三千騎襲我屬公將百許人行界拒之殺酋一人騎二人虜初以我兵寡不戒故敗公度虜必再至敦旅以待數日犯賴鐵鎖擊之獲首虜九十虜慟哭而去撫臣不悅也寢不敘而武臣私役軍懷屯者公薄責之撫臣移書居間公歎曰法之不行從我輩始何以制夷狄復稱疾乞歸太宰富平孫公少宰沁水劉公知其故擢公福建左布政使以遠之公再疏不內而修隙者謂公才誠未可棄如年至何竟罷初

公兄弟在緹桎虜入燕家莊職方公衛宜人攜匿窖中
宗人謀自脫指示虜窖中有人而給窖中人呼虜去矣
出者皆被害復給衛宜人衛宜人心動得無出迺免衛
宜人每談往事泣不勝以故公志在吞虜胸富甲兵而
白兩尊人宜南徙兩尊人曰老矣不能用也兒勉之兩
尊人沒公以江都邇泰興定居焉是爲江都李云執兩
尊人喪戚過于易已葬采掠山與兄居廬賓客罕見其
面事兄以師禮宦遊四方歲時問遺不絕比歿歸哭舉
葬贍給從子婚嫁諸費所置田在雲中者昇仲模叔櫟
而挈其季拱家江都子之與已子同其去錢塘也民有

大泌山房集

卷之六十七

傳

十一

余

德公雪冤者以三百金爲壽公笑曰吾尚不知爾姓名
寧望報耶榆林大梁楚三任差久餘贖鏹若干籍之授
後來者居開原門下武生楊志遇者司筐篋惟藥裹衣
襖入山東境藩司以奉百許金至受之歸江都江都高
貲賈人田連阡陌而公所有高郵寶應田比中水入薄
量爲出僅無窘刺扁舟往來督耕築一畝之官湖上以
居跡絕公府一日過湖登土山四顧而樂之買山麓地
十畝樹松栢其上曰吾以此爲長夜之宅而指其東可
爲堂享我素壯無疾疾不終日輒起其春課家人農事
甚具薄暮忽問翼日支干爲何家人以已未對曰吾所

忌也以其日卒丈夫子九人內外諸孫四十許人御之
嚴侍立無敢跛倚禮法秩然後先林下垂二十年年幾
大耋享賢子孫之樂而長子中丞植正色立朝首發大
姦中外仰之如泰山北斗晉楚間世家相望完名純嘏
惟公其人哉舊史氏曰先大夫觀察越中與李公共事
錢塘有強項令余心識之後官隴右吳司馬按塞舉
榆林相勛也承乏守大梁領越憲去公二十年士民思
慕詎吟不絕越人俎豆于學宮樵牧餘談信哉石畫今
遼事陷危亡其誰起公九京中丞嘗撫遼亦未竟其用
語及輒潸然君親之思深矣

大泌山房集

卷之六十七

傳

十二

余

劉方伯家傳

劉方伯公名炆字元白別號熙臺山人嘉興府海鹽人也
其先陳留人元以明經爲海鹽學正者曰洵因家洵
涇五傳曰贈御史鳳上書徙海上沈家門成卒入內歲
活數十百人今梁莊管是也生子顯亦贈御史顯弟泰
舉進士改庶吉士授御史論劾不避權貴顯子璠璠弟
璋舉進士爲御史按江北有惠政璠子滂廩于庠亢節
守志滂弟演舉進士仕至四川叅議所至著聲滂子朮
舉進士爲威令五年裝不滿四十金擢繕部郎威與鄰
邑內黃祀之名宦與兩御史俱祀鄉賢是爲公父以父

贅于錢從其姓未及復至公復爲劉其母鄭端簡公姊也八歲遭父喪哀而能禮端簡嘉其不凡十九爲諸生二十一舉于鄉二十八成進士除知江西金谿縣至則當更戶口籍清其影賴而收事平民到今便之已脩學校課士勸農桑課民而鋤其不若者分宜秉國諸郡縣吏歲時存問其家其監奴所過具賓主禮薦賄恐後公獨藐然壬子同舍令失火焚棘閣嫁禍公公不自明比上計于分宜父子無私覲以此不得登薦考最乙卯復入棘閣則同舍令事白中丞直指交章稱公治行第一疏未入而擢南虞衡主事督眞州閭治河轉漕門如市

大泌山房集

卷之六十七

傳

十三

余

心如水行旅願出其途丁巳管節慎庫會計明審不私一錢已司寶源局錢法要束嚴姦利絕路費省而功倍擢車駕員外郎武庫郎皆在南辛酉擢撫州守公六載例不當守而閩廣盜林朝曦袁三等突至郡界我師敗績副使汪一中死之以公令金谿去後見思遂用公問喪弔死除苛政汰冗役簡兵保穀已築崇仁樂安宜黃三城修千金堤民食其利寇至斬俘中率中丞胡莊肅上功詔賜金幣郡人建大功祠生事之諸生劉世亨貧而鄰于貴人貴人將奪其宅公謁貴人召世亨語之若有善鄰毋遠徙貴人慚不復言所識拔聶廷璧湯顯祖

若而人皆人倫之望也甲子擢按察副使治兵福州閩數中倭山寇緣間鈔暴民臥不帖席公以計芟薙略盡中丞汪伯玉公異之劉觀察言若不出口腹有甲兵數萬程功居最疏未入會擢廣東右叅政部嶺西大盜曾一本窟穴羅旁四出行劫公佐筴剪其羽翼一本卒成禽戊辰擢貴州按察使所治宜慰司爲水西夷酋非我族類其心多貳建議改程番府爲貴陽府設新貴縣以彈壓水西而諸司體勢益尊姚江趙端肅公稱于人劉公廉能之吏不求人知是吾畏友也庚午擢江西右布政使大計覈而允署篆越月清積案數千事撫郡人以

大泌山房集

卷之六十七

傳

十四

余

私憾詆譏公中之省臺時御史大夫葛端肅公少宰李公持不可大司馬譚襄敏公爭之強而新鄭以輔臣領銓臺省多門下士信受其言卒予左遷卽日行主藏史白羨金八千應治裝廐之籍而貽後人丙子除湖廣右叅政分守上荆南道江陵當國父里居大吏絀節趨承公遇之如常而築沿江堤捍水不爲災丁丑擢貴州按察使貴州民夷故服慕公聞其來欣喜色相告也先是安酋亨殺其從父信信兄知仇之相格鬪不休中丞王某邀功議用兵公言夷狄不可以中國之治治也兄弟相殺有戎索在遣一文吏往按有罪者以贖贖而

已中丞不聽卒有朶泥之敗比公至會卽詣吏就訊而兩家之難解兵不足守募千人日肄習之無令夷生心妖人金雲峰爲幻且釀黃巾之禍密捕之遠近安堵如故明年楚直指妄臆江陵于公有憾刺公太宰張公深知其妄重違御史以年至致仕公方五十有六于禮服官政時也伯子世埏舉進士爲行人公曰吾世世受國恩未効銖兩之報幸有子可代耳黔中丞何公請告以公代疏未入而公歸矣公早喪父痛不逮養事母聚百順以承歡閭有兵不得將母抗疏乞歸當事者尼之母卒公年不致毀幾滅性母嘗爲製一衾用之歷數紀屬

大泌山房集

卷之六十七

傳 十五

余

續時敝不棄也子兄之孤子與宗人獎獨者思隱備至上腴之田割以爲大宗奉蒸嘗官踰三十年無尺書通朝貴還山亦幾三十年無尺書通有司閭門獨處雖過存者謝不見生平手不執珠玉口不言什一之方閩粵多奇貨橐無一焉室中圖書滿皮竹床練帳香爐茗椀而已卒之日遺金財半鎰年八十有三世埏先卒仲子孝廉世教爲越名士舊史氏曰劉先生與先大夫同成進士越五十年而某承乏武林父執三人以事過武林得拜下風獨先生名可得聞人不可得見也先生先行先孝友廉而不劇直而不絞儉而不吝讓而不僞施而不

濫矜而不爭其爲吏安繁戀劇折衝厭難不大聲色可謂上德天胙先生胡考多子孫子孫賢能顯親如孝廉狀足令先生不朽先大夫以方伯終養以廬墓卒德儷先生而壽不及二十年不才子無所闡繹述先生行事愧汗悲涕俱下矣

薛方伯家傳

薛方伯名亨字道行韓城郝莊里人也上世有兄弟三人出粟賑饑以義民旌數傳至王父珉父三戒皆以公贈四川叅政始生時父母夢天門開卿雲捧日而墜於懷奇之六歲授書千言成誦會苦大徭走之臨鎮寄食

大泌山房集

卷之六十七

傳

十六

余

人家王父病執其手而語之爾必歸吾骨首丘公泣受命卜六隸諸生籍家赤貧讀書園覺寺寺僧夙夜起鳴鐘必聞公書聲歎曰卽吾黨苦行不若是寒忘求衣餒忘求食篝燈忘焚其冠于路默誦腹笥逢所知若不識或就而得不交一語里人程公張公見其文斂衽服之守梁公倅黃公都肄諸生目公秦士無雙聞其未受室也屬縣令王公擇名門女而得衛氏爲具六禮以婚辛酉用尚書舉泰第一人甫弱冠耳更十年成進士授戶部主事督餉寧武徙內庫于外以示辟遠不義設郡倅司出納故事餉賦金賦粟各半屬虜款冬戊河卒夏復

築堤請倍給餉或議加賦公不可裁甲馬芻秣之溢額
者界之大司徒嘉其能著爲令改兵部武選司以父喪
歸服除除車駕司奉使犒邊道遷刑部員外郎尋擢山
西提學僉事教先德行而後文藝暇則登進諸生談經
術日昃不倦而以齋膳之羨置學田周士不給者以母
喪歸子婚有期緩之俟三年而遷葬王父如誥里人若
鄰邑士來受業成名者甚衆服除除故官值大比士屢
試不憚煩得人爲盛所著晉學政校士錄晉學申諭原
教錄四先生語錄理學詩學海叢珠至今誦之遷山東
少叅督泰山香稅屬歲侵以市粟賑饑市牛助耕無何
大泌山房集 卷之六十七 傳 七

遷楚副憲過家則秦無年倍齊首以其祿爲宗人輪租
而徐置義田義學義冢賢愚僉受其益既入楚所理屯
鹽水利正經界繩兼併商無闕出吏無橫斂民困大蘇
勒石頌德其冬如京師計吏所斥虎冠若而人寬小吏
斗食以下不問已遷四川叅政治治大修學宮而韓亦
修學以百金來助爲士學申諭川東雜議訓誥士民俗
爲一變奉檄問播酋楊應龍罪錮之重慶獄中應龍詭
以征倭自贖當事者執法許之又錮其子可棟而陰行
金四千公家公以聞兩臺言酋反覆狀宜早爲備後數
年播事潰裂卒如公言直指王公薦公才當大任三年

考最遷山東按察使治兵昌平尋徙汾州彊宗聞公來
凜凜受要束公增陴浚隍請陞州爲府以彈壓之平亭
獄數十百人已置學田養士爲五倫集要女經閨範戶
說之事具冀南雜議禁奢省刑條約及南澗集中已遷
河南右方伯攝行左事汰筦庫宿弊中丞張公薦于朝
而晉人議其後坐罷歸署所居堂曰敬忍此吾坐右銘
也家距河津一葦可杭慕薛文清之爲人于家則師范
文正程明道伊川三先生嘗夢明道教之曰澄神心自
靜心正神益清已夢文正教之曰性定天機闢神疑物
外清在寧武夢中得句一廉東兩足平地亦能飛筦庫
大泌山房集 卷之六十七 傳 八

奇羨梁三百金蜀千金楚萬金棄之不顧父以諸子不
就養獨將母與俱朝暮上食西鄉而泣持喪絕酒肉之
味苦由三年事其兄若父欲析箸長跽而留之病則卜
禱醫藥不遺餘力輦之游太華玄嶽以適志既老以高
年賜爵沒而哭之哀不忍發其遺橐皮諸別室故舊一
飯不忘報然矢不爲居間有司疾惡如風而不宿怨傲
浴下香山與鄉先生賢者月再舉會以朴素退讓表正
鄉間體鴻大聲吐清暢方面美鬚髯寢疾邑令來候披
衣起謝諸子問後事一無所吝固問曰勤儉耕讀四言
蔽之矣舊史氏曰余觀韓志明與成進士者財十六人

張司徒最貴次卽公其有傳者財一人公子惟睦哀公之沒沒也介族父芳貞以請芳貞蓋不佞所取士且嘗學于公儻所云無間昆弟之言者耶

吳方伯家傳

吳公名道卿字名輔其先閩晉江人也國初以士伍北徙占數山東平山衛三傳英爲東昌諸生生子天錫是爲公王父富而好施賜爵一級生子江是爲公父以公貴皆贈叅政王母李母孫皆贈淑人父母祈子岱山之神中道母夢人以桃餽者異於常桃未幾公生人言此東嶽註籍也少年機鋒神敏行文濡毫立就爲聊城縣諸生鄭襄敏理兗郡見而奇之田太僕鄉尊宿忘年締交數語同輩吳生翩翩度驊騮前矣因遣孫從公學安福鄒太常督學山東都試公第一執經論難有啓予之旨而以子諭德諸昆弟相切磋尋用明經舉首入太學陸慶庚午試京兆捷辛未成進士除陝西西安府理官所領州縣三十有奇居都會繁劇聽決百事不留恬然如無治竿牘之問不入門金錢之賂不入境算食之餽不入庭墨吏無所容然恥以搏擊取名比讞平允民願質成者接迹以繼母胥孺人喪歸免喪除鎮江其難治倍秦治復有聲誠意伯劉世延與別駕方舟舟人失足

大泌山房集

卷之六十七

傳九

余

溺死則以誣別駕恫喝之公卽訊語塞世延遁走巨室尋寒上所聘婦以婦歸士坐巨室如率攝雲間守至之夕囚殺守者以逃干振譚諫公不爲動潛使人乘城而大索之無一得脫旣考績以父喪歸免喪謁選銓曹察治行第一宜授臺省而江陵病革其私人王篆嘗開府南都識公望公附已卒不答乃以常調擢司寇郎楊海豐爲太宰當選納言將屬公公固辭吳邱七尺軀寧仰拯人鼻息取九列耶往選納言大當與事或有稱門生者故云然公名重京師矣久之遷廣東司員外郎歲以贖鍰入內帑中官多索導行費偵知爲公門無難者已奉命錄囚陝西司寇請得殿最有司以報銓曹郡守而下庭謁如御史禮著爲令漢中守偕見而使使以庭實享公咎其使麾之守慚諸有司以嚴見憚所平亭疑獄大氏無慮千人御史大夫廷尉司寇叅考獨于公無一翻異初議諸郎慮囚歸予上考郎擢卿寺而公復就常調稍遷湖廣司郎中李敏肅爲大司寇每大獄必問吳郎云何邇卒毆死其侶而移之稚子光祿丞倚執政侵上供大璫奪民宰木而誣木主盜戚畹利猶子貲中以大辟諸繡衣使執金吾唯唯公竟蔽罪執政趣公入對公謝曰幸備位郎官爲上守三尺卽有上命廷辯之固

大泌山房集

卷之六十七

傳九

余

當乃私謁政府乎執政惠天下健者豈惟吳郎前大瑞
遇公于朝語侵公公面赤吾當特奏瑞遠摧謝乃已凡
八年出爲陝西按察副使部關內字賊鉢虜內犯公移
鎮涇邠姦民有爲聲援者立禽之栗馬厲兵高城浚隍
長安恃以無恐事寧部使者以小憾抑公功不錄始棄
少保謫丞邵陽公杖其隸人不辟道者曰上下有體不
可以遷客廢比公官秦臬而葉已督府力薦公人兩賢
之擢四川叅政部川南流官土司錯壤夙戾不均挈令
陳紀洗濯舊染收強家奴竄名郵傳爲姦利者采木之
役與鄉大夫私役木夫以千百計記到爭白首舉人某
故愒慢于令不得詢令今詣守復號召同人捷于市公
按論謫戊里豪胥史連體爲蜚語持長吏廉得其主名
遂正刑書瀘人故郡倖爲盜囊橐討捕具獄盜奔竄矣
他若捐廩備饑置田養士諸惠政未易數也播會逆命
那司馬來經略公攝川東所裨贊居多論功賜金帛已
晉按察使理清軍驛傳屯田鹽政茶法水利六事事皆
修舉攝藩篆出納明審蜀貢扇費有奇贏籍記以貽後
人入覲所黜陟不徇臺使指人無後言擢浙江右布政
使還里第未上卒公偉軀幹長髯如戟風標邁上而和
煦溢顏面間事親不敢有燕蝶容念母早逝有感恒潛

然隕涕二女第父母之所愛也各分田百畝而以邑中
廩居之治其葬婚嫁其子女三黨四鄰施予賑貸具有
恩紀宦三十年產財踰中人濱河小理亭圃顏之曰能
靜謂所親徐郡守曰他日容造竹所惟君耳其文辭瑩
潔儻逸合于往則惡夫嚶嚶好古而矜麗闢巧者不盡
存其草嘗分校秦開得士爲盛中丞張問達侍御張應
詔最著劉承勳以饗人子資之學雲問朱正色童牙時
被甄獎後遂成名士林多稱說之舊史氏曰余後吳公
一年入秦秦人亟稱吳司理賢又十五年入都公爲郎
悉其與政府相持狀又十餘年入蜀再入秦益悉其藩
臬時事公鄉人于相國王司空那太僕問問不虛美所
稱公行誼甚備大都不可訕勢利不諧俗趨殺然丈夫哉
余實舉公禮聞公子士修乞爲傳取耳目徵信者詳者
于篇明不黨也

王大叅家傳

先生名紹元字希哲江西金谿人也其先家鄆那臨沂
唐寶曆間度支忠遷金谿五世祖經爲司門員外郎父
助邑諸生先生年十五而卒居喪如成人已補學官
第子員亡何疫大作母若兄若嫂以下食指數百俱在
死法中宗黨過門不入先生蚤夜共臥起視醫藥體爲

之敵母竟死先生哀可知也事兄如父事嫂如母徐給
事少初顏其堂爲世友督學使者拔先生文行高第先
生愈刻厲與少司寇吳疎山諸君子講聖賢之學而力
行之嘉靖辛卯舉鄉試第七人錄其文爲式比上春官
程文恭公得先生卷謂可魁天下會同事者議不合遂
罷乃游南雍師事鍾石費公南野歐公尤爲費公所賞
識曰先生文如王曾道如陸云邑令程公嚴重難事獨
善先生爲象山書院刈鷺墩相與談經味道國人喁喁
嚮風矣久之授碭山令碭苦河患民轉徙殆盡先生請
蠲賦還定安集之歲則大熟蝗不入境麥或秀五岐民
歡樂詠歌作亭紀事先生度力稍寬築堤捍河者三十
里甫成有小穿堤潰民驚走先生坐不去須臾水勢殺
下石塞堤乃復完人擬於漢王章焉碭經界沒水則均
田里正侵牟民租則有三限法民不事積貯則建預備
倉不知學則立社學新鄉賢名宦祠誅殺人豪李愷表
朱烈婦閭焉里母老而貧爲偷兒特貰之民有恥且格
治行爲江北第一召拜雲南道御史碭民立碑識去思
後十四年河決獨先生堤堅民乘堤全活無算祠祀先
生 先生爲御史首言嚴法令六事及開馬市不可狀
已清軍兩廣有處軍政便勾稽實行伍諸疏悉著爲令

人山房集

卷之六十七

傳

余

粵饑白督府移粟三千石賑之已按貴陽宣慰安萬全
擢兵爭繼首按其罪而禁宗藩擅取沅稅者貴陽人震
疊墨吏望風解綬矣當是時分宜柄國好稱詩見先生
詩而善之先生謝不能其子嘗強先生酒不得酒淋漓
主人袖失色而罷以是先生兩奉使在嶺海西南夷間
先生喟然嘆曰吾友黃以方吳思誠飛鴻冥冥弋者奚
篡焉吾從之游矣遂乞休告俸稍所積以修宗譜建家
廟邑故無城與吳司寇革議城城踰年有粵寇邑以城
無恙衆服先生先見而分宜父子坐法鄉人株累相比
先生以不黨聞御史大夫潘公趣先生北上補廣東道
御史巡視京營陳選正兵八事令諸勳舊胥裔習騎射
輅略月朔望都肄之行賞罰焉咸報可而
上深居法宮禱祠無虛日遣御史行求方士方書或欲
以屬先生先生正色卻之已御史凌公儒上封事忤旨
杖闕下戍邊先生攜酒食餞之郊中貴人偵入奏朝衆
無不爲先生憂不測者大臣意在保全因出爲湖廣按
察副使百城長吏廩廩戒無犯約束捕江漢禦人盜伐
石樹岸止行旅不逢不若黃人妻與所私謀殺其夫併
殺僕知狀者瘞花園中婦翁訴諸官則誣執翁姦先生
迹得之正法一郡驚爲神明事具花園記中已支羅賊

人山房集

卷之六十七

傳

余

起介于楚蜀遠邇驛騷詔兩鎮合兵討之楚撫臣察先生文武才具遂以先生監楚軍先生按貴陽熟賊易與第負固耳緩則有備不可仰攻賊酋黃中子洪達驍勇力而與其鄰陳聲勢相倚先生衣短後衣身先士卒窮日力并道進高者蒼天下者黃泉險阻艱難備嘗矣我兵已深入賊猝出不意氣奪欲降而蜀師嫌楚專功將敗其謀有柳某者故善中待以不死使爲間寧之楚而生抑之蜀而死乎中寤取小徑自縛詣先生降先生爲壇受之赦其部落三千人錯處施州衛而械中請命詔戮中一人餘悉不問是役也凡三月而楚蜀之民如出

祖墓凡置祭田若干與兄三十年同釜而炊怡怡無間兄子姓繁割私田宅禪之嘗卜李坊源地吉而宗人有不能葬者因以葬之母黨無子者爲授室置媵婦黨無夫無家者爲授田以養鄉鄰貧不舉火者病不克醫者死暴骨者稱情豐殺資之沒之日三黨四境哭盡哀先期與子國岱論學曰天命精微人性澄湛同一機緘耳必至誠乃能凝固口誦其夢中詠梅詩聲如出金石國岱更請治命惟言青氈故物吾家衣鉢而已遂瞑郡若邑諸生上先生行誼請祀之鄉賢諸多不盡載其軼事子國岱與子培吳仁度別有志志曰余外父王公爲陪京侍御史以彈劾分宜謫外王父方叅知廣西政事行媚者將中以黃語先生執不可卒疏薦于朝其後偕計徐文貞李文定毛司寇宋司空集諸名勝會靈濟宮以定性書暨義四座默然無所可否先生論難往復莫不斂衽讚述焉此兩事余所親見可謂直諒多聞矣

王憲副家傳

憲副王公名枚果字育德浙永嘉人也其先瑯琊人晉居山陰唐徙黃巖宋徙永嘉六傳爲通政鉅生澈累官左叅議年四十餘甫生公公有異質七歲能爲耦語儀度屹如成人初受詩已從父官京師師盧翰林受禮經

徐文貞公試第一補郡諸生薦于鄉上春官罷歸與弟
參政陽德及族子講業山中生徒萃集一以公爲師參
議公建宗祠輯世譜公佐其策因著王氏宗約施行至
今已入南雍程文恭爲祭酒歐陽文莊爲太常公游其
門稱高第弟子既成進士上書省父父尋卒服除久之
始授職方主事督西內工賜金綺三年又以使事歸展
墓島寇寇溫州族弟僉事公死焉公喟然曰吾宗家海
濱先人有餘貲願治堡以完宗人施及鄉井請于朝還
中界山巡檢司防堡報可仲公輟偕計爲植壁成寇環
脫無如之何也又三年以職方員外郎爲會試同考官

進士十九人多爲名公卿已遷郎中視師薊鎮疏諸材
官功罪裁昌平提督皆如議大司馬楊襄毅屬修京營
志已進武選郎中修武選條例著爲令凡選覈功次所
由不失黍稷左右莫窺其隙有以寶玉介五百金行賂
者斥之襄毅倚重焉兩京督府勲臣若執金吾若諸方
鎮總帥惟公所黜錄人不敢干以私滿兩考出爲湖廣
參議分部承天德安兩府承天
肅皇潛邸中貴人留守出文吏上德安景恭王封國王
邸人虎而冠公以嚴見憚省郢梁岐諸王園陵費數千
金歲饑捐俸及贖餼食流民全活無算初監司以上謁

辭 顯陵無虛日郵傳煩費公援中郟兩京 祖陵例
爲限制官不廢業民不病供卒用其言踰年遷廣東按
察副使乞休不得督臣疏宜改學憲而公遂歸矣杜門
不交外事徧治其家祠先隴族有爭聽于宗不煩有司
設義塾訓羣子弟置田以給孤嫠若貧不能葬者旁逮
姻鄰修學宮築堤捍海爲石門時蓄洩置義冢歲所掩
骼萬計有司嚴重公或就問民疾苦若修海塘復里役
減漁稅必贊行之初治堡斥橫塘故居於外尋徙郡墨
池已作室堡中居曰先世祠墓在弗忍違也蚤歲讀書
半山稍聞亭臺游詠其間蔬食布衣終身無媵侍不習
握算不問家人產而惟嗜書至老諷誦如諸生與子弟
相論難有會心者筆記之輯紫陽晚年與象山論合者
爲錄明其非禪又言王文成指心之良知爲聖欲學者
惺惺不昧以通乎晝夜而知紫陽象山推尊性善求放
心之說性善故知良不放心故惺惺不昧其致一也泰
和胡直大名申旆麻城耿定向歸善李鵬舉咸建其言
其學先識本體而主勿自欺以惇倫躬行爲實際毋潘
恭人卒京師與歸哭踊足爲腓喪父亦如之每時祭及
上冢悲號如始喪感動觀者爲之流涕事仲公友愛特
至公不遜聲色而仲公時盛絲竹延客夜飲公一觴一

詠兩人意各自得也貌不勝衣而神王讀書暇焚香默坐年七十有三感脾疾越旬日語諸子曰人生夢也子幾醒矣問以安否不答惟曰願天生賢者呼家人具粥粥已就枕軒若熟寐迫視之瞑矣論曰余爲諸生時及見公公瘞而短視卽之息若在踵扣之如洪鐘嘗行縣禽治縣胥吏爲姦利若市魁盜數武斷鄉曲者一邑肅然時海內方崇尚講學純盜虛名耳惟公見諸行事深切著明登第垂四十年立朝財八歲所至見思鄉人尸祝俎豆之嘗書座右曰拙於用世將以施之家厚於望人莫若求諸己又曰爲天下惜財不必藏于己爲天

大泌山房集

卷之六十七

傳

余

南少叅家傳

叅藩南公者名軒字叔後渭南田市里人人所稱陽谷先生者也上世家河東中條山已徙蒲城再徙渭南其以文學顯自資陽諭金始金生二子伯大吉仲逢吉俱舉進士大吉知浙江紹興府逢吉山西按察副使關西有二南之目焉憲副公三子元配李恭人實生公公少暨敏日誦書數百千言通其大義紹興公攜憲副公入

官同學于王文成公公方七歲文成識其不凡授四詩諷之惺然若有悟者紹興公免官公從之學屬文不類經生年十四補博士弟子員督學使者清江故公器之弱冠舉于鄉偕憲副公上春官憲副公登第爲宗伯尚書郎公侍父署中交游四方名士學益進憲副公守保寧郡公從入蜀覽蜀山川奇絕歎曰地靈人傑相如子雲詞賦不足道文武爲憲惟尹吉甫可耳其志槩若此嘉靖癸丑憲副公亦免官而公成進士與馬文莊公俱授庶吉士讀書中秘亡何以母憂歸服闋除刑部郎時分宜當國政以賄成故公坐詘輿論譁然久之改吏部

大泌山房集

卷之六十七

傳

余

發檄公往勘議在必勦計乃定遂攝督學事去留低昂
厭衆心蜀士翹楚盡在公門矣

穆皇踐祚大計兩京文武官故所不便于公者復中公
當左遷公故念憲副公乞終養報至而喜此天假之緣
也所以承歡憲副公萬端遠近人士執難無虛日建渭
上精舍居之言必準於經學必適於用因材而篤發當
其可賢愚胥受益焉

今上元年朝議振淹滯者起知壽州會霖雨淮泗溢城
且潰公爲文禱于神雨忽霽已籌畫興華十許條上諸
臺施用至今五月擢貳廣平郡壽州人伐石頌功德

大泌山房集

卷之六十七

傳

三十一

余

尋擢四川按察僉事分巡川南公故有大造于蜀蜀人
聞而笑與抃會也土司相仇殺者好事後進議舉兵公
持不可走尺檄諭之諸酋長悉聽命居有頃憲副公沒
矣免喪謁選人諸由銓曹郎起家者無問崇卑故事有
宴會以先後入曹爲序少宰王某江陵私人傲睨諸公
卿當燕時公以五品外寮坐上坐王靳之調公先輩固
當爾公曰不佞誠忝先輩顧孰爲後輩者王失色無以
應一坐默然補湖廣分部長沙已遷山東布政司左叅
議守東兗兩地盜藪公修保甲法桴鼓不聞尤重懲墨
吏而少宰嗾其黨汙譏公前任長沙事無所得第言老

不任予致仕公年甫踰六十禮未應謝也始憲副公與

紹興公不析箸紹興公沒三子少公方在京師亟馳歸

治喪奉世母范淑人如母而教其三子爲諸生皆有聲

三子卒獨仲遺男女各一人公字之如已子男則今太

僕卿企仲是也既食指衆析箸而公佐憲副公以名田

宅讓企仲曰哀吾世父一綫之緒而不忍也女弟蚤亡

有女公命內于女之爲擇對而得侍御史楊光訓其後

憲副公析箸公推其腴者讓兩弟且爲之治宅曰吾幸

食祿吾諸子亦不家食戒多取也早喪母事繼母王三

十年無違歲入俸及私交饋遺先獻父母稍贏則以施

大泌山房集

卷之六十七

傳

三十一

余

族與鄰里鄉黨建義倉賑貧乏焚質券不敢自爲德必
奉憲副公命行之舉馮舉人之葬卹劉主事之嫠而旌
其節蒐王祭酒遺文申之以婚姻其尤著者也公貌若
山澤之癯而見義必爲白刃可蹈乙卯地大震邑令死
惡少年乘爲亂亟白憲副公是不可長糾壯士衛城禦
他寇誅其首禍者邑始安所著渭上稿續稿關中文獻
志訂正通鑑前編續渭南志南氏族譜各數十卷詩文
繩墨古人而有獨詣蓋潛心新建良知之學深矣至老
學不厭常以昧爽起讀書聲徹戶外家人求田問舍者
無間可入年八十有一神明不衰徒步不杖與客譚上

傳少叅家傳

下千古申旦不寐作字有章顏法籀燈細書十許帑無倦丁酉秋小示病色卒之夕聞叔子師仲授國史賦遠期篇貽之既成命酒陶然就榻候其息逝矣公四子而以科第知名者三叔子與仲子子居易哀然人倫之望自居易上邇憲副公四世進士公以大老身親見之關西一家一人而已舊史氏曰余督學秦中時公初罷歸有部使者陰賊敢往方議華書院聞公家渭上精舍視爲奇貨族子有大獄勢將株蔓人爲公危公恬然不知于色竊服公雅量考銘表狀軼不載余因傳公并識之

大泌山房集

卷之六十七

傳三

余

傳公名霖字應期其先忻州人也父承翁主徙居陽曲十三爲諸生二十舉於鄉又七年舉于南宮歸而益漁獵六藝百家又三年奉廷對名在二甲當爲郎以宗正條格除知壽州壽州濱淮河與淮爭道溢阜陸歲累旱蝗食稼集諸名宿三老高年問所宜釐改制量皆曰病在枝官于是罷壽春驛正陽鎮巡檢所省共張權會金數千游微迺卒不得爲姦利賓旅安于次商賈歌于途焉右族丁口更相廋蔽單產孱民轉徙四方田部鄉吏數負其稌括糠及米矣爲綜覈質問許自占數民憚公嚴明悉吐實哀多益寡相地衰政而徭賦平吳會中島

大泌山房集

卷之六十七

傳三

余

寇軍興不給征旁郡金粟助之後以爲常有司苦不支未敢班班顯言公力請盡豁之已議里甲均馬田繕城郭修堤梁通溝洫廣儲蓄飭廟學創序室勤考校獎節義禁殘暴善政善教燦然備舉小大之獄必以情時加優饒鄰國棄其親家來奔者比肩並起臺使行縣慮囚必公與俱壽春之人親之歡若父母好之芳若芝蘭貌公象而尸祝之三年舉最當遷京朝復以宗正條稍遷大名郡丞練制度順簡書吏畏僚慕再遷河南僉事兵備睢陳睢陳介兩京齊右其俗椎剽掘冢豪傑大猾爲逋逃數武弁忤宴安牢廩逋懸馬如羊矛如錐鏃盾如榆葉直兒戲耳爲實倉廩便備用募材伎之士布之四郊而簡其尤數百人爲義從置麾下有羅姓者頗以軍法部署其黨與將首禍自度無能爲以情相歸公義而釋之使復其所盜賊應時崩解而新鄭里居以先帝舊學遙執國柄又公進士時知貢舉比于門生顧獨無問遺惠曰豈固我哉既再相攝銓事嗾言者抉瑕摘釁掩其弘美坐計典鑄一階公拂衣行吾安能偃偶名勢以希進乎上卽位有詔曰好女之色惡者之孽也公正之士衆人之痊也日者執政以愛憎爲黜陟不厭士心所司其廉

察以名聞擢試官使之公是以有華州除念二人老不
欲行父刺促之不休已受事而父病請急還視藥餌三
月臥不帖席食不溢米短後衣爲盡穿父卒哭不偯禮
無容言無文衣衾棺槨冢樹大象其生以送其死卜筮
齋戒几筵饋薦告祝如或饗之物取而皆祭之如或嘗
之已事而哭如或去之服除不與外事交仲若叔強之
伯氏將無以不遑將母耶吾二人者何爲是謂我子不
子弟不弟也公乃謁選人除平度州凡七月爲之城城
移時而畢民忘其勞尋遷湖廣僉事部荆西中貴人銜
命管 顯陵以爲奇貨盜帑貴強半公持之費省而事
大泌山房集 卷之六十七 傳 三

兩歲夜戶不閉中丞御史上其功大司馬壯之將授中
丞節而先是公承攝他道事與除利弊同官以爲振暴
其短共搆之計典鑄二階中丞御史爭之強詔以故官
聽用再起寧前治一如遼海而加蒞裨將某縮胸而又
挑虜蒙聲其罪斥之柄臣爲解弗得備禦某以五百金
餽下吏竟案督府中丞御史及大閱夕郎疏薦于朝憾
者懼公一旦秉權引繩排根不已公遂落職矣叔氏以
御史予告從田間上書言臣伯兄歷事三朝童牙華顛
操行不易不治觀者耳目不賂貴者權勢不利傳辟者
之辭內以忠誠自固外以法度自守奔奏疏附靡事不
大泌山房集 卷之六十七 傳 三

集漢水厥於地肥美皆民田也中貴人將復畝籍之官
公駁議數四而止三年遷秦叅藩部隴右旋遭母喪徒
跣而奔所過擗踊號失聲歸居廬襄大事一如喪父服
除除故官山東備兵遼海遼海虜比境虜小創而憤禍
拏未解公以嚴威制號定令以必信慶賞刑罰以周固
處舍收藏以安重疾速舉徙進退以叅伍潛深窺敵觀
變將吏寬假轡策無令拘闕汰其墨黷其冗濫餘刀
布富困窮壁壘旌旗改色得敢死士五百人虜降者收
之賜予有加等願爲公盡力刺候虜動息曲折我先爲
備以故三出塞斬首虜百許虜震疊避地二百里而遠

爲何等不可卽兩度度遼積蓄修關顛倒其敵戰如守
行如戰虓闔足以箠笞之聲名足以暴炙之功緒較然
天下聚目而視攢耳而聽謂準之前事當有景風之祚
而二三枝害奸陷人罪膏脣拭舌逆曳點灼直欲三
泉之下鎮以大石臣伯兄釋重負偃仰從容以送餘齒
歌詠聖明寧有纖介于懷第變化非是故相反易使辯
治之朝抱功修職之吏失意解體臣雖屏居草野激濁
揚清故其典司語曰善人在患饑不及餐矧於同氣可
引嫌自遠惟
陛下裁察書奏當事者恐藉後來口實公罷不敘而仲

亦薄罰天下兩高之以仲不愛其官慷慨發憤爲伯氏
 辯數是必有內美修能切至當人心者而後仲感槩若
 是公已謝闔門養威重非公事不謁有司歲時肅衣冠
 顧天祝聖國有大征伐典禮憂喜見乎色或形之談詠
 月朔不宿于內厭且率諸子祝家廟而焚香默以所爲
 告天先世生忌辰四時之祭夙夜有恪而詔子孫祖父
 起家之不易也泣下沾襟兩弟沒撫其孤食而教之今
 登賢能書若明經茂才接武矣御諸子婦儼若朝典三
 黨之戚有義田以濟饑恤宗人二百里休戚不時聞置
 田四頃供展墓若婚冠喪祭之費主以宗老而爲賢良
 守業偷惰三等差次給之歲大饑發粟餉糜活者數萬
 人疫而死者斂瘞之數千人郡地形左痺不勝右縉紳
 學士建永明寺宣文塔于東山以輔所不足推公首事
 忻學圯敝更新所捐助皆數百金衣布褐而紱之食時
 不力珍恒言勤生之本也儉德之共也自天子以逮庶
 人廢一不可爲園城東隅命之曰從好日嘯歌其中身
 長大佼好美鬚髯望之知爲福德人喜誦養生家言得
 其指年踰七十矣髮鬢面光澤五官神明不衰却杖捷
 步蓋瘵疾七日而沒舊史氏曰傅公嘗慕晉隨會賢以
 名其堂夫立公子雍非計不見先蔑非情瑕之敗以國

情予敵壽餘執帑懼爲戮先趙盾諫而不繼邲之戰不
 力抗先軫虞卻克之逞志也而請老非忠私問假蒸非
 知傅公有一於是乎能賤而有恥柔而不犯或姑取節
 焉耳矣余讀叔子訟公章未嘗不三歎也遭家不造事
 頗相類卒死占無一言人之賢不肖相越豈不遠哉

大泌山房集卷之六十八

京山李維楨本寧著

姜閔忠家傳

公名漢字大容先世山東卽墨人蓋太公望之裔勝國時始祖有爲萬戶者回徐中山平山東蹈東海死其弟曰此足報故主矣天之所廢誰能興之率衆歸順授百戶所謂二官人者也子進調定遼左衛進子用子儀復調綏德衛無子其叔父敬代之靖難師起死夾河之戰敬子儼儼子勇累軍功遷榆林衛指揮使遂家榆林勇實生公公幼有過人之識六歲受孝經大司徒秦公大泌山房集卷之六十八

絃爲府谷令見而問曰何謂孝斂手對曰立身行道揚名於後世司徒奇之是子必爲聞人長讀史至忠臣烈士輒掩卷擊節而嘆大丈夫當如是矣弱冠領職尋視衛篆事無留者一介不苟取僚友嚴憚之虜犯塞朝議遣廷尉劉公募兵劉公以屬公得壯士數千人爲諸路冠鋒至今延綏兵雄他鎮所自來矣已從朱保國公入虜穴斬馘過當以功遷延綏遊擊將軍寧夏大同兩鎮數中虜延綏介其間聞警馳援不遑啓處弘治十八年春虜寇寧夏清水管率師追破之

上下詔褒其功六月虜寇大同衆號十萬圍我師魚臺

嶺七日并道往赴之大破虜刺難屯圍乃解是年虜復寇寧夏又敗之小鹽池正德三年遷涼州副總兵涼州左番右虜虜強番弱而番時爲虜役公倣昔人斷匈奴右臂故事番不敢比虜嘗追虜至靖邊馬中流矢死衆色奪公疾乘他馬指揮自如衆覘公鼻息氣奮十倍虜度不可如何遂遁追之俘獲無算是年遷都督同知佩征西將軍印鎮寧夏寧夏在河外地饒水草虜帳落蟻聚而塞垣多圯斥候不修亟爲營繕復疏漢唐二渠導水營田而有賓鐻之難

武宗佃遊無度委政閹寺掎剋聚斂民正營思亂賓鐻

者故安化王也妄意爲夏元昊與指揮何錦周昂丁廣謀叛領獨難公迺召公飲觴既舉鐻微詞諷公公艱然曰人臣而懷二心者有如此酒語未卒錦輩露刃從中出呼兩廡甲起公以銀鬕提鐻不中目賊罵曰官家何負汝而反賊揮刀擊公公手格之墮二指罵不絕聲遂見害同難者撫臣安惟學少卿周東中貴人李增藍彬都指揮楊忠李睿百戶張欽也先一夕有星殞如車輪其日赤白氣亘天而東門玄帝祠夜有班馬聲竟月乃罷公夫人孫氏聞變急投繯家人曰公死生未可知卽死而後死之未晚也帥府側有尼菴可匿以待變櫟垣

亡抵尼語之故祝髮乃免鑄衆圍公第殺男女無遺者
隸人高老走報公子夷將死之隸不可寧不爲姜氏血
食計耶衣之以其衣而藏諸其家大甕中蒙以甌米實
之鑄令購得公子予千金官千戶跡者至隸家視其甕
米也去之旣而隸見百戶韋臣臣爲嘆息言姜公死不
可復生獨公子生死莫審奈何令公爲若敖之鬼隸佯
對曰吾聞得姜公子予千金官千戶試索以爲功臣大
怒罵且泣曰若乘危不仁射利不義背故主不祥乃公
恨無由得公子以報公隸察其意無他徐言曰誠活姜
公子亦足以明天不絕忠臣後可爲世勸臣曰程嬰公
孫杵臼亦人耳如不知公子所在何隸曰第相與訪之
臣諾如此者數四隸適言吾微知公子耗矣臣喜隸與
夜見公子悲不自勝因置糞車中而藁覆之質明出之
郊外泣而送之公子失道走前村村虛無人適遭其僕
姜祿相持泣祿亟匿公子土坑中俄捕卒來詰祿頃見
一人似公子者祿曰我也倉皇未及擇匿處夫獲公子
雖不與賞可免死吾豈以身死易公子生賊執祿以畀
鑄又殺之公子奔及河而婦翁問將軍提延綏兵來使
人覓得之因與籌討賊計所出公子年財十七人問奔
時狀若何曰吾就死地有三三逢義士得脫天不欲殄

大沁山房集

卷之六十八

三

上

先將軍祀耳賊數夜見公緋衣往來衆皆辟易丁廣乘
公馬馬嘶而逸墮廣溝中僂不死事定以聞
上給孫夫人傳護公喪歸官爲起冢

世宗踐祚寧夏入上書建祠祠公顏曰忠烈撫臣黃珂
以公家榆林榆林宜祠報可顏曰閔忠有司春秋祭爲
常已而籍鑄產以示爽孰爲故物恣所取爽哭而辭曰
賊授首可雪先人憤不忍家於喪君子嘉其知義及長
居官廉與士卒同苦樂師行秋毫無所犯而更折節下
儒生善詞翰累官都督同知佩平羌將軍印鎮甘肅垂
二十年復哈密定吐魯番執牙木蘭斬脫脫帖木兒降
大沁山房集 卷之六十八 四

上兒孩諸大酋子應熊治博士家言登武科英毅有祖
風年二十有九爲寧夏帥求得隸高老孫而官以百夫
長設隸夫婦位祭之曰生我者父生我父者隸也已徙
鎮薊門虜犯居庸禦之岔道受五創疾呼麾下士譟而
死戰虜大衄退

世宗馳中貴人問應熊存否還對無恙爲醺謝玄佑而
更佩征西前將軍印移鎮雲中晉左都督任其子世榆
林衛百戶應熊小子顯祚登武進士累官晉帥移上谷
佩鎮朔將軍印爲都督同知其爲副帥定陽者直則應
熊弟也爲叅將者顯宗爲遼西榆東副帥者顯謨顯卿

則顯祚兄也爲遊擊將軍者弼則顯祚子也爲博士第
子員試屢冠曹偶者直之子顯允顯卿之子紹恪也諸
爲指揮使千夫長以下又十許人文武並用姜氏門望
榆林無雙矣舊史氏曰王司寇述明盛典科名起家累
世公卿何寥寥也勳戚三等世封比於任子不足多尚
武臣世職止指揮使其自致大帥祖父子孫四世皆一
品余所見獨姜氏耳可不謂盛典乎公以身殉國忠義
格於神明流慶後裔大道固然後公而有死節宸濠者
其卹典優於公或言仇鉞攘公之瑜以不當赴宗人飲
爲口實故抑其賞鬼神陰殛之遂有驚之禍公子孫賢
大泌山房集 卷之六十八 五

馬將軍家傳

馬公名芳字德馨陝西靈州所人也十歲爲繼母所虐
逃之李王堡依其從兄會虜營里人奉頭鼠竄語兄曰
虜亦人耳奈何畏之甚兄瞋目而嘻童子何知兵在其
頸矣公匿笑始吾以兄爲男子乃婦人也吾不與皆楚
不辭而行失道逢虜止公使之牧寸鐵不著身私以曲
木爲弓矢革爲弦習射命中如注虜酋僉答將萬人獵

有虎咆哮衆蒲伏虎至公所一發殪之酋屬之目內穹
廬中飲以徑路刀留犁撓酒裹以旃裘授以良弓矢善
馬使執寢戈而先後之公陽爲之用而陰懷復國所過
山川常登望識其處險夷道近遠水草饒乏熟察虜部
落衆寡權力高下貫習其飲食衣服言語居則畫地爲
軍陣明進退攻守之宜慨然曰虜譬之如禽獸吾寢處
之矣七尺軀寧爲羈終世乎序當其夜間道草山亡歸
昧爽虜覺而捕之射殺二騎得脫周武襄方鎮雲中投
謁試其技咨其方略大奇之署勇士隊長士不盡飲不
近水不盡餐不嘗食所過不樵樹不采蕨不抽屋不强
大泌山房集 卷之六十八 六

可先計後戰戰不必勝不苟接刃因事爲勢用人不拘
文法往從其所衆喜曰得主而爲之死猶不死也僉答
懷背善射控弦之衆數十萬最名桀黠子黃台吉有氣
敢往部兵三千人戴鐵浮圖馬被鎧長刀大鏃望之若
雪名鐵甲軍爲邊郡患無虛歲公數禦之斬馘中率過
當應得官以父居靈州食貧願悉受賞代養嘉靖庚戌
督府郭公耳其名檄召問若何而戰公對曰談何容易
鎮兵十萬弱小勞死罷轉十五六壯丁十二又分置
各路其隸大將者不滿五千虜內犯勝兵率數十萬少
亦數萬我以五千人委之罷亡無伍甲兵鈍弊幾爲笑

而不陵我然竊觀僉答勇而輕黃台吉懷而鮮斷誠廣耳日屯要害深壘固軍以須之觀釁而動慎慮而從之攻不足者守有餘庶無全勝必無豐收若宣示購賞爲勇爵奮行者官過其望出其不備掩其帳落殲其種衆使婦子相怨卻徙而北亦一策也郭公拊髀曰善哉若之言是何見之晚也置麾下力戰深入之士皆屬焉其秋虜寇古北口號三十萬壁清河剽懷柔順義吏民殺而騰諸城上毆男婦畜產萬數望屋而食焚城郭廬舍火光徹於都門暴骨如莽諸路援兵各顧其後蔑有關心公與私屬徒百人三踊於庭曰芳在此敢動他人乎

卷之六十八

七

虜其騎馳虜虜不知所爲色駭亟擊之斬虜將解其左肩虜奔逐之左右角之復斬其騎十數諸軍觀者如堵墻何物醜也若是其果於衆與衆之信輯睦焉有死命而無二心蓋公嘗以事見法故云論功授陽和衛總旗辛亥正月虜寇水口公射走之壬子二月虜寇威遠伏泉騎鹽場而以二十餘騎摩壘致師公知其詐我而駕也以百騎先薄所伏而三分其軍之銳以次合而函虜虜辟易十里而還斬首九十三月虜寇新平禦之相持二日虜雲翔而不敢校退次野馬川背山爲營期以明日戰公料虜且遁秣馬蓐食潛師覆諸山下虜騎過水

半我兵衷之虜大亂斬首九十六衆相賀公若有不豫色然者衆異之路問曰有喜而憂如有憂而喜乎公策其馬曰追將至矣趨守險而身斷後項之虜屬至矢三集公面意氣自如督戰益厲虜嚙指是鐵漢兒遂去衆問公何以知虜遁遁何以知復來公曰虜攻我不下背山而營懼也期明日戰緩我也目動而言肆情見力屈矣悉衆復來者意我勝而滋休怠收合餘燼致死於我也衆乃服四月虜復入寇公禦之戰於泥河左股中流矢不爲動大破之斬首二百四十二獲負私從馬二千八百論功授指揮僉事癸丑正月虜入寇公禦之至膳

卷之六十八

八

房堡計曰虜膽意甚盛且道回達師不繼不如捷之速也自某至某抵虜穴勢必返顧批亢擣虛制勝在我矣時大雪沒牛馬目公拊而勉之人人如挾纊虜以漢馬不能寒相枕藉而寢醒而矢如雨一箇負矢百羣皆奔布路而逃斬首七十八獲馬三百有奇二月虜寇井坪入朔州守陴者皆哭公不介馬而馳抵朔騎相屬者財百人直突虜圍有酋怒馬以騁公斬其足而斃餘衆奔斬首百八十二奪所掠百七十八人三月寇張家口公聞不頓舍赴之至登鷹巢困諸阨矢石齊發虜披靡舍馬以馬鞍冒首而兌維其喙矣斬首七十二奪所掠二百

八十四人七月俺答以二十萬騎寇紅市逼紫荆師徒
撓敗督府蘇公總三鎮之甲救之問於介衆莫知計所
出公請據白草溝微遮虜蘇公壯而許之未至里許塵
起公大呼虜近矣勇士劉漢曰此遊塵耳公指視之塵
迴風前觸虜必非遠語卒虜至見我兵寡揚鞭傲睨如
無人公不忍其詢也前有驍騎射之中股又射之中目
而死交梓竟日公救厲其騎曰用少莫如齊致死士殊
死戰無一還心虜莫之亢也已還次聞諸軍壁劉家營
憂之是中無見糧攻之以饑剪焉傾覆矣先馳趣諸將
爲五陳以相離餽餉輻湊旣如是虜怪問孰爲漢兒畫
大沁山房集 卷之六十八 九

此策者以公對俺答戒其衆曰是夫好勇去之以爲之
名公名繇此愈重是月虜寇鐵果門禦之戰於鴿子堂
斬首八十六獲馬六百有奇十二月寇洗馬林禦之戰
於黑石溝斬首五十八甲寅六月論功晉都指揮僉事
以遊擊將軍領職如故十一月虜寇龍門偏新舊保安
副帥叅將死之虜鈔略稠載三十餘里不絕公率劉漢
葛柰自陽和并道至張家口帥胡昇及諸軍軍於東門
虜將三十騎縱招搖門下公奮焉憑怒必滅此而朝食
諸將恐安知非誘不少審固立糜爛矣公笑曰虜旣歷
所欲我輕兵來誘何利焉豈固我哉丈夫亦取單于耳

多人不無生得失呼葛柰往共射之矢三而已左射馬
而右射人皆射股反隊衆從之乘勝斬首七十二奪所
掠五百四十三人虜棄後重走我兵取資焉已寇宣府
禦之戰於麻峪口斬首九十五已再寇新舊保安禦之
斬首五十三乙卯三月晉宣府西路左叅將五月虜寇
探梁山禦之戰於管家梁斬首九十二獲馬五百有奇
七月徙東路九月虜寇井坪公追及馬到山斬首九十
四獲馬二百有奇是月虜大舉寇朔州公援之夜中召
健兒十人食馬而食虜謂我大勞未艾難逃戰此時也
弗可失也係馬舌出火竈潛斫虜營四面砲舉虜狂駭
不測我兵多少遂潰躡北追奔斬首百五十九十月虜
大舉寇上下花園公下令收保清野虜無所掠而返先
伏兵馬頭山塹之及泉斷其後之水而弗殊虜過之推
而蹶之斬首百二十四丙辰正月虜寇洗馬林公禦之
及孤山斬首三十一捷聞

上拜公左都督賜蟒衣一襲左都督於武臣窮貴矣故
事偏裨無授者實自公始是月虜寇應州公援之相去
里所射士以鞭箭射虜虜多死視其箭短不可用以爲
神解圍去尾之斬首八十六獲馬二百有奇捷聞晉副
總兵仍領職如故丁巳二月虜寇保峯山禦之斬首四

十三是月寇朔州經二日大獲公率葛柰追之及金城虜反距公度虜所獲在前防我之侵軼也以騎牽我先者不力戰後者不救我可以逞將注則虜關矣射公汰甲貫胷血殷甲裳衆失色公徐丸弓抽刃而前到三甲首衆莫不生氣疾驅及虜大衆卒不暇合刃斬首二百八十二奪所掠五百二十人盡復其所失亡者既還而公甫覺創重也鄉者不言痛地忍之耳兩月而差八月虜寇萬全左衛公疾走并力襲虜斬首六十一是月寇柴溝至乾庄燔儲胥驅田中芻牧者公再援之衆欲戰不從我勞寇佚克不可命虜歸必渡河伏其旁半涉而後可擊也首尾不相顧無生命矣如其言斬首百七十六獲馬五百有奇明月虜圍天城督府在圍中公甫罷乾庄之役捉髮走出倍日并行天城人見馬都督來喜以逆之吾屬生矣夜絕納師公恚曰嬰城而守非夫也命爲軍帥而卒以非夫唯餘子能我弗爲也振臂而呼衝圍馬如風譁扣聲如雷城上人鼓噪而應之流矢中公股拔矢反射中射者首隊於前衆席勝如墻而進斬首百二十七手刃者三虜人相尤故知馬太師勅何白送死爲十月晉建昌副總兵戊午九月虜酋揮罕兒寇界嶺口禦之以親丁馬孔英等先登斬首七十八生致

其泉騎猛克兔等六人虜鄉不聞公徙建昌公免胄而趨風虜見之曰信馬太師從天而下耶遂去之論功任子世官衛正千戶己未三月虜寇潘家口薄大同橋禦之戰於金山寺斬首五十二奪所掠二百四十五人初邊遽以告

上問輔臣馬芳安在捷聞

上大悅徹御食命中貴人勞公於師虜從鮎魚石出公趨黃崖口奔中劣客一騎先遣李東陽等據之我兵壓虜而陳虜自相蹈踐死尸滿谷斬其酋侏合赤以下二百一十八級獲馬千二百有奇奪所掠三百二十八捷聞賜百金蟒衣一襲十一月仍故官移宣府庚申七月虜入寇禦之戰於洗馬林斬首九十八俘生口二十六獲馬五百有奇虜兵號二十萬寇山西薄忻州公一日夜馳五百里而舍諸軍壁日中不啓公呵之今日之事猶救火追亡人唯恐不及晉人緬然引領北望旦而立期焉痛心疾首容可需乎需事之賊也受命而來望敵而退厲之不如忻口隘虜騎雖衆無所用之吾士未愁也擊其首諸君分良以衡其中虜離斯必敗偏敗必攜晉難可抒矣事機之會問不容髮有如虜度忻口晉必危環甲執兵固卽死也死戰死曲撓孰愈衆陰喝不得

對然而前知其爲人之異也或竊言曰事之不捷惡有所分姑聽之公捉敵刀疾視曰必尸女於是衆踊躍從公斷虜爲二一自偏關一自鴈門出七遇皆北斬首百四十六奪所掠三百四十人九月寇東城禦之斬首八十六捷聞晉實職二等辛酉虜寇平虜禦之斬首八十三獲馬索駝千五百有奇九月寇天城禦之戰於李家巖斬首五十二是月虜大舉寇懷來公要擊於土木手刃三人至乾庄合戰又勝之斬首五十六十月黃台吉大舉寇西陽河主帥李賢戰城南中流矢餘師不能軍公馳射虜殪二人虜謹馬大師又來矣遂走賢獲免

大泌山房集

卷之六十八

十四

上

上詰大司馬何不以芳代賢疏上不踰時命下矣公集諸將以值序聽政辟撫劍而詔之曰吾鄉者專行不獲無大威命今三軍生死懸吾手吾與女約夫以死捍邊者兵也仁愛士卒可與之死與之生而人不佞者若曹也有不共命視吾劍集諸兵而詔之曰不惜重費養兵者將也不愛死以殉者若曹也有不共命視吾劍又集諸親兵而詔之曰乃公與若曹萬死一生而就於此人情生於憂患死於安樂慈母有敗子而嚴家無格虜則能罰之加焉必也有不共命視吾劍日益繕亭障險走集明伍候討軍實歸老幼返孤疾養闕士衣以其衣舞

以其劍同利相死屹然金城湯池之固矣雲中上谷間有禦人者充斥於道行李積患之使健兒馬虎等衷甲而佯爲婦人裝載以牛車賊犯而途執之盡獲之壬戌二月虜寇右衛禦之戰於柴溝斬首五十四九月黃台吉寇洗馬林胡其有備也不得入而有爲虜中行說輸國情者說曰紅門有小徑可至西山以春時竊入焚陵剛漢法主將失守必誅馬公誅餘若發蒙振落耳詎者以告明年三月公往紅門以一週卒從誰何甌脫中虜身在此可決一戰誰敢者虜愕是馬太師耶公許語若鼠竊狗盜以齒吾劍不武虜頭搶地具道木指所以爲

大泌山房集

卷之六十八

十四

上

者釋之黃台吉無所發忿九月擁衆渡桑乾薄蔚州公召諸將議之吾隱情以虞虜亂心無厭昧於一來難與爭鋒計宜者爲三伏於道更遠爲疑兵募死士取車輪投津處謀輅之虜馬陷伏四起來而廢之斬首二百五十二公復召諸將議虜易入塞我不一犂其庭終以我爲怯率葛奈等出膳房口迹虜於馬肺山大破之斬首三百二十七獲馬二千八百有奇甲子二月虜寇青邊口以將黑曉等禦之斬首五十六八月以親兵馬奉等出塞迹虜戰於大哈氣破之斬首七十九俘二渠率獲馬六百有奇乙丑虜寇西陽河以數騎嘗我我兵不手

弓而此者三虜布騎四掠公因縱擊之射其魁殪衆怖
急大崩斬首六十七八月寇獨石公營於雲州虜以兩
鐵騎挑戰公志曰謂吾騎不可寡用乎恥也呼馬奉葛
索兩人來飲之卮酒而往拒之各俘一騎衿甲面縛坐
中軍之鼓下虜衆遙望爲寒恐遂去丙寅正月虜寇西
陽河禦之戰於草垛山斬首三十一二月寇亦城禦之
戰於郭外斬首四十三月寇東山廟禦之及其未定而
薄之斬首百七十三俘二十一人獲馬七百有奇七月
黃台吉寇東城公以親兵斥候踞伏山澤之險雖所不
至必旆而旆陳之而身提三百騎逆虜虜騎十萬來避
之入馬蓮堡堡墻圯衆請塞之不可請登臺亦不可開
堡四門偃旗臥鼓堡中寂若無人虜欲入黃台吉曰馬
太師善給人將可乎哉殆於不可日入虜野燒燭天驚
達旦圍中人人泣下公引肱臥射聲達戶外衆稍安日
三商不起左右憾之將若何公不答趣堡人椎牛切牛
肩炙而啗之虜騎窺者相伏莫適入我兵益安明日公
蹶然起坐曰虜退矣衆曰未也公乘城指虜北軍多反
顧當有他謀鳴笳吹角按轡徐行示之以整諸將兵來
會請緣間宵突之行三十里公忽旋馬頓足豎子幾敗
乃公事任副帥在右衛其爲人也伐知而多力寡謀而

卷之六十八 傳 十五

好名遇虜必戰產害大矣從近關往爲之援則右衛已
窘擊之斬首百六十八獲馬三百有奇奪所掠四十人
諸將吏效首虜賀將軍以三百人當十萬虜坐頽堡中
而無敗抑有說乎公嘆曰堡墻頽馬可騰而上雖閉門
何爲吾卽出亦不能達大軍軍搖心矣窮鳥困獸猶知
救死吾欲以死決戰戰而不勝徒貽國辱故知首多忌
因以愚之屬有天幸而免衆灑然自失也丁卯正月虜
寇新開口以親兵馬貴等禦之斬首七十五二月以親
兵解生等迹虜新平境外戰榆林縣大破之斬首八十
六獲馬四千有奇二月以親兵黑曉等迹虜洗馬林戰
於北沙城斬首九十四獲馬二千五百有奇七月寇新
河口至於柴溝禦之虜失利公遽振旅虜將更虞營嶺
宜先往衆白新河口近而夷虜必走是公搖手曰虜非
大敗不速退舍近而走遠示我無畏也舍易而走險示
我難追也吾已斷之矣無是貳言至嶺虜未盡度鼓僂
而扼之斬首二百七十一獲馬三百有奇捷聞賜飛魚
緋衣一襲八月黃台吉寇右衛禦之戰於水溝臺台吉
使使來言吾兩人手相搏耳公爲夷言語其使吾髮未
燥與虜戰未得一當若固所願也台吉悔之前言姑嘗
彼彼崛強乃爾引去追之斬首六十五捷聞任子世官

卷之六十八 十六

錦衣衛正千戶俺答寇山西陷石州主帥申維翰

死副帥田世威等下詔獄公上書言虜可鬪知不可鬪

力世威等不量力致亡一城罪何辭然勝負兵家之常

以一事誅諸將繼此者將折而入虜耳乞以臣錦衣廕

贖其罪不許是月虜寇膳房堡禦之斬首七十九戊辰

或為黃台吉謀曰宣府城不過三仞以五萬人犯蔚州

馬太師必悉兵馳援更以五萬人登宣府空城亡無日

矣公知其謀率師伐木塞外得百萬株衰宣府城匝月

而畢其秋虜犯蔚州命將禦之黃台吉果寇宣府城高

而堅亡如何遂去蔚州圍亦解是月公出獨石境迹虜

以沁山房集 卷之六十八 傳 十七

戰於張水海子大破之斬首三百六十七獲馬二千有

奇捷聞復任子一人錦衣衛正千戶四月虜寇洗馬林

率副總兵劉國禦之戰於石窰山斬首六十五是月以

親兵馬奉等出洗馬林迹虜戰於鹽海子大破之斬首

百四十七獲馬三千八百有奇以親兵補於漢等出西

陽河迹虜戰於馬肺山大破之斬首二百五十一獲馬

千八百有奇以親兵頗貴等出龍門所迹虜戰於三間

房大破之斬首二百五獲馬三千八百有奇以親兵馬

貴等出右衛迹虜戰於白草溝大破之斬首二百四十

三獲馬千三百有奇督裨將麻貴出迹虜戰於罕留兔

原缺

大泌山房集卷之六十九

京山李維楨本寧著

南湘外史傳

南湘外史者鎮遠侯勳衛顧大猷也字所建所建稱最

著年二十餘為勳衛不一年歸稱南湘外史以其先世

湘潭人云其父亦勳衛亦一年辭官歸以卒鄉人謚曰

貞白貞白元配何夫人生子大德殤而王夫人生所建

父年四十六矣初迫得子王夫人夢須菩提語曰汝無

食豕肉當舉子寤即受戒至今不食而生年果屬豕十

歲學舉子業十三學詩十五學古文詞舒泰興見其舉

子業稱之與諸生負雋聲者數輩為友高安敖宗伯江

夏郭宗伯烏程沈詹事賞其文不容口朱宗伯元介序

其總州詩自是海內名流道廣陵無不遍訪內交者十

八受室于楊諸名家凡二百許倡和花燭詩五百餘篇

名之曰孔嘉集云已為懷古詩吳門王百穀四明屠田

未同邑陸無從序之而性喜遊始游金陵謁 孝陵以

為帝蹟肇基猶水木之有本源不可忘也眉目疎秀神

采映發烏巾紫綺望之若神仙中人所至人爭屬目若

潘岳衛玠父卒從治命悉嫁諸媵為良家婦有願留事

女君者母事之終身不衰已入京師嗣勳衛蜀相陳文

憲元忠構李沈御史大夫純父禮爲上客方以大工采木蜀文憲恐爲蜀累以御史大夫徐克聖與所建共事而中人有尼之者不成行兩宮災文武臣率輟奉助工亦以其奉進或嘲曰此捧土塞河也對曰精衛填海姑盡心焉耳朝鮮中倭師久無功自以世受國恩食祿而避其難可乎正統間郭定襄登嘗以勲衛從軍秦麓川騰衝之捷夫非盡人之子與某雖不敏請當一隊之任而當事者主封議不果是時中人四出采鑛權稅間以金吾客有欲屬所建者心恥之奈何以伐國問仁人有父未葬正圖歸耳以勲衛趙世新因喪給假例請

大溪山房集

卷之六十九

傳二

南

仁聖皇太后崩停封事一月而後報可仍給傳行蓋異數也盛年才名藉甚委而棄之如敝屣麟鳳豈樊笈中物哉屠緯真游廣陵主其家選所爲詩而序之凡二卷曰永言王季木孝廉尤賞心焉劉憲副敬甫以昭明選詩爲未備屬其補遺徐職方鳴卿與余序之余領穎節敬甫領淮節其人意不可一世獨善所建余與相知晚而相得深以此無何余遭繼母喪所建入楚行弔道出留都憲使曹能始諸公結金陵社賦臺城而行是以有楚游詩黃京兆叔相按部江北遇以國士已游武林謁岳武穆于忠肅墓低徊久之不能去已盡擊西湖之勝

是以有越游詩尋北游過徐沛討楚項故壘有豎子成名之感之贊皇觀周穆王吉日癸巳碑手搨之由井陘入晉登五臺山六月雨雪狂叫大奇折而西觀晉祠堯廟龍門太霍中條諸山拜郭有道墓于介休是以有晉游記從蒲坂入關至華陰謁西嶽廟讀李衛公告神文登太華絕頂下至驪山浴溫泉涉瀾澁涇渭入咸陽摩挲花萼樓遺礎登慈恩寺塔終南太乙青刺眼間曲江昆明池無涓滴矣于文若方開府秦中廐置既庾甚設有過賓所不敢望右丞汪少虛觀察劉惟衡長安令楊修齡傾蓋如平生歡已入朔方臯蘭考其阨塞形制與我士馬虜部落強弱彼已情形若攻守之策將校之有膽智可備緩急若武健士辱在泥途者籍記之據鞍而顧其髀肉慨然嘆曰昔吾祖從

大溪山房集

卷之六十九

傳三

南

二帝征虜出萬死一生累戰功封侯以貽後人而徒持文墨論議無乃若籍談之不識其祖乎會三歲部使者大閱邊因憶唐王建送裴令公詩邊鋪恐巡旂盡換山城欲過館重修今邊事以虛文上下相冒也類是矣自秦入洛歷桃林函谷周南首陽莘城葵丘弔夷齊子產信陵君狄梁公顏魯公諸祠墓是以有秦遊汴游記歸而發所藏書竹素金石之編及諸公卿遺文章奏四方

之志裨官小說八行赤牘摺撫不遺已假館金陵從焦太史弱侯校累朝實錄凡事關其先世者爲世家其他功令禮儀與諸世臣家同者爲外紀累百萬言褚顓江祚庾斐虞賢裴松之曹毗范汪紀友明梁王褒諸家傳方之蔑如矣又爲廣陵文獻紀百卷上下數千年前言往行蓄德者所必資也舊史氏曰漢永平中爲四姓小侯開立學校置五經師至本初八十年矣詔先能通經者各令隨家法其高第上名牒以次賞進蓋能爲詩爲詩家能爲禮爲禮家云然未聞有褒然秀出于衆者國家于封臣子姓教勅無素卽適子入國學取具文耳而

大泌山房集

卷之六十九

傳四

南

吳德慶家傳

德慶守吳公名繼京字兆甫休寧商山人也代有聞人唐御史少微公宋安撫文肅公最著公父瀛爲中書舍人舍人故號鳳池而父別號鳳泉子九人人擬之鳳九雖其四爲公以父官京師時生因取爲名字焉少時受書經目輒成誦爲文翰動如飛多深思警語羈州補博

士弟子員父有季園殊勝日羣諸僞講業已入成均盡友四方名士學大成舉京兆試久之謁選人除貴谿令貴谿猾胥與橫民表裏爲奸公以廉靜鎮之以明決行之以十戒化誨之豪強屏息鼠牙雀角之訟莫能爲欺故事贖緩報諸臺備荒政公多縱舍不及額捐其月奉以充而中涓來伐山榷貨如餓豺狼將臨郡遠近震恐公陳言利害復畫圖使家喻戶曉中涓計奪四民踊躍頌吳明府不容口已新學宮祀典繕象山書院及鄉賢祠廉訪後裔請比諸生奉蒸嘗厚士之廩餼月試日省而有汰賓興與費公曰儲計續食縣官無所靳有司乃以薄爲道耶復其故三年考最陞封父母若婦如令甲又踰年擢德慶州守州於東粵爲法上者薦斯乃得之公艱然不悅也吾家處默酌貪泉而飲之謂夷齊必不易心吾則安能以魯男子之不可學柳下惠之可則有迴車朝歌已矣稱病上書乞予長休偃自署曰知還子邑俗競華靡矯之以儉食不致味衣不樂采室不藻繡燕不歌舞象上置名畫法書鼎彝諸古器供清觀而已邑俗喜逢迎權勢矯之以恬雅澹宿素綢繆往復貴人呵殿造門避不見非公事不至邑宰門卽名刺亦不數通臺司廬其間以十數已賓于鄉亦以十數令

大泌山房集

卷之六十九

傳五

南

鄉三老茂才敦趣上道虛左相遲強爲一起邑俗高賈賈人纖裔累積愴不肯施矯之以義九服六戚若四境資緩急矜無告釋宿怨脫大難不可勝計少習博士家言以紫陽爲宗上邇濂洛晚締道南會務在躬行恥膾口說間涉覽二氏書曰是得吾儒之偏者其事親孝從兄恭友諸弟愛諸子若孫以下百許煦之如春風就之如冬日無少長貴賤一也善養生神王體健偶示疾自知不起無所恐怖子孫請遺言曰惟叔父之命是聽醫進藥揖之出目乃瞑猶正襟坐如常時舊史氏曰吳自內史而下余所知者五世其人百數率以本富爲貴郎

人山房集

卷之六十九

傳

六

南

汪內史家傳

汪內史士明歛之潛川人也蓋越國公裔賢者貴者奕世矣父良仕故儒生去之賈廣陵日賦詩行酒爲樂而公好學滋甚漁獵百家尤長左氏春秋明習世故所億屢中不侵爲然諾同人有難嘗以身覆護唯謹人推爲祭酒卽有積怨深怒片言立解其忍嗜欲與僮僕同苦

樂如白圭能擇人而任時如范蠡買乃大起什伯其父中貴人以權稅出毒痛四海而誅求新安倍虐公嘆曰吾輩守錢虜不能爲官家共緩急故掾也魚肉之與其以是填塚之壑孰若爲太倉增粒米乎應詔輸粟實邊過當授中書舍人直武英殿而家難寢抒矣貌魁岸山止吐屬有致雖途遘猝遇與之語出肺肝相示都下諸公卿善之踰年以建儲恩贈父母如其官奉使餉軍便歸展墓出千緡新祖廟爲華表于門有市其宗祠前隙地者徘徊慨然曰吾故受春秋魯鄭以祊許田相易聖人罪之易且不可而況市之乎率宗人捐二千緡復之

人山房集

卷之六十九

傳

七

南

他墓田轉徙者皆歸其直還授守冢者諸親屬知故佳子瑋貧則資之食資之誦資之婚病則資之醫沒則資之殮其爲人也多矣使事竣報命忽中疾乞休卒於南徐柩所過白衣冠而來哭者塞路喪主或不識名或不遠千里赴弔里中人有患苦咸雪涕曰令汪君在凍者奚假兼衣于春喝者奚望冷風于秋乎子時彥時元皆太學生易所謂積善餘慶食舊德者也舊史氏曰內史故清華選自鬻爵者爲令遂至猥維三百赤芻不遂其構風人所以刺彼其之子也如汪君行誼無隕厥問幾何人哉昔班孟堅論鴻漸之翼困於燕爵武帝時異人

並出卜式拔於芻牧引與諸賢並論至云漢得人於茲
為盛今贊郎有汪內史不難為式何可無傳也

許光祿家傳

光祿丞許公時霖字仲說歙唐模人也許氏蓋唐睢陽
裔徙許村者曰儒在邑北境自許村徙唐模者曰桂二
在邑西境子姓番庶名德輩出略相當明正統中唐模
有以俠稱者某嘗輸粟助邊詔旌其門子義顯義舉昂
昂子欽欽子治生君六歲拾遺金于道不歸日且入索
者數輩來令各自言金狀而還其狀合者長老見之嘆
曰異哉孺子有義且有知矣八歲鄰有焚不舉火者晨
大泌山房集 卷之六十九 傳 八

起輒私貽之米父甫艾自按脉有殊亟倡宗人舉宗祠
而傳君以事君年財十八父尋卒前母有兄母弟四人
事倚辦君用鹽筴賈武林與同事者約盡一歲而更歲
屬君息輒什倍君謀新其室同事者曰土木費不貲貲
可立盡耳謀析貲以困之有二弟亦以為言君諾既析
四年賈愈贏謀者駭曰是夫天所相也人力其如何君
有鑒裁知伯兄伯子名士仲子能士之克家也以鹽筴
委仲子而歸治室壯麗甲里中父所倡宗祠力贊其成
比將豎棟有寸腐主者憚改且迫期君亟捐其貲易之
故受書通大指善形家言量功命日審曲面勢鉤繩剴

厠所指畫匠師不及也既游太學病生不能顯其親應
詔為光祿署丞庶幾以三年績蒙一命榮二人乎衣服
飲食節醜而生養死葬與四時祭必豐諸弟有挫產者
周之沒身外母死為之葬外父鰥比諸子養之妻之弟
學與具贊婚與具采已及其婿與其外母弟女未行而
殤以資資歸其婿家為外母弟娶婦而育其子死則并
葬其父若祖里人富產者受直必有期期滿而得直錄
手盡猶無直也君以券與直相授受里俗倣之窘者有
所措手足焉歲荒以家粟賑里無饑人鄉鄰有鬪為居
間聽者相悅以解所善程繡谷死其孤丐貧亡節無所
大泌山房集 卷之六十九 傳 九

不應故人王元宇業削振之百方族有公僕喪妻若母
于武林窘且逃召其弟使歸之弟復逃自往歸之他所
全活不知名者未易悉數也君貌偉碩而神挺動未嘗
稱病方對客忽召四子前曰吾逝矣有伯父若伯父之
伯仲子在事必受命遂卒孝廉方伯雨端人也狀君事
甚詳太史焦弱侯先生不虛美志君墓與伯雨合是可
傳已舊史氏曰昔許武舉孝廉告二弟三分其產自取
好者二弟所得悉劣人稱弟克讓遂得選舉武復會宗
親泣曰吾向以弟未豫榮祿故今理產三倍宜推付二
弟士復翕然稱之讓美德也其弟故賢者欲成弟名豈

必自汗卽孝廉乃以微榮祿乎許仲說兄前母也弟同母也知其兄弟又知其兄之子聽弟析貲以託兄子卒能全諸弟至死不忘兄父子俾其子受命焉竊謂昔許不若今許何以故爲善無近名也

錢太公家傳

錢太公名世揚字孝成一字爾孝常熟人也其先自南宋元孫公始十一世爲刑部郎公體仁生伯子刑部郎公順時舉嘉靖己未進士娶下安人生公七歲失其父下安人嚙眦截髮內棺中而矢之曰是孤孤君之遺軀也未亡人視孤如君君視髮如未亡人妻召子女

卷之六十九

十

南

綱直如髮所以示信也遺公就外傳而時耳提之若忘吾之以髮殉先人乎公故敏而益之以勤學成爲邑諸生嚴文靖陳莊靖兩先生皆器之錢公不亡矣已贈公卒公號踊吾以祖爲父代父事祖而天奪之乎何用生爲母不可未亡人所不死而父者謂何公乃起家世受春秋發其篋得諸家訓誥千餘卷講求同異瀾翻在舌學人叩之如響從之如雲却貧者贊而更資之往往取高第而獨公不偶辛卯主司命春秋題離經畔道公執故說不錄因游太學極爲司成王公所賞比赴京兆試復不校而伯子太史爲諸生聲藉甚公曰吾窮年作

素魚爲母氏欲有以慰地下人耳孺子今饒爲之何必我遂謝去念母鬻子之閔不以貧儉養御食佐酸務中其歡定省溫清秉禮不啻少食酒可數斗酒後耳熱悲歌泣數行下聞母警欬輒屏氣斂容如未飲者母好佛好施唯所命傾橐不惜渡海禮大士普陀值颶風舟幾覆公感夢禱而免因繕破山寺費詘以負郭田助之母病所以醫療者窮萬故匍謁款奉神乞損已年益母既歿哭仆地久之甫蘇治喪自含斂棺柳竭情盡信而召諸侍婢徧拜之曰若能終事吾母吾藉以不負子職太史舉於鄉攜拜母柩哭如初喪太史登高第不色唐大沁山房集

卷之六十九

十一

南

而貽書言吾母以我故四十年集于茶蓼皎然大節吾無能顯揚之抱終天恨兒幸載筆玉堂之署授奏草使上未報而公病不起矣公軀幹豐偉與客抵掌談諧終日歡暢喪母後漸失常度每詣家佛堂徘徊咨嗟何不聞母誦佛見杯棬機杼拋枷脂盃諸遺物掩然無聲意入黃泉又哭其少女懷抱作惡稍以信陵晚年之好自廣正冰月間葬母扶服委頓病滋深願讀書如常沒之先一日猶丹鉛其所撰著而伸紙染翰屬太史以三不朽自勵母以三不幸自徂友人謝兆申見而美之古人戒子書多矣得之殯時良不易生平篤于人倫叔父憲

而公歿宗人有齟齬其子孫者身搢柱之宗人計奪以大徑中公囚服卽訊卒不移易也姑剗股愈母疾未行而殤耐于祖世世享之族有爲豫章王門贅婿者子孫貧還歸衣食之死爲之殯又有收異姓爲子者宗人圍奪其產立盡公取一胡床昇之曰此盜餘也而父作念宗人愧走母有孫多男子而窶予之田他所欣支屬婚姻尤衆三黨四民免而哭臨公喪盡哀乃去公于近代慕楊忠愍海忠介及里中黃給諫陳中丞之爲人執政有不奔喪者呼名遙唾之礦事之初起也拍案而憤廷臣不及時力爭禍且移國乃始乾喉焦唇仰天而嘆庶

大泌山房集

卷之六十九

十三

南

幾焉天其殺之不亦難乎趙太史以直諫受杖黜爲編戶高其義與締交旣貴則辟不見錫山光祿顧公故相善爲吏部郎再罷歸揖而賀之曰叔時兩得吏部吾爲天下喜叔時兩失吏部吾爲叔時喜里中豪貴而呂鉅相遭必正色譙讓之其人乃目而事若公孫弘之於轅固也故舊來宦吳中不通謁或爲邑令欲致公往公艱然若以通家遇我分庭抗禮則可以諸生事令禮偃偻行則不可令或以講學會諸生公與焉退而長吁士唯諾趨走穰穰爲利往不如無學自今無復辱吾足矣餘姚趙端肅公爲江陰令鑒識于垂髫時公嘗詣趙公

趙公奇其才延坐令與諸郎講藝從容語公不虞資斧乎公固遜曰小子感先人知已來非有他也趙公引謝吾乃以小人妄意君子家漸落而絕不以子貴居間入非義饋至驚其虛價收責衣垢冠敝經歲不改書謝康樂語于門旣乘上皇心豈屑末代諄人有不善不能忍見酒間對衆殘罵之而不念舊惡再見復歡如故常言吾腹下有鬼不耐曲折然無意慢人喉中有物不堪噉嚙然無意毀人所執友前顧公太僕瞿公元立陳兵部錫玄李先輩伯樛孫山人衆錫從兄無登文酒倡和久而敬之不衰從游士最知名者翁都諫憲祥孝廉應

大泌山房集

卷之六十九

十三

南

祥名士瞿純仁何允泓家水部郎時俊篤念舊好以女室嚴文靖孫樞每譚趙端肅往事涕不自禁于王司成亦然太史成進士出王公門奏記王公累數百言王公覽之而泣有才如此而厄一第有司之過也爲古文詞好左馬北地左輔弇州而自成一家言瞿元立深相薦博顧光祿序其行卷鄒太僕孚如亟稱之母春秋六十乞官弇州邢子愿二公皆以爲有良史材云少有大志以父號行所因號景行期口可見之行也而困公車不得舒勃每誦沈攸之語早知窮達有命恨不十年讀書又言不幸如劉孝標與馮敬通三同迹公生平更號資

開子又號畸人自爲傳有奇氣傑思所輯古史採要五十卷春秋說十卷彭城世徵二卷藏于家太史名謙益猶司馬遷之於談班固之於彪夫有所受之也舊史氏曰國初徵辟人才與科目並用得士爲盛其後旣重科目行不掩言多矣錢太公志節高亮蓄精道術書無不有令蚤及弓旌彰組雲臺所設施必可觀采而竟以青衿沒齒乎春秋出孔子筆削四傳並列學官卽胡文定不無遺議邇日穿鑿支離與經傳不蒙遂使屬辭比事之教同於射覆弄幻牛頭馬髀強相附會余督學關西時疏請釐正聽者藐藐也錢太公坐此擯厭可爲扼掣人

沁山房集

卷之六

十四

南

夫放黜異說明春秋大一統之義是在太史繼述矣

盧太公家傳

盧太公名東字文啓廬江三公鄉人也其先家婺源遷廬江自貞卿始數傳爲贈御史敏敏生御史璟璟生文學定定生璽問宗貴配郭生伯子楷晚游楚娶岳生太公父耆矣四歲而孤岳抱哺其子哭曰是先君子之遺體也生與俱生沒與俱沒其敢有越志少從伯氏學年二十四伯氏析箸母太息曰諺有之二尺五門難開器用財賄安所取之太公對曰母豈以兒弱不能自立耶度德而處量力而行以勤作之以儉守之人定可以勝

天自是治生孳孳惟日不足夜不就寢卽寢不成寐聞雞聲呼諸僕起耕牧樵汲各出受事所受地二百畝一易再易居半相距七里三時一日往來必徧溽暑糞口疇美土疆濬防溝遂列治備舉衆寡合耦爲鋤故水旱不受災而收入倍田益斥阡陌相望高廩如坻京矣計口敷米而炊給授有期太羹不致粢食不鑿與家人共之朝夕誦武侯淡泊明志常信民咬菜根斷百事可作語以訓誨其子曰人知鴆毒傷生不知日用尋常禍機伏焉能者縱而明得意懦者溺而不自拔克已必先于是則毅然大丈夫矣乃公初冠時所用革鞮葛衣五十餘年無損古人所以重簪簪敝履也而曹念哉母病扶侍湯藥數月不稅衣冠求醫百方其卒也痛幾殆舍殮豐厚然不作佛事事郭母如其母事如母葉亦然事兄如其父兄長子死爲之殮與葬爲居妻子苟舍衣食所安弗自專也必以分沒身而已元配朱與副室伍同更艱苦未得偕老夏實新瓠而泣子問故曰吾昔與母居約日且入得此而腹果然今差饒給逝者不可作奈何里豪欲奪父時所遺水利不遂僞訟其理問時事于江西從容辨數卒不能奪或以淳鹵田售而善藝之轉爲沃衍則訟太公摧直屢訟不勝闕門三日詢不已家人

大梁山房集

卷之六

十五

南

憤將格鬪太公解之君子不欲多上人長惡不悛從自
及也張徐兩少年無故相凌許不出一語報徐忽有暴
死者張亦死其父然無可脩隙悔而謝曰令身無處所
鄉人相告語曰忍可以省事可以保身盧太公是吾師
也歲儉以二百金代族人入租或負之卒不問管庫者
爲人所愚失數百金將對簿莫必其命太公聞而代償
之得不死家人議其傷惠太公喟然曰吾不知則已吾
力不能爲地則已知而能爲而不爲由吾死之也夫
非白爲盜罪故應貰耳晚得四子愛而能勞督之夙興
夜寐曰子耘而鹵莽之則鹵莽而報予子耕而滅裂之
則滅裂而報予而況學乎閒居侍則稱說詩禮古今忠
孝節義事或擊節以喜或拭淚而悲覽子所爲文輒手
指刺出人意表偶從塾師席見屬對作情字者亦作情
字其上師請終之書曰情有七喜怒哀懼愛惡欲塾師
莫對大驚爲奇其卒也以家譜未脩義田未置軍田未
併詔諸子必成吾志子三爲太學生叔謙成進士爲侍
御史贈父如其官舊史氏曰盧太公勤儉孝弟人也不
欲貧則勤不忘勤則儉人情耳儉而能施固已鮮矣當
其羸身出分時夫字厥子念鞠子哀者如是乎然而以
庶孽事適母以弱弟事家督卒無二心復卵翼其嗣勝

大澗山房集

卷之六十九

十六

南

相讓敗相救此之爲孝弟豈不難哉余讀侍御爲太公
狀蓋有抑鬱而無誰語者是以索言之

黃太公家傳

黃太公名鳴夏字啓殷莆田人也黃氏望于郡中晉時
自汝南徙唐乾寧時滔公以詞賦及第遷監察御史裏
行荀文章家號曰初祖子孫接武於朝胡元荐居中夏
舉宗恥爲之臣明興有工部郎文奎檢討壽生知縣子
嘉編修仲昭少司徒乾剛運長希吳累葉貴人而食貧
如寒素運長子懋讓爲諸生蚤卒有二子伯舉于鄉次
即太公孩提不妄言笑父喜曰長楚之復有之少而端
大澗山房集 卷之六十九 十七

愆長大無情愆其此子乎五歲而孤痛心入骨勺飲不
入口累日少長奉母兄教唯謹甫冠爲諸生動以禮法
自檢坐不闕堂諸燕朋絕不往來無何島寇陷城鹵掠
男女萬計兄與焉太公亟出袖藏婦簪珥巧免兄死寇
未厭所欲請歸更索餘貲奔騰阻險死者繼路迂久不
至寇望其紿也竟殺兄太公枕尸而哭然已無如何經
營棺斂號咷不已人謂寇將怒以爲慰姑避之太公艱
然曰義不與賊俱生第以母老藐焉疇依不忍死殉兄
耳何避爲兄累上公車所費出子錢家索責者盈門丘
嫂傭弱猶子童稚時有酸涕而已爲占護百方悉先世

之遺以償之積窳日甚歲劇豪右壓進駘藉相尋無已
不悲也里長賦者度敵百方歎從弟少無田而後
雨窘迫不自聊公行田野積版圖校道里案比諸戶口
久之而影類狀白著長賦者謂公于官坐罪且見籍
因所親解向公聽之苟無累吾弟足矣不復實確共過
人目公長著自遭寇以還內持家而外禦侮庸力不暇
思鳴無晨遂謝經生業一意事母日進稻醴梁糗服膺
焉每先意而導迎之惟所命趨如不及歲時伏臘若忌
辰雖魚菽之祭齋戒夙夜以興鞠躬屏息踟躕願望如
或見之非其義也一介不取於人居恒喃喃如不出口
人必山房集 卷之六十九 十八

尤惡言人之短設有咨決是非利害無所諱忌樽節退
讓進止不失尺寸人或嘲為迂或弱而加傲弄之辭夷
然不屑遇之如初初娶于陳繼史繼顧皆早世無出側
室郭生給事郭亦卒世治詩授給事尚書親督課之諸
家訓詰通鑑綱目性理大全手錄古今文辭數百卷數
萬言日有程量至夜習復漏將盡方罷頃之輒趣起矣
上世以來君德汗隆朝政得失人品忠佞四方民情利
病孜孜論說不倦給事困諸生與其第也其謫也公無
喜愠之色第時貽書勗之清白長厚四言者黃家世德
具在孺子無忘三公之貴千金之富不得其願不樂于

懷矣既為給事復勅之隱情惜已自同寒蟬非吾欲也
嘗以月奉寄公則置田供宗祠闔戶端居不入公府不
嫗媼名勢不通請寄郡邑不識公面益仰高之顏其門
曰恬靜高風禮之為鄉飲大賓辭不赴曰有子在宦途
人且以是舉也貴貴非賢賢其自重如此給事仕行人
擢兵部武庫郎兩以其官封公行年七十有六而沒贈
陳史郭三母俱安人黃氏無生而封者無三母並贈者
無庶子貴者自公父子始也天之報善厚矣哉給事名
起龍以直諫知名舊史氏曰東漢之季人倫以汝國顏
子為最不言而躬行使人之意也消黃太公束脩厲節
大泌山房集 卷之六十九 十九

汪公父子家傳

汪玄師天慶兩公父子也先世宋金紫光祿大夫叔敖
公家潛川兩子皆秘監賜香火金紫院再傳為淙公自
潛川徙叢睦鄉子維崇公舉秀異尚宋某帝公主明章
婦順表其鄉曰叢睦宋亡崇公不食死第維嶽公舉省
元恥為元臣隱居沒世署其堂曰友陶自擬晉徵上淵
明不仕宋云明興嶽公子莘叟以良家子徵戍郡居頃
之調征雲南留屯普定衛伯子景芳仲子銓壽芳子英

師德奴壽子玄師娶方孺人蓋九尚書郎方虛谷先生
之孫華叟公死成景芳二子當嗣後玄師公獨子也例
無所與芳父子賄攝者實玄師名入籍伍符中玄師客
外家三子伯天慶財扶床仲天恩未免懷叔天住方娘
也擲者晨伺于門提拽玄師公遽去孺人挈兩孤追路
相尋與決陂水勿慟仆地將投水死兩孤執袂號咷而
女奴清和泣請曰主公容有還日是號諸孤宜蒙死而
存之乃令以無母并命乎孺人寤扶攜以歸而天住生
玄師公生爲愍隸沒不歸骨故土伯氏意孺人必含怒
孺人色愈和每事降挹故不孰何母子已思懷懷悵悵恨
大泌山房集 卷之六十九 傳 二十

之徒非弱女子所勝復避宅外家緩急相護身任織督
守舍兒深耕概種三子長則使治田無日不以勤儉爲
訓三子能自樹而後還叢睦故廬自與玄師別絕肉味
脫粟瓢飲今宗人歲首必持齋本孺人之教也清和亦
與相依白首不筭不嫁末年家計浸溫厚有九孫曾玄
倍之率被服儒術矣年八十有八卒神氣凝定類得道
者然天慶公以父爲伯所嫁禍寢然抑心跳驅如漢十
許年一歸頭蓬葆貼于死亡遂爲衰白篤老兩弟請代
不許三成三歸歸則舉子而見少子雲道始卒兩弟憐
兄生平荷戈絕域強半卜近地以葬令魂魄常依廟祐

也恩公善形家言而友于情至二家子孫累千舉進士
二人登賢書六人以明經貢若爲太學生爲鄉校諸生
百許人善富者稱是而民部郎元功侍御史有功顯名
于時葛史氏曰汪氏自唐越國來後昆無萬數富貴功
名之士不可勝計獨叢睦多奇節崇與維以身殉故主
忠矣玄師父子天慶兄弟分棄前患好無相尤孝矣弟
矣方孺人六十餘年從一而終化及侍兒辛以慶流苗
裔振拔滄塗騰騰風雲校宋主過之何則富而無驕易
貧而無怨難也易序卦明夷傷于外必反其家故受之
以家人家人利女貞其象曰內難而能正其志故貞明
大泌山房集 卷之六十九 傳 三十一

不可息女正位乎內男正位乎外故富家大吉父父子
子兄兄弟第夫夫婦婦家道正矣汪氏之興也宜哉

周公父子家傳

周太公贈公父子也太公名軒字君錫贈公名朝旦字
某上世居楚麻城孝感鄉元季祖重文避亂徙家入蜀
銅梁再徙安居重文子慶祥祥子有知知子篤洪洪子
玉玉生太公敏慧受舉子業誦通父慮曰學成而仕且
遠遊吾不得長有子遂罷然手不廢書與人言披情素
無隱傾蓋白首如一日人目爲周公瑾嘉靖初司徒以
軍興費訕算縉入貲州司迫之公不得辭曳裾王門旋

謝歸父母以天年終養生送死無憾其於族屬鄉里推
恩有差窘而鬻田者厚與直逋公賦者代輸不責償老
而鰥寡楊翁張繼輩以無殮具告皆畀之木焚左綿陳
氏子若流寓人張某劾通國誦義焉太公六女有嫁而
無子身不更二醮迎歸成其節有嫁而早夭育其女爲
楊生三樂婦外生劉嘉會王玳召與子同學而更授之
恒產次女子字見龍登龍幼失母公婿方出外以已棺
棺之教兩子學成爲諸生外甥王體喪婦以兄弟女孫
繼之曰自吾祖考視之猶吾孫也邑文廟木主卑小改
作高廣加文采焉四配十哲如之尊經閣圯繕治一新
大泌山房集 卷之六十九 傳 二十三 南

愚貴賤臨者譏者累千人贈公十歲從石屏胡中丞介
庵趙先生學而分心于弈父令雜牧兒中抑厭之與同
舍生浴于江父怒予杖若不聞爲人子道不徑舟不游
耶乃下帷絕一切兒戲事十六爲諸生從李質齋先生
通其經遂以高第食廩數奇不第而念太公老惟一子
未抱孫謝去歸養代父秉家政父欲輸貲入太學泣而
言大人昔者不欲離太父膝下今兒何能爲兩京遊學
使者高其誼賜爵爲儒官邑胡令顏其堂曰留有餘其
事父雖老無情容疾言女兄弟五人孤寡十餘曹承父
之志而周給之婚字之訓誨之無後者爲主祠家廟血
食五歲喪母言及輒涕泗哽咽事繼母謝庶母何如其
母謝卒哭之慟舅史公不忍見也父卒年垂九十公亦
六十矣恨不從容奉訣三年絕肉味冠服祭葬悉準禮
經因作喪禮演義自後衣不純采遇忌則服衰哭盡哀
終其身不改嘗夢舅告之若真孝子子爾孝泉頃之樹
下泉湧有孝泉二字從中出今雖大旱不竭或勸之貨
殖曰如賈三倍君子是識詩人以爲刺歲儉米騰貴卒
不二賈勸之省餽遺曰是吾戚屬有無當通共也勸之
汰臧獲冗食曰是與我久共安樂今患難不可棄也以
此義問徹于近遠妖賊蔡伯貫入掠安居城戒其黨曰

周氏父子善人勿犯城中因以義門稱而訓其子弟率出禮法族奉行唯謹有不平爲之解構有不足給以本業不論質劑生平不侵然諾不爲誑浪不入狹邪書馬伏波言座右聞人過如聞父母之名雖加以橫逆不鳴于官自少迨老未嘗訟一人闕其門而詬者若弗聞也其人魏而退僕盜金不問忽神附童子言其名并金所在僕頓顙委命衆謂縛以屬吏不聽彼已備逐之足矣鄰人兩失火及公家旋反風火滅邑人駭嘆爲善之報也晚精方書治病病差醫治他邑令病不效叩贈公贈公授方令愈醫奉以所得金不納市前辟隙地爲園萬大泌山房集

卷之六十九

傳二十四

南

竹山房有二坊顏之曰忠孝存心曰顧諟詩之名訓所錄皆五倫中事也坊下蓮池池上爲堂祀蓮溪公旁有二亭引池水流觴與客燕樂歌詠邑人日來觀毀傷其薪木守者請爲高垣而甃鑰之不可獨樂樂不若與人已而樹有連枝竹有同本人以孫司空瑞竹詩爲贈公和之胡中丞見而擊節周少峰詩晚乃奇進少峰贈公別號以太公月峰故日所誦習晉魏四大家文李杜元白詩兩子爲諸生教先德行而後文藝伯子貢入京師書十詩便面率箴儆語既舉京兆報者至不色喜不受賀有司賓于鄉再三不應會哭其女弟與庶母過慟遂

病醫莫能治左右白更醫不許吾善起人病乃不自起人乎何尤疾革止哭者父母全而生之吾全而歸之幸甚庸何傷或言時不利願小忍斥之君子順受其正俗論何等道儻然而逝年七十有二時伯子達已成進士矣仕爲行人工部主事南京湖廣道監察御史三贈公如其官立朝以正直忠厚爲本率乃祖乃父攸行者也舊史氏曰常璩爲華陽國志三州十三郡自漢興至三國終人士二百九十八人多以功名顯其不仕者大凡則公府辟士八人高士一人聘士七人徵士四人節士四人就其人而目之則有高尚逸民玄真徵士隱知徵大泌山房集

卷之六十九

傳二十五

南

士高讓義士隱士夫子學士茂才至孝孝子之屬然父子相繼如周太公贈公鮮矣恒人局于所見以孝泉字出水中爲異蜀自有故實姜士遊泉涌於舍朝出三鯉隗叔通汲江石橫生正流中孝通神明夫何異焉

吳太公家傳

吳太公名卿字國望青浦祠部郎伯玉父也蓋延陵季子後初家長洲代有聞人已徙上海凡五六世以長者稱至石泉公僦儻有大度生太公而後析上海華亭爲青浦定爲青浦人少讀書目可數行下善屬文會寇亂廢業性至孝事父母甘旨畢備而身疏櫛不厭母以城

潰亡哭之至死有父在強起事父益謹父卒客邸俗忌無入宅入則家且毀繼母信之太公號曰焉有爲人子而惜毀家不令父沒正寢者身自負而入棺殮如禮哭晝夜不絕聲者累日破產營葬四方義故來觀之見其哀瘠嘆息曰孝而撫其少弟甚厚分以腴產自取磽确而已弟失產更割所有畀之視從弟如其弟資之母錢不貴子兩弟以此造家祠部亂爲塾延童子師贊幣加常等稍長延名師供億倍豐卮酒益茗與偶衛孺人手治之夜闌課讀不輟呼爨者亟起爲兒具朝餽恒達旦不寐更長則結社于外倚重師友不爲程督惟時召膝下勞苦之吾聞儒者不祈多積多文以爲富乃公營什一之方心計有餘豈難取高貲不欲累汝瀟泊耳女成通儒雖飯蔬飲水致足樂也家政小大不令與聞至俗尚世氛一切遠之惟恐溷耳目而祠部專精學成矣族收事宗人合作貧者計畝爲助太公不可河潤九里澤及三族是區區者而以煩宗人不仁甚矣自是吳貧宗無病追呼者太公又明習官家事錢穀出納錙銖莫能欺有司說其狀高其智咨決多所釐正里有魚池稅稅等上田或坐負課流亡力請得免里人德公無已時然不自居功遇牛醫馬走語必款決有違言爲之解構無

不唯諾衆孚化之時靡有爭有爭亦懼爲吳公所知外父楊以富府怨死獄爲治後事甚具而分疏其浮糧株累里中者老僕給事五代買舟使治生得有室嘗之青林有任公通幾千緡鉗欽且死憐之語其屬怨者此人相不長貧何忍死之立爲代償復以已二丁易任一丁得脫獄任後家計浸饒教子爲孝廉佐郡他緩急賴以周旋饑寒賴以收穀者不具載巨室有以聲色相加衆意不平太公視若虛舟飄瓦泊如也當四十六時嬰疾瀕危醫家謝不治祠部不解衣而侍四五夜不寐跽而進藥齋戒沐浴掃除別室乞福于天太公顧祠部兒且臥地當夢夢素衣角巾白頭翁揖曰一家團聚皆若之功語畢揖而退已聞黃冠呼祠部起禱是日太公霍然病起而祠部自是未明輒禱願親長壽日爲常春秋逾七十人謂父陰行善天生孝子以美報也祠部通籍且以其官馳公而出入徒步數之蕭寺造茂林修竹間笑歌取適人疑之太公笑曰責諸懷錐刃而天下爲勇西施衣褐而天下稱美大丈夫奈何脩飾邊幅如偶人形乎一日見龍鵲取錢買縱之鵲飛繞左右踰時不散祠部鄉舉及成進士鵲構巢堂廡人相狎也旣入官所面命手示甚詳大指言不取苟行不取苟容悉忠盡能

無顧私家而已使遼已于事而峻省觀太公太公病矣
理藥物相啓處累月不就枕席太公朝夕問若當何時
報命祠部伴諾固問則泣曰不忍離大人太公艱然草
莽臣以子得一命爲郎若不爲上效犬馬勞非所望于
子也祠部迎四方名醫案脉咸言無恙錯龜數策占兆
以視利害得家人嚙嚙悔厲吉占者曰太公言厲矣吉
可知也而祠部猶趨趨不前則趣其母爲兒辦裝又使
諸父兄弟勸駕吾日假病十數蓋無所患獨以兒宿君
命於家介介耳祠部重違其指飲淚行亡何太公卒猶
奉奉勛其鞠躬盡瘁母以不遑將父遺憾也祠部名爾

卷之六十九

二十九

南

成除父服三年後謁選人平進水部郎又上書請居陪
京不欲處脂膏自潤貽親令名多矣舊史氏曰傳言庚
黔婁爲父病顙空中顯與之語獨知之契也天下未
有信之者也今吳太公父子如之太公孝親子亦孝太
公孝弟之至通于神明信哉子不語神蓋虞夫色取盜
名者也

唐太公家傳

公名汝棟字子上其先婺源李氏也常侍德鸞九
傳至唐公歙唐登仕郎廷雋遂襲唐姓居郡南烏聊
山下歙有唐自此始虞以周禮中選講學紫陽書院人

士宗之子元徽州路教授以名德賜金龍衣子中實福
建安縣教諭擢南雄路學正不起

高皇帝徵問平天下之道以不嗜殺罷築城對賜上尊
純帛公精青烏術卜槐塘上原爲居葛塘爲墓數傳之
後僉憲弼襄敏學士阜侍御相濂郡守佐州守詰侃
仕遞興唐遂望歛允仲實子文鳳以文學薦授江西興
國今有惠政民祠之秩滿拜趙王紀善告老仲實下三
世以文名人方之小三蘇今三先生集傳布秋林沒並
祀學宮文鳳子家禎家禎再傳贈戶部員外郎邦立邦
立三傳贈福安尹泰泰生億億生世工訓義廖學士

卷之六十九

二十九

南

道南判徽州首錄之數奇不第習岐黃業所治不責糈
昏夜風雨叩必應或質貸供人藥餌家漸落子四人太
公爲季少慧悟絕倫父異之吾家世積德當以兒食報
甫冠爲童子師所得月奉薄不足供俯仰遂謝去事父
母左右就養無方歲大侵四面出嫁諸兄日不具二脯
公必市羹脯以進父母謝之曰嗷嗷滿室安忍獨飽對
曰有所知爲兒地幸不乏大人共惟加飯母卒喪具不
以煩諸兄服除之淮則謂其偶方孺人吾所以遠遊爲
親養計耳卿代吾居子舍慈以甘旨無以兄公爲解未
幾父卒孺人獨當大事買棺内外易兄公曰父一而已

才不才亦各言其子也奈何觴爲季累割所居室償之
斷不得太公奔而歸知其狀慟曰君子不家于喪父死
之謂何因以爲利而又利兄之有天下其孰能說之折
其券叔兄老無子推食食之子司理舉于鄉則日膳有
秩矣伯兄從二子武林養有缺與其媼來依太公太公
徙宅居之且莫進食久之伯兄憶武林太公重違其意
絮送之無何死太公瘞之武林以須卜兆吉還葬而私
遣二子金俾守武林舍且營生計二子所爲不必宜諸
兄弟太公曠然不校也司理爲諸生矣王父猶未歸土
太公奮曰人衆相仗何時而可具斗酒與衆盟無溺形
家言無信祿祥有灾願及吾父子衆敬應曰然始祇葬
事仲實公葬呂家林而仲子子彰徙嚴鎮兩墓相比歲
時伏臘宗人展謁不辨昭穆公曰子不先父食自前世
以來未之有舍也父若與子齒如禮何吾太宗無特祀
何以示訓率諸父老各捐金歲息其子爲祠以饗而胙
餞一如禮性亢直不能容人過忤者微色發聲相加事
竟不復省記遇之如初里有違言以公無私爭就質立
解視人之急也若自在隘窘之中周旋不惜勞費司理
受經則稱責以具束脩而稽其勤惰進退數使贊諸名
士就正屢試蹶絕無愠容癸卯攜之赴試得雋爲一解

顧而督司理弟昕如之司理成進士除武昌請御板輿
太公曰善養在志非口體之謂也若爲廉吏而翁爲廉
吏父何有于五鼎司理數使歸聘無恙而憂吳氏女病
已喪方孺人哭之哀病矣司理歸視其面有墨色而癯
心慮之然啓居如故一朝呼子孫畢集詔曰世遠則人
繁人繁則情渙易有之何以聚人曰財而翁微天幸見
三世人因渙思萃其在今日向以五十金付昕置田備
蒸嘗命孫醇籍之自署字其尾又曰特祀仲實公我實
首事第無多贏虞不繼筭有五緒悉以佐資增廩則在
汝曹又曰叔氏無後吾居爲隱蔽出爲鴈行汝曹無忘
大梁山房集 卷之十九 傳 三十 南

兄弟施于有政太公孝弟爲政于家司理以政推恩以
孝錫類夫廉一端而已何足盡公父子哉

朱次公家傳

人有言曰何知仁義已嚮其利爲有德又曰人富而仁
義附焉此未可以槩天下士也夫不有德而利仁義而
富者哉作朱次公傳朱次公者名模字子範休寧鶴山
人也蓋宋徽國文公之族自唐國練使雲宋尚書晞顏
制置由義漣水令惟賢元學錄壽處士梅友邑令仲全
代有聞人二十二傳而得次公母始娠夢神若真武者
降其室而昇之少年黃冠曰以爲爾子亡何母卒次公
大泌山房集 卷之六十九 三十一

恨不識母見母之父母兄弟輒涕泣稍長從舅氏維揚
與舅之子治公事業且有緒而父病矣父故羸劣不勝
病次公相臥起涇漫無須臾間爲延醫則頭搶地告哀
神則勞面流血願以身代又割股以食之卒不可

使我至此極也生不如死諸兄弟譬解之古大孝宜莫
如虞舜曾閔未有父死而以死殉者也強起食粥絕鹽
酪薑桂終三年如一日從伯兄賈淮楚間嘗遇風舟覆
而聞水中有人言是所載朱孝子不可失也舟迄無恙
舍而登陸忽遇乞食者云當有以相報次公察其貌非

凡食之則謝曰君哉豈巨艦蔽江而來各有標幟請所
以易其名者曰奚名曰君自卜之乞者俄不見卜而得
大有遂以大有爲櫛已禱于玄嶽夢神爲言未來事甚
具覺而異之自是益精心計矣次公故事伯兄如父兄
踰壯未舉子事讓而執勞以佚其兄而弟賈武林武林
人巧說少信仰機利而食以此折閱一無所問因策曰
吾聞范蠡周行吳越齊楚間而獨善陶故富稱陶朱公
施及子孫亦巨萬何者得其地也吾聞天下廣矣莫如
棠邑是襟帶維揚眞州其俗儉嗇畏罪遠邪矜已詔可
以居擇諸子姓可使者割貲令佐弟賈久之贏得過當
大泌山房集 卷之六十九 三十一

悉以付弟身不名一錢矣兄既育兩子而卒長甫勝冠
幼者提孩也以屬次公次公爲經紀者十八年次公亦
有子三人其可賈者與兄之子賈其可儒者與兄之子
儒師之贊賓客之宴好婚姻之六禮視已子無隆殺而
弟復卒復有遺孤則先已占籍棠邑爲諸生數往存之
猶夫兄之子也居恒詔諸子張公藝九世同居以能忍
故夫忍必有私公復何忍既老而三家子若孫若曾孫
數十人聚居一室手賦衣食其子孫婦後先之屬化之
內外無間言初服賈擊楫渡江中流而矢之昔者先人
冀我以儒顯不得志于儒所不大得志于賈者吾何以

見先人地下吾不復歸已而賈乃數十倍于舊傷其父
不及見也而築亭于室之畔顏父之別號曰竹亭以志
思云既而曰不有吾父所從出者乎為祖廟定歲時祭
祀之禮為治祖墓侵者復之迫罵座湫隘者以千金市
其地而徙之為家舍為甃石而踰之既而曰不有吾父
族乎為義田以食之為義舍以居之為義塾以訓之為
義冢以藏之蒙難者拯之有惡者諱之非義相干者恕
之既而曰吾父不有母黨妻黨乎吾父東西南北之人
也不有所交友往還者乎才者誘進之饑寒者衣食之
暴露者掩之負子錢者捐之武昌有金沙洲江漢水溢

大泌山房集

卷之六十九

三十四

南

民病涉涉或溺死為之梁之真州令城城濬池已改築
學宮苦力詘為之助之邑大饑為發廩粟賑之邑大疫
為市藥療之淮以南江以北漢以東誦義不衰橋與冢
取朱公為目焉子若孫有樹矣而始授子以事與偶金
孺人退休里中自孺人外旁絕姬侍當其盛年出遊十
許年不歸白首同牢相敬如賓御諸子孫若婦以嚴劑
寬每旦諸子孫若婦詣寢門問安夕亦如之月朔望率
而朝祖廟次公夫婦坐堂上諸子孫若婦拜稽首咨問
其作業不合者譙讓之朝餽訖步至塾課諸子孫讀或
杖策園中抱甕而汲倚以而吟或招耆者具雞黍談說

古昔嘉言善行以相規勸倦則命酒霑醉而罷其平居
啜茗淪蔬羹一盂飯二壚不設園腴也有司廉次公孝
友慈惠禮為鄉飲酒賓次公辭已從仲子家用爵封中
書舍人踰年次公病年七十有四矣勅無令婦女溷我
卽金孺人不得入而聞家人哭者呵之若不聞洪範五
福耶乃公幸皆有之何所可哭舉手謝諸外人問疾者
而見卿雲采芝白蓮從空下迎導之去里人相傳謂前
身玄武之徵也次公伯子家模季子家聘俱修父業而
息之家用以儒起家與余少弟為同舍郎相善其倩廷
尉平金繼震與余季弟同舉進士余識家模子太學之

大泌山房集

卷之六十九

三十五

南

貞馴謹儒生也之貞子士泰十有四歲而為郡諸生最
孫十人曾孫七人女稱是余少從江上望大有樹夥願
之比再過更樹曰謙願語舟人是夫善持滿者福未艾
也今信矣舊史氏曰余友丁元甫嘗為次公邑令蕭以
占父子兄弟于次公累世通家每為余言次公有布衣
處士之行惜哉以富掩其名太史公傳貨殖首范蠡蠶
三致千金再分與貧交疏昆弟次公之散千金什伯蠡
矣子孫所息不在什一卽巨萬何足道哉計然七策用
其五於國者用其二千家用其二千家者用其五千子
孫兩朱公易地則皆然也

金子長家傳

金子長名源休寧人也與余所善清溪徵士同出義士仲善之後而子長爲弟子長生有異姿每行過市里父無不撫其頂金氏世德宜有佳兒王父愛之每食必置坐隅吾見孺子而樂是吾侑也六歲受書塾師辰出酉歸自所治經外更習他經若子史而善鍾王書法母同產弟謂其父以外生才藝入太學取科名拾芥耳遂入太學而益精舉子業會喪父王父哭而喪期不敢離子舍罷去舉子業而奉例爲光祿署丞子長事父母怡色柔聲惟恐傷之有命諾而趨惟恐後父母怒長跽流涕

大溪山房集

卷之六十九

三十一

南

俟解乃起事無大小必請命而行卽之隣家必以告一味之甘父母非先嘗不入口四方水陸之珍必市以奉尤謹於養疾侍立不移尺寸或連日夕病甚焚香祝天以身代歿則慟毀欲死諸親知解之而後少進飢粥三年不知肉味卽禪朝夕哭奠如初喪每言輒飲泣廢箸生忌日未明而展墓已薦丁祠不赴宴會客或強之來閉目袖手淚如縷縻坐皆無歡自是遂不強也母有廢疾三年轉側須扶不踰闕所司趣受除謝曰一日之養三公不易是區區者安足道哉同人賈有維揚逮必子八往媾爲割萬縉子之終不去母竟死子長不勝喪

卒子長大父死哀如父母慟不及事太母葉哀如太父而乞言于名人爲不朽太母夏繼也事之如太父哀之如母其從父早死而子幼爲葬其父母居食其身婚嫁其子女始太父以子長適孫遺命分貲當三之二子長爲經營贏得過當而中分之或曰如王父命何子長不可王父之子唯父與叔父叔父之子唯吾與弟吾兩人實一身夫臆與叩叩巨虛異類也爲之齧甘草卽有難負而走人何獸之不若言者愧服叔昵細人言開罪子長衆怒欲除之子長卒不校子長兩女弟爲蘇汪家婦其可儒者資之爲儒其可賈者資之爲賈周族之貧者

大溪山房集

卷之六十九

三十一

南

以歲周其尤貧者以月與日學者給筆札代束脩且卹其家無內顧而爲會于宗祠日省月試之賈者給資分無生產者置義田百畝次第受舖宗祠之建也初猶分任晚獨主辦已繕學宮爲文峰神臯神樓書院以輔形勝爲石梁木梁以通津濟脩普濟白嶽松蘿諸刹飯僧十萬費不貲客或嘲其愚子長笑曰卽愚不勝守錢虜耶吾聞五福三祝富居一焉謂可行義耳吾席先人遺有奇羨豈其使一人自封以產害也保傭匿其子錢不復問治生多暇展書伊吾倦則披覽名畫法書更倦則召客對弈風辰月夕盤輿畫艇游歷溪山行酒賦詩陶

遂如也與人傾蓋白首無二心上交不諂下交不
侵縉衣黃冠請謁不辭其母有婦德樂道人善能容人
適子長服膺奉守之母每語其孫若父德似我而相厚
實皆徵徵然年財四十有六子五人女四人男孫父孫
皆二人長子楠早卒其弟柯槐植栢皆有名而柯為勝
自史氏曰甚哉晉人之好名亡實也和嶠哭泣備禮王
戎曰骨支床阮籍母喪與人決贈既而飲酒三斗舉聲
一號嘔血數升廢頓久之皆謂其為名德而曰戎死孝
夫三人死所安歸乎如金子長言當之無媿辭矣

陳廣文家傳

大泌山房集

卷之六十九

三十九

陳廣文名嵩字子中先世會稽人國初徙居民實京師
隸上元籍王父榮父境榮蚤世王母戴從一而終五十
年璋三兄蕩其貲死無後獨持門戶又以居停代人償
責家愈落然而事母奉養必豐里稱孝子娶齊婦人生
獄已生公憐愛少子不苦以學公警悟絕常父口授前
人詩輒解邑試童子論策表判惟公成章弱冠為府諸
生攜李彭公亟賞之方肥川公者就彭擇婿彭曰陳生
少年于俗不諧然有後福方公遂以女字公與大司成
余公諸名士同師事奉常許公許公每語人陳子中我
輩人耿恭簡督學南畿拔公獨不與講學會鴈臚姚公

跌宕不羣又工詩與公調合姚以為仲子玄甫師因與
其長君及學博曹公結今契凡十一舉不收萬曆丁酉
始以明經薦所過齊魯燕趙山川占蹟登覽詠賦辛丑
調選人人言可謀善地公不可吾委運大化久矣遂除
常熟訓導諸生五百有奇往來疏數遇之如一而助言
游之後不能娶者每試鷄鳴起端坐畢比竟日上官雅
知公善屬文微索填委不以其間關說郡倅王公署縣
篆善公有冤獄挾數十金丐公為地不許後與王語次
及之王悟釋不問吏竊聽詐索其人金其人知為公更
持數金來謝公曰使吾為利辭多而受寡乎郡守周公

大泌山房集

卷之六十九

傳

三十九

試童子將朴其連慢者并及常熟諸生他縣生羣噪公
與言法言不聽擠公仆地侮郡守守幾不免事聞宗伯
議覺起常熟宜罷三校官督學知罪不專在常熟生以
公為證并其長得無恙次年督學按部應報劣生公以
邑遭大創諸生救過不給無可刺者令有銜屬公公艱
然無罪而戮士吾有去耳令中公左官周王府教授瞿
太僕勸駕曰王右文公必受知吏隱可耳公曰老矣不
能用也遂歸歸橐惟書百千卷篝燈讀如諸生時所為
詩文師古師心兩相得而有合多不存草其于經獨精
周禮手抄至再旁及藝術則日者家言漢魏分隸畫墨

竹妹有致事父母色養至老不衰母病爲文籲神以身代事兄白首同居所得月奉不入私室姑適張與鄒張喪子育所愛爲孫族人欲利共有以昭公公不取鄒貧子三人攜其中子而立之友人暴亡宗黨不爲後公定後者爲文告廟眾莫能奪婦弟客越歸無依養之家二十年而葬之以其先世誥命遺族人藏葬焉居恒無疾言怒色加僮僕于人無私親昵而少年傲岸者望之自遠性不耐暑而耐寒夏露坐達旦不寢冬則杖策獨遊金陵諸勝探陟殆遍徒步數十里不言勞于文長四六于詩錯出唐宋間於樂府小令分判節度窮極幼眇所得興圖地志丹鉛稽覈悉其土風坐照千里于梵教不甚領略絕不談神鬼卒之日命子書太上感應篇此勸善書也能力行之聖賢仙佛具舉矣少夢胡僧示以貝典病革若有僧誦經其側爲七言律詩一章示子沐浴冠服坐堂中云有所往啓戶俟迎者又數言當爲城隍神垂絕子問將何之曰城隍閻羅亦若人世煩勞但願得二親所在常依歸耳子泣曰胡不往生淨土曰吾素未習遂瞑面如生類尸解者年八十有四子諸生桂徵爲公狀多情至語文自斐然舊史氏曰余客金陵人言陳廣文先生賢未從遊也叔弟論常熟距先生去位時

三年知其事爲詳常熟諸生以叔弟之好交余者亦數談陳先生與子狀合余是以傳之

范邑倅家傳

魚臺邑簿范君名文煥字鳴唐莆田人也其上世居吳之天平山爲宋文正公裔有朝奉君孟八者避難徙莆九潮山數傳至良叙稱高貲賈人子大淳爲文昌簿子一川是爲君父君甫七齡而父卒哀若成人既長奉母與其王父孝家無一算之復乃弃去舉子業爲掾史年三十除山東陽穀尉時苦河決當事者簡健吏分職任功而以屬君故事隄繇率冒虛名而主者受其直所侵牟薪芟之費稱是君集諸繇河干而矢之曰河伯不仁使人爲魚而又勞千里外之民治之是陸沉也吾敢效尤前人助河爲雷神殛無赦故諸役夫食饜而力作事半功倍行河使者以爲能君十九在河十一在邑而魚臺比壤其倅亦與君同事好上人驕稚君而以乾沒坐律行河使者舉君代之其人望曰是嘗啻我不加禮而整我者也而君若弗聞至以其奉稍爲償所通聞者高其誼君名既起益發憤畢誠胼胝版築間前後十年所受臺檄褒勞以十數大司空舒全州楊安邑薦于朝語具兩公奏議中

上大資河上諸臣君與賜金無何左官崇王邸黃陸兩

水部龔觀察深惜之議以所居官仍治河如故而公謝

曰實命不猶人無若何卽解職還卜金陵鐘山之陽家

焉迎其王父與季父來居之生則色養沒則孺慕君生

平宦跡所至惟伯兄與俱無私貨財兄率君中分之以

授其子其子甚不類數傾蕩君數裨益之久且并君之

田廬蠶食幾遍誨之不從治之不忍以此鞅鞅少歡趨

而日督三子務學立身爲保家之主云其卒也前知當

在某日深以不終事母爲憾君游於酒人徵歌選伎浮

白呼盧百萬可付一擲食客累年不厭無子者以金助

大泌山房集

卷之六十九

四十二

其買妾負責者焚券或給之垂橐以應卒無怨言余友

楊孝永論薦君子也爲道君生平甚悉余識其大者如

此舊史氏曰嘉隆以來河渠之爲菑患也烈矣豈一手

一足之力所能辦自斗食以上莫不需才司空取節冢

宰求全所去留往往方柄圓鑿不相入使鳩僇功中道

而廢畢父所以戒掣肘也余於范君重有感焉

大泌山房集卷之七十

京山李維楨本寧著

溫太公家傳

溫太公名朝鳳字鳴岐陝西三原縣人也縣有筠岡白

號筠岡山人生未浹歲父卒伯兄才九歲稍長母若兄

命之賈服用無贏副挾貲甚微顧獨饒心計不數年息

十倍而忍節嗜欲串販羶羶雖潘瀾炎餘莫之棄也至

事母必肥甘輕煖不惜費母好事神近則里之嗟峨遠

則晉之五臺以筍輿昇母而身跋涉從之母好施尤急

于孤殘恒先意奉行隆殺因其分豐約因其時嘗買蜀

大泌山房集

卷之七十

家傳

忽心動趣裝歸衆留之泣曰小人有母得無有不豫耶

暑而暍寒而嗽寢而莫宥坐而莫侍行而莫先莫後安

用子爲走間道累舍重趼至則母傷足卧病矣醫藥禱

祠唯力是視唯日不足乃罷賈爲農朝莫奉母視可伺

間而後白事閨門之內戲而不嘆母卒而哀且毀也祭

葬賤野而羞瘠須足以容事事足以容成成足以容文

卜兆清谷之陽形家相之曰吉問所由得地狀則莫不

嗟異是天所以報孝子也伯兄無子以女兄之子綱爲

子女兄貧爲其子女婚嫁爲授其子貲久之折閱一無

所問綱之受室也與其兩女遺嫁皆于公取給終身不

貳釜久相待遠相致也諸子澤紀諸孫豫吉十許曹悉
收養之紀客湏久不能歸以屬伯子于諸其家族有老
幼焉有疾病焉思其不復者而先施焉養外母雒與丘
嫂母申禮亞於母伯兄之卒也付公遺券一篋發而視
之多窶人子嘆曰伯氏所不取而吾以爲利乎蓋以爲
伯氏德秉畀炎火諸通子錢家頌聲載路矣孫氏子病
疫且死衆懼連染不敢往視公獨親數存之爲之嘗藥
其賈蜀也羣盜薄舟舟人懼莫知所爲公關弓射三盜
應弦而倒盜乃走舟人羅拜公謝更生之賜公面正紫
兼髯微有髯燕居不苟嘗笑往來過人不履影從長者

大瀛山房集

卷之七十

家傳

二

遊行則爲負無席則寢其趾與衆分財出若人若均平
辯治交友聞善相告見善相示有過必規夕改則夕與
之朝改則朝與之鄉鄰小闢大怨片言立解接誘應會
鮮有牾者料事成敗決人臧否往往奇中所過蜀楚燕
趙吳越齊魯韓衛必登覽佳山水訪古遺蹟夷猶不忍
去末年深居簡出好手談或竟日夕里社推公祭酒故
舊密戚談說聲聲忘倦非義相干輒拂衣起不顧既貴
約素如初服不佻聲樂不流汗出於其門入於公門出
於公門歸於其家無私事也伯子純官太子太保都察
院戶部御史初舉進士除壽光尹戒之曰昔吾從高祖

嘗宰是邑民去後見思官何論崇卑哉故踐廳中外有
古大臣風節仲子編以諸生入太學以材官至游擊將
軍諸孫皆有門風公嘗行棧道騎蹶而墜大壑江行驟
風浪蹴天舟且覆人人面如灰土公默禱援柁迄無患
年八十有四見伯子爲八座生受三命沒累贈一品賜
祭賜葬鄉有義服宗人倍其喪算生榮死哀三秦稱純
嘏無如公者其積功累仁天陰陟之宜爾也伯子嘗集
里中高年九人做洛社爲會公髮形于邑是何能久頃
之病不食不藥曰此吾大父吾仲父吾母考終命之歲
也吾何求焉得正而斃斂無厚哭無毀遂瞑其達生有

大瀛山房集

卷之七十

家傳

三

如此者舊史氏曰人言好肆不守折長者不爲市豈其
然乎溫太公事親之孝也睦族之仁也訓子之義也臨
財之廉也順命之正也長者哉市肆何病焉余嘗祝太
公以方鳴夷子皮蓋貨殖而身用世者太公身未盡其
用稍見之於子耳夫亦有貨殖而隱者茲高段干木諸
賣藥賣漿之徒是已太公身處潛見之間初幾爲買掩
晚幾爲子掩關中富商大賈其章尤異者太史公不一
書而足徵哉何足道於太公之前乎

孫季公家傳

孫季公名一誠字明卿渭南人也所居近下邳自號曰

邽野上世山西洪洞人元季有避地渭南者占籍仕西南里數傳至景陽景陽子爵皆有處士之義以公伯兄一正爲順天府尹皆贈如其官公少文弱父母愛之不欲誦書作勞公亦涉獵大義恥學俗儒章句年二十有四爲諸生益個儻豪舉撫鳴劍而抵掌志馳伊吾之北或調之是兩腕不能操如椽筆寧堪格鬪公奮曰丈夫剛知不鬪力會有虜倣詔募民家子從軍倣漢入貲賜武功爵其有茂才異等不靳封侯之賞公應詔除潼關衛署指揮僉事廉不苟取士樂爲用服官若習貫而加以銳敏肄兵屯田旬校尺籍伍符督游徼禦寇四境

大梁山房集

卷之七

家傳

四

家老甘卧巷無聚人上官嘉其能俾平亭疑獄而有女家貧富人金奪所字窶人子之子女之饋公兩銀壺公白狀寘之法卒以女歸窶人子事聞縉紳大夫愧不如也是時伯兄貴絕不丐一言先容慨辭傲骨鮮所下以故中丞直指後先檄勞公數十而未有能推轂于朝者公嘆曰時乎時乎鄉者椎埋屠販坐致王侯今却走馬以糞雖千里足將安用之吾其歸矣而伯子少司馬業已補諸生著名字爲後進冠公勤教必竟所欲爲三世同居伯兄宦遊仲兄操家乘而食指衆居第感迫謀析箸公前揖謝兩兄夫起家亢宗光照秦國伯兄之功也

承家阜財寧我婦子仲兄之功也小子邀福假靈曾何敢比於是請受地遠且下者退而語司馬吾聞瘠土之民勞勞則思義吾家叔敖處寢丘計深遠矣孺子識之司馬舉于鄉尋成進士官行人選爲給事中公拜命從子爵而金紫如故折節滋恭間勅其偶趙孺人多儲美酒召客客霑醉甫罷人無賢不肖闔門車騎交錯在所問里盡滿鄉人操書致來恒倍其直卽以下產相蒙弗與校或疑非情且誨之欺公笑曰吾力能溉田境墉者可沃饒能繕室秋隘者可夷塹彼夫計畫無俚而捐其產奈何扼人急難時乎稱貸不能償輒歸其券鄉人呼

大梁山房集

卷之七

家傳

五

爲聖人每昇監筭之下邽田庚褐父牧豎樵童若婦女輩鼓掌譁然孫家老聖人來矣趨而迎必下揖之班荆坐而言或釀金爲會或遞相邀致其家累日夕酬酢談詠不厭生平與人言無隱情故所受德一飯不忘更不知何者可芥帶于胷中見人過和顏色博論贊而收正之然諱不使他人聞如其改也欣然獎許之淹粹無窮迨老且貴不改其素而事關名義篤信固執屹莫可干足不入公門手不作關說書郡邑長吏更造請輒謝不見下邽城有寇萊公祠雅慕其人風節祠圯捐貲倡而新之以寄高山景行之思云少司馬爲給事數陳讜言懼

得罪爲公憂公寄聲吾曩欲以武事自見不難捐七尺軀兒爲邦司直成敗利鈍又何計焉司馬論列有折檻請劍之風聞公未疾請急歸省戀戀子舍而公不可趣駕北上未數月聞母以侍公病不勝勞病病矣復請急不待報而歸銓曹言非令甲所宜恐後避難者以爲口實奪官三等歸而孺人已及公勞苦之日者趣兒入官老臣借手冀小報國庶不負爲臣兒今以母故左官庶不負爲子聞之已事失官離局寵名皆棄山郎出財休謁洗沐國家體羣臣良厚兒勉之哉閱半歲公用前疾卒司馬醫藥棺殮無遺憾人謂公盛德之致鄉人臨喪哭日數百千人趙孺人事尊章睦娣姒訓子孫與公儷德而成其孝友愛勞之美有女適郭斗南以哀父母死渭南人稱之孝女司馬名瑋今持節撫畿內諸郡世所目社稷臣也舊史氏曰班孟堅譏司馬子長序遊俠則退處士而進姦雄孟堅遊俠傳具在所登進處士何人又言齒翁孺兒長卿陳君孺韓幼孺繡君賓漕中叔恂恂有退讓君子之風不爲傳何也孫季公溫良泛愛振窮周急有絕異之姿俠士哉身貴人弟貴人父生爲萬戶長爲夕郎沒累贈奉常中丞位非處士行則退讓君子君臣兄弟人之大倫也進退辭受有足術者史臣

大泌山房集

卷之七十

家傳

六

如欲補子長孟堅所缺略必斯人矣

周太公家傳

周太公可學字得祿其先江西吉水人也隋時汾翁官會稽刺史下家廬陵傳五世沂濱遷吉水泥田十五世溥深出贅大水田有五男子仲曰肇倫肇倫生欲壽欲壽有三男子長則太公周氏代有顯者至贅後曠僚矣太公奮曰士何常在明經距躍下帷絕不同生產兩弟患之爲家督而四體不勤田卒汙萊徒苦我耳欲壽公迫得太公成名捐千金產佐讀而兩弟意不無歛望太公乃以產昇兩弟且屬之曰善養吾二人吾其遠遊矣躡躡躡躡登浮彭蠡而下至廬山與白鹿諸賢論學者二載已西上武昌登黃鶴樓賦詩壁間有貴人奇其才欲就見不得沿江遡漢至襄陽舊縣里公頽而豐下美髯儀觀甚偉談傾其座人有吳翁者識其非常當里中授室士爭來受經三年徙南漳僻左不見可欲使心不亂公意安之矣以其籍自占益通習百家諸子之言而尤長於詩與易漳人士從之者先後百餘人或啻食太公家或僦鄰宅居太公亦爲之共而不問束脩多寡有無門人以科貢發跡者孫輝曾朝葉文炳丁應宸魯繼冠等數十人會聞父母喪奔還盡攜橐中裝治葬不以煩

大泌山房集

卷之七十

家傳

七

兩弟兩弟猶以父命恐不能保所讓產太公笑曰夫不
階尺土者非人子耶兩弟守成而吾創業請從此辭兩
弟心始安而太公復還南漳不相聞問者數十年漳令
陳君朱君請以塾師居太公固辭不就以儒士應舉者
三督學使許公令補弟子員亦不就月未所餘息之漸
饒而滋奸施歲時置酒召諸稱貸者畢集酒竟對衆取
其不能償者焚之長女爲諸生王氏化婦而寡女以
間請曰父老矣兩弟幼未亡人不能出庭戶有知不可
諱父將安歸太公大驚是女也而有丈夫識乃相地得
青泥灣吉還以語女吾獲死所矣葬此後當有興者無
大泌山房集 卷之七十 家傳 八

何卒遂以其地葬行年六十九而舉伯子夢陽七十九
而舉仲子夢吉置夢陽膝上授書不達則左手按之右
手杖之夢陽十二失父二十七舉于鄉尋成進士司理
漢中召爲司空尚書郎遷按察副使治兵維揚督學中
州已晉參政治河淮上爲世聞人凡三以其官贈太公
至中憲大夫太公別號柘溪大水田故柘塘地示不忘
故也人稱之柘溪先生李生曰余先世亦自吉水徙蓋
太公同里人高王父卜善地而葬形家往往稱之然必
四世而後興太公莫年卜葬地不二十年子遂通顯何
興之暴也夫捐千金產與其弟獨持一編書跳萬里外

能使徒衆贊聚斬之蓬蒿藜藿而處焉高其閭閻又抗
志物表即茂才異等不屑爲也其才譚操行度越人遠
矣語曰人傑則地靈詎不信哉

張財公家傳

贈比部張公純字某金谿人也先世自鄱陽徙東鄉箬
嶺宋紹興中以明經教授撫州者曰啓新寄逕金谿土
橋嘉其風物之美遂築室而占數焉勝國時有爲興同
判者其後人布衣貴和瑰意琦行超然獨處三傳生省
巷居士歟再娶孔生公幼沉靜有崖檢羣兒嬉戲者不
屑就也進止如奉表識甫訛從楊先生受易質疑問難

大泌山房集 卷之七十 家傳 九

必晰乃已甫髫取大儒所著蒙引存疑諸書檢括參合
同學高第艾令君樂司馬稱善居有頃父以食指衆命
諸子析箸公叔子也伯仲故幹家有成勞蓄積餘業而
母又憐季子田宅美且便者以讓諸兄弟脫身介居當
門屋三楹蓋茨不翳風雨漂搖無窘色久之將更乘屋
而父察公貧語諸子吾所餘自贍粟可百斛囊可千金
子叔爲助病彌留復屬公若作室毋左意以左于祖載
道迂回故公諾父卒過慟殆不勝喪諸猶子復分前金
與去中堂左廣而右南隅有曲巷親知匠氏皆曰若無
偏左如翁言則東廂無立錫地非制也何以居子孫公

必不可大人言猶在耳爲子孫計而逆治命安用子爲
卽柱石無所虛懸其上夫誰曰不然率躬多酒過愎而
好勝徵怨鄉曲儼子成質首之仇在其掌握中數矣公
常左右翼蔽之寢解山林與季中分差廣三之一而材
殊鮮季鄰豪勢非追懼爲掄剽請公相易從之後三十
餘年豪死而公樹木長季請得如故宗老怒曰何取約
束紛更之爲始提空名以嚮兄而欲厚自託已乃棄言
乎義不受兒女子所詐有勿予公謹謝之凡今之人莫
如兄弟父母之所愛亦愛之是區區者何足置齒牙間
在彼猶在此也割三之一恣所欲終善遇之不以爲言

大泌山房集

卷之七十

家傳十一

東髮砥礪名號白首彌敦不侵侮不好狎風標秀舉世
鄙望之却遠又能回容宥其小失婉顏和辭底裏上露
人人以公親已有爭質責負者悵然嚙口衣無兼副木
器無文羹藜令糗終身不改其樂而事親溫清奉引無
不虔也旨甘柔滑無不備也事神吉蠲爲饘無不恪也
賓朋慶弔酬往無不具也吳天禧隱其田賦猶子其籍
中家坐是敗會籍田吳遣人私啗公勿言公長呵之瘠
人自肥不義規小利而重困猶子不仁我弗能忍見也
君子謂公於是乎君子外舅外姑家溫富而恥下人居
邑屋或言祿命不及中壽且無子心愠遂爲無子有傳

手困矣公計米鹽薪水之費敕守舍兒日走邑中供給
相屬于道十有六年不倦旣老逆至其家朝莫上食體
甚卑有子婿禮陳翁嘆曰生男不如生女信然比物年
皆九十棺殮封樹耐家廟血食于今不衰楮無長貲而
好儲裨官野史星曆醫卜之書朝夕披覽帶而鋤乞薪
而照看麥而漂截蒲編柳而寫無讓古人猶以儒不成
名事乖志負爲憾諸子中才叔子而督課之師友盡知
名士避寇汝東與謝文部鄰其弟登州君財總角孰視
之曰此謝氏芝蘭玉樹也令叔子同席研書李觀察劉
孝廉皆諸生見其舉子業好之因爲仲子結社親脩具

大泌山房集

卷之七十

家傳十一

兩人先叔子偕計吏意不無小望然數寬譬叔子趨舍
淹速各有時耳毋謂我旦莫人不能待也公卒之五年
叔子舉鄉書成進士所心儀四人者內外皆驗獎訓士
類識深甄藻時人以輩前世郭有道云舊史氏曰豫章
諸郡大儒輩出蓋有金谿之學焉始末嘗不急躬行未
乃徒託空言也張公不忘親命不揚季過沒身不衰孝
弟哉令子夏氏見之必曰已學矣叔子名廷相

井陘霍氏家傳

井陘霍氏蓋文之昭也封於霍以爲氏乎姓散處三晉
間由平定遷井陘者自贅始贅子友剛友剛子英英子

尚德身七尺眉目如刻畫長美有園在東坪人號之東園公客問將自北商顏之船乎公奮曰彼丈夫也我丈夫也豈以古今時代爲限構屋園中讀種樹書而慕之其東房陵之李其西太谷之梨其南綏山之桃烏桕之柿其四隅文杏櫻桃之屬皆嘉種朝夕率童僕抱甕汲而溉之封土撲蟲除莠剪蔓華實繁盛爛若披錦碩大甘脆北土所無環視而喜橘奴千戶侯安足道哉果熟時先采以薦祖考次以獻邑大夫博士次以饋三黨尊宿若賓友鄰里而召諸衿契張幕園中爲十日飲觀者不問姓名恣食之或笑公諺言十歲樹木百歲樹

大泌山房集 卷之七十 家傳 十二

德公誠善樹顧德安在公掀髯大笑吾果與人共之不取直庶幾德之小者子朝用是爲吏隱公幼慧過人父屬之曰汝宜學儒見用于朝因以爲名退而縛雞書案之足雞鳴輒起受書遂爲邑諸生學使者按部試士忽疾作不能就試學使者疑其非實黜之已而病間冠庶人冠謁父父患曰舍諸生冠而從此是爲下喬木入幽谷矣輸粟拜爵一級郡大夫聞其能記下縣使攝倉曹公不可郡大夫慰之若無靳孔子嘗爲委吏矣乃就列三日條上利弊若干事郡大夫稱善胥史以下毋敢爲奸利者公贊善類父白質鴻碩好乘白馬驟而過市有

工姑布子卿術者目之曰白馬生仙仙乎大類吳市門卒公謝曰仙則吾豈敢吾姑隱於吏耳人因號之吏隱歲時數休沐省覲二人而以四月十有四日生仲子岱或謂與呂純陽同物可施財益壽公言吾家無長物東坪收麥三百困西坪棗百餘株悉以乞族人行人曰此吾兒湯餅會也其豁達如此會東園公生日歸上觴留其僕張斗于倉曹所郡大夫詰問斗倉粟若何今有幾斗不能對予杖創痛數日死斗父踴門而詬汝飲酒樂而令吾兒代汝死乎公聞之驚喪匕箸痰驟起咽如車輪轉召醫藥之不受卒先一昔夢道人赤肚子攜其手

大泌山房集 卷之七十 家傳 十三

而吟曰免蔡無草蟻酒無水一人來叩絲有色矣莫解其故卒之歲爲癸酉識者寤道人蓋隱語癸酉命絕四字也是時岱甫二歲其母楊節婦二十有四歲將以死殉東園公涕泣而道之立孤與死孰難母弟以一死塞責楊乃已每歲首則攜之立門中而刻識其身長短已訖出就外傳東園公多名田以田賦出馬上之太僕歸而詔其孫吾見長安中貴人心慕之率以儒業起家孺子勉之哉公唯唯既娶婦生子矣業不就束書長嘆太父老勞母尸喪人命不諱一朝有他且復不相見五鼎安施母曰然遂受十一行賈清源息恒三倍養太公太

母因母無所不豐潔而更繕治其室爽塏華整東園公持杖往擊之無以土木勝人公以故擲節退讓富而好行其德兄獄有遺孤季崑困于酒皆減產幾無以自存周之百方宗有繫縲繼非其罪者贖而出之或探囊肱篋而逃付之不問里兒蔡強孫定輩若而人負租粟悉焚其券高萬岳宗仁輩若而人無家無後調棺殮立義冢葬之市有被髮而走者尾之出郭則雖經林中呼而下之若非郝氏子耶乃公力能居問何至此邑城西孔道秋水時至行旅滯浮出粟百石錢五萬爲石堤捍水利涉至今晚而好弈豁然大悟誰謂弈小數也哉夫世

大泌山房集

卷之七十

家傳

十四

所善友人幸酒宴樂步登白華山酒酣耳熱擊筑高歌揚揚自得也三年鵬成進士爲潞城長子令則槐庵公尚無恙傾筐篋畧之爲官中費母傷爾廉用是所至願清白聲而石亭公角巾布衣偕平頭奴子策款段往視令微行微問治狀邑人不識爲令父也具以狀對入邸呼酒自勞令不愧爲人父母吾不愧爲人父矣考績奏最按令甲得封石亭公如子官謝曰吾不能致身青雲之上以其貴貴吾翁而乃以子貴耶辭不受無何有母喪哭之毀三年不御酒肉而虞傷槐庵公歡招客善弈者虞侍之數馬揚輝誚諧呼笑酒如澠肉如林不以服

大泌山房集

卷之七十

家傳

十五

請所以治郡者曰富之教之孔子適衛兩言耳夫何加焉一日撫其庭中槐太息曰樹猶如此人何以堪未幾疾作子孫進藥不嘗而與之訣凡三事無廢耕讀無忘忠孝無厚葬遂瞑鵬今爲僉都御史有嘉閑累贈祖及父左布政使東園公子一人年九十六吏隱公子三人年四十有七槐庵公子四人年七十有九石亭公子二人年五十有二舊史氏曰異哉天之祚霍氏也吏隱石亭兩公始爲儒不令竟其業又強死抑何左也東園公槐庵公壽矣奪其子孤其孫蔑其婦損歡樂之趣爲多又何靳也高年人所特有霍氏間世而見若取諸此以

大泌山房集

卷之七十

家傳

十六

董太公家傳

董太公名萬斛大名府開州人也其先家山西之澤州曾祖某雄于貨賈魏博間成化朝族有戍上谷者以軍興詞疑虛惕族人更齟齬某某奮曰大丈夫豈必守故丘可生活耶去而違之遂家開州以其籍自占再傳至太公與其伯兄脩業而息之帶郭千畝畝鍾之田馬蹄蹴百牛倍之羊埏五之粟粟千樹薑韭千畦他果蔬千

鍾薪橐千車酤千釀千貨金錢千貫布千純鼎食擊鐘乘堅策肥豪閭右矣而獨奸行其德解衣衣寒者推食食餓者自三黨以逮四鄰有差等其於絃誦之士宴加邊幣加兩故太公在布衣中而士尊事之不敢以賢知先四方慕義者集其門如市既舉子觀察漢儒而材之使就外傳曰吾能爲博士家行孺子當爲博士家言觀察遂以其言舉畿闈舉南宮太公喜孺子言效矣行顧其言可也且吾先世逸民至汝而列薦紳何以承之約已愛民平心處事此八言終身可也觀察謹受教司理河南以明允稱考最封太公如其官太公服章服頓首

大泌山房集

卷之七十

家傳

十七

於先人之靈尋篋而以褐寬博徒步從田父飲田父遜不敢當太公大噓吾豈以小兒輩驕人久之觀察以高第應徵當授臺省有太公私念臺省者與天子宰執相可否脫不當責四面至矣已而除計部郎乃大喜旣權稅吳關太公勅以蠲苛政寬商商更輻輳所入浮故額以治石堤太公復稱善而會島夷蹂躪朝鮮特東計部郎治餉時郎以南方卑濕有河魚疾將上書乞小休太公趣治裝此事關國家安危兒何可辭觀察淹卹海上其母張孺人思之流涕而太公時慰藉之兒自策名委質非吾兩人有矣有孫業爲博士子弟員與兒膝下何異

三年島夷遁觀察以治餉功受上賞尋拜分巡濟北之命歸而觴太公太公勞苦之已復言山東京師股肱地其民任俠易逞孺子善御之凡二年齊人訢賴之如百穀之仰膏雨焉而河大南徙徐邳漕不通復用觀察督漕太公移書言河決而防漕病在喉舌徙而嚙陵園病在本根此其重視島夷患不啻倍蓰孺子昂哉其年上建元良太公封復如觀察而母恭人太公始稱老恭人少太公二歲自觀察登朝太公未嘗就宦邸吾所不足者非祿養兒所有餘者在善養觀察不敢以官中絲縷爲太公壽而謂其所知李生今爲人父而以子貴爲

太公山房集

卷之七十

家傳

十八

劉太公家傳

劉太公者名宗伋保定之新城人也其生前一夕父月夢神爲言畀爾貴子子以子貴覺而異之不能解詰朝

舉公狀不類常見長而多質有威重好儻大節不事家人生產作業其人強有力恥爲之下必折之其人慈良寒峻必善遇之其人爲不善色勃背淪必數責之其人急難必傾身周旋之按古方書爲管仲濟病人全活不可勝計竟不問其姓名于古嚴事漢關忠穆建祠舍西已千舍北祠玄武客諷公非其鬼而祭若何公曰是非乃所知詩不云乎神之格思不可度思吾以攝吾心耳初治經生業以意爲師與時尚左去之讀金版六弢工騎射應武舉以所對策斥指朝政不錄而會房山有異人從之游隱居上方山及諸蘭若跏趺蒲團修心煉性不復有豪舉態矣伯子時濟爲諸生所師友皆人倫選負笈行脩之費公挫其恒產以供無乏久之成進士爲鄴令鄴民困牧事而巨室冒非所宜復租者近萬石令不敢問以質公公勅之曰吾在布衣之位剛亦不吐令者百里司命狗強禦而執特之不卹惡用令爲時濟奉其言汰之鄴人愛戴令若父微知其故則更誦公衆父父也時濟以治行高等徵入給事中朝多秕政欲有所陳說懼得罪以貽公憂公言吾生平慕朱雲之折檻馬援之聚輩恨不逢時

上幸以小子令鄴最疏爵而及老夫比于外臣將假手

太公山房集

卷之七十

家傳

十九

小子以報君恩即碎首玉階有餘榮矣時濟謹受教後先封事凡萬餘言而會宮殿遞災國本未定時濟諸其僚詣政府請先上疏百官伏闕號泣隨之政府揖謝君言幸甚第恐過急耳時濟厲聲曰先生無乃過緩耶已露章劾政府不法事坐謫海濱海濱廣斥非北土所宜時濟戀戀公不欲行公勗以大義小子委質公家故非吾有且夫諫而得罪至死猶有生氣况薄謫耶謫無何上悟小子言不難逐鼎鉉大臣豈必交戟之內可申其志哉而公年七十有九忽遽疾時濟因是以左右就養卒得受訣待舍殮里人奇之以爲公受異人方宜壽乃

大泌山房集

卷之七十

家傳 二十一

失其母王孺人迄于今傷痛切至四方薦紳學士爲調若詩表章之者數十百人余悲其志附兄大略云

鄒次公家傳

嘉隆間海內多理學之士不勝舉矣莊生有言儒以詩禮發冢此中士也下者竊國爲諸侯諸侯之門仁義存焉耳其上者行不揜言不言而躬行吾得之鄒次公作鄒次公傳鄒次公者名夢龍雲夢人也父貧就食漢川七年歸貧甚次公方亂常夜起操作以爲養依某子甲誅茅而居之甲誣侵其父次公奮曰壯士寧終溝壑哉無爲人所辱去之并日而食顧其好學日益勤年十九補邑諸生邑諸生所誦習不越舉子帖括次公獨博極羣書裨官野語古文奇字無不窺也其于邵氏經世蔡氏啓蒙奇偶分積之數杳眇汗漫之指尤剗心焉邑令聞而禮致之師塾次公抗顏極論得失無小諱令若子弟嚴重之邑有大祭及大慶會必先至蒞事衆聚而號浪必割席坐進退不失尺寸令黃固已日攝之欲省其私會大雪綿鼓既具雪沒兩墀中夜使吏導次公盍姑山甬道往是誰知者次公不可黃聞而嘆曰君子哉不爲冥冥墮行矣有招入講學會者謝不應杜門作日錄錄日所行事無巨細其善者志以白其否者志以

大泌山房集

卷之七十

家傳 二十一

黑久之皆白座右書趙清獻公焚香告天語而旦夕行之迨老如一日倣朱氏禮爲祠以栗爲主爲櫝以今俗節代古四時祭列四世生忌辰于祠屆期齋戒奉祭其居父母喪孺慕柴毀不聲立旅行事其兄撫其兄之孤必依於禮里中少年非笑之放然不顧性不能容不善卽無論今之人有過而數之其誦史至貪倭奸慝輒髮上指手擊案詈詬不休左右咸辟易以故自六戚及授業弟子外鮮所延接而中實無臧怒宿怨又好賑人之急道見偃卧者以告友人友人曰是天之戮民也死晚矣不聽脫衣緝綿之而遠方之民僞齋衰扶杖而泣親

大泌山房集

卷之七十

家傳

三

死無所歸走告所知爲之賻衆誦其愚次公曰吾盡吾不忍人之心而已君子可欺以方庸何患嘗欲爲義倉置穀以贍族力不足而罹伯子觀光既成進士里人以百金丐居間輒然不悅曰伐國不問仁人吾寧有不足所耶而以汙我其人踟躕而退而手書貽觀光吾雲夢二百年間成進士者惟程侍御與而兩人而豈以進士能爲也重耶士固有進此者大人不失其赤子之心不沽名而名立不矯行而行高孺子勉之哉次公少雅意天下事字曰叔見以見志中有不平時發于詩歌其經世才微具于金蘭集若學庸易說居家錄諸書晚而懽

然曰時不我與矣何所見爲取乾初九之繇更字勿用別號潛野疾革夢儒衣冠而稱仲由者贈之詩寤曰是吾之所畏也將從地下遊矣遂卒李生曰孔子之設科也因材而篤二三子學焉而各得其性之所近不諱所短不誣所未至夫其得仲由而惡言不入于耳比于禦侮之臣詎不稱高第哉然而由也言不讓不闕疑鼓瑟于門慍見于陳喜于浮海不悅于見南丁之屬終身于不忤不求之境往往洞見情實不復彌縫故孔子救失長善達才成德勿欺無倦兩言蔽之矣今之儒者大都諱所短誣所未至莊生之所謂竊也其諱此夫余聞鄒

大泌山房集

卷之七十

家傳

三

周太公家傳

周太公名冠字惟瞻無錫人也其先出春陵有官兩浙官樞使者望定濂溪先生孫始家無錫子孫若著作耶執羔二聖通好使次說參政伯琦處士與乙軍前提令慶二綱運官均禮均禮子允常允常子澤俱有聲澤三傳爲處士漢是生公漢侗儻有大節莫夜投金者呼鄉

人共逐之家以故益貧既生公法相殊異年十有六從
世父二峰風雪兩翁受春秋曙晰大義而王父母具在
又曾王母二人叔若姑弟若女弟五人無以餬口乃棄
去逐什一以供仰事俯育一門之命縣於孺子矣二十
受室于樂未幾卒繼室以鄭甫三日創食佐賈索差
增於往兩曾王母踰八十王父母踰七十甫卒治葬與
祭簡士族爲五人者治婚與嫁有所竭情盡慎致其敬
而誠若有美而文而誠若父受成事而已曾王母卒執
其手而詔之孝子慈孫惟若一人若尚無子吾請于帝
昌若之後以繼若志則子繼昌所諱名也此忱父母喪
哀感路人無不雪涕葬祭倍敦諸弟受成事而已以父
命食指衆析箸至禦外侮償官逋賑字其孤寡唯力是
視恒曰五服之親猶五行一陰陽陰陽一太極也先人
圖書云何而何問之有祖墓失其處者修明之宗人困
厄者周之鄉黨鄰里有無通共掩骼骸救焚溺不可勝
計所舉獨子而居然放之嚴五歲口授書夜然燭寒然
薪必竟業乃罷屬文必伺師友所點竄若何而後卽安
家閤閨室必反鎖不得窺外戶郡守施公月一試其子
必載小刀俱往吳俗故好靡麗爲子治衣冬木棉裘夏
桑衫時加澣補焉跬步失度輒執何之子年二十不偶

於里選無愠色已爲諸生試高等已舉京兆第一人成
進士爲春官尚書郎爲督學使號清華之選無喜色子
初第亟勵之無負科名除給部郎丞成之無潤脂膏郎
佩其言捐不急之作汰冗食于石幾爲閩人戚里所中
再除祠部郎使唐公春秋七十矣過里爲壽學士大夫
歌賦誦祝之尋以奏最贈封公如其官醴醪縑質不忘
故素子以九門工賜金幣治衣一襲奉公實之篋累年
不啓少嘗爲其所侵子請雪恥公笑曰吾不復省記矣
除夕走姑蘇脫徐某于難以金謝謝不受郡守王公賞
拔子特甚客丐子居間公艷然是何言與乃入吾父子
耳邑禮公大賓強一再赴後數以出亡爲解浮沉里閭
雖廝役扈養不名其名見少年儒士下之微時布衣之
交攜手徒步過從無厭鄉人服慕公高誼益爭歸焉有
關需片言而構是用不犯于有司宅旁築小圃歲強半
居其中親戚情話一觴一詠自謂樂鳩之樂不敵此以
是子宦四方御安車擁鍾鍾皆不就鄭安人相公爲德
四十年不及稱命婦以沒心傷之自是寡歡趣後八年
亦卒子卽繼昌字文伯督學晉楚得士爲盛故事禮曹
郎以僉事爲平進復在楚南三苗舊壤征播之師起區
畫兵食頃時而辦前後積資十年不調青蓋敞如垂旒

從面余時嘲之屢推九卿見格最後稍遷叅議遽以病
免其趨操如此舊史氏曰余與文伯游朝暮見一出言
而不忘父母已讀祠部公行實文伯學優仕優率秉於
貽穀非此父不生此子善則稱親宜矣

胡贈公家傳

胡贈公名世冕字大周宣城人也先世宋邦衡公家廬
陵五世孫明定公徙高溪數傳至前溪公友祿益弘先
緒有子四伯爲鄧州別駕公世臣次卽公叔世泰奉世
舉皆蒙舉獨公不樂榮進弱冠棄去博士家言務爲躬
行君子居恒稱天命靡常日鑒在茲所行事必可對越

大泌山房集

卷之七十

家傳 二十六

在天脩父故業而息之然恥夫逐時如鷺鳥者聽其自
至賈乃更贏而好施比閭族黨沐浴膏潤爲多其於矜
寡獎獨尤所加惠時傾橐振之貲母錢者薄取子通者
積歲不問久乃忘之矣吳某以牛償責既子券復奪牛
歸公笑曰吾歲所不收寧直于牛而豎子何不以情相
歸而行詐耶胡復大久粥其田陽爲具幸公况之坐定
言取田而削故直強半輒鍵戶喚目出不遜語公笑許
之諸子靳之將報侮公復笑曰吾空洞腹不能容此一
夫耶治室得大木而族子斷而瘞之其麻其上迹者得
而出之則挾其老母相抵公曰家人不解事誤搔而田

大泌山房集

卷之七十

家傳 二十七

中麻倍酬其種已而奪牛者與族人母死無所藉口爲
難公語諸子吾今乃益知小不忍之產害大也無衆寡
無敢慢上帝臨汝孺子戒哉東庄歲入高廩皆滿明年
饑無賴子縱火焚之鄉鄰爭來救因以勞救者已出糶
用賤買全活人以千計縱火者亦遂剪焉傾覆矣秋斂
時鼠竊往往而有公勅守首吾聞遺棄滯穗寡婦之利
彼餓夫所竊幾何而拘執之僇辱之且被此名以死也
終公之身未嘗捉一偷詣吏人號爲真佛與人無片言
卻非意相干宛曲就之足不入城府郡倅某刑名繩下
誤逮公衆爲公危比入對察言觀色知爲長者揖公出
家居非慶弔大故不涉戶庭不徵逐飲食不輕受人餉
伯兄判易鄧兩州以書召公公謝辭曰田野之人手足
木強不堪與官府客周旋五十謝家政事產寢衰殆藉
之者寢衆若弗聞也叔子文部舉于鄉報者踵至公正
卧文部以告唯唯而已復卧鼾聲如雷其寵辱不驚若
此郡舉鄉飲博士與弟子禮公上賓又援詔以高年賜
爵固辭元配何安人舉伯仲兩子昇之產數千金比仲
安人生叔季一無所遺或請均產公不可知子莫若父
伯仲有待者也叔季無待者也已而庶助造者復有少
子則謂叔子此子也才亦無所須伯仲是在若教之何

如耳叔子奉其言于今兄弟翁孺公已耆方舉叔子行
年八十有六猶及見叔子舉進士人以爲厚德天所昨
也素健無疾不省藥物嘗自嘲曰吾施不擇人獨醫缺
如好稱引誦俗語訓子姓曰三日不彈手荆棘三日不
譚口荆棘子孫賢何用田子孫不賢何用田此中有至
理率而由之終身不盡初以叔子贈行人再贈禮部儀
制主事郡邑有司博上弟子舉鄉賢附食孔廟叔子名
國鑑爲文部郎中以文學方格稱于時舊史氏曰莊生
論道術老聃以濡弱謙下爲表受天下之垢嘗寬容于
物不削於人以余觀胡贈公其行事實然夫非老聃之
術也在吾儒一言以蔽之曰讓胡公能讓其子似穀兄
弟相好無相尤也可謂至德矣

本贈公家傳

公名朝先字君寵朝邑人也生而慧解人意父抱之膝
止授孝經輒成誦既長魁岸方頤廣頰眸子精光注射
饒鬢而美觀者屬目卑下之而以父卒食貧不竟儒業
又與其伯仲二兄析箸以次養母浹旬而更然有觴酒
豆肉若瓜瓞果蓏一味之甘不敢先嘗必數奉母而屬
其婦曰母老矣古人惜三釜之不逮卽三公不易一日
養吾忍以貧儉吾親負大憾沒齒乎見餓者買質然來

大泌山房集

卷之七十

家傳

生八

大泌山房集

卷之七十

三九

輟其食食之若溢米尺布一錢無令徒手去居恒自嘆
夫靡食輸衣鮮車怒馬猶且日夜窮當生之樂如或不
及況夫操瓢而乞者何能堪此嘗以昧爽出門有囊當
道履觸之手拾而意量必遺金也立久之不去已金主
至泣而號公問金若干囊何色驗之良然遂歸之不受
謝卒不詰其何許人于書初不涉獵而意興所會矢口
成詩登太華翩然有天際真人想因得句云煙藹千峰
秀瀑飛六月寒登臨聊一望端的小長安作者稱之生
平無他好獨善洞簫不由師傳濬發巧思或緩出如朱
絃或急張如躍括或和平而婉麗或凄唳而酸辛或直
遂而簡潔或繁縟而廣衍或慷慨而噴勃或規摹而度
擬或將斷而復連或欲肆而忽斂或倚茂樹或陶嘉月
窮變極致駭耳娛心而審音者以爲五聲六律中於天
則南郭子綦有言聞人籟未聞地籟聞地籟未聞天籟
郭象以籟爲籟公人貌而行天是爲天籟其與不學詩
而能詩道一而已既舉伯子朴而督之學夜分爨火母
紡子誦公亦繹其腹笥前言往行與當代賢公卿將相
故實詔之曰吾憶若王父之望我深也且死以訣若王
母兒有奇相有遠志必觀其成而崔嵬迄今無以見若
王父地下兄幸勿似我勉之哉伯子王父名廷珪母韓

繼上官並有婦德母弟杜厭薄博士家言而習金版六
波精騎射爲除率東征倭與兄齊名余讀王子淵洞簫
賦若慈父之畜子若孝子之事父一何壯士又似君子
異哉李氏父子兄弟四美具焉古人削鐵斷輪賣漿胃
脯承蜩飯狙薄技賤行聲施到今弄玉蕭史吹簫乘鳳
事不可知周絳侯不賞爲之耶李公不多古矣伯子爲
諸生而公業不祿舉進士聞母病請急不待報坐左遷
倅州事稍擢鄴郡李母卒服除除太原三年奏最贈公
以其官母孺人伯子慟父不逮祿又蚤孤不悉其行事
而志朝邑者閭里田野細人片長畢錄乃不及公迹公

大泌山房集

卷之七十

傳 三十

大較使傳之余是以詳著于篇舊史氏曰人言李公還
遺金小善耳慶祚流於子孫抑未見華陰四世三公者
僅飼一雀也要以是心推之行事當無所不厚李公不
問遺金主名不望報此爲陰德天所篤右宜矣

梅太公家傳

梅太公者江夏人也名周庠其先金陵人以從
高皇帝渡江功拜羽林指揮使靖難時有文煥者戍施
州過江夏樂其土風卜居焉孫景由薦辟爲昆明丞以
廉吏稱少子郡諸生紀娶于馮生公公幼弱不勝衣父
母憐愛之不欲苦以學一口過鄉塾見塾中兒爲禮容

心好之歸而問母兄生幾年矣曰六年矣曰何不令兒
爲塾中兒乃就外傳舉止有常度羣兒恒以嚴見憚九
歲受毛詩多所開悟里中鄧孝廉一木召居門下有老
友之目焉學使者南溪張公都試士公方嬰疾父母匿
不以聞其友私語之蹶然赴學使者所門闔矣疾呼不
絕聲張公怒曰何物鼠子敢爾置筆研席前趣具草亟
取觀之深加吟賞遂爲第一名大起諸從授毛詩者日
衆會數奇七舉不第嘆曰人壽幾何余安能從諸少年
角乎上書謝學使者去學使者慈谿顏公強留之不可
屬有詔察諸生質行著聞者賜爵爲儒官以公應詔于
時子開先兄弟舞象夕聰警過人公未竟之志默有寄
託笑開先舉于鄉五上春官成進士而開盛爲諸生名
與兄等開先捷報至公不知於色食罷徐進使者問狀
賓客調公欲學謝安耶公曰適有他思忘之耳公旣大
耄且得以子貴然意氣不改其初時語二子刑罰不可
弛于國鞭朴不可廢于家子猶及見鄉人陳少保其僕
虐使市人市人以訴少保榜僕至百躬自厚而薄責於
人今亡矣夫故與蕭秀才需友需僦市中居妻當產俗
以產自外來者爲不祥主人逐使去公灑掃別室迎之
三日而舉女復調護其妻市主人自愧里中自是無復

大泌山房集

卷之七十

傳 三十一

近外來書師鄧孝廉無後族人失其墓迹得之爲刻石道旁歲時展謁若家人禮嘗行得遺金坐以待失者出金還之不問姓名其人頓首謝曰我史東也有故人爲令歸置酒召公供張華整公不悅始吾有虞於子今如斯而已乎令愧謝公亦絕不與往家財自給而好施戚黨貧者度其用若干日應之米鹽瑣碎不勝其煩開先問請曰何不多與之使自爲食公言多與之彼必多費多費則不足不足而我坐視之不忍更與之卽我愛矣不如日給之兩得也風月之夜舟行如駛衆皆熟寢獨披衣坐果有溺者賴以免與開先宿齋中覺心動

大沁山房集

卷之七

傳三

已戶外兩黥徒掠人刃在其頸得解其爲陰德類此往往多靈異之報學使者以施州新設學檄移公施州公至念母遽治裝還病七日不食中夜見二道士其一象若純陽真人者指公示其侶明日已時舟人當有難汝善保此人公以告舟人皆喁喁爲嚶語至朝舟覆流十餘里俄起衆羅拜非公幾葬魚腹過夷陵山道暘忽巖中老父出曰此有甘泉掘之泉湧出次望州鋪僅僕聞咆哮聲甚恐公了無所聞自疑豈充耳耶比曉郵卒言夜有群虎鬪兩虎死視之良然又夢神擁十數人伏地下若崩厥角稽首此公所活者忘其姓名惟一二同學

少年差堪識別耳開先除太湖令過家拜公公喜曰兒治去家六百里而遠何異在膝下公家之事子爲政私家之事我爲政勿相及也手錄當官箴數十事詔之亡何病秘不使子知子得狀環侍公而泣公笑曰朝必有暮生必有死生寄死歸而翁幸歸矣因爲照題詩其上詩感爲里人所傳子請治命曰努力明德勿自侈大沐浴整衣冠閉目西向異香滿室中婦子呼之搖手令勿擾久之鼻洩垂若簪遂瞑始在髻鬢夢天門開有朱衣人金書案簡授之不息則久久則微卒之口年八十有二考終命信有徵已舊史氏曰易言天道虧盈而益謙

大沁山房集

卷之七

傳三

地道變盈而流謙鬼神害盈而福謙人道惡盈而好謙明則人幽則鬼神鬼神天地之功用感應禍福理固非誣淺見者距而不信崇有者執而不化弔詭者侈而不經行險者假以徼倖鬼神之說流生禍耳惟知鬼神之情狀然後能以神道設教余觀梅太公積行累仁篤老不倦終不伐其德可謂謙矣數獲神佑卒秘不言非其子莫得聞其沒也復禁作佛事可謂知矣仲尼不語神敬而遠之太公殆庶幾焉

祝生家傳

祝生子厚者名世德浙海寧人也王父華父繼臯俱起

家進士華官叅知政事繼舉官司馬尚書郎舉生時有異徵喜曰吾先世德不薄得子而益厚故名之世德字之子厚里太守侯公聞其啼調司馬何物寧馨我不得爲子雖然君亦不慚爲父比長父悉發藏書授之讀聲如出金石中父尋卒從苦由問雪涕受書與身等年十七爲邑博士弟子員屬文談藝卽宿儒爲之下邵比部經邦者嘗彈劾故相張永嘉罷歸盛氣多所陵折獨心才生以其女妻之郡守嚴寬試生文大驚此天下才也會母喪以介特持門戶甚苦奴產子黃緣爲奸利稍稍廢業父乃自奮吾先世率以經術致身奈何辱在泥塗

大澗山房集 卷之七十 三十四

且負吾舅相攸無以報兩太守知已鍵戶下帷壹意脩博士家言久之負笈從樵李戚少卿元佐學是時士方馳騫莊列諸家弔詭鉤深生弗屑也一切準考亭訓詰本原六經然卒不爲有司所收諸少年脩隙持生轉急生困對簿病矣客或說生鄉里兒捐千金得一官卽郡國守相請謁公行何至褻逢掖終老生笑曰寧爲雞口無爲牛後家有汗血千里足竟吾志蓋其子以庭垂髫風氣日上矣構樓室東隅出故業訓之月得四十五日東有開明雞三號以興以庭舉于鄉生遂謝去方伯高其義賜爵一級不拜以庭上春官生送之吳門執手踟

而嘆吾與若欲共聽東樓雞聲何可得耶以庭怪其言不祥明年生病病革顧謂中子以應而翁母以遺汝第先世遺書萬卷耳念之無忘遂卒年才四十有七以庭既畢試忽心動趣歸歸之日則生卒日也生山澤之癯若不勝衣生平誰呵不及犬馬夏楚不及僮僕而慷慨有大致事伯兄甚莊歲時治酒就花下共飲必盡歡乃已從子以庠爲怨家所整傾家爲解叔母孑然嫠也迎之家奉養沒身宗人通租畢繫繫就繫見而咨嗟涕洟質名田子錢家代輸項光祿錫者王父甥也善生爲置居室不責償生數語其子人有可忘有不可忘以庭

大澗山房集 卷之七十 三十五

既爲孝廉攜之拜光祿墓割有司所辦裝付其子孫卒十三年以庭舉進士令祁門贈生如其官生居恒稱諺曰遺子黃金滿籬不如一經夫吃吃明經爲得金計鄒魯之儒若是乎以庭奉其言令六年家具不增于昔邵使者薦書滿公車矣舊史氏曰余兄弟同祝氏成進士者二人悉其家世圭組蟬聯獨子厚以諸生兼述作功是爲難耳叔孫豹稱保姓受氏世不絕祀此之謂世祿何國蔑有子厚以諸生兼述作功非德何以將之司馬公命名意長遠矣凡祝之士不顯亦世良有以也

孟太公家傳

孟太公名含，字某，濬縣人也。家世受農，與其同里舍耦爲耨，以治稼穡，趨其耕耨，行其秋斂，登穀之日，有遺秉滯穗，與貧者共之。遇人無少長，觴酒豆肉，讓而受之。衽席之上，讓而坐，下道路之間，讓而趨，有不侵侮，不好狎，不苟訾笑，不食已諾，慷慨好施，年饑，人餓，粟一鍾或載於於門，不宜已惠，或指因授之。伯有田二十頃，悉以給從弟所焚券，不能償者，累千金，或曰：如傷惠，何公笑曰：人無求我，我斥散不啻千金，況以緩急歸命，是區區者，寧足惜哉？由此鄉人雖婦孺，稱孟公善人，每社推爲祭酒，逡巡不敢當。有詔民孝弟力田者，賜爵一級，三太公山房集 卷之七十 家傳 三十六

老以公應詔，公曰：田舍翁多收，輒高冠若箕，以誇鄙小兒，吾甚愧之。有句鄉射禮，人窮固辭不赴，令丞博士莫能強也。教子若水，舉于鄉，第南宮，故事樹幟于門，水率取諸舟人費百許金，公不可，自市木以充俗喜相墓，術士轉相笑惑，喪久不舉，公行田，得地面南者喜曰：吾親向明，就日可矣。他何知術士過其墓，佳氣鬱鬱，慈慈驚曰：此非人力，天所以昨善人也。墓傍地地主以售公，而豪奪之卒不問，鄰有闕閭，譬曉之，百端飲以醇酒，必解構，乃已。既以子貴，封如其官，禮秩與仕者等，有司干旋過從，爲一報謁，啜茗而退，無一語及私，年八

十有四神王如壯夫，二三朋舊年相若者，月有會當晴美日，出遊諸勝，談道論心，俗子以求田問舍進輒掩其耳，諸子諸孫承冠文物，就養無方，濟人稱福德者，罕出其右矣。若水名楠，舉戊戌進士，爲郎，爲郡守，以清正聞所輯古今格言，身實踐之，得諸父訓，爲多舊史氏曰：濬故衛國地，淇水在其界中，衛風淇澳，美武公之德曰：如金如錫，如圭如璧，寬兮綽兮，倚重較兮，以今觀孟太公行事，寬然長者有膏聖之遺風焉。其年大耋，亦近之蓋所從來遠矣。

袁封公家傳

大泌山房集 卷之七十 家傳 三十七

袁封公名某，陝西鳳翔縣人也。以伯子邑令應春封，如其官，復以季子恭政應泰封，司空尚書郎公父銳事母以孝聞，賜爵一級，爲義官，用鹽筴賈淮南，每歸取金償母甘毳費，而後及他事。已輸粟甘鎮，有令出帑金募更市粟，金未出，遭兵變，罷吏坐法繫獄，母子哀之，爲償三千金，棠垂矣。主者嘆曰：不惜挫產以生無辜，天道福善必在後人。遂生公，孝如其父，朝夕依依，爲歡，端娛親年十三，猶就母懷，祗乳啼笑，父母解願也。居塾，語默進止有常，同學生以嚴見，憚從子本有過，重自切責之，既成人，恒言生我者父母，成我者叔父也。十六父喪，號哭涕

血旦夕臨杖乃能起引賓爲之潛然事至貞信多斷以爲布衣一劍之任非易也昔大剛則折語于紳比之佩章務爲醇謹其慕長者如恐不稱或弱而侵侮之不校不以苛禮督過之滋恭族弟貧者終身經紀其喪女視其女又收族兩孤女擇良家子受室遣嫁甚豐歲爲食食餓者冬寒卹之尤厚家廩磨石之磨無所私享季子令河內年饑公問對案不食苦以我爲父民以若爲父我寧獨飽三釜亟捐月奉活之不足則市衣帶與其安人督理其後兵備淮上山東大侵流亡塞路遺書陳河內所已請具救荒紀事中所施濟無萬數課治

謝少連家傳

漸而退居恒好讀書手錄名公文授子字皆有古人筆法于司馬君實朱元晦二史尋繹精審有經世務濟民生者詔其子身任天下之重士當如是子若孫所師友必知名士鞠躬上食禮有加等伯子令夏縣與栢人辜權者齟齬左遷官公聞而喜是不負我季子爲監司汰濫賦七萬金濬河造舟爲梁築堤修渠溉田萬頃繕學宮治九達之衢秋毫不犯民凡此皆公所教督故力爲之以聚權承順也仲子代公持家秉無使兄弟內顧亦以例授萬戶侯伯子子二仲子子三爲諸生爲城門侯季子子楷十八舉于鄉大雅不羣關西比萬石君家公

春秋八十良食甘寢諸受子賜者遠邇頌禱以綏後祿未可量矣舊史氏曰余觀范書載汝南袁氏三世上公獨邵公起自寒素敞達相業平平耳閎弘持處士之節乃與三公齊名仲尼謂貧無怨難富無驕易信哉余觀袁封公少勵操行晚以子貴執義彌堅諸子肖之慈惠而厚宣昭令問范曄稱邵公仁心足以覃乎後昆子孫之盛不亦宜乎余于公亦云然他日關西何讓汝南哉

謝少連名陸欽人也其先梁時太傅安雲孫傑爲欽州教授因家中鵠鄉宋初司諫泌之後玘遷曹溪數傳覽

避開黃里父美初娶于黃繼徐中山王裔舉伯子陸叔
卽少連仲兄季弟則庶出也父長者以善富未竟儒業
而授伯子經爲諸生曰吾有子安問家人產遂挫旣
生少連五歲未能言卽開解婆人順州守游公爲伯
兄經師父饗之少連侍師與之酒拜稽首而後飲師嘆
曰是兒當爲令器長受業伯氏取案頭古書竊誦不欲
父知也已補諸生郡守何公簡諸生儒者肄業紫陽書
院謝氏羣從六人何公亟稱少連可方惠連也繼伯兄
爲諸生試高等受廩餼左司馬汪伯玉東南文章司命
郡人氏從結社豐于王仲房陳達甫江民望吳虎臣輩
大泌山房集 卷之七十 四十

幕府折衝尊俎出人意表下函關沿漢涉江所至從者
如市里中白榆烏衣雪竇紫芝吳上方越孤山宣城文
春真州橫山關中青門金陵白門青谿長干新林推爲
詩社長門下士潘景升吳康虞輩皆一時人倫之選構
一畝宮北鄙以幽靚勝舍後枕清流葺先人積蘇亭傲
范蠡魚經爲池竹樹映帶左右抱甕灌園或諷曰無乃
勞乎笑曰此吾詩思所寄耳賣賦之金益市圖籍丹鉛
不輟掃除潔清位置都雅雖旅次亦然宴客不豐而精
炮炙酒茗多以已意爲之伯氏不喜飲特設醴醕仲氏
飲兼人季弟室更豪飲而能詩兄弟既孺和樂且耽矣
大泌山房集 卷之七十 四十一

析箸不求盈蒸嘗封樹不課費仲及三子辛撫孤孫有
恩鄉綰轂象水形家言宜爲堤激費詘首矢于神操奮
錘而前衆義之無不加一力者族繁不相慶弔綴之以
食而諄諄誨之今稱仁里文苑矣少年干書無所不窺
尤攻千史千古之上六合之外如指諸掌所著閨典酒
史花乘品藻開黃稿諸書海內膾炙而季漢書尤盛傳
諸臺史杜干旄存問禮爲鄉射大賓謝不住楚張山是
以給諫謫邑令聘作邑乘直筆無徇衆咻之卒莫能難
稱良史焉晚年刊定新舊唐書析爲正伏閏餘附五等
馮元敏亟欲觀成會元敏官楚而龍君御方里居因西

上弔張山是母喪比至武陵元敏入賀矣君御館之滯
園楊侍御修齡適館授餐遺書越巖使謀制剛定唐書
命其子先歸而忽病不可起了無恐怖里礙授之筆辭
命盥嗽諸僧梵唄送之而瞑龍楊二公調棺殮咸具秦
萬年秦子成二門人敦匠事焉蔡方伯敬夫非舊練檄
下賄賄詞林高其誼而元敏適至給舟紫以行于時皆
謂少連所邁會杜少陵未陽不如也

舊史氏曰劉子玄謂文才易史才難傳毅班固伯仲耳
孟堅以漢書軼傳而上顏延之謝靈運文名在范曄右
而後漢書獨與蘭臺並傳少連季漢定唐其詞其事沿
大泌山房集 卷之七十 四十二
舊其義則新是非不謬于聖人他著作亦稱是文史兼
才在吾黨中寡儔矣



大泌山房集卷之七十一

京山李維楨本寧著

梁孝廉家傳

孝廉梁公名紀字理夫稷山人也始祖佐自絳徙恥仕
夷朝入明始以儒士占籍高祖東攻醫有名曾祖鑄官
司關祖溥乙科累官秦右史父格舉進士令濟陽徵拜
南京兵科給事中娶于郝生公其日文安紀大夫造門
遂以名之幼慧警不凡八歲能書聞合古法欣然自賞
十歲受經章句外頓悟微言十七為諸生十九之濟陽
省其父從任先生學易三月得其傳于時王母老父不
大泌山房集 卷之七十一 家傳 一
遣將歸而代父就養無方明年學使試居首省試不第
父作警子文示之益兼功自厲又二年父卒虞傷王母
心泣血三年未嘗見齒以家督當戶事必關決王母而
行父嘗構永思室冢舍側亦築室居之行服墓次比禪
乃返六年舉於鄉又十年仲弟綱成進士叔弟維偕計
吏公心獨喜吾不必捧毛義之檄矣母春秋高性奇嚴
事之唯謹昧爽而朝三上食惟所欲必多且旨暮則進
醇酒時問衣何宜席何鄉社何趾疾痛痾癢敬抑搔之
出入先後敬扶持之仲為郎嘗省母歸母趣公試吏兄
弟遞居子舍不亦可乎公謝不敏母伺其出也閉戶不

內爲洵涕強行忽夢母病心怛怛不能忍須臾故相張
文毅固留之不可臯魚自訟三失立稿而死吾復何待
焉構真隱園足樂窩於葦川別墅而離之爲八景自爲
記與詩士大夫庶歌相屬商丘宋莊敏爲御史按晉以
孝廉徵邑長吏身勸駕不應又十許年卽拜南京都察
院都事不之官益亦以母命故非其意也自讀書外無
他嗜門庭著紙戶牖置筆後進儒者咸從捧手有所受
焉大指一以新安爲程八十以往誦諷繕寫不輟人以
方徐廣沈麟之饒酒德不及亂酒半誦唐詩聲如出金
石中才情輻輳翰動如飛千言立就所著四書易經定
大泌山房集 卷之七十一 家傳 二

加恩借非義相干勃然面赤好振人之急施多寡視茂
豐殺爲差親終置別業姚村村人依而聚處焉欲治室
相比而公田當其中憚不發口公曰是不聞阮裕焚車
者乎召其人割以畀之村人三倍直以進固讓固請第
納其原直而已因貌公生祠之邑令顏公里爲惠里而
門人謚之靖孝里人謚之溫毅其字兩弟恩兼父兄義
兼師友綿懷執仲手吾以天年下世夫復何憾百世後
知我者惟爾與何中丞弟爲狀而中丞誌墓諸以問疾
來者必進而與之訣教其子蕙曰存好心行好事他非
所急也吾生平在樗櫟子會中丞書至酬答如常而卒
大泌山房集 卷之七十一 家傳 三

汪孝廉家傳

鄉人皆輟事流涕相對酌酒者爭門而入子蕙以明經
待詔公車與修晉志斐然成章公爲大宗家建特祠世
不遷禮也舊史氏曰今舉人於鄉率稱之孝廉徒襲古
名耳漢以孝廉設科得除二千石始未嘗不慎末乃滋
僞也謠有之察孝廉父別居矧可望於今之世哉余觀
梁理夫內行淳備何必減古人故取孝廉爲評目焉

汪孝廉羽祥名一鸞歙人也幼有異質誦書不忘文援
筆立成師事鮑祠部山甫洪客部用章二先生皆稱其
不凡受毛氏詩深明義故學者宗之戊子游鄉校小試

輒居首事親立視足坐視膝母上於面母下於帶愉色
悅容永歡備物親濟行不翔言不惰笑不至矧怒不至
晉疾棘衣不解帶目不交睫禱祠醫藥皇皇如朝不及
夕親卒喪容累舉于鄉不得赴南宮恒誦臯魚語
子欲養而親不逮擗踊哀號不自勝母吳非所自出事
之逾于因母君子以爲有曾閔風事兄參軍卑恭如子
析箸豐約腴瘠惟兄所授無違兄卽督過僂僂然受
之耳先世多榮華聞有地師輒禮之與山下山原蒙犯
霜露旁求彌歷年載無倦既得不惜重購豪垂如洗矣
宗祠圯且苦隘捐其地并以百餘金爲宗人倡拓而新
大泌山房集 卷之七十一 家傳 四

之宗人自安貧廩穀之爲之受室卒爲之寔運墅夏某
不能娶助之行六禮以百緡息之其後數耗不問小巖
方某待以舉火無何卒令其子給事質庫中而以乾沒
愧走招之使復其所無傷厥母心友人洪少廣爲子錢
家所迫貸公公方窘轉貸諸所善與之卒不能償爲代
之而焚其券友人陳少田素衣食于公卒之日公政喪
偶分賻賻無所靳偶余孺人者巖鎮名家女勤於操作
儉於自奉舉二子而病不可爲泣曰以是藐然二孤爲
君憂君好施不問家人生產孤奚賴焉幸無以逝梁笥
爲嫌必得賢者紹我成事善視吾兒吾瞑矣公感其言

優蹇擇對而得唐貞烈也唐自有傳始居約時典所居
室冀祿仕復還故物而屢空莫可如何又恥告求周憐
仰屋竊嘆天地豈私貧我哉先人所遺自我失之無顏
于世無以處心坐是悵鬱抱疾而卒舊史氏曰漢舉人
賢良方正與孝廉二科並行文帝武帝時賢良每對輒
百許人又徵詣公車上書自銜轡者千數獨孝廉科文
帝詔謂萬家縣亡應令者武帝詔謂閭郡不薦一人蓋
賢良卽稍有文學士可充選孝廉非實行不容謬舉耳
今舉人以文與漢絕不相似世呼之孝廉劉子玄所謂
怯書今語勇效昔言也如汪羽祥不愧其名矣
大泌山房集 卷之七十一 家傳 五

雪坡道人家傳

雪坡道人者夏國公成曾孫翰也字維周父興祖嗣鎮
遠侯舉二子伯翰仲玘翰當嗣少有拔俗之韻見榮戟
貂蟬輒曰此莊生所謂繆繆也無以苦我固遜其弟父
不可對曰古之讓封者翰所知有十家夷齊子馮子臧
季札韋玄成丁鴻劉愷馮恢耿國衛瓘或以成私愛或
以博名高翰遊方之外者也饗爰居以錙鼓孰能聽之
稽中散有言吾多病困欲離事自全以保餘年此真所
乏豈可見黃門而稱貞哉翰實類此煙霞癖入膏肓必
強相付恐有顛隕先人勤苦百戰而得侯寧渠使一旦

自我失之乎非逃祿蓋逃禍也山中宰相竊比陶弘景
有餘榮矣父無以難卒以玘嗣翰豪于酒數十觥船不
醉好讀書草閣竹林儲書萬卷所涉目可數行下終不
忘然務舉大義不爲訓詁章句之學好爲詩興至輒揮
不沉思不竄易其時臺閣體理學語方盛行未能自超
而儻蕩不備瀟灑出塵之態大畧可見又好繪事有吳
仲圭米元章倪元鎮風而自得于繩墨蹊徑之外嘗作
戲墨十七幅或曰雪坡道人或曰雪庵中人或曰雪或
曰維周或曰怡樂不署姓名至題荆棘曰都無君子純
是小人按其年爲正統乙丑王振席寵乘權文武大臣

大江山房集

卷之七十一

家傳

六

戮辱相望垂首喪氣緘口結舌甚者蒲伏如衙官奔走
如奴隸卒釀土木之變翰之不樂嗣侯以此年未及艾
相地金陵某某預爲之坎屬其子淳必葬我於此我所
樂遊也葬事儉侈其禍福是非古人言之詳矣衣衾取
蔽形外槨取容棺無封無樹無乞諛墓之文淳從其言
其地忽產藤紫色而枝相糾蔭廣畝許子孫歲時展墓
不知所所在望藤拜而已翰卒玘未及嗣亦卒復以翰子
淳嗣淳卒無子以玘子溥嗣江都新志列翰隱逸傳中
舊史氏曰翰有丈夫節槩其不欲嗣侯蓋有微指焉吾
于戲墨得之矣或言翰與王綬戴進同時而名不逮以

小侯掩故夫翰生不欲侯死不欲人識其墓乃欲以一
畫成名乎何視翰淺也玘玄孫大猷深以余言爲然

錢太學家傳

錢先生名藩字懋穀鹽官人也初姓何明興貴四公以
輸租後斯成都勻遺其少子裕所善錢富一公取子之
遂爲錢氏裕子寔爲諸生寔子達贈南京比部郎達子
珍封禮科給事中則以子薇故舉嘉靖壬辰進士直諫
被黜贈太常少卿珍弟琦舉正德戊辰進士爲臨江守
娶王恭人副夏孺人有子六人一日蓼太學生二曰芹
舉嘉靖戊戌進士爲永州守三日萱舉嘉靖乙未進士

大江山房集

卷之七十一

家傳

七

爲儀部郎四曰葵太學生王出也五卽先生六曰葵於
潛縣學博夏出也臨江學綜該明道風秀世監司以下
有謀則就之先生奉父杖履進退無失容十四爲諸生
尋入南雍念父老不欲遠遊歸與弟同師受學父卒同
室有違言母憂之曰先君子年德推重一時何同氣若
仇敵乎先生從容對曰患兒輩不肖大人耳勉而爲德
又何虞焉久之爭者傷其前事而悔過其行轉而與之
處或更以後事屬五郎諸兄相隨沒先生當戶廢書而
嘆吾將以第五之名不辱先人乎且吾弟若子在何必
身爲之母嚴有不豫色必長跼請罪俟色霽然後起朝

慕手上食其或不安節皇皇終日行不正履既與弟析箸孺人時過弟所侵晨必問寢安否日再三往風雨不輟母終輦歸其正寢以殯苦塊三年祭葬一于禮弟病亟一日馳三百里視之與訣而護其喪歸撫兩孤猶已子今皆爲諸生有聲兄永州無嗣所居鞠爲茂草將轉鬻於人夜聞鬼哭先生白於官以宅爲祠而以已田治祠具鬼無靈響矣永州子婦朱篋可數千金強者將以計奪則屬先生此錢氏有也宜歸阿翁先生泫然曰吾不能保吾兄與兄子而忍爲利乎拒不納姊爲祝氏婦家中落迎與共居而令外生與弟若子共學外生祝守

牽其黨千人攘義租先生對衆聲言其過面赤而退居之有間其兄弟閱牆先生走爲解忿衣焦不申頭塵不去人說公世有薄而故厚施行有失而故惠用非人情不可常先生喟然曰此與先人同一體而不幸有凶德地下目不瞑吾慚無以化導之何可修怨永州公置義田食指繁不給更捐膏腴地數十畝爲斂散法歲終會祭合食恩禮綢繆不約而親不相質而固勅勵子孫凡官收事必如期如式閭里效之呼追不及門島夷寇邑孟偃之戰官軍敗白骨蔽野捐十畝瘞之鄉人愁居懾處不敢動搖召集其有膽知直而不倚棟橈而不避者教以騎射而身先倡之寇不入界則又爲結社推鄉三老誦聖訓以教之有爭必爲劑平毋犯有司事貴人不阿徇而常以身下貧賤士緩急相爲孝廉王文祿文學程珂吳山人死無歸悉于先生殯歲大侵人相食計口予粟又嫁于鄰以益之療疾掩骼無虛日焉自伉儷孺人外絕侍膝室中竹牀綵几薰爐茗椀無他玩好雞鳴秉燭盟檮讀書賦詩佳日命駕林泉或與諸韻士卽景分題勝情遠志每每溢楮素間酒不能多而酬酢務盡歡二三平頭奴子長歌小令吹笙擊鼓佐之陶陶永夜無倦也東南名流沈嘉則吳少君屠長卿黃白仲姚

叔祥包彥平俞美長之屬歲再至或數月留所行臨江
永州兩史荆花集原上草測語厚語合玄集吳少君集
沈嘉則詩選家史若干卷擊輟集則所自爲詩也識者
僂之唐仲文宋惟演蓋就同姓中論耳郡邑大夫高其
行請爲大賓辭不赴年踰老猶作蠅頭書却杖而步忽
痰作命諸子治後事吾將逝矣數日卒年七十有八郡
邑大夫致賻學士爲誄九族四境哭臨有肖像祀之者
子孫曾孫十許人皆以文行著名舊史氏曰錢氏多君
子率綠宦遊見懋毅先生以逢掖淺帶老孝弟廉讓施
及萌隸功大名美內臨其倫沒而俎豆於賢人之間語
大泌山房集

卷之七十一

家傳

十

渠

魏長公家傳

魏長公名靖國字伯饒東鄉縣諸生也其父廷臣承翁
主賜爵奉訓大夫其母弟廣國其從弟安國充國光國
皆名才士而長公爲之冠二歲誦古詩六歲誦論語七
歲誦左氏春秋日可萬言八歲善屬文父行賈吳母刺
繡夜作課讀忽太風雨廢書而泣母怪問故對曰兒不
能養父今父以此時遠遊則大泣母亦泣左右皆爲流
涕將其伯姊歸李司寇冢子司寇試之文立就貽以史
記漢書子異日爲今代班馬踰月而二史成誦陳吉士

常語人魏生天授吳大司空之流也蓋司空弱冠舉進
士云十三補邑諸生與廣國及里中英備結社羊角山
人稱羊角七子魏氏有二焉直指陳公聘校秘書郡邑
守令望其風采爭相延致所至市人觀者如牆而進已
會稽錢公教授南昌長公爲高第弟子進賢令王公故
以春秋起家豫章治春秋者獨稱劉魏兩生魏則長公
劉則今太史幼安也是年歲在壬午廣國亦爲諸生日
率厲之抄書數千卷藩溷間皆置筆札思有所得篝燈
起書于文則六經周禮左氏先秦司馬班掾于詩則蘇
李曹劉甫白于騷賦則屈宋相如揚雄于諸子則管韓
大泌山房集

卷之七十一

家傳

十一

渠

莊列荀卿四六之文則王子安于本朝則北地濟南
州新安飲食起處吟諷不輟四方名德尊宿鴻生鉅儒
或折行輩定交或文酒過從或書疏往返所居重于二
千石長公退然自下好引儕輩士以此益附之應接日
不暇給病見喘矣直指孫公試其文九篇一夕而成多
古語三四讀不通曉下督學使者鄒公問狀鄒公盛氣
而胥之入長公徐謝曰文欲爾雅平易耶請更試坐之
堂上試再三文無不爾雅平易鄒公嘆異爲白孫公更
相褒勞有加等是年歲在乙酉所入試論策萬餘言主
司讀而乙之疑爲學究不第其冬納婦明年廣國納婦

長公戒其婦曰人少兄弟怡怡如也婚則漸疎自今而後後先有違言吾不以爲婦長公婚三日而同廣國就外舍五日一歸定省取古負米捧檄扇枕溫席事屬友人程孟孺書之壁諦觀之父母小失惟長公叩頭泣請必如故然後起間得果蘇小物必先持奉二人然後食母中寒五十日不愈長公侍寢嘗藥亦五十日不衰泣而禱神願損減其年益母禱訖復慟哭寒夜聲徹四遠鄧汝德學士嘉其孝特造訪焉父母以長公聲稱籍甚旦夕異通顯身茹荼而胎子甘旣數不第長公邑邑稍病咯血而屏處旌忠祠所稱莫逆交十餘曹數往來論大泌山房集

卷之七十一

家傳 十三

文以助其歡信州樊司理南昌何令亟愛所爲制義版行之又吳王兩郡理者白臺司有所徵文以出長公手爲重督撫莊公右丞余公叅知韓公報謁報刺如敵禮長公用是益勞病滋深是年歲在辛卯泰和令陳淳父新淦令楊融博奇其文擬上第復不果淳父使門人來謝過長公嘆曰吾力不得與命衡獨無以慰二人奈何病寢劇鄧學士于諸其家授以靜攝養生之指日從方士上人談空觀玄若金谿真野子南昌錢南越皆執弟子禮又手王文成遺書想見其爲人所著鬱華子微言大義殆庶幾矣督學使者屬修江西志以疾辭明年叅

知張公招之泛彭蠡登芝山諸賢豪長者投刺造門惟恐失之張公念長公病且貧欲爲地卒不能出口詰朝遂行矣諸上官如張公睢就者若而人燕見語不及私人或丐爲關說輒麾之吾不欲以貧廢節然義所不忍不以形迹爲嫌不以窘乏爲解司理某子甲筭楚人多死長公具衣冠謁理爲言古循吏酷吏善取理不納振袂而起進賢謝太坐飛詭論遣母八十老矣兒三歲持其踵而啼長公過而憐之爲言主者泰誠不可貫顧無泰則母若子驕死何罪泰得末減償貸人三十金以屬奴負販至三峰灘有王貴者轉貸之久不與一錢奴訟大泌山房集

卷之七十一

家傳 十三

叅知李公所下吏訊貴且鬻其子婦長公愀然金易得耳何至使人夫婦不相保謁李公而原之悉出婦簪珥若祝允明文徵仲手翰代爲償歲大侵聞鄰人哭甚哀則張清夫婦老餓且死餽之粟得生其時米價騰貴石千錢友人曾如海餽金爲米資會鄰人祝麻死無棺割所餽界之吳舍人盛夏暴死蟲流於戶鬻禪牀爲殮諸家生而尸之沒而喪之如考妣也最友愛諸弟衣無常主不獨飽授廣國春秋授光國充國詩授安國易一門之內三業俱興病且死呼廣國前中氣幾絕矣多得叅附可緩數月無死廣國奔走乞買南豐姚伯燮脫其

婦釵應之家所有十錢以上悉付質庫而先是鄧學士言滁州葉道人五炁丹能生死人長公父并道走滁未卽返懼不及待則向其母頓首曰兒不孝早死以爲母憂有弟在母幸自寬顧李氏姊曰姊愛我我卽死不忘也已執廣國手曰兄弟兩人若一身善事大人致身青雲之上吾目瞑矣已東向三頓首世父世母叔母若姑在來汝也已復顧廣國姑爲王氏節婦垂四十年無使沒沒仲叔季三弟督之學無負我已而婦抱三兒來哭不止則揮之去廣國更問卽不諱何所恨曰卿相士庶等死耳已請行諸遺文曰吾行年二十有六雅志千古

大泌山房集

卷之七十一

家傳

十四

之業奪經生者十五奪病廢者十三是安足傳勺飲不入口七日而父持藥還披衣起向父頓首謝不自意得面與大人別父強進藥三服問向西何方正襟坐而卒南昌守王公頓足攬涕尋給其父歲祿以治喪學士大夫越疆而來哭者相望中丞邊公直指陳公檄東鄉購遺文邊公曰玉樓天上紫氣斗間魏生不亡矣陳公題其墓明豫章高士魏長公伯饒以比于南州孺子云長公始生父夢羽衣人指奎宿示之以爲而子母夢金柱高屬天光可以鑑卒之前三夕母復夢星大如斗墮地知其不祥長公亦夢白頭翁持天書來上帝召汝有孫

開徐悲孔兩人名以語廣國識之再閱月兩人卒矣長公合左氏公羊穀梁爲三傳異同三十卷五易草尚未滿志合諸家類書御覽合璧冊府六帖玉海廣記初學藝文爲古今事海晉以下諸史舉其大者爲歷朝掌故俱未就督學使者馮公檄令伍公行其文今所傳領袖堂集是也邵邑請祀之學官爲無賴子所尼事遂不行舊史氏曰齊文襄有言聰明人多不老壽此言雖戲要有至理焉彼其於伐性之斧腐腸之藥往往中之卽不然露才揚已不可一世寧能久乎余驚下無所比數長公降心以相從承顏接辭廩廩德讓君子也斯人而天

大泌山房集

卷之七十一

家傳

十五

世無可壽者矣或云長公其言立自視猶欲然劇心已甚是以短折其然豈其然自古皆有死取曹李廉蔣相方謂長公至今存可也

汪元壽家傳

海陽有汪本湖也者生甫兩月喪其父受故子他人子二挾之賈江淮間累數萬金父死謂其母曰兒幸長無忘此兩人比長母以語本湖本湖敬諾析其貲三之人情以爲難七歲就小學雜羣兒戲昂昂如野鶴之在雞羣十三受易東海胡君翰薄舉子業亾奇也則入貲爲太學學唐人詩而是時廣陵朱客部子介華亭朱司成

象玄金閭皇甫觀察子循里中陳處士達甫並以善古文辭重于世本湖遊諸公間爲師友詩益工諸公高其評目于是縉紳冠帶之屬爭托交焉本湖居十九真州舟車孔道客恒滿坐刺肥擊鮮食前方丈連日夕不休而又特好聲伎所值柔曼傾意至垂橐與之歲入不足以更費不爲衰止也事母用力用勞守令高其行造門爲詩頌堂之楣曰孝養晚年楚人有爲新安郡倖者專屬強壯螽蟴氣而獨善本湖久之倖爲怨家所中事連本湖本湖坐法戍太原三年赦還當其困阨時故所結納貴人無爲盡力者而貧無復餘貲遂謝客構繡佛齋臥

太白山房集

卷之七十一

家傳十六

果

其中自奉母寢膳外人罕睹其面其之太原鮮衣怒馬敦琢其旅若以賈行如往日蓋曹成王擁笏垂魚之意云而時自訟以母遺體行殆則不孝莫大乎是歸而母始悉所以又數年沒母尚在其子四人事太母猶父子循亟稱本湖太原詩溫厚爾雅絕無殷憂舛望之語而更自署其小閣曰金雞以誠不忘本湖家蓄古器具甚夥望而知爲某代時物善賈者莫能欺遭難放失不一存新安人往往談本湖術解巧藝所爲墨若箋最精良余猶及見之今諸子多傳其業者贊曰詩三百篇大抵聖賢發憤之所爲作也獨孤臣孽子勞而不怨哀而不

傷者鮮矣鐘儀南冠而囚晉之軍府與之琴操南音稱其君名其二卿臧文仲繫齊爲隱書臧我羊羊有母君親人莫大焉雖在縲絏之中其可忽諸汪君爲人覆沒流離項尾怨懟不形乎辭至厓迹以安母故足術也君叔子聖脩與余善辭翰有父風

汪景純家傳

汪景純名宗孝欲叢睦里人也汪氏自唐越國以來子孫家欲十有六族叢睦最著欲之俗卽齒爵尊者率以名精人賢景純字之而不名故字最著景純眇小丈夫耳而精神挺動日誦千餘言手屬文稱是年十六爲邑

太白山房集

卷之七十一

家傳十七

果

諸生以高第受廩筆有餘鋒詞無竭源先達作者推讓之顧獨好拳捷之戲緣壁行如平地躍而騎危瓦無聲已更自簷下屹立不知於色偃二尺竹水上驅童子過之皆股戰則身先往數十過已復驅童子從之諸鼓舞木熙跳丸飛劍之屬見之赧然自廢也居恒搯擊使我若周文育高昂來護兒輩資適逢時以長鎗大槊橫行天下取富貴如拾芥安能區區事筆研哉宗人與間右以冢地訟三年焚如也度景純父白首不入城市又訥於辭誣逮之父懼爲請解對百方不聽景純曰不如詣吏右二相全乃扶父入具道所以然之狀釋之出

門怒訶其仇若爲鼎俎父爲魚肉乎仇相視而嘻屬邑
今來相地仇衆持挺環向排連不得進退旁有鬼父丘
景純踴躍而上衆睨之無如何遂免亦因此謝諸生籍
入太學徙家廣陵廣陵江淮都會叩其囊底知用鹽筴
起家不數年金錢綰帛何積益關覽六籍諸史百家衆
氏投簡而作購名畫法書先代尊彝鐘鼎與通人學士
指刺瑕瑜差別真贋無不精審歲輦其父來廣陵畚耨
輟膳奉觴上壽閑索中裝歲日益父欣然笑舉酒相勞
苦也而諸從買者爲奸利所司跡捕計筭父爲質圍守
其舍景純負父踰垣數仞而出抵所善鄰凡歷數十家
大泌山房集 卷之七十一 家傳 十八

於馮金憲抗橫閣下詔獄陰使人數寘橐橐兼存問其
家親弱馮公怪而心德之比出願一見不可馮公死匍
匍哭之盡哀于比部仇直憾者中以妖書事驟馬走京
師爲地而事已白時又有貴人與于公共患景純亦周
旋其間然卒不言人莫得知也數試京兆不偶殊不屑
意而縱談古今事變人物臧否國故兵略吏治民隱較
然荅素奮快揮塵旁若無人士窮來歸者爲授館餼遠
行爲具資斧名不聞者爲之評日覽負算卹孤寡平忿
怨活餓孀雪冤滯不必其分素結第有聞無所不爲德
也嘗捐百金爲北海人盧甲居間而聞景純疾知無脫
大泌山房集 卷之七十一 家傳 十九

諸姬不責人絲纆賢君子賢之舊史氏曰嘗觀史傳樓
護原涉之游俠也而以唇舌事五侯外溫仁謙遜而內
隱好殺刀間師史之貨殖也而交守相終得其力起富
數千萬相矜以久賈過邑不入門李業興之儒也而舊
音不改爲吳兒笑王涯孫承祐秦禧之蓄書畫也或不
善鑒識或以穢德許褚張蚝之強有力也而號癡虎或
慚自宮蘭子之燕戲也而拘戮劉靈之善走也而被襲
丁諷之益求妙年殊質也而病廢亡賴劉琰之富聲樂
也而不良死如景純者有人所應有無人所應無至其
多男子視二方承則八慈繼塵殆有加焉大夫多陰德
大泌山房集 卷之七十一 家傳 三十一

天陰騭之完受其福宜哉

汪仲淹家傳

汪仲淹名道貫左司馬伯玉先生弟也少兄十九年蓋
贈公淑人晚歲所舉故羸善病淑人不任抱哺贈公屬
嬖姬視之姬無乳哺以飽而疳從司馬京師病疹幾殆
遇國醫得無死遂不勝衣性強記兼人氣槩英邁受尚
書不屑訓詁家語已從司馬博典籍攻辭賦下筆數千
言督學吳公錄爲郡諸生怪問何家兒郎何所師承有
司以司馬介弟對因呼之小司馬司馬惟其疾之憂恒
曰誠得長爲吾弟足矣仲淹卒不輟業大將軍戚公語

之備貴途非一其究等耳君何自苦第隸名良家子籍
中萬戶食邑可坐致也仲淹艱然吾以逢掖爲大將軍
長揖客豈以甲冑不拜歸試有司舉首而自王父以下
世有酒人名心好之日事酣飲所至兩浙七閩三吳二
京偕其同志呼盧浮白酒酣以往抵掌大叫非其類勃
然變平色晬日哆口揮拳相向衆皆辟易而坐是病矣
小差復以三年喪毀瘠久乃如初司馬法得任子推父
母少子之愛與仲淹時下文肅爲司成特所甄賞譚襄
敏爲大司馬榜其齋曰兄弟同鳴何宗伯啓圖典試留
都以不舉仲淹自愧新安官京師者月有會仲淹一人
大泌山房集 卷之七十一 家傳 三十一

以逢掖入諸君高仰之須其至乃舉觴司馬居子舍從
弟仲嘉與齊名人稱二仲四方人異幸司馬評目以就
聲價殆無虛日二仲遞爲主客與司馬等憚仲淹之嚴
而親仲嘉之和仲淹詩若文益工又善書客知仲淹者
是夫故自足狂非以酒也武林龍君御江夏丁元父姚
江呂玉繩締白榆杜仲淹爲監以彭澤例昇監舉相從
丘潮州謙之將過仲淹業已病司馬不欲爲仲淹費還
報曰故人千里相過典衣貫酒樂爲之卒具十日飲而
去談諧機警有鋒四座厭心絕不耐見守錢虜飲潘江
州所一夫用鹽鹽起揚揚自得仲淹叱之吾黨言如蘭

若銅臭亟去毋汙我許文穆欲與連姻辭以非偶其貌
大人皆此類司馬嚴重方伯江公珍方伯亟推仲淹此
愛弟而拂士也以朱氏子文知之司馬唯唯起謝見司
馬爲人作傳有臣虜郭劇語私用不平大俠安可虜也
司馬欲著兩子釐正古今史仲淹嘆曰惜哉以伯氏
三長不早從事司馬稱其長朋夾輔以此雖剛決獨行
一意而篤人倫事兄司馬莊卽甚醉未嘗有慢容與仲
嘉及諸從子訴訴如也食母以生仲淹自功譴張爲幻
私竊貽公獄仲淹曾不執何旣惡疾死葬之如禮女兄
適羅氏蚤喪滕女有子亾賴給其器具玩好付質庫如
此者三終廩穀之婦翁以博負進窘而道亾子女爲人
奴贖之子與比丘分供終身以女字其族子所契合折
節下之簍入子片言心許周旋其患難身可借交報仇
名曰借人以行不減古人余遊新安王孫貞吉踵至貞
吉多才多藝見仲淹而悅之因與余同遊武林已入婁
江謁王弇州先生與其弟奉常二美雅善仲淹下榻二
園中浹旬以八月十八日看潮載酒送三十里而返若
遠公之渡虎溪焉蹇司馬汝循方治兵吳門延爲上客
刻蠲賦詩仲淹先成余輩遙謝韜翰也泛太湖登縹緲
峯雲觸石而起膚寸而合變幻萬狀雨挾之益奇仲淹

張蓋踞石縱觀有斗酒不得火取囊中瓢一吸而盡歸
雨雨益甚沒兩脛嘯傲自如旣別因傷其足旣而廢肌
如腊然善餽眼光注射讀書不休久之瘡無聲殺氣損
疾革司馬飲泣當何見付息無央侍仲淹數目之司馬
授藥一丸耳語仲嘉藥雖下咽猶無藥也奈何書遺言
示無火戒之戒之第服伯父若從父之訓聞婦啼曰母
但化已就枕而瞑其于宗門有深誼疾困累年能持念
不移緇儼終無惶怖宗人里人遠近之交臨哭盡哀名
上誄說之者數十百人遺集若干卷司馬評其詩學曹
杜文學司馬子長六書學李丞相王右軍非虛美矣無
央爲諸生有儁才舉四子瑤環玉珥稱其家兒舊史氏
曰語有之不知其人視其友司馬先生爲仲淹狀有以
恩義交者三人以道義交者七人以文藝交者二十九
人以意氣交者八人以忘年交者九人以忘勢交者五
人以里社交者十二人以布衣交者十九人以方外交
者十一人此孔子所以善子賤之治單父也獨余不佞
爲羊公鶴耳無央屬余傳益不勝片者吾友之感焉辭
雖不文事則質矣

沈太學家傳

太學沈公昌德字叔懷蘇州嘉定人也其上世肝胎人

宋時揚州守都遠從南渡家吳烏鵲橋已徙嘉定清浦
七傳思善以好義表閭人稱爲旌義沈云子某與婦瞿
俱以孝聞表閭曰雙孝人又稱雙孝沈云李子樂士修
職郎生矯遊太學有聲生仲子應元家苦大獄復中兵
燹能自援不修怨業乃大起而更好施配陸孺人唐宣
公裔生公有異表父母愛之而坐外侮在縲絏中母佐
索饋持門戶辛楚備至勢不能長賴復公公少卽忍嗜
欲不作門東啼稍長受學不習其所傳不止年十七爲
諸生父老且病授以家政誦讀之餘兼綜生計養親甚
具支分官家征徭與一切往來酬酢悉如父意所出父
大喜天其以是佚我老也吾諸父爲給諫侍御史以功名
著吾子才當不後人而數奇不得志于有司乃入太學
復數困不收因自嘆曰以吾父之好修也而流離瑣尾
幾不免吾不爲覆巢卵幸矣安能俯首含毫希不可冀
之物耶孝弟力田古人以設科豈在文學哉于是退而
躬耕日奉父田間召諸所善耆舊酒食談詠窮諸樂事
母病朝夕立而侍藥餌啓居不假寐者五月中夜涕泣
額天而求所以虞侍父者娶于潘事父甚謹舉子昌國
而公之子弘正再期矣父語公非若吾安得有此子若
無以弟視其以子視公曰請以兄弟之序而行父子之

大泌山房集

卷之七十一

家傳 三十四

集

愛乎父大喜三分其產公父子得二而昌國得一公不
可兒幸壯能自食弱弟不習事兒愧不能埤益之而乃
割所應有者耶卒與弟中分父益喜爲書報所親曰大
兒先弟而後子人情所難向後撫其弟教之與子等而
弟亦爲諸生矣父病不能言哀號祈于神有巫傳神語
憐而孝子而翁兩日能言然大命盡矣奈何已而能言
後兩日卒其執喪毀瘠已甚見者哀憐之推親之所愛
施于三黨族有乾沒公賦者貸而免其罪有遠遊久不
歸者爲之踐更而以怨報有蹊田而奪所獲稼者皆弗
較姑大負稅長繫爲之輸母之支屬貧欲遠從軍爲之
大泌山房集 卷之七十一 家傳 三十五

集

集

願子孫有是里中貴人或過公不報謁曰布衣與冠蓋周旋不韻彼在駕自厚德事吾終不請益成其高耳公貌偉而實弱居恒掩關習靜足不入城市竟不勝病卒卒之日言笑自如惟以孝友節義勉其子云弘正才情操行無忝所生矣論曰吳俗重家督諸子莫敢望母賤而子少則奴畜之不以爲子數如太學者既爲父得其子之母又爲父厚其庶之子蓋絕無僅有事也人侈言世家名家率以富貴功名沈氏布衣行孝行義受知人主六傳而太學世德作求夫膏粱華腴何足道哉

方太學家傳

大泌山房集

卷之七十一

家傳

三六

太學方君名思載字子厚歛人也其先世河南漢長史紆避地江左至宋季居歛環山再徙忠堂子孫貴盛爲歛冠族入明貴文舉進士官御史以伉直聞玄孫良曜舉進士爲郎爲藩臬爲大京兆所至有名迹京兆五子一元一德一貫一樂一敬一敬舉鄉試第五人一德生君一元無子京兆以君爲之後而兩父皆蚤世君甫二歲稱孤有異質口授書輒覆誦不失稍長受春秋春秋屬詞比事視諸經體異而舉子家言支離蕪蔓君曲暢旁通以綴文繁而有裁制京兆喜此經吾家世業卽宿儒未覩秘密執謂孺子能爾十八爲邑諸生督學使者

大泌山房集

卷之七十一

家傳

三十七

按部諸校士質問經傳意旨衆皆關口朴作教刑或詔君以年之少爲問丈人說救敵不給何道之達也神羊義義將觸其角宜早自避君曰無憂次及君談詞如雲使人心形俱服使者嘉之吾聞說經經經楊子行論難僭僭邪聖元兄之此子矣已知爲京兆孫曰故有祖風君益自奮九夏之暑焚膏而讀蚤虹嘖府不顧冰月擁爐厭旦忘就枕已入太學大司成遇以國士君辰入酉歸未嘗一日失期聞名世公卿賢豪長者踵門請見商畧今古究極天人腹繹而手錄之志不在小矣凡數應南北京兆試蓋已上第而失之者至再而好學不衰營統祠環山與宗人茂才異等藏修息游其中邑秀倘有青蘭社推君爲長所評騰無曲徇衆儀公必褒然舉而卒不偶也母早養治生劬勞君色養無違事諸父如父友于諸兄弟析箸聽所授不言多寡肥磽京兆無厚藏賴君經紀稍裕與伯兄聚處一室事無專輒任其勞者叔父爲市猾所持中之官君以身捍蔽得無患卽鄉鄰有鬭爭爲詭辨久稽不決君出片言無不釋憾以君無偏黨故也京兆治別第巖鎮未就君卒成之而構一畝宮于故里若古人田中廬歲居半曰吾聞去其故鄉事君而達猝遇故人曾無舊言君子恥之況吾先生生于

斯歌于斯哭于斯聚族于斯而何敢忘故夜有盜其貨
復焚其室者左右竊識之請東諸吏君不可秦之時人
或殖子財不足也漢之時獨夫收孤財有餘也彼以不
足致此吾幸有餘不以生人而欲速之死乎人稱君長
者當京兆時或行金錢屬造請君謹謝之太父以清白
貽孫謀小子不敏寧棄首為亂階生平自仇僂外婦女
無所幸候試逆旅逆旅處子踰關而自媒嫻之萬端峻
拒不納所知嗟異不圖輒近世有曾男子君第應
曰無有里中貴介公子高貴賈人相矜以侈散牖不收
于前鐘鼓不解於縣器用玩好僂童藍女行樂唯口不
大泌山房集 卷之七十一 家傳 三九

足君為宮室高足以辟潤濕邊足以圖風寒上足以待
雪霜雨露內外足以別男女之禮不為繁也衣服帶
履便於身不為辟怪也食足以增氣充虛強體適意不
為珍異也堅車良馬不知貴刻鏤文采不知喜習而安
焉若素家儲經史子集萬卷閉門掃軌校讎丹鉛不釋
至忠臣孝子節烈義俠覽之長吁潸然下涕也所書格
言四座皆滿為古文辭詩歌各有程則宗衮司徒采山
極所鑒賞晚而課子嚴數詔之曰青出藍絲出茜弁出
槃睥出憮天與之質人視之法有不然者謂之自暴棄
三子光宇光宸光震率多學尚云舊史氏曰子厚稟仰

素風力行恭儉京兆嘗試以事億則屢中可謂家實余
獨異其終身無二色力却奔女復不欲汙人以自名此
兩端者賢於人遠矣

金子實家傳

金子實名茂休寧人也世有名德唐押衙順宋司農葵
最著其遷居邑中市自新一始明興治亂國用重典所
株連編戍甚眾新一子仲善為郡掾焚尺籍免者千人
身坐卒戍昆明諸免家尸祝之仲善子孟賓孟賓子元
元子時時子象象子赦凡五傳家日起人以為陰德之
報云赦娶于戴生子實姿儀秀美溫潤受詩外傳入太
大泌山房集 卷之七十一 家傳 三九

學試輒困乃用鹽筴賈淮海上問之孟城席其父販麴
為業朝夕誦讀不廢而母弟子馨少孤宇育之萬方弟
長盡以其業授之子實行義好施子馨季有兄心無何
弟病十實憂之稱藥量水夜不眠寐比卒鄉人哭子馨
哀子實益不勝情哀而至毀見者為之灑泣復字育其
子已長盡以其業授之家遂倍蓰故時即宅後為園名
之曰市隱池亭整飾花竹妍美汪司馬伯玉嘗偕弟二
仲及汪元鑿陳達甫子伯宿仲魚遊而樂之擬少陵飲
中八仙作歌詞林傳為雅談繼司馬游者里人金季黃
丁南羽汪大呂汪公叔敬仲永叔輩飲酒賦詩浹辰挾

月子實沾沾自喜吾鄉者以詩爲舉子業方柏園鑒不相入今以詩爲詩深合吾意四方客能爲詩者卽不能詩而慕子實賢迂道往訪子實盛共張陳絲竹流連經時客益衆或緩急昏夜造門丐貸無所靳而貲不能繼矣然其行義好施自如宗祠之立也首以五百金爲助猶子有逋不能償代償之而割予其產視已子等嘗謂子詔吾聞鹽梅麴蘖和而後成味治天下者道如是吾先人業麴吾業鹽有深旨焉惟和爲貴猶子無習而不察也祝尚璽無功爲令知子實長者禮爲鄉中正市人服從其教名不隸于訟牒社有祭酒鄭魯文病卧梁家大泌山房集 卷之七十一 家傳 三十一

口于時子實病病矣日使人問魯文狀愧遺不絕子實居太學上舍有年應除官不欲赴客或諷之若薄貲耶子實謝曰古貴郎如司馬長卿輩吾得與齊名幸甚第吾思之至孰與其爲文園令病消渴守白頭文君不若吾爲市隱園主人抱子之孫孫之子分甘餽飴致足樂也集所爲詩遂以園名人與地交相爲重矣子實年七十一子三女孫曾孫皆五人子詔才行爲士林所珍而尚重志子實墓簡嚴不浮人以爲實錄子馨名芝自有傳舊史氏曰往余遊海陽海陽多富人與詞人結客如子實者衆第意在徵名或借以豪里中獨子實閤然

自修無所覲也子實沒已久余友丁南羽每爲余言其哭弟狀至欲涕下可謂獨行君子矣

柯儒隱家傳

柯儒隱名方榮字自實龍溪人也初名民仰字宇徵督學使王公易今名少司馬許公易今字父早世率情合禮王公見其英神雋茂使從王伯父甘野公受書柯故以尚書起家甘野公尤洽浹公講貫習復通微言大義綴文卓有奇致每自塾歸必以所製跪而陳之父靈牀前如生時已爲邑諸生身長七尺餘腰帶數圍豐頤美鬚髯俯仰進退咸有風則事母孝甘旨之奉必竭其力大泌山房集 卷之七十一 家傳 三十一

王父時資之衣食輒以進母與孤弱弟王父知狀私授之塾中亦必持歸須母命而後可已受室于楊月不數處內不入非類室不與小人遊蓋其性然也父所遺故薄悉畀兩弟母卒時郡罹兵患歲復大侵營綜斂葬兩弟相隨啼號而已諸弟子若博士聞而高之爲之聘王父踰九十目不明朝夕紙之如初叔弟殤葬如母仲季未有室累積束脩具六禮焉躬治王父葬會足瘍蹶躄從事山故遠于溪沙無可得忽驟雨湧沙數百斛人以爲異宗祠祀倡宗人新之歲時致祀具有經式而斥其名田供祀物族居美陽食指繁政無統紀慕公之誼奉

爲宗盟長公析爲五宗曰恭寬信敏惠而擇其賢者長之爲家規若干條人給一帙月朔謁祠使誦以對而廉其行有過夏楚示懲又爲立家倉備凶荒周困乏立宗塾簡其雋異者教誨之婦幼孤育于鄭翁翁有厚蓄于少侵者自方公爲舉侮夫婦獨施布不私一錢子後蕩其產更伏之而爲葬鄭翁如禮賊之陷南靖也徐生父子在虜中賊逆兵執生將劾首虜公往見其帥說而免之沈井里人從賊所逃歸衆以爲賊刃在其頸公知非是解其縛後遇同安道中迎公于家妻子羅拜而相者因謂公面有陰德文云同舍生中讒而黜者雪之鄉田

大山房集

卷之七十一

家傳

三

其稅市僧私宰牛勅宗人不得與徙市于野或移書勸之卒不聽豐城李中丞講學郡中許司馬徐參知兩公爲主必攝齊聽受豁然開悟以大學爲案孔曾爲宗止善爲命脉修身爲本格致誠正爲功齊治均平爲緒事所論克已格物變化氣質皆發前人未發之蘊三公稱之不容口適海上有寇警年穀不登上賑饑城堡二議當事者采行之自治舉子業四十年不輟而以子舉賢書遂自免隱于天寶山之麓徐公名其門儒隱疾時徐李二公爲製藥卒不起子方偕計于書命之六十餘年學問不敝一時氣使蓋疾不仁故云詩文喜司馬子長

大山房集

卷之七十一

家傳

三

吳伯實家傳

吳伯實者名繼美休寧人也人稱之省吾先生家居上

山溪山明秀獨吳氏得其勝子孫千億里無兩大名著
四方伯實父龍泉公大父鯉墩公皆以純龐惇固之德
表正鄉閭其生也弱不勝衣龍泉公少之是不若平灼
壯有力鯉墩公曰此皮相耳瘦乃勝肥吾必以伯爲壘
子伯實亦自奮古之贏者要離以勇聞崔杼以多智聞
皇甫謐以博學聞吾何獨不然下帷發憤日所受書倍
同舍生覆誦之不失一字衆竊怪其異居恒行不中道
坐不窺堂飲食不溲侍於親不睨視不側聽不噉應不
僂言所遊有常出面反告定省溫清具如禮鯉墩公
大喜舉酒屬客乃公固知人既入南雍獲觀乎在位通
大泌山房集 卷之七十一 家傳 三十一

人處逸大儒者艾而信博聞強識而讓敦善行而不息
者師事之離經辨志知類通達矣與海內英俊上下論
議休方辨對每出問表莫不嗟服龍泉公治家儼若朝
典又屬望諸子厚伯實情存抱損不矜急自多挑取功
譽而會母黃孺人喪父倦勤伯實部署喪事緩急疏數
情文俱得龍泉公亦大喜吾幾失子于是傳伯實以政
而召諸子前語之曰夫若卿若失若喪其一者天下馬
也望之似木雞者圖難也方晝見影而不見光方夜見
光而不見影泯然無際莫識其狀者實劍也物既有之
人亦宜然處身若櫟株拘執臂若槁木之枝而後善承

蜩忘四肢形體而後善削鍊儻然不趨受揖不立解
衣槃礴贏而後善畫朱文季之以公叔爲專愚也山季
倫之不爲家公所知也語固不虛今而後吾知若伯氏
今而後若曹惟家督是聽諸子敬諾疾革申命如初家
故受什一備保駟僮以百數僈倖鋒俠榮惑人視聽伯
實心計精審每以片語發覆衆吐舌相戒而察其馴慤
者任使之盼睐有加等益樂爲用業更隆起然不以是
侈費橋梁之飯藜藿之羹居無重席非禮服不裂帛然
不以是各施自三黨近戚與所交遊乏者助其貲貸者
焚其券嘗之郭有棄兒草野中收之以畀里人無子者
大泌山房集 卷之七十一 家傳 三十五

歲予衣食子壯有室而感可知也人奴逃而就捕計復
無之且赴水死爲請主人贖其罪并贖其身道途之華
離而土疆樂者溪澗之不可以舟而無徒杠與梁者二
氏之宮補綻決壞枝柱邪傾衆力莫繼者仰如外府然
不以是好上人見長者正立拱手必慎唯諾見同等車
必下路必讓至於芸夫牧豎牛馬走和顏色而延接之
與之言悛悛若不出口然不以是泛交自非僞儻魁偉
束脩至行者名刺不輕投貴人于旄枉過輒以出亡辭
居太學久應拜官委去不顧灑掃精廬左圖右史披覽
忘倦啜茗焚香藝化種竹或鼓琴而歌或抱膝而吟或

登樓而傲睨或箕踞南牕而嘯或踟躕畦苑遊戲平林興盡而返所臭味過從手談終日佐之以酒閒語及外事闔口不答符卿祝無功初爲海陽令其門如市獨伯實五年不上謁無功嘆曰疇謂古今人不相及雖公事不至偃室吳君賢於子羽矣晚年有味竺乾氏言挈其弟泛海禮大士普陀巖歸而築閣事佛八關六時齋誦一如彼法會數有子喪諸善伯實者載酒相慰藉唱酬謔浪日多歡趣乃忽大悟陶彭澤好酒遠公招入白蓮社送過虎溪蘇晉願與彌勒同龕以好飲米汁故故長齋佛前而稱爲飲中仙人吾竊比焉無何卒丈夫子六太山房集

卷之七十一

家傳 三

吳仲虛家傳

吳仲虛者名繼灼灼訓爲炙爲昭惡其文之著也字以仲虛別號履素云其先唐御史念其徙休寧南山則宋文肅儼十傳爲昆昆生祿祿次子典客洽元配黃生仲虛而助黃適者張生伯實長仲虛八歲仲虛小而聰了

十歲從塾師所見左氏春秋好之塾師爲解故遂盡通曉長而韶令美容儀舉止醜藉襟情豁朗典客公督之嚴學益勤業益工益習百家言以屬文敘致精麗無何父母卒哭嘔血至升乃入太學許張二相國爲司成遇以國士七上京兆試不第意氣自如別業在蓀谷有閒曠之致風亭月觀吹臺琴室果竹繁茂花藥成行招集文士與諸兄弟盡遊玩之適賦詩行酒爲樂而學不輟家藏書萬卷丹鉛校讎不倦今武林西爽堂所鏤梓海內競市之嘗與湯博士論三國志諸葛忠武無所薦士不若鄧侯蜀士少何以不加珍重魏多材何以亡在吳先博士具爲明其所以欣然厥心也已就老宿談西方之業一往奔詣故復自佳馮虞諸君子目曰禪中夷惠於是從伯兄渡海禮大士于普陀損橐中裝助伊蒲塞桑門之盛饌津梁水陸之墮鬼趣者而歸仲虛故篤於用情而諸父昆弟姊女相次沒不任憂邑丁酉就試復被放聞伯實病操舴艋晝夜併道以還而伯實業已先沒兩日仲虛撫膺呼天涕泗交流余無父母而有兄鄉之力於學也兄代余治生也頃之快於隱若遊也兄在無內顧也垂三十年手不執筆今安恃乎每哀至則泣復嘔血如往時眩而仆地久之方蘇稍綜理兄家政耳

太山房集

卷之七十一

家傳

三七

目所觸無非痛楚食少事繁遂病矣猶日持已覽與諸兄弟言是夫謂奇貨可居貨孰奇於是千秋而下隻字尚可百金吾新安多賈人不足當其一瞬既而伯子懷真自武林來待病悲不自勝仲虛摩挲之兒爲我來良苦將無以我年未五十患天耶昔王司徒恨年始四十衰同耳順遠公答言古人不愛尺璧重寸陰觀其所存不在長年擅越既履順而游性乘佛理以御心因此而推復何羨遐齡吾癖之審矣兒其入謁先廟見若母拜三黨父老而後出仲虛猶攝衣冠匡坐至夜分卒識者以其得禪趣深也江南嘗大饑疫其所活無萬數振人大泌山房集 卷之七十一 家傳 三十八

困厄如或不及而耻任德卒之日來哭者填門家人不識姓名所交盡東南之美周旋異常攜李馮開之爲志四明屠長卿爲表臨川湯義仍爲傳閩曹能始爲書傳後武林黃貞父爲狀長洲張伯起王百谷華亭王元翰陳眉公董玄宰馮咸甫廣陵陸無從新安方定之羅德鳴謝少康高安陳德遠及申王二相國祿宏洪恩二高僧宗人吳體中爲象諸人歆豔之以爲令聞廣譽施於身不願文繡也所著西爽堂稿篇什不富而才意新拔良足嘉異子懷真懷上有名家韻舊史氏曰商山吳氏之先其奕世載德耶何子孫之多賢也余所知數矣

年行三輩各有其美往傳伯實已知有仲虛復爲仲虛立傳夫常棟碑不足貴矣

吳雅士家傳

吳雅士者海陽太學繼可也繼可字幼時直指使者下檄旌其門曰雅士人因稱之少以字行江淮間故幼時稱最著幼時父藏宮內史別號鳳泉世曰內史鳳凰池而鳳泉公有子九人若鳳將九雛幼時行居八人又稱之八郎云幼時生而白晢韶令顰笑啓居有常度絕肖內史內史曰摩挲其頂爲歡甫亂則內史捐館舍矣孺子之慕自其天性朝夕從諸兄寢食靈牀前就外傳受人泌山房集 卷之七十一 家傳 三十九

書不屑訓故通曉大歸而已又涉獵諸家言好誦唐人詩叔兄宦遊金陵從之入南雍時方弱冠神采映發而溫恭雅馴四方豪賢愛之與結衿契者纔屬諸應酬大小儀體一切關決于兄無專輒焉兩兄卒幼時哀如父諸子議曰周有大叔在德不在年今諸父賢八叔爲最請禮爲家督于是之廣陵部署什一之業則曰先君子規畫具在奉之無失又何加焉任人而因時無欲速無見小利而業駸駸起矣廣陵高貴賈人無不感宮室美衣服侈飲食飾與馬僕從及諸攤錢之戲幼時去其泰甚而不溪刻自處素不信二氏言卽有以理學自命者

王孝子家傳

王孝子者名原順天府霸州文安縣人也父曰珣娶于張生原剪髮爲髻小字之某是時畿輔牧事煩苛比屋流亡珣無所仰賴私語婦安能坐而待斃將餬其口四方若善視吾子遂去不復顧原稍長數問母父安之母告以故輒哀啼不自勝天下豈有無父之人哉奈何父之生而子致死之也兒願跳身求父與俱還母泣而慰之曰天下大矣兒父非世所指名也相踵爲異鄉餒鬼

大泌山房集

卷之七十二

家傳

一

五

何益之有原因念母筆箚誰與朝夕者既受室段矣力請于母兒鄉者不敢離子舍微天之靈有婦可代養請畢初志卽不得父兒不歸矣母善自愛勿以兒爲念慟哭而出至燕至趙至齊所贏糧盡則行乞于市并日或不得食色菜足藟意氣彌堅已渡海抵田橫島日夕矣颶風大作望道左土偶祠就而假寐夢游僧舍日當午僧炊莎米爲飯推而食之一盂味殊苦復和以肉洎曰甘乎曰甘已復口誦偈授之如來如來真箇來好去好去還須去忽聞剝啄聲而寤則一老父拄杖逍遙來前類有道者也原起立而偃僂須之顧問原豎子無乃憊

耶原流涕而白所以老父嘆曰鶴鳴在陰其子和之夫惟在陰乃可和也豎子不識父所在而索之無何有之鄉不亦難乎聊攝以東姑尤以西其爲人也多矣寧渠能家至而戶說之原更流涕而告以夢老父沉吟曰夢故有意日當午者南方也莎草者其根附子也和肉洎者附子胎也先苦而後甘豎子其南行乎必求諸蘭若中乃得之原稽首而謝因改而圖南踰汶泗渡洛漳旦夕匍匐顧天長號至輝縣之山寺視其名爲夢覺又爲慙報原心自喜天庶幾愍余疇昔之夢有徵乎會大雨雪倚寺門而臥昧爽僧繼出見而怪之少年何所人何

大泌山房集

卷之七十二

家傳

二

王

以至此原齒擊而對賤子文安人也爲尋父來耳而父何狀曰生數月而失父不識狀母爲我言其略然去之二十許年當不相似矣僧繼引而謁其師師分麋餽之珣方爲僧都養僧繼召珣來指原示之此少年亦文安人試作鄉語珣曰而父何人原曰王珣珣曰爾非小字某者耶原曰是也父子相抱而大哭失聲寺僧及外人聚觀者無不泣下沾襟父勞苦原兒以我故至此路人見猶憐矧若翁雖然若翁赤貧何以見鄉人不爲汝母子辱耶原噉然而哭頭搶地不能興諸人譬曉其父貧者士之常庸何病幸得歸骸骨故土不媿首丘孤矣且

若子以若有無爲生死若妻若子之婦以若子有無爲生死若不歸是以一不必生而易三必死也珣乃揖謝諸人而從原歸僧法林者贈原詩方于呂子回焉始珣亡時尚壯比其返也垂老矣鄉人觀者如堵牆咄咄怪事不休原竭力耕田以供子職愉色悅容不違其意珣八十有四而後卒原年亦八十有四博士吾嵩董玉璣方伯紀常爲傳其事越數十年有司上直指使者直指使者以聞于朝詔旌其門原子六人孫十有五人曾孫二十有二人應期應霖舉進士爲世間人言天所以報王孝子也其里其廬其墓迄于今皆以王孝子名婦

大泌山房集

卷之七十二

宋傳

三

王

西泠翁翁家傳

翁翁者武林人也其先世丘墓在西泠翁自號以志墓人因稱之西泠翁翁名鍾字子璧世家大梁從宋南渡

家武林父曰永昌而有四母曰王曰黃曰章曰周翁周出也兒時父寢疾刲股和藥以進日夕籲天請損已年以增父算父老攝家政終不私貨蓄假與叔父鰥而貧引之共釜而食更授其子資生之業而擇對遺其女宜家因母之卒也哭無常時迨老以爲憾歲時伏臘若豆間之祭輒救泣下事繼母如因母又周繼母弟之孀獨者孀傭傭翁金議婚婚有日矣婦家覺而悔之以幣返翁翁謝無有吾不忍是夫蒙不韙名將終身無偶也戚屬干進而無賞貸子錢家子錢家不可必以翁翁爲左驗其人卒不能償翁代之償或乞翁居間事訖翁絕不受謝乞者故無賴坐他事窘乃嫁禍翁翁自誣服久之始白蓋環翁里而居者千餘家饑取食寒取衣婚姻死葬取經費翁不置券即券而人負之諸所爲德而人用怨報之者不可勝數翁家遂中廢身不免文閭武林人竊笑翁迂翁聞而莞然笑曰吾行吾意而已安知其他胡端敏公父子張中丞吳憲使王左史皆武林人賢卿大夫雅重翁質行長者相引爲布衣交申之以婚姻武林聚五方民百貨之湊俗尚侈靡翁無所好獨好讀書務通大義棄去俗師一切章句訓詁興致所會口占成詠不拘聲律陶然自暢既舉二子擇經生督課而翁

大泌山房集

卷之七十二

宋傳

四

王

歲月考成焉嘉靖間新建學大行其徒有能推明之者必令二子從游少時以門戶計入貲爲行省知印恥與齷齪者偶朝望詣公府一受署而退若或挽之越三十年以例子冠帶而有司亦廉翁孝弟慈良制其門加綽楔焉二子曰慰祖繩祖皆茂才有月旦名慰祖之子汝遇汝進舉進士文章治行號爲二難云舊史氏曰翁氏兄弟以文學起家每爲余言是王父之教也余謂富歲子弟多賴其趨而之文猶箕裘弓冶所必至耳夫西泠翁不愛毀家辱身以脫人于難卒不自言此之謂陰德子孫繩繩奕奕蓋受其賜而不知世以文學訓子孫爲求富貴利達之媒故翁所不屑也

汪次公家傳

汪次公名良植字文林歙之千秋里人也父某以伯兄適子貴贈左司馬左司馬者世所稱伯玉先生也贈公元配吳淑人踰四十無子祠高祿不驗乃以黃姬助吳淑人之選其年甲子正月吳舉先生父累封左司馬號封公二月舉公號次公復自號羅山人兩公幼同乳哺臥起長同飲食衣服就外傳同槃案佔俸朝夕出入若一身童牙黃髮無纖介之忤贈公用鹽筴起家富逸爲閭里雄不以晚舉子姑息御之奇嚴公從父賈武林無

大泌山房集

卷之七十一

五

王

大泌山房集

卷之七十一

六

王

苟訾笑父老以政聽公兄弟公得自便持籌而算萬不失一所贏得十倍則狎諸少年爲鬪雞走狗藏鉤試十夾食捐悶博塞樗蒲壺矢踟踟之戲諸少年稱國能焉已而游狹邪簡其靡顏膩理姱容修態歌青琴而舞絳樹者迭奏更侍達旦達夜所直意賜子無倦諸姬自以得尚公晚目挑心招相屬酒人醺而召公轟飲自雄傲以不能公輒盡一石不醉酒人內愧也位次與稠人絕席于時游閒公子之名聞吳越間造詣名宿豪傑迎門握手交歡延之上坐飛辯騁辭溢氣空涌聽者屬耳忘倦鹽筴使立爲市正謹修其法而審行之徵發期會諸賈人稟承恐後會直指捕鹽關出者又聽受吏民條書相告染逮數十百人征營惴惴靡知厝身公曰我在若屬何患走之所善顯者以底裏上露爭爲道地得無案諸賈人羅拜公庭下奉百金侑觴公粲然不悅魯仲連米家何人哉吾乃見德色非夫也姑盡子之觴而已里有訟關公平之已諾而其黨利賄獄因緣侵牟力佐關公鄭重譬曉無自貽戚不聽兩家大毀禍孽未解皆臥自搏何面目見汪次公嘗夜江行遇盜舟人竄走將葬江魚之腹公適然笑竄渠至是挺而前好語盜曰天下穰穰皆爲利往若與人等耳主人而得之人以生報

死人而得之人以死報兩者奚若幸自爲計盜目攝公謂吾劍不利耶而喋喋爲其魁呵之是長者勿與校已抽一矢乞公設有警可出示也向後再遇盜再免舟人戴汪次公尸祝之矣伯氏既貴釋業公亦輟歸籍其貴初畀守舍兒再畀子婿洪三界里中子破亡大半身課疆以耕於野兼功自厲量腹而食制形而衣殊無愠容力田不若逢年吾力安能與命衡而救侍兒日儲酒待客客來觥籌交錯酒酣耳熱嗒焉長嘯引枕而臥揖客且去其曠達如此封公從子爵不齒於鄉從弟亦與封君比督府辟公參軍具章服趨上公謝不願回賜之徒大泌山房集

卷之七十一

傳七

不稱官閥人呼我次公於我足矣皂帽木褐比肩兩公問子姓賓客行酒於公彌起敬退而視其戶長者車多兩公所矣公初娶吳繼以杜勝以陸陸舉子道坦杜舉子道會而公稍爲酒困偵者以病告杜憂之甚道會復善病杜憂滋甚亦病公病差而杜卒哭之哀病繇是作矣繼杜者莊舉子道耆其年公稱耆也耆聘於方未娶而殤方氏女自縊以殉事聞于朝旌其門而女歸洪者無何稱未亡人矣不踐二庭公潸然流涕女婦以節烈著非家之福也病繇是深矣督坦學不成督會學成爲國子生復數試不售公意不無小動而縱酒自如久之

王

病疝益楚其不侵爲然諸振人困厄有無通共人有過班班顯言須改而止終其身不衰病革語左司馬幸及時有樹也司馬問所以樹曰出則有補于國家入則有造于宗族而已莊嫗更請治命不答司馬言吾得叔父也吾王父母以慈聞吾父昆季以友聞吾諸母以順聞吾儕兄弟以恭聞吾宗吾鄉以敦睦聞吾諸臧獲以勤恪聞蓋公所爲上下左右匡救彌縫甚備司馬有難顯言者云舊史氏曰余遊司馬兄弟間則次公沒有年所矣次公仲子道會是爲仲嘉司馬母弟道貫是爲仲淹學士大夫稱二仲仲嘉爲叔稱三郎嘗語余仲父宜有大泌山房集

卷之七十二

家傳八

王

仲子仲子當愈吾仲司馬仲淹沒仲嘉擁護其家化誨其子姓舉國莫不宗服爲之語曰父次公子次公衣布衣顯名同司馬知人哉

江先生家傳

江蓉東先生者名國邵字景仁婺源江灣人也其先蕭邁爲唐相仲子植平黃巢亂徙歙黃墩孫瑾晉渡江興唐不克因以江爲姓徙居婺源坑其徙江灣則自宋洪州尉敵始歷十數傳率以科目起家先生王父天寶稱一鄉善士父大用母李禱于靈山夢何國師降其室已而先生生室有異香名之國賓字之君禮後以市豪

齟齬不較更今名字有不殄厥愠不隕厥問之指焉少時警敏絕人不苟訾笑見羣兒嬉戲恥與爲伍父大奇之異日必成端士在親側倮身屏氣如執玉奉盈毋側聽噉應淫視僂言以八之好遠遊也屬所善慰留之爲築草堂奉父偃息其中招延故老彈琴賦詩以相娛樂問寢視膳朝夕不違冬夜抱父足而寢父感其悃篤不復出林間矣少受學江古楓公日誦千餘言爲文思理斐然試有司有司錄其文不類括帖語而以父病謝去不櫛髮不脫衣日嘗藥物相啓居搔背癢唯謹比卒哭無時不進鹽酪跨積寒暑自斂以至葬虞三年之喪四時之祭無不用紫陽家禮廬于墓三年然後歸白雀巢樹紫芝產隴人以爲孝思冥感云歲節生忌不御酒肉哀若初喪沒其身而後已侍御洪覺山公講明理學先生從之遊洪公因以先生見鄒文莊公文莊公器之矚自紫陽後多大儒江生弱冠篤志於學晚成殆未可量爲紫陽祠于家事之如家廟禮廣求其遺言不失隻字凡數十年錄書校讎展誦孜孜不倦其微言大義爲尊朱語錄道學正宗諸書少司徒余中宇公序而行之紫陽裔孫崇沐欲行紫陽遺集先生大喜以所錄付之助之百金崇沐爲紫陽藏書樓入助之百金其崇信如

此鷄鳴而起整衣冠拱立思其日所行必可與天知可與人言兢兢惟恐有過洪公敬之爲畏友其後復與璽卿汪都山公文長善救失有先輩典刑耿恭簡公爲督學知先生賢而賓禮之有司請爲弟子員先生笑曰一青青子衿于我何加焉卽俞孺人亦勸先生弗往也初永門俞古石公爲女擇對江古楓公曰無若江生遂以女字先生蓋古楓公婦兄弟之女也萊婦鴻妻所刑于豈淺鮮哉先生席父遺貲饒溢而蔬食布衣不改其素家人爲木客賈吳楚或數千章先生書一團茅草詩若自嘲而意在儆衆幅利也然以無侈費蓄滋養人操書致售田必予善價里中入租以石計有定衡獨先生減二斤故先生田日斥而樂爲先生田傭者惟虞不得間歲侵出廩粟數千石食餒民每行攜金袖中遇貧者出而周之鰥寡孤獨倍其尋無長少貴賤薰然慈仁接之終日無惰容無疾色人入親就之有訟閱質先生或望廬而返或造門得片言立解所結社諸君皆善飲先生不飲而飲人以和也士之有文者鄉大夫之仕若隱者見之必敬而不曲阿侃侃持論有過雖暱者尊者規切不諱江應泉敬先生數語其子汝誼此古之真儒也先生亦雅重汝誼汝誼沒後有外侮故人莫爲之地先生

周旋如平昔從弟茂裕少孤字之若同胞後遂爲聞人從弟茂孝子孤先生撫而哭之吾在一日卽而父在一日也晚年號獨醒居士有獨醒集暨唐詩彙選行世雖不治舉子業見諸大魁試卷校而評之或梓之木以訓誨後人曰言爲心聲文其精者也國家以此羅士安得忽棄疾革詔二子惟紫陽是師又曰吾少不及湛甘泉先生之門其遺書在若曹佩服之少間曰天地清氣襲人衣袂命二子掖而起坐交手加于心者三而逝譚明府任學博嘗旌其門曰隱德君子曰光振紫陽其中表昆弟汪太僕居約時受先生特達之知將以先生薦于大泌山房集

卷之七十二

家傳

十一

王

潘長公家傳

潘長公名周南字南伯歛人也父侃以孝廉仕爲汀州別駕年九十有二里中稱長者汀州公三子長公之次則召南道南召南字南仲少長公四歲與公齊名公生

而深目高權輔微若揚子雲口吃汀州公爲諸生久深于訓詁之學時時爲公說大旨輒記不忘以屬文無不中窾會而汀州公試數爲其曹冠首遣公就外傳橫經捧手而聽是孰與吾父野雞不若家雞越雞又安能爲魯雞也遂謝歸一以父爲師會詔選秀民入太學公乃爲太學生故司成丹陽姜宗伯與汀州公披襟領契得意之交見公斷斷自修整嘆曰慧種生聖癡種生狂桂實生桂桐實生桐詎不信哉家故饒汀州公用無經紀南仲豪奢似之公曰吾忝家督不厚其入何以勝其出是吾貽父與弟困也折節爲儉約家在嚴鎮大如一般都大泌山房集

卷之七十二

家傳

十二

王

岸崩亭沒水中舟人不識風候多敗御史大夫郭相奎
初爲結部郎有事與州公與相善輩感語郭公吾不忍
葬魚腹者繫繫也顧在下位何可任德願捐金復故亭
而公爲之名至今舟楫亭下誦潘公也其客金陵廣陵
或置酒高會以女樂侍召公公未嘗不盡歡姑寄適耳
無所限愛歸老治園沼構臺榭差容宴豆游履不爲崇
高彫鏤也絲竹肉聲以侑食不爲昌大驚庶流連日夕
也二三宗長老搖脣鼓舌街談巷議所好生毛羽所惡
成創痛市人仄目而事之公隱情惜已猶不脂之婦未
嘗以甘言加人過情接物尺牘指事希有盈紙入其門
大泌山房集 卷之七十二 家信 十三 王

仲郡諸生之愷叔太學生之悌季太學生之恪因材而
成之受賈受儒皆有聲而季能古文辭舉子業惺子一
駒家孫也其子九如曾孫也以汀州九十時生駒與悌
子一馭俱與真州諸生恪子一駉十歲能文子孫多且賢
五世承歡伏公以老郡邑守令干旄造廬率謝不見故
黃門楚張公爲令修邑乘無曲筆所記友于兄弟者三
家潘氏有四以公爲首鄉校士上書言潘長公不爲內
外行不爲豐約舉惡之不怨好之不偏高之不驕下之
不懼謀必見素成事焉而後履之天時不作弗爲人客
君子人也禮爲鄉飲酒禮大賓公固辭而私語子孫韓
伯休藥不貳價三十年一旦爲兒女子所知走之霸陵
吾晚乃冒虛稱愧之矣諸子應詔格以公爲光祿丞公
勞謝之子行乎子志吾行吾義耳其匿景藏采不揚華
藻類此今年八十有女偶孺子之色有以也舊史氏曰
詩有之羔羊之皮素絲五紵美儉也豈夫福心色取爲
醜齷細人之狀哉故曰委蛇委蛇廉而不剌其德宇自
寬裕耳魏和洽深達此旨恒言儉素過中處身則可以
此格物所失或多世人見形容不飾衣裘敝壞謂之廉
潔崇一槩難堪之行以檢殊爲忌拂人情而容隱偽跡
潘長公行事要在慎乃儉德以所長上人從俗浮

沉英時俯仰束髮至口首物無傷閭者顧名思義有二南詩人遺風矣

嚴季子家傳

嚴季子道行者名濟文靖公之第五子也文靖罷相始生孩提時神明可愛公朝暮置膝上授之書輒誦舉物屬之對對輒如響喜以語其伯兄秘書曰阿濟吾不得而子殆難爲兄秘書謝曰天之所以胖大人也故非凡品第五之名何減驃騎驃騎故應遜弟耳道行受濕病瘧服藥爲淺庸醫所誤遂踈盤辟痲矣文靖公以爲大感道行曰不然古有善用三短者因瘧而舉頤因跛而

大泌山房集

卷之七十一

家傳

十五

王

緩步因蹇而徐言吾且有所用之矣公爲莞爾則日坐榻凭几游思六籍逍遙百氏朱墨別異俛仰伊吾久之益自奮曰寒可無衣饑可無食至于書不可一日失誠哉是言也寸陰爲寶故讀書不窺園董仲舒三年桓榮十五年何休十七年家多藏書重以賢父兄之教天將使余不出戶知天下不窺牖見天道乎庶幾比于董桓諸子吾持一編而千古之上六合之外應接不暇耳目若滌不知世之有人已之有軀欣欣其獨樂也道行足不良弱行而自哲美鬚眉風姿特秀人目之杜弘治面如凝脂眼如點漆神仙中人也客樂與之處道行復好

大泌山房集

卷之七十二

家傳

十六

王

有所會心徘徊不能已已四方之人環觀而怪之若無濟勝之具而有勝情者何道行嗑然而笑不聞夔憐虬螭憐風者乎夫風指則勝躋則勝然而折大木蜚大屋以衆小不勝爲大勝耳吾御風而行冷然善也何待具哉觀者亦笑而去嘗邂逅吳明卿鄒彥吉兩先生兩先生嘆曰是夫也德有所長而形有所忘視喪其足猶遺上也道行詩法唐人恥爲齷齪近步膠常守故之語書學鍾元常而多姿態好寫佛經乞者如市應者如流有尊足齋稿行于世文靖公爲冢宰置酒食召舍中兒門下客而矢之吾所爲私一錢賄者有如此酒故雖貴而

無厚蓄道行因母徐孺人經紀稍裕而道行好施嘗言世俗有好施之名而不卹窮賤故用財以周急爲先吾師王朗矣鰥寡孤獨疲癯殘疾窘急無聊者所見所聞必有以振之不問內所餘幾何凶年饑歲食餒者療疫者斂死者無算有蜀僧乞五百金立與之其豪爽類此文靖沒累日哭幾殞生侍母病累月不脫衣而莊事諸兄不以父之愛有驕倨色家僮數千指恒箠楚其黥桀者各自檢勑比閭鄰鄙相保相愛也年二十有八而卒鄉人悲惜之曰純袴郎君體長婦人坐不下堂而才情禮法如是厄之疾復厄之年天忌取盈乎文靖公初爲大泌山房集

卷之七十二

家傳

十七

王

道行聘蔣憲副貞庵公女而意難之安得宋人之女蔡人之妻歌采采芣苢樂有子哉既歸克諧而舉一子二女子柵爲余叔弟門人文行有父祖風其外祖與余同成進士舊史氏曰仲尼有言無受天損易無受人益難嚴季子相國愛子何求不至焉不幸而有疾好學好遊以沒其身畸于人而侔於天弗損益之大得志也可不謂難乎夫非獨季子爲季子婦實難後必有述焉

黃叔子家傳

黃叔子名枚字叔夏歙人也父廷尉承應坤生而穎秀娟娟可念五歲從廷尉令浮梁遣使歸聘適食錫以授

使爲我餉王母廷尉喜緘致之家人以爲慈孫從廷尉居京師與伯兄受書許相國聞其伊吾聲嘆曰此不啻聽廣樂矣旁綜家政悉如廷尉意所欲出無何歸而廷尉卒伯兄扶柩叔子當尸四方來弔稽顙流涕而對一如禮殷司徒目之曰黃叔子何必減古黃叔度哉嘗入金陵族子窺其貲僞爲窘苦狀號曰死無日矣叔子曰死不可免乎曰必五百金乃免析吾骸何庸感然檢橐裝如其數畀之詰朝覘之則行矣已而遭之維揚從大賈招搖市過之見叔子愧走左右請執之叔子不可彼方驕人吾不忍辱之市姑縱之其人卒不能名一錢以大泌山房集

卷之七十二

家傳

十八

王

儼不問也鄰梅生方麴障面而趨紫陽山嶂詰之曰歲饑輶輶之業虛矣不如死解囊中金資之江生葛屨履霜召而衣食之且給之資斧不義而獲千金以報叔子叔子麾之無汗我江卒敗嘗之野誤失足疏畦主人投石傷叔子頸同遊者拘其人詣吏叔子曰此蹊田而彼奪牛惡得無過薄乎云爾釋之有誘女奴而匿之家事露叔子不罪若以貧故致此予金少許亟自新太冲塘多溺子日爲檣瘞之天以天扎爲凶年而人乃凶德參會平聞者慚遂無溺也與江郎輩飲燕子磯凭檻見駭浪中有覆舟捐錢募人往救不足則脫簪所活數十人

叔子沒而淮陰王老以五百文來奠曰是有恩于我或曰是嘗歸胡廣文之子之喪于浙或曰是嘗碎玉冠而不顧若破甑者皆不得主名不悉事由其爲德不令人知類此叔子癯而神王服御整潔不爲侈遇人無尊卑疎戚飲和心醉見義必爲事不避難七尺可捐無論阿堵物矣而不爲苟得江郎之司留漕也浙倅覆舟盡溺其衆請以金代屬叔子道地辭不見亦不言即自以意許之倅謝叔子叔子不見不言如初廷尉家闔閭中前市後館叔子室介其間石磴縈紆竹樹掩藹所有圖書鉛槧無他物條然若出世外其偶方爲少司徒公愛女大泌山房集 卷之七十二 家傳 十九 王

方仲公家傳

比部謝曰可先生以忠讜名天下其文章復獨步一時如景星慶雲士爭先睹之爲快所至載酒殷從遊所居市宅其傍就學經承口授指畫爲文者悉有法度可觀余所知則方生學周其一也先生以學周來見曰是家父子吾所習吾爲述行事而子傳之余遜謝有先生在何敢嘗試先生曰夫有前茅何難爲後以子舊史或可藏副焉耳作方仲公家傳方仲公者父曰汝璋公有孝弟行而因名其子伯曰勉孝仲曰勉弟家世歛西寒山其受姓自具茨七聖方明始漢名德有方望方儲其由淳安徙寒山則宋某公雲仍奕葉載新安名族誌中不可勝數而曾王父流最著母病露禱以身代病良已兄弟析著田取瘠僮取老弱質取其不能償者蓋孝弟身有之傳其長子達仲子瑗瑗子汝璋汝璋無念爾祖又以勉其二子焉仲公之生也瑗夢余文義入其室文義與流公比德父子雅善其爲人人以爲此佛氏宿因也少學六甲五方書計之事稍長諷誦詩書百家之言仰鑽沉研不知有寢食而父買中州折閱不能歸伯氏爲邑諸生矣仲公顧名思義蹶然而起曰吾兄以儒致身顯親揚名此之謂孝吾代兄爲家督修父之業此之謂弟乃輟學從父買中州坐列販賣操其奇贏久之積貯

倍息則以中州距家踔遠改而受鹽筴賈淮南談知於尺寸之間窺窬於分毫之際雖老宿無以踰也部使者延見諸賈人問利病衆必推公置對而有幹鹽者不欲言其人以賄故取諸賈人單次紛更之諸賈人洵洵謀公身詣臺具言所不可狀其人故相難問公連柱之謀竟寢而單次定諸賈人舉手加額祝公也流公嘗憐鄉人病涉者爲石梁人目爲方氏橋過者輒顧天願方氏多男子又焚券已責備餓宰掩道殪鄉人誦德不忘仲公曰吾今孰與王曾父時而不爲德乎以數千緡繕宗祠圯者合族修歲事讀宗法衆相觀而善不犯有司欵

大泌山房集 卷之七十二 家傳 三十一 王

古巖寺遠祖建千佛閣其中至明而積善公更建之燬于火父竊有志焉未之逮也仲公更建之視昔有加以終父志鄉人指目此方氏堂構丹雘也三黨有郤必爲解媾後已有厄必拯有貸必施淮北歲凶餒者病者爲溝中瘠者以百千計仲公予糜粥予藥餌予斂具亦千百計然不以其德上人不立聲迹口悛悛如不能言卽言第舉其長不及人過事父母生盡物死盡哀事兄白首無纖介不愧其名偶吳卒諸子請繼而曰不可若母與我黽勉同心以無鞠育也吾念茲在茲釋茲在茲恐使後之人發笥逝梁乎吾其爲王駿矣傳子以政而歸

游覽白嶽黃山間吳太史祝尚璽數相與酬酢蓋知止不殆知足不辱其志操易地皆然也仲公字某人稱之巽齋先生舊史氏曰聞之王克楊子雲作法言富人賁錢千萬願載於書子雲不聽夫富無仁義之行園鹿而已安得妄載如方仲公者可謂有仁義矣不然何以見友於三君子三君子今之所謂仁義人也

朱承甫家傳

朱承甫者其名家寵其別號筠臯休寧封秘書上園公伯子也生時母程孺人嘗夢日入其懷少卽辯惠有丈夫之采父與世父以鹽筴賈淮楚間承甫驕貴能攝贊

大泌山房集 卷之七十二 家傳 三十一 王

之世父有方格每訓子姓以禮曰親在爲人子者無私貨無私蓄無私器不敢私假不敢私與諸子姓唯唯退而省其私惟承甫能行之世父亟稱于衆是必亢吾宗世父病不遠千里求醫三月不解衣而侍榻下相啟居溲溺備極辛楚病革其子祥弱冠祥弟祚猶呱呱而泣也世父執承甫手而語之以是二孤爲託死者復生生者不愧其言吾目瞑矣承甫飲泣受命祥祚母皆庶也而有嫡在承甫調和其間耦俱無猜祥兄弟長擇通儒碩學爲之師有過必正色相規世父世母歿祥兄弟母沒附身附梓悉所擘畫蒙霜露披荆棘以卜善地而藏

之胼手胝足面黧黑也兄弟同居三十年尺布斗粟無隱修上世之業而息之什伯倍蓰以分諸兄弟諸兄弟大過所望祥拜手曰微伯氏賜不至此請有以報德固謝不受夫權子母而行子恒羸母此市道也兄弟天倫奈何以市道用之乎西人有負世父責者更加惡聲紀綱之僕不能忍見承甫以大義至情感動之負者愧爭爲償而察其實貧者析券不復收中涓銜命辜權以大賈爲奇貨魚肉之承甫倡義執言暴其監奴門客爲奸利狀詞辯注射氣奮不可奪中涓語塞乃罷衆駭曰是何文弱儒生而料虎頭編虎鬚幾不免虎口哉父心

大泌山房集

卷之七十二

家傳

三

王

傷其兄復以家秉授承甫承甫肩之有益無因而爲義宅爲義田爲宗祠以成其父兄弟之志有意外虞當先扞蔽不貽父母憂退居子舍和氣愉色就養無方母善病每得耗疾馳歸昏夜風雨不避母見其來輒霍然病已如此者五羣從以文學起家或游鄉校或入太學或仕于朝皆承甫所啓迪而年已耄耋獨羣布爲宗祭酒或勸之拜爵則曰吾立身自有本末大冠若箕鉅呂而車上僂竊恥之非所屑也生平不游大人成名無耳月玩好之物獨喜書手不停披喜賦詩里中長老賢士大夫家子弟集行酒授簡卽事限韻隨目賦成座客無不

嘉嘆有筠臯集祚乞朱庶子序其詩且傳其人盛有所稱引祥復以屬余余知承甫家于今三世因傳其人而爲詩跋以附庶子之後舊史氏曰余觀朱承甫事大類謝弘微弘微爲叔父經紀生業事若在公一錢尺帛出入皆有文簿室宇修整倉廩克盈門徒不異平日田疇墾闢有加於舊弘微一不取女夫殷馭奪還戲責內人皆化其讓其言曰今分多共少不至有乏身死之後豈復見闕達矣哉祥與祚食兄德不忘報會承甫稱耆不以祝而以傳亦詩人雨雪集霰之思乎史論弘微立履所蹈人倫播美其世濟不隕蓋有馮焉是說也以傳承

大泌山房集

卷之七十二

家傳

十四

王

甫可也以祝承甫亦可也

夏處士家傳

夏處士名翠字子羽江都人也其先家滁陽始祖機從高皇帝累戰功授江西安福守禦所副千戶已征西南夷所斬獲中率調貴州威清衛左所賜江都基沙田一區伯子寅嗣爵居貴州仲子鼎來受田占數于江都世爲田部五傳詠則處士父也父豪于酒產千金盡之酒家胡比卒處士甫勝冠有兄差長二歲財餘壻田三畝敝屋數椽而已兄取田中分之各食力養母貧滋甚處士乃鬻其田葬父而身販蔬獨奉母以居衣須捷屨空

負擔走霜雪中手足龜坼矣里人闕其母日囊資用無
乏也竊怪之初父與鄰李長公家皆溫深相結長公有
息女葉爲處士妻父卒而處士不聊生活長公又遠
宦長沙其妻斬之柰何以窶人子爲壻婦姊夫許欽游
山東與鄉人朱公善朱公賈清源累高貲數謂欽吾力
不任遠游誰可代者欽言婦弟夏仲子其人可急使也
朱公因欽以幣聘處士處士謝曰母在身不敢以許人
頃之母卒處士泣盡繼以血目盡腫服除乃往謁朱公
朱公望見處士魁岸鴻大豐願廣額耳困長寸三分不
爲齷齪小禮握手勞苦如平生歡引之上坐曰焉有人
大泌山房集 卷之七十二 家傳 五

復不索高價所得復過當朱公益喜割子錢什三爲贈
處士固讓不受朱公益高其誼顧謂嫗曰吾閨人多矣
無如夏仲子才而慤吾老無子季文少誠得壻如仲子
庶無後患處士辭曰先人與李長公有成言何忍負之
朱公益賢處士置酒召所善故人強之吾目待歸女而
瞑處士從之已而李長公罷歸貽書召處士復以女來
李女小朱女一歲姊事朱亦身下李無纖介之嫌于
是朱公家事一切倚辦處士不復措意門下客三十餘
人僮僕千餘指揮唯諾甚謹歲以木綿易繒因時低昂
斂賒二十年之內兩致千金齊魯燕趙秦晉吳楚慕處
士聲親附彌衆矣初處士無子而兄有子三苦食貧則
以兄仲子文奎爲李子又以兄季子又璧爲朱子後三
年李舉子應選又五年側室王舉子玄成復舉季子而
李病卒朱慟之撫應選如子處士曰不可以吾子先兄
子文奎吾家督也朱公卒處士皇皇如有失心計差損
于往還江都買田宅佚老少年治鹽筴者事之爲祭酒
然不甚售門下客稍自引去乃喟然而嘆曰孺子風氣
日上是奇貨可居也使玄成兄弟就外傳處士居山東
時相人者汪生奇之客善自愛年七十當大興家濬井
覆以曲薄玄成方六歲墮焉婦孺計無所出號咷而已

薄莫老奴還投之綆端坐若弗聞也處士心儀此必可
兒居平噶噶臨諸子而于玄成奇嚴見其多少年戲呼
而踞之庭下僂辱之不以爲子數玄成發憤師黃從成
先生受詩誦通善屬文爲邑諸生已登京兆第處士捧
碑仰天大笑汪生言故非妄情哉吾以早失父不能爲
若所爲也蓋處士督而讀孝經約畧上口所識廬方名
而動靜云爲閣合往昔婦爲治秦復陶傷其父之不得
服也納之筍布衣紉屨簾櫺之食終身不易值父母生
忌辰涕泗不禁鎮日罷食事兄如父數爲置田宅而授
文奎皆爲王官授子田各一項頃以十畝養處士而文
大泌山房集 卷之七十二 家傳 二十七 王

高皇帝道其微時踪跡甚具夫非聖人孰能由禮乎玄
成狀處士絕不作誣語余以是信處士之可傳也
汪翁家傳
汪前峰翁者名玩字良味歛叢睦里人也家潁水上其
前峰勢摩空因以爲號蓋唐越國長子之裔凡十六族
宋金紫光祿大夫叔放遷叢睦瓜隄益蕃數傳爲松山
處士翁共仲子也母王病弱程氏姑取子之與姑女同
乳乳不給哺以糜及長健愈常兒神儀明秀揚哲而豐
下處士亟治生稍令學六甲五方書計即使從兄前川
公行買歷楚蜀吳越閩粵間食買窺翁分毫善眩人公
大泌山房集 卷之七十二 家傳 二十八 王

奎文壁各以二十畝養其父宗族姻戚窘者周之不厭
負責者不較曰貧富何常吾安知有今日而效守錢虜
爲處稠人廣坐中粥粥若無能又善含垢忍恥見爲易
與而當機應卒不牽卑亂之語不奪衆多之口富而有
令子慮以下人介然有常文貌情用相爲表裏孝弟慈
良之行即齊魯諸儒自以爲不及也年七十有五卒玄
成名應芳好個儻大節江淮間目之名士舊史氏曰禮
有之先人無美而稱之誣也有善而弗知不明也知而
弗傳不仁也周公論述后稷公劉太王往事猥猥窮困
一無所諱明與

務廉平羸得更集其芬財不私名一錢母卒呼天擗踊
瘠而殯問施不知人每見遺物嗚咽不勝哀父傳家政
儲峙所須欲則立應父安之年九十樂而忘老喪父如
母跋涉相地彌歷年祀而得花葵原以葬公時踰八十
矣執紼跣行二十里負土成墳土爲涕漬賓客會葬及
遠近觀者愕眙咨嗟雖古終身之慕何以遠過新安俗
富溢尤則侈遞相觀放鍾鼓竿瑟之音不絕倡優侏儒
之笑不乏嬖御糅羅紈曳綺縠而鷄鶩有餘食轉轂連
騎炫煌于道公竊嘆惟夫積粟不以耕豐衣不以織本
末更盛虛實有時庸可久乎吾愈陋守先人之遺唯恐

夫耘之不敢作法于奢爲子孫憂故雖歲萬息二千而一縑袍十許年不易至手泔泔統糲糧之飯瓜瓠之羹衆以爲矯弗顧也事關大義即費無所靳首捐萬金建宗祠祠遂爲一郡最宗之寔人授室聚處焉勞者相饗飲食餽餽傷者厚養死者厚葬猶挹水于河而取火于燧也食指于或請益宅不可左右皆吾宗吾不欲使失其所也或請斥旁畝不可吾不欲入租挈者之爲田傭病也吾不欲芻牧薪採牛羊踐履之爲鄰病也母錢聽子自至請責不可吾視人之急也若自在窘隘之中所以貸爲用恩耳責必怨吾不欲以恩府怨也真州孟氏

大泌山房集

卷之七十二

家傳

三十九

王

子負仲子鹽筴數千金有司部索亡抵公公詔仲子夫大事我久緣恩寬忍抑案不揚今滿意殺之乎鹿死不擇音奈何卒脫之擔夫從公遺其金鬻婦以償公憐之是無意爲盜何罪而室家仇離置不問諸市物必多與直販小物不售者悉內于公多受直而去客疑其故公笑曰吾意不在物也與人言無隱情人以欺來輒信爲實久而其術敗信之如初舟車所至萬里所閱數萬人人人從之如歸市居恒自傷少棄捐在外嘗無師傳好讀史令人解其義或故相反駁以盡其變口畫便事竟如所料卑辭重幣禮鴻生鉅儒爲子師子爲諸生入成

均文行高時一時窮巷掘門桑戶棖樞之士或負書擔囊贏膝履屨而來揖之於庭而勞之資之無內顧失業爲社羣宗人講肄其中才俊蔚興令彭公聞公賢邑無貴賤長少懷樂敬事之下敎曰汪仲公年先矣質仁秉義行道施德以卿射大賓禮公公不赴旌其門曰一鄉善士書名于旌善亭既老爲園舍側竹逕花塢風亭月榭欣然獨暢勝日少暇策杖而步登眺佳山水興盡乃歸故有脾疾不害事而以憂仲子疽皇皇救藥比仲瘳則公疾棘矣夜鄉明召宗黨朋舊俱集舉手爲訣語甚莊遺令曰人無所不至惟天不容僞吾結童白首一念

大泌山房集

卷之七十二

家傳

三十九

王

無敢欺天今稱大耋手足髮膚無毀傷考終牖下內外子孫男女數十百人徼天之福厚矣孺子尚繹思之母驕氣多慙態色淫志母沒利於前而易患于後有頃以指畫諸子手行矣母哭母亂吾性遂瞑其年八十有六通國之人咸爲悲涕伯子宗道恂恂禮讓年方壯以哭公有二毛寢苦三年不入室仲子宗孝自有傳叔子宗文爲大夫舊史氏曰吾家柱下史有三寶曰慈曰儉曰不敢爲天下先持而寶之者汪翁其人哉水下流烟上尋孰推之其性然也伯子馴謹仲子倜儻叔子淳深非翁長者莫能爲父矣

程君平家傳

程君平名準茂才允功兄也程故出名臣元譚後歷代多貴且賢者而徙荷池自子民公始傳七世雲翼公娶于汪舉二子長爲君平小時事王母曲中其意王母輒愛之長受書能誦允功少三歲同學于書未卽解則垂涕泣而道之允功性卞時有偏宕不校王母卒圖像以事如生十五而昏父強使從賈猶習舉子業不輟弱冠母卒擗踊號泣棺斂祭奠哀而當禮儒者稱之服除試有司不售復病嘔血入武夷山下帷習靜遇異人授以詩詩多黃庭經參同契語病良已歸而游越游吳游楚大泌山房集 卷之七十二 家傳 三十一

與名下士締社論文則弟已爲諸生喜曰吾弟以此成名勝我爲之矣棄而學詩學書旁及丹青遂臻能品居秣陵聞父卒奔還躑躅蒙籠屢沙石曾蘭重牀面若死灰涕液交流路人爲之心惻以身當戶而逸弟使攻學從廣陵治鹽筴究悉利病所條畫當事無不稱善推爲祭酒淮南厄北商于險要倍稱之息而聞君平平之持千金爲壽庵去魯仲連何人哉千里誦義無窮左騶虐諸商棹三寸舌排難解紛幸不淪胥以敗而心憶其弟召與同舍延師訓其子鼎元愛之踰所生而妾亦舉子兄用慶也故人與計偕者過之諷曰以君才何不由

太學進遂爲太學生冀一試而疾作所舉子殤呼弟而告之曰年幾艾非天第無後負大罪奈何吾弟富于春秋鼎元有弟以後我祖父未殯亟圖之間有後言否不答弟曰死生大事須見定以首領之者三允功更涕泣言其兄孝友事不勝舉卽與人交終始如一置酒高會客載號呶兄愈恭族某貧贈數十金爲受室生子尸祝兄也淮陰人亡五十金訟于官捕其同舟人急欲自引決兄爲賄捕者事小挺二人卒得白諸如此類宜多男多壽而大謬不然儻所謂天道非耶舊史氏曰余觀史何敬容爲兄胤所親愛敬容惟一子請胤名名之曰穀大泌山房集 卷之七十二 家傳 三十二

書云兩玉曰穀吾與弟二家共一子所謂穀也其志悉矣以余所聞君平兄弟當于古人中求之耳

汪文宏家傳

汪處士文宏名道字其母夢若神人者手授以兒遂舉文宏少便慧悟能得人意中事會同室不和父母目攝顧指趨避無違長而受書經涉輒誦十歲賦十四夜月詩里人有聖童之目父任俠結客邑令李公爲潔惡民所誣獨詣府白狀汪司馬伯玉高其誼又見文宏明秀有才會亟令治經生家言無何父卒而遺業在維揚八寶鄉者覆沒人手乃奉母八寶居才十二歲耳有心計

數年累千餘金母故名家女子姓兄弟間進士孝廉文學甚衆督文苑學經史百家靡不研索詩日益工司馬公言子善此豈必以經生進取哉而好行義如其父道拾遺金坐待其人還之所知貧不能婚葬者友生急難者遠近交遊託妻子者自往候視厚賑贖之少年有片善賞譽不置資以楮墨束脩多所成名入金陵見女子以無食出鬻立市而啼贖之爲母子如初邑令陳公郡理盧公雅游文宏陳爲侍御按部未嘗請謁盧公建言被放晤之湖上信宿每得一快語擊節稱嘆文宏旣舉子延名師教之夜共一燈書聲互答也而時灑涕語曰

大泌山房集

卷之七十二

家傳

三十三

王

若祖教子未成地下目不瞑吾未竟之業付之若曹詩則吾所終身矣劇心極思饑以食渴以飲勞以息憤以舒跬步夢寐無非是者當其注意耳目若無覩聞興至千言立就手足舞蹈一字未安累年必易呼其子籍記而道之故已爲大笑遇佳山水必窮其勝放歌成金石聲伸紙題品略無贏點客言京師游士之林也以君才何不北首燕路當有開碣石官居君者文宏報以詩曰莫道老夫無遠興秦庭逐禁到烟霞池魚籠鳥有江湖山藪之思晚矣後山人羅文罔者相尋人服其識嘗言詩人宜有度世襟懷故篇什雖清和平遠而湖海之豪

自王漢魏六朝初盛中晚詩辨其體格升降每與人譚中款破的廣陵諸詩人開大雅堂延之上坐闡發旨趣抵掌擊案四坐屈服于時陸無從高洪甫結殷勤之歡司馬弟仲嘉虛矜待之已于劉職方所逢王太史問詩曰借古法度運已神機妙在悟耳職方首肯越二年而職方卒且葬爲詩哭之執紼引車其不忘一日之雅如此淮陰張孝廉兄弟爲行其詩于世文宏強飯健步應答精神足以蔭映數人嘗七日夜爲詩三十餘篇患喉塞疾劇部二子脩身立德最不可忽也爲我製新冠遂卒年五十有九子高升蛟升風情簡素文義豔發哭其

大泌山房集

卷之七十二

家傳

三十四

王

父各有詩大指與蓼莪同余嘗序文宏詩差窺一斑文宏以爲知己二子將還葬父新安因具其事乞傳余書其大致可傳者云舊史氏曰今山人而以詩人稱者不勝載負俗之累往往而是如文宏行已有方鮮矣不憂爲樂不屑爲貴無故爲福無毀爲名其斯之謂歟

葛處士家傳

葛處士名符字君信吳之東洞庭人也其先萬五公從宋自汴南徙泰四公從

文皇帝北征子孫蕃碩爲燕吳右族居吳者九傳爲春谷公世揚子友梅公珮三索而得處士始生歲所不言

大不能行立長老與之曰昔文符詔公如是稍長受書
輒成誦父善屬文郡邑長吏引爲布衣父又雅尚山水
所至與伯子象俱嘯咏決句忘返處士甫亂爲持門如
丈夫已事莫公遠先生傳其書法而父老產變替處士
辭家之金陵營什一方商遠近通物息入曼羨養父盡
志者二十餘年不以煩諸兄弟處士爲孺子哭王父哀
已艾哭父猶孺子時也父有所譽嘉樹封殖之構屠蘇
其中依依如見父然樹且剝爲之更茂金陵雜五方之
民謠觚僂倭未易調諧處士不侵然諾不爲崖異久而
衆敬愛之觀天時察地宜決人事成敗十不失一疑爲
天沁山房集 卷之七十二 傳 三十五

不出于口僑寒估偃不形于容庭不設博奕社不用歌
舞敬鬼神而不諂好施戒殺而不佞佛徒儒優雜子女
巫覡之迹不及于門其鄉化之博者醜者訟者回心向
道忿無格鬪醉無號呶獄無連洙焉處士隆準美髯眉
目秀朗健不稱病病不飲藥卒之年聞俞焜沒促子震
父來弔此吾所嫂事者卽少虛公元配也震父還問金
陵諸故舊啓居假寐少選夢龜入壺語震父吾逝矣夫
自是不語了無恐怖遂卒年八十有一震父夢貴人千
乘萬騎造門有執圭秉鬯者人以處士蓋仙公轉世若
戶解然子一龍震父其字工于詩而客日進處士恒訓
之曰無博名高阿翁以此兩端永日焉耳俞少虛公自
吳遷金陵名德與公等其子進士仲茅父事處士雲間
陳眉公吳門欽叔子三人月旦所宗爲處士志若碣若
狀聲中其實矣舊史氏曰史稱郭有道貞不絕俗隱不
違親此孔子避人避世之辨也夫深山人與木石居與
鹿豕遊與草木同腐吳貫焉葛處士行比一鄉有夷桑
畏壘之風其子式穀其遺文賦賦曰之隱君子不虛耳

大泌山房集卷之七十三

京山李維楨氏著

楊翁家傳

楊翁名從簡字伯魯徽郡歙縣人也先世出關西伯起南宋仕餘姚尉者瑋襲家于官爲餘姚人明興仕徽郡者昇復家歙爲歙人大宗伯寧憲副宜歙之顯者也翁蓋郡傳弟處士昱之後父山以明經教授鄉里布衣貧困終其身舉三子翁爲仲七歲能誦韻屬對十二歲能舉子業父愛而惜之王敬則有言吾落此奴度內兒無復爾父都授諸生時翁從旁竊聽夜則篝燈火屏居帷中讀行文爲諸生所推讓而試有司輒見格翁廼嘆曰父言驗矣夫由舉子業通顯者率弁髦棄之誠知其無當也宜早引決遂去而從里中賢豪長者游放浪山水杯酒嘯歌陶然自暢閒居取家藏天官堪輿輶鈴名法諸方技無不研究而于素問靈樞甲乙和鶴禁方桑公秘錄剴心精詣黃山紫陽多靈藥異人采斲造訪窮日忘返按方投劑奇中病者求必應施必效以是間巷填咽握髮吐哺日不暇給所受謝用供二人甘毳父大喜藉第令兒守章句能療饑乎久之父母卒持喪哀苦體爲羸劣治棺殮有加常等歲時伏臘若豆間之祭往往

大泌山房集

卷之七十三

家傳

楊

飲泣或貺之綺縠思二親不忍御也友于兄弟終無纖介字兄弟子如子諸父賈而鮮蓄以本業之既客死爲封識所遺授其子不問母錢鄉人胡襄懋公督吳越軍聘翁麾下翁占對開雅聲氣如流叩以兵政軍機引繩墨切事情襄懋稱善相屬欲署軍容祭酒翁度襄懋驕汰必敗固辭盡却其贈遺而行入會稽探禹穴泛太湖登虎丘九華匡廬泝江而上尋黃鶴岳陽諸勝會沈古林先生備兵蘄州相與論學荆王聞而禮爲上客縉紳學士篤老婦孺疲瘵殘疾之屬輻湊並進左授藥右授簡人人滿志宴貨好勞稠載盈庭所遭故舊親知有緩急隨手施散無餘望秣陵王氣鬱鬱愬愬而快之徘徊青谿上得江總讀書故址構一畝宮終老而名聲益著頗疲應接察脉辨色聽聲從貧賤中識公卿將相甚衆然不耐見貴人貴人殷勤杯酒交驩絕口不及公事諸公以嚴見憚至白屋寒人子仰之如取如攜夏日淪香齋飲喝者盡伏而止家無僮石之儲不顧也有醉而詢翁者坐事三木囊頭居間得脫秘不言其人翁沒而其人始向諸子流涕誦之華亭秉政好理學諸大儒爲社金陵翁數侍講豁然開悟有過眼半生豪俠事回頭一片聖賢心之句楓潭萬公最所嘉嘆旌爲理學儒醫而

大泌山房集

卷之七十三

家傳

楊

代入貲除判御院事卒不赴晚年深居簡出惟二三密友過從圍棋賦詩車馬客來匿不見緇黃造門倒屣披襟流連不已翁白晣而頰鬚眉如畫年且八十面如嬰兒目光燁燁巖下電人謂得方士秘授云生平未嘗一日言病偶痰喘吐納頃時而愈嘗赴老友郭外期歸而微示疾呼諸子余不復出矣又一年而疾革諸子請服藥翁笑曰藥非能生人人自生耳乃公料人死生不失黍秒寧不自知耶卒之日令家人視蔭日亭午曰可矣正襟而逝太保張肖甫目翁有隱君子風臨淮李侯評翁古詩似陶靖節歌行似李長吉高尚似韓伯休龐德大泌山房集 卷之七十三 宋傳 三

公清談似支道林劉真長王山人言翁多識多能邇源千儒寄興于詩歸宗于醫其爲名流所稱引如此所著青谿草堂集脈學玄宗慎庵醫案名醫外傳若干卷丈夫子六人叔子名遂與余善不假貴取寵不比譽取食不宛言屈行藍田生玉語故不虛也舊史氏曰吾聞之賈生聖人不居朝廷必在下醫之中如楊翁者同不醜正異不傷物文不滅質博不妨雅安時而處順哀樂不能入可謂聖人之徒也已

郭長公家傳

郭長公名一鵠字汝言廬陵橋東里人也高王父封比

部公欽曾王父永州理公淮王父郡文學公幹父贈御史公燃母贈孺人胡初艱于子禱名山而公生已舉仲子侍御史一鵠叔子一鵠公少弱長乃膚革克盈性機警受書塾師數百言強記不忘與仲治舉子業仲乃奇進公曰吾家以經術經世用聞人代有有才如仲吾所不及也夫人之患在好爲人師吾姑以章句之學訓里中諸童子耳母黨胡郡守者躬行君子雅善公胡氏諸童子多從公率成令器所受贊雖履歷必以奉養二人無私蓄太常王先生者人倫冠冕仲師事之歸以其所授告公公嘆曰正學在是矣遣其子隸弟子籍二人大泌山房集 卷之七十三 家傳 又三

卒居喪如禮與仲治葬不欲爲季費也里有修道會公與焉目不忤視屏氣似不息而粹然見於面卽有論說皆日用庸行每言大學在毋自欺人能欺屋漏不能欺妻子能欺所不相習之人不能欺鄰里鄉黨其學問切近精實如此而觀公行事無間於父母昆弟之言人人號公長者推公爲社祭酒官私諸工役若學宮橋梁羣然曰一諾重千金非郭公孰與領此一錢斗粟會計審賦予均父老歡然趨事子來矣仲令東陽輦公與居無何卽別我來視仲治狀何若耳今士民愛戴同聲吾歸而告先人先人實靈承之于是歸展墓益樹松楸而新

宗祠以時禋祀偕宗人對越駿奔走無敢不恪仲爲宗
諸多取裁公屬子受事東陽諸成置酒高會訓以詩禮
周卹貧乏解構忿爭族興仁讓焉晚築東園有衡必槩
阿之致非大故不入城口不臧否人物卽御家衆不厲
聲色仲既貴復有從弟爲莆田令猶子爲雷州守者或
乞居間在親故則遜謝之在他入則峻拒之行其庭間
其無入相與嘆息而退仲以公高年諸應賜爵級具冠
服以進不受古人不願文綢吉縞效之仲方待命日從
公園中朝暮出入言笑如童子時一切家政悉畀季無
所問子鎮東孫乾生若仲季之子稟仰令儀文學馴謹
大泌山房集 卷之七十三 家傳 四

溪亭孫長公家傳

往余遊新都新都人亟稱孫長公從儒賢弗克見已游

梁而孫君文範來從事以能聞問之則長公弟也已按
察越中而孫生五仲偕其婦兄程巨源來謁儒雅有醞
籍問之則長公子也明年長公春秋七十巨源以事狀
來請曩者長公及艾先辰州修祝辭及耆小子作頌今
老矣先生幸爲傳之傳者傳也禮七十老而傳夫傳獨
家乘哉作孫長公傳孫長公名文林字從儒海陽草市
人也其先出唐執金吾萬登長公太父則孝行公簾父
則處士公玄劍世名長者什一起家處士公娶于程不
宜子而納劉姬舉長公兄弟四人長公生而負奇氣及
長貌甚偉于慧碧眼望而知非常人始治博士業業垂
大泌山房集 卷之七十三 家傳 五

通已念處士公老不任勞乃請就賈賈吳興長公有心
計額瞬目語遇事笑可否錙銖不爽所部署多紀綱之
僕母能試一狎語處士公太喜吾有家督可休矣處士
公歸而長公就養左右無方操書致者踵屬處士公難
之退而就長公子舍遞受直處士如弗聞也處士公樂
舍傍地踞水可圍可圃及沒而長公重購之曰志吾父
志也程太君遇子婦嚴長公曲得其歡心及沒而卹外
家甚備曰志吾母志也長公早孤仲季甫長公獨當
戶父諸父而兄諸兄同心協力諸睥睨者謀寢矣及析
簪初長公拓家人產視先世倍并籍其故籍均予諸季

公大宗則葺李天王廟舉歲祀合小宗則立五世祖廟
舉時祀親其賢者能者周其乏資斧者與不能舉火者
有族弱而迫強鄰爲遷同里居焉懼澤之易窮也使人
各量入以爲出合而盟命曰周親里中子生分右嫡而
左庶衆唯唯長公堅持之有國法在嫡感其言卒與庶
等會鄉人築神臯捍下流長公首事夫已氏惡其害已
起大獄中之長公夷然就逮久之乃白生平好古彝鼎
諸物若法書名畫時焚香啜茗鑒賞之其游吳越佳山
無所不登覽居瀕漸江長堤皇澗水木陰翳萬家之
聚也選勝構亭其上一時賢豪長者若許相國鮑司

大泌山房集

卷之七十三

家傳

五

楊

徒江方伯程太守黃大理范按察汪侍御諸君子皆肺
腑親數過從觴咏人目之溪亭居士云長公偶程辰州
公女弟門以內肅若朝禴丈夫子五人長明良次明倫
明保明試明熙爲邑諸生者三人明倫卽五仲辰州公
壻也舊史氏曰程辰州守經據古不阿當世獨與孫長
公重親豈所謂雖在縲紲非其罪者耶巨源又言長公
故嶽嶽不可干晚乃折節爲恭儉於人何所不容孟氏
不云乎生於憂患死於安樂長公生之徒不啻十有三
矣春秋高矯健類少年固其所也

草市孫長公家傳

孫長公名承訓字汝庭休寧草市人也嘗以例入太學
應除外臺從事棄去不顧而儼然持布衣節人故號之
曰長公其所居有亭種竹四隅父以竹亭爲號長公復
自號少竹云其二十六世祖爲唐金吾萬登遷唐田十
二世祖爲宋處士子厚遷草市長公生而警悟雖未能
言見人舉動便識其意十年而父卒仲弟八歲季弟甫
彌月強家有睥睨之者矣長公奮曰吾聞元規八歲而
孤兄弟三人卒自立夫非人之子與聞者齟齬莫敢侮
而於兩弟恣柔愛之道衣受敝食受惡任受勞費受侈
蓋仲爲母弟而季母庶也母有遺囑或言非庶所宜有
或言孰當戶者卽仲不得分所有長公不可父一而已
子一而已聞母以子貴不聞母以子貧卒三分之將婚
於吳吳孺人忽有目眚媒妁請辭公厲聲曰劉庭式周
恭叔何人哉親迎以歸二十年不舉子而後以曹孺人
助遯沒乃以朱孺人繼居恒慟父之不逮養也每食必
祭每祭必豐語及輟輒泣下沾襟其奉母母左右就養無
方先事逆志如語焉而未之然草市故有宗祠三脩三
圯則以誄舉羸故長公三損其貲而晚所費至無算歸
然甲於里中王大父有繼室私其前夫之子丐貸亡節
不疵瑕也宗父貧無食者食之宗弟貧無居者居之宗

大泌山房集

卷之七十三

家傳

六

楊

人通其王父子母錢者析券而更周之家子夭婦不踐
二庭則呼仲子詔之而無忘若兄無忘若嫂以而之子
爲之後宗婦有榮而窘者處之別舍賦粟賦帛賦薪賦
醴鹽之屬終其身家幹匿資斧累千其儔將束而詣吏
公惻然是嘗有功可以自贖置無問鄉有溪漲而無津
者爲之梁若干所而西十登封爲最鉅父爲石隄捍水
爲義衆禦凶其有闕而爲之平有負而爲之償有婚有
喪而爲之助求者立應不識其誰氏之子也生平無他
嗜好惟治荆園以巨艦載太湖石浮江而來置之園池
中曲折繁迴極有體勢咫尺之間宛若千里日與客游

大湖山房集

卷之七十三

家傳

七

而樂之此吾學王始興建康都城法也穿池疊石寫蓬
壺韋元旦所詠抑末矣晚築小荆園種竹什伯倍故時
以寄竹亭之思未幾遂病環里而處者男女勝衣以上
大氏無慮數千百人日夕走問疾請禱於神願以身代
孫長公病革語其子向者吾兄弟三人鼎立不幸季亡
而吾繼之凡今之人莫如兄弟孺子幸似我語兩孺人
教子以義方勝處娣姒以情愛勝語女女夫黽勉同心
不宜有怒復語其子國有四民家有九流莫貴於儒孺
子助之無作佛事無感形家言不卽歸我於土無侈葬
奠無求諛墓之言無忘二園吾魂夢所出王游衍也無

楊

築吾蒙舉無廢吾義舉正襟就枕而逝卒之日行道相
傳雪涕造廬而哭者肩相摩門牡不得闔婁江王相國
爲之志里方司徒爲之狀太史張君一爲之表布衣陳
晉公參藩陳子有孝廉吳伯霖爲之傳司勳虞長孺茂
才謝少廉爲之誄王百谷爲九招潘景升爲七哀吳允
兆張伯起之屬爲之辭輓皆東南名德大儒自負直筆
不妄許人者也而太史董玄宰采輿誦謚爲貞惠先生
子九宗字照鄰文行與父齊名舊史氏曰古人重誄與
謚而謚爲尤重人臣稱天而謚其主人主法天而謚其
臣至周滋慎矣而其末季乃有匹婦得私謚匹夫者如

大湖山房集

卷之七十三

家傳

八

楊

黔婁東漢重清議私謚日繁始未嘗不公弊乃冒妄也
然而史臣褒貶自不相蒙蓋凜然有天威焉孫長公謚
出董玄宰故史臣不虛美余考其行事良然世不乏董
狐矣

吳立卿家傳

吳立卿名士道歛谿南人也小時明惠在羣兒中不爲
嬉戲舉止如成人塾師授書日以千言強記不忘甫冠
入太學大昕鼓徵必先諸生集許文穆公試其文不類
經生語召而問之頤霑垂拱應母嗽立母跋目之曰國
器也其最知名則事親孝味爽而朝問所欲而敬進之

采色以溫之親瘠色容不盛藥必親嘗病革朝夕不離側忘寢與食或挾辰不休親喪主哀然而辟踊有算袒括髮去飾有裝自復赴小大斂殯葬虞祔祥禫歲時伏臘祭薦雖時造次物細微必準於禮甚愛其弟食指繁析箸田宅器用讓美而受惡施及其族族人死廣陵爲之部署喪事昇歸其家一切經費不煩他人施及其鄉黨某者負子錢子錢家貴人也東而詣吏無以償代爲償之得毋瘦死世受什一賈廣陵厭市之鄙也治別第貯古鼎彝書畫其中燕坐焚香小倦啜茗時與所善藍荀舡艦周遊諸佳山水及前代遺蹟一觴一詠興盡而返羣居終日言不涉世事尤諱人過有所聞掩耳謝之雅好詞人風雨造門不以出亡爲解適館饋盤飧享有加遵行則助資斧久之不改其素坐是棠貲日損食或不飽二鬴然其性節儉脫粟飯菜羹大布冠衣豐約如一日也深念大父有隱德子孫藉其餘慶沒久未寔歸與諸昆弟諸父謀卜地跋涉胼胝勞什伯人既兆且舉事忽病不勝趣召其子紹瑞于廣陵將有所屬而不待矣五服之戚雪涕四境之內慨嘆相弔婦黨羅中丞哭之曰富而好施乃未艾以窆終天道有知耶無知耶閩人中丞詹公郡伯也千里致災絮之奠宗人督學公

爲狀邑令楚人故給事張公修邑志稱其人舊史氏曰欲多貴人富人又好上人邑志之修也不遺餘力而讓名矣張公以直諫左遷巖巖峰距不虛美不隱惡立卿隻字之褒何必減華袞哉

汪和叔家傳

汪和叔名宗惠歛叢睦里人也少受書強記不爲章句通大指而已亦以當戶不能竟其業而行事多被服儒術其事繼王母也如王母以慈孫稱比卒日與季弟伯兄諸從子行求善地以王父兩王母合葬或言柳不宜三而口不可同牢同穴古之制也卒合之已置祀田立祀規親親尊祖敬宗收族蔚然興仁讓之風焉父與母卒又行求善地先樹梓槨以識之新安人好形家言拘而多忘卽得地不以時襄事或百餘年幾同道殯和叔二十年從事精誠之極地效其靈而銳然并舉人以爲異遠祖墓見侵偕宗人令伯虞仲輩復之而表識其四履亦置田以供祀事于今無斁同產三人同以鹽鹽起執勞則力不必爲已分利則不必藏於已兄慈愛而見友弟敬誦而不悖猶王之珠樹韋之列宿焉季卒與伯共子其子伯卒復獨子其子縷絲粒粟無所私伯之子爲眞州諸王游成均者與其子則而象之怡怡如也族

有逋責而逮獄者且瘐死以數百金代償或爲豪所覆沒陰脫之不使知後者孤者老疾者饑寒者以服遠近施有差或本業之不問息或故取其母錢而倍以子錢與之不欲以爲名也過逆旅見以資質女者爲之贖名家子以貧來鬻初難之是寧可奴使旣而翻然改曰吾姑子畜之而卒歸之鄉隣有鬪必解後已篋中券或焚或付其人更僕未易數也賈淮南立信義不侵爲然諾諸賈人推爲祭酒重其言如九鼎大呂惡少年以橫逆至左右殆不可堪將修隙公謹謝之三自反一不校吾聞其語矣未見其人也使我爲古人諸君顧不欲耶聞

大泌山房集

卷之七十三

家傳十一

者慚而退疾革語諸子人言有陰德必有陽報望報而爲德其施倦矣孺子務多生人毋宿諾毋以小善而不爲不求其報諸子唯唯伯惟賢爲郡諸生行事有父風舊史氏曰余嘗傳兩汪次公其一文林其一景純今和叔亦稱次公蓋至于三矣兩君豪舉和叔質行譬諸蹠越者或以舟或以車雖異路所極一也汪氏多君子門望比于王謝不亦宜乎

程濟之家傳

程濟之名良法欽之臨河人也其先世晉新安太守元譚陳忠壯靈洗宋文簡大昌名最著由篁墩徙會里再

徙今里方伯旦太守金其從祖父行也世稱廉吏焉濟之太父職未艾謝諸生以行誼爲士師表載邑乘父鑒以明經判均州不諧於俗未逾年致爲臣而去濟之幼慧太父著膝授書至老不忘髫則博綜經史矣太父行有江司理容可吳脩武理見其屬文賞之從父太守公某曰是吾家阿咸脩武因以女孫女之邑令吳興房某試士奇其文適有重客過存亟往報謁置卷袖中已不復省記放榜乃覺前三人業已署置之第四學使者不收今函請爲儲紫陽書院以須後舉會遷去不果司理龍膺行縣所拔士僅五人濟之復在第四人謂知人比

大泌山房集

卷之七十三

家傳十二

試學使者復不收初濟之游雲間雲間鞠氏禮爲子師居三歲三子皆爲諸生濟之嘆曰豈所謂師不必賢於弟子耶士行已自有方豈必青衿退而學詩古詩法漢魏近體在王孟郊島間奉母之均州所涉水則江漢彭蠡山則匡廬崇上古蹟則黃鶴晴川蘭臺鹿門滄浪峴首習池大堤沉碑解佩呼鷹斬蛟諸名勝悉以詩紀之有遠思焉均州歸垂橐無可餬口以筆耕養務當其歡若有不豫色然卽自訟如無所容父病立而侍不離跬步不可起且以身從而念王父母與母之無爲託也生所以事之沒所以葬之一如父季弟貧輟衣食與共而

好讀書滋甚所得諸生束脩半市書手丹鉛累數千卷
總統類究指歸問之如響答桴冠履非極敝垢不易几
案位置都雅整潔卽刀鐸諸小物有常所不喜見俗客
不談聲色貨殖笑不至矧怒不疾聲與婦相敬如賓婦
卒稍出游金陵江都武林吳會佳山水擬阮步兵作詠
懷詩八十一首其窮經致用憤時疾俗之意大都可徵
已慨然慕向平之爲人將之齊魯燕趙殺函伊洛間遍
游五嶽而以仲父喪走雪中足病已病肺稍侵矣先三
日移正寢禁哭泣恬然無所患苦而瞑所著名之曰谷
鮒解在井九二爻自傷其莫與也雲間人嚴重濟之曰
大泌山房集 卷之七十三 家傳 十三

吾諸大夫國人皆有所矜式稱之爲吾式而其里中子
以濟之有處士志槩謚之以節又號之曰節程先生子
休文馴行類其父舊史氏曰荀卿有言君子之學也以
美其身小人之學也以爲禽犢今之所謂處士者無能
而云能無知而云知行僞險穢而彊高言謹慤其信然
哉余觀程濟之交親而不比言辯而不辭好學遜敏有
釣無上荀氏所謂君子之徒乎取節焉可式矣

胡仁之家傳

胡仁之名山歛西富源人也高王父興師遷塘朗又爲
塘朗人王父佛成事親以孝聞十年更版籍占數不實

鄉亭部吏因與錢通興師受事無所私且戒後人不得
復爲自非老成蘊利生孽耳父璽兄弟同居沒齒無違
言君子以爲古孝弟力田之遺民也至山內行益醇父
疾顛天請代刲其股和藥以進疾乃差母鄭年九十而
羸山亦老恒爲小兒啼笑以奉母歡父母卒屬畫師寫
照不得默而深思眠食都廢忽夢若有神授者質明起
乃自寫之氣韻如生遠近驚恠走視儻所謂孝思之至
通于神明者乎弟賈數折閱數子之貲無倦色賈荻港
見諸胥靡非其罪也代入贖緩釋之賈嘉禾年饑斗米
千錢同人請雜以苦惡持不可俄而諸市米家羣蠅聚

大泌山房集

卷之七十三

家傳

十四

食山獨免識者曰不蘊年不二賈其信義所孚格素矣
江流險厄以黃天蕩爲最嘗覆舟若有物負以行長年
三老求之不得度已葬江魚腹中越數里見山沿綠葦
間舉裳而出行人歡呼奇其得蹈水之道而山殊不自
覺也居平耳提面命其子孫曰吾有生以來惟服膺天
理二字五常萬善莫不由之仰不愧天俯不忤人南面
而王天下樂何踰此因名其堂曰居理行年七十有一
備箕疇之五福焉子世朗一清世和孫尚質尚贊尚貢
奉其訓不忘一清爲諸生其最著者也舊史氏曰學道
者莫不有所由入一致而百慮殊塗而同歸嶺南湛文

簡先生以隨處體認天理爲宗學問傳習故有自來胡仁之無所師承闕然合符子夏氏所許爲已學者其斯人矣夫

霍氏三隱傳

昔玄晏先生傳高士若被衣齧缺壤父蒲衣子石戶之農之屬或失其姓名然所論辯誦歌殊有精詣民到于今稱之故曰其言立於後世死而不朽言之不可以已也如是夫作霍氏三隱傳霍南峪公者名鰲其先自平定徙井陘之南峪村故人稱之南峪公長七尺餘音聲如鐘有善相人者曰是福德人必多男子入城嘗騎驢

大泌山房集

卷之七十三

家傳

十五

楊

半道得石窠愛其勝爲構屋往來以憇而手植槐繫驢其下今邑人所指目霍家窠是也久之將遷窠居筮而得比之豫曰吉陳媽敬仲兆興齊姜乃適營丘八世大昌或問不虞費乎曰操吾一耒足矣卜式牧羊尸鄉祝雞吾又兼之修此三者何費之有風吹笠墮地行人攘之從者前追公不可是風伯授之耳丈夫子五人皆業農所親請授儒業公語之曰國有六職農與士大夫王公並何必儒乃貴耶陸賈分金五子就養竇禹均善教五子登科吾亦五子所貽不同其揆一也雪後獨步東坪有大蛇蟠鬼而臥異之筮得小過之泰三蛇共室同

大泌山房集

卷之七十三

家傳

十六

楊

類和得甘露時降生我百穀再筮得否之震遂兎山西利走入門賴我仁德獲爲我福而埋石識之寢疾屬其子葬我蛇蟠鬼處五子中最奇季氏明農公以爲似已明農公名友剛人以其明農事稱明農公村西田百畝深耕易耨乃亦有秋朝夕手田家五行紙弊墨渝不釋有儒衣冠傲之以所不習此非孔氏書也公曰孔氏書故習之長沮桀溺荷蕢丈人得孔氏而名益彰吾欲學焉不顧而去登牛背而歌曰抱甕荷鋤竭吾力今炊黍蒸梨日所食今言獻于公黍與稷今稼牆艱難慎無逸今子英始生啼聲徹戶外黃冠過而諦聽之是英物也因名之英及壯父呼而詔之德千人謂之英汝德安在對曰上德不德請從大夫隱于農耳父大喜真吾子也人竊園豕鄰取其肉爲驗請訟之公曰何所無豕豕無二味何訟爲鄉人籍籍是夫有隱德哉遂稱爲隱德公邑人吳丞輝過而問公君好隱乎乾初九潛龍勿用孔子曰龍德而隱隱之術多矣君將爲巢由乎抑爲段干木魯仲連乎將爲荆與顏闔乎抑爲鮑焦爰旌目乎公莞爾而笑曰姑舍是老萊子墾山播種也孔子聞其論感然改容林類拾穗故畦孔子知其可與言兩人者隱於農壽且百年此爲吾師矣鰲年或曰七十六或曰九

十一友剛或曰年五十一英或曰年六十或皆曰過之其歲月日時莫之詳也今中丞鵬實八世孫儻所謂至誠前知者耶舊史氏曰孟子與論深山之野人所在有之亦木石鹿豕類耳奚貴焉霍三老善言善行受命若嚮蓋宿儒所不逮鏈迹和光三世無替子孫至不能得其年古之善爲士者微妙玄通深不可識其斯之謂與

程神保傳

程神保者徽祁門善和里人也甫壯從其父賈濟南下邳間蒙霜露沐風雨絕甘分少與庸保雜作習貫如自然者至握算駟儉莫能難也父喜語人曰計然公子材大泌山房集 卷之七十三 傳十七

下董董修父業耳何若吾壤子既受室李而諸舅弟好生分神保所載不迥囊故衣常採拾以爲養旦暮溫清奉引不輟而李以蠶織簪珥助之得三十金賈峽江隣人不戒于火一夕盡燬其貲隣人毀服請以不及爲罪神保更慰勞之曰愚聞諸春秋人曰火天曰災人也吾自咎之不暇而違計子天也於子何尤已賈閩閩人市藍澱者誤多五十石左右視爲奇貨神保手指天自矢是公籍記不爽錙銖安可欺也呼其人還之久之累貲七百金已賈楚楚五歲薦饑徒見羸齒老弱神保哀之諸逋貸一無所問僅得百金歸而走南海市海錯往來

清源淮揚間復如楚資用復饒是時宗人子揚與從兄貴通各以百金附神保行賈神保爲供子錢十年而貴通室災延燒殆盡宗人謂神保兩家坐而得子錢十年奚啻倍稱之息今且災可無與母錢神保執不可吾不德以干回祿施及宗人柰何乘隙而利其有必無幸矣退而謀諸婦與神保合卒不肯負責通父子相泣謝也已賈大梁而從弟世產者羸身無以爲資割橐中裝業之其人終窶亦不復收自大梁歸治宅一區伯兄同託處焉所當勞費十九已賈通值島寇困城中累月已賈毫折閱十不顧一轉之大梁困滋甚而揚迫尾責鄉者大泌山房集 卷之七十三 家傳十八

母錢至售名田償之已賈桂林賈衡山見僧說大乘法者心好之遂奉戒不內勺飲不肉食而伯兄方賈漢中病且死亟往省之通昔奉湯藥惟謹比卒沫血飲泣不欲生于是歸子以事而身與兄喪歸葬蓋自是始倦游閉門修齋誦經而已居恒教其子曰夫賈者射時如鷺鳥去來登龍斷而辜擒鷺良雜苦蚩眩邊鄙道家所忌也積因成業事故見前凡吾所以被弋綈履華鳥蔬食飲水諷唄齋薰競競當時之禁者豈能留阿堵物遺所不知何人又豈能長生久視爲神仙沖舉哉要以汰積詬讖宿誓耳小子賈乎敬之哉母驕能母謀非德當如

布帛之有幅焉過則必敗壬午 皇儲生詔賜民孝弟
力田者爵一級父老共言神保邑大夫束帛造門悉謝
不受春秋八十許矣媼李偕老黃髮兒齒視聽步趨如
壯盛人里人往往言神保善事神能得福以其名為口
實云神保之伯子大中治方脉醫藥形家言所至諸公
皆獻牛酒交歡恥回面汗行以事人見輕薄少年惡子
攘袂而正議于古墓漢壽亭侯風節酒酣以往為侯衣
冠拔劍起舞慷慨悲歌眦裂髮上指眾莫不辟易也新
安賈人無萬數其孜孜好義無如神保父子者舊史氏
曰余嘗游祁門祁門之望族必首程氏自晉元譚守新

大泌山房集

卷之七十三

宋傳十九

楊

安有惠政以協和其民十三世而靈洗為梁將軍捍侯
景之亂封公謚忠壯又十三世而澆與子仲繁以中丞
尚書守祁門神保實其流裔也自宋迄平于茲圭組蟬
連所稱隱德耆耆惟神保其人哉神保言必稱天即強
為善家戶所有耳一中寇若歲二中火獨有天幸不乏
晚而為社祭酒有子式穀貽之令名食報如響答桴先
民有言勿以善小而為信哉

張處士小傳

張處士時言字從宜鳳翔人也少失母育于外家性開
敏人與之言輒識其意指應對如流詣塾師受書略通

章句知名數而已未幾遂罷去然強記不忘邑令定戶
口徭賦若試諸生榜示通衢一過開誦高下差等校之
不誤一字家中人產雖逐時居貨而恥為纖嗇機利或
負其券或強丐久不歸無所問亦賴有天幸不至乏絕
比壯益寬緩舒達而足智議論慷慨聞儒者言魯仲連
之為人好之吾何為獨不然所救解權濟厄窮多矣終
不飲其德不求其報郡食河東鹽道遠而鹽苦惡商故
昂其直民數負誅有司督責嚴幾不堪命花馬池地近
而鹽美直賤人便食數上書當途請更之議格不行小
人高其誼君子趨其言昔魏賜崔浩水晶鹽曰味卿言
如此豈不信哉壬癸之間歲大旱九穀不登赴訴陳直
指直指為之感願顧倉無見穀奈何對曰郡藏有軍需
餘金可市粟也直指喜用其計得粟萬斛為糜食餓者
全活累數千人其子舜典病且殆夢有人持藥飲之即
差里開轉相告陰德之報也邑令俞不善事上官上官
怒而重誣之逮問久不解為牽父老婦孺泣而白當路
俞得還處士名由此日起所游涉四方親疎久近待之
如一山川城市人情物理數十年後臆舉指數秩然有
次第或就而問之曰此可作圖經策事成敗卜天雨霽
往往奇中人號之曰仙郡縉紳大夫周吳峯曹鹿岡李

大泌山房集

卷之七十三

宋傳二十

楊

泉之屬折節與交即有所屬竭知畢力或於義不可
輒固爭無諱始不相入久乃知其惻惻卒無怨者嘗晨
起不告家人所往夜漏具盡乃歸問之曰某氏子有違
言交構持不決吾爲平之屑燥矣幸而集其子曰所以
爲人則得矣所以自爲無乃過乎曰吾樂此不知疲也
家所有與人言無隱卽貴重物求者無不應故家具十
九在外而身或就窘人嘲其愚則笑曰人壽幾何吾安
能長守無失人失之人得之在彼猶在此也夫守錢虜
爲子孫計子孫賢何須於我子孫愚不肖是貽之禍耳
最敬禮儒生爲子擇名師益友與之處歲時饋遺必腆
大瀨山房集 卷之七十三 家傳 三十一

朝暮見或遇諸塗僮僕爲恭子舜典學成舉於鄉初佞
佛晚乃精研理學與御史馮仲好往覆論難務在行踐
其言仲好語人今之關西張子厚也舊史氏曰余聞之
羅大經自文籍既生學者何可不讀書欲學聖賢者舍
書奚以哉然而士風日陋人才歲衰學校所講逢掖所
談幾若屠兒之禮佛俠邪之讀禮是可嘆也張處士行
事有儒生所不逮或惜其不讀書余謂惟不讀書故能
爾嗟乎讀書人視此當自訟自勗哉

西市愚人小傳

西市愚人者余宗人長春所自署也家於市之西人因

號之西愚愚人里有田連阡陌而爲租挈所苦胥史責
進雞犬騷繹遂不敢名一畝田而課其婦與女奴織所
以養父母供祭祀賓客周鄉黨鄰里靡不取給焉大宗
祠有耐金宗子歲簡宗人息之愚人當受事則舉而實
之缶藏之地下至期出其家所奇羨爲子錢入之宗子
不失黍稷不爽須臾宗人竊笑之愚人行之自如也嘗
賈楚同舟者病卒愚人爲布被斂之爲櫓載之歸其橐
中一櫛一簪必籍記之華冠敝履無所遺失舟人竊笑
之愚人行之自如也其賈不二價不逐時貴賤賴天幸
不乏賈人竊笑之愚人行之自如也事親下氣柔聲卽
大瀨山房集 卷之七十三 家傳 三十二

譙訶亦承以歡色兄弟白首無間言女弟適羅球無何
球行賈久而不歸愚人衣食之終其身卒爲節婦載羅
文恭公傳中愚人老授政二子伯爲儒仲爲賈儒以德
表正其鄉賈以財振人之不贍事多咨愚人愚人無可
無不可仰視而已里人到今以爲口實焉舊史氏曰古
有兩愚公其一見列子其一見劉中壘說苑以爲寓言
耳今以吾宗人徵之宇宙大矣何所不有邴原不云乎
人各有志君謂僕以鄭爲東家丘則君以僕爲西家之
愚耶夫愚人者東家丘所謂其愚不可及者也

胡祈年傳

胡祈年字安成歙人也父鑰字仲魚家世累千金斥以結客久之食貧矣祈年短小精悍恥下人稍長好學涉獵經史大義更折節爲恭儉至其重然諾赴急難父不得而子也初與伯兄共業儒貧不能行脩脯則身買金陵收其息佐兄復以折閱罷客謂祈年何不爲里塾師取月奉自飽祈年曰禮聞來學不聞往教往教而得食與嗟來何殊有死而已客聞之遣其二子師祈年祈年抗顏爲師不少假貸里人相率以子弟從者數十人稟餉稍羨悉畀伯兄伯兄業大成會歲饑釜米千錢已大疫弟子俱散歸祈年妻與兄之妻若子俱死又兩從大泌山房集

卷之七十三

家傳

二十三

楊

山人胡茂承王仲房方仲美汪永叔太學方嗣宗潘景升於楚則丘謙之於閩則余宗漢其最著者云論曰皆弓父畢精於筋角蔡中郎幸其獲稱天所誘也灑削薄技郅氏鼎食太史公津津道之祈年工刻玉終窶天死惜夫以彼其藝自足有聞於世況夫孳孳行義如不及貧不降志者哉

周應龍傳

周應龍其先吳錫山人徙蜀廣安已徙楚鄂五十年矣尚蜀音余定以爲蜀人云嘗遊太學仕典客以方術事世宗無何罷歸至峽而舟覆家口無一得脫僅以身免大泌山房集

卷之七十三

家傳

二十四

楊

關黃民部母喪明應龍治之如初以百金爲壽養子竊負而逃自是貧矣聞長子在桂林走桂林往見之子久與錫鐘居性羯羶不可化誨遂罷再游金陵問其故人楊翁翁已卒其子元素兄弟識之因以見余時年九十有四面如童子齒髮更生行不扶杖篝燈作細字叩其枕中方尋常藥物耳笑曰久嘗驗不可口舌爭也垂三十年遭養子廣陵則已謂山人兒應龍跋踞無地應龍一笑而罷座客讚嘆相屬或以應龍故木客擁高貲有黃白御女術固問之不應貴趨賤富趨貧有妻子而卒鰥獨無愛生之嗟遠遊萬里不言勞不立詭異跡李少君古強之屬能爲而能不爲也其人固長者哉舊史氏曰先大夫蓋與應龍生同年墓三十宿草矣見似目瞿余未嘗不淚承曉也爲括其大致著於篇

姚節俠家傳

姚節俠名文鸞莆田人也高王父五秀以長者稱王父體瑞爲寧王筦庫生緒緒四子節俠最少比生父亡五兄矣嘗同諸兄弟徵租得兩鍰甫出門失之不顧用鹽起時有奇羨里曾某者長八尺頭如斗豪其鄉節俠不爲下會邑中倭緣間將掩取節俠於別墅而殲之節俠覺走免乃掠其家并仲兄去已復率衆來襲節俠伏

橋下禽之因得仲兄抵友人友人不內間道逃歸出東門顧見饑者載與居予之貲饑者既饒斬人談其微時事知曾某修卻未已兩人比而速之獄久乃解則逐諸少年游枵蒲一擲得百千再擲失百萬窘矣家有藏書四壁圖名山水諸兄新寧公喜曰此吾家宗少文諸跡弛之士聞其聲爭交驩時過從置酒高會至貴人則辟不見鄭初者狂而善古文辭游無資斧爲質于錢家助裝柯某負謀繫縲繼中家遠不能供食使人日往食之不告姓名市猾中羣從於郡司馬司馬怒予杖節俠闌入爲白所以得脫林某兄弟相充疑弟與節俠善或扇煽之一夕方與弟語兄跡之聞其責弟不善事兄也兄感泣而拜兩人釋憾如初人以此益附焉贊其施飲其德聽其解紛無地而爲君無官而爲長矣修先世譜牒封樹墓域而勒石識之力復高王父墓田蝕於寺僧者居恒無疾疾亦不藥忽自言四月十有三日吾當與人世長辭至期果卒卒而陳某道逢之驚仆地林某病狂易大呼姚節俠責我自怨自艾乃已子鼎梅客青州別其父鬢髮也蒼頭夢見父入齊促鼎梅歸則須眉盡白矣已而季弟以計來訊其狀良然鼎梅以爲尸解而私謚之節俠云舊史氏曰太史公稱閭巷之俠設取予然

諾千里誦義爲死不顧杆當時之文罔雖行不軌於正義亦有所長非苟而已也姚生儋其父于朱家季布之屬蓋有足多者焉獨沒後數見形語近怪子產不云乎匹夫匹婦彊死其魂魄猶能馮依於人爲淫厲況生平自喜爲俠甚者哉故不足異也

胡處士家傳

胡處士汝順字直方歛大塘人也宋太史呂公裔明初有從姑適胡者遂姓其姓云直方少聰警動靜云爲與凡兒不作螭髻就外傳學所涉覽卽強記又最勤鷄鳴而起夜分而罷誦聲徹戶外爲舉子業有思理衆皆稱

大泌山房集

卷之七十三

家傳

二十七

楊

善獨試郡邑輒不售其偶才下顧先游鄉校嘆曰每見直方毅然自矢鉛刀爲鋸莫邪爲鈍世事類此矣會親老甘義存缺意不無少望遂謝去故葉曰端木氏曾不以貨殖貶儒奚必青衿乃稱丈夫耶攜其裝賈和陽淮海間知如炙輶謀如審括往必中三年得倍稱之息自是養親極物盡志底豫終其身性好客客滿座宴飲無虛日與士言士與農言農與工商言工商遠引博喻意指綢繆雜以諧謔聽者無不快心已而命酒不醉無歸而子尤吉長矣授之以事奉身而退爲園月潭之上有鹿來遊因取王右丞鹿柴名之池有魚圃有果蔬宅有

鵝啄壘石爲山冠之以亭諸臺榭皆具石床榻几清簟疎簾事事雅飭閒居焚香鼓琴染翰理詠或徒步而出與耕釣樵牧相隨行爲樂見鄰叟野老談說往昔娓娓不休監蠶蠟展登高望遠興盡後返客至則壺矢弈棋嘯歌互答夜以繼日曾不欠伸蓋雖嬰疾未嘗有愠憤之色焉生平篤於天倫有遠祖久客死者昇以歸卜地而葬之一切經費不煩諸父母弟三人蚤世無後棺斂必豐從弟子貧糊口四方以資斧帛之來爲之受室姻戚里黨朋舊知識所衣食凍餒解構爭閭脫罪習焚通券甚衆邑大夫以禮賓于鄉及奉詔具三老有秩耆夫

大泌山房集

卷之七十三

家傳

二十八

楊

汪處士家傳

汪處士道斐字文忠蓋唐越國世子廣祐王某之裔世家水南里數十傳爲處士父世榮世榮娶于程生子道輔道弼繼以萬生子道斌與處士孕時命卜而得鵝鵠及生犀角豐盈能解人意羈貫受書質疑師友不休父

賈池陽以心計佐父業漸起已治維揚鹽筴衆稚之間有所計畫出人意表衆驚誰夙知而暮成見之此君矣業因大起念其父造家勞與婦約關以外有貽父母憂者責在余關以內有拂翁姑心者責在婦以故父母衍衍飲食致足樂也親卒悲號見者墮淚仲兄早死鞠育遺孤鉞與其子俱爲諸生其奉戴處士不啻所生然賈人既以貲豪多所陵折處士慮以下人有唾面自甘之風諸閭閻不息婚嫁不舉饑寒不收殮葬不具者悉爲經紀南山河漲善溺人舟筏橋梁先時戒備行旅誦德焉祝明府造講堂邵太常建學宮巽峰首輸金錢以應大泌山房集

卷之七十三 家傳 三十九

而自御則麤糲縵褐終身不易恒掩扉獨處一室不樂見貴人人或慕之與締交亦歡洽如故前後邑令高其行禮爲鄉賓衆曰德舉無間然者歛左司馬皖右司馬兩汪公皆宗老最矜辨夫有所合之也四子伯以慷慨名仲以端慤名季以儒雅名叔蚤死而其子風氣日上諸孫若曾孫皆穎秀命季之子爲伯後兄弟怡怡如也乃營別館聘名士爲師而身課之暇則偕父老命酒漸溪上歡言竟日臨溪顧影而嘆心我五內者其此水乎所爲號愛溪也踰七十有嬰兒色微示疾而終舊史氏曰余不識處士而識其伯子鑣季子鉞之友邵仲魯仲

魯稱處士生平如是復以施駕部所爲墓志示之駕部嘗令其邑察舉鄉三老有行誼者表厥宅里處士與焉書曰三人占則從二人之言是可傳也

李長公家傳

李長公名世賢字聖甫嘗拜臬司從事不就故人稱長公其先唐宗人避黃巢亂居歙初遷界田再遷婺源田三遷環田三田李氏之望甲郡中長公少有大志業儒不竟爲功曹文無害脫公帑失出誣而坐法者人高其義念父苦治生棄去從諸父賈雲間白下心計過人已治鹽筴貨荆楚數爲上官陳便互上官善之使領袖其大泌山房集

卷之七十三 家傳 三十

曹偶旣念遠涉江湖風波不可知具白諸父休矣請就姑孰業日益饒與其士大夫賢豪長者遊擁篲爲恭投轄盡歡于是李長公聲甚著侍父疾食與藥必嘗而進沒而慟絕數四乃起事母亦如之光世未歸於土以爲大戚殫力供相冢者得五城西坑源陳村而兆諸從欲以其親附陳村曰族塋自古禮何擇焉配陳孺人代居子舍持家乘有功其塋也虛左以志同穴之信而拓前人基建懷德堂朝陽樓又拓鍾山居地廣五之壯麗十之朱元介宗伯顏其堂慶遠汪司空程文學爲記教諸子母近置廬得石橋巖已復有環翠山房竹林精舍延

名師友爲興賢會食士取給焉里南文曰聞衆言非妄
更而新之三山族衍爲環田諸延宿儒敦實而舛宗祠
置籍以示久遠率作興事且寢乾沒者謀有蕩子携其
婦自營公南爲兒食母戒之曰若改行尚期一會三年
來見大自媿恨還其婦居恒以讓和二言諄諄語于果
能此道優於天下何有於一家最恥佞佛疾篤或以請
俯首謝而不答年踰老有詔賜高年爵里人以其名上
授前官卒不起舊史氏曰班孟堅稱漢得人若卜式弘
羊衛青日磾亦曩時版築飯牛之朋也余觀李長公爲
吏爲賈以丘壑終身其生平行事有學士家所不逮得
大泌山房集 卷之七十三 家傳 三十一

人如是何必仕宦又何必論漢哉

汪子章傳

汪仲子子章唐越國公裔也家邑之南市其父廷威有
處士之行義生子章愛其慧謂可亢宗甫受學塾師父
卒哭而毀從伯兄治生亡何兄卒猶子稚不習事集宗
老出兄故籍析爲二而共息之有間之丘嫂者是將不
利于孺子子章念欲委之則孤寡立待盡耳語丘嫂計
兩孤應得息如千歲歲入之不者有如日丘嫂感悟收
倍稱息頃之丘嫂亦卒兩孤泣曰叔父吾父母也敢有
二心子章更捐所有爲之受室而周其日用經費兩孤

得以贏羨游太學成名是時子章母無恙慰勞子章兄
成兄之子使若父若兄目暝地下老婦藉手以報若父
幸甚母病累月不脫衣而侍醫藥禱祠唯力是視母乃
瘞有子二人教以義方既富益好行德飼飢衣寒弔死
問喪探諸埋瘞貸不責償闕必解構有父死而其母棄
之更嫁者聞呱呱而泣收育之既長祠其父則必祝子
章父一而已吾乃有二子章疾棘屬其子善事我母如
我爲孤子時而已邑令采其行書邑乘善人中何太史
爲傳邵奉常爲銘金中丞爲狀具矣舊史氏曰司馬子
長爲貨殖游俠立傳班氏因之范氏去之而增獨行逸
大泌山房集 卷之七十三 家傳 三十二

民以爲彼善於此然其人多崇一節不樂于中庸夫孔
子思善人爲邦孟子論聖神以善人爲始基作邑乘者
有善人傳可補史家之缺汪子章大節不踰閑庸行不
標異可謂善矣

大泌山房集卷之七十四

京山李維楨本寧著

楊大夫陸宜人家傳

楊大夫士元字仁甫蘇州府太倉州人也其先從宋南渡居崑山新安鄉元海漕萬戶春堂始著籍焉明弘治中創崑山境爲太倉州故爲州人太父祥祥仲子一真公灼是生大夫三歲誦書倍成童十歲通毛詩十二試於州州人奇之師虞陽孫先生孫先生歎其文此文鳥也待時高齋耳公亦日奮所讀書自子史下及稗官無不淹通郡伯趙蔡公督學楚耿公試士如大比一日七大泌山房集 卷之七十四 傳 一

目獨大夫敏而佳蔡公爲書院收吳士儁者肄習之大夫輒居首遂舉于鄉明年成進士除知裕州以勸學爲首務朔望進諸生論說經義諸生寡所聞見出其篋中書視之旁邑皆來受學經承爲文者斐然有致光山劉學曾南陽朱誥其尤也故事州諸貢出入有稅稅多輸府上書請罷之以此見忤中蜚語謫廣東鹽運司提舉火贖希簡日與諸生論學屬文衆十倍裕矣已擢知興國州其治一如裕州吳明卿先生以文章名而廣右張羽王左遷州倅三人相得甚歡也州故永興縣地已升爲府又改州州城積土爲之西阻山三面濱湖久之城

北盜乘間抄掠無寧歲與二公定策奏記兩臺請於朝發貢金三千有奇擇里父老可任者盡界里而裁數行視率作持酒脯勞勞者扶其情者不踰時而城成至今爲永利焉州貧民鬻田畜者卽爲隸農而竄其賦於單孱籍中坐無孑遺耗矣爲覈其籍賦隨田出民乃蘇隣邑瑞昌爲賊所侵賊首則州人柯氏所居綰轂州邑境而負固莫敢誰何立保甲法檢察之禁人無敢入銀山盜採必寘之法賊無所避匪應時解散擢同知襄陽府職在清尺藉伍符逃亡影賴若屯田經界不明租挈失實者秩然一新矣郡有二橋一曰延生以襄濱漢水漲人家負戶而汲懸釜而炊莫必其命獨此可趨陸一曰南門自楚達漢蜀孔道也行者病涉稽卑乃以月俸繕而新之太守吳公暴卒子幼經紀其喪甚備攝行守事事迎刃而解而部使者時檄案行旁郡甄別吏治咨問土宜民風所建白輿除利害一一中窾會三入闕校士得人如郭正域舒弘緒梅國樓兄弟悉楚之望也程式文多所裁撰膾炙博士家口五年擢兵部車駕司員外郎而以卑濕浸淫致疾歎曰吾折腰下走十餘年遷爲郎昂首信眉幸矣奈二親老何陳情歸侍養還舟爲風所中疾大作歸七年疾滋甚遂卒配陸宜人前侍御公

大泌山房集

卷之七十四

傳 二

胡女孫事舅姑謹母家貽一算器食必先奉舅姑聽其所與而後敢受其餘大夫之官裕州宜人初孕之屏舅姑命之壽孫而留諸家爲膝下娛比還以之翰見舅姑復命之福孫而仍令宜人從夫之粵之楚曰吾兩人以孫爲壽若夫婦在官宜思福所由享宜人朝夕沐浴其言楚粵飲食吳人不相中宜人執中饋不委手鼎爨致味精好賓客讌集怪其得未曾有大夫沒哀不欲生旣而翻然先君子以父母在目不瞑未亡人何敢忘已又哭舅則曰姑年先矣相依爲命吾以此報先君子會將稱壽于姑身治具無病而忽卒姑大慟何奪我孝婦後六年亦卒侍御父子不祿家中落爲伯兄嫁女如已女而屬其子歲給粟贍之曰吾非私外家若兄弟于舅氏不宜寡恩也奉佛蔬素終身而戒女巫無入門臧獲千指授職考成無不黽勉然善體其私大夫居官舍子舍含章從事所裨益爲多子之屏之翰皆佳公子也舊史氏曰大夫蓋余所進士也其子婦翁王太常敬美敬美兄司寇元美昵就余爲稱說大夫行事甚詳仕楚兩政十許年楚學士大夫誦之謬以余爲知人今所論次如右鄉人之善者好之非無徵不信矣

張贈公陳安人家傳

張公名守化字可化晉江人也先世自固始徙清溪再徙晉江有鄉進士仕應天教授者曰寬養親以孝聞郡邑表其里曰狝雷因稱狝雷張氏寬子天眷天眷三子長良寶以子郡守志選封主事良寶母弟文郁文郁子志立俱有隱德爲鄉祭酒志立娶于黃生公仲子也少事父母如成人色愉容婉而將之以敬甫十歲父卒泣語其兄貧無以爲養無更有遺憾于大事所爲調棺斂甚具寢苦枕塊哭靈床前念母戰戰也朝暮上食俟母寢而後退十七歲學成里人來受業月有修脯伯兄亦補郡功曹斗食有秩兄弟饘粥而養母則豐母病待不解衣者六月及卒哀滋甚挫其產治喪經術日通明弟子日進家具差給而倭亂作矣兄被虜賊索金爲贖公涕泣將往贖兄其宗人慰之曰若未有子而以肉投虎口與兄俱死耳不爲先人餒鬼卹耶公曰坐視兄死賊而不救不名爲人卽有子天必不佑人孰無死與兄併命且樂爲之傾其橐及陳安人贊珥赴賊宗人竊笑之不顧居恒嚴事漢壽亭侯禱而以其香爐東而戴之以行逢他盜褫其衣索金亡有也忽有異香從空下私念此關侯訶護我矣盜去達兄所見賊哭而陳孤苦狀終日不食終夜不寢抱兄而啼賊哀憐之曰孰有弟愛其

兄若此者乎受其贖直之半而縱之行未三里許官兵
攻破賊被虜者多死公兄弟生還宗人駭相告是非直
兄弟友愛能動神明也其父故嘗生族弟于疫全王叔
母節以活其諸孤宜得此報于若子矣復授業濱海柯
坑寺有逸賊百餘走寺中鄉兵追及之遁走野老叩扉
見公方臥大驚而指示之曰門外荷市者尸裂矣公乃
裝餘廩歸兵後凶荒以其廩糶糶價平度可以供八口
食則以餉道之啼饑者已而兄病問醫古雷山足爲重
蘭會淫雨水幾沒身適得巨木以濟兄病力呼天而祝
曰生不能報仲報之地下耳時公已舉伯子維樞復舉

大泌山房集

卷之七十四

傳五

仲子維機因以爲兄後公平居言訥若不出口而談古
人忠孝大節矜奮慷慨思與并驅弱若不勝衣而爲王
父治墓與諸備畚築比健少年或引爲俠邪之遊謝絕
不往雖深夜必衣冠呼二子侍每誦明道教人靜坐溫
公可與天知語反覆訓之於兄弟行若貫齋和齋者皆
以行誼相推重里人稱之曰古有張仲孝友今張仲豈
必減古人哉陳安人父曰梅嶺翁倜儻不拘奇公子童
稚而以女字之公母病困見公之朝夕于側也謂公兄
吾不見仲子婦目不瞑遂以安人歸從其姒楊事姑甚
謹姑久病姒奉侍累年無倦宗人行吾公所爲傳孝婦

者也得安人而小番休無何姑卒二婦帷堂而哭不絕
聲遠近聞者愴然悲之姒死安人持門盡瘁而哀繼姒
林之寡也衣食慰藉之陳翁媼老而貧贍之終身公嘗
語二子贖兄之役微而母奩資不可就婦人恒昵其夫
矧其夫未有子而冒萬死一生以求全其兄于不可知
之地乎而母從吏我無二心異哉女而大丈夫矣教二
子嚴恒以午夜爲限小懈訶詰之蓋公爲里人師時居
塾而以二子屬安人安人督課二子猶公之督課其弟
子也二子奏其文當公意公以示諸先達曰孺子可教
也歸而告安人乃爲解頤皆及見伯子舉于鄉而卒伯

大泌山房集

卷之七十四

傳六

子名維樞舉進士仕義烏令擢刑部郎今守湖州贈公
如其官仲子維機兄弟文章政事風節知名于時舊史
氏曰張贈公免兄于賊略與王琳趙孝倪萌輩同號爲
難能余獨謂所最難在陳安人之贊之也彼牛弘李克
繆彤非不友于兄弟幾奪彼婦之口豈其居恒勉強爲
善容有未切至感動人心者耶贈公不言而喻如響答
桴吾無間然矣

鄭次公郎孺人家傳

鄭次公名炳字文輝錢塘吳山里人也以判太倉州事
人稱太倉公六歲而同其兄燁受易爲舉子業有緒矣

具父母慮之曰力田不足供兩子師贄伯也儒家仲也
法家祿以代耕儒不若法之捷也十六爲藩掾十八從
臺使數將命周遊浙東西吳楚齊魯韓魏燕趙之域所
至采風謠得民情僞利病與所宜興華心識之不忘有
問對如指掌三十除粵東衛參軍上官知其能委攝大
邑決大獄名出諸長吏上新寧盜魁梁仕興負固而時
行掠旁境梓鼓不絕聲率發弩士百人潛抵穴中仕興
出闔公拔劍先登士鼓噪從之生致仕興詣幕府嘗語
人我夜入禽仕興曾不知懼既俘走高山深谷茂林叢
薄中乃覺戰悸昔人所謂有死之心無生之氣有生之

大泌山房集

卷之七十四

傳七

樂無死之心故也歲饑發賑同事者計道里名氏置籍
饑人不能待多死公令人持錢穀各騎而從凡有饑色
輕重施之更不誰何全活甚衆臺司令諸部悉踵公式
而掩道殮爲高冢纍纍相望有隄在南海界中下流則
三水田堤潰相仗莫適誰治以屬公公集其人諭之地
界在南海南海具人徒田在三水三水具餼糧木石二
邑人服從尅日堤成爭持牛酒勞公請著爲令示久遠
材官席氏無子而所養子欲襲其位夜奉一匣金爲壽
公呵之子可養官不可世三尺法在誰敢者諸臺察廉
數薦于朝而有太倉之擢職在謹正鹽策里豪私煮海

吏以薦賄寬之公嚴絕賄賂捕而正法鹽政一清視崑
山篆其治粟丞老遲鈍不及事准帥取粟無以應械丞
去公追至境呵帥止若受檄徵粟不徵丞而擅繫天子
命吏乎帥面赤口噤舍丞去公亟上書條帥罪狀而召
邑人語之以若等逋公稟辱及丞卽再至吾不能爲若
地矣邑人頓首謝不敏來夜輸粟百廩詰朝趣帥取粟
而部使者已督過帥帥恐命其下受粟去有巨室子弟
殺人行千金丐末減公不可竟賂大吏以免公喟然太
息法之不行迺自上始下將安倣煙視媚行影附響承
爲妾婦態事人非傲骨所任也謝篆而歸而會與州大

大泌山房集

卷之七十四

傳八

夫之郡舟覆身居水中大夫令人鑿舟出之更承爲詩
謝大夫大夫奇之曰君神定乃爾卽當大事無逾君公
對曰某未冠而奔走四方所經豺虎魑魅地萬里幸不
死今幾爲水伯所苦老母在爲人子者道不徑舟不游
之謂何而重貽其憂遂乞歸養諸臺留之百方不易也
斂金錢爲辦裝辭不受獨受祿九十金以還母怪其裝
薄列筭于庭而啓之敗絮裂繒而已爲之大噱初公父
省公京師至河西而疾作公聞馳至則卒且斂矣頭觸
棺欲死者三七日不食所知慰之若死誰與父喪歸旣
歸廬墓三年每忌日或譚及未嘗不悶絕逆嘔也自太

倉罷築室吳山下壘石假山蒔花樹而菊爲最盛奉母
居其中伯兄舉于鄉崇官安慶丞謝事過從則身掃除
上食鎮日無惰容佳辰命童子持果蔬茗酪選勝兩峰
六橋間樂而相和歌也公元配丁孺人生子之翰已娶
于金而天無子公之母以爲戚公乃悟子早晚有無不
可知母之舊矣而以是傷其歡可乎遽雪涕從母命
以郎孺人繼篋得大過之願爲枯楊生華猶豫不定再
篋得蒙之剝爲子克家乃委禽而夢之神君所下拜獲
主懷之壁門榜數十人之翰在焉已削之而易之惠覺
而語孺人是其子徵乎吾鄉也嘗夢入名園蘭二本高

大泌山房集

卷之七十四

傳九

際天以其一歸神今又告之矣之惠生遂以名孺人故
羸劣而以丁孺人之賤李乳之公得子晚不孰何之惠
孺人顧操之嚴小過予杖公不悅也孺人告公政以公
晚得子不患不愛患不教耳五歲不令窺外戶偶過鄰
家鄰家媼啖以糕果孺人叱之小子無志分食嗟來食
耶急擲出訓息女居樓上執女紅家人不識其面今嫁
爲徐氏婦老矣言不出閭廛廩有母之令範焉其撫丁
孺人子女則以愛勝之翰以身殉婦公怒不欲收孺人
諷之乃成喪其事姑一奠一肅必以姑命方具伯兄析
箸而母留公家什九則孺人佐公爲養適其意也母忽

有嗟于李命公逐之李事母殊謹而之惠復不可旦夕
離公綱李一室中穴壁與之食三年不一顧已而母體
不安悔曰李在我寧至是公呼李出見母大喜遇之彌
厚伯兄卒一年而母卒公垂七十哭兄母過哀遂有心
疾免喪疾小瘳語之惠曰吾壯時觀事有不平輒憤喪
子輒作惡今老於世無所短長雖辜汝大父日短而事
母事兄六十餘年汝復有子何自苦爲編席爲龕跌脚
調息體力陡健則居小樓置三教書數種與故友棊酒
談諧極歡乃已食多蔬素啜粥可十壺髭鬚脫盡更生
或策扶老之湖山間人望之若仙之惠九試不第則曰

大泌山房集

卷之七十四

傳十

大器晚成大音希聲夫何愠焉卒之前三日覺熱氣蒸
肩背浮肩曉間息止于胸子孫環視目不留盼默不一
言端臥而瞑公旁通九流而一歸之儒曰世有儒猶人
有小心爲主則耳目手足咸作使心無主則耳目手足
咸作難儒道明而百家衆技皆可備驅策矣在粵造陳
白沙先生之廬得其遺集錄而諷之繕學官理學田之
沒其籍者以興化條造多士時詣湛甘泉先生所質疑
問難在吳逢王龍溪先生虎丘談三日夜方別平生不
侵然諾而嫉惡不嫌面數卒無藏怒宿怨薦紳大夫以
耆德尊禮之少年視官府蔑如而嚴憚公遭于路迂迴

避之所著養生內外篇各一卷吳山里人日記二十卷
雜詩銘贊一卷年八十有九之惠字孔肩文行聲籍甚
東南子弟出其門成名者甚衆舊史氏曰漢世公卿大
夫或以儒或以吏進未嘗有重輕而曹掾書史馭吏亭
長門幹街卒游微嗇夫之屬儒生亦爲之名臣如黃霸
薛宣朱邑丙吉龔勝尹翁歸輩不勝數其後士與吏分
途吏治文書給使令不得與士伍故丁邯恥以孝廉補
尚書郎令史抗詔不就張玄素以流外得官天子問之
面如死灰足不能步至于今益簡賤矣鄭仲公以儒爲
吏吏跡多可稱假令竟其用寧在西京諸人下然甫強

大泌山房集

卷之七十四

傳十一

仕念母老去官爲兄孝廉郡丞難弟年躋大耄不以生
死動心豈易及哉其言儒可以使百家衆技爲我用富
哉言乎不以儒成名斯爲深于儒者也

程上林吳李兩孺人家傳

上林苑丞程公名敬嚴字純一晉太守元潭之後也父
鈞母汪孺人舉四子公爲仲公少學六甲五方書計事
了如素習垂髫益好學旁通百氏尤善臨池之技父故
中賈廢居居邑而食指繁家無贏餘兩弟幼不忍其父
服勞也代之收不讎與欲得財入倍增于往俯仰多所
拾取父大喜天佚我以老在是子矣盡以業屬公則之

淮陰受鹽策擇人任時遂致鉅萬諸賈人推爲祭酒臺
使者時召公語之微言其應若響應聲歎曰儒生故自
不凡而以其貲與弟均之里俗薄庶子季弟庶出也公
無少異父語諸子是皆而兄所經營若輩坐而食之宜
有以酬兄衆皆諾公固辭不受而置義田食宗人貧者
從子賴公而有其卒也以五孤爲託公庇之沒身有
弟貸百金不能償更予之不收責或負數百金主計者
欲訟之官公曰是非負我值數奇耳何訟爲舅氏賈汴
而舟覆詣公于淮公爲感然資之如其所失闖人辜權
以諸商爲奇貨諸商恐閭閻公以義折聞辭氣俱奮闔
爲動容臺使聞之稱善或整其季弟則以身擁護損豪
裝居間三年不遑寧處季弟得無恙而怨家亦解富民
土木被文繡大馬餘肉粟比比而是公所居室衣服食
飲無異寒素嘗言商通難致之貨工作無用之器者欲
不制僭差亡極當速盡耳作法于涼吾猶恐其奢也徒
步行或百里人嘲其陋公曰緩步當車古之人有行之
者吾性所安也禮名師督誨諸子而時以古人善敗之
跡示爲法戒病革命仲子掃除正寢而詔諸子曰凡今
之人莫如兄弟同心努力長久之道也諸子泣握手曰
死生猶晝夜誰免此者知者以彭祖爲夭殤子爲壽勇

大泌山房集

卷之七十四

傳十二

者白刃可蹈甘鼎鑊如飴吾年踰五十不爲天家人產
豐潤身沾一命男女子孫女二十許人夫何戚焉元配
吳孺人溪南名家女笄而歸公鷄鳴起從公問尊卑安
否治具以進俟餒而後退井臼澣濯事無所不親奉賓
祭課臧獲手口并作午夜不休大布厚繒無薰澤之飾
諸後先婚姻家餽問相屬于道族于姓與公共事者瞻
察饑寒尤備所贊公施予不可勝計以數產病亟請于
公微天之幸有二男一女莫能觀其成也其置副室之
賢者吾及見之而睽公未諾乃謀之母黨博訪良家而
得李孺人入門始告公公謹謝之若爲吾宗福計幸甚
大泌山房集 卷之七十四 傳 十三

而李孺人果憐愛子女孺人卽安然病不可爲矣歲所
卒伯子開祚九歲仲子開祐六歲女五歲李孺人撫而
啼女君之賢也而使子女謂他人母乎妾則何敢負死
者其視子女倍敦已乳三子不以其子敵女君之子營
辦婚嫁禮文豐腴鄉人稱不容口已他姬復有子子之
如已子伯子卒哭之哀更女其文至於今三子以家督
事仲兄惟謹叔子欲傳公與適母而仲子不可弟之母
遇我有恩魚菽之祭余母未嘗獨享吾何忍沒庶母之
賢令母氏知人之明不彰其以兩母並紀且徵先君子
能齊家也仲子字仲秩爲大官丞叔子名開社字方叔

爲太學生八子類荀氏而孝友不忝所生舊史氏曰書
不云乎惟孝友于兄弟施于有政詩不云乎教誨爾子
式穀似之夫親之視其子賢不肖一耳有弟而兄啼於
是乎啓閭閻之樂彼其親能晏然乎未有兄弟不友而
可言孝者上林公友于兄弟以順其親其子則而象之
伉儷與小妻咸有一德雖詩書所稱何以加焉

汪明經黃孺人家傳

汪明經公良格欽人也始祖越國公子孫其麗不億而
公之先秘書丞叔敖自唐模徙潛川累世名貴人十五
傳爲福裕福裕生化以工臨池著聲化生恩有孝弟行
大泌山房集 卷之七十四 傳 十四

公其伯子也公生而慧敏誦書日可千言處士黃公異
其眉宇瞻矚以女妻之是爲黃孺人公弱冠游鄉校學
良苦孺人具羹膾漿茗寒暖因時而給膏火丙夜不輟
學既進狹小其師是何加于我走之吳門師故少宰徐
公徐公奇之語人此後來之彥也徐公如京師則師憲
副錢公憲副以宦減產公就養無方尋以高第食廩矣
至京兆試輒見詘公竊自疑夫耳食而膚受者取一第
如拾地芥吾深詣博蓄顧數被放何也孺人慰之曰力
田不如逢年士遇合有時耳平津侯豈不數困厄哉而
晚乃以功名自見君復何憂會其父客遊京師之河西

務得弱疾公聞而馳往視之裂衣裳裹足足重繭不休
息至則父不掛矣皇皇延醫殫諸家之技禱于神以身
代卒不起蓋累月而公之病且類父則呼天而泣血曰
趙至小子耳讀書聞父叱耕牛聲傷未能養而使親勞
也吾今壯備博士弟子員不能使父無遠遊罪通天矣
既而曰母在吾何敢死旬制奉柩東還號咷不絕聲執
紼而歌斥苦者為之落淚父所貸人錢貨不能償者焚
其券曰吾非以父市德不敢以父市怨也歸而虞傷母
心與婦承歡養志彌謹母後父十二歲而卒哀悼不可
辯識幾成死孝督學使者李公都試士以公為首已舉
優行復首公李公喜曰士文行不相符久矣今得子而
士益重異日為名儒名臣易哉其後復再舉首而獨不
能登賢書然無所介懷益篤志好古績學敦行四方士
執贄為門弟子數十百人而未嘗謁有司里之顯者愛
其名刺不與通郡守錢公重公數過存陰使二生以百
金為公壽令居開公庵之去往報謁守卒無一言守遣
吏從公具以情告卒不受其勵操如此公久次當貢而
以明發不寐有懷二人病遂革矣力不任行有司白督
學陳公旌其門賜服與博士等三月而卒孺人侍疾忘
食忘寢夜則顙天曰吾夫子生平可與天知天胡不佑

脫可代也妾請先已懼非公所樂聞強起為公治後事
而語諸子而父賁志沒以所不盡貽後人聞之而父國
有六職士農工商比于公卿大夫量力而任之無忝所
生而母樂從而父遊矣後公一月卒公在吳吳沈從吾
者服慕公置酒禮之上座盡歡沈後貧怨家螫之昆季
下吏飲章沈且死故交無為地者公曰沈生遭禍天下
無復好客者矣陰為之地以免不令沈知也沈後得狀
歎曰生平肝膽相許者安在汪君塗遇卒覲而令我出
一生萬死中古節俠何以尚焉吳人稱公俠甚著公三
子德克德完德方世其家孺人教子有鳴鳩均一之愛
治家有谷風黽勉之勤佐夫有雞鳴儆戒雜佩贈遺之
義要之皆公所刑于也舊史氏曰司馬子長引韓子言
儒以文亂法而俠以武犯禁二者皆譏而學士多稱於
世此儒于俠業已非倫亂法安得儒犯禁安得俠汪明
經恂恂儒生耳仁者無不愛也施由親始明經篤于親
其全沈君善推所為而已名之曰俠豈惟不知儒亦俠
士不伐其德不居其名者所羞也

吳太學程孺人家傳

太學吳繼良字君遂休寧商山里人也其先為唐左臺
御史少微歷數十傳為理問淪是生君兒時昂昂若野

憫之在鵝羣晨起必謁拜父而後卽事出面反告造次
不失尺寸父奇之弱冠游太學亡何母畢孺人卒哭而
垂絕者數四皇皇如有求而弗得也爲像事焉有禱輒
應其後室火而像燬縞素三日哭父客槁李而病君聞
匍匐數百里一宿至猶及奉訣以喪歸宗老言俗忌外
喪不返內君持不可禮不云乎歌于斯哭于斯聚國族
于斯夫非晉卿之室耶識者遽其言方是時季弟繼謨
稚而君字之比析箸田宅美好者恣所取仲弟繼俊病
而日夕存問醫藥之其沒也哭之哀事其母如妣子其
子如子君疾革而猶屬諸子余所不忘者而仲父遺孤

大泌山房集

卷之七十四

傳十七

諸子諾而君甫瞑也家故素封暨君益饒而孜孜好行
其德請于父歲以三百緡周宗之宴者君爲政所待舉
火可數十百人宗祠圯撤而新之諸父兄子弟受成而
已間右有隙壤爲廈百餘間區分之號曰孝友睦姻任
卹以授宗人無居者宗人無失所矣推而及婚姻或四
喪不舉爲經營之立就婚姻緩急有賴矣推而及隣首
廣郡邑學田以食諸生有鬻女而苦其主之虐不能贖
者爲贖之有負子錢而欲粥子者爲代之有良家以女
內君傷其貧也贈之金而卻之女復爲人奴復償之金
而歸之有身請爲奴久而思歸者焚其券還之隣人載

德矣推而及四方嘗游金陵悲長繫者之無聊也人以
三百錢畀之坐罰不任罰者助之游雲間構李所見亦
如之戊巳之間大侵民饑且疫設粥食之治藥藥之死
者斂而瘞之棄兒于道者收之所全活初歲五千人更
一歲萬人吳越間窮民無告望君監輿舴舲來從者如
市人人厭其意而去除欽之查坑道十里梁休寧之小
溪於潛之太陽九里五聖昌化之永安永年凡六皆以
石費萬金有奇行旅于今謳歌焉其所最尚者節義宗
人婦畢與戴從一而終爲白所司旌其門鄰之妾李以
死殉夫爲樹石其墓郡守邑長吏高君行車騎過門輒

大泌山房集

卷之七十四

傳十八

謝不見而晚頗好竺乾氏言新其里龍宮寺而爲園曰
素園築臺臨溪諸市鱗介物者易而舍之名其臺與溪
曰生生君婦程孺人由溪程欽女與君儷德居姑喪毀
瘠舅氏多嬖事之無違言諸姬愛敬而則倣之式相好
矣居恒戒曰無爲程冢婦所窺君育其兩弟之子孺人
保抱携持等於已子凡君所欲施予受命如嚮雖千金
不知於色政熱身執爨食餓者汗浹沾背侍兒請代卒
不許吾懼火齊不時餓者食而死不如無食父亡矣養
其母饋問往來不絕又鞠其同產弟君嚴重之旁無媵
侍比君卒而不勝哀居有頃卒族子孝廉應試有重客

假館君家屬諸子他出孺人勑館人掃除甚謹而不差盤殮左右疑之孺人曰夫死從子子在外未亡人安得爲賓主其達禮有如此者君男子四人叔懷賢早卒伯懷保以典客待詔中書省得君之量口不減否人物未嘗見喜愠色仲懷賢太學生得君之致澹于名利所居種五松日聽其聲謾謾忘倦李懷貞內史直文華殿得君之俠倜儻有大志能急人之困鄉人事咨決之君于猶子中丞善士元士元慙而工修詞從余游舊史氏曰人富而仁義附焉新安多富人于往往以仁義取聲學士大夫有所表章疑弗信也構李二樂矯矯不逐人非

大泌山房集

卷之七十四

傳十九

譽其稱吳君稟稟質行君子與之交三世當不虛美耳或言吳君祖微俯兄弟從宋張朱諸大儒學其父師王文成而友王汝中君雅慕諸葛武侯爲人澹泊明志故以澹顏其庵生平行事日省而籍記之曰慎獨編蓋家學所從來遠矣

吳季公程孺人家傳

吳季公名光昇字汝旭歛之溪南人也溪南數千家之聚吳氏外無兩大其先自唐咸通至今代有聞人而更善爲賈終身逸樂富厚屢世不絕四世祖仁有孝友之稱祖仁子崇恕崇恕子尚瑩尚瑩子正學是生季公

嘗爲諸生入太學季公亦爲太學生好左傳國語諸書而失其父母早不能竟經生業始父以鹽策客維揚公從之好奇偉倜儻之畫策又闊達有大度父語諸子若皆長者如以才不如季是宜爲家督諸兄皆曰然于是以季公當戶即諸賈人委心歸計奔走唯諾如不及以故季公雖少而爲祭酒父在時與其儔不相中得虞公有意督過之公捐往細故待之不疑人以此益附焉過市遭胥靡僚然于道問所坐曰迹租挈罄其室償矣無以贖罪問其數且千緡悉代之贖衣挾斯不掩脛者予之布有司見諸囚怪問知狀皆歎曰吳延陵季子之賢何以尚茲維揚民戶數百于茅索絢而居遭火頃時煨燼羸身莫自堅其命爲之衣食者可千人故人子以其地操書致來季公固謝其人固進寧小減乃以故直與之而爲之區域使衆族葬其中人謂季公是乃仁術也生者無徙死死無暴露以小宗未有祠獨鳩工庀財先之費鉅萬置義田義塾以衣食教誨族之貧者白頭游傲之士虛上舍而自館之所善故舊賓客舍業厚遇之虛積聚以救人所叩謁無留門者皆給無乏配程孺人臨河大族女父家好藏書孺人幼慧父愛之女訓內則皆成誦比歸事姑嫜與其諸娣恭而婉季公歎於嗣

大泌山房集

卷之七十四

傳二十

以孺人盛年不忍置廢孺人力請牽帷幃之愛而失宗
祏大計是使妾蒙不韙也于是諸姬退進而公治公溥
二子生其愛諸姬也如其夫也其撫二子也如其母也
其教二子也如其父也居平不疾言笑不至矧首無珠
翠永無纖麗夙興夜寐率家人操作如不及奉祭款賓
則必豐潔毋爲草具巫覡不得入門而宗姻鄰里婦女
有以窘告未嘗不周施之季公患痔醫迫得其愈卒不
治而詔二子五十不爲天惟二人尚未歸于土若曹學
未成以是介介耳孺人侍疾憂勞寢食失其常度季公
卒哭之屢瀆死而念二子無恃強起食粥然神傷而貌

人必山房集

卷之七十四

傳二十一

瘁矣後公八月遂卒舊史氏曰新安人之傳其父母者
蓋家戶所有此何以稱焉方司徒之子與季公友也程
叅政之子與季公子姻也兩公直道而行檢鏡所歸其
爲季公夫婦狀與傳無溢美之言余友謝少廉曰是可
傳也因爲吳季公傳以孺人附焉

程季公黃孺人家傳

程季公名敬召字季夷歙荷池里人也其先家篁墩晉
太守元譚梁開府靈洗最著再遷東關宋知宏翰林講
書德裕最著三遷荷池自本朝子民始曾王父瑄王父
以父鈞皆有長者稱父受室于汪嗣以劉劉實生公少

受尚書不守章句多涉獵百家言爲太學生師友一時
聞人而父母相尋卒乃舍業治鹽策觀時變擇人任之
恥織畚鍤刀錐之末人服其信義贏得過當則益務爲
德父有義田贍族族益蕃斥旁畝助之族無饑人事其
仲兄如事父然所需受命如嚮從子貧以本業之數折
閭數更給又不幸蚤世撫遺孤襁褓中遂爲成人怨家
贅族子有江都逮馳往分明之卒得辭出門見僵尸爲
具棺斂招魂而祭有鬻子償官逋者捐橐金以代不問
姓名大瑞銜命權稅伐山謂新安奇貨可居跼籍甚暴
里少年蟻附中公於瑞其人故受公施公召而語之若

大必山房集

卷之七十四

傳二十二

所欲幾何卽訟言何等不可而假手拯人雖勝不武其
人面赤汗浹背公復饜其意縱之而去其閭達大度能
容人類此見人無長少貴賤僂僂退讓卽有盛氣磨厲
以須遇之無不意消市豪閭貴人居間莫能平公一言
相悅以解義所不可未嘗詘狗郡別駕邑令有漁梁之
役屬公視作公謝逢掖不任與匠石伍兩人嘉其志卽
引咎失言卒之日哭者矢聲弔者咽閭督學使畢師臯
爲狀太史高朝憲爲志少宰朱兆隆爲表御史大夫沈
純父爲傳四人者鴻生鉅儒不虛假人以辭其稱公若
合符節子三人曰模曰標曰榜模與標皆出黃孺人黃

原缺

大泌山房集卷之七十五

丘節孝家傳

京山李維楨本寧著

丘節孝者臨川石池李氏女也十六而適丘贈公御秀一歲舉子毛伯贈公故以儒生行賈什九在外其趨利如布帛之有幅焉無多餘之贏邑邑不自得歸而病六日卒語節孝兒幸長令業儒毋若我空自苦節孝泣受命哭踊慟絕嘔血斗許不內勺飲者五日舅姑慰勞之責以大義若必死從夫所以自爲善矣置吾八十兩老人與六歲孤何地獨不念若夫訣時所屬意者耶節孝大泌山房集 卷之七十五 家傳 一

寤而起日食粥一壺首如飛蓬臥靈牀頭三年不脫衰五年不知肉味曰吾不能效男子廬墓姑以此告哀耳營葬贈公橐垂若洗諸索責者杳至家人憤言焚救死不贍操我無已感乎節孝不可良人生平不侵然諾吾實負責使良人負不韙名所不忍也盡以其遺產償之會歲戊巳大饑日勤機杼纂組市梁粟春採精鑿以食舅姑而身不厭糠覈姑死送終之事典衣以充易而當禮舅病經年百方醫療數焚香祝天曰羸者夢也兒齒長矣請早就死以代舅忽聞仆小選甫蘇若有極之者舅病尋差其後深夜暴下而僵節孝心動趨而往視之

則石觸首形靜如死狀亟掖之尋坐奉藥與食乃已又嘗夜爲卽且傷手顛眩不能言節孝復心動趨而往視之爲吮其血脫然愈舅不滿百者纔五年每語人獨子早死天幸以吾兒婦爲吾子必有以爲吾兩人報吾婦者意在吾孫乎而節孝鞠毛伯拊畜長育顧復出入腹之備極辛楚毛伯少卽穎秀善屬文爲擇賢師友雖百里而遠執贄贈問必曉聞有嘉客滌器刑牲享以好饌竟日夕而瓶不罄疊不恥君子比德于陶士行之母云毛伯偕計吏重違節孝節孝不善也老婦有婦可無尸饗有孫可供色笑無所事兒兒寧須乳耶吾自少至老

大泌山房集

卷之七十五

家傳

二

足不出閭今送兒於外以明有事四方之義從是微一命委身公家無以老婦爲念毛伯長跽而請大人復何言曰吾無遺行以辱子子亦無遺行以自辱而已矣其年病聞毛伯舉進士呼其婦與孫前老婦下報舅姑若良人庶幾無憾遂卒毛伯以母節孝聞于朝其鄉數百千人上書當路白狀宗伯議旌門報可毛伯名兆麟今爲行人服膺母訓有終身之慕焉舊史氏曰詩錄共姜春秋紀叔姬然皆無子劉向列女傳有列女者有訓子者又不必於尊章備養生送死之禮以余觀丘節孝蓋古人所無何論叔季哉

姚孀節家傳

姚孀節者吳郡丞文公元發之女太學姚公轍之偶孝廉希孟之母也爲女時受三禮小學內則諸書通解意指年十五來歸公有適母股因母施在事兩姑得其驢從公游南雍生孝廉還里孀節病姑公病痢而公不起孀節年二十有二力疾枕尸而哭面如灰土兩姑恐掖之起投以藥甫蘇孝廉方十月呱呱泣也涕下與乳俱哺之被以斬衰寢之苦塊如成人居喪然弔賓見者爲落淚亡何伯氏因征徭而指孤兒是不當出口賦耶兩孤與孀節日夜泣忽伍伯入門縛兩奴去家人奔迸計天泌山房集 卷之七十五 家傳 三

無所出孀節倚靈床哭而以孝廉授姑姑懷之哭而過市市人亦哭會袁安節公來弔聞其事爲白邑令乃解安節益孝廉王父弟子也比姑抱孝廉歸而孀節哭滋甚姑老矣爲人婦不能服勞使姑蒲伏公庭是日也爲兒始生之日不能具晬盤試弄以奉王母雖未亡人何所施顏面哉里婦過相慰藉又無不涕沾襟也姑殷後公卒獨姑施在二十餘年姑婦相依爲命姑疾迴風穢不可近手拂拭濯滌略無幾微嫌孝廉爲父卜厝則屬之曰若庶祖妣若伯父若從嫂未可暴骨先窆之王父武陟君之次而後襄若父事以安父心會姑施卒母子

拮据治葬椎布之外無一不付子錢家孝廉三歲疾瀕死抱持日夜不交睫者踰旬已病嗽強納乳嗽甚齒相擊血乳淋漓蓐次喚咻不絕聲六歲從塾師歸必摘句字考驗之爲文視師所評校佳則賜以楮墨費不則疾首感額對案不食既補弟子員受餼學宮登賢書每衣敝衣婦好言相勞苦而襟裾時有淚痕娶婦有子矣婦暴死又代爲之母孝廉著聲枕苑名流勝引過從無虛日韓燈刺繡佐內外費目力漸耗而執勞不衰初郡丞聞孀喪貽書女浙有某氏十八而寡教子成進士旨旌其門又誨以持身處家敦睦孝謹十數事孀節佩服無忘然而中道若性矣郡丞解組歸粗賴以有田宅知其女善料事往往咨詢焉舅氏孝廉文起亦如是蓋列女傳所謂母儀賢明仁智貞順具美者哉舊史氏曰高皇帝朝姚氏有黃節婦者稱未亡人二十八年璽書旌之宋學士蘇太史爲之銘頌聲施到今文孀節三十六年其親閔倍于黃今郡邑士民臺司宗伯同聲賢之詔旌如今于黃有光矣古以婦道嗣徽首爲盛美德所處富貴樂佚易耳孰與孤寡艱危立節之難乎余讀孝廉孀節紀略與發願文嗟楚不勝情是以傳之稱孀節者夫死從子亦名從主人也

天泌山房集

卷之七十五

家傳

四

程烈婦傳

程烈婦者稠墅汪德清之女江山源程邦亮之婦也烈婦寤生其母不欲舉其父獨異而舉之姓甚慈善識人意父授以列女傳諸書多所通解北山有方氏女者字汪道者待年而道者卒方死之汪司馬伯玉爲之文父以視烈婦烈婦嘆曰爲人婦當如是矣從母學刺繡工具有核旨父喜語其母向非我安得此賢女哉并而歸邦亮邦亮父爲怨家逮于訟周旋經營家屢空烈婦以身首之飾供索餽馬事定而翁姑疾烈婦相邦亮視醫藥而朝暮侍姑瞻察聲色扶掖臥起三年如一日翁姑沒附於身者竭誠盡信索洗矣烈婦衣須捷而并日飯一溢米邦亮曰吾兩人福薄貧所甘受如吾弟何有友在死陵以弟託行買而因糊口供吾舉子業可乎烈婦從之宛陵會弟病不起悉資斧以斂則跳之維揚而留烈婦宛陵與一女奴處小樓上日不飽一醵維揚諸生讀邦亮文而亟稱之與締社試于都運爲第三人比試學使者不收邑邑失志遂病烈婦聞泣不聊生鄰嫗諷之卽卽君不諱若宜爲後事計而顧先投薄塋耶烈婦顧天大號願代夫死忽有若鬼物嘯其側者而邦亮返無生命矣烈婦驚懼刳股爲瘞進之稍蘇語邦亮安聞

大山山房集

卷之七十五

家傳

五

豈無他人不如我同族蓋聞婦乎則輦邦亮以行烈婦卽以是日不食携一器治藥一壚治湯粥相邦亮食飲之或不下咽淚如縷廉居停主人見者爲之落淚旣抵舍其母來視烈婦與母訣曰兒死生惟程氏人旦莫從程生地下敢請不孝之罪母曰吾寡幸有子在與我相依沒身從母從夫兩得也對曰母惟有子故當從子兒無子復何從焉宗親強之食輒設六日而邦亮卒烈婦泣不成聲竭蹶視斂仆於棺左旣覺則移右枕由而寢又二日沐浴正襟紉帶漱水者三遂卒年二十有某間里爭傳號爲烈婦郡邑諸生鄉父老子弟數百千人上其事無先容者未及旌其弟必遂不忍女兄沒沒也屬余傳之以存公論云爾舊史氏曰妻爲夫死世恒有之異哉程烈婦有不徙死者宛陵僑居至窮蹙矣任其夫游學不牽私愛已知夫之不可爲也療之以股冀萬有一死之生卒復其所蓋古大聖賢所遭勞筋骨餓體膚苦心志空乏其身不口不月不一而足俾弱女子曾不因困厄脅亂義理較然明備是以難也有婦如此補益風教非細而俗吏若罔聞知何哉雖然詩錄其妻春秋書紀叔姬民到于今稱之吾深有望于立言者焉

楊母盛孺人家傳

大山山房集

卷之七十五

家傳

六

盛孺人者左方伯儀女孫周府奉祠學同女也母殷生四女伯適海陵都御史凌儒仲適同邑文學錢應芳叔適崇川大司馬陳大科季卽孺人三歲喪母痛哭如不欲生兄者亦爲之泣其兄育之七歲事父啓居以時授衣上食父有不豫色與其姊務爲歡端以解有疾雖一茗必嘗而後進刺繡纂組極工鬻之以供親養而餘乃自給無何兄卒哀之如母又一年父卒而日夜啼不絕聲鄉所不得將母者庶幾將父今亡矣將何所怙恃乎復哭仆地而諸姊已歸獨處一室非歲時從其兄祭先足不踰閭除服且踰替而兵馬指揮楊公失其偶聞孺

大泌山房集

卷之七十五

家傳

七

唐

人孝謹具六禮以繼其室公父已卒獨姑在率以昧旦盥漱櫛縱筭總從公問姑夜臥安否退而治中饋事稅桑麻後圃而與女奴采之懿筐曲薄繰盆紡車小物無所不勤身布衣藿食不厭而佐公賓祭必豐卽出不意能倅辦不須孰五斗米頃所舉子至言聖言女九貞婉言順言而元配舉伯子某言與伯女長矣爲伯子委禽史氏爲長女相攸顧氏奩具一一經其手有不足以簪珥助之公嘆曰孰有後婦後母如卿者吾苟無媵侍以美報也公疾持齋夜望斗拜而禱召名醫十許人治之無效立侍榻前閱四月不稅衣公度不封語曰吾母老

不忍見壤子死此最不瞑目事三男四女婚嫁財畢其二今盡以累卿大兒從國子先生遊二稚子當課之學孺人諾而亟拭淚恐爲公憂公卒哭之淚爲血將以身殉戚屬咸曰而忘公治命耶徒死耳窳而起飲水飯蔬食葬祭之禮酌古制今俗而用其中儒者稱善爲公寫照四四時異冠服奉之靜室以日三薦常食以時薦新以歲節大饗行之二十年如一日而爲公母養生送死志物畢竭卽起公九原無纖芥之憾二子質明入塾暮歸課其勤惰陳公遺書于案俾之誦身操刀尺篝燈相對夜分甫已脫小倦指公像而語之曰未亡人忍須臾

大泌山房集

卷之七十五

家傳

八

唐

死以受先公託不敢負而孺子自棄耶言已大泣二子亦泣爭自奮學成爲諸生以見母則又語之曰此家戶所常有母自滿也兩子連姻貴族遠者數百里廣陵戚黨數十百人慶弔問遺一如公時羸老孤乳瞻卹有常事佛奉道尤爲虔慎鄉三老兩校之士按制三十而寡至五十以上旌是養也爲女孝爲婦貞爲母慈內外無間言白諸臺疏于朝而孺人屬兩子辭未亡人不早從夫子薦蟻孺子未有樹也思之不飲生柰何以名爲高守令聞之曰此其自爲德也如制何爲采劉向傳目題其門曰貞順舊史氏曰聞之于書世祿之家鮮克由禮

又曰膏梁之性難正也此在男子猶然況于女婦盛孺人所生所歸家皆富貴慕終於親詳順於姑聽婉于夫教行於子子不必已出母之若一豈非少成若性者哉詩云釐以女士從以孫子天胙楊氏人直善因矣

梁孺人家傳

梁孺人者咸寧逸齋劉公江之配霍州守禮之母鹿邑令必達之王母也劉長安右族世以閨範著聞逸齋公王姑爲秦安王妃而父爲散官家饒給擇子婦而得孺人孺人家亦長安右族父相攸以歸逸齋公年甫笄則尊章方嗃嗃爲政不欲令子婦居佚遂主中饋婉孌少

大泌山房集

卷之七十五

家傳

九

唐

女與女廝同操作井曰錡釜鮮薨烹飪機杼纂組織枰澣濯事無一不當尊章指逸齋公卒孺人年財踰三十而有三子伯曰禧仲曰祺叔即霍州在髫鬢乳哺中擗而泣非是三孤藐焉疇依未亡人何惜一死從地下爲兼綜門內外事然足未嘗踰閭數十年秦王聞而賢之此何減古女師歲時存問崇篤非諸外戚所望隆慶初年八十矣其作勞守禮如一日督學使曾公修

世宗實錄以列貞節傳而檄有司顏其門曰節壽霍州長而才時時詔之若父無祿蚤世不以家爲念獨屬意若輩若輩母好濫淫志母燕女溺志母放辟喬志母趨

數煩志庶幾自立使未亡人有辭言輒涕零霍州感奮登賢書而孺人復慟逸齋公之不及見也霍州令崇寧

知嘉定及霍州每使迎母則泣而謂之若父不食三釜未亡人何忍獨享其利若第以清白守官以慈惠字民使人謂若父有佳兒貽之令名是勝於祿萬鐘饗五鼎矣霍州奉其言所至有宦績以孺人老謝歸養生遂死無憾人謂非此母不生此子也霍州兄早卒伯氏有子三人霍州有子四人叔子即鹿邑令克肖其父孺人卒年八十有三及見鹿邑爲諸生而以霍州思母生不得旌典封爲憾乞舊史氏爲傳用成先志國史家乘取徵

大泌山房集

卷之七十五

家傳

十

唐

焉論曰易晉之繇曰受茲介福于其王母其初六晉如摧如六二晉如愁如皆言貞吉初自抑而如摧二自抑而如愁故福澤施及子孫子孫昭受之余觀梁孺人行事有初二摧愁之象焉鹿邑不忘王母宜爲晉康侯矣

張母陳孺人家傳

陳孺人者故儒生張公應登繼室也七世祖大司馬節愍公某曾大父參藩公某以清修名父羊海公某舉孺人而家食貧孺人婉孌季女佐母早作晏罷家人奇之會張公喪元配胡孺人委禽以孺人歸舅姑方嗃嗃爲政胡孺人遺兩女未離襁褓公讀書數十里外歲一再

歸孺人事舅姑治酒脯裳衣瞻察居夙宵匪懈咽哺
而女唯所欲食無時又輟簪珥績布刺繡爲公薪水楮
墨費公得無內顧厲志於學而遭離厄會不售有司鞅
鞅佐祭病矣孺人迎醫禱神窮萬道卒不起將自縊以
殉姑歿而持之既殮爵踊哭不絕聲夜憑棺立手拊頭
觸不內勺飲勢不欲獨生姑嘗解曰兩老人哭子懼晷
漏之不保婦兩兒璘六歲璋三歲兒所不亡在此一綫
婦死兩兒誰侍是重死吾兒不欲吾兩老人生也吾兒
卒而視不可舍者謂何婦寧忘之耶孺人泣受命兩兒
有樹當報地下人耳與棺塋穿中左方歆孺人大慟拊

還家新春數日後趣去揮涕而送之門璋不忍別請小
留輒怒操筆逐之所授子大布衣再歲乃易敝甚者漱
解紛紜以自服穀既登春榆簌疎精鑿者食舅姑次則
三子又次儲耕身屑糲稗爲餅下鹽少許充虛接氣而
已歲首及初度兒女爲壽走避帳中閉目淚如縷靡寒
食詣公墓哭泣之哀觀者辛楚子就試必禱神小蹶復
慰籍之遲速有命盡其在人璋爲諸生見母告公主哭
如初喪內外宗賀者酸洩而去爲璋娶婦操作勞勩羸
劣矣病稍侵姑臨候之頓首于枕曰不及終事姑奈何
子爲延醫不許自分死久矣以若輩忍而就此復何庸
生踰月卒卒一年舅姑淪喪以失賢婦傷心云孺人二
十有七稱未亡人又二十年所矢歸報地下人者竟成
其志又六年郡邑長吏博士弟子鄉三老以貞節聞于
臺臺上宗伯覈之信旌宅如今丙璋字席之舉賢書第
一人所爲母不朽者遠矣舊史氏曰余所識吳名下士
以壬子舉者三人宋幼清懋澄姚孟長希孟張席之璋
三人母皆節婦善教子宋母亦孝廉婦不患貧姚母貧
尚無恙獨席之母蚤失所天集于茶蓼終身無信眉時
谷風之恐育鞠也何有何無眼勉求之鴟鴞之鬻子閔
也手口卒瘡羽譙尾脩詩人詠歌仲尼錄于國風爲萬

世訓張母備矣余讀其叙述遺行有足悲者焉

是以錄而傳之

鄭母周孺人傳

周孺人者太學周臨川公基之女太學鄭芳泉公某之配也年十七來歸十九稱未亡人所遺財一女哭而慟絕者數四舅古林公姑趙孺人憐而慰籍之少年何自苦孺人泣曰自委禽以來生死屬之鄭氏寧有二心引簪刺其喉不殊舅姑家衆救之稍甦而長謝膏沐飛蓬刺處輒作楚歌如贅庖焉古林公故雄于貲嘗仕江藩從事無何歸春秋高矣孺人極甘毳之奉雖中夜有大

大梁山房集

卷之十五

家傳 又上

索必應蓋多方夙戒故咄嗟辦諸娣奴效之舅姑佚樂以天年終芳泉公文弱善病而刻厲于學病益劇孺人待疾極苦不知有晝夜食寢既沒每奠必號安得骨肉親爲祭主也八年叔郎光祿野洲公再舉于甫三日孺人取子之是爲封武部郎公邦煜孺人嚴正無嬉笑容野洲公事嫂如母歲時若慶事必再拜孺人答拜戶內不交一談其訓武部公亦如之内外宗人至老或不識其貌目不知書而喜人言孝義事諦聽不厭聞委巷嫗嫗語而赤掩耳野洲公以官減產而好義樂施孺人割其橐贊成或曰過恭則指武部公示之以未亡人爲叔

也計則泰以兒爲所生父也計服勤致死就養無方阿

堵何足惜哉人服其知大義云終身布衣蔬食封公以美好進却不御而率女奴蘇績雖果烈炎暑不告勞歲貯米若干石飯僧曰昔者先君子有其舉之無敢廢也其子奉母訓不殺生雖以子貴再命爲郎不永冠謁貴人所生女有女適于樊早孺不更事二夫其風範遠矣孺人年踰五十郡邑吏民官師上其節于朝詔旌門如制諸孫三人兩舉進士曾孫六人有弱冠舉于鄉者鄉人推本所自家有嚴君鄭母之謂也舊史氏曰世不少死殉夫者然于夫何益毛髮事周孺人代夫爲子孝也

大梁山房集

卷之十五

家傳 十二

代夫爲父爲王父慈也夫雖蚤世蒸嘗不衰詩書相傳主組相襲表厥宅里爲邑冠族於都哉非一節能盡矣

唐貞烈傳

唐貞烈者孝廉汪羽祥繼室也蓋槐塘大司馬襄敏公之裔家範內則所從來遠矣羽祥初喪余孺人而難其繼聞唐有女士使媒妁通言唐宗人稔知羽祥賢許之來歸余遺兩子懋學懋其貞烈撫之恩情篤密聞者以爲翟方進羊祜之母也居恒視瞻不回暑不袒楊襲衣裳不見裏黑然終日不言而於中饋及諸大禮節文終遂焉羽祥嘗就之策事謂爲巾幗男子數諷羽祥妾聞

從井救人非仁也乞諸其隣而與非直也君家本窮空而務施不已泣而益河之少無乃過與羽祥善其言而終不忍一日不施則不樂資用日乏所居先人第質子錢家卒莫能返邑邑不得志卒貞烈心傷之號哭不飲不食從樓上自投於地折脅斷脛且死子婦昇之入室使醫奉藥叱曰吾不卽從逝者何面目立於天下寧向醫求活耶語二子若父實齋志以沒吾死視而不含其致吾宗親若而父師若同榜兄弟與俱來願一言而死會大雨雪寒甚道無行人越二日霽度諸公且至索米飲不盡一勺既至令二子肅而入頭搶地交手哭曰先君子幸以明經舉未受半通之綸五兩之銅三釜之祿不得終其天年未亡人死有餘戮孱然二孤覆巢之下恐無完卵乎而翼之惟是二三長者是賴先君子無爲餒鬼死且不朽唯諸長者諾許未亡人且前報先君子涕泗哽咽見者無不掩泣已語二子無忘先君子善自樹也語二婦儉以惜福和以召祥勉之哉二子泣而諾請終身不析箸曰否人心不同有如其面合而分不若分而合語婿諺曰婿半子母以存亡易心善視吾子吾女其母執其手泣曰兒不爲阿母地耶兒死我且從之泣而謝曰兒結納而辭母死生係之汪氏非母有也指

大泌山房集

卷之七十五

家傳

三

唐

其筭可百金而昇二子歲收息十二以半乞吾母養之終身徧謝内外宗婦戒侍女衣衾悉以布皆泣下莫能仰視有以勺水進者麾之吾計決矣無相苦令我抉目勢面爲厲耳衆不敢復言詰旦起而盥櫛易衣而坐曰苦淡須少鹽水啜之就枕而逝老人言鹽性下以飲餓者則氣墜而絕故云然時年某十有某距羽祥死後財某日遠近少長無論識不識轉相告語來臨其喪汪之長老邑博士弟子員縣令郡守上其事諸臺請表章如令新安宦京朝者爲位而祭爲文誄之皆以貞烈爲目焉舊史氏曰唐貞烈之以死殉夫也蓋萬衆屬耳目焉

大泌山房集

卷之七十五

家傳

十四

唐

霍節婦傳

霍節婦者井陘三老楊永春中女也其先爲太尉震裔自弘農徙井陘節婦生而幽閑貞靜笑不至矧足不窺外戶母教以曹大家女誡諷誦不忘至天不可逃夫不可離穆然有深省焉父奇之踰笄不輕字是時里人吏隱公霍朝用喪其婦節白於父東園公母郝令人謀所以繼室者媒妁皆言楊三老中女賢三老故稔知霍氏積善之家也遂以節婦歸年十有八矣戴星而起盥漱

酒滯從夫問舅姑安否已操井曰治飲食必愉色柔聲以進之而事吏隱公則莊燕蝶之私不介容儀前婦有子嶽唯所欲食無時夏葛冬裘浣垢補弊嶽朝暮依依膝下忘所自出也越五年生子岱明年生子崑而吏隱公卒節婦年甫二十有四辟踊呼號三日不飲勺水濱死者至再而蘇數引刀自裁姑及娣姒奪之與共臥起無間可乘會其父來臨婦喪泣而語之曰兒以死殉夫甚善願舅姑老兩子須乳哺脫以無母不育兒見婿地下其何辭之有往所讀女誡婦賢固不必死必有以死可也節婦大寤泣而謝曰謹受父命則又泣而告吏隱

大沙山房集

卷之七十五

家傳

十五

唐

則縫合棺槨皆盡物而封樹吏隱公若上世墓道鬱葱恒有佳氣陞人曰閨中有一楊陘山松栢爲之芳久之舉孫美資輩凡五人美資爲諸生高等受廩食而孫復有子長者爲今中丞鵬節婦摩挲其頂是相貌不作率爾人鵬善病節婦調護之劬勞蓋稱稜五十餘年其卒也年七十有七鵬爲諸生矣岱與美資以鵬貴贈陝西左布政使美資復贈中丞而未有以節婦事聞於朝者不及旌博士謝邦泰輩親致奠邑令苟文奎鍾選齡督學使楊宏科櫟表其門載之井陘志中舊史氏曰孔子有言匹夫匹婦之爲諒也自經於溝瀆而人莫之知故

大沙山房集

卷之七十五

家傳

十六

唐

丈夫不徒死爲難矧於婦人霍節婦閱鬻二孤以逮曾孫又於童稚中識其最賢者孚字有加焉至今光昭先德方內指數井陘霍氏門望繫誰之力乎節婦死生所係之重如此直指顏其廬曰植節撫孤微言大義竊取之孔子矣

范節孝傳

范節孝者故紹興守南公大吉之繼室也公元配張宜人繼馮宜人皆蚤沒其娶節孝時業爲戶部郎矣節孝蓋都人父錦故義勇衛指揮僉事累遷掌三千營日侍乘輿出入都人故不習四方事婦女窳惰滋甚而節孝

年十九來歸有姑焦宜人者奇嚴難事張宜人兩女甫笄馮宜人男未離襁褓也公之弟副憲公逢吉夫婦及其子吏部公軒偕在邸中家人私謂家婦少易之節孝事姑以勤儉而撫諸子女以慈交歡介婦怡怡如也於是紹興公得陳力就列無內顧而節孝益務行其德爲公衣食其寡女弟一人女之夫一人婚嫁其女弟一人兄弟之女一人女之女一人兄弟之子之婦一人女之子之婦二人比公卒節孝年三十七將以死殉王氏姑早夜瞻察唯謹水漿不入口者浹旬卒不死顧其長子轅十四歲仲子幹八歲季子轅七歲弱不能持門戶泣

大泌山房集

卷之七十五

家傳

十七

而告紹興公之靈曰天其以未亡人爲是藐諸孤臥護耶則未亡人敢不盡力而會憲副公遣吏部歸治公喪闔以內節孝任之闔以外吏部任之喪葬一準禮經已於事而竣則遣三子從吏部學諸家政吏部經營之而節孝受成焉其督課三子不以少孤姑息每闔門而與吏部言未嘗不孳孳務學之爲急也吏部第進士讀中秘書而三子俱邑博士弟子員聲稱藉甚屬地大震關以西死者填谿谷節孝之長子季子與焉再踰年叔子以憂悸卒卒而後舉孫企仲一門四接抱哺尊孫近淚無乾土節孝愈自慟老婦少而有三子不忍徒死以貽

先公憂今老而僥得孤孫先公之緒所不絕纔如綫老婦寧有死所耶呼企仲之母而矢之曰養而孤者而爲政教而孤者我爲政所不同心有如此日而企仲益慧節孝爲延名師教之所以節宜其燥濕顧復其出入者甚至時時舉紹興公兄弟若古人德行文章政事負劍辟珥而詔之卽冠以迫受室不小輟也凡二十四年而企仲舉於鄉明年遂成進士以節孝故請歸養歸養者踰年節孝卒節孝稱未亡人四十年爲紹興撫孤子已成而驟失之更爲立孫渭南人呼之爲節孝云李生曰始余視關西學政節孝故無恙與企仲之母武婦姑焚

大泌山房集

卷之七十五

家傳

十八

焚若兩髦相爲特也而節孝以喪夫年踰三十武年未五十不得聞於朝意甚恨之按禮婦人無謚謚則從夫然而烈女傳所載義母義姑姊母師女宗高行行義桓嫠之屬似謚而實非君子不以爲譽禮緣義起取稱情耳不孝有三無後爲大南氏之後繼其祖武孝莫大焉善哉里人之言之也夫節而能成其孝者吾見亦罕矣余故從其稱爲節孝傳

張節婦傳

張節婦者浙江桐鄉人也年二十嫁爲里中馮倫婦又九年而倫卒有子二孜甫三歲尙在腹中時節婦年

二十九耳會倫父莊復亡節婦哭其夫又哭其舅晝夜不絕聲蓋欲死者數矣已乃強起復食飲念二子無所歸也倫嘗爲里正有所逋貸倫卒公私收責者日益衆或持賈券給其償節婦性聰悟解算術能歷歷記往事手輕重應之人無敢欺者所事米鹽魚蔬絲纓出入悉綜紀有條馮氏家以此得不衰後且長令就外傳受書節婦日操作供具以爲常至粥所佩簪珥佐緩急少懈輒譙讓之曰豈不能借地下人哉爲馮氏無後故忍而就此若今無能明一經自見于世入謂馮氏子不如無也其何以見先人乎乃益捐鉛華謝縠綺閨戶垂幌課

大泌山房集

卷之七十五

家傳

十九

唐

二子日夜讀不休已而致果舉于鄉又三年登進士而節婦亦年五十九矣

今上踐祚詔旌天下婦女貞烈者以風閭閻有司以節婦事聞

上命禮官表其閭而致同年友京山李某爲之傳論曰余觀節婦事蓋未嘗不竦然異之也夫程嬰公孫杵比肩而事趙朔下官之難杵死之嬰獨抱孤兒匿山中然君子卒不以此少嬰者知爲趙孤計也嬰在杵可以死矣向使無嬰嬰或偕杵死則趙孤絕卽死奚貴焉臣之事君與婦之事夫一也方倫死時節婦斬然在衰經之

中內無期功之親外無蟬蟻子之接以是藐諸孤當患侮交叢之際勢誠危甚乃能獨明大義拮据以生三十年不爽其素使倫卒有子節婦顧愛一死哉其所爲報倫者誠不欲以一死遂已也夫慷慨激烈度其勢終無以自存然後舉身而殉之者非難也惟夫歷患難險阻出萬死一生以成所必不可成之功斯則有道之士猶或難之假令節婦不勝一朝之憤自盡于溝瀆其事誠奇然馮氏安有今日訓子數語庶幾知道者乎夫節婦者笄黛之流足不踰閨戶非有習書史之業講聖賢之則者也而所執持有古烈士義夫所不逮難矣余謂節婦立孤期足以報倫無憾止耳豈意享榮名不朽若此上之人要在風世非直爲母子計也

大泌山房集

卷之七十五

家傳

二十

唐

節孝吳王傳

吳姬王節孝者新安衛萬戶同祖女也爲吳楠婦楠父淮以明經爲州判官淮第某以進士爲侍御史淮三子楠最少楠博士弟子美姿儀年十八被酒溺死家衆號泣奔赴姬面如土淚如縷縻而不啼踊家人怪之後五月舉子衆始知其所重在娠也當是時家產落而姑有疾偃蹇蓐次諸侍者寢怠節孝獨不去左右俟其寢熟則織紵纂組市甘旨以養姑非有大故足不出閫外姑

患癰蛆嚼食之痒不可耐穢不可近鄰親吮治爲常無憾而後卽安嫗母嚴操諸子婦小拂意輒大詆與杖莫有解者諸子婦迎嫗來母見則改容而嫗更長跪諫曰兒有弱息不忍折翼簪之今諸兄弟與婦長蒲伏受笞重貽母怒氣逆填胃無乃非所以自愛乎母爲小減諸兄弟夫婦人人德嫗矣歲之朝月之朝日之朝抱子而朝夫之主涕覆面沾襟卒不敢高哭聲以傷姑心姑卒葬如禮其子名某某今傳數輩凡若干人嫗以某歲稱未亡人卒年五十有九曾孫守言精長桑之術能爲詩念嫗節當上宗伯以旌而事久遠無述者然郡守何公大泌山房集

卷之七十五

家傳

三

唐

蔡貞婦傳

寧羗蔡貞婦者繁峙令張某之女而諸生蔡廷聘之婦也繁峙稱家人嚴君而其偶柳孺人復有內則故貞婦少卽莊靚無輕輦笑年十七歸于蔡蔡父子兄弟率以筆耕家無贏餘貞婦從事忤曰機杼間出入相掩必時藏餘內供養祭外供賓客無所不備禮姑張繼也而難爲下貞婦左右就養柔聲愉色張爲霽威嚴舉一子思順財三年一女財數月而廷聘卒貞婦慟垂絕者數四旣斂撫而哭未亡人不難以身殉君姑在誰爲之子子若女在誰爲之父妾不忍死而使君目不瞑是重死君也鹽酪絕于口溫暖絕于體朝夕侍姑寢膳彌虔上食于夫几筵必盡哀非是舉也足不踰閭非骨肉至戚莫見其面或乃閉戶而與之言諸惡少以橫逆加第手執其子泣告夫之靈謹謝之而已久之姑卒貞婦所以殮葬一如夫而思順長受室于臨城張令之女孫其女亦嫁爲諸生李化龍婦貞婦衰白矣乃稍出郭門視耕善治之畝數盆一歲再獲思順就外塾與爲博士弟子員禮有束脩有執雉貞婦必豐腆無使人謂我寡婦之子非有見焉不與交也而又時督課之吾能使而父有子差不愧爲母使而父無聞於世兒不愧人子哉思順奉其言績文敦行數爲督學使者所獎拔超貢太學而以

大泌山房集

卷之七十五

家傳

三

唐

念母亟歸貞婦雖有子婦其執勞盡瘁不改其初無何婦卒貞婦傷之甚以是善病遂卒卒年六十有四其未卒也部使者以貞婦聞于 朝請旌其門 詔可思順以母之愛其婦也不更娶今爲德安府判治行高等列在薦書按令甲貞婦當贈安人舊史氏曰始余督學秦中按士則思順爲冠又聞其善事孀母旌之有加等是時貞婦年未艾例不得請表乃今貞婦以完節考終思順爲義人爲賢有司不負母矣不負余矣余讀寧菴志簡確有體裁其傳貞婦思順母在焉故曰蔡貞婦云

尹高行傳

大泌山房集

卷之十五

家傳

三

唐

尹孝廉長吉母曾孺人者其先世家江西廬陵爲子與氏流裔國初靖難時御史鳳韶子禎死之嘉靖中孔才漢并著風節孺人大王父富以高年賜爵一級游楚家漢沔間爲高貲賈人子淳息之益饒好客客日滿坐千里濶義所散金錢以周困窶若贈遺交游結納豪賢長者甚衆伯子娶于李李亦吉州名家女是生孺人年十有八歸孝廉父某公蓋孝廉之上世亦從豫章徙簪組沓襲者十數世世爲婚姻而某公在弱年有大志善舞劍橫槊一旦罷去受五經諸史旁及陰符鉛鈴星緯奇門遁甲素問諸書遂暢其指而施用之從兄中丞公與

共學十年嘆曰此濟世才也每白眼俗子酒酣耳熱嘯傲若無人俗子憎之浮以太白辭歸輒咯血復爲方藥所誤病轉劇其年二十有四孺人少三歲孝廉四歲有女弟在機杼中執孺人手而慨然曰吾不畏死獨二人莫齒喪其愛子不孝莫大焉若能爲兒父兒能爲二人子吾復何恨孺人飲泣而不諾將以身殉引決者數矣尊章慰曰兒不死以子子不死以婦婦死而兒之子從之兒乃真死矣婦豈謂菟孤有吾兩老人耶吾見之壯焉而死老人寧可久乎而中丞公與宗人故侍御公並舉于鄉歸哭某公則益述尊章指曉譬孺人孺人大悟請得緩須臾死見孺子之立也以下報死者然而不食以挾辰計不浣櫛以累年計孝廉王父雲隱公家富盛其讀書如孝廉父其好客如孺人王父孺人姑日夕治具堂上燒燭如晝投壺敲碁綠竹之聲相錯而孺人幽居小樓鍵其門從料戾中綆汲麥飯芋羹而食之家入莫得聞聲其內外宗君子曰惡有言人婦之賢若此者乎怨家不悅也甚繩孺人美以誘富翁使重賂孺人父強委之焉父歟餌而許之吾爲子口吾女一日升樓勞苦孺人孺人方烹茗以進語有頃微及前事孺人勃然變乎色舉甌提之不中於是噉然而哭拾墮甌毀而

大泌山房集

卷之七十五

家傳

三

唐

割耳血殷裳仆地父階階而走家人大驚呼老嫗扶掖
擣引案抗之久之而蘇則召其兄弟來涕泣而告之使
謝其父曰鄉者幾敗大人面死罪死罪未亡人不自爲
面計那能爲大人面作計夫臣事君妻事夫使死者反
生生者不愧其言良人言在耳大人所共聞也有履非
尹氏地食非尹氏粟者昧維彼視父心慚積歲所不忍
見其女而尊章相繼塲孝廉年十二怨家弱其無可恃
也中之獄孺人曰是利吾有耳田廬何足惜三尺之孤
不可奪也既盡斥其產不得免則使孝廉扶服二千餘
里慙之中丞公中丞公方守常山也持孝廉下泣爲白

大泌山房集

卷之七十五

家傳

二十五

寬狀于郡邑吏獄甫解孝廉爲諸生好作驚人語坐黜
而又喪婦意不無動孺人恒慰安之此天所以玉女於
成也已而孝廉復故物又六年遂舉於鄉前一歲得其
王父棲白山房遺址艾殺蓬蒿藜藿而處之饘鬻差餉
口孺人父黨夫黨生厭膏粱綺紈不幸早寡食貧二十
年重以外侮操心慮患或時若狂易其字孝廉唯恐傷
之出試有司朝莫存問使相屬卽有霜露之恙顙天誦
佛露禱飲食必祝曰天苟有尹氏尚速有悔于予身孝
廉舉之年夢薦紳胎之書朱文綠字云此曾節婦之報
也比報至孺人哭告夫之靈慟如初喪家人莫能仰視

故事三十以下夫亡從一者至五十旌其門督學使者
熊公且以孺人上孺人不可奈何以君子之無祿爲未
亡人博名高孝廉不敢拂其意而止今年六十矣尚無
恙里人尊其號曰高行蓋擬于魯梁寡云舊史氏曰昔
者文王化行江漢周召二公分陝益漸摩之婦女以禮
自守不汙強暴故其詩曰雖速我訟亦不女從漢之廣
矣不可泳思孔子剛詩首風風首二南詎不重哉郢爲
蕭皇豐鎬三朝道洽政治如尹孝廉母者雖詩所稱又
何讓焉可以風矣

汪氏二節傳

大泌山房集

卷之七十五

家傳

二十六

汪氏二節婦者隱沖汪積祐婦孫與其子漳婦方也孫
爲楚武陵諸生大鴻女積祐從父賈武陵有信義慷慨
周人急難大鴻善之女長卜所歸其兆曰鴛鴦于飛戢
其左翼之子于歸光于遠域遂置積祐甥館舉子七人
積祐數以事還吳孫上奉舅下訓子內御戚獲外支賓
客禮文隆殺一一如夫矩式積祐聞父病走武陵及于
醫藥合殮而以不勝哀病孫侍疾累月忘寢食額于內
外神願以身代卒不起而諸孤執輓靡恃也告於夫之
靈矢不踐二庭以教誨子女于時貲漸落而負責者累
百千積祐故所善胡孝廉曰若鬻子閔矣吾力能得之

邑長吏取所宜有以食七子非無故之役也孫不可夫子以好義聞而未亡人因之爲利可乎呼兒示其券焚之武陵人得言曰孟嘗君號爲英豪待馮驩而後市義是婦也大丈夫不如矣二十年謝絕膏沐爲疾用舒生衆食寡而業中興郡大夫旌其閭曰貞節漳積祐仲子也積祐與方珩同里爲璋聘其息女已而積祐客死楚珩且渝盟女聞泣不食矢曰奪志則死父敬憐之卒歸于漳漳雖食貧方勉拮据無自暇逸漳刻厲于學體故羸劣以勞滋毀無何卒方年二十有一棺斂竟引刀自裁諸姒奪之早暮瞻察啓居計無所施則絕不內粒

大泌山房集

卷之七十五

家傳

二十七

唐

米勺水諸姒說之百方涕泗哽咽而對曰夫者婦之天也天旣殞矣人復何爲越五日卒蓋與姑卒同歲邑大夫旌其閭曰殉夫烈節云舊史氏曰余聞之李相州婦人之德雖在於溫柔立節垂名咸資于貞烈溫柔仁之本也貞烈義之資也非溫柔無以成其仁非貞烈無以顯其義是以詩書所記風俗所存圖象丹青流聲竹素莫不守約以居正殺身以成仁者方氏不以父命倍盟甘受貧窶而無二心復以死殉之烈矣哉乃其姑所經榮悴得失非一狀而率夫刑于終身不越又能以不收責成其仁貽之令名此非見義必爲者乎要之易地則

皆然仁義之道萃于一門相州而在傳之必矣

黃節婦傳

黃節婦者故令陳璋女也父早世其叔父孝廉壁女之壁復卒叔母張年未三十也而有子諸生弘化與節婦皆六歲叔母矢不踐二庭而時訓誨節婦人孰無死惟節義不朽吾不卽從先君地下則以先君受兄之屬未亡人受先君之屬不敢負也節婦亦泣下沾襟言動率由內則矣久之歸黃邦藩藩太父孝廉水椿與湛甘泉先生爲杵臼而邦藩因著錄先生弟子籍其學宗孔孟排釋老誦數以貫之思索以通之若端拜而議祖父及父卒奉養母最孝鄉人目之黃夫子節婦含章從事有相之道焉無何邦藩病度不可諱語節婦吾子女二人女業有家兒天賜財離襁褓無若衆人之母能食不能教也節婦飲泣對曰人目君爲夫子吾獨不能爲夫子婦耶君其無憂家甚貧日夕治女紅易薪米手指歎憤不解族老或過而哀憐之曰苦矣無中悔耶節婦正色而言未亡人六歲而孤此苦所貫見少成若性何悔之有三黨之戚孰伺其志行久遠愈厲交相贊也天賜長令治家人產而兄弘化死偶閭無子節婦謂子與兄同艱苦日久吾孀猶幸有若如閭者乃所謂窮民無告也

大泌山房集

卷之七十五

家傳

二六

唐

蓋遂以來與吾相砥礪且以報父母恩兩婦相依爲命若兩髦然間以天年終鄉人異之爲之語曰陳氏婦黃氏姑女弟不忘兄兄婦不忘夫節婦猶子泰階爲諸生其曹偶相與訊問節婦狀具得翔實皆嘆曰信哉不愧爲黃夫子婦矣以上博士博士上守令守令上諸臺旌其門曰苦節維風舊史氏曰皎皎素絲在所染之黃節婦母黨則有爲兄公立孤女者夫黨則有爲湛文簡師友者得所染矣其植節固宜陳有張黃有陳立孤同功而不聞張被旌如陳何也士伏雌巘而行誼不見表于世何可勝數矧閨中人乎

大溪山房集

卷之七十五

家傳

一元

唐

李節慈傳

李節慈者徐女也笄而爲文定太師貳室是時太師兩尊人無恙元配徐夫人如夫人者楊與畢皆有子女子女所出齒且有長于母者衆少母易與母上奉君舅君姑下奉三夫人唯謹卽五日之御不以燕嬪見舉三子茂中茂和茂對則太師謝政母之子不及祿食而諸兄遙朝籍貫矣太師故清白無長物晚舉三子不能爲置產法古人貽之以安遂以貽安名堂而以堂名其遺集母亦怡然安之賤妾傲天之幸爲帝者師執箕帚而又舉三雛鳩車竹馬之戲娛阿翁田間天之假溢我不旣

大溪山房集

卷之七十五

家傳

三十

唐

多乎奈何責阿堵物以汙名德識者避之年二十六而太師病母齋漱澣以侍出入或先或後而相之飲之漿茗食之饌飽蔬果飴蜜茶羹必嘗以進席之鄉若趾必請所欲浴沐饋洗洩遺必以身從事辛楚歷萬道三年如一日焉而太師卒母哀不自勝且從死而宗老諸子交言如三孤何大好內女死之公父文伯之母所不欲加諸其士也不爲先公地乎母乃止而時涕泣勸訓三子黎明遣之塾師暮歸則陳太師遺書于案篝燈課讀聽其誦聲高下爲勤惰之驗而訶其欠仲者數使人跡其所之察其所交遊無比匪人閨門之內三尺童子不踰閥諸監奴白事闔門與之言一束芻一簞食一縷絲無不綜理具有節文所連姻大家遠者五百里三黨之戚比屋臧獲數百千人慶弔往來終歲衣食繁縟霑浹而身疏素自爲太師禱疾祝釐服依慈氏迄于今不輟三子長學成爲諸生高等游成均母不色喜試不第母不色慍名位汝家所自有恒恐鬼神瞰高明之室惟忠與孝立人之道無忝所生而已茂和卒母哀之以叔兄之七子爲之後勤儉造家垂三十年旁畝稍斥而好施饑寒老疾有所丐貸未嘗忍弗予也邑三老博士弟子員按令丙木三十而從一至五十以上者旌其門白諸

臺疏請母屬兩子辭謝未亡人不獲事先君子九地之下思至慚不樂生而何敢以爲名高諸博士弟子員謂母守志誠難能教子義方以光於察父哲兄爲尤難此之謂節婦此之謂慈母通國之人稱曰慈節云邑令嶺南梁君顏其居之楣茹藥和熊此兩者于味殊苦而母以執政家當之非深知其情實何以稱焉舊史氏曰儒者言成周王化本自二南二南所載多后妃夫人小事星江汜微者也與女君並傳得無謂其乎化之難耶化及若人而王道始祖洽耳文定爲相婦人女子知名其家乃有節慈婦順母儀大致歸然以齊家治國易矣

大泌山房集

卷之七十五

家傳 三十一

唐

孫節行家傳

孫節行者武緣孫公鈺仲女吳公國明繼室蒲騷明府用章母也吳公喪父母又喪其元配郭聞節行賢而委禽來歸則家計窘矣節行日勤機杼纂組市米蔬而手炊調之饗飧不乏給歲時擇其柔嘉選其馨香潔其酒醴脩其簋簠以奉舅姑之祭曰生不得與於養幸而備祭之內官敢不恪共事公視無還言無遠色無狎容無愴已舉用章三歲而公卒哭泣之哀四鄰不忍聞水漿無入口瘠而殫悶旄不知人其母劉諭之吾老無子若爲之子外孫弱無父若爲之父卽吾不足論若夫以是

吳氏絲髮飄忽屬若而茂棄之乎且若奉吳祀有加禮無若則無若子無若子是若斬吳氏祀也起而謝母謹受教而特用章泣曰物至而反冬夏是也吳氏不造至矣天其以是建諸孺子無負我操機杼纂組彌勤食恒先子而身日一溢米安知肉味用章就塾學歸坐諸其側御燈火至丙夜課讀時時涕潸然也用章爲諸生已食廩稍具脩脯以進節行嘆曰若家先在如臯多以經術登仕版今胡寥寥也若父雖布衣一話一言皆準儒行吾耳提面命已詳若服念無斃庶幾覩儒者之效詎以一青衿有滿假色春秋六十用章率婦子上壽卻而

大泌山房集

卷之七十五

家傳 三十二

唐

不御傲福先君子兒有今日先君子何在而吾忍舉此觴終其身無芳澤之飾無靡麗之服足不踰閭外莫問聲親黨治具相招及以板楔出遊者辭曰蔡也善病不任趨走而實執勞不減少年婦抱哺諸孫瞻察疾苦與乳媼同寢起疾力詔其子孫未亡人四十餘年得事先君子地下以若等狀悉數於前先君子目且瞑爲令聞嘉譽以聲之若曹勉之矣年七十有五稱節行者明府之友二三通人所取名也國明名曷用章名俊民自樂昌訓晉國子遷今官舊史氏曰余閱一統志粵西列郡十二其人才擢賢科登相府與上國比隆獨女婦以節

稱者財四人豈其乎化之難耶然綠珠實蒼梧梁氏女以死殉石季倫迄于今井與渡猶以其名名之而志烈女不載何哉孫節行守死善道立孤成名視夫慷慨捐生者勞苦功高矣是粵產也醴泉無源芝草無根曠千世而一遇顧不偉與余爲立傳以備粵乘采焉

葉貞婦傳

葉貞婦李建者河源左丞李公燾女歸善太保司馬葉公夢熊冢子世儀婦也五歲從父宦金華誦孝經女誠列女傳諸書會其文義日閉閣垂簾卽家人罕所接見兩公故相善遂締昏昏一月世儀病醫療無功手爲奏

大泌山房集

卷之七十五

家傳

三十三

顧天其詞曰莫之爲而爲者天也莫之致而至者命也人生脩短數定臣敢妄有希圖竊念臣舅三子臣夫居長兩叔卽財七齡三齡舅官秦塞虜患孔棘携一僕之官悉以內事託臣姑母子有如臣夫不可諱則姑與兩叔貌焉時依臣舅父子恩深能無隱痛臣聞婦事夫臣事君無有二心其道一也臣不欲臣舅以愛子之情分報主之義臣夫貽父哭子之慟死不瞑目臣安忍獨生諺有之妻妾猶衣服子女猶骨肉衣服破尚可縫骨肉并將誰贖臣請死以代臣夫則臣舅靡家之念益堅爲國敵愾禦侮舅姑母子兄弟歡然生聚是以臣一身易

六人之命以臣一死冷本朝得杜石重臣匡萬年之業底萬衆之生也臣不勝號額懇切之至世儀卒不起建將以死殉翻然曰夫無血食也姑善病無養也舅在遠無請命也地忍之舅乃立從孫紹履爲世儀後建食之教之已爲聘名家女而破涕以承姑歡姑病良已則復慨然吾今有死所矣乃爲書白舅姑曰媳薄德寡祚事夫一月而夫弃去公姑以子視媳謂媳在猶子在媳是以忍死公姑爲媳立子媳有子曰侍膝下夫地下寒魄誰爲侶者媳未嘗一日忘夫何敢一日忘死公姑善教孫以光我夫媳雖死猶生也謹寫素心公姑亮焉又爲

大泌山房集

卷之七十五

家傳

三十四

書白其父母曰建受父母祖母命歸於葉門不逾月夫沒自矢天日三載服闋卽捐軀從之蒙父手示爲家公任事疆場汝未一日供養謂汝能效曾大母代夫爲子則汝以節爲烈也建奉父訓旦夕姑側相面相愁相愁相解姑喜兒能供子職立愛姪爲嗣聘至戚女爲媳兒可以死矣曾祖姑貞節流芳百世家公勛在旂常賢姑繼之相之天當祚嗣子不令爲死者羞語云積善之家必有余慶建敢竊附此爲吾父吾母吾祖母慰也又爲書示紹履曰汝入繼深幸夫鬼不餒不謂中道大別汝娘平日不善事婆故夭夭折之汝勿過慟惟勉勵

近守家法以期成立慰公婆心庶可掩蓋我瑕愆汝本
生父母盛德汝宜奉訓惟謹汝年非小古人此時作事
業者多二小叔汝事之如父切莫有爭田地細物能成
人何患無食祖公所遺俱讓與小叔不得無禮臨筆泣
血不盡欲言建質故煙侍夫疾廢擗沐食寢若爲夫分
痛者夫卒不欲傷姑心避而涕泣以是病羸劣戒侍女
無爲姑言病棘姑來視之翁強起示無恙然已密爲舍
物侍女氣絕卽覆之無以駭形增姑悲也旣卒祖母夢
其首裝幅巾不施髻其殮時如此母家夫家相距百五
里目所未見以夢質之良信母復夢建化爲鸚鵡登神

大泌山房集

卷之七十五

家傳

三十五

座語如生曰吾不悔不恨又曰吾七日始見夫原始要
終鬼神之情狀著矣舊史氏曰劉子玄云東漢一代賢
明婦人如徐淑動合禮儀言成規矩毀形不嫁哀慟傷
生此才德兼美者也今之世乃有李建云然淑與夫秦
嘉歲久不聞爲嘉後計若何以恒情度之爲建難於爲
淑矣讀其表與書通夫人之故明家國之義處父母舅
姑兄弟叔姪間其理正大明備懇惻可爲人倫懿範故
詳著於篇毋令傳列女者若范蔚宗之取譏子玄也

貞烈徐程傳

貞烈徐程者徐孝廉文龍子諸生鐘泰之婦古塘里人

程憲時之中女也母范孕時夢丹鳳至其家因名之淑
鳳其世父太學生新周取女之授以女訓于三從之義
時時誦不忘年十七歸鐘泰鐘泰母汪以賢孝聞舉男
女各二人無祿卽世鐘泰財六齡孝廉繼室以金王母
與金共子之孝廉兄弟義不生分婦之歸也舅方北游
京師鐘泰世父文虹爲具六禮旣入門事姑若姑之婦
甚謹閭內不聞其聲事夫敬如賓不以嫠客見處諸婦
奴恭而婉御諸女奴靜而正鐘泰爲諸生婦不色喜勉
之力學嘗爲其師胡部署喪事橐亡何有也脫簪珥佐
之喪母甚哀念其父鰥存問相屬然未嘗一歸寧其遠

大泌山房集

卷之七十五

家傳

三十六

唐

嫌明微如此孝廉舉于鄉歸而婦執筭棗栗段修以見
則已舉子嘉士矣忽蜩諧起交構其間婦事姑彌虔姑
愈憐愛之讒口渙然冰釋也新安信形家言至先世丘
墓卽寸木無得斬伐而羣從有侵墓者鐘泰先受病已
世父兩子與母弟翰病鐘泰瘳已甚或謂需人乳婦斷
子乳乳之鐘泰不可而翰與嘉士尋死鐘泰病不斟婦
心憂之日夕飲泣籲天以身代比病彌留婦先一日輒
不食旣沒勺水不入口姑與諸姊妹娣姒及其父母娣
弟慰而食之皆不聽五日倚棺而周迴擗踊嗷咷不絕
倦入室姑往視不能起泣而加手于額以謝七日姆強

灌杯水九日僵臥啼失聲泪如雨目若喪明矣十一日聲漸微腹若車輪夜聞姑泣猶問上食否請勿過慟明日張目語若有婦持白玉蓮花盃盛水與飲促之死者夜分起如見其夫呼之又明日衆婦來視張口云願吾翁若姑多壽多男子吾夫他日庶不爲餒鬼又視其姁若年十八耳第稱未亡人善事尊章已問翁何日歸不能待奈何又明日勅棺衾母得與吾夫等吾相已結非地下人莫解也又曰卽瞑勿驚報怖吾姑語其媵若長宜配徐氏奴產子掃除吾夫婦墓也蓋後夫十五日而卒年二十有二是日天地晦冥遠近聞者異其事爭門而入泌山房集

卷之七十五

家傳 三七

唐

入弔博士弟子員與郡邑吏上諸臺表章如令式舊史氏曰古之餓夫首陽於陵衛質者最著於陵辟兄離母且不必死孟氏以爲大僂嗟也可去來也可食雖不食而死留子微之獨孤竹二子求仁得仁孔氏無間焉死有輕於鴻毛有重於太山夫得死所者鮮矣程淑鳳之以餓死也眷眷夫之父母與其所爲夫後者可謂曰仁貞烈云乎哉

貞烈劉元英傳

劉元英儀真人功曹應麒季女也字茂才李桂伯子繼中繼中年十有八有備才而善病所苦寢篤元英憂不

自聊其家養女周六未行而婿死元英私問父六女胡不殉夫將更嫁耶父異其言悵然噤口無以應也日讀列女傳中表兄李生來下意難問聽其辭說解故灑然變色易容志念深矣家召談優及馬繡英節義事元英竊聽之此女亦人子耳有爲者若是衆相與目笑之莫測云何四月二十有五有五日繼中死元英反首擗臂爵踊涕泗不已取其舊所受聘衣衣之佩佩之請往執喪父母兄弟家人留不得行則白其母曰兒不獲以身爲李氏子薨蟻自今以往幸無以周六望我脫有之兒以死明心葬江魚腹中終不爲母有矣其母咄咄愚女子何出此不祥語復收淚而謝母已拜其先靈與家所奉土神若曰不能久侍香火也拜其所手植花草若曰不能更培植也衣存瀚補者而以新製乞諸女婦有差若曰持作念也蓋水漿不入口七日無守氣矣媒妁自外來與父咕囁耳語元英覺呼女奴園中問狀涕下交頤有媵屬迹而至園慰藉之李氏子雖才不幸短命死矣其父貧儒生耳安足恃乎若翁相攸無若某家良夫未嫁猶女也何夫婦之有而自苦如此元英長嘆問仆地忽蹶然起坐僞聽之而以金錢贈諸媒妁去父母謂且從已已示倦就寢家人不疑遂以五月十有一日投

卷之七十五

家傳 三八

唐

縲而死距繼中死財十有四日翼日舅姑來視乃殮炎暑貌如生室覺有異香儀真人無男女長少遠近爭來觀駭愕者悲嘆者喜而誦說者相屬於道邑令率博士師生酌酒誄之目爲貞烈上其事諸臺以聞于朝擢表門閭如令丙舊史氏口劉中壘列女傳仁知則有魯漆室女貞順則有召南申女申女以不備禮速訟不從然業許嫁于鄧當有父母之命媒妁之言在不則夫家何所執以訟或貧卒不能具禮何適而可漆室女豈終身不字耶第一言之慧迄今不朽易云臣道也妻道也其揆一也豈以仕不仕歸不歸有二心哉劉元英以處子

大泌山房集

卷之七十五

家傳

三元

唐

貞烈劉田傳

貞烈劉田者文學田克女孝廉劉棟季子世則婦也田自靈州守賓以來十世纓綬相屬而多賢女所適率富貴壽考蕃子孫邑大姓締婚得田氏爲吉祥劉自方伯侃以來侍御史孝廉數輩堯娶于郝父爲肅寧令承健兄爲給事中敬婦其中女也田劉兩家世連姻棟堯又最矜契故貞烈歸于季子季子溺志於學屬文劇琢太苦語必不經人道以是善病病可半歲作輟無常常處

于外貌瘠而神自王每拊膺長吁如此人寧徒死而婦心愛之避人涕泣禱于神請代舅姑以醫來診脉側聽其言爲悲喜視藥食察聲色唯謹而寄語父母劉郎卽不可諱大人寧望有生女父驚走問婿疾寬之婿且瘳兒幸自愛旣彌留父見其裂布三尺以半納衷中不省所用無何季子卒婦撫之哭極哀自是嚔嚔不成聲朝夕奠輒仆地父母虞且以身殉使老嫗與少弟相啓居七日給出尸衣故采衣而蒙以素衣將自繆嫗入見呼小婢奔告姑解之而甦家有戒心母念老嫗不足任佐以壯婦復自來與同寢處五日譬曉萬端婦默然意謂中悔母歸而屬婢子以所服采衣寄母曰三年之喪安用此爲爲我製素衣母不復疑趣之歸寧再三不可故激之爾先有父母耶先有夫耶忘親實多舉以告姑奴古人從父從夫之訓謂何而陽對母使當歸慶履端耳復給其母兩人守兒者冗食姑不善也母見爲然召之還遣童子問歸日則艷然不悅曰何操我感也此生誓不歸矣越尺書付之大意恥踐二庭盟堅同穴云會父病不以聞遂不爲備臘之二十七日烏鳴所居室語待婢烏殆以我故而先是數咎小婢奔告姑者甚楚曰謝汝救我乃麾侍婢出勅慎無譁婢以嚴兒憚屏息俟顧

大泌山房集

卷之七十五

家傳

四十

唐

心動竊窺奔告姑姑至則瞑矣視所縊布卽所納衷中物也季子有遺金病時封識授其母既卒姑以授婦婦夢季子索金已夢遺書須五七後而婦又問諸勝聞游鬼府者亦若人世有路程不知後月餘可相及未諸勝不能對至是其言乃信距季子四十五日俱十有九歲孝廉舉於鄉三十許年足不入城府簡靜冲穆月旦所宗婦卒而人稱爲家訓之徵世德之符也通國哀誄頌贊體備而辭甚都采其崖略著于篇舊史氏曰古今婦以死殉夫者不乏或牽愛昵或罹貧厄不則夫黨母黨有不相存且奪志者也季子婦無一焉而從容就義若大泌山房集 卷之七十五 家傳 四十一 唐

陸節婦傳

陸節婦者崇德諸生陸某婦朱明府其女也從父之官楚監利生就婚邸中十有八日而學使者臨校郡士生趣裝還應試已爲諸生矣暴得疾卒朱公自監利入計中道承訃將赴江流以殉父母兄嫂持之亦自念當憑憑夫棺一哭耳而父更譬曉曰若翁僅舉若夫若宜代夫爲子以終養其父母斯爲順於夫者婦諾歸而號咷泣血聲若往而不反貌若苴泉終日食不一溢米而屏處

樓中自翁姑所視膳問寢外人莫見其面是時婦年四十有九如此者十年而陸翁舉一子婦喟然發嘆翁有子夫有弟安用我爲盡出其奩簪珥環珞之屬以奉翁俾爲叔郎置生產而自祈死以報陸生地下故善病病至是益力投之藥不受而謝翁姑幸自愛善撫叔郎以瞑死者目遂卒邑大夫上其事爲建節婦祠陸生有叔父守潮州朱亦詩書之族其門風所化誨遠矣舊史氏曰孔子小匹夫匹婦之諒孟子亦言可以死可以無死死傷勇爲丈夫者於生死大故且難得尚于中行何況婦人異哉陸節婦忍死十年之前以孝事翁姑于生而捐生十年之後以節從夫于死生死兩無負將以稱于天下此孔孟之徒其誰曰不然

程吳節婦傳

程吳節婦者程儒士首善之婦吳內史坦如之女也內史豐於財而獨舉節婦愛之甚屬保姆授以孝經若論語孟子能舉其辭教以顏魯公書遂得筆意方十歲父病力割股肉以進而愈吳人稱孝女焉及笄來歸事舅姑昧爽而朝旨甘柔滑必致味俟餽而退夕亦如是事夫婉而肅笑不至矧諸姑伯姊後先下逮媵婢情禮適互家饒文繡之美而疏布之尚水陸之珍而藜糗之尚示

之多財而鹽諸利會不留矜賓祭邊豆有賤穀核維族
程人稱賢婦焉夫游學于外湫然不祿哭而踊仆於地
且死而忍以待柩之歸也迎之郊拊柩長號淚盡繼以
血見者哀憐之矢以死殉而父解之婿之後未定也骨
肉未歸于土非若死時也節婦唯唯首如飛蓬辟不見
人八年而舅卒治棺歛如禮則又念姑之筑筑在疚也
所爲奉養視昔加虔吳人程人稱孝婦焉十二年而夫
有後詎日以塋而始喟然曰未亡人忍死以須今日不
死何待卻水漿不入口叔郎至善得報馳還於是內外
宗婦來視疾若慰藉者萬端不可奪志爲治凶事三日
大泌山房集 卷之七十五 家傳 四三 唐

而瞑宗老里三老邑博士弟子員國子諸生薦紳學士
四方賓客高其行白之邑張明府旌其門曰真節天完
又以其不食而必死號之節烈云舊史氏曰婦事夫臣
事君道一也古有臣不食其言而就死者若晉荀息之
屬君子有遺議焉以爲無益于君徒死耳吳節婦欲死
其夫十二年不寘于懷必夫之不爲餒鬼不爲暴骨也
而後死之得死所矣仲尼小匹婦之諒詎不信哉余是
以采而爲之傳

大泌山房集卷之七十六

京山李維楨本寧著

唐宜人家傳

唐宜人者少司空沈公節甫之元配孝廉淙太史淮祠
部演之母也父玠亦孝廉母丘孺人九歲而母喪事繼
母黃如母司空父尚璽公聞其賢爲司空委禽焉十九
歲來歸則王姑溫姑閨具在溫嚴而閑慈宜人不以嚴
成疎不以慈成狎兩姑甚宜之後先沒尚璽公家政嚴
與王姑等宜人偕諸娣婦事之無違司空王父亦舉孝
廉未仕而歿尚璽公蚤患目眚弗竟其業而以司空三

大泌山房集

卷之七十六

家傳

唐

命爲尚璽司空貌若山澤之癯又以爲人子者三賜不
及車馬斯可稱孝登第垂四十年凡三移疾居子舍尚
璽公不善也兒不負吾吾乃負吾父蓋謂孝廉以布衣
終云天下高司空望推轂益力司空尊父命起家爲奉
常廷尉佐司寇司空且滿考按令甲得封王父以故司
空謀歸尚璽公輒弗答而病且見端矣戒家人勿言宜
人欲成司空孝而重傷舅氏歡語默進退若無所措其
情良苦尚璽公方寢疾季子家相去十里宜人率以未
明往伏門屏間聽聲息每進食竊窺之少則憂過多則
又憂所喜食卽非時非其土產旁求以復進夕歸露禱

願減身年以益翁假寐展轉反側尋呼侍女起行矣霜露沾衣鬼火燐燐向人往返不辭如此者八十日以爲常是時年已六十有三而作勞過少婦憂心如灼食不下咽瘠甚矣尚璽公卒不起宜人大哭天乎翁之子所不堅臥東山者謂何不緩翁歲月使其爵與翁共之又何不令其子得請急歸奉一匕藥也發胃擊心爵踊殷殷田田如壞牆然病深矣已司空還已司空還尚璽極宜人力疾哭臨聲斯而涕枯病遂革矣里人謂之哭殺奶奶司空爲人類所謂僂僂循牆饋粥餬口者初舉進士分宜執政客從吏遊其門司空謹謝之而私以嘗宜人夫客言亦趨時之道也宜人正色曰士重始進奔走私門而取貴顯祇自點耳司空笑曰吾姑試卿卿真吾益友也三子俱以科名顯所爲訓戒彌至不欲其以善蓋人無論富貴貴爲宜人麥飯菜羹比里婦之賤者沒之日敝衣滿筍不可以斂呼子而指示之若見其父孝廉母丘孺人者生平不信二氏而取其不殺生敬鬼神祭器必親展滌而未嘗瀆祀款賓若賓騶從務精潔非手目所過殊飲然而不貴異物非其入子姓母內交有稱司空座主踵門來謁者三子肅衣冠出迎宜人沈吟曰安知非僞卒如所料其操行清約情識高亮于司空

有相之道弘矣舊史氏曰周南歌太妣之德貴能勤富能儉孝不衰父母敬不弛師傅備矣禮言文王爲世子日三朝王季有不安節色憂行不能正履計大妣必同之詩缺不載何也司空貴不減西伯家世素封宜人勤儉孝敬儷德太妣余獨異其事尚璽公一端蓋處父子夫婦之間良難爲心有不可訟言者史傳列女不可勝數至若宜人身爲孝婦佐夫用孝子成名天下鮮矣余是以具論之

劉母家傳

劉母者廣陵人也其父母故多女而獨母姣好夙慧父母憐愛之惜也非男子卽母亦自負孟德耀簡斥數夫寧似鄙薄偶然而已而會羅太公賈廣陵元配汪太恭人者數舉子而天則謂太公廣陵士女之數也幸早寘貳焉太公故偉丈夫連車騎結守相所至與素封侯等婦莫不願以爲夫而鮮適其意者惟母法相當貴太公異之人種不可失也遂以助太恭人適是時母方少艾太公屬使當夕則辭曰小加大淫破義所謂逆也母于女紅無所不閑習太公使女奴代之則曰宴安酖毒不可懷也太公用鹽筴累貲鉅萬而廣陵當無事時賈人子豪奢相競後房盈娥眉嬌曼非翡翠明珠綺縠紵屬

不御而母務爲貶損既舉子中丞兄弟食麤而衣惡伶兒私相語得無過情乎母召其子而命之曰魯季文子爲上卿相二君矣妾不衣帛馬不食粟孺子韋布士安得與薦紳伍且而大人勤勞纖膏致有宛財孺子坐而享之不祥禮嚴孽適吾子又安得與女君子比無日不討而訓之時難得而易失學難進而易退也使各受一經難未鳴出就塾夜寢坐左右令舉所聞以告母亦手一編書相對也中丞兄弟吾伊聲漸高則大喜抵掌吾樂此不啻絃歌之入吾耳小倦輒呵令長跪必竟其業甫罷烏冠暴起廣陵四郊之民奔入城苦饑母白太公發粟爲糜哺之明年烏冠薄城援兵大集有司無以爲餉復白太公捐三千金犒師太公好客客滿坐日設豐饌禮名士爲子師東脩加人數等廣陵人目太公義俠則母之以也太公故倦游而中丞兄弟已爲諸生授家督以事與母歸新安有大賈持珣珥市珠妹異太公取視母老夫居約而相我以勤老夫居富而相我以儉委而家乘而相我以無私吾將市此佩而以旌而功母指二子妾所寶在是夫珠也寒不可襦饑不可哺將安可之歸而太公母病服勤至死中丞成進士爲邑令母數勅之體國恤民是爲善養不在祿也爲御史數勅之人

恒言御史執法夫法禁于已然之後盡謀所以教于未然之前爲廷尉又數勅之願兄爲簡曼倩老婦爲倩氏母中丞撫恒山勅加詳無何太公卒太恭人亦卒母不勝痛爲減匕著中丞以母壓嫡未受婦爵恒邑邑母日寬譬之夫君姬氏晉文公之愛女也三子賢且貴乃以內子讓叔隗而已下之以盾爲才固請于公以爲嫡子而三子下之老婦不德先公幸有之女君寔能容之傲天之靈以孺子爲報復何求焉中丞之免太公太恭人喪也朝衆數推轂之母微示以不欲色季舉于鄉以彼其才成進士無難而母趣令謁選得河曲令更慰藉之士所貴令聞廣譽施於身不以進士浮榮也歲勅厲河曲令如中丞河曲因以廉能稱母之卒也年八十有四視聽如少婦所乳男子三人女子一人孫男子十有五入曾孫男子十有六人汪恭人所乳男子四人女子二人而母子女行居長子之貴爲中丞爲令孫之賢者爲孝廉爲諸生食縣官廩而母視太恭人子女若孫子女有加于已子女若孫子女太恭人子女若孫子女愛敬母不別爲太恭人出也母晚而脩齋誦經好施子滋甚忽一日晨起語中丞族子婦有病不仁而藉藥有貽之布被歲改矣宗若里孤者嫠者衰年者貧者遺之金與

猶既而曰吾子女滿前第季在河曲爲我寄聲自愛中
承怪其言異母曰此吾卒命之時也薄暮而瞑三黨之
戚四境之人臨其喪哭盡哀諸文士按母行當列女傳
賢明慧辨二科譌之者十許家舊史氏曰貴不期驕富
不期侈勤者多儉儉者多忍不能予人情大氏然也東
而用之斯已難矣然猶家事耳至論當官理人之方曙
如指掌豈婦人女子所及哉狀言母少知書計自歸羅
太公受經史成誦尊所知行所聞有自來矣書益人意
知乃爾何必讀書然後爲學信哉仲氏言過也

沈孺人家傳

大沁山房集

卷之七十六

家傳

六

唐

沈孺人者光祿署丞茅某某之元配進士瑞徵之母也
沈之先出梁侍中約子孫蕃庶里吳興而家中鴻者自
東居公某某以善富好施得人心其子震坪公某爲諸
生能詞賦旁究天官兵法青烏長桑之業皆有精詣生
孺人憐其媚秀口授女誡內則諸篇輒成誦愈益愛之
沉吟相攸光祿公父參軍某某者於諸子中最器光祿
而聞沈氏有賢女居恒言是安得爲吾家婦而震坪公
坐註誤長繫參軍身常翌蔽之得解念茅公長者不可
負請以女妻公少子年十七來歸事尊章婉而敬問安
侍膳夙興夜寐無倦敝之色家多蠶女身操作而先及

大沁山房集

卷之七十六

家傳

七

唐

督課纂組工精麗冠于他姓光祿公亢直人有過不能
遣諸胥中孺人務以和劑之而事光祿則莊不易笑
自娣奴以逮臧獲無失禮無遽言至其句校錢谷出入
黍稌不爽也居久之震坪公復爲怨家所構身被三木
產糜耗孺人不勝哀啼至流血甚且欲爲縊縊以身代
父而時脫簪珥供蒙隕父從末減光祿公方游南雍未
之知也姑丁子婦中有所私昵勢陵諸妯娌上孺人不
加遜因譖之姑所新婦有言父一而已人盡夫也日竊
夫藏而益父家姑信之光祿公孝友不忍白婦無罪孺
人亦終無一言自明居恒疾首蹙額涕泣浹枕席而已
而事尊章愈恭參軍公察孺人雖孝實不捐夫橐更十
年所姑亦信孺人無他卽讒者規悔棄釋舊憾相與如
故而孺人積憂勞病不可起矣孺人能詩與書嚴整有
則遭舅氏喪泣而號舅也知我如天之恩哭失聲柴毀
則病所由力也居方丈室事大士願得早皈淨土沒之
前月跌坐蒲團見壁有物蜿蜒如龍狀而異之垂絕以
不獲終奉姑與母爲恨持其少子與女屬諸母悲痛切
至知瑞徵之才也生平愛不以姑息而瞪目視之是有
父在能讀父書何所憾蓋十六年而瑞徵成進士語及
母則潸然不禁涕之橫集也孺人卒之日年才三十有

一子二長卽瑞徵次琦徵樞樞時失母女適同郡溫子澄舊史氏曰余讀東京列女傳見姜詩妻龐奉順其姑以江水不時至爲姑所疑詩責而遣之龐敬共不衰卒感姑意至子以遠汲溺死不敢言然取疑事最微易解耳沈孺人以父故受讒讒重又所怨非直一人終能使姑釋憾豈不難哉誠之所積金石爲開而況於人乎語曰人道適天道遠龐子溺而含涌泉如江水旦出雙鯉沈孺人夭用子顯名不朽天道未爲無知也

安母吳孺人家傳

吳孺人者吏部郎安小范因母也父母故吳人多子女

大泌山房集

卷之七十六

家傳

八

唐

而家食貧孺人復善病有相者謂其父是爲翁作門楣然非翁所得女也易母而子之則可鄰姚氏媼聞其異因以爲女年甫十五歸膠峰公公名國登進士爲郎官至僉憲事年且耆矣元配郭宜人性不弘恕侍御妍少必加譙責獨孺人善事之卽逢怒頽益和宜人始安居諸媵中事受勞者食受薄者一味之甘必吳姬分無異議其娠小范也公居疾別業孺人從宜人居邑屋懼不敢言私問公疾狀暗中飲泣而已有間公入邑孺人附公耳語而屈指示之期公竊命家人姬治產具於外室宜人大悲許孺人生男必無舉生女則聽之小范旣生

公竊與孺人謀女君有壤子慮少子分所有耳吾七弟早世而婦鄒無子持節二十年立後久未定乃告宗老以小范後其弟財五旬云始在蓀宜人勅諸婢母得近前樞樞不完飲食不時給孺人乳小范淚浪浪垂而共食之雖如廁必懷以行憂苦萬狀又六年娠乃生女宜入稍憐愛之而公益哀孺人不復抱衾櫬矣又二年公卒宜人業無可忌見孺人之善居喪也爲改容踰年宜人亦卒孺人從諸媵年長者屏處曲房隱間之中以死自矢靡他而小范所後母鄒亦以公卒之年卒家在周涇里小范築塋在亥也又二年伯兄迎歸復爲母子如

大泌山房集

卷之七十六

家傳

九

唐

初又五年伯兄暴卒伯兄之子宣言曰小叔故七王父子也有周涇之闔廬在小范婦翁談公固爭之吾聞膠峰公有治命兄弟均產且若父所爲迎若叔歸者意安在不聽戚黨不平請訟之官孺人不可先公不以孺子爲未亡人子而謂他人父凡以全孺子也此子也才何患乎無產設不才產何庸吾母子備嘗艱難險阻萬於今日昔之能忍今何患焉夫言訟者是不欲有孺子也先公厭之遂歸周涇棧棟傾落枝挂蒙葦而居之田傭侮寡弱數負其課歲薦饑孺人拮据治生念鄒孺人未葬捐簪珥與產卒事里胥乘圯族者困以長賦之役拾

克百方孺人賄之不已復捐其產或中庭而响至不可聞第謹謝之并曰機杼之間涕泣恒如縷縻矣已爲小范娶婦已令入邑屋從師取友已爲諸生內外侮小定婦死治葬捐簪珥與產猶其葬鄒孺人時也已爲內繼室小范成進士爲小行人奉使歸而拜母母喜心倒極泣下沾襟戒無謔昔時意氣女歸王茂才心一資遂必豐而小范王父桂坡故有善田三百畝約曰諸子孫有仕者給之以代耕養廉膠峰公仕田歸公而更斥其旁畝千爲文記之世世子孫如桂坡公言小范仕矣有爲孺人言前田者孺人曰田以安氏曠墜屬不仕者將三

大泌山房集

卷之七十六

家傳

唐

問小范從兄老而貧取其女女之將嫁于華盜掠其裝再爲辦治外家父母兄弟居之別室男女婚嫁養生送死無憾復授田爲恒產所有一子一女不愛以姑息小范有過疾呼數之夫人面從而後言孰若爲母所督過也生平好西方之教早莫焚香誦經膜拜無間寒暑能多識梵筌字女奴若干人勅母安諸母絃服而饑寒勞瘁瞻察擁護具有恩紀春秋六十戒無受賀其必不可已者具素饌精潔佐之以酒其年忽病前期啓筭中僅故衣數襲以貽諸姊妹諸婦及侍病有勞者手王氏兩外孫女屬小范是無母可念也無以贈之他日嫁時

大泌山房集

卷之七十六

家傳

唐

夏母趙太君家傳

趙太君者江陰諸生夏帶湖公之配孝廉茂卿之母也
宋紹興中趙大鵬知江陰軍卜居邑章鄉里其裔孫梅
娶于李生太君未三月父沒母教太君孝經內則列女
傳孔曾思孟書靜聽暗誦正心一意恒自斂制喜不失
節怒不變容女師異之名曰文端年十六來歸尊章皆
已前卒恒自傷此昔人所謂不幸事也夏趙故家溫厚
帶湖公不問生產又好客揮斥千金屢矣太君量入爲
出尺布斗粟無所溢費公後坐大役悉售良田廣宅以
輸猶不至顛踣太君力也年十八舉孝廉愛之不釋懷
抱痘疹甚惡晝夜護持忘寢與食至典衣供醫卜既長

大沁山房集

卷之七十六

家傳

十三

教訓動有法矩嘗言愛其女者于三復白圭之士妻之
矧生男子可不身爲律令以帥先乎所居臨池畜魚樹
菱芰蓮芰汲而灌園果窠蕃碩以易米爲孝廉贏糧負
笈從師而以所織具贄幣同學造門設饌事事精辦母
中葉苦貧迎之家惟所欲就養無方夜浣紗而旦成布
日豐甘旨未嘗省膏晚有風疾搔抑疴癢扶持啓居三
十年無倦沒爲棺斂封樹歲時酌酒墓次涕零如綆廩
家人治田時乘竹兜子二青衣隨之徂畛隔間無令齒
弄女奴環侍機杼聲相唱和風雨孤燈雞鳴不已卽未
相筐莛之屬手自料簡也縞衣茶巾雖敝澣濯如新所

食豆粥菜羹而市肉擊鮮以奉公歲饑公食不厭精自
飯糠覈語于婦曰誰言此物噎人老婦雜苦菜江蓠作
羹爲餅轉堪飽耳年三十不傳黛墨屏居一室薦達左
右若恐不及遂有樹敷樹喬兩子而兩子復有諸孫愛
之雍雍若一兩子析居涇水每來省視享有加遵孝廉
舉三子俱賜太君嘆曰春秋四十不務衆子而務衆婦
無鹽以爲一殆雖然若婦哭子病不任有奈何宜亟爲
胤嗣計孝廉乃有副室而得今孫寶忠已得二女孫乳
哺爲歡飲食男女異于曩時矣枚數古忠臣孝子賢女
貞婦善得祥不善得殃諸故實以詔孫若女孫疊疊如

大沁山房集

卷之七十六

家傳

十三

父師之訓也孝廉好客如父又好法書名畫天文地理
諸家言則數休之極知兒樂此不爲疲杜門距躍收心
養性不亦善乎公爲羣小所侵或不免羈縻或鑿坏出
亡隸人雜沓太君身當戶牖慨陳辭聲色並厲衆爲屈
服里中貴家婦女視之蔑如獨急貧素一飯不忘報傾
囊以濟困尼支親外黨先後姊姪遠近親疎延接有情
禮不好盡人力不窮人以威僕役勞者有加惠疾痛瞻
察尤至頒餉幼弱兒女一果必均每舉明心寶鑑書語
人凡事從心田起初奉道晚奉佛晨起誦諸經諸呪爲
懺悔近午甫罷諄諄戒殺生勸放生沒身而已孝廉私

欲備後事笑曰太蚤計時至卽行吾當詔汝至七十八歲曰可矣又二年卒孝廉四上春官喪父以不親舍殮爲恨自是謝公車將母不違咫尺太君深自幸兒無遠遊不煩母嚙指吾何憾焉雖病困意自激昂疾革呼水拭面整襟危坐而逝而如生人謂修西方之驗云舊史氏曰古者女子蓋有胎教姆教云目王公達于士庶之家漸染薰陶習與性成是以婦順母儀垂姓名于竹素者衆三代而後教法廢置不講余往讀茂卿女鏡如劉中壘列女傳可以貞教今知其母高行殊邈何減昔人天實隔之不學而能難矣哉謝太傳問陸退張憑何以入泌山房集 卷之七十六 家傳 十四

吳孺人家傳

吳孺人者休寧石嶺處士憲淳之女也少從保姆受女史十有五歲歸汪叔和一尊所聞事王姑及姑以孝稱姑病嘗藥而後進抑搔痾癢扶持臥起不間朝暮姑執其手泣曰孝哉婦也願婦得婦如婦代我報耳而王姑病其侍疾如姑補衣裳綻裂而漱澣其垢穢浴沐禳洗

悉身執勞獨苦王姑愛之私有所畀不敢受必以分諸姊妹諸姊妹皆名家女習事多材藝如孺人孺人身下之粥粥若無能或有違言必委曲劑解之和叔治生夙興夜寐孺人相之明星有爛起而操作矣家既殷富無靡衣媮食之泰縞衣綦巾如故和叔峭直非其人不能忍見孺人時從旁諫曰妾聞列女傳伯宗妻之戒其夫也好直言而枉者惡之必及於難和叔避而從之卜吉壤葬兩世考妣經營二十年孺人佐其費賓客填門或不以其時至共張立辦教二子以禮法不爲姑息世俗於塾師惜束脩小物師亦有影質者孺人食必精腴幣大泌山房集 卷之七十六 家傳 十五

哭無不失聲先是汪氏之族女臨女喪不拜孺人卒詣婦懷慕悲悼羣爲之拜時汪景純卒於金陵宗老哭曰景純丈夫也吳孺人女丈夫也是皆亢宗無祿一歲而兩賢卽世其爲衆所推重如此和叔自有傳舊史氏曰詩言仲氏任只鄭氏箋以任者恩相親信周禮六行何獨先任不曰其心寒淵終溫且惠淑慎其身乎如吳孺人者可謂兼之任直一節矣

吳孺人家傳

吳孺人者太學一莊李女鹽官大夫汪宗文元配文學元義元臣母也吳之先自唐御史徵奕世載德太學所大泌山房集

卷之七十六

家傳十六

唐

交遊豪傑長者半天下晚舉孺人視無旋聽無聳怒不及色服不爲麗父異之他日何必減桓少君歸大夫奩具甚豐大夫父用鹽鹽起累鉅萬孺人廟見後卽白大夫夫人苦不足而君與妾幸有餘簪之於室旣鎮其甕又何加焉惟儉可以修德可以延福家大人故嘗望妾爲鹿車行汲事師其意不師其迹可也縮取備物物忌人盛必有豐敗大夫善之自是執勞夙夜匪懈臧獲手指辛莫不恪其常職焉而身貶食省用弋綈綈縞驟視之不知爲新婦然大夫母吳孺人適也先卒有如孺人者吳孺人生長公孺人上食張孺人與舅等張孺人喜過望

舅亦喜而恒涕泣告大夫吾見庶姑猶吾姑也吾舅張孺人食不甘張孺人安則君舅安君舅安則吾姑地下之魄亦安大夫泣曰卿言先得我心大夫治舉子業所事師交友執贊問遺必豐賓客過從雖早莫不時至孺人共張不乏交酬好貨皆厚飲酒燕語相悅也王明懷先生者大夫所最敬禮每語人汪季子婦可稱女師矣嘗以橐中金授大夫大夫兄公與程氏女公貴共爲母錢俾宗人子息之宗人子冒沒輕儇蕩之盡兄公女公收責大夫迫無以應歸而色若不豫然孺人曰妾聞兄弟之怨不徵於他徵於他利乃外矣皆兄弟也門內大泌山房集

卷之七十六

家傳十七

唐

以報君大夫誥而暝年財二十有九兩子有聲黌序中繼孺人者郝與孺人合德生子國衡爲諸生早卒無子以元臣仲子彥昌爲後兩子之奉郝孺人猶孺人之奉張孺人也人謂得之母訓云舊史氏曰富不期後人情乎吳孺人居富而好禮天牖其衷人力不至於此以余所聞庶姑伯妣宗人三事其爲德也深矣其置本也固矣雖享年不永子孫豐厚令聞不忘天之胙善久而後微有如斯夫

吳邦媛家傳

吳邦媛者新安潘叔子太學令緒因母也太學父斗南

大泌山房集

卷之七十六

家傳十八

唐

亦太學元配方舉伯子令升仲子令謨副方者壘舉季子令範潘氏門望故甲新安其俗貴適而賤庶適多奇妬卽幸而生子不以爲子數卽子壯不敢名其母媛黃潭吳氏女笄而歸太學精糠不厭衣浣補之衣須捷繫如也而所操作獨苦汲于井相于舂餼于田樵于野灑掃于室烹飪于爨夜則機杼刀尺聲與鷄鳴相接勞勩一切裨益不辭也斗南性嚴重媛事之恭下氣怡聲不敢以媒容見其事適也如之其事尊章也如之其事諸也如之其事適之子若婦也如之令緒長矣有婦矣以計三矣媛不矜也食指衆而析著令緒奉母居東偏

器用備數事而已媛不愠也距女君諸婦妣之室里許存問餽遺無間斗南好施媛以簪珥爲助而延名師益友以督課令緒修脯必豐里嫗以急來歸量有無資之不吝也斗南春秋踰七十而母方百歲方病斗南憂之亦病媛朝夕僕僕于路相啓居侍藥食唯謹身亦遂病而斗南卒憾不得終事母媛大慟曰吾何難以身從先君子地下顧先君子所不瞑目者以姑在也請終先君子之志無何姑卒媛復大慟以妾之無良無能爲先君子與先姑保畧漏之須臾而相尋以沒也安用生爲病滋深不可治矣不踰月卒年方四十有三令緒痛母生無一日歡而庶幾死有萬世名者宜莫如文其從兄弟之恒令猷輩誦母賢不謀同辭之恒有言母病以事夫事姑之勤母死以慟夫慟姑之過是孝婦也貞婦也惜哉其年與旌例格也而屬余傳之如右舊史氏曰詩首二南則有江沱小星劉中壘傳列女則有衛媵周妾齊婧之屬謂其所處微而所挾持者高明光大也芝草無根醴泉無源男子邁種德爲難矧乃婦人余故于潘令緒母號之邦媛若曰非家戶所常有也

姚令人家傳

姚令人者雲間太學張聖清婦也其王父泉幕異庭公

大泌山房集

卷之七十六

家傳十九

唐

某其父大學環樞公某王父以俠父以文著聲三吳中
令人生而悲心妍狀試執女紅精如素練諸兄弟授以
書輒成誦識其大義佐母閭政勅制裁獲事同成人父
母奇之十七歸聖清雲間巨室其婦女類被綺縠著珠
璣踰侈長飾而聖清父參知公清白行高姑徐恭人曹
孺人節約如寒素令人既廟見則服人繒裙不加緣米
不導擇肉不勝穀夜向晨詣兩姑所刺探起居平善退
而具食親饋待餽孺人爲聖清因母而恭人性嚴重居
恒言動易生得失令人察色承意最得兩姑歡且令兩
姑交歡無幾微問也聖清有兄早卒丘嫂意氣峻潔令

大泌山房集

卷之七十六

家傳

唐

人僂身自卑禮則周備所遺子勝承趨拜視之若自己
出時陳說古今人奮跡孤糞中事相勸勉猶子感泣以
白母母大喜若不幸無父乃有兩母今人又爲奴周旋
兩姑前婦姑娣姒輯睦寧一焉兩姑習令人賢傳之家
事宗門廣大姻戚實繁饋遺豆通僎遺助施子節文相
得家僮手指千分職考成簡序先後情嚴高下厭衆
心顧歲入不足更費何無何有黽勉求之體質故弱緣
是盡瘁聖清以爲戚則諺示健君無虞吾形勞而神不
傷也且有姑在婦不任勞其誰任者聖清嘗與客飲至
醉歛容而規之曰君舅遠在桂林柳沐瘴雨蠻烟中鞅

掌王事君宴然酣暢無論酒之流生醴豈夫一舉足一
發言不忘親者乎聖清改容而謝哉卿良箴蓋令人雖
婉順而大義凝然燕居有常處無旁視無疾言無輕指
尼覲不得入門其守正如此會孕殯遂病憔悴滋甚病
棘誦佛號起而坐曰不得終事舅姑奈何卒時盛暑顏
如生聖清銳精于學以令人無內顧此佳耦臨窆密
沒沒也以其爲余爲傳用副家乘云爾舊史氏曰苟繁
有言婦人才智不足適宜以色爲主妻或而身殉之可
謂大德也聖清亡傷往如流岳孫楚劉向歸華文生於情
而情爲勝今讀聖清所述能令人事曹大姑勤不告
勞聖清之愛發乎情止乎禮義其刊于後可知也已

羅節孝傳

大泌山房集

卷之七十六

家傳

二十一

羅節孝者臨汾三老天亨之女趙城茂才賈三才之婦
也茂才初受室于任爲憲副民望女富而能儉貴而能
勤無何卒難其繼者媒妁言羅三老女佳遂委禽焉比
歸年十有三耳家人以爲脆於心厥於志私相虞也婦
語默有宜進退有常高卑有則敕制僮御出入計校一
以貫之宗老聞者嘆息女知莫如婦孰是女也而婦知
哉茂才母老婦恒以雞鳴問寢安否奉盥漱斂枕簟揆
煖寒爲衣厚薄餽醢芼羹免蕘脂膏手和而進之蔬果
非以獻姑不先食姑善病色憂不滿容竟日夕侍榻前
瞻察聲息相臥起抑搔疾痛痾瘕刀圭之藥必親嘗焉

或以浹辰姑數休之屬女奴代卒不計日如是而吾卽安不知勞也不親則吾且病姑沒而哭之哀治棺斂從其厚者越數十年言及未嘗不泫然流涕既秉家政督臧獲耕織重者春杵細者纂組歲時伏臘之祭宗族婚姻賓友鄉鄰燕會慶弔往來問遺之禮茂才有所咨謀無不如意以故茂才專精博士家言知名于時茂才卒婦年三十有四而有四男二女日撫而啼吾不難以身殉地下人如諸孤何繼廣之衣繼糲之飯終身不改所以志痛也出父遺書授其子而以身爲女師子慶徵荷徵壽徵泰徵皆諸生有聲女之爲人婦者宜其室家孫

大泌山房集

卷之七十六

家傳

二十三

四人女孫八人四封之內聞賈媼賢後必昌願以女其子孫願以其子孫之女爲婦所妃匹皆聞家婦卒時年六十有二病革子婦環泣舉手揮之未亡人二十七年始得以身從先君子且具言若曹保家之主也將樂而忘死遂瞑稱節孝者郡邑長吏博士弟子員督學使者曾以照其門云舊史氏曰按制婦以節聞有旌母以子貴有封君命爲重人情尚焉節孝子荷徵從不倭兄弟遊傷其母格於例財四年耳不得旌葬耐於父有銘父在不得稱母夫異日不有封乎制旌可復封封不可復旌封所同也旌所獨也於是爲之傳傳者獨而獨

者也

程媼家傳

程媼者儒官程翁婦也媼胡氏胡故饒遣女豐而程翁父以勤儉治生新婦悉解奩具佐質遷所衣大布經歲不易歸寧日母黨怪問故曰此舅姑訓也姑憐少子婦媼亦爲之下每賜子婦不及媼媼無愠色小姑不平以白母媼得消見遺季奴欲之又讓之舅業日益既老授家督貲五倍其弟翁伴示不豫者媼進曰妾能緣姑意讓季奴君不能緣父意讓伯氏耶翁喜吾試卿耳侍姑病不解衣不假寐者浹辰姑悔仲子婦孝我乃爾密授

大泌山房集

卷之七十六

家傳

二十三

唐

以簪珥復恣季奴所取而哭姑極哀內外宗愈服其賢因母寡奉養如姑以貲業異母弟卽喪失不復問翁父子喜客容數十百人佐共具必腆翁卒于外媼創痛不欲生獨居一室足不踰閭或數日不食諸子懼屬其母譬曉曰盡從慈氏之教資冥福乎乃茹素誦經里媼接而貧逆之旁舍衣食終其身大父行有孤兒資以中人產饑歲賑貧救死甚衆家人市貨不得推直隸農請減租輒許行年踰八十一德不懈郡邑旌其門曰孝慈貞淑子學智爲茂才有聲舊史氏曰顏之推有言人或交天下士皆有歡愛而失敬於兄將數萬師得其死力而

原缺

大泌山房集卷之七十七

京山李維楨本寧著

湯陰王府輔國將軍平松公墓誌銘

余雅聞趙王孫仲佩賢會有大梁之役仲佩以誼誤奪其母與弟子女封詣闕上書前後數萬言感激用壯事卒白薦紳學士愈益高仲佩之誼願內交焉余度仲佩沾沾自喜河朔之豪耳既而晤之洎上鞠躬履方君子也人言仲佩父長者諸子式穀似之余薄督漕行不得見七年而仲佩以翁卒計且手狀其行事乞余誌墓中石禮親無美而稱之是誣也仲佩當不誣其親采狀合

大泌山房集

卷之七十七

墓誌

一

余所聞者誌曰趙有輔國將軍厚煜字拱辰

文皇帝之舅孫也始封祖為趙簡王高祖父為湯陰莊僖王父為鎮國將軍祐椒母為和夫人公弱不好弄父母愛之得瓜果可啖之物必持奉父母歲時伏臘若生辰從諸昆季上壽而學老萊子衣斑斕為嬰兒啼父母見輒嗔嗔比其沒也哭幾毀諸昆季各歸府第析父母所遺產公土田取荒頓者器物取朽敗者裁獲取老億者人以方薛孟嘗四時之祭絜盛豐潔牲牷肥膾齋戒而薦之是時宗正條嚴諸王子侯不得出郭春雨露既濡霜雪既降必請於王展墓涕泣數行下如初喪時其

後禁弛公得時往來獨捐貲修守家舍自輔國以上族葬者咸樹之松檟可材矣子孫謀鬻之公愀然曰若故吾墓中人一體何斬此顧君子為官室不斬丘木即患貧當以吾為外府到於今幸木鬱鬱蔥蔥望之有佳氣焉公配李夫人舉五男一女男封奉國將軍者四伯載均娶於甯俱蚤卒仲載璋即仲佩娶於劉繼王又繼甯叔載墳娶於張繼甯季載堦娶於劉繼李婦俱淑人女陽夏縣君為儀賓張國本婦孫七人封鎮國中尉者六孫女六人封鄉君者一曾孫男二人曾孫女一人子姓之盛為朱門冠而公教家嚴與李夫人偕老無謾語無

大泌山房集

卷之七十七

墓誌

二

媒容諸子婦旦莫事公一如公事鎮國也湯陰王大宗以宗正條罷不得嗣爵王簡公攝府事公攝府事一如其教家宗人奉循理法諸請名者請爵者舉婚者舉祭若葬者有不給皆公經紀之姻黨待公而舉火者數十百家寒子續死子櫬歲侵為糜於路食餓夫鄴中人知公好施值公家慶相期攜婦孺暨鮮寡孤獨壘壘造門為里巷歌謠誦公德而公亦大散財物衰序賑之歲以為常曰極知其人諛我然奈何以好名之嫌坐視人厄不救耶以是公祿人不足用更為鹽政蒜果之食布衣冠浣補獎簪單席薄笨車務自貶損以濟其施而後已

行之數十年始能以餘力治第康莊之衢則仲佩日有聞於四方四方人從者滋衆賴公不乏供具嘗自署其庭之楹曰收天下春歸之肺腑留方寸地與子孫耕既老以政傳子數與鄉大夫賢者留郡守安御史六七曹結社多談說前言往行以訓誨其子弟有洛下耆英之風既稱耄郡守武進何君不妄許可人爲文祝公盛有所稱引身執爵以酌而乞其言爲惇史萬曆二十有四年閏八月八日卒距生正德八年二月八日年八十有四季夫人先公卒葬郡西孫平村原仲佩以公卒之明年某月日奉公合葬今諸王孫無萬數富厚受享或倍

大泌山房集

卷之七十七

墓誌

三

徙公至身躋大臺負賢豪聲多賢子孫如仲佩保任其勞而昭明其休美不數矣故事宗人葬賜祭要以示親親於賢者無所旌異仲佩所爲邑邑不自得而必徵余文誌之也銘曰名不隸博士公車而孝友睦嫺儒者弗如權不分郡國守相而煥咻疾痛四封歸嚮不貨殖而豐不導引而壽象賢繩武衆美輻輳人力何至於此蓋天之所授韓陵片石其傳可久吾銘爾墓無虞速朽

遼府奉國將軍桂亭公墓誌銘

不佞遭先大夫喪載陽王孫數使使相存也向後寄書及詩傾寫肺腑與辭條豐蔚甚足以動心駭聽將往從之

遊而忽焉沒矣伏鬼時屬其二子儼鐵儼錄曰必李本寧誌余墓蓋載陽嘗乞不佞表傳其祖若父謂可以不朽冢中骨二子奉狀來請念與神交垂二十年不忍負誌曰君名術粹載陽其字別號桂亭爵爲奉國將軍高皇帝雲孫遼簡王仍孫益陽安僖王舅孫鎮國將軍致楓孫輔國將軍憲然家子也母王夫人孕時夢天日明淨都無纖翳暉素發於廣庭覺而君生神彩可愛五歲受學郡人吳博士舜民不甚研求而識其旨要輔國嘗使屬對有金眸玉爪不凡材之句大異之於時公安成仁卿以詩名荊州君周旋燕閒中若有會遂能爲詩

大泌山房集

卷之七十七

墓誌

四

詩類黃岡王穉欽先生語仁卿令君主觴政機悟敏率因歎息絕倒是得我牙後慧覺聲爲來逼人起而觴輔國曰吾爲公壽又起而觴君曰吾爲公子壽君亦以仁卿爲知己從之學詩君詩任其才之所至不以繩墨自限而筆不停綴須臾千言然意不自滿強仁卿爲彈射竄易或至盡則君益喜已趙郡宋山人來君又師之宋謂君得詩法未知詩味也因舉杜少陵詩註中語示之君益喜妙析奇致山人旁通五經君復爲受經自三百篇以降至國朝諸名家詩揚摧上下往返精苦左右進食冷而復煖者數四夜入帳眠至曉迴轉不得快熟思

張所通奚翅儒域矣君詩名成四方貴勝年少並共宗
詠賓客日數十人猥積胥加霑接竟日美供雖晚至亦
獲盛饌四座莫不厭心而親重偏至者爲華容孫兆孺
兆孺去則荊州守上郡郝茂甫夷陵守嘉定殷無美博
士於越方道與豫章程孟孺錢塘徐子裁福清林景昭
吳門邵子俊所倡和人異惟非朱郎中語無美爲職
方郎與臨淮侯李惟寅輩結詩社君讀其詩一一和之
會歸州守吳伯子朝京師傳君詩公卿間諸公卿交相
推許而蜀人張玉車給事有開宗學立宗正議直指贛
人甘維藩按楚謀以君應召弗果末年郡有徐萬二使

大泌山房集

卷之七十七

墓誌

五

君者精練名理君披衿著契神領意得頓在言前最後
善孝廉雷古狂積然自放更攜諸同人爲飲中八仙自
署魏部尚書比於汝陽王云嘗乘小車任心獨往至江
陵界所過父老婦孺方幅齒遇爭挈酒脯相勞肆意酣
暢三日家人以驢載之歸因嘔血數升明年喪其元配
哭之慟時取酒自寬每飲必醉醉必嘔血病不可治矣
二子懼跪而進藥揮之去而會得不佞所爲傳碑至強
起誦之病良已久之廢匕箸肌削骨立復嘔血如故召
二子訣人生如寄夙緣盡矣木用柁斂用舊服勿惑緇
黃語語畢而逝君豪於詩酒而有至性事親盡色養之

孝輔國公卒席苦靈床頭朝夕臨及思至賓客弔省郁
伊交涕號踊哀絕居處飲食每事有降不欲傷王夫人
意時爲孺子嬉戲以樂之王夫人七十強飯無恙君通
悅不多矜咳雖臧獲不忍加厲聲事操大體羣下得自
盡有謀奪其居者輔國公作色不夷君恒幾諫乃已服
食器用與齊民伍取爲富貴蠹隱交路之態江陵黃明
府五載於之甚至無一字干請有可居間致意今來終
不肯請涂荊州扁其門曰文行名宗所著有髮僧白業
六卷續集四卷竹素園玄草三卷枕上得四卷蕭齋淨
稿四卷古風一卷近稿三卷彙而名之魏部尚書全稿

大泌山房集

卷之七十七

墓誌

六

又輯輔國公遺文行實與諸輓誄爲想見集說部則有
桂叢雜記荊州雜俎皆可傳也君白皙美髯腹垂瓠而
壘塊有正骨舉體無常人事令知管時任可作諸許物
尼於宗正條才用不申卽未能休明一世亦足映徹九
泉矣君生嘉靖辛亥十月二十有二日卒萬曆戊戌六
月二十日春秋四十有八生之日爲王穉欽卒日故好
穉欽特甚放浪詩酒迹略似之前期有兩鵬鳥集舍垣
家人夢客立柱下云是進士張碯與君劇飲因攜以行
三身爲帝胄而多才其事應固當非誣耳配夏淑人爲
博士國女卒男子二人卽儼鐵儼鈺女子一人適趙

其鐵娶於蕭鈺娶於徐各舉一男子葬以其年月日墓
在八嶺山之原銘曰民生有欲本諸性情欲貴與壽不
教而成女生則貴胡不貴生全主子侯而逐布衣呻其
佔畢可以樂饑謂生也寄謂死也歸無爲生醒寧爲死
醉女所自雄在詩一藝篤而論之皆身外事誰能不朽
乾坤且毀泉臺有銘贅哉史氏未能免俗聊復爾耳

弋陽王孫貞吉墓誌銘

今帝系中能文者所在而有然陽浮慕之耳續學精詣
莫如寧諸王孫大氏無慮數十百人而中相如外相軋
如賈豎女子爭言賓客各於其黨至不通往來迺若不
凝滯於物而能與世推移在彼無惡在此無敦惟貞吉
其人矣貞吉者

高皇帝仍孫寧獻王弟孫弋陽僖順王曾孫輔國將軍
竹隱公仲子也竹隱公元配爲王夫人副爲張淑人王
夫人舉伯子希斯季子孔陽張淑人舉貞吉及叔子京
甫張淑人之娠也夢五色雲爲龍集其肩而竹隱公嘗
禱嗣華蓋山旣貞吉生眉目如刻畫風神秀異信以爲
山靈所鍾美字之阿華五歲賜名多炏口授書輒覆誦
無所遺脫見客客使屬對輒工十歲就外傳習經生業
而心厭之竹隱公更授六籍老莊左馬屈宋李杜諸家

大泌山房集

卷之七十七

墓誌

七

言大喜令試爲之攬筆輒就坐人皆屈十有五歲封奉
國將軍明年娶婦袁淑人力學如初又善篆隸八分行
草諸書法圖畫山水花鳥傳神寫照彈琴弄笛投壺占
夢百家所長一習而合名籍籍傳里中四方薦紳學士
過豫章者首問貞吉王孫安在下車便修謁若陳仲舉
之於徐孺子而貞吉亦折節延納年倍長者師事之鴈
行者友之下者引與鈞禮旦輒爲十人饌未嘗獨餐冠
蓋韋布緇黃填隘其門人人滿志而去里中方比部士
功趙大夫修甫孝廉彭穉修從兄宗良族子魏甫佳甫
招之爲南州社數正七人人謂中有繡虎云最後則喻
邦相王永叔爲莫逆交而會言者請開宗人屬禁聽治
四民之業貞吉益自奮男子生而桑弧蓬矢以射四方
獨奈何臯牢自制也官家幸假便宜勿拘閣不以其時
極汗漫之觀自廣猶謂國有人乎於是始爲曲江閣皂
化城洪陽之遊則袁郡丞陶克踐主之已爲文江雪浪
武功螺川之遊則甘觀察子開尹參軍教甫主之是以
有試游篇已爲陪京牛渚潤州真州之遊則李通侯惟
寅歐水部楨伯郭道人次甫子廉李季宜閔素卿山人
吳孝甫主之是以有薄遊篇已爲天都白嶽之遊則汪
司馬伯玉昆弟萬侍御和甫給事元父主之已爲武

大泌山房集

卷之七十七

墓誌

八

林姑蘇嚴陵信州之遊則王元美昆季楊觀察義叔主之是以有澹遊篇已爲匡廬彭蠡下雉之遊則中丞劉道徵衆知吳明卿郡丞宋其主之是以有美遊篇已爲新吳虔州王弇青原之遊則沈明府生予顧郡伯朝肅主之是以有勝遊篇所至歷覽名山大川獨往獨來窮日夕之力屬有會心手題名鐫諸石將令後世知有朱仲子也士大夫有道德文章者二氏之精其術者咸從捧手有所受焉市井所指數若酒人博徒鼓刀之俠走馬關雞之豪靡不造請過從如恐失之草木鳥獸言語服食器用之異倣子雲少文故事鉛槧而丹青之異奴

大泌山房集

卷之七十七

墓誌

九

囊隆隆起也水乘舴艋陸乘籃筍時擔簦躡蹻類販夫抑時披鶴氅戴小烏巾曳杖徐步望之如神仙中人復效第五倫之稱王伯齊也自詭曰來相如曰澹遊子問俗弔古有槩於中或歌或泣人莫測其故有識者目指之此瀑泉王孫耳瀑泉君別號也所僑寓久則扈養廝役乞人病子成就之丐書畫酬應無所拒持以入市賈騰踊求者滋衆幾至脫腕又跋涉水草蒙犯霜露食息不以其時遂病矣劉道徵嘗謂余與貞吉遊者萬里之外可無裹糧余亦調貞吉君多材多藝能事鬼神其不免乎貞吉謂余明興二百年而王子侯得縱觀東南之

美出入無禁實自我始又幸得當一二鉅公附青雲施聲不朽天之奉我贏矣且吾遊而冒相如相如消渴無已時吾病固當取諸遊篇彙之爲勑遊三年而病稍起更爲勝遊後病遂罷世知貞吉善文墨論議好游耳而其操行一準於孝弟忠信少時爲竹隱公吮癰顙天請代復剖其左肱和藥卒不起哭踊無節音聲流喝而已竹隱公故居業屢徙貞吉復之亭竹爲僦客所斬艾無餘一夕更生余觀察德甫異之贈之詩掇詩中語顏其亭竹在以志孝感而食指繁復構城東第奉母張淑人居之類其堂嘉遜潘安仁閒居不足道矣令甲母非嫡

大泌山房集

卷之七十七

墓誌

十

而子有爵者得以子爵封有司率靳弗子貞吉念張淑人且老與諸弟請於朝而張明成學士方里居爲書宗伯非此母無此子吾五世比鄰悉之宗伯乃疏請封淑人如令而淑人春秋七十適以初度日拜命海內鴻生鉅儒奉書禮致殷勤咏歌相屬也處羣兄弟相憐愛而事伯兄芾斯倍恭從兄弋陽恭僖王故賢者於羣從中獨禮愛貞吉恭僖薨無子他王國視爲奇貨貞吉內舉不避親非吾伯氏誰可攝國者僉以爲允奏止太宗伯報可特下璽書屬芾斯攝國事而宗良老善病賴貞吉數相慰藉兩人對客語次及貞吉未嘗不噫鳴流涕也

袁淑人蚤卒所舉子謀墀謀趨貞吉傷之意不欲有逝
梁伐衍者而以不屑事家人產乃有今內助王所舉子
謀姻謀鸛謀卦姻鸛美如冠玉而不能言貞吉教之作
畫都有致卦纔數齡舉止應對酷肖貞吉伯仲則具體
而微貞吉晚倭佛刻須菩提於門日作禮焉已築歡喜
菴焚修其中稱了心居士其病困可一年所兄弟朋友
來問候談笑自如正月二十六日覽揆之辰也召諸子
吾旦暮人耳置古石南極老人臥所焚香自壽至二月
二十二日所苦寢篤忽泣下衆怪問故嗚咽而言無狀
嬰疾不得終事母是在諸弟諸子唯大人割不忍之恩
大泌山房集 卷之七十七 墓誌 十一

戲驕恣之過居家子孫申申僮僕訢訢人有緩急叩門
不以親爲解歲入盡於供客細故芥蒂不設於中假人
不德不責食人不使不役以故人無貴賤賢不肖附之
遠近哭而臨喪者甚衆卒之三月朝議更宗正條科臣
舉博學好修可應詔者十餘人員吉與焉三年而余移
虔州過豫章拜貞吉像祠中諸孤泣奉宗良所爲狀請
余銘曰先子之命也手之歆歔屬草不竟無何坐謗竄
還又三年幽冥之中負此良友矣暑雨社門小露隙日
爲緒正舊草貽諸其子貞吉卒萬曆己丑距生之日歲
在嘉靖辛丑得年四十有九葬椅桐山大宗伯請賜祭
大泌山房集 卷之七十七 墓誌 十二

五子皆鎮國中尉娶婦皆封恭人女某皆某主孫女某
皆某主婚嫁俱聞家此王孫家戶所有耳不足爲貞吉
重也銘曰表爾王子侯耶而列諸逸民獨行夫誰曰不
然傳爾文苑耶而游俠方伎儒林其舍旃吾采司馬班
范之凡悉被之而猶有所未具者曰禪爾眞龍種耶龍
合而成體散而成章舉一隅胡得焉

少傳兵部尚書贈太師謚襄毅李公墓志銘
明興取士科目偕他選並用晚觴重進士科士不必少
年少年不必公卿公卿賢者不必具文武才踔絕於世
有如王文成且憎多口邇日人情儂薄大臣免彼已之

刺者自無一違惟長垣李公弱冠成進士強仕位八座
三孤經文緯武名實爛然

天子以未封爲缺事身後人訟言猶力上下百年完名
純德一人而已惜哉年未指使忝然捐館舍豈造物信
忌盈耶公子與其鄉人夫魏太史諸君子委余志墓志
公墓者當在三選尊余俸楚何足重公竊以姓名附公
金石爲榮輒不辭固陋而爲之志曰公名化龍字于田
別號霖寰上世隴西譜牒無徵七世祖瑾著大名府長
垣縣籍瑾子公度度子鐸鐸子慕慕三子其三爲公會
王父盱眙承誠娶某五子其四爲公大父繼古娶某子
大泌山房集 卷之七十七 志銘 全二

棟娶吳生公自會王父以下皆贈少傅兵部尚書母皆
封贈一品夫人吳夫人姪時夢玉柱立庭中麒麟入懷
孩提明慧絕倫讀書五行俱下此時屬文出人意表已
爲諸生守永嘉王公奇之名與南樂魏吏部相甲乙萬
曆癸酉舉第二人明年同進士出身除嵩縣令嵩民悍
私稚公公摘伏無敢欺而不爲淵魚察均徭平訟與民
休息暇則進諸生訓誨其文行邑有礦奸民攪鬪或言
官募人採便公斥之是誨民爭也封識如故有犯三尺
不貸後十年

上聽言利者開礦自嵩始海內騷然思公先見遠慮矣

期月嵩大治世以方子奇治阿云用高第徵坐年不及
格又不善事當路人僅擢南繕部主事稍遷郎中權蕪
湖稅邸中不食官物驅宿猾漁獵者商無留行而稅額
增南京清郎公爲稱首已移南吏部與同郡魏中丞吉
水鄒給事嶺南唐文選切磋文行於書無所不闕六籍
諸子史外天文地理風角占候皆有精詣爲詩文備諸
體不覓規古人而博雅中倫談諧杯酒揮毫數千言大
家推遜不如已遷河南督學僉事廣布功令以紫陽傳
註爲式黜諸弔詭者已遷叅議未幾復遷山東督學副
使治一如中州明而敏公而恕河洛齊魯之間士斌斌

大泌山房集

卷之七十七

志銘

十三

郁郁如也已遷河南叅政未上遷太僕少卿右通政會
遼警狎至兵食彫尠廷推撫臣衆遂巡莫適任以屬公
公曰食焉而避其難無爲貴臣矣驅車就道首請補缺
餉給罔馬無以營馬供郵傳明斥候嚴偵僕控要害籌
攻守終日欽欽如對敵狀卒能得虜首者予五十金乘
馬中募府門而出市人艷之日與新帥董一元詣營中
選練刑牲以血瀝酒飲諸部曲而矢之曰居平虐下者
臨敵選懦者有如此酒士人人莫得一當報公而遼虜
土蠻子卜彥吉周罕速把亥子把免兒其族炒花花大
最驍悍知遼兵以征倭疲分東西道期廣寧南合圍公

詔帥諸虜環視我不戰益取輕勢且無遼一戰而遼可
存死猶爲之況未必死耶西虜卜彥衆數萬雖與爭鋒
所就航在右屯屯有備足自保東虜炒花把免衆財
萬餘併力禦之必敗偏敗西可不戰走也東虜五日不
出公策之更遲兩日虜合我兵奪氣將何以戰下令退
兵覆鎮武堡虜至見無兵鼓掌而笑蠻真畏我率衆疾
驅過之未半覆四起呼震天虜駭而奔斬首四百有奇
棄牛羊駝馬徧野幕帳甲冑山積明日西虜至右屯張
穹廬城隅指揮傲倪又分衆犯懷武綴我師而守者先
於城外築牆牆外濬濠濠外多品坑攻五日技窮莫如

大泌山房集

卷之七十七

志銘

十四

何公復募敢死士二百人襲其營虜懼而却遼父老言
生髮未燥以來無此捷也虜復報忿命銳師敗之靖遠
敗之高平敗之黑山大敗之什方堡其小醜怨酋長乞
市許之羈縻不絕而益修內治增戍卒給火器豁逋裸
革偽製設郡佐堅右屯之守厚家丁之餉有功若死事
者賞不待時遼人歌舞于塗安枕臥矣

上勅旌公功遷少司馬任子世錦衣千戶而兩尊人念
公淹卹兵間涕泗時決枕席公深念兩尊人遂病既三
歲疆事可息肩力請歸與其兄日娛侍兩尊人雖南面
之樂不與易也而播賊楊應龍變告急

上卽家拜公總督四川湖廣貴州軍務政六月并道入
成都賊屠恭江城參將房嘉寵游擊張良賢死焉公銳
意剪滅鎮兵力略無可恃以計緩之移文詰責意若示
撫而厚集兵分八路路各三萬四川恭江路屬帥劉綎
南川路屬帥馬孔英恭政張棟護之永寧路屬副帥曹
希彬合江路屬帥吳廣恭政謝詔護之貴州分烏江沙
溪平越三路屬帥李應祥按察使楊寅秋參議張存意
之湖廣偏橋一路屬帥陳璘按察使胡桂芳參議魏
養榮護之諸偏裨郡邑長佐取便宜更置轉運芻粟舟
車負任千里相屬奉

大泌山房集

卷之七十七

志銘

十五

上賜劔登壇誓師所不同心戮力者殺無赦公計賊穴
海龍囤必負固老我師宜協攻囤楠木山羊簡臺諸峒
爲逋逃藪婁山崖門桑木諸關爲門戶宜先斬關責在
蜀矣湖廣偏橋外九苗遺種賊恃爲援四牌不掃三渡
不通囤未可攻也貴州夷狡而兵寡軍興不給水西與
賊唇齒無令鉢賊責在楚黔矣密授機宜而行諸爲賊
守者逆則殲之順則貸之已破楠木羊簡諸洞大敗賊
官相營望草垣乘勝衝桑木關拔之已敗賊金子垣破
婁山關薄崖門力戰水牛塘據三圓山山高海龍囤數
下仍賊萬餘列柵甚堅我師死戰拔之俯視囤囤樵汲

不通南川路衝其前秦江路爲啓肱永合二路乘之破
養馬養雞諸城海門龍鳳諸關賊大恐挾妻子夜遁固
上而以鐵鑄關爲守會霖雨白日晦冥公督兵併攻破
之圍前重岡複嶺賊弩石雨下我師仰攻不即克或訛
言首死人無鬪心公先喪兄太學公已喪偶王夫人復
奉大公諱慮諸將解體枝淚草檄爲師期益購梟卒先
登奪誤報首死者官令斬賊自贖連破長坎馬瑤青龍
母氏諸固入三渡抵白田下令五帥分日攻圍破二城
六路兵蟻附雲梯上賊窘莫知所爲縱火焚其居雉經
死縛其婦若子女若黨與無噍類矣是役也進兵纔百

大沁山房集

卷之七十七

志銘十六

日獲賊巨魁一生致諸部落酋千一百有奇斬首二萬
二千六百有奇俘賊屬五千五百有奇招降賊十二萬
六十有奇獲沒賊生口一千有奇招降民一十二萬有
奇拓地千有餘里露布以聞

上御門受俘告捷于廟百官庭賀詔示天下而公先以
滿考晉御史大夫屢請歸執喪

上閔公賢勞許之從公議置府二州一縣八衛一與中
土等分隸蜀黔設元戎憲使鎮之建學錄弟子員如于
用夏變夷乾坤若再造然公慟不及侍父含斂以倚廬
日爲始喪將三年河決運道阻廷臣僉言公可急使

上拜公兼少司空行河使使敦趨上道而與母吳夫人
之邸則力主開加河其秦草云河自開歸而下近代通
行路有三中路濁河北路銀河南路符離河也南路雖
近陵上有隋隄中有九岡十八窪下有歸仁隄於陵無
害以其北扼山南近淮下流塞不逆而上則潰而南皆
能亂淮久之淮淤患必及陵且全河下宿遷徐邳運道
必涸利不勝害者也北路雖近運太行隄徐呂洪可恃
而下流亦善潰隄隄潰魚汴間爲沼利害等者也中路
不南不北遠陵而可濟運前督臣合三省濬河見爲得
算以資用之功未全舉狂瀾雖迴下流復溢今自堅城

大沁山房集

卷之七十七

志銘十二

至鎮口河形宛然乞金岡寺借力京省完濁河全功收
中路永利何所不可而霖潦爲虐人半死徙餘子氣息
才屬寧堪重傷驅運畚鍤之夫爲揭竿斬木之兵憂
虞方大故濬濁河者議之所不敢出也則復賈魯河走
符離道濬王所棲竟小河口南路通而北流折不稱便
乎嘗諦觀之任其漫流以分水則可縱其奪河以亂淮
則不可河已逼太行乘隄以守禦門庭之寇救剝膚之
災計不旋踵豈俟問哉惟是加河工疑信相半篤而論
之其善有六其不必疑有二凡稱治河難者謂往代止
避其名今兼資其利河由宿遷入運則徐邳涸無以載

舟是無水難也。河由豐沛入運，則漕隄壞無以牽纜。是有水難也。加河開而運不借河有水，無水任之而已。善一黃河運河之賊也。用一里一里害避一里一里利以二百六十里加河避三百三十里黃河。二洪自險鎮口自於不相關涉。善二運借河則河為政得困我當不憚勞費而治之。運不借河則我為政得相河因利便而徐治之。夫徐察利便與不憚勞費也。其利害較然已善三。先年估全工三百九十萬，估半工二百六十萬。朱尚書開新河百四十里，費亦四十萬。今以三十萬開二百六十里，事半功倍。善四。江北山東患水極矣。老稚轉溝壑壯者散之四方。募夫以春荒役興，麥熟人散，仲淹隄湖及黠發倉一舉兩得。善五。漕艘畏河漲為害，過洪約在春盡加河蚤暮無妨。可弛禁限寬，參罰運軍不以趕幫失事。善六。疑者曰：運不借河則河防疏，恐恣橫流而害鳳泗夫。開歸上下千里未聞濟運，未聞不治河也。彼但為民禦災而若此矣。況陵患其何防之敢踈疑者曰：徐州天下咽喉，一旦令其寂寂如重地，何徐之為河也可計。日待小民安土重遷曰：加河奪其利，加河道開而貿遷化居必移沿河上下民擇平土而居之，是為徐曲突徙薪也。何疑焉。計費可三十萬，業已括餘金發倉粟留

漕糧不煩內帑。自李家巷至劉昌莊開新河八里，建開一座。郎中梅相副使劉大文任之。劉昌莊至萬家莊開新河十六里，濬舊河四十里而贏建開一座。滾水壩一座，築堤二十七里。郎中梅守相副使傅良諫任之。萬家莊至黃林庄濬舊河三十八里而贏開新河一里而贏建開三座。土市東開新河三十里，主事沈孚先副使陳簡任之。黃林庄至直河口濬舊河四里而贏開新河二十六里，建開三座，減水閘一座，滾水壩五座。郎中劉不忠劉大文任之。單縣補大行隄北面六十九里，南面護埽二十四里，參政來三聘副使傅良諫任之。按察使汪可受總考成此其綱也。司道府縣會議十三事具在案牘，其目也。夫治河恐傷運使，不北恐傷陵使，不南南北迫，阻無藏身所，微獨民苦河亦苦矣。加河成與陵運遠北守太行隄，南守隋隄，中間蕭楊豐沛各以隄自救。聽河行其中，歲度受水之方，獨租學賑錢穀費不及治河一二而能所省更不貲此以不治治之得其大者也。惟是河近隄者終有齧隄梗運之虞，來歲有秋大濬濁河開中路是王剪之伐楚也。儻歲凶固守行隄是子囊之城郢也。策止此矣。前後言河事者章可汗牛無如公瞭若指掌，百世莫之易也。

上從之公復言河中路復有三路一曰黃垆出趙家園
地在上流恐奪全河而南宜聽其自爲支分無大開以
延寇一曰六座樓出鎮口前督臣所開也一曰苑家樓
出小浮橋前會議所及也宜自堅城集以上開渠引河
下分二路洩之苑家樓以下經小王山有可通姬村永
堽諸湖出宿州符離橋入白澤河可殺水勢徐州灑沈
濬災其下石底天然減水壩也然豐沛之患未免移之
碭山利害相校南止災一邑北則梗全漕苑家橋在碭
山東水或滯野未至灌城擇害莫若輕斯之謂矣前計
費三十萬專爲開河增行堤未及分黃請就近地金

大泌山房集

卷之七十一

志銘 二十

粟可用者爲處置無以吝嗇失事機無以節省貽實患
上從之不半年加河通增水驛行李無留滯設閘啓閉
以時漕艘與官民船魚貫行怪歎歡呼爲宇宙奇事而
分黃工亦成適母吳夫人喪公慮後人有佚志疏曰兩
河並行是兩敵相持之勢也鄙諺有之兩鼠並鬪將勇
者勝臣愚恒言有草有柳堤皆可保有夫有料河皆可
塞向後無異說惟督夫料進壩工耳壩工日進舊河日
減新河日增子孫相繼愚公可以移山跬步不休破驚
可以千里臣雖居憂未敢貽後患惟在事者深思臣言
公歸又一年

上諭內閣平播功大無一封侯伯者何以顯忠良之臣
傳天下後世閣臣謂功非一人夫非一人者將吏耳督
臣寧有二哉晉公少保兵部尚書任子世錦承衛指揮
使服象龍服尋召公入掌京營戎政所條議四十二事
上從之權貴役卒乘馬盡以歸營營政改觀矣尋晉本
兵大璫視武弁爲外府政以賄成公榜其薦剡多寡歷
歲久近於堂以次擢用請謁不行而摘其泰甚者予一
空名勒歸里私門遂塞虜王死三娘子老諸酋擁兵爭
立馳檄諭之而定當計武吏所斥大金吾督帥倚錢神
附城晚者若而人又上防邊任將十六事著爲令正統

大泌山房集

卷之七十七

志銘 三十一

而前大臣三孤不兼官銜後無不兼者公官少保益猶
舊制三年加柱國少傅兼太子太保以善播後事論功
晉少師任子錦承衛正千戶進一級世襲旨下公不及
見矣公體鴻大魁傑音吐如鐘四夷觀聽形神俱肅勵
勦戎馬罕有二毛盛夏草次河濱蒸濕腥穢與呼役
夫共重以哀母而時事多扞格廢箸咨嗟則病瘡矣數
請長休告優詔不許疾革爲遺疏乞卜相臣補大僚銓
臺省起廢棄諸軍國重事

上覽之動色爲罷朝一日下冢宰宗伯司馬司空贈太
師謚襄毅遣朝臣造葬祭加若干壇公生嘉靖甲寅三

月十日卒萬曆辛亥十有二月十有五日生五十有八
元配王公繼府女累贈一品夫人繼孺官沈公可大女
封一品夫人男二長不矜錦衣指揮同知兄太學公子
立爲後者也娶東明京兆崔公邦亮女次不盈錦衣指
揮使聘中丞王公永光女女二一適成其杰密雲游擊
前卒一字右司馬崔公景榮子胤茂中丞公狀公事親
婉容愉色所得祿賜盡以佐施予意有小拂俯首屏息
若無容兄卒撫孤如子昇以世爵生平闊達大度容人
之過惡聲不妄加僮僕帥劉綬齋黃金玉帶爲吳夫人
壽公奏彈不諱終不掩其戰功客造門門無留者座上

大泌山房集

卷之七十七

志銘

三十二

常滿詞賦方伎輻湊並進雖賤乞哀必曲濟之尤好
獎掖後生士執經受業蔚爲時棟者鵲起傾家廩食里
餒人全活萬計聞公病搏顙呼天願以身代有詩文奏
議若干卷海內縉紳學士所服誦言言實錄矣余竊謂
有非常之人必有非常之功公非常人也亦有非常功三
遼人某子甲爲遼帥數十年習知其鎮人貧富勇怯微
富家子爲兵薦賄乃脫壯丁怒馬咸籍麾下以故名能
戰而實不敵強虜伺其情歸製諸羸弱爲功身首功中
率封微侯子弟姻戚監奴爲督帥數十人家益實伍益
虐虜月入寇我日報捷所失堡壘爲田久之莫可踪跡

雖効罷多與援冀復舊物遼帥數易令格不行集天下
兵救朝鮮遼當十二兵所過蹂躪甚虜倭使往來覘遼
易與耳然虜卒不能掩倭斃頗我倭卒不能踰朝鮮度
劉我則以公在曾未三月大創虜帥宿帥爲短氣掃積
肅振積衰遼始爲國東敵功一也播酋再犯順不聲罪
致討悉我寧夏朝鮮之師疲于奔命目已無蜀黔水西
舊陽赴義討賊而陰觀望成敗蜀黔人苦禾木用兵苟
旦夕無事言撫者十九司馬賞格以夷攻夷能平播者
與播余時守川西告公不可夷酋力能得播惟安氏耳
臥榻之側豈容他人鼾睡黔人所臥則安氏榻益之以

大泌山房集

卷之七十八

志銘

三十三

播西南非我有矣公是余言削其格不行所徵安氏與
他夷兵不及十一安氏莫測意嚮見公用兵如神棄其
子播中不顧罄控縱送惟公掌握而播始平最後爭播
界片言折之至今無二心功二也從嘉靖末河大決以
十數決旋築築旋決相尋無已山以東河以南北畿之
南南畿之北民死于河若死于治河者無萬數而吳越
江湖漕粟沉舟微調竭澤不與焉公開泃河天下始知
河之利不足恃而害則可避破拘寧華沿習所救民命
節民力不勝數功三也嘗欲復舊遼陽與開原廣寧相
望道直若弓弦易守欲開泃河下由鴨頭集落馬湖北

岸至宿遷盡去黃河諸險會去位不果繼公爲遼爲河
者不欲言其人心忌陰壞之賴天幸無虞故略公諸政
蹟而于三事差詳屢識其小爾憶余游梁始締交公甚
款已事公蜀羽書旁午剖決如流知彼知已發必中窾
點榮瞻落木木告竣特疏薦余後爲僚友所誣公明其
不然踰數年讒人數中白簡貽書慰藉既入朝手書訊
將才兵政問效一得欣然受之三十年知已之感能幾
何人所爲不辭固陋而志公墓者以此墓在某所銘曰
天祚我明保茲

天子資以良弼資之共理魏者大名扶輿萃止篤生哲
大泌山房集 卷之七十七 志銘 二十四

人其根仙李馮翼孝德備道全美腹滿甲兵聲含宮徵
量既溟涵標復山峙經文緯武惟

天子使盤馬漸工雕蟲謝技遼海孤懸虜邊鄙兵氣
不揚鼓聲時死亦有島寇長蛇封豕震于其鄰因勢抵
堦公奮誅虜虜衆被靡殲厥跳梁爲樂浪鯨心戰先聲
島寇遠徙夜郎遺孽出狎虎兇三宥七縱何校滅耳逆
我顏行殄我生齒

天子西顧思公拊髀鉄鉞牙璋授公千里公無朝食必
先滅此五月渡瀘杖三尺箠麾城振稿率旗顧指颯類
封鯨渠魁昧雉千歲妖狐一朝穴毀弓射機槍慘坐旬

黃人捧日漏天許視畫野分疆有司官庀惟結裝永
劒刀未相出賦采薇歸奏采芑河伯不仁金堤歲圯沉
壁沉馬波屬雲委喉舌中噎異災大傀召公辛廬爲國
行水竭蹶而趨寧顧冠履迺闢河其流如矢黃龍青
雀尾銜翼比轉粟坻京夾岸塵市揮手河伯爾自爲爾
允猶所禽河亦順軌九廟居歆九鼎勅紀玄圭旣錫將
宅百揆司馬圻父辨論造士于以四方柔遠能邇開誠
布公朗鑑平砥財勢絕免窟奚恃不通填環而飭簠
簠卒乘輯睦率夷率俾民狎其野郊無多壘周廟肅雍
虞廷喜起天不憖遺騎箕何駛大子微樂尚方頒梓生
大泌山房集 卷之七十七 志銘 二十五

榮死哀臣忠君禮典策備物龍光赫只伐閱雲霄芳徽
圖史馨宗秩祭巫陽招燬豈無名世豈無應仕絕終領
聞孰則倫擬荆楚之僨辱公知已辭雖不文諛墓所恥
公靈在天

天子叱倚擁衛左右疇離厥祉啓佑後昆貽穀是似與
國同休於昭萬祀

太子太保吏部尚書李公墓志銘

太子太保大冢宰延津李公卒

上爲輟朝賜祭九壇司空治葬侍從之臣奉命將事追
贈少保官其嗣子序品中書舍人目海豐以來冢宰數

不稱旨不能安其位獨公蒞職六年司內外計人無間
言奏最改玉聞望恩數與海豐同六卿中所不多得也
公諱戴字仁夫別號對泉其先澤州人九世祖真徙家
延津四傳至珩貴雄閭右未三十卒婦姚以貞節旌門
珩生國子生洙亦早卒娶於某生啓東曰賜谷公娶於
高是爲公父母三世胥以公累贈如其官母累贈一品
夫人賜谷公爲諸生知名數奇不爲感貴徵至公標鮮
穆少八歲日誦千言屬文秀逸十六爲諸生邑令監利
夏公試士得公與劉藩伯位大兩人召之邸中使諸子
相切劘夏公督課益勤兩人試相甲乙里有雙鳳之目
公以辛酉藩伯以甲子領鄉薦至戊辰同成進士公除
知興化縣縣受水賦充政重民大困治者務以嚴見憚
公損不急之作汰非常之供與民休息而考事西筭邀
遮其詞靡不吐實豪猾無可容矣汝寧千戶所者在汝
寧郡而事隸江北相距遠當嚴戶口衆無敢任諸臺以
屬公公屏車騎往密察情僞召集其衆於庭一一指數
之皆汗浹背叩頭誠如公命至今奉爲準令焉入闈校
士所拔皆一時之選人棄我取如吳汝倫李伯春吳遂
領解俱爲名進士河淮溢挾泗水下興化當其委城且
沒公奉檄按他郡聞變馳還縋而入以身先士民乘城

大泌山房集

卷之七十七

三六

福苴漏隙隱民無食盡捐辭粟舖之富家聞風平價出
糶邑免流亡水患小挺諸臺責逋符雨下公持而泣柰
何助水爲虐催科政拙吾甘之矣諸令皆三年徵公以
課不中格後一年拜戶科給事中首疏催科事宜曰稽
侵占嚴追償處偏累禁詭寄所耳目籌畫之素也
上采而布之天下嶺寇平復言善後四事清稅額重撤
兵塞盜穴勤撫恤俱見施行有欲毀英明閣者公言
先帝建閣有深意三年無改人子至情矧未大祥事遂
寢他如議解輕齋銀申飭遼東武備令河東長蘆兩淮
三運司劑遠近增損改屬以便民則私販絕而嘯聚者
大泌山房集
卷之七十七
三七
無緣爲奸後二十年開封歸德二郡不行河東鹽實自
公發之已掌禮科有申學政正文體督憲臣嚴降罰之
疏其秋鄉試有選分校檢遺卷慎彌封禁詐騙之疏明
春會試有嚴號席密巡綽謹謄錄重後場之疏宗伯簡
公分校得民譽王世揚王國揚芳姚嶽祥張希阜程達
譚耀蔡逢時喬學詩馬崇謙陳一洙若而人布在卿寺
臺省藩臬即署而其首張棟以清直聞三吳尤著江陵
數稱公通達國體公卒無私謁外遷陝西叅政督驛傳
糧儲會計歲用若干四季徵直於官官爲僦募出納有
程歲省數萬金民得歸農彫尅大甦秦人迄今遵用之

江陵方嚴驛禁大臣策蹇而寄食保備開衣冠塗炭阿
邑者指斥日苛按臣某子甲同公令江北已擢爲郎而
部使者劾奏賂賂巨萬公受記鞠無左驗獨性卞操下
如東濕薪耳其子甲憾之比按陝益狠戾敢往公持正
不爲狗兩監司以公事過陝而乘驛不宜按臣失撫
臣歡私以兩乘驛者名上移書政府謂撫臣曲聽公庇
其所私朝臣知其故兩人坐率原公不問三年報最奉
表入賀尋以冗官裁未三月復除故官兵備河湟未上
擢按察使仍在陝政府以刑名繩下歲計大辟多寡爲
殿最有司巧詆慘酷公質確其過所寬降事數十條任
奏議某躁而凌鄉人又與邑令不相能邑令按臣同榜
也誣任殺人按臣既上彈文生拘將蔽罪焉會暴病死
而諸吏凡黜爲民奪身若親所得封命例久不行奉嚴
旨追治如故事自任始衆疑當路有積怨深怒於任不
爲未撥公力白之于輕比已擢四川右布政使署篆積
羨六百金識而詒後人遷山西左布政使錢穀所司俗
目爲利藪公出入數百萬賴若畫一而更覈征稅均徭
役招流移省浮濫革里甲開機房寬行戶軍餉宗祿以
時給廉惠流聞入覲述職甲諸方獄拜右副都御史撫
山東山東大旱千里無人煙躬禱泰山甘雨立應明年

天沁山房集

卷之七十一

三六

復饑極陳災狀並上蠲賑之宜留漕糧備不時需疏累
二十篇悉報可而身督諸長吏計口賦食吏無侵牟東
人乃蘇黃雲峰焚惑亡命事覺株連數千人公得其情
此饑寒所驅吾輩與有責焉論其魁抵罪餘不問御史
拊棘露索士過苦諫而走出叩公門公披衣出臂曉之
諱乃定三年晉刑部右侍郎所舉刺不市恩不避怨郡
李某子甲恃甲科而貪黷之邑令王自謹廉吏也以貢
途不收特薦之尋遷左侍郎多平反如按察時而申救
李中丞一事大爲薦紳所重已遷右都御史總督倉場
上每括正供爲私玩不應晉南京工部尚書未上改戶
部尚書兼右副都御史董漕運撫江北江北舊遊稔知
其利弊所興除無不厭心烏寇犯朝鮮簡師敦陳樹之
風聲四封謐如而歲復災請以帑金數萬活之初公令
興化疏革浮糧二萬撫臣不可至是令歐陽東鳳援公
故牘疏開事下公公對此故臣所欲爲宜改折如令議
形家言淮流太急於郡不利爲建興文闢士一歲五登
第而闕闢亦素封傳世以爲公功三年以故官調南京
鈎校吏胥爲奸利者已爲科條若貴司屬禁侵冒定輸
差清交代之類官吏軍民咸受其賜尋改司空以繼母
喪歸請得祭葬服除廷推任冢宰者七人公名居後獨

天沁山房集

卷之七十一

三九

被簡用屢疏辭不允乃就職

上久不親郊廟御朝講國本未定中使伐山榷稅方內騷然言者放逐相踵君門萬里卽宰執密疏不報諸署遂蒿塞路公至卽以建儲貳撤稅使請

上領之其用臺省三十餘疏不止也宗伯益都馮公爲少宰有當世具公同心僂力事相參決每疏出天下傳誦之郡臣吳寶華鉅以抗中貴下詔獄倡列卿請賞若明職掌定陞除計資俸酌南北量調用均邊腹分勞逸按卓異搜遺廢恤起服優終養於人倫國體大有裨益兩計內外吏黜陟明允六年秩滿加光祿大夫太子太

大泌山房集

卷之七十七

墓誌 三十一

保尋以東官恩進階柱國勳郎王士騏論事激切犯政府公恥塗附而妖書獄起金吾有嫁禍於其僚者僚於公有連以撼公因決求去疏十二上予長休告

皇太孫生詔方面官存問歲給輿隸月給廩米公不受部使者報命方以賜環請而公逝矣公所爲德於家者先世之遺推與其弟中丞考績當任子公年甫艾而以弟載應詔今爲鶴慶守立義館歲時伏臘集宗人祀先燕毛序齒讀禮說法修家譜以綴屬之母舅高公蓮塘書院以與同人會文其中圯而更修之爲主祀舅及諸友先逝者女弟爲朱正傳婦艱於子爲立子自純而拊

之正傳夫婦死衣食之如初楊子階者內子猶子也少

孤而察其才可禦侮獎掖之分閭矣喬允德與公連姻所居沮如置之中含與連牆所爲德於友者朱好仁素侮公公貴愧不敢見而好仁以明經北上乏資斧失期爲辦裝謁選得魯山訓貸冠服餽牽之費可百金仁卒不負償申邦禎亦以明經北上客死爲棺斂而輿以還復助之葬任希尹赤貧依公終其身師夏令子亦明經爲余邑博士亦擢爲邑令所爲德於鄉者延津地斥鹵民鮮中人產而收事日煩上書行條編法土城濱河虞決易之硯甕身任東門之役上下來助邑有金城焉凶

大泌山房集

卷之七十七

墓誌 三十一

年饑歲賑貸必先戊子以金六百屬邑令食餓者建義家二區里無道殣邑孔道疲於奔命增千金爲廩置供張巡檢司弓兵十人直出胙城胙城斬弗予得復其故公之力也邑志缺佚禮博上纂輯而釐正之民之疾苦吏之法戒於斯焉徵建尊經閣明倫堂後藏書萬卷城東南爲樓祀奎壁又爲正修書院育士之俊又者士入試張筵以祖書聯句赤幘上鼓吹而導之貧生歲周之有差久而無倦所施濟不可勝計而自持則一介無妄受萬戶沐其者銜恩以筐篚謝不內長跽不已內若一裏久之取蒼白金在焉不記爲誰氏物緘處有私印拂

而視之知某也亟還之門人故吏以金幣酬薦者麾使大門之外無敢入公軀幹鴻碩腹如瓠而善容無貴倨態煦煦可親言者醜詆選郎以賞公

上詰責其厲公不爲動第引咎自責郎得全子部中或相閱而詆公用劉襄之爲中書舍人有私故公疏請廷臣覆試果才子也其敦厚持大體類此閒居酌酒賦詩晚年酒肉不御好養生家言跌坐調息誦黃庭不離口所延方外人其衆而不談黃白服食之術嚴事呂純陽子叩之輒驗或夢相酬酢構靖紫閣覽王屋太行之勝杖履時及行將游秦嶺嵩室病不果余與公同榜出夷

大邑山房集

卷之七十七

三三

陵劉司空先生之門同官秦中號爲衿契公疾革詔其子序品必以余志墓序品少不悉生時事以屬姊夫劉郡丞三年郡丞始次行實以來曰所未具有使君在余乃繹所睹記大都而志之如右公生嘉靖丁酉四月二日卒萬曆丁未某月日年七十有一元配楊累封一品夫人生二女一爲劉永脉婦永脉卽位夫子爲吾郡丞一爲德安別駕張方亨婦嗣子序品卽弟載之子娶於某有子二人長曰某聘楊某女次曰某未聘以公卒後某年月日葬於邑之某銘曰冢宰天官以均邦國均之爲言不名一德德莫如清亦莫如直世羶其名襲取以

邑直爲忿戾清爲忤刻太和元氣日湮月蝕猗與少保秉國之均解紛挫銳其德乃真銓衡萬品名也何徇外無避嫌內無避親內無失已外無失人澹澹如海熙熙如春朱門蓬戶朝賢鷗鳥清不形濁直不爲絞言者贖賸容者好好人官有能實惟天道天乎難諶不憊遺老爲時而出濟時未了玄關僊綠素所研精飯依虔奉惟呂先生黃金瓦礫別館蓬瀛往從之遊碧落紫清衣冠造蜺封樹佳城廼銘廼志世法世情

大邑山房集

卷之七十七

三三

大泌山房集卷之七十八

京山李維楨本寧著

太子少保戶部尚書畢公墓志銘

今皇帝萬曆甲辰以來海內名臣踰九十者三人其一為楊太宰其一為陸宗伯其一為畢司徒以貴則太宰改玉以年則宗伯望百司徒公介其間公生正德丁丑五月五日與先方伯同庚而公稍後同官于浙最為襟契嘉靖甲子公以楚左丞提調鄉試余小子登賢書以通家子師事公後官京師數侍函丈故于公尤所服膺云萬曆戊申十有一月二十有五日公卒年九十有二大泌山房集 卷之七十八 墓銘 一 乙

手筆貽子孫曰某以書生幸賴先澤甲辰叨第歷官四部尚書國恩報母乞卹典以重吾不德子孫奉其言不敢請而守臣以公耆舊鴻碩木壞山頽按故事上聞上輟朝下所司議祭葬贈諡有加等焉公名鏞字廷鳴別號松坡蓋周畢公高裔九世祖慶二公由河南遷池州為石埭縣人祖貴父永高俱以公貴贈南京戶部尚書祖母李母崔俱夫人公能言輒敏給如響善記誦受春秋通四傳不專一家十三補邑諸生癸卯舉于鄉甲辰遂舉南宮第五人除刑部主事曹務簡諸郎多文學上嚶嚶好古時論以為西翰公曰在官言官法比不精

可棄衡石而意量乎取律令及舊案討論研綜之老吏莫能欺而益博覽經子列史名家著論與累朝典故四方利病燦然指掌分宜當國稍羅致名下士為羽翼或諷公往見不可自銜自媒士女之醜行余實樸樸守間曹故當安能與高材疾足競進乎蓋尚書郎十餘年不調僅一校禮部所進士設祠馬文莊肥鄉張太保丹陽姜宗伯仙居吳御史大夫崑山顧少司馬之屬皆頤叩問望者也虜患孔棘計臣懼乏軍興請簡諸曹郎才者為司屬佐會計以公為冠

上報可諸邊鎮以餉為苞苴公指刺其狀勅厲將來而大泌山房集 卷之七十八 墓銘 二 乙

斟酌許之士無脫中國無漏卮所省鉅萬兩署且滿三考始得為浙江副使督學政先行誼而後文辭士習翕然一變所進退叅眾評不失毫髮向後臺閣公卿科第元魁相望於朝著間而攜李人為冢宰其息關說不行銜之遷叅粵右政事若投荒然公不介于懷靖共厥位尋擢其地長臬橋李黜分宜逐諸附離起家者淪胥以敗清議翕然歸公遷浙右布政使未幾以左使蒞楚肅皇帝末年有故鄉之思將幸郢邸不果而中貴人侍獻帝陵園者以所產菱藕蠶蔴進往往徵及旁郡定為歲例乘遽而行車騎嗔咽苛責供億小不如意榜掠雨

下公白諸臺

上不忘湯沐粉榆豈忍以口腹重困細民且非獻令婦
寺行媚云耳非士大夫所以愛君也宜寢不征著爲令
已遷應天尹海忠介方開府江南記下府體過倂公不
受忠介謝過而汰費役冗冒法豪強并兼與民休息戴
其清淨兩人由此更爲莫逆交往中丞專督南儲海公
爲之其政米鹽煩碎坐罷而總于司徒兼中丞節如故
特簡公公條奏收糧陪庫修厥晒場濬水買補六事明
作惇大上下便之入北爲右司寇爲左司徒亦領倉場
平亭疑獄規畫漕務咸切事情未幾拜南京戶部尚書
人記山房集 卷之七十八 藝文 三

疏言中都

高皇帝豐沛足食無策非深根固蒂之道因革之大者
有六事曰清坐派嚴徵解杜預支禁虛耗明給發慎官
守部議僉言允施用至今江陵貴倨諸八座唯阿如上
官公靳之稱病歸江陵去詔用舊德公拜南司空冢宰
已遷北司徒疏辭

上不聽有端慎敏練之目既上

上嚮學勤政寢不如初公是以有節財力覈邊餉停召
買定催徵清冒濫正風俗戒紛更崇儉德勒聖學九事
之疏聖聖忠讜後數年不勝其敝服公之先見矣丙戌

七十引年乞休

上念公老成優詔留之忽入朝步蹟遂以病力辭

上遣中官賜餼率存問其第疏三上

上知意不可奪從其請致仕乘傳還里俟病間有司具
奏召用戊子廷臣言諸國老持難進易退之操爲人倫
師長而眷遇過庸不篤非古尚年之禮詔加太子少保
歲給輿棧月給白粳丙申八十

上命有司造門啟居壬寅

皇孫建宥司啟居如初丙午九十值

皇孫生尊上

大嶽山房集 卷之七十八 藝文 四

皇太后徽號

上特遣禮部郎林茂槐存公于家公命其孫茂才汝樞
詣闕表謝

上褒嘉之曰卿齒德並茂三膺存問其以汝樞入太學
以彰朕憲老崇舊之意里居二十餘年務以恭讓節儉
表正鄉閭部使者監司郡邑長吏嚴重公有謀就問公
言不及私獨於關切民隱侃侃無諱身備三達尊而浮
沉間閑雖萌隸廝養折節下之歟歷三朝祿秩優潤而
服御不習輕肥耳目不邇聲色割名田畀學官贍士之
貧者已置前代忠臣祠田已置義田周其族與鄉人置

義館誨其子弟出刀布倉廩以賑歲凶賻不舉之喪掩
不葬之骸脫人於厄而人莫測所自來不可勝數也有
奴給事門下久矣知其同氣在椒房厚遺而遣之其後
貴幸德公寄聲謝公因託疾急退終秘其事不以語人
其爲長者類此形貌不踰中人羸若山澤之癯嘗病得
異人指授勿藥有喜旁絕姬侍未中年屏處一室旣大
耄而精神挺動齒堅髮黝視微聽遠聲吐洪暢卽壯夫
不如卒之先一日微示疾具衣冠招邑長吏諸博士暨
姻友齊會談諧如故意若言別客退令諸子孫婦孺羅
拜膝下語以修身齊家大道言訖正襟危坐而瞑配邵

大泌山房集

卷之七十八

墓銘

五

夫人生正德庚辰二月九日卒萬曆庚戌六月十有七
日年八十有一男子三人伯士涯官生卒仲以范戶部
員外郎亦先卒娶理問沈應芝女繼崔文光女季士渙
光祿署丞娶運同陳忠女孫男子三人范出者汝楠諸
生娶兵馬陳一善女汝榿卽特廕者娶崔廷臣女渙出
者汝懋國子生娶唐朝慶女繼桂一賓女孫女三人一
爲南京戶部郎中湯希閔子太學生世鳳婦一爲上猶
令沈國興子太學生夢珠婦一爲主簿陳表子太學生
一華婦曾孫六人楠出者文煒娶孝廉施天性女繼諸
生蘇鶯女懋出者鶴壽聘兵馬蘇至選女鵬壽聘知縣

陳光堯女鵬壽聘太學生章以恭女鶴壽聘廩生蘇仁
女鶴壽未聘凡大臣身後金石之文必大臣受事季子
與諸孫卜葬公陵陽中峰以志見屬余小子愚且賤何
所辱命豈推公不請卹典之意及之耶祖載有時固辭
不獲竊見公立朝六十餘年柄臣三變善柔者啟私門
講學者尙虛聲急切者瑣料條天下靡然從之公不徇
俗尙不談名理不標異迹闇然自修脩然自遠喜怒不
形寵辱不驚器識風度直於古人中求之耳

大泌山房集

卷之七十八

墓銘

六

來漸矣太史公有言廢功臣世家賢大夫之業不述罪
莫大焉敬次公門人陳孟文侍御所爲狀志之如左而
系以銘曰稽古成周有畢公小物克勤德懋豐弼亮四
世篤貞忠正色率下慎守封保釐東郊成厥終左衽咸
賴時乃功年百餘歲閑無窮公也苗裔底道同爲
三后臣大顯庸家宰司徒若司空惟德惟義古訓從不
剛不辱用以忠既心慎事位靖共政恒辭要樹之風先
後奔奏嘉績崇

三后是毗昭明融潤澤生民福函蒙猗與祖考今續戎
道汗則汗隆則隆見田潛淵龍德中降年永矣大耋翁

志氣如神清明躬生榮死哀惠於宗狀不必童而智童
野史無文私志衷采書畢命銘玄官以副太常與景鍾
一孫世式良治弓家聲國運俱穹隆

贈太子少保戶部尚書王公墓志銘

萬曆壬辰六月十有八日戶部尚書王雲澤公卒所司
以開詔宗伯賜祭司空遣官賜葬太宰賜贈贈太子少
保宗伯以歲杪奏請

上輟朝一日蓋典策物備矣踰二十年而其家孫參軍
執之以其所爲狀并所請謚疏草屬余爲志墓王氏於
吾黃猶江東之烏衣也余奉廷對公以侍御史監試讀
人沁山房集 卷之七十八 墓銘 七

余策而稱之因是定交後拜廷尉丞往還又二年睹記
宦蹟甚稔狀與疏叙事實約非無美而稱者爲之志曰
公名廷瞻字稚表黃岡人也其先江西樂平人國初始
祖省三移家黃岡以籍自占爲黃岡人數傳至仲斌生
思旻工法家言同知泰州有惠政民尸祝至今旻生文
奎文奎生濟弘治壬戌進士爲吏部郎歷官四川參政
祖父皆以公貴贈戶部侍郎濟丈夫子五人長廷儒次
廷陳次即公次廷揚次廷遷吏部嘗語人曰吾五子皆
可兒陳必以文章顯瞻必以功業著公少奇警好學博
物多通爲文出入經史總角補郡諸生屢爲督學使所

褒異嘉靖壬子舉于鄉已未登進士除淮安府理官理
官從侍御史按獄率以刻覈立威繁於秋茶密于凝脂
公獨持平例卽上測答不易人所原貸無數郡守爲應
城李司空嚴重難事顧與公相歡廉平慈惠之聲流聞
江淮間三年以高第徵郡人扶老攜幼數千人號泣攀
留者竟日拜河南道御史按視畿輔屯田勦賊中貴侵
牟度匿不可問公請杜濫乞革妄冒

穆宗在裕邸以閒田相易不許也諸豪斂手避公矣新
鄭與華亭構朝衆不直新鄭公言新鄭宜退無滋多口
以全大臣之體出按蜀蜀遠京師多蠻夷道當事者往
大沁山房集 卷之七十八 墓銘 八

往寬嚴乖其用公治在鋤強植弱而於折獄尤慎所黜
吏之不飾簠簋者若干人或救過不給投劾自免諸夷
來王來享若世官無得稽故嚴恭肅爲中丞意在省費
而簡髮數米不可爲典要公疏論之朝議兩存其說會
新鄭以首揆領銓公遂謝病里居新鄭遂揚襄毅還爲
太宰擢公大理寺丞少卿已擢太僕寺卿所居多聲績
張恭懿爲太宰以公按蜀蜀人去後見思擢公僉都御
史往撫之當用兵都蠻後歲比不登軍實物力耗斲矣
至則循行郡邑問民疾苦緩征薄賦民以還定安集建
昌松藩番蠻入寇諭之不受命潛師壓境寇莫知所措

禽其渠魁正法諸迫脅黨與一切貫不問于是僦廈去
骨諸蠻二十八寨男女八千人來降刑牲埋奴誓不敢
復犯更願易其姓爲編戶受田收事事聞

上賜金幣增秩奉尋遷副都督撫南贛治一如蜀吏民
謂之不煩尋移南大理卿已遷戶部左右侍郎督倉場
谷場以邊費訕于故額強半公酌盈縮量入爲出而寶
應湖通漕要地自高堰築淮水橫流寶應爲壑不知際
畔所齊限相傳多水怪西風起浪蹴天漕艘漂沉月無
虛日議者欲於寶應石堤屯更濬河避險未得堅決也
朝議以公習淮事遷右都御史督河漕撫江北諸郡遂
大治山房集 卷之七十八 墓銘 九

條列上諸工作事宜度水脉緩急勢高下人力難易濬
河及爲石堤數十里土堤倍之爲石閘五以時啓閉而
樹木護之至今萬艘往來不虞湖波惡商賈軍民指顧
謳吟此王公堤也所費十七萬校初估省十五

上嘉公功遷戶部尚書治事如故復賜金幣而以經營
相度暑雨蒸濕所使病矣移南京刑部用均勞逸公力
求歸上慰留不聽凡四疏始報可里居七年撫按臣數
薦公有古大臣風槩不宜投在林壑無何病卒距生正
德辛巳九月某日年七十有二葬于其所初吏部公居
父母喪廬墓三年公亦如是諸兄弟雖異母友愛無二

儒以鄉舉爲南京都察院都事陳以進士高第選庶吉
士學士家所稱夢澤先生者也其才傲倪一世出知裕
州與上官相持罷楊遷俱太學生子孫由科目爲名士
者相望獨公仕三朝位八座謫踰者後人濟美衆賢如
執之輩者方興未艾寧惟王氏無雙即黃文獻大國不
可有二矣公元配陳贈淑人繼皇封淑人次董次陸子
五人長同泰弟諸生娶知縣袁公某女次同恒選貢生
娶文學方公某女次同鼎郡廩生娶郎中江公沛然女
次同復太學生娶通判黃公某女次同觀太學生娶少
宗伯丘公岳女女三人長適知州杜公某季子太學生
大治山房集 卷之七十八 墓銘 十

某次適孝廉汪公某仲子邑諸生某次適方伯徐公時
可伯子光祿丞某孫八人長追阜即執之有文名任都
督府經歷娶太學丘公某女泰出也次追禹娶文學陳
公某女次追祖邑諸生娶憲使孟公紹慶女次追宗娶
州守汪公起雲女次追尚娶孝廉胡公某女俱恒出也
次追本郡諸生娶侍御曹公光德女次追鹽郡諸生娶
侍御穆公天顏女俱鼎出也次追同聘孝廉晏公某女
觀出也孫女六人恒出者適僉憲杜公仲仲子某適民
部章公天麟伯子邑諸生某鼎出者適叅政易公倣之
叔子邑諸生某適憲副孫公某伯子某適太學徐公某

仲子某復出者字文學程公某伯子某曾孫男某人某娶某聘某曾孫女某人適某字某玄孫男某人某某玄孫女某人連姻悉郡名族銘曰隆萬之間執政者專好人加藤憎人墜淵王公守中進不隱賢并以辨義異以行權直無爲絞和無附羶股肱喉舌左右後先功德旁魄兩淮三川既度秉鉞亦更鼓絃蠻夷率服請吏受廬懷柔河伯金堤屹然鐘勒常紀廟祀不遷方鼎斯屬而車遮懸鴻羽可儀鳳德靡愆西陵大國表著蟬聯祿位名壽嘑得其全振振子孫美彰盛傳哉此銘詩藏之墓延金匱石室史取徵焉

大藏山房集

卷之七十八

墓銘 十一

贈太子少保南京吏部尚書裴公墓志銘

余榜中多八座大臣而仕止適宜以功名終則無如清流裴公云公爲夕郎無子而多女余嘗謂之盜不過五女門君夜戶可不閉矣公笑曰此爲多財者言耳若某雖一女盜過門不入也今年公子汝申應京兆試見之美秀而文蓋公爲卿貳始生四十餘年升沉存沒之感悲喜交集也汝申以其父執蔡公狀屬爲墓志志曰公名應章字元闇別號澹泉汀州清流人也上世居福州元末避兵家清流七葉爲朴軒公榮寬季子西樵公鑑皆以公貴累贈資政大夫南京工部尚書母劉夫人先

是夫人夢邑北山樹黑幟高出雲表次夕舉公額如角識者占其不凡十六爲諸生尋以高第食廩丁卯入省試居停主人卜而得河間龍起之兆遂登賢書明年成進士授行人出使德晉兩王邸私覲貨賄無所受闕入入奏不能無鄉語公首吐清亮朝衆咨異壬申奉

莊皇帝遺詔宣示諸邊

今上哀縞御門天威不遠顏咫尺大小臣震懾失容公陞見進退不失尺寸

上目屬之拜吏科給事中初使遼左所至瑣科條其人周知彼已情形翔實上遼左善後六事要在按臣與兵

大藏山房集

卷之七十八

墓銘 十二

使歲時巡行率作興事屢省乃成此古人久安長治之道也從之已遷吏科右戶科左兵科都會考軍政金吾有自度不免者行金錢乞庇叱去之長昂諸夷酋數內犯公言邊將緩則翫虜急則畏虜聲東擊西避實擊虛我受其制非大創不可按劾棄師撫臣一人昏庸御史大夫一人縱賊浚卒裨將各一人驕蹇忮刻勦臣若而人輦輟之下封疆之外欽挹其風裁焉已論江陵建議三歲一遣大臣閱邊徒糜費耳當罷司禮馮保怙寵而驕內寺取太僕馬三千匹執奏勿予中貴人指謫大帥請察情僞勿偏聽江陵避其言無以難也凡三經秋防

多帷帳之畫擢太僕少卿所上給關防嚴舉劾戒侵剋
戮寄養事皆著爲令江陵有私人爲少宰欲致公門下
不得故公久不遷念二親老身八年于外遂乞歸省父
無恙而母適疾作視藥物含斂無憾人以公一日養真
不減三公而哀甚瘠矣服除起家太常少卿已爲太僕
卿太常卿釐正祀典言

太祖定壽春諸王及妃與功臣胡大海等俱侑享

四祖帝后廟後

四祖以次議祧而諸王及妃侑享如故大海等不應與
母后並享一堂宜祀兩廡別嫌微六陵諸妃葬金山者
大沁山房集 卷之七十八 墓銘 十三

世廟命俱祔享各陵殿罷本墳祭今

世廟諸妃無祔享於禮有闕事下宗伯覆上皆報可會
上郊天夜未半公赴齋所朝衆聞公行竭履如不及或
云太蚤俄而駕至驚嘆此所謂夙夜在公者也卽卒以
小忿辱撫臣洵洵倡亂奔命書御勅簡才望臣定之衆
曰非裴公莫可使也拜都御史往撫假以便宜先爲檄
諭反者詞殊剴切軍中讀之泣下反者知不可如何自
縛迎公數百里外至則集文武諸司宣布詔旨律令磔
渠魁王禮梅林王所于市宥脅從不問曾無一矢斗粟
之費而四封謐如有爲卽臺定亂頌者方諸晉公平淮

蔡稱二裴云

上賜金幣予任子公以仲弟應珊長子汝寧受之公兄
弟凡四人叔應徵漢川尹季應試常州府判而仲弟蚤
世故推恩先其子庚寅入爲戶部侍郎念父老請歸養
父命以仲弟仲子汝寵爲嗣久之父卒居喪一如喪母
時服除拜少宰再辭而後就列

上銜銓臣執法特詔甄別以聞公持平例才擬兩人量
移而已

上悉黜之公力疏救甫得末減僞書之獄與猜禍吏阿
邑風旨株累鼎臣

大沁山房集 卷之七十八 墓銘 十四

上怒方赫百僚相戒宛舌公昌言以蜚語中人此與腹
誅誅何異非盛世事而中貴人干選法所使關說號走
部者必厭其意不則摘章疏小誤逐諸子部郎殆盡冢
宰謝去以公攝公語諸中貴人吾不敢私人亦不敢受
人私脫有私者直暴吾過僂辱惟命中貴人語塞所推
轂多人倫之望人又以方裴行儉也已請歸襄父葬事
身先保庸菴築因有風淫之疾拜南司空疏辭不得既
上諫採鷹架楠木疏通錢幣彈治中貴人恣取財物者
省虞衡金錢巨萬尋以病乞休復

詔起南太宰三年虛席以待而公屢辭甫允無何卒矣

里居門無雜賓與姻故賦詩行酒或手談永日郡邑吏不通尺牘有造門者率避不見而于民隱極言無諱寧化吳氏子負父數百金知其不能償燬所質券連城有浮糧當事議分旁邑公謂宜豁不宜分旁邑憚當事奇嚴不敢固爭公正色曰泐如是詣闕上章余何惜七尺哉事乃已姊適余氏及從嫂馬老而貧輦之來生養死葬立宗祠圭田蒸嘗如禮而以其餘贍宗人爲屋數十楹居無室者饑授糜寒授襦婚授采葬授賻里黨歲各有差友人劉生伍生屢空贈遺相屬獎進後學若孝廉伍德隅逸人王相如並爲名士病力命諸子吾習知仕

宦多遺財爲後人累故家無長物若曹明經修行無負清白吏子孫吾含笑入地矣卒不及他所著諫草焚餘編蒲蠹餘二集藏于家公生嘉靖丁酉四月二十有九日卒萬曆己酉九月四日年七十有三訃聞

上輟朝一日追贈太子少保守臣賜祭司空遣官營冢俱如制元配曾夫人先公十三年卒繼伍夫人如夫人者何萬曹王余子四人長汝寵以廩生爲太學生娶華容知縣鄒時泰女先公一月卒卽立爲嗣者也次汝申太學生娶參議伍可受女何出也次汝甲娶諸生曾日恭女萬出也次汝丁娶廩生廖仕淮女曹出也女八人

長適貢士葉甘露子諸生鳳輦次適新城知縣葉甘瓠子太學生伯麒次適諸生雷一宋子諸生蛟門次適儒官伍繼序子楚雄推官經魁次適鄒國卿子太學生明東次適諸生王偉次適太學生伍如雷子胤華次適諸生伍可愛子堦孫男三養大娶伍壽星女汝寵出也養浩聘通州同知鄒明徵女汝申出也養晉未聘汝甲出也女孫一字諸生伍典學子以來汝申出也三十有七年十有一月十有三日葬寧化新材里安樂窩公居朝與故少司馬李公盛春參政蔡公夢說久要不忘以名節相砥礪號曰三酸李公先公卒而蔡公爲狀所敘述

交情不減古人余惟公仕宦至兩都六卿得以其官貴二親又得歸侍二親考終江陵執政諸顯者多以黨損名而公無染于辭

上比年慎爵賞官署幾虛公司空冢宰之命叩之如響又全公雅尚恩禮不衰於身後始憂無子而晚三男抱孫是必有卓行醇懿克享天心者汝寧爲汝申入贅游太學其亦不倍德矣夫銘曰輶軒使者華皇皇詠謀詢度爰周詳拾遺補闕黃門郎是唯無言言有章官府連體勢披猖舉朝儵鮓魚浮陽不爲卿圓爲阜方委而去之寥廓翔循陔采蘭白華香兄弟翁孺父母康君子樂

胥南面王顥願印印令問望移孝爲忠何不減分間者
誰羊將狼獾犬反噬國若狂咨爾開府鎮鄖襄尺一書
飛風雷霜鏡最疊疊膏刀鉞形弓盧矢玄纁裳元首明
哉股肱良忠貞成績紀太常司徒家宰貳卿行尚書虎
爪版紫囊歸去來兮老故鄉帝三錫命趣嚴裝碧山長
嘯焚其章天游自遠六鑿攘動靜以時道明光子孫壽
考得全昌我作銘詩丘中藏石渠信史俱無疆

南京戶部右侍郎贈戶部尚書趙公墓志銘

余與解梁趙公同成進士公旋出宰入爲郎無何以憂
去余亦出部隴右督秦寧公來守鳳翔及余從嶺北投

大泌山房集

卷之七十八

墓銘 十七

乙

劾歸公顧余漢上皆率率不及歎語追承之秉浙憲而
公先爲左丞已同入計周旋垂二載時有質疑依方辨
對咸出問表未嘗不憮然服膺也浙貢賦甲諸藩自倭
亂特選橫調徵發如雨災沴頻仍地財耗斂矣三中貴
人以織造采礦權商至異姦十九浙人虎視蠶食民其
餘幾公持三尺不爲動或姑餌而掣曳之剪其爪距衆
不佳懼而妖人挾左道嘯聚將逞其渠率藩豫曹也諸
臺名捕投鼠忌器余以白公公艱然此豈小過可曲貸
余生得其人檻車膠致京師他株連者不問而故將茅
國器自倭所航海來賈方物殊賤問之爲經畧與閩撫

臣所遣本意入閩風引至此諸臺屬公與余訊余謂及
岸不持兵仗故非爲難于浙而事端在閩請聞于朝令
閩詰之公曰然經畧者益都邢公也故勒播公子太僕
按蜀時刺之疑此舉公有他意然事理合如是卒無以
難所司督通稟急公益寬挺而錢穀出入衡量均一吏
不得乾沒民甚便之斥吏以羨餘進者籍記待非常供
比上之役余從公後暇則商評官屬畧短取長惟恐失
人每爲余言僚友中有好惡與人殊者不可聽而直指
多疑案擬二三賢令附會者因而成貝錦公贊余力爭
以免凡此皆朝夕所睹記老慙善忘不能悉數矣公初

大泌山房集

卷之七十八

墓銘 十八

乙

爲掖令知民所苦在郵傳首爲平繇比要丁口進田部
戶將干庭手書其登下而輕重役之猾胥司籍猝莫知
措手權貴附陰關說必不移易四境歡聲載路租挈先
巨室後貧民募民墾田萬計受訟頃時而斷不加刑嘗
誤決獄夜不寐以思未明求衣起而平反歲侵亟捐廩
以賑所奉蔬儉汰諸人隸冗食者千金廉得豪右主名
置之法什伍比耦相糾察告言無或保納舍藏盜不入
界矣集諸生授經談藝教以敦人倫植士節所貢薦爲
名人相望擢戶部主事掖人攀號生祠之以父喪歸服
除除故官察廉後職方主事晉員外郎武庫郎中佐大

司馬帷幄籌明有意數爲鳳翔守守如其邑時陝右大
荒人相食獨公備豫而慮周溝塹鮮少晉陝西副使治
兵其州其州民善畜牧羊或至萬頭公曰此可爲褐何
坐而食之募褐工轉相授貧富胥資以生董中丞上其
事爲賜金褒異以母喪歸服除除山東治兵青州故公
令掖時所習也其人饒魚鹽鑄冶不力農作搏掩推埋
四出攻剽無已時公如掖治盜法擊析相聞封內晏然
而闢汙萊緩收事賣劍買犢齊風翕然一變晉湖廣叅
政督儲精覈不苛晉山東按察使理遣疑獄千餘案與
直指意忤不顧也晉河南右布政使左使缺公視篆會

大汲山房集

卷之七十八

墓銘 十九

乙

岳甫河決饑饉荐臻貶食省用棄責薄歛中州以寧合
浙左丞奏三年最覲畢晉南京光祿卿應天府尹司空
加賦萬五十金公疏言外郡不忍加賦而獨加京郡爾
時民生殖差給今八蜡不通九穀不登藥傷補敗之未
能而忍重浚削之疏入不報晉南京通政使以年七十
自陳乞罷

上慰留之晉南京戶部右侍郎兼都察院右僉都御史
督理糧儲所上封事酌補餉餉屯政請蠲卹定改折慎
預支先後凡數千言悉合機宜而于預支尤有遠慮蓋
軍前期支三月餉出一時假貸而徂以爲常歲入不繼

脫巾起噪公于春夏麥未收預支一月不饜再支一月
仍留一月以需他故上下稱允會哭太僕喪謝政久之
卒公幼開敏從仲兄教諭公舅氏王生學專心輯志不
涉外務用春秋魁其鄉兩試南宮不第辟居神祠中忘
食忘寢以思所不解結于帶繫繫以漸而釋之書其日
行事有過則張座右戒無貳也兩司馬朱紫陽三史楚
騷文選太學衍義諸方伎家討論淹浹既老伊吾不休
家人竊笑是尚欲應制舉耶取海篇舊本參諸韻音義
爲詳校篇海歷十數年方成所著疏稿書牘外有南華
騷選音義地理通鑑纂要而嚴事李漢開漢壽爲之志

大汲山房集

卷之七十八

墓銘 二十

乙

更就正邢子愿焦弱侯界太僕校之藏于家兄弟五人
惟公就養無方最得兩親歡孺子之慕終身不改事伯
兄仲兄如父叔兄與少弟蚤世瞻護其妻子飲之腴產
資諸姊妹服食器用有益無因子弟就學者程之嚴官
中所得雖細物稱多寡分貽族里故舊凶年捐金周婚
塋若窘乏者累數千金然猶歔然吾不如吾祖好施也
病困詔于孫財而不行其德徒誨奢罔盜耳嘗飯糠覈
父見之泣公對曰貧者士之常見耳如太牢矣向後雖
祿萬鍾每食不忘茲日也衣必浣補看無兼味後生哀
馬輕肥畏不敢見督學宋公有國士之遇沒而營塋訓

述其子爲諸生座主侍御楊公子孫于澤不休務厭其
意有以橫逆加者見公貴而虞報怨公曰韓淮陰于市
上少年何若吾豈芥蒂此么膺哉王父昔被侮碎其扉
扉痕尚在撫之而嘆有容德乃大吾後人所爲食報也
事不如意輒以塞翁失馬語自寬官至九卿年踰七十
而遠巡退讓無小大貴賤禮之如一同榜李叅知恒言
趙公謙謹吾所不如也公名欽湯字師商別號心盤生
嘉靖十有五年正月十日卒萬曆四十有二年二月十
有四日年七十有九胥臺以聞下宗伯議祭加等冢宰
議贈戶部尚書司空議治墓如例王父景德仕四川白
大泌山房集 卷之七十八 墓銘 王

鶴驛承有至德人環門而詬閉戶不與校更貽之酒消
渴吻父良臣行如其父號長者祖父累贈如公官王母
楊母王贈夫人配陳夫人生子二人長標翰林院庶吉
士侍御史提督四夷館太常少卿以播功晉太僕卿娶
太常少卿孫惟清女次楨太常典簿娶侍郎李春光女
繼壽官侯訪女女三人一適諸生侯在職一適封御史
喬梓子應試一適廩生李希穆俱陳夫人出孫男五曙
太學生娶河南按察使鄭國俊女繼諸生尚復性女曉
天俾晨俱幼標出昌娶諸生孫懋學女卽少卿女孫也
楨出孫女一字中牟尹張應昌子鳳道公彌留詔其子

惟李君知我以墓中志墓道碑爲託其子不遠數千里
而來余不忍遽既詳浙事而宦晉時聞公生平行誼與
二子狀合采而志如右墓在先壠之北陳夫人祔禮也
銘曰晉有名都是曰解梁地靈鐘美公得全昌韻宇閎
深材具偉長爲賢守令爲清卿郎允文允武何用不臧
以長東海以靖西羌以奠中土以式南方吳帝舊京楚
帝故鄉之屏之翰之紀之綱朱芾衡葱玉瓚流黃邦家
之基邦家之光功成身退迹晦聲彰蒲輪且召箕尾倏
襄永言耆舊備舉儀章窈窕之事司空肅將其生也榮
其死也疆世德家慶於昭無疆史裁銘詩副彼葵常
大泌山房集 卷之七十八 墓銘 王

都御史胡公暨仲弟叔弟兩公合葬墓志銘

先大夫僉浙憲事時安居中丞胡公同官以名節相砥
礪有進士爲嘉善令而墨邑人訟其狀先大夫微究之
直指與令有連相駁不可而中丞謂李君執法良是直
指恚遂中先大夫白簡中丞亦以是不入薦先大夫居
恒娓娓道其事胡公生平知已也比余承乏入蜀則公
沒已久獨與子孫相聞而已諸子嘗乞銘于張少保肖
甫高宗伯敏甫未就而卒又十餘年茂才如川來金陵
以婦弟周侍御所爲公兄弟狀介友人程生廷鎮屬余
代置志墓夫公父執也兄弟三人合葬而其子因父以

及諸父又義舉也志何可辭按狀胡之先麻城人元季兵亂始祖法祥避地蜀家墊江已徙安居四傳爲鵬鵬生自明是爲環溪公名某以明經爲麻陽訓導娶朱孺人生子三人伯卽中丞石屏公堯臣仲玉屏公舜臣叔素屏公禹臣各以諸生高等例授散官中丞生而慧悟年十六試于邑今奇之爲具六禮得楊孺人學使者首錄予廩會有詔選貢無以年資公試第一而父友某居其次遂不就人謂讓德雅量知非凡偶近器也甲午入省試而叔弟病日按方治藥不欲行贈公強之乃往甫畢事亟歸護視弟甚謹弟愈而公捷矣邑令徵里社賦

乙

灑渠股引終古烏鹵生稻梁環海之民勒石頌德焉而安吉有江大祥之亂據梅溪市四出掠人或以反告公宣言曰么磨何恃而反吏處置失宜耳而潛出記旁邑簡兵以待某直指惕息屏語奈何公曰無庸將自及度兵且集傳檄諭以禍福而單騎入賊巢賊感竦叩馬迎公歸安烏程二令薄暮以兵來援公恐賊疑麾之退賊乃安遲旦禽其渠魁悉貸諸脅從而梅溪平直指偉公功將上之公言一把子賊無異疥癬之疾惡足與治而張詡爲已擢楚少叅憲副守巡衡永二郡禽徭賊長趙朝勝拜金幣之賜

乙

韓故財賦之府而浙俗侈靡相高公緼袍革烏食不過
一肉卮酒絕賓客知交之請旱澇爲文祈神立應語載
省志中人呼爲佛而中有特操未嘗卑節下意提調戊
午辛酉兩試年家子賂公不得因入北闕第矣明年南
宮以倖進黜浙人爲之語曰連科有胡公絲幣不得通
隱語私弊也賓興去俳優選童子奏鹿鳴之什知者以
爲得禮海忠介爲令事忤胡襄獄當穢官公爭之曰令
才守無雙惟拙事上官耳宜舉最以風寓縣海公由此
知名分宜父子市權熏灼中外藩臬私覲率千金公第
以來帛分宜亦陽浮道公賢撫中州至卽芟夷河上舟
大泌山房集 卷之七十八 墓銘 二五

子之扼人于險者以宗祿不給疏言狀甚剴切
上爲動色下部議賑貸而伊庶人不聽公孰何之會洛
中天鼓鳴星隕大異重仍公亟置秦庶人懷忤謬爲公
疏獻祥瑞者汙蟻之賴徐文貞白其誣公移鎮洛陽洛
陽何何庶人反公榜示曰此役夫邪許噪譁成市虎耳
庶人莫測公意所出情見力屈衷甲之士小挺已條刺
其十罪詭正非常爲不忠首詔削爵奪國檻車膠致中
都而公喪其偶楊孺人母年八十不就養連章請告遂
歸與仲叔居子舍承歡致足樂也母語公兒宗子不應
無宗婦且年未耆公泣曰兒不忍於逝者定省之暇枕

經藉書課諸子學不問家生產四年母卒哀毀廬墓如
喪父時妖賊蔡伯貫所過無不殘滅至安居戒勿犯胡
中丞家身貴倨矣與里中子敵禮而請寄則不應有大
寃陰爲道每歲頒曆徧遺親知皆曰此胡公所分惠非
常比也居廬僅蔽風雨田僅足養殮閉戶讀書如寒士
署其座右曰名不求全位不求極祿不求豐恐天道惡
我盈野無厚產衣無重裘食無兼味令後世師吾儉歲
時家燕會子弟執事歌詩侑觴娼優不入邑門爲鄉約
解以化誨細民墾菑除害蓋失數美修邑乘卽尺寸之
長不棄也蜀臺數言公名德宜及時登進
大泌山房集 卷之七十八 墓銘 二六

今上踐祚且召公而公已無意用世矣卒之日
上遣藩臣致祭稱公醇謹端方無愧辭焉沒三十年浙
人江中丞顏其門曰古道清風方伯陳思敬作萬曆杭
州新志載其賢甚著玉屏公材與兄埒同爲諸生齊名
兄游宦則奉父母于家贈公病三月不解衣而侍比卒
哭幾死以明經爲邑士師七入省試不偶久次當貢念
母老兄勞王事以例授散官朝暮母側如嬰兒之不離
懷抱也暇日一觴一詠無他營實于鄉者以十數令書
其名旌善亭中中丞叔弟相繼卒公不勝慟撫諸孤而
教之手錄古今文若干卷無一懈筆學者叩之如響周

侍御公父常謂侍御胡仲子不知人是非得失不知身
富貴利達不知家豐儉盈虛古君子也素屏公好儻
大節事兄如事師共學崇文書院中身行汲執慶十八
爲諸生而代父綜家政遂有目青後以增例授散官如
仲伯官浙公御母魚軒往伯曰阿兄拙宦自常祿外無
長物公曰所望伯氏如此弟與有榮藉焉伯署藩篆將
以羨金報公止之曰是形前人短且爲後來例更苦之
耳伯悟遂貯之帑伯桀黠奴與族販夫小有言必痛懲
之有諷者艱然曰吾重在兄遑恤其他直指刺中丞于
鄉而不得則公教勸家人素也初贈公以租庸之餘爲

大泌山房集

卷之七十八

墓銘 二十七

乙

支屬權子母立義店供更賦外錄未竟公卒成之當道
有問遺伯者伯歸而進之篋緘如故無小發取其中以
課耕勤種食入饒而好施貸不問息緩急相護邑無捐
瘠有緣公致富者而數人過改則更嘉與之怨是用希
常以節義謙讓善惡施報之語爲家訓署其楣曰話勿
說盡勢勿使盡福勿享盡以三恒言留有餘于子孫善
勿欺之惡勿競之美勿忌之以一公心求無愧于天地
語載郡乘凡八賓于鄉石屏公生正德丁卯正月二十
有五曰卒萬曆己卯正月十有二日年七十有三娶楊
某女封孺人子一人如華廩生娶銅梁別駕李某女有

子二人曰嶠庠生聘定遠給事田大年女卒繼雷某女
曰岫庠生娶邑人辰州守李某孫女玉屏公生正德戊
辰十有一月六日卒萬曆壬辰正月九日年八十有五
娶周某女侍御從姑也初以某子如楠爲嗣華陰訓導
娶李某女繼主某女有子一人曰啓嗣室杜氏子一人
如陵庠生娶御史帥某女素屏公生正德壬申四月六
日卒萬曆丁亥八月十有九日年七十有六娶黃某女
早卒繼王某女再繼盛某女三繼鄭某女王子三人如
岱如霍如恒盛子一人如川鄒子三人如漢如淮如海
側室某子一人如安如岱恩貢生娶合州鄧縣令余某

大泌山房集

卷之七十八

墓銘 三十八

乙

女有子三人曰嶠儒士娶蘇某女曰岫增廣生娶合州
鳳縣令匡某女曰嶠廩生娶黃某女如霍歲貢生娶邑
人城固訓導劉某女繼黃某女有子五人口嶠庠生娶
銅梁祁陽令李某女曰峻庠生娶合州南充諭陳某女
曰嶠庠生娶邑人兵馬指揮張某女劉出也曰嶠娶蔡
某女曰嶠娶黃某女黃出也如恒國子生娶合州給事
中文方女如川廩生娶周贈公某女即侍御姊有子三
人曰岫庠生娶邑人運判蘇某女曰嶠聘雷某女曰嶠
尚幼如漢庠生娶處州府判楊某女有子曰嶠庠生娶
蘇某女如淮儒士娶蘇某女有子曰嶠娶蔡某女侍御

甥也如海娶楊某女如安娶張某女石屏公三女長爲重慶中丞任某仲子貢生商盤婦次爲重慶學憲劉起宗仲子廩生世科婦三爲邑人光祿丞蘇某伯子廩生萬川婦玉屏公一女爲銅梁高宗伯啓愚仲子廩生揚之婦素屏公三女盛出者爲銅梁李某伯子庠生遠寧爲邑人太平論李某伯子庠生見龍婦鄭出者爲遂寧庠生鄭際可婦善乎周侍御之論三公也人知胡襄懋之定倭而不知胡中丞之降王直人知海忠介之爲國司直而不知胡中丞擁護之人知胡仲叔兩公之隱而不知其能代兄色養以成孝能存公交際以成廉出處

天淵山房集

卷之七十八

墓銘

于九

太常卿傅公墓志銘

傳公舉進士時余定交向後宦轍南北數相聞也而其子仲執孝廉兄弟交更稔又二十餘年公以太常歸余自蜀入越過其家又十餘年公乃卒公名作兩字元化別號楚築其先新喻人也勝國末祖斌齋賈蜀夔溪子彥芳芳子誠值紅巾賊徙江陵石馬頭市遂家焉誠子友才友才子伯海三世同居號義門伯海三子鉞鎮銘富而好施嘉靖中楚歲比不登兄弟出粟治糜食餓者殮葬死者有司以聞詔旌其門郡志載義士中鎮子朝珍舉丁鄉仕爲保寧寧國李官執法不阿分宜黨某爲今沓墨無顧藉列其狀直指爲救解不得遂自免歸號

天淵山房集

卷之七十八

墓銘

三

初仕時江陵執政鄉人附離之唯恐後而夷陵某子甲
怙勢作威薦紳反目公遇之無加禮典漕淮南所興革
中機宜淮人感誦勒碑志去思焉諸公卿稱其恬靜竟
有吏部之命而朝臣諫江陵奪情者或錮以計典公不
可與夷陵爭之強因求補外江陵沒鄉人株累無遺公
獨皎然部嶺北捕程卿盜千餘人訊僇渠魁餘盡原之
度人稱曰傅佛立祠祀焉撫賴中丞張岳與公仲不相
中遷怒公草彈文其母聞而驚曰是外所稱傅佛耶何
可以兄故誣之事遂已後數月不令母知坐密室理前
疏而屋梁忽墜碎其案夜復夢關將軍語之夷齊不念
大梁山房集 卷之七十八 墓銘 三十一

瘠田通稅稅之腴田久之力不繼腴亦瘠矣戶口流亡
公發帑金令有司具牛種募農墾治約三年然後徵仍
以田授之期年田盡闢當事交口言公功復固辭下令
平賦不失故額而止又以帑金下諸州邑置常平倉積
粟防旱澇島寇犯朝鮮我師往援大司馬以金十萬檄
糴餉遼海他藩不能應山東舟車相屬而民無擾又葺
館舍聚八郡名士肄業其中是年士第者半出公門三
載考最王父父贈如其官王母仇母萬元配周俱贈夫
人繼陳封夫人居東四歲家繪像以事而爲樂府絃歌
之官光祿奉常未幾以讒口歸年方艾也公居官廉山
東有羨金滿萬封識以遺後人既謝政屏處不謁有司
絕不爲人居間有言朝議欲相引薦者笑而不答故雖
世族達官而廳事僅容旋馬田數百畝差自給而已江
陵俗華靡匹夫披綺紈飾輿馬仕宦則高門大宅子弟
僮僕招搖市中公家子孫有儔才爲名士衣大布而補
之徒步與齊民伍奉公之教也與物無忤雖厮役不加
聲色獎借後進若已有之雅善詞賦尤長于弈爲縉紳
第一品無寒暑晝夜與廣陵方生以弈旨相訂傳于世
咸里中饑待哺疾待療沒待歸者無數疾革相率而禱
沒則相向而哭浹月乃已屬纊日召所善皮更鼓琴鄧

生度曲援筆作遺命唯和讓兩言訓其子已夢謁一尊
神遙以位公辭而歸問曰何時曰某時遂逝公生嘉靖
癸卯八月二十有六日卒萬曆辛亥三月十有五日年
六十有九伯子慎娶盱眙公喬杞女仲子恪卽仲執甲
午舉人娶新城令沈銓女叔子惟選貢生娶周茂才純
女周夫人出也季子恮娶石首大學士張公璧孫女陳
夫人出也少子憬娶孝廉高朋女如夫人劉出也四女
一適禮部左侍郎劉楚先任子啓和一適都御史張汝
濟子太學生柱一適給事中曹大咸子庠生國機一適
工部侍郎蕭大賓孫毓湘孫男十二人文昭慎出也文

大泌山房集

卷之七十八

墓銘 三十五

恭文樸文弱格出也文修文饒文炳惟出也文衡文蔚
文起憬出也文星文岳恮出也文恭諸生娶楊比部世
勛女文樸聘尚仁壽女文弱聘童明府大成女文饒聘
岳憲副鍾英孫女文衡聘陳文學計女弟文蔚聘宗人
述呈女文星聘帥方伯蘭孫女文岳聘茂才曹國樞女
孫女四人曾孫女一人所字皆名族格字仲執有文行
論次公行事而曾太史退如爲狀狀成太史亦卒其以
余任志本原公遺意也余惟江陵公性嚴重而深知人
荊州賢者輩出吏部郎兩人張中丞汝濟與公公先自
遠江陵沒中丞方主銓言者不察本末卒以此不大用

在公更有難自白者良可悲也優游林下二十許年多
賢子孫天之祚公自長遠矣銘曰世競榮利毀方就圓
矯矯太常中立卓然世多噉名如蟻附羶公也和光無
爲福先曰直曰清二美具焉救寧疆土定策中權旣遜
碩膚名亦舍旃比德以佛誨妬以賢毀譽任人行止任
天官班九列齒躋老傳令子聞孫鵲起蟬連天命不僭
人言何慙史狀史銘金石斯鐫讓名名歸大知大年

太常寺少卿陳公墓志銘

歲己丑余謁選人故事朝罷則謁省中時海寧陳公爲
吏科都給事中旅進一揖而退又十二年余自武林入

大泌山房集

卷之七十八

墓銘 三十六

觀公時以奉常里居特越疆顧余舟中數言而別又十
年余解分陝節訪邢子愿臨邑則公子祖臯中文罔身
亦幾不免子愿潛然出公書示余李本寧能排難解紛
而無所取今之魯仲連也且與君善君何不爲余言余
不知公何所知余比僑寓江淮從浙人問公家事云當
事者亦知祖臯寃爰書再三謝明審獨以公故獄不可
反而公邑邑病卒矣又五年獄解祖臯將葬公與母朱
孺人乃奉舊史董玄宰先生所爲墓碑屬余志墓余不
能報公地上何忍負公地下志曰公名與郊宇廣野先
世齊高氏至南宋入浙居臨安永樂間東園公諒從海

寧爲陳氏贅壻因從其姓于世榮世榮子亮亮子晃晃子經經子中漸以公贈吏科給事中母嚴太孺人四子伯爲公仲廣西參知與相叔與侯季與伯王父于諸孫中奇公伯仲以爲能大吾門而金壇廣文朱公舜臣與王父同爲郡諸生甚驩以女字公公十六爲郡諸生就婚金壇金壇曹太史見而稱之此我輩人二十有四以春秋舉于鄉再不第南宮歸而足疾三月不庭醫凌生針之愈隣人速公與叔弟于獄雖對簿手不釋書會試舉第四人出王文肅公之門授河間府推官時王母王孺人年九十有三公留朱孺人事兩姑獨之任其冬王大泌山房集 卷之七十八 墓銘 三五

母卒公承重歸服除謁選人奉母以往復除順德府憲令理官從侍御史按部獄出入官臧否經其手而執政方綜覈名實用法嚴幾輔吏奉行刻深公獨顧念官以推爲名卽孟氏善推所爲之說也人之自愛詭不如我吾何求多焉理出富人坐殺人抵罪者或白宜違嫌公正色曰人之命乃重于吾之名乎有僕行盜而主不知主坐死閱其詞數過若有白頭翁嘆息于側得情釋之臺使按劾惡人逮繫累百千公第治其魁諸吏小過悉宥不問所保全甚衆所平反不可數計暇則進諸生授經談藝四方聞者負笈從遊順德於八郡爲小而隣國

前帥賢成來學戶限欲穿矣六年以高第徵遮道泣而留行者二三百里內接踵呼爲陳佛至今尸祝之已拜給事中首疏請召用因江陵得罪者趙用賢吳中行沈思孝艾穆鄒元標朱鴻謨郭惟賢諸公會計吏疏禁餽遺念母家居移疾還子舍假滿遷戶科右工科左上營大峪壽官言者聚訟公爲折衷輒觸時諱壽官成上親臨視公以待從受緹衣之賜已爲禮閣同考官事竣乞致仕養母以有弟三人非例罷

命冊魯世子妃假道歸省遂不欲出毋不善也入報命尋遷吏科屬大計復疏申餽遺之禁至云有如餽及大泌山房集 卷之七十八 墓銘 三六

臣門臣當捐實系治如臣隱忍當按實先行治臣其或緣此詬臣反中臣則付之國論國法臣不敢知而朝衆更爲蜚語是夫陰招之陽卻之者也己丑復爲禮閣同考官科臣兩同考禮閣亦數十年稀見以是益誨殆矣居省中所言裁織造減營建修實政停助工皆關民隱國體復請登進陸文定陳恭介鄧文潔邢司馬王司寇鄒太常諸公皆名臣也已擢太常少卿督四夷館母八十復乞歸省行五百里聞訃匍匐奔還越三年有以行取考選過濫追論銓曹及公遂免官構別業城隅終老而贈公以輿論祀鄉賢喜曰無過佚前人之光于願足

矣建宗祠置祭田三黨有緩急脫朱孺人簪珥以助邑西路場窳窮苦言于朝均其役某千戶子歲荒自鬻還之卒得世官所受業師有子爲具六禮以婚而周其一歲之資廢姊族女中表姪賴公生有養沒有歸性不飲酒博奕不握筭不出遊惟以臨佳帖種名花爲適作傳奇小令令童子歌之以起倦色自六籍外剗心太玄潛虛好屈宋揚馬張左諸家賦考訂音韻所爲文上下兩京六朝獨不作詩賦曰不能及古人無以效顰自黜將塋母兄弟子姓衆各擇吉避凶公曰昔邾子繹利于民不惜其身苟利吾親何所不可甲辰冬啟贈公兆祔母日者言是犯公本命公不顧洩歲祖臯邁禍公自省生平未嘗寬一人而今寬吾子命矣夫儻居視子棠體叔弟疾公趨視而泣吾弟以身代吾訟吾不能以身代吾弟疾也安仁吳中丞過武林公詰之語良久輿歸中道疾作遂卒朱孺人與仲子以喪還萬曆庚戌十二月四日也距生嘉靖甲辰二月二十有三日年六十有七朱孺人生嘉靖甲辰正月四日傷其子又傷公以子死病不聊生辛亥六月十有六日卒年六十有八孺人事兩姑孝事公莊治家勤儉公以故不問生產晚歲奉佛虔卒時面西向方大暑天忽寒竟欬色如生長子祖臯太

學生娶儀郎錢公某孫女痛夫在大譴大何之域憤激哀毀死玄宰爲之志次子獻太學生娶吏科都給事中沈公某孫女孫男三其一殤存者仲邑諸生爲獻後娶孝廉丁公某孫女次佶太學生娶觀察凌公某孫女孫女一適中丞許公子良孫鳴岐俱祖臯出公官九列而蒙彼其之刺子出萬死一生父母婦因之死不得與于哭泣之哀豈方術信抑抑公所謂命非人力也余讀祖臯啟事曰先大夫居諫院江陵敗矣太倉未當國而細江陵者云江陵黨細太倉者云太倉人此無庸辨若以吳縣執政故併及諫臣先大夫去位後國是人情視昔何若而先大夫獨蒙不遑聲以就木也余與董玄宰自史臣外補所經風波非一旁觀世局祖臯語非妄衆惡必察焉爲具論之可藉是答子愿矣朱孺人從公崩側得書銘曰子無罪就死婦爲夫死父爲子死母爲父死維天降割亦泰撫矣父喻者死母踰者死子無獄死歸葬親死維天顯道故靡與矣知所微憾在損名耳賢愚同盡名安在矣兩舊史氏不徇衆毀爲死者一洗質諸達人辭亦費矣

大泌山房集卷之七十九

京山李維楨本寧著

河南左布政使萬公墓誌銘

某從先大夫游梁也萬淺源先生時爲方伯而中丞某子甲驟貴不習事先生數爭之中丞駢而拜璽書藩臬大夫以輿從故事璽書專賜中丞卽中丞一人騎耳諸大夫與自如中丞弗知也怒笞驛使語侵先生先生遂上書謝病中丞內愧愴夫何邑謂必先謝過而徐圖之中丞屬移鎮介直指藩臬固留萬端先生強起當

先帝元年迫述職行而讒就矣罷歸天下寃之卒未有

大泌山房集

卷之七十九

墓誌

一

已

能推轂者某讀先生狀蓋不勝悲憤也先生家九江故敷淺源遺跡舉以自號人稱淺源先生其先爲宋翰林學士頃勝國萬真人寧三寧三弟寧五七傳爲明朝顯自潛山建昌三遷德安之密田坂已徙郡城有爲貴州普安吏目者鍾先生高王父也鍾仲子珍珍子啟福是爲先生王父啟福季子位是爲先生父父王父俱贈如先生官而築室匡廬蓮華峰又自先生父贈公始贈公羨於財而好施里無凶歲饑人人莫不祝萬氏有後者而某夫人夢虹五色燭室中途有身產先生與一女女不舉矣明年宸濠反郡人竄走某夫人不耐攜棄兒池

中有老嫗收之謂夫人善視兒頃失嫗所在衆以爲神孩提時拾得竹木輒鞠躬爲執圭禮容楚楚可觀隣有登第而門懸幟者問知其故曰吾門當如是七歲受學塾師沈仁之日能習所傳十歲許督學使者檄邑試良家子贈公以先生穉弱辭先生不謀父兄私就試邑乃舉首贈公驚怪過望爲諸生督學使者大司馬濮蘇公亟稱之庚子舉於鄉明年成進士觀政刑部精法家言漢廷老吏弗如也大司寇奇其才欲得爲曹郎而先生次當出知州事移文冢宰授南京刑部主事尋且召北而贈公頻見夢心動請急歸越九日贈公沒矣里人爲

大泌山房集

卷之七十九

墓誌

二

已

之語曰萬孝子生知死乙巳除刑部其司爲山東山東人有爲白蓮妖術者而丐分宜相子居間先生持不可少司寇劉公諷先生與其殺不辜寧失不經先生正色對曰相國子何所從妖人往還宜對鞠劉公語塞而上方事禱祠土木虛儲位久適京師地震條封事數千言多嬰逆鱗不報已酉遷員外郎其司爲四川庚戌遷郎中其司爲湖廣轄金吾獄金吾毆人死法應檢督卽陸炳有寵于上驕甚使人屬免檢不聽左驗明審金吾懼投井死炳大恚奈何死吾屬先生謂炳若不能率屬致殺人罪一不能正殺人者罪罪二鬻獄而今獄不竟

罪三炳恐乃已復有金吾獸行而羞其子訟子不孝先生廉得狀反坐其人故與中貴人歡中貴人挑炳言上大司寇坐免明年計吏炳中先生家宰所家宰稱萬郎獄獄不殺人以媚人吾黨之所畏也炳計阻先生名益著同曹郎李于鱗徐子與諸先生爲文識之其冬慮囚楚先生念楚距家一衣帶水勅家人無得通一刺有盜以黃金投外表家不言故而去先生以金付黃梅令比至楚投金者來訴執訊之立服楚官吏士民相戒無復造請矣而先生所平反與生比視故額過當還秦居上考癸丑出副演憲事治兵曲靖分宜柄國昵其鄉人鄉人八座纒屬獨先生不可得親疎其子銜先生媒孽之無端以是不畀善地而遠處之滇滇民夷錯居猜禍吏賁緣爲囊橐夷時時聳邊鄙先生振裘持領舉綱收綱三年袍鼓不鳴稍遷叅政福建所部爲興化泉州兩郡倭犯興化先生并道至問帑中財千金而民不知兵城殊惡縣金募敢死士乘城而守下令四郊皆清野無齎盜糧更伏奇兵待賊賊薄城守者矢石雨下奇兵微擊之斬其渠衆遁走興化人爲興誦篇行邊記揚詡功德而某夫人訃至矣父老子弟遮道泣留不得代先生者不設備城遂陷壬戌復除湖廣無何遷福建按察使

大泌山房集

卷之七十九

墓銘

三

已

是時倭蹂躪閩瘡痍未復先生益務爲平恕訟庭常下鳥雀而重繩貪吏以蘇細民倭再寇先生奉中丞令居守賊潛從連江踰北嶺侵省會先生以千人覆嶺下三千人爲啟肱度賊過合而衷賊賊大潰斬獲無算論功賜金幣甲子遷湖廣右布政使楚歲苦沉舊死亡蔽野先生爲荒政十二事上中丞其目曰請改停行平糶興工役留贖緩廣賑濟禁勸借蠲屯糧清餘稅省詞訟防寇盜中丞施行之所全活無算景恭王薨國屬內徙供億繁鉅將加賦先生白臺使即以景藩祿爲供而首括所理贖緩三千金佐之民不病役充矣丙寅遷河南左布政使筦庫吏高下手郡國納賦者苦之而左丞不無私其羨吏益恣先生爲室署門左右諸納賦者宿其中朝暮立堂下錢穀自衡量吏洗手書姓名牘尾而已所省儉費侵牟可萬金積羨稱是以市穀行常平法至今受其賜而爲讒口覆沒怡然脫屣去不一置辯築北山草堂開三逕與故人長老過從冠蓋造門卽不以出亡爲解語不及私草堂之畔設塾課諸子各業一經而以孝友爲政以義方爲教置田五百畝助族人公家之稅籍田所入共歲時伏臘祭享周昏葬之不給者建家廟定儀注條家訓衍

大泌山房集

卷之七十九

墓銘

四

已

高皇帝之諭言而以時集家衆詔之其不若訓者長跪
庭下受罰不小貸家衆廩廩追呼不及于門則又捐白
金隄三洲以爲士民先而郡不受水矣邑學官故地在
河壩半爲桑田形家言當復故不惜割督亢而學復還
舊觀矣其食不厭葵藿皆手所樹藝五畝園中物其衣
桓褐敝補躬行節儉若田庚寒暖而晨起必焚香望闕
而祝侍兒或非笑之先生曰老臣累官方岳奉職無狀
缺焉銖兩之報敢以江湖忘國恩手題草堂之楹心懸
魏闕三千里身臥匡廬第一山而閔遼左中倭王師有
得失口授孝廉嗣達方略兒幸得第南宮爲具奏庶幾
大泌山房集 卷之七十九 墓銘 五 已

効狗馬朴忠萬一屏居三十餘年于書無所不窺其經
濟大略與理學精蘊則有草禺子若干卷人紀新書若
干卷其兼綜二氏則輯雙劍峰之龍門寺而曲暢西來
之旨作匡廬圖考服食却病延年則有五龍蟄法戊戌
夏初忽篋架上諸書惟堪輿筮策家禮數畧在座右已
晨起櫛沐默坐舉燭命酒罷就枕少選被衣呼諸兒來
天地有根亦復歸根往來生滅悉爲之君人有烝海總
歸寂滅長生之人不死之藥安在乎此吾歸根復命時
矣遂瞑先生美姿儀而豐下舉止凝重外飲人以和中
有特操所職刑名錢穀米鹽繁細一一精覈經營四方

猶見之鳥寇西南夷而無知名勇功折獄明允全活奚
啻千人陰陽當封而位僅藩服不及乘長安六尺輿駮
陸炙手可熱能與之抗不爲禍而當皇路清夷時爲一
修口語小卻者所汗蟻綱之終身然優游林壑年一世
而贏而以耆舊長爲祭酒表正鄉閭子如荀龍抱及曾
孫文行蔚然爲方內閭家豈易也哉先生元配夏某女
繼室楊吏部郎某女封贈俱夫人助運者李子男子八
人諸生嗣善太學生嗣道諸生嗣大嗣龍嗣夔孝廉嗣
達諸生嗣适嗣升女子子四人孫男子十有二人孝廉
堯年諸生堯諧堯仁堯封堯隣堯俊堯堯堯輔堯弼堯
大泌山房集 卷之七十九 墓銘 六 已

章堯中堯功孫女十人曾孫男子二人邦寧邦同曾孫
女子六人所婚嫁俱右族詳狀中先生諱衣字章甫春
秋八十有一其生正德戊寅五月二十有六日其卒萬
曆戊戌四月十有三日其葬以卒之明年某月某日其
兆黃田山之陽鶴雲洞天所自卜自命也先生三典省
試嘉靖戊午則雲南甲子則湖廣隆慶丁卯則河南所
舉士爲世名人非一某最無似而治命猥以某任志墓
將無謂汙不阿所好耶某何忍負志旣爲之銘曰九江
彭蠡萬流所歸匡君之廬刺天崔巍灌輸靈秀吐納清
暉神降生賢昭受不違行有坊表言有壇宇總統流略

括囊今古視草舍香奔走禦侮勳名孔昭文武具舉相
國大尉攝柄當軸志在必伸義無受辱九關虎豹神羊
可觸奮其鋒距何有五鹿孤高廬嶽博江湖孰謂斯
人而仕靡靡浮雲爲幻白日易徂籲天難謀訊之靈巫
天曰錫公多男多壽五福三祝爵祿芻狗純終領聞沒
而不朽江湖廬嶽相爲永久

四川右布政使陸公墓誌銘

陸之受姓傳自齊宣王少子封平原陸鄉其後有漢大
中大夫賈徙居江南爲吳遜杭父子晉機雲兄弟唐宋
間爲梁先贊佃游五季有避吳越王之召者曰忻自武
大少山房集 卷之七十九 墓誌 七

林徙山陰十有一傳而青山隱士某徙歸安思溪又五
傳而隱士坦徙綾湖方溪坦子肇肇子瑞皆以南洋公
貴贈布政司右叅政南洋公名綸字理之治春秋年垂
三十補博士弟子員丙午舉浙江春秋第二人庚戌成
進士除南京刑部雲南司主事遷四川司郎中六載遷
雲南知府遷副使叅政皆在雲南已遷四川按察使右
布政使隆慶辛未請告歸凡宦二十有一年歸二十有
四年歿則萬曆癸未十有一月十有八日也距生正德
庚午四月十有九日年八十有四初登進士北虜闖入
都門從其長登陴而守譁鉦聲震地衆爲寒恐公色不

變覘者異之官刑部同舍郎以刑嚴文刻相尚公質確
其過恒傳輕比拘容某爭桃誤殺其弟嫂私念吾雖有
兒皆少非夫且相尋死願以身代夫因自誣服公讀其
辭而哀之夫羸弱婦人而能殺男子且以一桃故非有
積怨深怒也以白主者主者疑公內造請公仰屋嘆而
已已而獄上詰夫安在曰死矣立釋之諸子女無株累
羅拜庭下御史某曰陸公若所天也羅保殺人詞連其
雛孫某公曰殺人而謀諸雛人情乎孫得無坐某氏女
美而婿貧富人奪之訟于公有力者爲富人地公卒不
可是時公資不宜出守卽守富內郡善地而分宜子索

大少山房集

卷之七十九

墓誌

八

賄無以應乃予雲南公怡然曰莫非王土莫非王臣吾
何擇焉黔國公貴倨郡守手板庭下長跽唯阿先正張
莊僖撫滇嘗爭之不得公過其門車不下黔國束公僚
從公亦扶其門者因上書自免諸臺解構必講敵禮乃
已縉紳游滇者吐氣矣黔國監奴虎而冠部使者下公
治公好語之無謂我以前際撓治必廉問具有左驗留
其日數四訊之備未乎皆叩頭請緩須臾死以輕重書
獄百餘人黔國愧謝身無處所滇人歡然若得未曾有
也公以滇遠在萬里本椎結蠻夷所居國初稍徙民充
實之未可一切繩以法故其政不察淵魚不擾小鮮直

以柔道足事親附耳聞帥子罪當大辟或欲罷其世爵
公言罪人不孥矧其先世卒無奪昆明有變告者辭所
連染以見知故縱保舍納藏論公愀然傷之此聽失之
大者也願謝一官易百人命悉爲理出有誣逋責三千
而實負升斗粟者憲司慚爲所賣強伏其辜公不聽有
謀殺人者訟於公凡七人使獄卒醉之酒而曲探之一
人自稱熊夫偶見此因餌其貽耳公笑曰深山中六人
同謀爾身獨免反啖以利耶事遂白一日之野有鸚鵡
向前哀鳴忽墮地則赫然死人也就而視之已復爲鸚
鵡呼老嫗問故家先殺人瘞屍鸚鵡籠下掘之如生亟
大沁山房集 卷之七十九 墓銘 九

召其子孫昇以殺人者則四境頌若神明訟謀稀簡庭
可羅雀日坐胡床嘯歌耳久之備兵曲靖西爨產金升
人先致之臺曰樣金揮去不顧大貝奇寶一無所問尋
甸夷酋樹黨相攻撫臣發兵與擊公廷辨之第馳檄可
定安用兵郡倅某阿邑撫臣指公正色曰軍出以軍法
從事宜先足下倅懼而止遣使往諭四十餘寨酋悉
下若崩厥角稽首呼聲振天陸公老佛也公每按部雨
必隨之滇人亦呼曰陸龍王曲靖貌公象而生祝之禱
者受命如嚮既參政適有鳳繼祖之亂始酋鳳索齡奉
公約束秋毫無犯繼祖嗣擅殺其部官開府簿責急遂

反曹木者鳳世讎願助勦僉事張某督戰公策之曰按
兵無深入徐俟其敝坐制之耳不則勝負未可知載轉
相饒耗費亡功張不聽我師陷無一脫者公勃然曰是
不可忍以大義激三軍慷慨泣雨下軍皆泣願爲公盡
力而木氏亦悉衆自効繼祖竄荒谷中廣間謀懸重購
其黨信者虎斬首降捷聞賜白金文綺已爲按察使去
苛政平亭冤獄蜀人比于廉叔度歌來暮焉其攝司篆
也蜀王祿有羨七千餘金故與諸臺共之公搖首曰物
自來而取之爲攘義之所不敢出也悉致王邸中丞怒
公任德陰中公公聞而喜遂吾歸志矣投効乞休高文
大沁山房集 卷之七十九 墓銘 十

襄秉銓察公未老留之不顧而去里居非公事不至郡
邑門郡守李願縣令楊應聘黃洽中號爲方格欽公德
望數過存公終日言不及他嘗述蔣恭靖之言以詔後
進天下事有不善者不由我創有善者不由我革可矣
屑屑然求其不善者革之善者創之是好名之人所爲
也以故生平樂成人之美而惡聞人過均田法行烏程
首四區天目諸水所匯舊寬其額有議割以補他區者
公持之異日四區中水將安取埤益我兩敗俱傷之道
也楊公用公言勒石記之郡中諸縉紳爲監司壽公後
至或病公疎公謝曰誠然昔吾座主馮公語我子信疎

人不親子已耳無子憾也子如時疎而時不疎毀及之矣其實不欲負師之訓又賞言巧者易進而危拙者易退而安人忌危而樂于進我求安而樂于退君子謂之德音朝夕坐一室寡交接善惡樹所在鬱然茂材夏月曝背不張蓋無雕鏤之器裘質素不殊田父築室西塞虎入榻覺而默不言虎乃反走人以緩急告酌事理應之居約時附舟之武林舟人以夢奇公請交驩既貴網繆如故逆旅主人某抵法禁之不令知知亦不受謝也元配卞累封淑人貞而婉勤而儉與公儷德先十三年卒合葬郎村青山塢側室張男子四人卞出者伯永

大泌山房集

卷之七十九

墓銘

十一

忠舉于鄉仕福建歸化令娶盛生陳長春女張出者仲永錫邑諸生娶吳仕誠女叔五年娶建昌守周璞女季永德娶封大理寺正丁良卿女女五人卞出者爲諸生錢烱蔣紹慶婦張出者爲嚴憲許季序嚴廷儀婦廷儀舉進士官莆田令孫男十三人嘉勛太學生嘉勛思出也龍見庠生翔鸞嘉像嘉恒嘉泰嘉萃錫出也嘉鼎嘉晉嘉升年出也嘉復嘉觀德出也孫女八人所歸俱名族公豐頤而于思先後居滇十許年同輩嘲之爲土官稍遷蜀差近而遽謝事矣先大夫分守浙西治公郡稔其行事每以書示小子識之此惟古人中可求余佻

恨不盡省記永德嘉復以志請徵諸先大夫語信其何可辭銘曰居身者尚潔或舉體無潤刻深悍塞其賦才也劣理人者尚惠或緣循偃快闇然媚世其任重也寬吁嗟陸公皎皎如霜而豈弟慈祥寬而有制瞻傷察創綬我赤子覃被蠻方溫溫其仁而行無固曲虎臣號闕操之已感竹王邑君寢皮食肉清矣仁乎仁必有勇不激不隨忌辱忌寵和以天倪令德兼總沒有丘兮孤城傍生有祠兮渙池陽子孫式以兮祚靈長神往來兮受蒸嘗彼朱邑兮但桐鄉

大泌山房集

卷之七十九

墓銘

十二

福建右布政使吳公墓心銘

嘉靖甲子邑校舉楚聞者三八謝宗文周用馨吳士美而獨吳公位方伯其子孫賢且多自閩歸二十有八年不復謁遠人萬曆三十有五年四月八日卒年六十有九矣諸子卞以十有二月十五日葬于公所自卞兆邑某隅某山負某抱某而季丁使使遠入晉乞志墓中石余與三公同鄉舉于今四十四年尚覩然稱人於世而季子爲余少弟婿于公爲任兒所論次公行事皆余所習聞無虛美余以同榜兄弟復爲婚姻兄弟志非余孰任者蓋吳之先故三吳望族也明興始祖忠徙景陵忠生友誠友誠生瓊瓊生政政潮生鈞娶于丁生二

子繼娶于王生二子公爲長鈞以公貴封工科都給事中丁王贈封皆孺人公生爲嘉靖己亥十月二十有二日初父夢麟自天下其室紱之已而生公曰麟祥也耆而喪母慕則孺子禮則成人冠而爲諸生讀書道靖中非深夜不就枕非累月不歸舍聲色博奕一無所好家火光屬天隣人望見來救至則非也異之吳氏其興乎二十六而舉于鄉明年成進士除徽州推官微多富人好游郡國守相以爲榮飾有事行金錢媚賂而氣決矜奮訟不勝不止恒毀家以殉之公嚴杜請謁訊兩造務盡其情皆歡然就質郡獄失囚迹之移日而獲礦賊起

大泌山房集

卷之七十九

墓銘 十三

諸邑震駭以計捕禽魁首散罷其黨嘗署縣縣無城爲城城已署歛當校士士關說百千人焚其書寒咬得自見知名於時者相屬他郡理按事微修邊幅筆楚無辜民噪而爲亂公問亟往曉告之乃已上官嘉其能每以大觚投之迎刃而解薦于朝二十許章考最貽封親如令甲擢刑部四川司主事部故稱白雲司有白雲樓在焉登樓徙倚南望二親在白雲天際齋咨涕洟也士大夫聞而咏歌之有白雲遐思集居一歲所虜以其愛孫闌入塞擁騎款關中外戒嚴大司農憂餉無所出簡曹郎爲司樵移公戶部司樵臨清以廉覈聞商舟蟻附未

三月而召入爲吏科給事中商勒石志去思焉已晉禮科右兵科左

上初卽位察文武諸大臣而兵科長適缺當事謂非公莫能辦虛其長以付公公彈劾不避權勢人以爲允已晉工科都給事中並建兩宮禮成行慶封父如其官贈母仍孺人已視昭陵工省費累萬

上元年奉使祭玄岳及治襄王葬騶從供張簡約不煩已出爲河南叅政治洛陽洛陽吏盜帑金法當死令曲庇之卒拷訊正法二年擢貴州按察使未上擢福建右布政使其左入計公實爲政錄兩之姦無所不糾摘莞

大泌山房集

卷之七十九

墓銘 十四

庫不得高下其手諸賄餽羨金一切罷去閩人誦之然稍形同事者短矣大比司提調得士三十餘人多貴而賢者卒以前卻中考功令應徙官而念封公老矣誓墓不復出晉劉司空吳李中丞蜀趙司馬後先宦楚檄有司勸駕不應

皇太子生封公應詔從子二品服性不樂城市與王孺人及諸子居田中廬公月往省數四祁寒暑雨無間蒼頭奴子報平安不絕於途慟因母蚤世事繼母如之御三弟莊而和卽後先無違言三弟以嚴見憚事之在父兄間世父叅軍公鏗憐公矢母拊公而督教之恩禮有

加公事世父如父世母如母從弟如母弟他從父兄弟
十餘人如世父子從兄弟之子如子弟若子才者獎進
之有過訶詰之若寧波守文企季有兄心者也其于婚
姻鄉黨亦然以便嬖進者以居間造者輒勃然變色共
人逡巡而退里居非公事不入公門故人于旄過公鷄
黍爲款語及民隱娓娓不休絕不涉私伯子舉孫仲子
抱子而又舉季子食指繁各治第一區析箸季子受室
益不問家人產矣公身中人而面方鬚垂腹腹垂腴好
養生家言少嘗病遇異人授以吐納之術立愈已游少
林寺見大鞋僧與之談豁然所得益深五星六壬相人
大泌山房集 卷之七十九 墓銘 十五

相宅占卜之書咸有精詣每以難諸專門名家莫能對
也而于醫尤精著脉訣若干卷多出人意表飲酒可數
斗不亂宴會非大故必赴而不爲長夜飲家召客漏下
二鼓謝曰可休矣吾以是攝生奈何不愛人以德晚年
構別業東郊顏曰茹芝四時花卉蔬果畢具所善二三
密戚故友觴咏其中童子以吳歌管絃侑之興盡攜手
徒步而返今年微示疾杜門不見人寧波守覲過家命
處分後事召三子授之又兩月寢食如故浴佛之日起
坐不言而逝公名文佳士美其字別號鳳泉已更號二
室山人元配崔孺人繼黎孺人副之者熊三子俱邑諸

生伯貴婦歐陽茂才植女仲貞婦戴茂才應女季贊婦
李卽余弟中書舍人維楫女二女一適熊茂才續子應
時一適嘉定簿朱享孫運鴻季子母能娛公老而善教
其子辭翰之美爲里人所珍余弟所爲女相攸也孫七
人貴出者邦彥婦周茂才俱女國彥婦陳右布政使所
學女世彥婦朱吏部員外郎一龍女某彥婦魯茂才多
賢女某彥婦某某彥婦某貞出今三爲邑諸生有雋才
嗣興未艾也女孫二人長適茂才樊伯貴出次未聘貞
出銘曰惟魯文恪天衢龍躍九京不作垂六十年吳公
與焉領袖後賢內長掖垣外建大藩俄中流言前途何
大泌山房集 卷之七十九 墓銘 十六

害行年未艾蟬脫塵壘授楚覆楚變態幾許超然遠舉
齒德名位較魯相次後昆克嗣雲夢大澤有丘如畢于
焉窳窳鬱鬱慈慈享祀無窮第一吳公

廣西按察使張公墓志銘

張鄧西先生慈谿人也名謙字子受生有異稟誦書五
行俱下屬文援筆數千言十四爲諸生邑令楊公督學
使者何公奇之二十一舉於鄉明年成進士授刑部主
事諸郎多爲辭賦琴酒之會先生獨明習法家言諸郎
竊笑之不顧尋有建昌侯獄建昌侯張延齡者
昭聖慈壽皇太后弟也與兄昌國公鶴齡當

孝宗朝恃寵而驕北地李公夢陽露章劾之幾不免

武宗朝術士曹祖告延齡與奴馬景有反謀緹帥錢寧庇之祖亦自殺事得解延齡恬不知懲

世宗繼統尊所生母爲

章聖皇太后而

昭聖以兄嫂久母天下體故亢

世宗銜之武定侯郭勛意旨嗾延齡所殺指揮司聰子昇與故怨家天文生董至上變告事下刑曹曹郎某懼以計遷故事主事二人遞治獄先生已前治一獄竟而甫上陵還可小避先生慨然曰死生有命富貴在天

大泌山房集

卷之七十九

墓銘

十七

已

吾將安逃耶遂受委不辭大璫鮑忠遺所親耳語好爲之廷尉丞是君座矣先生謝不敏小臣知有三尺法耳

拷掠至所言反狀卒無驗

上怒遣校卒移置金吾獄去而屬郎林瓊復治之林公明延齡不反如先生議獨僭侈及殺司聰罪當論死而

已

上怒甚獄凡三上三下旨切責竟無所改易

上亦莫能奪也繫先生及林公獄杖之闕下初大司寇聶公賢憐先生羸且始獻可無更署名先生抗言獄自某始林郎不當坐況自免耶廷臣惴惴慮禍不測適有

星變永嘉相因以諷諫

上小霽威謫先生爲揭陽尉年財二十有三耳揭陽許氏女與漳人日者通漳人誘歸暫匿之渡口人家日者居肆如故許氏訟婿黃金殺女坐金死滅口先生微知女故在顧莫得匿者主名詭言舟子利女財沉諸江苦辭無驗械舟柁至庭責之曰當夢告我邑人來觀者無萬數密遣人察之一人竊言女匿其所何問神爲跡之果得女金誣白已攝饒平縣令事饒新建斗絕萬山中民負固積逋無算先生會計戶口田賦差次之單赤不脩病聞之歎然而稍逮治其豪豪恐願奉徵發無後期

大泌山房集

卷之七十九

墓銘

十八

已

兩月饒平大治遷福建建陽令首布令二十七條堅如金石猾胥市魁吐舌而籍諸徭役爲定式左右無得高下手汰亡賴少年之雇役者禽山中豪之武斷於鄉而拒捕傷人者越歲而建陽復大治遷保定郡丞歲饑守入覲先生亟發廩以賑活者三萬餘人遷南京刑部郎中有李信者其奴盜所主賈入金而坐信罪信不服先生察奴有異一訊得之曹事簡與侯公一元施公峻稍理吟詠由大曆開元至六朝咸所討論而以摩詰浩然子美爲宗遷守大名報至有不豫色所知問故曰今天下晏然而細民多愁歎聲郡守賢者務潔其身而已下

任刺史而上仰視諸臺使者鼻息官名知府所知何事耶過謁諸名公請所爲守方而鄒文莊獨本之忠恕先生服膺勿失也時六月不雨蝗飛蔽天先生馳赴郡道東明流徙相屬因慰勞之若曹以無主故至此今吾爲若主其自安卽請罷一切徵輸若馬價諸賦不可已者姑緩以待來歲衆皆泣下不徙入郡之夕大雨苗勃然皆熟其冬無雪徒步禱於神已而大雨雪民更相譴求天公不若求張公於是日延接士大夫父老子弟咨諏民所疾苦疊疊不倦得其要領二十許事爲禁懸之大都孔道人人譬曉焉郡之浮供冗役裁省十六七卽上官所建置于人情土俗無當徐徐陳得失必便民乃已所部邑長吏與之語推心置腹坦然不疑有進藥石之言者拜而受之筮仕不習事者耳提面命之新進少年喜事猜禍者諭教之不從則以白上官免之其賢者亟推獎之長吏不虞扞格各盡其用大計時率以賢能聞僅斥一二冗散小吏而已虜警中丞檄下郡以丁男萬人築當路塞不及者軍法無赦先生請以雇直往已徵馬芻粟萬金取諸帑羨民間如不聞也郡無井渡無舟具爲區處歲又饑下令以遠近先後受粟不移晷而畢寂無譁者復夜馳東明長垣二邑受粟如前法會官中

大山山房集

卷之七十九

墓銘

十九

已

變作長垣有蘇宮人與焉金吾使來械繫三族七十餘人家驚走莫知所爲先生謬爲恭敬金吾者共張甚設金吾大喜過望亦知宮人伏法上意不甚誅夷遂解三族人縛縱還濬人盧柟才士以醉飽過忤令令誣以殺人罪而部使者先入令言先生力爲分明之不得浮繫獄中數洗沐飲食之柟病俾其內入侍湯藥或時輟所食餉之柟涕泣上書及詩謝後陸冢宰來爲濬令援先生所獄疑出柟獄郡民解兌河間軍銀侵其半歲以爲常既覺坐永戊五十餘家先生白直指使者法固宜爾顧相襲久不以爲非今與約十日能償所侵免戍因長跪流涕自陳守失發舉罪直指使者惻然從之歲大水內黃爲甚以帑羨代其夏稅三年遷福建按察司副使未行而中丞令郡輸民粟二萬赴邊先生亦以廩羨代民養馬有餘地則徵銀銀逋至十萬餘先生請豁大司馬持不可至以不如率歲受罰怡然甘之而爲書傳諸後人後三十年楊司馬行其奏先生謝天自慰也去郡日惟琴書衣服數篋民號呼涕泣而送者十萬餘人建祠祀之語載大名府志中至閩攝督學事所拔諸生多雋異已攝巡海事海寇入犯督兵生禽賊二百二十人有詔賜金綺遷廣西布政司左

大山山房集

卷之七十九

墓銘

二十

已

參政念母老不欲行而督撫應公方討叛徭趣就道既至梧州遂以七山羅旁爲屬七山賊凡三十七寨居蒼梧岑藤博白諸縣間窟穴二百餘里山谷險絕林菁茂密梧人多爲賊間先生知之臥營中縱軍士樵蘇如平時賊不爲備而潛圖其山川險易及進兵便利處督叅將王寵朱昇各以五千人分道入適朝議伐安南佯令兵具安南餉而請督府別發兵防賊逸入羅旁值上元節置酒高會賊益懈而二將緣潯州上流夜倍道入七山賊臥未起聞砲聲散入林谷中我兵搜捕略盡閩人爲考功郎者家與隣相讎殺至殺官軍先生按誅數十

大泌山房集

卷之七十九

墓銘

三十一

已

人怨甚遂以計罷先生先生笑語部將幸賊且盡今亦弓藏狗烹時矣草上保七山事宜而後行蒼梧士民號泣追送建祠祀猶大名也督府上功以廣西按察使致仕歸築小園寢食其中無他嗜好惟手一卷誦讀如諸生時在留都鄒文莊與王汝中兩先生談王文成良知學因師事文莊而虞王先生言過高遠務約之於躬行晚悟釋氏與吾儒離合之故而深耻夫陰竊其說陽關其人者其學以敦倫體物爲本戶牖几案書古人格言嘉事常滿晨起效趙清獻必以所行告天切喪父毀幾滅性晚喪母戚醺泣血生日不爲樂事兄老而彌篤兄

卒事丘嫂如母宗族婚喪周其急有衆遭倭難捐田所人以食而於廢孤有加惠亭舍道路橋梁首事以率鄉人成義舉焉病者予藥死者予槨葬者予地四境胥受其賜跡不入公府邑大故若築城均田蠲逋議賑爲萬民請命不嫌闕說也少孤時受厄宗人共人客死呼其子以四十金助費邑子某爲獄吏窘先生後遇之梧州則已扞文罔特貸之且護其家口還與人言必指天稱先進若善惡報應事聽者肅然官三品家無長物裘葛數十年不易盛暑不袒燕居不狎見子孫必御衣冠歲時饗祀用朱紫陽家禮寢疾客臨視者猶與商略問學

大泌山房集

卷之七十九

墓銘

三十一

已

及國家大事既革無一悲怛語拱手敘容脩然而逝方炎暑色澤體不僵骨如有聲云所著書大學古本釋大學說山中寤語山中警語什訓西曹錄牧建錄守魏錄政略家居雜錄諭俗要語數公于俚言六朝詩彙見磯詩集養拙園雜著年譜若干卷張氏之先在周仲在韓開地在漢良其後睦徙姑蘇在唐鑑徙秀州在五代末元晦是家慈谿在宋處在明浩今有先生稱世德矣先生生正德辛未春三月十有三日卒萬曆乙未夏五月二十有四日年八十有五隆慶初奉詔進嘉議大夫萬曆二十四年某月日葬於黃公山之陽所自卜也有撰壽

藏記娶陳宜人先三十五年卒有二女子長適劉邑令廷華子諸生志立次適王給事交子大理寺副益貳室劉氏朱氏朱生長子應升邑諸生娶沈侍御一定女劉生子觀文浙選貢第一人娶劉方伯廷誥女孫子四人長光裕舉於鄉蚤卒娶王氏次光岳娶王氏次光輪郡諸生蚤卒娶陳氏皆應升出次乘聘姚氏觀文出孫女子四人應升出者季字秦某觀文出者光憲適顏督學鯨孫志尚望舒適屠儀部隆子玉衡益家字袁孝廉子某曾男孫五人光裕出者一麟娶劉憲副志業孫女一鳳一鸞俱未聘光岳出者一夔聘凌氏一龍尚幼光輪出者一化殤以一鳳爲後曾孫女子四人光裕出者長端許聘馮方伯叔吉孫元奮次敬尚幼光岳出者淑適周京幕鉉孫雲棟光輪出者靜字邑諸生姚孟然子元芝銘曰光岳氣分全德滋寡暖姝姝亦何滿假清談名理誰實踐者如畫魑魅不爲狗馬文學政事兼優則難遷客驕人傳舍其官仕宦齟齬退而慨嘆田舍是謀聲色取歡惟張先生潛修爲已勉勉誦習斤斤踐履衾影靡慚廉隅無毀爲學虛聲用雪前耻守令丞尉南北殊宜儒雅飾吏稱物平施庭列肺石道勒口碑尸祝俎豆所在見思孱然文士兵甲填習帷幄運籌尊折

衡山徭島寇取若撥翹帝庸大賚顯爾戎公詔獄廷杖不懼不憂豈以黜免而有怨尤髫年厲志大耋弗偷載賜載詠一壑一丘官不爲家家復何爲有子有孫清白相貽一家之言立誠修詞不朽者三庶幾備之申生力行衛公戒抑國老致養瞽宗配食月旦定評春秋紀寔史臣作銘爲後矜式

廣東按察使劉公墓志銘

甲申春余爲吳越游過訪劉公元甫於家方有嶺南長憲之命以母老乞解官留養爲詩六章贈余操舟送出界一宿而別察公貌小減益以兄喪痛如剝故歲盡余歸而公捐館舍業數月矣子應諸生高等所述公生平甚具第未有志之者將俟諸其人久之公門人馬襄陽敦若更采軼事爲狀屬余志余謫劣不足重公顧知公深者宜莫余若志曰公名伯燮元甫其字德安府孝感縣人也府東有小鶴山又三十里有大鶴山公與伯兄以爲別號焉其先江西臨川上頓渡人世受耕而貧莫能譜其支系獨周塘下灣有家累差大者曰知州公然名軼矣下灣五世祖貴瀛家小給生本旻弘治時賈房山竹山間已來安陸治田廬居之娶于鄒卒猶葬臨川生寬德徙居市南任俠自喜嘗出見鳳于郊娶于榮

生廷相繼娶于周無子佐之者楊生知州廷贊舉人廷
弼廷相公父也善爲星娶于方初舉公兄曰是必大吾
門已舉公曰是難爲弟不利阿翁則奈何父聿卒公兄
六歲公三歲母育之良苦出就外傳日受千言少司寇
何公遷見而異之謂其弟曰若次女有貴相此其偶也
遂締姻十六爲諸生蓋太父母尚無恙而甘毳不具兄
弟恒相持泣向人借書中分之默誦繕寫不失一字乙
卯春梁燕同巢異戶有李姓者久疫遭公于道攬衣祛
曰爾非劉某乎適張天榜爾領解榜出公果第一人兄
與焉下第游太學之臨川展墓反侵地乙丑兄成進士

大泌山房集

卷之七十九

墓銘

三十五

已

令上蔡祖始辛公以力學病醫百方不瘳靜坐一室澄
心觀道疾乃差戊辰舉進士第六人廷試對策首不爲
儷語例不得進御遂列二甲具疏陳母節詔旌其門故
事封者不得旌母獨以旌後屢封云明年祖母周卒奉
使歸葬還朝除戶部主事轉餉山西事竣改工科給事
中已遷兵科右刑科左前後封事皆關國體具焚餘草
中其處置廠庫花布科條後人遵用之請復故督府胡
公宗憲官尤爲縉紳所許高文襄以首輔領太宰報怨
華亭非時計諸臺省異已者以其門生爲臺省百許人
惟公三數人非門生繇才望得之亦莫收爪距之效公

無所徇又會江陵與新鄭卻出公爲陝西叅議守隴右
所部二郡及衛所文武吏千人地廣輪三千里煩猥填
委公手口並作頃時而畢兩造具鞫問服念必得情乃
已日晏不遑食家人請小休不可無教逸欲有邦作法
于勤其敝猶息敢自逸耶郡城引郭外渭水冬則冰堅
不可致鑿四井九仞而後及泉卽有警嬰城自守不病
渴矣商賈族處郊關城痺薄爲增廩之相學官地不吉
而有蘭若殊勝因易置壯麗倍昔召諸生肄業其中時
督課之名士輩出三年擢副使備兵固原甫上而洮岷
番入內地戕我官軍勢甚張有詔興師問罪制府石恭
大泌山房集

卷之七十九

墓銘

三十五

已

襄公咨公公曰洮階東西相距六百里在階名武都氏
在洮名吐谷渾羌各有雄長不相下階番居大山深箐
以木爲弓仗之上下石礮如獼猴不畜騎制許三年一
貢月朔詣州西廠市市猾欺之相構至掠子女圍困守
帥負固欺我兵衆無所用必陽示撫而刺得問道乃可
議剿也洮番邇洮河而至河州近虜西海架木爲屋覆
以土角弓長箭甲馬與虜同騎而馳如飛每貢有馬有
酥酪有刀亦與瀕河民相殺掠戕二守備官我軍出則
近故必先守而出其不意乃可議勦石公稱善非君莫
辨此賊矣遂屬公攝洮岷兵使事公請以總兵孫國臣

率兵五千來討公介馬犯矢石爲將吏先無敢不用命
又悉其要害部落以孰番導入穴斬其魁咄咄等二百
二十餘級移兵洮州至秀石關兵三道進斬首一百四
十餘級縱火焚死者千餘紫氣亘天二十里所俘獲牛
馬鎧仗無算番恐願爲白人領白旗者七十餘族論功
晉俸一級丙子監陝西鄉試所收皆知名士程式之文
多所校定已調雲南督學學政久弛上下相冒有不由
里選而游鄉校者廉得胥史薦賄舞文若而人論戍左
右廩廩其教先行誼後執文語具教滇抄中取士因才
品不局一格歲比士一周再閱歲凡再週饑不及餐御

大泌山房集

卷之七十九

墓銘

三七

已

燈火至明榻管肱敏姆令人摩按之乃信鄉人按滇寵
其銜前兒欲冒青衿公執不可雖嚴恭肅公子竟無所
私士瞿然顧化相砥礪期不愧爲公弟子于今斌斌爲
縣官用未已也考績贈封父母如例宗伯殿最諸學使
公居最詔晉俸一級已擢福建叅政便歸省覲銓部言
諸藩轉餉使爲枝官裁之候他除而伯兄方謝病里居
母春秋七十公喜曰君子一樂天奉我也無何兄辛公
自免母懷兄弟啟居無間一旦失之憂怖焦灼虞傷母
心避之垂涕浹衣挾枕席間無復宦情矣而有河南除
念母出入庭戶思伯子無聊奉之宦邸稍遠耳目所治

磁州冠蓋雲集又多盜桴鼓不絕爲清郵傳繕塙
嚴警跡寬徭省刑盜息而民安之明年提調河南鄉試
侍御史趙公重公錄文皆出其手得士較他科爲盛督
兄小灘省里役費數倍歲荒民棄兒于道懸金募人育
之而開廩賑貸所全活民立祠禱祀迄今不衰明年擢
廣東按察使將母來諭其疏畧曰臣父早歲不祿臣母
方生臣兄弟二人二十四歲守節臣兄伯生以南京吏
部文選主事子寧還里臣得違母膝下少效馳驅不幸
臣兄病故臣母七十四歲別無次男臣仕河南去鄉土
近母使就養廣東涉江踰嶺非母衰年可任臣頃調攝

大泌山房集

卷之七十九

墓銘

三八

已

失宜痰火上攻怔忡貿亂母復慮臣爲臣兄之續乞長
休告母子相依爲命臣不忍忘母異日復何忍忘君惟
上憐察吏部言令甲乞休官有勞績聞望者許從新授
里居劉某才堪用世志不阿時以母老辭天倫爲重俾
按察使致仕病痊錄用報可亡何病痢謂其子曰願之
推云吾家官不過四品若翁已三品未竟者留之後人
但不獲終事母死且不瞑孺子善代我爲子吾仕宦十
七年未杖屨一人在滄陽時有犯法當遣臺下檄重予
杖憫其老免之其人遂逸大索不得一日忽自首跪而
泣曰小人畏死故逸度必不赦故自歸言於臺得未減

吾生平未嘗受一介不義物若母所知在隴右成縣
某有聚納之響懼得罪屬取箱盛文移潛置黃金二百
金二十其中詰且始覺之白臺逮令下獄鄉非經宿第
麾却可矣余實代公守隴右相隨行悉其事賊平公乃
還治又數以事入原州公所爲開余若家人父子初公
癰以謹疾稍學養生家體瘦豐澤飲噉敵西北健兒力
御奔馬迴策如縈簿書精覈法令嚴整銖兩之姦莫之
或欺上風民隱所調劑興革無不中窾余願學未能也
監試余得副公公鑒裁審確直指及藩臬長意見不一
折衷持論與余多符賴以齒于人次始余與公及潛江

大泌山房集

卷之七十九

墓銘 三十九

已

歐陽惟承憲副應城陳伯舍司徒同官京師公郡有貴
人四人者事之無加禮而銜伯舍極深既中之補外嗾
南臺省實計典惟承爲首公次之余又次之伯舍最後
臺省知其意實在伯舍也黜伯舍且不利于渠而余兩
人方以督學優叙不得驟異同姑遼緩之惟承遂不免
矣公一時同榜爲司空爲少宰爲少司寇爲中丞得幸
執政能立致人通顯公曾不呶援歆羨矚然質素屹然
標格彼炎炎者今安在哉所撰著遺文新拔無凡語勃
挺之氣鬱勃楮墨間具鶴鳴集中其生嘉靖壬辰五月
二十有四日卒萬曆甲申七月十有三日年五十有三

變于河西十里丁山所自卜也元配何恭人子二長曰
諒廩生早卒娶萬某女次卽廖沈孺人出娶仰某女女
一適諸生仰冲宇孫男二長式詒聘熊某女次式誨聘
楊某女女孫二長適諸生高世家次適諸生秦士忠大
鶴公以艱于子命名曰彥義取屋下多人今驗矣公後
兄生死皆三年人以爲從兄之義天實成之焉銘曰人
薄文士短于政事假試一州卽當便蹟公魁賢科詞華
宏肆補闕拾遺風霜在宇山之瑣闥投之邊地黍苗雨
膏甘棠雲庇劍無留行囊有餘智周邦良翰漢庭老吏
尊俎燕談指揮如意飲月氏頭斷匈奴臂逃矣六詔聲

大泌山房集

卷之七十九

墓銘 三十

已

教漸暨辭放邪淫謁戒險詖鎔鍊兼金調馴上駟文武
尹憲詩禮卻帥人薄才士自喜多易公勤小物大德無
累五十慕親三公非貴以聚百順所養惟志友于哲兄
充衣肱被邊豆樂孺墳廐遞吹戚戚莫遠沒齒循次饗
飛鳥集豈鮮同類淡交若水避跡若膩室罕阿堵門拒
私饋望塵雅拜飲醇既醉內美修能九徵斯至殉道汗
隆冥心求忤空谷駒返丘園帛貫公誠善藏天胡善忌
年甫踰艾仕無高位此俗情耳于公奚慰終古聖賢死
歸生寄立言立名於昭百世有子有孫錫類不置民間
尸祝去思勿替舊史石交周旋觀記摭撫崖略勒銘墓

陸郭林示碑庶幾靡規

甘肅行太僕寺卿熊公墓志銘

隆慶戊辰南昌新建二邑成進士者八人惟熊太僕公最長其後官或貴於公而獨公年八十有三享林泉子孫之樂攸好德考終命稱純嘏焉公名瑞字憲祥其先自豐城挈岡而遷南昌東壇者始祖雍也六傳而徙歷南距東壇一里而近世稱東壇熊者敬也敬生彥吉彥吉生東亮東亮子鈺世受耕而家小饒樂施者鈺子柔也柔三子其季號道橋翁封奉直大夫刑部員外郎者公父鄭也娶贈宜人金者公母也二子曰琬者公兄也

大泌山房集

卷之七十九

墓銘

三

公幼慧五歲通字義嘗語母曰兒欲爲官何官而可母伴曰農家子知有農而已矣何以官爲然心奇其言朝從父耕暮歸則誦書日益開解能屬對行文父遠出公方齟仲父以小忿操挺擊母自頂至踵血殷裳臥不可起公晝夜侍母母曰吾要且死子腸亦且寸絕然吾濡忍以俟若父之歸見若有成也公泣而諾終不去母左右居頃之母愈而仲父病疫死兄琬亦客死公哭告母母呼天而號又弱一箇予其危哉孺子勉之仲黨益得志召客置酒號呶起舞雞鳴甫罷公伊吾聲亦雞鳴罷久之學成宗人冢宰恭肅公美其文使同叔子學遂爲

郡諸生公貌才中人隆隼大耳美髭髯目光如曙星恭肅公異之退而省其私行不踰矩禮公家塾以季子諸

孫從正師席十年屬文有深沈之思一字不空設已廩子庠又五年省試御史大夫蒲圻謝公舉之其成進士也出余文敏公之門觀政禮部會當選庶吉士諸覬選者務爲古文辭或貸子錢家結納當路公但勤習法令家言衣故衣從一蒼頭策款段或時徒步曰吾以律致用以儉養廉也尋除知南陵南陵物力薄而俗嚚頑公訊疾苦驅毒蠱課農桑定錢幣期年邑大治海忠介公檄有司一切郵罰無小大必以上聞諸邑多不便公卒

大泌山房集

卷之七十九

墓銘

三

如令邑廩民馬四匹裁十二可二百餘金中丞以助吳溶渠公奏記曰南陵民勞如魚窺尾莫可小蘇無更爲他人役中丞善之邑徵賦率由令手視奇羨爲已物而吏緣爲奸民私費幾倍公賦公設匭令民自入簡吏愿者司之約曰吏多取者民違約者俱抵罪令有所私神奪其魄民樂輸賦無逋矣訟者以次入察言觀色使置辭折衷情理具獄非大故不予朴頃時而定邑人爲之語曰南陵熊升米訟言其敏也隣邑許葛兩家爭墓地相殺累歲不決臺檄公訊立曰兩家難解而誣殺人侂不死者像祀之起橫舍廣學徒時與談經校藝得旨滿

汪冀夔立諸僞自是士競勸登賢能書與諸大邑等
矣故事郡李從直指按覈諸郡縣令無所與公以廉能
數見任用入覲辦裝父老睨其篋無長物嘆曰是所謂
飲水如葉者耶至京一切餽問不行里中人恚曰是夫
深藏而微虛聲耳高文襄秉銓當徵治行高等者指南
陵語人吾知其賢而鄉人不說得無有遺行與擢同知
梧州公謝父母兒不敢輦大人冒瘴癘鄉父母亦笑謂
公往就若養南陵無異家食時徒僕僕道路耳郡丞事
故簡惟與其僚遞司橋稅號利數次及公監司夏公道
南出不意至橋勾校所出入無錙銖爽而公以羨五百

大泌山房集

卷之七十九

墓銘

三

金上督府爲軍興資督府殷公正茂剛急與憲副李公
材議多忤李豫章人也嘗咄咄豫章人不可耐而竊少
公以甲科縣令僅得郡丞一日問李公熊丞何如人李
公對曰是爲南陵令有伯夷之清殷公疑李有私伺公
滋甚至始重公首薦于朝公代守入覲過里族子有
誣以閹匿盜挫其產且死言而免之以金謝公麾之吾
知汝冤不知族子又安問謝哉梧有謝廷朱者武陵人
其同里唐侍御方按廣右廷朱貸梧寡婦金弗償則擯
病者楊朱至婦爭言因極殺朱歸罪寡婦訴于公公
昇朱驗之氣息微屬自言殺我者謝廷朱也非婦也亟

昇朱詣叅知張公岳所張時已散衙叩門迫之出意不
憚而無若公何署如楊朱言明日楊朱死御史欲脫謝
廷朱公執不可旁寇起督撫凌公雲翼以廣東西兵
四道征之公偕叅將王瑞從岑溪入諸賊望風降附條
上所以上輯徭僮及立州縣定城郭平賦役募遠人以
實荒梗語甚詳梧守祖公倭人演蔡中郎傳奇公泣下
戒行李趣歸許公言兵革之事義不顧私以此被罪祗
貽親憂公不果去而母計至矣擗心大慟令無惑人言
尚可與母訣雖悔何追吾母忍死育子有今日而卒負
之乎已凌公用公策平羅旁括其地爲羅定州東安西

大泌山房集

卷之七十九

墓銘

三

寧二縣公以功賜金遷南京刑部員外郎未及赴服竟
依依子舍遺橘公趣之出若念母獨不爲母求一命耶
卽吾困布衣久矣謁選除刑部值行慶封公如其官母
贈宜人而父春秋九十諸公卿學士爲詩歌祝誦鄉人
榮之夷陵王少宰篆怙勢而驕居相鄰王旬日再過公
公報謁如其數而止未幾父卒哀毀與喪母同再除故
官有總戎徐者張司馬客也竊貸人多金爲張公地張
公爲本兵而徐自言功張公不答收責者苛徐自剄死
事聞下司寇他郎官避不任司寇舒公以屬公公得其
情實具獄于張公無損已遷郎中出治山東獄行二舍

忽疾作不能語一夕薨歸里靜攝一月愈倅尉以捕盜不滿品執平民坐十許人又故人王林以殺人受誣公太息動於顏色曰吾官爲恤刑此不當卹乎解之乃行其人竟不曉所自也侍御史毛公在奏言郡國獄先上御史令郡理雜訊其可釋者乃以授司寇郎司寇廷尉及省中爭之郎奉璽書出使御史何以掾屬視郎公按故事與御史叅決無讓御史讀其獄大服嘗言吾治獄若治經生言經生務得於言外治獄務求于法外然非專心致志不可得朝莫校理訟牒思之至忘寢食而遼海亦在所讞中開原路僻左御史行部不必至公至開

大泌山房集

卷之七十九

墓銘 三五

原軍吏快觀漢官威儀而又多寬賞歡呼塞路事竟東瞰鴨綠北眺胡望金人故居行諸塞見少師李公所築城四十里甚堅色喜曰使諸邊盡如此何憂虜哉返至永平大雨三日雨中有列炬後若干乘萬騎從西北至者東走海去雨既有大木三十長十丈大數圍遺永平城下呼土人問故云俗傳龍王採木閱數十年一遇之公大驚嘆宇宙何所不有拘儒奈何執紙上言量天下事還至山東登泰山謁孔孟廟徘徊而去上書報命所豁殊死百五十人倍於他郎城旦春以下無算司寇覆奏一如公擬已遷湖廣按察副使部衛承二郡未陽令

貪而虐貪治之民踊躍有更生之幸常寧令賢不得子兄之子中以蜚語則調護之歲大旱楚饑甚有司勘災不卹應公單騎按視具以狀聞布施廩受不待報而行事烏形鵠面之民免爲溝壑尋遷甘肅行太僕寺卿初公錄囚山東至一縣縣令拮据救荒而有吏部郎來無他客館公遂行郎以公慢已故左遷公衡人遮道留泣下請公衣冠祠事之公念國家邊界西甘肅而東遼海已悉東方今更入西虜在目中矣至其地左番右虜財通一綫而虜每假道轉藉番邊城瑕戍卒或導虜入庭食浸淫時用使恨舉李公城以諷撫鎮及兵使者諸人

大泌山房集

卷之七十九

墓銘

三六

憤不平曰馬曹第言馬耳何與吾事而嗾御史論公奪一等爵調內地始御史按部令河西諸文武吏士皆集洵東公言御史先示虜弱且官屬空國赴期會萬一有變誰任者上疏論御史吳悞上欲逮御史政府諸臺省謂非體詔御史勿問公落職公語人曰吾二十年苦徽纓甫得釋豈不快哉生平所爲戒三事曰內不情而好爲謾辭者曰關說與錢通者曰口耳之學說鈴書肆者心有餘師靜自得之設行立趣於天下可耳手錄經史道家書盈篋宴坐一榻一几口誦心唯也所師瀝泉先生言必稱之所器事內則恭肅公外則少司馬萬公

恭肅沒其孫當任子以貧幾廢公言於陳恭介公得除
內史仲父其心其母義不戴天然卒撫其孤昇之產爲
園築館偃息其中與客手談或命駕游諸佳山水雖老
不倦田父以雞黍召未嘗不往必盡驩乃罷雖微賤與
釣禮不喜見官府郡守三以大賓禮公固辭中丞陸公
夏公故交契歲一再謁寒溫而已健敏健步不減壯年
忽起如廁瞢瞢不知所往遂寢疾不語三日第飲水言
吾祖八十有二吾似之速沐棺已復不言卽言不及家
事而終不召醫或竟月財一食而後但飲水者十日乃
卒生嘉靖乙酉九月二十三日歿萬曆丁未閏六月十
大泌山房集 卷之七十九 墓銘 三七

八日丙辰二月墓董塘之原背乾面巽距瀝南東北二
里娶徐宜人居士良輔女子二長兆昌娶次維寬娶
羅女二長適萬建元次適張應泰六孫曰翀娶鄧氏兆
昌出曰騰娶表氏曰驤聘表氏曰驤聘氏曰駿聘劉
氏曰驤聘氏俱維寬出四孫女一適劉斯陞一適劉
斯增一字傳維寬出一適丁兆昌出維寬狀公殆
五千言情文相生公可不朽矣劉少宰幼安任爲志未
竟而卒以余同籍知公深屬代置焉銘曰遙遙華胄自
楚鬻熊南州地靈人傑維公疇不欲富疇不尚通而守
潔身而行直躬親彼銓宰義無苟同枝彼柱史抗疏交

攻抑有廉正矯枉過中而性慈良而度闊洪出宰赤
古循吏風按章齊魯園土幾空蒼梧以南玄菟以東仁
政仁聲陰陽陰功春度玉關雲開祝融自幼逮耄有俶
令終貽段孫子箕裘冶弓德厚信紅大盈若冲天所篤
右福祿來崇襟江帶湖卜窆安宮發祥噴吐佳氣鬱葱
陝西行太僕寺少卿邢公墓志銘

臨邑邢氏十世以上譜系莫傳或曰周公後封于邢子
孫因以爲氏而顓子昂著河間其遠祖云家臨邑者伯
通自許商來遷子仲玉善形家言得吉地以塋生子鑑
鑑三子政以鄉舉知岢嵐州邑志鄉賢政子詩明經爲
大泌山房集 卷之七十九 墓銘 三八

博野諭以伯子如默贈吏科都給事中季子如約累善
人稱佛子沒謚之莊惠娶于萬以伯子子愿封御史封
孺人子愿名侗士大夫率字之哲而清揚左眉有黑子
相者以爲文星既長聲如鐘目如電髮鬢如雲鬚髯如
戟給事公沒父當戶督租吏諍不休子愿發憤丈夫不
致身青雲乃辱其親耶學日勤十四爲諸生十七督學
使安福鄒公首錄之異日當文名天下召讀書濟南司
銜堂鄒公親行冠禮東方傳爲盛事隆慶戊辰詔簡諸
生高等入太學母諭年資子愿應詔同輩招游俠邪不
往屏居下鍵誦聲達旦庚午舉京兆甲戌成進士授南

官令請于父若何爲政父曰吾家故溫不需若養祓除其心以和惠民子愿敬諾之官一切供億率取諸家削邑市貨者籍不復用問遺訓各故實不干不犯民有訟悉其聰明盡之兩造俛首無言或摘其隱如神他邑人爭來質成上官崇信子愿所上箋書皆報可有當死而薦賄者聲其罪坐如率豪奪小民捕而正法直指以貴人關說欲出之不可獄囚凍餒予糜予糲無瘦死者銓度丁口衆寡定庸調無或不均土脩聖紀農協功罔寺馬直侵牟多端上書主者盡言無諱金矢之罰以市粟歲當二千石數縱舍不如額太公克以家原月試邑校

大泌山房集

卷之七十九

墓銘

三九

諸生寒峻則給餐錢得韓郭兩叅知周郡守若干人孝廉若任給事李侍御閭博士經承爲文斐然高第繕學官創文星閣闢玉帶街翼以兩坊規制增勝士通籍者相踵月朔集父老子弟講禮讀法申以

高皇帝六條摩厲之於義雖窮里躬行化誨而獎其善者月朝鄉長復事孝子弟弟順孫貞婦閭史累書矣盜賊不入界夜戶不閉南宮今特以廉令祠徵拜山西道御史按河東鹽法所部河南山西陝西延袤數千里故事游徼捕私鹽不滿品有罰不得其人則繆爲私販名具獄而諸卒代之贖主者懲其妄獄上必繫詣臺赭衣

彌道十無一生子愿罷無逮活數千人既得代羨課贖侵累萬一無所取蓋余後二十年入晉晉人猶誦說不置所舉方面有司數十百人往往受謝子愿不內一贖已按三吳雲間大盜張邦陵以海爲穴衡行二十年磔而尸之市而檄散其餘黨有三重囚當行戮抗章乞宥駁者謂市恩奪奉三月子愿喜吾以三月奉全三人命所得多矣歲荒便宜開賑而後上聞民無轉徙所過焚香祝之遷湖廣叅議行筭財十金吳綾二匹耳在湖廣攝藩篆職督儲不急催科而杜諸輸賦利竇殆盡漕艘之行也勅材官勿苛諸卒有以冰簟獻者斥之兩渡淮

大泌山房集

卷之七十九

墓銘

四

已於事則歸觀兩尊人不携楚方物二年擢陝西行太僕少卿而念兩尊人老遂移病自免三上得請時年方三十餘也朝莫視寢膳如嬰孺不離側而市五方之珍雜進之父病藥必親嘗夜擗心呼天作人如父守固不偷節度不携德足以昭馨香惠足以同民人天顧降割耶坐醫其傍而身立侍唇燥則舌潤之息微則鼻通之大小遺則手受之忘食忘寐疲極或仆地母視而驚兩老人卽死有若在若奈何先自斃對曰兒殊不覺至此追欲安父且安母耳六戚問疾者見其狀噴噴孝子父瘳母憶大女在齊河命子愿省之而母忽病子愿聞耗

天已賸策馬馳從者請湏見星弗顧晷夜呼邑門而入
長跼母前謝死罪反首捨地禱于天微名醫五六曹診
療百物唯其可者無弗趨也卒不起自恨頭觸壁啼無
聲水不下咽三日幾死父亦弗善也稍稍啜粥杖而起
其後父耄耄子愿大會父老率群從子姓上書歌舞選
具通國人若四達賓客分日展慶盡月而罷比卒子愿
五十始衰哭泣過哀經歲不處內里俗隣有喪惟弔與
送至是相議塋者佛子也塋佛子者孝子也禮宜加等
助之鍾披帷荒楮紐翼綬之屬采飾顯明文章比象蓋
建邑以來未有屆期環齊魯境僦舍來觀累數萬人始
大泌山房集 卷之七十九 墓銘 聖

見諸下里物駭嘆歎笑已見子愿骨立墨面泣血則皆
惻然淚淫淫濡其厠足處前母趙塋且六十年昇以附
而更美棺奉六珈輪翼以殉廬墓基年封樹悉經其手
華表蹕域弘壯無二歲時之奠哀如初喪邑博士弟子
稱其孝白上官子愿謝之人子用親取名罪也事乃已
子愿兩弟童年相好無尤仕宦或遺去若諸器爲二械
寶精麗者其中貽翁而父以食指繁強析箸然得美食
必召與俱嘗季弟送其姊之遯左而亥汜病遣婢子問
候消息屬婦趙製合襲而以所藏美積殮之從子王道
故同舉于鄉王業爲儒官兩人死附身附柳事與綜理

王庭之母與因母王若寵婦如之道有子固能詩與倡和
游揚其名延師訓業子廓爲茂才館王庭于塾經紀其
家婦卒更爲繼從父有息女擇婿而厚裝送之女兄女
弟適德平二郭而婦每單騎存問其家割名田以共生
口而爲郭孝廉覓得快婿裨其奮資元配陳孺人少失
怙萬孺人迎以爲女笄而婿佐夫學與仕以勤儉事尊
章以孝御臧獲以嚴處後先姻黨以睦育女子以義方
既卒不忍置適而父母謂宗子無無宗婦者子女少未
婚嫁不可但已因有今趙孺人趙孺人善視諸子女當
子愿意而陳公無後伏臘爲位以祭有從弟從子賴以
大泌山房集 卷之七十九 墓銘 聖

舉火婚尹功懋有父喪少隳於難坐其庭中以勸綬謗
言已復有操戈者勢甚張子愿婉劑之其人愧釋憾今
功懋行三年喪如喪考妣焉婿史高先亦以父喪受侮
覆露之而勉之學既舉進士傷陳孺人不逮見也其子
師若前鄒公爲主祀于家祭必齋如終其身座主東阿
于文定里居歲一往候之文定恒語人子愿君子世無
知者意盛不平既相子愿餞之境上祝曰天下人才何
限吾師翁受敷施無以小子示天下私甫入朝遽卒跋
涉霜雪迎喪都門之外抵東阿酬酢弔賓替其任子內
史諱請謚請卹請祀學宮禮使臣之將命者任子受成

而已嘗女季第女因以字任子子莖日執紼淚如縻衆咸嗟異而爲碑手書之號二絕其干友若襄強南令同榜稔交也南卒督學使方按南宮校士子愿請急爲治後事學使曰君行古人高詛吾當下拜至襄強南子居益甫甌篋僅三十金陽付老蒼頭去以杜窺伺而捐累月奉爲費後李于鱗先生者路弊不振言諸孫中丞購故白雪樓以居置田贍之德平太史葛公卒屬禹城楊公以女女其孤海寧陳給事亦同榜相善晚節敗名而作惡者以殊死誣其子力與之雪其干教後進因體能質而利之成名者衆方伯李徽猷其尤也爰有邢太師

大泌山房集

卷之七十九

墓銘

四三

已

之號李昌期劉弘光兩生才俾與子同筆研書而購其親喪張心傳李懷徐方羅錦呂大丁馬君來夏祥張鉉李惠李憐朱西或爲之殯母若妻若身或爲之憇庇或爲之辦裝或爲之先游延譽不可勝數鄉有相者劉浮光死而莖之題其墓寒食必酌酒焉有置孩溺攢者拾爲家幹徐三從子而月賦之粟歲饑傾困鹿以賑上書蠲租邑長吏懼負課督如故正色極諫寧失其歡已苦旱蝗走白中丞黃公調穀振貸邑爲他邑代養二馬奏記當路罷其征西第南北兩門中爲弄販夫販婦知邢氏父子不摧直肩膊求售所爲來禽館者與衆共之不

加筦籥郭外細花園亦然丐者按跡與金與粟皆廢所欲田舍翁引上坐同案食途遇少年無賴避不見揖與言或嫌太縟絀指其腹曰是空洞猶江海爲百谷王何所不容之隣國帷裳垢敝老稚爭趨擁願識邢大人何狀下與立談所經逆旅主人瓦盆草具對之不厭邑賈氏女未行以死從夫亟臨其喪上臺司旌門凡人一言一行之善稱不去口童僕有過厲聲色訶詰不輕筆楚須史齊矣寄逕宋或竊其冠以逃邏者大索戒勿推宋太宰服其量知隸人門志路之竊金而不言也門尋病使人問之左右掩口盜固當病何問爲子愿愀然足事

大泌山房集

卷之七十九

墓銘

四四

已

我久柰何令受穢名以沒隸農得盜粟者束詣吏趣賈之楚有童子試而挾書三木囊頭子愿語部使者壹赦幼弱脫其械人有中葺之言不答無已則叱去胡不畏釋氏犁舌獄泰山行宮之毀也邑子端松募繕介而詣邑令藥公通力合作而表松門爲善士死則會莖爲傳其事廟祀關壯穆邑西偏有靈應邑人廩廩釋回增美焉子愿服食器用質而雅儉而易求絕不爲奇曰奇生恠恠生無常是產禍也文法兩漢六朝間及周秦詩具諸體不名一家劇字琢句務極新藻簞簞擁衾沉吟不輟覺所未安起而更之草凡十數易有集行世臨邑南

宮志事核而文無曲筆人以比康武功顏隨州童沔陽
郭江夏倭事起畫便宜十許條萬開府許給事嘆曰先
軫有謀胥臣多聞子愿兼之矣語具集中書法鍾王虞
褚顛米禿素而深得右軍神體觀者造次殆不辨畫則
入黃趙董馬堂與家有澄清堂黃庭蘭亭諸帖雲中君
王右軍杜子美象子瞻枯木子昂墨竹所最瑩精故舉
筆往往類之極爲海內所珍辛亥春

上語內豎以邢某字扇進覽偶得之某黃門所

上欣賞命女史學其書邢司馬平倭至高勾麗有李狀
元妻託致書子愿願爲弟子恨左衽不齒中華耳朱宗

大澗山房集

卷之七十九

墓銘四十五

無舛迓坐立無欠伸年垂六十目無纖翳燈下蠅頭書
不爽黍抄齒利嗽堅步履矯健游客言邢先生精神包
身文史滿腹異人也初爲御史夷陵王篆慕名以子同
社人制義請子愿序爲重忌者乃生之言抑之久而論
定是夫也不授而進不阿而退臺司以下高其誼或迂
道往訪如見卧龍鳳雛推轂于朝章十數上陳文憲修
國史議以子愿及二三儒碩載筆會卒不果王元美郭
美命屠長卿焦弱侯趙夢白馮元敏極所推許黃司馬
樞山東十二年尉薦殷勤甚脩高孩之尊爲海內一人
斯爾時顏其廬一代龍門云子愿故壯無疾而陳孺人
遺長子王瑞有美才死無子哀傷踰年遂病四十日神
不亂既華援筆書曰天高水長學則如此止惟五峯小
圃未成西漢書未爛耳子更請卒無一語自理襟帶正
容端坐而瞑其夕陰雲四起烈風雷雨俄而天鼓鳴逾
日顏若生趙孺人夢子愿作道人像從竈觚出躡五色
雲鼓吹擁道而升歲在萬曆壬子四月二十有七日距
生嘉靖辛亥十有一月二十有六日年六十有二元配
陳孺人蘭陽主簿公完女繼趙孺人平原太醫吏目公
燁女按察使公燁姪也五子一曰王瑞原生娶副都御
史馬公九德子禹州判官公兆明女二曰王稱庠生側

原缺

大泌山房集卷之八十

京山李維楨本寧著

福建布政使司右叅政王公墓志銘

王之系出瑯琊晉居山陰唐徙黃巖宋徙永嘉其里曰英橋四傳爲樵雲公輒能詩又三傳爲通政公鉅鉅生子祭酒公澈叅議公澈澈子憲副公果叅政公杲杲字陽德所謂陽谷先生者也叅議公年踰四十無子元配潘宜人禱于神得吉夢生憲副公踰歲復生公公有異稟少從憲副公受禮經敏悟絕倫叅議公攜之官司馬轟公豹宗人兵部公度奇其才所習自舉子業外騷選大泌山房集 卷之八十 墓銘 一

子史含咀其英華而出之爲詩賦祭酒公見而悅之遣從太史盧公淮學學日進遂爲郡諸生徐文貞公所識拔也叅議公謝事家居好行其德修族譜建祖祠發廩賑饑公皆佐筴癸卯舉于鄉領解者山陰沈公東一見爲莫逆交游南雍程文恭公歐陽文莊公深器之久之倭夷入犯公從諸父寺丞公諸弟少卿公集鄉人爲兵勢甚張倭不敢逼衆謂易與耳公獨搖首曰必築城聚守乃可言安衆多口難與慮始又三年倭復來寺丞少卿死于難衆乃服公先見而憲副公官職方疏請築城報可公身爲植計費萬金出公橐者半城成而倭復來

卒不能以一矢相加遺也當偕計以城故兩輟不赴而從子郡丞公舉於鄉公挈以行遂登進士沈公爲給事中直言得罪繫獄十許年公家居數存問不絕至是代其配張孺人爲疏請釋夫罪

肅皇帝覽之惻然由此得解已授常州府靖江令靖江故江中洲耳盜賊逋逃數公拊循赤帑而徐以法繩諸爲奸利者不嚴而治有東西兩朱家貲皆雄里中因相讎怨立爲理出任卹如故而又新學宮督課諸生諸生斌斌興起兩臺言邑小不足煩公請調之常熟靖江民詣闕乞留不得首至謁子游祠祠祀華而新之而更建大泌山房集 卷之八十 墓銘 二

文學書院置田若干供歲時享祀及諸都養費邑某子甲官侍御多納亡命摘發無所避邑人歡呼載路他善政不勝書召入爲兵部車駕生事大司馬蒲阪楊公劍州趙公世所推名臣事每咨決公而行

肅皇帝崩

穆皇帝從裕邸入受遺詔有旨如

毅皇帝故事陳兵九門公言

毅皇帝晏駕

肅皇帝遠在楚陳兵固當

今上已居大內旦夕勸進登大寶陳兵何爲者遂罷既

改元公領詔宣諭山東南直隸便還家上冢而越適缺銓郎人言公可小留公曰君命不宿於家遂行已遷職方司員外郎疏薦譚襄敏公太保戚公宜調北邊而戚公募練南兵數萬公從中酌其食便利一一施用之

上大閱京營以公稱嫗有方賜金幣尋晉武選協司郎中已晉正郎覈武職世系功勳吏胥無得高下其手令丙錦衣衛寄銜者無與衛事千戶葉先春貢緣中貴人執事裕邸以從龍恩希管事公持不可故大司馬伍公以剪宸濠功任子錦衣千戶其子孫皆文學取科名至孫始請襲或以年久遠不許公曰所不宜許者功次不大泌山房集 卷之八十 墓銘

墓銘 三

化

實耳王新建之功非伍公孰爲始孫許之節非伍公孰爲終此灼然人耳目三公賞延于世何得不錄伍公大司馬如公議已出守大名大名土沃而民愿公鎮之以無名之模而建元城書院簡十邑士雋者數十百人以經師肄習之若少傅司馬李公御史中丞魏公兄弟咸出其門經術節義後先相屬大名由此爲天下望國已行鄉約保甲法化民獨獫者蠲馬地銀積逋平亭賦額輕重適中于今賴其賜凡三年遷湖廣按察副使備兵蘇松常鎮四郡公故習吳事上海防運道利害凡十餘條而身沿江自圖山至白茆福山凡八百里得金山之

柘林青村吳淞之川沙南匯江陰之楊舍大倉之劉家河浚隍崇城增兵列戍首尾相應造沙船別爲三翼輕舸助之製諸火器較射步法匠心獨運纖悉畢備倭來寇公率衆禦之奪其舟下令無濫殺得閩越人遭倭患者數百人遣歸朝議嘉公功晉右叅政仍鎮四郡如故已請留弓兵民壯銀四萬請蠲積逋數十萬而采漕政所宜興廢著書曰三吳水利考吳人奉爲挈今春大雪河冰盈尺漕艘膠潤州無算公計集民間水車輓湖水以益之漕遂通又開孟河濬練湖百餘里又議漕粟當改折明有六利而陰去四害胡中丞韙之具疏以聞而大泌山房集 卷之八十 墓銘

四

化

省臣疑公是不任漕姑以自委耳勅公得調公聞之欣然即日命駕歸當其少時爲別業陽湖四山三溪所會也城居墨池里鄰華蓋山大玉洞天則構玉介園池臺泉石之勝甲於郡歸而謂友人是物真爲吾有矣黃門公使我釋重負而遂初服吾甚德之政府廉公才不宜在草野即家以故官起福建所知勸駕公辭不拜命或謂即不拜命宜致書謝政府公曰計之熟矣今附執政而得官何待今日亦何至有黃門浮言也復增治兩園奉憲副公及從弟鴻臚公叔本徵時所等夷親知置酒高會鴻臚公解音律公爲小令度新聲以佐酒籃輿畫

舫嬌歌急管申旦不寐以爲常人望而艷之若仙監司
部使者干旄羔鴈數過公就問國家大計若方輿形勢
九邊阨塞軍實屯政食貨戶口鹽筴水利蠶桑中窳會
無不灑然動色克然滿志也其於堪輿家言尤極精詣
郡學南吉山故有浮圖號文筆毀於颶風爲復還舊觀
而廟堂贊舍亦歲久不治治咸堅好更市民間地疏池
注泉有司病物力屈損公橐金踰千不知于邑太倉無
錫科第多元魁談者率推公樓塔功里中名勝若東山
孤嶼僊巖東甌王廟鎮寧樓鎮東塔先後繕治費不貲
而于先世丘墓封樹彌謹未弱冠喪母潘恭人同憲副
大泌山房集 卷之八十 墓銘 五

公廬半山墓早夜哭甚哀比喪父亦如之繼母張恭人
年與之亞身上食問寢不令女奴代也憲副公理尚棲
約門無雜賓公日不廢絲竹客常滿座殊不爲忤其喪
兄也不減父若母孝友廉讓信于妻子式于鄉人德宇
寬裕人無貴賤賢愚卽之溫然非義相干不徇不拂而
默使人意消築塘除道成梁饑予粟寒予衣沒予棺三
黨之外歲不下千人日雞鳴起盥櫛或子弟諸孫執經
問難或課家僮灌園或召客出遊或過從親知終日應
接無湏吏暇強有力者欠伸跛踣而公神益王每燕集
首倡爲詩屬座客和之春秋八十四矣嗽果餌如壯夫

耳目之官不衰却杖而步燈下作蠅頭字是年伯孫爲
學使者所錄高等仲孫補博士弟子員值公與陳恭人
生日舉酒燕客客倍於昔公酬酢倍勤四月命舟歷覽
郭外諸勝歸數日寢疾不起與子孫訣惟母忘孝義先
訓而已是爲萬曆庚子五月二十有三日其生正德丁
丑三月十有七日葬于陽湖所自卜也不佞受公知久
武林之除深以密邇公爲幸而遽已矣公子季中以墓
志相屬坐不稱職左官愧負公國士之遇強而具草其
言無文其事無溢美也男子一人光美卽季中大官丞
孫男子二人至直至京俱諸生不忝烏衣門風女子一
大泌山房集 卷之八十 墓銘 六

人爲吳恭毅公裔孫諸生一叢婦孫女子五人太學生
林承鐘諸生梁玄衷指揮使陳之埈吳孝廉子明登吳
文學子至寧其婿也曾孫男子一人欽瑞公卒兩月督
學使者以兩庠諸生及郡邑諸有司請祀公學官所著
玉介園稿二十五卷藏于家其倣儻環瑋經營大畧與
風流標致差可觀焉銘曰東甌左海百谷王粘天浴日
貨旁唐偉哉王公受厥祥以表東海風泱泱爲令爲守
稱循良出爲藩臬入爲郎文經武緯何不臧豈必用行
舍卽藏八十餘年多居鄉畏壘之民穰庚桑通耶介耶
道何常我欲名之名無方天錫純嘏壽且康子孫逢吉

世青箱春秋饗祀國上庠大知大年得全昌東海之樂
大相當萬物一齊孰短長豪末丘山地祇穰無憂楸柏
實公良海若與公魂翔翔

河南布政司右叅政張公墓志銘

田南張公與先方伯同舉進士公爲衛輝守時先方伯
叅議河南某趨庭之暇驟舉公爲守狀以詔孺子識之
此古人之行誼也又十餘年某視學秦中而公來爲副
使侍坐隨行公無所讓嘗置酒鴈塔公與同榜叅知盧
公兩人南鄉余與諸年家子東西鄉諸年家子有爲門
下諸生者公不可師生之分與父執並重若東鄉居前
大泌山房集 卷之八十 墓銘

七

諸生退居其後庶幾兩得某敬諾秦人士來觀以爲有
禮未幾公以汰枝官歸某亦遣先方伯喪不復相聞公
卒二十六年而某官晉陽詢其子孫則孝廉慎言輩繼
起矣又踰年慎言以所爲公狀乞某銘墓義不可辭按
狀公名昇字某某別號田南父某以公贈某母某以公
贈某公家本窮空捃拾自資羈卹成童嘗供廩庖之役
爲暴客所苦不勝憤激迺就學無從具脰脯塾師嘉其
志爲授章句日數行已忽開悟數千言立成誦愈益鑽
屬篆刻寒膚皸腹不倦也弱冠爲諸生從邑長者游得
其書輒腹笥之無遺以易舉省試會父病謝不偕計吏

父勉自力兄無以老詎我公陽應退而憂形于色一日
之餐三公不易何論進士託他故不行明年仲春父卒
鄉黨宗族稱孝焉庚戌登第除知清苑縣縣距都門三
百里而遠四方人寄徑什八九俱張率取編戶漫無經
紀吏乾沒太甚令懼失使客歡不復問公具爲等則籍
記之民以差次受役不爲吏所紿會歲饑疫發廩治糜
課醫治病遂精軒岐之術所手療必瘳四境無流徙死
亡隣國願受廩者塞路諸臺取其法布之畿輔爲挈令
已疏于朝詔賜金幣凡民訟不責贖及應坐胥靡鉗春
以輕重多寡種桑果若干田野益開暑無暍人薦章九
大泌山房集 卷之八十 墓銘

八

數十上而墨相柄政給事非千金不可得侍御史殺十
之二公亡何有僅得主戶部尚書郎事分宜敗稍遷駕
部郎以母喪歸哀而柴毀然喪祭一奉考亭禮法免喪
補司寇郎三日而守衛郡公恒言守令親民而今益親
吾爲今所欲行率見格於守每以爲恨今何得爾爾不
急之征裁無名之費民所疾苦悉詣閣自陳而斟酌布
之首斤令不飭簞簋者二人其一束以屬吏六邑令人
人惶恐勤卹民隱無不得申其志老儒王生賢式其廬
就而問焉生亦洗濯其心直言無諱求不負公知豪某
依奧援漁食閭里捕考正法貴人爲關說不聽邑丞尉

據史有過必詰見爲難事庾廩每懷靡及已部使者行縣若冢宰計吏諸丞尉據史得自完則益戴公今而後知樂石生我也衛水諸渠股引以灌田烏鹵稻梁公循故敖公蹟而增修之民部郎某妄謂妨漕議塞公具圖地勢水脉於漕無損卒不能奪郎大志而郡人頌功德比于鄭白矣察舉治行甲兩河擢副陝西憲事備兵固原秦督撫數推轂公可大任而御史某與公多掎距蜚語乘之坐當徙官公去不顧家居十許年言者交章請錄遺佚起家仍故官治屯田尋改河南備兵天雄從部使者慮囚多持平例所請獻駁難數四終不變部使者大泌山房集 卷之八十 墓銘 九

故嘗爲公邑令嘆曰張使君居家洞洞屬屬小心畏忌今當官奉法判如南山不可移賢者固不易識如此條畫實政八事趙魏人至今施用之遷叅知河南事治軍懷于其家密通輒納節自免曰吾遭讒中廢不自意復及此安得昧止足之戒以貽林慚澗愧耶歸掩關掃跡請謁不行州若邑不知有公而邑籍田更稅間祭民恫恐不樂生公慨然曰士大夫民之望也民情不能自達士大夫復不言其奚賴焉吾生平不私干人庶幾有知我者見聽力言上官以免義倉法行捐其庾粟倡之里人慕義輸者繼屬爲定欽散之式寬子息招來者久之

市猾乾沒公私大困獨公里便宜如故稿事告成先公稅而後私賦病者良夜叩門必起正衣冠而調藥給之其在死法者助之薰檻他焚券平糶收介特卹筑獨事甚衆公齒爵于鄉最尊無貴賤長少必婉容延接尤耻言人短郎惠公者謫守澤或言是夫禍中將修卻至自謝過公笑曰吾爾日爭論知有民不知有我若誠督過我而以空言謝無乃謂我匿怨友人耶任之而已郎亦卒無所加于公其後分陝前御史詆譏公者爲同僚聞公至急引避曰羞惡之心人皆有之何面孔復對張公公絕不形聲色秦人以爲口實其潤達大度類此數以大泌山房集 卷之八十 墓銘 十

孝第仁讓訓誨六戚四隣脫有小忿得一言居間立解里人瞿然顧化無通賦無犯于有司者病革子孫環跪受遺命曰謝安石有言我常自教兒何待今日無洵涕無怛化遂瞑邑令王君爲表公里比于鄭鄉博士弟子員上書奉公祀學之鄉賢公生正德甲戌正月十有一日卒萬曆庚子四月十有五日生八十有七葬以卒之年十有一月一日墓在東山之原元配尹氏贈恭人繼室王氏封恭人俱先卒王冢宰有誌再繼馬氏副陳氏子三伯天與諸生娶于氏繼柳氏知州遇春女仲天和諸生娶散官王重光女繼韓氏副使君恩女叔天驥太

學生娶田氏繼延氏伯叔陳出也仲王出也女五婿趙
守國馬國相尹出也諸生馬負圖孝廉王兆河王出也
諸生鄭清陳出也孫七人慎言即丙午鄉舉者娶光祿
丞馬世德女繼貢士栗實寬女和子也慎修娶諸生李
渥女慎德娶庠生馬負圖女繼陳進策女慎樞聘諸生
馬遵道女慎機聘諸生趙鳴鶚女驥子也慎思娶武選
郎韓范女慎術聘姑夫王兆河女與子也孫女五和女
適諸生孫立相與女適諸生馬一蛟李一桂餘未字銘
曰賤不降志貧不失身學不從業仕不遺親貴不凌物
富不妨仁進不競躁退不逾巡舉不矜調毀不嫌嘆生
大泌山房集 卷之八十 墓銘 十一

者假借適反其真子孫委蛻作受即因不言之教能敝
不新于嗟張公古之天民

湖廣布政司右叅政陸公墓志銘

余領潁州節則合肥在部中士民往往言故合肥令陸
公之賢也將入界有以百金饋者馳而遠之賜導供億
務爲貶損省齋華內書毋使示權堯庫吏私貸民取子
錢生如率而嚴扃鑰啟閉必衆屬目焉民買太僕馬先
予直之半馬入而直不給或輸賦于郡郡邑吏侵牟其
中轉輸京師往往以盜論戍爲疏四大戶而詔以出納
贏耗之數吏莫能爲奸矣比要戶口富者多度蔽詭復

而單產孱民微發如雨曰彼皆丁壯應爾公感然曰夫
夫子然一身何所取財按賦之九則而上下布之富以
募貧以力民便之至今歲旱步禱雨大澍有年亟收糴
備不虞國無積滯無困人公府所需諸貨無得推直商
願出其途或投匭訟人罪呼其人詰之故富有怨乎曰
某僧以調婦受撻召僧驗其書良是遂伏辜嘗宴東郊
指百步之外招搖而過者驛猾某也攝之果然所經目
積歲不忘曰若嘗以某事入吾庭皆吐舌稽顙反走而
以爲挈瓶街智挈鈴取名不恒用也兵使有所惡欲予
死北郡守將壞民居自廣郡李以鷹擊示風裁傳致指
大泌山房集 卷之八十 墓銘 十二

揮使於獄皆持不可前令請讞不以時株累死者率暴
道路下令自疎之鄉鄰有闕以白晝行掠相告言治其
罪尚寶蔡公有弟悅市人妻而挑之妻怒懇公繫頸庭
下對簿自怨艾乃已教順百姓不廢其會節集諸生秀
者日省月試而爲祠祠包孝肅余忠宣授其後人田以
供歲事故合肥士大夫敬愛之細民歌詠之悅尼而來
遠勒石紀政績焉諸臺使考上下薦于朝二十有四章
以治行高第召而所理指揮使奉八百金爲謝諸賈人
亦以千金致饋曰有如前政吾輩折閱不知幾何是物
也實明府毋錢而我得子也悉却不受已拜兵科給事

中論防礦盜若河西所以禦虜威中竅會而 皇貴妃以生子貽爵父至都督同知公抗疏言如並后匹適何非所以明微遠嫌示威曉退讓自全之策也中外翹其言又以武弁政出多門薦牘率以賂成宜一準撫按兩臺從之持節封藩諸王戒一切篋篋不及庭而故人客死者解其裝歸之已拜吏科右給事中當入覲覲臣口實發幣漁獵其民而賂貴人公爲今知狀深患之疏請爲厲禁所按劾文武臣十許人卽有與援不避而鄭司馬楊司空方負時名亦遭彈射中外不目矣已轉禮科左給事中建白十事一大廟世廟別宮更始

大泌山房集

卷之八十

墓銘

十三

化

肥父老子弟逆之境將鬚相勞也幸留爲三日飲公曰使臣不可稽報命爲嚼一卮酒而行衆泣下沾襟公亦泣還則攝其科事而太倉相子衡領解衡故東南才士會太倉與言官以事齟齬因言衡中式不當而株連十許人太倉請上覆試有養之常祿之外以廣孝也語共指其謬御史大夫吳公曰此意指圭田而發衆語塞而猶求勝公言凡擊衡者不爲其子爲其父耳有才如衡而以父不得收無貴象賢濟美矣已遷刑科都給事中疏正律條慎赦詔清淹禁懲貪風而李公沂言事忤

大泌山房集

卷之八十

墓銘

十四

化

睿皇倣於

仁祖則統嗣兩得一復祖制日三朝以勤萬幾通下情一東宮侍御僕從必以正人而時令出閣講學親近賢人君子一均宗人祿秩一舉選無以資格限人一經義易叅程正叔傳春秋無舍經而用傳難以支離附會之說三禮不可偏廢一汰諸緇黃無印牒者使歸農一謚法美惡並用以輔章彛一大小臣入朝金紫而降服於諸署與外臺爲非禮復議從祀諸儒許衡臣虜歐陽修緣獲議進未愜衆志也已典試南越得劉景辰爲名御史人以擬楊少宰一元一元亦領解云事竣過合肥合

上旨禍且不測率同官以諫科臣有言責不言則當罪今反罪其言何用言官爲沂不勝款款之忠觸犯忌諱陛下宜寬沂以章聖主得直臣之美脫不免杖下翻成小臣名虧損聖德臣官刑言刑惟上憐察李公得無死杖下而會推冢宰朝議于商丘僊居分左右袒或諧公是附太倉而抑商丘者以年例出公叅知湖廣政事公十四從父入蜀德清蔡公汝楠爲學使公就試取之移文浙學使不果而族兄有欲攘之者公不聽時伯兄力能得之郡守公不屑也二十二甫爲郡諸生宣城屠公爲學使拔之子廩食入省試當領

解以策中語觸時禁罷丁丑舉進士聞父喪歸越三年奉廷對或薦承政府可得及第改吉士拜行人公力辭而受縣其持正如此乃不勝憐才一念與好事口相駁應爲卿而不見容豈非命哉參政治澧州澧受楚南境諸水漢伏波爲護城堤歲久圯水逆行民構巢而處懸釜而炊計費更築爰有寧宇焉事在龔侍御仲慶碑中九谿衛屯田徵糧八千以民種積逋增屯糧四千公履畝括田均其賦事在袁洗馬宗道碑中衛征徭若火夫官馬牛及習學丁操串單通開獎實滋多劑量釐正衛人踊躍有更生之慶四封多盜禽雉無遺北地李公爲大泌山房集 卷之八十 墓銘 十五

開府深所甄賞而侍御史某修舊怨爲蜚語中公當從官公嘆曰吾生時夢騎神羊周迴天漢至黃鶴樓止焉夢徵矣夫已氏安能使吾不遇哉遂謝事歸年財五十有三于禮應服官政也公父浦嵩明州同知娶屠孺人無子副之者葉孺人生公及伯兄攀龍既娶鄭孺人善事父母就養無方屠孺人謂公吾急欲抱孫誠得如兒之母以助道必多男子無何三孺人相繼喪鄭孺人所舉子復夭而公哭母特甚或以母卒日犯俗忌當更損子無入歛公呵之母死不歛即其子生猶死也夫神寧有割人母子之愛者卒殮如禮三上公車時父誠之吾

陸氏舉于鄉者二十人舉南宮者半之無祿而兄蚤世兒不第宜乞一官公第而父不逮見徒跣奔還幾於毀性族諸貴人據湖勝以居父居里北曰後有興者當圖南室不戒于火父姑葺之而族貴人中葉故廬且屬他人公稍復十五以成父志諸葬父母費以身任不煩諸弟在澧有蠻夷酋長布庭實以獻吏白往事必納之非我族類生疑懼也公曰馬如羊不入廐夫非御夷以清白之明驗耶其在嶺南歌鹿鳴燕嘉賓有兩金卮強而受之以存問所善兩故人故公家無長物獨善治田人爭取賤買公取責善隸農春貸之種比穫不過責息人大泌山房集 卷之八十 墓銘 十六

樂受公田積穀致富而好施爲義田贍諸兄弟再築室與之居長幼異食強弱異任諸猶子女婚嫁若姻戚鄉黨饑寒疾病死亡者資之如外府居約時人或侮之既責不復校更經紀其家生平於舉子業極有精詣友則高公萃李公尚默所宗則茅公坤持以衡士號得人合肥劉尹濟實方伯子偁嶺南劉侍御而下何廷尉熊祥聶水部桂芳輩若而人于鄉後進所稱許必成名庚子登賢書者三王嗣興林德龍李遵其著者也其舉武士稱是里居十三載課耕蘆畔田與老庚相朝夕或延所知手談謔浪有齒及朝事掩耳不欲聞中丞劉公以公

齊力方剛推轂之謝不應病革出粟帛偏贈親屬故舊
乃順其年萬曆癸卯四月二十有七日距生嘉靖戊戌
六月三日年六十有六公名懋龍字啟原別號珍所益
唐宣公喬大理忻始居山陰提舉升之始從慈谿升之
孫元始從鄞元子義台州路千戶義子遂以孫康僖公
貴贈刑部尚書遂孫屋有學行舉于鄉早卒婦徐以節
旌屋子偉偉子鎡俱以貲拜官則公曾王父王父也同
公舉于鄉者衆與樓門閥之盛四明爲冠公所著世思
錄大都可見矣元配鄭贈孺人謂鄭多女德也以其姊
繼封孺人初艱于子過寶應湖禱于神而副室舉子名
大泌山房集 卷之八十 墓銘 十七

之曰竇敬身其字少慧家世受易令受春秋而著家政
訓之時耳提面命曰聰穎天授母自好貴介生授母自
傲父母所殷女資女學女其勗于師訓哉敬身以高等
生入太學上舍尉有時望娶聞家宰公淵曾孫女女字
福建按察使楊公德政子諸生秉恂孫男經聘湖廣副
使周公應治孫女孫女瑞芳字某應治弟諸生應展與
敬身友善爲公狀其文與衍宏深而又介憲副公以書
來屬爲之銘曰天下脊脊夫何所起仁義攬人溝督之
儒河漢斯言言豈無因當今之世衆趨殫行廉吏直臣
何以名廉寔教肅局厚祿反貧固而用妄刻而猜禍傲

而多嘆何以名直摘扶細微風波之民皆公植黨先登
箱口轉爲囂囂猗歟陸公行舉天性飲和含醇廉而不
劇直而不絞常常純純素履之往一龍一蛇與時屈伸
內省不疚毀者奚怨譽者奚親誰其似之松栢竹箭有
心有筠上帝嘉饗錫爾祚胤文藻雅馴歲爾葬事宰木
既喬協氣輪囷伐石作考其德靡晦其名靡湮

雲南按察司副使歐陽公墓志銘

余與歐陽公同成進士公亢直練達而余佻不習事公
數教余切切惛惛如也已公自今拜給事中余承乏史
職往還益稔余嘗戰手而與人揖公輒批之他藥石生
大泌山房集 卷之八十 墓銘 十八

我之言不可勝計無能奉以周旋坐謗補外甚愧員公
而公亦不安其位出叅藩福建矣當江陵相國匡輔
少主綜覈名實懷冰暑月亦有霜氣而二三里人附麗
之其說在江乙之論孤虎也故事從給事中起家者醜
金爲會即貴至公孤後進抗禮夫已氏官纔侍郎欲公
謁稱晚生如弟子公不可又江陵之門人由吏部郎官
九列其門如市公第馬首一識面而已而會公以封王
請兩人乘是中公夫悻悻者欲避政府博名高耳則公
所由叅藩也既量移滇憲副當大計憾者授意陪京臺
省楚人居方面應糾劾者四人余與陳司徒伯舍在陝

劉觀察元甫及公在滇陝滇之兩臺跡余三人事不得而公適與滇按臣忤陰構之陪京則公所由去位也蜀入滇有二路西路曲靖皆東川烏撒烏蒙諸土夷供廩傳而東川夷與需益夷關道不通曲靖疲於奔命公悉赦夷舊惡不問招徠安輯之收事如故奏記中丞報可武弁楊惟中故與東川有連而坐事爲中丞所笞憤而走東川結其酋長曰歐陽公陽爲赦而陰實欲殲爾曹夷恐事幾敗公密授計禽惟中錮之獄按滇御史者亦楚人不欲言其名惟中重賄之甫按部檄釋惟中衆唯唯獨公爭之強累歲之功壞于一旦萬人之忿拂于一

大泌山房集

卷之八十

墓銘

十九

化

言何爲者御史曰是執政指也公曰執政誠明見萬里然惟中繫獄甫三月何得卽聞京師漢昭帝所以發燕王書詐也御史語塞已入棘闥公得朱中丞運昌卷奇之宜領解御史不善也公抗聲言是異日名位不几何但成進士御史謂公嘲其非進士有慚色而奪于正議抑置朱公十八御史有所狎麗豎其妻亦得入侍至爲充諸生籍入太學衣冠掃地矣一日公與元甫見御史置酒酒酣御史起言他鄉遇故鄉人不啻弟兄室有語不相告以外聞可乎公因歷數堅恬寵倚勢諸不法狀御史強諾而對公滋深矣饒是以就初公令義烏義烏

人輕生好關而東南倭警徵爲兵民去南畝徒步領麾幢因以武斷鄉曲視有司無如何公任一月而徵兵檄至迺下令曰良家子故與莠冒稱膂力習技擊者有刑幕府所遣都護輒立營伍及邑人私召募者有刑罪人竄入者有刑一一親勾稽校試之則有偷魁十三人亡命而跳之尺籍伍符者論如法中丞谷公嘆曰書生筮仕而幹局若是乎左司馬汪公前令義烏聞之亦貽書相慰勞也諸生金效良兄爲怨家所覆沒效良代就訊郡李夙有郤效良而怨家賄李坐效良御史李鄉人信之獄不得反已御史謝公來公涕泣而爲效良白見寬

大泌山房集

卷之八十

墓銘

二十

化

狀謝公大喜使聖世無內匹夫溝中使東海無三年旱使御史不愧風紀義烏令之功也寧獨金氏已御史周公欲履畝均賦公上書御史物不得其平則鳴義烏民之平久矣奈何導之使爭不然者衆實有口其可防乎周公以爲尤于上考而宣其考以風示諸人其政務恤單赤而抑豪右無藝之征不急之作所省殆盡義烏人德之公歸田十年而爲德政錄又二十年祀公名宦其拜給事中爲刑科已爲吏科右戶科左封事數千言斟酌民情國體非計久遠不發策如調浙兵禁私闖論漕運團營便宜于今遵用之其參閭藩則有兵政七條贈

浙兵調邊官恤軍情儲饋餉備戰艘嚴斥堠選將領南海龐中丞以經濟自負而亟稱公石畫秦人李騏者商于閩其仇行千金邑令誣以大辟公廉得之庭叱令而釋騏令投劾去江陵人爲閩郡守迎公于郊嘆諸前導者騎而不下反唇相稽公好語之曰吾豈效井蛙修邊幅夫是等威之辨也諸監司莫不然君後日亦如是守內愧謝奉表入都江陵私人庭實累累公發幣獨薄因投諸滇寄徑江陵訪江陵諸公子當關以宿醒告遽去諸公子報謁卒不顧居滇未二年罷聞報即襆被出同官不及錢而御史大夫顧益卿有意氣獨馳三百里賦大泌山房集 卷之八十 墓銘 主

松下老人歌送之泣下沾襟已歸口不言時事身明農子孫受經邑大夫稀見其面當路故交無一字造請貲郎子無故殺其婦以百金爲公壽丐道地公盟于神却之里人某素詆毀公死而孤孫爲惡少所窘公拯之邑大夫重公公時有排難解紛而人卒莫之知也吳縣執政蘭谿爲少宰欲援正統間例破格用公公書辭蘭谿時人以方楷康之絕交云自少無一切聲色翫好唯嗜書嘗以頭風罷業父詔之曰吾從安福徙于潛先世丘墓在夢寐中需女以五鼎上冢不虞病乃爾公蹶然而起掩闌下帷寒暑不輟十三經十七史杜氏通典丘氏

行義無不研討而晚年儲書日富構大業樓居之誦誦日勤客就談上下千古網羅百氏如叩鍾如屑玉通夕忘疲也所著樹穀堂稿十數筆錄若干卷博雅中倫公蚤喪母張孺人事繼母任孺人孝侍父母疾浹辰不監寐居喪七日不食三年不脫衰或時夢而泣泣而驚寤寤而復大哭如此者終其身給事時奉使立淮王過安福展墓思父生平言流涕伏地不起宗人數百千人觀者感愴購墓傍田供祀事自是春秋必使使修魚菽之奠於宗祠省視封樹而置田永興爲道路費壯未有子子季弟之子東奎踰父而後有子東奕東英要以孝弟大泌山房集 卷之八十 墓銘 三

忠信撝節退讓爲教嘗爲余言義烏吳司寇家有禮法邑令造司寇則子弟衣冠者胥集肆筵授几上食旨酒侍立無跛踣容故公家子弟百許爲士馴謹爲吏廉平所漸摩素矣公名栢宇惟承號茂野夢遊十數復號十菽主人生嘉靖辛卯六月二日卒萬曆乙巳五月二十有二日年七十有五余不見公者二十年甲辰夏如潛日從公遊見公神王敵少年益清心寡欲養盛之致類有服食然者度不百歲不止無何而傳公病計從之矣公正色立朝砥節當官浮沉里閭師表人倫雖婦孺皆誦說其賢不幸爲宵小所憎錮之考功令未竟其施而

又不及以耄耋期願稱命實爲之人也何尤屬續時三子請治命則曰吾于位不賤于年非夭沒復何憾若曹守太父五字訓足矣乃瞑三子草公遺行累數千言可余志墓中石爲孝廉以前主司鑒賞師友切磋家戶常有之事畧不錄而序其大者如右按公上世唐歐陽萬爲安福令因家安福安福之派有六居義歷者曰戊戌之後子炫徙臺盤公父綸徙潛以公贈給事中母元配曰張繼曰陳繼曰任陳任俱贈孺人贈公兄荷池公者有潛令逮而以身代受刑荷池公義之書家和福自生于堂病革口頌之不休所謂五字訓也其世德如此公

大泌山房集

卷之八十

墓銘

二十三

化

娶于劉封孺人爲公擇助邊者楊實生奕英與奎皆以文行紹其家奎娶陶茂才之誠女繼娶太學趙某女生子煇聘劉茂才淇女奕娶慶遠守郭之幹女繼娶楚雄幕李鵠女生子煇聘劉茂才元言女次炎未聘英娶邠州守初學易女生子煇孫女適四川叅議李之皞子廉生質亦奎出以卒之年十月二十有二日葬公于班灣穆嶺銘曰維歐陽氏系出神禹百世本支冠冕三楚潛沱之間繫公作古行有防表言有壇宇爲直諫臣爲賢明府藩臬閩滇疏附禦侮一星甫終遽以讒沮逐我冥鳴咄咄腐鼠表正鄉閭優游田墅子姓振振象賢繩武

踰七望八曰衆父父身沉名飛神明交輔彼諧人者沙虫粟蠹行路則唾其家鬼吐墮無間獄公在帝所善惡之報遲速哀序史銘墓石昭茲來許

陝西按察司副使蔡公墓志銘

先大夫叅藩中州則蔡公與仲氏已先後舉進士爲民部郎而太公甫以明經除長葛令趨庭時先士大夫數舉以詔曰父不欲因子貴子不敢以貴加其親賢於人遠矣小子識之比余登仕籍而公守德安德安余鄰郡從諸鄉先生望公顏色侃侃如也已而見仲氏奕奕如也其居官多理外奇舉尋罷而公伉直不諧于俗後十

大泌山房集

卷之八十

墓銘

十四

化

年亦罷然仲氏以金革之事再起卽未竟其用亦足爲巖壑吐氣而公長廢復有伯道之憾天道固不可測矣叔氏爲孟令聞公喪上書乞歸執喪當事者嘉其友愛至性顧於例不得許已擢北地郡丞將歸而治公葬于狀公生平行事泣而請曰可行父兄辱知於君家父子有年所矣今又得備下走幸爲志墓中石以不朽伯氏蔡之先人實靈承之余知公歷三朝垂五十年爲渠括其大凡而志之如右公名可教字孟受別號虛吾生而有方格竊立矩步瞻視不移與同郡王雲衢司馬齊名督學使王艮齊公兵使李脉泉公奇之父遣師事唐一

軒先生遂盡其學而脉泉公召之邸與其子相切磋所得疏果輒納笥中曰家有王父未知此味不敢先嘗李公稱於人比之陸績秦寶公爲博士愛之若子謂其偶曰吾他日食蔡生報當過吾子孫自後直指其使郡伯丞倅學使更十餘曹無不褒異公而學使馬公至以公不與第詰主司取其文頒示諸生賜金與偕計者等公益自負嶽嶽無所下邑今越包公少年成進士父尚未第徵名士爲文會公兄弟與焉或諷公宜以令爲師公艱然友其父而師其子可乎後與包公父同成進士觀政大司空省中大司空雷公故嘗左遷郡倅知公者也

大泌山房集

卷之八十

墓誌

三十五

化

分宜當國司空鄉人甚昵客請因司空以見分宜踐要路易耳耳公不可尋爲南陽郡李門無私謁自諸王若郡長貳若官屬右姓咸以嚴見憚市猾偷長訟師羣不逞舞文犯科沈命舍亡窮治殆盡而有州大夫以墨敗其弟方給事中屬中丞末減公卒坐如律以是不得徵爲臺省僅擢民部郎大司徒高公廉其賢使主省中一切奏記已領徐州倉所賦漕卒金粟諸武弁不得侵冒頌聲載路既代有羨麥三百餘石以賑諸生留爲部衛公費已擢正郎商人市內供香蠟未償直數萬金同舍郎以歲久靳勿予公正色曰縣官乃負商人責非體且

何以昭大信於天下故事諸曹郎入朝禮兵兩曹恒蹠居民部上民部郎以錢穀故號爲俗吏不敢與抗公與郎二三人有志節者爭之今大司馬大宗伯位大司徒下而郎不然不應官制諸郎目攝公一麾爲德安守而有嗾御史以惠文彈治公者矣其爲守政如爲理時陳帥子坐法應徙責人居間卒不許督學使試廩生久次者四人公必倍之其課諸生日考月成不廢擯楚人人感奮實與爲盛以治行最擢陝西副使備兵潼關而賓博士已沒升堂拜母爲易善田百畝授其子秦人稱博士知人公不倍德兩重之云潼關孔道貴人往來廚傳

大泌山房集

卷之八十

墓誌

三十六

化

與隸疲於奔命公多所釐裁御史某中譏刺公謫山東僉事備兵遼海至則誅卒之賈而叛者所部不寒而栗姚帥仲仁曹帥蓋兩人相軋也姚諧曹而中以大辟公力雪其冤直指劉畏所公以劾江陵相下綬騎逮諸官屬不敢通音耗公獨往視而泣贈綬騎使母虐督撫倚公安危攝諸道恢恢游刃有餘地而忌者躡尋微暖遷行太僕少卿蓋左官云未幾以考功令點時父尚良食左右就養無方爲別業時花竹果蔬田庚褐父徒步從遊物外之友同志之士談道論文賦詩行酒口不言朝事而有李侍御者悉公操行爲薦于朝忌者心儀公有

出山之想尼之而李亦免矣歸十有七年母卒又五年父卒公年已老慕如孺子郡丞之除孟令也爲詩贈之曰蒼生疾苦時時問莫負人稱應宿郎入計便省公又誠之曰政者正也朝廷有正法聖賢有正理以吾從大夫之後家當復而坐郵供賦長且數十計吾誠無所恨竊虞時尚居官舍理法之正以博名高故相規耳郡丞聞公病使醫往視公答曰老病不易醫名醫猝難得自病易醫者三瘡日甚天實爲之醫其如何吾不貪生不畏死修身以俟之而已郡丞謂公進退不失其正卽死生亦然信哉所著詩文若干卷藏於家而爲邑志謹嚴

大泌山房集

卷之八十

墓銘

三

化

有良史筆其生嘉靖癸巳十月十有九日卒萬曆丁未十有一月八日年七十有五元配諸生張思濂女累封宜人繼室諸生胡槃女以仲氏之子廩生璠爲後從父命也璠娶黎城丞唐若葵女以某年某月某日葬于某其世系詳父與仲氏志中銘曰維爾長才維爾高跼兄難爲弟父不得子位居弟次一間而已十有五年亦遜父齒以仲仲氏爲伯伯氏爾弟爾父于爾手死爾沒膺下叔不及視我思先民或不逮爾或爾相類是亦衆矣以爾血食子不必已以爾有聞其文則史漳水之濱夏陽之里魂歸來兮聚族於此

江西按察司副使向公墓志銘

今上四年丙子楚大北士御史向公爲政時江陵有子應試不第而余叔季兩弟並爲公所錄人服其公他相國子是年有第者諂口因問公於江陵御史乃假政府立名遂出公爲江西副使未三年卒葬北山之原凡三十年而仲子日葵來爲晉閩叅軍始以志墓請曰先君子棄諸孤蚤清白無所遺葬有闕幸得事先生徵福叔季兩公爲先君子不朽夫先君子之生平先生所知也余覽之不勝山陽鄰笛之感迺按公之友桂君茂枝所爲狀而志之公諱程字宗洛其先浚儀人宋丞相文簡

大泌山房集

卷之八十

墓銘

宋

化

裔靖康間權兵部侍郎偉從南渡家浙餘姚已遷慈谿有樂中先生者宗慈湖楊氏學恥仕元有爲獻縣令者死節靖難數傳至竹泉先生時正志節不羣娶湯郡伯女生永齋公恩文行重於鄉評用公貴贈御史娶王給事姑贈孺人繼陸文僖妹封太孺人陸實生公幼慧穎特甚受業王勾山先生之門深暢厥旨毘陵薛方山公爲督學使諸生無當其意者獨奇公以第一人爲諸生再越月舉于鄉至乙丑舉進士除閩今閩居都會疏盤根錯節公彊力天性精於吏職宿猾舞文膽破齒擊每晨起視事日出謁諸司罷而聽訟獄課賦役所接見識

其姓名終不忘暇則遇致耆碩若諸生談說經術問民疾苦夜分不倦凡理出冤誣若干事人稱神明久之庭虛無人胥吏一日不受朴若更生然治行爲七閩冠隆慶戊辰徵拜湖廣道監察御史疏請遠女謁戒崇飲先帝爲動容宰執有慕公欲燕見者公不可呈身御史識面臺官古人耻之矣尋出按遼陽遼兵數拒虜有功諸將怩而驕公董振擇之凜凜奉約束虜入盤山檄諸將殊死戰大敗虜去遼人士學鮮師承稍寬功令俾毋畏難和顏色而引掖訓誨之士樂從鼓篋遊泮水倍增往日遠與朝鮮以鴨綠江爲限侍御史行部至江介則大泌山房集 卷之八十 墓銘 三十

朝鮮王使陪臣致餽牽之饗公曰人臣無境外交況四夷君長乎謝不納冢宰楊公邑子官于遼怙勢而貪以計奏最公抗章白其狀冢宰引謝眞御史矣陸孺人度公抗直而官執法或刻覈少恩別時以爲言公謂遼介在夷狄間其人推不盡諳三尺得情哀矜勿喜所寬貸數百千人題書報母兒持此爲母壽無長物也還朝值上踐祚公以少成若性習貴自然幼冲訪落宜慎其始上書數千言要在近君子遠小人毋殖貨財通聲色正蒙養以基聖功經筵進講章拘文法意不得舒請復古坐講禮從容開道數召宰輔及文學侍從之臣入直便

殿侍豫遊通上下之情周知四方艱難古今治亂得失識者以爲名言已出按應天屬江防弛大盜出沒無忌白晝斬關圍奪府藏金新安俗好勝善結納每有闖閭留都諸公卿居間吏持兩端莫能決公先以法繩當路私人之爲郡別駕者杜一切餽遺右族爲姦利收索致法中責人豪長者爲請無不至終無所聽貪吏望風解綬惡少年竄跡盜不入界而數召鄉三老博士弟子考校其德行文藝畿輔爲之一變以母老乞歸子舍三年復除福建道尋按楚治略與應天同諸作姦犯科以力勢變詐自解者皆伏辜楚人傳相勅厲無敢犯既以大泌山房集 卷之八十 墓銘 三十

士失政府歎政府尚刑名取論決多寡爲殿最公顰蹙曰昔韓盧之取狡兔也上觀下獲不甚多殺此相君家子高語彼於時稱健吏而言猶若是聖明在御柰何以誅罰立威名吾將爲相公樹德其鄉人是年楚囚辟不及額坐奪俸遂有江西之命矣所部南贛二郡爲楚閩粵豫章之會大帽諸山延袤數千里盜負固伺間四出行旅居人戒嚴公訓肄士卒部署游徼置正伍長不得舍姦人信賞而必罰窮里僻壤有非常吏輒聞知大案震壞渠率效首由是桴鼓稀鳴四封安堵而公不勝勞瘁病一日遂卒南贛人老小扶侍喪車爭奏酒炙中丞

蒙公及同事者余公哭盡哀公居常言論恒持名節當官必行其志無小委曲而事親婉容愉色唯恐傷之前母王有女適岑氏事之亞于母季父蚤世所遺獨子畜之如母弟振故舊婚姻之厄窮者多不可勝舉所著詩文奏議若干篇藏于家其生嘉靖辛卯八月十有六日卒萬曆己卯五月二十有八日年四十有九配楊孺人大隱先生女公仕學之優也孺人實相之執公喪毀後六月亦卒二子長日升邑諸生娶諸生葉雍女次即日葵娶太史王應選女女一爲成都守張大器子與胤婦孫一曰宸邑諸生娶中丞葉照孫女二曰官娶給事王大泌山房集 卷之八十 墓誌 三十一

交孫女繼娶裴氏三曰宿郡諸生娶郡守劉安孫女四曰寬聘諸生馮應相女五曰官曾孫孟堅聘少卿顏鯨孫女體乾聘諸生馮文起女曾孫女字邑今錢某子某銘曰天方授楚柄臣嶽嶽海內之命斷於掌握誰其亢者神羊嶽角高明無畏氣獨無虐舉人於鄉與衆用之刑人于市與衆棄之人各其心惟天無私具嚴天威何虞人營譏人高張以公左遷天不勝人不永公年彼炎炎者今何有焉公沒名存人定勝天

四川按察司副使胡公墓志銘

胡公名宗洵字師蘇嘉靖辛酉年二十有一舉于楚萬

曆甲戌年三十有四除判嘉興府丁丑擢判順天以母喪歸公除復任丙戌擢南京戶部主事己丑擢刑部員外郎郎中皆在南壬辰擢守叙州府丁酉擢按察副使兼叅議己亥歸田壬子正月十有八日卒距生嘉靖辛丑九月十日年七十有二公少時神采高徹如瑤林玉樹父贈公母恭人器之曰孺子必大吾門里人上郡丞董公商城令夏公黎平理黎公皆以易專門名家公從受學爲入室弟子個人中言動無所狎昵誦書率以宵分就寢雞初鳴盥漱起矣伯兄虞城公同學目公難弟吾益友也學大成十八爲諸生郡伯都肆七校士公爲大泌山房集 卷之八十 墓誌 三十二

冠才藻清妙宿儒推讓其能既下第歸結同志爲城南社資令田公肅寧令郝公高淳今董公孝廉女弟夫王公余垂髫亦得從游其年虞城孝廉與余並捷鄉書恭人謂贈公往耳所夢二子龍升一子蠖伏其有徵乎詔公與虞城吾兩人能成若兄弟若兄弟何難成吾季季卒有樹也贈公日督課公兄弟屬望良厚而三上春官報罷贈公忽病卒兄弟私計三釜之祿未得一日效之于父今無再誤矣乃與伯兄同謁選人余惜公才垂涕泣而止之言諸銓郎格公冢宰襄陽鄭公公同榜也與余意合公復涕泣而告日君不聞古之哀風樹思負米

者手柰何以一第使我終抱大恨且謂伯也在則凡有弟兄者遂不必身養親耶余無以難於是伯兄除虞城令公除嘉興兩家通輦母入官所以就養無方嘉興才士如雲士見公言論風旨度越人意表咸來問業臺司暨郡守試士擇而使公督學秦喬公奇嚴復束濕新功令所甄錄減往額十五獨公取士極一時選如大叅陳公少叅項公郡伯樂公其魁然者也公於吏事尤練習大猾善舞文莫之或欺兩浙擢輸京師最爲繁鉅度非公莫任者檄下察諸里魁倚巨室爲囊橐因緣侵牟又善與錢通小染指則令不行罷絕一切問遺薪水酒脯大泌山房集 卷之八十 墓銘 三

無所受諸役有犯罪不賞康康就要束而籍餘羨累千金歸于節上官賞譽是蟬蛻濁穢暗然泥而不滓者也三年八登薦剡武林張恭懿爲太宰深知公遂有京兆之擢再任時

上兩幸山陵閱壽宮扈蹕賜金幣乙酉都人士訟言冒京兆籍中式若而人而椒房之戚有被放者藉爲口實上殊疑恠罪督學御史勅簡京兆諸僚有風裁者同新學臣考案之諸冒者多與援衆縮朒託故辭免公不可避難就夷非人臣之義也集京兆生千餘人使與諸言冒者庭辨之衆皆曰眞則留衆皆曰冒則汰雖當軸責

人及左璫怙勢作威者爲關說不聽汰者亦心服公上密使小閹緹騎刺察外事號曰聽記其人絡繹以聞上輒首肯又使兩中涓立促還報公姑飲之酒而令十吏遞供書書奏不點竄一字

上覽之稱善顧左右書公姓名於殿柱事久而愉人有翻異炎惑是非者朝議爭糾其諂諛公名繇此彌起爲戶部郎司倉政出納明審掃除積蠹官民卒伍歌詠載路退食之閒輯省身要語比于韋弦之警同舍郎中丞譚公有方格慎交遊惟公締衿契手其書不釋是躬行心得非穴口比也居北部平亭疑獄數十百人法所不

大泌山房集

卷之八十

墓銘

三

原不畏強禦大司寇太倉晉江兩王先生重公諸爰書上問胡郎云何然後報論旣之叙州叙州故蜀瀾府當采木征夷騷然繁費民羸幾卒首禁墨吏陽以摧科陰自潤者裁冗役釐浮費定百貨之直因時高下有司毋得虐取男女婚嫁以冠笄期女毋得長男非軍興市毋得殺牛進諸生茂異者數省試之若劉僉憲時俊劉民部繼禮之屬蔚爲國棟今輩出未已也歲饑人相食啖白骨委積盡發掌印粟更以其月奉易諸積粟家而作糜舖之屬吏能活千人予上考賦卹有虛者斥間行窮里空舍驗之所全濟無萬數而仲子方在娠其母偶恙

公憂形于色叙人蜀簡請神至入楚祝釐茶上之真武
已而仲子生母亦平善遠近傳誦惟德感神如此語具
大宗伯李公方伯李公記中至今叙人號公生佛而尸
祝之不替三載考最贈父母妻如今甲兩臺疏公于朝
曰誠可開衡岳之雲清足擬涪江之水二千石賢聲稱
最十四郡德望推先請得權蜀監司慰蜀人倚毗之望
報可以憲副兼參議守川北川北貴重主斷之豪聞公
猶雀見鱣而鼠遇狸也無餘死矣公去其太甚嘉與更
始而以公督全蜀采木事先首憲後布憲務在寬民與
商布指知寸布手知尺舒肘知尋木皆中程冠於黔楚
大泌山房集 卷之八十 墓誌 三十一

司空紀功以需顯擢已奉表祝 萬壽便道還家與伯
兄叔弟綢繆不忍遠而伯兄健嘷趣之行無何伯兄卒
公大慟乞歸兩臺援止之中丞譚公與後先兩直指相
齟齬而公故同舍事恒取裁流言交構盡成公歸志公
歸矣日夕偕季氏及從兄延平公諸宗兄弟為歡邑二
三舊德月有會名曰從先飲饌履雅素簡要可方香
山洛下云孫熊兩恭人蚤世無子晚得張儒人生伯子
仲子潘醕滌漣繼組紉之事見即饒為之以隻身周
旋俯仰間晝夜攻苦男女效績愆則有辟所經越蜀兩
京未嘗市玩好靡麗物約敎舍中兒亡聞外戶言笑聲

寂然僚屬環居嘗嘆曰胡公府中沉沉何至是每舉以
戒其家人事諸姑娣姒姻家里婦人人允愜為熊恭人
遣女必豐客至蓮豆有踐不項時辦雖久亦承權與以
公甚愛兩子不忍譙何獨操之嚴公用是稍自優暇而
孺人頗先卒伯子未婚仲子方齠公忽忽如失左右手
流涕謂二子吾今而後知汝母之益我弘多其難辛可
念也預營宅兆曰必今而後母耐我伯子游太學仲子游
鄉校良娛公膝下居平除嗜去欲畜神保和不用巫祝
鬼莫敢崇而比年喪王氏妹已喪季弟之婦與子已喪
季弟已喪魏氏姊損歡樂之趣為多因以病卒公篤愛
大泌山房集 卷之八十 墓誌 三十一

自諸兄弟姊妹外若猶子太學秋孝廉機文學樹標拔
杲楷若諸女之為魏為李為黎婦者外生文學魏崑魏
欽太學王召孫營孫鳳翼孫鳳閣財相通學相成忠難
相扶持也吾邑孝友萃于一門矯國華俗翳公是賴族
之人里之人周困厄解關閭者始乎并升終乎鮎背不
可數計矣公卒邀童不謳歌春築不相杵向方而道哭
抱子而憂行者接于路越蜀之民就生祠酌酒或千里
命駕會葬若陳參知者心喪如古禮焉公上世石首人
元時永春公徙白陽村三傳原靜公邑諸生四傳善道
公以貢授青田簿徙縣西郭生頤州公偉正德辛巳進

士令永新守穎州祀名宦五子其季爲公父西朴公純仕膳宰以公贈叙州守公母黎雲南憲副遵訓公女弟紫贈恭人三子伯虞城公宗淳季太學公宗沆公爲仲元配武義丞孫公超女繼室增廣生熊公九女俱贈恭人子二伯根太學生娶封侍御劉公希臯女方伯公侃女孫也仲樟庠生娶叅戎劉公諮女女一適池州守方公遂子太學生士伯孫男二憲生根出聘余叔弟維柱女即季公女之女也今俱錫繩生樟出聘廩生譚公如絲女臨洮郡丞公完孫女也女孫四俱根出長字孝廉王公應翼子豐太學公垣孫也餘未字以卒之年後十大泌山房集 卷之八十 墓誌 三六

有一月某日奉公命葬張孺人左銘曰士有家修而未化能行或勉當官以博浮榮稽其素履月旦所輕矯矯胡公衆美斯并爲孝爲弟信于友生爲仁爲讓孚于民萌宦游越蜀數歷兩京母處筑獨母畏高明廉而不刺矜而不爭蒸嘗遺象絃管頌聲汗隆在道進退以貞在鄉先進在國老成人考終命天靡忌盈鬱鬱新阡疇昔經營神則相之祐爾宗祊登爾孫子騰茂蜚英玄官作考偉哉令名南山巖石莫之與京

湖廣布政司右叅議常公墓志銘
淮入海由清口入江由大澗達湖自高堰築而江路塞

自黃河厥淤而海道阻所受七十河水積泗州爲祖陵惠州人常先生畫分黃導淮策忤當路意坐阻撓奪官竄之編戶以陵歲受水撫臣周公用先生言上上命給事張公與行河者舒公來有開腰鋪河之議以倭警罷水患滋甚先生復請開黃河道濬清口沙以導淮入海開周家橋武家墩以導淮入湖開芒稻河瓜儀閘以導湖入江侍御史牛公繪圖以聞上震怒治諸行河者罪而後司空楊公給事張公卒以先生策從事陵得無水復請留漕粟二萬石給泗人昏墊者先生功見言信無何沒矣沒後五月余有穎之役大泌山房集 卷之八十 墓誌 三六

入泗式其廬尋遭母喪歸不能有所表章爲恨又十年公子伯行奉李民部元祉所爲狀以志墓請時諸博士弟子員及鄉三老請祀先生學宮蓋久而人益服慕之余得藉手申其高山景行之思幸甚乃爲志曰先生名三省字希曾世泗人也始祖福曾祖永祖仁父鑑福以州諸生守城有功拜官判州事遷守滁州永以老人爲鄉祭酒而民貌祀之配食城隍之神仁善釀酒敬事漢漢壽亭侯恒以歲五月十三侯生日詣祠酌然後沽州大夫先期索不應也鑑秉心無競每訓先生惟繹思君恩祖德先生孩提時服膺無忘受詩外傳十六爲諸生

更從博士莆田唐公受春秋唐公述其鄉林尚書見素清德銳然鄉往之壬子舉于鄉丙辰舉南宮與耿天臺先生俱爲掄魁廷對時問耿先生甲第當誰先耿先生未卽答先生謝曰君不以一第屑意吾失問矣分宜執政嚮爵有以驕人白曰者絕席而坐士講良知之學先生心疑之紫陽主敬致知通乎上下學陽明其弊也言不顧行已除知吉水邑人羅文恭與安成鄒文莊皆躬行君子爲陽明高第其他多軼禮法之外先生益尊信紫陽而課諸生必約諸人倫物則無索賈冥昏默倡狂自恣後爲名公卿相望兩先生稱先生學術有實際不大必山房集 卷之八十 墓銘 壬午

可易也政最著者民不時詣縣自輸賦吏胥里正無所容侵牟白沙驛供張費率先時給出入如一不稱貸而足芝產於署與人誦之三年報政擢戶部主事審權量精會計京師餓奉檄行糜藥一一身親之全活無算以母喪歸服除補武庫選員外郎分校禮闈所舉士號得人遷車駕郎中給軍士衣直有受而色動者訶止之已一人來告後期未拜賜則色動者所冒也衆驚爲神移祠祭郎所隸諸緇黃星官伶優人無萬數宿蠹一清擢湖廣布政司叅議治均州州太和山中貴人司香稅多乾沒先生鉤校之得積羨以千金代均賦以三百金隄

漢水溉田而清其所侵田爲諸生廩餼中貴人嚴憚之于時太公春秋高矣上書請歸子舍諸臺留之不待報而行色養太公十五年日召所善談笑爲樂起居飲食無時不在側出從客飲深夜迎門有疾不遠千里延醫藥嘗而後進衣不解帶食不下咽者再閱月太公沒公于年不致毀晝夜號泣不輟每祭哀如初喪終其身敬兄如父愛弟如已第沒調棺歛婚嫁其子女督課諸子學而代爲償責私居燕處無情容布衣蔬食若寒畯家法嚴整室人非歸寧足不出閭藏獲非符不通言非公事不入州大夫邑令之門其賢而不爲人所知抑中于大必山房集 卷之八十 墓銘 甲午

饒者薦達之辨論之謁博士徒步而升講堂不敢正席曰此少時橫經捧手地也而更爲易地一畝築土山其上峙學宮北以輔形勝所不足生平不內非義饋司崇文門稅故事有置邸中器物而以奇贏爲名者却之若浼州邑以輿臺來輒辭邑有馬厰田汙萊久矣受而力耕田乃沃饒卒還之官以業諸生諸生中所識拔馮觀察李民部錢明府皆人倫之選也三黨之戚李爲善陳仕慶張大立譚龍若而人貧不自存者居食之故人高孝廉有至行數游揚之以田宅共之而召其子若諸故人之子擇經師教之節婦孝子若陳守臯輩察其窘周

之有兄弟若叔父猶子訟者以粟與金畀之而因解解之如初凶歲平糶不二價天大雨雪集凍者于空舍授薪而寢處之病者療之餒者哺之胥靡行乞者如之死無歸者歛之瘞之以其阜壤居受水者以其廩賑連火者河患起先生既謫謫無愠言身操畚重塞城卒不潰已請免馬直漕粟歲以金代喪家者葺茅依睥睨而處民到于今受其賜會有恩詔復官而楊司空疏言河工就緒多參議常三省功宜增秩錄用先後撫按臣南北臺省薦者凡三十人而先生題其署曰久分生涯偕木石勉將道術付桑榆無復宦情矣踰數年卒歲在辛大泌山房集 卷之八十 墓銘 四

丑二月二十有一日距生嘉靖癸未十月二十有九日年七十有九其三世以上享年皆同泗人以爲奕世載德天所篤右也配李安人生二女長適陳大參孫瑤歲次適陳鴻臚季子從周以節烈聞助道者吳與陳吳生勉之卽伯行陳生慎之皆爲諸生而勉之最有名勉之生遵極遵模遵楷遵朴慎之生以端以正余惟古者河淮各有道入海故謂之瀆瀆者獨也今河淮會矣形家所云合襟水於陵最勝古者以河治河今治河以通漕冀得其利復冀遠其害重在漕卽不服爲陵計何論小民古者任人習而後用不用而後習禹之爲司空也得

非以崇伯子故習水耶今治水之官不必生於水亦不素諳治水之策而猥以爲才而用之倉皇間故事取文具施行安能必有功古今事勢之變如此常先生世習於水也奮必然之畫不見用而反以爲罪晚用其言而不食其報古今人不相及事勢多變寧盡委之天數哉余于常先生重有感焉銘曰委質爲臣兆可以行翻然長往曰有老親隱焉用文危言覈論幾不免其身曰爲國與民曲突徙薪無勇功無知名沒祭于社惟鄉先生世世奉若子孫河渠書之則有史存

浙江布政使司右叅議何公墓志銘
大泌山房集 卷之八十 墓銘 四

何矩所公與其父龍崖公俱以丑年登第官俱至浙江叅議謝事年俱未艾也先大夫爲郎時習龍崖公仲子侍御公同余季弟成進士余復與同官大梁相善得交歡公比坐急難寓金陵數奉杖履同余言唐楊夔原晉亂不自王敦蘇竣而稔於王導庾亮翼虛駕僞崇扇桃薄空談競而實政衰也權德輿論兩漢亡不自王莽董卓而深罪張禹胡廣多方善柔保位持祿士習壞而奸雄起也今在朝在野此風漸熾吾輩宜有以振之余深服其言無何公遂棄人間矣伯子郡李以累世通家屬余志墓誼不得辭志曰公名湛之字公露父名汝健母

孫宜人宜人夢白蛇入口驚而寤生公識者曰此吳張承之祥也龍崖公知濮州攜之官六歲日誦書千言十三屬文有奇致侍御公九歲亦如之父都試諸生令兩兒從濮大夫士無不嗟異焉小史馮祿與同學後以明經爲博士則公麗澤深矣十六補應天諸生耿莊簡公拔高等而會龍崖公爲御史願應賢所詆謀亦疏攻御史同日罷出都門目屬願曰吾兩兒可繼志若歸作何狀歸則杜門謝客益延名士爲子師友而得少叅張心澳公兄弟刻厲無倦遂同舉於鄉龍崖公始舒勃出見客吾以歸成吾兒願氏子爲我德矣已公病脾辭家人大泌山房集 卷之八十 墓誌 四

山稍諷二氏言偃知見番嗜欲三載甫愈而體羸劣父母憐之兒卽以乙科爲博士足償力學之苦公不應五上乃第授南京刑部主事已遷郎中精法比受知少司空吳沈兩公諸大獄必屬公識多所平反同舍郎鄒吉水陳雲間歐陽潛江最知名於之極稔置白雲菴退食與二三公坐菴中譚道賦詩泊如也侍御公理問封父母往來二子間公構精舍中有鳴鳩亭儲木石花竹奉親燕遊戒其偶周安人奉養豐潔雞鳴問寢然後入署散衙或不脫衣冠詣鑪頭視膳品嘗之而後進公世家錫山國初徙金陵兄弟六人季以下仍故居父往視諸

子病矣公聞并道馳至不及視舍殮深用惋恨爲拜謝諸弟而輦柩厝之小山先隴悲哀抱於情葬種稱於養服除補虞衡龍崖公舊曹也讀手澤輒歎不勝哀而更痛往者以萋菲去位事未白已考績疏請復父故官報可其夕孫宜人居白下季弟居錫山皆夢龍崖公衣繡有喜色云冬官諸郎勾當公事多利數一切謝不與第司鑄錢釐諸奸蠹務供國用而封倭議起疏斥大司馬聽須臾之說誑誤人主者羞社稷而爲天下笑以中國全力制倭若轉閉錘臣請除戎器備不虞無爲倭所結舉朝壯之已擢僉江西憲事專治驛傳三日廉部中大泌山房集 卷之八十 墓誌 四

富民數十家衆莫測所以則以易諸勢豪侵冒者有司假驛傳金他用至五萬趣令償母再煩民所至詢民疾苦人得自言采而行之會伯子成進士公奉表入都已聞母疾亟歸母執其手曰吾忍死待若目今可瞑第若子不在膝下耳伯子除襄陽李省覲詔以清慎勤三言當官要法復益之二言曰耐煩既服除不欲仕而伯子以拒惡璫有詔逮繫公不任憂邑太史焦公趣公宜先入都門爲地已見伯子復與中顏如故稍自寬也伯子頌繫金吾十有八日謂上怒小提公來視則旨下掠立其罪父子都得一號作

死別矣。偵者織路伯子尚無恙，又稍自寬。而公有浙江除不可煩命，明年入浙，部抗嚴二郡首下，令禁婦女入寺，佞佛械僧之有妻妾者逐之，各復其所，盜有廖於室，略於通什五連生夜警，晨嚴外戶不閉也。條庫直以寬商清屯田，以足餉，置市兒竊，包若以偽銀欺鄉人者，於理責重，主斷封水嶺山之豪，敢不得肆倚，革邪化矣。沈都諫繼室與宗人淫而殺子，孝廉當大辟，詐死發其覆，陳少卿三謨故相鷹犬，嗾其黨殺人，公坐以首謀抵死。賢士大夫若虞文部、葛祠部、沈上人，每遊必偕。有香山眉山之風，已擢右叅議，分部溫處，又龍崖公舊遊也。陟大泌山房集 卷之八十 墓銘 四十五

降在庭，繼序不忘，而政體較抗嚴爲寬大。初聞伯子病，貽之良藥，已聞獄中從馮會憲公講學，曰是必無死，而私自苦痛，常寢想之，再以奉表入都，泣而語商丘相國。商丘亦泣，當以去，就爲伯子爭諸臺省，疏遞上，妬者謂出公父子私情，激

上怒，司禮陳矩懼，屬金吾夜登公床語之，故公遂出郭。外商丘公謂卽不得赦，乃不令父子一見耶。當事者不敢任，而侍御公卒於閤，計至公慟，遂歸，復移官四川。公哭第，思子憚遠，遊疏乞休，少宰楊公留之，公還所領勅，矢必不出矣。甲辰

上感客星變釋繫，因伯子抵家，已周安人自錫山來，相持慟哭，已乃雪涕，兒不以獄死，吾與若母不以兒死，君思如天，置酒召客稱賀，數日而罷。已葬，侍御小山形家言不利於兄，公曰：母隲成功，卽有患天數也。安可逃乎？而伯子失婦，飲虹橋別業，災周安人復病，公都無怨言。人以方溫大雅處一年，公又病，脾而浙當大計，流言中公御史左公以聞，伯子秘未告，公病愈，乃知貽書其僚，曰：趨舍同，誹譽在俗，意行鈞窮達，在時吾於人乎？何尤有道人授導引術，病益却，著金剛偈論天親無著二疏，大暢厥旨，已置鳳嬉園爲菟裘，而春秋正六十，自慶曰：大泌山房集 卷之八十 墓銘 四十六

鄉者吾精已消亡矣，吾形已不逮，今日何殊百歲？復置酒召客爲十日歡，談經論詩對局，命觴甚適也。已改疎園爲玄津書院，延四方文學士與諸子姓肄業。元夕張燈，復置酒召客，賦帝京篇，莫春遊牛首，獻花巖詩成，屬伯子與友和之。已命治木至祖堂卜兆而返，仲夏俄感疾，午日召客燕河亭，呼伯子兄弟侍。伯子病不能從，公曰：吾所患時疾不宜汗及斷食，大嚼自如，而病日深。醫投以參苓藥，上下結轉，或欲下之，公不可，有名醫來診，曰：藥無能爲也。伯子與歸，故宅爲公傳神，召之來支分家事，詳覈而以厚宗人終焉。仲子曰：大人素好禪，宜用

之此時伯子曰須持正念爲之首肯自是不復言叩亦不應越七日卒公仕兩京兩藩財七載修先世之業而息之少耽聲伎中好詞賦以太史焦公言更號矩所殷然反本守清道而抱離節吳人苦賦重有田者往往規影宦家或身請爲奴宦家奴多所陵折里閭有司莫之誰何公不內獻田及自鬻者不爲他人陰復歲以夏冬季入公賦不遺黍黍奴產子不得乘人犯者必先予杖卽爲人所蹈藉勿以宦家具訟牒馬郡守及錫山許林兩令每語人薦紳誠如何公何難治之有最重倫常錫山有婦殉其夫覽工死或嫌微賤不錄公首爲詩祭之大泌山房集 卷之八十 墓誌 四

白縣令旌門示勸晚歸依淨土繕構禪林獎識縉流非一設義塚鳳臺門瘞死無歸者爲漏澤園記寄伯子以示馮僉憲公嘆曰尊公澤及枯骨天必不死其令子與人言無隱情無避忌當官守法必行無所顧問草書擬義獻詩法陶韋以病不多作爲榜嚴標約榜伽獨解未就其行世者惟踈園歸田二稿初公爲孝廉周進士元委贊受業所辨析出人意表其誨伯子一宗紫陽及蔡陳蒙引有疑無得以新說亂經伯子書不成誦文不達意則厲聲色督之旣爲郎南昌袁司馬爲其子謀師友於公則周與張實王顧太初俞仲節及伯子九十八周

與伯子同舉他爲元魁者相繼人謂公知人伯子自公外鮮他師旣成名而亢直遽禍貽公憂僥得生還日以進德居業爲訓蘇援世事窮道本來論難反覆不休席有女樂坐有淫朋必不令預雋聲日起銓曹請召爲春官郎不報手狀公行實數千言有餘戚焉公生嘉靖辛亥八月二十有四日卒萬曆壬子七月十有五年六十有二子三伯子棟如娶縣令李公寧儉女繼布衣徐公行弟女仲子梁如娶晉江令沈公天啟女元配周安人出也叔子楹如聘鄉進士沈公應宿女側室林出也女四長適無錫國子生鄭邦直爲憲副公伯興孫國子大泌山房集 卷之八十 墓誌 四

生堯臣子次適庠生金長庚爲鄉進士公曷孫次適無錫國子生顧挺曾爲憲副公某某曾孫序班公道游子周安人出也次適顧漂英爲參政公顯仁子林出也孫男七長燾應天庠生娶兵部主事卜公履吉女棟如出也次蓋聘都督尹公鳳孫國子生邦富女次默聘修撰焦公竑孫國子生潤生女梁如出也次熙聘宗伯姜公實曾孫鄉進士公志魯女次煦次庶次蔗俱未聘棟如出也孫女四長適縣令丹陽賀公學易于懋煜次適金吾深陽史公繼書子致鳳次字鄉進士高郵李公自華子若傑棟如出也次字光祿胡公從鎮孫其冲梁如出

也曾孫以培煮出小字同曾益生與公同物以癸丑正月二十有六日葬方山新阡銘曰貌如脂脂身非汝有也而甲子踰其初徵以檻車子非汝有也而晚相守故廬玉成者天與善因者人與精於研理而當機或疎不足爲吏而治生有餘倦於逢迎而學則勤渠始乎風流而卒乎真如無蓬蔭無趙趙事不人異名不身居父有美而子稱之非誣觀銘者將美其所稱矣夫

福建右叅議沈公墓志銘

叅藩沈伯舍氏其尊人讓亭公與余同成進士同觀政大司馬省中交最稔余出叅藩隴西公方按陝繞一通大泌山房集 卷之八十 墓銘 四九

問而公不祿矣後浪遊吳越造公家見伯舍昆弟競爽喜公有子久之伯舍成進士爲水部郎出使荊州余自蜀入越過之爲信宿留伯舍使畢省

親復晤之武林其子與猶子一時三人俱爲督學使者所首錄竊歎公垂裕後昆之盛垂二十年伯舍出入兩京爲今官未幾復中讒去位尋卒矣仲子宗培具述生平行略而介友人林若撫以墓誌請念登第五十年通家世好而沈氏父子物故余幸後死誌何可已沈出劉宋司空慶之傳至趙宋爲學士明從南渡居杭東花園三傳錦仕元爲御史子彥德遷漳里彥德孫大廣賜高

年爵子廷亨工書畫有俠烈士風子文炳以明經仕紫昌訓導攝縣事却千金饋子天祿更工書吹洞簫度新聲所療病賑饑無算談長生術自言能仙子致和弱冠爲高等生武林人士出其門者甚衆子楠卽讓亭公所至有聲迹祀豫章名宦秦人有特祀二沒祀鄉賢娶徐孺人生四子長卽伯舍名朝煥三別號太玄綠笠翁黃鶴山農初父遊學京師以母若婦屬女兄母姑刺繡易食屢空而夢神語若夫世積德當錫佳胤伯舍始生異香滿室隱隱聞天樂聲三月而父歸母羸乳不繼大母唐孺人哺以糜依太母猶母也甫晬有紙筆之好揖讓大泌山房集 卷之八十 墓銘 五

如成人父抱置膝上誦兩都賦不失一字見者奇之十歲喪母號跳擗踊三日不內水漿太母強之乃食從父李南昌歲不再更衣月不再食肉而向學不倦與臨川湯義仍金谿謝友可輩齊名十六督學使滕公以第一人補諸生從父入京師與四方英雋並遊皆推遜沈郎先達折節下交呼爲小友父按秦則代居子舍侍太母太母命就婚費翁家而承父計嘔血數升徒跣走秦顏色腫噲却諸賻者曰不欲點先人清白於是以身發名既還悉以產推諸弟及叔父無私而與諸弟堂精舉子業所爲玄白解盛行於世袁簡肅公聘之課子蘇觀察

機士居首應食廩以讓其次乙酉舉鄉試第十人錄其文爲式自是始壬辰成進士念太母春秋高請歸終養太母齒落每含舖以進夜侍側數起伺安否數年太母以天年終哀毀踰禮服闋授都水主事

大內火兩宮燬倡議撤會極門以斷其勢中人傳旨蒙輯承運庫屬於道

上知沈郎有曲突徙薪功爲賜金已偕錢吏部典試山東得趙秉忠遺卷中遂大魁天下其居翰苑臺省曹郎爲直臣循吏儒林文苑者數十曹於時島寇內犯

上下石司馬獄逮奸人沈惟敬予死比更置督撫許便大泌山房集 卷之八十 墓銘 五十二

宜從事然訛言繁興未堅決也伯含憤而上疏大要在直搗寇穴遠襲對馬近襲釜山用奇設間勅朝鮮君相相犄角有言和市者誅山東山西北畿人多拳勇練之胥成精兵調東南水兵以濟北人不習舟者餉則亟開屯順天屬邑半通水澤若哨上地環海數百里聽民墾種蓄洩水利田百畝以至萬畝定爲賞格兵食自足選將則武科所錄善騎射曉謀略若造火器通星占者給之資斧聽詣軍自效竹島倭將義弘薩摩主直政心腹也與關白有隙譚宗仁王承烈入金營時頗得其情石星以敗封事致之理宜亟收用并招同類捐金行間建

虜奴兒哈赤部落接壤朝鮮先年掘參咸鏡道清正適寇其地願封龍虎大王殺倭報怨以夷攻夷便計也疏入不報天津新置開府萬公請得伯含補備兵使者督屯田議復中格以次司權荆南罷小東等關稅而蜀木浮江下者稅裁其半民困大蘇

上口實穀工中人四出括貨海內騷然楚陳奉爲尤烈商賈竄匿與藩臬大夫計不如定額與之母令爪牙恣而圍奪而陰把其宿務掣曳之黃岡令武昌守咸賴以無敗服則與學士大夫四方詞人覽山川之勝修詞賦之業進諸士課文文體爲之一變以調武選郎行荆南大泌山房集 卷之八十 墓銘 五十二

縉紳逢掖商旅父老傾城出祖至涕泣下閣奉登舟矚其橐蕭然歎服而去遷職方員外河南山東中都春秋軍入衛供工作率虛名而武臣中人侵餉過半覆之歲省三千金已遷武選郎中諸材官世職京衛屯篆都閭推補吏爲奸利必以邦政條例從事中人戚畹請託一無所聽綜夷情兵政譯語及陰符奇門諸書作九邊考而本兵政以賄成心憂之條上四事一曰京營將領類以武臣劣者具員軍則情實人子承應須臾實丁十無一武藝百無一近以倭警置選鋒裝餉兼兩而不諳紀律漸爲稅關鷹犬誠妙選虎臣爲將責以汰老弱簡精

銳差次勞績凡外總副參遊非京營將不授軍給印鈐
面貌懸牌試其力若技職方員外驗試廳主事戶部下
糧廳與營將一一審實有不合者罷黜戎政協理巡視
臺省斥革詐冒號爲選鋒務人人可用無但具文二曰
遼左軍餉較諸邊少而培尅多虜騎蹂踐已甚又以援
高麗喪其掠卒華人奸闖出物半爲嚮導當事者媚建
州夷任其侵地掠財土酋擦漢兒輩控弦各數十萬與
淹答爲難朶顏三衛諸屬夷黠桀者可襲遼而有也請
增遼兵一萬給餉如諸邊帥李成梁日行賂閭閻淮爲
身家謀當置別將佐之勅巡撫兵備諸臣講求屯田之
大沁山房集 卷之八十 墓銘 五十五

策廣寧遼陽開原管糧通判驚散不及事更以進士推
官歲行查盤三年考最拔擢臺省耳目意氣一新凜然
有虎豹在山之勢矣三曰武臣世爵如

二祖時固當其非時用兵互相格殺亦計級而世官之
將家子生髮未燥已報功或行金錢買首虜或徵情歸
戮降卒不罪爲幸耳軍功代有軍職代增耗錢殺無算
先臣夏原吉謂多升不如多賞賞費有限升費無窮嘉
靖初亦嘗登革倣而行之分三等上者如故次者遞殺
下者不叙向後戰功壹是爲準成書頒示咸使聞知邊
鎮新功部臣亦以三等題覆本兵制府諸大臣賞功亦

以三等議節陣亡官軍親子孫絕以弟姪嗣使無乏祀
不然鬻爵者世祿而身殉者爲厲非所以妥忠覈昭勸
懲也四曰防亂萌淮徐賴濮間地曠而瘠民俗雕悍易
怒畿省交會統御不一竄徙無常古革莽之亂往往從
起修淮安舊倉講膠河海運未可付之道旁舍就目前
論分浙江見兵天津新兵移鎮淮徐間以京營兵更番
出汎習其道里險易攻守之宜庶乎有備無患疏上
上欲登北臺聞戒嚴罷乃作北臺賦以諷武選之弊莫
大併功錦衣都指揮陳胤徵以戚畹妄乞併功堅持不
可胤徵夜饋黃金一笥峻却之數日忽傳

大沁山房集

卷之八十

墓銘

五十五

旨陞三級世襲夜將半中人迫報命卽手疏彈劾其罪
事乃寢而索吐賄於當路當路恚計吏以蜚語降外任
歸來獨坐一室讀周易楞嚴所發明出人意表秋日渡
江展祖墓山陰合吳越族爲譜立宗祠置祭田禮宿儒
教族子弟一家興仁興讓久之補靖州靖在楚西偏所
歷雲夢滿湘洞庭桃源五溪二百吟眺殊暢修城郭遷
學校定哨堡清徵額稽屯餉省罰錢謹哨望定邊令好
鬼好淫之習釐而閤之禮義百度俱舉忘其爲遷客也
飛蝗食苗市米踊貴發倉糴賑全活數萬人采木令下
木產苗穴奸人誘之昂直稍不如意操戈相向乃親入

其境勞以牛酒苗爭出大木而民不疲教督諸生益詳
款於荆南時矣二歲稍遷南比部郎士民建特祠祠之
者三入都鞠謙平恕質成相屬明年遷蜀僉事蜀相嶺
以西大渡以東有建獠者度劉居民衛尉千夫死焉兩
臺起劉鋹田間爲帥而吳中丞來撫藩臬諸道虛無人
伯含兼攝數篆中丞故同榜知契檄攝上下川南五月
至嘉邛兵集無餉設五運短檄法兩月得餉八萬兵在
越嵩者北就食鎮西南就食冕山於建南內隨地置餉
以俟大軍至有郡守提兵不欲受帥要束先渡河趨會
川而疊茂游擊戈仁躬沾沾自喜中丞不令從征則厚
大泌山房集 卷之八十 墓銘 五十五

賂帥議開中鎮路別以二萬兵從峨眉入帥既慮守撓
之且惑戈言遂主其議伯含移書帥兵抵鎮西冕山復
爾改塗亂人視聽虛糜芻粟况平夷堡而南菁深壁峭
難以平行寄還番穴必致開閤是更生一敵也古人舉
事必就力所可及勢所可爲者營平制羗預屯湟中魏
武西征先田渭南今一路苦難而分兩路故道苦難而
從新道聚之半年散之一月能無他虞帥議沮猶預兵
嘉州不即進士卒鈔暴閭里復移書言番地深秋即雪
不如八月渡河出其不意及未收穫因糧於敵時未汲
寒利涉殊易帥兵入番探遠遁僅存空寨負固者木石

雨下伯含再入冕山厚犒諸軍據其要害帥分兵略寧
番得昌木他等賊別軍趨會川攻戈比密遣張遊擊統
需安民等攻梅子營猝鉄諸寨番獠懼乞降將士營無
定所帥欲餉夫隨營轉運適賊出殺虜運者衆縮胸不
前令軍搜山出苗窖粟有賞項時餉數千石出而運夫
生還數百千人川南上下畫像焚香尸祝沈使君也伯
含度乘此可招撫而監軍使與帥不然乃上書中丞曰
將寡謀而貪兵小勝而驕師老力詘官司懸磬困獸猶
鬬未可恆恃戰有餘之勇爲善後之圖馬邊有建武馬
湖兵五百我邊有平夷兵千再倍之可防衝突明公告
大泌山房集 卷之八十 墓銘 五十六

戒總戎增墩堡修城池於越嵩建昌鎮西各宿重兵二
三千首尾相應帥守建城徐遣兵墾屯田以逸待勞須
之三年夷心馴服疆土俱定設郡邑以牧宰之紆併急
之苦收安集之利實爲上策中丞遂罷兵而忘中丞者
併忌伯含戈遊擊修卻廣播流言榮惑之既以入賀行
明年再入蜀有閬中除甫入閬蜀譏就遂解職歸歸日
中子侍以食少爲慮曰子衰矣雖然復何求人盡畏死
予視之蟬蛻耳中子怪其言不祥決辰祭祖墓墓側有
丁氏新阡踟躕而歎頓首曾大父隴前是子之罪也夫
携三弟登山而飲酒酣相持且哭且歌中子益怪次日促

中子山居曰設疾棘召若召者至則逝矣卒無一言伯
舍早失怙恃語及涕洟交下夢中見之醒猶沾枕席也
董玄宰爲題孺慕亭而黃昭素爲記敬事叔父叔父取
之嚴小過操杖欲下長跽受之性廉儉不恥惡衣食而
親故皆葬不舉饗飧不足周之無厭貌豐厚端凝神采
適上而語無妄發利害當前義形於色倉猝應變曲中
竅會犯者置而不校卽御臧獲未嘗厲聲色而不爲利
病於回不以回事人蘭谿新建四明山陰父所知厚在
政府無私謁或欲調之吏部謝不往比年朝衆分曹相
角介然獨居恒言議論龐雅體制凌夷薦紳訟師交遊
大泌山房集 卷之八十 墓銘 五十六

寇讎可爲世道憂三五正人養以忠厚持以慎默程伯
淳不與議新法者良可師也激而爲黨禍不獨在身又
寄聲諸臺省謂推擊太多反令忠佞混淆國家大事以
實在利弊求其要領無爲奢濫之談臧否人物勿吠聲
射影識者以爲確論所撰著亦適編泊如齋草馬曹稿
息初稿勞人草鍾陵草白雪堂賦入蜀田家雁字和陶
諸詩升作者堂與鴻筆之臣推許特至有神降於荆南
所書多伯舍詩蜀人用杜少陵句爲籤課事頗相類封
事上書關切大計後之人必有奉爲石畫者其行兵不
善功不近名尤超然常情之外惜哉未竟其用然而垂

世長遠矣其生嘉靖戊午七月四日卒萬曆丙辰二月
二十有三日年五十有九配費 女贈宜人繼郁 女
封宜人子四伯宗城諸生娶衛叅軍徐國梅女費宜人
出先十二年卒卽余所見三人之一也仲宗培太學生
娶都水郎吳大山女繼內史陸從龍女郁宜人出叔宗
培諸生娶吏部郎錢養廉女側室章出季宗培聘
胡來聘女側室王出女一適中丞錢夢得子庠生允方
側室李出孫男四城出者士鋌娶詹事主簿胡自獻女
培出者俱下塲培出者士鏘卒再改歲戊午三月十有
三日塲黃鶴山之陰宗培述凡萬言余約而志之如右
大泌山房集 卷之八十 墓銘 五十六

銘曰 德靖以還文章復古風靡波流乃成儉楚沈氏
中興紹明先緒兩京鼓吹六朝步武李唐初盛奔秦堂
廡旣振詞林亦優軍旅運籌帷幄折衝尊俎東夷南蠻
西戎北虜陰雨綢繆則莫敢侮如漢賈晁良工心苦圓
枘方鑿入之鉏鋸大勲未集歸一坏土沒而言立昭茲
來許天目之山龍飛鳳舞至於錢塘鍾靈在汝精英若
生上通帝所

大泌山房集卷之八十終

大泌山房集卷之八十一

京山李維楨本寧著

瑞昌王府輔國中尉貞湖公墓志銘

明天揖之親有文學者莫盛于寧藩然行誼未必服衆
卽有之年或不永子孫未必象賢惟宗良公一人較然爲
爲天下所知福德備矣公諱多燾宗良其字別號貞湖
高皇帝仍孫寧獻王權弟孫瑞昌惠王磐熾來孫恭僖
王奠壇玄孫鎮國將軍觀鈞曾孫輔國將軍宸渠孫奉
國將軍拱樞子也嘉靖初奉國疏議園丘禮璽書褒勞
并賜秘書之副割名田食白鹿洞諸生臺使者伐石書
大泌山房集 卷之八十一 志銘 一

其事載之郡志娶李淑人一索得公震時淑人夢儒生
升而入室公遂生識悟過人五歲能爲駢偶語鄒文莊
命賦七言詩承響而對文莊目爲小友年十五封鎮國
中尉師里人太僕余公太理齊公曲節從教治舉子業
博雅中倫以格宗正條不得試迺專精爲詩有善空同
先生言者衆所誦習公曰夫空同學有師承其人雖遠
其書故在舍其源而未流是趨乎取家尊賜樓所藏周
秦漢魏六朝三唐諸家遺編而時習之若曹褒寢懷丹
鉛行誦文書矣有所論著字比句櫛不示人以朴書法
得右軍大令意中承閩蔡公過父所請曰聞君有令子

願內交旣承顏接辭謂舉國是君家阿戎也下雉吳明
卿與李觀察于麟王司寇元美徐左丞子與稱中原七
子瞻矚甚高左官豫章得公詩而稱之近體沉雄不落
蹊逕古詩在曹王鮑謝間遂締僑札之好贈公詩有師
傳秋駕法人駭夜珠光語諸宗人慕吳公延致無虛日
置酒高會座無公不歡授簡賦詩公輒先成吳公擊節
不已時七子外有三甫而里人余德甫公居其一亦亟
賞公彼翩翩濁世佳公子得宗良片言否公名由此益
著中丞吳凌公旌公門以風厲宗國已徐左丞與司寇
弟奉常敬美後先至綢繆惠好有如故舊敬美悉公爲
大泌山房集 卷之八十一 志銘 二

人嘆曰余伯兄謂大江以西有獨步者惟君足當之吾
不入豫章幾失君余督學闕西敬美爲代問江西宗人
孰賢敬美舉宗良以對余曰非名某者耶敬美曰不然
宗良閭閻然而日章者也已出公詩示張中丞助甫助甫
拍案曰何物乃欲奪執林檎敬美予告貽公書歸與家
兄間及故業必屈指足下以爲天族翹楚蓋王司寇評
公詩從苦心出豈直白眉赤卽要當表儀昭代云初公
兄弟行有負時名者公年差長而名晚成其人應時折
減妬欲汙蟻公公默而好深沉之思恂恂退讓如不能
言者而人自宗之卒莫能易也方比部士功趙州守脩

甫彭孝廉稚修從弟貞吉族子巍甫佳甫爲詩社公以齒居左席實亦有才甲乙其後喻觀察邦相丁叅知右武王廷尉永叔劉少宰幼安袁給諫吉卿往來倡和最稔董中丞子才陳廷尉王叔方學憲子及章納言元禮山人方仲美羅敬叔游元封陳山甫輩或干旌脩謁或書疏啓居或降父執禮或列弟子籍不可勝數司空表聖取陳太丘之容衆郭有道之誘人公庶幾矣所構摩尼庵數楹題品盡一時名賢桂林張羽王爲作記俗議王子侯博名高假手游士爲詞賦海陽詹東圖載諸小辯中後官南豐知公治舉子業故自不凡公新之少年大泌山房集 卷之八十一 志銘 三

嘗以督外生陳吉士良軸擬上第人謬相許視之芻狗也敬美欲倣唐國秀集名曰國香索公全集公謝曰千百年後不乏知已末年始授其子付之梓往所就正司寇者削強半日始吾求之少陵十年未得也既求之青蓮諸家二十年未得也幾老乃得之以襲取者柴立以神傳者原逢敢曰抗衡上國庶幾成宗良氏之言云爾省臣舉天下諸王孫有文德者十許人豫章以公爲首績文茂行無讓漢劉德更生宜貢之宰朝盛其龍光六十以往有未疾視聽不衰覽鏡自笑猶不廢我咏歌中丞直指諸司簡求宗正登宗人于庭各舉所知皆言公

束脩厲節言重信著公族元老正宜厥任既病廢猶擬爲劉氏祭酒徒得其重臥而治之耳公固讓徵國威靈申志方外久絕人事飾巾待期無所辱命公內行淳篤事父色養居喪哀毀火作涕泣率數千人遷柩湖濱不顧府火熄廳事獨存人以爲孝感奉詔度江展墓獻款涕數行下慟母早卒淚隨言落異母弟事公多失禮公不校拊其遺孤割宅以居所善從弟卒兩蒼頭掖而跣躡往哭諸從昆季子姓日携尊湊公寢而談移日然後去無倦色臥病十有八年客常滿座以社日過飲伯子曰日至悲泉爰止其女爰息其馬是謂懸輿吾殆逝矣大泌山房集 卷之八十一 志銘 四

賦詩一章而罷越數日卒又夢與宗人燕處寤而爲詩書一通貽家子孫若永訣然門人謀所以易其名者私謚文哲丁叅知曰可叅知目公詞壇老將如趙營平制朋友之服焉親致極焉南昌郡志詳公博雅好修詩詞進典刑身後定論如此公生嘉靖庚寅十月十有三日卒萬曆丁未三月十四日春秋七十有八所著已行世者千卷諸序所稱引不具載其藏于家者尚若干卷計閨賜論祭如例以戊申十有二月塋洪崖鄉元配傅封恭人前卒繼內助李于四謀全謹速余出謀雅謀勤李出俱封輔國中尉全娶劉繼休速娶徐雅娶羅繼成勤娶李俱封宜人女一全出適吳鵬舉孫男二統鏡統緒

俱封奉國中尉錢嬰吳鎬妻楊俱封安人孫女一長通
楊索邦次通楊其俱進出曹孫男三未賜名伯子為公
狀不及請志而卒又八年叔子始以志屬余余服公行
事當于古人中求狀不詳十一第以文抑末矣仲子不
忍倍凡且不欲諛父志可則也余因而成之銘曰漢傳
河間夫唯大雅卓爾不羣被服儒術學舉六藝文約指
明載傳中壘通達屬辭言發至誠直諒多聞古之益友
明經有行百世上下維此兩賢公可提衡在朝在野眾
所曾好聲豈過情西山南浦氣鬱葱哉貴公佳城采蘭
臺書勒石藏之於昭令名

大泌山房集

卷之八十一

志銘

五

昌

雲南布政使司左布政使梅公墓志銘

梅公初成進士時余承乏禮闈與歸德沈相公同事得
評閱其文而奇之已公守岳州西鄧支郡士民誦聲盈
耳晚秉憲兩浙繼公後示我儀刑多矣會上計京師公
以左丞來始相識幸致執鞭心儀必大願庸而不謂公
位止此且忽焉沒也公子繼善述公生平行事累
萬言乞余為志余雅知公不得辭志曰公諱淳字德涵
蓋宛陵裔徙居姑熟曹王父而上曰玘曰壽曰景芳皆
以隱德賜高年爵王父曰鸞父曰勝皆以公貴贈左布
政使王母章母潘皆贈夫人後母杜封如之王父積而

能施父躬行有文事科狀中公生而獨敏喜怒不形于
色化入塾匡坐誦書日數千言為文亦千言立就會義
母哭之染毀旦晚與父同臥起一夕夢驚而寤汗雨下
父問故對曰有龍蟠身有人繫印左肘去後肘上恒若
有物綴焉御史大夫沈公方為令試第一中丞倪公見
而嘆曰此我輩中人以其外生女女之即楊夫人也楚
朕恭簡公哲學微入明道書院日聞所未聞以窮理盡
性主命為事甲子大比辭不赴又三年為丁卯又苦收
事譬之曰國家明經進士通甚正士病家修而庭壞豈
以制科損哉自是試高第余康壽舉于鄉諸先輩率請

大泌山房集

卷之八十一

志銘

六

昌

謁獨開戶詢習郡守黃公數懇榻以待公不時往而采
古人崇孝盡忠謹言慎行虛心重義敦厚有忍持大體
除客氣省思慮尚果斷差次為錄終身蹈履率由不愆
忘也庚午父疾不脫衣而侍者踰月既平善猶趨起不
忍違父趣之甫上明年成進士有諷宜應吉士選者不
可吾往不樂科名今何擇官職耶除知縉雲歸德公贈
之言曰清心省事兩端公以所手錄相質正歸德公喜
吾道難矣縉雲氏故畧訟消田今下訟滋甚首約束胥
吏秋慶犯不赦而廉三老善長者與里魁任之又當定
戶版高下在心巨猾富室無所私聽訟無詬厲聲服念

求富所干反不可勝計服集諸生論通論文正承冠專
瞻視而延接之諸生嚴憚有不善懼而公所和縉雲大
治諸司以不足盡公請調表為義為民強有力者
募而兵有功邑人往往去隸兵籍歸則負山拙治而盜
數公簡其魁煦什伍緝盜盜發相重而民不因兵邑泰
人願公負土葬父為含泥吻傷邑以吳名迹其墓祠
廢者新之龔公泰與妻俱死建文難合來樓公臨明龔
公臺為忠賢祠士民知向風慕義其造士一如縉雲置
田食之兩邑頌聲文作奉召為御史巡視蘆溝請罷中
貴人私稅報可商民勒石志恩已視東西南三城嚴干
大泌山房集 卷之八十一 志銘 七

上南郊人寸不踰禮
上目屬焉賜金幣故事御史出按先小後大而長蘆於
小使最獲公序當得而同人所奪卒無言總憲意公不
無望微以大者益前過而公得廣東主則獎廉汰墨解
鏡除煩前後所建白若修實政蠲舊餉禁改折濟河工
皆關切大計識者題之執政子登第諸使宦能展質炫
橫于道公第空函倉長蘆者因問公出知岳州訊耆老

告故實均田賦理通程歲早步積雨大樹以其月係市
泉賸餼乏訟者片言決不罰不咎修學宮圯敝而督課
九枝弟子負薪蒸試斌矣十八洞溪蠻患有司使制自
公在事纖芥無擾蠻落安其恒產無復嘯聚狡執我疆
界者江陵見藉公白當事者持平例無傷國體人服公
雅量已晉晉憲副司驛傳鹽筴諸郵符不應給若有司
侈供億鹽鹽專利而墮底正課者悉裁以法余仕晉攝
行二年章程秩如也尋遷參政陝西分守關內辦官材
簡軍實抑豪強蘇蘇單亦泰自諸王以下斂手避之而聞
父喪徒跣奔還服除除山東治濟上會淫雨田蘆蕩析
大泌山房集 卷之八十一 志銘 八

盜乘之起公設方略渠率就禽河溢茶城昭陽驟漲李
家口新河潰與呂孟諸湖連水涸舟膠為之徙運道于
南建內洪三閘啓閉以時修其廢枕擇以長堤公白行
河使者司空舒公此權宜不可經遠宜開韓莊之渠導
赤山諸湖注之如河東會沂武由周柳諸湖出卸宿與
河會為使計司空以聞從之公董其役身先版築河六
千餘丈隄八千餘丈為土壩一石埭一五月告成省二
萬金論功增奉一等復賜金幣明年晉越憲使中貴人
以礦稅橫入民文罔盡雪之所平亭他獄獄尤眾吏
不飾盜盜剝深慘數者必斥屬倭警徵兵公習義為俗

所簡必有勇知方者東征賴之憲仗故無三年淹公考
最而後兩嶺南右丞舊乘驄地也以助征倭軍興急加
賦比事定計曹復括之資內帑公酌通餉論額不論年
給賞餉以契復以班中貴人辜權市舶橋梁淘河涸澤
請除其大甚而更定驛傳禁例卹死戰之孤廣賑貧之
惠建浮圖以禱形勝修志乘以備法鑒五月善政具舉
有侍御史某者狂雅與左丞揮拳相攻左丞言某于文
移中刺公改節類噴語朝議亦言世寧有鶴人乎叔
子者御史罷而公已遷滇左丞滇以征播與剿之播惡
而刺刃于腹者株連斷首就脩是謂重傷而責黃金幾
大泌山房集 卷之八十一 志銘 九

增不已公極言狀稍為寬擬務節儉休息諸支除常儀
具數事而已漬多五方民及國初所留戍守之裔與諸
夷錯壤難盡繩文法而吏以僻遠亟實私索公兩入計
黜陟分明或望風解綬去踰六載推太僕太常閑府者
數四不累用而以後母喪歸無何卒公思母蚤世終身
哀慕事後母如母就養無方居滇勞勩益之大創遠為
死孝矣生平篤于人倫上世所遺畫并同產弟分饒奉
稍一無所留從凡士元從弟嗣從子志善應舉周之珠
至其他挾困扶危急公獎善不居其名焉仕宦四十年
處脂膏不自潤郡邑藩司審衡量出入如一從舉無染

鹿滇之以孫金進者去日滇民遠道泣留也公生嘉靖
癸卯十月十有三日卒萬曆丙午七月二十有四日年
六十有四元配夫人楊某女副室焦四子伯繼善慶生
娶耿某女繼吳某女仲篤善禮部儒士卒娶喻某女叔
建善國子生娶楊某女卒皆楊出季好善楊女一坤貞
字郡丞倪伯鯨子善胤亦楊皆焦出孫男九人一世熙
娶張某女繼林某女二世開娶劉某女三世杰娶白某
女四世揚聘巫某女五世蕙六世薦七世茂聘郭某女
八世英九世顯孫女三人一適貳尹陳大猷子三策二
字國子生喻時行子庭訓三字者祭官孫啓忠子毓秀
大泌山房集 卷之八十一 志銘 十

曾孫一如玉以某年某月某日葬馬鞍山之陽銘曰有
斐儒生信而好古志何嗚嗚行何踴躍青紫浮雲拾芥
奚取慈親垂白為算事苦趣子服官惠庶可行于唯無
諾翻然應舉南國科名西雍蓮羽始進必正一命而優
婚雲鳥傷分民分土易地皆然若傳縣譚既號神君亦
稱慈父鬱鬱桑麻濟濟棖梧鷄犬相聞絃歌萬戶天曹
報最天言褒許親從子貴無喜譽處以高第徵續衣持
斧
帝時幼冲政歸軍輔凡百有位羣鹿隨處遇柔靡茹遇
剛寧吐強進放退無所私結白簡卓囊袞綢用補營營

青蠅深山泉煦一度出守洞庭之浙莫非王臣仕吳梓
撫露冕行春隨車甘雨我索固并請臺即叙世局俄更
爭言履楚敵怒不嗣抗險非武一人持衡羣羗色沮陳
果參藩秦晉齊魯兩浙五嶺昆明之阻鞠躬盡瘁王事
靡盬詢度諏謀鉅參佐賦汰乾汶刊仇數咎朕我罷
露匡我貧窶正我鹽筴督我農庖清我廩置安我行旅
通我貨運飾我膠序羣我全湯實我康庾蟻特蠶賊鑿
莖猱綸龜上駟除列城安堵河伯不仁助虐合感尤猶
翁河稻梁島鹵淹郵在外三紀寒暑顛昂令望闕閑官
簿庭臣推轂憑熊開府薪積店下卽刊弗予醴酒不成
大泌山房集 卷之八十一 志銘 上

疇為之拘鵲鶴高飛空嚇腐鼠厭世喧卑言歸帝所星
時箕尾館開靈囿維公德器瑤璋瓊璫維公材具舟楫
棟宇維公密緻綺綉組維公簡淡菽粟稷黍維公和
平笙鏞祝款維公素履準繩規矩天不愧仰人不作俯
仁不遺現數不後主几命作伯烝畀厥祖創業垂統焉
不遑室存順沒寧去來栩栩有丘壘如佳氣餘年福澤
後昆川原印浦

山西右叅政晉按察使王公墓志銘

臨清王氏其先蓋臨汾人從軍遭亂失其譜而二世祖
成公與子宗友公商臨清以籍自占再傳富公有隱德

力耕家益饒後高年蔚里中尊為祭酒富生養藏公體
仁游太學仕順德府照磨攝千鄉縣事著清白聲馳諸
于俗移病免歸行誼而鄉所宗以子象徽公貴累贈戶
部郎中元配閭閻贈宜人繼室曾劉室侯累封太宜人
象徽公侯出也名成德字行之凡弟四人公為伯閭宜
人舉仲成學為郡學生而叔成憲為處士季成勳以儒
士為邑貳令則公母弟公生嘉靖甲辰十有二月十有
二日幼而開敏七歲受書了徹大義承接上下具有等
差見者異之稍長不遜聲色尊師取友長善救失儼若
宿儒贈公為慈家所誣幾殆史詒悔百方公抗擊而數
大泌山房集 卷之八十一 志銘 十二

大父天不自立使親為慈子所辱乎儲精覃思于學十
八為諸生高等受廩憲使劉公目曰幹國之器非庸人
也丙子領鄉書父母無恙與諸弟相戒以養有南陔白
華之風已卯贈公沒丙戌曾宜人沒店喪以喜毀聞已
丑登進士觀吏部政明習文法練國制度分枝順天所
取多名士壬辰授戶部主事督寫累諸倉庫和自將甲
午監漕兩浙羨金罰金不入私橐日用交際惟取祿秩
有遺一二方物者斥不收于時閭以中有采礦權稅公
力言不可禍且蔓延天下復遺書二閭譬曉利害不聽
已遷郎中督儲宣府謹守筭籍一切出入雖纖芥無不

可對人言或以奇贏上司農市名公曰歲餉不充商日
益困奈何以此為姑克媒吾苟無私誰不知之自月報
外俱藉侍後人而已九年考最進修政庶尹奉政大夫
以宣府轉餉功賜金幣甲辰選部首議漢入財者得補
郎郎選衰矣今州縣佐貳皆氏司牧以貲進貢償細民
計之左也又議止皇稅事與主者廷爭不相中極病不
朝從而以奉使歸凡在郎署十四年推為參政疏五十
餘甫允則中人為之奎鬻也入晉斷獄除析律二端深
淺不平者旅者老復考故存問錄寡孤獨無以自振業
貸與之罷修河役作消晉府營田蠶食編戶及豪石隱
大泌山房集 卷之八十一 志銘 五

滿丁口者偏關兵使未至兩臺以要害非公莫可急使
屬視篆雪夜按塞申憲令信賞罰疏舉廣謀慎卑有微
三月而斥嶺明儲峙裕封守固虜不敢南牧士民伐石
頌德公拒之此利蓋數名免所為母汙我此歸攀臥塞
路啼呼震野已偕直指大閱三關將吏功罪權衡允當
諸所經費限列而節適直指以開賜金幣旌勞已而
比文武士多出公規畫榆皮吏為邑令有與援乘勢以
使燕庶中丞持兩可公曰當默事在不疑儼反題之張
別駕據經守正為同官所譏公慰為殷勤甚備吏得自
勅以是省會繁劇地應之裕如而消靜寧一造福深矣

念母春秋高乞侍養兩臺持之今甲有凡弟者不得歸
養公曰季弟母所愛也方壯所居非上府右職冀得三
釜之粟母啖之為快耳使弟宦而身居于舍養母夫魏
信陵君勒兵下令凡弟俱在軍中兄歸況今無兵革之
事而國家以明倫化戢天下請自不佞始書三四上乃
為疏如所請吏部議公名賢爛然行拔御錢而所陳母
子凡弟至情有裨風教宜從其言且他日大用未晚
上報可學士大夫噴噴公榮進在前一旦致位如敵旅
讓弟成名娛母餘年可謂至德矣其事母承歡窮萬道
余嘗以通家子升堂起居視聽不泉步履甚適蓋九十
大泌山房集 卷之八十一 志銘 五

而始沒公侍疾晝忘餐夜忘寢露禱于天所以身代平
不起哀號如小兒中者為之落淚初父以食指繫恙仰
食家督欲析箸公泣而諫曰大人垂堂小子繼成天地
況施泰厠賢書無虞饑寒骨肉相附人情所願寧忍生
分雖小物無不與諸弟共者仲弟年相若少同學出入
不離比肩相摩衣有痕路人咸指目之此王家兄弟真
若一體仲氏早卒公哭之慟圖其象與父之象綴之以
祀所至朝夕主禮焉晚惟季弟在母與公兒後弟家來
歷二十年如一日願長得長如兒日後中樞中生小嫌
傷大義宜祈若若父命公泣諫不許以父遺定已所置

產均分之無軒姓母大悅而女亡弟之女子季弟之子與已子女等什氏之妻從一而終母女視之公夫婦睦之終其身父之仕也泰典客為辦裝無能償沒以屬公公成父志典客物故無後為之立後而償其子賁司馬程公與父知契為白誣訟父德之公推父意卹其裔甚厚配韓宜人白首相敬如賓公服食簡素宜人象之在奇時余兒入謁宜人大布之衣如田家婦不知有時世粧里店謀子明農謝絕外事有携金馬居間者却之豈謂乃公賈豎易動以利哉錄古人言行作格語揭于庭教子并做薄俗為寵下輩鄉吏亭長里正三老五人廨人必山房集 卷之八十一 志銘 五

與之卒片言必稱族黨困厄無不資助修學達浮屠為士氏倡諸義舉甚衆晉部使有叙公守道功奇極察使待召用水方臺臣若蕭馮之屬推轂于朝而公無官情久矣一日詔二子夜夢不祥告將逝又忠孝二言庶幾無愧若曹勉旃無愧焉告子疾革晨起謝天地謁先祠三日端坐無一語而逝時萬歷甲寅二月五日也距生之歲得年七十有一子二克勤以諸生入太學娶吳教諭嗣女克讓州學生娶楊太學應亨女繼柳進士膺女女一通武學生吳躍龍閩鄉縣丞銓子孫男三惟恕讓出聘州學生鄭廷吾女惟清惟明俱勤出清聘署丞汪

希忠女明本聘孫女二勤出長通州學生趙東樞州學生財雍長于次字徐祺工部郎中爾恒長于壘以某年某月某日墓在某所余陪公晉藩之後甫踰半歲而意愛綢繆切磋諄為實生乎所希遺每頌公宏才厚德急流勇退天降大任有日而母沒二年身以身後地下將所謂死者耶二子屬余志墓不勝人琴隣笛之哀聊述其大致如若系以銘曰無忘死無忘生無殖貨無牽情是以為孝子為仁凡無枉己無因人無傷財無勞民是以為廉吏為能臣進有功退完名尸祝饗金石銘宜爾子宜爾孫三祝舉五福并猗歟王公復何憾于几京大必山房集 卷之八十一 志銘 十六

河南按察司副使史公墓志銘
余與樂陵史公同歲進士公為臨晉令則先大夫副晉臬亞稱公治狀公佐西安郡則余守隴右數聞問共事棘闈與之談神思清發昏不假寐諸臺若藩臬長貳有執政必屬公若抱水於河而取大乎涇也會江北議治田廷臣特舉公往五載且有緒而忌者凡之歸久之遂卒年二十餘年余承乏長晉臬河求士民誦史臨晉不釋口又六年而公伯子高胤仲子高先來言曰二孤之失母也大有才五齡不知為先君子問母事此失父大有才十五齡不思為父問父事蓋定於邑南依陂河

溯先塋之次宿草二十許年而墓中志缺而不舉惟使
君之先君子深歎以其大畧請余同勝中才深和義如
公不數而不究其施每用惋惜志何可已公初名筆直
督學使安福太常鄒公史之邦直其先左馮翊人勝國
季始祖秀乘白馬與子仲良偕至山東樂陵徙名數焉
高津鄉人仲良生勉勉四子伯曰朝景泰丙子舉人仕
海寧尹孝曰麟其邑令播慈于民麟因民之不忍執令
諸京師奏之伏辜山東豪俠以高稱首麟于述以明經
仕岷府典儀人目之善人配閭孺人子二仲曰袋邑諸
生合德之序此子赤子人目之佛娶于鄭公之父母也
大泌山房集 卷之八十一 志銘 十七 昌

公為郡丞時封父如其官母宜人宜人夢領鯉者覺而
誕公以高祥性好上人羣兒嚴憚之封公負育于母家
鄭翁善相人語封公是必大婿門而賞用之絕不能延
師即從父受易稍長旁通諸書文多奇致十三為邑諸
生以高等生食廩十九娶廣文高子介公女是為高宜
人以仲子貴贈恭人恭人孝于舅姑姑家政婉婉聽
從而脫簪珥佐公學公夜讀宜人夜績共一燈炬恒自
嘆曰為人子不能養親而令親拮据為子生計欲報之
德昊天罔極邑人禮公為師稍資月俸具二人甘蔬門
人以綢衣進變色拒之各韋布安事此其教子不苟居

約時則然矣甲子省試不第恐貽親憂為愉色以解大
人幸無恙三年可立待杜門謝客學益勤而封公時有
外侮公頓首賀曰惟受侮乃見威德樂陵士登第殊鮮
公題其壁丁卯經魁成進士眾笑為狂生鄒公首錄
之召讀書湖南書院與英雋並遊青衫百結或嘲之公
曰吾舞象時著此不忍相負丁卯舉以易魁來苟有司
敏里中百金辦裝辭焉無纖介德于鄉而重費之願以
市粟山出置入相循環與鄉人共也有司具聞于上願
其堂曰喻義明年遂成進士樂陵之有進士自公始也
己知臨晉臨晉于河東號難治黠者善中令所欲則悍
大泌山房集 卷之八十一 志銘 十八 昌

者持之法凡不行公使僕以木鐸警於署令有賍穢者
視此車嗽處食家人采者豫地恭養元虛而已已迎父
母即中而甫具肉味也首務養士飭釐序具鐘鼓豐膳
饋親持經教校月課其藝文氏有訟即令呼其敵俱來
胥不得擯常鞠盜忽雷震眾皆伏公叱曰非盜者起盜
自賣乞緩須臾死方略耳目發伏禁姦邑人呼使神君
才僧與羣不逞略婦女宣淫罪其人而大其店有坐大
辟証繫者六年一訊釋之縲絏株連不及婦女邑因與
賦不相得而之則壞無偏執瘠而收事先富貴家以爾
為民望奈何教民偷也三令五申不從則逮一貲即治

如法平權衡正度量民如式自輸長賦者不得高下手
邑以此無負租馬民戶與鹽戶半而鹽戶苦重役佃鹽
戶地者身受二役數而均之比要至今為律令登祀飲
射供張交際取諸常供若常祿不加賦民俗故儉所儲
須悉上所出除藻飾削浮額即上官貴客過臨如一贖
緩以出糴庾廩皆滿而旌氏善蓄藏者歲不患鐵骨圓
護衛蒲州守禦軍養地在邑界平陽成卒相依倚賦嫁
之民氏折而入于軍詰之則以挽王國體而辭勢家吏
為窟穴擊斷無諱吏莫敢問公具牒極言諸不法狀民
忿然含怒日久禍且不測而故滅之胡某胡惟畢諸卒
大沁山房集 卷之八十一 志銘 亮

乞底公倂曰吾亦知若輩習染久第能如吾約何過求
焉諸卒稽顙唯明府命乃倂保甲法丁錄戶戶錄此屯
錄之大管事者朔日大管事言縣有不善操三尺從事
而盜無數匿矣監司和公任劇檄檄他邑若安邑平賦
荷氏族士頌聲藉甚而他邑責人不能庾蔽影賴者衙
之中以計典平陽守呂公訟言此河東治行第一御史
大夫葛端肅公亦曰是大可方史魚乃免稍遠佐西安
而臨晉人扶車流涕久而見思生祠之後令以為師請
祀名宦祀詳邑志祠祀中初封公以公獨子未抱孫恭
人白置副舅姑喜告以新婦時可侍也不忍言今乃為

吾二人慮賢哉擇得某氏女手為并珥青冰以薦公公
不可吾以卿無內顧得一意公家安用此斷梅枝指選
之無取直既入奉數攝諸郡行塞上悉其險易強弱虜
在目中外則策款段就田野訊民疾苦所誅責大姓
侵小民奸吏不從令兩端諸郡康康長之甚于直指或
虞不兄自初去而推轂其奉法循理者不徇非譽不束
資格錄因原小過罪怙終獄無寬結凡經公訊諸臺不
復措意矣獨夷負固嘯聚系萬人四出鈔國當事議剿
公屢爭譬猶以干鈞之弩潰癰是何計之道也夫人貧
窮則父母不子寧知其他身帥兩騎抵其所諭之賊蛇
大沁山房集 卷之八十一 志銘 干

行蒲伏泣而呼青天誅其魁以來而散其黨將鼓不鳴
郡治前有御史高胤先坊公過而默祝生乎不妄害一
人不妄取一錢獨賊蠢動不用甲不申威活人萬計宜
有于此坊御史史余姓也高余坤姓也如得兩男當以
為名己而伯子生名之高胤仲子生名之高先而舉觴
壽兩尊人大人舍館鋪孫庶足娛暮齒耳兩尊人頗謂
新婦賢應有今日廷議江北南都股肱平度四達膏腴
之地也田平汙萊當設憲臣專治田無適任者蒲州相
為公于江陵疏請公為河南僉事暫准安鳳徐營田始
議建公署公以民中水無寧居何忍煩之就懷遠開署

禹治所令有以金二錢助工者瞪目度出指揮某有幹
局予上方以銀鑄鏡上公公怒若他日為債帥則余不
知人之過視之而審畫營田便宜曰役不均民必不集
無人又何問田為十二章責守令校丁產實社倉買牛
給貧者察諸長吏勤惰虛實所過減賜導父老擁觀各
以其情自言無敢為欺居頃之辟地數百萬畝歸流移
數百萬戶新此受地無征河與淮溢梗漕河河臣以實
應諸邑任公濬渠築堤奔奏沮洳中中濕疥癬滿身視
事不殺程工第一荀臣尹理行河以聞晉劉使賜金迎
兩尊人來而別館產具花石水竹之致而引諸生數輩
大泌山房集 卷之八十一 志銘 主 昌

為子師兩尊人意甚通俄恭人以數產病且殆公揖之
曰櫛糠婦能茹苦代吾養親幸微一命而年不逮四十
所遺孤誰為之母恭人不語目指兩女兩男遂瞑矣兩
尊人將恭人極遠里而始為公置妾江陵母夫人北上
渡淮公饗之無陪鼎加邊饒人度江陵必不悅說云營
田費不貲遺戶部郎某出按公于郎無殷勤郎東則公
西郎西則公東曰凡吾所為旦夕焚香告天天實鑒之
宵行有能無為奸而不能令狗無吠得地葆利盡吾職
耳詳事下吏有死不能郎視諸食粟耕牛具在所入倍
出但聞道路之言于天時不可必地利不能為耳議令

致仕候用公一夕遂行行李蕭然無幾微慍色而母病
扶持醫藥勞悴卒不起朝夕哭殯之以血父曰若母以
若稱命婦歸骨故土若得終大事大何憾無過毀更傷
我心公退飲淚哽咽而為父置後母施事之如母已葬
恭人而妾亦卒祠之是以嚙有謝太恭人然公亦坐多
疾善病江陵沒朝議公可大用鄭有東銓過門相中謝
不見客謂無乃已甚乎公正色曰若非中也蓋嗚我也
使舍欲富貴寧侯今日東銓者不悅已微起公兵備潼
關不果公付之不聞而謀二子日有程不中程不已有
過督責不貸高樓雪夜善燈忍寒誦聲達旦居常提耳
大泌山房集 卷之八十一 志銘 主 昌

告東髮自修不能枉道事人見雖然俯仰無忤不若齊
人乞墻為妻于羞高儼而諸生年亦十二公謂是似我
每語故人知已大兒清穎次兒醇厚吾上不負若下不
負氏中不負所學兒必能不負我知子信莫若父矣公
不肖為詩賦獨留心經濟率多果敢之計莫為持難人
贖公移造次數千言不存單于晉泰三校士得人而威
而識猗氏中並荆公于童于尤奇家居閑講堂諸茂才
受學稱大師云邑新學官捐貲合作不辭勞瘁積穀備
賑貸視初舉施彌宏遠矣父與伯凡為諸生族某割股
肉為供丁公既仕伯凡食如故公以身叨祿秩何藉于

族無已則重購之以為伯兄田好不廢過惠不去善少
年見恒碑易而與其能改者雖所斥詒卒無怨治第無
丹堊奔蔭服食器具從僕從者謀于野廬于墓臥日不
張蓋田夫以蔬餽進必飽自耕鑿誦讀外苑園花木聲
色宴遊未嘗齒及宦業購書千百卷披閱不休甫父而
齒落髮衰若七十以上八轍病遂卒卒之日語兩子告
以布衣取金紫兒力能自致青雲何所不足但不終事
父為恨耳邑人祀之學宮公生嘉靖己亥閏七月五日
卒為歷丙戌四月二十日恭人生嘉靖某年某月某日
卒為歷某年某月某日子二高胤以禮舉第五人聘
大必山房集 卷之八十一 志銘 五

陽信苑馬少卿馬公三樂女娶德平府康郭公麟女高
先庚戌進士南京戶部廣求司主事娶臨邑行太僕少
卿邢公同女封安人女二一適邑諸生李公初開子和
行一適壽官潘公守教子可仕兩婿皆為百大長孫男
先錄聘靈化范公元宋女與仲子同舉領解者也先策
未聘胤出先簡聘南京陝西通御史宋公樂女先出孫
女一適舉人潘公可久子蓋世一字前宋公子聯奎一
字靈化廩生丁公裕慶子某戶科都給事中懋遜孫一
幼未聘胤出一字陽信浙江道監察御史張公五與子
某一本聘先出銘曰公成進士為宗開元為邑開先宗

有積德邑有鍾美而德公出為甫任之營田族離之歸
田才不盡用復身之牛胡而其然最爾邑垂二百歲乃
有公天忘全人思偏尸祝俎豆百世不遠而子孫象賢
美彰或傳何憾于三泉神理綿綿有光屬天斯其為史
公之什

陝西按察司副使歸公墓志銘

歸涵泉公僉憲浙時先方伯與同官越二十年而余以
隴右參議有事奉聞則公為閩內憲刻以通家誼相對
極歡決旬乃別別四十年而公子于俊持其凡給事公
所為狀與所手書行實介婦翁伍先生書以墓志請蓋
大必山房集 卷之八十一 志銘 五

公沒且二十餘年矣俛仰今昔不勝傷逝懷舊之感公
簡易無威儀而材智有餘余父子兩世受知翰寫心腹
無隱志則何辭公名大道字懋庸上世系緒甚明其家
長洲自唐翰林學士工部尚書登封衣洲男始歷六百
年簪履相望於朝其居維亭自公八世祖通始傳公王
父某以好施減產而子息之富凡封君徙居廣川則公
父某也封如公官文夫子五人公為仲母張恭人震時
隣人數望公家有異光識之已而公生以為祥稚牛醜
酒相賀孩提時不逐羣兒戲終日獨坐既受書讀夜分
不眠父母去其焚膏以休之引衾陽臥徐竊起貯水盂

中大仲則吸而噴沫被面以驅睡魔為學精熟補邑諸生有聲塵舉不第歲壬子將入太學苦無貲陳恭人助以簪珥此至則大館校士已竟而司成夢神以京兆進士屬者我閩人為士通謁遂得錄舉京兆鄉試明年成進士蓋歸氏望為京兆郡云已除泉州郡理精於吏職而溫良嘿退不以行能輸人為寇內攸所司城諸濱海邑無城者令某子甲素晚于直指黃緣為利侵金錢草具報成以公初仕易與屬往視履之覺中空發木三板逐崩地令惶怖自免復以公攝令吏築城成而寇至堅莫能攻城中人尸祝公微公無才遺矣按事他邑邑令大泌山房集 卷之八十一 志銘 高

憚公執義不回宿之某驛驛多瘡死者數輩夜半見大人在扉前于立庭中頃時而滅再宿聞地下聲振之實徑寸不審所從入人和公福德非凡也斷獄繩惡如法而止不深文勢家爭蚶田片言折其曲直頗以田相移終死不復爭海潮沙不常旱不可汲雨則潦渠括蓄洩之宜為書布行之為國福望矣以高第徵為南京某科給事中分宜讒謫蔽明乘高勢而為邪貨賂上流公發憤畢誠圖畫安危揆度得失條奏責成鉅密申飭規典酌財恤民諸事既所不樂聞而彈劾其黨其中丞耗浙軍實鉅萬詞連分宜遂出僉浙憲事將以計除之公謝

病則復中尼之因奮曰君命猶天天可逆乎拯溺而中丞即微公視師海上須治戰艦百公問主計費不足十二三慢令致期策無所出適有雙旋漁舟數百賊境上故事輸金一銀得符符入海捕魚公獨其輸使載我兵偵寇勝者賞與兵等舟人大喜用命寇艇漁舟不為備我兵掩擊之首功倍於舟師中丞復微公治兵某鎮鎮最要害築且困公公戴星而往敦諄整旅寇謀者驚而退中丞嘆曰歸某豈聖人耶乃無死地謀相解中丞食酒一旦而醉二三強灌公不勝杯酌酒間儼然作矜嚴之色語云大靜臣不指斥乘輿逆盛意孔隆指而第搏

擊大臣將幸詠不加欲以采名豈所謂死且不避危酒安辭者耶公正色對曰漢谷永專攻上過不敢言王以此嗽糟羣豬耳汗人居吻蓋次公醒而狂何必酒中丞默然四座愕眙而罷分宜遂乃得為澳參議晉副使中丞方有寵於上主爵者何也投公隨牒遠方公觀聽謠俗苦吏浚削姦軌改長民流散失業亟汰貪墨而撫循之振廢瘵鐵輕徭薄斂人人自以為吏生西鳳繼祖與族閭閻弭不解公曰夷亦有人心我恩厚未洽信約未明故叛耳為陳凱愛銷除怨咎之路鋤強暴卹寡弱夷咸服奉盟部

曲相保其在軍中日不寐蓋夜露處能甘分少士衛恩
為盡力姚安麗江諸夷慕義欲內屬使處之而以積勞
為瘁獨所中致有目背同列心害其能公怡然曰明發
不寐有懷二人是欲成吾志耳會

穆宗即位父母並受五文之誥而公遂歸滇人老小扶
持車蓋奏酒炙不絕居子舍又載父強之出詣闕又平
尊喪母久之除闕內察吏安民一如滇越著治迹而後
所述而部使者中蜚語刺公使酒寓坐公嘆曰吾首以
不飲為中丞所笑又以酒過被刺一人之身醉醒懸殊
雖然酒人名亦何負哉潏然有節操如去就之分第賦

大泌山房集

卷之八十一

志銘

五

昌

詩曰君門萬里遠塞馬一聲悲意深矣里店吟咏頗
富不存草所遺松石堂稿財數卷詩歌歲偈多人倫名
理中詰日與客手談不及外事監司守令過存謝不見
自童稚至老視親色為憂喜父母有過跪而流涕自責
或感起諸昆弟輒代受夏楚親沒為小象上食如生出
告反面歲時之際哭如初喪皇甫司勳嘗為人言終身
之慕余於歸公見之矣伯兄季弟白首相睦而思及兩
弟有病廢者有天折者泫然哽咽歲暮集族宴人賦以
金錢布帛有差吳俗靡公瑜當世反請正自奉食不
厭蔬衣緼無文而好周人之急橫塘峰雲橋圯行旅病

涉喜之千金不吝雖不佞佛分衛者必饜所欲成已大
後世果食饒餒作餽餉令倉頡遺不能行者醫傷掩醢
所見聞無不受賜奴有益匿置之不問一飲一啄前定
宿因是物應而彼有身其慈恕如此公生嘉靖癸未三
月二十有四日卒萬曆甲午十有二月十有五日年七
十有一庚戌葬吳縣南宮鄉長堤之句康元配陳恭人
練川名族先卒別葬先隴之次子三人長隆祥太學生
側室李出娶少參丁公某女次隆祿諸生側室張出娶
州守姚公某女繼錢某女再繼岡御吳公某孫女次隆
複字子復以字行太學生側室沈出娶學使伍公某女

大泌山房集

卷之八十一

志銘

五

昌

女三人長適侍御劉公鳳孫太學生傷福次適少府姚
公某子太學生准次適納言徐公申曾孫魏僑孫六人
長爾騏娶司訓宋公某女次爾鳳娶文學徐公宏初女
次爾驥聘茂宰黃公某女次立原聘浦公某女次而驥
聘姚某女次而檢未聘孫女四人孝廉丘公某子諸生
士藻孝廉將公某子某其婿也二未字曾孫男三人未
聘給事狀言公沒十五年而子復為營葬以元日涉震
澤雪夜失道若有篝燈引者眾謂孝感又為嫡母陳恭
人狀葬其仲凡若嫂亦為之狀又行不忝公子英銘曰
居後不軒居下不援慈爾直言不容諛恒投之兵間机

上肉腐僥得生遂以禦南蠻秦差近漢中潛木遠警警
誦誦涅白磨堅寧侯華巔使車蚤趨樂彼林泉如債庶
員如隱市仙垂二十年壽考而傳子孫多賢五福在天
時得其全天命靡愆人何尤焉長洪新阡魂魄晏然明
神所躡祥胤永延

湖廣按察司僉事方公墓志銘

隆慶戊辰進士四百人後為執政八座九列開府近百
蓋明興以來所未有其厄下僚者亦近可然或以年不
永或升降於即大夫間而筮仕下大夫歷中外政四十
年不改惟方子及一人而已非但台榜即諸進士科不
大溪山房集 卷之十一 志銘 五

一二選也子及初謝時余為詩寄之曰出入兩朝三紀
外鴻沉五品一官中蓋贊錄云又五年子及卒伯子進
士仲子孝廉以志墓請先方伯同子及尊人戶部公成
進士余復泰子及榜末可謂累世通家矣宜志志曰子
及名沆別號初庵莆田人也其父名倬驕仕至戶部員
外郎其母劉宜人其兄司理幹弱冠舉于鄉子及少穎
悟不為章句訓詁通而已博覽無所不沽淡父每語人
是吾家元方孝方士衡士龍也已為郡諸生郡有烏寇
盡室避難以避之戶部公至傷其股而劉宜人故善病
所苦加攸尋卒于田舍然舍敝棺腳誠信無憾則子及

與其偶林宜人拮据為多寇退室毀奉戶部公僑居晉
安尋徙邵武邵武守吳明卿先生者戶部公同榜子及
以父執事之吳先生都試諸生輒令子及與俱以所為
文作諸生司寇林瑞簡公亦客邵武見子及而奇之
謂戶部公仲子才出伯子上已遂輯故業子及付家督
不復問丁卯登賢書第三入明年成進士時吳先生入

親陳廷尉王叔李宗伯元甫與余皆以同榜子集先生
所賦詩子及詩先成眾稱善相屬其後徐子與先生來
亦以同榜子招余三人賦詩如吳先生時子及詩益工
余與元甫為庶吉士而子及出守全州余兩人愧之
大溪山房集 卷之十一 志銘 五

及顧怡然曰得百里之地而若之孰與青袍羸馬蹶蹶
長安中馬通揚塵塵界也全州介楚粵而多游民善為
奸又當孔道子及嘗從父令順德習吏事為條教置父
老師師位長班行之務農桑御用殖財小大之獄成於
手中老吏驚以為神行屬邑灌陽履畝均田百年之惠
一朝頓除灌陽人生祠之征古田賊再三發附黨與震
壞渠率效有功列上賜金綺而與通達茂異士論道經
書質疑問事六日為期校肄之伯子與焉凡兩大北得
人為盛弟子遠之者曹侍御等程荊泰知之秀舒九部
應鳳其尤也踰四年權南京戶部員外郎木上權郭中

所領江右諸郡歲賦以給六軍故齊人子姓出入類
若畫一同舍郎新安方恩善揚論議深博康正守道鄰
人呼為二方而某子甲以政府知故翰雅諸郎子及與
恩善心內輕焉忽以化事誣奏兩郎諸大臣不干其說
天勢甚張姑薄誦為雲南安寧提舉過家有父訖挾三
蒼頭入澳兩臺賓禮之徽使居會城後五經四書二史
廣布學官學使者令諸校士執經受業荒微靡然嚮風
以聞窮昆明洲海金馬碧雞諸勝雖三年淹理詠屬文
意緒彌暢已推和廣德州甫上入為南京刑部郎中法
比精練履治獄有辭辭者丹陽姜司寇寶璣海海御史
大泌山房集 卷之八十一 志銘 五

大夫瑞涇陽李太守世達三人剛直嚴毅有威重重獎
稱之二年方歲雅會事督學雲南迎大北不半歲校士
遂通士各盡所長得自見蘇傅御問子及今年澳士孰
為冠子及以未恩明對勝出朱果第一澳士習文體自
是一變至今布滿中外皆所甄拔也餘四年而以戶部
公使歸有同舍郎與邑大夫修濠復中以計典嚴駭曰
方郎前是計後三日有澳命法不應入計無乃太甚乎
僊臺久之有寧州除收事暨文氏罷碩拔冒殊杆執爛
守郎上滴下濕庫皮無完鑰學官蓬蒿沒人山菁茂密
嵐氣浸淫病易生數上書乞休諸臺固留不可發摘森

伏洞若觀火寬積逋遺郡僚無故攝人者抑豪右惠單
亦不加殺朴而惟正之供畢集有訟斗心決之服罪者
為勵除已修周謙溪先生祠黃曾直太史墓新學宮以
有為術補其缺略後令伯子仲子與諸生締社談其誦
論問以得失用相系檢寧士蔚興倍獲故時矣臺使以
治行高第為銓曹推為京師觀察皆以十數劉司空東
星特奏于及行能高妙願得與共事而

上有化煉縣不報癸卯拂衣去不顧臺臣請以所推湖
廣餘事于致仕生年不修小禮曲意亡貴人左右之助
故三仕三已下贊作倭而所居氏富所去見恩生有榮
大泌山房集 卷之八十一 志銘 五

號死見奉祀有古循吏風里居俗諸父昆弟若故同志
又酒宴娛杖屨不及郊闕之外無訟公府矣候食指數
千珍隱私窮恩紀不替哀伯兄之無恨也事丘嫂敬順
無違年符林端簡之言與人交肝膽可傾而不能容過
義形於色飲酒無節度不給則與衣林宜人與助道者
韓常實督料度有酒所陶然誦淵明我醉欲眠之句引
枕肘聲如雷質明復命酌矣不逮之客滿坐揖讓甚恭
訊居居詳故有及外事者掩其身詩文所師承自吳徐
兩先生外奇觀察攀龍汪司馬道昆晚則陳宗伯經邦
余別府翔林全酒免俞鄭郡丞元甫相倡和甚富理學

自方思善外集太史姑李太守贊已訪離近溪先生於
家與王圭叔士琦史稽叔記點發明之而要歸于新建
良和結其性學登跡內外編有猗蘭集寧州志選明大
家詩若干卷明天人分際通古今之誼所著重水封如
河二策校然有條成敗竟驗久宦田宅不加益沒之日
囊財百緡先期屬兩子為我預舉七十觴已而病又數
月卒若先知水訣然卒前六日草郡李殷母壽歌前一
日為二偈示室門及黃起先族凡應仇神氣安定其所
得深矣生嘉靖壬寅七月二十有七日卒萬曆戊申十
有二月八日年六十有七配林宜人郡守有祿孫女先
大必山房集 卷之八十一 志始 子元 昌

卒于承笏癸丑進士妻張舉周語女仲承簡妻封主事
林萬言女早卒俱宜人出叔承笏丁酉舉人妻盛利尹
林詩女韓出女二林出者歸知府林大韻子舉人峇益
韓出者字憲刻周希賢子憲彭承簡子元震妻僉事林
煥章孫女早卒孫女三承笏出者歸僉事林煥章孫諸生
銘盤孝運使實寶孫克承承笏出者字刻使曹光魯孫
象祖公卜兆文賦里侯漢九跳山之陽為窆三厝林宜
人右今寔公于中虛其左以待承笏母云方先世家汝
南固始唐都督長文公依居蒲刺桐巷至宋初六桂始
大明興司寇簡肅公良永方伯良節同登進士方伯公

家于考康公重熙繼室翁孺人生戶部公與仲凡列為
公叔猷同舉五服之內四室科名十許人或吳銘曰名
理之士其失迂疎公施于政扶如架如文學之士其失
儻蕩公修內行與物無妄筆數清塵霄木厠尺子舅子
漁後之荒服春明天遠為郎陪京隨牒平進護口營營
帶絕橫金取仍故貧薄田畝廬靡增咫尺豈不兀窮陶
陶滿志景則成詩飲則成醉死生大矣勇者夫指前知
何憂備然而去凡山之陽佳誠自卜公貴來其人謂埋
玉有言垂世有子象賢沒而不朽是為大年

刑科左給事中徐公墓志銘

大必山房集

卷之八十一

志始

子元

昌

往余分部大梁郡使相戒毋涉內黃境其令嚴嚴鋒距
行者怙騎而避問之知為徐公已讀公誄議封事危言
宏論深慮遠識蓋鄉往之有頃聞公于告又數年聞公
捐館舍惜哉久之公諸子以父執歐陽明府所為狀屬
余志墓是故余所服慕也志何可已按狀公名成楚字
撫南鄖陽府竹谿縣人也先世出吳洞度來園與南北
徐鼎立世系可考者曰萬一萬一生振振生仲通傳六
世為政政生璵璵生興賢遠有無化居主竹谿嘉其風
土卜廖家河家為受室于王生子四松栢梅棧栢獨家
奕通悅使酒為座而周人司厄不惜傾筐倒篋人歸往

之是為公父娶于某生公神膚雙清語泰上流伯父功
曹嘆曰吾宗踏弊不振彼楚而有成在此子乎因名之
成楚目誦累卷許弱冠試泮下榻論疊疊千餘言貴
勝年少並共宗誅而身聲除潔義不苟取舉鄉試第六
人家無兼衣之食嘆為克產而已卒不向人貸粟每語
明府君子惠作作而不哀大必將或循之曰先進之士
有然者故也吾等宜行法俟命中立不倚使長盡于世
舉南宮第九人可得華貴恥事干謁就除內黃令單車
詣縣縣多豪持吏短長掣其肘公廉得主名論成諸豪
震恐矣有訟鬪田不鬪并者湯不應使人後并得鐵鎮
入山山房集 卷之八十一 志銘 三

枯骨則十年前所殺布客也遂伏法邑人神之諸郡
獄質公到而情首歲旱且疫亟立三官求嶽河伯諸廟
民初不信公率以禱萬眾呼雲聲震天雨隨澍病皆起
成穡勸分省用足財是歲河北大饑內黃有秋蝗不入
界愈以為神象公貌而祠之叩者如響潞王之園河涸
日行不踰舍已而見壘有萬望數有圓草列樹以表道
立郵舍以穿路郵載水程方舟如駛曰何地曰內黃
曰今日行幾許曰百二十里矣驚問故曰舊年令諸治
河千金囊沙壅水候王舟來下之當路亦相視而咤彼
濟河築堤勞費民無算功相萬矣諸臺為于朝者二十

有七有備良第一國士無雙之目焉召拜禮科給事中
歷兵科右刑科左甫上即疏蜀撫臣交際濫費公帑朝
衆憚其風裁後先獻皆則有若德時政八事因災修省
六事極政四事凡若干篇經略則有虜興可憂六事粵
西盜寇二事遼陽甘肅延綏鎮鎮黔夷豫防善後數功
定罪凡若干篇彈事則有倉場督臣京營督臣兵工二
亞卿大理少卿素行多微者司寇執法有兩廣督臣墨
者撫臣庸者職方郎不習事者故中丞嫺庸有數目矣
言感眾者大紳薦弱若若干篇雖奏則有巡青要務倉
營弊孔為舉將才偽書請託若若干篇而最著者兩東事
入山山房集 卷之八十一 志銘 三

云始石司兩偏信沈惟敬和說違眾自用違兩使臣封
倭公獨察其不然是以有春汛可愛封報可疑之疏已
而行長建樓青正布種島倭害冰索朝鮮地圖矣公請
責司兩亞反正目贖已而正使將赴封事大壞公奮曰
輔臣本兵挽弱凡才付託非人財亡民罷不辱其棟不
能任重棟如二臣其誰云待之將惡始而美終以晚蓋
必無期矣請行戮奪而以救朝鮮集浙兵廣積貯審間
牒假便宜速應援佐廟議又言備有未至而設之有至
而後救之可先而不備謂之怠可後而先之謂之召災
藏器待時存乎其人有守重地嚴守臣振武吏銷內警

杜外隱跡上者六事之疏而司馬委罪督臣自解公會
臺為極論司馬補臣誤國罪既無老謀又無壯士罪在
不貫司寇之刀鋸日故而斧鉞不行刑外乎大人而思
于小民將誰行武終如公言

上嘗以夜分促議水事共恭同異既而曰徐某自請每
入奏中官手問徐給事狀塔觀之三殿災儀即具歷朝
謝災故事公曰今徵求無藝刑政放紛動不順時民無
德修天威有赫本可以虛又未致也宜下罪己之詔亟
修廟政享祀時主而布施優裕庶有勞乎疏甚剴切
人王守仁者詭言其祖寄數百萬金寶于楚先王
大西山房集 卷之八十一 志銘 五

上使中責金吾按視朝臣皆言不可報聞罷公抗章言
閔初賜臣具有儀式載在史冊安得數百萬金寶而又
寄之楚邸于何敢徵

上從之而念兩尊人春秋高上書歸省有

旨特留攝兵科如故軍書旁午度非公莫之支也會同
人構公公力請許歸歸一歲母病醫藥禱卜不遺餘力
乞以身代卒不起而又繼之席苦靈牀頭慶儀在貌朝
莫歲時之奠流涕如雨居處飲食每事有降除服值燕
會必舉酒酌地安得及吾親
上厭聽言臺有缺不除部微促諸病痊服闋者諸閣公

未蒙就道而窮乏者私嘆息脫有嘆息將安仗哉即賦
家所籍記未盡諸日用次第給之而明府以當償計期
與公為燕市飲公不答數與談輒大泣明府怪之無何
遂卒于襄陽其歲為萬曆癸卯五月三日是日家有白
氣若匹練升天博士位雖新與諸生同見之距生嘉靖
戊午十有一月二十有九日年四十有六公友于諸弟
親重伯生所崇月奉志與之共諸弟有家而諸子猶不
改諸生之素食麤而衣惡傷才消稱非此又不生此子
也生年所和契惟明府明府少公十歲既鄉學母請明
府伯兄宜擇名士為弟友伯兄以公對兩人情好甚
大西山房集 卷之八十一 志銘 五

隆而明府以公不及見其成進士為憾狀公生平事數
文簡情肯悽愴余錯綜之為志如右公娶某女封孺人
又夫子四人為孺人出者伯斯達諸生祭酒聘選貢歐
陽子仲女繼千戶周鏡女仲斯達諸生郭道南女斯
達聘明府女明府名照字也與公齊名斯述幼未聘側
室劉出也二女長適諸生胡一遠亦而出次字與安左
方伯劉卿子元基側室陳出也孫男子四人聯芳聘諸
生李郁然女聯甲聘諸生劉某女聯第聯璧未聘孫女
四人長字諸生教泰和子廷齡餘皆幼曾孫男一人孟
復為孺人德儂公多贊子孫福澤殆本父矣葬以卒之

年十有一月二十日墓在縣西玉兔山之陽銘曰司牧
百里熙熙皆春興誦遺愛廟祀常新是名良臣官守言
責志慮忠純寧介為雉無狡為貌是名貞臣尚方銷創
以誅佞人既履虎尾亦批龍鱗是名直臣委蛇瑣闥燭
照八垓應祥當變料敵若神是名才臣先事後祿貴而
能貧賄予以安抱璞飲醇是名清臣有臣如此古之天
民年不及父位不乘均豈天忌全損益屈伸抑天胙善
不必在身爰樹臣鵠考此貞珉宜昭令問萬穰靡涇

吏部主事翁公墓志銘

會稽山陰二邑紹興府所治要路八接迹于朝而庶人
必必山房集 卷之十一 志銘 五

在官者率善刀筆布滿諸曹自京師與浙東西郡以萬
計中消衙命督礦權為之腹心爪牙以千計邑稱難治
無出其右者也常熟翁公初令山水鄒平當南北孔道
值歲屢災河數潰掘其所流而深之沃其所決而高之
民得耕作故事徵賦贏十之三毀其權衡而邑佐或廣
文以次坐堂上視徵者民無算謂二百年未有投訟牒
者兩造自詣胥不得追非天故諭之解構公庭虛無人
中消入界民甚恐公曰此可計走丹或率徒厨傳謬為
恭敬而使鄰無告窮民赴愬狀中消喜告固知令賢不
忍一方民也去而之他邑他邑坐堂固甫二月頌聲流

聞移會稽鄒平人奔告諸臺何奪我父母疏留公不報
去之日遮道啼呼聲震野隨行數百里不忍別其治會
稽延見屬紳賢者問利病所宜興革一語涉私正色不
答准上捕妖人趙古元他邑希功林累蔓延修御者假
設禍害公獨無擾奸人翼中消伐山虎而冠公連柱之
不為害越俗信鬼厄正吾榮感人收論如法請學使廣
士入試額修營舍月朔臨校士文行一變邑有虎患公
至即去民比于劉昆入覲無以酬裝或曰五年稅田定
房此其期也公呵之吾豈借官法為囊橐謀哉事畢遭
嗣父喪會稽人叩官路除除清豐清豐民輕犯法
必必山房集 卷之十一 志銘 五

治稍尚嚴邑多竊犯則削其黥無顧忌為械繫以時
詣縣受戒諭好博者廉得王名咎而榜其門民恥且格
家老甘臥巷無聚人為學官地月奉不足用詔贖者運
木石而工畢舉有臺使胥橫索供億雄擊人逮之予杖
臺仗而謝過屬族戶口集諸父老提名貢實束數待安
而出不意撫數息耗損益賦役以均邑有種馬市馬者
索高賈示以理法平之吏白問才禁吏索賄而索獵馬
者氏相慶史生鄰國人無遠近願質或消豐諸司有蟠
委錯紛率倚辦公寅出而退治文書兩夜不休病矣入
覲趨朝忽眩仆地主翁者以南人不耐北上移東鄰寄

遂清源距清豐三舍去初提等挽舟渡辰甫得發至東
鄉慶早步禱輕徭薄賦省刑地罰雨澍有秋頃之奉召
東鄉喜來借去猶三邑也公于刑刑要覽一書極所究
心聽訟必以日見其老少狀瘠輕重施刑入夜持炬熟
視十九縱舍四邑懸法立儀允役浮費積宿蠹悉除
略盡歲育象事之入而禮部主事需次遼臺省以休沐
還里未幾改吏部稽勲司病失血弱不能步而神不曉
行次吳門病忽劇不移時卒公生父某以叔子某貴贈
給事中母某孺人嗣父某以公贈清豐令嗣母某孺人
公山為諸生清封公欲以為子公辭以無父命母強之
大泌山房集 卷之八十一 志 三

乃諸嗣父母喪公以偕計上計不親含殮哀毀倍常凡
弟為祠廬山之麓以祀贈給事中公與太母祭必肅如
也咸進士之年太母九十母六十歲書稱壽勸父不逮
見哭如初喪見者零涕聞母疾跣而喙相持泣母憐愛
公少子勞之深夜兒何自苦為伴封曰適飲近舍酒來
耳母沒哭幾絕者數四素不佞佛主高母祈禱百拜不
言勞諸凡諸子休戚關切身先從事從子或失或貧與
女弟通錢氏早世者贈卹彌勤伯仲叔嫂沒部署夜禮
唯謹從父從兄賴以有家嗣父三女遺嫁從豐或代為
育女或喜視其婚事兩舅若中表兄弟某某張某恩禮

不替王徵君郊及甫高處士鄒山八幾業師表文學
大學張武康苑貢士同榜沈道生清豐人朱佩甫撫孤
營殯排患打難解衣推時勸學成名不一而足嘗雪故
入罹重辟者其人知所自以千金為壽卒不似北土時
友入拉之抵白下盜賊匿主人懼而逸求盜繫其妻公
曰吾故慢藏不敢尤人是夜夢闕將軍來謁神鑒其衷
矣吳大水而中丞周公畫策出家衆賤難以倡里人故
生飯曰掩骼埋胔孜孜行善即之溫然而中有特操居
京師室女夜奔竊而起仗劍驅之旁舍生莫不嘆異每
言世事無常君子宜自立附離勢則氣節等閑也山陰
人 泌山房集 卷之八十一 志 三

相國欲得為其邑令不應里居聞朝市闕失表形于色
已見叔兄論列為之踴躍甘中並有語居官不聽人情
為好官居鄉不說人情為好士大夫者置座右自警有
造請者指示之不敢出一言嘗報其叔兄曰眼前不用
一生人耳中不受一閒事差足自慰題其壁曰庭可容
膝蓋門猶設為離蓋貴錄也過任丘謁座主策一蹇驢
座主告嘆既官吏部却與隸乘小刀往還不識為貴人
也初四凡業儒父母倦于教五郎能為農耳公志曰小
人事寧足汗我從師受詩強力專精學日進猶喜左氏
春秋丹鉛數過才二氏涉獵大指有經天下之氣條刺

古今事可應時而編變見形而施宜者曰納忠要覽以
病數他著述亦多散逸沒之日貴賤長少臨者盡哀楊
養初周奉洲刑人為之死邑子氏三千里外炎絮之
莫不絕里人夢公感德如達官清豐人侯某見公若為
城隍神史據某夢公語之吾取汝為翼日為死故清豐
祠最著靈響馬公名愈祥字兆和別號泰興生隆慶丁
卯八月二十有九日卒萬曆庚戌二月六日年四十有
四配無錫處士朱某女封福人子二毓聘太學沈君
某女毓聘少宰趙公子太學某女皆所子凡子也女
三一適淮府長史何某子太學某子等一通諸生歸某
人必山房集 卷之十一 志銘 昌

子諸生士璋一字無錫處士張某子應房則以女弟女
為女也凡弟相為師友而孝兄孝康同居日深志數其
弟儉學優仕言行相顧初終一節功名福祿宜什伯人
人道無知使斯人無年無後為狀累萬言情殊楚酷余
承乏東越憲嘗以會稽治行卓異聞之天官可謂地下
人知已廣以志墓因有述會稽時事耳目睹記尤著者
而据據生平大致錄之如右其他懿美若家世詳狀中
葬祠橫塘祖墓無令免較亦諸凡愛弟之一端也銘曰
孝子弟弟仁人康史在家在邦無往不利士有百行倚
歟純備汲為明神聲靈殊異尸祝燕膏四國文致羹羹

大年莫取高位莫必于孫方歆其類金石竹帛合問長
世樂哉斯丘真宰所闕

如松江府事前監察御史胡公墓志銘

歲辛丑仲冬余以先夫人喪奔還過光州故松江守胡
公已前卒于煥年才十二斬然衰經相鄉哭又十二年
煥游鄉校入太學名冠曹儒史工辭賦之業乃狀公行
以志墓請而涕泗言曰煥早孤不悉先夫生平所為
狀質而簡無敢飾片言余讀之信然志曰公名峻德字
明卿亢庵其別號也世家光州王父廷瓚為郡諸生行
已有恥分人以財與配阮極俱百年父墓亦諸生有聲
人必山房集 卷之十一 志銘 昌

而和公富大故遂謝去用公貴再命大夫配享而宜人
公生聰穎絕倫目過口誦久而不忘十三即為諸生試
無不在高等嘉靖甲子舉才鄉並涉獵天文星曆豫吳
兵法諸經濟書隆慶戊辰與余同成進士眉目清揚軀
幹魁梧美鬚髯市人爭聚觀之除任丘令任丘當孔道
軍民騷擾不均多大家及銀鑄左紹貴幸者中丞儀封
張公語曰是所謂大觚也若其慎諸公立登進鄉先生
父老子弟於庭請為邑洗難治聲以擊令三五申傲而
規言和邑導之眾皆唯唯故事邑多負其課竟公任無
負者邑城地指月奉史城之氏子采趨事短銷壑好望

之崇靖言言吳三年方最奉徵書授陝西道御史

上在儲宮出視學見其瞻瞻步履曰吳主也

上亦若目屬公者賜金綺疏陳聖學十事

先帝嘉納之又有等邊三疏皆中竅鑒先是與同官而

新鄭壽新鄭行酒過公前握手談笑良久同官族之新

鄭江陵相構公疏攸江陵復疏請裁抑中官衆遂誣公

黨新鄭以考功令左遷判滁州故事遷客多佐公選廵

逮讓脩其常職暇日與賓從載酒琅琊山品庶子大

一泉嘯詠倡和有醉翁之致高稍遠山東濟陽令以母

喪還除服補山西襄垣縣聞此士得第一人復權守浦

大沁山房集 卷之八十一 志銘 畢

州蒲多豪賈山陰襄垣二王宗張甚大家與任丘等以

治任丘治之而服巨寇趙基等數千人抄暴諸郡邑諸

郡邑亦河東則漢胡桃林西則明星玄象出沒無時設

方畧禽之停鼓不鳴臺臣上功宜超拜而中無粵援僅

遷南京戶部員外郎尋進南禧郎治故官考陵缺土度

本應材鳩備事咸如所計料進錄一等權守松江慎海

防番什伍疏理塞吏體收理究獄御緣嚴所行善政非

一士民錄而紀之每月校諸生拔其尤為者若唐元徽

董玄宰陸伯達陳眉公皆儒林文苑之選也唐長卿方

罕由尋特所愛重邦大夫贊者莫方伯林岡鄉豫郡伯

方伯子廷韓與之遊覽山川徵求謠俗揚權圖史甚歡

而部人官南者數千請不逐族白蘭中之松江人為贈

言訟冤泣而留行陸文定史為抗掌公獨喜得歸侍父

與繼母問履侍膳依依如孺子時既舉庚而又卒年已

五十辰且致毀友于仲叔兩弟讓產不問多寡有無芝

三生其室里人奇之高三芝圖而傳別業有花石竹樹

亭臺池館之勝風雨雪月琴尊暢咏日陶陶遂遂也子

入大學教以時義而手製云法曰課兒編後進傳誦之

趙蘭谿富國貽書勸儒辭以疾沈回明謂家宰李公才

如胡公竟不獲大用入將謂何中州部使者往往推轂

入沁山房集 卷之八十一 志銘 畢

而公久無宦情矣感儉施粥施不以千百計殯戚友死

無歸者助婚不及者具泉州有執政為氏患若大冤枉

言無諱而不任德行年六十一卒其生嘉靖辛丑四月

八日卒萬曆辛丑三月十日元配南陽學博潘氏愷女

累封宜人子一即漢子延其字訓室仇孺人出娶固始

余工部繼善女潘宜人女一通財貽令鄭希孔子太學

生銘豫建生幼未勝差以某年某月某日墓在其所銘

曰有言責者不得其言有官守者不得其官匪直不得

而為瑞瑞投之謫藉斥之歸曰謂公有愷公乃宴然明

農訓子以終天年浮雲富貴彼安在焉子述又作父待

于傳沒而不朽胡公之什

平亮將軍左軍都督府都督同知張公墓志銘

嘉靖以來北虜為中國患劇矣賴有天幸虜以愛子殺
款稱臣而外藩疆場得休息然將士狃於宴安緩急無
可恃余領河西御延問諸宿將可用者得張公公名臣
字某別號水山故榆林健兒也身統騎中人傾頗蓋賴
大武虎形矯捷精悍博戰常陷堅摧高隊率同千夫長
劉朋守苗甫川朋遇虜長馬被圍單騎馳救射虜中其
魁奪虜為我則歸已代朋為長有卒致英秋虜從虜犯
韓家山公率眾禦虜賊獲英英泣而討故漢人而虜
人必山房集 卷之十一 志銘 里 昌

胥至此頗以技藝一卒免之歸臺司喜曰人以首虜功
多邀賞若不妄殺異日當為大將嗣後遺虜跨馬梁李
家溝高家堡田家堡大戰西紅山功居最遠宣府居房
堡守備虜大衆入我兵寨環攻臺上相支以日欲生得
公公召麾下酌水為酒飲而歌呼虜莫測所為不敢登
臺夜分決道出從境外取獲逆歸當有奇其居畧遠
延綏入衛遊擊防古北口虜登百崎犯龍王谷拒之俘
三人因得虜情已卻虜南牧燕石平山營者土蠻擁眾
二十萬屬夷對危前導由界嶺口羅漢洞至永平灤州
昌黎所過糜爛皆府檄公部兵千人往援諸將就喜水

卓頓舍自葆就公獨請戰連帥王志道曰虜眾我寡戰
不利一敗望地將奈何公曰虜雖眾抄剽術低路以
我易與擊其墮歸時不可失國家養士謂何無一失相
加遺竊恥之願為諸君副恥帥疾聲呼之若志大言大
何籍吾等公忿心張膽氣如涌泉與其部呼天為誓不
與賊俱生操甲而馳曰惟余馬首是瞻眾從之無不一
當百諸聲震天虜以數騎害我公手刃之虜駭折北不
收追至峰趙產斬首百有奇獲諸敵器人畜無算諸將
尾公後乍聞要遮虜昧不及撫呼不給吸扇墮崖死
溪谷幾平自是五十年虜不敢大寇薊門薊人生祠公
又必山房集 卷之十一 志銘 里 昌

立碑紀勝虜惜懷沮膽其處事詳四鎮三關志中會屬
夷誘殺墻于嶺恭將以公代之論前功遺實職三級賜
金幣人謂功浮于賞蓋有忌且胃之者矣居三年屬夷
益虐闖公免胄而示之數其負夷恐捕罪輸牛馬自贖
已力排群輩脩南峪寨創五臺至今諸路用為程式還
副總兵領密雲右營事尋為薊西協守建營房築新城
烟車礦營蘭石渠答具設夷酋抄蠻嘗誘殺死恭將公
招義而責之數不叛屢旗不解卷酋懼縛叛夷一十八
人已獻已試草教法于閭家屯行營夜營雖晝地居方
旋轉威中遠後府都督僉事副將伍五府蓋超拜也又

村諸印賜教兼轄石古曹端四路鏢下右營恭武石匣
輜重奇兵諸營所在辨治已即所居官佩征西將軍印
鎮寧夏虜王俺答為其子報怨瓦剌欲假道賀蘭公危
之虜王志吾不能闌入即公夜決唐漢二渠水道不通
復陳兵亦木口虜懷疑怪從山後去三歲互市無敢譁
者而聞邊葦黃門以苛禮責望探追不及之事論公調
用虜小阿不戶使款馬蘭起公為副總兵當之虜聞公
名悔過乞款而蘭東長昂狂逞大司馬擇可急使者無
如公復公故官鎮蘭門長昂愕然今大師肯憐槌崖惡
戰那顏也亦悔過乞款以鮎魚口修橋功還署都督同
大必山房集 卷之八十一 志銘 呂

和政王矣有據公位者入為左府僉書歲餘出鎮固原
未踰年大落亦真相台吉瓦剌倘不浪合順義王擒刀
據青海圍奪我屬番洮河西寧道梗特命鄭司馬經畧
而移公鎮甘肅套酋卜失免率合套諸部口實禮活佛
陰與大瓦結公按兵永昌寒甚枕戈臥雪有月餘使謀
諭番以恩信禍福番笑曰以我突騎騎河西如平地耳
遂從宋家庄穴墻而入公迎戰水泉三道溝仗劍大呼
豎髮噴目格殺數虜虜番中流矢奔殪眾潰公臂亦受
金夷而諸卒貪虜裝璜所斬首不滿百然虜挫矣其後
契仰華寺斥松山地數百里猶席公餘威云鎮人為鏢

石柱曰張將軍戰勝處又生祠之事詳甘肅志中遵祖
職一級實收一品公以國雖無事忘戰必危上書言八
難五要與經畧駁柱而部下小失利傳致為罪時方六
十詆其老公亦引疾乞骸致仕有旨候召用顧骸癯不
能施和水意且有子可繼志不必身為矣公為將與士
卒純甘分少銜恩用命可赴湯火是以所鄉有功里居
賤貧檢路修通靖佛寺不惜貲見門閭聚眾必下斷徒
馬圍成加禮接雖在畫堂御女拜射不減少年食芻豢
服輕煖乘牢衣迨獵較如此者再終一星未嘗疾痛苦
事近代諸將以功名終此其遠矣于兩佩將印階一品
大必山房集 卷之八十一 志銘 呂

有戰功功請歸侍公疾雖不及合然在武臣為特舉已
請祭葬如今甲詔曰善游有溺善騎者墮各以所好反
自為禍教集俊翕敵之臣非乏而兵不戢自焚往往有
之公福壽子孫可付伯人鵬鵬飲水數斗鮮嘶入口輒
死其量殊也吾家猿臂以破降不封後裔表背公不嗜
殺人一念天贊右之余數過公貌不羨于情言不溢于
行起自行聞于耆未涉獵與之談蘇援世事利害得失
井井有條每得余文屬定句讀珍為鼎呂三年前以寸
紙付其使屬余銘余詰使云何曰主翁為身後計耳其
于稱述公履歷奉治命誦余問以所睹記次而書之如

此公生嘉靖戊子閏十月二十有七日卒萬曆甲寅十有二月十有七日年八十有九元配高繼室章俱贈一品夫人高生子承胤承祚胤安副將章綱女繼副將樊某女再繼副將孫某女俱以樊女弟繼其姊生子應昌為任子娶都督石尚文女其姊生德昌通昌德勝元戎王國棟女通勝元戎官秉忠女承祚為諸生娶副將劉某女子某子某生以某年某月某日墓在某銘曰兵危而戰凶何以能寬樂令終天矢極而敗其殺豐旆而賊其殺鴻奇樹重御疏果同陰陽利得何憚于疾風天乃六材具而引之中參均凡和有餘有上工豈肉而短寬大泌山房集 卷之八十一 志銘 昌

緩以釜因若之躬爾以弓矢奏膚公習而察之器與道通守雌如雄故宜其昭明有融福祿來崇

大泌山房集卷之八十二

京山李維楨本

杭州守方公墓誌銘

隆慶初天下盛言理學危坐雅步遲頓不及事為下吏欺謬益始未嘗不純白末乃滋偽也萬曆初天下盛言經濟綜核名實法令煩僭要以阿邑當路與時上下若鷺鳥去來賢智者往往而是如方公豈不粹然人倫之表哉公名揚字思善舉進士知陝州入為南戶部員外郎晉郎中左遷知隨州擢同知嘉興最後守杭州未半歲卒父曰從本以公貴封奉政大夫母黃贈宜人始里大泌山房集 卷之八十二 墓銘 一

母夢宜人擾龍於庭而公生三年能以指畫沙成字八年就外傳啓處有常度未嘗換色羣兒皆嚴憚公即塾師敬而禮之無敢褻見也其夙患有如此者九年喪大父執喪如禮始有室喪大母禮如初比喪母勺飲不入口七日哭日夜不絕聲而封大夫亦篤哀廢眠食則謬為好容事封大夫更從之賈宛陵握算封大夫為忘戚也退而滄沫張浹席矣封大夫浣沐水履必以身受役凡二十年迨公仕而封大夫始置箕箒妾其孝有如此者公獨子事從兄忠甚恭忠死視而不含公枕之股而哭之曰揚所不奉嫂如兄字姪如子者他日無相見地

下乃瞑自後得精必以先孤嫠無何忠子敏死公愈益
恟天乎是使我爲德不竟也忠弟廉死宛陵設虛祭飲
泣淚損橐裝輿櫬又有兩兄蕩資斧抵公乃得歸疎屬
第貧爲給祠具倡宗人建社壇定社倉法歲時少長畢
集秩秩雍雍如也其友愛有如此者公刻心秉德擇地
而蹈羣從以聲伎佐酒畏公知數避匿他所里人爲構
蒲秋千戲聞公歸而屏迹不復見居外無竿牘入都門
入都門無造請所出入人罪與除利病與上官論駁十
餘返務行其志其方正有如此者諸子節稱貯息而公
居約請得以本業之不許知陝州單車從一奚奴日服

大泌山房集

卷之八十二

墓銘

二

隆

食器用壹取俸入屬吏一人掌之季終權會而納其餘
錙銖無浮既去悉籍署中共張授管籥者守隨若佐嘉
興亦如之兩人覲於陝貸吳鴻臚五十緡於隨貸江大
行及兄旦二百餘緡然後啓行封大夫就公畱邸私怪
問兒何弟守儋石公長跼而對曰自曾大父以及大人
質行齊魯諸儒莫及身終布衣名不出閭里兒無似從
大夫後佩印水繡出則簪梟傳呼斯已奢矣寧憂貧乎
封大夫稱善不責公甘毳其廉潔有如此者陝鴻臚某
子甲數從請託不諧嘆之會朝嗾其僚糾公鞞朱履當
罰金公實基履也不肯庭辨守陝三載薦書十上隨牒

平進爲郎同舍郎以私憾上書誣公闌出庫金詣郎不
平將修郅公謝不敏旣得命出知隨趣裝就道若以資
遷也督漕曹上時漕卒齟齬長賦者勢甚張公下令長
賦者與卒各以什伍立肩相授受終日而輸粟數十萬
石士無譁其督無所牟利大望故以腐粟訟大司農若
政府是嘉興丞強而授我者也衆殊爲公危公顧私喜
緣此受責芳香多矣已而部使者漕大夫發諸武人奸
狀事卒解杭逸囚二十許人國中口語籍籍公病不任
事寬不任守臺臣簿責游徼甚急公引而自劾守非敢
以病寬寬固守事也寬而過病而困守固當去敢逃刑

大泌山房集

卷之八十二

墓銘

三

隆

書聞者愧其言而捕卒滿品其雅量有如此者居陝履
畝均田經界則壤而賦平治次舍節委積禁其驛騷而
賓至如歸汰食租衣稅冗者而民不病收責贖錢緡錢
之羨以積穀而歲不虞侵立保甲嚴警迹道旁樹樞以
禦禦人者而外戶不閉守隨五月城城署嘉善三月爲
堤捍水盜以物質子錢家辭所連染輒覆沒乃悉召諸
家踐更非保姦者有發得理出市人至今便之奉檄度
七邑田出舍周行露宿辱食竟以是病郡饑佐守出令
分民四郊受賑所全活無算錄囚持平例時有所寬以
明恩貸燕居則腹釋吾日者論某坐恐有憾吾欲脫某

欲而未能吾欲舉某事而未暇其勤事重民有如此者
家將伯良匿亡命爲姦結納諸貴人多爲地道路以目
公廉得其狀以它事逮之諸貴人爲關說相踵而豪立
筆死矣夜之旁郡盜艇數十逆舟公挺身出曰吾方郡
丞也廉無以望汝之腹力猶能尸女盜讐伏散走杭卒
既暴主將而嘉禾守禦者搖心公呼其魁詰之餒而死
燭飽而死市奚若謀遂已其沉幾應猝有如此者公爲
吏恥以簿書期會見長率先教化新陝召公祠祀周程
朱陸九先生羣諸生秀者講肄其中厚廩餼以養之購
書史以課之考其德行而獎掖之慮其解嬖而要束之
察其困苦而宣理之引渠水通泮池以埤益學宮之勝
陝士斌斌相望起矣在豫在楚在越三與省試薦士幾
二十人在嘉興授經七邑士又數十人文行相配不負
所舉其知人善化導有如此者游孔子廟廷翼翼如聆
警咳歸而署其楹期至聖人之域少年竊笑之不爲動
楚耿公大都授時衆將致公公辭曰無有師保如臨父
母耿先生功令布在學官是吾師也何必從行其學以
敬爲與以義爲路以無覺言爲入門以內省不愧爲實
踐郎時講學者方宛舌而公偕諸大夫都人士危言覈
論自如置一帖以視聽言動飲食思寢爲目善者朱書

之過者墨書之沒之日言不及私謂其子曰過化存神
四言者安身立命必由之矣吾往與某同舍坐而言不
聞此未達存神之說以頑空者也夫宿塵習塵事塵理
塵一不化而難以幾矣子必勉之其篤信好學有如此
者世儒逃空虛設聞見或碎義逃難公百家無所不窺
讀經先大義而後訓詁讀史急治體人物讀諸子標識
其典要又明習文法練國制度所常誦說則易詩書禮
春秋三傳國語戰國策道德南華淮南韓非班馬李杜
之書晚而通釋典曰仲尼猶龍老氏是與仲尼異教而
同道假令生同時必有合矣爲文峭健有風骨下筆千
言若宿構當秦漢詩多古體當晉魏所著有山中集孝
經句義中州藁莽月守考南中草湖中藁仕學卮言其
博聞善辭章有如此者公先世家河南遞徙爲丹陽爲
鑑湖爲白雲源至處士桂始遷欽柘源十六傳而處士
良遷羅田曾大父社昌廩廩鞠躬君子程宗伯敏政所
畏也世稱居貞先生大父景英敦義崇讓封大夫樂善
好施與清人賢冑所由來遠矣配洪宜人桂林洪長公
女生子二長時化邑諸生娶胡文學清女溫雅有醕藉
飲人所目爲佳公子也次時俊娶吳處士文彥女女二
長字鮑處士大本子拱宸次字汪司馬道昆子無競孫男

一嘉生時俊出其家世子孫婚姻有如此者公生嘉靖庚子十月二十有五卒萬曆癸未三月三日享年四十有四以某年月日葬其所當杭軍民兩變守者難其人誰差而屬公公除苛解燒與民休息民甫安而公先已病再告不得謝上丁釋菜忽嘔血數升開府張司馬公請徙公括蒼得自便太宰嚴公重公更爲請予長休告郡守予告自公始也公德行政事文學一意師古然善藏不以逐時取名諸沾沾立門戶高自誇詡或挾所長互輕詆不相爲下者視公當愧汗矣中道而沒士論無不惋惜焉銘曰謂公拙宦事若習貫所部職辦謂公

大梁山房集

卷之八十二

墓銘

六

鄖陽守楊公墓誌銘

太師楊襄毅公有五丈夫子皆以文武科起家官一品者二人惟叔氏由任子至郡守而才美行誼無忝其父子兄弟卽他姓文武科起家者所不逮薦紳學士亟稱之則毓庵公其人也公初名州俊更名俊彥字伯美別號毓庵襄毅公督學齊魯寄徑涿郡夢僧入室驚而寤

則公生詰朝人言山寺有高座道人涅槃卽其生時云是爲嘉靖甲辰正月二十有一日比長猶能道前身所居處操行師友形狀而沉靜端凝語無妄發非其人不與交深居簡出短褐革鞜糲糲之食不識爲貴公子也至於鑽厲求學篆刻爲文勤逾甯越篤若江都矣凡十上有司不第幾第矣或以試卷遺脫及避襄毅嫌罷襄毅沒後十五年而少弟亦登賢能書公乃歎曰余之莫由此進也命矣夫遂謁選人除後軍都督府都事遷右軍都督府經歷令丙天下衛所分隸五府諸武弁受世職府先核實而後大司馬加察焉吏人稽故必滿其欲乃已公案無畱牘左右計不得行植立如木偶繼以怨言而武弁頌聲四起矣三年考最勅命有曰嚴清服已幹敏當官公誠無愧辭云已遷宗人府經歷工部營繕司員外郎大司空知其能卻窳輒族屬公批導迎刃有餘地焉若繕車局樹棹楔督大通倉造襄城葬事集而費省諸郎奉之爲挈令也初

大梁山房集

卷之八十二

墓銘

七

郎不能執奏而爲之役後世謂郎何人大司空建其言而會遷屯田郎遂寢屯田郎司上供薪炭中貴人責賄諸商無餘方械治商劉祿以彰虐後公具爲經營商乃蘇諸大臣應賜葬自太宰孫公以下五十許人朝至而暮爲請李貴妃者

上所最幸其薨也令墓域密邇壽宮中貴人阿邑言西井佳公白大司空西井左昭陵右去壽宮墨丈間耳能無傷地脉耶不若銀錢山便地廊衍而又相望魂氣無不之也大司空爲言

上卒從公議故事方石浮石堅略等而方石價數十倍

大泌山房集 卷之八十二 墓銘 九

商因緣爲囊橐關說中貴人以方石代浮石公爭之甚強累朝諸妃瑩例用浮石寧欲速朽耶中貴人語塞省金錢鉅萬已遷知湖廣郎陽府事耶斗絕萬山中三藩地犬牙相錯五方之民以其籍自占爲盜賊逋逃數公廉得其魁宿寘之理餘黨鳥獸散兩造盈庭以次就獻片言而決不移晷而訟庭虛無人不移月而囹圄虛無人羔鴈筐篚逡巡雉門之外無敢入而璫陳奉奉璽書領楚礦稅事責郎船稅公謂船稅果有之鉢兩耳府之供給於是焉在請悉以佐縣官緩急無更加也已採保康縣礦公應之遲奉乃身如郎所過諸郡守或郊勞謁

刺體至縛紬公使一吏持刺迎刺體復倨已至館復使吏與講敵禮不者無相見奉怒翼日檄下索千金公曰郎不能當江南一大縣千金寧從天降地出耶太守不忍病民有月俸百二十金相貽奉益怒呵其吏公喟然曰彼以我戀戀二千石耶遂上書乞長休告奉迹公廉得士民心卻所贈詣公謝過屬當上計行郎人空國送車爲輓父老泣下沾襟蓋微知公去志決且病見端矣計畢疏請致仕郎人在京師者謁留公公亦重失郎人心脂轄東發不數日卒晉陽郎中郎人泣而思之爲伐石頌功德焉公性至孝母段太夫人嘗遇危疾諸

大泌山房集 卷之八十二 墓銘 九

子不在側獨調藥餌侍啓居兩月衣不解帶禱於神請以身代又不愈割股調羹以進太夫人之卒也嘔血數升晉臺察高其行下所司表間且聞於朝公謂孩提之童無不知愛其親士所誦習何事而以是爲名高耶晉人益歎異焉公卒之日爲萬曆辛丑二月十有大日距生得年五十有八配王孺人中丞公輪女男子一人元楨官生娶景氏女子六人諸生羅尚鉉韓焯郭鍾瑜太史韓煥太學生南朝聘孝廉任治統其倩也孫男子六人瑞方聯方承方騰方繼方胤方某方爲仲兄之子社後孫女子三人卒之年九月某日葬郡城南十里王

莊耐賜葬諸先墓次自襄毅以上家世史乘碑板海內
所悉不具論余與公少弟水部善水部傷四兄俱沒而
身孤立爲公狀數千言詞旨酸楚又深悲公孝行世罕
知者余故節而志之銘曰世不乏廉吏公汰浮費却私
餽割其常俸常供以資民於憔悴世不乏直臣公所抵
牾無論中貴人廼至

天子之妃與親利不誘威不誑道在必伸昔者漢有關
西楊伯起遺子孫清白耳賜也司徒好盡言死必復致
大鳥矣蒲阪之楊何相似君不見良哉二千石叔子

興化守李公墓誌銘

大泌山房集

卷之八十二

墓誌

十一

吾師李文定先生相兩朝以清白貽子孫其季子健齋
公官內史月奉不給請移陪京便就家粟遂爲督府參
軍叅軍清華不若內史又仕宦以不離京朝爲貴春明
門外卽天涯自古歎之矣天下高公廉讓不愧爲名宰
相子云公諱茂功字季成健齋其別號也先世譜系可
徵者海一公家句曲朱埭數傳富一公兩子長伯通次
樂易伯通家江北安宜樂易公從之兄子羯犍不可忍
樂易公乃徙昭陽被苦蓋而居所親贈金數鐲易小物
轉販稍羨遂爲昭陽人則兄子貧矣數來強割其貲無
慍色人稱公長者必有後生朴菴公旭生永懷公鏜三

世皆以文定先生貴封少師先生娶於徐累封一品夫
人四乳而生公白哲頗有奇骨先生異之是不在三兄
下徐中橋翁者於先生交最稔公生三年徐翁舉女以
字公其年先生大魁天下從入京師言動以禮自持所
師則溫陵許賜山吳門錢兼山二公所友則陳文憲凌
紫崖陳養觀三公無不奇公才先生記室多海內知名
士公游之甚歡用朝臣例爲京兆諸生尋入太學而先
生已貴公角巾布衣徒步出入非通家衿契不識面句
曲日者馮生諸公卿爭延致之一日語先生相公諸郎
皆能致身青雲若某某者堙替隸圉矣後三十年驗之

大泌山房集

卷之八十二

墓誌

十一

良然徐翁宦京師以女來歸而徐夫人病公夫婦侍疾
甚謹醫藥禱卜皇皇浹辰當秋試謝不赴母夫人故強
作健趣之曰吾須女一第而瞑公不得已入闈忽心動
投筆趨出母執公手不能言屬纊絕矣而公哀可知也
跣而以喪歸呼號踴踊路人雪涕終喪如京師省先生
僦舟車行不煩館人其歸亦如是先生爲媚嫉者所中
謝政公逆諸清淵先生指示橐裝此皆君賜若輩希稽
古之榮乎當取以爲法公從諸兄對曰有太父母在先
生喜是吾意也姑試若耳公數奇屢試京兆不售他宰
臣子有登高第者客諷先生不聞昔賢父子恩深不覺

自失耶先生喟然而歎吾不欲以公家科名私吾子即
吾子意不欲以我故取科名昔者馮生言或有驗乎無
何先生有目青公侍疾如侍母久之先生卒哀毀更甚
上褒先生舊德恩卹有加任子爲尚璽丞當及公以讓
仲兄而已爲內史拜命之日伏地哭扶而後起先生門
生故吏滿朝見公翩翩佳公子爭內交戶外屢滿公善
棋而不上人又善酒沾醉作禮愈恭謔不爲虐客日
進座無公不歡游覽宴會必公與俱公雖泛愛衆而親
仁一時姻婭通家寮案凡數十人合志同方營道同術
非私昵也嘗使衡王邸故事王跪迎冊於郊使臣騎過
之乃起公曰王敬使臣使臣亦當敬王下而揖王起而
後騎而却王所贈篚篚累百金三年考最進階徵仕郎
已改叅軍其上官多勲臣武臣其幕官恒貌之公執事
如禮而上官益重公有不善懼爲公所知又三年考最
遷戶部浙江司員外郎督賦三吳鈴下稽故長賦者萬
端或窘而坐斃公多所寬假與爲期開門延內無畱三
吳人稱之以次擢武林北新關公輦蹕曰征商故非美
事人且以我處脂膏自潤如先德何爲損苛政汰冗役
商不壅闕而廉得車應揚關憲張拱三人者窟穴推司
爲商鑿齒摘發其奸置之法左右吐舌捧手救過不暇

大泌山房集

卷之八十二

墓銘

十三

陸

給市魁入貨而不償直者居停主人以儼費推貨直者
狙澮以後貨償前貨者責其負除其籍商民交口誦德
焉武林又有南新關故司空屬也公承乏攝其篆事立
辦則與客泛舟西湖人言湖上了公事不若了公事而
之湖上爲得體也已進尚書郎六年考最時尚璽顏與
朴鴻臚張鳳梧奉常傅太衡三公稱清卿公稱清郎四
人相得而顏公如燕無以爲裝公資之乃成行顏公曰
公非我不愧人我非公不受人愧已遷守興化郡郡多
文士而民以地狹貧胥吏廝隸用氣力漁食貧弱公令
凡訟者自往逮不得屬廝隸至則自按問不下胥吏胥
史廝隸往往乞歸農去郡所用貨索之市市魁索貨主
當具有者半賈而賣或十不直一公令民詣府自評價
商願出於市矣會當校士士丐貴人爲地刺盈篋焚之
於庭吾聞得郡中一名艱於省中一第奈何狗貴介而
厄寒峻人服其公首所拔錄兩人相次成進士而貧士
張名時者即舉於鄉居恒念微李府君吾其終已已葺
學宮構講院禮諸先輩與諸生習業其中而日省月試
之所行莆陽課士錄如陳騰鳳宋祖騰唐玉黃鳴喬陳
臣忠林銘鼎皆一時之選也祀理學名臣八人表節孝
士女三十八人嘉靖末倭寇郡魯師亮張光祚張珊檀

大泌山房集

卷之八十二

墓銘

十三

陸

文貴格鬪死柯氏婦罵賊死魯獨廟食距之數十年且就泯沒力爲白而旌之郡人有執政門下士阿邑執政詆譏先生懼公修郤公曰犯而不校吾先子所從事也小子何敢倍之卒不問學士大夫相告語此相度何必減文定少年羣不逞詢而過市市人或目之曰將曰虎曰地煞邑令喜事博名高知非公所欲也私告變臺使者黨數百人有異謀下令捕繫具獄臺使者疑之檄公案公嘻曰屠沽兒醉飽得過惡足與治乎爲戍一人城旦春三人餘杖而釋之郡人大安以立

皇太子覃恩進中憲大夫計還值歲微傾廩以賑吏白

大泌山房集

卷之八十二

墓銘十四

陸

須臺檄公謝曰若不聞汲黯耶卽得罪吾自受之有母訟于者公怒將刑其子鞠之則以乞一握米爲粥食母粥不中食故公笞而貰之予一緡錢爲養母子感泣如初盡括其秩祿市粟爲糜士大夫效之郡無餓殍流亡天久不雨毀服步而禱雨乃大霽凡三禱皆如之隣郡不爾也郡木蘭山溪會水三百有六十宋錢氏女建陂溉田陂右疏渠導水田凡萬頃歲收粟三萬七千而外爲堤捍海爲斗門相通歲久圯其費不貲公身先畚築視故有益無因蓋二千石盡委之此矣又鳩三營卒而勞之曰爾餉於斯焉給通力合作非相爲賜也卒踊躍

聽命而堤成爲永利焉民浮海而移粟於外郡郡粟爲空以種蔗利誘民不種粟者其言有故其說成理公爲明其不然而罪其譸張者資郵傳之費不時給者禁鹽策之擅積者詭時逐利者而於慮囚尤慎慈諸生蔡承方與里魁有郅承方舍中兒廷貴死魁誣承方殺之公曰廷貴有父兄在父兄不言而以他人仇讐之口爲信乎鄭東霖富而奴暴殺人坐霖威力主使公訊奴殺人時霖不在側耳目所不及威力何加焉奴伏辜蔡任與其徒四人夜入關氏宅關氏婦覺而走鬪傷指坐任死而免其餘公言強竊故不同科晷夜時安知傷指出任

大泌山房集

卷之八十二

墓銘十五

陸

手林棟與猶子閱未幾猶子見殺索棟室得蔗刀赤色以爲徵公視刀不滿尺無刃不可殺人且蔗漿漬也非血也所平反疑獄遠者十數年多者數十百人而四事則人人能言之矣郡以倭患設三營卒藩司餉發郡郡胥侵牟其中卒含怒不敢言公奉藩檄召卒長授之不入莞庫錙銖無損卒大悅謀者言倭犯南日寨卒樂爲公用爭先赴敵材官龔守忠勇冠軍或請留自衛公笑曰吾不爲民先受矢石而靳此以卒與賊乎脫有緩急乃公任之亟遣守忠往擊敗賊而公治郡五載倦遊矣移文乞休十上不報臺使者復相繼坳遂謝事徑歸藩

大夫使使追還之不得又趣入計卒不應城隅有依綠園且就廢稍穿池疊石時花木繕亭臺與仲兄觴詠其中子姓中表之戚撰杖屨以從致足樂也念叔兄遠家南徐當食廢箸刺舟往省因涉三山而返諸異母少弟四人莫遠具邇憂喜之懷每徵於色迨耆情好倍敦里居不挾貴不挾長不談人短不以一刺入公門要束監奴不以聲色加人人以緩急告不惜施予故極爲鄉里所安素健嗽不食藥晚年微苦痰諸子奉藥以進却之已患足痿製小兒子登涉如故已哭其仲兄慟更哭伯子病日深諸子侍而垂涕猶然慰之我固無恙而遽瞑

大泌山房集 卷之八十二 墓銘 十六

矣先是戚黨夢車馬幡戟傳呼甚寵曰逆興化守至則公也公施德於郡久豈其死以爲桐鄉耶宗人執友外戚侍從僕役比隣鄉社耆碩童稚賈販扈養日夕數十百人各以其班來哭無不盡哀而其大夫士之賢且仁者以公官終於守爲守賢最著謚法慈惠愛民曰文履正志和曰莊因以文莊易其名云公生嘉靖乙巳四月八日卒萬曆庚戌三月十有六日年六十有六配徐累封恭人事公和而敬旁無媵侍子四人伯思謙國子生先卒娶溧陽馬司成一龍女孫繼娶江都何解元龍圖女仲思睿國子生娶如臯錢京兆藻女叔思聰娶同邑

舒明經守謙女季思賢娶金陵何侍御淳之女繼室以其娣孫十人思謙出者長芬聘鎮江徐吏部大用女長茹聘溧水伍孝廉光賜女思睿出者長曆娶江都卞茂才元英女長林娶金陵顧文學起南女長楨聘金陵宋太學俸女長樾未聘思聰出者長科娶金陵顧進士起鳳女長華聘新安汪太學宗孝女俱諸生長喬聘同邑舒茂才漢儒女思賢出者長蔭未聘孫女四人長適同邑徐戶部來儀子諸生延祉思睿出也一字同邑袁戶部應祺孫元一字海州王都督鳴鶴子某思聰出也一字未字思賢出也曾孫女二一字同邑徐茂才際明子發元長曆出也一字未字長科出也思睿述公行實七千言質諸余所聞見合爲節其大半志之銘曰中世銓格相臣任子高者符卿次者內史層累而上九卿肩比官二千石薄爲常擬或曰綺紈不達政理投諸荒徼空名而已猗與李公清標峻峙辭尊居卑嚮讓明禮戰勝紛華蟬蛻泥滓黃霸米鹽謝玄展履營綜周詳咸稱任使甫實雄邦守不輕以簡公爲之立綱陳紀懷保小民譽髦斯士與人作誦豈弟樂只一辭而退如脫敝屣無瑕圭璧其馨蘭芷宰相世表先朝所侈彼哉浮榮貴茲德美象賢似穀屬之公矣興化故郡興化故里或往或來情

大泌山房集 卷之八十二 墓銘 十七

鍾於是吉夢有徵令名靡毀宰木翳然翹翹仙李

兵部郎中劉公墓誌銘

隆慶丁卯余從先大夫遊梁則聞光州劉嵩陽先生闕覽博物君子也是年先生仲子舉於鄉先大夫美其有父風或云恨不見伯子殆難爲弟矣伯子者名黃裳字玄子人稱爲太景公者也因急索公論著觀之與衍弘深震駭耳目先大夫詎曰吾兒不堪作劉君衙官乃亦同上公車耶明年余幸登第而公不偶又二十年爲丙戌公始與余季弟成進士又三年爲司寇尚書郎余幸入芝蘭之室締縞苧之交又六年公歸尋卒又六年余

大泌山房集

卷之八十二

墓銘 十九

隆

山守重慶重慶人生而祠之娶胡恭人生公恭人之娠也夢朱衣貴人自天下驚而寤公生一歲能言手執書若誦三歲誦書不忘七歲學唐人詩晉人書十歲從父京師授書日益進賦帝京篇都人士比於李百藥嘗觀漢史慕班仲升傳介子之爲人吾得時而駕當如是矣相羊金臺易水間操荆軻匕首擊高漸離筑慷慨悲歌泣數行下觀者莫測也夜讀王命論大噓恭人問何爲對曰王侯將相寧有種乎如皆委之命誰爲王臣者恭人奇之已從父使韓韓王禮爲上客燕曾臺臺挹空同會大雪卽席爲賦奏之王稱善司馬長卿童子時詎辦此乎贈以雙璧不受又三年從父入巴中三峽九折之險絕巫山我眉之靈秀濯錦浣花之妍麗琴臺卜肆玄亭草堂之靚雅夜郎青衣鼈靈杜宇之詭幻靡不探歷沾沾自喜此嚴夫子王右軍所寤寐懷思也逢楊太史用修執經問字太史歎曰汝國有顏子何多讓乎先生都試郡諸生而得銅梁張太保肖甫於髫年是蜀之卿雲也可爲吾兒友同學三年歸自得如山忽人如草惟司寇陳公與其子迪功以文字往復論難而已已補諸生極爲督學徐公所獎許劉生中原麟鳳也宗正灌甫以好古聞開東邸虛左席迎致公諸藩臬大夫兩河人

大泌山房集

卷之八十二

墓銘 十九

隆

士授簡徵文其門如市已舉於鄉公頌而白哲隆準美
鬚髯目光曄曄若巖下電騎而過市市人望之若神仙
中人大道青樓窺簾隙而願充下陳牛僮狗屠彈碁鬪
梨歌張蹴鞠牽黃臂蒼之徒赴而從之籠街噎路同榜
趙家宰鴈行家宰斤斤謹質形於體貌而公豪宕恥
齷齪小禮兩人初不相入已更交歡沒身不衰明年冢
宰成進士度公被放不無介介慰藉之公捫其腹曰是
上有千古之業下有千古之名豈以一第爲加損歸而
奉兩尊人先意承志就養無方白度曲彼歌聲分刊節
度窮極幼眇每上觴兩尊人樂以忘憂也藏書故充棟
大沁山房集 卷之八十二 墓銘 二十

客以所長質公虛而往實而歸食罷角射以垂楊爲的
命中如樹獵七山下得獸舉柴以享客數百十人里人
爲之語曰覓鹿豕從玄子客亡命抵公郡功曹捕之急
已知其爲公客也舍之又有客忤監司坐城旦春公召
監司胥與客並飲胥以告監司逮貫之或師公藝而遊
大人成名更詆謀公公如弗聞也遇之如初客以此高
公之誼益附焉歲旱發粟賑饑全活萬人周三黨四隣
婚嫁棺殮之不給者稱是久之仲子卒兩尊人繼之公
哀毀杖而後起自卜地以葬爲冢舍可容萬戶種松十
萬株鬱鬱蔥蔥山氣日夕佳矣御史某者悍塞人也讒
人中公御史所甚力人人危公公與張令君把酒賦詩
不知於色諸交遊貴人千里赴難力白其妄門下客摩
厲以須吾刃將斬之公謝曰我郭解也與哉庚辰入試
策有柄臣驕恣大端不法語主司讀之吐舌少宰姚江
孫公奉常勾章余公司成祁門余公聞而造門是真男
子名更以不第重耳買山得社至構藏微閣松關竹川
之屬巖薛窈冥類非人世嘗語陳生漆園吏有言大林
丘山之善於人也亦神者不勝不能自勝而強不從寧
從神乎陳生父故善養生出其內篇示公謂太虛中攝
一靈光鍊之符火與禪定幾似非若虛靜之極祗安樂

法也公曰二十年異人授我道如是丈人得我若聚沙而雨之矣高邑趙夢白爲郡李赤城王恒叔令朗陵梁谿陳貞甫守光州三人鮮所服下獨折節公爲布衣交陳公以疾去公周旋累月而返柴門絕賓稍精舉子業少宰趙汝師公錄之蓋公十二上公車矣客風公枯楊生華何可久也公不以此時效車丞相平津侯耶公艱然不悅吾惡夫日莫途遠倒行而逆施者就常除得刑部主事而安之縉紳所號爲西翰林也王文成之封侯孫忠烈之殉節于鱗元美子與公實輩之挾藻庶無忝矣同舍郎同郡汝陽趙公固陵馬公相應以義理之文

大泌山房集 卷之八十二 墓銘 三十三

而公練法比詳請獻司寇有大獄輒畀公片言而決戚畹權門請謁不通謹察囚疾苦而衣食之無瘦死焉奉使慮囚江北歸辛卯考績疏復父故官贈母恭人而客有挂吏議者詞連公左遷御史大夫幕屬公卒不自明大司馬石公常就公談兵以基列八陣盡其變司馬曰西北邊可行不公曰李衛公破突厥與遼以是但亡神勇士耳因移公武庫主事而朔方有逆賊之變問計公公屈其指一設重賞以間虜賊之構一治戰車以防虜騎之軼一據河南岸虜無得以渾脫渡而決河灌城城中人懼必有誅賊來降者後皆如其言無何遷其司員

外郎督武學倭寇朝鮮奪王京開城平壤三都虜王子朝鮮王奔入義州乞師遼左大震上以四夷屬國朝鮮恭順不懈二百年迄於今閔然哀憐之命少司馬宋公出經略而公贊畫賜金緋以崇等威公擐甲躍馬而度遼指顧徐中山壁壘鼻頭火發與李將軍如松將諸鎮士馬四萬餘而東恒以身爲前驅由石門度鳳皇山馬皆汗血臨鴨綠江天水一色望朝鮮萬峰沒滅雲海將吏有揮涕者公勞之曰汝曹封侯地也何作兒女態夜共李將軍畫策平壤箕子舊都也而城乘山又箕子墓傍多茂林可伏倭守小西門從別道進出其不意可以逞矣平旦衆薄城倭果守小西門我師攻東南鼓聲震天城頭石弩雨下募敢死士援梯鉤而上殺數人不退倭悉衆來距伏者趨小西門有赤幟出堞上問爲誰曰某某先登蓋陽攻其堅陰蹈其瑕公所指麾也是日大風雨晝冥洄水鼎沸斬首一千六百級倭北走大同江先使人斷江水溺死者無算追及開城復斬首數百級已阻臨津而陣倭收餘衆奔王京碧蹄去王京三十里李將軍將騎數十縱倭遮之奔中矢且盡公聞馳援射殺金甲酋圍甫解倭僞爲書約矢射江畔請降公知其紿也經略議稍左公奮曰必獻王

大泌山房集 卷之八十二 墓銘 三十三

京而復王子乃可不然者人之稱斯師也謂何雨久餉不繼公柑馬而秣之使肥者居外圍城必小示隙開道倭乃宵遁逐之逾釜山入金海島以去而命將劉綎輩守島嶺熊川扼其要害無使東經略報命

上旌功遷公爲其司郎中賜白金文綺而言者疑倭實未遁碧蹄之敗功罪不相掩公因條上十事以貽後人而力謝病歸逍遙杜至中日課季弟黃駿學駿才亦公流亞也故所善里人陳賀鄭劉崔胡諸君遞爲主賓雅曲並奏賦詩策事擊鉢刻燭翰動如飛不別昏曉雪夜登浮玉山故葛玄煉藥處振衣而呼夜光煌煌照我心

大泌山房集

卷之八十二

墓銘

三十四

陸

矣自是益就名理而蔡太史弘甫一見語合金城湯池輸攻墨守四座莫不厭心胡文學昆季爲公入室弟子公一日語之李獻吉飲其徒經旬吾何爲不爾文學爲治具召公以父見爲談楞嚴法華諸經霏霏如木屑漏且盡客無少長欠伸不可耐公神愈王小隱几遽興伸帑揮毫口不輟吟文不加點乞者雜沓而至如取如攜凡三晝夜而雪三晝夜若競爽爭勝公東征遭久雨水浸甲裳海濱地濕浸淫內傷不自覺比日寒氣匿薄俄不懌趣駕還詰朝友人起居自將迎成禮已荅問疾者書多超世語書訖沐浴衣冠而瞑狀言公天性孝友封

股療大母疾刃無縷血遭父母喪廬墓三年事兩庶母如因母撫異母弟妹如同生愛舅氏如母敬長者如父家故饒以結客周急若經紀周比部吳孝廉喪耗過半已佐軍興遂毀家少年厲強壯蠡氣裘馬僕從雍容甚都有俠客之槩遊閒公子之賜與名晚澤於仁義道德不藏怒匿怨闊達大度故以書生將烏合素不習之卒數萬皆樂爲死居官無官處事無事比德昔賢矣遺書如元圖符藏徵館司馬諸集多見道之言經世之略匪直文章小技而已汝穎多名士待公而興給事汪若霖治中賀世晏咸寧令劉文煥其翹然者也公生嘉靖己

大泌山房集

卷之八十二

墓銘

三五

陸

丑十有二月二十有七日卒萬曆乙未正月二十有八日年六十有七元配崔教諭梓女贈安人繼室謝督府恭謀廷烈女封安人公逾艾而娶謝安人曰合法相人訝之安人今有佳兒持門類丈夫夫人是以服公知人子二伯曰晟謝出聘李儒官學詩女仲曰景勝率出聘某其女女一媵郭出字喻太學三象子芳炳墓在某所葬以某年某月某日銘曰人才實難壽兼文武倬彼三君則余目親伯修克生及玄子父時而觚翰時而干櫓所當東倭西夏北虜奉辭伐罪以膏齋斧維萬與梅啓冒身名俱泰世延圭組劉氏復起德星在汝大器晚

成餘勇可買敵愾折衝青油白羽掣肘使書載車棄輔
杵投以三策用格五南山之南種豆射虎寔命不猶匪
酌孔取儒林文苑名尸謀府氣藹椒蘭言爲鼎呂凌厲
八荒馳驅千古目前富貴等諸腐鼠適然而來悠然而
去魂無不之魄歸於土管禁易遷爲地下主

兵部郎中張公墓誌銘

嘉隆萬曆之間起家進士爲名臣者余戊辰榜最盛其
有用世之才超世之志而不甚爲世所知則資中陳仲
俞海陵張美夫皆浮沉郎署自免歸終其身余承乏蜀
賴謁兩公廬不得見益高之力言於按蜀趙侍御以仲

大泌山房集

卷之八十二

墓誌

三六

陸

俞薦其在賴未數月遭喪扶服歸海陵又非部內無所
爲美夫地今距遊蜀終一星不識仲俞何狀而美夫以
庚戌八月二十有八日卒矣距生嘉靖甲午九月十有
一日年七十有七子茂才裔俊條刺生平行事乞余志
墓石余惜世不深知美夫何可無志志曰張公名桐其
字美夫其別號鳳樓揚州府泰州人也先世可考而知
者明有六三公四傳順以舉人教諭山西之山陰縣擢
南京國子助教伯子文領解登進士累官副使致其仕
歸以清白著聞祀州鄉賢仲子孜績學屬文所著裕齋
集雲莊十咏淮南人稱說之詳儲文懿志中孜子霽霖

大泌山房集

卷之八十二

墓誌

三七

陸

子瑋瑋子鈞號雙谿公是爲公父故州諸生以公貴封
戶部主事贈兵部郎中娶於阮封安人贈宜人封公三
子伯卽公幼有異質甫冠游鄉校治公車業嫻美父喜
曰海陵甲第張氏開先今在中葉賴有此兒矣講業城
西蘭若日益精進嘉靖辛酉舉京兆第里中弟子從受
經資月奉養父母不溷有司君子以爲此真古之孝廉
也六年成進士除山陰令山陰附郡城其人利而巧文
而不慚爲京師諸曹若越諸臺郡邑掾史實繁有徒陰
賊險詖析言破律弊如山不可問公明於事達於數推
見至隱操刀必割吏熱服不敢爲姦奉手唯諾而已更
杜絕一切請謁賂遺秩祿之外絲粟無染故事徵輸及
贖鍰奇羨以供交際主藏者乘間言之公爲面赤吾乃
不見信於左右以阿堵嘗試我乎兩浙多宦游當路接
踵諸慶弔財取成禮賓至雞黍常餉無他庭實三年入
計方內邑長吏數千人所不發幣公卿間者三人公其
一也鯁寡孤獨顛連無告若諸生婚葬不時束脩不具
者必委曲周之分校棘闈所錄多知名士至於請讞更
精明有自毒死誣人公相尸朽敗獨心故在令當之誣
者得釋如此非一錢氏鬻子於朱子不知所往錢取他
死人訟朱殺其子公按骨節不類童子跡之忽山徑有

老夫言童所在獲以歸老夫倏不見衆訝爲神貌老夫與公象而祠之其政大抵獨行一意不畏疆禦而坐是不得徵臺省就常調擢南京戶部主事臨發士民哭留聲震野久之乃別囊琴襖被不攜官中一物竊虞失父惟父迎勞之呼我爲清白吏父有餘榮矣所司鹽策草場凌雜賦垢而避遠不義物莫能滯已督糧治浦口是時父母方就養視其齋廚索然非久引還無以老人故煩費兒無何母病乞就子舍會出兌和州司徒不許而母卒矣不頃時徒跣歸踰月父復卒哀毀踰常服除久之始謁選人令甲南京官親喪復除必北公以家近仍請南而同榜銓郎爲得意交留公需與共事公笑曰吾且雞肋陪京郎安問吏部腐鼠也泗人梁公在銀臺雅重公持公請南狀弗與通公艷然作絕交書梁公莫能奪復除南京兵部職方以董繕太極殿成賜金幣已擢車駕員外郎尋擢職方郎中巨盜冷忠等入禁門掠宿衛大璫留後傾賊失度公多設方略搜捕之旬日盜伏辜而修明邦政若革冒濫精選練治戰艦咸中窾會諸武臣廩廩守要束惟謹荏苒通逃藪廓然一清四封謐如江浦軍民錯居私鬪無已時公法繩其驚驚者而更示之以禮衆用協和江陵相黨爲中丞操江怙勢多所

凌折江營諸將故隸大司馬簡授中丞無所與大司馬取媚中丞使參焉名曰部院會射遂成故事大司馬潘公至公言柰何以一人私意而亂舊章我爲失職彼爲侵官潘司馬從之其中丞不說語人曰都城知有職方郎不知有司馬中丞也比部小吏騎而遭公不下公叱而笞之吏懇司寇司寇恚曰不聞屋上烏猶以主人免彈射耶司寇後爲冢宰而考功郎嘗索諸司賂獨公不可三人者修郤中公計典潘司馬宣言曰張郎令山陰第飲山陰一杯水爲郎復然此而司黜孰無黜者愠見公公顧恬然適也古有方外司馬吾得倖蹤幸甚挈舟渡江歸與西林老僧結支許之好無復宦情矣縉紳中多知公者卽家補山東武定州守疆爲一行而監司某內深刺骨所窮治盡糜爛獄中行論無出者民莫不股栗公事相撓距不得因謝病歸諸司因留之屬歷城令挾醫侍疾公謹謝曰余疾在頭上進賢冠耳擲之神武門勿藥有喜中丞陸公問公何恙不已以別駕來攝州事公其專精神強食自愛期於亟瘳州人無萬數羅拜而泣不可一日無張公別駕返報而監司業已敗公謂州人天去其疾矣安用我爲卒解組而還蓋僅六旬而武定人尸祝如山陰也歸三十年田廬無改於昔而顏

其方丈之室曰棲倦一枝縣陶彭澤歸去圖於壁常日
在之此吾石隱石交也焚香晏坐烹茗獨酌披覽圖史
法書興至臨池草楷具有古法少年射獵命中疊雙晚
喜種菊然籬檻盆盎不甚整飭取故衣冠楮之散髮逍
遙于旄詞殿通名謁州大夫行鄉飲酒禮虛大賓席以
待都塵去不顧問二三故舊內戚密友歲或一相接對
酒不衫履不送迎見爲儻蕩不備而性孝友歲時奠父
母於寢慟若初喪字兩弟老無違言貧賤生死不易交
情疾惡如風而不藏怒從俗浮沉與時俯仰而其中疑
然如斷山絕巘不可以邪徑造同列中有吐言如傷屈
體無骨者恥與離立後銓郎爲九卿以附江陵清議擯
弃之公知人慎取友其趨操審矣素無疾年踰耆髮未
頽白其卒也亦無疾痛害事娶馬處士哥女無子先公
四十年卒累贈宜人繼周諸生嘉慶女累封宜人子二
長裔俊次裔傑俱諸生裔俊娶別駕何金聲女裔傑娶
檢校許位女女二一適諸生陳昌應一聘郡諸生盧國
柱蚤殤俱周出孫女二一聘諸生沈義隆子繼曾一聘
諸生何大鵬子崇慶俱裔傑出以萬曆辛亥冬十月十
有九日附葬西鎮口祖塋之次裔俊開美度不隕家聲
者也銘曰廉者多矯而公持平直者多岐而公靡爭介

者多拘而公豪英狂者多放而公篤誠累官六政所至
有聲里居卅年高月旦評沒而俎豆於賢人之間曰良
守令曰鄉先生猗與張公衆美所并彼哉司寇中丞不
欲言其名孰豐孰嗇孰賤孰榮海陵西偏維公九京後
世有述焉以仰高山以行景行

刑部郎中祝公墓誌銘

余不識祝公而其令祁門也祁門人有程大中者亢直
鮮許可時稱公治行余心識之公元配徐孺人卒官則
謬以余能文屬志墓比余起家田間自蜀入越公奉書
通殷勤度旦夕可定交而公卒矣兩子狀公行事泣而
請曰先君子不欲速朽母氏不遠數千里而乞言先生
孤卽不肖詎敢速朽先君子而又近在先生宇下曾不
能使先君子比於母氏死何以見二人余重違其意按
狀而爲之志祝之先龍游人南宋時承事三五公始徙
海昌袁花里十世爲封刑部主事公洪子爲叅政公萃
叅政公子爲兵部主事龍山公繼臯龍山公二子仲爲
贈知縣迴川公世德娶於邵比部郎弘齋公某女封孺
人公之考妣也公生絕慧七齡塾師授以古戰場文一
過誦無遺失衆驚歎有奇童之目年十四補邑諸生贈
公時亦爲諸生有聲數不得志於鄉舉既見公露鋒穎

則喜吾有子何自苦遂棄去構東樓聚經史百家書次第課讀午夜方罷雞初鳴促起矣家中廢贈公無所問公稍營綜之不廢甘毳自徐孺人來歸公得力學久之舉於鄉偕計吏入京師心動趣歸而贈公已沒公痛創有加路人觀者爲之雪涕入門哭失聲嘔血狼藉肌如腊向後忌日若歲時節序伏地號哭如初喪三上春官不第學益勤如東樓時遂以己丑成進士除祁門令歸迎邵孺人就養孺人不可吾有少子弱孫庶人當自食其力不欲溷若卽強我往食能甘乎公乃以徐孺人從比至邑苦旱下令罷常儀宿齋宮步赤日中拜禱不休

大泌山房集

卷之八十二

墓銘

三十一

隆

雨乃降明年築壩爲水旱備竟公任歲不災邑人因祠公壩上公之治壹是以節用愛人爲本損里胥供億歲數萬緡俗好訟寃獄數十年不解悉爲理出有樵夫晨起遇僵者口含石涕交頤輔出二指示之遂絕樵以告公偵得行第二者鞠之果其所殺也甲失金疑乙盜之不服公命邏卒告城隍神陰使人伏廡下伺夜有刑牲私求神庇者卒縛之一訊而服此兩事祁門婦孺能言之暇日進諸生講藝而請增應試額諸生縲紲非罪亟爲白督學使者後卒與賓興更葺學宮築文筆峯以壯地靈而士登科第者日盛會有寇據良禾洞掠人其地

介江西史相伏莫誰何公廣間諜募鄉導發壯士夜入其穴禽渠魁七人四封恬然治祁凡七歲前後臺使薦稱其治行章十有七上而有豪白晝殺人抵罪權貴爲關說不聽詆謫公賴陳郡守王郡理始白因就常調遷爲南京比部郎父老子弟遮留哭者彌日其在比部分隸應天諸邑事最劇迎刃立解嘗設方略得大盜於狹邪盜格鬪傷我健兒一人因憶部獄在郭外黨與或生戎心亟請就辟而後無虞至所平反獄什百令時尋爲其部郎中奏最入京師偶病遂卒公事母孝迎養不得乞歸復不得居恒邑邑不樂諸子歲時奉觴輒愀然不

大泌山房集

卷之八十二

墓銘

三十一

隆

舉而令與郎所居距家近啓居之問月可五六返乙未徐孺人卒祁門公方有事郡中不及訣哭之哀吾誰與共事吾母者此疾所從來也公鑒人臧否不爽毫末而喜愠不形昏暮叩門無弗應者緩急相歸不難褰裳濡足有狂夫投公公方沉吟卽以惡聲至夷然受之爲援拯如初里人加公橫逆殆不可忍衆怒欲報公曰是吾故人故者無失其爲故也諸子趨庭時爲言鮑叔終身不忘人過故功名居管氏下而曹識之公卒爲萬曆庚子五月一日距生嘉靖辛亥九月六日年正五十配徐孺人比部郎秋門公某女先公六年卒男 四人

信守箴邑廩生娶仁和沈方伯修女仲守範國子生娶
海鹽國子生湯承憲女伯女適孝廉查志宏子國子生
允先仲女適中書舍人沈時敏子諸生士彥叔女適海
鹽比部郎鄭履準子諸生忠材先公三月卒季文字仁
和侍御沈梗子紹箕俱徐孺人出守策守策未聘俱側
室曹出孫男二熙文聘諸生朱一儒女箴出姻文未聘
範出孫女四一字諸生董偉子履吉一字諸生董伯禔
子瓚嘉一未字俱箴出一未字範出銘曰母家翁婦家
翁爲比部郎以郎終彌甥快婿何相同吳百里燕千里
夫失其偶母喪子生者不見死者視魂歸來今墓之羨

人必山房集

卷之八十二

墓銘 三

隆

五十非天郎非賤琢磨嘉石銘爾善附太史公循吏傳

工部郎中鄒公墓志銘

光宗踐祚詔錄諸官守言責得罪諸臣未及施行

今上始以次敘用而臨川華岡鄒公從田間拜南京工
部屯田司主事三年遷營繕郎中會

皇子生覃恩天下公自郎爲大夫甫數月而卒公子德
清輩屬年家子帥丞以志墓請余先世家吉水于公爲
同鄉仲弟同公舉稱世好公令鍾祥則京山比隣受波
及之澤焉稔知生平按其狀爲之志曰公名光弼字道
甫先世在唐宋至本朝宗室胤緒代有名位詳朱給諫

理廣平在畿輔四方賢士大夫入京師者寄徑焉其聲
易達諸理官爲直指使耳目察淵魚而效驚擊結習固
然畿輔直指使倍徙諸藩人人思有所建白諸理官務
各諧其歡窺矚益工尅核益甚公持平例按邯鄲獄解
免十七直指弗善也公不爲動某子甲市舊胥宅而賄
胥更奏侵虛生地公下胥獄令書天理國法字致其人
其人愧悔虛生得無侵曲周劉某數殺人以賄免公治
之偵公內弟常君來行千金闢說常言董公不可私干
恐益爾罪後酒間爲公道故公勃然變乎色常曰鄉者
力却之聊試公耳嘗生濬縣覽訊牒至文某搃殺韓女

人必山房集

卷之八十二

墓銘 三

隆

事忽有聲如泣如訴者怪之其夕夢一女長跼階下陳
詞詞惟駟斐二字公悟殺人者必馬四非文也旦呼韓
之隣十許人來鞠中有少年面發赤公訶之曰汝非馬
四乎韓女怨女矣遂自款服一日車出郊羣鴉直撲公
隸人隸人逐之公戒勿逐逮與三匪去使使從所往二
里許噪叢棘上則一僧枕瓢裸死其下公沉吟曰乞兒
當死道上何在棘中是必遊僧有微財爲人謀殺耳命
瘞之而陰遣隸持瓢遊四境以視諸小兒一牧豎唾隸
面是吾家物何得落汝手隸因刺得其實還報逮豎父
與里人拷訊果掠殺小賈而陽髡之者也遠邇傳誦公

明通鬼神云成安令王公琢玉爲吏廉平不善事當路
人奉中丞檄他出盜劫庫金直指中譏將坐率公言失
金與奉檄月日萬衆耳目屬焉焉可誣也直指不聽讓
令及公公爭之強王卒得白擢爲御史吳人張某新鄭
高文襄客也所過郡國守相筐篚餽牽如敵禮公財遺
之四足張大失望大名司理蔡公汝賢語公公曰吾固
知張生爲高公客不敢加豐所以重高公也督學使者
羣諸校茂才異等授室國中使公訓課之公爲行執二
約略如湖法士相觀而善質有其文督學使者禮公
甚優他理官意不無望以故公先後名列薦剡者九竟
爲澳阿輩所抑而其初舉進士時鄉人趙文肅公曰公
行有廉隅數向人道董生他日必爲直臣既理郡與郡
丞蒲城張公稽古以氣節相砥礪人號爲廣平二慝會
高文襄以政府司銓與趙文肅不相能文襄徵郡邑治
行高第者爲臺省虞有蜀黨洛黨之釁也就常調授戶
部郎公爲理三年不私一錢瀕行無以辦裝父老婦孺
赭衣胥靡泣而別公三日乃已構亭九達之衢貌公生
事之公不可顏其亭曰劬農廣平人於今稱董公亭焉
文襄見公而陽勞之曰少頃當移君職方公對曰相公
宜爲官擇人不宜爲人擇官文襄語塞部尚書檄督上

珙舍諸璫倨見郊牛公葉拱言此天子所以事
上帝何得不敬諸璫氣奪又發其冒戍卒奸闌出物狀
諸璫蜚語中公文襄將修隙賴楊襄毅持之免文襄罷
憾者以官掖事喉連文襄公同諸郎謁江陵曰萬代瞻
仰在此一舉相公實重圖之某非高公私人爲國體亦
爲相公也諸郎相顧愕然已視御馬倉則大璫窟穴其
中且百許年故事郎唯唯而已公按籍而索之大璫恐
管公賂公標使不得入冬日驟雪家僮索衣未至璫馬
用出貂裘禦寒公衣至解裘還馬曰裘直百金公少
之乎公莞爾而笑子思不受狐白裘於子方吾貧不若
人
子思君裘不啻子方故不受耳璫孫經從旁取裘強被
公公拂袖而起璫李某以椒房寵頗慢易士大夫席上
求公便面弗予頃目公公恚曰
孝廟時壽寧侯曾困李郎獻吉壽寧安在李怒擲象箸
中公履世寧有百年郎官公厲聲數之若等大者刀鋸
我次者竄逐我止矣吾起布衣爲郎以其貴貴吾親於
願已足恣若等所齟齬耳退而具疏暴諸璫罪所親格
之曰君奮不顧身履虎尾捋虎鬚不憂傷二親心乎取
疏裂之部尚書聞其事因以公轉餉密雲昌平二鎮餉
有羨識而歸之部尚書部尚書發視歎曰董郎廉吏哉

數十年未有此舉也事竣歸省旦莫上食兩尊人視櫛沐寢興抑搔痾癢如日不足間出理時所爲平反錄與耶曹罪言以上太公太公喜兒不負爲臣不負爲吾子酌酒相賀也每角巾徒步從父老行游有司致輿隸者謹謝之少與里人結高陽社既貴酒徒多辟不見公召之來吾獨醒於朝而與衆醉於野奚不可日治十人饌無問貴賤少長必延留盡歡蜀以夷患增諸邑肅調而合江當孔道微發滋繁奏記曾中丞盡獨之形家言學宮地不吉公首謀更置所修經費有緒矣未就而卒後人實受公成事焉公官五年田廬無所拓斥爲諸生

大松山房集

卷之八十二

墓銘

三

隆

時市故人郭某田若干畝復以歸其子諸弟非同產者推食解衣先世之遺悉畀之太母病翦爪髮禱於神以身代尋倦枕委頓假寐有綠衣神摩其頂曰順孫起與而祖母別驚而起太母瞑矣哀毀殆不勝喪督學使者旌之丁卯登鄉試上春官省太公於會同戀戀不欲行太公慨然我渠老乎含涕而行癸酉春值太公初度西鄉而祝撫膺大慟咯血僵仆久之甫蘇遽有歸志其歸也上書乞長休侍養書發而病作卒不起貧無以殮監司守令嘉其賢交相助之公名邦禮字希伯生嘉靖癸巳正月二十有三日卒萬曆癸酉六月二十日年四十一

有一元配張繼室常贈封俱安人伯子翼娶瀘李郡丞梧女繼永川游博士泮女中子爲娶里人陸民部玠女少子明娶永寧張貢士以見女女子二人適州守趙傑孫諸生階瀘邑令李登孫諸生宸孫男子三人長應參翼出聘諸生王家女其二幼爲出未名孫女子一人翼出字貢士王三接子某太公名瑞起家明經爲會同博士以公封戶部郎母趙爲安人安人知州經文也太公授經大源溪之上門徒甚盛人尊稱之源溪先生公因號少源勝國時祖伯徽自楚麻城徙合江四傳爲狄道博士榮景泰丙子舉於鄉師事薛文清最知名公王父

大松山房集

卷之八十二

墓銘

三

隆

也高王母李以慈良稱奉西方之教九十有七而終晨起語家人昆盧寺大士來迎我又語會同董世有令德小發於女五世其昌五正陽之首也吾不及見矣以天之靈女舉玄孫可小字曰正陽李卒而如生邑人爲像祀之昆盧寺公生之歲其元日李氏復見夢因以正陽爲名孩提時和南梵唄如老衲已就外傳讀論語至空帖擬唐近體詩皆肖其夙慧有如此者公墓在石具山葬以萬曆丙子正月朔日銘曰家有世德以公報公有宿因生則肖是宜卿相宜耄耄明而未融晦何早位不

過郎生稱天客朝玄纁莫素縞田無負郭橐無貲婦子弱小親復衰棺斂不具聞者悲歷事兩朝膺再命朝賢推穀民歌詠孝友於家亦爲政四十一年終如始旣不愧生寧惡死卿相耄耄俱已矣石具之山公魄藏有三馬才爲公郎天胙董公後永昌

前刑部郎唐公墓誌銘

唐中郎公爲刑部郎與同舍郎沈公思孝艾公穆蔡公文範民部郎周公弘輪進士鄒公元標以文章節義相勉是時江陵相遭父喪墨衰視事諸郎爭上書言不可上怒逮繫杖廷中竄戍邊海公初實與諸郎謀念母老

大泌山房集

卷之八十二

四十一

陸

重貽其憂不署名宵人偵知狀遂因星變計吏竄公謫籍爲兩淮鹽運判官稍遷判贛州府事擢守光州而故江陵客復中以蜚語罷之江陵敗諸竄戍皆賜環其以計典黜者亦稍昭雪錄用且及公而公沒矣公倜儻不拘小節而爲政實密緻初除太和令病不能赴病愈除如臯盜魁馬松馬栢爲江上患十許年臺使懸重購不得計禽之爲建瓜儀二閣啓閉漕尚稱便課功賜金臺使因言儀眞水陸旁午能經營劇非如臯令不可遂收儀眞儀眞民歲出間架錢十萬七千及造舟築堤費苦不勝公以官稅之羨代間架而舟楫均之各邑民困大

蘇修學宮課諸生諸生偕計者衆矣有販夫寄百金主入翁主人翁匿不與訴於公公捕主人翁而陰使吏持小鑰叩其妻而夫言金在某所無得小損以還販夫中郡婦誣富人殺其夫富人坐辟三十年臺使屬公訊公閱爰書怒曰此實婦殺之不然夫脇脅三折當暴死安能行五里許而歸婦具服隣郡發來訴叔郎侵其產萬金公置叔盜籍中戚里咸來言某實非盜公佯怒若非盜何以致富衆曰此得之寡嫂產耳公笑而以其嫂訴牒示之因叩頭請罪誓不敢負嫂嘗避雨僧寺將行雷電輒繞之遂留宿夜夢被髮血淋漓者走至樹下沒詰朝集寺僧伐樹得死男子則梁人與其婦行過寺寺僧搥死瘞之婦尚在誅僧而赭其居又嘗雞鳴出郭門見婦人散髮溺水者決水得死婦則悍妻妬妾殺而沉之坐如律蓋公精審刑獄神所默相而人因疑公有鉅術鉤距之術號曰神君治行爲江北最璽書賜金褒勞而於過賓若權貴不耐阿邑僅擢刑部郎未幾遂謫鹽官公故悉江淮鹽策利病務以清白杜交關之路或置金醇酒爲餽却之諸賈人廩廩相戒而念母王宜人病請假歸省會有贛州除因以宜人入贛贛有盜盜運使家而株連姻戚四十人又汗巖一指揮使兩博士子弟公

大泌山房集

卷之八十二

墓誌

四十一

陸

爲理出金矢之入市粟賑饑及發僞符竊幣幣者贛人至今誦之財量移一州未之官而中譏衆爲不平公顧喜謂王宜人兒今得長在母膝下三公不與易也母弟三人相繼天分產授諸子養生送死及婚嫁具備而謝絕一切造請獨於郊西小山構屠蘇其中讀書鼓琴竹冠蒯屨時與耕父樵叟相浮沉書其廬之柱曰居木石游鹿豕異深山野人幾希弄明月吟清風有吾與點也意思其風度可想已亡何遽病泣而告母兒不賤不夭獨不能終事母奈何無一語及他公之先莒宋兩公開國於唐莒國後賢遷金華之蘭谿至明冢宰文襄公爲

大泌山房集

卷之八十二

墓銘

四三

嘉靖間名臣子諭德舉第一人則公從祖若父也王父鞠素封而父汝遵隱君子早世公抱遺書涕交頤因精博士家言爲諸生翹楚慷慨有四方志不問家產好整飾衣履鮮華恥曲謹小廉諭德公與其師朱南溟先生奇之隆慶元年舉於鄉明年遂成進士生嘉靖辛丑正月人日卒萬曆壬辰九月朔年五十有二娶翁宜人能相公孝養先卒生伯子宗國聘宗伯陸可教女早卒繼卽宗伯弟諸生可願女仲子宗勛娶納言章尚學女叔子宗工娶奉常徐用檢孫女三子皆諸生勛工則副室洪出也孫男四人國出者士佳士完士藻勛出者士濟

孫女三人長字奉常趙崇善孫次字童復坤鄭瑞龍俱勛出葬以庚子十有二月某日墓在石溪之源余與公同榜雅相慕會領浙憲事適與公葬會中子因以墓誌見屬公直諒多聞仕宦不遂海內固有知而惜之者余何敢作諛墓語爲采趙太僕狀志而銘之曰縣令小臣故三仕而以卓異聞曾不爾嗔宰執大臣故一言而以浮躁斥至死沉淪才不盡用志不盡申朝不久官野不久身富貴權寵冰山浮雲附而成勢觸而成名古今同盡賢不肖何分公無自憾亦無自矜

中書舍人吳君墓誌銘

大泌山房集

卷之八十二

墓銘

四三

比年官家多故用兵遼海朔方牂牁費無萬數宮殿廢災久未繕治公私匱竭司農司空計無復之中涓四出伐山樵貨天下繹騷而富人殫財役貧莫肯爲國佐緩急者獨歛人吳君希元詣闕獻萬金主者異之問欲官乎曰希元賴先人餘業比於素封不願仕間有患苦欲言乎曰希元幸爲鄉里所安無所患司空具以聞上嘉之夫忠不漸報下之義也賞不忘細上之義也其授希元中書舍人直文華殿以風天下裏誠首公者希元不屑就退而里居三年其知交謂之曰是委君命於草莽也非人臣禮君乃趨受爵而會立

皇太子推恩廷臣得贈父如其官母妻俱孺人君奉制
詞涕下吾先人以布衣棲一坏土念之刺心今荷

上寵靈起死人而肉白骨也吾何敢復廉公家粟遂請
急歸其於君父大倫進退大節較然矣君在孩提不逐
綺襦紈袴竹馬鳩車之戲獨好書父見南公奇之能大
吾門者必此子也年十二遭母喪擗踊哀號無常時不
內酌飲王母枕之股而啼曰若父獨兒一子即死孝如
若父何若不聞禮耶不勝喪乃比於不孝君復噉然而
哭然自是有節矣事後母婉而莊脫小失意色益和俟
其解然後退母大感悟恩養加篤人方之楊厚王延母

大泌山房集

卷之八十二

墓銘

四

四

子云新安富人無不好治官室衣服飲食狗馬聲色或
善事守相取盼睠吹噓爲光飾君不其然衣敝緇袍糲
食進之致飽屏處齋中掃地焚香儲古法書名畫琴劒
彝鼎諸物與名流雅士鑒賞爲樂而已歲十九居子舍
溫清定省三歲一赴京兆試所攜脯一束糗一筐與火
頭食子不殊歷三十年逆旅主人不知其富人也父操
家乘無私貨無私假與父老而傳君奉其意建宗祠城
邑城卹死喪賑饑寒衢路治橋梁見義必爲如行赴
家水赴壑新安人稱賢豪長者以君父見南公爲冠而
君不自名也父沒事無巨細一循舊貫無所損益三年

無改於父之道可謂孝矣既謝事歸新室廬之圯者所
朝夕遊覽如故屏處齋中時風日清淑或值歲序置酒
召客道故談藝雜以諧謔興盡而止娣程氏寡甥汪氏
貧養生送死施而不倦有歸德者遜謝曰非我之爲而
尤惡言人短好獎人善或咨之事必舉心所安而對不
隨聲是非不緣變故改諾不惑毀譽替交久之寢疾謝
客不見既彌留詰其子乃祖乃父以織膏起家惟恭與
儉保家之主也孺子助哉君字汝明別號新宇以嘉靖
辛亥八月三十日生以萬曆丙午六月五日卒年五十
有六配汪孺人於潛令石川公女夫和而義妻柔而正

大泌山房集

卷之八十二

墓銘

四

四

以經二物家之肥也丈夫子六人一曰起鳳娶程孝廉
道康女少司徒嗣功孫也先卒二曰翔鳳娶太學汪一
渭女繼叅軍程秉衡女三曰雲鳳娶太學汪侍賓女四
曰庭鳳娶鮑大本女繼某女五曰家鳳娶太學汪居常
女六曰友鳳娶太學汪世用女皆國子生女五一適汪
見龍一適太學殷雲翼大司徒某曾孫也一適太學江
爾松中丞東之子也一適文學汪元義一適文學程家
漢亦少司徒孫也孫三人庭鳳出者觀德聘太學潘膺
善文友鳳出者玄臯聘邑文學汪元臣女玄錫幼未聘
女孫六人起鳳出者適羅文學長庚中丞應鶴孫也雲

鳳出者一字方光表叅知某孫也一字程廷階駕部某
子也一字汪之瑗太學懋賢孫也餘未字翔鳳以倜儻
名雲鳳以長厚名庭鳳以恬淡名家鳳友鳳變生以才
學名五子善事寡嫂字其女友人潘景升嚴重君而五
子厝君西山長原介景升以焦太史狀誦兩君故不虛
美爲之銘曰處不忘君官不忘親歸潔其身富以行仁
名以實實古之人古之人宜爾于姓振振

大泌山房集卷之八十三

京山李維楨本寧著

同知袁州府事陶公墓志銘

景陵當嘉靖前稱壯縣善富者可五六公而中葉漸落
子弟或終經術起家無何輒罷惟漁泛洪陶氏以奉政
公故業不易姓積官十有六年再疏爵及親晚乃上書
門免爲塵見云公諱之肖字克踐先江西安仁人也高
徙景陵富生琳琳生金金名田累萬畝他物稱是有
子四人使受儒叔季皆補邑博士弟子員叔曰中號
東塘即公父也以公貴累贈如官母何宜人公生有異
大泌山房集 卷之八十三

狀中丞鄞屠公行部過其門見公膚神雙清呼與語承
響而對最爲文辯中丞重相獎嘆有華歆沈友之賞焉
十二歲父卒哭泣甚哀何宜人欲以身殉者數矣王父
聞而亟止之吾子必而無少以孫吾孫無父而有父以
母母亡孫亡婦獨不爲死者計耶何宜人乃稍進淖糜
而督公學居頃之王父亦卒諸父息父之業益饒而公
小窘何宜人從儉降身與臧獲共作已復振則公學日
勤多聞覽善治舉于家言矣十七爲諸生二十二督學
使者拔之高等有廩食三十二舉於鄉公慟父早沒而
母稱髮者垂四十年心慕江次翁周堅伯之爲人也奉

母養無方鳩巢屋梁間一歲至九乳以爲貞孝之感頌
歎其事者數萬言所司以聞詔旌何宜人門加綽楔焉
邑沈薈無虛歲東塘公墓懼且不免卜更葬吉啓視貌
如生公跣踊號呼以頭搶地戚黨十許人扶掖去始克
葬因自號曰見塘志哀也母病親嘗溲惡通夕無寐面
如焦土而里歐陽兄弟者弃諸生治方脉有聲自橋泄
獨重公孝盡力調護其母三人相結爲死友矣公壯未
抱子母用爲憂而女弟適王氏者有子曰然取子之復
取從弟某女女之兩人忘其所自出日率以娛侍母卽
母不知非已子子女也母卒執喪三年類子羔久之始

大泌山房集

卷之八十三

墓志

二

景

謁選人除歸安教諭教先行而後文論文一歸典雅深
厚而學舍久頽僦居民間祿才足餬口更捐以周門弟
子乏者歸安人高其行伐石誦德焉七月遷東鄉令東
鄉官山而居民悍驚難使公不急大弦而烹小鮮民以
回面歸心歲屢豐爲繕城浚隍治壇壝廨宇倉廩收糶
獨簡卒乘以次具舉而學官界在江外每漲官師望而
祭徙之城中規模特雄爽落成之日有文鹿來游邑人
構來鹿亭識之自此士額日增公身爲授業絃誦至與
名都等迫公沒而有登賢能書者則故所造士也故事
令一二登薦剡輒召爲臺省公六登薦天方授楚楚多

顯者故人子居中力能推轂而積資可六年不召僅遷
同知袁州府事士民爲不平公笑曰寧渠不爲福耶後
楚禍作諸附離之爲美官者俱敗公一無染于辭其治
袁州益辦給所歷凡二守事咸咨公而行攝守者三視
其屬四邑篆者或至再所至有聲而萍鄉爲尤著滿九
載入覲上計例得晉爵三等而公業倦游矣疏以病乞
骸骨計竣不復之官所司偵狀知不可奪亟報允旣歸
構別業城南課子斯詠其中所儲禽魚花卉古尊彝法
書名畫對之終日不厭豫章王孫貞吉爲顏其堂曰歸
來某因爲顏其門曰華陽隱居皆陶家故實也歸三年

大泌山房集

卷之八十三

墓志

二

景

卒公元配張宜人邑庠生建中女有婦德爲公置助造
者張與俞張舉斯詠一歲宜人卒又半歲張亦卒公使
俞母之其教斯詠庶幾何宜人之于公矣公所子女弟
子曰然者癸酉亦舉於鄉爲雙流令其治一如東鄉遷
南京大理寺評事有兩弟冠昏居食皆于公乎資所女
弟女適某弟標登丙戌進士今爲南京國子典簿某每
從母氏聞陶家公愛女狀弱女非男慰情勝無又何與
彭澤相類也公居恒自悼終鮮兄弟故於支屬恩禮有
加脫有不給取公如寄季公峭急事之獨得其歡家督
爲怨家所搆力脫之卒不自言而其爲諸生時鄉人陳

駢一者兄弟五人以盜誣繫獄駢一步邑人冤之公故
受知柯觀察柯間以訊公爲言狀得釋後數年陳悉其
所以遇公田間若崩厥角稽首環公之里人人親而附
之比貴歲時存問故舊與其妻子所瞻卹彌廣而家政
顧尚嚴整張宜人白首相敬如賓切肉未嘗不方位置
席若器物必以正僮手指千不寒而栗踰艾然後有子
雖甚憐愛不示少狎色也爲聘三老彭公鐸女公生正
德十有五年十月十有一日卒萬曆十有七年八月二
十有一日得年六十有八墓在黃龍岡父母及張宜人
咸在禮也初公卒時評事請得如周翼解剡令歸葬其

大泌山房集

卷之八十三

墓志

四

景

舅有司以憲令所不載不許而丁寧斯詠必待我執紼
行事會遷評事歸卜葬期得今萬曆二十年某月日吉
而相與狀公生平實屬某爲志若銘先大夫於公貧賤
交五十年不替某少佻公嘗過先大夫止宿命某侍中
夜遁去詰朝公以告先大夫先大夫訶使受杖公徐解
乃已退而訓之曰吾所以告不欲尊公有輕情子也某
少則呼小字長則以行呼不問別號其爲某德如此志
宜在某亦何忍以謾事公爲先大夫辱志竟繼之以銘
曰有鳩在梁君子之孝有鹿在泮君子之教天不容僞
物從所召六年于邑九年于郡退守其雌而無孟晉歸

去來今不知何慍楚亡其猿幡於而求鴻鵠高翮纂者
矣繇嬭滅佚老遂正首丘子弟子女有甥壻矣冥冥相
之釐以令子沒且不朽三人之以

同知臨洮府事譚公墓志銘

郡丞譚公伯趙其父故宿儒數奇不得志而公少岐嶷
屬文長情有思髮覆額爲邑諸生別駕李公器之以季
子女孫字公其後先大夫歸子舍諸弟皆爲諸生簡士
之秀者相切磋則今徐州守夏无咎與公最稱莫逆公
與无咎少弟各以子女昏姻綢繆之旨有同骨肉而不
佞年事忝推兄公亦凡事不佞不佞時稱公于衆中羣

大泌山房集

卷之八十三

墓志

五

景

起而譁其謬迨舉于鄉始訖無論公才學行誼當顯庸
仰其貌玉立而美鬚髯骨幹秀勁丰神軒舉年位當大
過人而五上公車不第除博士稍遷郡李擢貳邊郡有
討虜大功不及叙以沒蒼蒼者善妬人乃爾无咎及不
佞聞訃各爲位哭而諸子奉公葬以知公莫如不佞屬
志墓中之石念生平知已復幾何人志何可他委公名
完其字伯趙與別號連城蓋不佞所取義云上世福四
公自麻城徙京山洪武元年占民籍邑呂府里人凡六
傳爲思恭興祖文禮溶克已軒而生快崖公以公贈文
林郎所謂宿儒數奇不得志者也家邑東十五里而近

負山臨大道流泉環之當戶而汲田于邑稱上腴而文林公名田少教授諸童子月俸差不乏絕而已已舉公
有異徵曰吾門待此子而大比能言娟秀可念警悟絕倫授之書相悅以解遣從父又崖公學又崖公不敢以爲弟子邵丞蜀張公攝邑試諸生及諸童子公與不佞皆第一李公所繇字公女孫也其外母周知公不凡憐惜擁護不遺餘力公不以其故意氣加于昔日治業勤滋甚周見公舉于鄉而後卒食其報矣公之舉于鄉也年三十六非晚而爲諸生試高等食廩二十餘年則若遲暮者鄉人負笈從學歲以百數知名士若周思皇

持同官則婉譬之律設大法禮緣人情束脩以上仲尼不辭若何以我故廢禮諸臺使謹察諸博士公爲舉首應聘典京兆試主者以公品藻詳審視他博士多拔二人榜放悉四方名士陶大邦李事道洪啓初輩其尤也遷銅仁郡李行許諸生泣而送者數十百人遠至數百千里不忍去爲碑志去思博士之有去思碑自公始也公甫之銅仁奉檄城龍泉城龍泉夷微播初平而邑之物力耗敝不任土木城又不可但已公計畫利便身先畚鍤鼓舞節制恩紀周備閱五月而城成御史大夫郭公喜曰吾一見譚李知足辦此今果然矣昔者于思煩人扶人今者于思不扶一人蓋戲之也遂以龍泉城下諸司爲挈令而疏公功請晉其官爲郡丞督學使者胡公校士而病屬公代之公以鄭大經史官饒楷三人列上第而所嘗督課銅仁士六人稱之於眾黔士無輩後皆成名黔人大服故事郡李從侍御史巡守耳目所寄文武吏趨附唯恐不當意少年驕恣易生不肯心公衡吏讞獄恒持平恕其嚴受取益厲于爲博士時某酋長以夜投金與中丐脫重辟公召其人諭之若獄信冤當自白不然雖積金如斗何益吾不欲更發若私以益若罪慎之哉邑今有見疑上官而公爲解者遺書一篋啓

之則金叵羅也公謝曰我知公公乃不知我我不能取
信人當自訟耳其人慚而退鎮遠守缺攝守三月所興
革當于人心家爲主祀公後先按黔侍御史三人皆嚴
重難事三薦公賢能爲冠凡盤錯微暖衆所縮胸輒以
昇公造次俱成不失事理以是數行部歲坐邸中不得
浹月米鹽靡密精力能推行之黔道路險阻多陰雨瘴
癘區薄寢淫病所自來矣大比居棘閣風露所襲手足
忽痠數日而起向後起輟無時意倦遊而又三年

上久厭人言罷臺省不徵就常調遷丞臨洮郡上官志
曰是往所欲昇而嫌其薄者乃今不加益耶公捧檄私

大沁山房集

卷之八

景

八

景

喜可將母歸也居恒以祿不逮父爲憾幃母之許若黔
務萃百順以司李考績贈父如其官母哭太孺人歸而
展墓錄制詞焚之以告慟哭不自勝政熱客過從廬至
公示疾且以河外地嚴寒左番右虜距家踔遠母復不
能從辭不欲赴太孺人不可見田家子累官大夫地下
人傲一命沒且不朽國恩隆天重地老婦食黔許之祿
有年幸而善飯家有諸子諸婦代兒養兒一意公家以
代老婦及地下人爲報何依依學兒女子態爲朝廷不
辭賤軍旅不辭難何辭之有公乃單騎而西不佞方領
鄜州節時相聞也公名隸臨洮而分署在甘州城號曰

兵屯甘肅一鎮兵計十五經其營綜虜入寇公督餉監
軍將吏以嚴正見憚爭出死力扼虜再敗之所殺傷中
率過當而在黔有征夷功諸臺使上之大司馬下侍御
史核實具如奏應遷官三等

上坐他嫌諸章奏廢閣未卽報可而公又受臺檄按事
烈日中走靖虜華昌間所跋涉數千里使使迎太孺人
太孺人令季子繡侍其母來遭公中道十日而別別十
口而疾作奄逝矣守隴右者岳公視其笥得出納籍未
常受人一縷爲嘆羨惋愕繼之以涕諸臺使若義故聞
之贈賻相屬而後歸公生平悛悛如凡人口不能道詞

大沁山房集

卷之八

景

九

意氣所激危言屢論百折不窮朋友切切憫憫不忍萎
腰咋舌又手觀成敗也愛人之憂樂人之樂所善若王
境魏良能曾守道董徽陳宗輝貴賤生死無二心行不
苟合義不取容故仕宦非羅施鬼國則沙漠窮髮會不
得一休足內郡御子女日啗哺衣食財足無奇贏孺
人白首相莊也而于諸弟恣柔愛之道推食食之解衣
衣之捐先人之田廬予之或歲遞往來攜其子女與母
俱處或爲子延師授經或助之婚嫁用以慰悅母心孝
友不間於父母昆弟之言次則李孺人母弟有無公共
次則鄉黨接故如布衣時雖羈賤必鈞禮公卒而父老

嘆于室其聚而巷哭哭而迂靈輶者聲相錯履相躡也
三子有儒才從不佞遊不佞所評目不減公而困諸生
亦若自公然者今爲公狀別見至性異口必竟公所欲
爲不負期許矣公生嘉靖庚戌十月十有九日卒萬曆
丁未後六月十有三日不佞季弟採輿論謚之貞惠清
白守節愛民好與擬于衛文子非虛美矣明年十有二
月四日葬觀音巖東南原伯子如絲娶夏崇謙女卽徐
州守无咎仲子如綸聘蕭令李維極女殤娶秘書李維
楫女皆不佞同產弟也叔子如縉娶太學王寅女三女
一爲魏啓秀子象先婦父子皆諸生女今卒一爲太學
胡宗沆子諸生樹婦一爲墊江邑佐王玉子諸生應鏘
婦孫男子二長浩聘象先女母卽公女意欲重親云次
濟未聘絲出孫女子二一字孝廉胡機子其焜綸出一
字諸生王埏子應鏘絲出銘曰邑之東隅山秀泉冽譚
氏家焉其人與世率二百許孝弟力田維公崛起登賢
能書官位累遷束髮好修踰艾望耆人無間然行不浮
言學不干祿進不隱賢善政得民善教得士歌咏管絃
夜郎祥柯金城張掖漏天冰天招攜懷遠討厥不庭救
寧三邊勒躬盡瘁死而後已神理綿綿令聞令望奚必
期頤而貴貂蟬佳氣間氣鍾在一人造物忌全不盡其

同知馬湖府事薛公墓志銘

以遺來體繩武象賢與山不騫與水不啗臨洮之阡
鄧之有薛也其初隱士芳公家西南鄉新庄其後朋龜
公爲宋名臣子孫徙居城中代多顯人入明簪纓四傳
爲深州守積公穰子封通判魁公魁娶于董生郡丞公
名治字文明家故受詩以從母兄侍御給事兩公學更
受易年十六補郡諸生試高等食原與伯兄淋齊名士
皆爲之下學使汪公授館武林萬松書院而使諸後進
生師之嘗夢神與言君位五品大夫但于秋試不利必
孟冬可耳至十月有詔簡諸生貢薦京師母限年資公
以第六人應選後先試浙閩南京兆數矣不第父耳曩
者所夢曰不記神語耶人將如何吾朝莫人遲三金祿
以養乃謁選除廣西梧州府通判國有大慶需郡佐將
命使交趾督府檄公往入疆酋長以金珠獻揣知其指
折逆之吾齋中無吳使君竹簡車中寧有馬將軍薏苡
廉名聞遠邇矣歸攝守事巡行鬱林諸州縣民苦重稅
弃其田不治公嘆曰理民之道地著爲本召民占數佃
作五年乃稅編戶樂業磽确盡墾狼兵種陸川餘田稅
與民等公謂兵推結操弓弩居守出征非若農修其疆
畔日服其鋤也損稅之半制餉田焉三年舉最得地爵

及二人而擢知湖廣夷陵州請於父所以爲州者若何
父曰而祖守深家無餘粟郡有餘恩汝可繹思也公謹
受教州歲惡民流珍珠嶺有龍神能行雨祠禱不應公
暴赤日中跣步往來雨大澍屢豐年州人以爲異徧臚
歡騰天歌矣名宦鄉賢附食江陽公祠非禮也亟飭學
宮而以西南隅祠名宦顏魯公歐陽公以下若而人西
北隅祠鄉賢姜孝子以下若而人大司空劉公一儒爲
諸生方垂髫公知其當以勲業氣節名世禮之邸中同
諸子學司空李如公言表異孝弟力田質樸敦厚遜讓
有行者四境嚮風厚坪群虎畫噬人移文城隍神使驅
大沁山房集 卷之八十三 墓志 十一

也乞公攝瀘民大悅兩人莫逆文酒往覆無間宮殿灾
公度必徵蜀材賦敏趨辦所在費翔貴則民勞矣奏記
上官先事早脩卽之微外猺獠穴中採以埃已大臣至
蜀楚滇黔四藩獨馬湖事半功倍兩臺稱不容口歲當
入計守以多故免令公代公五月渡瀘深入不毛已病
而又北上委頓道路病滋甚計最推爲水部郎未被命
而公亟問舟歸遂卒于長蘆官十九年蔬食布衣如故
居約時治第僅容旋馬子孫貧復轉鬻之矣母沒父不
再娶每侍寢涕漣潸然父御于姓嚴事之無違卽不可
姑唯之徐俟其間而請更之生平一絲一粟必以進于
大沁山房集 卷之八十三 墓志 十二

某女女一人適奉化諸生王哲孫男九人昆出者鳳雛
邑諸生娶陸某女山娶邑令洪貫孫女嶙娶陳某女景
出者岳諸生娶太宰屠公滿曾孫女岱娶俞某女暨出
者岡娶州判陸樹女量出者對邑諸生娶奉化憲副項
守禮孫女我邑諸生娶張某女峯娶某女孫女二人昆
出者適州判毛某子諸生某知府李某孫國子生某曾
孫男十有二人如珪娶李某女如璋如瓏皆岳出如某
岱出如玉郡諸生娶陳某女如某如某皆鳳雛出之璞
郡諸生娶太僕卿陳侃曾孫女之璜娶諸生陸宗選女
皆岡出如某娶郡守楊承閔曾孫女對出如某我出如

大溪山房集

卷之八十三

墓志

十四

某嶙出曾孫女五人岳出者適郡丞李某孫諸生某慈
谿郡丞沈公子某岡出者適定海陳訓山出者適諸生
任某嶙出者字張某玄孫男一人大昌之璜出爲之璞
後玄孫女三人如珪出者一如玉出者一之璜出者一
岡有處士之義而嫻于辭其叔父司馬宮贊愛之吾家
阮咸也游于余二十餘年次其祖父行實而丐宮贊狀
之以志屬余余爲劉司空門人川西之役實督采木考
公遺政有私淑之益焉銘曰世有才士而行靡完事親
從兄中道爲難猗與許公養志承歡施及猶子貽之以
安世有能臣不任兵寄公所按部率通四裔運籌決戰

賊無雉類狼荒委命蠻夷慕義周旋萬里我獨賢勞旁
觀其橐衣敝緼袍不素其餐不屯其膏服勤至死順命
所遺身修家齊子姓氏式穀櫟社之阡地靈從卜作王父
考文孫或或以詔來體以綏後福

通判平樂府事詹公墓志銘

慶曆以來詞人之盛與古相等而多不足于年太函下
雉財開七秩嶺南黎惟敬歐楨伯稍過之然已倦勤獨
詹東園先生仕宦逾二十年位不過六品遠居荒鄙郡
踰七望八老益壯窮益堅足爲詞人吐氣先生名景鳳
字東園徽郡休寧人其里曰詹官源自李唐迄今賢公

大溪山房集

卷之八十三

墓志

十五

卿輩出曾王父以十一起家父傑公脩業而息之娶城
北吳氏女是生先生先生三歲好書七歲調韻十歲能
詩塾師賦庭中樹雪應聲曰分明非玉樹錯認是梅花
師大駭服父使監刈禾見前山有奇石持一編坐松下
賞之理詠忘歸禾半入刈者手父譙問故對曰兒志不
在穀也十五歲爲諸生與許少傳黃進士吳博士稱新
安四僞日工古文辭而傑公虞妨舉子業尼之先生終
不輟年四十甫上公車四方人士載酒問奇負笈從學
望塵雅拜綰帶定交月無虛日矣旣數不得志於南宮
念父老會病悻悻卜藥餌窮萬方不出子舍者十歲所

幸而瘳事有不可知能無遺三釜之憾筮仕爲南豐諭中丞王公直指陳公知先生才常召置左右備顧問門下士秀者訓誨之貧者衣食之遭父喪歸諸生構結桂軒志思免喪除麻城教與南豐等所按屬應明應嵩兄弟知名于時舉最擢翰林孔目尋遷吏部司務皆在南京故事太學生卒業者朔望籍若干人以報吏部先贄見司務歲累百金先生榜其署門不通謁復法諸雜供私餽數百金而僚嫌形短者譏之以考功令中先生先生拂衣去不顧朝論惜之卽家除分宜諭脫王從學于獄振嚴堯日于窘諸生誦其義稍遷四川保寧教授遷大泌山房集 卷之八十三 十六

游微道還之法偷魁就禽而中涓開礦賀縣苛刻刺骨前後三令懼莫肯蒞職攝者視如死地涕泣求免臺司議必詹倅可往下車發邑乾沒庫金與中涓監奴匿權物者賀人踊躍相慶而中涓嚙齟草彈事且上賴兩臺輝之得寢因移攝梧州礦盜揭竿斬木一日而萬人烏集上官莫知計所出先生單騎入其窟穴譬曉之衆皆叩首棄仗誓不再反猺獍爲盜聲援資金錢綵繒諸物詣八洞號召其酋長慰勞之擇少年美姿儀識文字者以鼓樂旗幟導而謁學官與衣冠俎豆之上相周旋習禮容諸洞蠻聚觀以爲榮回心鄉道矣賈汪某行過富川蠻圍奪數千金去富川令不敢問蹤跡六百里而起愬先生先生使洞主往諭蠻縛盜自歸而先生以堞風齒露侵薄病見端矣力辭還治未幾遂卒先生博聞強記五經諸史二氏百家靡不洽貫陳廷尉主叔數諮以僻事質以脫簡條荅無遺稱曰今之張華陸澄也所著小辨六十四卷文集六十卷書苑畫苑二十卷增定尺牘十卷六緯擷華十卷二十一史彙抄十卷綱鑑性理纂要各十卷與同人集類腴寓言粵郡志齊雲志復百餘卷苞舉三才囊括萬有楊屹千古鼓吹六籍洋洋乎大觀矣賈其餘力以攻臨池則爲右軍大令楮顏芝素

米蘇鮮于以施繪事則爲李郭馬夏二趙叔明子久仲
圭元鎮以蓄古蹟則爲鼎彝敦鑿鐘磬劍削名畫法書
越審宋繡金石之勒寶玉之器遠者夏商近者宣嘉光
怪燭天連城同價通人韻士升堂入室欣然若窺帝之
冊府乞得一書一畫一詩一文千金九鼎蔑如也然非
草木臭味未嘗輕予張少宰潘文部介所善乞畫卒拒
不諾祝尚輿號莫逆初爲令觸暑過先生以六筆乞書
此上官所須先生指眉僅題其二吾不能苦手腕以共
人行媚尚璽敏容而退故事吏部諸郎謁御史大夫出
入中門粵海公不然先生爭之強得如故已楚耿公來

大沁山房集

卷之八十三

景

十八

景

復閣中門先生爲取弟子宣言曰海公由少宰還吾曹
舊郎官尚不肯爲下吾師今何辭以謝吾曹使後進申
其志彌彰師盛德耳耿公無以奪官豫章監司袁公倨
見之先生厲聲曰使君奈何以俗吏相天下士袁公起
謝延入坐而目送之咄咄狂生先是以乙科調選四明
相國微諷君地忍之豈難一進士先生慨然一進士奚
足重蔭生而黎惟敬直內閣歷三朝告老薦先生自代
江陵相國亦因劉司空通殷勤先生不應里居日邑丞
方公令潘公祝公魯公守何公蕭公徐公王公高公古
公董公沈公深相敬慕或問先生有讎否當爲盡力先

生曰我不讎人人誰讎我既謫而吳司馬余督府來唁
公素善蘭谿相國相國何不爲公地先生出相國書示
二公吾不欲干人耳向後新建相國王廷尉南太史程
泉州謀爲先生復舊物而銓郎復以他譜不聽先生喟
然而嘆人以我不達蘭谿書爲迂拙今若此淹速升沉
非人所能爲也吾居易俟命而已所居必種竹愛其清
直有陸羽廬全之好顏其齋曰醉茶平樂署中榕樹大
十圍日坐其下視事折獄因而嘯歌誦讀不恒入內王
從學之出獄也陰託里人王清致三百金爲謝叱去之
游武林白嶽戴直指胡孝廉撰杖屨以從意有所屬焉

大沁山房集

卷之八十三

景

十九

景

具資斧先生官吾以勝游而以賄返地靈且柳榆之矣
兩人遂不復言居恒談天炙轂霏雪懸河四座披靡莫
可措一語又不能藏人過非其類者白眼過之見上官
恥卑疵纖趨時閉目沉思呼之不荅衣袖墨濡淋漓略
不脩飾司寇司馬主盟東南附青雲以立名者鵲起先
生不依其宇下屹然鼎足晚同司寇官金陵縱橫辯論
司寇心折自餘諸子側目按劍矣以此坎壈不達而先
生中實豁如也在南豐僚佐有無禮於先生者見先生
爲臺司所重慮且脩卻也吹噓得受旌其人愧謝攝行
公事諸贖錢悉償前令所侵平得無重坐族子天憲奴

產子吳輝盜千金若珍玩稱是有司捕得不問其封殖族人稱尤厚陳孝廉林廣文之卒也捐其橐助葬而子視孝廉子丘太守行李困乏典衣子錢家給之舟次黃河偕計覆舟者數十人懸金募救賴以全活他日張公爲天台守楊公爲丹陽尹致書徵先生虛左席待之不去也攝賀縣歸及河而漲渡者溺歿因盡以俸百計金爲浮橋自鑄二印一日且快目前一日常依陸賈班嗣楊王孫之處世寢疾時太守張公請所欲言曰吾生平不問家人產今何及此卽有興替天也又問少子及諸姬若何則舉魏武帝武子事爲嘲吾所以問關末路以

大泌山房集

卷之八十三

墓志

二十

景

先君子布衣沒身莫奉一命榮地下耳此之不得違卹其他遂瞑伯子狀先生行實九千餘言宏博藻麗可謂得先生筆不佞約之志其大槩云爾狀又稱先生卒日家有劉先生歿而復甦云詹吏部爲閩羅國王古聞人多有之未足異也先生生嘉靖戊子五月十有二日卒萬曆壬寅九月二十有二日年七十有五葬以卒之再踰年某月某日墓在流塘大聖山之陸元配張孺人漁灘張吳女男子四人伯萬善娶演口胡繼顯女仲萬英娶市南夏歲女叔萬化娶竹林汪夢鯉女季萬生未聘女子子五人臨溪程世憲曹村曹儀部誥子嗣義兌山汪

太學泗子體乾汪溪橋金國子大綬子曰賜商山吳別駕繼茂子明心其情也曹汪吳俱太學生孫男四人伯是駿聘城北朱秘書家用子文學之綸女仲是騏聘市南汪太學子貞女叔是麟聘某某女季是駿聘市西邵文學宿女孫女子七人長歸漁灘張別駕濂子太學生天相其下字水南曹雲鶴林塘范文星市西邵司理兼光山葉太學任諸子銘曰百粵西偏土風甚惡投彼遷客使逢不若亦有才人如龍屈蠅唐柳柳州明詹平樂以才囹謗以官客竄文章政事一彼一此子厚小勝官階刺史詹財半刺年則倍矣柳州二孤詹後多賢羅池

大泌山房集

卷之八十三

墓志

三

阡

知徐州事夏公墓志銘

明經夏六泉公與先方伯同爲諸生歎若兄弟也携其仲子徐州公就童子試余時爲諸生兩人髮垂結同逆旅主人者浹月歡亦若兄弟也余先竊一第而公方爲諸生先方伯里居則延公舍中與余諸弟同學又歡若兄弟也余以先方伯喪歸浪從公遊如故時七年而公始舉于鄉又十年始除博士脩武稍遷巢縣令余方領頰節僅再晤復以先夫人喪歸公用治行高等遷徐州

考最偶疾遂乞長休告還山三年而卒初明經公娶郭
宜人生伯子商城公已舉于鄉而教宜人生公晚謁選
人試高等當爲郡別駕忽病卒公家受閱觀侮數矣母
子支吾良苦學日勤文日佳已卯省試幾上第黃人某
子甲以錢通奪之壬午受知督學使者潤州曹公曰國
士無雙以教宜人喪罷乙酉蜀銓郎劉公讀其文此我
輩語劉益領解人也而錄卷多所點竄其年京朝官典
試以別嫌不敢取戊子武林周公與益都馮宗伯公爲
政始援第十一一人則商城公罷歸已久與公居邑之南
鄉五十里而夢其室壞賴公臂承之免趨入邑聽公捷

大江山房集

卷之八十三

墓志

三

景

音喜欲狂公尚在田廬報者至拜父母祠下首捨地號
咷不勝哀左右扶掖之甫起居恒會賓客伎樂雜陳有
懷二人未嘗不潸然也其葬母亦夢神有所指授距其
家三里遂以定手植松檟形家言有異同公不顧而卒
第舉三子人人稱公孝思昭格云公女弟適余少弟秘
書維樞母所篤愛也故於樞情好綢繆而以其叔女爲
樞子營道婦女兄適袁氏者貧處之別館而衣食之終
其身其子女得有室有家余歲數過公亦過商城公偃
僕進退唯謹揖舉酒揖就坐於公亦然公事兄彌敬而
情指溫款商城公卒諸子孫庇公如父於諸宗人行輩

取尊所以覆護之殊厚郡丞譚公完自少相善申以婚
姻聞其喪爲服爲位而哭推之鄉黨比閭朋役恩養人
有恩紀公家慶衆無不喜色相告其卒也爲義孝者數
十百人脩武士推少文而沈酒于酒公正色率下教以
孝宗廉讓爲本簡其僞者日訓迪之其有困厄抑鬱必
爲振援伸理士嚮風斌斌質有其文焉巢民產饒而俗
澆漓巨猾善持有司長短公法繩其魁而孜孜問疾苦
所與除無不當衆心中貴人以其鈐下來括貨令與共
事小染指遂掣其肘公請別設官任之出入無所問民
或以權宰告言則罪不赦中貴人歛手戒毋犯強項令

大江山房集

卷之八十三

墓志

三

景

已課諸生如修武怪其登第者少審曲面勢帶高增下
輔邑與學之勝而登第者相望矣城南當巢湖歲決爲
災堤之建慈雲閣費以月奉不煩民民受其利卽閣傍
生祠公三載考最當徵而徐樵稅中涓奠齋鑿齒民忽
暴歿民甘心其黨景駭響震兩臺爲州擇人薦公知州
事巢人泣留不得徐冠蓋織路簿領山積公未明起日
吳不遑食案無留牘又歲苦河決行河使者倚任公應
之沛如河平以首功聞公嘆曰民力瘁矣寬文法卹死
亾輯流移闢草萊課農桑緩庸調徐民來蘇獄有盜魁
妻妾供張如其家羽翼耳目布滿四遠所睚眦爲蜚語

中之如響官吏莫敢問公一朝窮治州人且驚且喜如
出湯火考課爲天下最當事者疏請以郡丞秩仍領州
事俟再考有殊尤之拜未報而公以勞勩病七上書乞
休徐人奔走遮道留之視巢十倍矣兩臺移文楚察公
病狀將起家公謝曰昔吾親白首窮經不得拜一命而
吾官十年兩徼

天子寵靈以五花誥施及公者于願已足天佚我以老
而後不白佚乎城北築館具水竹亭榭之致與四方
詞人及里中知交宴游忘倦病作支分後事無不周備
貽書密友爲別先十日詔諸子某日某時吾其逝矣至

大溪山房集

卷之八十三

墓志

三

景

期晏然而瞑萬曆壬子四月一日也距生嘉靖戊申正
月十有七日年六十有五公名崇謙字無咎別號四益
非苟知之允蹈之矣上世居永興後徙江右樂安蘭源
至郁蘭公分臨川焦石元末仲伍公徙京山呂府村栗
林臺四世王父昌成化戊子舉于鄉歷新津江津縣令
生伯子寵亦舉于鄉死後爲神仲子卽明經公名宗贈
如公官母郭與敖俱贈宜人配陳宜人相夫訓子始衷
終備舉也子三人陳宜人出者伯正國子生聘余女楊
娶孝廉劉公棟女仲肆邑諸生聘余叔第常熟博士維
柱女楊娶攸縣博士胡公士龍女叔令母周聘余仲弟

國子博士維極女女三人長婿茂才袁公中裕子樞以
孝廉代公爲巢縣卒仲壻廩生譚如絲卽臨洮丞子叔
壻卽余弟子諸生營道俱陳宜人出以卒之年十有一
月十有三日葬于惠亭山東南之原地與期皆公所自
卜也銘曰而世父而翁無銅半通而王父而伯兄以令
終而令而守守與大郡同而郎而大夫顯融而興誦三
作而帝命再封此無故維德之豐進有俛功退有清風
民有蒸嘗土有督宗而其嬉遊於窀穸之宮祚而子孫
無窮

知眉宿二州事陳公墓誌銘

大溪山房集

卷之八十三

墓銘

三

景

大司徒陳伯含自童升以至公卿非其人不友無其試
不啻而所稱金石交獨州大夫陳公申之以婚姻爲經
紀其家狀其行事則大夫之爲人可知也已余上春官
及大夫爲眉州時數相往還仲弟與大夫伯子偕計講
世好又識叔子都門媚媚玉秀稱其家兒叔子因以司
徒狀乞銘按狀應城大族凡四皆陳姓而上世所從出
殊別大夫之先繇江州義門徙崇陽勝國時蘭陽尹潮
玉始徙應城潮王生石首諭居敬居敬生夔州守坦皆
以枉國少保公金貴封如其官坦生璿璿生鶴慶經歷
鑒鑒生善善生贈奉訓大夫宿州知州德潤娶贈宜人

葉大夫考妣也贈公篤信好學蚤世司徒尊人恭公爲諸生請當事者加表卹焉葉宜人娠十四月而生大夫神姿迥異諸兒比長沈靜詳審見所尊者齊遯日誦萬言下筆千言可立得願其貌粥粥若無能也治春秋會四傳之說而折衷于孔氏不名一家關西喬先生讀其文亟稱之是足方少保矣自是柄文衡者無不以爲冠鋒久之始同司徒領賢書更十許年長君贊可亦偕計吏衆言公車之業父當勝子復不第者三而念母齒長矣諸適人除知四川眉州眉不隸府等威畧與府同吏奸利不可勝原大夫鉤校簿領一目不忘銖兩之姦悉知之宿猾奉頭鼠竄而孽孽訊民疾苦所最患者在采木計人徒量事日此材具賁餼糧齊勞逸明賞罰庶民子來伐木許許眉人詠歌之會計賦乃夷責懷急于星火大夫應之裕如從枕席上過師諸臺使者數以高第薦聞故事眉入覲率用丞倅無用守者戊子銓司有所建置必以守覲大夫因得歸省母母春秋八十高矣覲畢趣歸而母已塲承計中山道中跣而號行道之人視之隕涕既禪復除宿州宿爲園陵湯沐當南北孔道地瘠民窳情豪強并兼析賦五則因以高下其手爲覲而釐正之籍記出入之宜歲省千緡彫剔蘇矢居三年益

汰無名費實倉廩以備凶荒高城浚池夙興夜寐知無不爲以故善病上書乞長休告官固留之察其意不丁奪爲具治狀上考功徵書且下而大夫逝矣司徒深悲大夫才不竟用所爲拮据兩州要以三年報政得疏爵賞其父母忍而就此故不難脫屣去也其商較出處語詳狀中可謂順于親信于友矣大夫生嘉靖壬辰六月九日卒萬曆甲午三月二十有五日年六十有三葬以辛丑十月某日墓在邑東構林廟娶徐宜人邊豆敬齊之色琴瑟靜好之儀蓋備有焉男子四人競爽濟美不殞其名伯光字即贊可其婦張河南府判某女繼娶陳亦司徒家某女仲光宸婦楊太學生某季女叔光宅即司徒贊季光寅婦余少司徒子某女孫孫男子一人麟生光寅出聘太學生陳伯壽女孫女子二人一光宸出字廩生楊靜子某一光寅出字舉人田見龍子某余出田間起參蜀藩承乏攝督木事過眉眉人談大夫政循有去後思比領江北節宿在部中安得起大夫九京分猷念以相從也銘曰謂君窮乎甫脫蔬屬而稱大夫謂君達乎從事賢勞以大夫俎仕則循吏學則通儒民所謳吟士所楷模銘以太史狀以司徒愛而傳之金石靡渝彼哉彼哉其較冊朱焉能爲有焉能爲無

前進士文林郎支公墓誌銘

支氏或曰周諸姬派或曰帝嚳時掌天官制于支錫姓遠不可考矣周有期漢有光世謙亮纖唐有漸與祥宋有國徽仲碩叔芳皆知名叔芳授徒嘉興嘉興之支自此始也三傳爲樂安丞茂茂子翰林孔目立立子興濟論高子寧國博祿樂安居郡城東牙前橋孔目贅嘉善縣武塘已還郡至寧國復贅奉賢里顧氏嘉善之支自此始也章國季子爲華平公名大綸字心易三歲不妄語五歲能屬對八歲通舉子業十二歲詣平山社社中三試其文應手而成人有神童之目邑令于公拔第大泌山房集 卷之八十三 墓銘 天

一攝督學事李公聘爲師凡歷四學使及郡邑十數試冠首以爲常袁公坤儀才與年相甲乙而邑人稱支袁故令少宰周公建書院招致兩公爲長所師事一庵唐公龍谿王公南屏曾公討論文成之學三公呼爲畏友甲子舉于鄉出少司徒毛公之門戊辰周文恪公奇其文俛上第而失之甲戌成進士出大司徒陳公之門觀政比部日與諸同志講學讀律閱故獄牘龍翔僧舍携一奴供糲食苦茗出則老奚挾款段人與馬成三也輔臣進紅蓮白燕公言稱祥瑞啟侈心且開禽荒色荒之寶五月蓮回官花不足奇燕玄鳥也白者金象兆爲

兵何瑞之有疏草具同人竊告座主次相呂公呂公嘆曰若不念父母乎料虎頭編虎鬚幾不免虎口事遂寢公因乞爲教授除南昌以名教爲已任諸生不若于訓捷以記之分奉若室人簪珥周貧乏已請新學宮復侵地理諸生爲豪路藉者明德正學諸書院生徒千餘人皆以公爲師諸臺府承寵籠乞言其不以禮而以檄徵者謝不能任人謂有李北地風槩又爲文告廟諷當路執法者公孫弘仄目轅固矣太宰吳楊公撫江右薦于朝故事博士得薦補六館公有前嫌僅擢泉州府推官抹檄而喜吾鄉者從比部郎後知刑官之難爲也寧自矢泌山房集 卷之八十三 墓銘 壬九

薄乎行至界有永春令貪而暴邑人劫之以兵將爲亂或留公無行公不可聞之晏子疾不必生徐不必死鹿生于山命懸于厨吾命有所懸矣并道至郡告變者頃時四至公謁監司蓋亟圖之監司曰須兵集公曰不然民困虐政無告至此撫之自定安事兵衆曰無以逾公公單騎往先馳檄諭之有患苦悉赴愬道得懇詞五千有奇圍半解獨諸生不下而學使記到考遺才邑亦當季試爲期試諸生諸生入使人束令詣省中聽訊諸生出追令不及皆罷而理所懇詞無情者遁去閩中丞劉公嘉公智膽過人不煩一兵不絕一弦不折一矢而

大患謀然已解如土委地也每諸郡有大疑難事咸屬之其秋入棘閣所舉八人咸名士直指晏公以錄文付筆削士林競傳誦焉運司筦鹽筴利弊山積長吏坐不廉黜屬公攝篆九月而所費金財七分以夜秉燭故已攝首江同安兩邑刑名錢穀簿書期會一無叢脞筆楚不施而事集延見父老察民疾苦進諸生談道論文尚有餘暇凡平反大辟百人墨者胥靡以下倍徒之核永寧福全諸倉米更爲改折閭卒更役苦以坊內富民共之分安游堡稅于畧僧以時給機兵餉與晉安驛供張而除舖戶襍派若權海市無名藝者水陸新募兵物故大泌山房集 卷之八十三 墓銘 三

流徙不復問汰其老弱食以飽壯士郡人洪侍郎于江陵不相能閩當事者傳致其罪公訟言洪公所居室左圖右史庇正醜邪范孟博之儔也又爲書具陳天道人情不宜枉殺大臣事不塞天下心聞者吐舌居暮年豪右無所徇問遺無所受請寄無所聽贖錢無所私嘗們腹而日省其事曰藉第令遇

高皇帝綜覈威嚴時無憂矣聞父喪提髮走出慟哭泣血齟穿膝暴而奔士民扶老携幼送道中終日雪涕呼爲青天所携一敝屨無長物無不嗟嘆而母尋病矣公不及父醫藥合歛將母竭力盡情母卒益柴毀枯掘治

塋塋畢屏居綠溪里課子詞章之學經濟之業溫故知新莫窮其際也初公爲李直指商公下公訊安溪令公陽示嚴以杜諸囂訟口而陰全之前永春令獄不可反公待之和安溪疑公頗嘍嗜而公廉直聲冠列郡同儕嫉之稅政既釐其前人嫉之共爲蜚語中閩兩臺所當大計交刺公劉司徒公僉都察院事駁曰余嘗撫閩閩人誦支君如一且解官人何例而黜考功曰如兩臺何姑以降閑散衆惟其故或云公與耿中丞論學不合或云輔臣噉彈文復不悅其爭洪侍郎獄故阿邑之或云侵南昌學基者修隙卒莫能明也公亦不自明而司馬大泌山房集 卷之八十三 墓銘 三

吳公書相唁公荅之曰程明道先生精金美玉趙抃噴有頌言人不易知知人固不易也閉戶讀書知厚宦那邑者五人終不一面凡七年冢宰嚴恭肅公趣公出補江西布政司副理問遷客率不事事公夙夜匪懈方伯馬公重之晝日三接前席深談公時從司馬太常兩萬公中丞李公冢宰蔡公若故門人講學如教授時江右積逋尚方之供旨切責曹中丞停祿而奉新縣爲最以公攝令首繩其尤無良者廖富九前令公鄉人也富九與前令私人諸公挾譎其短前令恐介當路者爲地語侵公而馬公已爲中丞與直指孫公悉其誣奉新入詣

兩臺願得公真爲令兩臺以聞報可至則務崇寬大旌
禮賢士爲民望裁諸冠蓋餽牽太侈者烏山巡檢捕盜
不及格將安入人公禁不許熊某盜魁也根株窟穴難
卒拔或以爲言公曰熊十二富有子讀書此非所爲熊
信之揚二子謁公公盡出諸盜案示之語塞錮諸獄其
黨烏獸散矣邑上下鄉有南北二區履畝法行失其故
爲以三折一之法而兩鄉安所上愛書以良史才行老
吏法錄爲學令入覲御史大夫入前令訪議黜楊太宰
公知狀留公而安溪令姻爲臺臣以拾遺疏竄公名落
職矣買騎南歸義故縣金三百治裝公笑曰諸君以僕

大泌山房集

卷之八十三

墓銘

三十三

景

居官廉乎雖無官廉固在也拾遺疏下所司廉問奉新
人人百口保公直指孫公白狀或諷公可乘此出間執
讒邪之口公謝曰吾登第十二年爲博士一年郡李十
六月藩幕一年邑令十五年而宅憂強壯當壯時不巧
宦今何爲者若所云自取病耳江南大饑死者彌望葺
室居之作糜食之自鬻者薄予金却其券楚中承常公
擬薦公以調行不果蜀少保蹇公以島夷亂啟冢宰言
公有戡亂才可令督遼左餉不荅遷居邑城西北隅謝
客簡出吊慶事不可已以諸子代兩臺藩臬踵門辭不
見亦不報十九年中僅一入郡城人或約公遊公曰卧

遊之樂不在山水耻居間與錢通耻居貨與時逐子女
各五人婚嫁事畢索垂矢一裘一葛不敝不易竹床簾
帷風雨飄搖食小具鹽醢問市肉無加豆而母以肉令
食其子曰讀書苦不可無滋味然絕不許飲諸子勝冠
未嘗衣帛數詔之吾祖宗衍公五十無子有良民爲盜
所陷憐而脫之以其妻薦枕宗衍公却避夜夢神告汝
有德德天以文人爲爾子期而生遽廢公如其言菊岩
槐谷兩公復種德宗衍公恒膝遽廢公而祝之願兒爲
校官人問故口校官才可以及人不才不大害人自遽
廢而菊岩而槐谷及子四世爲校官矣吾自幼及壯免
死者三卽官不達家不饒何患彊爲善而已同學陸生
死卽其子收穀之同榜王某子通官粟六百當坐戍奔
告諸同人不盡應自捐產償之猶子某少孤公玉於成
而有誣公匿私蓄者公憤而矢之城隍神七日其人自
搏頰柰何誣正人嘔血而死事伯兄恭生養死葬復其
產轉鬻者士未成名恒加弊借而不任德事關邑大利
害衆莫敢發公慷慨論說賴以反正者爲多甲辰伯子
下第還公微恙詢朝政及方內人物甚詳疾深不廢衣
冠諭諸子吾無可貽若曹惟廉立身惟儉成廉小子識
之忠孝大節聖賢明訓若曹日多誦法無俟多言向後

大泌山房集

卷之八十三

墓銘

三十三

景

言漸省卒之日忽曰俗忌夜亡起而坐至巳始瞑四境之人念之孰有如支公不侵細民不干有司能以身捍一方災患者乎于文喜韓昌黎豫章以還一意左氏本朝則服應羅景鳴李獻吉王元美故文多漢魏以上語五七言近體似少陵歌行絕句似青蓮不得其平則鳴在永昭二陵編年史大指重節槩崇實行尚文學非然者譏刺不諱或風聞訛誤未及致詳遂成怨府里有貴人謀入祀鄉賢公鄙之是以泮宮爲墻間也語諸子我死必李本寧志我余不文公過聽謬許逐臭嗜痴其憎多口不亦宜乎越七年伯子如玉爲狀萬言擬古聞人

大泌山房集

卷之八十三

墓銘 三

景

汲長孺王休徵郭林宗諸葛孔明嵇中散陶士行范希文程伯淳邵堯夫蘇子瞻事皆詳覈而深惜公生不遇時沒尚以危言爲子孫憂也介紹公座主陳司徒以請余恨不識公辱公知不敢負節狀之半識其大者如右而繫其生卒若子姓婚姻如左公生嘉靖甲午四月一日卒萬曆甲辰四月二十有一日年七十有一配嚴孺人嘉興大學從節女副室爲李爲顧爲張爲金丈夫子五人一曰如玉庚子舉順天鄉試第三十九人娶漳州守曹鏡子太學位宇女二曰養訥邑諸生娶建昌榆校趙經野女三曰如金邑諸生貢入成均娶文學陳挺宇

女李出也四曰如瓏娶郡廩生於瑞雲女額出也五曰某女子五人適曹以庸廩生戈靖邦于時保嚴出也適太學張夢龍李出也適諸生卞玄極金出也孫男子五人元素聘華亭尚寶卿徐某女中約聘侍御顧可行子太學鑑陶文允堅聘憲副陳某子文學賁聞女如玉出也朝弼娶都事薛某女養訥出也孫女二人適進士馮盛典子季思文學余某子秉正如玉出也葬以某年月日墓在某銘曰帝昔諒陰聽于執政威靈疑主無或衡命公獨格之詞嚴義正旌艤屈軼觸邪指倭夫何以故自其天性精而不匿影口幾與戎辭尊居卑保此微躬

大泌山房集

卷之八十三

墓銘 三五

景

驟乘匹刺卒以凶終曲突徙薪誰與論功直道三黜造事而窮拊膺自省方寸靡慙訓士士興字民民服御史吏畏所在尸祝一毀有餘百譽不足貶世無閭閻德無祿尚友千古怡情一編著爲史記如司馬遷片言隻字操衮鉞權知我罪我恒在斯焉呼牛呼馬鼻且穿舌腕可割難奪吾志藏諸名山以俟後世政事文學孔科有二而藐大人卓犖高義升沉榮辱浮雲等視艱難險阻不失厥貞名用毀高身用名榮人孰免死死孰如生嗟一坏土其中有精產爲宰木是曰華平

李進士墓志銘

荆門稱右族必首李氏蓋唐西平忠武王之裔與余同宗云其徙荆門者自舒鑑始服田力穡歲入比封君其領仕版者自化始爲雅州判有聲謝不待年其繇科第起家者自幹始萬曆十有六年舉于鄉明年舉于禮部未奉廷試歸歸二年卒是爲進士君字子固別號二岳山人化家孫也父世魁太學生母余初生君時庭產朱草人以爲祥軒渠笑悅衆無不憐愛者五歲就外傳十二歲爲舉子業學義精明不與守文同說諸儒皆伏其多通十九歲試於江陵江陵尹奇其文擢第一爲江陵博士弟子督學使者都試士復在高第令縣官廉又

大泌山房集

卷之八十三

墓銘

三六

景

四年舉鄉試第七人尋第南宮是時賡子益都馮公太史華亭唐公侍御史海澄柯公夷陵守嘉定殷公皆以文章命代君先後出其門稱之甚至由此知名而雅州公懼其不習爲吏趣歸余時方謁選人挽之弗得也既歸好覽名山川黃鵠大別黎上隆中渚宮石城之勝靡所不登涉或累月不休而先是君初舉鄉試值歲大侵民掘鳧茈而食之猶有菜色督租掣者不小衰止君亟陳其狀請以金易粟里人歸德焉已舉進士人謂言事見效多所造請君度其可者任之故卒無怨亦坐此游道日廣輶輜柴穀不絕於戶嘗曰使我在事當令人無

遁情案無留牘辛卯之元日忽苦瘍爲藥所誤越十日不起矣距生嘉靖四十有五年丙寅九月二十有五日常年才二十有六卒之前夕向外若拱揖者曰張仙招我持其母而泣兒乃不獲終事母乎其外王父修武令余公夢君車從甚都馳而過其門姻家華亭令戴公之子亦夢君來揖別異哉余嘗觀唐李長吉年政與君等世傳其賦玉樓事甚著夫生而才者死固無死耶君娶于江茂才朴女生男一人名先發女二人以卒之明年冬月某日葬陳山陽去其舍里許爲君狀者卽雅州公銘曰仙李蟠根遠條蕃衍光天之下以莫不腆荆門部

大泌山房集


卷之八十三

墓銘

三七

景

婁粵葉選悞則百斯年陽氣姑洗邁種自君爲楚寶善雲從無留天衢是蹶蹶踏捧盈內諸函輓將取姑與先民有典真宰見仇予權女摠亟下收之母女瑕珍雖則矣升實維婉孌汗血始駒蘭栗待珍彛華渠畧條焉瘁翦天地無窮晦在民鮮生也有涯儻來軒冕食難踞于嘗鼎一臠彭殤壽夭齊物奚辯無身何患優哉婉儻



大泌山房集卷之八十四

京山李維楨本寧著

故長寧令贈刑部主事杜公墓志銘

萬曆己亥余起家分部川西承乏攝采木事次于夔府自夏迄秋諸郡邑吏或從事失時或陳掾其間爲民患而播留者禁江夔震于隣無兵食可賴有如出不意蔽江而下蜀無幸矣時詢故老聽風謠皆言故長寧令杜公采木身人鉅雄烏蒙間歷左擔懸度之險蒙犯瘴癘胼胝以身先民飲食饑渴呻吟疾痛以勞來民而民歡樂之故事易集又嘗持議言夷狄不可以中國之治治

大泌山房集

卷之八十四

志銘一

故

也卽相格鬪死有戎索在耳好事者輒張大徵功糜爛其民而戰之不仁甚矣蓋播酋之蠢動也有挑禍類此者余深服公老成長慮問公何所人對曰公名傑字汝英別號鶴江黃州府黃岡縣人也其年余赴越臬道黃則公先二月二十有八日沒矣慨嘆久之令蜀有公數輩寧決裂至此越十年而逢公仲子比部郎淮上則知與余同鄉書僉憲公公弟也悉家世久矣比部再擢郎中仍理淮政以考最贈公如其官母朱爲太安人事訖歸而奉制詞告公題墓中石使余志之余服慕公有年其何辭蓋黃岡之有杜也自明逢春公始始霍丘人以

人材爲黃岡尉入朝衣敝緼袍

成皇帝見其泉壘壘也擢御史遂家黃岡三傳爲華公以明經仕鹽課提舉還遺金讓庠生貢黃人博盛德之士必曰杜德輝云子鳴陽嘉靖癸卯舉于鄉兩爲令有循良聲以僉憲公贈奉政大夫是爲公父公少時日者言當以刀筆得官公奮而自拔其髮所不以儒成名者有如此積學多文魁其曹伍而會邑令朱廷相有女字里中豪朱貧且死豪倖昏奉政公嘆曰爲令而貧君子也焉有君子而其女患無婿者爲公委禽夜夢朱戡冠衣緋來謝君誼甚高得請于帝美報矣復夢神贈以言

大泌山房集

卷之八十四

志銘二

故

有天上日初長人間春正好之句是歲戊午公弱冠遂舉于鄉主司初擲不錄詰朝卷自展案上如是者再異而亟錄之四方盛傳其故以爲天所以旌德也流俗移人先輩往往入公府居間與錢通而公雅尚澹泊獨無造請好事者做月旦評懸書國門推公第一父客死滇扶服萬里將柩而歸值暑雨灑瀕大如馬瞿唐不可下公撫棺而哭頭搶地顙天驚濤忽減須臾舟行抵岸長年三老相顧且駭且喜徵孝子精誠昭格不及此人以比吏公焉抵舍宗人泥俗忌第奉主入公曰古者室成而頌禱之生于斯哭于斯夫何諱焉而忍以親置之草

奔乎卒殯柩中堂如禮自是哀毀骨立矣而虞傷母閔
太宜人心謬爲好容以解其憂一絲一粟必以白母無
私朱安人精纂組之工贊助甘毳宜人安之終其天年
公七上春官丁丑且第以策斥時事罷乃謁選人有長
寧除邑介萬山中民朴而野前令鄙夷而虐用之公政
務廉平凡所興革與民同憂樂又不欲立聲迹所條上
便宜棄其草不傳居無赫赫名而去後益見思邑人以
方古杜母矣采木之役監司欲公總諸邑公固辭衆多
其能讓諸與夷市木或用苦惡物出眩詆謾而其黠狡
者以不肖之心應之公一切馭以信義夷酋咸樂爲盡
大泌山房集 卷之八十四 志銘 三 故

報歸矣生平友于兄弟居蜀五年什九在外母弟急而
走蜀以名田操書致公私念弟田不可質顧急當周奈
何陽語朱安人吾橐裝無中人產欲以昇弟將何以昇
吾兄朱安人曰昔人有舍已之子而全兄弟之子者況
弟耶公笑曰此吾志也姑試卿耳并安人木一具與之
僉憲公居母喪髮種種矣公呼小宇寢食出入無間黃
人云和氣萃于一門古道見於今日信哉是言也僦舍
而居不蔽風雨食脫粟飯衣敝屨穿水則小刀陸則蹇
驢路人指數之是杜明府耶而清約若是然不以貧吝
施洪縣蔡令免官不具資斧舊僚掉臂不顧公哀憐厚
大泌山房集 卷之八十四 志銘 四 故

則能順親能爲廉吏則能與上言闇闇能不遺故舊則能子民溪能使之溢江能使之平不能使讒口無行人定勝天天定勝人有能有不能當其勝不勝維天所篤右維人材是因非此其身必其子孫宜爾子孫振振

故肅寧令郝公墓志銘

郝公爲諸生有盛名嘉靖戊午余方屬文先方伯持公文示余口誦而心識之辛酉從公赴省試公舉於鄉甲子公與邑俊彥締社城南余猶垂髫與焉習公志行高亮學術淹浹事之謹其年余舉於鄉公有父喪不行隆慶丁卯余扶持先方伯大梁請迎公同上春官先方伯

大沁山房集

卷之八十四

志銘

五

故

喜孺子佻能近正人乃余第而公三上不收遂就除四川嘉定學正已遷肅寧令左遷保定右衛參軍別七年公以母喪歸兩人甫再晤語公四子才中子敬以屬余敬好古強記文奇甚顧數詘於有司壬午始補邑諸生公差吐氣明年公卒矣公頎然長軀目如星聲如鐘昂首信眉論列是非四座莫贊一辭又峭直善折逆人過所不合奮袂而起敵以下數被嫚罵殆不堪忍卽年位高者展意無所依違少年後進有一語誤厲聲訶詰而獎進其才者長言之不足又從而詠歌之諄諄詔諸子當如是人信公無藏怒宿怨稍就近之僮牽牛蹊田

大沁山房集

卷之八十四

志銘

六

故

主奪牛復踰門而詬左右不平誰謂乃公健弱乃爾公曰吾不欲人有過故厚責備彼橫逆過我我腹汪汪千頃陂寧屑芥蒂是乎自爲諸生食貧雖三仕月俸財足饗殮三黨無絲縷相遺田居距邑遠支親外屬稚少文尤所簡賤以是介立寡耦公卒知交炙雞絮酒致奠數人耳肺腑之親葭莩之戚遷忿修隙於仲子爲機陷萬狀俛得無恙邑俗薄無識公父子者相士失貧自古則然然公先世故不單微七世碧潭公故胡姓子孫贅於郝爲郝氏四傳爲王父文暘公富甲閭里娶於向生公父三老公明諸孽子乘父故陵家督棄去爲塾師餬口衆嗜不已羸身就外家向氏爲贅子接衣食向翁相持而泣見公眉宇不凡揮涕語三老公成吾宅相者不在若在若子公方甦起而對曰吾王父不能有其子吾父不能有其兄弟皆以富故小子卽不一日致身華貫視金玉糞土也美昔日之富而哀其貧與後日之富以雪此耻淺之乎丈夫矣向翁奇其對遣從師學往往出驚人語同學生爲之下久之諸孽子蕩覆無孑遺而三老公還舊廬則已夷爲蔬圃田盡入豪右矣獨課公不輟公學益力十九試邑若郡及督學關西喬公率冠首補京山諸生而餽舍邑中居楮敝衣數事罷一金粟也邑

令博士鄉大夫遣子弟爲師友載酒肉助薪水以供二人所需差給公華冠敝履据諸貴介上席解經談藝吐佳言如屑旁若無人諸大吏有筆札委博士以命諸生諸生逡巡交讓非惟順不能惟順公字也頃時立就數千言舉之日銅陵余公薦魁多士有與余不相中者抑其次報至諸豪駭且懼持牛酒相賀不意長公振拔泥塗跨騰風雲之上苟欲郭寒前過日夕向三老公願返故地公笑曰蘇季子位高金多倨見兄嫂若婦此小人何足置齒牙間諸君爲大人壽所不得辭涉它事者浮以大白衆爲愧謝父卒念事母日短矣須祿養得嘉定大泌山房集 卷之八十四 志銘 七

嘉定士留聽承學福陋不應經義出教都授口占條刺士發蒙廓然以昭日數十百人以業就讎問校評必盡人人厭其意雖大風雨夜侍側不跛倚州有河堤稅入廣文私橐公盡乞士貧者束修取成禮歲時饋過豐則曰近于賄不內風軌嶷然儻蕩不備者改節自勅故事州大夫博士禮如敵而守鍾公以郎官謫欲屬禮遇博士公止不見謂諸生爲我語大夫名爲人師而屈膝自我始我所不爲抑大夫奈何強博士屈膝令後人謂長傲自大夫始子陽井底蛙貽蜀至今口實計左矣鍾公知不可奪卒成賓主之禮而退而譏構之公不自分疏

恪守官次已鍾公察其妄更善公深相結治左有高阜可眺大江饒竹樹鍾公于焉治養舍中爲閣居公課諸生簡所部六邑生秀者並隸弟子籍人文爲之一變丙子典試順天買舟將母而東鍾公與鄉大夫祖之江汭贈言累帙諸生操舟從行遠者過犍犇納谿而後返許文穆何宗伯主試稱文章大家公所貢薦十四人謝應典沈鳳岐輩蔚然一時選從他廣文所拔董復亨許何揖而謝公有人倫鑑後二十年董向余感公知己已遷肅寧令或言郝君貧得最爾邑不足爲博士送窮公艱然曰可以寄百里之命謂何有五斗供母足矣呼亭長大泌山房集 卷之八十四 志銘 八

里正父老伍人以言語爲約束方春農作下令毋訟以需秋成而創其好訟者諸疑獄若文致於法輒讞之繫累百數理出十六罪不可賞寬其鉗鈇大寒暑給漿糜以時王天祿坐小失抵禁爲城旦春損祿贖之居一年篋不滿三十金聽事前可設雀羅鄉老寄語無論兒孫不相聊卽我輩何以望腹公謝曰使我榜掠人索財以重吾子孫不德是趣之敗也不義萬鍾爲窮乏德我而受之孟氏比之乞人不如吾寧學陳勝恥客發舒故情耶父老聞而笑之是拘拘者難乎免於今之世矣有中丞者不欲言其人日刈邸中草以散諸馬卒而責直

其墨也若是公絕無私覲其所親寄徑肅寧自常餽外無他贈斬之刺公左遷而督學使賀公下檄旌肅寧令實心奉職被毀離任可爲深惜以十金充資斧邑父老大憤欲入奏公曰古之君子廉萬倍余蒙不題名者何限父老百口不能當上人一言然余得父老今日一言勝上人百薦剡衆流涕哽咽扶攜遮道瞿瞿如有求而邪得皇皇如有望而弗至也歸葺一畝官以蔽風雨十畝穡田與傭並耕歲儉取精鑿食母而身與婦子糠覈不飽越二年母八十督公起而里中子謹公削爵爲庶人侮之母不悅諸子驟諫公曰王公匹夫忽如景靡

山房集

卷之八十四

志銘

九

一丘貧賤何與人事吾豈以宦遊不遂軼軼失望母老棄之而仕有如不可諱不得爲人母聞之卧不起爲爾家婦六十年方得食三釜幸猶健嗽奈何詎我老與若爲行期不則無相見公飲淚而別初去肅寧意不復出未有公移北上距三十里頓舍主人鄰家更相盼伺審爲公妻子羅拜轉告語城中人爭來視擁公入城老稚餽簞食壺漿如牆而進三日乃行送者彌道去之十餘年邑人爲祠事之有靈響焉抵京謁銓部寓委巷中謝吏部廷案者故與公及余同偕計跡之浹旬而得之吻所過公公方熟卧謝排闥舉帷撫公背曰故人豈

無一日之雅左右之介何絕我公持其手曰恐君作吏部郎面恐相向故不修謁若召我飲如故時則何辭談謔移晷竟不言官事無幾何謝公奉家諱而公有保定謫所居卑隘公樂之此大類吾廬日以讀書爲事倦則命酒自勞大將軍故嚴重叅軍起家椽曹蹕庭下爲常公長揖大將軍大將軍使都護詰公公瞋目檻擊語叅佐吾欲以長揖重大將軍如古人而謂我簡乎令我卑節下意求善宦有根抵容寧如今日滯涸窮路大將軍語塞謂都護有非常之人必有非常之事殆謂此矣部使者按部諸吏立侍候指揮公辭以足疾出其獨行一大泌山房集

卷之八十四

志銘

十

意率此類也郡守張公得公文擊節楚材無雙諸裨師材官若縉紳學士丐公翰墨相屬而母卒擗心大慟三十六州鐵不能鑄此出錯也裂纓組焚之跣而奔晝夜哭比還創痛消瘳僂然老翁龜勉治葬而家毀矣公善酒良辰嘉夜就林水間獨酌耳熱高吟同志造門烹伏雌而共享之不則菜羹瓠脯未嘗不飽非是雖客公盛饌方丈視之藐如有遺之牛炙者素所不快客適至自啗大載不顧他日客召公如之眼光落牛背矣在肅寧與客飲方酣外傳某上官入界公怒曰我醉欲眠毋落吾事故刺公以嗜酒廢事爲病家所藏書丹鉛數過於

春秋四傳尤悉行文意爲主氣爲輔不刻畫不擬議思
主筆隨興盡語止而高華逸蕩如淮陰驅市人使戰前
無衡敵如李公子不衫不履神采飛揚令虬髯色沮惜
多不存草嘗題郡城南寺柱曰界通西竺三千大天近
南城尺五高宿老見而賞之目爲酒聖詩仙其他余不
盡記也爲續時攝衣冠而坐止婦無入室叱諸子泣者
無汨我神公名承健別號玉吾生嘉靖庚寅十有一月
十有六日卒萬曆癸未正月二十有七日年五十有四
葬石頤西坂附父母塋左子四人伯愛仲敬叔俊季及
俊及蚤卒愛母某娶某氏某女子某娶某女某字某
大泌山房集 卷之八十四 志銘 十一 故

敬俊及母張敬成進士爲縉雲永嘉令徵拜給事中
以令考最贈公復故官母某贈孺人母張封太孺人娶孫
某女封孺人三子千某爲諸生余少弟楫秘書婿千某
亦諸生娶王茂才赫女千某聘某女女一適孝廉魏始
貞一字某子他婚嫁詳狀中銘曰貧而仕仕復食貧以
終其身尸士也高邁不拘禮俗見貴勢則藐之不以一
毫挫於人志士也不襲古而古自合不黜今而今自遠
斐然成一家之言才士也遺佚不怨阨窮不憫安時處
順不徇生不畏死達士也其魄藏於斯其魂氣無不之
也

高淳令董公墓志銘

公諱良遂字元顯邑昌府里人也年二十舉於鄉四十
爲博士久之遷高淳令萬曆乙酉八月二十有八日卒
於官距其生嘉靖己亥二月二日年四十有七公子太
學生徵以丁亥正月八日襄窀穸事而手狀公行實屬
余銘其坎中余辱好於公幾三十年申之以婚姻知公
者宜莫如余余銘按狀公先世家句曲已徙沔國初
徙邑墳僚不甚著至公父信而後以伯子貴贈郡丞贈
公初娶于宋贈宜人生良卿卽郡丞公繼娶于李封太
宜人生良節雅行躬耕里中號爲長者次卽公公生而
大泌山房集 卷之八十四 志銘 十一 故

膚玉立甚慧口授書輒成誦贈公篤愛之甫四年贈公
病執郡丞手而以公貽之曰兒才不減伯兄若幸代乃
公爲父郡丞唯唯贈公沒公從兩兄持服如禮又四年
受易郡丞外整約月一歸省母一昔旋辭去而是時家
處約李宜人日餉脫粟飯夜納足木棉子囊中復不勝
寒則與郡丞擁敗衾臥條刺經史疑義互相質難至旦
不休公旣舉孝廉每爲余道往事未嘗不愀然動容也
公敏而好學勃窣理窟操筆爲制舉業嫻婉可餐郡丞
門下士折年輩而交驩公邑若郡若督學使者試士公
無不舉首尋以易薦鄉書第十一人第之明年受室于

周是爲處士禔女後先凡九上春官舉進士者數矣以
東子額置乙榜而公學愈力偕邑諸名士結社城南余
方爲童子引與均席茵有片言當於心肝衡擊節而稱
之至公文成諸名士率遜謝弗如也于時李宜人老矣
察公意不欲遽仕爲廢簪嘗公若將以五鼎祠我九原
乎公乃就博士選得蜀嘉州奉李宜人就養諸生問遺
無所受兩蒼頭灌園種鴟芋粟之屬以助月奉所不
給而羣諸生雋者居雲龍閣中相切劘州大夫合浦鍾
公金陵姚公以郎左遷善屬文心獨推公而身下之直
指使者越虞公合試諸校官擢公第一徵撰蜀志志參

大泌山房集

卷之八十四

志銘

十三

故

半成公手而嘉諸生以公故斌斌奇進七歲中舉蜀者
七人舉春官者二人有進讀中秘書者蜀人嘖嘖公能
廣厲功令善得士也虞公及中丞王公露章請以公備
六館選而遭李宜人喪歸服除予故官得河南許州未
出都而高淳之檄下矣高淳三面瀕湖歲苦沈蓄公至
復大旱減膳損騎御步禱于神以身爲民請命天乃雨
歲則大熟流庸歸者千餘家邑多訟師善以意覆没人
其尤不諛者曰訪寓日持有司巨室長短取賕賂不貲
有司縮朒莫敢問公廉得其魁宿禽治之諸猾大恐邑
里胥歲共上官器用駟僮以非時索賈或倍徙公爲平

著挈令又歲省輸賦者私費數千金賦以不逋考最基
督課諸生無異嘉州時而賜餐錢彌厚高淳人交口頌
公賢直欲尸而祝之公竟以勞瘁不任事上書自免父
老數百人詣京兆泣留既覘知公病狀羣走問醫卜禳
祠通國若狂沒而巷哭不絕聲具舟護喪者魚鱗雜襲
也公貌癯不勝衣溫然退讓君子而赴義若流水介立
獨往賁育莫奪其操所居近狹邪左足不一窺少與周
孺人和而莊旁絕勝侍非公事刺不入官署授徒數十
人不少示狎色訓兩兄子雖長不廢二物也游太學時
司成馬少保余少傳深所鑒賞會江陵相爲子擇師兩

大泌山房集

卷之八十四

志銘

十四

故

公以公應固辭居恒念贈公蚤背諱日變服俯伏雪涕
祠中日昃不復食以爲常在蜀聞母訃即日號哭就道
手足瘃瘃無食色矣初郡丞令夾江坐其僚失囚挂吏
議公間關萬里爲周旋之卒而哀毀柴立仲兄卒哀稱
是爲令匝月割祿賻贈甚備外家貧婦翁老而無子衣
食纖細自公所資也邑有爲健爲博士與高淳幕客死
者傾橐裝治後事羊舌下泣之仁方之蔑如矣公居高
淳再踰年諸臺以治行高第薦者十有六人須之可就
徵拜雄職而終尼選格約結胸臆彌留口占二詩意不
無望也今載之集中子一人卽徵中丞王公宗載館甥

爲諸生有聲食廩矣以侍公高淳便入南雍與英俊並
遊名佳公子其次聘余文與文字方伯劉公侃子者俱
賜孫男三薦策條策嘉策薦聘諸生魏君卿武女是爲
公同年進士良知子條策聘諸生王君座女是爲中丞
猶子孫女一未字墓在邑東南宋山之原戴子履午公
故所卜地也銘曰譽髦蜀士繫誰之功臺臣尉薦滿公
車中昔何數奇竟詘南官令豈待蒼頡聲四起匪曰冷
君家人父子胡年未艾而捐旅邸力不衡命人不勝天
文學政事公何漸焉無涯者名有涯者年畢如斯丘公
其晏然

大泌山房集

卷之八十四

志銘十五

故

龍門令魏公墓志銘

往余自大梁移虔州過豫章于時魏生伯饒辟疆聲稱
籍甚幸不鄙余而從之遊因悉其家世以文行相禪顯
者絲龍門令始無何伯饒卒龍門子士爲名與辟疆等
又十年龍門復卒士爲介辟疆書自通而申之以其從
兄于王不遠千里而來屬余爲志墓余既憾不識龍門
父子而辟疆于王兄弟謀所以不朽其世父蓋孝友至
情不可但已乃按事爲狀而志之曰魏公名廷用字汝
弼其先家新建之沙林賢公卿相踵大父正輝徙東鄉
是生父博士時雍娶徐孺人舉三子公爲長次廷臣承

翁主爵奉訓大夫則伯饒兄弟父也次廷寵爲藩掾博
士舉公晚而有異相心奇之五歲受胡氏春秋邑諸生
景治春秋名專門公得其制義讀之弗善也更治毛詩
治毛詩者數十家公讀其制義弗善也博士知其識不
凡更授以左氏內外傳戰國策莊列管韓馬班諸書讀
之躍然口可以爲文矣已旁綜羣籍爲舉子業閑肆典
雅年十三就試郡邑守令咸相嘆賞而聞父病遽歸父
聞之吾目待而而腹復走就督學使者試補邑諸生父
顧之有起色踰月竟卒哀毀且死母撫慰之吾以若兄
弟忍死不殉若父兒顧以父死是重死若父也則日夕

大泌山房集

卷之八十四

志銘十六

故

避母而後哭母御諸子女若戚獲嚴有所督過對案不
食公亦爲不食或長跪諸子女不令起公長跪若分痛
者而母齊威久之母愈和吾不欲過怒傷吾孝子以博
士之號南溪也因號繩溪以志思十五娶樂孺人孺人
佐公養姑與葬舅氏必盡禮而人或病公治父葬泰豐
公曰非吾父何以有吾家吾何厚於家而薄吾父其居
母喪亦若是督學使者臨海王公太倉徐公晉江莊公
試輒公冠首意氣益發舒邑中事利害有關切侃侃爲
臺司言狀受命如嚮長吏嚴重公不敢以爲弟子而以
上客禮禮之陸令嘗怒諸生俞公入白事聞人口吃誤

稱俞生陸不卽見公謂慢已趨出已陸呼俞生聞人云
出矣陸益怒趣召俞生始知爲公使人謝過請見公卒
不往陸街公中之督學使者督學使者悉公讒不行又
嘗與婦兄樂象德爲蔡令白其婦翁事蔡不聽公目攝
象德拂衣起蔡復街公他日部使者見蔡問邑有魏生
才士今安在蔡瞿然謬曰是素練也負盛名三十年而
獨厄一第比四十以明經貢於朝游南雍與樂安詹公
事講新建鄒公元忠太倉蘇公鄰同舍相友善大司成
周公試生徒千餘人復首公凡四入應天試不第比五
十公曰艾可服官政矣謁冢宰試在高等忽病引歸踰
大泌山房集 卷之八十四 志銘 十七 故

年復謁復試在高等除廣東龍門令始至延見父老問
諱俗翔實所興除緩急知博徒之耗費而敷奸也置其
魁於法有力者爲請不許知黃溪之汜濫民苦涉也爲
治石橋知窮里僻壤之不嫻於教令也爲行鄉約歲早
以身請命露禱竟夕雨大降人呼爲魏公霖有匿其名
遺數百金堂上者以嘗公公恚伐國不問仁人此物何
爲至於我豈有遺行耶上書自劾邑人大驚跡得遺金
者至名廷辱之而邑諸生數十百人詣臺司留公臺司
嘆曰廉吏也不可失也檄旌公治事如初南海番禺增
城順德諸令轉相告語曰吾曹卽勉爲廉吏然使人匿

其名以試廉使人信其廉而惡試者則龍門加人數等
矣公擇諸生秀者日肄習之若譚三策郭用賓譚學淵
譚初塾之屬以次登賢能書既數十年而士爲偕計之
都下相持而泣是吾故令魏公子耶妮妮道令時事士
爲聞所未聞也居龍門可三載吏習民安不幸有末疾
遂乞長休告自郡以上監司直指督府皆不可書三奏
而士爲以第一人補邑諸生亟爲督學使嘉禾朱公所
賞公閒而益決去志吾未竟之業在此子矣然度龍門
入固留則私以故入郡取印綬抵守劉公而行龍門人
聞之悵然如嬰兒之失慈母父老子弟提挈數百里哭
大泌山房集 卷之八十四 志銘 十八 故

而送之者決旬不休直指移文公之鄉所以評目甚高
陶元亮異代同符矣歸杜門距躍不關世事令崇德金
公餘姚諸公蒲圻龔公宜賓伍公宜山孟公每就公問
政公率以病辭最後嘉禾李公方正寡偶而敬事公特
至憲老乞言公不爲虛讓邑人兩高之仲弟馴謹似公
叔弟好內而善酒數數風之不從病革自訟吾負伯氏
公調治不遺餘力卒死則爲育其二孤安國充國使與
士爲伯饒辟疆同席研書各因其質之所近而成之課
其文善則喜不則怒甚且予杖諸子稟稟家人有嚴君
焉世父之謂也諸子中最才伯饒憂其病爲脫樂孺人

簪珥市藥伯饒綿煨以手搏頰吾何以報世父比其卒也哭極哀天不祚魏氏而令此子蚤死惆悵叔婦之嫠也爲經紀閭以外事幾因得成其節女弟婦于王而寡捐名田給之已撫其所子子之頑女弟善病則命之頑業醫醫不可起則治棺殮甚具而以未得奉縣官表宅里爲憾其篤於倫若此邑某子甲與世父爭產正色規之不得更詆公未幾世父告甲有禽獸行公掩耳不聞人稱長者鄉人有爭以質公必爲解辯窮乏有請時傾橐開廩賑之而實無長物龍門人驢行者雖絲粟不內上官陳百金爲治裝公曰尊者賜之不可卻也以共僦賃董董給耳士爲舉于鄉無以酬報捷者復脫樂孺人簪珥令李公語士爲有可關說爲辦裝地謹須之士爲浸應公怒責士爲孺子甫成項領而遂以賄聞耶乃公負郭有不腴之田鬻之得六十金何患無資故事偕計者里旅斂金克贈公重違邑長吏使士爲受其半士爲不第歸而公病痰嗽轉劇召女之歸蕭氏者語曰相而夫誨而子召安國克國語曰而母之不踐二庭甘攻苦食淡者以兩孺子孺子勉之哉呼女弟子之頑語曰齒長矣吾不及爲而婚有吾子在呼其孫可終三摩挲曰無念爾祖聿修厥德仲弟與辟疆不在側屬士爲寄聲自

愛士爲大泣公呵之自古皆有死吾存順而沒寧僂僂乎逝矣遂卒公父少遇異人得丹書工練氣術里有崇厲治無不立驗寧庶人召而問之陽爲不喻者庶人怒囚之得間亡走或言之世宗徵拜太常博士奉詔蒐天下異書所至郡國守相緣上意致金帛交驪一無所受三年謝病歸恥與諸方士伍而一意督課公與以儒成名公于儒術通明矣而顏白困青衿中嘗叩藉溪神夢若呼登龍門者覺而銖百負迺以龍門令終天之所定人安能勝乎所著詩文士爲請授梓人笑而畀之炎火士爲惘然而已公生嘉靖丙申某月某日卒萬曆辛丑某月某日年六十有六癸卯三月四日葬某所配樂孺人爲孝廉一成女男子一人光國卽士爲娶吳某女女子一人爲餘干國子生蕭鎮婦孫男子一人卽可終聘鎮遠守臨川帥公機季子貢士廷鑣女伯饒名靖國辟疆名廣國干王名賓國皆丹腹公樸斲者也銘曰學不必科名不見魏明經逢承茂帶所居重公卿庭有羔鴈問有干旌仕不必貴盛不見龍門令五斗貧三年病朝有尉薦野有歌詠澹臺之里五才子雲蒸龍變西江水有開必先公其始于百年後世濟美樂哉斯丘永無毀

京山令洪公墓志銘

自余有知五十許年所見京山令賢者李臨邑林同安皆非久以遷調行林陽江洪歛縣則不免讒口矣陽江後歷三政爲郡丞乃罷獨歛縣謫廣文三年復客死家猶屢空儻所謂天道非耶其子朝家狀列父行實問志于余余爲公心惻已久義無可辭志曰公名大德字仲昭別號斗垣其先爲宋忠宣皓長子惠适之後始遷新安傳浩遷郡城浩生四川按察司照磨梓爲湛甘泉弟子嘗隨父出渡河溺古餘里得無死人以爲陰德之報梓生諸生遠謨娶于程某女公其仲子也少有奇氣父大必山房集

卷之八十四

志銘 三十一

故

與江中丞同學中丞文不按往舊造說公心好之江亦賞公是我輩中人婦翁仇中正與父同舍生相好一見公而異之吾擇快婿久無如郎君郎君朝青衿而吾女暮爲君家婦耳公既爲諸生仇孺人來歸是時郡守竟陵徐公欸令豐城李公門下多一時僞異公在其中常自神王學有餘力爲詩歌尤長近體諸生推公都講脰脯之積以奉王父父母養而身大抵豆飯藿羹一歲不收不厭糟糠初王父夢一丈夫牽馬立堂下曰吾旌德人奉帝命來語女女有孝行昇爾賢孫以大爾門而父善爲星每言歲壬午阿仲得志之秋也往學使者試諸

壬子宣城壬午改旌德公試高等遂舉京兆試夢占驗矣商丘相爲主司評公文曰此必孝行之士衆異其知入築室斗山旁名斗下居百家之籍無不究覽爲文思緯淹通卒業南雍四方人士及名公卿每與周旋人忘寒暑既七上春官見格謁選得長洲教諭長洲文獻大國而俗浮僞士時溢繩墨外公取予不爲非義寬柔以教士樂從之中丞直指薦于朝以備六館師莫爲地者擢知京山吳人士傾都出餞或牽衣泣也京山頗負難治名令因以嚴刻勝之左右宿猾煬竈金鬻士大夫莫得進一言公溫顏和辭延接之間所疾苦甚詳恒言令

大必山房集

卷之八十四

志銘

三十一

故

無他道不煩催科則民生遂不重刑罰則民命安首蠲徵糧之耗民樂輸矣邑旣置馬百二十歲費二十四金役增而令不時給率毀家以逋爲力請當道增其直而故事令于中以數百金爲交際費公一無所取有訟鞠訊數四務得情罪當笞輒有不豫色贖則百之一耳大盜李卯兒等數十人以宋家河大豪爲藪莫敢問爲諸邑患有年授方略捕得之然猶請于郵部釋不誅者十人熙熙乎其樂人之減也隱隱乎其恐人之不當也雖與馬卒言煦煦聲塵不欲傷其意雖造次凌遽夷雅之體曾不小變人呼之爲洪佛邑當孔道冠蓋接迹公

館俚外無他宴好新安人行賈若稱游客于楚者實繁有徒拒一切知交之請久亦悉公無長物過門不入矣安陸令某墨而聞京山饒可恣所欲持千金之資備物厚遺其所知爲延譽謂京山令不及事宜以若往遂中公蜚語衆爲不平公顧夷然去之日士大夫及諸父老婦孺涕泣挽留塞路而肖像事之公單騎上官二年甫携家十日而被謗家人資用乏絕悲見于詞公笑曰貧自所貫不失故吾耳大遷官而民以爲倖與左官而民以爲戚得失榮辱奚若何憾之有抵漢責家羣詬之公引咎摧謝諸鄉人好義者稍爲支分乃行抵彭澤石尤

大泌山房集

卷之八十四

志銘 二十三

故

風大作舟人恐公告于天吾囊設有官中一物神宜殛我舟中人何罪風波畢除公于例當謫州佐若藩臬參軍而自請爲博士乃得荊州學正荊故齊地俗寬緩潤達而足知好議論第少文耳公督教以所不及才藻之士蔚興日閉戶讀書不休喜曰吾不能行也咫聞則多矣多聞以待能者不猶愈乎上官察廉俾署沂水半載行事一如京山在荊三年不遷殊不介意而忽有痰疾治不瘳疾革時內弟仇君猶子朝宣及二三童僕問所言不及家事長笑而瞑門弟子與沂水人日來會哭州守李公發其篋故永圖書而已厚賻之甫得反葬新安

多高質買人而孝廉爲郡邑所體貌最優往往關說與錢通或以其所有屬人居積致富公三十年自守泊如也念親老不及三釜時稱貸于錢家以供甘毳事寡嫂撫其子朝賓與叔弟之子若而人有無通共如一日嘗過下邳見肆中稚子女心動迹之其宗人也亟携以歸生平一飯之德識于心不忘其人或至乞諸人而濟之少好弄善吳歛有吳萬春黃尚父兩人者數過從角技磨歌窮日夕侍兒告瓶之罄矣相視一祭而罷在約思純居利思義晚得一官而貧滋甚遂終其身始公蒞邑余方有廊延之命見不再三會銓曹檄四方舉清

大泌山房集

卷之八十四

志銘 三十四

故

苦吏公向余言清而苦無爲貴清矣伯夷何怨原憲非病顏淵不改其樂古之清者苦何有焉余退而語人邑人得所天矣此所以廟祠而求也竇而用之其天下輯睦豈惟敝邑諸宦楚者談敝邑若朝歌勝母君子不入賴公一洗之而又以爲公累可勝嘆哉公生嘉靖丁未十月十有九日沒萬曆辛亥六月十有七日年六十有五以某年某月某日葬于某元配仇孺人生男朝案娶詹事府主簿許景童女繼文學汪子方女女一適太學黃懋子成忠大理丞應坤孫也副室劉生子朝寅方九齡朝案之子許出者運嘉聘太學吳萬卷女汪出者運貞

運貞公不及見也汪許各舉女俱未字銘曰爲廉吏而貧君也孫叔敖其人今世無優孟脫君子孫于苦辛惟君子孫恥依優孟以失其身賢哉父子卽古之人寡倫下邑蒸嘗君何減子孫夫孫叔敖不爲優孟加重而重在太史公列傳首用循吏名不腆舊史爲君墓中銘後必有傳君者古今楚兩令尹雖千百歲而若生

濟陽令李公墓志銘

眞州李季宣江夏丁元父與余同庚結兄弟之好已酉秋余自晉遷奉尋上書病免而季宣以其秋卒元父以其冬卒矣季宣之卒也蓋以負責者詆譎之嫁禍其子久對簿毀家不任愛勞故而兩子奉遺命以墓志請余力不能直其子何忍負其言披襟領契三十年幸而後死志是在余季宣名祝別號虹澗其先沛人也勝國時彭城關帥榮帥衆歸

高皇帝累遷執金吾再傳義從

文皇帝渡江時難遷眞州都指揮使佩印平蜀娶平江伯陳公女遂家眞州義弟英舉賢良方正典禁中兵英生徵徵生賓賓生鏜皆隱于農鏜娶黃侍郎贊女生鵠爲諸生以醇謹聞教授鄉里娶張孺人生三子伯札仲杞公季子也始生白晳蹠眉目神采秀徹父授以毛詩

大泌山房集

卷之八十四

志銘二十五

故

應響成誦因教之聲韻屬對屬文構思無滯父喜吾有此兒安事蹴躡諸生中哉遂棄去公亦發憤思副父志夜達旦讀書咯血不休甫髫爲諸生自父外無他師惟負笈從楚耿恭簡公越許司馬公著錄弟子籍中而郡守賈公尤奇之此淮海維揚一俊人也癸酉舉于鄉益披覽六籍諸子史百家言治舉子業博雅中倫馮開之蕭以占兩太史後而行之屢試南宮俛得復失又以策時務觸忌意亦厭薄之則專心爲詩三百篇漢魏六朝唐及明大家步趨繩墨習久脗合詩名大振淮南矣奔州新安下雉引爲忘年交四方人士道眞州以不見李季宣爲缺望性喜山水每出遊金陵采石黃山白嶽敬亭姑蘇武林會稽盡東南名勝已上泰山遊薊門所過賢豪聞者踵門上調杯酒交歡西北人寶其翰墨如南金東箭會母喪痛而泣血又虞貽父憂偕兄破涕強笑而諸孫遞以樂事進父八十以往黃髮兒齒無患實公善佚老之效也服除不復上公車父迫之行比至夢父有病色亟歸而父故無恙至八月忽卒哭踊無日不哀服除北上余時領越憲入計讀其文大佳謂必上第而復不偶已得試卷主司若未觸手者公嘆曰吾力安能復作此伎倆江干白沙翠竹何負我哉余數慰藉公士

大泌山房集

卷之八十四

志銘二十六

故

立身行已自有本末詎關科目卽俛首寄百里之命爲循吏三年報最疏爵以貴地下二人然後歸三年如駒之過隙易俟耳公唯唯謁選得山東濟陽令土瘠民悍歲比大旱樹無完膚里無居人公六月下車雨入地民歡呼曰可耕矣奈無種何公閱戶給官牛穀民亡者來歸其識者憂曰雨不可恃安望穫向後稍亢公輒徒步泣禱輒雨歲卒有秋終公之任無災四方老弱絀屬就食辟草萊甌窶汗邪盡滿賦徭錢穀四萬歲如額或爲雄傑所乾沒悉歸官而寬其餘以時償赦不問搏額指心矢不負不踰月而畢事邑三十年無薦賢書者公請

大泌山房集

卷之八十四

志銘 三十一

故

形家言建閭巽方輟其奉爲之民不知役日選士講業斌斌起矣嘗入歷下展李于鱗墓而聞其孫貧以白雲樓轉鬻他人捐二百金還之邑有朱楊學士墓碑石具在爲豪所奪以行賄免立置諸理孀婦與叔郎爭產自死獄連數家公坐叔罪祝曰婦有知當示靈響是夜有哭聲繞邸中公叱之爾寃已白哭何爲者聲卽止以故吏不敢舞文民不敢爲無情之詞隣國民奔告上官願投濟陽李神君頃時而決不假館舍政聲冠齊魯諸邑而上官雅知公善古文辭筆札之姿無虛月以是頗爲隣所忌而邑有李嘉賓好把人陰事與訶者爲奸利仇

家得其籍上官鄰郡邑姓名俱在疑公故翹之爲蜚語中考功當量移公喟然曰吾骨體不媚本不欲仕士不可再辱也還山誓墓不復出矣家有青蓮閣隔江雲山朝夕變態與郭外人烟十里糾紛盪胸臆間大江如練如帶風帆往來潮聲月色雨景晴光不盡名狀具湯若士記中客主投轄授餐揮塵而談今古授簡而徵詞賦江山文藻相映發亦眞州曠世一邁也世受中人產至晚小給授伯仲息之微發祖挈若大經費公身主辦卽析著連牆比宇呼吸相通周旋其婚嫁事從弟朴從子中秀從兄孤女從伯父同母兄諸子所尤崇篤者也諸

大泌山房集

卷之八十四

志銘 三十八

故

婚姻鄉鄰貧乏受施有等歲爲常中貴人据眞州辜椎民正營窳匿而特重公待以上賓禮每及小民疾苦感額長嘆中貴人爲小減諸當路過從陳說利病於官民若僑寓土著不便者便便無諱絕不及私濟陽人思公不置黃司馬撫山東十二年惜公無故而去使使勸駕贈以歌云莫倚文章能致身攻文今時亦悞人莫倚儒雅能飾吏儒雅反爲俗吏忌又云薛恭不辦治煩陽移向栗縣稱循良公爲歌答之飲不必濟上水揚子江心堪洗耳食不必汶陽田銅山千頃禾如烟人兩高之黃公不忘故吏公不緣子公力入京城也江北使臣報命

取鄉大夫賢者行事邑令博士必以公名上所著青蓮
閣稿多合作者賦若干篇頌頌潘陸近代歷下下維諸
公所謙讓未遑也屠緯真謂明興廣陵才得一宗子相
而公過之其爲名流推重如此書法師古而亦師心友
人丁貞白模刻其十九首大爲臨池者所賞卒之前一
日呼酒自勞語諸子予陶淵明後身也年位正同澹于
榮利詩思酒德亦復不忝惟折腰多彭澤歲月爲愧耳
信然哉公生嘉靖丁未正月二十有七日卒萬曆己酉
七月四日年六十有三元配曹孺人副以楊董楊生中
珍邑諸生娶封光祿正賴某女董生中星邑諸生娶山

大泌山房集

卷之八十四

志銘

二十九

故

西叅政盛稔孫女四女適陝西副使薛綸子諸生維坤
黃州經歷侯某子諸生于夏邑諸生張某子元美者曹
出也適都運劉某子劉芳者董出也孫一某中星出銘
曰官已休而民誦其行曰于古爲賢君身已沒而士誦
其文曰于今爲才人無近名亦無逃名無伐生亦無貪
生於戲維吾銘不負吾友維吾友不負吾銘

榮澤令程公墓志銘

孝感程公父子兄弟間皆名理學而公令榮澤時余分
部大梁與共事知其賢邑有象多不法里人重足側目
廣布爪牙于諸當路持令短長前是數令不敢問公獨

暴其罪必去之諸當路頗中豪譏會余調虔州公遂坐
左遷堅臥不復出越十年卒矣又十餘年公之子以狀
請給諫晏公屬余志晏公舉鄉書受知公又知余游公
深也志曰程先世爲宋宣教郎萬二公伊川先生八世
孫從宋南渡家霍山元季裔孫朝俊避兵徙孝感弘樂
里七世同居朝旌義門公父種母朱孺人兒時無妄言
笑無側聽淫視長老異之包孝肅後身也九歲善屬文
鄉三老劉公騎而過之揚鞭曰孺子行矣公拱立道左
不移足劉愧下揖公乃趨別焉從李少白先生游稱爲
國器學成試于邑令雷公方之洛陽賈生已爲諸生講

大泌山房集

卷之八十四

志銘

三十

故

業蘭若攻苦食淡老衲不如閱歷寒暑未嘗窺外戶宗
人及里中子弟負笈受經者衆所得月奉悉供親養父
卒以未得沾一命哀不欲生母命之曰若忘若父訣時
語耶兩弟幼須若爲父老婦待若暝公乃起食飡粥課
督兩弟稍倦輒述父命繼之以涕兩弟皆有樹矣手兩
程夫子遺編服膺勿失嘗言兩夫子產黃陂前川有望
魯臺邑東南有讀書臺百世之下聞風興起而後裔願
肩越之乎一日坐磯石咏陽明白沙詩數章豁然開悟
題其壁間有消消銀海海塵塵皎皎明月照匠心之句
豫章梁生與兄司丞太僕兩公友公見語合有所質難

無不厭心宗人坐事走白監司約公往公曰吾不欲屈
膝貴人前往者皆溺死邑人士以公前知云與江陵弟
子同籍偕計入都聚皆修謁公獨否或言相國雅相慕
也公以正對掃丞相府門者何人而子爲我願之耶歸
有母喪哀如喪父既數訕春官乃請爲博士書所謂敦
學半也得山東青城而喜非兩夫子望魯之隣國耶近
聖人之居若此其甚其忍負之與諸生發明聖學具所
爲語錄中取于文成典試山東錄文以誨諸生曰文章
理學無二事其則不遠士幾于一變至道矣諸臺張公
鄒魯羽翼伊洛鼓吹以此應聘校士江西春秋故專門

大泌山房集

卷之六十四

志銘三十一

故

名家得少宰劉公卒爲名臣他皆一時選主司復令較
詩于凌公所得給諫公與凌同薦上第凌公服公知人
稍遷榮澤令邑濱河河數潰決民產日削又當孔道疲
于奔命人諷公可別圖公曰君命猶天命也惡此而逃
之其可乎哉至則歲凶死亡過半與家人飯藜藿不厭
而巡行四境問疾苦極貧餒民乃還歸教以

聖諭六事修學官祀鄉賢名宦衣食諸生簞者考德問
業如青城時邑多逋稅寬其稟資其牛耕闢汙萊三萬
畝舟人扼渡河者于險行旅滯淫爲符驗嚴無所稽故
家岳周趙宗孝富而與王室聯姻漁奪編民得其狀寘

之法移文罷婚一方安堵兩臺三薦公于朝而有貴人
寄徑責驛使共張公裁之其人坐白簡彈治郵費因以
大省而冠蓋客私所不便鄉人爲直指按兩河望公意
氣不得所治豪乘間釐公公歎曰直道事人馬往不黜
不堪復爲五斗折腰矣歸築環堵之室周禮種竹藏書
其中誦依仁堂記不輟口顏其齋曰自得後生請益臺
臺談說忘倦相悅以解求居間者好語謝之曰理直自
當勝不直而我爲汝直之是所謂愈於不仁者也邑令
將公有澹臺之目焉撰家譜建宗祠置祭田周九族四
鄰緩急雖索垂不靳豫章彭公禮公爲都講祭酒盱眙

大泌山房集

卷之六十四

志銘三十一

故

馮公因以經正名其精廬所爲同志會規傳布四方彭
公語人榮澤太僕兄弟出處二疏道學二程文章二宋
也無何喪李孺人邑邑無歡因以廢疾而彭公中考功
令罷太僕卒憤悼益深後二十有五日亦卒卒之日櫛
沐衣冠而坐詔其子親正人明正學兩言而已篤信好
學守死善道非公之謂與公名學庸字近道別號荆庭
生嘉靖壬寅九月二十日卒萬曆辛丑正月五日李孺
人生于珂邑諸生娶邠州守楊慶鑑女女三一爲邑三
老李天秩子太學生自善婦一爲黃陂雲南守佶孫大
學生鄭明子康生嗣契婦一爲邑諸生胡珍子諸生贊

婦丁未二月四日葬邑東北百二十里四方之陽以李
孺人附銘曰學不在言惟躬行仕不在廬惟令名道有
餘緒本有精兼修用之兩相成繩其祖武宜弟兄猗與
程公爲士程

光祿程次公墓志銘

遂安吳明府彥章吳中名士也余得其燕臺竹枝詞才
情妍藻而事皆鑿鑿有據真似其家道子傳神筆日置
座右擊節賞嘆有程生性初者介其叔父昆季輩以明
府所爲光祿次公狀屬余志墓明府鮮所服下于次公
何厚見周稱也次公名經德字彞仲先世家黃墩宋餘
大泌山房集 卷之八十四 墓銘 三五

于今彥高徙草市明均瑞國英父子徙田溪閱九世松
墩公娶於汪生公爲仲子在襁褓中神明煥發啼聲罩
訐宗老號爲英物六歲失母哀孺子而禮成人弱冠遊
太學風儀美韶吐屬極有思理六館士望風投分門多
長者車家故雄於貴迨父益振舳艫車輦蔽江塞路父
老而傳公爲政出入經費酌豐約之宜諸受什一方者
以爲規矩準繩焉與人直而不倨和不流然諾不侵
久要不忘或遇之非禮輒引咎自謝恒訓諸子妻公唾
面自乾至德可師而鏗鏗者以爲善柔是不聞孟之自
反顏之不校耶事後母黃如因母即黃亦愛之若離裒

屬毛然與兄皆嫡子而有庶母弟俗貴適賤庶不以爲
子數其友庶弟無異於兄兄家督而弟攝不以爲嫌事
必咨決受命如響化及娣姒和樂且孺父歿久矣時夢
見之爲高閣引眺松楸涕下沾裳常祭致愛致慙存者
不忘乎心內燕侍兄鞠躬隅坐諸子姓以雨而降脩無
算爵必舉古今人倫善否事以相摩切花時月夕偕羣
從遊佳山水嘯咏爲樂同姓同里親疎遠邇有緩急相
告必委曲應之初以艱舉子納皖城姬既而聞其名門
女也爲裝遣歸姬家搏額呼天願昇公佳兒已遂得文
夫子四人晚授光祿署正法可馳封父母且委蛇振鷺
大泌山房集 卷之八十四 墓銘 三五

之班延攬四方賢豪長者將北首燕路而病不果行既
華諸孤請所欲言正色詔之曰人生不滿百常懷千歲
憂空自苦耳汝曹繼志述事猶吾身爲之何憾孝弟恭
儉程氏家法吾所恒言孺子識之言訖而瞑其年萬曆
甲寅七夕距生嘉靖丁巳六月二十日年五十有八配
處士朱公女子伯性初太學生娶孫某女仲性之太學
生娶吳翼明女叔性天聘洪某女皆朱出季性存庶江
出女朱出者適吳思仁子中偉江出者未字孫男三獻
明佐明性初出相明性之出孫女三俱未聘字以丙辰
十月二十有五日厝黃墩之原蓋吳仲章授經公家子

大泌山房集卷之八十五

京山李維楨本寧著

兵馬副指揮楊公墓志銘

楊公名守恒字道貞其先周伯僑苗裔姬姓而後爲楊居陝西安定世以文學起家王父賈淮海遂家江都以籍自占父裕州公某母党孺人裕州公先娶於某生兩子而後党以嘉靖壬子某月二十有一日生公髫髻勵精於學博涉多該覽弱冠屬文以昌黎眉山爲宗父好客客至命酒及優侏儒獲雜子女並作獨閉戶如不聞雞鳴客散誦聲猶琅琅也尋入太學太學師閱其文奇之游揚諸縉紳學士間名震白下會父癯扶持不離左右不間晨夕湯藥飲食非口所嘗不進或連夕不寢彌日不解衣勤客戚顏未嘗暫改求醫占卜禱於神以身代卒不起擗踊哀號食大攝血泣而骨立兩兄析箸室內資財田宅事業奴僮受其下者所入不足支費既倦游而學亦不竟矣惟一意養母昧爽起納履行屏氣語問衣煥寒疾痛苛癢而敬抑搔之問所欲而敬進之帥諸子女效弄雛舞綠之歡而時以歌舞間之母爲甘食寢也母病數日不知人飲泣以待延醫禱神如父時醫善針者幸有之已而能言已而能行已而盡痊蓋身與

大泌山房集

卷之八十五

墓誌

一

兵

大泌山房集

卷之八十五

墓誌

一

兵

母俱病者再閱月人以爲孝感云先是銓部以兵馬指揮在輦轂下與古司隸等輕授嘗試於聽望不足公以太學生久資高第除念其母不忍行而伯子法言長復得末疾恐貽母憂強起示無恙而召法言歸則疾惟幾矣啜泣而告母見不得終子職含恨九泉母無以不肖子爲念良食自愛又執伯子手詔之曰楊之先世如爾祖爾伯考皆以經術起家自我始替孺子所習聞也數日視母而後瞑是爲萬曆丁酉四月二十有二年四十有六生平理尚樸約衣食等於寒士其振人之難傾筐倒篋不靳好岐黃家言每夏秋爲藥施病者所活無算路逢鬪鬪乞貸無論識不識必剗媾而周給之雖羈賤無傲客客常滿坐命酒談諠達旦不寐卽洪醉不失儀風度凝遠無機心機事族衆有違言公居間輒解無賴子或挑釁致遭家難地忍之交歡如故三世同居有鬻其室者并鬻公室不愠也與元配曹孺人有莫缺之敬曹卒女奴數十人姿首非常公一無所幸遺嫁如女督諸子嚴往往繩以夏楚曹生子一卽法言娶光祿署丞史秉彝女有女爲鎮遠侯勳衛顧大猷婦繼室盛孺人生子二至言娶太學生蕭九齡女聖言諸生娶與

化大學士李文定公子茂某女女三適中書舍人喬士
濬子諸生可垣適兵馬指揮高鳴禔子世封一尚幼孫
男八人孫女八人三子鼎立大猷玉潤與水鏡齊名矣
萬曆戊戌某月某日啟曹孺人城北鳳皇橋之窶楚公
而三子介紹顧君乞余志銘銘曰將父不究經生業將
母不領司城牒培爾本根及枝葉五服千指情好協施
於國人蘇恭恭德無有心心無曉其實儒行其名俠我
側誰爲食井澤白駒過隙抑何驕三珠樹芬三秀曄小
侯快婿是贊稱徵史銘之封馬鬣令聞長世垂簡策

鴻臚署丞韓公墓志銘

大泌山房集

卷之八十五

墓銘

三

其

余官河西仲弟方謫晉臬幕其年晉士大比學使屬仲
甲乙之而最愛絳人韓生雲緘其文視余已余移晉雲
上謁與之坐而問焉喜過所聞已奉檄修晉志郡大夫
以雲應聘而遽遭其父喪則手狀父行事以志墓請余
方討論晉人物而傳之如雲父者墓何可無志也公名
傑字漢卿蓋晉大夫厥裔占籍絳自延齡始後有爲泗
州守英大司空重而韓始貴惟公父以上三世家貧落
魄生數歲母挫鍼治繒夜闌刺繡以易粟爲淖糜食之
髫髻受書塾師迂久廢而嘆曰結童入學白首空歸者
何限大丈夫誠知略絕人患無身耳假貸三錚行賈輒

心開有意知達變復當先吐決舉無過事梁長公范者
奇之今之計研也若翁方賈維揚盍速往長公於其父
數本業之恐冗豫奪常故以委公居頃之走雲間所市
比筒黃潤會有天幸踊騰貴贏得過當而有誣同火高
實殺人獄吏責如章強榜服之公與長公行錢爲解對
乃置長公久若好義名公載其半矣以故里中賢豪稍
稍近就之中家子弟趨爲保役其下輩以情相歸願克
哀憐之交門常致千里客而長公弟次公蒞感於心合
於行相然信以死以數千金聽公候時轉物不復問迺
大治舍召染人設色必以法故莫不質良而又與諸賈
人昭大神要言焉精麤中數淳制中量其或飾行儷
習邪豫賈于市禁違質劑衣服視瞻不物者有如此盟
衆守而勿失行之暮年齊魯趙魏間習其故舟車負販
所至交口稱韓公信義人公因以信義爲號而少年或
竊藉其名以行同人怒請訟之官公笑曰何至是是難
以口舌爭人之好利誰不如我詎以屢名而棄厚實無
庸將自敗也彼竊吾名吾乃益貴又何尤焉吾安吾常
自有能辯之者衆大愧服他賈市璫於吳者百相背也
百相欺也公召與約別其物而均平之展其成而莫其
賈物揭而書之爲三等名相近者相遠也實相近者相

大泌山房集

卷之八十五

墓銘

四

其

爾也匹婦監子莫之或欺金閨雲間歷日懸長艱若畫一焉學士大夫聞而異之夫夫勝其家伯休伯休不二賈知名女子止其身耳使人人爲伯休不亦難乎公事父母色養無違體小不康禱神自代求醫翼全憔悴消形在吳承父計疾奔累蘭連舐未嘗一日瘳寢擗號不絕聲逆旅人不堪其悲走而避之櫪馬聞哭爲輟芻秣攀柩車而呼其引輜者爲之上也母卒亦如是見遺像遺物增欷歔吧流涕狼戾不可止泗州公宅子孫情於掃除椽棟傾剝厚畀其直以定於一而更新之京兆公祀鄉賢矣建不遷之廟於家而後室祀本支昭穆歲時

大梁山房集

卷之八十五

墓銘

五

兵

率宗人醵亨徹而燕私數見顏色情重昔時坊表營兆繕治斧藻無慮所用千金以往女弟失母爲擇對而盛奩具室之從父瞽者貧者從母寡者衣食之病則身隱親經絡療治之沒則棺殮之葬之占護其妻子老而解者以其居居之義宅義冢與衆共之爲常子弟善賈者畀母錢而令子之儒無以奉都養者以粟賦之親於不善尤無狀者督教而曲貫之母黨石朝臣寄食門下耻再乞往告邑子不得搏胷自分死而黍肉餉者造門矣婦翁產垂罄檢括以買五年而三倍反之支親外屬百許家迄公之世得溫給焉青浦令卓鈿廉吏也於公無

素死不得歸首賻之鄉進士陳紹吉客死公與張郡伯梁長公爲義社字其孥嘗攜養施氏子爲子而公幼子殤得耗酸楚不成寐忽聞養子吟嚶啼其母公蹙額曰以吾思吾殤子彼父母不思失子乎亟命僕檢其裝俱還之金陵許行鬻子償責公代爲償處之廝舍行走人笑公愚公語之曰君子之富也假人不德不責謝一廉漁於海賊捕掾坐以私鹽殺官兵持之寢急徒侶懼染逮竄匿公謀諸趙栢必爾能生一廉趙任俠心傾公爲詣監司辯數遂釋上黨人遺金公拾而告行道之人轉相傳語金主來詰其狀合歸之割半以謝揮之九頓

大梁山房集

卷之八十五

墓銘

六

兵

首而去不問姓名吳大疫上赤章請命於帝難祭酒者皆曰韓公無隱情必無愧辭公迎期先到俯伏待事焚香祝曰傑實有罪不惜一死以活萬人衆壯之疫良已青浦大浸稽天以金助令拯溺隣屠牛牛奔公所踣若有愬者遽贖之歲恒以春秋隨鴻雁南北所見困厄疾苦差次受施居停主人或半面識一日雅要遮於路側行敝膝擁簪先駢公屢加恩接不倦絳學之新也捐金者籍記之首公遜不敢居野夫隸名足矣於鄉建蘭若及漢壽亭侯祠於青浦成黃渡輿梁隱其事無知者澤州天井關吏稽故行旅州大夫吳君伯子之孚也公往

來不詣第寄聲誠去關吏匪直一人飽德守從之關人
踴躍相慶修郡乘者伯子與焉黃博士特書公行誼公
謂伯子恐人議以若故曲筆州大夫顏公之門曰高賢
又以詔賜爵一級謝而度之非羞薄詔除性不耐耳西
吳蔡伯達爲布衣交既登進士以禮部儒士檄下有司
具冠帶禮公終不受生伯子而器之曰吾無分可采南
方之學得其英華兒盍往游攜之雲間師事董玄宰何
宗元諸先生公亦與其名宿相結日間無不聞每談便
足參微言晚卜居稷山大莊人與人相疇廬落整頓將
佚老焉而仲子霖知嚮學再攜之雲間已伯子至公悅

大泌山房集

卷之八十五

墓銘

七

兵

古人負笈求師不憂道阻所謂筆札良田也皆以金孝
廉元發爲師而友高才生益博貫六執百家兄弟各一
舍若二陸東西頭公時問步來聽書聲擊節快心仍耳
提之吾聞高蔡富殖郡人畏事而夏馥比門不通吾羞
之孺子勗哉所著貨殖管見大較與白圭范蠡相出入
齋用日饒而蔬食菜羹柴車草屣席縕袍終身無格
五六博蹴踘意錢之戲風雨手張蓋不煩蒼頭雖嚴寒
饋以貂鼯冠不御伯子好古購前代遺器法書名畫不
回盼吾令若游三吳豈是之以乎將遣師東林顧先生
而伯子以迫試還絳貽書言吳俗放越軌奢敗制物極

不祥水災特甚宜用鏡戒吾徒手賈累富好行其德以
陰隲爾三世編戶聲榮無暉於門閥若繩祖武母嫗媼
名勢而弱幽仄母忸怩小利而忘遠圖身今少惡須霖
學差增於往歸來耳亡何病眩臂仆地趣駕而行每晨
起不廢櫛沐抵黃石嶺顧左右何物二青衣折簡召我
我其逝矣梁公吾死友欲置酒高會上一卮爲壽汾無
橋病涉欲治橋恨雨事未竟抵陽城劉村置頓飢已正
襟坐而瞑卒之夜子塔夢公隨喜金陵倖利中梁長公
發其橐廩塵蓋所入什九在外也計至絳人拒不信非
天道樞至無賢愚貴賤長少駭曰韓公定死矣垂涕泣

大泌山房集

卷之八十五

墓銘

八

兵

而道者罷市哭者義服哀臨者相屬伯子之友解學詩
曰人品不宜至盡韓公盡矣安得復老壽信哉公生嘉
靖丁巳九月六日卒萬曆戊申十月六日伯子負才名
逢掖貴於二千石而傷其父無半通青綸之命私以旣
稟之積輸官爲公授典客未及拜配馮孺人居士朝卿
女公遠游不慮家仰其內助爲多子三伯卽雲諸生娶
王子侯俊礫女仲霖聘陳氏孫所具女叔霞聘梁
卽次公子衛幕聲朱女女二俊劉九重其婿也孫
二長受民聘諸生馬永泰女受知未聘孫女二長字
孫太僕寺丞思承孫從龍一幼以某年月日寔城西之

故阡銘曰郭林宗云段干木者晉國大駟卒爲名賢君式其廬踰垣長往人亦何常有貴於已立德靡與爲富不仁富仁附焉斯言也罔猗與韓公高貴賈人內潤外朗旣篤天倫推恩錫類勿慕并養自晉祖吳薦紳學士遞相鑒賞身隱名彰有子顯親青雲直上家邦必聞察彼衆好辭無虛獎言銘其墓閱千百年風流可想

典客楊公墓志銘

舅氏故侍御贈光祿卿王公二女長者稱孺人是爲典客楊公元配少者贈淑人是爲余室王公以忠清著嘉靖間非其人無所昵而公父石渠翁仇夷魁奇不侵然

大泌山房集

卷之八十五

墓銘

九

兵

諾王公善之數過從公每侍側瞻矚不凡嘆曰此藍田王也遂以孺人字公九歲而石渠翁沒哀毀若成人王公延之家塾與介弟儀部公冢子塾江公及諸子姓十許人同學皆才儔士邑人目爲烏衣之遊公雅不好弄正襟匡坐申其佔畢雖三號小假寐卽興矣尊爲邑諸生十有八歲孺人來歸而母胡孺人病胡孺人者家累世名貴人舉二女適茂才陳公棉侍御孫公鳴治晚甫舉公公終鮮兄弟甫婚而母沒旣不勝哀又拮据家政時有外侮以故不遑竟博士之業而游太學太學諸生重其方格推事之卽薦紳先生折行輩內交久之爲典

客時余方謁選人公在太學資深可卽拜會念其庶母李老請急歸余以叅知河南相從行當六月日行三百里至襄城置酒首山爲別公泫然泣下沾襟吾長君財五歲所項者觸熱併道體用怯劣卽他日奔走鞅掌安能勝乎吾誠敝蹤一官如身後何余亦爲之泣蓋公數舉子不育故云孺人數爲公置側室有子矣數月而生子者死不一歲而子復夭公不任憂邑孺人朝莫諷公盡遠游以自廣於是辦裝如京師就除曹掾以後期難之索重賄語侵公公艱然是豈奇貨我耶安能爲五斗折腰事小人棄而歸至大梁境疾作遂卒家人不忍斂輿以還殆二旬矣面如生沐浴更衣四肢若甦羅綿觀者大異之歲甲午三月余舉兒名之甲午五月君舉女因塾江公請婚公遽許之其卒也遺命以兄季子日泰爲後而眷眷余兒特甚孺人深悲公客死慟不欲生緩公葬以待余兒昏猶及酹酒總帷前也不幸余兒復夭孺人益大慟病亟而趣葬公以萬曆三十年十月十有九日窆石符牛臥山之陽先世丘墓咸在焉從公所自卜也公少孤特立獨行義不苟容里黨無惡聲相相省中之樹秘而不言車前之馬數而後對可謂慎矣同輩若後進皆嚴重公公察余不欺事每咨決有生死之託

大泌山房集

卷之八十五

墓銘

十

兵

愧余無能副也其事庶母李與因母等而孺人母亦李姓無子日莫上食如家人禮二十年無間孺人母卒公執喪若母而李媼亦哭公哀繼公卒公名烈字希承以石渠翁之蚤世也號慕渠以志思三女伯適郡丞董公良卿子儒士玫仲適指揮僉事鄧崇善季即字余兄者日泰邑諸生娶田茂才燮女有子二人于王聘劉茂才試女于世未聘石渠翁故嘗以日泰父爲子晚得公而寢公嘗以日泰爲子而謂公春秋未艾稍須之乃今日泰祖石渠翁稱公矣天非人不因信然哉公生嘉靖癸卯某月某日卒萬曆戊戌正月十有五日年五十有六

大泌山房集

卷之八十五

墓銘

十一

兵

何遠有云卿得我一妾語謝卿一縑余齟齬與公游垂五十年覓公過了不可得卽邑婦孺語及公無不曰君子而年位不逮中人彼蒼者天不可問矣日泰屬余志公余悲不知所置詞麤具大致而已銘曰貴非在爵無辱卽榮壽非在年不朽則生楊公令德杓我一鄉况也踰艾爲京朝郎梁邱屬續而正丘首族葬匪他有親可久式穀似之何必離裏蒸嘗靡忒從以孫子

同知安吉州事蕭公墓志銘

余陳臬武林繼同安洪懋純左丞之後而猶子今左丞爾介方爲督學使僚義倍敦數言其從父水部懋文與

江都蕭公布衣素交閩楚相距三千里而近申之以婚姻其高誼如此越十餘年余客維揚蕭公甫捐館舍二子伯良宜生負僑聲與余締忘年之契水部將其子親迎而伯良兄弟狀公行實請志墓余疇昔所服慕者焉得辭公名成芝字紫芝別號起元上世浙常山人祖乙徙江都瓜州鎮占數處焉四世居積溫厚至桐岡公鸞猗高貴富人生養貞公周縱使游學通覽記書自郡諸生升太學雅遊多爲人所稱則公父也公敏悟兼人詞辯注射四坐爲屈好倜儻大節不屑細務躍絕世俗飄飄神舉養貞公愛其似已弱冠爲諸生時執政功令嚴江都文獻名邑錄諸生才六人而公以令所拔第一人見收才可知已博士索贅奢不饜其欲公奮曰此賄也非禮也賄私門孰與輸公家因以例入南太學而晚顏質卿以理學名臨川湯養仍以文章名折節交公居師友間顧數不得志於京兆試養貞公慰藉之吾始者妄意一第力不與命衡偃蹇迄今曾不得爲縣官建尺寸功若無更似我於是公謁選人當拜藩司從事銓曹以力任劇改授宛平丞待除公美鬚髯玉色揚休而厚性寬中記人之功忘人之過愛士好賓客燕會問遺無虛日四方至者如歸其家所施舍存濟三黨之外百里之

大泌山房集

卷之八十五

墓銘

十二

兵

內不可勝數又博覽多聞喜右軍大令書臨模不替寒暑旁及繪事崇蘭修竹宛然天趣以是薦紳先生通人韻士爭求識公面而太史李長卿比部謝曰可鍾中散輩文酒誚往較稠人最深居頃之父卒扶服奔還幾不勝喪母趙孺人飲泣而語之若獨子置未亾人何地乃始日啜粥杖而後起必誠必信以襄大事比如京師溫陵相故與公善公初至一見不復綢繆人謂溫陵食一肉脫粟如平津而公賢於平津故人仰衣食者遠矣宛平課石炭其穴善崩以虛名收責孱民恐闕匿流散四方不則坐待斃耳公以裝齋千金代償都人誦義惠焉

乞罷諸臺亟留之不得太史李長卿問疾視含殮長卿公所善久要不忌人兩賢之而有市兒窘欲雉經賴公卵翼成項領矣公死而不哀乃藉其子此何難焉夫物不謝生於天地客有憾而彌見其大也公生嘉靖丁巳五月二十有八卒萬曆己酉六月十有三日年五十有三配殷孺人生丈夫子二人長孔譽卽伯良郡諸生娶錢某女次孔宜卽宜生娶從事李某女文定公從孫也女三人一歸卞元本州倅某子一歸王廷英光祿丞某子一歸洪起揚卽水部子孔譽子曰震女曰翼葬公墓所瓜洲當萬家邑大宅彌望揚子雲所云園鹿欄羊書安得矣載比比然也儒雅風流惟公父子方十年而胥失之入其疆式其間衣冠黯然無色伯良兄弟不墮門風而產則減矣余于公有趙文子九京之思焉志而系之銘曰爲義士爲秀士爲通方士士如是足矣爲廉吏爲健吏爲無害吏更何必高位三有一焉聲施無窮兼而兩之猗與蕭公

江山丞徐公墓志銘

竟陵徐茂才厚積徒跣而過不佞持其父江山公狀泣而言曰天祝不穀奪家大人之速也大人行不標跡言不華聲進不卑小退不詭俗而無能忘身後名是在吾

子不佞從先方伯公雅遊茂才父子間垂四十年矣日仲弟某受室焉寧渠以不文解按狀公諱唐字叔虞先世鳳陽徙竟陵竟陵水四週而夢野臺巋然其中勝國時有道珣者卜居焉人稱夢野臺徐氏道珣子信夫信夫子道知道知子嘗號宜庵公爵子行號東川公東川公三子公其季也道珣世受畊而宜庵公始用儒顯爲易其精受徒者錄至數十百人久之以貢授宜興丞卒官既得子晚不欲以誦讀苦之而東川公蚤孤學竟廢然特有心計治產居積與時逐贏得過當有第三區腴田萬畝以貽其子僮手指千木器器者千枚豪里中矣

大泌山房集

卷之八十五

墓銘

十五

其

公少開率辯悟不爲流俗之事父恒撫其頂曰夫我弁而拜我堂下者必此子也造就外傳所受書涉獵大較叩之母能難者十四遭母喪晝夜嗷然哭不絕聲目爲眊十八補邑博士弟子員雅善屬文而眊彌滋甚父尉令罷業公亦自憤丈夫泥蟠天飛耳奈何濡首古人糟粕以取功名謝之入粟爲太學生無何父卒歸公家故饒而其入太學也當陪京陪京習江左佳麗四方游閒公子爲富貴容公見而好之而是時目復亾恙則愈自喜天假予既首之視不樂何爲日結少年狎遊損橐中裝殆盡歸益治齋室亭榭文懷華梁綉榻鏤檻蕭古今

石刻彝鼎疊洗書畫諸翫具甚夥園中購太湖錦川之石奇花異卉日南蒼梧萬里之種手封溉攘剔妙得其候客至母問風雨蚤莫亨肥擊鮮觥籌交錯商移徵易絲倦肉奏通日夕無間也所御冠幘衫履杯案屏几酒醕胃脯之屬大都作吳會人狀邑後進爭趨之性任俠感槩客有緩急謁公或力所不辦者必旁宛爲濟之客口進費不足爲斥督亢田給之而產漸落願其爲德不已折券棄責衡施舍遂爲無訾省客謂公曷小減公笑曰太史公傳游俠朱家田仲王公劇孟郭解之徒廉潔退讓有足稱者豈必財富哉卒如初里居終二星而後

大泌山房集

卷之八十五

墓銘

十六

其

有江山除服食器用悉載舟以從纖毫亡取於官江山衢屬邑衢守零陵陳公澗邑令宜賓陳公良棟黃岡易公攸之俱負知人鑑一見公異之嘗試公歷事事輒辦兩造焚而前叟公把一二宿猾摘其窳詰問立服四封競質成焉所上爰書獄吏視驚曰廷尉牘弗如也三公大喜更相推轂而使督五邑漕江淮長賦者奉千金私面公公叱之若皮相乃公貲郎耶乃公七尺軀不貲亟去母汗我旁郡倅某子甲司總部多受賕賂公饋不過算器食倅大失望構飛語中公而司徒王公好問程公嗣功部使者林公應訓察廉下檄旌勞抵倅法公政聲

大起秩滿課最薦剡行及之矣會元夕讌易公署中被酒忽踴躍八月寢劇乞長休告監司郡國守相割俸稍資其行江山人聞公病家為禳祓比行遮道留睨公囊無長物無不咨嗟實涕也公寬平多通所推避毋論豪長牛童馬走忻忻如也唯恐失之酒間搔頭弄姿為曼聲長歌座無公不歡遇不可必達其志抵掌談說古今雜以謔浪機鋒四出素稱給者莫得支吾焉以意為師厭一切拘檢而內行淳至不踰閑東川公坳思無已時因以對川自號每哀端觸為鳴咽廢箸也事兩兄白首耦俱無猜一味之甘剖而共之邑宰滇周公署其楣曰

大泌山房集

卷之八十五

墓銘 十七

兵

友愛公生以辛卯五月十有五卒以壬午八月四日春秋五十有二葬以卒之年十月二十有二日墓在吳家嶺疾革而後事缺不具茂才不勝憂公召語之曰監子不聞禮耶喪不如速貧死不如速朽而翁是矣弟極為請木收之東川公初娶於張繼娶於蕭張生伯兄介泉公廉仲兄少南公方皆太學生蕭寔生公伯極所受室者也公元配程通州知州東盤公女有婦德滕周處士錦女先公卒程有子曰求善即茂才厚積其宇婦魏邑庠生棠女生女一聘邑庠生熊一杜子某公故為茂才置助造者游項甫舉子茂才慟公不及見也周有子曰

求普婦程知州公仲子庠生宗朴女三家與公世婚姻蓋竟陵多素封云生不辨方數漿酒霍肉窮極倦欲以死葬盛偶車馬大召緇黃食之止矣甚者家毀於奢許為富厚招搖市過之責進者以目攝也茂才父子胡不其然初茂才得父耗裹糧十日而三千里扶持以還奔走醫藥如狂上書學使者自免得一意將父死無所恨詩不云乎教誨爾子式穀似之善哉丞之子似穀也丞可銘矣銘曰岷之蚩蚩大冠若箕以駭其里兒官無不薦貶如賈三倍曰廉將焉待有美哲而揚且雅雅魚魚君子者與富而好施施乃損其貲其甘如飴誰謂仕為

大泌山房集

卷之八十五

墓銘 十八

兵

貧貧有益無因君不聞廉吏之子披褐而負新學墮於目仕墮於足哀人之無祿君不見故義興終為丞子孫奕奕繩繩狀有子銘有史於戲江山公沒可矣

藤縣丞王公墓志銘

方今宿儒大老無若邑太僕王先生才什伯人未強仕免官為東山臥者五十年天下高其致而膾炙其文而不知伯子藤縣公寔能成之也公名宗予字時行別號對泉以先生號少泉云母曰潘宜人始生瞻視不凡識者奇之先生舉進士讀中秘書置公膝上口授輒成誦先生忤時宰出令永新公從嚮學日勤年十五為

邑諸生以善屬文稱十七從先生觀察河南會

世廟南狩所司供億一切用軍興法先生應之如流公時旁出片語佐狹皆中窾而

上次衛輝官人置燭葦柱而寢火作有司蒙輯無所施先生與諸在事者俱逮繫金吾獄公聞亟往赴難於時中貴人交錯於道遇騎者榜掠奪之公屏騎匍匐渾渾中足爲重蘭如此者累十日夜抵承天見先生而哀可知也公虞禍不測密草疏請代而有詔杖先生行在所罷歸先生創甚公撫摩申旦不寐父子涕洟呻吟如相和然中貴人來觀者嘖嘖孺子而能若是小間復蹶躓

大泌山房集

卷之八十五

墓銘 十九

兵

走懷慶迎潘宜人先生謂公吾以舉子業博一官幾爲道傍烏鳶肉兒今業已柴毀卽治舉子業何爲公乃以例入太學而先生家徒四壁立讀書談道不輟四方贊羔雁而丐詩若文者屢滿戶外公稍斥其餘治園亭別墅善取態攬勝以奉先生遊先生遊無不與客俱客或數十人駒維繫而秣芻者或連數十朝夕公共張一無殺而先生每文成必公脫草公雅善臨池以此並重不啻貴洛陽紙公又甚有口談諧傾其座人更工絲竹圍碁及橐駝種樹計倪養魚術客無久近遠邇遊公父子間如沒也旣二十餘年而諸弟繼踵代居子舍公甫就

藤縣除自藤縣歸而先生已老謝病杜門公旦莫待不

離跬步所以順志承顏不遺餘力幾三十年如一日易簀時以父在視而不舍公母弟宗彥宗楚後先偕計吏試春官女弟一歸於叙州知事楊廷策而副潘宜人者有陳張兩孺人陳舉女弟一歸於同知鄧州事唐應蓮張舉兩弟宗休宗寧皆諸生繼潘宜人者謝宜人舉弟禮官宗充潘宜人故無恙忽以免乳暴卒公哭垂絕者數四而重傷先生歡避而中夜泣淋漓苦藁間閱楚之未脫襁褓也請於先生屬陳孺人字之慮家乘之無適主也請於先生以謝宜人繼之諸弟受室諸女弟于歸

大泌山房集

卷之八十五

墓銘 二十

兵

公爲綜理九十其儀甚都諸弟卽最少者引與共飲食衣服長而耳提面命之負城築屋數椽禮明經師教授其中公與塾師互爲政連床共寢起吾伊聲徹里巷先生聽之喜曰此所謂俗耳箴砭詩腸鼓吹哉吾乃無憂爲人父矣而謝宜人以公家督事必咨決公遜不敢當卽先生不問家人產公徐徐伺間取進止無遑事莫年子孫繁衍家衆數千指不啻嘯立威不嘖嘖招客平章協和閭閻如也久之彥楚相繼卒謝宜人與兩孺人復卒彥有令子亦卒公雖白首病困持服號踊一如禮而佯爲好客事先生先生大羣數遭骨肉大難人不堪其

憂然不至爲西河牧犢視聽健嗽不衰則公所調劑擁衛良苦矣當是時公已病而復爲先生治病病轉侵先生更憂公兒僂以捐生生我我安得以餘生生兒已而信然先生生平所嚴事者伯兄方伯先生伯兄之伯子侍御公彈故分宜相直聲動天下公事方伯如父事侍御如師謁選入主者貌公美鬚髯偉丈夫聲如洪鍾書判更自斐然且授半刺爲分宜所扼僅予丞又得藤縣若投荒然者公無愠色第難去先生先生曰死生固有命不記衛輝事耶父子危若朝露何知有今日兒第往公遂單車之藤藤民徭獍參半鈔略無已時公至太守大泌山房集 卷之八十五 墓銘 三

夫亦以筐篚禮公復屬公視興業豪妖民和義四郎者密邇大藤峽聲勢相倚公授計密擒之餘黨鳥獸散督府復下檄勞公是役也謂公三尺琅璫勝十道征藤之師而曲突徙薪卒無恩澤程功之謂何已屬公視北流篆數月博白父老詣臺使願再借公公於是復視博白篆博白學官距城二里傾倚杖柱而已公遷之城工取諸農隙費取諸餘祿而廟貌爲蒼梧諸縣道甲觀矣既還藤公復視其篆當入覲公泣別諸吏民吾此行且操耒耜從家大人力耕耳能復爲五斗米折腰乎而坐事齟齬他上官中以蜚語遂落職公笑曰是知吾歸志大泌山房集 卷之八十五 墓銘 三

廷聘於廖庠生潤瑞女平湖女孫應邦聘於曾廩生守
道女應賞聘於高庠生思讓女應周未聘女一字庠生
馬呈極子俊麟遊尹政孫造娶於馬即麟遊女有子一
聘於潘庠生達女一字廩生李鍾陽子滋至公之以造
後其弟楚也楚先生愛子而生常愛造死屬曰必以造
爲後也以準婿楊也楊氏妹先生愛女而早卒也以女
孫字馬若潘也馬先生從兄西畬公外孫之子又門人
西安魏尹女出也潘先生叔子婿又潘宜人黨也其與
董若廖重親也則本先生之意而錫類者也公生嘉靖
癸未六月二十一日卒萬曆壬午三月十有一日得年
大泌山房集 卷之六十五 墓銘 三十一

甫六十葬以丁亥冬十有一月十七日附潘宜人左前
期夢與先生造顯者所主藏吏出錢恣所取先生得二
十公半之覺而異曰此周齡漢策吾命盡之符耶召諸
子治後事善事吾父其於孝也死而後已三黨之戚通
國士大夫以公年位不配德又束於例不得請贈卹宗
伯氏按諡法繼志成事曰孝施勤無私曰惠諡公爲惠
孝云不佞竊謂孝道至大萬善所出公居官發政施仁
義不苟取居室讓而處瘠居太學捐橐而濟以金生居
鄉贍貧賑急沒而聚哭者盈中外惠豈不渥然何以加
於孝哉故道公孝獨詳而公病以治藤奔走茵露凜風

中起因稍具藤中狀如右而爲之銘銘曰姬公謚法惟
卿大夫易名壹惠士也則無私謚之興蓋防黔婁豈必
一命而耀千秋明與令甲王謚用一臣謚二之限三品
秩自非大賢卑弗得子冒者雖懲鬱者未吐我聞孝道
蒸民彝行謚不及臣於何其訓禮所未備緣義可起如
公事親允言孝矣孝施後世靡有朝夕舉惠並稱制不
可革禮失求野先民所鑒美無近諂下寧爲憊粵舊史
氏作此銘詞以銘徵謚疇謂謚私

峽江丞李公墓志銘

故峽江丞李公名湛貴池源頭人也父敬永昌郡丞母
大泌山房集 卷之六十五 墓銘 三十四

胡宜人二子伯爲公仲爲孝廉某公生而靜默人故翽
之不動疑其白癡王父古源公曰昔先元公如是諸昆
弟陵踐百方盡奪其產不較子孫蕃殖是兒若不佳吾
不復相天下士長勤學善綴文年十七入郡學婦翁施
京兆爲吏部郎迎如京師既婚施孺人事公不敢有驕
稚色公攜歸京兆留之壻父母盛年家饒無待子養小
須吾力能致一清秩公謝曰士立身自有本末時至則
卿相分內事不卽以逢掖老何恨而效果羸之實依宇
下耶去不顧郡邑遇公有加禮公哂之此所謂敬吏部
郎耳非關何彥德也彌自遠試數詘則入太學大司成

有國士知而林司寇尤弊許之已卯國學中式三十一人主司言溢額汰其一卽公也自是薄舉子業矣古源公倡道東南不問生產至父息之既贏而公復有心計息倍舊時然不私名一錢父有所幸婢舉子嫡恚甚屬除之公獨全其母子而子通倪好游冶忌者以爲口實屏之外舍父邑邑不樂公跡得以歸父喜若有大度有陰德天必胙若侍父疾經月廢寢食父曰吾死無憾惟若弟未有子若不忍於婢子寧忍於母弟乎公泣受命父卒不欲析箸而弟惑讒口不析不已公勉從之受田宅敝瘠奴婢老斃者而涕泣自傷有弟不能和協也構

大沁山房集

卷之八十五

墓銘 二十五

別業西郭卽林成援因巖爲堵羅圖史其中與同志清言賦詠時迎母與弟爲歡而已少遇道人授吐納導引之方至是益精進不怠榮利澹如也而母數趣之北上仲子偕計仕有日兒獨不博一官令我愉快乎謁選人有諷借資權貴者却之官當圖人人安得圖官吾素門平進聽自至耳除峽江永歸見母不自得殊無行意母不可是蔑君命而負親望也乃之官以廉吏自矢日用悉取家橐直指語諸官屬此黃綬中所絕無會邑城城屬公爲植綜理詳覈城成而費有羨以浚隍直指臨視嘆曰金城湯池非丞此物此志之力乎學舍圯請繕治

捐其奉從事廣兩廡居諸生貧者時與談經校莠或干以私正色拒不內士嚴憚過于其師已受檄督餉却私餽治里猾侵牟原諸逋負解遣雜役民樂輸課最諸邑會令遷當代入覲令白臺使使公署邑以他簿尉行公固辭是欺也有母在藉是省母幸甚令以罰鍰之餘畀治裝復固辭忝像士流何至還東作賈客至指天爲誓所資常用器物及囊衣無他貨諸臺噴噴吏皆如李丞何憂天下不治哉公以風素見重令蜀黃公粵黎公皆名進士呼爲先生吉水曾家宰每告人口李丞不可有二觀畢上書乞解官養母諸臺留之遂焚檄而歸益治

大沁山房集

卷之八十五

墓銘 二十六

別業結物外之交爲逍遙遊郡邑大夫過訪謝不見母卒而弟上春官治喪哀毀家衆竊母所藏爲扇戶封識需弟歸授之一無所取或嘲公假義公陽應曰我嘗食祿弟猶未也居恒詔子孫孝弟敦行勤儉克家通今博古親師取友有孫三人日討而訓之猶及見季孫爲諸生也好書追老不衰稗官野史醫卜諸家無不涉獵尤深於易貌癯而神王若於養生言有得者久之以疾卒生嘉靖戊戌九月五日卒萬曆壬子六月七日年七十有五配施卽京兆公女先公二十四年卒子二人長吾鳳太學生娶汪次本立娶蘇今爲孝廉弟後女六施工

部近臣子天杰太學生施鳴廷郡諸生姜維乾邑諸生章斐然余觀察敬中孫繼武羅尚敬其婿也孫四人遜娶金相娶吳達邑諸生娶汪俱吾鳳出選本立出曾孫一紹竑相出曾孫女二一為遜出一為相出某年某月某日葬于某銘曰為吾父也子者吾弟之器者可仁也為吾母也子者吾弟之放者可馴也為家督不負親也為贊府不負民也得名得壽子孫振振也官不負丞天不負人也銘而內之坎有盡者身也不亡者神也

同安簿謝公墓志銘

故同安簿謝淦川公余同榜築野先生子也先生名良

大泌山房集

卷之八十五

墓銘 二十七

兵

弼初仕平湖令三年入覲諸入覲者無不厚賂朝貴獨先生絕無問遺坐是不得為臺省擢比部郎稍遷僉楚憲事越三紀余領潁州節入泗先生已久沒而公亦自同安罷歸所居沮洳殊不類世宦家公年長余十二歲以父執禮事余甚恭兩子諸生芝秀蘭馨謝氏之寶也又十年以事再入泗則公亦沒兩子將厝公小兒城先墓之側以志銘請余遊公家世悉其賢志曰公名與源字子澄別號淦川始祖萬鎰廣平永年人仕元為知院以從明徐中山王征滇夷功調泗州衛總旗子冠帶世世勿絕太父半閒公以子築野先生封比部郎先生

初娶於張生公繼以李年十三為邑諸生十七以高等受廩食為文不具草須臾可千言而力學甚苦司馬紫陽通鑑綱目及學官所頒性理大全皆成誦每入試土人爭就公叩策論目所從出應之如流然竟厄有司以次貢太學除領邑簿職在督賦謝一切私覲輸者爭門而入課最諸邑嘗攝賊捕掾鄉大夫欲以中夜舉葬公言古者奔父母喪見星而舍雨不克葬則改期陰陽家使人畏而多忌不足信且四方赴葬若吹簫執紼人以千百數脫有不虞奈何鄉大夫無以難諸生聞公老於文學執經受業著錄甚衆月三肄之而無敢以非義相干雖要路人所關說卒執不可月奉用不足家人歲時以所入租繼之廉幹流聞遠邇部使者監司予上考會代其令上計冢宰將有殊異之擢而公倦遊矣上書自免冢宰留不得以七品文林郎散官致仕檄所司復其家如令泗無多貴人州大夫雅重公父子不以其故有私謁或懷金乞居間麾之若浼其朝京師蘭谿為元輔延津為冢宰皆先生同榜衿契恥懷刺造門以故上第為有力者所奪兩公聞之嘆曰謝郎不愧其父吾愧謝郎矣生平義不苟取而好行義其尤著者置公田贍族族子謝嘉訓饑歲轉徙迹得以歸為授室長子孫里人

大泌山房集

卷之八十五

墓銘 二十八

兵

張袍仕天台郡幕貸百金歸無以償向公涕泣愧謝立焚其券石可久死助其棺斂黃博士卒官贈以木不受直直且二百金部使者高其誼下有司褒勞陳良遇不能納婦婦將更嫁爲代行六禮今舉四男子日尸祝公也同學袁生卒妻耿妾徐從一四十年不衰而赤貧博士弟子無爲言者公特請表門衆竊懷怪州人失火延燒千餘家二婦居巋然獨存州衆大驚相率來觀嘖嘖二接力能迴天而信公舉不失人也老僕任經先生爲郎時給事門下愿慙而筑獨攜以還年八十御之有恩每語家人父母所愛亦愛之犬馬盡然而況人乎吾不

大泌山房集

卷之八十五

墓銘

二十九

兵

欲忘先君子也其訓子嚴非衣冠不見招故人子有志分者與同塾切磋琢磨如魏雲徵李之極趙維城咸著聲費舍矣事繼母李溫清定省無一日間病則禱卜醫藥浹旬未嘗解襟帶比卒慟幾傷生寢苦枕塊夜大雪家人私以襪護足却不受踰年葬雪深四尺被髮跣而行三十里滄結如冰足爲斫裂皺皺遂殮終其身字女弟夫陳守藩終始無違言州大夫蜀曾君以公孝友睦姻任卹備六行禮爲鄉飲酒上賓固辭曾君身勸駕乃往酒罷勸音樂前導送歸第州人以是禮也爲德舉云公生嘉靖丙申六月六日卒萬曆甲辰二月二十有六

日年六十有九元配繼室皆陳而生子者爲王與李子長曰嘉霖府諸生次曰嘉霖州諸生有名卽余所稱謝家芝蘭也女一爲百戶朱世臣婦嘉霖子五人一燦一煙一燦一燦一燦嘉霖子一人一煥所連婚俱聞家女各二人長爲諸生柳存賦婦餘未字銘曰位不辭卑守不失職祿不辭薄義不素食宰執炎炎不履其闕一辭而退不幾其塞廉無廢施無德色曰孝曰慈爲儀於國爾后寢昌爾魄斯卽史言有徵過墓者式

程桐灣先生墓志銘

程桐灣先生者其名文恭其字汝安其別號復齋晚而

大泌山房集

卷之八十五

墓銘

三十

兵

復號桐灣則以父母墓在焉志永思也程受姓自周大司馬休父至晉太守元譚公徙新安傳十有三世爲忠壯公傳二十有八世爲百五公傳四世爲保公卜居休寧之五城生子璫以鄉兵從高帝有功贈承信校尉傳三世生以政以政生伯林伯林二子伯曰文泰仲卽先生生而警悟雖未能言見人舉動便識其意從羣兒嬉遊或傷其指輒自訟貽父母憂隱不言母汪孺人攜歸寧諸舅異其容止是能成吾家宅相者旣就外傳父苦貧養殮不具枵腹而讀不輟聲父攜之賈不屑也辭歸出則與師友講問疑難移日

忘寢入則諷誦精研敬居飲食以之殆不知有昏曉遂以通詩補邑諸生諸生聞其博學通明咸推讓宗服之先生介然特立有所不可義形於色凡通國大計議必先生首署名每信受焉邑令李遵難郡大夫嫁禍於余孝廉璉侍御史行縣問諸生諸生首鼠兩端先生前盛言枉狀辭氣俱奮事遂解侍御史貴倨視學以諸廝役事使諸生諸生頗欲受事先生屬目諸廝役代之侍御史怒視喋齟諸生恐先生色愈莊足不失尺寸侍御史內慙自廢也故事諸生賦廩久次者賞罰與儕偶有間督學使稍更張不厭衆心先生具言其不可督學使從

大泌山房集

卷之六十五

墓銘

三十一

共

之於是百城諸生誦義無窮矣嘉靖丙午以明經貢禮闈上時務十二策當道者咨嗟儒生而通達國體如是乎十五施用已酉授西安訓導以文行帥諸生猶其爲諸生時也士嚴事之貧者謝其贄甚貧則捐月俸爲助士親愛之丁巳擢遼東海州衛教授爲贈言爲辦裝爲祖輶者相隨屬於路遼與虜隣邊地早寒距家踔遠所親諷之休矣先生笑曰孔子欲居九夷九夷在東方玄菟賢無間是其地吾何敢以荒遠爲嫌吾少夢渡海作破海詩曰日月乾坤鏡波濤魚鯨家攬觀窮宇宙指顧判夷華遼員海此豈其徵也哉今吾嬰鑠如少年腹中

數萬甲兵庶幾可自見豈爲祿仕乎遂去至則歲大侵人相食虜乘間內寇羽書日告急先生時緩頰爲當路佐策而諸武夫積不平當路亦銜之先生嘆曰道之不行也命矣夫致其事歸惟仲子在側賁一樸圖書數卷而已客京師時夢象類朱紫陽者授一編書惟子可了此事詰朝人以王文成則言就正先生瞿然曰紫陽命我矣何敢辭既歸力以崇正學距邪說爲已任文成傳習錄方盛行刺取其陽儒陰佛崇陸訕朱者作匡正辨數萬言已見陳清瀾學部通辨程練江傳習考闕錄若相發明喜曰聖道如日中天固非浮雲所得蔽也或

大泌山房集

卷之六十五

墓銘

三十一

共

時與同志商推抵掌拍案仰視天倪盡地旁若無人伯子規之時宰以此樹的天下無異議不虞觸諱乎先生絕然吾早年恥曲學阿世今老矣寧變塞耶已未拓先世遺址爲堂百楹延納生徒且欲東如浙會王氏諸門人與訂匡正之旨伯子固留而亦會有喘疾不成行疾輟作不常至丙寅春秋九十矣寢疾卒所著自匡正辨外有復齋稿桐灣稿入遼稿歸田稿若干卷元配黃孺人星州桂公女繼室秦孺人荊州某女丈夫子四人伯魯生娶於吳仲鄒生娶於洪叔濂生娶於黃季洛生殤女二適黃顯良洪權孫男子六人唐佐娶於汪虞佐娶

於張湯佐娶於陳周佐王佐明佐幼未娶四孫女適黃
紹黃時遴黃泉洪尚文先生潛心內聖外王之學雖名
子孫一無所苟可謂篤信好古也已某年月日葬桐灣
附其父墓趾而余爲之銘曰齊轅固生魯申公申恥胥
靡歸里中蒲輪駟馬入漢官治不在言言何忠東朝老
子轅不容幾爲司空城旦春仄目而事公孫弘明程先
生漢儒風精誠遠與紫陽通姚江之學世所崇日中見
十節沛豐辭而闢之若發蒙廣文官冷道固窮阜帽亦
復客遼東兆不足行戢厥躬著書立言聖折衷繼往開
來大有功三人受經詩則同年八九十皆老翁素履無
咎始中終山水盤屋上有桐窻窻於斯馬鬣封史也爲
銘識高蹤儒林漢傳類相從

學正魏公墓志銘

叔弟爲海虞博士數言其僚魏君益三益友也君念其
父學正認庵公葬未有誌自爲狀而介門人周君復以
屬余余知君賢者不誣其親按狀而志之公名應元字
某某上世永平公以軍功授千夫長從
文皇帝南渡徙居金山再傳爲養素公浚娶於閩生種
德公綬娶於胡生橘軒公仁橘軒公好施所周人緩急
若饑寒若不任殮葬不能償責者甚衆歲旱飛蝗遍野

獨不入公田界秋乃大獲人曰天之胙善其後必有哲
人娶於謝以元且之翼日生公因名之應元孩提時岐
嶷與常兒殊五歲誦方名八歲受書日千言十四治舉
子業蔚然華藻恒自奮曰人言班定遠投筆而封侯夫
筆亦何不可以封也吾將家子天下方建業宜用文事
顯日益工文遂爲諸生旋以高第子廩食顧數不得志
於京兆試聞形家言學官水土不相得請於臺司開渠
吳地二里許水至泮宮而龍溪翁公來爲師雅意作人
公與其友薛應麟暨其子震時謀曰吾審曲面勢文廟
所向於地脉非宜今翁先生見及此矣時不可失力言
大松山房集

席鞠錄與青衿何異雖然南面爲士師孰與韎韐跗注
君子乎視先人有餘榮矣吾其歸而老於九峰三泖以
未竟之業付兒子乎遂掛冠不復出十有四歲而沒公
之好施類父而義形於色不合者弗能忍見持論無所
迴夷事至立斷不需忍而深沉恬靜不出其位博士可
吏隱卒棄去不顧其趣操槩可徵已公卒萬曆戊申十
月二十有一日距生嘉靖甲午正月二日年七十有七
配周孺人子二人長卽震時貢如公婦吳某女繼庠生
沈貞吉女次豫時側室楊出早卒孫四人士遠娶庠生
沈維蕃女士遴娶庠生俞咨牧女士遠娶庠生程鳳詰
女士述聘學博黃允登姪曾孫二人祖福祖壽女五人
受千戶曹光復聘者未行卒次適庠生張繼茲千戶李
可化俱出次受庠生王昌祚子某庠生李舒春孫某
聘俱楊出孫女五人長適庠生楊繼梧子澤博次字庠
生謝廷蘭子某三幼與曾孫女二俱永字震時之訓常
熟與徐州安陸齊名又言公相學官兩有驗其師翁公
者子大魁天下有相望而公以學始以學終豈非命哉
意者公之子孫陰受其賜矣銘曰而世綺紈而家菰蘆
舍而鎧杆學逢掖儒槩辟雅拜佔俾伊吾齟齬一第範
我馳驅拓落一官莫媒閭姬謝不待年與古爲徒隱不

大泌山房集

卷之八十五

墓銘

三十五

絕俗與人爲徒循有理冥有極隆則隆汙則汙大易若
冲大方無隅宜其視千戶後世是也夫

卷之八十五

大泌山房集卷之八十六

孝廉蔡君墓誌銘

京山李維楨本寧著

歲甲子楚士舉於鄉者襄郡得三人馬皆未及仕以沒獨蔡君稍晚然纔五十有五年耳余自與君偕計後三如襄得一再見而最後過君病不能興越五月沒矣沒之先期望其繼母之室而為孺子啼曰兒乃不能終事母乎已召其子續靈而語之曰而將以鄉進士名我乎是愧之也古有孝廉舉者吾庶幾焉是可以題我墓矣續靈敬諾續靈郡諸生為古文辭斐然有致則具述君

大泌山房集

卷之八十六

墓誌

一 五純禮刊

甲

生平累萬言蒙犯霜雪而之大梁泣且稽首曰夫知先君子無愧孝廉者無如大夫大夫其為我志先君子之墓余雅習君知其子言不誣為礱石而志之蓋君之先為宋蔡公襄裔家世豫章

曰顏苦孔則孔矣苦莫如蔡蔡不將為芝可茹乎父稱善遂名之曰其芝稍長授易不規規訓故家言而卒當於四聖人之旨塾師異之會喪母則就外家葬於江之濟而君泣曰此非母所厝也母有知其佑我他日將改卜焉繼母者謝君事之一如母而學益勤文益進直指使者閩黃公行郡試之居第二人其後郡國守相若督學使者數試數優錄君而學使者今大司馬閩吳公廉知君好修所褒勞有加禮久之登鄉書郡大夫以下具麾幢鼓吹出迎而君別取道展母墓搏膺而踊如初喪時移日迴歸故事諸生領鄉薦即遊諸郡大夫若監司

大泌山房集

卷之八十六

墓誌

二

甲

與錢通出入擁從奴鮮衣怒馬而君日闔扉坐室中諷誦不輟顧數奇試春官數不利而父病矣君嘗藥而進之旦夕侍左右不知有寢食君以迎醫出父病屛血暴下如注君入良已君出洩或浣中裙褌父輒作寐語君來輒醒襄人傳而異之夫病魔乃知畏孝子耶父病小間則趣君謁選入吾老一側注冠不欲兒復以是拜我牀下也君謝曰有如日者大人病兒宦遊于外即冕而垂組于大人何益父唯唯癸酉七月朔父卒君哀不欲生所附于身者悉手治之不以屬他人胼胝上下山原卜地以葬而以母附焉君之將改葬母也眾曰若母葬

而蔡氏始興改必敗君曰使母處魚腹中而我受其利則安忍既辟墓衆謂見朽骨者必敗君曰焉有爲子而不見其母爲母而惡見其子者乎啓棺而更殮之而君有女兄王氏墓在母傍亦爲徙他所不踰月故墓爲歷陽之浸矣里人益多君先見以爲純孝所格云于時繼母謝有兩弟皆壯有室而君身自封樹俾其弟壹意奉母邑屋中君時歸定省起居已取父所遺諸田宅恣其弟所欲繼母乃大說日安君之匕箸矣君居恒傷父母不得食公家祿卽不忍身食公家祿而資續靈爲諸生愈無宦情卜築鹿門之陽有田一成室一畝以爲菟裘

大泌山房集 卷之八十六 墓銘 三

曰吾得與龐家鄰不勝作萬夫長耶鄰人火且及君左右奔告君不爲動天乃反風少弟受什一稍羨悉耗之狹邪中君戒之不聽沒而自刻責吾何以見伯兄地下雖然惟伯兄不負我君爲之殮葬而字其甫甑之孤爲之治第爲之行修經師爲之冠婚其子與女既卵翼兩弟又推而及族之人月醵金爲會以惇倫合好而周其婚嫁喪葬之不給者或盜鬻其墓傍田置不問里婦誣殺人抵罪割貲爲索饋罪稍末減迄今尸祝君也而自奉極約冬木綿裘暑絺葛食無兼味非其義如將浼焉纖芥無所取襄父老婦孺舉君名姓皆曰孝廉孝廉云

君生嘉靖乙未十月十有二日卒萬曆己丑實與其父同物葬以明年某月日墓在鹿門之陽卽所營菟裘也子二長卽續靈娶處士田儒女次繩靈聘郡諸生劉汝載女女二壻爲錢文進歐陽思忠皆諸生孫一愈女孫二長字舉人王應期子繼周余旣已志君而竊嘆科目之法之敝也授三寸之管使其人鬪工畢精于棘猴之末卽文將焉用之躬行君子如君其人者曾不得階一命以灰取士之謂何隆慶末年余猶及見徵召一二鄉進士不仕者使爲國子師皆不負所舉自頃言者亦稍有薦引而君不待矣聞君訣子語而心悲之銘曰孝可

大泌山房集 卷之八十六 墓銘 四

能也不以貧傷孝是不可能也廉可能也不以親傷廉是不可能也城方城池漢水龐德公之里也耕耦妻安遺子陶然以沒齒也銘而稱其美張楚之多士也

孝廉潘伯子墓誌銘

故新安守高師孔余同榜也以所試諸生卷屬差次之爲拔其尤者數人而潘伯子玄超在焉是時余與伯子王父若叔父從弟景升遊甚稔獨不識玄超久之景升以玄超見瓊林玉樹朗然照人來去又五年玄超舉京兆試無何遂卒可二十年其子逸羣介紹景升兄弟請余爲誌墓中石余故知玄超未遇時是宜誌誌曰潘伯

子玄超者名之惺歛巖鎮人也王父亦舉京兆試且六十矣仕而累官至別駕汀州不竟其施既歸日督諸孫學而玄超與弟仲俱已爲諸生有聲郡理武陵龍君御尤所器重郡守王公簡士之秀者得玄超及吳知常程鼎父三人致邸中居業號歛三才兩人並成進士玄超獨不第衆咸缺望王父慰藉之阿翁不售于南而售于北孺子與我爲諸生同舍同受廩屢舉同不偶得無家運當然乎玄超敬諾遂北遊太學戊子夏始入國門秋遂舉矣王父大喜孺子似我郡人皆曰是蔗是稔必有豐年潘伯子之謂也伯子故文弱不耐勞觸熱行二十里與六館生數校藝四方人士聞其名過從繼屬病已見端而同榜領解者爲太倉相國子言官以爲私詞侵玄超玄超憤曰我故諸生高等日者病人棘闥姑以下駟戰而遂勝而詆我乎會詔覆試九卿臺省讀其文善之事已白玄超猶色色不自遣姑游酒人庶幾以醉時小忌芥蒂而病滋深又不獲第於南宮鞅鞅遽歸抵真州則已盛夏諸第家真州者與諸故人賓客日載酒相勞苦玄超日飲亡何比歸子舍病大作語不成聲然諱之徵逐往還如故第勅斷酒而已邑長吏爲具召之疆往劇飲晨起詣謝覺不勝周旋亟杜門謝客醫師診視

大泌山房集

卷之八

墓銘

五

甲

病不可爲矣玄超姿儀朗秀好修飾冠服車從所居疎櫺幾几童子時時掃除不染纖塵復仇厲守高避俗人如獲意所不合恥與接衣袂常慕司馬長卿之爲人使我得卓文君爲秦綠綺畫遠山眉醉我以當壚酒雖消渴必足了一生矣縱任不事崖檢而篤於人倫一切慶弔皆白王父與父母然後行不私名一錢疾棘戒家人無以聞恐貽其憂也與仲弟共學無一言一事相絞訐叔季嚴事伯兄而嘔喻下之族弟弱冠未有室爲具六禮更受業成儒生所善造門食飲甚設緩急有告稱其笥多寡與之精心公車之業垂三十年試卷社草流傳四遠書法做顏魯公與人尺牘雖倉卒必正楷衆多藏弄爲榮其姊夫胡襄懋公孫燈者亦舉於鄉狀玄超氣清而骨健色倉而美鬚眉不當天慈而愛人好修而不爲汶閭之行不當天有芝產宗祠栢間數月玄超遂舉舉未二年而遽沒豈非祥耶夫生寄也歿歸也彭殤與夷孰同一坏土耳伯子以玄超字固已領略斯指復何憾焉玄超生嘉靖壬子八月二十有三日卒萬曆庚寅正月二十日年三十有九娶洪坑洪氏舉二子長曰一驥娶汪孝廉可忠女爲禮部儒士名能詩次曰一駒聘胡某女爲諸生工其家言一驥子曰紹先銘曰而父

大泌山房集

卷之八

墓銘

六

甲

王父期頤大耋而不及強仕年而兄弟子姓多才尚困諸生而賢書名褒然曾幾何時永閼九泉天忌多取物無兩全有子有孫式穀象賢有史之文以傳貴不在臘仕壽不在華齡而達人也其卽安於斯乎

孝廉倪伯子墓志銘

歲已亥余起家守川西攝禾水事周行蜀諸郡郡丞倪公爲建始令治行高等會征播督府得自除長吏以公知忠州余在夔門四閱月數與公談出其子元馨舉子業倪余稱賞之是何難一第別去八年元馨舉於鄉又五年余客金陵見元馨詩奄有三唐之美而元馨適大泌山房集

卷之八十六

墓銘

七

甲

喪婦來金陵屬余爲志又五年元馨卒郡丞書貽余具道宿昔相與之雅以仲子瑞胤所爲元馨狀使其孫漢儒乞余志且曰是元馨意也聽遠者聞其疾而不聞其舒望遠者察其貌而不察其形余于元馨耳而目之久矣旣已志其婦又何辭焉志曰元馨名芳胤一字蒼舒先世自豫章徙姑孰曾王父以伯大父貴封右僉都御史有子四人仲爲南亭公官右都御史季爲雙渠公以郡丞公貴贈奉直大夫郡丞公配王宜人舉元馨顯骨隆起王父異之乃公未得以儒成名少子與其子可代也已就塾受書日千言成誦少長屬文有思理每侍雙

渠公若封中丞公側封中丞公顧謂羣從吾聞張良體弱而精強荆叔色平而神勇阿芳是矣學使者房公銓距不可犯祖若父難之不遺試元馨力請往三試捷爲諸生無何雙渠公卒泣而啼王父愛憐我迫欲觀其樹也而不少須臾待乎自是學益勤劉覽六籍諸子史尤好左氏南華二家言所評識滿簡端紙弊墨淪不休爲父宏肆簡劾似之娶婦高孺人中饋職辦不牽帷牆之愛與諸名流爲文會咸推讓之武林顧叅知公爲守吳興章納言公爲令及他監司郡邑無不歎倪生才子郡丞公之官以家政屬元馨元馨學自如不屑屑米鹽煩大泌山房集

卷之八十六

墓銘

又七

甲

作鸞鳳音授簡擲管數十篇立就有綠毫青樓之雋響
焉高孺人卒所遺男未受室女未適人日號呼靈牀頭
痛弗能忍見鬱鬱病矣既遣女又爲子婚執勞過當食
少事繁病滋甚而女忽夭不勝哀病遂棘弟若子迎醫
精神悵惘失措猶恐傷母心強對客談諧而聞郡丞得
謝日夕繕園亭輕車小舫以娛終老父歸見其廡劣色
然而孩慰之未幾遂卒先一日語二弟大人三宦遐
方阿兄省蜀者再省粵者一跋涉萬里墮水逢盜惺然
後得免正襟脯下大何所憾惟不能建標末功爲先世
光寵不終事兩尊人爲介介耳是在吾弟已手書詩與
人必山房集 卷之八十六 墓銘 八 甲

家人談詞翰雙美無殊平時元馨事親孝友于二弟而
誨子嚴與人披情素塗遘卒遇歎如平生朋友有難相
衛而不相迫取予辭受非其道義稍者有所不爲也其
貌頎而清揚法相當壽而年財四十有五識者惜之爲
詩在王右丞孟襄陽白香山間臨池亦得唐宋人墨妙
所著長嘯園紉蘭閣蜀遊粵遊居諸呻吟諸草取境傳
情清真蕭爽足名家矣元馨生隆慶辛未六月七日卒
萬曆乙卯七月二十有八日子漢儒諸生溫其如玉必
爲國器娶文學閩君元履女女先卒者爲兵部郎楊君
如椿子芝瑞婦高孺人事具余志中瑞胤狀情文相得

可謂難弟也已銘曰才而無位德而無年老親弱息中
道舍旃衆爲爾悲衆爲爾憐琳瑯金薤奔奔遺編芝蘭
玉樹英英象賢文章不朽祚胤永延彭天殤壽達觀則
然吁嗟倪君卽安九泉魂氣何之在天生天

任子方文恭墓誌銘

少司徒采山方先生踰大耋而望期頤三朝名德海內
無二其子孫若丹穴鳳藍田璧甲于江左而仲子任子
公最著其名以巽字子中更字仲權先生如夫人某舉
伯子而適黃夫人舉仲子娟秀若瑤林玉樹六歲日誦
書數百千言先生故數休之大器當晚成不在早慧未
嘗給筆札也方督學粵西公從旁窺諸生試卷在高
等者曰了不異人如其目各爲一篇藏笥中先生發而
視之喜孺子可教也公猶愧不敢任退而益潛心輯志
爲文務詣微極深漱六藝之芳潤擥百氏之菁華矣歸
就試爲諸生太守徐公郡李龍公羣七校之士都肄之
拔公第一而先生起家撫鄖陽入佐大司徒考最劄任
子任子以適公遂爲國子生以便家請改南雍而大司
成習公復擢公六館諸生首是時不獨精舉子業其於
漢魏六朝詩兩京詞賦靡不具體而濬發於巧思閉門
造車出門合轍非夫寄人籬下不後慧者可同日語

也新安俗侈靡歲時爲魚龍角抵之戲以賽禱於神費金錢不貲先生閉戶不觀夏葛冬木棉裘食無二簋力行節儉以表正其鄉鄉人敬而遠之公貴介公子而又居金陵出見紛華而悅賢者不免焉然恥爲游閒公子之賜與名奉先生家法暑不張蓋衣不重采無食粟之馬出入徒步所問遺知交巾箱書一二帙尺一箋十百希聖數螺竹葦方底算勝簾纂組排囊流蘇如意塵尾輕筴小罍手巾髮鐺諸物數事皆土所產家所製雅於觀適於用尚於費令鄙夫金錢筐篚望之自遠嘗作遠庖說戒殺生而手畫菜一本爲侍御蕭公尊人壽題其上

大泌山房集

卷之六十六

墓銘

九

甲

方大要以恬淡爲養生主識者避之公雖儉不爲苟取有持千金乞居間者麾去之家大人以清白貽子孫吾不能式穀而席藉其寵靈行賄造請不肖甚矣君奈何以不肖望我乎其人逡巡而退公雖廉而好行義憂人之憂樂人之樂專以振施貧窮赴急難爲務汪太學少孤歿京師無以爲殮贈之槨之賻之卒返葬於其里過金山見覆舟者則孝廉某也匍匐往救既出問公姓名不告而去中涓銜命伐山采金目新安爲奇貨凡聚族而居聚族而葬者詭言下有金必掘索之郡人震恐爭首鼠竄先生嘆曰吾安能持磬磬節不拯此一方民乃

用陳太丘故事往見大璫璫喜過望方先生在車騎過我榮光無量先生語之故璫敬諾郡人歸德先生而公實有先見所贊決爲多此之爲陰德真如耳鳴第自覺耳二三知者慕公之高誼願識其面投分內交四方學士過訪評說陰陽象緯鬼神變化大地河山飛潛動植品物之區別古今帝王名公卿將相道術功業儒林文苑詞賦歌詩優劣差次人人虛往實歸又不自矜貴見羈縻與鈞禮沖約清遠飲醇酒欲傾家釀公雖和而介事關利害剖折是非曲直無操兩可非其人望而避之如將浼馬爲任子有年當拜爵終以不稼穡取三百禾

大泌山房集

卷之六十六

墓銘

又九

甲

爲歎不屑就其天性至孝先生宦蜀閩楚越無所不扶持自問寢視膳諸常行事外公移私牘屬公具草或時容以政試其知略諳練若素先生解頤他日必爲公輔器金陵別產略與家埒先生命公居之公敬諾使使歸聘趾相錯於道至先生初度若歲序必展慶膝下不以風雨委頓爲解而構精廬於黃山召僧禮佛爲親祝釐先生行年九十奉觴舞綵戀戀不忍去遂輟京兆試事伯兄睦而莊終身言色無違憐愛季弟尤甚啼哭洩溺瞻察備至既病走子士迺還白先生無以亡兒爲戚就枕稽首而泣送之返命復就枕稽首而謝所語諸子若

諸弟皆人倫大道深以不終事爲恨責望于弟切至可爲痛哭流涕焉金陵交遊新安烟市井田野之民爲位哭者撫棺哭者皆盡哀宗老鄉先生縉紳學士以漢獨行貞節范冉逸民玄德法真文苑宣明夏恭故事按謚法與公行事謚之曰文恭遺集若干卷藏于家上世許家乘不復敘公生嘉靖戊午八月一日卒萬曆己酉七月十有四日年五十有二以某年月日葬於某元配黃文華殿中書舍人榜女早卒繼謝雲南按察司經歷希召女子五人士造黃出娶汪太學宗時女士達娶汪太學宗孝女士适娶汪提舉丞嘿女士延聘趙太學汴

大泌山房集 卷之八十六 墓銘 十一

女士逢未聘女二人長適汪職方子昌業次字吳江左府經歷吳士龍子錫疇吏部尚書某孫也皆謝出孫子二人繩曾聘谿南吳太學美中女繹曾未聘皆士造出余以甲申從公遊至戊子公入鄖過余邑邑令爲先生門人不禮焉余詰其故公曰非舊練也令不媚中丞郎君故自不凡其隱過崇篤如此先生同先方伯成進士通家六十年稔知其世學世德仲子達以汪職方君倩狀畢學使師臯謚議願司成泰初潘太學景升傳乞余銘諸君子月旦關世重輕不阿所好余按而爲志且銘之曰本朝謚法文爲先其目十一恭亦然謚斯二者五

人馬暨方仲子稱六賢詞臣大臣士比肩誰者尸之野史權謀野則獲好靡偏無曰無位復無年令名長世神綿綿望氣佳哉高士阡坎中有銘永不騫

任子汪象武墓誌銘

余從汪司馬伯玉先生遊太函仲子象武方總角先生日口授六籍百氏書與古今名將相之勲蹟及本朝故實四方經營之籌畫而於舉子業不甚督課其仲父仲淹以爲言先生卒如故每從賢書索象武名不得蓋三十年會其從父仲嘉士能則知象武爲任子卒矣兩人流涕長潛爲余言此汪氏孝子弟弟也已會其婦兄孝廉方時雨復流涕長潛此天所以報司馬先生令德而張大汪氏之望也余何敢以女弟阿私所好人不間於父母昆弟之言則有兩叔父在於是象武子祖肩屬孝廉爲狀而扶服千里造余頭搶地涕覆面以請曰使君游汪氏三世汪氏三世以使君言華袞者非一先考自羈貫奉教下執事無祿不得一命以歸於土使君其以先王父之愛施及先考先考歿且不朽孤歿且不朽余故知象武何可以無志方先生開府吾楚以隆慶辛未十有二月二十有七日卯時生象武於楚臺月日時悉與先生同物人無不異之先生元配無子繼室以蔣淑

大泌山房集 卷之八十六 墓銘 十一

人象武母也而兄象先則知夫人出蔣淑人獨當箱篋
憐愛其子女象武事兄必盡禮不以母有不遜色先生
同生兩人當任子子長矣而以畀弟仲淹兩尊人喜曰
良食海內高其孝弟仲淹先生卒任子以適是在象
武象武巡不敢任無何先生卒蔣淑人亦卒先生席
父素封身為卿貳而好客客常滿坐又好形家言旁求
善地傾其貲為之卒無所有以是衣食財取足無贏羨
所遺惟圖史法書名畫若古鼎彝之屬其什一之息傳
自王父者不滿萬里兒不識也且謂象武深藏若虛從
旁離間象武以默止謹宗人薦紳長老多其能讓孝弟
大泌山房集 卷之八十六 墓銘 十二

擣菹齒名者而其中淄澠無毫髮爽非其往不往非其
居不居于人若無可否而所尊敬二三父執事必咨決
少年誘之百方卒不得間造次不能以辭自達而梵夾
一覽便習于禪宗三墮而惡撥因果者于道宗七真而
惡事黃白者于儒宗新建而惡謗口說者入禪最深每
通一義送一難多名賢尋味所不得疾革祖肩侍問有
把捉否曰有把捉便向鬼窟裏作活計祖肩復問父母
未生前作麼生微笑而三彈指因命誦大慧上堂說法
語至心心是佛無一處非佛心處處成佛無一塵非佛
國大呼一聲而瞑萬曆己酉十有一月六日也距生年
三十有九象武名無競別號少函娶于方即孝廉女弟
其父太守公相攸而歸之者子一人即祖肩郡諸生娶
于方即母黨京兆公某孫孝廉君某女也女一人為嘉
興守吳公某子某婦孫二人貽穀貽謀孝廉深惜象武
性甚慧行甚順而其遭遭甚苦隱忍不形聲色以至沒
身可為絕德而不欲暴其長形人短非死者生平意指
憤懣悲惋殆不勝情然其大致歸然固足傳矣祖肩文
行他日無愧乃祖乃父貽之令名未艾也葬以某年月
日墓在某所銘曰以弟成孝以孝成慈善歸于親而名
不尸以儉成讓以讓成廉貧歸于子而子無嫌其不敢

爲先似老其委蛻而往似禪其然豈其然宗族稱孝焉鄉黨稱弟焉朝聞道夕死可矣其在吾儒曰古之賢

潘太學墓誌銘

余交於潘景升見其家三世羣從發音在詠動容成紀晚乃與方回方凱兄弟遊又佳子弟也會遭父喪兩人輯其行事涕泣稽顙曰維潘氏三世以使君言不朽者衆先人生平不忝門風敢以墓中石請友人曹蓋之楊元素從旁贊是可辱使君筆亟許之按狀潘公名允明字廷堅別號鳳宇先世多聞人唐歙州刺史名甚宜其民遂家歙南鄉宋武節大夫紹遷潘村再傳有餘遷大泌山房集 卷之八十六 墓銘 十四

巖鎮東曾孫洋發興六逸齊名著書若文海天琛之屬傳誦士林明華亭令祖德曾孫觀賜潘大司馬所目遺直也伯子仲詔舉賢書夫婦并百年汪司馬顏其堂曰百二伯子延年富而好施彭邑令旌之門加綽楔焉蓋七舉女而公始生夙惠不羣父大喜海中仙果子生遲此之謂矣十年從里師受易通其指治舉子業做先進名家言輒似而試有司率見格奉例充國子生動靜云爲必稽古人耻與俗子伍一旦念其父春秋七十高矣劬勞當戶家督之謂何歸而操秉持籌取予觀時廢舉收利不十年贏得過當十倍人以爲古之計然鴟夷子

皮也新安高貲買人飭冠劍連車騎博戲馳逐好氣任俠作色相矜後房佳冶曳紈繡珥金翠別有名倡選伎歌扇舞衫與金谷絳帷爭勝公衣食蔬素俳優無所好變童無所幸緇黃巫覡無所接數勅厲其子孫家毀於縱財耗於奢車甚澤人必瘁無槩委之運數量入爲出日有程月有則人以爲古之成家第五倫也奉父母食必甘旨服必溫氈恒先時而貯之先意而承之一夕五起視衾厚薄枕高卑居喪貌毀不可識事庶母如其母人以爲古之茅容荀顗也父晚舉少弟四歲而孤供給糧用四時之衣下至脂燭美食必分減相遺人以爲古

之下式孔奮也族人千百指慶弔不相關父割資創爲宗祠公繼其緒定祀期議祀禮祀已而餒燕毛序齒陳家訓舉社約欽然興仁讓之風從父以不善治生貧于錢家日踣其門而詬身捍蔽之更代爲償事女兄與其弟等娣姒化之長無纖芥從王父封公僦儻有大志少所服下獨喜公每前席與談嘆曰此子也才亢吾宗人冠婚祭葬助其不給人以爲古之汜勝崔倕也雖居幽室斷斷自齊整對婦正衣冠如對賓客諸子不命進不進不命坐坐則言言問不言人以爲古之張堪司馬防也專用振貧窮赴急難爲務不以已能責人不能持

論從容未嘗言人所短人以爲古之原涉王褒王儉也暇時勝日偕朋舊選勝觴咏飲可一石而醉醉而溫克俄俄若玉山將頽人以爲古之嵇叔夜何次道也蓋公好古而好事者躡尋之言行相顧卒無愧古人云其生嘉靖某年某月某日其卒萬曆丁未四月八日諸子禱祠醫藥百方卒不起其日浴佛洮頽水更衣恬然而瞑人以爲與西方化人同物豈其然乎元配許蚤卒繼以呂嗣以劉若何若方子四人呂生膺善卽方回娶溪南吳氏何生膺祉卽方凱娶棠樾鮑氏繼同里方氏劉生膺爵娶溪南吳氏膺祿娶同里程氏四子俱國子生女二人長適同里汪槐芳劉出也次適羅田方一賓方出也孫男一承縉善出也孫女七一字溪南吳某一字溪南吳某善出也一字潛川汪某爵出也餘未字以卒後三年某月某日厝於某銘曰以君爲古之人耶何當吾世而有君以君爲今之人耶何當君世而不皆君生斯世爲斯民何以嚶嚶曰古之人死生晝夜也振古如茲匪今斯今荷與潘君乃能入於不死不生無古無今

安太學墓誌銘

錫之有安氏舊矣以曠僚不甚著明興而蘇玄珠里人黃茂者贅于安明善因爲之後黃之稱安氏自茂始也

大泌山房集

卷之八十六

墓銘

十六

甲

茂四傳而國居膠山名田萬畝安氏之富自國始也國有子如山成進士讀中秘書累官僉雲南憲司事安氏之貴自如山始也富不加益身不逮貴而文采風流照映後先則無若少峯君君二子緒卿茂卿嫻古詞賦所往還半知名士而安氏滋顯江南談著姓爲一屈指矣少峯君者名希堯字勉仁蓋僉憲公冢子云母曰郭宜人君夙惠僉憲公著膝口授書成誦長治博士業斐然有意既隸諸生籍錫諸生多閱覽博物君子與君少而歡焉相爲引重而君益思與海內英俊並遊乃以例入太學交道日廣文日奇進方是時僉憲公歷宦齊魯滇蜀楚越之間一切家政倚辦君君手籌量而口吾伊朝觚墨而夕觴勺卒卒無須臾間每奏其文一座盡傾不審君所從來而四試有司輒不利會僉憲公致其事歸君從容乘間請曰大人以進士起家官不逾下大夫兒才不及大人遠甚藉第令倖而擢一第能忍辱至三公乎古人顯親揚名計有進于此者兒億矣願息而事親僉憲公老重公去左右遂許之僉憲公好客與君相當君家距邑四十里而遠賓客造請履錯于道見君貴公子而才周旋不少倦人人喜謂君親已爭先締交而宗人叵賴者君嘗面數其罪銜之以事中君君不欲傷同

大泌山房集

卷之八十六

墓銘

十七

甲

姓恩卒從吏訊僉憲公大恚曰我在也而人魚肉我子如百歲何日爲減常食君亦心自憤君子病沒世不稱奈何入身以難忍之過而甘之詣闕上書自解太宰楊襄毅御史大夫葛端簡學士諸葛文懿五六公者稔君賢爲君分明之而僉憲公以憂君故寢疾君聞亟還走抵京口水涸舟膠不得渡徒步冰雪中令兩童子掖而晝夜行足爲重繭僉憲公卹勿勞苦兒歸乎稍解願進湯藥而病卒不可起矣君慟幾絕又虞傷郭宜人心入而掩袂拭淚詳爲嬉戲退而標踊號泣聲變而嘶踰年郭宜人復卒宜人病革以其副室之子希范屬君曰兒

大泌山房集

卷之八十六

墓銘

十九

甲

善視之希范嘗後君世父如陵而趣迎歸與共啟處歲時行脩經師俾以學行禪其家至今希范謂君兄也父我始宗人中公者坐法竄海外衆翕然快意而君殊輿感不自寧錫水國君旁求善地治兩尊人寃安事政熱躬操抹甫居恒自責丈夫不能博功名以成親志又不善睦族而令螫我以貽親憂使人將謂親寔生我而我奪生我何用生爲慘慘少樂嘔血者久之臨終召二子前語之曰夫好學者不必酬志好善者不必食報然無以是有二心乃瞑時萬曆丙子十有二月二十有八日距生嘉靖癸未十有二月十有五日得年五十有四

娶王秘書某女少傳文恪公孫生二子長紹祖卽緒卿光祿監事娶徐中山王孫紹勛女次紹芳卽茂卿國子生娶吳太史可行女女二長適太常少卿秦耀太守公禾子次適國子生周炳文學士公子義子男孫一社臣聘鄉進士華道任女女孫二長字尚寶卿施策子學源次字憲副顧大典子慶奮俱紹芳出葬以甲申十有二月三十日墓在華圩負酉抱卯夫安氏富而以君善結客富乃不汙安氏貴而人所以附離君不在貴君于文愛左氏讀之字爲漣滅于詩好陶韋王孟于書好趙承旨奕奕有風骨不佞雅遊二卿間入其里而山負辰水

大泌山房集

卷之八十六

墓銘

十九

甲

拖紳林木蔚蒼疆場翼翼如也入其堂而棟宇榱桷言言娒娒如也入其室而圖史几案琴尊壺天環璋好美之玩位置表序秩秩如也問之則咸出君所勗貽君同郡二三賢者每爲不佞言恨子不識二卿父性善食酒德將無醉座客數十伯人貴賤賢不肖總雜酬接厭其意而內不失已家養黠奴甚夥與刁卓等埒不言而肅給內外蹶蹶踏踏如也才謂敏茂大有過人者不得施用于世一試于文再試于家三試于客試于文而未就其緒試于家而不免家人謾菲試于客而客無能爲君一拯難者卒鬱悼結憤以歿良可悲矣二卿氏之言

曰以不穀兄弟無似得幸于王司寇先君子墓下之石
維司寇是冀而頃者復入關有筆札禁是役也舍子無
適矣不佞惟何可代大匠斲而深嘉君之志行有足術
者不宜令沒沒也因爲采其倩秦奉常狀及所耳軼事
于友人所者而銘之曰身名俱泰士之恒蹇產崔賁命
所乘紛此內美重脩能又何卹乎多口憎求全而毀毀
乃稱以爲不信銘可徵

吳太學墓誌銘

太學生吳公輔其名也幼安其字也近台其別號也
歛之南溪南村里其所產也上世不具論唐咸通間始

大風山房集

卷之八十六

墓誌

二十一

甲

遷歛者其祖光也有以孝友聞者其七世祖仁也有以
賢豪自命多長者遊其六世祖崇恕也賈真州廣陵與
父俱以高年賜爵者其五世祖尚瑩也以邑諸生入太
學善相地精方術家範爲子孫世守者其王父正學也
始儒中賈勤儉方正爲衆所賓服娶于鄭舉二子者其
父光言也幼安其仲子也工舉子業數不利于京兆乃
謝去其本末也爲稚子而事王父母能養志沒則哀葬
則以禮其爲孫順也事父母能養志葬祭必以禮而哀
有加脩故業而新之作室則垣墉有塗暨茨樸斲有丹
牖稽田則陳脩疆畝肯播肯獲其爲子孝也與伯兄公

選同心戮力持門戶而高其閑閤外禦其侮析者不言
多寡有無其事兄恭也伯兄倦勤以季父光昇屬之兩
人意無違拂業日隆起則鳩功庀材爲宗祠聯五服歲
時舉祀敬老慈幼周困阨助婚喪一門之內情藹然分
秩然季父夫婦相隨卒託以二孤視之如其弟二孤各
有成也方司徒稱之曰君家季父故才人君復成季父
孤可謂吳氏世不乏季子矣幼安卒而季父之子日困
對簿震風凌雨然後知大廈之岌岌也其收族仁也與
人文一言可久要非意相干閭當之其人自愧而更交
歡鬪訟者得公一言無不服其平皆釋憾如初新安地

大風山房集

卷之八十六

墓誌

二十一

甲

隘而生齒繁食粟仰給四方十六歲荒粟賈騰踊寡人
坐數獨好積粟小饑則平糶饑甚則賑除道成梁以通
往來脩二氏之宮以與談空空敷玄玄者處而誘鄉人
向善人有一長必表章勵相其成覆益其短其洽比鄉
黨也嘉靖庚戌五月十有三日萬曆戊申八月十有三
日其生卒年五十有九也潛川汪巖爵女其配也允清
娶槐塘程太學道賡女繼洽舍蔣宗澤女允寧娶叢睦
汪見龍女其子與婦也槐塘程孝廉子立先朱坊徐州
大夫子守寧槐塘程司徒曾孫孝廉孫履吉叢睦汪文
學子京昌其女夫也琶村大丘之原其所厝也述其事

者猶子允教也狀之者其猶子之師朱庶子元介也以狀來請銘者其子之友程幼輿也銘曰周官六行爲民率孝友睦姻與任卹世衰道喪民無一吁嗟吳公行有秩宗族鄉黨衆所述史狀史銘無曲筆考諸貞珉納而室牀而子孫安且吉

王太學墓誌銘

王公名化行字安甫常之無錫人也曾王父爲贈戶部主事約齋公冕王父爲禮部郎九巖公表父爲鴻臚梁川公重道母華孺人以嘉靖壬寅六月二十有三日生公方面廣額王父愛之吾家大耳兒也少長寡言笑高視闊步類成人家嘗有盜警衆皆竄匿公獨侍母側不去母驚問故對曰吾小兒非所急盜至索父所在公紹以左左乃唐室父得脫人言王氏兒周旋父母間不逃難匪直能孝且饒勇智矣八歲誦毛詩十六補邑諸生十七娶婦是爲方伯虹洲秦公女于時鴻臚公好客客穢雜漿酒藿肉日食萬錢而公慎交遊力行節儉父以豪減產不能佐公游學資外母陳宜人稍振之公語秦孺人而母不以貧薄其壻吾奈何以貧儉其親治具召諸父客來選伎徵歌呼盧浮白迭前爲壽父喜輒盡醉顧謂侍兒今夕良宴會歡樂難具陳而公不令父知所

大泌山房集

卷之八十六

墓誌

二十三

甲

從出也益勵精治舉子業會父暴卒家人因緣爲奸利外侮乘之公私之責數萬迺斥名田質子錢鬻婦簪珥以償或諷公是可小緩公言吾父生不負人歿而負人是我負父母也母弟某公且壯公不煩以家事俾究心于學一切身主辦從勞得衰從衰得白矣因棄去舉子業以例入太學所親疑公雅意功名何舍近而卽遠公嘆曰是安知我男子生墮地桑弧蓬矢射四方示有事焉終其身不識京師何狀愧歟矣遂北首縱觀宮闕苑囿之盛與太學諸生雋茂者游處上下論議曠若發蒙而聞母病請急歸過河間念母消渴須梨漿無所得錢典衣市之持以飲母母霍然良已已自傷貧無祿養泣而目爲腫公體故肥重母病痿朝夕扶掖卧起蹣跚勃宰侍兒皆掩口笑行之十年自如與秦孺人纖膏治生差增于往而母沒介弟及伯子又歿外侮乘之如父喪時公務爲客忍怨家無可脩隙而孤嫗啼號懷抱作惡男女婚嫁經費不足饑饉薦臻衣食于奔走日不暇給極成委弊略血矣尋命畫史寫照又屬工人治木諸子請曰無乃太早計乎公言吾少有大志恥居人下而早失恃險阻艱難備嘗之矣五十非天惟汝曹不以我故失學繩其祖武吾含笑入地耳踰月遂卒公與母弟終

大泌山房集

卷之八十六

墓誌

二十三

甲

無間言殆歿踴踊呼號感動路人歲時存問諸女兄弟不絕教諸子量口脩短爲籍記功有過不譙讓第堅卧罷食令自訟自艾而已族有以女婚人奴者爲返其聘更字良家子歲侵家財餘儋石粟聞友人絕糧因盡乞之晚歲灌園與家人雜作小軒容膝日焚香啜茗寢處其中自六籍以逮稗官野史多所涉獵而更精研方書倦則起步籬間放歌長嘯聞叩戶聲隔竹窺之非其人

太必山房集

卷之八十六

墓銘

二十四

子者循天理務至誠二言也卒以萬曆丁酉十有一月二十日距生之日年五十有六配卽秦孺人男子六人敬一早卒娶温州別駕成某女學一郡諸生娶澄江徐某女心一縣諸生娶雲南僉憲安某女秉一縣諸生娶太學生黃某女繼吳門金某女貞一娶郡學生華某女拱一娶太學生鄒某女女子二人一適故城尹顧某子中美一適都給事中侯某子庠生世美孫男子四人永思聘國子生張某女永念聘太學生浦某女敬一出永初心一出永櫛拱一出幼未聘孫女子八人一適雲間尚寶卿徐某子太學生繼貞一字長寧尹張某女象煒

一字邑庠生陸某子與周餘未字心一婦兄吏部郎安小范者邦之司直也爲余道公生平與所爲狀合因介以請銘公墓銘曰門多仕宦而逢掖大練吾不謂爾賤累世富人而有革無因吾不謂爾貧居易俟命秉心無競貧賤何病孝弟力田漢以選賢爾奚慚焉吾生有涯富貴豪奢蜉蝣薺華厝爾佳城貽爾令名不朽哉王生

方太學墓志銘

少司徒方采山先生退而居里以長者之行矯國革俗而其宗黨孚化者尤衆若太學世叔其人可紀也世叔名用仕上世自歛東遷環山後遷巖鎮歷宋元迄本朝

太必山房集

卷之八十六

墓銘

二十五

洪永間以素封稱世叔王父近山公嚴相父雙泉公尚本母爲尚書鮑公道明女伯用仁十二爲國子生仲用俊郡諸生高等叔則世叔巖鎮十萬家當大邑耕者十一買者十九雙泉公以陶賈業日起會年當傳則令伯子輟經生業而治鹽筴令世叔贊之世叔之少也標邁不循常貫而溫顏和辭上下無所失意卽規人過如恐傷之人多感悟悛改諸賈人强者脅弱衆者暴寡知者詐愚勇者苦怯大氏然也世叔與用事僮僕同苦樂知人善任而因時無一切目語額瞬驚良雜苦之術而所贏得恒過當父病十年不解獨居子舍視藥物相啓居

或并日不食浹旬不寢夜則搏頰呼天飲泣而禱比葬治封樹以身先工作方瘴暑汗下竟趾不爲疲也居恒以幼失學自訟好觀經史及黃帝素問孫真人王叔和諸方書久而奮曰吾聞太學賢士之所關也伯氏鼓篋焉而意知日益吾竊好之入太學交游四方儒林文苑之士馴謹有局量宛孔氏之雍容不足道矣而會有目昔諸醫莫能療自按方飲藥目更大明因以治諸同病者無不奏功蚤歲數舉子而殤人言宜擇法相宜子者謝曰是有天命非人力所與吾生平仰不愧天俯不忤人或不爲餒鬼耳婦鄭強爲納媵鄭產子如驕媵產子

大泌山房集

卷之十六

墓銘

二十六

如駢人以爲德感云嘗以三千金屬其黨爲買山貲而轉相屬者耗之都置不問吾與若俱爲人所誤夫何尤焉日用大羹不致菜食不鑿居不重席衣不充美晚歲營池館莳竹樹胡牀鬆几薰爐茗椀之外無他珍好也又以里人豪奢相競恐其子見可欲而心亂豫章治生多勤儉攜二子居之豫章人樂其簡易佚蕩結契者日衆學士張明成折節下之春秋甫艾二三朋好載酒舟中爲壽風標秀舉遂下彭蠡登匡廬訪蓮社柴桑諸勝蹟而返初解纜見老嫗哭而欲自沈問其故則以子蕩費無資身策也捐橐中裝予之嫗稽首謝請姓名不答

父故好施每置田宅贍人世叔施益廣宗族鄉里衣食不足婚葬不舉稱貸不償道路不治橋梁不飾陂澤不濬坊庸不具者有所見聞必爲擘畫無遲留顧惜之意頌德聲屬於耳其生嘉靖癸丑閏三月二十有四日卒萬曆甲辰七月十有三日年五十有二配鄭公廷松女二子長如驕太學生娶崇德令程公道章女仲如驕娶同里文學鄭公淑卿女女二長適叢睦太學生汪公宗時叔子太學人龍次適槐塘別駕程公道新季子家俱男孫爲綱如駢出爲則如驕出女孫一葬于某余與世叔從子太學之孟及汪太學父子善聞公名其客豫章

大泌山房集

卷之十六

墓銘

二十七

也汪民部君倩方爲新建令悉其行事二子以民部狀來請志墓鄉人之善者好之信而有徵矣銘曰兄也儒父也賈以儒從兄以賈從父儒無爲名府賈無爲利府生也吳游也楚以楚廣業以吳歸土楚貴者重女吳賢人狀女楚舊史銘女是爲方世叔甫

吳慈雲居士墓志銘

余游吳越吳越人往往言慈雲居士之賢也嘗泊富春聞鄰舟泣者語覺有異問之則餘姚楊生也授徒外縣得月奉千金失之盜手一家命懸此奈何因贈之如所失毘陵陸生善詞翰而好上人客游金陵憐其才時規

之君自視才孰與禰正平馬季長兩人卒不免于曹孟德今之爲孟德者多矣不戢且有後患陸生不聽怨家中以大獄居士白之邑大夫陸生露才揚已醉飽過差何得至此事遂解復以二鎰助之贖嘉禾有故家子趙某窘而以其女質鄰人馬氏馬氏奇嚴動加榜掠居士惻然心傷之詰所質錢馬氏故昂其直予之不小靳趙大喜過望請以女事居士居士笑曰是又馬氏我也辭之而更畀以金使復其所京口于生母老而貧無以爲養獨務學良苦爲計終歲之資歲給之應京兆試延諸名士講統察其貧者周之有差浙金生僦居學舍食不

大泌山房集

卷之八十六

墓銘二十九

足于諸家館廩之金生遂成名矣從郡城歸半道有賈者醉卧籃輿中與人睨其橐多金竊負而走居士追之以授賈者語之故曰恐夫夫將甘心于爾以已籃輿送之歸少師事祝先生祝先生喪母無以殯將售其田居士曰此爲親宜然顧八口無以養夫亦親之枝也殆于不可以金賻之已喪父復賻如初凡此皆人所指名可考見者其他不勝數卽居士亦忘之矣居平喜談節義慕宋文信公明方正學楊忠愍之爲人讀其書欷歔泣下曰千古下尚有生氣大丈夫當如是夫正學祠圯白臺卽余公繕之以如千金襄事余公考石紀事首書居

士名居士遜謝不有也居士事父母溫清定省無間所以養志承懼惟其可者父在當湖抱疾窮日并道重繭而迎之至桐江以歸視藥物相起居兩月不就枕不脫衣冠已而母復傷其手療之萬方露禱于神請損已年益母在遠有一菓一蔬一縷一器念二人所未享感然變色潸然隕涕也兄弟急難以身周旋雖踰蹙不顧族伯某之後妻虐其前子強使書忤逆狀迫感殆死居士集家衆諭其母卽質有司吾曹爲證可奈何乃焚書而子始卽安族兄業儒屢空無以餬口飲之二十許年病則日饋藥爲書謝居士居士攬涕如屑也已爲之葬其

大泌山房集

卷之八十六

墓銘二十九

篤于親善推所爲如此在提孩時穎慧無市兒嬉戲態父心異之使受易習舉子業已復受春秋博聞強記屬文敏而佳大司徒殷公見之曰是必令器以其孫女女之弱冠補郡諸生爲郡守竟陵陳公高第弟子入太學太學師有國士之目諸公卿折節下交四方士過從者填門室中儲百家書手朱墨畢備與同志讎問闡繹旁及當世之故利病得失白黑簡心嘗曰學以經世務空文何益酬應書疏翰動如飛幾于一日百函所著詩文數卷藏于家皆斐然有致與人文底裏上露而是非可否不爲阿徇卽貴人強有力者必申其志箴人闕失而

惡夫匿怨爲友者以是人愛而敬之教三子事事物物
原所本始要其指歸而擇賢者爲師友數舉咸之虛以
受人謙之卑以自牧爲訓兩言者居身之珍涉世之津
梁貽後之福澤也伯子十三爲諸生誠之曰昔程伊川
先生十八歲上仁宗書陳王道范文正公自秀才時以
天下爲已任無沾沾自喜必爲君子儒會當入試而疾
作母復疾憂之深遂革諸子侍而泣斥曰修短命也泣
何爲者汝曹力學善事王父母吾目瞑矣起而坐端拱
而逝居士名祚衍字承明先世出唐少微公某歷傳至
介石公某以節孝顯名介石公生鴻臚公某鴻臚公生

大泌山房集

卷之八十六

墓誌

三十

允孝公某亦太學生人稱長者娶嚴鎮方儒人三男子
居士爲長生隆慶壬申某月某日卒萬曆己酉某月某
日年三十有八娶殷卽司徒女孫其父錦衣公某子三
人伯孔嘉郡諸生娶孝廉程公某女有孫曰道長仲孔
碩娶太學羅公某女叔孔馨未聘女四人長適儀部鮑
公某子宇度次適處士羅公某子光祿餘未字孔嘉有
文狀居士行以墓志請與余所聞合質之其里中士大
夫皆曰可銘也銘曰畢世爲儒裹逢掖所居重于二千
石文學任俠聊寄迹孝友教家儀不忒達爲仁義施四
國子孫繩繩食舊德降年不永空爾惜墓有銘兮廟有

祐令問宣昭永無斁

汪太學墓誌銘

今天下佞佛甚矣率婦女而膜拜梵唄捐田宅而莊嚴
金碧貝篋多於經史僧雛衆於甲士然猶淺夫俗子所
趨尚耳惟號爲儒者以聖門良知之學附釋氏明心見
性之說使賢知豪傑墮其雲霧中吾道將爲天下裂甚
可憂也門人程公叔謂余言其里有太學生汪君者以
拒佛名其齋題其柱曰尊聖賢力追正學闢佛老期挽
頽風恒言韓昌黎一代山斗作原道人其人火其書是
矣復與太顛遊致有紛紜之議而理學家尊其人誦其
書此孔子所攻異端孟子所距楊墨也陸氏學流於禪
朱子辭而闢之吾輩卽未能望孔孟藩籬朱子鄉先正
其則不遠奈何倍之余深嘉其持論以爲知者不惑世
自有人問其姓名曰名夢麟字汝禎踰年而公叔以嫠
獨太學生汪高元見則君之子也而君卒矣因以高元
所爲君狀乞志曰此先生所稔聞相慕者非今日丐諛
墓也按狀君唐越國裔自唐模遷竹林而有處士曠娶
吳孺人舉三子君爲季幼有異質里人范左丞直諒多
聞造次依于軌則宰南城時君方髫髻往從受業不爲俗
儒守章句以是試郡邑不售乃入成均壬午試京兆分

大泌山房集

卷之八十六

墓誌

三十一

梗者擬上第主司以溢額罷因自奮曰夫科舉取士起
日晚近使人困頓利祿之路於身心何益構樓藏書充
棟口誦諷手丹鉛而夜無倦色而尤研精于易觀象玩
占以究極潔淨精微之旨每與人談說里耳駭聽老師
則擊節此得周孔心印也樓有琴有古名家法書有彝
鼎多三代宗器讀罷則吟詩聲中金石援琴鼓之穆然
而有深思已臨諸家書一二幅而摩挲諸鼎彝欣然獨
笑客或曰是不犯玩物喪志之戒乎君曰否吾聞之易
形而上者之謂道形而下者之謂器道器固不相離因
器以見道何玩何喪不賢于博奕者乎已入鄒魯周視

大泌山房集

卷之八十六

三十一

甲

孔孟遺蹤低迴久之不能去寤寐若有指授入楚登太
和邇江漢詠江沱漢廣之風暢然滿志宇宙大矣吾塊
處一隅非是游也幾類河伯之自多耳君臂臂勁挺長
髯如戟望之知爲風塵表物良辰嘉夕携所知扶筇登
山命舟泛月酒酣以往拔劍爲桑林舞高歌長嘯振林
木而過行雲不知者目君俠烈豪舉不知其少有宰物
之情行不循俗道不施用故託于山水文酒以取適也
其友詹郎汪孝廉知之曰汪汝頑伉爽博雅忠信純粹
得之學問中深矣君早失母念之泣數行下事父色養
備至事二兄恭而安仲兄遺子木孩育之誨之有成宗

人有贅于鄭者冒其姓衆數千指素相睦以小忿絕往
來解構如初奴產子富而爲鄉三老多不法言之施明
府斥遣之名正言順輿情欲快親知貧者貸不責償或
犯有司默爲調劑疾惡嚴雖強禦不憚面數改而止無
衆寡無小大無貴賤稱物平施人無厭斂身未嘗疾首
感額卒之年高元南游別於屯溪忽泣下高元亦泣復
投淚而言父子天性至親無所解於心非有繫戀恐懼
也秋仲病痺召高元還又數月卒遺言一通略云吾年
五十學業不精一善無稱且有四罪未得事母未及事
君未能化世不信佛未有餘資以周所見聞疾因子孫

大泌山房集

卷之八十六

三十一

甲

成吾志吾願矣其生嘉靖辛酉八月十有二日卒萬曆
乙卯十有二月十有三日年五十有五配戴孺人司理
元毓女子二人長卽高元娶黃太學舜年女次高志先
卒娶吳太學懷訓女孫五人文亮聘吳太學可試女文
鼎未聘文端聘吳某女文儒未聘高元出文康聘吳太
學道茂女高志出孫女三一字朱秘書家子文學之
綬子一字吳太學可學子一字程太學一鶴子高志出
銘曰拒佛而情累無牽死生脩短任天卽禪伯何加焉
學不講而內行靡愆晚節彌堅卽儒宗何忝焉不談禪
理易不附儒名難謂獨中行獨復其誰曰不然

大泌山房集卷之八十七

京山李維楨本寧著

程貞靖墓志銘

程貞靖先生名造字飛躍雲夢人也正德庚午九月二十有五日生萬曆己丑六月八日卒明年四月十有四日葬孝感縣夫子山之陽配張孺人先卒子三人伯曰鄉賓載良娶周繼熊有子式勛式業式和爲諸生者二仲曰學生與良娶楊繼李有子式猷式謨式烈式功爲諸生者一叔曰進士德良娶趙有子式仁爲諸生凡曾孫若而人女孫若而人曾女孫若而人婚姻皆著姓雲

大泌山房集

卷之八十七

墓銘

一

程

夢於楚最爾國而程氏備福曼壽子孫多且賢里閭言言邑遂望楚則先生之爲也先生蓋明道十四世孫南宋時祖顯吉扈蹕渡江家黃岡三傳生本元季遷雲夢高皇帝辟授邑教官以直諫顯代藩擢同知汝寧府事其遺宅在今學宮右本生易易生升升生春霖春霖四子伯遠仲近季巡叔卽先生甫十一歲喪父兩兄私其有先生與弟十不得一卒無怨言巡長更斥已產予之爲之娶婦母蘇病不解衣侍藥或至竟月沒後每奉耐祠下涕泗滂沱居恒布冠褐寬博非極敝不易少年好奇服者目攝之是人妖也治生貴纖嗇而好周急資計

差溫分散與貧交疏昆弟賴其存者百數鄰中疫所善

胥絕往來遺伯子視之迄無恙糴者誤多入直馳使追

償之族衆累千事小大一咨稟出片言無不款服某

子甲以私憾構人大辟力爲解釋歲饑盜起望先生之

應而返曰仁人也犯之不祥居邑門外外戶不閉邑令

高先生行誼以鄉大賓禮者三部使奉詔書賜爵一級

爲一服拜賜卽謝去自束髮至白首與物無競輯顏溫

辭不別少賤唯教諸子孫則瑣科條嚴準繩諸子孫無

敢以媒見德良司理重慶時以廉平爲訓旣坐口語歸

橐中無一蜀物先生喜曰使兒爲臺省孰若爲清白吏

大泌山房集

卷之八十七

墓銘

二

程

已改河南理手書勅之第如蜀治行毋以毀譽改錯亡何疾作旬日不食至期沐浴衣冠揖別其家人乃瞑邑薦紳學士以黔婁文中子相方而私謚之曰貞靖義取於不隱無屈寬樂令終云江夏郭太史美命狀先生行甚具采而銘其墓曰五福一曰壽耄矣貽背黃耆三曰康寧而沉冥無搖汝精無勞汝形四曰攸好德樂其道根心生色乃見天則五曰考終命體全而歸順受其正所不足者二之富此阿堵物故不屑就吾取箕疇更而爲之益曰子孫其逢吉按謚與狀而名其德曰平康正直會歸皇極皇斂五福宜汝錫

譚隱君墓志銘

吾邑有隱君子譚一甫者孝廉伯趙父也嘉靖甲子郡丞蜀張公攝邑篆試得儒士五人伯趙爲首才十餘歲姿儀玉潤衆驚問誰家郎君或對曰是老儒生譚一甫子于時里中別駕桐野李先生深器伯趙以仲子茂才蒙澤之女妻之而君固辭齊大非吾偶也余心服慕君想見其人曾有四方事不果既十年先大夫請告伯趙從游與諸弟交甚歡又數年余遭先大夫喪歸見伯趙于思矣其文行日益著余往還始密因緣得見君君于思與子同而癯談論出入經史疊疊可諷聽家城東十

大沁山房集

卷之八十七

墓銘

三

程

五里而遠曰觀音崖泉自崖下垂如瀑布旁出溉田所負連山所面大野殊有勝覽好事者鐫崖之石曰宦遊一快遂自署快崖歲時從社中人載酒其下話桑麻較晴雨已更敲棋呼盧相與酣飲或踞石而臥斟泉而浣倚杖放歌而誦考槃之詩曰吾以此棲遲以此忘饑永矢無譏矣人乃目爲隱君子云君父軒初娶于戴早卒繼娶于申實生君戴無子有女兄一人歸于羅同產女弟二人歸于魯若李君友愛特甚偶吳亦推君意事諸姑甚睦魯若李奩資悉取給君無何父卒君擗踊而號傷哉貧也生無以爲養死無以爲葬雖然有古人之訓

在內稱其情而外稱家邑長者善之是子也孝而達於禮無何婦翁卒有嫁禍其廢者以身爲捍蔽事得解里人子弟就君學稍資月奉供母君復哀其貧者脰脯不具無所問母卒又爲衣食諸弟比伯趙以諸生食廩所授生徒月奉倍君君又旁推及其宗人宗人數千指炊烟相屬溫然如一丘之貉故嘗甘心其父者後大陵遲爲覆護使無失所宗人彌愛敬君矣閭閻當車馬孔道道反背于形家不宜里長賦者征斂無恒舉宗病之命伯趙言有司興除其利害鄉鄰有爭爲居間一折諸理衆聽命如律令士大夫游巖泉者聞君賢造謁觴行酒盤

大沁山房集

卷之八十七

墓銘

四

程

行藪款之終日客對君亦若飲醇饗大年忘其共具之儉也君閑達大度中情見貌卽御諸子女臧獲未嘗有疾怒容而吳媼以嚴相之內外肅給君不復齒及生產自頃里俗澆漓子弟稍進取則父兄恣睢而君不因伯趙意氣加昔左右或言旁畝不拓如食指何君曰求田問舍此陳元龍下床客耳吾恥之夫舉子古稱孝廉吾以子富非廉子不以廉事父非孝洵能行此二者所得贏矣少受詩江右郭先生更受易邑南川王先生先生門徒甚盛推公爲冠邑大夫李公試君文在高等君貌短小遠巡弗敢任李公命兩隸掖以行繇此知名然

數奇竟不得占博士籍而伯趙小時了了盡以所受書授之已又授兩孫內外傳兼資不督而成伯趙初舉君勞之曰吾家耕且讀數世即吾學四十年至兒而後成名大丈夫能事詎止此乎兒勉之而伯趙又數困春官君春秋險者則謂伯趙何不乞一博士書所云教學半也伯趙待次都門心忽忽如有警遂請急歸歸則君時置酒與宗族父老高會令子孫侍誦說往事慷慨不勝情又數月乃卒是為萬曆壬辰十有一月二十有五

距生正德己巳六月二十有一日年六十有四卒之明年十有一月二十有二日葬巖東南原所自卜兆也君

大泌山房集

卷之八十七

墓銘

五

程

名秉爵一甫其字三男子伯完即伯趙仲亮叔充一女字茂才董教子天策未行而殤伯趙婦李即別駕公所許其母周太食伯趙二十年見壻舉尋卒君曰兒非婦之母無以有今日即貧當報德為經紀其喪盡力男子二人如絲聘孝廉夏崇謙女如綸先聘余仲弟孝廉維極女殤復聘余少弟光祿丞維楫女如繡聘茂才王寅女女子四人一字茂才魏啓秀子九功余妹氏舅西安公家孫也一字太學生胡宗沆子械一字貢士王玉子應鏘余外父光祿公季孫也一未字亮婦關處士男女男子二人如綱如緒充婦吳處士益女男子一人如繼

女子一人字處士里應宿于世賜銘曰周士所歸黨正州長族師閭胥敬敏任卹孝悌睦嫺有考有書齊修內政鄉長復事君親問諸居處好學慈孝賢仁有其人歟匹夫有善上莫不聞拔茅連茹胡不逢時以此河澨冥君檀車轡之甫田君剪其茨為苗為畝貽爾子孫百穀用登翼與與我瞻東南有宮一畝有丘畢如過者趨之來者式之隱君子居吁嗟乎君生無不足沒亦有餘

徵士方君墓志銘

方徵士名大經字元常自號梧石主人歙人也其先炎帝裔以功胙土方山因為氏代有聞人漢方儲宋方

大泌山房集

卷之八十七

墓銘

六

程

回明方顯最著七世祖炫三生道裕道裕生社達社達生永旺永旺生明祚明祚生尚寬娶于劉生徵士父母蚤世其王母繼也而有兩少子不以徵士為子數而厮養畜之外翁摩挲其頂曰是兒有奇骨目若縣珠當成宅相吾女不亡矣時時周給之既冠受書成誦外翁死粟不足無所嫁罷書嘆曰大丈夫寧槁死乎父母柩槥簪珥寓諸他所蓋勵有存者取以服賈善心計走陳毫維揚間以為維揚江淮綰轂其口四通貨物所交易也居五年稍贏家有遺宅直可千金而仲父死其妻與季父將售諸鄰人汪氏子而族人欲得之者直不及半且

須三年兩家不能忍徵士慨然曰吾聞大宮之椽爲門之椽君子恥之重棄先業也方氏失之方氏得之吾祖考庸有憾焉議遂定而自卜一廛督工人織以帛易粟因歲豐歎爲出入遂致巨萬族有以其里第操書致來者徵士喜此吾向所以持叔季不欲與鄰人者也可爲吾桑榆之收矣亟以善價畀之貲既饒痛父母不逮養衣食菲惡而歲時伏臘享祀極豐言輒垂涕季父折閱數解橐裝爲助仲父子落魄以本業之數敗數更給曾無倦色仲母稱未亡人二十餘年朝餐夕餐供給無乏租庸所需以一身任客或諷之若不憶昔居約時事

乎以德報怨非人情徵士謹謝之曰吾不得事父母見似父母者猶父母也骨肉至親非外人可論德怨且緩急人所時有若能爲石人耶客服公長者後福未艾也感外翁知已篤愛其子子死則存其孫母之黨數十百人待而舉火有貸而行賈于荅雲于荆門于豫章者或以失策損橐或故匿其母錢或累數百金不問配劉媪少同食貧相助爲生有繼之者矣思劉不忘亦善視其黨同人吳甲昵狹邪沒其貲化誨之冀自新甲反噬徵士私語其子是夫天奪之魄必無生理多與金錢遣之無何甲不良死眾謂徵士能以智行其仁晚年以真州

田地善可家當國中爲列肆左右爲質庫爲序室後爲閨閣斧藻鉤繩事精整皆匠氏意想所不及居鄉惻恻若不勝衣若不能言稱人不爲諂與人不求備不報無道而疾惡如風忍弗能見改則待之如初餽饌掩骼治道成梁濟僧繕祠諸義舉叩之立應撫章僕共甘苦樂爲之用敬禮四方豪賢供張具物若孝廉南越鄭公豫章劉公徐公陸公每過從必兼辰累月乃已鄭公目之萬石君張公藝云稱耆之歲宗人徵文少司徒氏爲壽遜不敢當司徒一言使人重於九鼎大呂幸甚顧何德以將之且吾父母不獲中壽念之殆不欲生邑行鄉飲

酒禮禮爲大賓復固辭物莫賤於妄授微一時之寵以辱大典負乘招寇不祥莫大焉君子嘉其退讓善持盈也徵士雖不竟學暇日于史傳多所涉獵居以二子侍游以二子從諄諄訓之不休決事成敗判人臧否類通達儒生故壯無疾繼室支病其家以李醫來治見爲鴻術偶徵士小恙醫誤以滯而下之病滋長長子之孟乞靈茅君歸則不可爲矣詔以孝友儉讓四字復諭家老母忘舊恩遂卒支後百日亦卒徵士生嘉靖甲辰十月三十日歿萬曆戊申三月二十有四日劉媪行事具民部程子鑒宗人侍御元彥狀誌中支爲儀真衛萬戶蘭

女劉生之孟娶朱方徐佩女有女兄適鮑司徒孫同甫
支生之賢娶荷池程敬裕女孫男三人順孫節孫茂孫
之賢出女一之孟出俱幼未聘字之孟介余友汪士能
乞余志而銘之曰五載而興高大其門自遠有耀以方
氏間本義率祖本仁率親富而好禮宜其國人天之困
女王女于成既富且壽多賢子孫以報女德身沒名存

方外史墓志銘

歲乙巳冬方建元以其佳日樓集屬余邑洪明府寄余
俾爲之叙明府建元里人也會余起家領鄜延節拮据
兵事明年夏小休叙成以復明府及建元同姓中爲河

大泌山房集

卷之八十七

墓銘 九

釋

西小吏者致之蓋三年而建元卒踰年余始聞又踰年
其子來乞志墓則前所託寄皆已至獨建元報書浮沉
耳憶余客新安汪伯玉先生與弟二仲亟稱建元也攜
之過其館中論詩詩大有致而是時建元墨名滿天下
詩乃以墨掩旣與久游至今垂三十年而知其人以墨
與詩掩也建元父時通初娶于胡生伯子大衍已賈江
陵娶于陳生建元幼而穎悟物至能名好讀屈宋騷賦
漢魏六朝李唐諸家詩而又好游西入楚蜀至夜郎北
入齊魯燕趙至薊門盧龍諸塞上感事弔古形之篇咏
諸名士延入社中據左席浮白長嘯醉或累日夕軒臥

忽寤而伸紙揮毫多奇語人益異之又好從少年短衣

楚製馳馬試劍牽黃臂蒼捕生疊疊而返或過青樓自

度曲被歌聲五木六博諸戲錯舉遞奏又好救人屢振

人不瞻所席父遺貲揮斥殆盡亦會有病遂歸而婦已

產子持門若丈夫一切家政聽之不復孰何第研精于

詩汪先生爲豐干社能詩者推遜建元顧其家貧汪先

生策之曰吾郡故能爲墨羅氏與金同價今亡矣子何

不爲墨古人遠山磨險瘳以助文思是或一道也且可

治生豈賈豎之事汗辱之處如楊惲所云乎建元諾命

其子按朱萬初潘谷郭圯李廷珪父子諸家法選煙和

大泌山房集

卷之八十七

墓銘 十

釋

膠墨成傾其郡中所稱名取象本六經綜百氏通三才
該萬有尚方底貢文苑借資四夷爭購以爲環寶語具
墨譜中故爲墨者嫉之百計務出其上卒不得無所發
憤則中以獄財勢所使無如之何走京師避之久之事
解而在困難時吟咏不輟識者益服其雅量會怨家身
扞文罔衆皆快之建元詔其子曰告往知來始可言詩
吾以治墨而信學問之無終窮也吾姑與若言墨若以
非煙至乎進之而有寥天一進之而有九玄三極夫詩
抑若是則已矣故建元墨晚逾精汪仲嘉品之曰青麟
髓歛令方伯文海陽令李宗甫譽不容口兩君者不直

知其墨又知其詩與其人者也建元雖跡弛不羈而行
先倬倫上世居聯墅無宗祠傾橐之半借宗人侍御創
爲之父祖以上久未歸于土卜兆而厝之與婦白首無
反目傷其兄無後晚納姬生子以爲兄後命曰繼伯事
丘嫂潘二十餘年葬祭備物佳日樓不戒於火所藏書
畫化爲煨燼惟集與墨譜在神所訶護非偶矣疾作三
日而歿遺訓有云益者三友善交在久美者自美醜者
自醜譽且不虞毀於何有其襟期夷曠識趣高明畧可
徵已建元名大澈字于魯後于魯墨入大內因以字爲
名更字建元卒萬曆戊申正月二十有二日生嘉靖辛

大泌山房集

卷之八十七

墓銘

十一

葬

丑五月八日春秋六十有八初室于汪繼楊汪一女適
臨河程雲龍一子卽嘉樹枝藝文藻肖其父而娶同里
汪雷女庶子一卽繼伯聘同里鄭大廉女孫男三文羽
聘谿南吳弘松孫女文翼聘同里江太學起龍孫女文
翀未聘孫女三長字上里殷太學宗儁子餘未字某年
月日葬某爲狀者程民部坤輿李民部宗甫宗甫卽海
陽令也兩君目以外史因其名而志之銘曰魏韋仲將
有墨方一點如漆何精良其人能書能文章大兒北海
孔文舉貽書甫休深見許老蚌產珠保家主方建元墨
誕齊名翰林主人子墨卿墨瀟淋漓筆花生文敏篤誠

性貞實以韋方方類畫一孔氏之言史今述銘之石
瘞之瑩維詩有神墨有精與爾精神高九京

東嘉方君墓志銘

方湯夫客劉比部公所其兄子謙客余塾中時召日者
及善相人者問狀皆云不祥心憂之貌爲日瘠今年春
湯夫卒踰二時子謙始聞訃而哀不自勝飲泣向不佞
曰先君遺腹子也吾弟又遺腹子也而皆蚤世天之降
割余父子兄弟甚矣然度可以不死余父子兄弟者有
太史公之筆在先君拜表墓之辱請以其緒施及吾弟
吾弟貧且賤要不無可述者具劉比部公狀中比部以

大泌山房集

卷之八十七

墓銘

十二

葬

讜正著聲不輕許人太史其采納之按狀君諱日新字
湯夫父曰茂才道言母曰嚴孺人先世詳在家乘君生
不見父十歲更失母其哭母也中於禮所謂孺子慕者
是時兄子謙未受室里豪齟齬百端方氏危若朝露而
外大父嚴翁出佐邑外大母王孺人來就方氏家鞠育
二孤二孤小有生色君受經塾師所覽誦不怠久之爲
舉子業有緒而性好山水時杖策赤石陽湖間眺聽嘯
歌終日不爲疲久之復好爲弈里有鮑一中弈品于永
嘉派爲第一死久矣從故老得鮑所藏秘法案習之遂
盡其術時復有李中周源徐希聖周徐亦前君死獨李

在君毅然請往試李不能敵而維揚亦有與君同姓名者及兄子謙咸國手于是人號君東嘉小方云然不欲以小數自名更極意爲詩詩成衆交稱善也嘉隆以來名山人者鵲起游貴顯坐作聲價君竊耻之故足跡未嘗至京師所最稔爲劉比部比部上書言事謫閩及歸慈谿游武林宦濡塢君皆與偕偕或經數歲手談或累月日不輟比部從濡塢朝京師而君病比其返也未浹二旬沒矣沒時不以妻子爲念唯自惜費精神無用今而後知有歸根復命所耳比部初從導引師有得以語君君始疑而終信沒後比部夢君以一紙相示覺猶記

大梁山房集

卷之八十七

墓銘

十三

其末語云余性嗜弈余志言詩悟道成真形神妙時亦異矣君生之年爲嘉靖乙卯閏十有一月十有八日卒之年爲萬曆戊戌三月十有八日年四十有四娶西關谷氏女子三伯履亨聘戴宗乾女仲履吉聘千石寶應簿王之臣女叔履長尚幼女一未字比部既歛君召仲子來輦以還而子謙亦辭余歸謀葬君先世之丘余以子謙悉君父子後有子而先無父居布衣之位富能行德貧能抗志此所同也父子二見其一子得見三子父年二十有五子庶幾倍之子有哲兄而父子遺父正襟脯下子客死此所異也至以出世法觀何同異之有不

佞第用世法如比部目爲之題曰東嘉高士方君湯夫之墓而銘之曰生也永嘉沒也合肥爾有良朋道相謀今無違沒也合肥葬也永嘉爾有邦族魂歸來今無遐奔耶詩耶託名游藝寧惟奔詩爾生亦寄四十四年浮漚夢寐朝聞道夕死可矣爾所聞者云何嗟九京其誰起

處士潘君墓志銘

太史公傳貨殖子貢范白其人豪傑貨殖特餘事耳故以爲首倚郭保寡卓程孔任刁間曹邴師史橋姚無鹽行事差可紀故次之關中田杜若販脂賣漿酒削胃脯

大梁山房集

卷之八十七

墓銘

十四

之屬無得而稱焉故又次之其文體議論多於叙事與他傳迥殊又曰能者輻輳不肖者瓦解其人能且巧自可傳況賢此者乎余觀某所爲潘處士狀抑其次矣處士昆弟多文學能爲司馬家言猥以余承乏太史屬爲之志志曰潘處士軌歛嚴鎮人也先世自婺州徙宋有隱君子洋發以節聞數傳爲稷憲稷憲二子長桂林次桂挺桂林娶于汪生處士五歲父卒女弟尚在腹資用乏母子號咷也處士奮曰人生安能老與親相守顧自立何如耳仲父異之兒志量若是吾兄不亡矣稍長從仲父之昌江爲陶旒賈器皆精良無得以髻墾薛暴相

售少有則弛贏旅時斂餘爲僧首率已轉轂百數賈梁陳魏趙間已用鹽筴賈淮南致鉅萬其州人號上賈矣處士有心計言利事析秋毫然如布帛之有幅焉毋過取又立義不侵爲然諾一鄉人推之祭酒顧益退遜席處下道讓左暑不張蓋出入不以車騎所居萬貨之川賈人豪奢相雄長獨皂帽褐衣周旋其間居毫逆旅賈氏子同蓐食遺三十金而去使人追之道相左日且入而賈氏子還舉以付之不受謝或失算而少受直者必語之故且示之算以此人人稱處士長者趨之如歸市稱貸率十而取息三處士第取二時時焚無償之券捐大泌山房集 卷之八十七 墓銘 十五

居室爲我善視猶子他日庶可見吾地下已而輜復卒仲父家四嫠婦二孤子送死養生事物備具十餘年父之所敬亦敬之父之所愛亦愛之伯子不食其言矣處士卒之日詔家人焚香舉手誦佛號而瞑是爲萬曆戊戌六月二十有五日生嘉靖己丑十二月九日年七十配況碩人以勤儉佐處士卒擁高貲恨不及事姑歲時祭必豐訓子若婦有禮法事處士卒父之妻子季父之子若婦一如處士指先處士十年卒二子伯即瑣太學生富而好行其德娶吳氏舉二女仲瑾亦先處士卒娶亦吳氏處士所操錙銖耳積累倍千戶侯可謂曰能其還遺金不倍季父恩求之貨殖諸人豈易得哉天命不伯耜老得正而斃豈其伴福于回惜不逢龍門著錄史記中志惡可已也銘曰古有五月披裘而負薪不取道遺金延陵季子實使之將無見人故立名不過從兄飲矯情哉第五倫一夜十往視兄子退而安寢何爲無私自其真心潘處士見金不見人全而歸之非惡其聲撫四從弟家有成疾革詔子復諄諄能使子奉之迄今維兩端發至誠賈人業儒者行疇傳貨殖視茲銘鄉祭酒吳翁墓志銘自頃里中宿素衰落無論右姓通人卽田庚褐父曠若

曙星豈陽九百六厄運固爾耶邑西北境有右溪吳翁者白首耄艾魁壘之士也天不憖遺一老翁復捐館舍矣子若孫所爲翁狀數千言斐然成章介余叔弟乞銘墓中石叔弟于翁爲從子壻核其言非誣采而志之使後人傳耆舊者考鏡焉翁名希名字宗實所居富水里大陽山之右清溪帶之自號右溪主人先世祖廷章自吉安徙八世至明爲處士瑜瑜生茂才敬年八十有五以令德賓于鄉敬生處士伴山翁價比德於父是生翁翁仲子也少有異質啼聲覃訄載路稍長受書善記卜筮星曆醫藥相地相人諸方伎家言無不綜覽談者莫能難釣獵騎射五白六博擊筑高歌伏習者莫能勝也會伴山翁爲里豪所漁奪亡厭翁禦侮疲於奔命乃謝去舉子業曰國有六職王公士大夫農夫並列周官吾竭力耕田供爲子職而已矣與僮僕並耕暑雨祁寒十九野次而又善祭土宜觀天時陰陽晦霽穰美衰惡坐而策之無失歲率大獲居人驚相謂力田不如逢年殆不其然不見吳翁力奪歲權以故不窺市井不行異邑無秩祿之奉而所入與千戶侯等旦夕具精饌奉父母請所欲敬進之几杖衣裳惟適之安脫有疾藥必先嘗不浣櫛而侍其執喪哀其舍榭棺槨葬祭豐其治生類

白圭忍嗜欲亦類宣曲任氏先畢公事而後及私三黨之戚大氏無慮數百人無貴賤少長賢不肖曾不以惡聲忤色相加遺餓者食之病者療之沒無歸者瘞之婚若嫁者助之爲排難解紛而以金報謝者卻之鄰人子爲穿窬盜而獲者慰而遣之其後悔過自新則獎許之嘗有細人構翁於邑丞丞所丞持翁而貸三十金亡何丞卒翁聞輒還其券夫宦而乞貸又不幸而客死吾殊憐之安忍修卻從孫季習孤而貧翁資之學迨舉於鄉所貸前後四十餘金踰年卒人言其婦裝送不薄可收責也翁覺然曰吾家二百餘年代有隱德至此子而始登賢能書曾幾何時而失之是不惜而惜區區者乎所鄰善田宅以書致來必與善賈買或過當傭田者或數通其租或越疆而侵或負其子錢並母錢失之不校也平居好古人嘉言善行書之四壁皆滿里社燕會過從媿媿稱說之以相風厲環里之左右道靖佛廬徒杠輿梁出翁繕治者強半緇黃瓢笠多歸之中歲作勞善病忽有道人詣門款語翁識其不凡告以病狀道人搖手是非藥石可愈授以導引術別而問其姓名指口者再吾幼辭家學道今毫不省記矣其夜翁夢借羽士登崑崙崑崙苦弱水不可以舟羽士飛渡去驚而覺如其方行之

病良已因瘡再指口者呂也蓋純陽云爲詩自傷恨相遇之晚已遇高僧說法長慶禪院而心善之每歲孟春掩關習靜法華楞嚴圓覺金剛諸經瀾翻在舌大洪峯上楚之名山往祝釐者數矣朱顏素髮步捷奔馬游人望之若仙屬有詔賜民高年爵一級譚博士宋明府焦別駕及邑諸生先後舉翁行誼與詔合翁不應所親強之如格明詔何且夫逃爵祿者謂有職事則有勞勤有寵辱則有憂患今爲帝外臣雖褒衣博帶何病翁飜然服以拜賜邑鄉飲酒禮翁大賓翁固辭邑固以請亦勉就之酒一再行促駕歸指城闔而矢之是不可再辱吾

大泌山房集

卷之八十七

墓銘

十九

程

足矣治園舍旁喬木修竹窳窳蔥菁池魚林鳥充仞其中時而抱甕行汲時而拄杖長吟勝引密戚臭味合者班荆浮白極歡而罷初娶于鄒繼娶于賀皆無子以伯兄仲子沛爲子十六而爲諸生十七而娶周處士滄女十九而天其季第生子天授三月而孤翁育之亦爲諸生天授凡三子則又以其少子季重爲沛之子季重之生也翁感異夢取諸其母之懷而與賀媼乳之小字之曰繼九九年而翁側室陳舉子天祿翁年六十矣爲季重娶賀處士尚金女生子二人曰兆崑曰兆崙生女一人爲天祿娶賀處士王女生子二人曰昌曰瑞翁日置

左右號咷嬉笑應接不暇忘其日之永歲之不與也翁故用勤起家儉守之而獨爲子孫購書延師不惜費日丁寧督課此吾未竟之志也勉之矣季重已爲諸生天祿冠且婚翁年七十有九而後倦勤語子孫吾將爲陶朱吾將爲陸賈女曹垂拱蒙成無乃以情弛乎其析著而居庶幾知小人之依知稼穡之艱難又二年萬曆癸卯十月有九日翁卒距生嘉靖壬午十月十有四日年八十有二先期子孫奉觴爲壽中夜對案不食吾其逝矣寢疾五日而卒翁六十以前無子子其兄之子亦夭而後有嗣孫有孽子子復有孫孫復有子隣人不戒

大泌山房集

卷之八十七

墓銘

二十

程

於火比屋延燒惟翁廬無恙言厚德食報者以翁爲證云墓在夢更山之麓生時載酒其間顧而樂之爲竈而封之若馬鬣左爲祠祠里所爲慶佛寺周遭手植木千章大可蔽牛犢器輜車皆備曰他日不欲煩子孫其達如此銘曰目而爲唐壤父爲虞石戶之農其業似之而綠飾經術亦何雍容目而爲楚狂爲漢陰丈人其標似之而廉不絕俗隱不違親目而爲晉復陶爲岱榮啟期其年似之而田園之樂子孫之奉罄無不宜目而爲秦公士上造簪梲不更其爵似之而以德舉非以賄成目而爲漢鄉三老有秩嗇夫其政似之而遊于物外吏道

無拘與天爲徒與人爲徒先民餘裔後進楷模

程叟墓志銘

余傳叟之再踰年爲萬曆己丑歲起家游梁未嘗一日忘菟裘也以叟伯子善形家言屬之物土方量事期因而護作事鉅細惟所肇畫叟時時謂伯子士爲知己死乃公幸健噉無以內顧分念又再踰年爲辛卯叟趣伯子視余梁署中間者闊焉李公不聞故人讜言矣則更手書其持齋時所爲偈遺余而終丁寧之曰君行縣處囚竄失不經此無量功德也余甚味其言非長者烏知此乎其秋余移度州有采薪之疾伯子自雲杜返新安使人要入虔留治藥石甫信宿伯子心怛怛動亟請行固留不能得衝風雨發舟是爲十有二月十有三日其明日叟卒於家伯子以明年二月十有一日葬叟梓木坑省南塢中負辛抱巽而余病免里居伯子復匍匐至楚飲泣謂余夫使孤不得奉家大人含殮爲世大戮者唯君家大人知孤忠于友沒不以孤不侍無視不合者亦唯君能不朽家大人俾孤有辭者亦唯君若其圖之余傷叟以余割父子恩高誼未有報卽不文何辭而處士生平行實具傳中無可益稍採其世系與傳所未載者志于墓之石叟名神保字子安家祁門善和里山中

大泌山房集

卷之八十七

墓銘

三十一

饒松石自號松石老人學士大夫慕其賢詠歌甚備父周母林其祖珍武者奉神不如暈叟從遊四方受其教而行之五十年不易娶於李爲黔三老萬山女有婦行少叟三歲踰八十而後奉神一如叟叟大喜朝得正法夕死可矣叟素強無疾病伯子按太素法診脉多效叟獨不令診吾晚稱心安居士自以於世大耋卽死固當悅脉兆不佳徒亂人意至臘而七箸口損兀兀無言叩之亦不應忽呼其家孫可行詔之曰乃公踰艾抱孫孫有室十年未抱子其速置側室今長往矣不及與而父別所居面傍雲山有石巖鑿龕深三尺廣倍之如丁蘭刻像祀其中寄聲而父李公石交無相負也公鄉以月奉餉乃公乃公藏諸笥其爲石橋濟鄉之艱涉者必丐李公記其事而父年且六十可勅斷酒肉同乃公極樂界遊耳大道何言言必有生遂卒距其生正德丁卯十月五日年八十有五男子三人伯大中娶于李有子可行次大經早卒無後次大立亦蚤卒娶于汪有子可學女子二人長適黟學生李日華次適邑馮世望孫女三人所適與孫所娶婦俱邑著族叟卒之日三黨鄉鄰數十百人臨哭盡哀爲文而誄之先是邑令常公直指使者孫公察叟行旌其門授之冠服處士一再御而已接

大泌山房集

卷之八十七

墓銘

三十二

籬褐寬博衡門之下衍衍如也仲尼有言民可使由之不可使知之觀之彖曰聖人以神道設教而天下服叟仁厚自其天性以奉神故益虔早服重積壽考且寧得正而斃固其所也一切歸之於神儻所謂日用不知者耶然于道無畔矣銘曰何以養生曰無侮生何以事神曰能事人生匪陳人沒亦明神而已返其真其子猶噉然而哭者天性之親無解於心

劉處士墓志銘

竟陵東六十里聚曰皂角市據隄水下流而三潯滄浪別匯爲湖脅帶其左市可三千家其人士著十之一自

大泌山房集

卷之八十七

墓銘

二十三

四

豫章徙者七之自新都徙者二之農十之二賈十之八儒百之一自豫章徙者莫盛於吉之永豐至以名其間而永豐莫著於劉氏劉氏之先業儒南宋時有爲侍御史者入明七代孫純正賈楚樂市之土風因家焉有子六人其五曰珙秀賈之餘以治農有子四人伯曰河農與賈兼之而有儒者行以父稱東津居士君亦號少津云母昌同產弟泐池淳繼母鍾有弟濟女弟適庠生甘桂父卒而濟尚幼事繼母甚謹兄弟共釜而食其後食指繁室湫隘不能容乃別置第母往來諸子家獨留君所久淳蚤卒抱哺子應朝爲嫁其女於丘岱君之卒也

皆爲服三年如父母先是鍾疾甚君爲醫藥禳禱憂瘁不勝鍾竟無恙君故使會溇畧之田間風襲肌歸而頭岑岑也又強起治生產病乃革不數日遂卒母枕尸而哭之曰天乎何不以老婦易吾兒夫繫劉氏安危者兒也君孝友大致如此娶於張生二子長應光娶於鍾卽母黨孫次應召娶於董孝廉曆兄文學春女也君恒自恨不爲儒以儒課二子而皆苦病不能就其業余先世亦徙自豫章爲君同郡人先王父朝列公與君父布衣交見君兄弟市不二價而善之余自史官出叅陝藩道喪兩子先王父聞君有息女因令先君子委禽俾來助

大泌山房集

卷之八十七

墓銘

二十四

四

道君嘗入陝視女余爲督學使者吏有罪受笞數十君從壁隙窺大吐舌吾乃知惡之不可爲也雖然吾聞陰德可以裕後昆自今請公小寬之余婦王孺人善病以家秉授君女然君益自遠孺人重君歲時走奴婢問遺君夫婦有加禮君暴卒孺人趣助之棺余新得傅氏地距市里許卜之吉孺人告余以葬君負甲抱庚君生嘉靖辛卯十月十有八日卒萬曆戊子後六月一日年五十有八葬以庚寅正月三日銘曰謂天之胙善爲可馮而胡不遐齡不盡之福子孫是承謂而幽宅之相爲有徵而魄旣寧寧而子孫施及而女慰而冥冥

吳翁墓志銘

吳翁名天敬字元誠休寧隆阜人也生嘉靖己丑八月二十二日卒萬曆己酉七月十有一日年八十有一子四人元配臨溪程萬蓄女生伯守任仲守心皆太學生副汪媪生叔守廉季守學守任娶隆阜戴大模女繼戴沾女守心娶萬安何育女繼金元女守廉娶隆阜戴春芳女繼西山金時化女守學娶隆阜戴元秩女凡孫十有九人可章文獻可訓可諫守任出也介士可取可寬可進可遷守心出也可羨可漸可就教可懷守廉出也可求可前可託可寄守學出也可章娶潛阜太學金春芳女文獻娶閔口項文泮女介士娶林塘范格女可訓娶古林黃某女繼塘干程某女可諫娶溪頭王道燦女可取娶率口程某女可羨聘商山程某女可寬聘隆阜太學戴某女可求聘漢口庠生程瑞星女可進聘閔川太學畢世芳女曾孫十有九人智高智聰智大智奇智深智永智睿智樂智慧智嘗智善智度智遠智堅智達智周智亮智浩智煥智高娶萬安何境女智聰聘汪干程某女智大聘涪田程某女智奇聘商山程某女女一人適萬安太學何文耀子基孫女六人一適隆阜庠生戴麟猷子鳳翀一適漢口程瑞星子曾孫女二人一

大泌山房集

卷之八十七

墓銘 二十五

程

適隆阜太學生戴某子餘未字某年月日葬翁某所其先世居吳田國初天祺公徙隆阜數傳為勝宗子振熟振熟子世騰號雲巖公世以本富至雲巖益饒舉五文夫子翁為季性醇謹質直一切偶睦智故無所雜糅諸兄經營江淮吳越間翁獨家居食指幾千歲費數千金父老而傳翁為政日賦食歲賦衣器具薪蔬膏火之屬必均四時若伏臘薦寢展墓之物必虔宗姻里黨弔慶酬往親疎隆殺之節必稱父母意所欲出而言而喻諸兄弟子商者給資斧學者給載贄昏嫁者給財用鷄鳴而起督緘獲力作至丙夜不休息蓋數十年出入數十萬而私橐不益秋毫析產不擇美惡諸兄弟化之時靡有爭五人皆齒危髮秀之老相得亡間諸子婦亦欣欣愛戴季公也里俗富人車輿衣纂錦馬飾傳旄象帷幕茵席詭文繁繡耳聽滔朗奇麗激珍之音目眈冶由猷醵粉翠鉛紅之色陳酒行觴以夜繼日翁一尺綰好童童而不致文一勺粟飽蓬蓬而不致褻禮足以將意樂足以宜鬱則已矣人有恒言井蛙不可語大拘于陸也夏蟲不可語冰篤於時也翁跡未嘗離里閭而周知四方之故坐而策之若所素習柔毳安靜藏於不敢行於不能而遭變應卒排患扞難力無不勝還遺金焚負券

大泌山房集

卷之八十七

墓銘 二十六

程

不令人知居常好考亭先生小學曰趙韓王以論語佐人主定天下飾太平其學大矣吾以小學爲政一家是可以移風易俗而受教願可施後世非獨適身之行也晚年築別館小具臺榭之致杖屨日月至焉延師課子若孫事師有加禮子守庶孫文獻介士先後爲諸生素健嗽無病病視聽不衰行不索扶持偶有不疾累月疾革言笑自若無一語及他天多富多壽多男子子孫守其業傳之無窮名實純粹稱之而勿絕豈非道之符而聖人所謂吉祥善事與而有之世幾何人鯢鵬鸞鳩朝菌冥靈小大長短分量懸殊矣何翁之備有諸福也翁爲兒時有日者言其終身所受享驗之皆合然翁非倖福於回所趣操固有道其大歸勤儉讓三言蔽之矣銘曰而陸沉若市南宜僚乎與世遠而心不屑與俱而鋤色若顏不疑乎云樂辭顯而師董梧而富而無若知和所長乎外可獨行內不周樓疏而年若大馬捶鉤八十而不失豪芒有道者與若南榮趺不以知愁軀而直以循斯須彼昏不知謂之朱愚而愛子若林回乎弃千金之璧負之而趨河潤九里澤及三族若緩爲儒若康桑楚乎鞅掌爲使擁腫爲居日計不足歲計有餘死也生之始生也死之徒死生爲徒而其卽安於斯丘矣夫

向邑子墓志銘

蓋余于向君之沒也爲之泫然出涕則悲先大夫云彼其食梁鰕肥鮮衣怒馬四十餘年稱鄉祭酒有子爲茂才從余兄弟遊郡國守相體貌有加夫非先大夫之賜耶先大夫春秋六十有五而君加四且及抱孫德人者與德于人者有間矣受享或過不及余安能無悲乎君名大楚其先蜀人祖伏一徙邑七寶里遂以籍自占伏一生繼宗繼宗生貴貴生友明友明生聖聖生永瓊永瓊初娶于馬無子復娶于王寔生君是時父年已四十餘矣目不知書第時時舉所聞故事詔君君輒開解亡何卒五畝之田三畝之宅以遺孀婦孤子無儋石儲或并日而食而君任耕母任織日夜不懈亦賴有天幸逢歲比登畝或收一鍾時有奇羨矣其鄰富而暴抗睥睨君君事之謹又折節爲儉歲約田所入家所出息之獲其贏利旁畝益斥而所居在邑南中道行旅往來憇者簞食壺漿分而食之昏夜風雨叩門無不延納廡下有號寒者溫以緇火蒙以緇袍囊人子就之如歸縉紳學士盛車騎謙從而至則身擁篲簪罄折娥趨上食務盡其歡一昔而園蔬園腴盡矣則取之稱貸四方客高君之義繼至輻湊里人見君多重客益重君卽有紛爭君居

間必釋其得過當愈于織造余上世家竟陵皂角市先王父家京山仲弟季弟受室竟陵已爲竟陵諸生歲時過君不可勝計而竟陵陶郡丞王郡守父子兄弟皆以余家故遇君良厚君語及先大夫未嘗不下泣也既舉茂才其母李卒茂才慧居恒撫其首而嘆吾一匹夫得託于諸縉紳學士諸縉紳一顧而有餘榮學之不可以已如此矣夫積之無委聚藏之不用府庫徙之不用輜車負裝之不重止而用之無盡索之時惟學爲然吾度吾務農孰與務學獲多吾少以農不足而奪學今吾農有餘兒無不足于學于是以其子從余與仲弟學而

大泌山房集

卷之八十七

墓銘

三九

程

邑司理譚公明經兩曾公給舍郝公茂宰周公皆有名先後師事之其子因爲邑諸生明二百年向氏族甚蕃而爲諸生自君之子始又遣其宗人子朝元同子學朝元亦爲諸生宗人彬彬有禮容矣郡守燕李公絕愛君之子致之郡與諸生異等者同舍學而別駕朱公兩子皆茂才復與遊甚昵君恒戒子吾得遊諸貴人有年諸貴人視我不薄然吾不敢挾諸貴人有越思兒幸受知當路慎無有所其子奉之三年周旋郡邸中人無訾焉君廬左數百武有橋而圯爲撤而新之夢金章黃蓋者從橋度相揖讓已而李郡守行縣于君廬置頓君以

子故修謁郡守揖而與之言宛若夢境因號新橋志夢云其子兩赴省試不第君不能無望快快抱疾余以先夫人喪還君猶力疾入邑相弔疾殆乞余以衣槌之而執其子之手吾不及兒以一命服斂我也命也夫兒勉之矣遂卒君生嘉靖甲午七月三日卒萬曆壬寅正月二十有六日年六十有九卒之明年十有一月四日葬西龍岡之原與婦李同穴禮也子一名讓卽茂才女一字里人萬世與子銘者小婦蕭出讓初娶里人郭煌女繼娶里人胡鈞女再繼廣陵人胡相女余仲弟之子之母之妹也孫一景清聘茂才潘應旂女女孫二未字銘

大泌山房集

卷之八十七

墓銘

三十一

程

曰孰封殖女而不見女成女無倍德從之以死事之如生孰教誨女子而錫女令名女無遺憾生者榮死死者若生女廬之前顧見女墓女望女廬客尚如故客亦憶女遙酌女墓女墓余銘以好客著知余知女匪墓之諛

晉陵玄言顧仲子之丘碑銘

於戲此晉陵玄言顧仲子之丘而雲杜李某爲之銘仲子名起綸玄言其字仕儒林郎以子祖源貴封大理評事不稱稱仲子仲子別業慧山之麓其先世君叔長康明王邵元倪楊唐湛李皮陸諸聞人託跡焉山起伏連蹠若九龍而當繡嶺之白石塢中爲黃公澗滙諸水注

池傍有丘若覆敦修竹灌木輔其幽深仲子顧而樂之
今吾百歲後從十君子遊地下足矣無何仲子行歌大
雪中墮池幾死久之蘇乃更名曰更生字仲長前治石
室丘中凡附於棺若柳者具矣夜忽夢老人乘白鹿過
而相勞也質明客貽之王珉一宰官挾鹿行與夢合遂
以名丘曰玉鹿仙丘云仲子生正德丁丑四月二十日
年先矣貌光澤步趨強駛對客賦詩行酒申旦不寐以
爲常生而營丘樹之碑且丐之銘其事頗奇不佞故備
論之而復采嶺南歐水部植伯銅梁張司馬肖父毘陵
王文學百谷所爲志若傳識于後方當嘉靖朝仲子世

而胥之入仲子調之曰中貴故受書書堂何武也遽投
刀交拜坐定問西禁事宜與大璫五六人安否璫卒不
知所對面如赭仲子咕囁耳語若來何爲袖出一金牌
吾奉鮑公命求黔國金耳鮑大璫握司禮篆者也仲子
厲聲曰金誠有之非黔國所主卽求金無詔誰敢哉璫
辟易執仲子手泣吾小人不可以厚誣君子遂行漢人
環門如蟻無不灑然觀仲子之談笑而卻璫者居頃之
以使事過里島夷蹂躪吳越人民正營邑令王雅知仲
子才舉北城而屬之曰是近賊巢非子無能折其衝仲
子擲然授兵登陴更募武力鼎士潘侃夜縋而出微知
賊處率旗與所肆尸而還賊稍卻而久雨南城崩仲子
爲植巡功四日訖工賊不知也爲長梯攻城仲子麾奴
產子從間道抵冒熅火發機中死者三人具藺石布渠
答督戰益力諸橫海樓船別校適至賊度不可支遁去
上功幕府仲子受上賞尋監州鬱林下車假行守事黑
胥爲巢居人狂走叫呼失次仲子矢之城隍之神一夕
晏然而陸川之寇作日勒部士步騎躬修比閭什五之
法而法離次者寇突入境一鼓而殲其渠率二十許人
眾噬指喙駭戒無犯鬱也大司農徵鬱丹砂仲子奏記
督府曰昔葛洪南訪鮑靚靚留止羅浮實未采砂勾漏

而後人踵訛襲故難未狀也不如市之辰州便督府不聽與人徒三萬蕭然煩費無所得仲子憂之偶浚井得砂二斤工甫罷于是仲子以貢砂行而心殊厭吏事矣因自免歸仲子白皆鬚眉而豐下大冠若箕高幘若屋衣紗縠襪衣曲裾後垂交輸佩環玦帶櫛具劒車騎雍容閑雅甚都也則見以爲綺襦紈袴之間少鮮所更而爲吏獨以練習稱上有大獄輒行仲子考案半言出囚輒叩頭伏罪奏常精覈爲諸郡國冠所擊搏大猾財勢絕路與督學使者殷公庭爭一博士左右目攝使退仲子持愈堅殷公卒不能難馭下不鈞撫微細而小物

大泌山房集

卷之八十七

三十三

釋

必稱任其所布五事陳五政議五便眞鬱至今賴之語具集中仲子爲邑諸生爲太學生六試于有司以貲爲郎北首燕南浮淮涉湘踰五領西度夜郎洱海踣頓道路數萬里隨牒守儋石之祿七載則見以爲伊優取世資若鳥獸之可養繼而服官實才二年餘其致在游覽兩都三輔岱宗闕里匡廬九疑彭蠡洞庭方輿所稱名蹟十得其半客談天台石梁之勝不告家人拏舟而去謝鬱林年方四十橐無公家一錢而家故溫厚良田千畝廣舍千楹圃沼臚接背山枕流得古濫觴石置泉上激而曲引囂尊款識多三代時物几案髹漆皆狸文女

手他帷幕器用不移而只風雨煙月之景花樹禽魚之美置酒召客評賞嘯咏雜以彈碁格五射覆楚駒木熙角抵之戲佳俠函光妙麗善舞自度曲倚簫和之則見以爲仲子好飲酒近婦人其中未必有也而海內特進品異之士爭委贄仲子希識面乍見卑卑磬折已而慷慨談議自六籍諸史外天官醫卜方藥伎藝之書梵典道錄黃冶變化導引經仲之旨名山大川道里遠近險夷方俗纖侈戶口蕃耗土膏瘠所宜若數一二而別黑白所著書累百萬言至老不輟筆舌足浮沈天下士而又長情有思聲不歇春容大篇造次迫之可得也其

大泌山房集

卷之八十七

三十四

釋

行于世者應制玄言謝藻感知昆明句漏舊林諸集若干卷選明詩爲國雅圖山園爲倡和集踰五十爲知非歷若干卷楊太史皇甫司勳稱其宏富似司馬子長才情似鮑明遠又似孟襄陽韋蘇州則見以爲仲子文人內行或未醇備而渾龐朗爽不荆枳其腹先人之廬沒于豪右勞心焦思數十年而復舊物爲祠南林祀晉尚書右丞君叔而下割督亢田供伏臘事其兄提舉公白首無薑芥六戚有疾病不諱依仲子爲命里黨耆者所需登來之也仲子配楊孺人有婦德母儀三子曰祖源祖河祖漢源有才名直史館源子本與仲子同物立以

爲庶子而字之小同本以下諸孫十有五人仲子號九
華又號嘯林外史其取義大歸不出丘中銘曰之生而
之死之歌于斯哭于斯之死而之生之豐其碑緝其辭
桑弧遂矢四方載馳歸來乎一丘若夫魂氣則無不之
造化何常海涸陵夷一坏乎茲丘疇累切而無隳有涯
者生無涯者知不怠以待盡後天而奉時噫嘻

生扇頭詩歎曰吾恨不與周旋已知爲太學生也運
定交賦禁中牡丹有色借相公袍上紫香分太液殿
烟之句擊節賞之徧贊于館閣諸公一日名動長安
肅皇祝釐之文文榮情先生視草無不稱上意時申少
師時行王文肅錫爵余文敏有丁初入翰林文榮數舉
先生文視之吾得王生與若輩同稱門下士幸甚先生
少通悅善緣木黏竿鬬雞走馬擣菹蹴鞠諸戲吐佳言
如屑四座屬耳忘疲如京師從劍客酒人過酒家胡咸
以得更永侍爲光寵賁文之金緣手而盡文榮謀實其
橐客有知者持五千金爲壽先生麾之吾立身有本末
大泌山房集 卷之八 志第 二 百

豈與錢通人以故愈重先生史館修永樂大典簡諸生
校讐事成可除內史衆議先生先生不屈爲書傭涿指
而罷試于京兆文榮屬主者必首王生以光賢書會開
父卒去試期才一日文榮亟來慰藉可畢此而後成喪
先生輒然不悅戚而有嘉容罪通于天何以功名富貴
爲匍匐奔還雞骨支床類阿戎死孝矣歲時伏臘上冢
攀松楸而號猶以不親及含殮自訟也父產累萬伯氏
主之先生一無所問五十年同居不析箸兄春秋高無
子欲以先生仲子爲子先生固請納側室後生子承謨
割百金產贍之得以貲補典客贈父如其官而先生悲

喜交并良難爲心矣文榮貴時傲倪公卿其卒也門人故吏掉臂不顧先生千里往臨部署喪事上書請贈卹政府修卻者引大義與爭每歲省袁夫人于家終其身不替隆慶初載再入試京兆而太學中式者已溢額復不收先生引鏡自笑若故非食肉相無庸僕僕道路也姜宗伯寶林文恪嫌留之不可吾有千載之業寧在一第歸卜一畝官名菴半偈名堂解嘲讀書與著書日富臺使郡國長吏四方之客無貴賤賢愚輻湊並進學士欲行其詩若文者非先生序不取徵自王公下逮齊民思顯親不朽者非先生竹石金帛之篇不愜意二氏欲

大泌山房集 卷之六十八 志銘 三 百

與其教新其官官私有事于關梁道路若古勝蹟者非先生疏不擅施法書名畫古鼎彝器與技能工巧青樓歌舞依倚就聲價者非先生品題不踊貴筐篋包匭上交私覲陳庶侈者非先生手筆不爲腆故先生一日之內臨文十四對客十六而精神意氣略無厭倦人過吳中或不見先生則共嘲曰俗子而閩粵間尊鄉之尤甚販夫持先生八行尺幅歸鄉人迫欲得之酬善賈數倍上晚年命中貴人四出采推爭致寶玉奇玩曰孝順物先生詞翰居其一焉無論諸藩王若元勳大帥卽水西思明諸酋朝鮮安南諸國若雞林購元白詩新羅寫馮

定碑矣環先生而居者借其名以賈售不至餬口四方上初踐祚詔舉軼才林文恪以先生應詔請比于吳論德陳檢討文待詔不報李司空勿滋故守毗陵識先生與其姻江陵相推轂先生許爲京朝卽先生辭不往兩人知我何如文榮吾少也賤硜硜不肯以內史相吏今老顧掃丞相門耶侍御邢子愿侗按江南擬薦先生于朝外遷不果趙文懿志臯議修國史將盡徵文學士而先生與子愿屠祠部隆爲冠先生計曰將置史館諸君子何地是謗罔怨府也事竟差互二公服先生遠識後先政府數輩內江新鄭興化蒲州南充新建兩山陰兩

大泌山房集 卷之六十八 志銘 四 百

四明太倉吳縣或聲相慕或交相昵問遺或時至或月至先生素書相答不縛紬體裁而絕無所關說生與中少師同物吳中尊爲二老望之若仙飲累日夕絕不談時事不閱除目官于吳者造廬咨問降心以相從也雖不出戶而知天下夏賊搆會倭夷並與料敵致勝若合符節屠長卿謂上可方子房孔明下不失爲安石景略以此生平周人緩急尤篤于故舊陸生富而吝某子甲中以大辟先生傷之夜不成寐齋戒告于廟謁陳明府持之堅先生辨數慷慨明府語屈事卒醉生携妻子詣謝先生詭曰吾未與聞吳太僕子孝廉亦註誤陷文罔

亡抵先生所先生內之捕者遂坐先生賴凌郡丞免而
孝廉轉徙荆襄以天年終買山十畝王氏子姓族葬焉
所善黃清甫貧死既殮葬之家祀先必呼而酹之王元
美先生甥曹子念死無子以外孫女爲託卽納爲孫婦
同門錢叔寶子序窘甚衣食之三十年有惡聲加序并
及先生他所爲德而以怨報客諷絕交先生不移意也
人有片善吹嗟剪拂不遺餘力所獎拔後進知名于時
甚衆里中趙宦光錢希言其翹楚也而剛腸疾惡不憚
面斥余嘗與游于市有兩童子踞閭門而述其文先生
叱曰若文寧堪入乃公耳而傲若是童子踉蹌走人或
大泌山房集 卷之六十八 五 百

我性不解悅人習而安之若嫌禮法拘擥嵒阮放達何
不長生至今日病革擲沐焚香不疾首感額問立春何
時既彌留合掌頌佛號從容笑語口占詩授仲子錄之
更加寬定童子掖而起逝矣是日也以立春若前知者
異哉人以其班哭于室哭于堂哭于戶外十百爲羣淚
月乃已其集行世者謀野尊生齋二集雜撰數十種藏
于笥者尚百餘萬言先生卒萬曆壬子十有二月十有
六日生嘉靖乙未七月二十有二日年七十有八娶陸
碩人名士雲門公某女早卒子四人伯無曲國子生娶
龍門知縣殷某女仲無回邑諸生先卒娶徐文敏子通
政司經歷某女俱陸碩人出叔無田邑諸生娶典客朱
正初女無留邑諸生娶參政某子布政司都事某女俱
貳室張令人出女三陸出者適文元善學正某子卽待
詔孫貳室鮑出者適蘭州同知張某子某貳室錢出者
未字孫八人無曲出者五纂邑諸生娶陳某女次繁娶
周某女卽子念甥次組娶張某女次纓娶浦之監女次
幼未名無回出者三纂娶邑諸生袁孟陽女次素娶方
某女次繁未聘孫女六無曲出者二一適諸生顧愛奮
學憲大典子一適顧善禎無回出者三一適徐一鳳一
適諸生文震亨同知某子國博某孫一適諸生蔣元基

無出者一幼未字曾孫四蒸出者二長仍次偶組纓
出者各一俱幼先生子孫多賢而田留綺年得先生筆
又需其產與婦奩襄事留狀先生五千言大要爲家孝
子弟弟爲世大儒高隱俠士爲知交死友爲執苑盟主
爲鄉祭酒爲宗門護法爲湖海導師與余才難篇合至
于負海內之名而以年享之極人間之樂而以後人成
乏造物忌盈獨先生多取今之世不可無一不可有二
矣余故采漢晉以前韻語而續之爲銘明先生直當于
古人中求耳其辭曰舉秀才不知書舉孝廉父別居名
下士固無虛懸牛頭賣馬脯盜跖行孔子語不講學行
大泌山房集 卷之八十八 志銘七 百

士翻日車委運去來大壘不差相里張多賢良積善應
子孫昌舉如之丘相望垂裕後昆無疆
太學程平仲墓志銘
往余讀王司寇汪司馬爲程處士惟清志若傳知其有
佳兒心鄉往之已而季子公叔從余遊甚稔公叔因以
其仲兄平仲兩子見風度不減阮家阿咸而是時平仲
卒矣兩子從公叔踵門請曰以先生不鄙夷下走施及
兩猶子敢以仲兄邀惠於先生若司寇司馬之于先人
幸爲志墓中石余按其婚姻汪明府狀質諸鄉人所道
平仲事合爲之志曰程氏率口著族上世詳處士塋錄
大泌山房集 卷之八十八 志銘八 百

無愧古支郎眼中黃形軀雖細是知囊瘦而長才通方
何用不臧谷子雲筆札樓君卿唇舌平津閣不留五侯
鯖不屑徒見二千石不如一逢掖得黃金一筭不如爲
柳壽伯所識人重君君重人走不在蹊飛不在翼乳乳
白兔東走西顧衣不如新人不如故藹然崇篤無忘雅
素苦饑寒逐彈丸筆耕字袞庇萬人歡避世墻東王君
公天下和雍郭林宗矜不爭和不同依隱玩世柳下爲
工關東堂堂二申兩房未若二梁瓊文琦章豈無摘藻
詩詠頌頌馮才清李才明純粹邢惟一人合并白能絲
可談詩稱詩論志沒齒以之年歲晚莫時已斜安得力

不具論曾王父敬音王父忠烈皆獨子至處士兄弟凡
四人處士子復三人伯曰提舉元正季曰元仁卽公叔
人太學有聲仲卽平仲名曰元衡生而慧穎言動類老
成人戴涵山公某者目屬之此吾快婿以女字之而貽
之詩神駒猶在鹿雛鳳許栖梧人比于郭王郭劉焉稍
長入太學工舉子業見推流輩會父卒哀而毀既禪益
購書劉覽無倦而母有痼疾更數醫不效奮曰夫醫非
盡人之子與傲我以所不知爲人子者以其親委之可
乎遂盡索諸方書參伍考証用藥餌多效母是以瘳友
于兄弟畢世無違言視諸子猶子也身操家秉賦永食

豐約若一嘗讀易至家人卦嘆曰家難而天下易正家難正婦女尤難故利女貞貞者正也使之貞責在夫子故君子言有物而行有恒上九有孚威如終吉威如之吉反身之謂也身常敬畏而後言行可以正人揭卦于壁朝夕顧諟而顏堂之楣以正位其御妻子嗃嗃如也族有女適人而寡姑欲奪其志遂自刎而不殊白之邑于諸其家資給無乏沒而爲之殯帥衆封墓叔父有婦從一而終貧無能名其節爲言當路表厥宅里焉故人有死而遺貲無存者爲之部署俾無失所里豪暴苦鄉人衆皆辟易獨以身扞格之豪爲斂手家受十一而恥

大泌山房集

卷之八十八

志銘九

百

競刀錐之末負者多所寬賁室無他玩好惟藏古今人墨蹟啜茗焚香迴環玩之罷則危坐終日不換色寢疾諸子奔走延醫聞之不善也吾往以母習此技母有陰德天資胙之吾不德安敢望母醫何能爲母省之伏枕流涕大人無以兒爲念有伯與季在而勅婦代我爲子諸子泣斥去無怛化者取子所爲寫照題曰此余病劇垂死時象也病能瘦吾形不能瘦吾性筆能擬吾似不能傳吾真後之人對此形似耶抑性真耶復手書遺子清勁有法尋起沐浴更衣而逝蓋正之一言持以終身矣時萬曆癸丑五月三日距生萬曆甲戌五月二十有

五日年財四十配卽戴令人舉五子存者四伯兆亨邑諸生娶孫明心女繼汪伊女仲兆升太學生娶項國佐女叔兆泰邑諸生娶戴太學大園女季兆鼎聘王太學時黜女文三人吳太學守偃子某朱太學有益子某吳祕書敬子某其婿也兆升有子曰培曰坤兆亨有子曰墳兆泰有子曰城孫女四人俱未字來乞銘者亨泰也銘曰家人男女究爲父母上父初子四二爲婦五兄三弟夫則皆有道在用正始虔終厚維平仲氏服膺无咎父父子子夫夫婦婦兄兄弟弟嚴君父母富家大吉胡不黃耆行法俟命其正順受史氏作銘繇辭焉取人謀

大泌山房集

卷之八十八

志銘十

百

鬼謀同此關紐靈爽不昧啓佑厥後

吳太學墓志銘

有攝衣冠而造門者曰海陽諸生吳可與與之坐而問焉不可踞而泣掖之起葉拱而對曰甚哉吾鄉之俗之靡也其親死則必徵貴人文人之言爲親名高而多溢美甚且以賄邀先容之口識者恥之小子于先生無素然不敢以介紹通而直造先生函丈之席蓋德夫周人之賤媒也小子父爲瀛海君其名守益其字虞卿先王父天雲公有丈夫子四先君爲季少有異姿受書書成誦屬文文有章升而養母哀孺子而禮則成人旣冠爲

諸生郡守楚徐公督學使秦郭公試而奇之應京兆舉不第先王父嘆曰吾老矣欲急見子成名不如游太學之捷也先君入太學大司成大梁張公少司成吉水劉公復試而奇之而先王父病且不可起則謂先君吾度若三兄才皆非若比若爲持家兼有事弟子服其勞道固然耳先君哽咽受命曾王父世騰公故以什一起家至王父益饒所貸吳越子錢數千萬各有司存獨別以數千緡封識畀先君則皆逋不能償者也先君喟然曰吾父不忍索責而持空文屬我吾將爲馮驩以彰父之德于是吳越誦義無窮矣既而世父治室取給先王父遺貲三之一先王父又嘗議建宗祠及舉先王父葬諸鉅細經費先君身任之不煩諸兄事繼王母如母事諸伯父如父事諸宗人及婚姻如兄弟婚姻家若世父之執友有所負于先王父皆累千諸父曰是吾兄弟所公共物也無寧委諸草莽先君曰吾不忍以婚姻朋友故而失父兄歡亦不忍以父兄故而替婚姻朋友之好悉捐其橐代償小子承乏爲諸生赴京兆試先君與俱不能博一第無何先君遽疾醫卜皆曰不祥小子請先君所欲言先君正色曰謝安石不云乎我常自教兒吾入事父兄出事長上一切酬往綜理若曹耳而目之今以

若弟游太學授家政如乃公若守鄉校無徒業庶母有幼弟在襁褓或爲之請曰有兄在復何言遂瞑其歲爲萬曆辛亥十月九日距生嘉靖庚戌正月二十有九日年五十有九吾母程臨溪名族所舉二子小子可與娶草市孫某女弟可試國子生娶林塘范某女三可命未聘孫男八人仁昭娶由溪程格女仁溥聘方千程太學廷瀨女仁壽仁依未聘仁安聘居安黃允陞女仁懷仁至仁惺俱未聘孫女七所字皆邑大姓先君生平與其子孫如是有一不實是誣先君先君不以爲子先生典兩朝史其或者可有可采錄而志之墓中石以詔示後續

太學程孟明墓志銘

程茂才天衢以從孫至善見請志其從子孟明墓余于三人非舊練而爲孟明行述者則汪憲副仲木仲木令蘭谿時以清正著聲余與共事悉之其言足徵也孟明名一昌晉元譚梁靈洗裔明方山仁叟父子卜居由溪爲海陽著姓曾王父石峰王父松崖父吾南世以本富而將之以禮吾南娶吳光祿女生孟明五歲就外傳遂

同寢食少年爲狗馬博奕之戲者見則避之召則辭之
十歲父卒哭泣悲哀稽顙觸地無容而母弟與二女弟
皆孩提率之雪涕強爲歡以寬母憂顧家計且廢矣請
于母曰三世之遺至兒而殞何以見先人地下兒請任
賈弟任儒可乎於是之淮陰負海煮泔爲鹽相時豐歉
度物低昂審人成敗往往券合業更隆起鹽官有所咨
詢順其憲則不援而進不阿而退燕居深念吾屈首伍
賈人中恐資生之無策也今仰可以事母俯可以育弟
妹庶幾無辱先人安能逐逐久此而母弟亦數奇詘于
有司因皆入太學得與仲木締交仲木爲清郎一裘一

大泌山房集

卷之八十八

志銘十三

百

葛歷數寒暑朝夕五卯三弋之食孟明善之布素蔬糲
視傭保不殊人竊鄙之則謹謝曰汪郎有祿秩而猶若
是吾寧得奢勝敗若化懼不能持盈以沒而敢虞于湛
樂以小醜備物速之斲耶然義所當爲不惜費邑人閭
祀文昌及社稷壇壝築渠捍水治道成梁所捐金錢爲
多曾王父室久且就頽諸昆弟相親恍日歎歲獨撤而
新之歌于斯哭于斯聚族于斯焉長妹以死殉夫言于
官旌其門仲妹盲豐其奩以歸歲時饋遺不絕宗人有
以朝夕之急告未嘗不應隣婦產子而貧周之無虛月
江行舟覆隣舟客援之覆以其衣而徐作糜食之既生

則携客之海陵邸舍盛金帛爲壽客曰嚙昔之夜夢神
告我善人在患饑不及餐神實右君吾儕小人何敢引
爲已功孟明留爲布衣飲者累月而別已命其叔子從
弟入淮謹正鹽策而歸營菟裘終老延名師教諸子于
別館董督無日以怠忽遘疾六日而革家衆問所欲言
蹶然起曰余少失怙得有今日豈直倣天幸生平內省
無惡于志守而勿失可矣其生嘉靖甲子十有一月十
有六日卒萬曆壬子五月某日年四十有九元配商山
吳氏蚤卒繼隆阜戴氏舉子五人長善先卒娶商山吳
中書坦如女至善娶雲溪孫太學約我女明善娶閔川

大泌山房集

卷之八十八

志銘十四

百

舉儒士宗旺女嘉善娶商山吳太學民望女女二字隆
阜戴某子某商山吳某子某新安富人好請謁貴顯廣
交賓客取名沒則丐譽墓者盛有稱引實無分可采孟
明于薦紳中所善惟仲木仲木不以孟明少文垂意延
接敘其行事簡質無長語可爲流俗箴砭矣銘曰以爾
之宗人不欲沒爾也知爾能以宗起也以爾友人之不
虛美也知爾行可書于史也世富而畢世無侈也蚤孤
而蚤有子也四十九年胡適死也百千萬年嚙不死也
有餘不盡之福貽爾後矣嚙晉也

文學時仲公墓

海虞之有時氏自勝國福四始再傳銳以富民實京師則永樂時也銳生某封奉直大夫子某弘治庚戌進士仕廣東副使伯子某嘉靖戊子領鄉薦爲鷄澤令仲子某正德己卯領鄉薦爲江山令三子長爲郡博某季爲諸生某中子則湖邨公名志行字得卿生而能孝以母好佛月再詣梵宮祝釐必虔憲副公居官廉家具時不給公在縣亂有幹蠱才受經輒通其指屬文頃時而就偶見奔遂奇進父曰此所謂牧猪兒戲耳終身不復奔父謁選人身從行分任僮僕事經時展勤久乃閑練扶侍之江山考問政理多所裨贊臺使行縣父病在狂易

大泌山房集

卷之八十八

志銘十五

百

防獲甚力禱于神神示兆吉父得從容免歸會倭犯邑邑令與父同乘城公執兵仗環立倭矢雨下挽父小避甫移足奴產于中矢矣沼上築臺構亭父登眺樂之公忽心動請下臺遽崩說者謂公孝思通神云已爲諸生下帷距躍銳意進取而父疾身不就枕席口不嘗鹽酪淹積寒暑父卒不起傾筐篋爲飲具哀端所觸或見遺物辨踊啼呼欲絕母強之起以家乘相付出入雖一芥必奉母命以行公用不繼助以私橐有浮言謀析箸者公矢之曰其不敢違母且不欲妨兄弟學心可質神明豈虞多口益毋欲以析之日陰厚公 公執義不忍言

養母必盡物有不豫色則踧踖若無容母卒毀瘠猶甚僅乃免喪伯兄在燕封識母所貽以待其歸而出婦簪耳治後事伯兄歎曰吾不奉二人訣何敢享所有置之度閣而已卜山南地葬父母鬻名田佐費前母吳孺人外王父卒外王母泣謂公以藐諸孤爲寄周旋管護得無失墜外王母特以邑中室屬公公辭兄弟同聚處今兩世猶故也外家既燬舍之別館伯兄當謁選人生齒日繁非析箸不可公一無所問惟以不得守宿志爲憾每與伯兄別攬袂哀號行者爲之潛淚念叔弟之羸也衣食必先出遊必偕試于學使者偶坐相質弟收而公

大泌山房集

卷之八十八

志銘十六

百

放踴躍若已有之病則與醫巫朝夕相守其卒也哀如父母鷄澤公子貧生養死葬男有室女有家猶子之麟少失母擇乳媼字之濕毒生瘍親爲傳藥滌垢早幼有侮慢公者親知不平欲訟之官公曰是吾化誨之不至方自訟耳人謂公善弱可欺因以大猗比歲惡稱貸益之屢空矣了無戚容人疑其矯對曰內省不疚雖蔬糲不飽葛屨履霜樂固有餘或道以殖貨者揖而謝之非不欲也力不能也其于交遊言無隱情折節退讓貴賤無二加以橫逆誦昔人唾面自乾語不校私居危坐步趨若應繩墨中歲罷制舉業汜濫百家言興至成咏不

縹聲律暇則偕知已登涉諸勝酒數行興盡而返人
 顛連曲爲贍卹忘其身之寔也臥病與猶子麟檢校生
 平所行曰吾今而後可見父母地下矣已語諸子母裂
 檢襖坊戮及先人所墮一齒一髮函之無遺悉錄以殉
 公生嘉靖丁亥七月十有四日卒萬曆庚子七月十有
 六日年七十有四元配太學吳公某女大理卿東虞公
 某曾孫女也繼太學王公某女刑部郎某公會孫女也
 子三長之麒娶婁江曾某女次翔雲娶郡城馮某女次
 鳴雷邑諸生娶潢塘溫某女女四一適承德郎華公某
 子武學生寐一適太學孫公某子孝廉森一適大理寺
 大泌山房集 卷之八十八 志銘十七

丞蘇公鄭子諸生貽翼一適贈吏科右給事中翁公某
 子太學生懋祥孫男四堯揆舜隣禹弼湯衡俱未聘鳴
 雷出孫女七翔雲出者六鳴雷出者一以某年某月某
 日厝江山公祖塋之穆鳴雷爲余叔弟高第弟子傷其
 父儒行醇備而以青衿沒齒又傷其身不達無以光昭
 先德爲狀五千言乞余志余以叔弟知其言不誣親也
 志而銘之曰三免父於患難中天啓其聰無或生分奉
 母終人服其公始也家以身禦窮卒也身以心固窮孝
 廉設科生不逢逢掖詘兮道則隆伐石銘之寔窆宮世
 世子孫繩祖風

錢塘諸生沈人騏父仲瞻巖亦諸生余兒營易同江氏
 出也悉其家世蓋宋學士遴之裔至明則以岐扁之業
 相禪而王父受曲臺禮爲宿儒父娶于張夢見若天馬
 行空者生生遂以命名字之九方慧心天悟言動儼若
 壯夫授之書成誦兼識其字侍父母王父母愉色婉容
 出面反告五歲就外傳王父憐其小弱數休之不聽七
 歲竊學益勤應對如流母舉弟病甚籲天禱神忘眠食
 者挾辰母愈而失其弟忿曰誰生厲階使吾不得有弟
 且病吾母也王父卒號泣竟日夕傷其目十歲受詩手
 大泌山房集 卷之八十八 志銘十八

錄古今文會心者數萬言十三私爲制義成章師大異
 之十六從姑婿張爾瞻學得其傳已試督學陳公陳公
 不許輕可獨愛生進爲錢塘諸生室中文史充棟吾伊
 尋味無虛日屬文極思達旦不寐類昔人所謂不知天
 爲蓋地爲輿世有人已有軀者病瘡矣博士陳公奇其
 文而時慰藉之功名身外物何至過苦壬子春侍父寢
 三月不去偶白父顏于三十二爲短折兒不及十三年
 懼不得供子職奈何獨幸早事父地下耳既華所指
 畫皆文章家法忽曰夙業至此矣請王母及伯叔昆
 弟親知一一言別爲父言善事祖母勿與叔生分爲母

言速置側室有弟卽若兒在也其年萬曆壬子四月十
有五日距生甲午正月十有九日財十九歲父初爲聘
凌某女生卒踰月女始聞泣欲自繆不得請往執沈生
喪母寡不忍而知其志不可奪許之拊生棺哭成服退
而事舅姑如禮而扁一室謝統綺筭珥不御舅姑將葬
生請虛穴之左他日相從也女王父爲太學元叔伯父
則郡守元孚元孚母少孀違父與姑及旁親迫迫萬端
卒成諸子以節旌夫有所受之也生身後得貞女而名
益彰天之胙生不在年矣仲瞻介舅氏江大夫昆仲貽
書余曰竊不忍死吾子顧于禮若何余聞之禮童汪跡
天沁山房集 卷之八十八 志銘十九 百

儒士黃次公墓志銘

有介叔弟爲黃處士乞志墓者問其名治其字君平也
其以例爲儒士則大宗伯屬也其卒萬曆甲寅六月某
日于維揚客舍其生嘉靖丁巳十有二月某日其年五
十有八也其上世晉元集以新安守家石嶺再遷五城
三遷商山者桂也其五世祖士齊其高王父德金其曾
王父永傑其王父巖奎其父城世有隱德也其配語溪
程某女繼瑤溪戴某女也其子三人國禎國賓程出也
國禮戴出也其婦禎同里吳某女賓汪干汪某女繼臨
溪吳某女禮馮塘吳可畏女也其女二人瑤溪戴子琪
瑛富程某其婿也其孫三人廷元廷贊禎出也廷璋賓
大沁山房集 卷之八十八 志銘二十 百

死郎之戰魯人欲勿殤問于孔子孔子曰能執干戈以
衛社稷雖欲殤也不亦可乎跡生生平與古聖童孝童
同科已爲諸生列士君子之林非田野小兒比且凌氏
女不惜虛生以報死者抑寧忍獨居貞名而令生沒沒
也禮以義起爲之銘可矣銘曰思樂泮水采芹藻佩
佩臚容遂好愛敬其親自孩抱餘力學文爲士表其至
者力其中巧天何獨授奪何蚤莫壽於殤彭祖天百千
萬年一昏曉不婚而婦女窈窕異室同穴信日噉他山
之石作爾考小時精靈長了了

施無論富有卽喪時赴義如渴索恒垂也其幼爲儒不
竟而課其弟與子與弟之子子賓爲郡諸生矣他絃誦
纓綬相繼而興者未艾也其治兄疾百方願以身代沒
而狀之哽咽不勝情者洛也其持弟狀而涕泣以請曰
我舅氏撫吾曹猶子者沒世不敢忘外生曹元泰也是
可銘矣銘曰生者而思死者無已知爾非虛生矣死者
而以生者不朽知爾非徒死矣魂莫不之魄返其鄉考
石書銘窆中央佑爾子孫世永昌

許處士墓志銘

方思善先生文章節槩籠蓋人羣而晚歸宿于理學其
大泌山房集 卷之六十八 志銘 三十一

子孝廉伯雨似之所評騰殊嚴至于許君獨盛有稱引
既目之有道先生復倣世說漢晉間品藻賞譽語書其
行事十許條多可采錄其言曰君名時傑字伯英晚字
卓識居天都之陽別號都陽人率稱之都陽云上世出
睢陽後徙唐模世多賢達不悉載父曰治母汪令人以
嘉靖戊申七月九日生君君生一年喪母則外家取子
之已後母余來君髮髻還子舍事母色養無違母有五
子御之奇嚴惟于君恣柔愛之道有訶督對君輒解如
此者終身人莫喻其故也五弟析箸多異同見伯兄則
愛而敬之卽私居或與他人言輒曰此吾家聖兄弟仲

說最賢而同產倨傲自順不可爲下事皆倚辦君仲說
死孤四人親閱受侮君扶持安全之四人者飲食必祝
曰生我者父更生我者世父也與婦若琴瑟靜好婦嘗
攬鏡而嘆謂君妾相不得與君偕老宜慎簡有福德者
君怪之不忍答已而婦卒君方壯遂虛適室媒灼有言
君指其心曰吾久已許地下人矣居恒言學之所涉者
淺體之所安者深謝公常自教兒安事口舌諸子化之
不言而躬行式穀似之矣燕處超然雖米鹽凌雜羣賢
糾紛若耳無聞目無見者六經百氏流覽不倦間一理
詠多標新趣嘗謂人世萬態靡所關懷獨好文一念未
大泌山房集 卷之六十八 志銘 三十二

能屏絕耳所至不妄交遊客淳安三十年若潛身牖下
避世牆東者冠蓋過臨謝不見或布衣蒯屨追就之但
以真率勝人多多許衆爲屈服恨相見晚里有甲乙競
者甲故善君邑人爭爲之地君獨否乙大喜過望卽甲
知義不若亦德君藥石生我也淳安汪文學在困見中
君資之力學遂知名邑令劉公以鄉三老薦數旌君之
門曰敦倫重義君有戚容昔人和光同塵銷聲滅影呼
牛馬爭場竈而吾乃爲村之人耶生平矯健不問服食
針砭忽示疾衆覺其異問候者或不脫衣而侍子姓請
禱于神君正色曰禱久矣無復爲煩賦詩別所知沐浴

端坐而逝卒無一言所居有赤鯉其夜竟白汪文學爲文祭君陳義甚高敘旨甚楚名下士多爲之誄哭臨者累月不絕子姓亦不識其所繇來也其歲爲萬曆壬子九月十有九日年六十有六配潛川汪大章女丈夫子四人邦寧邦隆邦重邦清寧郡諸生最知名士從之如雲娶汪應璫女隆娶吳毅本女重娶吳中立女清娶吳用中女女子一人爲汪永嘉婦孫二人寧出者其仁娶鄭嗣蕃女隆出者其志聘吳大驚女孫女一人清出者未字曾孫二人仁出者有爲有成幼未聘以卒之後某年月日葬君墓在某所諸從子思君覆護恩不忍使君

大泌山房集

卷之八十八

志銘 二十三

百

沒沒無聞而介友人潘生乞余志墓余既徵孝廉語又嘉君之賢能使諸從子沒世不忘諸從子能不負君地下爲之志而銘曰漢有汝南黃徵君言論風旨無傳聞君子見以爲出羣許君質行若椎成清之不濁澄不清脩然來往忘死生獨于文事未息心有時覓句一長吟衆竅受風天籟音其友知之曰古人其子善則必稱親言采懿德勒貞砥骨不朽兮神式靈迹名名隨詎沉冥百世之下垂汗青

處士汪九睦墓志銘

余諸弟游于汪九睦稔知九睦能詩余與之游四年恂

恂言若不出口今春九睦病強而過我曰周親束髮爲詩學然後知不足故不輒以示人幸及先生客此一爲評目死且不朽余察其色無生氣讀其詩則多獨造語諾之爲序不一月九睦卒矣九睦子適以事入金陵得奉舍訣而介余弟以志墓請曰是先子治命也余不得辭按狀汪爲唐越國公裔散處新安諸邑者數十萬人而遷居婺源之鄉官源曰涇公八傳爲傑傑子巖顯巖顯子舜卿有隱德邑侯禮之爲鄉三老洪侍御志其墓九睦其叔子也少治經生業就有司試以真才見賞而君有所不屑曰與其疲神不可必之功名孰若研精可

大泌山房集

卷之八十八

志銘 二十四

百

自致之問學遂弃去究覽百氏書有韻之詩與不盡韻之文斐然成章矣十九喪父行求地以葬中表戴公者理學宿儒兼善相地術遂師事之爲父卜地吉衆怪其易戴公曰人道爲知已用地道亦爲至誠所感格以其術授九睦九睦行之今所傳堪輿破的是已已遊南都管十一之方以養母而會有妻喪繼者金陵人也定居青溪治詩益甚蜀衛司徒尹武庫越臧國博豫章祝黃門陳職方閩曹計部內之社中而迎其母養金陵者四年已扶持還社中人爲詩贈送之以間游豫章會衛司徒方開府延款如故而母卒矣其居父母喪傷痛骨立

哀端所觸流涕浪浪不已友于兄弟視其子與已子等有失所者賙卹百方祖墓爲強鄰所侵訟于官忍辱以求必伸族有儒生客遊冤死者往爲之白而不求勝怨家曰死生有命吾得以宗人骨歸土俾稚子卽安幸矣又何求焉諸公聞之嘖嘖義士隣有五喪未舉者買地以葬或繫獄而鬻其幼女爲索餽費予之厚直日賦粟終其身繼母之前夫不血食歲時上冢酌酒焉生平好客客至供具視家所有無爲豐殺其施亦如是交遊所贈遺緣手散之立盡或迫而求適值其乏不能忍見人亦知非吝也然未嘗感額向人乞憐友道陵夷令終蓋

大必山房集 卷之八十八 志銘 二十五

鮮死生貧富交情變易滋甚九睦終始不二心教子嚴不令佚情至成敗利鈍則曰有天命在非人所爲盡人俟命而已既卒而婦弟來哭之慟遂卒諸姻戚知交遠近臨者相向哭皆失聲九睦生嘉靖丙辰五月四日卒萬曆甲寅四月十有六日年五十有九元配吳處士澄女有婦德二子長孟麒邑諸生次孟較爲伯氏後女爲吳應鶴婦繼室亦吳二女幼未字孟麒文行有父風與父喪還就戴公卜地厝焉銘曰孰賈人而喜施若無嘗省且以食貧執逸人而與顯者往來不受埃塵孰詩人而脫筆墨蹊徑爛熳天真生斯世爲斯民行無忝古之

人史氏采而勒銘吁嗟乎王生身沒而名不湮

程仲公墓志銘

古之爲碑銘者李邕義取韓愈諛墓不免爲杜甫劉叉所諷刺而蕭俛之於王承宗韋貫之之於裴均或以窮俄時或以天子詔却而不顧豈不毅然大丈夫哉王參元云家有積貨士之好廉名者不肯道足下之善則亦慙之太過豈人富而仁義附焉胥天下皆僞無一真耶今新安人金石之文什况富室鄉黨自好者嫌不敢任余友謝少廉獨言汙川程仲公賢爲賈人魁能而狀其行使余志之仲公名煒其字惟光其父號草堂居士因

大必山房集 卷之八十八 志銘 二十六

號敬堂上世自晉元譚梁靈洗至唐都使湮徙汙川後有少師秘主簿洙理學若庸省元壽民孝廉尚質及仲公曾王父王父世受賈而父使仲公受書至有事弟子服其勞厥然起曰吾兄孱兩弟小弱獨以賈事勞吾父耶請代父行賈質真若淪粥粥若無能而察言觀色知人成敗權衡不爽又旁通星家形家言所往無不如意贏得倍蓰父時矣久之念父母老罷歸居子舍母病不能食不脫衣冠而侍夜不假寐徒步迎醫雪沒牛目未卽返母顧侍兒自吾病仲子無須臾離今何在家人莫有知者比旦奉藥以進母色喜霍然病除矣是時三世

同居食指繁兩尊人壽考無害諸父昆季與諸娣姒相
好無尤仲公與其偶許碩人實調護之許卒仲公泣曰
吾安所得良繼室以事吾父母鄭重擇對得項碩人與
許比德亡何母卒亟爲父置媵吾聞婦人善養人故七
十行役以婦人從所爲承歡百方父卒呼而訣曰若真
孝子兩婦賢不愧孝子婦吾死何憾終父之世獨秉家
政尺布斗粟無私婦孺童僕化之亦不知有分異而猶
慮有間者入則詔婦及諸子婦引遠近時事某以和與
某以不和廢出則集諸弟弟子姓而丁寧之勞不辭先
利不惜後吾自髫髻升迄今無二心甫有今日人莫病于
大泌山房集 卷之八十八 志銘 三十七 百

自私私則夫婦兄弟父子各于其黨勢必瓦裂戒之哉
備有汪氏子甚貧厚其直俾得養親育其弟更貸之金
爲弟營資而以餘資收族貧者里中異之傭也而孝義
若是而仲公實默成之其他折券累萬緡周急累千人
不勝數矣往來吳越間知交行旅誦義無窮搢紳大夫
聞其名造門請見謝曰韋布之民不敢與顯者齒甫艾
邑大夫禮爲鄉飲賓辭曰年未至是自欺也及耆請益
力爲一往再至則固辭在雲間元夕遊普照寺老僧於
衆中讚曰公有隱德意其有所乞問須幾何曰非也吾
窺公當計校不計校得方便卽方便釋氏法門公深契

焉人稱此蘇公讚范六丈語仲公當之無愧僧亦知人
矣項碩人卒諸子請繼或若太父例仲公不可後母後
妻爲國家禍不少吾一之已幸何可再乎方構室量事
期慮財用諸子請代曰吾僥爲之忽寢疾諸子請治命
曰吾生平行事訓誨非一朝夕汝曹耳目之久矣復何
言遂卒萬曆壬子五月五日也距生嘉靖乙巳五月既
望年六十有八子四人伯繼道禮部儒士娶商山吳澄
女仲繼德國子生娶鴈塘吳維翰女先卒叔繼宏國子
生娶草市孫文林女女一適商山吳其名皆許出季繼
伯娶月潭朱夢龍女項出孫男十有一人洪繼娶清溪

諸生姚時庸女洪兆娶隆中太學戴希魯女洪功娶隆
中太學吳守讀女繼子潭許一道女皆道出洪用娶鴈
塘太學吳維揚女洪試聘隆塘諸生朱有聲女皆德出
洪範聘隆灣光祿黃道明女洪濛聘居安太學黃夢麒
女洪鬯聘商山太學吳懷謙女洪化聘商山別駕吳繼
臣女洪宿勿未聘皆宏出洪應亦勿未聘伯出孫女三
人長適某次字某字某曾孫男二人英震英聲幼未聘
皆洪秀出以癸丑十月二十有五日程筆硯山之陽項
碩人附繼宏字奉高溫雅有器藉其所善孫五仲余嘗
爲之象贊稱仲公行事與少不合余信兩人言不謬可

藉手免于李韓之誚矣銘曰不知其人視其友賢哉程仲公之友非其友莫之友也不知其父視其子賢哉程仲公之子非其父莫之子也名賈而行儒人何必不爲賈也賈得儒而名成人何可不爲儒生也瞻烏爰止于誰屋也凡厥正人富方穀也有橋有梓爾宰木也永錫爾類綏後祿也

吳處士墓志銘

處士吳見南公名正宸字伯拱世家曹溪之南由洸公而下代有聞人父東園公三丈夫子伯正宗仲正學季則公東園公夢見大星或指爲南極以語客是福耀也

大泌山房集

卷之八十八

志銘 三十九

百

已而翁生故翁名字因之十四喪父盡哀如慕如疑寘弔稽顙而後拜願乎其至也既婚母嗟季少不能遠遊翁請于母曰二兄服賈任勞兒安得獨逸從兄賈淮海治鹽策諸賈人率恃邪贏卽收厚實亦致博禍公幅利不冀非望得廉賈之五而或過之乃自奉脫粟之飯澣補之永官室器用與馬僮僕類朴質簡約了不異人新安人好客或行媚要路得其一顧不惜行金錢翁既有長者聲貴人時延訪之無所拒絕然終無所附離雖密親平等一相也見人訥於言詞逡巡退讓惟先世丘墓田廬掃除芥藻舊播不遺餘力初建宗祠治道成梁儲

粟爲義倉以備凶歲則不燃首事又亟繕本支家廟爲之盡力而五服遠近之屬皆者授幣寒者授衣饑者授食斂者授棺葬者授地露處者授居商者授資斧學者授束脩貸者不責償孤獨者無父子而若有父子鰥寡者無夫婦而若有夫婦通國誦義不絕口郡守邑令楚董彭諸君嘉翁行誼用鄉飲賓禮之固謝不往母病不脫衣冠而侍所飲食無不先嘗然後進擇婦乳之潔白者以和糜而飲之母食有加則喜小損則戚爲之不下咽母九十四以天年終翁老矣致喪如嬰兒啼恨失父早因以父事兩兄隅坐肩隨行事無敢專輒仲兄後母

大泌山房集

卷之八十八

志銘 三十

百

卒翁益慟事伯兄彌謹朝夕啓居不違伯喜奔喜飲喜遊翁日儲佳酒召所善能弁者娛侍之昇盤輿扶杖躡蠟屐縛竹爲桴汎清谿登高丘涉名園窮道靖梵宇諸勝非大寒暑風雨未嘗不出于視諸子而孝廉希周事父孝翁與其父綢繆如同生兄弟迭爲賓主兩家子以次行酒上壽談諧笑悅不知年數之不足也伯兄卒翁哀之三日不食主人主婦室老爲其病也強歡之不納三月不寢三年忽忽如有所失遂至於病然無痛苦驚怖恬然而逝翁生正德己卯某月某日卒萬曆甲午十月十有八日年七十有六元配潛川汪俊銘女繼汪

德燦女子一卽希元中書舍人以其官贈公母皆孺人
娶上路汪文學在田女封孺人女二長適臨河程虞卿
次適潛川汪鉉孫男六人長起鳳娶槐塘程孝廉道康
女次翔鳳娶松山汪太學秉衡女次雲鳳娶潛川汪對
賓女次廷鳳聘棠樾鮑大本女次家鳳聘潛川汪太學
居常女次和鳳聘叢睦汪太學世用女孫女五長適汪
見龍次適殷明易次字江中丞東之子恒清次字汪某
次字程某曾孫女一人未字翁之卒也江中丞爲狀中
丞以直名不諛人然翁猶稱處士更二十年希元卒諸
孫屬余爲狀余以公之賢固不借一命爲重仍其舊號
大泌山房集 卷之八十八 志銘 三十一

而銘之曰貨殖有列傳始自漢太史公孔氏雍容任氏
節儉陶朱公富好行其德吳翁所同孝于親弟于兄遂
以身終今之人鮮能此道惟翁子也鳳池孫也鳳雛翁
也丹穴美所鍾生不遇司馬子長傳史記中惟舊史氏
書而銘其窀穸之官

大泌山房集卷之八十九

京山李維楨本寧著

處士黃先生墓誌銘

余嘗客武林諸孝廉茂才十餘曹昵就余數述其里人
黃子重先生言論風旨有隱君子之操以不及見爲恨
最後與司寇吳伯恒共事大梁得浙賢書指黃生汝亨
脉余此子東南之美余心識之不知爲先生子也今年
秋黃生介其友吳伯霖茂才及雲間袁履善先生武陵
龍君善祠部使使奉書造門言先生沒矣昔者汝亨之
母不祿則王司寇實銘其墓而司寇與新都下雉後先
泌山房集 卷之八十九 墓銘 一

脩文地下夫銘余父者非子其誰余時方有妻喪與觚
翰闊疎而重違生數千里之命且聞先生賢十年往矣
諸介者言復足徵謹按生所手述行畧而志之先生名
裳子重其字所居鶴洲取以自號其後人尊稱鶴洲先
生云先世不知所自徙徙錢塘之左橋者曰福壽蓋洪
武時人四傳而生先生父曰逸山公榮富逸爲閭里雄
昆弟五人伯諸生仲叔受賈先生齒最少而兄弟好
生分產漸落先生從其仲兄析薪捆屨以鬻于市忽自
泣曰吾寧餒而爲伯不飽而爲仲也棄之受書外傳年
纔十有三耳十八而耽學銳意講誦或時思至不自知

凶失衣冠更傲昔人焮掌雖股累夕不監寐以爲常督學使者陳公儒試其文弘雅溫厲補邑諸生同時有汪東昌者才相甲乙兩家羔鴈成羣而觀察惠公特延致家塾先生詳言正色諸貴介公子無所下借其說經不守章句而連什無傷衆莫不屬耳忘倦所得月奉務洗腴養父母引諸兄貧者與共居一味之甘分而食之無私既納婦王王有閩德杭人所稱孝孺者也于時租委鮮薄孝孺親執家苦以拓生產而所崇假無何母病先生禱祠醫藥萬方卒不起哀毀絕而復蘇者數四而伯子汝高已脫襁褓則日率婦子伺其父卧起早暮枕高卑眠遠近爲憂喜凡二十年而父卒哀毀猶之母也父卒之明年島寇起焚掠郊保勢旣排逆羸服間行護篤老將細弱數十人竄走皆裸跣塗炭饑困不前先生拮据持茶俛得無死賊稍寬挺散去復歸故廬衆歎然相賀是先生收之斗極而還之司命也而汝高亦補邑諸生先生遂罷遣生徒無何伯子天先生益就窮夫婦不厭麥飯藜藿之羹充然自快也晚舉汝亨而慧口提抱自喜小兒曹乃有大意抱膝上授書習即補諸生尋食廩名驟駭出父兄上所論譔當世士大夫共諷誦之至辛卯始舉於鄉而孝孺已前死先生哭之慟夫七十年

大泌山房集

卷之八十九

墓銘

二

中所與共更艱厄者誰與而令我獨稱孝廉父雖然吾寧以孝廉父忽忘雅素孺子自今以往意氣差加于昔吾不樂以爲子先生行年八十而食貧之日強半又恥食非其力有黃博士者列先生貧士籍中乞粟上官先生艱然不悅曰天地豈私貧我哉奈何食此嗟來之食而三黨中有匱乏輒周旋不遺餘力止纓綈且喪明孝孺父沒獨母李在俱筆以來母事之終身從子汝淳落魄數本菜之爲娶婦撫如其子而館于壻沈九齡于貳室者三十年始遣女與俱歸母以養而奉人子孝姻好鄉隣緩急蹙蹙濡足爲之地有紛難知其情核分解趣理各降心以相從也汪東昌死于官其兄弟以奔者先生獨與其孤匍匐酸泣昇之還四方聞者高其誼願交驢先生而汝亨亦多長者游輜輶柴轂填接街路先生察言觀色評隲其人善敗雅俗無所失時謂汝亨馬季長有名當世教授諸生常有千數而三輔高士未嘗以衣裾掖其門孺子母以客自豪宜謹擇可者夫叫呼街鬻縣旌自表虛造聲譽妄生羽毛猶木禺之於人也奚貴哉平居閉門掃軌請謁不通手一帙哦吟自暢故所等夷皆已貴先生布衣班坐絕席恒在右幅巾奮袂談辭如雲其最稔者友則文學劉道光虞文成邑博吳厚

大泌山房集

卷之八十九

墓銘

三

甫弟子則惠子德楊思震年齒鴈行以敢以媒容見里中後進往往事先生如父執受之無所讓博士舉先生行誼有司以大賓之禮禮于鄉射逃避不往其亢介如此而底裏上露卒無纖介見父老慰以農里之言少年勉以孝弟之訓無貴賤小人行能不與先生同而皆欣欣愛慕焉雖不勝盃酌而飲人以和壯中釀金高會微

先生來不歡也常言太丘道廣廣則難周仲舉性峻峻則少通吾不刻意而行不肆不牽物而志不流不夷不惠居身之珍如斯而已矣史氏曰王湛有言山澤不必有異士異士不必在山澤先生蘊匱古今道執深明童

大泌山房集

卷之八十九

墓銘

四

非厲志白首不衰假令依其質幹準其才行庶幸逢時銘昆吾之冶勒景襄之鍾豈徒俗之凡偶近器而已者哉湛言非過論矣士懷琬琰以就煨塵如先生者何可支也先生生正德丁丑二月二日沒萬曆甲午二月十有七日年七十有八舉子二長即汝高娶范醫士女公嗣次即汝亨娶沈隱君女繼娶張揮使女女一即沈九齡婦孫男二長茂梧次茂櫟孫女二長許字太倉張懋官次未字以某年月日葬某山麓王孝孺耐他事附見孝孺誌中銘曰天目之山至于錢塘龍飛鳳舞襟帶江海表裏吳越東南天府鴻紳學士項背相望羽儀楚楚

疇見可欲而心不亂矧乃多賈中具五民闢知爭力趨時鳥舉湖山游治月無虛日偷生咎厥驕奢淫佚所自邪也多歷年所齊褚元璩宋林君復元張伯雨是名處士條然物外塵塵可數明隆萬間有黃子重作三君侶聞諸陳蕃江南卑薄非若三輔徐穉角立宜當爲先誠哉是語我嘉黃君斯焉取斯居今稽古

國士李公墓誌銘

真州之李氏其先勝國時有爲彭城閫帥者榮

高皇帝舉義師率衆歸附官執金吾再傳義出鎮真州文皇帝渡江以扈蹕功擢都指揮使尋佩金印平蜀其

大泌山房集

卷之八十九

墓銘

五

婦陳平江伯女真州人遂家焉義之弟英以勲衛直禁中英生徽徽生實實生鏗其婦兵部侍郎黃公瓚女即近齋公王父母也公生有異徵王父母憐愛之令兒衣逢掖冠側注揖遜孔氏官勝東家韎韐跼注君子矣使受經生業侍郎公賞教以屬對敏而有巧思喜曰是不愧吾彌甥弱冠舉博士弟子員第一人傾橐購書書賈故昂其直輒應所至肆輒空積書充棟而所好在左馬手丹鉛口誦誦飲食起居共之已苦市兒徵逐則逃之蕭寺局戶校讎申旦不寐同舍生從牕罅之匿几下讀自如久之目爲青矣伯兄貸子錢家千金歲收其息

以是漸饒而爲內戚所蕩盡甚暴卒公割產償之而先時父嘗賈昭陽下里人謂可往收責公往會里人遭水患因焚其券而歸里人爲之語曰李明經償千金棄千金寧負我無負人旄倪鰥寡祝公多賢子孫者聲載路矣父卒哭之慟幾滅性卜地經歲不得而田間餘壤一黃冠過之言吉卒如其言方植土圭有白鶴來遠三匝去又紅喜子數百自空下衆奇之輯苦廬墓傍日三食涕泣橫集母卒亦如之家小毀不以儉殺禮服除益治古文詞門下士從者肩摩而公齒長矣季子季宣能讀父書公曰是奚必于吾身親見之哉遂謝博士籍而

大泌山房集

卷之八十九

墓銘

六

來者罵坐者引辟之深居而簡出惟與陳別駕同席書年德相儷歲一再過從而宗人密戚喪必躬臨母兄弟食指繁析箸歲時伏臘治酒高會以子子諸從子畜其失怙恃者厚葬其凶後者御諸子若陳元方御僮僕若劉文饒而終不失雍熙之軌焉其禁殺生尤力集古今事示勸戒見一蟲一草唯恐傷之麟趾騶虞性固然矣邑令樊君疾惡如風士大夫以嚴見憚獨造公廬禮爲鄉飲大賓公不可諸子強之乃許後有復我者先去滅其迹矣公故山澤之癯晚滋甚而讀書不輟諸子以爲言公語之曰吾聊以寄況永日耳樂此不疲也有占候書甚秘之屬續前數夕舉以遺季子往余游海陽邂逅季子海陽令則丁元父其生皆丁未遂結爲兄弟過真州謁公寬然長者姿儀如神仙中人而自恨與元父皆失父公今距九十纔少二齡耳季子九上春官公觴酒豆肉而餞之江潁破釜沉舟在斯行矣季子復不第思就銓格以百里之祿養公而怵怵心動遽歸周旋公四月雖寢疾無患苦諸子孫乞治命第言無忘農事而已公名鵠字伯騫生正德辛未八月十有七日卒萬曆戊戌八月十有三日丈夫子三人中子札早卒伯子紀季子祝卽季宣葬公以卒之明年某月日墓在小銅山

大泌山房集

卷之八十九

墓銘

七

元父表其陽而余志其陰季子本原翁意如此云志所未具者在公元配某孺人志中銘曰孰是將種而不締孺統綽而儒衣冠呻其佔畢如彼蟬蠹孰是小儒而不以詩禮發冢而損名田折券棄責赴義何勇孰是詞人而不月露風雲而以意爲師天籟吹萬聊樂我員孰是孝廉父而不呂鉅而搏節退讓遺蛇其迹行步偶旅髻髮厲志大耋不衰一極一已長揖而辭在易有之鴻漸于陸其羽可用爲儀

篤行汪公墓誌銘

汪惺我公名元鏤字容卿以嘉靖丁未四月十有四日

辰

卷之八十九

墓銘

八

生以萬曆辛亥五月三日卒年六十有五娶江甯人民部郎來岷之姑也舉子二人伯淳性國子生娶方明綱女繼王某女仲淳愷娶黃鐸女女一人爲歸州守王良用孫繼祖婦孫一人從極聘吳澆女女孫六人已適者爲叅軍程秉衡孫希鰲婦已字者程中秘一炤子在賈吳太學允欽子某胡時元孫某明年壬子二月二十日葬潛丘園中潛丘園者公太父於潛令燁所築也在郡華屏山城跨之園負之於潛公藏焉以授仲子在田是爲公父公奉父亦藏焉而公之子奉治命以公祔在田公與從兄比部郎在前公俱有文辭數奇不售而舉公

甚慧曰是可竟吾志外家楊翁育之爲孫晨出拾遺于道坐而俟其人歸之日入始返楊翁問何晏也對以故翁大喜孰謂十歲童子而能行大丈夫事乎弱冠學益勤治舉子業甚工時功令嚴歲試即大邑所收不得過十五人公以高等補諸生邑人傳誦其文有比部筆法而屢受吹拙目遂投筆而漢鄉者吾當難進時脫穎殊易今賢路清夷遭蹶乃爾豈非命哉上書請謝博士留之不可家大人才百倍我曾不獲措足鄉校吾早隸弟子籍幸矣士有貴於已者非在側注冠逢掖衣也博士重違雅尚具白學使者授儒官公笑曰徒污我耳角

大泌山房集

卷之八十九

墓銘

九

而情若同生萬子孫無相尤也公眉目疎秀美鬚髯冠九雷冠扶九節筇高視闊步所至人宗仰之雄飲健噉而溫克不愆于儀居鄉黨恂恂粥粥若無能至臨利害深谿可赴白刃可蹈也料事成敗往往奇中縱談古昔如指掌上爲人排難解紛急于已之私而不任德事具吳學使傳中江民部狀公謂酒人俠客狂生方士公若胥有之無功名滿志無困厄見節獨厚於人倫其道中庸故不可名一家信哉淳性以比部余同榜故事余若太父行而持民部狀乞銘以余嘗記潛丘園庶幾足重公者因目之篤行而申潛之義爲銘曰易乾初九潛龍

大泌山房集

卷之八十九

墓銘

十一

勿用日可見行善世不伐遜世無悶而中文明公也君子不易乎世不成乎名庸言之信庸行之謹閑邪存誠龍德而隱進退上下非以離羣潛乎潛乎非田非淵在山在城丘乎園乎生死寄焉無死無生

文學張公墓誌銘

萬曆十有五年三月七日文學張公卒縉紳學士聚族而爲之誄若輓已倣黔婁故事按法私謚之莊靖義取於履正志和寬樂令終云再踰年十有二月二十有三日公子年兄弟奉公葬先墓之次手狀公行使使者走大梁告某先君子得易名沒且不朽維是一二行事非

足下表章謚將無徵某乃爲之志曰公諱守道字化卿別號少坡居士高王父天富曾王父俊王父任父閭皆力田至公而受儒業少從別駕潘西里先生善屬文南溪尹胡公璇見而奇之以其兄琛女字焉未冠試督學代中丞郭公會安陞州初改郡簡下邑茂才異等以實郡庠公獨子念父老不欲往乞補邑弟子員踰九年父卒假貸服具餐體髮含皆如禮豆間之祭未嘗不流涕也母彭碩人稱髮四十年家具漸殷奉養唯其意無不備或以細過詬譴左右公長跽庭下俟威霽乃已風露之不時體小違和必迎致醫藥而躬嘗薦之蚤暮侍無

大泌山房集

卷之八十九

墓銘

十二

小休病日惡則請以身代治禳占夢卜舉家如狂母沒之日公春秋垂六十矣焦毀猶故也公先世居邑之南偏距城百里而遠自公始居邑屋子姓散處田間歲時或不能具脯脰展墓公爲置田若干畝俾族子良者可其籍以供祀事公爲諸生法得復而推以庇其族酷貧者法所不得復爲劑貧富衰益之庸調無綺重自勝衣以上能受書爲行脩塾師督課之故今張氏襁褓苧蒲有俎豆揖讓之風焉公既惠和其族則以施母之黨若彭希賢若而人以施妻之黨若胡宗志若而人以施於隣里鄉黨若潘坤若陳橋若而人爲之授室國中而使

名師爲之授經以是繼公爲諸生胥有聲而公之始爲諸生與先通奉同時其後某復以諸生從公後凡六年公先進長者猥自縛紉時引與釣禮生平未嘗色忤人無少長貴賤敬愛公如一而有司數錄公上楚關數不利公不屑意也會年亦爲諸生公乃謝諸生奉其母城南別業足不入城府故知造公爲置酒茂樹下對弈弈無論勝負輒飲飲無論醉醒輒歡頽然自放條然自適者二十餘年而晚乃有柴桑翁之疾疾且革昇之入邑居正寢又數月而後卒距生正德丙子三月二十有二日得年七十有二男子三人伯卽年胡出仲阜叔阜

大泌山房集 卷之八十九 墓銘 十三

繼室王出年娶庠生趙君質女有孫景行景雷景行娶貢士楊君璿女生曾孫懋阜娶曾自強女阜娶大足簿魏宗秀女有孫景孝公女二長適宗秀子謙早逝誓不更二夫次適庠生楊廷佑子琬年女三長適庠生王寵子登之次適庠生屈仰之次字黎應台子極阜女一未字某兄弟以通家子數過視公疾公執手而軋于語曰余日者數見尊君將從之游矣輒泣下某兄弟亦泣又強起手書以二少子家孫爲託諸君如不忌尊君者其善視三孺子則尊君故人子也某兄弟敬諾因并志其事以報公且報先通奉而系之銘曰何所名士經明行

脩名實相詭士道乃偷白首經生坎壈一第行必以經經不以藝一本三黨暨於通國公存與安沒而公憶踐士之賢奚取成名名亦隨之在謚與銘

戴雲峯先生墓誌銘

海陽戴長卿從余遊爲舉子業及古文辭其王父以爲才而深愛憐之無何王父卒又六年長卿爲諸生又五年舉王父葬長卿匍匐千里來踞而泣曰夫孰使我儒衣冠而奉先生周旋者耶惟王父夫孰使小子能成王父志者耶唯先生敢以王父墓中石乞先生之一言蓋余與戴翁稔矣志墓是宜在余翁名印祖字仲符海陽鳳湖人也三歲失其父則母兄已受室據父之遺貲行販他邑所遺翁若翁弟者十財一二翁母子三人至併日食十歲而隣人不戒于火延燒殆盡有叔父過而見之曰孺子不學而求無資得乎翁母子悟其言十一歲始受書十三歲屬文脫粟不飽短褐不掩脛宗人梓胡而溺之溪中賴天幸不死十七歲有舅氏爲賈見而憐之孺子母薄賈賈固儒之資也挈翁賈閩翁日佐舅賈而夜潛篝燈讀舅復中火以翁走楚復中盜以翁走燕而有以大辟中舅氏者舅氏尋卒蕩其貲翁乃賣上燕市與舅喪還而母復卒矣免喪翁以醫走金陵雇傭備

大泌山房集 卷之八十九 墓銘 十三

朝受約而夕死其家誣翁搃殺之園奪其囊藏身出而訴之司權郎察翁冤獄乃解里人汪氏子謂翁饒心計以闌出鹽授翁而上以薦飴蒙之關吏捕得法應成翁不欲令汪氏子得罪爲明冤論一通上直指使者陳君陳君惜其才貫之而西走楚至西塞山舟沈翁步走洞庭大澤中捫撫自給已復歸會督學使者試士翁就試補郡博士弟子員諸嘗齟齬翁者虞脩卻翁恒寬譬之夫知我之有今日者當不以昔日加我然我安能必長有今日相循無已徒自苦耳其事兄嫂卒如初而故怨家終不釋然于翁聚而謀曰是夫也鷺鳥之擊先匿

大泌山房集

卷之八十九

墓銘

十四

其影治怨如薊草芟夷蘊崇之絕其本根斯無患矣復以大獄中翁翁度無如之何跳而爲越游事小定歸而翁已踰四十舉伯子子明仲子子和賈嘉定島寇暴起蹂躪江淮豪委寇手而復有以大獄窘之者翁跳而之吳門顧其橐塵塵纖嗇而息之稍無虞朝夕矣伯子病不任學教之醫爲納婦婦後夫黨而先母黨伯子無以制贅居婦家翁所望以得志者獨仲子耳授之書不受而喜爲賈翁聽之已爲納婦婦姒不相能仲子復有手談坐隱之癖往往折閱而翁亦倦游歸海陽矣手一編誦之洋洋然風物晴美策杖老而游黃山白嶽松蘿諸

名勝間以平頭奴子從意與所會短詠高歌樂之如一部鼓吹王元美先生序其集翩翩有餐霞凌雲氣韻不得之記載呻吟而得之操條諳歷不得之聲律比擬而得之趣流意會信然哉族有臧獲失物懼主母督責者里有亡雞而詬者少年有僞稱盜胫篋而投繯者翁咸代爲之償少年愧謝卒爲良賈其在越拾遺金席下同舟數百人晨起翁人以一掌大薄臙乞書姓名爲後會張本衆皆諾翁宣言曰予不幸亾金諸人有得者可見還不則姓名俱在請俱就更有錢士奇者懷五十二金輸郡租愕而索之踴踊呼號翁笑曰金在余所驗其手

大泌山房集

卷之八十九

墓銘

十五

字良然歸之士奇請以半謝不許請以十之一謝不許舟中人人誦翁長者而更得翁所以自言亾金且欲衆手書姓名意歎翁不直能廉兼有知矣其夜夢雙眉長委地是爲壽徵而久之夢士奇來謝其夜長卿生長卿者名振先子和子其母莫吳人翰林珪孫女也子明之婦爲金處士思立女生子昌先女六英爲程元鉅婦長卿娶吳勝恩女母弟曰象先聘程守訥女女弟曰文倩未字長卿爲越諸生則以翁游越時占籍云翁生弘治癸亥二月六日卒萬曆甲午二月十有五日年九十有三人稱之雲峯先生葬以卒之後十年甲辰十月六日

墓在鳳山之陽其嫗程處士侃女先翁十一年卒蓋余所睹記士之寤未有過翁者災莫如焚溺酷莫如盜寇刑莫如大辟而翁皆數離之然造次被服必于儒者儒不得諸身求得諸子不得諸子求得諸孫行年九十險阻艱難之備嘗而必不以騫汙墮名豈不誠大丈夫然哉余覽其授長卿遺言多動心忍性實際獨詣語至慟母弟顯祖死嶺海屬善視其子孫所謂別見孝弟之性者彼以俠烈士目翁抑末矣銘曰高士逸民聲施終古要以貧故無他患苦翁自貧士而多齟齬苗害並至萬死爲伍人如天何翁天自定天如翁何翁以人勝既錫

大泌山房集

卷之八十九

墓銘

十六

難老亦昨佳胤史氏作銘昭哉令問

鮑康貞墓誌銘

嘉靖末歙人司徒鮑三峯公完名命十以歸至萬曆始卒公撫黔有平夷功遜不居值分宜罷相代者錄用諸淹卹在外之臣一歲三遷不得報政公又亟退不及任子以故其子孫二十餘人皆以文行自表見無席先世資而家孫康貞先生爲最着云先生父梁母方少育于外家市井諸藝作一見輒效其所爲外祖異之是可乘鮑氏驄者從王父游南京試以政事輒指畫處分所宜王父稱善因名之世濟字之元愷而受春秋於孝廉王

先生及宗人桓公門通其學尋爲郡諸生試高等晉增廩生娶方國賓女而母卒朝夕苦出入室奉母喪歸哀至號泣不勝諸弟在襁褓中屬其婦乳哺之不啻母之於子繼母悍率家人事之惟謹以爲無如何驕而逆其父父怒察知狀出之先生泣留父亦泣奈何以帷廬之昵而爲宗祏門戶禍乎司徒以清白貽子孫生產薄所共邑租庸若女弟裝送費先生脫婦簪珥共之卒不令父知數舉子不育晚得子同甫而婦喪或以繼室請先生喟然曰上不及高宗中不及古甫吾先子之爲曾參也難矣小子復何敢其後兄弟行中遂有效之者矣

大泌山房集

卷之八十九

墓銘

十七

司徒祠在里東偏與諸弟及子肄業其中昧爽起薰沐而拜司徒像前低徊欷歔久之乃退其旁酒家胡目挑心招先生過則俯首不一盼或瞰先生以載酒入祠看花必使人候望于門聞先生至咸避走性不善酒而與人飲必盡歡或強灌之而密置妓帷中更衣娛侍輒引裾去雖盛暑必攝衣冠雖燕處不袒楊裸程嘗訓其子曰人立身行已無爲人所輕亦無得輕人所延見廝養卒必以禮人有過不言示之以色改而止生平所敬事程子虛所契合潘華南方宇余嘉猷潘之恒吳必進門無雜賓家資用故不饒而外家負母錢還其券又私周

之宗老貧顏色腫臃時餽之食沒齒乃已稱貸者第取母錢不問多寡久近甚或忘其名寒賤之子有心計使從高貲賈人游已而賈日起有所爲報必厚酬之不任德書傭竊其物誤遺于地僕以告先生先生戒無言或泄之傭傭恚而詆先生于道先生笑不答傭色沮先生徐譬之此物人所恒有何必定爲我傭愧謝而去諸解紛難而人莫測所自者不可勝數士高先生之義願以爲師固辭病不勝杜門距躍入其庭如無人焉者汪司馬語其壻世延阿兄所謂名可得而聞不可得而見者也宗人觀光孝廉父過先生草色侵階呼之爲茂叔居

辰大泌山房集

卷之八十九

墓銘

十八

學者尊之號屏山先生于書無所不窺有未晰研究忘寢食而治春秋所發明多出意表旁通佛典而戒子弟無涉獵是易蕩人意爲文默而好深沈之思或言太苦獨弟觀光與紫陽洪某推遜之如長卿賦不從人間來體故癯善病以好學病更甚念司徒公未及謚不能詣闕自言歲當比士冀可偕計吏申慈孫孝子之思讀書祠中不輟而病寢深昇歸猶作色示健以無貽親憂弟某來候問汝婦病愈未弟不禁泣下呼同甫橐中有稍貲可乞之觀光入視其帽猶巉然也不能言拱手而別明日遂卒其季弟哭曰兄一縷一鬢不自私今將安藉

其猶子哭曰吾五歲而孤叔卯翼之有今日今將安仰

其友人以班來哭於位退而嘆曰貴公子而貧貧而無愠聖人之徒也其猶子申之曰君子哀名之不聞不哀年之不登哀行之不修不哀位之不違先生行立而名高又何病焉其里之胡考婦孺則飲淚而轉相告語瑯相公已矣蓋先生小字瑯當云里有節孝坊博士弟子羣萃而處二百餘人勒先生名于坊之石爲祠祀之如司徒而議所以易名者僉曰康貞可汪先生文瀾每週祠下必謁而垂涕獨寢不愧余獨行不愧影吾師鮑元愷矣先生生嘉靖甲辰七月二十有三日歿萬曆戊子辰大泌山房集

卷之八十九

墓銘

十九

鄒仲子墓誌銘

余先世吉水與安福同吉安郡後徙景陵京山太學周公應斗自安福徙潛江又同承天郡安福鄒仲子景陵徐公惟得子皆周之倩也余因徐公爲媒豚犬子受室于周周公有吏事避宅且二十年兒婦歸仲子夫婦主辦裝送更二年余過周公晤仲子居十日言論風旨神明意用使人爽然自廢仲子父爲洗馬公德溥王父爲太常公善曾王父爲祭酒文莊公守益高王父爲僉憲公賢尊者帝師大者天下士師極盛之後難乎繼矣不圖象賢有仲子也初太常公爲山東督學使者以洗馬公從生仲子于邸有異質名之曰克曲阜隸充郡意蓋

辰
大泌山房集
卷之八十九
墓銘
二十

以魯國儒一人期之已更名亮明字之子周一字子蓋自號葛峯山人止而能持論善屬文吉安守周公之屏曰昔漢儒林傳稱嚴彭祖授春秋王仲家世傳業然文行不少概見鄒氏春秋起家五世其昌如仲子豈不韙哉洗馬公讀中秘書以仲子從里人比部王公繼文故太史劉公孔當春秋專門名家仲子與伯子子某受學誦多而晰厥指摘辭下筆鸞龍之文奮矣宗人有籍執金吾者仲子因爲京兆博士弟子員入試棘闈其文若發穎登離衆絕致以束于額不第仲子未數數然也師耿恭簡公爲理學下意問難委命供已味道之腴有溫

故知新之益焉洗馬公典司綸綍日注乘輿起居藏之金匱石室已侍

上講幄授經東宮日夕不暇給則以家政屬仲子仲子要東門闌之廡擇地而蹈然而簡易不煩不以賢知先人差次親踈斟酌豐約于孤寡窮匱調護之尤厚一當洗馬公意居有頃如潛江逆婦婦母郭孺人爲給事公嵩女而孺人母大耋無恙旣篤愛女尤愛女之女日夕膝下孺人持門戶勝丈夫仲子婦才似之周公諸郎少固留仲子以仲子高誼能急人之困也仲子挈其婦歸見舅姑脩溫清定省之禮而洗馬公心念周公無

辰
大泌山房集
卷之八十九
墓銘
二十一

爲周旋者趣仲子與婦俱來潛江自是歲數歸省使使問安否相屬于道而外家有緩急輒跳驅千里扶義而西猜忍人視周公公如多方以誤之數逮以罷之仲子省衆而動監戒而謀謀度而行外侮因以挺緩至夫赴機應節險阻艱難較之累繭救宋連厖存楚不啻載其半矣周氏三黨之戚若僮僕數千指無不敬愛仲子者從其郡邑士大夫賢豪長者游齋邀退讓久之受一廬以居受百畝以耕與隣里長無纖芥當路以仲子名家子注意高仰之倒屣迎上座佳言名理渾渾雅致霏霏不絕嘆曰鄒仲子世德慶胄不恒有也仲子有大志多

奇偉倣儼之畫策而攻舉子業體氣高妙有過人者辛卯江西大比士主司亟收之以一言受收拙目遂復見罷益肆力古文辭究天人之際通古今之變成一家言發爲詩歌風雅大雅之音具載明德堂集中書法歐陽公及漢人八分臨池家珍之晚與二氏學者還往商榷或謂君舍家雞學野雞乎仲子曰不然逃墨必歸楊逃楊必歸儒歸斯受之而已彼且卑視吾儒吾發其覆破其藩偕之大道耳何得以魯男子之不可病柳下惠之可其識量如此生平事親色思其柔竭情盡敬疊疊忘劬事伯子莊而和伯子郁穆仲子方整兩相爲用而相

大泌山房集

卷之八十九

墓銘

王三

得有合于叔子子尹季子子胤開顏披心常有以自下者兄弟相師友以孝弟禮義爲鄉國所宗仲子婦數舉子不育而助遵者周氏姬生子而保抱攜持之不啻已出洗馬公命名世俊聘趙彥章女今讀父書風神高徹慧種生聖固不虛也仲子生隆慶戊辰九月二十有三日卒萬曆丙午十有一月十有三日年三十有九子尹十五雷峯之麓負乙抱丙以葬而走江都奉王比部狀來乞余志余嘗見太常公爲郎洗馬公爲史時儒者氣象自與人殊而仲子魁岸殆過之乃止此乎不敢復相天下士矣銘曰四世通儒爲大夫爲卿既多取精及子

之身年與位奚其贏子不爲大夫不爲卿無忝所生以君子儒齊名視年孰永視位孰榮消息盈虛是爲天行留有餘不盡之福以貽後人雖曠世而若新子之子孫蒸蒸繩繩靡不承吾銘子墓信而有徵

文學李君墓誌銘

宗老竹溪翁自曾王父舒鑑徙家荆門至翁兄弟而門望爲荆門冠翁子孫多賢者進士先輩茂才之屬可十許人孫進士幹之卒也翁屬余志墓又十三年其仲子茂才世達卒世達之子茂才梧復以翁命來請墓志余游翁家三世義無可辭梧手狀其父行事簡而文信而

大泌山房集

卷之八十九

墓銘

王三

有徵因約畧爲之志曰君名世達字上卿生而警悟見人舉動輒識其意少從翁宦雅州所經歷蜀山川故實道里遠近上下酬應刑政得失省記不怠叩之如指掌上已爲舉子業語必驚其座人十二而爲州諸生州郡守若督學使者試無不在高等顧數不得志於省闈甫四十而諸子舞象食牛英英異稟君乃慨然兒曹可以繼吾志奚必身嘗試之哉家有園十畝而儉饒美箭里人所號爲李氏竹林者也君顧而悅之夫竹家戶所常有耳而晉以七子著人今以吾氏氏竹林而吾不能爲竹林增重耶構亭其中而余爲之額曰綠潤且爲之賦

好事者聞其名而慕之過從日益衆君益雜植花卉以輔竹之勝其旁爲名田爲蔬畦農圃之事魚鳥之適風雨煙雲日夕之景漁人樵叟牧兒田父之樂皆坐致而總攬之故君之跡歲時十九在亭于焉謀于焉款客琴尊嘯咏壺矢博奕躍靈西匿繼之明燭或舉俗事告者浮以太白斟酌清溪洗其耳識者因目爲達君沾沾自喜使吾以達名世吾不愧名矣君外若簡易佚蕩而行有坊表道有一隆母沒倚棺而立三日哭一果一蔬必泣而薦薦而後食如此者終其身事稚州翁左右無方翁恒言吾得仲也而食加飽處伯兄叔弟無間言上官大泌山房集 卷之八十九 墓銘 二五

語刺刺不休而先是仲子舉子以七月十有二日滿一月俟仲子歸抱子見君而君前二日晨起忽遽疾不移時卒矣卒無一言及他其篤于孝弟之義明於生死之故或林下諸賢所未優也狀又稱君治家米鹽靡密煩碎能推行之類黃霸使桀黠奴類刀間數寸竹片數十斛不燒除可爲裨循類楊脩風流兼有治實噉薤留白可種類庾亮云君生嘉靖辛亥六月二十有七日卒萬曆癸卯七月十有二日年五十有三葬以乙巳某月某日墓在西山之原生時所自卜也娶于上官孝廉從兄某女伯子杜郡諸生娶上官處士某女生子先盛先賁先都女學淑仲子梧郡諸生食廩矣娶王茂才某女生子先昌女采繁采蘋叔子楓州諸生娶方貢士某女生子先實女學懿季子櫟娶上官茂才某女銘曰正爲人子而爲人祖子姓振振式穀繩武有子四人而三茂才偶聲清仰朱紱方來天之胙女豈曰不贏人之惜女年未耆而困諸生彭殤夭壽孰虧孰成有旦宅而無情死有駭形而無損心至人之言女其庶乎吾取以爲女銘諸生嚴君墓誌銘

太史公有言閭巷之人砥行立名非附青雲之士惡能施於後世哉所謂青雲士者近代楊用脩陳晦伯一觴

主貴一綺主賢其証辨其傳余以爲兩者固各有重也
浙文獻于天下無偶其賢者不可勝紀其貴者力能使
鴻生鉅儒爲之蓋失數美竹帛金石可束牛腰而閭巷
布衣之賢或不盡知名以余所聞則歸安嚴君其人故
可述也君名應祿字季鼎其先家新都宋靖康中避兵
至練溪中區葭莢相望傳說爲唐尉遲公遺趾君始祖
孟剛斬艾而居之傳數世爲絲綵爲君父而以後其伯
兄緒君娶于顧舉三男子曰嘉延嘉猷嘉楨五女子其
壻爲李承烈吳尊祖顧神京嵇首新張其蓋三黨之內
某世之上無貴者而君始爲諸生小時眉目疎朗風儀
大泌山房集 卷之八十九 墓銘 三六

下而揖之見父老容以郡國故實若前輩行事見佳子
弟盱衡擊節如已有之禮賢士爲子師歲時不惜小費
士從游者數十人不言束脩有無知厚過從沽酒擊鮮
竟日夕母或以草惡具進顧視其突烟寒矣婦簪珥時
時在質庫若酒家了不色愠也趨人之急甚已之私昏
暮扣門不以出爲辭然終不伐其能飲其德諸所常
施惟恐見故嘗受一飯恩者報之必過當惡聲至如不
聞中更家難所遭齟齬備至意豁如也更善遇其人君
生嘉靖戊申三月十有三日卒萬曆丙申正月二十日
年財四十有九別號理陽婦顧爲別駕諾女從父從夫
大泌山房集 卷之八十九 墓銘 三七

閒暢識悟過人受書暫視不怠年十有七補諸生有司
校藝數稱最常有大度不事家人產所後父貲故饒悉
讓兩母兄所後母死涕泗滂沱貶瘦枯槁家人負置揭
篋擔囊而趨一無所問已而所後父與父母先後死君
時貧彌甚附于身若棺者獨以身任之兩母兄受成事
而已親知胥爲不平君徐語曰君子不以天下儉其親
兄豈有愛焉亦適居約耳服勞固少者事吾何病事兄
情好彌篤間者計塞生平不窮行縵步恂恂如凡人而
衆所疑難片言立剖計量天下事若素宦于朝明習憲
章者與閭里浮沉相隨行路逢乞兒馬醫弗敢辱也必

茂才袁公墓誌銘

袁於邑稱著姓其以經術貴顯者曰侍御史佐桐鄉丞位廣文中心孝廉樞其治經術不見施用而束脩至行為鄉里所宗則茂才中裕中裕者侍御之從孫桐鄉之季子廣文之弟而孝廉之父也其字以容其家濱富水而居故號曰濱溪其先豫章紫溪劉氏勝國時有汝材者徙邑三傳曼更今姓輸家之半助邊

憲廟官之嘗夢數十百人謝其全活恩子姓自是始盛桐鄉公娶于舒有五丈夫子而公最少兒時風神秀徹塾師授書一過能舉其詞且通其義使屬對對如流侍

大泌山房集

卷之八十九

墓銘

三十一

御子太學君無子欲以公為後桐鄉公不可封中丞王公蚤世其偶聶恭人憐愛少女獨才公以女女之已從宦桐鄉就桐鄉經師受易其俗巧繁拜請公言不出閭邑人無所乘間而時時舉漢朱邑事諷桐鄉公桐鄉公遂用豈第著聲既以年至謝委政家督而公已為茂才與廣文公及其婦兄貢士中丞兩家昆弟講業山寺中嘗一赴省試不第益自奮治業彌勤而父母相繼卒公柴毀不勝喪兄弟析釜而爨家無僮石之儲食指數十朝夕才一溢米人嘉其廉與義夫婦居室有梁孟風數舉子不育終不置側室晚得孝廉舉酒自慶吾先人不

為餒鬼矣間於憂虞則有疾疢盍姑謀樂乃從父老為

田間飲飲輒醉醉輒放歌聲如出金石也孝廉學生而失弟公一意課孝廉不以獨子姑息趨庭多嗃嗃聲甚者予杖孝廉從婦翁學非經時不得歸省辛卯公中酒病力值孝廉就試強起為具行李祝之曰吾待捷而眠孝廉遂登鄉書第九人公聞而後喜可知也孝廉察公病非可旦夕愈意不欲上春官流涕交頤公悲曰始吾謂若丈夫耳今乃若婦人也人豈鹿豕也哉而常羣聚乎且奈何詎乃公老孝廉遂行明年病轉劇然秘不欲使孝廉聞至二月四日卒公方正有標準麗奇之服不

大泌山房集

卷之八十九

墓銘

三十一

御於身俳諧之言不出於口巫覡獲雜不及於門袒楊裸程不行於寢晚而逃之酒然不為長夜飲夜常手一編讀故同席研書者去為臚仕而公久困諸生無所造請即中丞昆弟友愛其女弟甚至公有以自守意豁如也無大故足不入城市三黨之戚或罕識其面而好面折人過脩卻者謀困以征繇公立為輸百金已構以大獄邑令悉其冤議反坐而公更為營救所講業山寺有督亢地豪蠶食之僧操書致歸公公曰吾不能為法護僧彌乃割汝所有耶還其地而授之直僧至今尸祝焉卒之日所待公舉火若析薪棄責者哭臨日數千百人

公生嘉靖庚子正月十有六日卒以萬曆壬辰得年五十有三越六年而葬男子一人卽樞女子二人一爲應城茂才陳鳳徵婦一爲里人徐朝聘婦外孫男女凡十人孝廉二子伯承緒聘張茂才凌雲女仲承統聘太學生董徽女孝廉婦翁夏崇謙亦舉孝廉舅甥同時偕計實自茲始邑人稱盛事云銘曰豈無慈父而君克孝簞金不問貽穀斯肯豈無哲兄而君敦讓脫身出分陶然自暢豈無令妻而君執義白首相莊旁絕勝侍豈無愛子而君能勞梓俯而卑橋仰而高名可得聞不可得見逢掖之衣藐彼簪弁衆人皆醉胡爲獨醒韜精埋照道

辰大泌山房集

卷之八十九

墓銘

三十一

在沉冥馬鬣其封松檟芊眠高士所宅百千萬年

茂才魏公墓誌銘

魏氏其先江西新建人宋峽州推官友直裔也有汝敬者徙京山遂以貴雄邑中復用高年賜爵一級子孫數十百人名田萬畝絲經術起家薦紳逢掖項背相屬而三世爲諸生身見其子孫繼之者獨槐泉公而已公父良王楚王府典膳母唐孺人兄弟四人公爲叔伯大足簿仲早殤季亦王官典膳公儻有大節嘗自多其有子使伯爲國子生而叔季就外傳治博士家言無何母卒公年財十有三哭母慟病不勝學而事其繼母徐如

因母年十有八爲田氏贅壻三年始還則受易延安郡丞董公董方爲孝廉公女兄夫也郡丞丞稱公善學將就試而父病作卒不起慟父過於母有乘喪而齟齬之者公外御其侮始解父既葬析居別第其治生務勤儉日用殷富而不廢學久之爲諸生而子準生有慧質公卽謝去讀種樹養魚堪輿星曆諸書家距邑千里而近負扈家山泉自山下繞戶牖間構池亭園圃据其勝客至刺肥擊鮮采果蔬錯俎而多種秫爲酒粉糗糗糗脩刑臚胖骨鱸之屬精好豐腴傾邑中矣公與其父若太父皆叔氏而準有二姊於序亦得稱叔居恒曰吾宗其

辰大泌山房集

卷之八十九

墓銘

三十二

當以叔氏興乎所爲擇名師教誨之者不遺餘力公乃寄適於酒日偕其弟暨董氏諸甥爲良夜飲穀食滋衰其後準復爲諸生公沾沾自喜是物自我得之自我失之自我失之自兒復之天下事大都類此矣人生行樂耳須富貴何時愈益發舒縱酒不輟準爲諸生有聲屢試於楚闈不得志地師言祖塋小缺陷因爲捐資建廟以埤益之而更令師事余仲弟孝廉公開六袞邑士大夫遽前爲壽余脩祝辭而準子翼明亦爲諸生賓客展賀無虛日公大快之已忽念曰吾儒不就而屬諸子子復有子天佚我以老將復休我以死乎因泣下沾襟歸

子以家政於時苦腹劇醫謂法當禁飲公不聽準憂之竊爲治木買舟下江東乞靈三茅比歸公更鑿池注泉爲曲水流觴之樂而撰日行諸男女孫六禮然膚如腊矣歲大比士準不欲去公公強之行邑與郡試在高等惟學使者案未發準趨歸待公公病革準奉藥拒不納猶問案發何時無一語及他而先時數爲準言平生所受德所未報德者若干人孺子識之公以好客聞卜夜投轄不醉無歸而友季弟御諸從子以姨子甚歡里有男女需公爲媒灼所裨贊甚衆縣官征徭常爲輸首族人慕之無追呼之擾田令人操侮獲嚴公剝之以寬有

大泌山房集

卷之八十九

墓銘

三三

從禽蹊田者卒無所報或以不義相加拂袖去不顧稍遼緩則忘之矣邑譚博士欲舉公行誼賜高年爵如其祖公謹謝辭之少時日者言歲丁酉羅亭爲沴戾當不祥公識諸心卒如其占蓋四月二十日也距生乙未四月十有七日年六十有三男子一人卽準娶馬氏茂才圖女女子二長適楊日宣儒官煦子次適馬呈數茂才龍子男孫三長卽翼明聘太學生王超女次匡明聘茂才董教女卽郡丞子次弼明聘茂才曾錫元女女孫二一字孝廉劉棟子茂才世蔚今殤一字丹陽尹李天棟子碩葬以十有二月十有七日準傷公白首諸生以沒

而旦夕不能卽致其身青雲之上以爲親顯榮狀公行實累數千言多悲憤語余裁而書之如右銘曰謂女山澤之儒形容甚癯而封君比入膏梁華腴謂女閭里之俠頤指目攝而僂僂次且耳語咕囁謂女游於酒人靡晦靡明而智如炙輶見事風生謂女狎狂玩世儻蕩不備而烈然高斷獨行一意有子有孫式穀似之豈無經緯以期年耆達生之情沒亦何悲徼循墓屬視此銘詩

尹茂才墓誌銘

有素衣冠泣而造門門者詰之不應以白主人主人病不能見客使奴延入上坐請所欲言則飲泣而語曰予

大泌山房集

卷之八十九

墓銘

三三

郡博士弟子員尹大伊也不幸有父喪亦既歸于土矣思所爲父不朽者以主人之嫻於辭敢以墓誌請傷哉食也無以具束脯益泣不自勝所爲父行畧萬餘言文采巨麗主人哀其窮而深嘉其志乃爲之誌曰君名理字仲復郡人也其先興國州人有南顯者以戍調安陸州州後升爲郡自南顯至君凡六世父仕廉母鄒舉君時老矣老人殊憐愛少子置膝上授小學及毛詩一二過能成誦比壯善屬對家不戒于火游徼卒梓以謂郡守郡守試之稱善已謁邑令邑令試之復稱善爲慰勞而遣之自是學日進文日有名無何父母沒矣家赤貧

寄食于三黨之戚并日或不得一飽終不以其故廢學
久之始得爲郡諸生益務博聞強記自六經外史則司
馬氏通鑑朱氏綱目呂氏詳節旁及晉乘楚檮杌明憲
章通紀名臣言行錄子則道德南華冲虛文始鵲冠鴻
烈說苑集則漢中郎唐李杜韓柳宋歐陽蘇氏父子明
王伯安李賓之何仲默唐應德王稚卿童士疇他律呂
醫卜甚夥皆不惜衣履費往購或從人乞假手錄晝夜
讀不輟聲客掩卷而叩之如響其他涉獵者尤衆嘗覽
近代人詩有愚公事不解所謂後從列子得之乃躍然
古人謂得異聞類得一真珠船有以哉會聚諸書奇字
大泌山房集 卷之八十九 墓銘 三

訂其譌誤凡若干卷于古最慕黃叔度之爲人器度不
汪汪若干頃陂非夫也有盜竊其子奩具者隣人微得
主名食閭君束而詣吏君曰無庸將自及先人所遺田
悉以畀隣人既而舄鹵爲督亢田者謂君故物當復還
卒無所問晨出值禦人于路者故識之其人大驚吾以
爲某子甲乃遇長者乎幸無罪終不言其姓名郡故有
孫司徒將徵用其受業師爲詩卻之曰身後碑文空自
在眼前傀儡爲誰忙君甚賞其言遇不如意則哦吟以
自寬中年差自給輒好施予沒之日發篋得券數十紙
既不收責又恥市義噉名爲也于物無他好獨好飲酒

種菊菊叢生滿籬落不爲剪剔矯揉朝夕鴈咏其間一
日大雪把菊酌無筭明日赴兩友人招俱盡醉又明日
夙興櫛沐具衣冠小理家事焚香危坐而逝萬曆辛卯
十有一月十有九日也距生嘉靖戊子五月五日年六
十有四大伊稱君生與田文王鎮惡同物故自不凡丙
戌歲肝病有道人詣門遺一丸藥良已既沒忽得地師
爲卜地而厝之在五龍堰之原君又數見夢于子若盜
祖宅地者若掘塚者皆有徵其事甚奇詭不具論元配
陳早卒女一人適周樸繼室崔子二人長卽大伊次大
襄季有兄心女二人適胡瑩茹頤性銘曰而獨善其身
大泌山房集 卷之八十九 墓銘 三

原缺

大泌山房集卷之九十

京山李維楨本寧著

贈僉都御史金公墓志銘

金中丞子魯天下才也而政聲在楚爲最著權關廉靜督學公明楚士民于今誦之以忤執政私人遂中讒口太公一泉先生迎門相勞曰天下方以楚爲營窟兒能自作家緣此塞翁失馬之福也余嘗訪子魯于家會事已曰中外推轂甚力子魯依依子舍中太公粹嗟老人方善飯寧須兒返哺耶兒誠上不負國下不負民卽行役萬里外吾自適耳會子魯兄上春官不第邑邑至病大泌山房集 卷之九十 墓銘 一

子魯謁選人除僉閩憲事因與兄歸歸而兄卒子魯不欲行太公恚曰吾不得志于若兄若何不爲我一吐氣子魯入閩尋副憲豫章省覲太公復不欲行太公趣之愈堅飲涕而西至則上書兩臺乞歸養兩臺持不可無何家人奔告太公病子魯輒弃印去半道而訃聞矣服除當事者更用子魯于楚救荒有異政擢中丞撫閩三年報最贈太公如其官而又以讒罷未得代余方領浙憲子魯使兩子奉幣以太公墓志相屬余敬諾卒卒不及就又使其門人馬遂安責前諾余于子魯父子禮所謂知死知生也爲采子魯手狀而志之太公名枝字士

達別號一泉世爲錢塘人其可考見者曰思義思義之孫璽爲邑諸生璽之子兩桐公以明經爲高密諭娶聞孺人太公父母也兒時精神清澈言笑舉止有常度同輩無敢泄戲六籍中尤精于易遂以易爲邑諸生父官高密母足不良行與元配畢恭人留養母扶掖卧起沐浴浣濯無頃刻倦勤夙夜必長跼稽顙叩地籲天請以身代母性卞小拂意則盛怒或與杖蒲服嘔喻受之行年五十如一日母察其情苦爲霽威嚴體漸平則走高密省父渡河遭風舟覆溺水逢御人斬關之盜皆至再竟無恙人以爲孝感云高密公飽苜蓿羹無所有而太公又口不言治生窘甚無何高密公卒官匍匐往奔百舍重趼顏色之戚哭泣之哀齊魯諸儒生見者莫不悲憐之其葬與祭不以菲廢禮始爲諸生晉陵薛公爲督學使深所獎許高密公亦冀一第爲快而以毀不能畢其緒廼授經子魯兄弟後先偕計吏成進士太公稍自慰可無負先人望矣子魯以水部郎治河張秋輦就養膳有三簋潛然流涕鄉者不得以此食吾親安忍獨享遽徹之命駕歸每得一蔬一果必祭父母然後食歲時伏臘魚菽之奠淚忽忽而承睫也事世父世母如事父母女弟母所篤愛也相攸而歸沈校嚴飾結裏宗人天

祐以逋責逐割貲而贖之婦弟畢昆分宅而居之子女
婚嫁營綜備具王上林材者累世通家材死外人齟齬
其子弟身擁護之子弟有不類垂涕而教督之王德慶
富人子也怨家誣以大辟有司遠嫌莫肯理出出身爲
分明之島寇暴起杭戒嚴所司察太公才屬守城城門
閉老稚號呼震野走曰主者啓門主者恐爲賊鉢不許
頓足曰是代賊爲虐又先賊自潰也授大絙引而上先
婦女老稚而後壯夫或奪婦女老稚所攜資復走曰主
者請以軍法從事主者解佩劍授之犯者殺無赦凡三
日全活無算人謂是役也金公仁知勇三善備焉其他
大泌山房集 卷之九十 墓銘 三

三贈今官畢恭人通政昌四世孫以孺人宜人加贈男
子三人恭人出者二伯學顏丙子舉人仲學曾卽子曾
也叔學周側室聞氏出畢恭人葬龍山祖塋側已而家
數遭喪更卜地至中臺有光怪焉形家以爲吉葬太公
而遷恭人附銘曰疇見利而無營疇祿厚而無贏父教
之清疇忤勢而無驚疇遭謗而無爭父教之貞弓冶箕
裘道相生菑畲播獲功相成天降時雨山川出雲積善
餘慶居其實不居其名惟不居其名吾是以爲之銘

封監察御史謝公墓誌銘

蒲圻謝近泉公年七十有六受封爲推官晉御史子若
孫若曾孫女若女孫凡二十餘人皆賢且貴聲聞方內
而伯子同余舉于鄉仲子爲余南官所進士講通家之
好三十餘年悉其生平於是伯子狀公行而俾余志墓
蓋人知公楚人而不知公蜀人知公之爲謝亢宗而不
知爲甘氏子也宋太宗朝銀青大丞甘禎者其裔孫自
宜黃徙蜀世爲蜀長壽縣人嘉靖初大父洪以明經拜
蒲圻博士而謝司馬存儒爲諸生高第因以仲女妻之
是日甘宜人宜人艱於子司馬公宦蜀道長壽甘氏子
孫胥來會見公眉目娟秀而愛之卜筮襲吉問日者復
吉乃立以爲宜人子歸而謁之翁媼交稱善也遣從經

師授舉子業業日進遂爲蒲圻諸生受室於鄭是日鄭
孺人司馬有四方之事界公家政公才如黃次公米鹽
靡吝精力能推行之又如謝幼度履履間各得其任久
之積譽爲太學生而鄭孺人舉五丈夫子公自太學歸
所以督誨窮日夕不懈迨伯子暨仲子成進士而司馬
公沒矣公涕零如霰恨不及見也于時甘宜人春秋高
而司馬公復有子光祿君光祿君兄事公兩人事宜人
竭誠盡慎卽仲子客死京師公不示戚容懼奪宜人歡
也伯子筮仕東昌理官公誠之省刑種德伯子奉其言
以平恕聞考最封公官如子已召爲陝西道御史會上

大泌山房集

卷之九十

墓銘

五

兩宮徽號覃恩封今官而公滋益恭徒步里門無貴賤
長少折節下之以時過從隣家隣家婦子聚觀出酒食
享公盡歡而罷伯子坐蜚語免官公慰勞之曰兒以金
緋娛我膝下且及我盛年是彼夫之口有大造於我父
子也庸何病客至必飲飲必醉卽無客亦恥獨醒酒後
耳熱頽然自放雖爽鳩氏之樂莫之或愈矣公初爲司
馬家督不以一錢尺帛自私比長田宅美好者恣光祿
君所欲讓而受惡婦女法相宜子以內光祿君御之因
有子光祿君卒哭之慟邑令故摧折巨室里豪乘間將
不利於孺子公慷慨前白狀令爲之斂容事始解嘗脫

司馬公弟子於獄拯從子溺其爲德謝氏不一而足方
甘宜人自蜀昇公來所至輒回首悲啼左右掩其口公
奮曰維桑與梓必恭敬止吾寧忘父母之邦耶手畫其
先世廬舍塋域與所過城郭山川白首不忘歲時伏臘
西鄉而泣值初度若忌辰杜門謝客時語伯子古人以
知我等於生我吾受謝氏恩豈啻生我今司馬公子孫
能自立吾差不負矣然豈能一日忘甘氏哉孺子其爲
我譜世系以詔後之子孫後之子孫有仕於朝者請復
吾故姓其見大義類此至夫斥產務予善價稱貸不責
子錢其功親待以舉火者數十家無德不報有怨不校

大泌山房集

卷之九十

墓銘

六

里中人稱其細行尤著公年踰老未嘗飲藥矍鑠如少
年病再踰月起居自如病革正襟危坐待期而瞑洪範
五福公備之矣其生正德庚辰十月十有八日卒萬曆
乙未四月八日甘宜人生卒月與公同俱前公一日人
謂母子天作之合云公名三訓父名一琴鄭孺人司訓
環女伯子師啓官左叅議娶王相揭書女封孺人仲子
師彥辛未進士觀吏部政卒娶金振女叔子師嚴廩生
娶知縣張諧女季子師迪太學生娶庠生吳宰女少子
師作增廣生娶庠生游仕女媵之子三人師相娶司訓
尹汝揚女師模聘舉人魏拱辰孫女師開未聘師啓出

者自治太學生娶廩生魏積女自怡聘舉人魏桂女師
彥出者自成庠生娶太學生沈杖女師嚴出者自脩辛
卯舉人娶庠生魏炳如女自強庠生娶廩生何夢周女
自身聘庠生闕正位女二女字庠生龔挺鄧士敏子師
迪出者自新一女字庠生何夢麟子師作出者自本聘
增廣生龔宋女自根一女字舉人張于階子師相出者
自立自治之子三受善樂善取善受善聘錦衣衛同知
方日中女自強之子元善卒之年某月日葬邑西龍會
之陽銘曰謂他人父謂他人母與子與賢維天所授天
與不取反受其咎父耶母耶天乎人乎龜從筮從姪其

大泌山房集

卷之九

墓銘

七

從姑維鵠有巢維鳩所居如彼媽後將育於姜一傳再
傳厥後克昌自遠有耀不顯其光神羊一角驄馬五花
爾服爾乘其名紛葩從以八龍不傲不吳蜀也承家楚
也開國謝式穀似甘邁種德中葉式微以引以翼我有
田疇疇其殖置我有子弟疇其教誨死者復生生者不
愧汶阜之山江出其腹自西徂東作楚大瀆中有一丘
藏舟埋玉游魂爲變無若杜宇倏往倏來于蜀于楚縱
衡萬里上下千古

贈工部郎中鄒公墓志銘

余入金陵鄒繕部執手相勞苦且言曰往以先人未儆

聞人養直先生其一也先生卓行殊遠其最著者曰孝
與廉人稱之熊孝廉云故南昌縣學廩膳生也名登之
字以賢父後泉公母汪孺人小而聰了處羣兒中斷斷
自修整羣兒嚴憚之爲嬉戲事望先生來則反走九歲
汪孺人喪搏膺而踊哭無常聲席薪枕曲食不勝一溢
米家人賓客見者憐愛之後泉公繼室以徐孺人既廟
見先生出拜徐孺人置膝上拊之兒得無寒色乎先生
應曰兒今有母不虞寒矣徐孺人大喜先生事徐孺人
如母每食得佳果輒懷以奉徐孺人徐孺人爲一再嘗
而貯之以俟先生朝莫誦時佐饑渴里人噴噴異哉孺

大泌山房集

卷之九

墓銘

八

子而感動繼母若是最後母病痿召名醫十餘曹來治
弗有也先生憂懼莫知所出自檢諸方書得一方未敢
嘗試坐而假寐夢黃冠羽人趣之起若欲母疾立瘳舍
此方安之先生驚悟如其方進藥母脫然愈蓋身同卧
起足不出閫外者踰三月時爲嘗便溺其精誠發於寤
寐通於神明非苟而已也方伯姚公爲子擇師莫適可
者或薦先生方伯雅聞先生名風博士寄聲熊生可能
從我游耶先生謝曰爲諸生而見方伯固當顧師可召
與人之患在好爲人師敢辭方伯高其誼是乃吾所欲
得爲師者也造先生廬拜奉幣聘已入署課督方伯諸

子甚肅不小假詞色方伯知先生就養無方月奉不足更賁會信州槽戶有歲額金累千故忍弗予而陽爲先生道其事槽戶夜具三百金饋先生先生卻之曰方伯請謁無所行貨賄無所用吾嚮者傍無一言之佐諸君誤聽耳方伯聞而嘆曰風雨如晦鷄鳴不已吾奈何以小人之心度君子之腹乎繇是孝廉聲藉甚後先督學使者數下檄褒勞諸生常爲稱首焉先生年十三好古文辭日覽千餘言輒覆誦自莊列屈宋司馬班范諸先秦兩京百氏之書無所不窺後泉公試其文甚美疑爲宿就再試如初而喜不勝也然不事舉子業諸父兄謂

大泌山房集

卷之九十

墓銘

九

先生子之父年先矣迫得見子離疏釋躋而騰蹕風雲若執瑟投竿如父意何先生于是攻舉子業業成爲諸生學使黃公拔置第一食縣官廩遠近來學者登笈相屬而五試于鄉留落不耦事垂志負卒無纖介尤怨既學使君嗣爲諸生先生耳提面命不離于側無何有寒疾自察其脉曰豈數屯期盡乎重貽後泉公憂爲好語慰藉之見得請于天以身年爲大人壽天又釐以諸孫竟大人未就之業幸無以兒爲念而目屬學使君謹識之復勸其偶勞太安人曰吾聞貴不如賤生必有死獨事親不終爲不若是忍耳卿善代吾爲父子且善代吾

爲子父蓋寢疾七日而沒先生之於父母終身慕矣自父母而推之五服尺布斗粟有無相共歲時伏臘展墓合族以食序以昭穆冠娶必告死必赴爲科條懲其不如禮者命之曰孝思譜後泉公間與其兄慕靜公語不合慕靜公操大挺向之先生免冠長跽乞以身代父受責慕靜公遂解平居矜嚴好禮止進有表識不失尺寸雖溽暑不袒楊與勞太安人相敬如賓婢僕之前不妄語笑也人有小過曠然不校一善會心必獎成之其學術所尊信者王文成錄粹語一編爲韋弦之佩合志同方則舒君泰晚而自號曰養直生平直道而行不愧其

大泌山房集

卷之九十

墓銘

十

言矣門下士私謚曰貞孝先生沒後二十年學使君舉進士爲比部郎贈先生如其官制詞亦有孝子貞士之目焉學使君慟先生年未中身限之大故恐後人信耳謂以子貴成名而實德不宣具述其遺行屬婚兄弟行人劉君爲狀而年家子某爲志墓今海內談良知學者莫盛江西孩提之童無不愛其親是良知也親之不愛而詭曰能學吾不知之矣仲尼之門獨曾子與閔子騫以孝稱則後母不慈之故先生學主良知愛由親始其年距孩提不遠即能以身爲曾閔不使母爲曾閔之母三十年如一日君子哉若人可謂善學也已先生生嘉

靖庚寅七月十有八日 陰慶壬申四月十有六日年
四十有三葬萬曆癸未十有二月十有七日墓在蠅子
湖中侘子洲男子四人伯宇奇即學使君仲宇毅叔宇
廉季宇韶皆為諸生通經術有美才女子二人諸孫四
人孫女七人婚嫁姓氏與太父以上世系詳狀中銘曰
孔子有云載諸空言不如行事行在孝經橫乎四海塞
乎天地事親竭力謂之曰學已見大意今之學人以空
為宗以悟為至如彼二氏人倫庶物一切捐棄倚歟先
生不言躬行孝思不匱求諸闕里為損無間為參養志
識其大者勗我同學永錫爾類

大泌山房集

卷之九

墓銘十一

贈工部主事吳公墓志銘

星子吳贈公以嘉靖癸未某月日生以萬曆丁亥十有
一月十有三日卒年六十有五以其年月日葬于某其
子水部郎瘦生有文學節槩手狀公行事屬余志墓中
石按狀公名崇正號半村先世南昌白鳳鄉人也其以
避難卜居匡廬者曰良佐再傳為敏與毓毓生鴻臚浩
稱浩然先生敏生清清三子伯仕奎仲仕學叔仕龍皆
隱君子學稱水竹居士復卜居城南五里王京山漢王
雲錦諸峰皆因以環名長子號白山玉名次子號漢
峰漢峰公善屬文為郡諸生師事大司寇

恥脩謁亢厲守高卒以不振而吳氏列士林實從此始
白山公娶于陳生四子伯崇某教授楚藩仲即公叔崇
信官將仕郎季崇禮邑諸生繼娶于傅 少子崇高家
素豐財至祖父稍替矣公嗣股肱藝黍稷諸營生之業
兼綜悉舉家人多賴焉諸昆弟飲食衣服相通共無分
異而後儒生得專力學不內顧徙業也教授公試于學
使者出尋遭母喪故事先以喪聞即拔高等不得食廩
學使者已按番陽相距三百里教授公又以服為嫌公
曰時不可失操舴艋犯風濤白之學使者此虛名且無
妨於同事學使者允之後因得以明經久資除教授云

大泌山房集

卷之九

墓銘十二

公為都昌功曹尚未受室諸少年攜之過酒家胡飲漢
峰公貽詩誠之書諸紳終身絕狹邪之迹同曹欺其長
吏舞文與錢通長吏坐貽謗缺公正色訟言經生抑厭
隱約晚得一官若曹視若瓦注天道謂何至今都昌人
傳其語父卒哭之毀與諸兄弟拮据治葬成禮服除而
後娶陳太孺人孺人助公為政閭閻以內事事節適脫簪
餌與募役者歲得羨餘佐公他費漢峰公配余孺人卒
無以殮公傾其囊不足摘大孺人金耳環無所吝久之
諸弟各有室始析箸余孺人貴家女不操作而督諸子
婦備養季女歸張刺史公夫婦經營奩具中余孺人惟

向後二十年間遺相屬刺史公暨其子親公踰季女之母兄弟也崇周者亦漢峰公子儒不成父憂之公助其資至于再至于三且鬻其室公不可漢峰公不自安別就室讓公忽疾作公亟負以歸俗忌尸入戶漢峰公歸而復甦移時乃瞑人謂公孝友之報墅并里某故右族而好上人公與處三十年其族薄夫敦鄙夫寬也郡大夫使之博士所廉問諸生有不遵以名聞博士惡其才而不脩弟子禮者中之戒公母泄中道公心動啓眎則皆名士所坐重駭曰幾損乃公生平棄去徒手返命後多顯者秘不言水部長聞其事私叩公不荅法曹私薦賄不令公知公知亦不復問與客之別業對弈會登粟傭竊過半客覺之趣公疾起公揚聲徐步而出客怪公何縱盜公曰吾聞遺秉滯穗伊寡婦之利彼所竊幾何而露其醜寧不愧死耶某與公同賈以錢市米直三升誤與五升詰朝覺而還之嘗舉以詔水部此雖細事匹夫窮餓時行此爲難其隱惡揚善類如此產財踰中人而匡困資無唯力是視宅南向垂二百年無恙里兒暴富得堂前地改西向陵其上旣爲牆蔽之相宅者以爲不祥家衆不平公不較而里兒卒敗地利不如人和故也嘗之京中道有乘遽者與旣卒構傷其驛吏孥市人

相率大開公爲居間乃解比還附貴人舟過其處舟人疫作無脫者公寐中聞人語曰是人無隱過不宜困厄之遂霍然病已自漢峰公受儒每子弟羣萃必以天理人心前言往行爲訓公晝所行事夜以告親無憾而後卽安始艱于子舉水部而屏中痘惡幾不免時方溽暑然燈禮斗視藥餌五十餘日不脫衣稍長就學漢峰教授兩公公日稽其程度入夜則母以績火伴讀里鄒博士鵬繆茂才某漢峰公老友也數過公以水部侍郎席授簡爲文三老稱善公爲解頤素善弈以妨課子棄去水部爲諸生有聲數不第公稱耆之日里有第而鼓吹過門者公聞之不憚會抱孫則大喜後三年水部力疾入試眩而仆若見公復不收公善爲星慰藉之吾健飯能持門戶兒無以晚成爲慮水部同社二陳二夏諸但之屬時酤酒相勞苦諸君皆致身青雲之上吾兒亦不後人公故病脾數發然易愈忽爲醫所誤遂棘論水部無厚葬水部慟哭猶切責之而瞑祖墓在廬山鳳仙橋族葬繁纍也遺命母相犯或言吳氏得此而昌何不利之有遂葬水部舉于鄉夢公如寢疾時衣衾敗冗寤而驚得無葬不利耶而郡大夫田公諱形家言爲卜得今葬地啓棺如所夢手足猶暖觀者異之配陳孺人生無

二色以公沒受封故稱太子一人道長卽水部其字瘦生不忘親劬勞云耳娶鄒封孺人俚之以陳孫男子二人鄒出者吾往邑諸生娶陶某女有女一人陳出者吾振其才猶唐之通玄通微也銘曰昔漢于公爲縣獄史爲郡決曹所決獄平民生祠之李報投桃孝婦獄冤不得于府抱牘而號陰德自命高大其門伐善施勞吳公長者積功行仁而跡每韜于縣于郡諸所庇佑或乃賢豪孝弟之至一家仁讓如飲醇醪不微福天不受謝人不易其操是真陰德貽厥子孫黍苗雨膏巍巍匡阜蕩蕩彭蠡其氣蒸蒿維天陰隲公神昭假將翔將翺開國

大泌山房集

卷之九十

墓銘 十五

承家邁彼東海世有譽髦

封文林郎楊公墓誌銘

歲己亥余起家入蜀今民部郎楊君爲諸生有雋聲介李元甫宗伯聘爲兒師幣發而後知其仲兄爲侍御史意不無貴介相乃君恂恂如寒畯余益重之因知其父毓吾公君子也所受庭訓素矣使使存公于家不得式間爲憾無何余量移總憲別去明年君舉于鄉偕余入計問公體力殊勝君尋成進士謀歸省而甲次當除郎郎又當北公令君無遽歸而余坐奉職無狀謫領煩上兵事又以先夫人大故扶服還不復通問矣明年君

除郎貽書唁余而尋有傳公凶耗者駭不信久之知公與宋孺人挈郎婦子如京已偕孺人還蜀至松林驛暴病卒郎復以書來夫孰使家大人莫年爲萬里行而客死者述程罪通于天雖然大人生平愛君文幸君惠一言以瞑大人目孤忍死以待余愧不能爲母氏不朽而何能爲他人父廼民部使三至必得請而去不可但已因爲之志曰公名秀春字向實毓吾其別號也上世湖廣麻城人元季避亂徙四川之富順家焉曾王父某以背雄里閭王父某父某益饒至公始明經爲邑諸生自甲子迄于壬午已七就省試不第而諸子能受其業遂

大泌山房集

卷之九十

墓銘

十六

夫非嫁禍于我夫逮我者亦非故以我易彼皆誤也赦宥之條誤居其一又何罪焉其爲長者如此人有緩急以身赴之必盡力有所貸量多寡以應力能償者收之不能者焚其券有郭生貧而公資之衣食資之居資之婚卒爲令士其號爲高貴賈人若朱劉雷晏十餘曹皆公爲質庫每食必祝公無相忘也王氏子貸駿經數十年及見公有貴子操豚肩斗酒詣公謝過公曰吾焚若券久矣歡然對飲而罷族子明曉兄弟三人貸千金買滇金盡無以歸遂死滇中獨明曉在公聞使人召之還而以負我故不歸是不能也非不爲也鄉黨鄰里吾所不問子母錢者若干人而使族子以負不歸人謂我何公又念族之食指衆置義倉斂散有法歲饑不害而更爲之約曰子孫有成進士者必歲輸粟二百石侍御旣第歲輸如額卽公家之賦不信於此矣民部第而又爲輸如額然公私庾董董耳居恒荅布鞞角羹藜含糗出入從一奚奴步而過市市人不知爲侍御史父也而每勅侍御昆季吾見少年子弟體極輕肥口極甘脆日修五色耳營五音博奕蹴鞠之戲馳騫如不勝彼其父兄以勤儉得之而不虞子弟以驕奢失之也滿必招損天道固然兒曹慎之哉吾日戒垂堂儆歎器箴撲滿而何

大泌山房集

卷之九十

墓銘 十七

敢自張以犯造化所甚忌里豪欺公易與其黨譟而闕公門或請禦之不宜視弱公笑曰若以夫已氏所爲爲可耶則吾當爲之不然者郵而效之其又甚焉以故楊氏自公王父而下鄉人三世推爲祭酒有司禮公爲賓爲介僕者至再其子弟醇謹有萬石家風公卒于柏林而土人馬坤以百金木治棺不受直宋孺人有製衣帛若干疋又積百金將以貽民部取治衣余之屬而孺人兄繁昌適謁款玄岳來遇之柏林爲經紀焉書示民部而翁啓手足最荒落山郵而附于身者誠信無憾此亦足明福善之報已公生嘉靖辛丑七月十有一日沒萬曆壬寅三月五日年六十有二以侍御史令襄垣考最封如其官元配劉氏憲副子倫女封孺人所舉丈夫子四人繼宋氏爲繁昌令棠女弟伯子述玄郡諸生娶吳氏某女仲子述中卽侍御史娶王氏某女叔子述雲邑諸生娶周氏某女季子述程卽民部娶周氏某女公爲諸生其令丘齊雲善之授詩其後令劉芳更授春秋故公兩經俱通明而以春秋授仲子以詩授季子各得公之緒成進士云孫某人伯子子愈某愈某愈某叔子子愈松邑諸生愈某孫女某人字尋甸知府甘某孫某伯子出也適太學生何起偶子邑諸生士旭適郡丞郭

大泌山房集

卷之九十一

墓銘 十八

繼芳子某仲子出也字別駕范岷望長孫某字某叔子出也字泗州守曾惟誠子某字刑部郎朱芹子某季出也葬公以某年月日墓在某銘曰爲君子儒者行耶爲俠客者名耶爲衆父父者名耶爲逸民者行耶施不啻取不贏專氣致柔寵辱不驚秦也屬續蜀也歸坐若夫魂氣無不之也惟不生者能生

贈文林郎李公墓志銘

吾郡奏最以其官贈太公少白先生如令

甲而先生葬且二十年作先生考則持其某所爲先生狀使使走晉陽屬不佞志墓中石不佞久辱公宇下

大泌山房集

卷之九十

墓銘 十九

稔聞其家聲按次狀中語志之曰先生名某字某上世家豫章以宋亂徙陽江至王父舉二丈夫子先生父虔山公爲仲里中號長者傷父蚤喪拮据家人產養母不能竟儒業舉先生韶令可念通悟過人七歲卽遣就外傳顧羶不任勞善病更數年召醫治之醫屢更所服藥與食等病小愈輒治業不休嘗就督學使者試不見錄先生奮曰是病在無恒耳請于父閉戶却掃益購諸書朝暮誦不絕聲父喜延其戚黨子弟佳者數十人爲友日供食夕供膏月供筆楮不以貧故惜費如是者累歲先生學奇進善屬文遂爲邑茂才高等父大喜復命之

曰吾聞之皎皎素絲在所染之鄉以見染一鄉之主未廣也業已有效嶺南都會惟五羊城儒碩往往而是兒從受業黼黻文章何所不有其爲染也大矣男子生而志四方距家數百里寧言遠乎先生敬諾具束脩資斧以行既至所師友無不獎許以爲雋秀先生質問服膺有甯越樂羊子之勤而坐研思太苦病復大作父聞亟昇之歸時強起篝燈下帷倏若鬼物憑焉病幾不知人先生感悟有志不就其如命何夫古者九職任民臣妾與三農百工商賈並九兩繫民友數與師儒並十二事登民學藝與稼穡樹藝阜蕃通財並其人皆士君子易

大泌山房集

卷之九十

墓銘 二十

地則然耳吾知所以治吾生矣旣端居一室忍嗜欲寡營慮久之病已已教家人農桑繫畜分職賦功而受其成稍羨則發貯鬻財擇人而任時資計差溫以白父是可行仁時矣鴟夷子皮先施國而後施家大人不得于國宜自家始會歲凶父出家粟賑餓者盜緣間起居民正營先生捐百金峻壘濬隍守望相助盜不入界賊曹掾以捕不滿品恐坐率踪跡連染平民多覆沒爲言於官寬其禁或諷先生天災流行事安可知卽餘金粟盡待來年諸以盜逮及者非若之私昵也鄉鄰有闔閉戶其可纓冠往救無乃過乎先生謹謝之吾逢掖士何敢

任德第不忍坐視無告耳父既老而傳愉色養志服勤無方已母弟爲諸生先生欣然吾不獲效之於父假手吾弟諸務無所關今專力學父母之病也相起居視藥石累月不懈既沒哭之毀先生精形家言始喪母卜地負郭以葬比喪父凡再卜而後兆經費悉出其手不煩叔子平居一孟羹一匕脯須叔子至而後食從弟感於後婦雛前婦之子又乘季死而虐其婦先生法語異言繼之以涕卒爲母子兄弟如初其拯人之急匍匐恐後里中有違言居間立解邑大夫童宋諸君高其行枉車騎過而問政先生間一報謁而已歲時無故絕無造請

大泌山房集

卷之九十

墓銘

二十一

涇陽南田老人許公墓志銘

涇陽南田老人者今蜀叅議許君賜父也君賜舉進士爲鄒令有卓魯之政召拜御史彈劾無所諱朝衆忌之出僉河南按察司事主驛傳汰諸冗冒不畏強禦余與君賜同案每會未嘗不斂容敬憚也一日承筐過余踞而請曰守恩入蜀取道故里將奉先人藏于土幸吾子志其墓敢以狀聞余拜而卒業蓋老人有田在邑南晚而日遊於田遂號南田老人高祖父諒曾祖貴祖聰父廷璋母王氏父祖皆重厚少文老人生而名之曰朝臣未有以字也少忠實無他腸悛悛口不能出辭其在鄉黨鄰里不侵侮不好狎嘗獨處有婦叩其門下門牡不納人以事相質爲決可否論曲直皆遜謝不如稍長脩父之業而息之賈西寧垂二十年無二賈聞母喪徒跣數千里奔還足爲繭哭泣哀號毀且滅性矣念父老無可居子舍者勉加饋粥久之杖而後能起爲父娶繼母高所以服勤就養一如母也雖管什一恥爲目語類瞬鬻良雜苦蚩眩邊鄙者取予廢舉與時推移孔氏之雍容張安世之勤儉蓋庶幾焉然亦賴有天幸不乏旣饒則以周三族之急者所居在鄉聚忠盜爲築高墉百堵羣宗戚處其中夜戶不閉矣老人母弟朝陽友愛無間娣似化之閨門穆如也朝陽無子以君賜爲之子而西

大泌山房集

卷之九十

墓銘

二十一

寧賈輸芻粟率中鹽筴維揚朝陽客死維揚往哭之慟
舟載其櫬還俄盜至舟人倉皇走老人失足墮牕間遂
病尋以此卒隆慶丁卯七月七日也距其生正德丁卯
六月十有七日年六十有一老人配丘碩人生三男子
伯守忠娶張氏仲即君賜守恩其名娶某氏叔守恕邑
諸生蚤卒女一人孫二人女孫五人婚嫁俱右族君賜
既後朝陽以郡令考最封如其官所後母封爲孺人於
時老人例當封未及請而里俗父死須母並葬君賜方
爲諸生瘞之祠中二十四年而始襄大事君賜居恒自
悼也余傷君賜意習其人非父母無美而誣稱者按古

大泌山房集

卷之九十

墓銘

三

黔婁諸隱君子之事而私諡之莊簡法稱履正志和一
德不懈無愧辭矣君賜起謝曰子故史氏片言之贈榮
于華袞守恩往者失之司封其以是補過夫余又聞君
賜言老人賈西寧遭番於道欲降之以背承劍示必無
屈番遂去君賜職在禦番繼志述事以貽親令名無窮
不在茲乎君賜葬老人南田一里而近思其所嗜思其
居處可謂孝矣乃爲題曰涇陽南田老人謚莊靖許公
之墓而系之銘白玉不雕丹漆不文少成若性式豈在
聞義無屈虜貞不卽淫孝能愉色友則因心鶉居穀食
儒行賈名雖曰未學無忝所生箕裘者子兮治者親太

朴既散思我先民畢如之丘帶以渭涇我銘且謚聞爾
幽靈維彼人傑無待而興疇收厥溢是續是繩

曾太公墓志銘

昔者仲尼從先進而禪譙謀于野豈不以其行根天性
質任自然哉古所稱高士若楚庚桑老萊江上漢陰二
丈人之屬皆塊處山澤間木石鹿豕爲偶非有詩書禮
樂之習父兄師友之訓也而其行事悉歸於仁義孝弟
不督而成無所爲而自至雖甚盛德蔑以加已邇今見
曾公焉公邑之羊亭里人也名伯淋字子雨父鸞母李
媪王父文衡曾王父志高王父以賢以賢父容嘗從征

大泌山房集

卷之九十

墓銘

二十四

叛賊死事容父元銘與兄元鍾實始相宅蓋勝國時人
容以下世受田稱上農然目不知書問其先世舉大凡
而已公於鸞爲伯子而下有諸季所名田各千畝濱漢
及潛沱諸水厥土白壤比耦而耕如風雨穫率畝收一
鍾公爲主出入息作以時人爲盡力里有饑寒孤獨者
時輟黍肉之餉食之困徭賦者予母錢不責子父聞之
不善也三寸之管而無當其能滿乎已分諸子產獨公
最下公殊不以爲意田處瘠以督亢肥饒相讓釣處湍
瀨以曲隈深潭相予而事其父左齒就養無方父八十
有三而沒公惻怛痛疾哭泣無時或年如一日嘗入邑

見儒衣冠而橫經于庠者好之歸而禮經師教其伯子
餘諸子仍治田俾無忘先人之業環公之里而居若公
之族黨大氏無慮數百千人好儒則自公始伯子爲諸
生服儒衣冠而雅拜衆觀者如堵牆異之伯子屢試高
等子廩餼然輒不利于省試儒衣冠且三十年未改而
楚數苦沈蓄有以鄰爲寮者公田宅往往爲汙萊亦且
三十年環公之里而居若族黨或轉徙廢著逐什一而
公終不以其故輟伯子儒又不以伯子儒不效有懈志
衆竊笑之公晏然自如也其後伯子舉于鄉尋成進士
爲大理評事有司表宅里致筐篚餼牽之享者相踵而
大泌山房集 卷之九十 墓銘 三

女有子一士毅聘御史孫鳴治女有女二一適寧州判
楊廷樞子禮生炎一字庠生丁應龍子邦佐仲名襲泰
婦王處士如鳳女有子三士元致士彥士致聘處士
郭文燭女有女二一適處士毛允慶子珠一字處士艾
譽子恭叔名政泰婦李處士俸女有女一字處士王輔
子益季名世泰聘處士劉福女公生以嘉靖壬午五月
二十有二日卒以萬曆丁亥八月六日春秋六十有六
葬以卒之年十有二月三十日附李孺人左按伯子狀
云爾公固仁義孝弟人也以心爲師安所受之假設公
提挈人間之際揮揆挺掘世之風俗必不能備純白若
大泌山房集 卷之九十 墓銘 三

堵陽王府儀賓張公墓志銘

公諱鼎祥符人也父汝楫母朱媼配宜良郡君先公卒
有子九人其知名者仲宗孔舉於鄉爲郡別駕宗顏師
孔述孔補博士弟子員女四人孫男十有六人女十有
九人曾孫男一人女三人其婚姻具胡郡丞所爲郡君

志中公生正德七年七月十日卒萬曆十有五年七月二十有七日得年七十有六以卒之明年三月十日與郡君合葬城南柳原而別駕宦郢時善不佞則手狀公行事使使屬不佞爲墓銘語曰不識其父視其子不佞習別駕非公宜莫爲之父始公在娠母夢二月入懷一明一否已而學生無何其一殤獨公存曰哲疏眉豐下膚瑩玉口澤蘭發目光奕奕傍射人人咸異之長而負氣豪雋自喜見儒衣冠誦詩書者好焉因請就外傳而父汴巨賈也汴故都會百貨之湊其人設知巧仰機利如狙如鷙鳥而公童子輒善心計值伺物賈直低昂先

大泌山房集

卷之九

墓銘 三十七

時而消息之輒中窾父乃奪公儒而授賈夫賈無秩祿之奉爵邑之入而樂與之比者命曰素封安所事儒爲公強就賈權衡量鼓間猶手一編不輟也而其伯兄納婦寔爲黃梅郡君與諸王子侯往來廉得公狀會宜良君期當昏有司東里中良家子亦無如公者卒以名上上報可賜誥拜爵如故事公既席父貲轉積居著甚設而兄弟爲諸王館甥諸王館甥女富溢尤制丹衣柱沉酒酒食耽樂聲色爲鬪雞走狗攤錢之戲公獨危冠褰衣步武尺寸出入偃僂以趨益恂恂爲恭謹甚於少時事父母柔聲嬌色無所不當意父卒而諸兄弟業中落

公身當子舍事母者數十年已伯兄卒黃梅君孀而孤與其叔冒皆貧季昌復幼不任事公感然傷之曰奈何當吾世而隳先人之緒歲割衣食贍之而爲之營葬締婚婚復以諸王子侯女公復督教以所不及夜作以繼日嗇出以息入咸稍稍有羨資具室廬伏臘之費而學士大夫聞公內行篤至服慕之從公遊矣公之好行其德不唯其技屬歲饑爲大釜貯粥以食乞者嘗雪夜行值醉人僵卧令左右負以歸束緼火蒸之而徐飲以湯其人得無死尸祝公終身鄰里視公若外藏卽予母錢不得子或併母失之終不以其故示倦施之色生平不

大泌山房集

卷之九

墓銘 三十八

爲郊於人亦不脩人之郊恥夫厚城府而茅塞岐逕者而御諸子絕嚴取故所藏書授讀風雨寒暑無間別駕已試吏數貽書詔之曰吾所爲好儒而必使爾曹爲之者寧渠欲位高積金多以奉父母妻子哉則何不若爲諸王館甥之逸也而別駕治行有聲當奏計取道歸省公公讀諸臺使者所署考喜曰是不負吾志矣敬脩可願慎終如始別駕還治踰年而公卒公故良食雖老與少年角壯忽苦暴下卒不起別駕旣憾不得奉訣而又不忘教忠能勞之善孳孳爲公不朽地良有足多者焉不佞蓋遊大梁云大梁宗人無萬數子皆稱是瑣尾流

離強半即富人率視肉耳或不能長有其室族無告
甚者有不可言豈其無功而飽養多行不義天奪之
魄與如張公富貴壽考子孫賢且衆要非無故矣朱媼
之夢月不虛也銘曰豈曰無祿而食報似穀匪衣不足
儒術以爲服鳳凰諧卜有梧有竹驚鷺之屬實繁而族
穹如埋玉史言穢穢匪而之爲錄衆人是勗

葛公墓志銘

國家於宗人以爲薄耶何以數百年數千萬人及其
子姪皆令徒手食租衣稅也以爲厚耶何以雖甚才賢
老死牖下取異姓良家子並錮之朱邸所謂祿與位第

大泌山房集

卷之九十

墓銘

三十九

空號無實也始事時誠不億蕃庶至此而後憚爲裁以
傷恩今雖稍損益在令前者已矣余所知則有葛雲坡
公公名晉字馨之其先以武功爵居金陵而承楚王翁
主授中奉大夫者曰隆王都江夏因與偕來築館國之
南方遂爲江夏人再傳宜春諭九疇娶于吳有丈夫子
五人公其中子也宜春公明經教授里中子女多月奉
不能給而公舅氏方爲民部尚書郎諸外生每過授食
公獨避客懷脯股若佳果蔬歸而進之父母父母絕愛
之長受詩多識鳥獸草木之名覽山川雲物四時光景
代謝之奇指畫地成圖宜春公大喜是兒謝幼輿顧長

康流亞也伯兄早死公代家督不能竟博士業而王子
侯某與宜春公詩社往還見公而嘉之以女字焉爲某
鄉君鄉君夫故有祿宗藩例行祿削公僅受冠服而已
而母卒公辮踊呼天吾母以吾五子輟頰中食分哺之
曾不得一飽拮据卒瘞至此極也吾非人哉宜春公寬
譬之兒欲爲死孝耶則置我何地公乃起而有繼母湯
既貢于朝出浮所入貧滋甚公身依外家歲時餽問繼
母不絕父初除岳州司訓囊不能名一錢公乃走告父
執彭刺史稱貸辦裝卽尺布斗粟皆自外至者而謂諸
弟父老矣鄉者教授里中受月奉固當今爲官師奈何

大泌山房集

卷之九十

墓銘

三十九

煩費諸生以挫廉損名吾其從行公因是以登岳陽泛
洞庭窮諸名勝而寫之絹素好事者攜去或以酒資爲
報則奉之宜春公居恒慕神仙冲舉之術無所就而治
方書服食藥物冀以延年宜春公雅好之棄其官歸歸
而得宜春除意小動公莞爾而笑曰兒有寸管尺鼎可
以充養可以娛老也父亦笑遂不果行日夕子舍承歡
者三年而父始卒所貽田宅差足具饘粥蔽風雨盡以
授諸弟公依外家如故已而鄉君卒獨處一室性好酒
可百斗一石不醉然不樂赴貴人筵酒熟召所善坐槽
牀頭左執壺右執爵疊盤而止耳熱放歌客去而公隤

然醉矣晚僦居從弟所以半居叔弟以半居諸孫上漏下濕客來曳履塗泥中胡牀對語無愠色其子更生第而後構小樓居之焚香啜茗擁膝讎書更生偕計吏屬之入金陵訪問其大宗世系譜牒所過江南古今遺蹟誦說之比于宗少文卧遊風日清美兩童子掖而之郭外弔古尋幽簡黃冠緇衣談空靈玄玄以資賞心然于酒卒不廢也性恥爲客僇石之粟有乞者輒予之室人言當如朝餽何亦不顧而口不談鬼神以爲迂妄一日語更生鬼神事固有之乎夜夢兩緋衣者趣予行子殆將死矣步過諸父家索酒小飲歸呼叔弟與訣遂瞑

大泌山房集 墓銘 三十一

不復言更生泣而進湯藥皆不內越五日乃卒其歲萬曆乙巳十月二十有六日距生嘉靖庚子六月二日得年六十有六子一人曰大同更生其字丁酉舉于鄉楚所指名才士也娶于郭繼妻于朱亦王室女孫男曰繹曰絃孫女曰某曰某葬以其年某月某日墓在某更生慟母之不逮養父之不逮貴也又重惜其父之以館甥掩德也手述遺行凄然有餘悲而其友人李某爲志墓而銘之銘曰爲王國賓爲帝外臣爲世逸民隱無違親貞無絕羣善無近名金不可作世不可度酒不可去遺棄世故爛熳天趣何怨何惡惜哉貧士曠哉達士貧以

樂死狀之者子銘之者史死不朽矣

太醫院吏目魯君墓志銘

余生平不識瘡何病行年五十有四疴作而伏吳人號曰童瘡極成委弊時方領越憲事吳越故多名醫前後治者三人賴天幸無死而已久之得西安魯君乃差會追上計去明年謫壽春使人迎君甫至而余奉先夫人訃病日惡君不忍將余歸諸昆弟及姻戚鄉黨日數過從沉痾奇證乞君刀圭卽脫然愈監司郡縣中常侍之屬聞其名爭相延致再踰年江陵士大夫聘以往會大疫君奔走瞻察如恐不及遂爲所中從奴盜君貲懼事

大泌山房集 墓銘 三十一

泄杜門謝客不爲通不數日卒矣君三子與其家孫扶襯還過余泣而稽顙屬爲君志墓君以余遠游楚不得正襟牖下沒又不得視含槨負君爲多嘗欲輯君所治余里人病死生驗者幾何人主名爲誰其病之狀何如具悉爲傳如太倉公未及就夫志其何說之辭因采仲子茂才狀暨余所習知君行事志其大凡焉君先世衢郡常山縣人也國初祖望石爲醫學提領始徙家西安望石生廷臣廷臣生世華世華生一櫝一櫝生明明生宗知宗信宗朝宗知生守正守仁守身嘉靖間

章聖獻皇后不豫諸醫無功有薦宗朝者服湯三日而

間拜太醫院御醫朝無子以守仁爲後受其要事盡其方書所著保嬰心法行於世則君父也母金碩人年五十有八母卒繼母陳陳舉子邦任四歲而父卒君有室矣君少繼母才三歲而事之如因母邦任長爲之擇師爲之授業爲之歸妻爲之字其一子二女同釜而炊者終三星迨君諸子各有婦食指益繁而後析箸然猶在一畝之宮呼吸相聞朝夕相出入繼母持節於今四十六年君故之以也先代墓圯子姓莫能別君鳩工封樹而勒文於石蹕域厲禁雨露旣濡霜雪旣降合族而舉魚菽之祭悽愴怵惕于是乎生君子以魯爲知祭義也

大泌山房集

卷之九十

墓銘 三十三

自君始族占籍四十餘口貧者力不勝算賦邑令重君特蠲四之三衆更影賴附蔭君計口衰次貧富出踐更錢自公賦外餘者息之族人子年二十以上出口賦錢亦以時息之久之得田若干四時庸調若上冢費咸取給焉疎屬有邦和者十歲失父惡少年以所字和女轉鬻他人君使和贖之謝不能君代之贖使和衣食之謝不能君代之衣食長而婚其支系不絕如綫君之力也客有遺五金者僅貴拾而白君君跡其人還之益王召君館之上舍内外數十百人治有奇效王大異之署爲其府良醫君固辭客言如王命何君粲然而笑子不聞

治秦王癰者耶破之車一乘舐之車五乘所治愈下得車愈多吾非逃賞惡居下耳其後所善者以例請除君太醫院吏目君一再御冠服旋笥之布衣剗屨遨遊公卿間自如也所居門如市所至車騎咽路凡以病狀來告輒予藥不問姓名嘗如蘭谿中道宿夢神若大士者詔之曰若好行善所不足者食耕牛一端耳翼日抵章氏宅見所供大士與夢合遂絕不食牛又嘗夜走萬山中前有盜數十人秉炬持挺以待昇者云我試陽病公舉火出橐中藥示無他裝如其言盜解散已而風起炬滅忽數十人從後至呼聲動地君私念得無盜以我詐

大泌山房集

卷之九十

墓銘 三十四

故相追耶旣見則逐虎者也有虎負二人尾公盤筍後公不見耶君曰實無所見逐虎者取他逕去君前行五里許而昇者枳而蹶視之則虎所食人當路也又嘗秦廁遭虎逐犬過樞衣叩門應門者已不免虎口矣又嘗乘舟邇嚴瀨而上舟纜爲水碓輪所罣風利衆懼無可救死傍徨號泣俄而纜絕得免君方熟寐不起衆驚嘆此翁福德不凡吾曹賴以全活耳人有德于君君必無忘讌語從容歷數所知童稚以來不失一人余邑魏公爲西安令遇君厚君炙雞絮酒哭其墓周旋子孫間依依忘其在遠也君娶于左有丈夫子五人孫九人孫女

二人曾孫子子養浩養志養真養中養德浩真醫名瑀其父志卽茂才中有膂力善騎射爲都護隊主德習博士家言浩婦鄭有子大治志婦徐有子大梧大梓真婦葉有子大本大材有女一中婦鄭有子大道大楚有女一德婦吳有子大猷余爲名之君未及見也大治婦鄭有子蔚然君生嘉靖丙申五月五日卒萬曆癸卯五月二日春秋六十有八生時卜地妙湖葬以其年月日君圓顙白哲方面大耳豐頤美髯魁岸凝重飲人以和無貴賤少長敬愛之五十以後屏居獨寢神愈王抵掌談諧申日不寐聽者與君胥忘疲也余從舅王太僕先生

大泌山房集

卷之九

墓銘

三十五

九十有四君貌酷相肖竊意君百年未艾乃未老而客死余不知其解矣君諸子言君父卒君不侍側渠兄弟復如是以爲墓相之應豈其然乎銘曰維昔秦越人陽慶淳如意無男或有女甚乃受刑刺爾魯御醫公亦用弟子繼豈有遺行歟見殃以其伎君年六十八五男皆令器既稱曾王父爵視公乘貴天地爲逆旅人生故如寄客死家死等條然何所繫生順沒亦寧五福庶幾備當代有龍門傳之續史記不佞忝舊史聊爲兆宅志

儒官吳公墓志銘

邑於唐爲富水距今治百里而近富水大都以十數大

陽販爲最販著姓以十數吳爲最吳子姓以千數業儒而賢且多者儒官公爲最公名希元宗仁其字生以正德己卯九月二十日卒以萬曆庚辰正月三日得年六十有二初娶於李典膳衍女蚤卒繼娶于劉處士鑾女先公卒生子五女二子曰天視天定天知天覆天佑其三有聲庠序中婿曰孫鳴治新野知縣李維柱丙子舉人杜余母弟也歲甲子定及余甫髫而視稍長三人就武昌試公與先王父實提挈以行先王父時辟瑀而詔余曰豎子佻安得如吳公兒歸而語先君子吳公長者可與婚則又數蹤跡公行事而不佞稍耳食之蓋公年

大泌山房集

卷之九

墓銘

三十六

十有七而善屬文補邑博士弟子員試輒冠其曹偶亡何遭王父喪已復喪父叔父侍少公將齟齬其兄遺產則造大獄窘公而更以問行金錢主者考立公罪公亦復自發舒獄具諸所連染不勝憐楚公雖在縲絏之中晝而囁嚅夜而吟嚶猶故時伊吾語也會部使者朱公行縣錄囚徒得公覆沒狀卽庭下試文二篇朱大奇之爲具湯沐釣飲食曰幾失此佳士後日富貴幸毋忘公下帷距躍多所闕百家言文日益有名而是時侍已坐誣公瘐死矣族人請脩怨于侍之姦公慨然不悅曰叔不能有其妻子奈何欲我傲之且也叔將死我而我無

死我將死叔而叔先我維天難諶人何怨之有乃使季希貞爲侍後而事孀楊終其身不衰仲希亨既有室田宅悉與其美好者不厭則割所手勑益之而仲或踐曠林之隙公弗校也晚而仲自廢居恒自訟吾不如吾兄固應爾繼母李者衣食一在公家季仲歲時過從而已有女弟厚裝遣之其子孫賴以有家骨肉之親聚而不殊月有會豐儉稱家少長異豆醉不及亂謹不爲虐邑中諸長老以吳爲儀則云公所爲德於三黨不一其著者在父黨中公沒而劉生達望顯望者泣曰吾何以報吳公吾父子三人蟬連而游孔氏之門者伊誰之賜也

大泌山房集

卷之九

墓銘

三十七

里之人聚族而泣曰我有子弟吳公訓之我有凍餒吳公振之吳公而死誰則任之少年不逞者泣而悔曰鄉者蹊吳公田而公不怒醉語侵吳公而公起謝今亡矣夫誰敢者不佞往父事公公身中而下豐恂恂如不能言比叩之如叩洪鐘凡五試于鄉不第不佞謬領甲子賢書而公瞰躡趣二子渡漢喟然長吁曰某之不復濟此命也夫夫名與身孰親吾豈以浮名矻矻窮年昔者朱公國士遇我恨負之耳小子勉之其年詔擇諸生中有行誼者賜爵一級曰儒官公之稱儒官以此然內殊不直意屏居里閭足不入城市幾二十年獨出臨先王

父喪邑小兒從鹿車後指目之是公爲誰歸財浹月忽病病不踰時卒公父名倣爲諸生食縣官廩自倣以上世系與公之孫若曾孫若女孫所婚嫁門族名次具五子自爲狀中語多不復載不佞聞吳氏之先有令龍溪司理高州郡者其行事不少概見公爵較兩公庫數等而五子能狀公懿美爲銘隧中石以不朽公夫非公者何有五子先王父稱公長者可與婚知人哉銘曰胡以速公獄將大其蓄胡以無死獄將綏之祿既綏之祿胡奪之促有子似穀吾銘可卜

千夫長吳君墓志銘

大泌山房集

卷之九

墓銘

三十六

黃黃叔與其友孫無可情若同生而黃叔雅遊余每爲余言今之諛墓者何衆也莫盛于吾郡其人非貴即富富居十九借以博名行媚沿習成俗矣一日兩人來言曰有賢而貧者乞使君志之必不貽諛墓之辱則無可之外父吳君也君名良瑞字惟信少時受書恥爲章句學所撰信腕而出神明無方不以涯檢視聽之外或別有理比長軀幹魁梧類河朔健兒工騎射習金版六弢之說叩囊底智因應無方汪司馬伯玉亟稱曰昔庾道季謂王文度來待以徧師韓康伯來濟河焚舟吾於子在王韓之間郡武備弛倭蹂躪若人無人之境向後苦

多盜兵使者募士得君微巡江上主名不立推舉具得事實設謀開賞宣示反悔盜無所容鼠竄出界宗人司寇公征苗徵君幕府爲千夫長屈羣策羣力苗敗因以分北于時文法繁苛出入進止必有期度與馬臺隸悉爲科品若胸臆結約思飛不得欲鳴不得而司馬登朝未久里居無爲推轂者君嘆曰吾每諷曹景宗言昔在鄉里騎快馬如龍與年少輩數十騎拓弓弦作霹靂聲箭如餓鴟叫逐麋數肋射之渴飲其漿饑食其胃甜如甘露漿覺耳後生風鼻端出火此樂使人忘死今來揚州作貴人動轉不得路行開車慢小人輒言不可閉置

大泌山房集

卷之九

墓銘 三十九

原

君祭酒或携故侶張弓挾矢盤馬試劍鬪槩擲大茶出籠黃棘下兔馳驟志返曰吾恐髀肉復生聊比運甓云爾父故用鹽鹽起賢雄里中而君不問生產一切委之戚屬托蕩若掃帥宗人修祖廟形家以君園池于廟爲脊不宜憚發之口公微聞之瞿然曰奈何以私翫不先靈亟塞而殮之以石又爲高王父景芳公祠置田供時祭按方音爲藥治病歲費百千如此者三十年鄉鄰訟闢力爲解構以財貨爭以緩急告以凍餒貸傾橐與之不虞不繼義俠聲著遠邇人歸如市而君日就貧矣仲兄病不受藥長跼涕泣以請感其誠篤如言病霍然愈邑有均田之役君所定壤則人無異議爲鄉三老表正一方博士弟子以大賓禮君回謝不往邑長吏采月旦評以五常顏其所居之堂春秋七十卒通邑人無不悲弔者娶金碩人嗣以劉子五人大紀大絃大舜大徽金出大績劉出紀絃善聲詩汪司馬有雙璧之目紀婦元戎黃廷忠女絃婦處士汪節女繼金橋女舜婦儒士朱皇女徽婦處士朱啓女妍五人爲程一讓程元載程光啓孫時可朱昌烈光啓光祿丞時可太學生卽無可也美秀而文孫七人文登文展文衡文潔文夏文遊繼禮登婦汪君秋女辰婦汪君道女衡婦黃自謙女孫

大泌山房集

卷之九

墓銘 四十

原

原缺

大泌山房集卷之九十一

京山李維楨本寧著

封禮部員外郎岳公墓志銘



余嘗爲搆李樂東湖公金孺人志墓而後從其孫今賴郡守爾律游甚歡則益悉其家世濟之美蓋宋忠武鄂王仲子緝忠侯霖子鄂侯珂勸農嘉興路賜第金陀坊珂子承事郎覲親子江夏丞通遜子監酒庫涇涇子金部主事琳琳子茂之再罹胡難更姓樂播遷長水鄉茂之子貴一入明爲廣東提舉貴一子尚德尚德子武功衛尉仁富仁富子懋懋子端端子梅溪公奎奎子松大泌山房集 卷之九十一 志銘 一

巖公鳴迅鳴迅仲子東湖公商東湖公娶金孺人生伯子封虞衡郎心夔公九德仲子則封祠部郎青門公九阜東湖公與金太孺人孝義詳志中而復岳姓自兩公始青門公少心夔公十九歲長心夔公伯子水部公六歲幼慧不爲諸兒戲父母愛之甫龀失父哀且毀孝因母而敬伯兄覲水部若兄弟然心夔公課子弟嚴日不中程繼以丙夜母慮弱劣不任私垂泣則謝曰是奚足哉人所學大人有二其一爵其一德兒卽不爲尊官稱大人不失赤子之心卽大人也母哂而奇之已數赴童子試不收旣冠而娶張宜人方是時父困官私受侮心

夔公經營盡瘁公拮据贊之再赴試復不收遂棄去獨好讀子史及裨官藝術諸書尤精岐黃家言居恒語宗老人生寄耳要自有不朽者夫惟至人養空而游無往不得其性命之精與心夔公相率奉老氏三寶而時御母板輿游田間致足樂也會心夔公喪仲子其母張宜人哭之不安寢食徙宅禾城母以兩子兩地心殊怏怏水部旣通籍公乃奉母入郡心夔公居郭東公居城西過從必移日夜則同寢絕無跼蹐鳴琴陸博呼盧之好卽杯酒燕語以立德立言訓誨諸子求田問舍者闕口守登第水部爲國子先生諫

大泌山房集

卷之九十一

志銘

二

上暴怒所收閹人采女甥生暮死

上曠之將置重典以慧星見解已東事孔棘而婁江再相不卽赴彈劾爲大不敬衆竊危之心夔公念伯子委質事君父不得而子卽遭禍奈何而公入京省動定則守成進士矣命之曰自忠武後子孫久隱畏約無窮時若兄弟食舊德無忝先人可耳守敬諾已慰藉水部兄嫂日夕念汝且死諫而得無恙事君如事親其惟今日水部敬諾日與辨晰經史微言古今大事朝家典制四方利病計畫便宜老師宿儒無及者守應除令公曰年少不習爲吏宜暫家食從事問學因以移病請公携歸

偕心夔公朝夕侍母忘憂忘年矣守將謁選人別太母
太母泣吾七十有三汝父諸兒大者侍從承明領民社
小者有聲鄉校吾何憂獨未及抱仲父孫爲是介介耳
既拜汝陽令太母卒公兄弟號咷骨立耐葬東湖公則
松巖公墓隧毀舍日就圯以警效之兄營繕而服屬喪
多未舉無所得地公呼猶子士元等曰吾有一坏土在
張字圩可以葬葬者數輩宗人德之泣下資饑寒不時
婚嫁者有鬻墓坊四十年再易主而重購以新之弟躍
川公進用不饒而能行義母以數千緡不取子猶子政
聲廢其產室人交謫亦以素金爲衣食業三詘無所問
大泌山房集 卷之九十一 志銘 三

昇甥王叔吉室而廩穀之使從師屬文仍予之田嘉都
氏甥屢空能奉母也亦予之田或假金孺人簪珥付質
庫不能取倍直而歸之姒氏田所入不足食推食食之
田相錯者高其直操書致以來而竊自傷曰舍是奚食
也聽其耕如故傭屬收責盜而挈其孥走蒙所豪虞見
法黃之顯靈祠當濮鎮萬家扼塞以田一區治之鄰以
四畫售數十緡復質其三則他售矣憐而還之故廬側
民田瘠歲不得種捐千斛做常平倉法濟之鄉人子不
學捐三十斛延師教之此兩事則守所奉行也自是肺
腑之親葭莩之故生有養死有歸遠近橋梁梵宇工無

不仰給公矣公緘篋筦綸凌維米鹽卽偶張宜人籍
手宜人亦婉嫕從志抱衾裯者賦予布帛有尺度身無
榆衣甘食家以此增于往水部三疏斥大司馬束封失
策及奸人沈維敬當誅忤旨落職歸公過飲心夔公而
勞之伯子于三王並封而諫于闕功郎外察而諫于今
疆事而諫三諫而不從并幹死服事兄里中宜爲兄壽
心夔公曰君恩隆天重地敬舉弟之觴公有女相攸姑
夫周廷評以沈純父先生猶子白生對公曰吾固心儀
之笄而字白生連得雋已歷水部察廉調勲部歷郎中
孜孜覈廉貪明邪正風裁甚著而人知公有人倫鑒勝
大泌山房集 卷之九十一 志銘 四

冰清玉潤也先是公患疥癰已感寒疾寤中若有示者
遂起謂張宜人醫之所病病道少人之所病病疾多吾
夙好養生七日不汗分必死而神佑之然恐其鬼之終
餒也或謂公年甫強多行善當有令于公曰禮有之兄
弟之子猶子也而守以令擢客部歸公請於兄曰弟少
孤賴兄與嫂有今日兄多男而弟蘭夢寂然女雖有家
不可以爲子願以仲子和聲爲後心夔公曰太蚤計作
人如弟寧憂無子吾欲無從弟言而弟迫有子姑以吾
子爲弟子先導于是守後公矣以建儲恩封公爲主客
郎而心夔公夫婦喜曰是可瞑先人地下目也守使淮

王即便道親父母兩父兩母俱存無故鄉人艷稱之無
何心愛公卒守疏言爲人後者不得顧所生如三年之
受何請得予告持服如子且以爲人後者式而公痛吾
兄不及被若服物采章賴有此吾少安歲時操卮酒酌
伯兄所淚潛然佐水部兄弟治葬守復除遷儀制員外
郎再值覃恩封公如其官而以其官移贈心愛公兩安
人皆晉宜人公念兄愀然不以喜而以悲也郡以鄉大
賓禮禮公爲一往再命則辭而水部季弟舉京兆其母
慮無以供資芥公又助之亡何守喪其生母復請執喪
如心愛公而公哀嫂如哀母恤兄諸孤倍篤改營虞衡
大沁山房集 卷之九十一 志 五

公墓于武庫銅官山道阻遠守決旬一歸省公不可若
自今爲郎邇邇十有五年兩遭大故旬萬里弱質不
耐勞且未舉子無以我故僕僕也其年五十宗姻以始
妻賀越月置酒相報稍劇已患瘍又苦劇三月手足幾
萎則白生亦在告子婿兄妹旦夕侍疾瘳矣白生補司
封郎公趣守北上守不應踰年而公愈壯趣治行益力
守單騎人都留其婦居于舍而孫慶澤生公益喜季有
聲復舉進士公遺書相勗兄弟俱朝臣婦若女俱命婦
乘至盛而不返道理難與長處樂矣尚念之哉而富平
爲太宰心望水部補救外察已內察移於浮辭疑守好

異同不相中出之慶遠諸清流皆爲恚憤而秦比部疏
論救不當察者七人守與焉富平辯數是不愈謫藉耶
何以鞅鞅缺望故相反駁守乃歸而阿邑者復造作飛
條嗾南臺刺守并及白生守請休富平持其章不下公
語守諒夫高張攢耳而聽兒行矣不則謂羞薄二千石
詔除畏陸梁地有他覲而以二百金與張宜人爲守辦
裝口以成其廉也守不得辭復留婦與子子舍而身如
慶遠甫兩月移贛州會有寇百姓恟恐禍棼未解守不
得輒代而以計降諸夷傾巢舉落望德如歸擄兵罷去
公竟以故疾卒白生與水部兄弟相守之婦治喪事甚
大沁山房集 卷之九十一 志 六

備蓋家無常子樂氏有古人風非朝夕矣公生嘉靖戊
午七月二十有三日卒萬曆壬子五月三日年五十有
五配張宜人歲貢生張公楨女子一卽守名和聲娶鎮
江別駕周公志學女累封宜人後公十五年以勞卒女
一適驗封郎中沈孚先白生其字後公十月卒孫男一
卽慶澤未聘孫女一未字水部召元聲季弟名駿聲皆
以文章氣節知名于時銘曰孰不有父察父難爲子而
少稱孤子而父是似孰不有子令子難爲父而子兄壤
子而穀式汝孰不有兄哲兄難爲弟而兄年長以倍而
名實相僭所子者疏爵而貴矣非子者踊不絕地矣繼

別爲宗引無替矣生也帝命之藏也史志之矣吁嗟乎
岳公不顯亦世矣

贈文林郎官公墓志銘

故黃州郡諸生贈澠令官古愚公今諫議東鮮父父也
東鮮舉進士令完五月餘公卒服除除澠以考最贈公
如其官尋以高第徵拜諫議蓋葬十有二年而始以狀
介其友秦氏部敬伯屬志銘于不佞某某等在鄉人之
未知官公父子稔矣志曰公初名惟德更名如皋字直
卿其先行三公自江右徙黃岡烏林元末避兵再卜鄱
陽數傳至守忠守忠子清清子政政子永富永富子徵
大沁山房集 卷之九十一 志銘 七

仕郎公某里人號長者以子高唐貳守祿封配汪孺人
祿母弟福質直好義七十爲三老賜高年爵配王孺人
則公父母也王孺人夢麟入懷而公生小字夢麟六年
而孤自少儼若成人塾師試以偶語敏而中比長善舉
子業之文所師陳公馮公黃公遜其能公益自奮夏席
地冬絮裘脛夜誦不絕聲二十九補郡諸生探窮往藉
游思玄微丙子己卯試兩見格蓋直指郭公讀其文以
爲鉤深而近苦揖之于庭口勞之仍旌其門後直指張
公邵伯郭公都試士皆爲冠首然卒不第甲午東鮮舉
鄉試第二人嘆曰力何可與命衡有孺子在吾其休矣

與同志數輩締文酒之社手錄唐人詩而擬之情景所
觸題詠不輟疾革猶爲重陽詩 章信則人任焉制義
一首其篤信好學如此事父母孝所受生徒月奉以治
酒食洗腆而進之有所得果蔬非親嘗不敢先四時之
服必備純麤子弟環侍陳說今古父母解頤抵掌也中
夜數伺喘息小失節醫藥禱卜皇皇如不及父受爵通
國人美公能子公謝不敢當既而曰愛敬其親則子悅
非人情乎張筵酬賀者決旬且以奉親歡母疾時東鮮
復患疹公不顧專意侍母額天請代居喪哀鴻而能立
扶而能起哭無常時常聲者終其身事繼母張如母愛
大沁山房集 卷之九十一 志銘 八

季弟共奎而炊四十年衣服器用擇其所善而爲之季
弟子孝廉受室室隘不可容將析箸兄弟涕泣數日烏
同翼而聚居獸同足而俱行而況于人不遠伊邇式
相好矣孝廉韶甌能文愛之教之如東鮮姊歸曹而寡
生死于公乎資從昆弟子貧者因能授業無伴失所或
凶年自鬻出金贖者四人配余程兩孺人父母兄弟瞻
護尤厚姻黨知故振饑寒救死亡甚衆自奉蔬食菜羹
襤褐劇屨不敝不更程孺人卒家復燬人所不堪猶賦
詩自樂也平居立坐步趨不失尺寸對衆無媒言小人
女子不假嘖笑料事成敗十不失一就之謀叩兩端必

竭政議直指卽尊貴有過輒獻規子姓外生則聽之堂下愧之以辭傷其前事而悔過其行乃解少年過諸塗足超超不前從東鮮京師諸貴人造謁謝不見郡大夫過存亦不出初治戴記兼尚書四遠負笈之士不問脯修其不若訓雖年相若不廢夏楚門徒登賢書薦南宮若諸生升米廩殆半國中卽有叛不仇師者不較也所僦居火或謂某將嫁禍公盡聞于官笑而不應有竊責家人子者收之或謀竄奪以言誅公公唯唯豪殺程璜人墓田頗倍予直隣構室其于厭死以爲訟端論而平之東鮮觀大司馬政遺書言北虜南倭緬蜀播粵徭大沁山房集 卷之九十一 志銘 九

往往變告四方被甲砥劍理檐蔽舉衝櫓守亭障者參列旌旗羽毛翎敝粟糧漕戾萬萬餘子之力盡于溝壘邊境早閉晚開大司馬何方所循擊潰而決天下亂不能治危不能安無爲貴知士也東鮮轉餉遼東取道覲省公憂形于色曰中涓採樵所在罷士露國猶木之有蠹人之病腹心夫循計之事佚而不累訪議之行窮而不憂會典律令綱目具在率循何人弊乃至是宜日省以助經略如宛東鮮退食瑣科餘行事平亭獄若干人無憾而後卽安又言宛北道飭廚傳瘠下肥上義所不由然古者立郵食以守路賓至百官以物至重王事耳

今之奇運者何莫非天子奔奏臣也致餼授館之不設是爲茂官豐約適中可矣居之有間病東鮮乞假不視事亟趣出奈何以我故令案有留牘先一月召季弟及諸子來令之江陵治木有神附于北曰三千苦海今超脫清玩蓬萊十二樓公曰東鮮十二吾逝期也宛人戴東鮮如慈母聞公病謁款諸神百里奔走如狂唐王亦偵伺屬路十有二月十有二日木至正襟而坐取筆牘受言震兒當事雲兒作人耐煩二字謹識之耳某某往有德于吾父母吾不及報其無忘二子泣呵曰吾返吾初幸甚母但化遂瞑其歲萬曆己亥距生嘉靖壬寅四

大沁山房集

卷之九十一

志銘

十

月三日年五十有八元配余贈孺人繼程贈孺人再繼王程寶生應震應雲應震卽東鮮戶科給事中邦之司直也娶隆安尹宋德祈女應雲邑諸生娶孺士鄧蓋女孫五震出者撫辰郡康生娶蘇郡永盧國楨女撫極諸生聘高平尹洪聲遠女撫邦聘平度州佐周啓孫子戶部郎之訓女雲出者撫蒸聘曲靖郡丞汪守濂子太學儼女撫華未聘孫女二一字蘄州贈都御史李儒子參議際春子諸生扶一字蘄水布政使朱軫子戶部郎期呂子諸生朝熊俱震出壬寅十有二月十有五日葬金羅山東鮮狀云少善病公嚮子閔以父爲師未嘗就外

傅既冠且舉子不小姑息遠遊必偕唯恐失足既慟母
蚤逝不逮養父逮矣爲日幾何生平文學德行宜有豐
享而遺佚阨窮特甚晚歲逢疾備諸荼蓼凡數千言殆
不堪讀稍節之而爲銘曰孺慕其親要之沒齒是爲孝
子千里迎弟與訣死生是爲仁兄子優于學惟父範模
是爲大儒將子牧民民戴其賜是爲循吏一人之身備
道全美足張楚矣年不登耆以青衿終罔怨罔悵帝賚
諍臣龍章在櫝旌此貽穀沒而不朽令德令名賁于九
京史作銘詩樹之墓延如山無巖

待贈承德郎張仲公墓志銘

大泌山房集

卷之九十二

志銘

十一

安定張立庵先生爲丁未進士魁所居官以清白稱守
黃守鄭之政余耳目覩記爲悉卒以直道不容官止蜀
憲副歸余部隴右則公已沒所居財蔽風雨令人肅然
起敬公諸子多才儻方困逢掖中久之伯子某某公袞
舉鄉試第二人又二十餘年仲子某某公子成進士除
民部郎蓋先生貽穀之慶也仲子名辰字某某於孝廉
爲同產具三弟同知興國裏諸生康於庠者裘宸則如
母出也公穎惠絕倫二歲從先生官上黨所過山川道
里廐置若城郭解宇園亭久而不忘指畫成圖先生嘗
以句屬對晚霞高掛無煙野火燒空應聲曰新月初懸

沒線銀鈎釣海平涼趙中丞浚谷公者先生受業師也
聞其奇使侍立而試之曰一口心存十二時對曰九重
策獻三千字又故難之曰秋雨連綿簷前如奏九霄音
丁丁當當驚迴幽閨淑女夢夢不成夫成蕭關對曰春
雲縹緲空中似放五毫光往往來來動起他鄉游子思
思無窮親在天涯譬如響答梓中丞大稱善謂先生吾
甫十四而鄉薦十八而魁天下若子七齡才若是當踞
吾上若殆難爲父矣而先生虞其速成知盡盡此耳督
課嚴汗血之足束于繩牽不得騁以故爲諸生鬱鬱無
所見奇而父母喪奪廢事然未嘗一日廢書討論六籍

大泌山房集

卷之九十二

志銘

十二

諸子史兵農曆數卜筮方伎百家言叩之如流爲詩文
抒所見解傳以古法薦紳學士貴重之客嘗滿座公縱
談出人意表時雜諧謔雅俗不至疑駭聽者虛往實歸
不欲去每誦其家茂先詩安心恬蕩棲志浮雲體之以
質彪之以文山不讓塵川不辭盈此吾居身之珍也與
人披情素相親恥夫翳行竊步不得其要領誦誦強笑
語謬爲恭敬詐泣佞哀恤役紀者或有慕競譬說情理
衡無私輕重繩無私曲直雖悍者降心相從黠者關其
口也每希劉伯倫街杯漱醪無思慮王孝伯無事痛
飲讀離騷家無十日之蓄日儲酒召客即無客陶然獨

醉不復問生計所知諷公宜小藏番公笑曰夫數粒而炊析薪而爨偏恡細碎空自苦耳何救于貧吾少本如此豈可一朝而變非欲異物性所得也人有患難窘乏傾筐倒篋資之唯力足視然不欲博好施名人受其賜身乃大偏側家人交謫終不顧貌魁岸廣額豐下神采儀容朗然若明珠照乘和氣益溢面目間外不飾邊幅中不施局鑰人樂親之生死貴賤不易交情里中故推爲祭酒晚以子貴忘年忘分延接殷勤衣絲與閭閻浮沉相隨行馬少游下澤款段鄉里稱善殆有過之矣民部初以轉餉出塞使省親公已還報命請公俱北公喜大沁山房集 卷之九十一 志銘 十三

吾家世受國恩從兄一詣闕下頓首祝

天子萬壽幸甚民部領潯陽推政趣之行君命不可宿於家吾當一覽匡廬彭蠡之勝旣至卽訓勅民部吾聞諸先民不取于人謂之富不屈于人謂之貴貪者常憂不足廉者常樂無求若王父以不貪爲寶百世之師也吾雖布衣明習故事收錄遺文條奏前世善政法度可施行者民部奉其言輕關薄斂頌聲大作而會歲旱災灼如焚官署濱江蒿塵湫隘乃命駕之遠公東林曰此昔十八檀那之社陶靖節所晚合而謝靈運外望者也可畢吾世矣左右怪其言三日坐一榻自謂清風徐至

不滅義皇上人俄而卒公平居不佞佛而緇流比丘應之無新里中梵宇多所繕作其以東林終也或謂有宿因云生之年嘉靖丙午十有二月十有九日卒之年萬曆癸丑六月十有八日年六十有八配王安人某某女所生男子四人伯國綬諸生娶某女仲國紳卽民部娶康生石三樂女叔國綺諸生爲叔父興國公後娶郭某女李國絃諸生康于庠娶稍果女女子一人爲諸生康萬方婦國綬有子福慶父子俱蚤卒國紳有女字諸生石琬子某氏部慟公甫食三釜之祿而遽忽然又以王父墓自世父外不得祔將更卜北以葬而屬余志墓中大沁山房集 卷之九十一 志銘 十四

石余承服先生風聞久且與民部契最深因父知子因子知父爲志其可傳大略如此云銘曰胡多才兮名靡成胡懋德兮過靡亨維察父兮若哲兄若令子兮高閑閔吾何憂兮復處盈和具光兮銷其聲自隴西兮至溫城往結夏兮逆社盟解天筏兮謝塵纓忘身世兮齊錫彭示無死兮亦無生歸與觀兮故鄉塋神綿綿兮萬里行銘于石兮祭于祊帝錫命兮寔窅明世永昌兮莫與京

儒林郎魏公墓志銘

余兄弟五人惟一女弟最少適魏穎超蓋若六人然而

穎超年亦最少自余有河西之役別且七年壬子夏過
余金陵旅舍相存見其體力佳勝良喜而周思皇自濟
上招之觸熱往赴南兩月暴卒母大孺人受婿不勝慟
余深憾不力留行然萬非億想所及賴思皇棺斂雖余
兄弟無以加初穎超摩孺余幼兒欲字以女余亦含意
未發而思皇言其卒之日與談漏下二鼓出復還及兒
女事若託身後者余因白母爲文定櫬過金陵酌酒舟
中明諾而兩甥遂以墓志屬也執筆輒酸楚罷去蹉跎
二年兩甥使人奔告葬有期通杖淚而志之曰穎超名
實秀以南嶽有赤帝館取爲別號其先江西新建望族
大泌山房集 卷之九十一 志銘 十五

奕世圭組某世祖某游楚至京山有長者聲衆從之如
歸市又善治生名田萬畝至其王父贈知縣公某業益
拓而折節禮儒碩先大夫爲諸生入邑舍其外館市人
奏劇觀者如堵墻先大夫鍵戶誦書聲高微贈公叩而
揖之君厲志學問當爲國士時時餽食飲延之上坐而
以其子西安公某見西安公少先大夫十歲先大夫亦
知非凡偶也遂締交西安公舉于鄉又三歲生穎超又
三歲而女弟生襁褓中西安公來委禽是時穎超白暫
娟好而後以疹惡十死一生成麻面魁然丈夫其後才
名著人恒呼三麻有別字私印云隆慶辛未西安公成

進士知縣事穎超與伯仲二兄從受書屬文知意日啓
而母田孺人卒已西安公復卒先大夫召之與諸弟同
學學成爲諸生爲贅婿二年而先大夫無祿卽世穎超
執喪如子然後返其室二兄長習事祖父所遺穎超一
切不問歲入薄率仰給母氏及余兄弟而以諸生高等
當食廩余兄弟有事四方朝夕緩急不相副爲之人賞
入太學而史學爲詩詩驟佳金陵諸游客賦新柳以穎
超爲第一王司寇趙少宰陸祭酒評目之試于楚若京
兆冉三不收北游京師當事者將有秘書選以未開局
中輟第除典客奉使越中便游白嶽陶祭酒見其辭翰
大泌山房集 卷之九十一 志銘 十六

方幅齒遇已遷江寧丞日與諸知故往還倡和視吏牘
茂如也郎署則曹能始山人則謝少康俞美長茂才則
葉循甫館賓則王曰常王不疑最稔署左構十破齋日
嘯歌其中上官檄責何得廢曹務笑曰古有吏隱風流
罪過竊所自甘其任達如此某子甲爲閩爪牙拜內史
徵璽書佐稅事移江寧逮諸富人令倖無以應穎超匿
諸袖使所私昵譬說以禍福事遂解三年考最尋以建
儲恩賜勅命女弟爲孺人而西安公中計典鑄級特疏
請復故官已遷同知河南陝州其民朴而事簡穎超顧
精心于職簿領詳緻上官察其能伴攝靈寶縣縣令有

小出入爲之彌縫嘗決數十年疑獄上官益用嘉嘆而
察京吏以典客報罷矣典客長皆貲郎稚少文恥爲之
下其僚猥雜或白眼直視構爲蜚語故不免上官知其
貧祿金治行士民泣而送者屬路而兩甥已爲諸生娶
婦雖蕭然無資欣然自暢今始解微纆柴柵從吾所好
矣宅負城而臨泄水南山當戶傍築室數楹圖史几案
尊彝之屬不侈而雅壘石蒔花輔以梧竹疎密有致好
種柳羅列門外自謂富于彭澤善手談竟日夕忘倦飲
不勝杯勺而家有美醞客不醉無歸良日偕所善登溪
外山或秉燭夜遊間歲買舟南下歷巨壑九華具區武
大沁山房集 卷之九十一 志銘 十七

林觀海日夜生浙江秋潮而返將次第五嶽有車轍馬
跡焉而已矣自六籍外陰陽卜筮韜鈴醫藥諸家咸所
涉獵書法二王而能匠心獨妙學士大夫重之慷慨持
論百折不窮雜以諧謔令人絕倒惡俗子爲富貴容及
齷齪小禮者意所不合割席分坐或拂衣起不達人喜
怒不逐人毀譽巍權勢下孤弱而敦大倫事兩兄和不
廢莊兩兄小有言必婉劑之伯兄以其仲子爲子蓋平
生所愛請于縣大夫博士與邑諸長老僉曰可而後受
命仲兄長子才而天胸懷邑邑曲爲解憂伯兄婿重茂
才元甫美秀而文於之甚至所識窮乏推食解衣不繼

則書一幅使之闡如虞世南樊卿灌口直低昂聽其所
遭也晚與高僧究貝典節縮全庚爲萬松庵崑山之麓
意若有悟其于生死當超然矣余妹未父而寡諸甥小
者未訖何以自振旁觀竊代爲悵悵耳其卒萬曆壬子
某月某日距生嘉靖辛酉十有一月某口年五十有二
子四人伯九庵諸生娶中書舍人唐應運女仲九敘諸
生卽爲伯兄後者娶光祿監事孫鳴和女繼茂才夏柱
女尚城令崇誠女孫是伯嫂姪奉其嗣母命也叔九師
季九官副室劉出未聘女一卽余爲幼兒營國聘者亦
劉出九庵子一某某聘茂才胡拭女虞城令宗淳女孫
大沁山房集 卷之九十一 志銘 十八

女一字孝廉王制子某則余弟之女之子墓在邑南二
十里楊柳坡生時顧而樂之語子必葬我于是今乃知
其非漫語也銘曰古人論士才或跖弛惟魏家王之才
之美偶無傷道巧無累理風領毛骨巖巖清峙三仕何
貧貧且沒齒五十非夭乃以客死貧富死生達觀一耳
手蹟永傳神明可起地下修文得新郎矣

光祿署丞吳公墓志銘

光祿署丞吳樂庵公名思沐字新之少而孤苦讀書至
孟子所云二樂曰仰不愧天俯不忤人此豈必得志然
後可爲哉因自署曰樂庵公父左泉公尚字母汪孺人

九歲失父哭泣過哀家人憐之母鬻子甚閔恒以中夜披衣起泣而語之若先世多名人中葉乃爾孺子能自立即吾從若父地下遊無憾十四歲母疾朝夕立而侍奉藥物相啓居者踰月其卒也哭幾毀宗人將不利于孺子出外家避之二年歸乃婚十七從叔父賈徐二年業淺虧而深自訟吾謀左耳失之東隅收之桑榆寧異人哉黃氏翁鏜與之語合曰誠如君言事何不可豫道者要與其子澤共事賢選有無得倍稱之息矣更簡兄弟中可任者分屬之徐中水筏梓居屋上而新河成夏鎮扼其吭亟語澤徐不可久處夏鎮漕輸地也澤未決

大泌山房集

卷之九十一

志銘

十九

其翁獨信爲然而析貲兩授之徐果日損夏鎮日益自是一年而贏三則以其三爲母而授兄弟息之三年而贏九則以其九爲母而授兄弟息之吳氏業析爲六而諸兄弟饗其利者數十人已醵金而歲令支屬子姓息之息以其功勞逸多或千金少亦數十金仰事俯育畢給鰥寡歲遺帛月遺糈童子遺束脩十五以上召之鄉舍冠婚具禮師友具贄成學成名者踵屬矣居恒言俠者好施不必當義不當義而施人病不節吾病不繼此所以廢之何在具所以存之矣吾因勢利導使自爲生等不相逾六戚鄉黨知交軍門圭竇丈夫吾子無貧窶

捐瘠者豈盡出吾橐中哉已創小宗祠修大宗祠一椽一礎切一畚鉏舉臂勝事無不服籍君子以爲得達孝之指焉因事行義不祈名高其天性然也河漢淤反壞故舊捷往往觸舟糜碎友胡君謀除之而力不逮公請其叔父白司空與役司空歎曰此公家事而勞費若義哉凡拔木石沉舟若干司空旌從父功官以萬戶不

大泌山房集

卷之九十一

志銘

二十

舉甚衆心德黃翁從史翁納妾舉幼子渭而妻之以弟女澤欲分夏鎮貲公不可以已貲伴之後賈與州失利更甚獨在夏鎮者澤兄弟中分藉以自全前胡君爲其所知丐千金而後負之胡君以爲慚公折券兩人交如初胡卒或噬其三孤兒卵而乎之三孤殤復求後之者亦妻以從子女良田廣舍光復先人舊物而居僅容膝非腰膾祭祀無酒肉出入一奚奴從不乘輿馬貴人不輕投謁在夏鎮惟羅司馬毛憲副姚侍御武林錢公蜀尹公楊公交驩禮爲子師滑人李公過之以上賓居鄉則令劉公宗人益都令鄉人祠部鮑公程公憲副畢公

咸引爲勝友以公排難解紛而無取有魯仲連之義置
酒請須臾馬公研索經史旁及二氏然以人生倫常中
安能逃于其外素位而行下學上達如曰捨之何難二
氏所以不如吾儒也家難而天下易聖賢之學親踈近
遠愛有差等反之則悖問從講學會歸曰不在多言在
實修日知其所亡月無忘其所能可矣以例爲禮部儒
士授光祿署丞未幾遂謝去膏之會稽探禹穴楔蘭亭
海岱以南佳山水足跡幾遍越十年病就京口醫小愈
促伯子應試病忽棘屬從子書遺言伯子得耗奔而輦
之歸婦請禱曰姑盡汝心慎勿用浮屠少子在夏鎮絕
大泌山房集 卷之九十一 志銘 二十一

不言伯子以手相枕呼家僮易之遂逝時萬曆壬子四
月二十日也距生嘉靖癸丑六月十有三日年正六十
配洪孺人三塘應顧女生伯子惟時及二女副室姑蘇
徐氏女生少子惟昭時娶靈山方雲鵬女昭聘洪源洪
思偉女孫男二起祚聘郡城儒士畢士耀女周祚未聘
女適鄭村文學鄭某子國儋西沙溪汪惟誠孫女二一
適長源儒官程九鳴子嗣基一未字其初自唐御史少
微以來諸聞人具伯子狀不具論太史公言范蠡擇人
而任時十九年之中三致千金再分散與貧交疏昆弟
此所謂富好行其德者也吳公賈夏鎮與適齊之陶壤

相近能以富行德奚啻十九年千金其爲光祿輒自免
庶幾鴟夷子皮之自全矣伯子因余所知程生子沂以
志銘請余讀其狀文而不誣爲之銘曰藐哉孤集蓼荼
心罹瞿容若愚知過軀買爲徒儒爲募計靡靡閑靡踰
衆說郭破掌拘踞津途握筦樞法陶朱貨川輸兄弟俱
唱于唱培根株枝相扶戚葭筭繁不殊三戶區萬升都
寒者襦綬者鋪葉者蘇悲者愉義問乎溪八樹荷天衢
奉帝壺腰賁舡載宴娛日行哺歸來乎飽尊鱸泛五湖
美丈夫千里駒九苞雛積令圖福德符表三吳原膺膺
爾斯瑜銘碩膚辭匪詠神留俞殿黃壚名實專永無渝
大泌山房集 卷之九十一 志銘 二十二

光祿署丞程公墓志銘

洪範九五福一曰壽二曰富此二者天所最重不僭賞
者也而兼之爲尤難若光祿程公得天之奉多矣公名
爵字國光父梅軒公某因自署少軒以識思其先出梁
忠壯公至嚴將杭公遷臨溪後春公遷黃泥七公遷榆
林并且流離者數十世梅軒公居家富逸爲閭里雄假
人不德不責吳越間從之如歸市娶朱孺人有閭儀生
公洞睛矐眇父喜吾聞東方朔目如懸珠兒殆類之矣
稍長明惠若夙成者受業吳興南陽楊先生所每有難
問應聲而解先生奇其穎發里人陽湖孫公某爲女間

對見公口此快婿也以女歸公公方欲以舉子業成名而念父行賈四方且老爲子孫計耳子顧晏然受之乎悉取孫孺人奩具息之其法用白圭薄飲食節衣服與用事僮僕同苦樂廢居居邑候時轉物贏得過當愈于織膏矣久之輜重竟道大舸蔽江賈貸子錢以巨萬計一邑無與偶者揆事決策見末而知本覲指而知歸然寬緩不苛言語嘔嘔時集同人各陳便宜斷之心胸參之有識故臨事雖米鹽凌雜不勃亂恥談人過有造作端末妄生首尾者振衣去之不欲聞摧剛爲柔含垢忍辱若曳裴遐陸地還坐舉止如常舉擲王夷甫面都大沁山房集 卷之九十一 志銘 二十三

沉匹夫編戶之民乎若曹輟荒肆之樂詘流漫之志廢淫康之虞庶其有繼無以乃公田舍翁不能爲若所爲再實之木懼其根必傷耳不聽吾言遷思回慮者非吾子也諸子損去踰侈長飾而後敢見居恒言貴賤有等相事相使無敢慢也吾處布衣之位焉得以素封封己養高公卿大夫舉足左右便有輕重吾雖不能至然心卿往之禮一命不齒於鄉層累而上可知己里有貴人望精光侍謁於前幸而臨之擁簪迎門却行虛上舍而館之親修具恭鞞鞞奉觴上壽恣所欲以順適其意客即貴倨見公數執謙退降等相接也公沾沾自喜見大沁山房集 卷之九十一 志銘 二十四

斯衆賢足以忘疾釋愁可罷遣常客矣其事父下氣怡聲病則籲天以身代朝暮瞻察未嘗一日怠廢父以大耄終哀猶孺子母早世如母者三人所舉子亦三父卒叔季髮財覆額或言公造家功多不宜與諸弟均產公不可吾無以埤益弟而顧割之自肥耶諸弟蓄積餘業殷殷起矣族無宗祠請于父首事祠巍然甲里中歲大侵骨肉出逐不收挑藜藿入窮閭飼其餒者故舊共更艱厄爲卹護其妻子有善人在患饑不及餐之義焉傾廩二千石以賑吳興貧弱萌隸諸臺使以聞樹棹楔旌門而郡大夫爲之評曰義洽千里澤被三吳云其他若

繕黃坑寺新諸祠廟造舟爲梁伐石爲橋費夥而施普矣晚以例爲光祿承服其服拜賜不復御李明府禮致之賓于鄉祭酒固辭不得強起赴之自是杜門簡出會年七十語諸子吾昔者以代若太父服勞徼天幸歲入什伯于往捲握之物足支十世今吾老而傳之日也若曹儒者儒賈者賈其善自爲計藝由己立名自人成吾但含飴弄孫不復闢家政矣而繼母朱無恙共子職唯謹病彌留無所言搏頰床頭呼其母曰命先犬馬不得終事母抱恨入冥神耶當復相見者從此辭矣其歲爲萬曆辛亥三月二日距生嘉靖己亥五月三日年七十大沁山房集 卷之九十一 志銘 三十五

有三元配孫孺人繼汪孺人再繼黃孺人副之者陳與江今惟江在子七人孫出者夢禎中書舍人直文華殿初聘文穆許公國女繼娶督府李公錫女夢鯉鴻臚寺序班娶廷尉丞黃公應坤女顧鯉俱先公卒陳出者夢陽中書舍人直文華殿娶太學生吳公繼康女汪出者夢熊中書舍人直文華殿娶中丞吳公中明女繼孫公天馭女江出者夢龍娶奉常吳公應明女黃出者夢蛟初聘民部胡公玠女繼侍御史汪公先岸女夢周聘督學使洪公翼聖女女二文學吳守約太學吳公守周子可當其婿也孫男子八人明宗明佐明翼明儒明卿明

奎俱夢陽出明輔夢熊出明瑞夢龍出宗娶比部方公道通女佐聘民部張公泰階女爲夢鯉後翼聘叅知政事金公忠士子太學呈耀女儒聘太學吳公懷讓女輔聘侍御汪公有功女爲夢禎後卿聘廷尉丞洪公文衡子太學嗣成女瑞聘儀部鮑公應鰲子太學玄度女奎聘太學吳公公治女孫女十一人賜出者一適內史吳公養春子繼序一適文學汪公時英子太學公毅一字文學朱公文時子某一字侍御畢公懋康子某熊出者一字汪公羔子某一字洪太學公嗣成子某即前廷尉公孫一字進士吳公之俊子某龍出者字太學吳公懷

大沁山房集

卷之九十一

志銘

三十六

讓子某餘未字曾孫女一明宗出未字以甲寅十有一月二十有四日葬江坑之陽余與公婚姻汪氏部侍御兄弟善悉公家世生平而季子應熊以兩汪公意屬余志蓋公童牙自立鵠髮不衰其疇所謂康寧攸好德考終命者胥有之而子孫逢吉家用平康又備諸休徵等千戶侯有浩大之福殆非偶矣銘曰多富多壽多男三祝備焉胡爲乎其然曰慈曰儉曰不敢先被褐懷玉不欲見賢寔則盈枉則全天道因人人善承天吾爲之銘以詔爾子孫勉旃

典客吳公墓志銘

吳氏兄弟九人余得見者三兄弟之子數十人得見者十許人皆相好無相尤和氣致祥宜子孫之多且賢也典客于兄弟行居五參軍居七參軍捧檄出使其子以武進士爲粵西都護過家上冢奉典客游致足樂也無何典客卒參軍哭之極哀手狀其行事如泣如訴有餘悲焉屬伯兄之子公勵連然流涕以墓志請余稔知吳氏義門典客夾輔功居多典客父內史公元配程孺人舉六子皆長副室舉三子皆幼典客有知慧受書多通作字臨模蘭亭而易直于諒父兄稱之曰此吾家第五也內史公謝事歸伯子卒其六人者或待詔公車或肄

大沁山房集

卷之九十一

志銘

二十七

業成均或鼓篋鄉學或歸依淨土其二尚孩提門內外事悉倚辦典客綜理愜兩人志己父母卒事益叢服益勤而業益振祝昔有加典客居喪爲孺子慕歲時若忌日齋戒祭祀如臨父母焉事庶母盡禮而念三弟少孤憂喜相關有無相通終其身如一日食指繁析著則以先世所遺同心堂讓諸兄而自攝別第居之貲亦十千萬二兄之終也以二孤託爲之部署生產授經勸學胥成令器四兄宦豫章攝其家政比以德慶州牧還里日交手事之食息起居相隨歿而有孺子稚孫又異母調護輯睦中外謐如之維揚而八弟病革所爲經理甚備

諸子學者賈者因材授任駸駸興起二兄故禪誦所四兄故道南社有其舉之莫或廢也祖奕五公文肅公有祠有理學名儒坊繕治圯敝外父邵公有子無孫問何欲置爲子同產子所子客維揚乳哺之稍長則令與諸子同塾年踰四十而後有子不以晚得姑息生平馴行孝謹計有一二難悖聽無失本末難惑也見人不善法語相規或就車而去終已不顧事已轉而與之處以國子生除典客不就職入以其修正推爲祭酒鄉鄰有鬪陳其勢言其方衆徧隨而服家雖溫不恥惡衣惡食不吝出納赴義不辭勞怨周人困厄不責報邑大夫知其

大沁山房集

卷之九十一

志銘

二十八

長者數相咨決絕不請謁事情鄉射以賓僕請固辭不往體素伉健不稱疾忽疾不可爲猶念諸兄弟子姓生計薄贈參軍與八九弟各千金諸臨候者問所痛苦曰痛誠有之殊無所苦斯亦達于生死之故矣卒之日諸弟諸子三黨四隣哭于其位皆失聲典客名繼鳴宇鳴謙生嘉靖辛亥二月十日歿萬曆甲寅十有一月九日年六十有四元配浙江副使邵公某女爲置宜子者舉子六人長明家娶率口提舉程元正女次明寓娶方千太學程廷溥女伯仲俱太學生三明寅娶隆阜戴啓賢女四明宸聘隆阜太學戴大園女五明守聘阜市孫元

亨女六明蔡聘竹林太學汪高村女女八人長壻程學
義浯溪拭子次壻孫體乾市學賢子三壻汪時來竹
林沔子四壻嘉興諸生黃元龍灣光祿丞道明子五壻
太學程家龍富溪太學宗涵子六壻程廷起壻漢別駕
尚賢子七壻程義芳鍾澤光祿正士晉子八壻張某漁
洲太學洲子孫男一承震出孫女二一震出一寓出俱
幼未字其上世代有聞人詳狀中銘曰維齊王昕魏崔
樞兄弟九人猶龍乎地靈今者在天都九龍受姓自旬
吳中有典客君子儒兄兄弟最友于有酒無酒湑且
酤如鼓瑟琴良宴娛死喪孔懷眷令呼卵而翼之六尺
大泌山房集 卷之九十一 志銘 二十九

周府教授劉公墓志銘

余童子時爲諸生及見先大夫同時游鄉校士二三長
者皆有先進風比仕宦歸宿素哀落獨漢川劉漢壁先
生真長者也先生名烜字用晦父曰宗訓母張碩人而
其族富人大本者見先生有異資取以異其偶蕭孺人
可爲若子是時先生七歲耳先是大本以外家張氏子
爲子名之曰燧視先生十歲以長嗣父母督教嚴燧舉

于鄉仕至郎中先生亦爲邑諸生高等食廩餼郎中公
名理學斤斤不踰尺寸先生亦沉靜不苟言笑蕭孺人
恒言是兒功名未可知必不失爲君子蕭孺人卒繼室
王孺人生二子曰燿曰炳其行事不如二兄先生時奉
父母之訓譬曉之遂爲鄉里所安嗣父居縣東百里周
陂築堤捍水歲收萬石而自荊州沙洋堤成周陂受水
蕩然一壑劉氏生計日蹙先生卜居阜甬市授徒不責
月奉先大夫雅重先生歲時伏臘資之筆札薪水余兄
弟嚴重先生而先生降心相從引與爲友每言及先大
夫潛然隕涕居平恥談人短遇少年輩不逞于途卽引
大泌山房集 卷之九十一 志銘 三十

避之巖墻險道必不敢置足聲色貨利若將浼焉其性
然也久次當貢有吳生者薦老次在先生後讓之學使
金公嘉其誼下檄旌門吳生以所得續食金餽先生先
生固辭明年上春官吳客死京師餘一空囊耳告同鄉
薦紳爲治棺殮與以歸葬已除黃岡訓導黃岡士數折
節延攬解衣推食其貧者士歸之如市而郎中公訪耿
恭簡于黃安先生從之執贊受業當事者察先生饒吏
事諸按比戶口振廉救荒稽覈帑藏咸屬之不縱不苛
而會有劉汝國之亂徵發如雨捐其秩祿爲簿書之費
囊洗矣惟敬諭大治黃岡士人立碑志去思焉教大治

如黃岡已擢河南開封教授漢陽蕭次公爲督學有葭
莩戚或丐爲居間先生拒之至稱疾不出而巧宦者嘲
其迂左遷王門無何示疾先一日邀客行酒語其子人
孰無死惟得善地以厝得名筆以志庶幾不朽孝子慈

誰氏之子象帝之先居善地心善淵獨兮若畏四隣豫
兮若冬涉川功成事遂百姓皆曰我自然執古之道以
御今之有吾將以爲教父既知其子既得其母不失其
所者久死而不亡者壽

孫所宜知也意蓋屬余云自王子侯以下衣冠弔誅者
千百人靈輅既駕門弟子相向而哭失聲又十四年而
子臯永始得地梅城之陽以葬嗣母宋孺人奉先生治
命不遠千里來請志因述其母爲京山宋國經女先生
不治生產御子寬而孺人用嚴小過必咎曰無令以不
肖爲父母辱少年言動不循理戒諸子無與交先生元
大泌山房集 卷之九十一 志銘 三十一

大泌山房集

卷之九十一

志銘

三十二

配蘇孺人有女爲儒士陳天棟婦孺人女之如己女所
乳子三人長泰永武生娶諸生胡滿孫女次華永儒士
娶諸生陳倣女少子卽臯永邑諸生娶教諭李如瓊女
孫四人正法臯出也行法約法華出也守法泰出也泰
有女一先生生嘉靖庚寅六月四日卒萬曆辛丑正月
十有九日年七十有二宋孺人生嘉靖丙午十有一月
十有八日卒萬曆甲辰五月二十有三日年五十有九
余因先生思先大夫所敬愛於心戚戚焉又嘉其子服
膺父訓久而不忘也卽人與言不足爲先生重何可他
妾竊窺先生道術類柱下史采其語而銘之曰吾不知

大泌山房集卷之九十二

京山李維楨本寧著

瑞昌王府奉國將軍南濱公熊淑人墓誌銘

高皇帝子二十有四人其十六子爲寧獻王四傳而爲鎮國將軍宸渥五傳而爲輔國將軍拱塘六傳而爲奉國將軍多熾所稱南濱公者也其嫡母熊太夫人其生母王太淑人其偶熊淑人公生而膚玉立眉目秀朗長乃魁岸美鬚髯兒時見諸少年盛衰馬僕御爲格五六博蹴鞠意錢之戲者心非之從里師治舉子業斌斌似其家言而海寧博士熊公秀方爲諸生善輔國父子驟大泌山房集 卷之九十二 墓誌 一 晉陵高麗程刻

目公而奇之以女女公是爲熊淑人於時舉子業不得施用去而爲詩往往作北地信陽語而會聞鄒文莊講新建之學負笈裏糧走青原奉贄稱門弟子文莊弟子自縉紳韋布後先可千百計其以王子侯著錄者公一人耳所友善則羅文恭文恭爲輿地圖多就公取財而繕寫剗刷出公貲過半既師友海內大儒意知日益務爲束脩至行攝纓整襟規矩其步時布衣蔬食與齊民伍熊淑人推結弋綈治生作勞交相贊也輔國公蒞子姓莊公與淑人朝暮上食單極滋味食甘爲之色喜不則懼然自刻卽淑人亦懷怪大人無乃有不足君所耶

輔國公退而省其私憐之望見公來輒霽威嚴侍父病決旬不問枕席因受醫方嘗藥而進之復初然後卽安比卒哭無常而貌省瘦居恒念熊太夫人蚤世時祭必敬雖小物不祭不敢嘗事繼母蕭益虔其卒也持三年服故事宗人喪其元配而子壯者聽再內婦名內助不得稱繼室公不可禮以義起吾繇吾父及之耳宗人高其誼亦爲服母王舉仲多災及公年且老未有爵秩公請於朝主者奉宗正條從事咸中格或以費誣罷積數年公竟得從子爵封母爲淑人其心力俱瘁矣王淑人翟服魚軒遨遊兩家顧獨安公與熊淑人極歡累日月大泌山房集 卷之九十二 墓誌 二

而更伯兄中美熊太夫人出也事之白首不懈仲蚤產子夭爲禱於名山數舉子所以調護甚厚嘗買田安義歲入三百石有奇侵牟者交搆其間慨然讓之歲甲子公年三十遭奇疾十日不知人仲請以身代熊淑人亦剪爪徒跣籲天告哀諸兄弟視藥羣從量水踈屬搏頰而啼婚姻知交謁候饋贈相踵疾乃瘳家無贏羨專趣人之急甚己之私至稱貸濟之所善客客他邸老不能歸月授廩終其身病獨身自隱親經給醫藥又爲之殯客吳人賈而折閱操傳別丐公廐馬或謂是必相負不宜予公曰吾寧望報乎熊淑人能佐公爲德諸姑姊姒

其困乏出入無券博士公老無子輦之來就養沒則懸家寢門之外祀之詔諸子吾不忍吾翁鬼餒也熊淑人爲公乳丈夫子五人少卽謹擇良師誨之去舍傍數十武構精廬日再三程督不以寒暑輟淑人執女紅黹脂火達丙夜刀尺無聲而諸子始歸就寢也以故諸子文行並有父風公於文取達意而不諧俗於行取爲己而不近名楚何司寇開府江右三年雅慕公數使存之不爲報去之日遣信展謝及於匡廬司寇嘉嘆恨失公其後郡二十石羣鄉士大夫講業有強公往者謝不應學在我不在二十石也自六籍外旁通陰陽醫卜術數

大沁山房集

卷之九十二

墓銘

三

高

尤善形家言熊淑人卒卜兆南昌長定鄉之烏龍岡而以喪禮尚右厝淑人左虛其右以踐同穴之信末年讀二氏書相說以解遂杜門謝客非吊死問喪不復出久之盡以家政傳子而招延二三物外友談究名理或弄諸孫膝下稱說先世事時或不冠幘隱几假寐曳杖行歌而已矣豫章諸王孫嫺詞賦多技能爲方內冠而以噉名心競力爭遂爲怨府得公一洗之余嘗造中美衣冠有古風左右匿笑不已此夫解衣盤礴真畫者也然中美猶爲余所知余三如豫章而不知有公公固不易知知公亦何容易哉公卒中美迺與謀時兄弟走使

千里而乞余銘墓中之石又以其里人徐司空言之公誠不微身後名何可令世不知朱郎中有長者其人耶因采張比部所爲公狀萬司馬所爲熊淑人銘與謀時兄弟所錄公淑人行略誌而銘之余又聞輔國當濠庶人時佯病自匿不染於辭鎮國不難割恒產以葬其弟之母至卯翼兩弟功甚大世德作求此之謂矣公卒萬曆癸巳八月十有五日距生嘉靖乙未六月六日春秋五十有九葬以丙申二月十日熊淑人卒萬曆乙亥四月十有三日距生嘉靖乙未二月二十有二日春秋四十有一葬以某年某月某日子謀謹登卒無後其封

大沁山房集

卷之九十二

墓銘

四

高

鎮國中尉者一曰謀時婦鄭二曰謀主婦張三曰謀室婦吳四曰謀哇婦吳五曰謀謹婦閔俱恭人獨鄭卒繼以內助諶庶生者男子二人女子三人孫男女俱十一人謀時出者統鍾統錦統鐸女字李暹彭夢龍謀主出者統鎮統鉅統某謀室出者統鎬統鉅女字楊利民謀哇出者統鎮統某女字萬思吳餘未請名未字銘曰豫章輪困離奇衰然玉葉金枝胡不本根是庇日尋斧斤以斯名者衆所欲之紛紛攘臂離跂連難固難並時參辰商賈相夷有美一人冒彫其腹便便若飭專氣致柔嬰兒天門開闔無雌多能亦何常師若一个斷斷倚衆

皆冕而衣裨緇布之冠不韠嗟彼附羶蟻馳衡門可以
棲遲何用合驪曰晒豈伊夸毗喔咻大圭不琢不追大
器何覆何敬刑于寡妻克諧教誨爾子媿媿相土堇荼
如飢坎而封之馬醫神千歲兮宴娛

都察院右僉都御史張公王恭人墓志銘

歲辛卯余承乏大梁助甫先生徵會南頓信宿而別明
年余以梁事申白簡竄歸向後凡九年財一通問先生
卒不及聞又三年會長公後之都門具道治命以墓中
石屬余志且云當以狀來又四年元配王恭人卒先生
入室弟子閻汝用狀先生及恭人而後之兄弟使使走
大沁山房集 卷之九十二 墓誌 五

鄭衍中前請憶余從先生官長安二十六年往矣文酒
酬酢宛然在目幸而後志先生者責實在余按狀先
生上世蘇州府嘉定縣人高王父得貴賈祭以籍自占
三傳至封公革配戴安人是生先生先生之生也安人
感異夢以爲祥比免乳穎悟絕倫應奉五行俱下禍衛
一覽輒記殆兼之矣八歲爲博士業已爲古文辭博雅
雄麗老師宿儒不通曉也十四補邑諸生餘姚翁司馬
爲督學使都試諸生以先生爲冠封公次之司馬嘆曰
父不得而子信乎他日以文名世吾不及也赴省試五
策幾二萬餘言主司大賞嘆舉第三人明年成進士時

南勝冠耳除知黃梅縣縣舟車綰轂南荆跋扈東陵巨
猾盤據市井中有司莫敢問先生廉得其主名禽治之
卽窮里氏以事入謁悉知其家人生口作業發姦摘伏
如神邑大驚相戒毋敢犯令事至首尾衡決不移時而
畢庭虛無人閉戶讀書賦詩有四方之客相與游覽邑
外佳山水蠟屐胡床鵬詠竟日人以爲潘河陽路浚儀
之儔也三年擢吏部郎自主事以至郎中凡十任而是
時諸曹郎王元美李于鱗徐子與宗子相梁公實吳明
卿結社談藝文必先秦兩漢詩必漢魏六朝唐大曆以
上傲倪一世人莫測其所以目之爲狂先生心好之比
大沁山房集 卷之九十二 墓誌 六

入都則諸子去國獨子相同舍相得甚歡無厭而先生
所最服慕者惟王先生子相因以書通先生於王先生
所兩人莫逆於心不必撫塵而遊矣會王先生父司馬
公失分宜相歡構下詔獄王先生棄官來視索鱸分宜
父子故憾王先生與諸郎杯酒間多譏刺語使人躡尋
蹤跡門徒故吏皆恐鳥獸散先生以從王先生遊晚日
夕招尋時而歌時而泣而更羸服存司馬狂狷中王先
生辭無乃爲君累乎先生慨然曰士爲知己死死且不
避官於何有分宜好言詩先生同舍郎分宜鄉人以其
詩與先生詩並進分宜亟稱張郎詩大佳非爾所及也

一日俱詣分宜分宜顧問先生新詩幾許同舍郎從旁
遽對昨與王某詩郎不如也請爲相君誦之分宜色赤
而徐魏國欲封其愛妾行千金分宜父子所冀必得之
先生爲司封郎持不可分宜恚是區區者而不余畀乎
先生自念次當爲考功文選事與政府相抵牾益多請
就散秩分宜陽諾遂南尚寶卿未至以風霾計吏修前
憾補外外當得僉憲而同舍郎阿邑分宜謫爲廣平郡
丞先生才名藉甚又遷客衆心畏其難近顧退然自下
安繫戀劇無異爲黃梅時淦水溢城且潰單騎出極溺
者水行及肩不去所全活無算稍還湖廣按察司僉事

大沁山房集

卷之九十二

墓銘

七

高

治已陵登岳陽樓舉酒酌范布文先憂後樂者蓋憂謔
畏譏之甚姑自寬耳我則異於是素位而行皆樂事也
夫何憂已陵至武昌風帆一昔可至嘗乘月放舟俄雲
起蔽天迅雷風烈江波鼎沸舟人面如灰土先生莞爾
而笑吾往者知淦水之能溺人而犯之卒無患今何犯
於江水而葬江魚之腹哉頃之舟忽抵岸猿引而上才
容數十人且泣且歡呼微公福德寧渠及此施州夷酋
黃中叛合川湖兩省兵剿之監司爭功罪屢年不決
上命按臣會勘湖廣則屬先生先生開誠布公得其翔
實功罪不相掩議乃定而更區畫方略以善其後迄今

賴之是行也往來巫山西陵間可半歲得詩多而奇評
者謂如少陵之有夔州也已於事而竣稍還右叅議而
被勘者與前不任勘者復爲蜚語中先生當調先生心
獨喜吾重違家大人之命隨牒遠方今且有辭歸而侍
膝下色養三公安足易乎卜築邑北十里河干爲綠波
樓積書萬卷諷誦其中而母弟見甫乾甫皆善屬文兄
弟間自相師友每文成奏之墳麓之和盈耳而棠棣之
芳不快目封公安人樂之七著日益加之二人卒先
生哀而毀跋涉霜雪下婁江丐王先生爲志歸則屏居
非其人不可得見中朝故舊勸駕不答而邑人司空曹

大沁山房集

卷之九十二

墓銘

八

高

公於先生爲中表兄每過先生揚扅千古及國典朝章
四方利病九邊要害歷歷如指掌司空解頤是才什伯
我非丘壑中物也凡十年起家仍故官分守涼州而有
莊浪軍變莊浪左番右虜其中土漢軍雜處都督魯東
者病子推不曉事虜款久客兵芻粟腐敗兵使某請給
軍悉本色而歲比豐本色賈太賤軍乞折色不許鼓譟
焚兵使第鉢虜來寇甘肅遠近震恐先生甫入境督府
石恭襄公語人此足辦賊矣檄先生攝莊浪左右無非
賊耳目者先生數過之佯不爲動而少司馬吳公以大
閱來諸從官例各有兵仗呵護密分置賊魁石明等二

十許人兵仗中而命將分禽之賊已誅城中人不知也先生誅賊假手魯氏魯氏兵復弱其主蠢蠢思亂復以計除之蓋魯氏恃先生安危矣其年不登軍請乞支本色月許先生給半歲眾踊躍謳吟而公家朽蠹悉爲實用等與耳一以召亂一以得士人之才知相越不亦遠哉論功權副使備兵江東逾年方代而虜王俺答提三十萬衆西牧寄徑甘肅督撫有戒心失先生如失左右手上書調先生甘州先生言虜王子小吉囊敗於瓦刺以父兵報怨其曰迎佛虛聲耳勝則氣益驕敗則羞而成怒我且代瓦刺受禍雖然彼不訟言報瓦刺而藉口大沁山房集 卷之九十二 墓銘 九

迎佛固無必勝之算矣使使說以瓦刺必不可報狀虜王老於兵信之不復言報瓦刺則有和土魯番哈密出嘉峪關之說復使人諭之關以外若爲政關以內我爲政不得闌入也王計沮則有甘州馬市之說復使人諭之若市固在宣大宣大市罷則許若甘州王計沮則有諸番茶市之說復使人諭之茶非若所需番我屬國也何與若事王計沮則有由內地歸無迂道曠日之說先生欲無許則示弱欲許恐生得失按地圖而爲之約非此不移尺寸東則鎮羌西則洪水中則永昌水泉宿重兵爲犄角緩急相應而問諜李伏保王甲等日伺動靜

誘其左右爲我用期以某日至某所所攜毋得過若干人牛酒外毋得他索王唯唯聽命小吉囊不得逞於瓦刺不欲父東歸王亦以青海善水草未卽發先生知王所嬖者外生三娘子三娘子與譯使馬應時通禽應時而俾以王東歸爲贖於是三娘子泣涕從史王東歸而王所迎佛鎖南堅亦召入甘州餌令與三娘子合謀三娘子騎而前呼曰余馬首是瞻王遂東是役也虜三十萬牧青海二年秋毫無犯先生拮据頭鬚爲白督府以下垂拱蒙成廷臣兩推福建鄭陽巡撫而江陵門人某子甲於先生後先同舍郎先生相與疎濶某子甲恨之大沁山房集 卷之九十二 墓銘 十

僅擢右叅政分巡關內關內薄領山積不一月而迎刃解擢按察使備兵密雲密雲當路塞任者旦莫可開府某子甲不善也移山西總憲事大比士得晉材爲最而江陵功其黨冰潰朝政一新先生稍遷右方伯仍山西臺省會舉先生邊材始以右僉都御史巡撫寧夏寧夏歲荒道瑾彌望糴穀二萬五千石賑之又爲開河渠建橋開修河堰疏堙塞改堤墻以備水旱廣招徠撥墾種立堡寨專責成以儲軍實繪圖獻之上報可得新田一十四萬畝有奇新賀蘭山赤木口虜不敢窺左足修興武諸城及他營壘數百里有奇虜故

惺先生威名歲來就市奉要束惟謹省費二萬金有奇
上數賜金幣旌勞將有殊尤之擢而先生舉進士三十
餘年同榜無一人在新進不悉本末爭以治江陵黨爲
名高謂先生亦黨人彈事上莫爲相明者坐調外其後
兩御史嚴寧夏屯田及他修守功并言先生冤狀
上爲復故官候召用又數年而寧夏有時賊事合諸路
兵革而勝之識者扼腕令張先生而在庸至是乎後之
舉於鄉先生慰勞之曰吾身蟬蟻子之援

上召我田間十年開府數爲護口所厄

上滿拭之無以報恩孺子勉乎哉明年起撫貴州而拾

大泌山房集

卷之九十二

墓銘

十一

高

餘唾者未已先生慨然曰吾志固久決矣是未爲知我
者亦未爲不知我也先生官高而家無厚藏惟藏書數
萬卷綠波樓不能時至於居第傍構小齋擁書朗誦倦
則焚香趺坐家人或罕接見既春秋六十喟然而嘆天
佚我以老何自苦爲鑿池百畝南門之外號曰南塘修
竹垂柳環之亭館可以憩晝舫監輿可以游魚鳥花柳
可以翫偕子弟門人倘佯其間同里則馬雲從閭汝用
曹季虎汝陽則秦京越則張以芳又爲社曰大呂執經
問難賦詩言志而先生評隲之申陽何令升王思延詩
筒月一至焉令升尊人宗伯公汝陽家宰趙公朗陵同

卿陳公歲一會春和遊諸名勝樂山賢首杖履畢至五
百里內德星載聚矣他冠蓋造門輒謝病不內有以珍
說遺者謹謝之曰吾不省此器用具數不求華整食不
重味衣不厭浣補而性好施舅氏貧割田宅資之卒名
富人明經揚汝茂那梯死而暴露爲舉葬而哀楊無子
爲文祭之語酸楚刺骨其經紀真陽蔣令喪更備邑嘗
大譏盡捐廨粟食之千石以上有司當上聞旌其門先
生掩耳無干我事關通國利害若大冤苦爲白當事者
疊疊百千言卒不令人知也元配王恭人父光祿恭緒
家有宛財賢其女擇對而與封公善器先生於兒時以
大泌山房集 卷之九十二 墓銘 十二

恭人女之封公困諸生不必溫飽而恭人以得偶先生
才士爲幸力佐先生學盡出其裝購異書先生朝莫讀
恭人朝莫績相之脫粟飯菜羹苦茗醴齊充虛解勞而
已而佐先生養親必以甘毳封公異之是才與德男子
不如真吾兒婦也居黃梅操作如居家先生通不受人
餉而同榜瞿君以好李一羸強受之恭人遽麾出豈陳
仲子糟食之餘耶先生與瞿君愧遜不如也先生爲吏
部而恭人稱命婦不改其素居廣平時慰藉先生大丈
夫以不負君民爲貴不在官崇卑聞先生拯溺復出其
裝掩骼而二叔郎俱有婦遞司中饋斗粟尺布必三分

之叔即以厥見憚事之如母已佐先生祭葬戚易相得而因善病踰年甫差念姑鍾情二女歲時存問餽遺不絕婚嫁所須錐刀之末實力焉已舉後之而憂終鮮擇宜子者薦之先生已當夕祝其有身已有身授以胎教已免乳炊糜絮羹食之已生男訓之幼儀生女訓之內則薰然慈仁鴈鳩如一也少嘗習女史曉會計人無能欺臧獲千指任職賦功不肅而成先生男女所以室家四方賓客所以輻輳婚姻井里所以慶弔施報匡困資無一切倚辦恭人緩急豐約中度先生沒撫少子良而啼天乎何失父之早也以屬後之良所不如兄者無見大沁山房集 卷之九十二 墓銘 十三

未亡人地下後之敬諾諸姬無子者悉遺嫁蓋不任憂悵病滋深矣而不欲諸兒依依膝下伯上春官季入南太學獨仲侍疾疾革探篋中故衣分諸子婦稍完善者餉諸姑伯姊作念戚黨以歲侵貸數百金勿收責焚其券先生生嘉靖癸巳某月某日卒萬曆戊戌某月某日年六十有六恭人生嘉靖庚寅某月某日卒萬曆甲辰某月某日年七十有五先生嘗過綠波樓見手所植松竹成林泣下沾襟樹猶如此人何以堪百歲後鬼而有知舍此何適矣為竈藏明器焉而後之兄弟以某年某月某日啓而歲葬事中丞直指采汝南月旦評上言先

生文行動勞宜有旌卹大宗伯大司馬以為允覆奏得旨遣藩臣諭祭學官弟子復祀先生於鄉先生名九一字助甫身長七尺軒軒如朝霞舉濯濯如春月柳目爛爛如巖下電飲可五斗而醉二三傀儡俄如玉山將崩宏覽博物胃吞雲夢八九善章草書投壺能四十餘驍與銅梁張肖甫豫章余德甫俱以文名郎署世號三甫初王先生五子及謝茂秦而六各為五子詩已黜茂秦進明卿合之為七子王先生為後五子詩自三甫外則蒲圻魏順甫欽汪伯玉王先生母弟敬美不在此限總之為七子三甫二王天下尊卿之先生最少成名最早與大沁山房集 卷之九十二 墓銘 十四

妻江等而虛懷樂善多所登進嶺南黎惟敬方偕計吏以書迎之涿鹿至則兄事之即余無似不惜齒牙餘論獎成也歸田後詩律益細別為南塘稿卒之前一歲下帷距躍警校忘寢食恭人竊窺之諷曰持此安歸先生為之一繫焉千古在焉非乃所知今都名之綠波樓集復有朔方奏議六卷世固多誦法者不具論第述其生平行業大致云丈夫子三人伯體震戊子舉人後之其字先娶某繼娶某恭人出也仲體咸縣學生先娶某繼娶某季體良太學生娶某女女子子某人某某某某其婿也孫男某人孫女某人咸母陳良母胡陳灤州人

其事類李絡秀而又有孔姬者慧甚恭人憐愛之陳爲恭人保抱後之不與小星衾綢者七年俱以疫坊於晉恭人哭之慟育其子女恩隱周渥有加陳故葬河東後之欲啓柩咸不可母在不敢私侍先中丞沒何得竝女君非母志也先生刑于貽穀茲一端可徵己銘曰明明天子用夏變夷九有廓清若作梓材其塗丹腹待人而行皇矣

世宗鴻藻景鑠迺集大成溫洛榮河圖書所出以開太平崧高極天維神降止育我國楨李何肇迹公也嗣之虎變鳳鳴含咀六藝網羅百氏鼓吹兩京唾爲珠璣字大泌山房集 卷之九十二 墓銘 十五 高

挾風霜紙落烟雲片言衮鉞白骨載肉山岳可傾雕蟲刻鵠無適於用俗士所輕矯矯張公經文緯武操其奇贏四方于宣西戎北狄爾實干城在朝鼎彝在野竹帛不朽長生亦有細君求賢審官無割爾名得全全昌宜爾子孫難弟難兄汝水垂瓠至於嗣陽新阡是營埋玉一雙氣如白虹苟燭八紘

應天府尹李公刁宜人墓志銘

京兆李公季子瓚以公卒後某年某月某日奉公元配刁宜人合葬於某某新阡而以公婚姻兄弟于太僕文若所爲公狀司理侯中鵠所爲宜人狀屬不佞某志墓

中右憶往歲不佞以浙按察使上計受白簡押彈鄉人大理卿鄭公每言余僚李公極爲君不平也不佞深感公知己然終未及門申私款公今逝矣志何可但已按狀公諱堯民字明堯別號雍野山東濟寧州人也先世有受室鄆城者因家焉萬曆癸酉以易舉其省第六人明年成進士知長洲縣以父喪歸服除再知永年縣以母喪歸服除選授江西道御史視河東鹽政巡按蘇松常鎮以病歸再除浙江道御史視直隸學政復以病歸三年拜大理寺丞四年遷本寺右少卿四年遷應天府尹復以病予告告二年卒是爲丙午十有二月四日距其大泌山房集 卷之九十二 墓銘 十六 高

生嘉靖甲辰正月十有四日年六十有三宜人鄆城人以公貴初封孺人再贈宜人年二十歸公其卒爲萬曆戊戌某月某日距其生嘉靖癸卯某月某日年五十有六公曾王父曰玘王父曰顯父曰贈大理公勤娶于段無子助道者劉是生公劉以先失贈公封太孺人贈宜人段贈孺人再贈宜人刁宜人曾王父曰諫爲考城諭王父曰臻父曰應魁爲茂才娶于徐是生宜人長公一歲母初娠夢若神指其腹中非常品善視之寤而生宜人羣蜂繞身人以爲祥稍長執女紅精良授之唐人詩成誦父摩挲其頂惜也非男子而公自孩提時日強記

千言屬文語驚人茂才公見而奇之必李氏子爲吾女
對者贈公介娉妁委禽公垂髫爲諸生試數高等康於
官學益勤獨居一室人莫接其面至咯血不休先時贈
公有督亢田與貴人連畔貴人貪之屬有司困贈公大
役不五年田盡爲貴人有而宜人來歸則家日耗矣公
口不言貧州大夫憐其才體貌加常等然非公事不造
門稍授經里塾取月奉爲養贈公遊於酒人宜人輟簪
珥貨酒無令翁虛願後豪當還也公夜誦宜人以刀尺
纂組侍燕鼓或晨戒發胸南罷燕婢情慢不介容儀公
喜吾得婦也上不失養中不廢學宜人亦從史公出就
大泌山房集 卷之九十二 墓銘 十七

賢師友輩作輩學相勸帥母以井臼分念學大成遂成
進士令長洲長洲吳首邑小民苦賦重當孔道供張煩
費柴黥民飛鉗揣摩憂惑視聽俗尚淫巧貴難得之貨
附蔭權勢脫漏算事不可詰問公下車杜請謁謝禮遺
申法禁覈簿領所刑胥吏之屬作奸犯科若而人市井
少年譎觚非常若而人強家豪右并兼武斷若而人喪
荒羞服賓客工事莫不有式吳人始駭且疑已畏且服
究乃大安官府若無人亭落若無吏三年更以柔道勝
之或詰公後先異操公曰揉曲木者不月銷金石者不
日人情利害好惡寧木石比三年而變猶以爲晚也勸

學行禮散利薄征城隍畎澮橋梁道路事無不舉而民
不知勞流亡來歸鄰國質成焉時贈公劉宜人居吳公
什九在外宜人具死生蠶蕘之物辨割烹煎和之事調
食羹醬齊之用正脩刑臚胖骨鱗之名度量衣淳制寒
煖之宜汙澣浣補之節親舂枕藥歎灑掃井園之務尊
章悅而安之而帷布如寒峻婦已贈公疾相公察聲色
供藥石招使履膺挾日不假寐贈公卒公哭之毀宜人
同之長洲人失公攀援號泣無異公哀其父也再知永
年永年諡俗猶有趙風公治務崇長厚客問何以異長
洲公譬之曰趙雕悍而少慮微重而矜節嚴則愈磯寬
大泌山房集 卷之九十二 墓銘 十八

則易爲德吳利而巧文而不慚嚴則庶幾小戢寬則易
我矣道有升降政由俗革豈拘於一曲哉執政下均田
令所在麻沸公身履畝脩任土之法以物地事授地職
露宿田間手足胼胝民不忍欺以實自占夫家六畜之
數墳塋埒疆之形纖毫無忒畿輔稱均田善者無如永
年朝覲會同永年綰轂其口故事宰禮委積膳獻餼牽
陳數靡侈公率從省卽有嫌其菲者不顧而季弟以兄
官吳遠析著公憐其貧將迎與同居謀之宜人語合挈
家東授季無難色劉宜人憐愛少子不欲之永年宜人
長跼固請姑乃偕行無何季卒公恐傷母心莫知計所

出宜人謂公君有官守義無私顧妾請歸而攜李姊與其子若女來至則子與子齒女與女齒先為姊之子納婦為姊之女相攸而公之子若女後之劉宜人又有少女裝送必豐子若女母得鈞禮段宜人撫公恩勤如實出已公事之就養無方而為諸生時晝沒公慟不欲生既用令考績贈封二母宜人與公哭失聲家眾皆泣歲時伏臘若家有慶事或服食器用非諸生時所有思段母不及見恒為鰥涕已而太宜人疾且卒公宜人所為治疾持喪一如贈公永年人失公攀援號泣無異公哀其母也免喪家幸差次兩京為令者公稱首徵拜御史大泌山房集 卷之九十二 墓銘 十九

上營壽宮卜筮襲吉某子甲新得幸傲睨公卿間排羣議而自為地圖以進公力折其非膽落矣出觀河東鹽政所隸秦晉中州踔遠乾沒多方為計使宜四事曰導灘水以滋生結曰掣鹽料以利商民曰別私販以通官鹽曰修墻堰以圖永利迄今著為令發寧夏池鹽匿稅六萬有奇運使王以練者強直自遂上官喙之于下考公疏薦于朝是夫有苦節而無甘言有剛腸而無柔指識者謂非王公不能受知公非公不能知王公也已按吳值歲旱太湖水為涸上遣給事中往賑給事中者不欲言其名見吳紛華而

悅之過所疲於奔命公喟然嘆曰年穀不登人君減膳徹縣何論吾輩宴好取成禮而已緩刑弛力舍禁去幾冤疾安富移民通財發倉鮮行糜粥掩骼索鬼神日孽孽匪懈隱民望公來趨迎羅拜車枳不得發于是有改折漕糧之請言吳大傀異災民死徙狀殆不堪讀吳人方執政諸大家有田者諱言旱不可責租入數語執政早誠有之何至如直指言疏格不行公疏三上爭之強必可乃已以數百萬漕粟活數百萬眾旋定安輯者數萬戶明年復旱步禱于神請損己年以生一方民雨應時澍歲乃大熟吳民棄田業商諸有司市商貨直十

大泌山房集

卷之九十二

墓銘

二十

不得一傲漢月平平物價公私畫一樹石五達之衢而懲其不奉約者貨賄阜通矣貴游子弟浮食奇民山人俠客聞公風裁不寒而栗暮年將代吳萬人詣闕請留上可其奏而公以作勞病矣求代益懇吳民亦重苦公泣而別者五百里相屬已醵金貌而祀之三年即家除故官佐內察以公平著聲而寧夏討叛功議封侯之賞公訟言賞宜從厚封則太濫眾遂定兩宮災疏脩省六事為親郊廟有言官停籍沒惜生命慎好尚發章奏犯上所深忌而郭御史論宋經畧及蘭谿相被譴公明郭無罪罪在經畧疏不報已督學北畿貴人請託實繁公

榜門不受書謁來則焚之每臨校士嚴譏防干擻士毋敢私語力學者得自見舉南宮若京兆咸公高弟第子而長蘆運司設學之說起公持之此爲無名籍無行誼者逋逃數耳竟從公言幾士出入不物以屬游飲于市聞薦于家越亂于鄉持人短長者所適及所齎操咸有籍記巡問而觀察之以時書其德行謹擇其能可任者褒勞之已取成弘以來先進程式之文爲明文選導使諷誦之畿輔文體士習翕然反正而島寇酋死東師罷頗張大其伐將告廟宣捷公極言諸臣欺誤罪僂不至敗不宜矜詡貽後日詬病

大泌山房集

卷之九十二

墓銘 三十一

高

上屹然抵諸凡人人爲公危懼決辰小挺公北鄉稽首上神聖不誅臣愚慙顧臣安能與諾諾者伍謝病歸居頃之伯子卒仲子復卒宜人勝哀寢疾五月而劇與公訣曰妾幸事君子稱命婦年踰五十夫復何憾獨以兒女婚嫁累君奈何取生平所服御盡以貽六戚作念乃瞑公哭之哀吾昔食貧而以妻忘貧吾仕不爲貧而以妻不欲忘貧吾事親而妻代吾爲子訓子而妻代吾爲父服官而妻代吾爲臣齊家而妻代吾爲主其事確其義正其情詞酸楚以故公無仕宦意越三年卽家拜大理丞不赴故人遺書公

上不用君言故去今用矣得非言有當

上心者乎何忍負之翻然就列後先八年諸獄以邦典定之邦法斷之邦成弊之聽以五聲麗以八辟訊以三刺原以三宥三赦刑不虧體罰不虧財所平反不可勝計其最爲楚宗之諫假王妖書之撼國本也酌衆論存大體遏亂萌定人心論功甚偉廷推開府及九列長章十六上不報或諷公不聞霖雨自天亦待雲興四歡乎公笑曰是欲我媚竈耳吾骨體不媚如其媚者奚俟今日吾貳廷尉官不薄卽由此而上七尺何加焉借宦於朝假譽於左右辱人賤行吾不爲也偶膺霜露之疾疏

大泌山房集

卷之九十二

墓銘 三十二

高

乞罷未上而推南京兆得旨朝衆譙李公不宜置之南公獨欣然吾繇此歸骨故里勝几遷矣歸則中前疏上許之越二年卒里豪張氏子嘗誣訟季弟窘辱之公往球逢彼之怒詢而唾裂冠裳公貴張與前所蝕公父田者兩豪日久虞報怨公使人諭之若昔遇我不善人不病我而病若我復以怨報人謂我何韓魏公知人欺已終不道破我書此座右猶以道破慚魏公况報耶市贈公田宅者復市公公辭大人有迫而市罪在迫者孰迫若而以市我是重我不德也有田鄰公以書致來公愀然若不幸而鄰我乃至棄其恒產乎其人曰力必不

係此知公不負直是以相歸強而後可鄰不戒於火延
公北樓恐而自剋公勞之若欲燬我室而先自燬乎兩
人數適相值耳嘗讀范文正義田記心好之苦力不足
既自吳歸宜人請曰范文正吳人也君所觀感深矣西
臺月奉可以行君志爲市三百畝義田做范家法以周
族不能昏葬者爲義塾教族不能學者爲義冢厝里之
不能殯者其他棄責折券施先無告宜人行于家公行
于吳一也貧賤之交久而不忘故人客死經紀其喪子
過鄆則資斧竭矣復厚賻之而自奉殊菲兩宦吳宜人
索中不載吳一縷公可知已鄉人置酒山肴野蔌盡歡
大泌山房集 卷之九十二 墓銘 二十三

而罷食前方丈若秦劇則麾之家款客宜人必盛饌雖
倉卒不草具門生故吏餽問一無所受戚黨丐爲闕說
者卻之吾不欲人以此加我而我以加人乎郡邑因革
大故民生休戚不憚疊疊陳說也御家人嚴小過予杖
與里人爭卽直在家人杖家人里人若不聞有家人者
而宜人瞻卹饑寒瘵疾以恩劑之居恒言不過物動不
過則于詩文類無能者間理翰墨詩則彭澤工部供奉
文則先秦兩京書則右軍大令章草構小樓顏之曰快
獨藏書萬卷人迹罕至比李子啓視之丹鉛手澤殆徧
其學優而仕仕優而學不求人知類此男子三人女子

二人俱宜人出男曰元淳元雅俱鄆諸生元瓚國子生
公教之以正終日立母敢跛倚儼然朝典公出宜人督
課視公而大較勤儉爲本三子皆成令器堂上觀乎室
堂下觀乎上厥有自哉伯女爲教諭梁宗孔子奉祀如
京婦仲女爲太醫院吏目楊經子國光婦元淳婦魏爲
諸生大有女元雅婦樊爲吏目士俊女元瓚婦于爲太
僕少卿若瀛女太僕齊魯聞人卽狀公者也淳雅先公
卒惟瓚在以方太僕不忝冰玉矣淳男一曰光震聘進
士侯提封女瓚男一曰光復聘行人陳伯友女女一字
太子少保樊繼祖玄孫世純公以書生試史以北產宦
大泌山房集 卷之九十二 墓銘 二十四

南方又得劇縣一旦犁然職辦吳人相繼當國十年且
甚德公公卒不可親疎
上末年詔獄往往冤結其聽于棘木者賴公無頗之人
也博學而孱守之微言而篤行之脩于身刑于妻子睦
于族洽于鄉黨鄰里正色于朝信于賢士大夫謳吟于
民可銘也已銘曰河濟之間大野潏然畢如一丘名京
兆阡是生而爲良令爲真御史爲廷尉民無冤沒而桐
鄉畏壘蒸嘗尸祝比德前賢其偶相之家人有嚴君焉
宜園子孫不忘不愆

應天府丞孫公張宜人墓誌銘 代

肅皇帝好黃老家言方士雜進禱祠無虛日中貴人微
據其間爲囊橐所費大官供億鉅萬無敢誰何者奄杜
欽闡出大官物光祿少卿馬公崇謙捕得之以聞欽恐
詭言所出物皆以共禱祠少卿執不與又時時非毀
上禱祠不當大不敬

上怒杖少卿廷杖之諸奄益衡甚無忌矣是時余同年
友太原孫公爲給事中疏言欽盜公家錢無算幸爲主
者所得乃更造飛語因上陷人大辟欽當誅少卿無罪
上斥欽而嘆公言不早出爲陝西宜君尉天下莫不誦
肅皇帝之善從諫而嘉公能進忠也心儀公旦晚且鼎
大沁山房集 卷之九十二 二十五

貴用事而公稍遷爲寧國推官刑部主事已調光祿寺
丞遷尚寶少卿爲少卿三年始遷應天府丞爲府丞二
年卒罷罷二十餘年沒矣惜哉公始爲襄陽推官襄故
荆輔郡也余往來道襄裏人誦公事甚著大都發奸摘
伏人莫能欺至其原輕繫亭疑法考竟情實又不忍爲
深文傳致也公七歲時父嘗有太原逮卽侍父獄中父
病且死泣而奉饘鬻進湯藥衣不解帶目不交睫者數
十旬獄中人憐愛之久之夢一人衣冠甚偉執其手語
曰孺子無太苦令而父東向坐飲春根水一盃差矣試
其言病良已而獄終不可解則走告中丞黃鍾所黃爲

人驚悍衆莫敢仰視公既用孺子往無怖又應對便給
黃前席而聽改容而體貌之父由此得釋里人張曰祥
聞而嘆曰孫氏有子矣雖在縲紲之中可妻也以其女
妻之是爲張宜人宜人旣歸公則操女紅黹脂火夜作
以勸公學少倦勤輒斂衽而前曰君不記獄中時所欲
發憤爲大人雪耻者乎公學愈益勤而文日益有名卒
成進士封其父爲尚寶少卿母錢爲宜人公事二親孝
宜人聞之甘旨無缺乏公弟諸弟田宅悉予其美好者
而宜人更從史公爲之室爲之人粟拜爵以此孫氏諸
郎樂公之德而稱宜人之賢不衰也宜人初從公如京
大沁山房集 卷之九十二 二十六

公之襄宜人病公請急歸歸之明日宜人卒公爲虛梁
筭以報之至于今余備位

肅皇帝朝諸言事者非刑則竄公以不貲之軀犯雷霆
不測之怒黜而復起位至京兆猶得優游泉石

肅皇帝大有造於公也可不謂遇乎公名允中字伯時
父名憲憲父景景父銘銘高王父禮故嘗佐

高皇帝爲武畧將軍者也以高郵徙太原太原之有孫
氏自禮始公有二子長謨太原衛指揮僉事次訓翰林
庶吉士女三舉人姚孟吉博士弟子郭登高李之陽其
壻也公卒以萬曆癸酉正月十有三日生以正德丙寅

十有一月十有六日宜人先公六月十有四日生卒以嘉靖丁未十有一月三十日宜人葬以某年月日公葬以某年月日墓在某所銘曰誰探驪龍之頤珠兮鼓怒濤于重淵既知逆麟之不可嬰兮胡爲乎則然粵婉孌之韶齡兮奉厥考以周旋雖患文之我我兮扶服奮而直前矧委質而事君兮寧腴忍而無言惟孝子乃爲忠臣兮先生得喪夫何遷紛既有此姱節兮身雖沒而名傳相隆隆之高丘兮松揪鬱其芊眠疇同穴而嬉游兮有邦之媛在焉嗚呼千秋百歲兮斯其爲京兆之阡

陝西石布政使祁公金太夫人墓誌銘

大泌山房集

卷之九十二

墓誌

二十七

高

祁蓋帝堯之苗裔在晉益顯名已徙大梁在宋爲望族從南渡徙今山陰福嚴村再徙梅福里自茂興公始也茂興子安是爲耕樂公設策禦倭以俠聞子紀是爲雲林公以經術訓家紀子福是爲直菴公以明經仕至蜀教授門下士爲儒碩名臣者四十許人福仲子司員是爲梅川公以進士爲侍御史兩出守志鄉賢名宦配食學宮司員子錦是爲蘭齋公贈按察副使娶于沈封太恭人皆以伯子蒙泉公故蒙泉公名清字子楊生有異質語默作止悉中程度父奇之先人種德厚矣祚胤將在是乎稍長入塾屬對敏而工里人多誦說之會稽金

翁席故實而朴其媼王上虞方伯女也媼最愛少女謂翁女貌當貴寧似我作田舍翁婦耶贈公亦聞金氏女賢使媒妁通言王媼曰耳聞不如目見吾耳祁郎才藉甚願一見而有明也自往見之喜曰信哉可爲女對矣遂以女歸公從公封恭人從伯子汝東封太夫人公爲諸生而父以好施減產太夫人操作供舅姑養與公誦讀始之以絳織繼之以簪珥公無內顧學滋勤冬夜不假寐以水盪面父慰之兒何自苦爲汝淚而對曰庶幾以此獲三釜養大人不墜御史公家聲且二弟未有室女弟未有家也奚賴焉太夫人復盡以其奩遺小姑而

大泌山房集

卷之九十二

墓誌

二十八

高

公文日有名士受業者自遠而至月奉足二人甘毳爲兩弟具六禮矣歲庚子部使者新安王公都試越諸生首錄公其年遂登賢書丁未成進士除蜀保寧郡司理司理不諳刑名寄聽曹掾公日夜取挈令講求之是民所繇生死也而任胥吏高下手耶請獻精明願質成者屬路重慶賦役法不均吏黃緣侵牟募役金巨萬部使者下公句校悉發其奸已爲畫便宜役悉以募募悉以常賦量出爲入量入爲出民便之今所名一把連其遺法也邑令有嚴繩下而做事上者爲深慈民所持三司理訊之兩人相仗莫敢發公勃然見乎色曰冠雖敝不

以直履華門圭竇之人而陵其上大亂之道也察見淵魚不祥令所坐薄乎云爾何至如奸民言而阿邑上意以肩越名義且成人之過乎卒出令上官知其然更重公也治行爲蜀諸郡最徵拜南京禮科給事中時北苦禦虜而南患倭軍興費詘公疏言弊在三冗舊制各門闕庫局內臣財正副兩人今動以百十則官冗各監局匠良工可一二數而歲支粟溢二萬則食冗孝陵與諸衛官軍伍缺糧存卽伍存十九老弱則兵冗第就南京論耳中外類此者數而汰之可足食足兵

大泌山房集

卷之九十二

墓銘 二十九

高

疾不出公數具罪狀大不敬無人臣禮疏至驚已死聞者趨之藩臣貪而驟躋卿貳露章彈劾夫大臣氏之表也不可以匪人員乘使賢豪解體朝論以爲允而其人有與援嘆公出知福州倭且至四境之民爭門而入或下令母內氏公不可聞之城以盛民而歐民與倭乎壘內之活數萬人身乘城固守倭稍引去民中寇室如懸磬而治兵轉餉崇城浚隍諸役畢興公爲調劑萬端民得無重困會父喪去官已父矣哀無常幾毀母慰之兒朱綬而橫金父猶布衣何以瞑地下目復不爲母地耶公乃起終喪除韶州守未朞月擢貴州副使部都司會

楊進雄故立猶子珂爲後後有子欲殺珂相格聞珂據六洞以叛某開府議舉兵滅之公曰此可計禽耳召裨將薛近宸陰除其黨數輩而使諭珂珂感泣自縛詣吏既而上世麒以清浪叛宋廷武宋驚以草塘叛王阿利以平代叛衆議兵所宜先公曰世麒自父逆節漏誅宜首聲罪致討宋禍起爭襲阿利負固以偏師間道取之毋庸大舉開府吳公陳公如其言夷皆平上功于朝賜白金文綺三載考最貽爵二人已遷湖廣叅政部辰州西控黔諸夷而南蔽武陵沅湘城圯可褰裳而登也公慮村鳩備量功命日簡材官之良者董其事閱月萬雄

大泌山房集

卷之九十二

墓銘 三十

高

翼然矣五開銅鼓諸衛爲滇蜀孔道而供億取給楚粟五溪險惡舟多敗客至無所問廩餼滯淫不得發公請易徵金更爲規制俾垂久遠踰年奉表賀萬壽諸郡邑醵金爲公發幣資公謝而麾諸門外入仕二十餘年未嘗以一名紙通朝貴人柰何煩二三有司還治無何遷山東按察使便歸省母請曰兒以母命不卽死得微一官及父于願足矣乞就田間終事母母艷然兒幼須乳耶抑虞我老有如不可諱耶我健不啻兒且有諸弟在仕者處者養我一也濡遲久之廼行至山東爰書度閣累千驗問傳生比者以百數東人歎然誦之已大此文

士復比武士復大計吏部使者倚重公所去取悉諧士
論符民心而坐勞勩疾矣尋遷陝西右布政使復欲自
免母勅家人子勸駕且促之秦會左伯上計公爲政方
有事西虜徵發如雨出納明審筭吏捧手莫得一言
而公病滋深不一月卒矣疾時應發帑金故事有奇羨
所親來問疾語公第一署名可得千金爲子女婚嫁地
公厲聲卻之位登方伯孰與爲諸生時古人有清白遺
子孫者吾何獨不然疾革語夫人策名委質身屬公家
死秦死越等耳獨令母哭子長恨九泉善事母吾目瞑
矣伯子方偕計吏惟諸孫輩在夫人顧視篋中無以爲
大泌山房集 卷之九十二 墓銘 三十一

斂里人王公陳臬於秦言之諸臺皆曰祁公廉至此何
讓孫叔教吾輩爲其子孫謀寧不如優孟相率致聘而
歸恭人哀年夫子意忽忽如有失夫人率諸孫破泣故
爲歡端解之既歸取公所遺衣履諸物以分二叔曰先
君子生平有言人情自爲勝於爲弟爲子勝於爲弟之
子吾所不能非博孝友名率性而已再拓先世宅推與
兩弟未山人何敢負凶者兩娣之歸也余食貧手結采
以聘今差增于往而居薄乎恭人聞之愈忘凶也日聚
諸子婦而教之以勤儉聚諸孫而扁諸樓中聽其伊吾
聲高下徵勤惰焉或五月不出戶既以伯子晉太夫人

而詔諸子婦若孫婦吾始者爲諸生婦值中葉良苦而
不知憂舉四子少者有文不幸早世而無憂如故也其
後爲貴人婦爲母爲王母而不知逸于今稱夫人於婦
秩最尊諸孫以孝廉拜我膝下年八十有奇而無逸如
故也視六十餘年事如一日下從先君子可無愧色乎
公晚年有妾媵夫人恣柔愛之道又好施無遺蓄尤虔
于宗廟之祭雖大耋飲嗽不哀獨目少耗而季孫舉孝
廉者以足疾天癸婦沈事姑孝夫人最所鍾情兩娣相
守不去左右婦復病肺不起而夫人哭孫與婦後兩旬
而卒公沉靜有檢局人莫覩其際臨事惟義所在利害
大泌山房集 卷之九十二 墓銘 三十二

毀譽莫能奪分宜當國兩京臺省奔走其門公遇之殊
疎所建白多犯所忌以此一麾出守同榜陶宗伯公爲
南臺每稱公招不來麾不去君子哉若人也在黔有軍
功而所知居政府或諷公小結納可致開府公咤而笑
此吾爲夕郎時所論藩臣驟陟卿貳事也子爲我願之
乎在蜀識漢川宋公繼祖兄弟難之幕下親受業如弟
子知己之感言爲下涕而公未嘗語人也在山東所識
拔士亦然生平好陸敬輿文南省章數十上文殊似之
而每焚其草其不競榮利不標聲迹如此公生正德庚
午卒隆慶庚午年六十有一太夫人生正德戊辰卒萬

曆甲午年八十有七子四人孫五人曾孫十三人玄孫
六人孫女三人曾孫女七人玄孫女六人伯子汝東兩
淮都轉運使婦王封恭人太學生材女潮州守南湖公
孫也仲子汝懋襄陽縣簿婦馬泗州別駕堯讓女叔子
汝森贈長洲縣令婦沈贈孺人英德令掖女即先夫人
卒者也季子汝杰諸生婦劉太學卿女少司馬良所公
孫也汝東子承輝國子生婦虞諸生唐女承燧辛卯舉
人婦胡按察使邦奇女汝森子承燦甲辰進士今爲兵
部郎初聘兵部郎王應吉女駕部龍溪公孫未行而卒
娶于王封孺人太學鍾瑞女南雄別駕白溪公孫也承
大沁山房集 卷之九十二 墓銘 三十三

勲國子生婦金興化郡博鍾女汝懋子承熿府知事婦
樓守道女繼謝曷女孫女適封刑部主事劉里子松江
府經歷彦者汝東出也適光祿署丞商濬子國禮大理
少卿燕陽公孫者森出也適景陵縣簿錢公沐子應桔
者懋出也曾孫應吉娶高本達女應龍娶蘭州守趙完
女應鶴娶澧州別駕于澄女輝出也麟佳娶建寧別駕
陶嵩齡女方伯晴字公孫鳳佳娶朱朝佐女駿佳聘右
通政朱敬循女文懿公孫彪佳聘給事中商周祚女象
佳幼未聘燦出也才佳聘京衛經歷馮某女熊佳幼未
聘勲出也應元娶光祿署丞屠某女燧出也應斗聘葉

佐女應魁聘武進士陳某女燧出也龍鶴麟鳳駿象俱
諸生斌斌不愧其名矣曾孫女適胡芳明子州別駕會
隆適順天別駕吳有子孟春輝出也適潮州別駕何
景憲子繼洪大司寇沅溪公孫燦出也適奉議州別駕
戴國子某適汀州檢校何景員子繼某燦出也適太學
生史某子某幼未字勲出也不佞以公登第之歲生得
見公京師公忘年而體貌之有加常等于心終不忘比
從爾光游甚驩具爲公與夫人狀四千餘言爛然有第
己讀累世所奉勅誥若干篇與銘表之文皆名公卿筆
越誠多世家不數漫指矣爾光謬屬不佞志愧無能爲
大沁山房集 卷之九十二 墓銘 三十四

役顧于情誼不得辭詮次而志之如右爾光承燦字也
葬公邑之天樂鄉資壽山中夫人附焉銘曰峯峯隆峻
吐納雲霧潭壑鏡徹清流瀉注是爲山陰地靈所聚鍾
美于人祁公所賦太華之山削成四方高五千仞仰摩
穹蒼祁公分陝如彼顯印考終在茲與神翱翔爲孝爲
弟爲廉爲直大開小物古訓是式書生文弱而領兵職
幄帳運籌以戰必克事任其難賞任其薄不忝不求無
怨無作刑于伉儷率由契襲含章代終鳴陰和鶴八命
作牧六十曰耆所不盡享後昆受之聞孫武庫敦禮悅
詩顯揚祖考竹帛鼎鼎墓中之石徵銘舊史不腆鄙民

備聞素履與誦鄉評昭哉可紀公無愧詞史無虛美

河南左叅政吳公舒恭人墓誌銘

嘉靖之季歷下李于鱗太倉王元美長興徐子與南海梁公實廣陵宗子相與興國吳明卿六先生者講業京師中各爲五子詩海內因其詩稱五子云六先生交誼矢生歿不相負而梁宗最蚤世李踰父徐王踰耆千里炙絮不明而會誅輒志狀非其黨莫敢任者而吳先生先一歲喪繼室舒恭人厝百里峰之麓身視作斥上虛左以明同穴之信旁爲祠題其柱曰陶元亮屬自祭之文知生知歿劉伯倫荷隨行之錦且醉且醒明年先生大沁山房集 卷之九十二 墓誌 三十五

登七十四方賀者屢不絕於戶時語二子事小定當爲而母志且自爲誌無何遂卒而題柱語成讖矣於是垂幄臯幄卜以某月某日葬先生於舒恭人左而使某代匱供誌墓之役先方伯公同先生薦南宮交最稔幸以父執事先生三十餘年先生解大梁組十三年而某繼之所睹記行事爲詳卽文莫猶諸先生夫亦吾黨之小子也謹爲志其崖略曰先生蓋延陵之裔明興有賢忠者自嘉興徙興國四傳而爲邵武公嚴配李恭人是爲先生父母先生生而知慧不羣日誦萬言無忘伯兄國佐奇之國佐善賈賈饒則更力困以其貲佐先生讀又

好相人嘗曰必季氏能高大吾門亦必陳處士廷章女克相季氏從史翁媼爲先生委禽于陳比陳恭人歸而國佐已先亡家中落陳恭人解其裝送購書佐讀如伯氏時而先生疎蕩間從少年爲摺蒲戲恭人取其具焚之先生益感奮下帷討論六籍百氏靡不綜貫所論謨必法古管矣居頃之邵武公李恭人相繼卒己酉免喪舉湖廣鄉試第一人明年成進士先生之舉第一大司馬王司直公爲御史實識之司直者元美先生父也先生繇此與五子齊名而分宜執政陽浮慕諸文士除先生中書舍人入內閣司誥勅故事舍人直內閣者卽累大沁山房集 卷之九十二 墓誌 三十六

官卿戴醜體如佐史先生既以才特選禮絕其偶而分宜父子恣睢積不平會陳恭人卒請歸治葬還朝副相華亭徐文貞重先生志操分宜亦欲先生德已召拜兵科給事中所彈劾貴幸及論列時事皆分宜私昵與其宿負而楊忠愍坐分宜故或交游策名隱影不敢問先生與元美諸君子走哭西寺經紀其喪爲六詩輓之語甚激烈分宜微得狀大恚阿邑

上旨以慧星祭朝衆不附己者若干人而先生謫南康府知事稍遷其府推官南康分宜郡八閩五偶舟絡繹於道監司郡守以下共張迎送酬幣宴貨皆厚而先

生受督學使者檄主白鹿書院教事郡事暇輒坐廬山與諸生講學論文其黨即萬袁彭之屬過南康不得先生一謁刺交爲蜚語中之賴徐文貞力爭猶以故官調歸德先生之在歸德請獄益精明而德清蔡司馬南海龐中丞兩公撫按河南皆有風節推較先生甚力分宜故抑之而先生意倦游自免歸歸而分宜敗即其家擢同知福建之建寧府尋擢知邵武府治行壹切準於廉平郡東門火先生趨詣城隍神鬱攸中有雲如縷起四布雨若屋上建瓴水火遠滅觀者歡呼太守今之劉昆也三年報政贈父如其官母李與配陳舒俱恭人時蒲大泌山房集 卷之九十二 墓銘 三十七

阪楊襄毅爲冢宰夷陵劉司空爲考功郎徐文貞爲首揆謂先生淹卹在外將有非常之擢而修邵者更妄肆詆譏加非於先生三公持不可調守高州高州嶺東偏山海之盜麻沸先生至則察吏之貪墨誨盜者匿盜不以聞者大猾之保納舍藏者信宜茂名電白諸邑與搖勾連者悉寘於埋內盜恐莫有固志轉徙他界桴鼓不鳴而倭奴擁衆薄城守單弱先生噢咻其衆衆爲感泣登城畫地而守入呼家人與別乃公誓滅此朝食不得顧妻子矣獨褚其生平著作授健幹曰脫有不可知以此之太倉付王公處分耳郡人覘先生無二心守益

堅倭引還先生躍馬督兵背城二十里拒之倭已醉望郡公黃蓋忽忽不知所出衆壘而遁適陳將軍從問道來會於里麻表倭而擊之所斬獲無算前後以距倭功下金幣褒者三三歲擢貴州督學使貴州介在西南夷士學鮮師承先生科條寬嚴相得士瞿然顧化摧恭知河南政事分部大梁大梁先生舊游民之情僞盡知之矣每一令下驚嘆若神其大指在寬文罔與民休息有進士爲邑令頗不飾簠簋案治免官提調大比士所識拔類多異才江陵爲翰林時故爾汝交比相意氣有加於符而先生以郡守上計及爲參政入賀不亟見見復大泌山房集 卷之九十二 墓銘 三十八

談笑自若江陵不善也屬大計臺臣當糾給事之爲外僚者某子甲某子甲去給事非久所知爲營解而里人與先生故同給事者方居大官銜先生嗤其椎魯嗾臺臣以江陵指論先生先生不免矣歸爲文告其先墓曰某自今以往得長守丘壠備掃除是彼其之子有大造某也世謂詞人不達政而先生領五郡佐藩臬簿最詳緻老吏見者咋舌又能以經術緣飾之表章往哲風勸後人若新洗夫人廟易微子祠曰上公治太昊陵其著者也宦三十年橐無餘貲初營一第城中盜入遺火悉爲煨燼復構文本園以居苦貧鬻去而北郭獅山之陽

有蔬圃湖水環之先生曰寢丘可處豈必好時哉導湖水爲池池中爲三山曰壺嶺而中爲甌甌洞湖之中有亭曰狎鷗總名之曰北園興國之有園自先生始園故郊垌間饒山水而益以先生勝客過從無虛日先生稱其家有無與客共之千古之上六合之外抵掌揚扈連日夕不休海內薦紳布衣學士羔鴈玄纁不束走奔州則西走甌甌矣先生貴不逮養父母每受命望故鄉輒祭若過家上冢歲時修祠事泣數行下生忌辰謝客不舉觴而念邵武公李恭人以士禮葬且地卑濕改宅兆蓮華山封樹守舍甚具至質子錢家爲之無所靳伯兄大泌山房集 卷之九十二 墓銘 三十九

蚤世葬地亦不吉徙諸陳恭人墓石而擇谿南王王甫山葬其子道良夫婦又葬其丘嫂陸及其子婦而飲食教誨其存者仲兄國典年八十叔兄國化七十有五先生事之甚恭盛夏具衣冠率子姓拜牀下汗浹沾背弗已叔兄先先生一月卒先生哭之慟先生沒後六日仲兄卒蓋脊令義敦相繼爲地下遊矣其他若同業友之連上供者久弗葬者故人孫被掠者傾囊資之里人誦義無窮隆慶初某從先生遊京師邸中閱四月他日謁座主殷宗伯歸告先生曰宗伯橫金而素何也先生莞爾而笑曰犀也出越董生篆刻印章於案試籌其直若

何某對曰鄉索之長安市中一字一錢耳先生復爲一聚佳公子而僖父乎尉人取小鮮爲鮮以進座客嘗不竟也某遂屬厭先生大笑故鄉之味遇知己矣吾願君日後富貴毋忘此三事先生不惜齒牙餘論獎進後生後生爭得其一盼以就聲價晚年負海內盛名人心儀其不可近而延接愈勤款與閭里浮湛相隨行所過婦孺喧路窺吳公作何狀嘗相地山中山中人爭告語曰吳公長者必得吉地安得吉地出吾家吾將以交驩公乎後果得地而其人不受直十往才納其半其薰然慈仁人樂就之如是而亦不欲成人過必正色相規非公大泌山房集 卷之九十二 墓銘 四十

事不入州大夫室州大夫嚴重之有批政懼爲先生所知先生素強無疾晚不遇聲色貌曰腴而神曰王自舒恭人與叔兄之沒也中忽忽不樂卒之前期爲穆考功文一通王衍甫詩六章又爲詩招二子渡江歸而先生寐不起良久微語如常時二子請所欲言卒不應怙然而逝舒恭人者崇陽人父爲乘田吏於中丞劉子成爲中表戚中丞善先生因以繼先生室恭人家故豐而入門爲貴人婦然以生不逮事舅姑服御食飲務去穢鮮先生歷閩粵夜郎間闢萬里中更兵燹饑饉緩急非一恭人無慍色而時時從官舍中聞笳鼓聲慘然不樂先

生爲是省于刑其後家居歲人不足更費恭人委曲措辦先生莫知所從出而自其少歸不以昵愛肆姐相敬迄父無哀先生失恭人如失左右手爲悼亡詞甚哀荀策之情死寧獨少年又寧以色故耶恭人有姊助陳恭人之選蚤卒惟舒氏之鬼餒也祠諸其家之別室先生名國倫字明卿別號南嶽山人嘉靖甲申正月二十有二日卒萬曆癸巳六月二十有三日年正七十所著瓶賦洞簫及續簫百萬餘言行於世舒恭人生嘉靖壬寅正月二十有五卒萬曆壬辰七月晦日年五十有一葬以癸巳某月某日陳恭人別葬鶴山生卒行事具大泌山房集 卷之九十二 墓銘 四十一 高

徐子與先生誌中男三人女一人伯工良字垂倩郎諸生娶廣濟諸生呂一純女次牧良長錫娶祁州判官劉守質女亦殤次士良字臯倩太學生娶刑部員外郎徐文徵女生子二曰雍曰虞娟秀警悟先生聞其讀書聲擊節和之引滿至醉以爲常女適呂文簡公子興武有外孫三人男曰同女曰瑜曰某垂倩臯倩秀美而文不忝先生子矣臯倩述先生事而門人王行甫爲狀語大同小異今天下無知不知類以文士目先生而其孝友仁讓與當官不畏強禦力行清潔處脂膏不自潤乃爲文名所掩其評先生文者惟許相國以五子相提而論

謂先生爾雅王司寇挈楚之才士王稚欽顏廖童張孫氏父子而無爲先生偶者百世之下不易斯言矣始李恭人大期時鄰有夢雲中昇天書造吳翁門者已而先生生六先生三無後僅元美位尚書徐李小過之此日及華耳而稱老惟先生一人天之所授非苟而已銘曰南嶽衡山踞離宮上館赤帝下祝融朱鳥翺翮翼軫神天苞地符人文鍾重黎火正嗣老童淳耀惇大天地功子孫章章有鬻熊是爲子始儒者宗墳典丘索渾噩風左史倚相口成誦丘明靈均實比蹤宋玉景差亦其朋元氣淋漓垂欲窮閭闔千載得吳公吳公自著南嶽封大泌山房集 卷之九十二 墓銘 四十二 高

玄夷蒼水使者逢授以金簡書一通
蕭皇肇楚楚鎬豐綢繆禮樂始衷終不先不後丁我躬
中原五子類相從餘者碌碌若沙蟲佩九畹蘭扈營窮
雲夢八九吞其胃如椽之筆手罄控片言隻字成蝦虹
窮羅今古棟宇充粲然江妃漢女容矯然黃鵠摩蒼穹
洞庭張樂聲淅淅湘靈時復奏孤桐隋珠荆璧世少雙
峒嶼尚碑開鴻濛陽春爲燠白雪冬郢斤運風風何雄
花鳥愁泣鬼神恫真宰披抉萬象空投畀人間讒口攻
日南夜郎夷若戎奔播道路逐飛蓬魑魅魍與射工
射之烏號楚人弓跳盪萬里無衡鋒戈者誰墓冥冥鴻

壺嶺神瀄流淙淙菟裘故與龍門同談蕩天門窺九重
呼吸聞帝帝失聰飢飢洞中七十翁宇宙苦女曹牢籠
婁江頃已收吳儂女勿通余南嶽共余改命女主芙蓉
來彼白雲照燭龍藏女遺蛻百里峰有偶如鳳鳴雖離
馬鬣歸然國駿龐英氣魂魄光熊熊

大泌山房集卷之

卷之九十二

墓誌

四十三

高

大泌山房集卷之九十三

京山李維楨本寧著

雲南按察司副使孫公嚴宜人墓志銘

明興家世擅雕龍之慶者在楚有華容孫氏爲洞庭漁
人宜山人斯億斯億弟博士斯傳與其子吉士羽侯海
內籍籍誦之而有聞必先則觀察石磯公也石磯公諱
繼芳世其其字父榮領成化癸卯鄉薦歷信陽州守遷
同知處州府以循吏稱娶劉宜人是爲忠宣公妹公兒
時穎敏日誦千言善屬舉子業父守信陽遠從何舍人
仲默學年二十四舉於鄉遊太學師呂仲木故其治經
大泌山房集 卷之九十三 墓誌 一 曾陵五範程萬利

術爲古文辭精詣不羣性直質好善聞人善若已有之
譽不容口見人不善或有不平嫉之多犯避諱不顧而
好藏書特甚傾其素與嚴宜人簪珥購善本寒以之衣
饑以之食朝夕忘疲也舉進士授刑部山西司主事是
時閣瑾干政掌東廠者藉其權勢甚張誣平民若干人
爲盜公知其冤以白尚書尚書虞失東廠歡公抗言官
自我得自我失耳殺人媚人有死不能尚書從其議報
東廠東廠無以難公卒出若干人御史張璞劉天和王
廷相坐忤諸閣下獄璞死二公長繫未幾乾清宮災詔
求直言公上疏救格不行二公咸謫去而公亦謝病歸

歸二載起爲兵部車駕主事遂職方司員外郎奉使經略哈密貢夷有措置機宜至今傳之

教皇帝南巡與同舍郎諸部寺屬百餘人伏闕諫

上怒廷杖之武庫郎陸震死焉爲經紀其喪遷車駕郎中明年爲會試同考試官所舉皆民譽也已改職方會

教皇帝崩嬖人江彬擁諸邊卒數千狼子野心中外憂

之公與執政密計召安邊伯許泰率禁兵守諸門遣邊

卒就伍二日彬伏誅

肅皇帝即位詔汰諸武官及卒冗者事多出公畫彭公

澤爲尚書奇其材一切埤益之薄領山積咄嗟而辦四

大泌山房集 卷之九十三 墓銘 二

方言利害者章滿公車一覽不忘屬奏草命掾史執筆

左右侍口占授之明習文法練國制度審畫邊事萬里

如指掌南海霍大宰故爲同舍郎疏議追尊

獻皇帝約署名公曰吾不敢掠美謝之邊將感恩者以

金置茗裏餽茗窮而金見趣呼追還之自公退食杜門

手一編不輟嚴宜人治蔬糲以進其甘如饗大牢而攜

兩家僮自隨使爲人櫛髮爲買一驢長安道上取往來

者雇直供薪水而已癸未部試武士故事屬職方郎提

調右侍郎某者貪而昵主事某主事某相公姻也居

署中好稱說某相公同舍亦以相公故謹事之公獨數

面斥其過主事與侍郎謀易諸執事官名次公因自署

其事監箭以他郎提調示不與某同也諸郎咸共譏刺

之語侵侍郎侍郎嘗納邊將賂又善造食飲饋要路人

爲言者彈劾去主事因言此孫職方爲之兩人銜公益

深居恒所交往則王伯安李獻吉崔仲彪邊廷實鄭善

夫楊用修薛君采許伯誠顧華玉王稚欽顏惟喬周子

賢咸一時名流非其人曾不一盼諸不得與者積不平

以故官職方四載董外補滇提學副使滇文獻不敢與

上國齒而公才名冠世士縮縮懼見鄙夷公獨爲寬科

條凡試士既命題度不盡記者示以所由曰稟質由人

大泌山房集 卷之九十三 墓銘 三

撰詞由質苟不及此卽宿構何爲已定優劣必問其長

吏博士曰士得無遺乎吾安能以一日槩生平有則舉

復試復收錄之士無不奮屬譽髦相望矣御史某欲合

試諸應舉者公持之曰非制約士以八月五日始集會

城御史卒不得試其僚由左布政使遷爲都御史撫滇

遷之日勅諸司不得乘輿傳呼公曰制內三品始得與

外三司與非制也然都御史爲布政時業已先之且都

御史與四人耳今用八而以禁人不與是五十步笑百

步走也都御史爲斂容謝公卒乘輿傳呼御史都御史

內愧公復有姜非者公不置辨而思其家大人老遂掛

冠歸歸則布衣行田間雜僮僕操作性不勝酒日伊吾
如諸生絕迹公府諸當道重其名或就見及詢民疾苦
侃侃正言終不及私霍大宰方殿學疏薦公時致書起
居公不報即報亦寒暄常語無所謝卒之日春秋才五
十有九耳所著有石磯集磯園稗史一笑備采二集忠
宣明山兩先生言行錄藏於家滁州孫存論之曰世其
爲郎時獨師大復著道中乘羸馬人以爲行怪僕謂其
心有所得不同於俗又見叔世人波蕩風靡不可挽回
小視之儀準不可則止耳每行縣至華容常著一敝絹
直領步行相訪同飯而出略無自異之色洪水且潰隄
大泌山房集 卷之九十三 墓銘 四

蓬首跣足與齊民同執版鍾行隄所全活人無數至論
人取有執守者不以圓融爲能或抑揚太過故不與時
合人以爲篤論云配嚴宜人刑部主事仲洪公女也溫
惠淑慎勤合內則身貴家女能爲勤苦纖儉從公居辟
雍及官內外不市一靡麗物以佐公廉既貴有二子一
女俱才而益爲廣騰侍務多子里婦難產者生子夭昏
者痘疹疾痛者廝役虐養饑寒無告者所以調護周卹
甚備漁人登楚賢書逾月伯子玉山舉順天報又至公
喜不勝宜人獨慨然曰方懼其滿耳公大稱善自少迄
老日率諸女奴蒔蔬績麻供中饋唯謹公專攻問學所

居官以清正著聲宜人有內助功生二男子一女子長
宗玉山縣知縣娶王某女次卽宜一再上春官遂不復
仕自著洞庭漁人娶嚴某女女適黎勉期邑諸生側室
張氏生一男子一女子子完邑庠生女適程宗孔側室
鍾氏生一女子適周梗俱邑諸生孫男子五人長卽斯
德博學宏詞爲布衣雄長次卽斯傳宗出者斯級斯保
完出者斯佑俱邑諸生曾孫某某人材侯爲長無不績
文好修者謝氏芝蘭王氏琳瑯未能或之先矣公生某
年某月某日卒某年某月某日葬以某年某月某日墓
在某所宜人生成化癸卯十月朔卒嘉靖己未二月晦
大泌山房集 卷之九十三 墓銘 五

壽七十有七耐葬公右公葬某十餘年而羽侯始爲狀
屬年家子李維楨爲之銘曰人有恒言文士無行不見
孫觀察逆耳批鱗觸邪指佞康吏不可爲子孫被褐而
負新胡貴乃貧其後振振儒冠儒紳繼踵相因循無多
積書積書疇能讀棟架萬軸施及雲仍爲舌耕爲掌錄
爲下帷穿榻爲爨薪節燭弓冶其裘塗茨丹牖習與性
成述而不作粵有女士舉止詳妍既諧琴瑟亦效韋弦
令妻壽母比德罔愆百歲同歸表以新阡鳳有丹穴玉
有藍田其麗不億於萬斯年

山西按察司副使薛公趙安人墓志銘

薛公名騰蛟字景渭南蒲曲里人也父某爲鄆郡城驛承會流賊起挈其婦王居充郡僦郡丞李公之別館居焉因生公故公自號鄆嶧山人復號南岡山人五歲父捐遷荅州下戶所吏日母攜公還渭南父尋以喪母歸服除除保寧千戶所公年十二從之官受學王先生爲比偶語居二歲所父以父喪歸更受學秦先生其兄騰霄爲涿鹿驛丞父就養公從之承受學梁先生治禮經爲舉子業梁先生奇之六歲歸受學於二南先生始談名理二十二出就試爲諸生督學王鳳泉孔文谷公深加器許二十四舉鄉試第五人明年舉進士已授長治大沁山房集 卷之九十三 墓銘 六

縣令長治故潞州也嘉靖初盜據青山爲亂討而平之以州爲府而設縣附郡城中軍民雜處宗藩豪右不可問事一切取草創苟目前而已前令率坐不任職去公至官方定物賦職任功畢故刑有閒罪振廢淹逮鰥寡政平民阜財用不匱御史大夫浚儀王公故潞人其族有以編氓見公而長揖者公笞之加役焉一士人爲藩王所訟公訊如法交譖公於王公所公不顧王公以此知公富人子鄭餘良當大辟亡命霸州迹得之壺關張珠家號萬羊亦當大辟咸以千金行賁人關說公絕不聽護衛諸卒有犯以其罪罪之不貸藩王聞時勅其下

人母潤薛明府爲也定挈令諸廐傳馬必三歲乃更汰里甲月米丁口庸調歲不過三分無名之征悉蠲之藩祿二千石主者再倍而後得入定爲十之二前後凡省氏數萬金三年治理流聞遷南京戶部浙江司主事督儲南都中都料量稱平累遷廣西司員外郎福建司郎中三載考最封父如其官母妻俱安人踰年有母喪服除除戶部山東司郎中不一歲遷四川按察司僉事分巡川東東鄉尹錢若愚貪墨無顧藉卽索劾之銅梁大盜未洪受負固不可捕公密攜具黨自相攻盜乃散勢孤卒就縛而太平盜袁廷佐起所抄鹵人財物子女更

虐徐以計擒之殆盡而楚有征苗之役公監蜀兵轉饌以時賞勉罰偷士人人用命俘斬七百級捷聞賜白金文綺先是督府檄楚蜀黔兵以九月畢集黔後期且一歲司餉者請奪諸軍三月餉公曰失期在黔而蜀蒙罰何以服人上書力諫乃止以父喪歸服除除河南無幾遷山西布政司右叅議分治大同大同遭悍卒變當事者懲羹吹虀務爲姑息公扶其桀驁者一軍肅然虜薄山陰甲士乘而禦人于郊者立殺之高秉倫溫習禮者中官高忠御史溫某從子也市首虜得官公真諸理金吾齊整以責人力居幕府與其帥抗行公仰之長跼庭

下又按其殺平人冒功罪幕府乃謝遣之威胡堡百戶
匿名訟守備某平虜趙參將亦爲麾下匿名訟所誣公
廉得其主名試手筆有左驗當以死部曲快之而公已
遷其省副使駐節陽和矣中丞某子甲庇私人多殺無
辜公數翻異之以是銜公比右衛被圍急私令媾解公
持不可愈益恚而授計本兵謂公才不宜邊郡從之內
地公年四十有七喟然嘆曰吾骭髀自天性卽內地安
往而不齟齬消上丘壑無恙吾其老矣遂歸不復仕初
錦衣參軍沈鍊以劾分宜相戍邊蔚州守備羅鑑者阿
邑相意屬得虜間詞連鍊事當下公勘而憐公亢直乃
大沁山房集 卷之九十三 墓誌 八

以屬他人奏上誅鍊等督府以下受上賞其後分宜敗
鍊寬白督府諸人抵罪而公不染於辭

穆宗朝詔舉文武臣廢棄者公在啓事中以無援罷
今上上 兩宮徽號生 元子兩以覃恩進階亞中中
議大夫贊治尹里居垂五十年不干謁公府獨好書大
寒暑伊吾不輟寄言老人強入少年游不韻得坐而與
古人上下論議致足樂也墳典丘索子史騷選荀及百
家衆技究其指歸而咀其英華義所未安必爲詳駁其
於經義多發明不盡主宋儒而於詩書尤備既登第始
受室而又善攝生食不兼味膾不厭細對客嚼湯餅或

各一事必更進飯一盂居恒服七真至寶丹修髯隆準
華髮方瞳望之類神仙中人年踰八十尚舉二子其課
子嚴藏獲數千指無一違令者所師南先生已卒歲時
起居南恭人如家人子同榜劉職方某者早世婦誓不
踐二庭爲經紀其家卒成其婦志云趙安人者臨潼新
豐里人儀部郎驪山公統長女也少端靚人罕見其言
笑旣貴人女歸卽爲貴人婦而退然自下事君舅君姑
悉準內則中饋之事身執其勞不以貽娣姒姑性嚴安
人將順無違從公宦內言不出於相御家衆有思未膏
假以色衣弋綈敝垢輒浣補數舉子不育閭諸膝侍公
大沁山房集 卷之九十三 墓誌 九

有子身哺乳之諸媵或去或沒終其身無一人間言諸
子長有室諸媵各稱姑受其子婦之養安人了不爲異
也晚年公以陸賈例進食諸子安人獨依子莊不遷所
字惟二女足不得踰閭及笄所親或不識其面與公白
首無媒客公或盛怒必曲解之有所欲施贊之惟恐後
驪山公坐累下詔獄幾三十年歸則老矣安人見而喜
懼交集二弟汰喪其產安人養父盡歡待二弟如故獨
無所餽貽人問故曰吾懼其恃我而更汰耳與公卒同
歲先五月而少九歲公生正德辛未五月二日卒萬曆
乙亥五月八日年八十有九安人生正德庚辰十有一

月十有二日辛正月二日甫八十以某年某月某日合葬南水南原阡男子五人莊諸生娶妻某女先公卒墓娶王應誠女繼尹某女萱諸生娶李某女蘅薰幼其母皆副室女子子六人長歸鴻臚寺序班白紉次歸吏部司務張養蒙者趙安人出也歸賀某歸張某歸王某與幼未字者皆副室出孫男子孫女子各六人余嘗道渭南見其里先生長者四人少司馬孟公京兆尹孫公憲副南公與公也司馬京兆位通顯兩公淹抑外服而南公子孫多由甲乙科爲美官其年皆不逮公天之乘除損益不爽矣公所著有南園漫稿詩書意解若干卷兩大泌山房集 卷之九十三 墓誌 十

子爲諸生者及婿張君實出余門下余推習公爲人張君具公安人軼事及公所自爲欽乞墓志銘余不得辭銘曰謂公位舊而年登貧賤昏札天曷不矜謂公皆城以永年幼父嬰孺畫胡有焉學無常師行不標奇進能其官退與鄉宜上庠憲老社則祭之亦有哲婦年均德齊嗟乎公具於天爲竊於人爲畸者耶

雲南按察司僉事劉公陳安人墓志銘

故觀察劉公長欽之舉進士也與余同出西陵劉司空先生之門公形貌狀麗風度凝遠而又善文辭金馬承明著作之庭非公莫可使者余不佞猥得代匱而公出

爲南昌令坐蜚語調浙臨安謫山西布政司理問稍遷令石樓久之入爲南京評事寺正擢僉雲南按察事皆就常調不塞天下心又卒廢不用位不過下大夫年才六十有二惜哉公名紹恤長欽其字先世洛陽人國初祖德海徙楚家安陸之鳳凰池下四傳爲贈廷尉公鵬即公父也廷尉公蓄於財而好施視人之急若自在隘窮之中奉漏甕沃焦釜屢空矣其初娶葉安人無子繼以冉太安人四十有三而舉公已舉仲子繼恤公明惠不羣未亂讀書能強記應對如流廷尉公退而耕於野仲子從其父坐織簣立杖市樹然樂也公涕泣不之

大泌山房集

卷之九十三

墓誌

十一

田兒聞祿萬鍾者不祠而福不貸而足何自苦爲棄捐在外無師傳經承窮年沒壽不免爲辱人賤行矣兒請以舌耕廷尉公壯之攜公歸邑屋從父郁爲諸生知名時過廷尉公奇公象貌以爲非常人使屬文大稱善吾家積德百餘年天其或者將建諸必此子矣廷尉公喜益不惜貲遣公從經師學夜必試一藝奏其草甫退年十三受知邑令曾公加諸膝摩挲之置第一人郡伯及督學使喬公試亦如之補邑諸生具後郡伯徐公督學使林公與諸部使者試胥如之而公已受室陳安人溺苦於學如初乙卯督學使吳公初上校楚應試士三千

人復第一遂舉鄉試明年病不得上春官己未壬戌兩試復不第而里人郡朝臣連大司徒賦浮繫無歸走告公割其資斧以償爲取司徒牒還報朝臣因投牒質公而公聞廷尉公病并道趨子舍索如洗計後事無所措有司迫得朝臣牒因畀之不復問日夕視父疾衣焦不中頭塵不去匍伏而謁諸醫曰刻吾類破吾家苟可活吾親無辭爲之卒弗瘳公跪而取筆牘受言廷尉公指仲子小女而拊公背是待若而婚嫁吾目待若而瞑公敬諾大人幸自愛兒如負諾者及黃泉無相見也廷尉公乃瞑朝夕臨及思至賓客弔省號踊哀絕而陳安人

大沁山房集

卷之九十三

墓誌

十二

明

稱姪棺斂諸物竭誠盡慎遠葬無缺禮獨不用浮屠教家董硯確田五十畝食不足則授徒以求修養母陳安人機杼井臼功參半焉乙丑又不第貧滋甚而女弟且行陳安人盡徹其環瑱裝送公乃得專心讀書白兆山中者三年戊辰舉進士或從史公宜有所附離公曰行百里者半九十此言末路之難吾跬步始進而以多岐亡羊乎令何負人哉人自負耳既奉母安人之南昌南昌行四差法猾吏竄其藉倍徵民莫可究詰公精心爲屏以次牧事不忒而民歡樂之巨室多畜黠奴履絲曳縞炫燿於道公督過無貸有萬權者侵牟公帑巨萬

郡守大索之至其門恟疑虛喝高躍而不敢進且十餘年公迹之則郡王邸保舍耳以計就禽而王子有惡其妾之弟王玉成者喉盜誣之獄成亦十餘年公爲理出顧御史取其事薦公庚午大比士公在事某子甲貴甚矣而主斷以具子從游焉爲地公謝絕之某子中慚中公南臺省南臺省言公所舉士不當下禮部覆試士咸中率乃免然竟用不及例移臨安首禁其俗不遵者四事曰婚姻論財曰親死不葬曰好訟廢業曰私煮海觸禁民相戒莫敢犯邑歲輸京絹萬疋而令收其羨千金供交際公一無所取父老德公百餘人人持一縷爲公

大沁山房集

卷之九十三

墓誌

十三

明

壽而實金銀酒器其中公不知也內之陳安人檢白公公怒召父老責問故皆肉袒請要領之罪然後已入覲民扶老攜幼送之中道終日更私置金茶裹以進公懲前事令衆啓之得金復謝曰父老豈以今前日之辭爲面諛耶極知父老念我厚然而計之於道歸之於義以爲不可故不受也令誠自愧亡素不足以信父老父老祇辱民益服其廉生祀公而郡守復與憾公者有連讒公必不宜一日在位家宰張公抗人故悉公奪守官而左遷公晉藩幕以殺讒口大司馬方公召公案行塞故事副帥以下負弩矢迎境上蛇行蒲伏避舍納莞鍵攝

粧把几視膳堂下交酬好貨皆厚公第將數騎從人或不知具至至則食不兼味馬飢不過稂莠引諸帥上坐與鈞禮延見吏民里父問謠俗疾苦瑣科除其人還具對將士能不脉地形險阻穀塞谿谷決利害之備循功勞視次第如指諸掌虜自款市邊吏不習戰爭言策長城公奏記方公曰虜狼子野心刑馬壓羊而盟願臣畜而朝其可恃乎士不能蹕勁弩帶利箭馳肥馬坐作進退不共命餘子力盡於溝塹甲冑羽毛剝敝民不得耕作稅賃不可給雖隆邊之城造於天猶之無益也夫比日之魚不相得則不能行古人稱之以其合兩而如一

大泌山房集

卷之九十三

墓誌

十四

明

也今將畫地而守士乘亭障者參列多不過百人粹有虜其何能禦宜聚而訓練使力不分此爲一千里之馬千里之服而繆牽長必不得矣繆牽於事萬分之一也而難千里之行今爲將繆牽者多矣將能而不御者勝此爲一日月暉於外具賊在於內謹備其所憎而禍在其所愛今某所嘗中虜輒城之異日者虜復從別道入更城之百人而百城百城而百瑕聖人有金城豈在是乎此爲一塵飯塗羹不可療饑將所貴提戈殺賊耳而俗顧尚文雅歌投壺輕裴緩帶平畫閒居可也以過虜將焉用之此爲一方公起彷徨爲思所納行之多效已

令石樓其民陶復陶穴而處所供多邊餉藩祿藩祿可用他物充邊餉非兼金不可民窮日流亡而餉益乏公爲更之語具都御史高公疏中下戶部如公議劾六州邑亦視石樓石樓士絕科第公言有司教之不早耳何患無士爲玉暉書院豐既康董振擇之自是有登賢能書者膏從田直指行他縣而縣庠失七白金幕歸獄守者且死公怪守者么庸子不任盜偷吏趨而前覺有異一訊具服以遷廷平行石樓與其鄰六州邑人爭來卧公轍不識劉明府何狀而造禍我西土若是吁泣震野公亦爲泣廷平事取財比部吏探贖鴈驚書而已公執

大泌山房集

卷之九十三

墓誌

十五

明

法不阿邑大司寇所出入廷折之務得其平蒙某與貴人錢通擊斷無譚公出醉而遮馬首前訶者止之對曰雖鞭之長及馬腹乎公發檄所司捕得之立致其罪而貴人爲聞說者書盈案無及矣大壻爲同列所覆沒與死比察而原之昏夜挾千金來謝不受此兩事甚爲南都人所推而忘者亦頗藉爲謗端于時邸朝臣復以南糧後期當罰公爲言而免之或曰是負心人公不聽吾施寧望報乎三年上計贈父如其官封母太孺人婦孺人始公爲寺正猶署職而會

上生元子覃恩臣僚公乃實授父母婦亦晉封寺正安

人云先是江陵相憐公才久厄下僚而劉司空與曾司空更推挽之欲授公河南督學使及光祿丞公固辭吾三爲令而再謫以有今日足償騎矣一旦秉文衡列九卿人且求多於我退而語所親江陵來至盛獨行一意其爲人也近苦矣士杜口裹足怨結於心川壅而潰傷人必多張氏之禍朝不謀夕安可嚮過乎其年江陵果敗而同舍郎好文致人罪銜公多平反是以有雲南除若曰投荒云爾黔國監奴齟齬民昆明令執之奴誘黔國勅令下兩臺兩臺下公公悉捕治諸不法者黔國迫使使請公公曉其使曰吾與若主手受太府之憲爲天大泌山房集 卷之九十三 墓銘 十六

子共治一方民令誠病民吾安得庇之若舍中兒誠病民吾安得庇之令民知有天子法知若主能私其舍中兒亢義益國不尚有利乎黔國語塞其下稍戰而羅雄州酋者繼榮左手過膝髮長委地殺其父自立潛蓄異謀弟繼仁告變公使百戶把維岳往探虛實繼榮囚之公憤曰長此安窮力請討賊候者言賊以八千衆抵曲靖公徵賊陽示撫而與爲師期因陽貽書把百戶賊誠先發幸甚我以大兵當其前普鮮兵襲其後哀賊擊之無噍類矣我兵果所覆果所覆汝謂覆者勿多殺百戶復陽墮書視賊賊疑不進詣百戶詐降公許之復爲

檄示撫而行間其左右挾六丁六甲妖術者則我兵大集矣公與帥劉縱謀曰賊所居三面塞大江獨師宗一線肩摩行我兵輕入賊守隘而斷我歸路柰何卽衆悉入而戰賊必退守束龍寨寨險不可拔無芻牧薪採餉道不通雖有大武遠宅不涉姑揚兵境外徐其攻而留其日率敢死士七百人走間道火攻奪束龍寨降者四千餘人賊聞束龍失舉火焚州中大寨奔普德公料賊以普德餌我耳勢必走馬蚌而謀者謂賊以萬金賄普鮮假道馬蚌走交趾普鮮長隆有義不敢受公令指揮張先聲千戶周宗堯趣普鮮受之衆言非便公曰鹿死大泌山房集 卷之九十三 墓銘 十七

不擇音必且還走而冒人受之彼以爲隱蔽志情可坐困也兵攻普德賊果遁公令周宗堯王寶等以千人覆阿拜江而賊方士王道甲冒持大刀僞爲賊給我潛以其衆渡江百戶李約覺其詐舍而奔賊禽之賊力闢我兵有溺水者恐不能生得賊傳藥弩射之斬其首餘悉降乙酉十有二月二十有八日也計用兵不滿一月明年大計吏距江陵死三年家見籍諸繇之起家者誅逐無子遺而憾者至指公爲黨罷之公笑曰我誠黨江陵寧十八年而甫僉事又遠在萬里外耶遂行吏白當牘贖贖助行李公復笑曰使予欲富何待今日且也窮巷

掘門桑戶捲樞之士耳爲天子命吏飯封祿之粟載方府之金猶未足乎踰年而覈功者以前誅者賊狀上賜金幣北向拜稽首

上幸不遺逐臣標末之功勝九遷其官矣置酒高會與仲子共樂之而仲子產倍公猶仰公如外府又用氣多所陵折公和顏色而下之故友彭生家廢日與同案食復爲置田數十畝有言生短者公譬之故者無失其爲故耳至於哀鰥寡卹孤獨不待顛蹶之情望拜之謁赴之唯恐後矣生平不問家人生產而好蓄書吾伊如諸生家人竊笑之是尚欲應舉乎乎擇族弟子善者教之

大沁山房集

卷之九十三

墓銘

十八

明

里中少年受經問業不絕於門見里兒楊父必折節示恭而非其義不可干有司嚴重公時舉批政及困厄無俚之至者罷解之卽其人莫知所從出也事關諸生言之尤力有司或盛氣而揖之入而徐趨至而自謝必申其說乃已甲午春冉安人病呼天頭搶地請以身代奔告城隍之神泣血目盡廼母乃安忽語二子乃公賴先人餘緒三十年家無哭泣之哀此後當不免矣已讀晉書厭其詞不馴雅將釐正之復投筆曰吾不能以有限之日爲此無何陳安人卒陳安人者故居士陳亮仁女歸公而食貧則以勤佐公費稍裕則佐公施勅制僮御

內外認稟分解趣理事如公指既貴而服大繒裙不加緣食不厭藜藿年六十稱姑矣事冉安人必莊行則偃身自卑不命坐必侍立推公之愛與其姑姊相睦無違言臧獲千指皆加恩借公晚而以絲竹陶寫倡優侏儒之笑不乏皆於安人取給焉忽病卒公羸不可致哀卒起不意伏尸而哭失其度俵俵如無之後安人二月而卒卒之翼日冉安人初度春秋八十矣語二子吾與而母不獲終事而王母孺子勉之朝夕破涕承歡無以我夫婦爲念通國中踐石以上偕來喪公盡哀卿大夫博士弟子稱公孝弟廉讓請祀之學宮公卒萬曆乙未二

大沁山房集

卷之九十三

墓銘

十九

明

月十有七日生嘉靖甲午十有二月十有三日安人生嘉靖乙未五月十有三日卒萬曆甲午十有一月十有八日不及公者二歲以公卒之年十月十日合葬槎山之陽二子長啓忱娶于楊縣簿煥女次啓恂娶于鄒諸生尚象女繼胡太學來學女女一嫁太學李必遂太守幼淑季子俱安人出孫三士琳娶楊惟柱女方伯芷女孫士琅聘太學鍾鍊女令文瑞女孫士璫未聘啓忱出孫女三一字諸生張鳳翔子諸生素縕一字邵丞董儀子某啓忱出一未字啓恂出公所著有白兆天目姑射鍾阜諸稿凡若干卷銘曰嘉隆之代人宗司馬譬諸女

閻鉛華姚冶浣汰求質合者是寡獨公論撰豐腴妍雅
琢字成句琢句成篇既規古昔亦近自然鼎鑪繡錯玉
潤珠圓聲音象貌楚孟魏涓秦有允寧蜀有少海學步
龍門建標詞壘王或仇浪任晚休急公舍其瑕惟瑜是
采匪直也文武事故優雲中上谷婉婉善謀碧鷄金馬
森爾爲仇北之堂上莫不懷柔才未究施名復不振耳
貴目賤心疑跡信世道交喪在公何驚浮生若寄浮榮
若舜四百年後太玄乃興藏之名山作者取徵清發淪
漣白兆峻嶒天界女士窀穸作朋

南康守顧公施孺人墓志銘

大泌山房集 卷之九十三 志銘 二十

張江陵爲天下口實至今未已江陵救時之相也憐才
最亟所錄用多僞傑槩目以黨錮之如顧公惜哉公名
爾行字孟先幼識悟過人內無閹鑰卽途適卒遇言必
傾寫而恥齷齪小禮面折人過人不堪忍心悔之故號
儼韋云初司理大名郡歸省王父九十無恙語之無以
贈若惟多活人耳奉其言平亭疑獄傳生比甚衆有後
母與前母子訟不問第下其子獄中居數日泣而自言
無狀請服要領之罪其母亦泣請釋子遂爲母子如初
晉萬公世德爲屬邑令擢司馬郎吏挽舟不得發以失
帑金數百公曰萬君幹時之器寧有此按之則諸司交

際下縣括贖銀亡何有假常供應者也勞謝萬公勉旃
自愛捐月奉若羨賦爲償萬後以功名終旁郡令張廷
廷憫恤無華獨推轂仕郡守爲時循吏進諸校士課其
文藝周其空乏拯其患難起家天官尚書郎者三人他
稱是諸臺奉江陵教裁冗役冗食毛舉細故虧損大體
公哀益適中論覆往返莫能易也議上江陵知出公手
稱善治行冠諸郡登薦書三十許最後江陵入朝過邯
鄲諸郡吏修謁咨公事應當時之變如數一二江陵益
喜徵拜陝西道御史巡通倉河漕主者稽故領漕官秋
盡不得返公勅諸材官魚貫入以次受餉不頃時而畢
大泌山房集 卷之九十三 志銘 二十

左右無所容奸漕艘不留行踴躍歌呼顧侍御生我乞
再借一年興舉科條爲久遠利事竣例薦諸材官丐朝
貴請託不聽所甄拔往往東鉞分閫有聲江南白糧私
費幾與公課等中貴人薦賄筆楚圍奪死徙相繼公白
政府與中貴人寧司禮者裁其太甚疏著爲式所省數
萬已陳五議指畫利害甚具又言漕粟出吳越過半賦
役偏而田畝不均積貯空而預備無術拊卹滋而徵歛
非法堤坊圯而旱潦爲災豪強熾而軍民胥病爲十二
事以聞詔曰可江南受賜無窮已按順天江陵鄉人爲
少宰以子制義求評目公序行之臺省建白每報罷獨

公言無飾無蔓人即施行事率聞度支恥形短者側目是江陵私人而摘武試有所曲徇出爲南康太守即解綬歸築蓮園亭池精整花竹妍秀輦具父與客歌嘯爲歡一日無客忽忽有如失性不飲而喜飲者不醉無歸父八十甫卒身踰艾衰猶孺子善諸弟有無相通季弟摯蒲減產規之不從給之不受恚不相見泣而思客爲畫策能與弟同好則可召弟及其客來令客伴負而弟日以百錢歸公乃大快兄弟若女弟子女婚嫁悉仰給公奉從有犯于官泣于庭而免之客以爲辱公笑曰以辱易人死不辱矣修家譜合族歲時伏臘舉祭徹俎饗大泌山房集 卷之九十三 志銘 二十一

餞割名田百餘畝分義祭役三端助貧者親知鄉里有急來謁必應陸茂才能詩而醢酒坐病廢故人衣裾不撤其門公每就之共榻款語申旦方別陳里役十二事教荒十議詳盡割切鄉人談說不衰少治易工制義極爲舅氏茅公學使薛公所賞與胡中丞許少司馬齊名陶文僊見之曰君有史筆何不學春秋舉京兆第三人遂成進士出王文肅公門垂老課門人及子弟取所謨刪潤卽成佳製若施沈閔諸公與弟爾志受切磋之益先後成名爲萬卷樓貯書校讎揚扄不休晚年益與畫舫以聲伎從登涉境內佳山水累月若惟日不足者其

卒也微示疾著進賢冠而坐叩以後事不答元配施孺人父梅池翁母唐宜人奇其相女丈夫也寬快婿以歸公公家賢孺人相之事有禮法以其奩克脂膏筆札費賓朋過從若問字受經者治具豐潔不替公北游太學出機杼刀尺之餘入貲既賁而時念之非細君何有今日從公大名不內官中物公母茅孺人早沒而王父若王母丘繼母沈養志無方孺人修婦道唯謹顧善病枕上指授咸切事情公父恒言吾家病婦勝壯男子前姑遺兩子後姑遺兩子兩女育之如姑外生女孤女之如兩小姑伯子未抱孫虞其終鮮進二姬侍公舉三子于大泌山房集 卷之九十三 志銘 又三

之如伯子與公白首不忤視每以慈劑公之寬公初不覺事定始悟卿即吾佩韋矣何遠求焉生平慎言語節飲食卒之日神氣恬然兄奉議公哭之歸語人吾與妹氏居七十年不謂善攝生乃爾公生嘉靖丙申四月十有二日卒萬曆辛亥二月二十有七日年七十有七孺人生嘉靖丁酉某月某日卒萬曆辛亥某月某日年七十有二合葬韶林新阡三黨親戚四方義故通國之人執紼酌絮酒莫不盡哀子四伯堯京太學生娶邑令沈某女施孺人出仲簡太學生娶奉常潘某女叔鳳翥娶比部沈某女俱側室揚出季鳳威聘孝廉費某女側室

陳出孫女二字孝廉支某子舉進士錢某子某亮京出
公爲宋龍圖閣學士臨後裔自會稽徙吳興韶林代有
聞人父養然公某師唐一庵先生以明經爲富川令母
茅鹿門先生姊狀公者孝廉爾志狀孺人者孺人兄
子壽朋雖多情至語而無溢美仲子字默孫吳興號佳
公子介其父友吳允兆屬余志允兆傳公有獨知之契
公與濟南邢子愿舉進士同科授御史同臺被謗同事
余善子愿子愿言江陵客有憾于參政某屬緹綺迹之
公解攝不令人知所言事皆職守未嘗阿邑中傷善類
諸附江陵黨貴者叛去反噬公不避人臨其喪夫弔張
大泌山房集 卷之九十三 志銘 二十三

讓父受蔡京薦難乎免于今之世矣何有于公余是以
具論之銘曰宗族稱孝友馬卿黨稱慈惠焉歲以內江
以南生相愛死相憐貴爲二千石年則老而傳有婦儷
德有子象賢人何不足天亦全考石勒銘坎及泉貽爾
後昆世永延

戶部郎中龍公唐宜人墓志銘

楚世家有武陵龍氏薦紳踵武于朝而渠陽公父子兄
弟最著余兄弟兩與龍氏同籍悉具懿美又託交仲子
君御甚稔獨未見公及伯子君超爲缺事耳比歲公與
元配唐宜人伯子先後卒君御使使不遠三千里以墓

志見屬益君超嘗欲狀兩尊人不勝哀未就君御甫爲
狀若蘊結未吐者余卿往公五十年于茲卽文不逮君
御萬一義無得委也公名德字子伯貞別號渠陽亦號
玄扈又自稱懶龍生其父爲中憲公某以兵部郎出守
十年不調乃老其稱中憲與母傳恭人俱以公加贈也
唐宜人父爲桃源孝廉某母爲鄒孺人中憲公四子公
爲季其少也婉以從令游有鄉處有所好學而不戲從
父官南都師金樂山先生交四方名士領受秘奧爲文
矯矯奇氣郡守黃公以異才拔冠曹偶宜人父母惟息
女慧悟不群相攸歸公持家秉若素練奉尊章承歡備
大泌山房集 卷之九十三 志銘 又三

物懷與安實疾大事未嘗不以雞鳴規公也公業大進
戊午登鄉書從鄉人蔣道林先生學以慎獨爲本內行
蓋飭遠邇超慕接迹過從客常滿座談論燕會宜人主
中饋應之如嚮省畜生殖事當公意不復顧問矣伯仲
之在妊也法古胎教啓居飲食動不踰則既就外傳日
考而習戒備畢具夜置座石焚膏督課之成幼而不倦
仲舉于鄉公偕上南宮明年仲成進士爲新安李公與
宜人就養宜人病亟還伯子亦舉于鄉宜人病良已公
偕伯子上南宮復報罷尋謁選入除衛輝郡李疑獄數
十年不決片言立剖直指屬巡察旁郡直而哀周而淑

恥摭撫微細博名高惟以仲寬滯爲務有同里人賈而
匿其囊殺之者訟于官無左驗公爲文告城隍神越日
其人若鬼伯榜掠自繫詣前曰某實殺某一郡呼公神
君斧鉞刀墨之民行刑不疚攝輝邑篆復百泉書院祀
先賢已履畝定收事比綴以度無偏解輝人德之築室
生祠之百泉上其後學使吳公從衛士請祀名宦是時
宜人從公公卽外出家人無敢窺闕外治行最諸郡當
拜臺省以忌口稍遷寧波郡丞携兩僮往郡多貴臣族
衆監奴不盡循理無賴借名方行必裁以法編戶安堵
焉歲旱露樹兩立至茂德勸分爲粥食饑散廩以賑雖
大泌山房集 卷之九十三 志銘 二十三

窮里空舍感身視之所活鉅萬島寇蠢動震鄰奉檄城
慈谿三月城成有金湯之固以定民弭憂而覈還清道
觀故物空中見五色雲創姚江石橋歲免溺者無算事
具三異錄有丞尉守官無過不能媚事舊令中之中丞
臺以付公公具白所以丞尉得全清吏恃以無恐願學
使紀其德政沈相國傳之四明人家尸祝公也慈谿則
有名宦祠陸莊簡公祭廉遷南京戶部員外郎司淮安
權政諸不便商民者釐革制量商爲立祠甫五月有去
志不待報而行先是仲子爲國子先生宜人從
上采民間女入宮不及月多以忤旨死會再采都人懼

號泣聲不絕仲子上書是將靡上躬妨國家語極切直
衆爲仲子危之宜人獨喜有如萬一回天聽光主德造
福京輦卽得罪告有餘榮矣公居淮仲子以宜人入淮
蓋不面者七年而以黃姬助遣比還里黃舉叔子宜人
視黃如姊如愛叔子甚于己子晝夜不釋懷爲置宅器
用悉舉身所服御美好貯筭中以貽之曰若兩兄能自
給念此兒生晚阿翁亡何有也已簡美對得賴氏女布
幣行禮從其厚者武陵稱宜人賢以此爲首公初病風
仲子謫居湟中將棄官歸公不可吾聞勤營其君者在
險無慙河外四郊多壘甲兵鈍弊民人離落日以憔悴
大泌山房集 卷之九十三 志銘 又二十三

上之使使若沮中軍之司馬固國之艱急是爲可自逸
乎仲子遂西獎帥將士驅名王出塞復河套大半旣移
南曹歸省爲公七十壽庭中置名花奇石公徘徊吟賞
意晏如也仲子復不欲行公曰軍伐有賞若以郡丞五
品階而內遷僅下大夫豈以未復騎爲憾耶仲子遂南
而伯子居子舍焚有司所爲勸駕公移以事公左右無
方踰年公卒仲子畢三年喪者久之除戶部尋以僉憲
備兵甘州宜人欲伯子北上趣仲子西征則携叔子俱
之甘州踰年無病而逝公卒先一夕與伯子及諸孫論
文發聖賢微言晨起整衣冠危坐而瞑生平暗室獨居

無情容與人無怒容夫婦相敬如賓父母有疾不脫衣而侍顙天以身代居喪瘠色洵涕然周旋序順事按禮經忌日如初喪者終其身伯兄以亢義直言臨文網匍匐救之得除博士讓以先世第宅塾師楊先生與母妻相隨死皆爲治葬經師金廣文貧爲具後事其子無志分鬻其棺復爲贖之所焚券若武弁袁氏子之屬甚衆惡夫施惠如出責者口絕不言淹浹百家行酒無量與至賦詩頃時數千言書法右軍河洛吳越間珍之所著文賦散失于火存者六卷皆詩中歲好道調息守環中晚事佛會泛海謁大士普陀焚經有靈驗遂精奉其法

大泌山房集

卷之九十三

志銘 二十四

屠儀部長卿記之十上不第三仕隨牒平進怡然不介于懷也歸結精舍德山築玄扈石室西郭命其樓曰對湘日不輟吟湘中之勝旣所篤愛又刻意于詩遂以對湘名其詩草焉宜人以勤佐公力學以儉佐公治產以廉佐公守官以慈佐公行仁自三黨逮四境衣食饑寒周給婚葬公所欲爲將順之公所未及先啓之通國無男女少長生則銜恩祈年沒則哭臨嘔嘆蓋不可數計周知也公父至德可師具汪司馬伯玉表中公以仲子進封郎中修正庶尹宜人以公卒後令甲稱太云子三伯子名襄字君超以文行名娶柳某女仲子名膺字君

御官陝西按察副使論功晉叅政候召用文武相資並用社稷之衛也娶唐某女繼大理卿陳文燭女再繼唐某女皆宜人出叔子京黃山娶賴某女孫男某人伯子出者人儀廩生人僑人僑仲子出者人儼庠生人修人儼京出者人傳人佳人儼孫女某人別駕祝九龍子庠生劍祝侍御史唐鍊孫中書某子鵬沔陽陳太學之達卽文燭孫太常姚學閔子庠生孫仕沔陽庠生張熙比部曾某子庠生之毅其已適者也劍祝繼室亦孫女少者字周登先陳某曾孫某人之濬之湫之漪之瀾之冲之洸之濤之漣之澄之涵之淙之瀝曾孫女某人

大泌山房集

卷之九十三

志銘 二十四

長爲陳奇學婦次字周某餘未字公生嘉靖辛卯九月六日卒萬曆壬寅二月四日年七十有二宜人生嘉靖癸巳八月二日卒萬曆丁未十月八日年七十有五墓在某所宜人同穴禮也銘曰史所載古之賢孝友文學循吏知足各爲傳以傳吁嗟龍公四美全公真龍耶或潛或見或躍在淵在田吾無間然龍德天德也人貌而行天天所篤右胡不備焉令子爲後哲父爲前相以女士偕老齊年和柔義正二物靡愆尊朝貴室帝命數宣中游仙晚安禪誦而想見者遺篇過而致敬者新阡俎豆蒸嘗湛淮濤永不騫兮名如山流不息兮澤如川

李滄州公胡係兩孺人子孝廉杜孺人墓志銘

青浦李孝廉仍啓手狀王父母父母行事七千餘言淒
愴切至猶若噎未盡吐而委不佞志墓中石不佞知仍
啓賢非無美而稱者之誣其親也節而爲之志李始祖
遂荊州人宋末仕浙西漕司以亂離家青浦竹園八傳
高王父順軒公與曾王父艾汀公堂王父見汀公名安
詳字元定選貢入南太學萬曆己卯舉應天試知滄州
再知保安州王母三曰沈曰金曰胡如王母一曰孫父
玄同公名南春字賓卿以上海諸生入北太學萬曆辛
卯舉順天試配杜孺人生子即仍啓名繼佑以青浦諸
大沁山房集 卷之九十三 志銘 二十五

生入太學萬曆壬子舉順天試第三人沈金二母蚤世
仍啓達事胡孫孫則父生母也見汀公多善行而最著
者曰孝嘉靖甲寅倭蹂躪松江諸邑公時爲諸生扶持
父竄突遇倭衆驚散走與父相失泣而跪曰下天曰必
以要領易吾父不者有如此日已稍聞父所在私念不
勝憤語或侵賊父子將血賊刃欲生吾父而顧死之乎
沛公吾師也賊方陳魚而觀之諸係繫呼賊大王乞命
不絕口一賊西南來公揖而迎之曰某願代老父爲大
王受役父見公號咷不已公強笑謂父何懼大王仁者
不殺翁殺翁不足示武翁老矣詎堪齒刀鋸賊衆目攝

之其魁踞鼓上坐踞而往訴魁以飯飯公取匕削箸頭
涎沫投下公拾而大啖示不疑諸賊亦持羹脯相啗禮
之去而出父所荷器置前公請代賊以他屬屬公執蓋
父子相踵至津口賊乘船折木綿其係以紙替公頭遂
負父歸賊縱火焚兄竹沙公宅公馳救賊自火中操刀
出連聲求金公對曰貧儒亡何有囊餘三錢携數歲占
無不驗可取贈也已視所督祇罷不問向後遇賊無復
誰何者事平通國人目公孝子督學楚耿公記下郡李
生蒙死求親賊因于全父頗具門曰至孝感夷公居恒
言吾孝孰與吾父食貧養老母無方終其身中庸不可
大沁山房集 卷之九十三 志銘 二十五

能也吾白刃可蹈激一時意氣耳奈何以父取名識者
益心服之艾汀公初娶于余再娶于華日者言華女必
有貴子既歸舉三子見汀公爲仲孩時即向學父無以
具師贊宗人江湄公竹沙公摩挲其頂曰此子必亢吾
宗召入家塾與諸子共學所誦習倍同學者每食持黍
肉之田間餉父與兄弟東來相執結棹爲服勞也年十
六試于郡不收求再試守劉公難之吾問四目有不識
一者退公對如響試之文立成劉公擊節稱善榜云優
異童生李某遂爲郡諸生南湄公喜吾固知爲吾家後
來之彥也更令從祖溪唐先生學學使周公拔第二人

始食廩遠近交延之爲師取月奉養父小優裕矣連喪
兩婦青浦巨室胡翁聞公名誠得李郎爲婿快甚因受
室于胡胡孺人富家女而推布操作日督家僮耕夜篝
燈佐公讀謂公君有大志無庸家人產我則何可坐食
取父所遺息之而公意不欲爲贅婿孺人亟諾同歸事
舅姑卜築大浦之陽夾溝之側奉親以居身拮据畚
間胡孺人洗腆酒食犒工工競勸而門下著錄子弟藉
者日益金幣什九致父兄具一相胡孺人中饋也選貢
法行公與選而孫孺人生玄同公矣孫瓜步人明惠有
禮法事胡孺人若姑身若處子足不踰戶鎮日刺繡無
大泌山房集 卷之九十三 志銘 二十六

倦長子有婦舉孫遜謝不居此女君有也家政非我所
與聞以故胡孺人能安孫孺人亦忘其子孫非已出者
玄同公穎敏兩孺人課之嚴父舉于鄉公爲諸生搏心
輯志于學爲古文辭詩歌與名士遊倡和所著太乙館
葉士林珍賞之以例入太學父携之謁選國子先生岳
公奇之以薦司成蕭公蕭公曰吾與李公南中游悉其
人宜有令嗣鄉人張公若馮曾兩宗伯盛有稱引而父
已知滄州聞月報公舉父歎曰吾起田間治一州爲大
夫忝矣孺子乃復成名吾力學四十年始鄉薦孺子何
易也胡孺人前稱賀公不色喜爲書戒子貶退繩約克

享有終居滄州二年精心政理民有夜逐田鼠誤傷行
者坐大辟理出之滄瀕海訛言倭至檄州多下木石爲
捷距賊舟費以千計詣中丞臺請曰果幼爲倭俘覩其
無遠略何先自援府檄民市馬草數萬束草腐民更市
亟白府此爲胥卒牧人罔利耳不可行兵使檄募兵禦
盜爭曰以歲儉故多盜而又增兵餉患且甚于盜宜招
流移遠南畝以養兵費爲牛種是渤海之已事也三事
連挂上官積不平矣友李公喪哭而逆送之境厚爲之
賻故人子奉使寄還滄者不出迎吾父執不得跽體其
人爲蜚語中之徙保安保安孤懸虜界謂諸將士吏民
大泌山房集 卷之九十三 志銘 二十六

吾老承乏當路塞軍旅之事未之學也惟乳哺二三鋒
鏑遺於耳無何當事者復以前事迫之去公笑曰是吾
始願歸而見子婦克家諸孫繞膝爲歡宗戚朋友日相
過從而喜可知也玄同公坐無客不歡無賢不肖必款
留具禮赴義不辭艱險又好遊興至命駕不返顧必期
盡四方名勝一切家具埤益杜孺人杜孺人生貴族而
治生與胡孺人等仍啓自外傳歸謁母母恒坐機中所
飯粗糲所衣大繒而玄同公與母御下嚴杜孺人劑之
以寬虞夫寬之誨情也用勤自勵且以勵下不妄予不
聞閭外事而隆禮于子之師致饋于夫之客佐祭佐養

佐施節文終遂焉玄同公少事兩母各適其意胡孺人或矚之輒覺而啼無母寧得有兒胡孺人亦泣而愈憐愛之杜孺人事姑無二心姑有纖芥事之益虔其于祀事夙夜加絜見汀公語人吾以子報國以婦持家以餘年爲德于鄉其可乎爲族人助婚嫁授田宅教其子弟召猶子貧者與居或資之本業振母黨失所者與華重親無令遠妻黨有子失恃卵翼而歸之胡爲怨家速于獄力脫之曰吾舅昔館甥我以我能不負耳里編戶受役重困踣盡室以逝首置田若干給承役者諸薦紳家賢之里無轉徙焉春秋與父老結社祈養置酒餽餘

二十七

坐作以齒曰晨之子常爲農吾不如老農耽同樂耳嘗習盧某幼時卽貴解衣推食卒爲斂以美擯唐某奴竊其產納貴人魏某以博毀家指兄產爲己物亦納貴人公仗義執言得無失居太學門下有置妾而奸黨侮之中以法衆莫知計所出獨往排難把其黨陰事懼而解所友與高第弟子去爲顯官不可悉數而久要不忘不以生死易交情其慷慨急人難天性然也晚歲繕亭館闢畎圃植花竹眺聽嘯歌親故酬酢無厭而玄同公山居爲嵐氣所侵毒發肘背兩母及婦療之萬端創乃更劇愈曰疾不可爲矣徒累我親與我婦速盡爲幸不食

藥而卒卒年方三十父慟甚而自省生平無獲罪于天何驟失佳兒天其以此扶床之孫副吾貽謀乎而杜孺人操踊涕泗告曰翁喜自愛婦不任荼蓼旦夕從夫地下復煩翁爲兩兒父母矣見汀公益慟由是寢疾明年年六十有六集宗老及所善厚與訣吾爲下大夫不得微一命貽父母修先墓圯者未就父母卒遭亂與貧薄葬今殯我本無已美新婦勞未艾而遭大故勢無久理兩孤有婦之父兄在世德世祿必相存也婦設死令負之往遂卒不五月杜孺人亦卒年三十有二杜翁與其子邵署喪事竟以兩外生歸又三年孫孺人卒年五十

大泌山房集

卷之九十三

志銘

二十七

有四又五年胡孺人卒年六十有五仍啓女弟及并爲之遣嫁以辛亥冬卜地奉五喪厝焉主之以見汀公而王母父母樹之見汀公生嘉靖癸巳十月二十有三日卒萬曆戊戌八月二十有二日胡孺人生嘉靖壬寅正月十有九日卒萬曆丙午六月十有六日孫孺人生嘉靖戊申正月十有四日卒萬曆辛丑十月二十日玄同公生隆慶戊辰五月二十有九日卒萬曆丁酉十有一月四日杜孺人生隆慶丁卯二月二日卒萬曆戊戌十有二月九日杜孺人父宗翹以子刑科給事中士全貴封如其官仍啓成宅相焉外家實與祖父生我同功君

子是以知見汀公之知人也仍啓娶某女子某女某
人女弟適台州守王孫熙子秉冲己酉舉順天鄉試仍
啓有才名稱雲間龍傷其少孤不悉沈金兩孺人生卒
月日與其父遺言遺文之詳母節格于例不得旌而見
汀公年踰耆鄉人耳目日長往往誦說之其狀若噎未
吐有以也銘曰父稱孝馬子稱文馮維姑與婦抑有三
賢父拙者宦子厄者年俯不忤人仰不愧天貽厥孫謀
筆采管椽顯親令名金石爛然五玉同埋于彼新阡人
傑地靈神理綿綿

奉訓大夫成公宋宜人墓誌銘

大泌山房集

卷之九十三

墓誌

二十八

明

長垣之有成氏也自處士公岱始其子孫脩四民之業
日以昌熾而鄉舉偕計自睢陽公始成進士顯者爲睢
陽從子中丞遜而冢孫文部伯龍繼之中丞爲余禮闈
所進士備聞其家世久矣睢陽伯子我虛公蓮亦舉于
鄉文部父也文部爲令爲郎例得以其貴貴父而父不
可吾欲爲若太父不朽心藏之如吾病痿不忘起而身
乃以孺子取名乎病革以所爲睢陽公狀屬文部兄弟
必成吾志卒既數月文部緒正舊草使使千里屬余志
之余誠不敏亦所謂累世通家也義無可辭按狀處士
公于兄弟八人中最少自山西高平始遷長垣獨能昇

其祖父櫬卜兆長垣厝之備嘗艱阻君子以爲孝娶文
媼知書舉丈夫子三人伯文山公官仲近山公宦卽中
丞父叔卽公名宰予以贊別號忠山家以機杼爲業差
足餬口公不屑也父母亦奇公骨相意氣不凡年十八
從師學一年舉其辭二年通其義三年以屬文文成示
諸先生諸先生皆善之而宋宜人來歸宜人烏林里處
士恩季女知書略與姑同甫并不溺帷幃之愛勉公鄉
學公學大成則母婦之功與師友等文媼病且死若見
二豎相促就道者忽辟易曰三舉人在也公時侍疾日
夕不去左右顏色微黑母寤語公聞冥司人言汝爲舉

大泌山房集

卷之九十三

墓誌

二十八

明

人必矣可無恨第吾不及見耳遂卒公哭之毀迨老誦
具言涕淚交集也年二十七應郡縣試以第一人爲諸
生又七年果爲舉人矣有司以金樹坊表門會伯兄坐
遁子錢窘甚遂舉前金償之向後家漸饒伯仲行賈業
並起歲時置酒爲處士公壽處士善琵琶公兄弟皆能
爲燕趙音酒半父歌而子和之餘響遏雲處士快曰雖
有萬金不易此樂公跪而加觴曰雖有三公不易此養
也仲兄病疫家人以俗忌逃匿公曰兄吾同體雖死將
安避乎手湯藥以進日相卧起嘗夜渴呼漿公出求火
天昏黑雨後淖盈尺無可措足俄有篝燈若前導者至

火所倏不見仲得飲漿而翁公竟無恙邑人以神所右也己而父卒罄其產營葬家且毀無可以供繼母陳甘毳謁選除安邑諭將迎母入官甫六日聞母喪歸矣時伯子已諸生兩弟俱有異稟構養中堂讀禮其中因教三子蔚為令器服除補蘭陽學無何擢陳留令其政在嘔拊姬掩齊民之形植黎累憂悲而不得志而抑勢家若鄉曲之俠為民患者民以訟來知其情偽析毫剖芒其銳敏若腐肉齒利劍具判素若山不移嘗署其堂之柱曰追仲由之三善期有光於聖教守楊震之四知庶無玷于官箴人謂公無愧辭云同時祥符令朱正色儀大泌山房集 卷之九十三 墓銘 二十九

封令顧夢鯉俱名進士稱神君公儷之為三五載稍遷守睢州州距邑百里而遠邑民失望哭送軹路既而曰無憂即有急走成公所耳治睢三載政如陳留而某子甲亦舉人也以氣力漁食閭里犯姦成富結納貴人有司不敢問匿罪囚塢壁中州使五百索之則縛五百榜掠雨下公踣足而怒呼騶導至其門捕監奴撻于市市人歡呼撥雲霧而覩青天矣橫民百千為羣禦人而奪之貨推埋掘冢道路以目在野雞岡老提嶺為最害公密使人縛其魁服上刑黨盡走出境有殺人北城者街卒射聲尋逐不得以白公公素聞其中有無良數輩迹

之一人卧褥下有血刀詰之以屠豕對公奮然而笑屠豕何避人為而負刀以卧語塞服辜曹倫左道惑人立氣矜奮勇力謀剽略郡縣城門晝閉公視事自如廣設耳目縣重賄禽倫諸邑解嚴然心媚嫉公而宋宜人卒官繼室張宜人操家秉稱公意三子皆有才名公益自負不隨俗媚上官郡守某檄取州五十金名曰無碍官銀公投檄地上焉有官銀而無碍者官銀有碍私銀又吾所無一州如斗乃公脫屣去耳執不與竟以此因謗罷官睢人徐駕部紀公政曰懲一惡少而無賴斂迹去一猾吏而舞文縮手治一蕩子而遊惰革面嚴城門之

鑰則羣飲戢清嚴更之舍則大盜息省里甲而見年無再會革買辦而負販無推直案無留牘獄無滯囚嚴明清敏之政父老所睹記謂為絕倫其言皆有按據無虛美云公聞之曰吾誠無得罪於民吾視貴賤猶條風之時麗也觀毀譽猶蚊蚋之過也已而伯子舉于鄉睢陳人相賀天之祚善乃在斯乎公日閉戶警書時花竹容身而游適情而行二三知友過從話農桑及人倫善事時為詩若小令酒酣以往或擁膝或曳杖而歌之今所存比業集通和堂詩自成一言張宜人舉子遂坐之膝偕諸昆若諸生授經程督點竄其舉子業日諄諄訓

之以孝反廉讓無以小快害道斯須害儀也其嫉惡不嫌面數而無藏怒人方媿憾而公已忘不省尤好周人之急隨所有施之不靳宋宜人佐公讀如樂羊子妻佐公養如桓少君姑文嚴不逢其怒繼姑陳和不忤以傲治生產短袂攘卷與家人同勤苦見星而起中宵而罷教諸子若婦如之其自奉儉貴爲大夫婦而縞衣綦巾敝則補垢則澣攜案之飯藜藿之羹無改於舊教諸子若婦如之詳具郝按察誌中公生嘉靖壬午卒萬曆己亥年七十有八宋宜人生嘉靖丙戌卒萬曆庚辰年五十有五子四人宋宜人出者伯達卽我虛公婦祝贈安大泌山房集 卷之九十三 墓銘 三十二

人辰州府判養蒙女繼以邵封安人倉副使士登女仲達諸生婦李復初女叔邁國子生婦部按察使永春女卽志宋宜人者也女二人長適胡楨子耀次適舉人段錦子承烈張宜人出者李遂婦張教諭文蔚女孫男七人伯龍乙未進士爲令爲南吏部主事今爲南戶部署郎中婦單舉人大章女仲龍諸生婦殷諸生炳女繼以王國子孫佳胤女叔龍諸生婦于諸生曰有女李龍婦殷嘉興府判詮女繼以耿諸生光庭女少龍舉人婦王諸生舉安女蓮出也見龍婦孫諸生懋賞女蓮出也附龍婦張舉人王鉉女邁出也孫女八人蓮出者二適諸

生李因商子長春諸生趙容光子用霖蓮出者二適國子生李登俊子諸生爲箕武定世子右文邁出者一適諸生于爾明子祚長遂出者三字國子生杜廷臚子某二待字曾孫男六人伯龍出者象嚴見龍出者象卿象琳附龍出者象瑗聘諸生楊景和女曾孫女九人仲龍出者一叔龍出者三二字諸生閻應賜子弘祚舉人張弘道子興讓少龍出者二一字舉人王養明子之彥見龍出者二附龍出者一皆待字宋宜人以萬曆八年十一月十有八日葬城西回回店新阡公以二十有七年十有一月十有五日合葬文部嘗憤鼎覆餗而國均大泌山房集 卷之九十三 墓銘 三十二

不平也草譚文爲黨人所窺中以計典事明稍遷民部丞論楚宗寬狀可謂邦之司直先祖無美而稱必不具然余後成公十年叅知河南分部大梁往來陳留睢陽間士民道公治行質諸狀不謬第惜公三事有文學而不得舉進士善吏事而厄讒口所爲詩歌類可傳而學士鮮有述者夫得一文部爲孫貽公令名長世三事何開公重輕哉銘曰謂孝廉必貴或不沾一命卽世而爲士師爲民父母踐大夫之位謂守令選擇而使必賢民或無得稱焉而與人之誦易地皆然豈無達官不必胡考而開八表荒裘佚老豈無高年不必多令嗣而子有

孫孫有子三世濟美身親見之抑有伉儷偕之隱顯今始令終內助非鮮優學優仕人所能乎多壽多男天所不可必乎天錫公純嘏公復何憾於人矣夫

奉訓大夫王公范安人墓誌銘

海虞稱王氏爲甲族其隱而以孝聞者曰廷美其仕而以政績聞者曰侍御舜耕曰憲副舜漁非隱而孝儷之起家非科目而政績儷之者曰鹽運副使之稷廷美之孫舜漁之仲子也字汝立而從父石溪公號見溪以志永思人稱見溪公云憲副公初娶錢宜人生子之龍繼章宜人生公三歲失兄五歲失父父家無長物惟沮洳大泌山房集 卷之九十三 墓銘 三十三

田四百畝章宜人課諸傭力耕而課子舌耕絕不以蚤孤有姑息侍御公友于弟而篤愛猶子發憲副公遺書授之輒泣不自勝手澤存焉音容安在所不以此繼志述事者非夫也十五娶范安人治女工綜家政勤儉一如其姑而公得務舉子業十九爲邑諸生自視欲然此吾父薦鄉書之歲也而吾僅此乎無何侍御復卒公哀之如父居恒深念弱一个焉猶懼不支而世父忽然家何以堪學日益勤遂病消渴母憂之先君子不絕之緒如綫而兒作勞不已如遺體何謝遣其師束書度閭專心方藥久之病已入太學凡八試不偶廢書而嘆必一

第而後效官飯牛牧豕者非人乎謁選人以例授山東藩幕標鑒通晤吏牒舉目暫視究其意旨諸臺使攝肥城令從容持大體要在成就安全之七月而頌聲作既代民遮留不得發復受檄攝長山令長山大豪田連阡陌以不入租爲健公曰是不可以肥城之治治也峭覈爲方爭賅抑絕爲置渠首干法民負輦相踵償數歲通四月又受檄攝霑化令霑化濱海斥鹵寬其收事使民歸農兼複與單輕相伍汙萊盡墾霑化又大治學使者屬校士品題甲乙衆服其允而先是憲副公以少參分部濟南有遺愛三邑人知爲公子世受王氏恩不可緩大泌山房集 卷之九十三 墓銘 三十四

百里公身往詰之此尺寸皆縣官物若胙土千里未饜而侵敗王略豈以吾輩無三尺法三尺劍乎立麾櫛之國亨瞿然泥首謝過諸夷聞之累息委命僉憲欽胡公卒官調棺斂傾橐爲道路費得還葬衣冠誦義三載者最贈父母如故秩而配范封安人尋有採木之役故事木直多奇羨公無所染費省而財足用渡黃河木有圍二丈長倍之者二忽逸而陷厥於中千人不可出爲文祭之迺起復見夢曰不欲遂衆木後可別舟相送如其言木行如駛大司空以聞詔賜金幣擢雲南五井提舉未上進福建都轉運司副使而遊已倦遽致其事歸蕭大沁山房集 卷之九十三 墓銘 三十五

侍御以公軼才不宜置散地推轂之公謝曰今吾欲仕何自免爲值建儲大慶晉階奉訓大夫北鄉而拜上幸不忘踈賤老臣安所爲報被服儒行以教子孫帥先閭黨而已少有至性慟不及父非就家塾朝夕母所不違跬步侍疾若與之俱疾不解衣者浹辰不嘗食者累日母有不豫色長跪流涕色和而後起既婚月一至婦室布榻母寢旁數命之退不去推母之愛及兩女兄一女弟思禮綢繆母哭兩孫疾滋甚旦莫籲天損已年爲母壽母卒擗踊號泣逾於孺子瞿文懿見之曰古之死存人也寢苦枕由斷酒肉之味足不出閨歲時果蘇

蜀叅之屬未薦不當其薦也淚如綆縻而時指遺象示諸孫此毅然丈夫節槩者若王父也此閉閤然有憂生之嗟者若王母也病革命孫奉象而至慟曰今日迺得事吾親地下矣左右皆泣莫能仰視其孝儷于隱士者以此范安人憲副來賢女也母錢宜人公爲錢氏外生范公相攸而奇公以安人字之十七爲新婦姑以貴家女不習事爲虞三日姑帥之見廟嘆憲副公不及見泣下霑襟安人亦爲改容去其綺縞金玉而椎布與女奴同甘苦操作姑大喜事姑如公之事母也無所不致愼公哭母眩仆安人手理含槨備物無遺憾家人千指分大沁山房集 卷之九十三 墓銘 三十六

職程功夙興夜寐至耄不倦愛其子而能勞飲食不滯衣裳不致飾課讀非中夜不休事公莊不以燕嬉見公困公車則慰藉之既仕則常進規願君視官如家先人之令範可則倣也願君無家於官先人之遺業可守成也公之事親孝歷仕廉雖目其天性乎安人與有助矣中年少子夭已失長子兩孫大者財十三公召其婦來阿翁五歲而孤若子不幸如之子且以若爲父而家復災邑有大繇終不以燬廢往役之義拮据卒瘞力不耐以家乘授婦族有覬覦者公聞而恚是將不利于孺子白譚明府其計遂奪七夕之朝若有見者曰適彼樂郊

爰得我所口誦佛號而瞑蓋公壯年好客客猥多晚屏
居歸依釋氏云安人哭子患末疾復哭公所苦浸篤又
三年卒公卒萬曆癸卯七月七日距生嘉靖辛卯八月
十有三日年七十有三安人卒萬曆丙午六月二十有
五日距生嘉靖己丑四月二十日年七十有八子二人
女一人伯子曰約禮十七為諸生有雋才游兩京太學
不遇鬱伊失志卒娶郡丞陳堯女司成寰女孫也仲子
天者曰隆禮女為諸生張福慶婦太學希齊子郡守文
麟孫也約禮二子伯胤忠娶錢水部時俊女侍御岱孫
也仲顯忠聘黃太學仕女參政時兩孫也未行而卒今
大泌山房集 卷之九十三 墓銘 三十七

娶于譚州倅光宗孫也孫女三人一為諸生孟方昇婦
文學楊清子觀察中孫也一為諸生陳耀卿婦太學斗
樞子郡守國華孫也一為諸生徐錫鼎婦太學待徵子
上虞令懋德孫也兩孫髫髻績文受知余叔弟慟其父
蚤世手述王父母行事數千言猶曰未悉而介叔弟請
志于余余節而志其章章效于事者如右銘曰烏衣子
弟斷斷龍鳳虎豹區分猗與大夫軼羣當官緯武經文
所至吏習民殷以淨西南夷氛三寸舌為三軍不義富
貴浮雲委而去之訢訢終身以孺慕聞觀厥刑于女君
克孝克慈克勤貽孫謀今陶薰念祖德兮憂慙海虞一

丘隱斧松楸佳氣氤氳史銘非虛美云令問長世蘭芬
夔州府通判何公徐孺人墓誌銘

余兒時入邑中待試則何公在諸生籍中聲隆起後進
嚴事之垂二十年公為陝西省幕余以參議至遜不敢
居公上公執禮甚恭而余不習吏事有所移文僚長押
書體倨獨公舉相告使謝過余益服公能成人美如此
公與余先後里居日聞其行事為國矜式公既没子圖
為狀而先之以舅氏徐觀察惟得之言使余志墓夫鄉
先生可祭于社者公其人也因為志曰公名器字汝玉
其先新安海陽人也南唐時有令達者為國子司業與
大泌山房集 卷之九十三 墓銘 三十八

弟國師令通至宋則許州節度使彬朝奉大夫昂先輩
明潤俱有聞傳二世為某則公之王父若父也公生言
貌異凡兒王母某奇之吾為何家婦六十年屬在中葉
其以孺子亢宗乎稍長就塾師受書一二過輒成誦又
善屬對父與其伯父心異公使從邑大儒張元學呻其
估畢夜分不絕母某聞之弗善也新安十九以賈起家
且儒孰與賈捷乃使從從兄賈景陵而公學不廢遂為
景陵諸生受室于徐徐故邑右姓義濱公某者諸生中
翹楚生女而失其母愛憐之特甚才公而妻之是為徐
孺人孺人從兄楚陵公者即觀察惟得之父也有人倫

鑑識公朝夕相切劘名日起試必爲諸生冠食縣官廩
矣公益厲志于學其文以昌黎眉山爲宗詩則少陵士
遠方行束修者日衆邑令丘公至欲執弟子禮公謝之
已乞公授其子經客有暮夜懷金丐公居間公艱然曰
吾抗顏而爲邑侯子師義不欲下人今乃作交關客自
點耶邑之薦紳愈重公願納交者履錯于道而會修邑
乘筆削倚公參半是時公父任賈而內政付徐孺人孺
人身與婢任織而課諸奴耕夜則並公案黠脂火理刀
尺度公欠伸方罷未明已求衣矣客至珍羞早莫充溢
圓方又衣食門下士貧者已遭父喪附於身若棺槨無
大泌山房集 卷之九十三 墓銘 三十九

明
纖介憾母嫠居海陽不能輦以來歲時具服食器用絨
致之凡數十年無廢缺皆孺人力也公既用久次貢春
官尋入太學大司寇夷陵劉公爲吏部郎合試天下貢
士拔公第四人久之除同知陳州事州人劉公爲吏部
郎實請得之州守樵李洪公號有幹局然多倚辦公公
明習法令所上爰書皆引繩墨切事情監司屬署長葛
縣歲饑米石千錢公爲寬徭慮囚罷諸苛政請命于神
一夕雨大降歡聲動四野去之日遮道車不得前三年
遷陝西有老父以金贈曰民往者中盜而疑其鄰之父
賴明公鄰父得脫吾因以有今日敢以爲報公笑而却

之吾不任怨亦不任德陝西方伯劉公陰公察公廉所
委輸少府金錢數十萬緡及更定權量汰諸侵牟率用
公議部使者露章薦公遷通判成都府後先獄獄百數
務在平反而鑄錢之令下官民病之主者用公條上利
害十許事錢法行而民無患亡何母卒歸新安奉父母
合葬服竟以故官補夔州蜀有事征夷公職餉會計出
納明允墨吏敢不得肆藩伯王公御史中丞郭公檄聚
公甚者已攝大寧雲陽建始諸屬邑篆課丁竈榷茶鹽
民與商樂公之不擾而雲陽至生祠公語在碑中建始
黃權爲仇家所構逃入蠻中私以金三十斤餽公公佯
大泌山房集 卷之九十三 墓銘 四十

明
受金俟其自縛來歸而後返之所部斥堠鎧仗繕治稱
奴爲一路最而齋廚索然先是徐孺人歲數夢所居第
有榴數株取食之比至夔與夢合私計公祿將無盡此
乎天定之矣而公嘗奉檄清雲陽田賦得匿賦千計直
指宋公上公功諸不便者煽蜚語中公坐左官律當曳
裾王門公雅倦遊徐孺人亦謂公君不以賈易儒不以
仕易貧妾四從君宦邸龜勉左右爲清白吏卽白首青
山不相負矣公乃上書乞長休告蜀中丞孫公固持之
不得也歸五年念徐孺人作勞久公始問家人產而務
爲撙節退讓口不臧否人物不侵侮不好狎甚爲鄉里

所安邑令歲以上賓禮公終其身公卒萬曆丁酉六月二十有九日距生正德丁卯十有二月十有一日年七十有九徐孺人卒萬曆己丑九月二十有六日距生嘉靖丁亥六月六日年六十有三公蓋傷孺人而病病九年卒始孺人生男子二人長曰多賢爲邑諸生娶程某女次曰多材娶曾某女其督教極嚴胥爲令嗣不幸蚤世今惟少子圖在圖亦諸生則助道者出也多材有女受貢士鄒某子聘亦殤兩婦誓不踐二庭遠者三十餘年里人有雙節之目焉孺人生女子于一人適邑諸生王亦湯女卒亦湯更娶有子孺人之如已女子孺人大沁山房集 卷之九十三 墓銘 四十一

之妹適於章章有子諸生中美公有猶子國字而教之與已子等圖娶熊某女生男子一曰凌漢女子三進士董公曆子某州大夫朱公高仲子萬億之子某其婿也一未字孺人葬以某年某月某日公葬以卒之明年某月某日墓在某所銘曰漸江水出天子郭中有何氏家白楊公載啓宇赤帝鄉南州女士占鳳皇和鳴雍雍媯與姜自遠有耀世乃昌錦城雲安郡相望別駕之功海沂祥疇昔提攜三尺囊丹鉛竹素雲錦章不階尺寸千仞翔在吳在楚國用張四民士冠農工商有經安問簞中黃閨胡往視何公良

承德郎陳公許安人墓志銘

余往分部大梁余宗漢先生自莆田見過置酒繁臺之上先生東鄉而言吾鄉有陳宦溪公者故今沈丘民至于今見思君所部得若人焉爾乎余愧莫能對其後行縣入沈丘則陳公已祠名宦而其門人劉左丞談行事更悉低徊祠下而去踰二十年公仲子彥宗以余先生所爲公狀乞余志墓此固所心識想見其爲人者也公諱遠之字茂漸別號宦溪漢太丘長仲躬後隋大業中十九世孫邁爲莆田兵馬使因家焉後有爲勝國承事郎者家輔由梅洋徙城東龍坡數傳至與謙與謙子明大沁山房集 卷之九十三 墓銘 四十二

善明善子珪珪子俊珪舉于鄉爲文昌教諭俊累官資德大夫正治上卿太子少保南京吏部尚書謚康懿祖父贈如其官康懿子天秩太學生天秩四子公爲仲蚤歲喪父伯季復相繼夭而叔氏孱母吳安人孀孀在疚也竭力共子職無勞母尸饗母憐愛叔氏公不有私財而婚嫁其子女五人如已子女母好施委曲務當其歡卅角補郡諸生二十四以高等受廩會有詔拔諸生茂才入太學母限年次公與焉數試于京兆侂第而失之謁選得沈丘其地在河南淮北頗有桑麻之業而寡積聚人民懼忤好氣任俠爲姦令初入界里胥以百金爲

共張費公麾之去服用羸敗終不改易嘗曰吾聞之裴
俠清者蒞政之本儉者持身之具固其困窮非樂名也
志在自修懼辱先也某雖不敏請事斯語矣日進鄉三
老若諸生問民所疾苦人人得盡言無諱而斟酌用之
春秋巡阡陌勸農桑實勸罰偷民有恒產焉聽訟集兩
造示以情示以禮示以法往往感悟解散其不若者杖
而釋之終不加罰亦無訛散惠姦盧氏子富而恣睢凶
德參會里人仄目廉問有狀縛而置諸理民歌舞于道
當上計主者以賦不及額尼之民憚心自恨負我慈父
輦任輸金粟肩摩踵逮一日而課乃居最士鮮知學數
大泌山房集 卷之九十三 墓銘 四十三

詣學宮或召之廳事便坐身爲主客數番談說經史授
以故時公車之業使倣爲之點竄再三務求至當士佩
服其教淳勵觀摩劉漢儒卒成進士張四術登賢能書
爲邑令劉卽所謂左丞也治邑可九年吏習而民安之
宜以循良徵而會給事省聞其鄉人爲政偃蹇舞知公
心非之恐洪濤蕩蕩餘波見漂一日語公卿清貧必無
還資所善知識有須尺寸之進者我無所愛公曰忝爲
部吏不能光益上府豈以鴻都之事仰累清風其人頗
赤深相非望然無如公何僅以常調權判淮安郡事沈
丘人泣而遮留之不得繼屬而送者累日公於郡職督

捕而隨英號利數主者稔知公廉檄公任之賈人囊萬
金介貴人跪行爲千秋之祝勅謁者無爲客通客固請
則大訶將以屬吏懼而反走或諷公不爲子孫地乎公
譬之曰孫叔敖子貧困負薪以自飲食夫非獨叔敖賢
其子亦非凡士也且夫家有不宜之財則傷此所以廢
之何在其所以存之矣若無爲乃公過計島夷寇畿輔
郡邑驚愕卒起不意盡失其度公警四疆之內守亭障
者參列除道屬之於河粟糧漕便食支半歲械器被具
所以備者稱此鄉人逃寇入城城門晝閉不發公曰守
以爲民弃民於賊可乎審其音聲面貌繼而上之所全
大泌山房集 卷之九十三 墓銘 四十四

活數百千人賊至石矢雨下不敢進適大將軍劉顯兵
來公居爲隱蔽出爲鴈行其威內扶其輔外布矣郡恃
以安公功宜上賞而以從事獨勞所患寢苦遂卒卽中
素簾數枚盛故絮蠹簡坐無完席甕坑無儲太守劉公
爲調棺斂而歸淮安人向方而道哭抱手而更行沈丘
人招魂酹之已請于諸臺以名宦春秋祠公元配張安
人繼以翁再繼以林三繼以許安人許故名某父某母
某年十八歸公二十舉仲子二十一公喪安人將死之
念仲子貌焉疇依扶公柩與兒歸間關憂虞因病痿而
島寇陷莆城強起抱仲子走山中餒憊僂得無死歸則

家中兵燹赤地無餘日夕績而餬口仲子長造就外傳
驚其名田供束脩費慟公早世非飲食惡衣服奉大上
象持齋終其身而祖禰蒸嘗豆登豐潔賓朋宴集肴核
充盈君子以爲當禮仲子三十年不第安人不色愠古
人顯親揚名豈在爵祿哉見所與游賢豪長者則欣然
樂之其達識如此公生正德庚申六月二十有四日卒
嘉靖丁巳九月朔日年五十有八許安人生嘉靖丁酉
十有二月二十有五卒萬曆丁未三月十有三日年
七十有一子二人伯所履郡諸生娶諸生鄭一鵬女翁
安人出也仲所傳即彥宗邑諸生娶知縣林成立女許
大泌山房集 卷之九十三 墓銘 四十五

安人出也女一人適太學生丘璉張安人出也孫男六
經祖平海衛諸生娶舍人邵某女嵩娶柳某女崑娶林
某女所履出也張娶庠生鄭某女鼎娶黃某女遷未聘
孫女一人適諸生黃某子某所傳出也公與張翁林三
安人墓在文賦里湯亭山而許安人墓則在某蓋余讀
余先生狀而有餘慨也陳公廉而不劇直而不絞能使
沈丘人俎豆不忘而不能見重於鄉里上官能以身准
郡禦賊而不能使其家無爲賊所毀能以清白貽子如
仲子有父風而不能以有餘不盡之澤使子受享仲子
一歲失父又深惜其母盛年操寡婦之笏撫孤踰老而

不得以祿養又不得以節聞于朝余先生稱其哭母嘔
血數斗有以也銘曰猗與康懿生而鼎貴沒而得謚公
爲廉吏以死勤事祖武是嗣厄于下位卹錄不至美哉
伉儷食貧守志莫知我勤天視民視何同何異名宦有
祀舊史有志令問長世康懿無二貽爾後裔錫類不價
贈文林郎陳公元配董孺人墓志銘

贈興化令鄧山陳公名宗器字世寶浙上虞人也陳氏
之先齊人宋迪功郎英從宋南渡家始寧曉山某傳而
世爲儒官又某傳而輝以進士仕某贈公實其從孫而
以子今上元令宇貴云贈公少有大志受儒書會父母
大泌山房集 卷之九十三 墓銘 四十六

並廢疾伯季糊口四方贈公獨侍二親凡十載奉食飲
輔藥餌相起居就養無方家計從此就窘服勤致死未
嘗有倦數色已娶董孺人舉上元兄弟攻苦力作有谷
風龜勉同心之義焉事伯兄次于事父白首不敢鴈行
撫少弟遺孤引與已子等里有鬻妻以償責者憐而資
之遂爲夫婦如初非其道義一介不取人人有遺金拾
而伺諸途還之如是者凡數輩四明良家子汪貧弱爲
豪黠齟迨死以身捍蔽疏其枉干當路建隆陳某聘鄭
女爲子婦鄭嫌聘薄將携女他適要之歸陳氏兒居平
退讓樽節言悛悛不出口雖厮賤遇之以禮而見義必

爲卽勢力莫能奪大都類此以故鄉人高其誼有違言
咸曰陳公長者較然不欺相與質成片言心折或踵門
稱謝絕不受晚好奕日忘食夜忘寢客至忘起惟子姓
以宗譜就正或婚喪儀禮及緩急歸命者手落子而口
應之如嚮董孺人以婉聽承尊章以勤儉治生以嚴正
御家衆以敦睦處三黨四隣當厄時貸于知故必不相
負或典衣捐名田以償曰背德寡恩者不祥畢此而後
卽安朔望率妯娌子婦謁家廟他時足不踰閭諸子以
事咨決揆可否得失丈夫不如上元兄弟生且皆慧而
贈公喜吾不得以儒成名慰二人地下是在孺子督之
大泌山房集 卷之九十三 墓銘 四七

繼孟氏忠蔡太學生娶葉氏忠益太學生娶執金吾俞
某女俱字出 忠讓娶汪氏忠謨娶龔氏忠誨娶葉氏
俱字出忠俞娶許氏忠肅諸生娶姚氏忠謨娶丁氏忠
肅娶何氏俱字出忠芳諸生娶汪氏忠肅娶愛俱字出
孫女二宰一歸諸生潘汝贊字一歸諸生朱某玄孫十
一人國璠諸生娶諸生黃金鼎女刺史醒泉公孫國珍
聘典簿汪某女國琛俱忠蓋出國珩聘太學生沈承烈
女巡按廣西監察御史慎菴公孫女國瑛國瑞忠蔡出
蓋一忠蔡三長字太學孫應本于某卽禮部右侍郎鑑
大泌山房集 卷之九十三 墓銘 四八

湖孫忠益二長字聞鑑于卽昌化諭宗望孫忠謨一餘
俱幼未字銘曰俠可能也貧而俠爲難隱可能也俠而隱
爲難孝弟而家人齊廉讓而里人安有偶相之諧如和
鑾有子似之芳如崇蘭訓於庭效於官濬其源揚其濶
封有樹兮廟有厘帝錫命兮龍文蟠金石永兮名靡刊

大泌山房集卷之九十四

京山李維楨本寧著

贈南京光祿卿劉公向淑人墓誌銘

處士劉公歿二十餘年孫小魯先生為陪京光祿勳會
今皇帝卽位覃兩宮恩贈公如孫官配向為淑人有司
亦以是年條上公行誼祀之鄉先生更伐石樹故阡而
屬其門人某為銘按狀公諱漢字某夷陵人也父永深
母王氏公生十年而孤又九年而失母並能以古禮襄
事唯謹識者竊異之宜都向公聞而歎曰劉氏其興乎
伯有息女賢吾為擇對人矣宜無如劉氏子女之是為
大泌山房集 卷之九十四 墓銘 一 晉陵李維楨刻

向淑人淑人裝送資賄故豐而公家徒四壁立悉出以
佐公公始習經生業已奮曰丈夫生七尺軀欲白首挾
策何為乎遂去之農而淑人亦韋布椎髻率諸女斲日
夜治紡績績紵練緇之具澤之萑蒲藪之薪蒸圃之果
蔬各有經紀其為縑素阿錫纂組勝囊皆美好以售於
市得息或三倍其為蓄殖酒醴醢醢燔炙以食客客無
不稱善者公既得淑人而費稍充則一切置不復問獨
雅好古昔間巷馴行之士孜孜為善如不及焉所急者
公賦雖歲儉不敢負租課所敬事者邦之大夫雖閭室
聞傳呼聲必起所不忍者人之緩急有鬻子而償官通

者公具為區處子得無鬻膏渡河遇棄婦且自沉亟脫
之還語其夫遂為夫婦如初所篤厚者宗親同產弟淮
賈蜀喪其資無以歸身自往歸之不問一錢叔貧且死
執其手曰以貌焉二孤辱在吾子公泣下撫膺自誓願
無忘叔父之言姑適冉雲而接又無子諸費皆倚辦公
公且老有母弟少過諸途執禮甚恭曰猶吾母也奈何
以小弱故易之所輕者貨財人有亡金而家人懷之者
趣還之亦不受謝家人或擿直得貨必更給務相當乃
已所厭聞者爭訟里中豪奪負郭田子弟欲詣上官自
理公恚曰若不聞古有讓畔者乎卽訟其如豪何鄉鄰
有鬪者為居間衆輒聽其言諸偷或更相恐爾不畏劉
古直耶以此四方賢豪長者察公之行事爭交驩公矣
公年四十伯子大賓始生淑人喜曰仁者信有後矣萬
方育之以無詒公憂無何舉仲子大賢而季大有蚤卒
化二子長遣就外傳授毛氏詩歲時伏臘淑人脫簪珥
待脩夜篝燈課讀達曙以為常卒之伯以明經薦仲不
失故業光祿勳既仕淑人摩挲自喜已復潸然隕涕痛
不及公之存也孫男三大賓出者一曰一儒卽光祿勳
弱冠登進士為吏部尚書郎有名功用方興大賢出者
二曰一卿一相孫女二曾孫男二女二公生其年月日

卒某年月日年若干淑人生某年月日卒某年月日年若干葬某所余考楚故實蓋多隱君子云其著者老萊子龐德公非獨其夫德茂也要亦有柵內之助焉以今觀公與淑人良然公苦食貧而淑人黽勉不至育鞠公好施予而淑人不牽以姑息之愛至于今子姓貴盛璽書褒勞郡國大夫博士弟子世世俎豆不衰絕彼其初設心操行豈謂有今日哉王太常每爲余言郡大夫欲以三老禮公公謝曰臣之少也猶不如人今老矣奈何以筋力爲禮夫隱不絕俗貞不爲名卽比公兩君子間可矣余因以多向公能知人也銘曰何以名祖曰始受

入泌山房集

卷之九十四

墓銘

三

士

命曰祚物先王者往也父母而王家歸往焉劉公厚德刑于其偶齊眉比肩匪直家人人歸往之通國亦然厥有聞孫受命于帝受祚于天孰先孰始若原卬浦而後大川尸祝俎豆社則里父學則鄉賢五文之誥爲龍爲光施及三泉禮不云乎稱揚祖美有銘以傳斧如堂如華表軒如楚君子阡

贈湖廣副使張公姜恭人葉太恭人墓志銘

張觀察之令祁門也余時羸服游吳越間公跡得之傾蓋如平生歡又十餘年而來觀察楚幾七載上於臺省臣有所銜忌除書不時下而以奉表行過下

邑是時早太甚家人道暍死余謂觀察何自苦觀察慨然曰官久矣不遑將母圖歸省耳已承葉太恭人訃而知觀察方在都也明年余起家入蜀使使致唁而知太恭人方在殯也居頃之余有浙臬之命而觀察慟贈公姜恭人之弗及祿養也慟葉恭人之弗及含殮也手狀父與兩母之行以誌墓請父爲處士文窩累贈如公官嫡母姜與生母葉爲恭人而葉恭人以後卒加稱太贈公姜恭人葬邑西之翔龍山形家言不吉改卜河東蓬瀛山合葬蓋張氏之先有良三者自湖廣麻城徙廬再徙內江子權善爲星授縣陰陽訓術于彥理贈戶部主

入泌山房集

卷之九十四

墓銘

四

士

事子介以進士歷官知思州府名宦鄉賢並祀之子作襄舉於鄉爲襄陽陽武潛江令致其事歸與大史張玉溪公爲詩社相甲乙紀于邑乘則贈公父也潛江公娶高孺人舉三子贈公最少少慧穎目所過書輒誦之不矢又好觀史能以古事策今成敗衆賀潛江公有子潛江公亦喜叔子不減吾父亡何二兄卒遺孤弱小而潛江公夫婦篤老矣贈公廢書而泣必以是取富貴乃可養父母人壽幾何秉耒先家衆耕晨昏定省無恙則其日皆在田田庚與公宦家子何善農乃爾豈其習汜勝之書耶贈公初娶于華而天繼娶姜恭人相贈公事尊

章爲酒食衣裳瞻察卧起抑搔苛癢唯謹潛江公夫婦相繼沒治喪與華備禮伯仲氏之孤仰成而已而復爲之受室爲之延師先是潛江公憐伯仲子失父蚤爲別置田廬貽之客諷贈公而翁生死于君取給君產挫矣二孤何故獨豐公謝曰令我有贏當乞二孤而况父命客不聞昔人立孤者耶是意氣交耳而况吾兄言者慚而退公中情見貌不以人所不能病人不以已所能上人人或稱人過則掩耳不欲聞而三黨四鄰貧無食死無歸貸無償者資之無惜色年七十餘行之無倦色有司高其誼禮爲鄉飲祭酒卒遜避不應也姜恭人者同邑處士萬壽長女未笄而以貞靜聞既歸公內成公孝而外助公施晨起掃除庭與熱香禮大士朔望不食飲而數舉子不育迺有葉太恭人太恭人舉三子觀察爲仲太恭人既以子取重贈公而非時不進御姜恭人以太恭人有子不無嫌奪嫡太恭人事之莊如事姑操作任最勞者衣食取最下者姜恭人訓觀察兄弟嚴脫簪珥以資脯脰夜難脂火手刀尺其旁聽伊吾聲小倦杖下矣贈公意難之恭人正色而對君之愛子也以姑息妾之愛子也以德太恭人前解公女君言是觀察兄弟率循其教而補博士弟子員試往往爲冠首恭人勅

厲如初觀察登賢能書而恭人稍歡贈公攝而謂恭人爲兒父者兒母也太恭人拜而謝恭人爲兒母者女君也觀察一上公車不第而贈公卒再上公車不第而姜恭人卒三上公車始第而令祁門奏最贈公得爲令兩母爲孺人已爲觀察奏最贈公晉觀察而兩母晉今稱葉太恭人每受命必服而詣贈公姜恭人之祔稽首涕洟淵下老婦何德而獨享此孺子勉之無負君親觀察兄季閔邑諸生後贈公九年卒弟季有令申非獨子不歸養觀察深抱慟於太恭人也不若爲孝廉之無憾於贈公姜恭人也贈公名叔寔字真卿別號文窩生弘治甲寅正月二十日卒隆慶壬申二月二十有七日年七十有九姜恭人生正德己巳二月八日卒萬曆丁丑閏八月二十有七日年六十有九葉太恭人生嘉靖壬午七月十有四日卒萬曆戊戌八月五日年七十有七男子三人長卽季閔娶于余仲季思卽觀察由令高第徵授御史以伉直未幾出爲陝西僉事遷其省叅議轉餉平寧夏逆賊有功遷今官娶于余累封恭人叔季有娶于王繼季女子子一人諸生余申錫婦孫男子十有二人孫女子子三人蓋余草公志黯然輟翰者數矣公友于二兄而及其孤讓產勸學雖人譴無間也家有小弱

弟無辜爲人魚肉豈不告哀如彼充耳獨觀察惻惻援拯則自贈公錫類哉是宜銘曰爲貴者父爲貴者子人有恒言樂無加此父則郎官子則大夫公處其中樞棟宇蒲厥行維何維先孝友睦姻任卹有孚盈缶業不父息名不子顯述之作之棟棟何選猗與女士齊眉比肩豈惟僂德偕老大年煌煌帝命史書于冊亦有舊史銘墓中石墓得吉壤號爲蓬瀛聲靈咲盼與僊長生

贈禮科右給事中齊公劉孺人墓誌銘

蓋齊公年五十有一而沒沒十有九年而子汝訓以司諫出守德安政聲爲楚二千石冠汝訓不佞禮聞所進

大泌山房集

卷之九十四

墓銘 七

士也居恒傷其翁姥生不鼎食又以下不詳公遺事爲恨久之始具狀來請銘按狀公諱聞樂字宗舜人稱之近壇先生上世自安丘徙濰暨公曾王父臻以隱士著邑乘中娶於孫生翺翺娶於寧生英英娶於徐生公公娶於劉生一經卽汝訓次一夔再娶于信生一中英兄弟三人皆受賈凡三致千金而英稍涉獵書記晚益好之有五子公爲叔性警敏日可誦數千言英大喜曰奇貨可居也烏用贏金爲盡出家所藏書授讀且盡則假之它人已從里中師爲舉子業輒就而衡水楊司馬宜方爲維今號有人倫繼都試邑童子以公爲首公年甫

十有四楊公異之爲延致署中身督課焉而公日奇進則又以茂才異等薦之學使者無何母徐卒免喪以儒士第一人補邑博士弟子貢而劉孺人尋歸公劉孺人者二歲而孤育于伯父麓泉博士爲相攸久而得公公雖席父資乎以不問產食貧六禮缺不具博士公嘆曰大夫貧也非病也吾何患爲裝送甚豐孺人椎布操作夜理絲枲佐公讀書聲織聲相和達旦也于時大中丞曾公撫山東徵所部士能文者百人爲社皆人人自負公徐出文一篇奏之則人人謝弗如公嘗謂太公之治齊周公之治魯皆王道也而晚世離之故變有難易曾

大泌山房集

卷之九十四

墓銘 八

公亟稱其言一時薦紳學士轉相傳播公名繇此重矣膠東崔大夫聘爲子栢昕師六籍百氏叩之響應率以口授業大夫睨公箚中亡何有也驚怪爲神自甲午以來所就試臺使監司郡國守相無不占異等會數奇九上省聞不利辛酉學使者袁公來校士首公其秋省試詩我稼既同上入執宮功士頗困獨公春容大篇卽宿構不如它義稱是弟子栢見而敞罔靡徙者彌日栢舉第一人公竟被放濰今李有事于闈還語邑諸生曰若如今歲有解元才而不得第者乎其文矯矯西京氣爲諸生誦之則公所撰也令愀然而公亦自審非戰之罪

稍謝絕佔俾矣明年袁公再按部試廼寘公下等當就吏公曰吾不欲爲老儒生奈何以司空城旦書汗我諸生皆號泣前爲白狀袁公持不可踰年集諸下等者數千人覆試之得百人公復屈其行屬有他嫌不果復無何卒矣公長身偉貌而脩髯目炯炯瞳子聲如洪鐘類河朔大俠意氣激昂耻下人鄰有貴人陽浮慕公欲館之或曰齊先生非所能館也其人盛供張召公公坐上坐侃侃持論亡所避度公不能屈遂罷公喜食酒至累百觥船不醉酒間援筆爲文閎肆奇崛若天授者既喪母徐而父繼室花有子聞書則盡逐公兄弟出皆不勝

大泌山房集

卷之九十四

墓銘

九

七

怨公獨安之伯兄聞某依外家以織膏累千金產忽暴病死并喪其子若孫外家盡沒其資爲迎丘嫂養之終身仲兄聞弟聞詩糊口四方行求得之則以家政屬聞詩而歲所食縣官既廩與弟子束脩數百金悉付之劉孺人雅能佐公爲德撫其伯兄女如實出已博士有三女稚者資孺人而後有家公窘於繼母孺人事之無忤色以勞瘁死而博士復卒官公哭之慟自是飲成醉矣旣得汝訓而名之一經吾以此訓汝豎子母似我然不爲章程句校聽自如汝訓爲今考最爲給中值單恩兩贈公如汝訓官而二母爲孺人其贈公詞曰蔚有

時名卓爲士望蓋實錄云汝訓不欲以身貴掩公之誼偃蹇于今而始樹石從封號題其墓也間嘗爲不佞言諸城丘公櫛者嘉靖間名臣一日策蹇剝啄造公公時它往劉孺人察容有異狀炊黍趣公歸丘公故設義相難不能下劇談移日乃去沾沾色喜曰山東豪傑唯吾兩生耳濟南李于鱗文章名家素不習公邂逅譚丁酉大比士余心服一落卷云云公曰是某也遽引與均車苗在膠東時大司寇劉公應節大司馬石公茂華少司馬遜公鳳翔數與往還公抵掌揚摧經史談說古今江河流而風雨集三公爲忘倦也齊魯于文學自天性數

大泌山房集

卷之九十四

墓銘

十

七

君子者世所稱賢貴知名長者也而願託公爲布衣交豈虛也哉國家罷詩賦以經義取士法甚正齊公以彼其才陪於一第不得以儒衣冠終假今早脫離舉子業必卓犖取功名自見不則爲古文辭成一家言而摩崖乃爾夫偶儻魁偉之士賁志以死而名不傳者何可勝數也公晚而逃之醉鄉至不欲強其子學意良可悲矣不佞故爲之銘其子女婚姻生卒月日具汝訓狀中銘曰人不可以無年吁嗟乎齊先生績文修行泯泯寡傳人不可以無子吁嗟乎齊先生國有制詞銘有舊史

封吏部主事成公朱安人墓誌銘

歲辛未不佞校士禮闈則今山東憲副成君惟謙在錄中惟謙筮仕廣昌令以才異等改南陽復以治行最擢吏部主事稍遷員外郎其僚倚與援爲奸利惟謙不能容坐外補叅藩山東久之遷今官備兵北平海內賢士大夫爭推轂之而會有近山公喪旣歲葬事則走使千里屬不佞爲公志坎中之石夫以惟謙矜節脩能其於顯親有餘地矣安事不佞顧公仁心爲質慷慨赴義蓋亦有足多者焉乃按狀而志之公名宦字以緡父曰凝所公岱母曰文碩人兄曰官弟曰宰疑所公少孤又不問家人產性獨好酒酒酣以往爲曼聲長歌拔劍起舞大泌山房集 卷之九十四 墓銘 十一

者取其券而焚之曰吾家故編民自吾弟始顯天啓之矣阿堵物何與人事以汙口吻耶濟寧人聞之大喜祝公多賢子弟也其後惟謙舉復如是少子道舉復如是邑之人語曰無謂錢無母成公實我母無謂錢無子有子如成氏客王生者自言受禁方丹砂可化爲黃金以示公公謝不受久之術不效局其戶跳京師貧不得名一錢遂投繯而死公召故與王生善者啓戶焚其書曰籍令丹砂可化爲黃金而死如是安足貴乎所餘衣履篋簾諸君各持歸以愧夫世之好迂怪方士之談者南陽豪楊棟與諸王孫有連多行不義惟謙爲令廉知狀大泌山房集 卷之九十四 墓銘 十二

棟懼陰使人以千金爲公壽公大怒將禽之其人遁走終惟謙令時棟不敢歸南陽公讀書懷獨行君子之德義不苟取類此而于孝弟日孜孜焉若時從父佐從踐更被酒爲縣尉所窘且笞之公以身翼蔽其上暴呼曰伯且莫人不任笞明公柰何以醉飽之過死人乎尉爲起謝某子甲與季不相能持之急公聞挺身而往爭之吾始以公爲長者也乃今而知公非長者必欲衆辱吾弟公不自爲地耶甲乃已文碩人卒傾橐營兆域比於原氏阡家以中落而邑復中水蕩廬舍幾盡疑所公繼室以陳碩人耦耕城西田間公旦暮自上食擊鮮刺肥

古人爲忘貧也疑所公卒公髮種種矣哭不佞禮無容
葬從其厚然非效原巨先樓君卿以自爲名事陳碩人
如文碩人禮惟謙嘗登公之京師未匝月聞陳碩人病
并道歸碩人謂公吾鄉者脫簪珥令而兄弟出錢邑人
今何在公度貸者莫能償代爲償碩人而乘間請以周
三黨之急者碩人業已病困亟首肯沒而持服哀毀竟
三年伯兄病公體適不平強起經紀其喪哭而過市市
人皆哭邑博士弟子上公行誼賓之鄉射固讓不往惟
謙以令考最得封公如其官已爲郎值上覃恩晉今封
最後有詔諸故受子封者得服其服公所繇金緋矣當
大泌山房集 卷之九十四 墓銘 十三

公言丞可去不可以諸生言去使者大悟惟謙爲吏部
公不色喜也旣外遷不色愠時移書命之曰東虜數創
而憤我深西虜數通市而窺我熟三衛寢我闥而持二
心吾聞北平京師臂也脫有故必先及難孺子勉之其
通達國體明習四方之故縉紳不啻過矣公元配爲朱
安人寔生惟謙先公四十年卒懿行不甚著而以惟謙
累贈安人繼朱者王累封安人惟謙旣慟母蚤逝缺然
祿養公且老不欲之北平公不可令兒得一當虜以飲
至之爵爵我不大快哉惟謙遂行明年殤見於足頗劇
惟謙方以城守功受賜金使使告公公猶撫牀而莫兒
何以酬國恩已呼中子達少子道而詔之曰人生如夢
吾得其佳者也遂逝蓋公嘗病夢若有人引之度石橋
者覺而病已好施子彌滋甚卒之日夢邑大夫召之飲
辭而田中傭亦夢有貴人謁公車騎雍容甚都其明夜
公病卒不起萬曆甲申十有一月十有三日也距生正
德丁丑七月十有二日年六十有八朱安人卒嘉靖乙
巳二月七日距生正德戊寅五月二十有一日年二十
有八子男三人遜卽惟謙婦趙是爲處士守才女繼武
是爲處士尚嚴女俱封安人遜邑諸生婦侯是爲靈壽
論華女道已卯舉人婦陳是爲省祭官守時女孫六人

出者其德邑諸生婦陳是爲生負應瑞女其行邑諸
生婦段是爲少尹煉女其節聘于李是爲舉人遂女其
業聘于夏是爲戶部主事潛女遂出者其學聘于李是
爲吏部郎中化龍女以善文章名狀公與安人者也道
出者其功女二人婿爲李懌陳光範孫女三人曾孫男
女各一人公先世山西澤州人其家長垣從其祖朴始
占籍時主書吏誤書成曰程惟謙郎吏部上書請得復
故姓亦公意也銘曰班固短太史公述貨殖崇勢利敘
游俠進姦雄貨如成公勢利何崇成公任俠何名姦雄
仁能取予勇決斷疆有所守智權變振人不瞻先貧賤

大泌山房集

卷之九十四

墓銘

十五

上

諸所嘗施唯恐見何以銘公取兩傳下報太史吾無間
封刑部主事尹公安人墓誌銘

今鳳陽守尹乾泰生四年而母李安人沒葬汚之長湖
又二十年成進士令清豐徵入爲郎出守鳳陽八月而
父比部公沒形家言長湖地偃溺更卜漢陽之磨旗山
合窆焉乾泰標心飲泣而呼曰天乎母何以不逮孤有
鳳陽也孤何以鳳陽故不得奉父合也則思所以不朽
二人者而屬某志其墓某不佞于乾泰居相近交相善
也按狀而爲之志比部公諱齊字德思別號復吾安人
諱淑真其先皆江西吉安郡人弘治中公父邦浙婦翁

謙始徙漢川邦浙能磨礪調聲以高年賜爵鄉三老諸
爲人談笑多聞以處士終兩人相得亡間也遂締爲婚
姻公六歲喪母熊孺人二十有一歲而安人來歸則三
老公之膝奉當室東濕諸子婦公既以父命治儒術爲
邑諸生里人遺其子弟來學所入奉悉以充甘毳而安
人椎布操作夜分甫就枕未雞鳴輒起冬龜手夏汗沾
背不少休以爲常三老公大喜語諸子婦異日得孰與
仲多公葢仲子也更五年而食指日益諸子婦好生分
公脫身出囊無一錢獨益自奮夫牛衣而卧者非人乎
安人杼柚相之不遺餘力公居恒謂安人而以織耕吾
大泌山房集

卷之九十四

墓銘

十六

上

以筆耕安事洛陽二頃哉所親數尉存之賴不乏絕而
安人時從容爲公言大丈夫生而爲首陽之餓夫固當
奈何死而爲若敖之餒鬼也君年幾四十矣宜亟圖之
公不可吾與若攻苦歟淡豈一端而已幸而苟有不欲
令新間舊也詩不云乎不念昔者以我御窮安人恚曰
妾私君之寵致君無後以爲大僇義之所不敢出也公
乃有今副室蕭而安人業已娠其明年乾泰生人言安
人後其身而身先儻所云天道非耶甲寅安人病七日
轉劇手乾泰屬公曰妾與君拮据倜得今日繼我者必
如妾妾不死矣吾兒甚慧無若東家子幸爲儒卽貧若

君妾不死也公乃有今繼室彭而思安人訣時語于心終不忘乾泰稍長即程督鉤校之歲庚申邑大水家人四出餬口公晨起操舴艋載兒往從其從父塾中受書迫莫還載歸父子巢居誦聲前唱于隨唱喝也公凡一再省試會數奇被放因罷去爲都護府掾故多暇攜乾泰舍中讀蚊室搏體不顧小倦一童子引其肘無得假寐客或說公長君不幸蚤失恃何復以此相苦公曰不然使兒情則無成吾負若母矣要束之如初公嘗病夢謁神若青帝者詔之女且不死今而後可二十年芴綠衣擁盾者眎之木簡尹某爲某部主事公驚寤病良已

大泌山房集

卷之九十四

墓銘

十七

士

而乾泰尋籍名博士薦紳學士交譽之公遂謝掾不復就乾泰初治易已改治三禮治三禮黃人最著則遣之黃黃距漢五百里涉大江去來每別持其踵而啼曰吾不得於儒去而之掾不得於掾去而之農兒無似我乾泰貴而公喜可知也仕爲令治有異等之效三載考績封公如乾泰官安人爲儒人爲郎廷中稱平值

上以建儲班慶公與安人晉今封而公深自異其夢之符也移書乾泰死生由命富貴在天孺子強爲善而已矣公豐願而齋背七十不頽白然自以居泰不忘約事大小率身綜理以此善病乾泰亦心念公上書乞解官

其指甚哀兩臺尼之居有頃公卒病革呼侍者曰吉日兮辰良吾往矣遽起沐浴更衣而逝乾泰有弟三人彭出者應亨蕭出者應利應貞俱爲諸生公教之一如乾泰乾泰者應元字也語曰豐年玉荒年穀人情哉夫儒首四民冠六家則人人言之然而儒卒不勝者彼其取效捷而此難踰度也尹公不以身失儒之利必成其子安人甘食貧以佐公爲儒旣死能以儒成其子不厭糠覈卒無二心尹氏文學自公垣墉鳳陽塗茨因以斌斌江漢間鄒魯之諺曰遺子黃金滿籬不若一經然則儒何負人哉夫爲人父子夫婦者觀於是可以興矣公世

大泌山房集

卷之九十四

墓銘

十八

上

系及安人生卒葬月日子女婚姻名族詳應元兩狀與太子洗馬陳元忠所爲安人志中不具論銘曰維公受姓自周吉甫崇珂鎮吉世有其土中葉曠僚與毗隸伍比部崛興以繩祖武繩武維何經術是厲無成代終亦有伉儷教誨爾子不顯亦世皂蓋朱轡皇皇高第稽古則榮無曰靡定父兮母兮誕膺帝命士也自貴貧而非病神示之夢天篤其慶章江濬源漢則涯之旗山表阡漢則榮之承家開國振古如茲於戲來體其永繹思

贈刑部主事劉公陳太安人墓志銘

贈比部郎捐齋劉先生以萬曆甲戌十有二月十有三

日卒繼室陳太安人以庚寅七月二十有七日卒墓在雲湖山陽旣十年而其子比部公從形家言改卜玉屏山更葬葬有銘內坎中而公與不佞某俱上計京師則授簡使某任之先生慈谿人也先大夫爲其里人馮侍御公所舉士于今三世師友交遊無如慈谿稔而季弟又與公兄弟行中有同成進士者知先生家世滋詳當宋時始祖某自鄞起家四傳爲刑部公某徙慈谿十六傳爲禮部公璽以耿介稱一傳爲訓導公詮以博雅稱再傳爲某公法以醇謹稱娶于夏是生先生名范字朝佩顏其齋曰損人稱之損齋先生夏卒繼以李是生先生兩弟印川公某信齋公某先生生而精神清徹屹然成人方矩五歲受詩質問塾師大義欣若有會稍長經通專門名家莫能難也而宗人西川公治春秋精先生好之復從受春秋所揚摧時出西川公意表三月而精其言遂以春秋應試爲邑諸生時猶在總角也賈其餘勇通諸經已而及諸史諸子若古今諸大家文辭得失成敗年代爵里靡所不強記曹偶中有疑忘叩之響應因目爲行秘書屬文體大而思精殆無一語空設吳越間聞其名爭延致爲師友門下士若吳興閔京兆宜劭雲間徐孝廉鏞朱處士察卿轉相傳受數十百人往往

取科名陟尊臚而先生顧偃蹇一第歲時所入脯脔餐悉市甘毳以奉父母視人緩急如已有之周旋隱卹領篲倒篋身華冠緹履楹袍無表有原曾之流風焉久之父卒先生哭垂絕而復蘇者屢矣竭誠盡慎附於棺若柳者勿之有憾而母老善病相啓居視藥食晝忘餐夕忘寢至禱於神以身代其哀也毀瘠其葬也備物蓋母後父沒十七年而先生且老人尤以爲難信齋公亦諸生有聲而莊事先生自孩提至白頭同釜而炊更衣而出采風者嘉其行誼爲題門曰孝友先生雖終窆所饋遺非義一縷一票不受也而有拔俗之韻手一編書坐料戾下有所當心命觴自勞陶然放歌頽然曲肱而卧視榮利蔑如也鄰有貴客治第謀得先生居自廣使所親示意先生艷然不說是吾所受於先人者也不能守而棄之異日何以見先人地下君不聞蕭梁時語耶欲向南錢可貪遂向東爲黃銅王瑩朱侃遺譏後代等耳吾不欲爲朱侃亦何可以王瑩望人言者忸怩而退始先生娶曹安人無何卒而陳太安人繼之十時姊周操家乘以安人奴也固讓安人復固讓新婦不習事爲尊章憂姊能晏然已乎退而偕女奴并日春揉挫鍼治繻任其勞且賤者事姑孺人先意承歡猶先生也姑病

日莫左右猶先生也姑亡創鉅痛甚猶先生也比部因
母馮安人與周娣姒三人五十年無纖介之嫌從子志
述志述婦翁飲食教誨不啻已出猶先生也喪殮不繼
以簪珥市簪珥罄矣以器缶杯案諸物市卒無愠色猶
先生也而復艱于子于是印川公以其子比部為先生
子而先生已沒安人撫比部而泣夫為人子而不能以
其親名顯者與無子同孺子勉之矣發先生遺書授讀
比部泣受命六年而為諸生又四年而舉于鄉明年成
進士安人泣而告先生之靈悲弗見也又三年而比部
考最贈先生如其官而安人從令甲加稱太安人泣而

大泌山房集

卷之九十四

墓銘

二十一

士

告先生之靈悲弗見也比部以言事謫判閩之福寧州
念安人老不欲行而安人曰不可兒慙不識忌諱荷
上恩不殺宜若為報母以未亡人辭偕比部之福寧三
年安人病比部輦還至東嘉病寢劇遂卒比部傷先生
才大而用小積厚而報嗇而安人年不若先生者八之
一飲淚含毫為狀數千言尚慊然若有遺也不佞節而
志之如此先生生弘治庚戌十月十有五日年八十有
五安人生正德丁丑閏十有二月八日年七十有四比
部名志選由福寧補無為稍遷合肥令八年不調則
上以新進言事者遷怒故初娶于羅同邑中山公女繼

娶于呂餘姚文安公女孫贈封皆同安人銘曰轅生伏
生申公八九十歲老翁先生道同年同父母昆弟肅雍
刑于寡妻從風儒有一畝之宮藐爾千駟萬鍾白首一
經固窮視天無日夢夢與善不寧在躬無子有子顯庸
潛德升聞帝聰玉屏山氣如虹繫埋玉焉其中儒林漢
史所崇我銘儷之垂鴻

贈知州李公張宜人墓志銘

自陪京而北江都一都會也賈人煮海者貴鉅萬仰機
利而食不皆善富自陪京而東歛一都會也其民行賈
四方唱權轉轂以遊萬貨之所都而握其奇贏往往負

大泌山房集

卷之九十四

墓銘

二十一

士

才矜地感分遺身而不盡諸於大道余所聞李太公產
歛而家江都卓犖風氣之外有足術者焉太公諱時昆
字潤之鄉人稱之玉岡先生其先歛巖溪人王父賈江
都以其籍自占又為江都人王父沒而後生父文瑞娶
于葉生丈夫子六人公其季也少即獨行敢往嘗從羣
兒垌外遊歸薄莫冢壘壘當道羣兒懼不知所出公大
呵身先之父老以為奇年十二母卒明年父卒執三年
喪如禮費用乏兄弟并日而食不能擇善地葬父母而
先是父自江都還老歛歛地隘而生齒繁歲食大半資
外郡公則走江都依從父習賈事而好逐諸俠少游散

之立盡於時叔兄以曉暢軍事入楚開府幕而仲兄
諸生公與其少弟當室業益窘乃自刻責謝諸少年器
用不作車服從給務完物無息幣資計差溫矣吳人張
翁僑居江都異其才而妻之是為張宜人歸之日獨公
仲兄婦江姁在孺人年長而身下之家故織里為女紅
精良以佐公什一公雖賈手不廢書尤善鄒孟氏宜人
焚膏夜作公就之讀而江姁又沒中外一切倚辦宜人
宜人應之有倫有脊也仲兄居學宮少弟居市宜人饋
兩家食視公膳必豐公微之大喜自是兄弟同居者四
十年宜人執勞良苦而方始有時公括其囊纔數金歸
欽治葬客謂公葬親必善地善地直不貲君持數金何
為者公泫然流涕曰必俟金多是令先人骨蔘蟻也而
會里三老汪公善形家言卜吳家林吉遂以葬若神助
至今相墓者為口實云所以旌孝也向後賈愈饒而叔
兄留楚不能還裹糧具從者衣履御之疾而為之潘沐
備酒肉焉道陪京雨雪載塗行旅股弁故人蔣公止公
公不聽卒以叔兄還江都也而督學使者都試士句曲
仲兄為諸生病不任試公輦而從之視藥物唯謹稻醴
梁糗腹脯非親嘗不以進仲兄病良已入粟為王官而
公賈益大振更事鹽筴諸賈人以賄干法叔兄與焉御

史名按諸賈人獄吏私計卒叔子貧不若其季竄亦名
御史檄中奇貨可居也公是以有江都逮或諷公蓋不
自明公不可聞之史佚兄弟致美救乏賀善弔災祭敬
喪哀情雖不同母絕其愛親之道也將安避之遂詣御
史飲章已御史廉得狀驛公薦紳先生諸豪傑長老高
公之誼懷刺納交其門如市合已者善待之不令者弗
能忍見面刺人過失人至掩耳起走曰李公善愧人而
內無關鑰簡易佚蕩久之人乃益親周亟於無資隱民
多就食焉所代償逋課若脫諸生于厄者終不受謝年
垂三十而有子隨州君宜人復擇宜子者待公數舉子
卒不育隨州訛則就外傳受尚書既為諸生與其曹偶
講藝社中宜人洗腆酒食日三餉隨州登賢書以肩輿
造請賓客辰出西歸見宜人自言憊也宜人感然曰孺
子年如日之方升駕人車而行猶未足耶而父母食貧
時手口並作不啻鳥之為巢孺子母得習為驕惰隨州
長跪受教里人聞之轉相告語李嫗非眾人之母也食
而能教矣歲已丑公稱老客為壽者相踵置酒酬酢如
壯夫忽病脾尋病疽宜人與隨州醫卜禳禱萬端卒不
效又二年為辛卯夏五月十有一日卒宜人哀不欲生
明月十有三日命隨州飯僧三黨之戚胥集加羞珍異

焉僧及諸乞食者數十百人勅家僮悉內之吾爲乃公
求生人天寧惜小費日昃坐胡牀誦十方諸佛召隨州
前執其手曰兒勉爲善而母從而父遊矣十有四日遂
與公年七十有二宜人年六十有五卒後三十三日葬
江都城西七里原子一人卽隨州名大謙女三人伯適
丁世葵天遺女子各一人宜人撫之如孫仲適閔文玉
亦天遺二子子之如丁氏子叔適黃承恩王姑王舅老
而喪其子婦孺人教女善事爾王姑王舅如而舅姑隨
州婦蔣有子一人洪齡女三人伯適太學生吳之章叔
仲未宇隨州傷其父母未及抱孫而手狀其遺行甚具
大泌山房集 卷之九十四 墓銘 三五

不知書舉孝廉父別居名實相冒曾賈與俠之不如余
銘爾墓目爾高士得儒之實名其舍諸
贈文林郎周公季太孺人墓志銘
周贈公以嘉靖辛卯十有二月十有八日生以萬曆庚
辰五月七日卒年五十以丁亥十有二月十有六日葬
邑西十里西嶺之原配李太孺人生同歲十有一月十
日以萬曆丙午十有一月二十有二日卒年七十有六
以丁未十月十有二日葬邑東南三十里宋家山之原
贈公之卒也叔子水部郎少越二十二年而舉進士除
建陽令考績贈父如其官母太孺人始葬贈公友人祁
大泌山房集 卷之九十四 墓銘 三六

文甚嫺美余第論次其所合大道者如此昔太史公傳
游俠救人於危振人不贍仁者有乎論貨殖仁不能以
取予雖欲學吾術終不告之矣仁道至大安往而不在
公所行多仁者事孝弟仁之本也其爲人也孝弟刑于
寡妻咸有一德如其仁如其仁世奈何以游俠貨殖輕
天下士也隨州三載奏最以其官贈公稱奉直大夫母
稱宜人余謂公生而賢詎以死而貴加重先賢後貴于
義竊取焉銘曰賈也不足以賈俠則有餘俠也不足以
俠賈則有餘非賈非俠其道爲儒有私淑艾者鄒孟子
與子象賢妻從夫翁爾兄弟樂爾妻帑諺有之舉秀才

門程大中卜地語余曰吉十年必興言今驗矣既復得
善地葬孺人乃次論父母行事乞余誌余見時見水部
王父獨不及識贈公水部從余遊每嘆若爲是子父因
從里中人悉公大都矣周當南宋朝居邑富水里霍口
村有登第爲評事者墓碣具在其裔數千徙居太陽山
麓自世忠始而子敏還葬霍敏子永通徙邑東郭子紹
賢是爲平溪公以諸生領陰陽學訓術事監司行部詰
問令不患無位患所以立何解令窘公從傍對如響監
司奇之使視邑篆間攝巡徼子鶚是爲西村公明經屬
文數游胡潁州李吉安王太僕馬太僕諸名人間余太

父叅知公亦締社焉脫人之急而恥見德邑所稱為長者也其賜爵及上所委任畧與父同娶于王王卒無子繼以向生二子贈公為仲名一敬字伯寅號少村則以父西村故幼受業羅補之夏六泉兩先生所更工八法屢舉童子試高等二十歲孺人來歸父嘗給事觀察柯公甚驩觀察歸而奴逃匿邑中以屬汪中丞曰第檄周訓術捕之足矣奴既獲縣倅恚曰舍賊曹而用周生謂我不中使乎訟言逃者必由周生狐埋之而狐掘之耳捉父下吏伯子斃叔子稚齒莫知所為公啼曰兒願詣中丞自白父曰如倅何巢覆當無完卵公矢之天之死

大泌山房集

卷之九十四

墓銘

二十七

士

靡他也羸服宵行不曠山不植地匍匐累趼而長跼臺門流涕為言倅也中丞壯之下其詞并案其從兄明經積不平庭詬倅倅操父益感橐如洗出貸外家又不給則傾孺人奩一簪不得著身矣良久乃罷公省父獄中獄吏稽故百方父嘆曰刻木為吏期不對今乃信之事已命公試郡令史而詔之曰緩急人所時有也無若若人然郡守某子甲查墨無顧忌有沒官婢索直錢百緡以問吏吏曰楚婢直不當江右十一守江右人斬之榜吏立其贓罪詞引公公言吏事外人何得株累守愧躍尋公左右甚之薦賄公笑曰有三寸舌七尺軀耳無何

守暴死江中而公亦遭父喪去四歲失母隨兄文兄二人後母向為母從妹生弟三人議析箸有田一區歸叔季叔季讓公公泣曰先人昔以私產予異母弟吾乃受之先人不以為子西郭去市五里而近田惡公以督亢田與叔季易或譏其無算公語之曰是庶是菽必有豐年穿渠引水溉之且于形家利是名蘆中水部所由興也後母撫公故厚公事之絕孝家秉聽叔弟不復問而為李弟擇師為少弟受室痛女兄之早歿也兄事其夫子視其子沒身而後已萬孝廉始居約公識其非常遣諸子弟師之贅餽有加孝廉忽忘雅素公謝不與

大泌山房集

卷之九十四

墓銘

二十八

士

通水部韶而能文有薦紳先生相攸孝廉為通言公不應而督水部與仲子學棄其善田不惜里父嘲之富貴何時吾見周氏子枵腹而父為餒鬼也公怒誠不似爾曹酒肉儉父人面強行耳邑通衢樹石為華表勒諸登科者名家有郡人物志恒指示水部某也名臣某也才士願兒子似之每鄉書出及聞某所有古今文善本倩而手錄之冬則曝背書以授水部讀幾等身矣攜水部就竟陵應督學試見格苦雨蹶蹶歸項項不得意題課仲子耕而令水部從季弟田間廬學日果隋鰥鮑而餉之既病猶時詣塾聽其伊吾午夜不寢也病力語孺人

吾母年四十有九姊氏如之今我復病殆不自濟奈何
叔弟請治木無以貧而儉于大事公搖手曰無益死者
而重累生者爲烏鳶螻蟻食何擇焉家所有尺布斗粟
籍之以授仲子而持水部泣所爲甘貧如飴冀若少有
樹焉已矣異日所就孰與仲多吾待若而目瞑而丁寧
孺人善成吾子以副吾志孺人上世爲鄧贅胥遂冒鄧
姓久之乃復居邑寶香里父轅兄弟八人富而能施母
王生子女各一人而副室謝生孺人與仲叔二子王母
獨愛孺人兩家翁意氣相結孺人所由締昏也裝送甚
豐歲時餽問相屬孺人無所私悉以供舅姑養舅御子
大泌山房集 卷之九十四 墓銘 二十九 七

之非所據而據焉不可長也孺人謝曰未亡人固知其
不宜命仲子除故地爲室居之歲饑篝燈績以易赤米
母子充虛而已仲鬻什器得數金告糴族富人富人閉
糴不予金孺人造門謂老婦憐弱耶吾不惜死以活是
諸孤也他族人交口言發也詞嚴義正不可鄉邇富人
乃還金水部爲諸生余仲弟本建館之精舍而食之孺
人以新婦少爲理其家事使無分心同舍生郝給舍仲
與孝廉吳季習濟劇驂王幼度輩數過水部往往得精
盤食迹之則出孺人典衣人以方陶母云邑於唐時酒
名富水春歲入貢孺人得其法所釀絕美然非其子良
師友不得飲也以故余兄弟家不善釀而時時有佳酒
客咸異之水部爲諸生有名學使熊正子亟稱楚士無
雙顧數不第孺人無戚容而更慰藉不猶愈童子時乎
既稱子大夫具冠服上母悲不逮公涕如綆縻建陽之
政嚴孺人不善也往聞若翁循吏以德服人未聞以刑
令事繁日昃不遑食亟使使傳餐而恒規之吾聞爲令
日食三升飯不飲酒兒寧渠忘之耶既而謝屯妖黨作
邑中人震恐水部白孺人無懼孺人曰兒意在寬我然
身屬公家患難以之無以老婦爲念頃之果魁獲捕其
日餘人無反狀水部色不豫然孺人問得其故此慰

民爲所迫脅無俚之至耳宜盡貫之部使者檄訊兩郡
妖黨三百餘人孺人謂水部人命關天天之德曰好生
孺子慎哉財以十三人具獄而孺人喜可知已仲子之
子禮居邸中學稍情訶之不爲姑息水部蚤歲艱于子
而婦李舉女今歸楊生者孺人憐愛甚若母念其兩弟
卹死者而厚生者爲侍兒補苴衣履節其勞逸而隱其
過勿令水部知水部上計先以拏侍孺人歸三黨故舊
量厚薄咸有所施展贈公墓悲不自勝已水部歸里而
少婦吳所舉女殤孺人泣告之曰吾所泣非懷抱中物
泣其能使若父過慟也水部遽收泣以一端綺爲壽孺

大澗山房集

卷之九十四

墓銘

三十一

土

人手度之可爲我棧矣水部怪其語不祥而以計期迫
行孺人泣送之門遂微示病仲子進藥不受僂其指數
水部歸期而無寫諸子女不置也未兩旬卒初爲水部
置塋不知其姓塋執事甚謹孺人愛之水部不甚寵欲
遣者數矣孺人保護益力病革語其弟若外生歸爲言
此人種不可失也其法相與吾夢合已而水部歸見塋
日夕哭孺人靈牀前甚哀因思母言稍近就之已舉莊
生而殤已舉佛子今復有身矣孺人時見夢而塋屢禱
輒有驗迹之則李氏女於孺人爲族兄弟子父蚤死母
適龔龔貧復轉爲他人女孺人故不知也精誠所格以

庶周祐其事甚奇子三人長徹婦馮氏孺人姊夫夫婦
俱殤次謀顯婦李氏孺人從弟元旦女繼以龔某吳某
女叔士顯卽水部以建陽令再除內黃擢今官婦處士
李維新女封孺人謀顯子一禮爲邑諸生娶李宜春女
其母水部姑也女二一字胡茂才宗法子桌一未字士
顯子一佛子聘余兒太學生營易次女女一適楊茂才
日泰子茂才子奇蓋婚姻多重親不則其微時知交與
其子弟也昔漢于公爲縣獄吏郡決曹決獄平雋不疑
錄囚徒多所平反母喜笑爲飲食言語異於他時周贈
公不阿邑守指令吏得罪水部于妖黨獄全活以數百

大澗山房集

卷之九十四

墓銘

三十二

土

計孺人實啓之此兩事與古相類周氏祚胤庸有既乎
銘曰居下蒙難而亢于志食貧沒齒而壓于義孝弟力
田內行淳備以刑厥家合章從事爾陰行善人陰受賜
天亦陰騰大啓爾嗣叔氏先鳴爲國循吏馳以好爵昭
德之致策命在朝銘言在隧令問今望於鑠永世

贈文林郎吳公魏孺人墓志銘

吳興吳爲著姓今司城其秀者也司城從父允兆與余
締芋縞之交每談說家世亟稱司城父母令德余心誠
之司城因屬允兆爲狀而屬余志墓道石其先世載家
乘者不論自司城之曾王父始曰萬戶公鶴配卞孺人

舉子三仲曰德慶公應明配沈孺人舉子五叔則贈公士安字居之司城父也少有英氣不爲羣兒下德慶公語塾師是宜折之塾師盛色而需之孺子視上而舉趾高將何爲者有二物在公對曰師也而不習某何所逃罪乃若志三軍不可奪也箭直往不顧方得達朔的耳塾師奇之以語德慶公德慶公以語沈孺人三郎他日似我德慶公督諸子不優饒而更有虞於公公奉之甚謹十六武康魏孺人來歸魏以富傾邑而世隱德有文孺人父太學公沈孺人數舉子不育得孺人不啻子授女紅女史輒通曉太學才公而字之既婚而太學孽子無顧藉謀諸沈孺人吾割家之半令婿與孺子共之可相依也沈孺人曰吳倩有志分殆不可屈太學公間語公公謝曰以衆地公作則遲有所匿其力也分地則速無所匿其遲也翁自有子而今其些窳以生乎慈雌嘔煖覆伏累日積卵以爲雛亦俟之時月耳某不敏保任先業之不遑而遑爲人謀歸謂魏孺人吾勿敢再見舅矣何欲贅我乎太學公聞而歎曰孺子日損矣孺人泣曰吾翁言驗魏氏鬼不其餒而德慶公家政嚴孺人屏文綺珠翠服布素雞鳴起先諸娣姒起居尊章尊章喜婦無富家驕情態保家之主也事多屬之然不敢以

賢知先諸娣姒粥粥若無能者公十九爲諸生有聲德慶當之官則詔之兒志不在小吾今試以事兒兩兄兩弟從我與母兒攝家督公敬諾持家條而治約而詳不煩而功德慶公官三年歸大喜知父信莫如子公學日勤孺人機杼相之往往達旦郡邑試列高等而會學使者試攜李攜李人煙鬱攸又大暑學使邸偪及如釜盎中公不欲前允兆兄弟掖之入試畢而里溫生以熱死公大驚吾二親稅駕萬里外方謀膝下色笑奈何爲溫生續也遂歸而亦稍稍厭經生業矣司城十歲風氣日上善屬文公因白父兄驚於科目若無緣此兒可繼志庶不負大人望德慶公許之公更語孺人吾將爲樂羊卿且斷機中絲奈何孺人默然有間曰君爲王太原妾亦不失爲太原婦客或哂德慶公昔何望子奢而今聽其倦勤乎德慶公亦哂子成其子猶父成其子也邑中有北倉之役宗人任者必敗諸猾視吳猶饑薦之攫肉乃委之仲氏以其可欺也某邑令偏聽下人關說如響公庭辨之曰家聽於親國聽於君古今之公行也子不反親臣不逆君先王之通義也吾翁以賤子當戶何用仲爲令壯之斥諸猾無復言公乃與諸猾約過任之事父不得於子無已之求君不得於臣不者有以死爭而

已諸猾戒曰是夫威武不能詘其謹事之十年役舉而無傷父母卒哀而瘠已勗諸兄弟哭泣所不能忍然無救於逝者惟思大人所望於子式相好無相尤怡怡如親在日卽若親在也孺人亦時進規凡今之人莫如兄弟宜其兄弟所以爲孝故終身兄弟娣姒無間言以季弟幼愛之尤甚季病瀕死公籲天請以餘年代其夜季夢神摩頂我救汝遂愈明年季舉子汴每語人人有一父母我有二叔兄是也汴亦曰吾父生我而再生吾父以生我者伯父也從弟以娣爲妾夫婦反目婦兄以聞郡中郡守李公嫉烏程某之溺娣者大怒寘之理從弟逸事連公公不辨數獨身坐也從弟歸好謂之曰願子自愛再從兄某相訟株累公而允兆亦受誣司理司理怒不測莫爲先後者公奮而前白允兆冤狀難竟抒矣羣從以詩社召公公不往是多費思非佚老之道或召與博弈蹴鞠則昵就之是第勞力無損神也恒窮日夕乃歸則督課司城所學小不直意輒批其頰吾藉若以暝吾父目若無成何以見吾父地下孺人睨之而涕公還顧曰爾之愛子以姑息我之愛子以德孺人曰誠如君言第惜君早廢耳三人相向大泣自是孺人嚴與公等司城力學爲諸生舉首而許司馬子告家居遣之受

學歸每爲公誦之喜曰兒得師矣孺人父卒而孽子爲貲郎乘樓船擁聲伎過贈公入謁孺人曰阿翁憂我不立今我戕頭上冠恨不令阿翁見之孺人斥之爾不肖先德不愧而驕如洪爐燎毛耳已而魏果盡棄其產孺人爲之再償卒不守公虞傷孺人心迎外姑來養執子婿禮甚恭二十年如一日孺人性約不妄費而哀窮乏乞者不拒負者不責中歲家日起子舉於鄉操作如故先哭姑病見端已哭母病轉劇不起公慟而呼司城曰若母長於我五歲習於人倫物理凡我所以事若大父大母不失子事諸父諸母諸姑不失弟事諸宗黨婚姻鄉里不失睦者惟若母是賴而我不能事若母母思廢食事宵則發夢若無忘母必無忘魏氏以故公慟孺人深言動稍異常度而允兆仲兄罷駕部歸攜諸兄弟載酒放浪湖山間允兆獨與緇衣黃冠過從駕部讓之曰若自謂超奈何負花時而舍羣從公笑謂駕部某亦患仲兄詩落子時于花事不相涉也聞者絕倒久之而公痰廢體不仁司城嘗藥以進麾之去夫葬骸于曠野之中祀鬼神於明堂之上神貴於形也我形廢而神在與飄飄往與忽忽來病能束我乎呼長鬚負而出或乘兜子之湖山間遇者目笑之公傲然自若凡羣從會必須

公至而成歡生平喜道人善不喜聞人過卽恢謔卒歸
於厚晨起肅容禮天地客在室必揖客後進食禮若簡
而實敬貌若峻而實慈用若嗇而實惠而里人第目公
亢直最著云嘗道遇尉捷鄰叟公前謁曰且止此善人
卽有小過可宥尉釋之鄰叟德公不置口允兆以問公
公謝無有蓋有長者之風允兆又言公數訓司城士寧
仇讎而抑母伊優而容司城或欠仲輒怒曰爾爲陳咸
耶孺人訓司城若大父勝人無子我與若父母事之以
娛大父而父有勝若與婦事之亦如我無論子不予也
司城居官法公之直砥節不回爲令高等不拜臺省僅
大泌山房集 卷之九十四 士墓銘 三十七

擢今官而其居家法孺人之慈可謂夙興夜寐無忝所
生者矣公沒萬曆癸卯二月六日距生嘉靖丙申四月
一日年六十有八孺人沒萬曆某年某月某日距生嘉
靖某年某月某日年六十有某以司城爲某令考最贈
公如其官母爲孺人司城名某娶于某封孺人子某娶
某女聘某女女某人適某字某孫男某人娶某女聘某
女孫女某人適某字某某年某月某日葬于某所銘曰
倚歟吳公廉隅其迹而坦厚其衷仗義執言脫人于患
口不言功尻輪神馬因之而駕之生死無介乎中亦有孺
人秉德式同爲孝女爲婦爲賢母舉始衷終子也顯

親揚帝庭昭明有融答而封坎而官銘在中文以傳
遠名無窮



八溪山房集卷之九十五

京山李維楨本寧著

贈山西左布政使樊公權夫人墓志銘

余試士蒲城以今中丞樊仲明爲冠其年不舉尋有父喪又六年連第比余觀察晉中則仲明已爲左方伯部雲中而晉撫臣且有內召僉謂當屬仲明無何仲明遭母喪服除起家治兵薊門尋開府晉以流言力請歸

上予告俟召用乃奉里人王憲副所爲父母狀請余志墓中石憲副文有西京氣非余所及然知仲明父子故深不可以不文辭爲之志曰贈山西左布政使樊古溪

大溪山房集

卷之九十五

墓銘

一

公與元配累封夫人權氏蒲城人也公名善字國祥上世籍邑洵池里爲望族徙西隅甘池者自亨始亨子歸極歸極子所恒所恒子剛剛子潤孝悌力田世有古人風潤子經經子濟重濟重子熙以善富雄閭中而好施賑餒人掩道殣人歸者如市娶于某皆以仲明贈秩與公夫婦同公少卓犖不羈受書通大義父以獨子不欲溺苦於學數休之長受室權權邑巨姓所遣女多貴介獨公布衣衆或易之不禮焉公曰非不能也是不爲也傲天之衆吾有子其事將易冀已安知是譏譏者乎故督諸子學甚勤歲時集三黨四鄰族散核肆几逆合嘉

好結親昵弭百苛舛謾慝其爲人也復言而不謀身

人而不謀長或途遯卒遇歎若舊好深自陳結蹶而趨

之唯恐不及非然者掉臂去不顧縉紳學士造門締交

耶夫曲相御莫適相非也必申其志里人有爭鬭質公

公置酒與之平而時丁寧之民生于地上寓也其與幾

何而造怨無已乎衆唯而退相戒曰無是貳言也樊公

已斷之矣既納其自託必不以急相弃卽詣吏繆綬筆

楚任之卒無怨悔公卒而鬪者株連毀家嘆曰令樊公

在吾儕何至此權夫人幼閑姆訓奉舅姑孝以公不問

生產檢厲勤事身爲臧獲先飲食以時使之不暴公家

大溪山房集

卷之九十五

墓銘

二

徵調宗戚酬往男女婚嫁與親師取友之費一切脩舉焉公初艱于子父命置貳公未卽諾夫人諫而繼之以泣不孝無後爲大昵帷幃之愛而失嗣續之計是妾爲君家不祥也母多庶鮮君寧謂妾非人耶有如此日乃納吳氏姬明年遂皆有子而夫人撫諸孽子勝已子孽子依依適母所忘其非離裏屬毛也仲明自諸生以至藩臬每進必祝賴先人之靈寒峻遂有今日子婦中或私語是寧足多乎則正色而誨之福生於微禍生於忽緩持盈以沒而驟收傾以時老婦平生意不在多審此至熟矣迨老猶絳綰流濯不委制于執事之人子貴任

方州曾不豁平昔時意飯粒落盤間輒拾噉翟冠象服
祀先纔一御而已呼諸子視族箔蠶未繭者得時無怠
時不再來若輩無論四民之業務底於成不則類此矣
邑不稔於歲不忍饑勞之殃孤兒廢婦疾疹貧病者無
不備也無不歎也仲明有雲中除念夫人老不欲去子
舍夫人不可封疆之臣忘身忘家吾尚良食若昆季與
諸孫數十曹朝夕侍側何所慮其曙大義若此男子七
人一日東許以貲授指揮僉事二曰東訢義官三曰東
謨即仲明四曰東誠五曰東誼六曰東論俱武生七曰
東誥邑諸生許謨誼誥夫人出訢誠論吳出也女七人

大沙山房集

卷之九十五

墓銘

三

夫人出者五吳出者二孫男子十二永清訢子永鉉誼
子俱諸生永祺永孚誠子永泰永憲永啓永齡謨子永
熙永照永燾誥子永烈許子孫女二十有二適人者九
字人者十一其二尚幼曾孫男三夫黨婦黨皆右姓也
不悉載公生嘉靖癸未六月十有五卒萬曆辛巳某
月某日年五十有九夫人生公之年四月二十有七日
卒萬曆巳酉正月九日年八十有七吳孺人生嘉靖壬
辰五月二十有六日先夫人六年卒年七十初厝公龍
樂鄉古庄甲山巳得吉兆合葬而吳孺人附焉孺人事
夫君女君宜家入祿後昆殊副疇昔簡求至意諸子緣

夫人指附見其槩如右銘曰維華封人三祝古今蓋罕
覩焉蒲城赤縣太華三峯曼延地靈鍾美翁有樊姬有
權多富多壽多男修此三者故全其德倍英曰賢人貌
而行天天錫之純嘏大誰曰不然埋雙玉兮十新阡帝
策命兮史銘鐫附青雲兮名以傳借彼華兮永無驚

贈廣東右叅政盛公陶太淑人墓志銘

秀水盛氏其先汴人宋叅知政事文肅公度建炎間從
南遷居錢塘六世孫天祐爲元制置使季子提舉轅贅
墅涇朱張翁爲秀水人今名盛家港翁父鏐宋進義校
尉殉節崖山者也轅子明德明德子可久洪武中爲萬

大沙山房集

卷之九十五

墓銘

四

石長傳三世至洪皆孝弟力田洪子橋崖公嵩贈刑部
郎家益饒以好施中廢嵩子文湖公周舉省試第二人
成進士歷官東昌守祀名宦文章理學發聞于時娶金
淑人是生贈叅知公惟謙娶于陶封太淑人其父秋庭
公楷以誼俠稱與郡守及王比部孫水部爲文酒社甚
歡兩家婦皆娠舉酒祝曰當爲婚姻已而贈公與太淑
人後先生比部水部公喜天作之合也遂委禽焉贈公
生而骨體不恒始學語警悟類成人父友湯納言呂儀
部弄愛之謔郡守公是不作阿翁老博士父故尚書名
家門下受業者皆一時選贈公于書多所關涉斐然有

述作意與諸名士方之氣類爲上家尋游鄉校矣髫髻喪母哭而哀每事有降小弱弟未免于懷含飴哺之繼母吳淑人病公與陶淑人事之無違犯冰雪迎國豎治旋用除愈母時語人兒寔再生我從父令浦城父鋤積猾若而人其守某子甲薦賄爲請不聽守志父欲投効去公諷曰大人軫卹窮民爲猾所魚肉去則安所歸命地忍之諸臺察令斷獄是薦于朝入計公將家口還倭方寇鄉郡墟里無行人僑居武林吳淑人驚悸病彌留公療之萬方卒則身敦匠事竭誠盡慎公與少弟淑人與小姑同臥起爲妹治奩爲弟治舍課子與諸子從學

大泌山房集

卷之九十五

墓銘

五

丁

先諸子而後子日綜家計不稽思慮斯須便了並有章條投閒習讀夜分不休郡守公之東昌命叔季兩弟從公簡族俊士爲弟師而身送之白門忽得父病耗方食吐哺卽行歲寒蹶躄足爲繭泪爲冰至則父稍進食公泥首額天請代不寐三月不食累日而父卒痛楚殆死東昌人王少司空韓都諫傳侍御皆父門人知其狀每爲慝使言東人稱盛孝子于今不衰守藏吏白羨金數百可經紀喪事公仰天大哭此大人所不取吾何敢汗吾父而兩弟先以父命還公扶襯苦身持勞或言客死者不得入正寢諸形家爭之尤力公泣不可向也吾母

歛吾不避干支以迄今日復何所忌于父衆不敢復言卒無患穿方抹土流涕哽咽面目垢黑傾城奔往觀者如堵諸弟析箸田宅讓其善者已嫁兩女弟割名田四十畝爲費已叔弟仲妹卒收其孤已小妹卒無子有言宜返所割田公叱之骨肉之親以死生易念乎家居早莫出入必謁先祠而宗祠圯繕之若新在武林三黨避寇有窘迫色隱親藥餌發粥相繼割少分甘至脫淑人簪珥其于上生贍之尤厚郡守公擢南曹郎公勅制舍中兒無與外事有醺酒與鄉人閱若市貨推直者楚撻相震撼或以公量出粟家量入立割之自郡守公謝世

大泌山房集

卷之九十五

墓銘

六

丁

外侮屈竿弟妹調賦皆陰公故益不支宿與疎闊惟昆山少司馬顧公拯之每示子孫吾不干人顧公不待人于兩不負矣有奴悍繫老奴去衆欲致于理公優容之塾師倍德與通責宗人離刺轉相蹄齧不校兩人顧謝蹴踏卽所知有分爭必爲解構人人別進省問欲言加以密意樂自傾盡項太學亡命謹調護之姑子張生爲貴人覆沒縲紲中脫之館日者王生于家三十年殯之復周旋兩家妻子隣黃老鬻其孫公曰孺子可教使與季弟同學後爲廣文甄識孤微童幼若單貧有志類此恒謂人我不憂財匱憂無以行吾義耳少聞王文成良

知之學妙折奇與訓迪後進皆情爽晤項比部沈觀察
張方伯皆父高第弟子解帶寫誠娓娓款款三君亟賞
譽公冠時之懿幹世之量也教憲使兄弟造次不妄嘲
笑進退不失尺寸燕居如齋頌之就試俄舍不近置塵
人有非短口未嘗及而舉其善以示勸憲使上春官不
第卽令館茗上戒勿詣公府日程督如初已季弟卒愀
然而嘆四體去二何以自娛憲使成進士爲比部郎飭
勵益切大指母釣名母泛交母曲意勢位挈其婦子入
都所知白例乘傳公謝曰兒始進何遽作車上僱買舟
可也過聊城望父舊治號咷如奔喪日抵都間出謁父
大泌山房集 卷之九十五 第銘 七

開決吾不餐其能贈公爲諸生規曰弱冠見叙人情不
能不自足自足則損在其中郡守公聞而賢之從公武
林公間還秀水省田廬而憲使生事姑乳兒良苦郡守
公居南曹淑人與姑家居而仲姒來歸郡守公命之若
教姒當如若婦姑艱食跪床下奉糜羹輒盡曰吾非新
婦食不甘諸姑叔稍長者與幼者勸之修業寒溫饑飽
不失時姑且死持其手而訣絮若多矣祝若有佳兒如
若翁佳婦若若所以報也郡守公過家冠蓋填咽治具
豐殺稱意男耕女織器使有方公奔喪淑人尤喪禮贊
之相地去家二里役夫構醪相屬會葬者日設數百人
大泌山房集 卷之九十五 第銘 八

所素善者至憲使同榜同僚造門謝不見不欲自居先
輩云日考問憲使所見聞及訊牒爲別曲直酌成敗國
體民情省恬屢中歸爲叔弟子女婚嫁而子已爲諸生
傷弟之不逮見也舉酒酌之涕覆面已爲季弟子女擇
婿聘婦已携季子省試歸感疾而神明不衰張聲大視
所貽憲使書無一字不佳生平不佞佛卒之先百日不
茹葷後事處當畫可毫無怖恐若解脫者太淑人少婉
總有禮法母王碩人欲使受書辭曰女子行不踰閭受
諸女工精美絕倫既歸公善事繼姑得少甘旨必奉姑
若小郎小姑姑大悅新婦賢吾有福矣自今家政無復

食性僂無闕禮贈公迎發姑發姒與居同樂共卹等齊
有無憲使兄弟納婦妹適婿出橐裝若機杼之贏若嫁
時物佐之贈公布衣素食不侈車騎淑人儉相常客非
時至欲作主人必有盛饌憲使兄弟學少懈訥詰立過
一時乃見遣憲使爲郎誨之曰仕宦所規不細宜練體
朝政無專奢閭之書治裝遣婦與孫從贈公如京師贈
公歸而病私豫凶事卒則營齋奠禮吊客擗踊呼譽感
時值忌拊膺長慟聞者淚落憲使當典試黔中念母病
疏辭淑人絮語人臣不宜顧私家淡月病已就養建南
日先舅先姑舊遊地往事歷歷在目前繼之以涕嘗側

耳聽憲使視事無敲朴有平反爲之欣然或搏擊豪強則曰此若翁所聞先舅以語我者也已遷粵藩瘴鄉不能將母趲起未發淑人艷然吾健飯若弟若子與婦甚宜我何取若膝下爲憲使以考績及國需慶三命母爲太淑人以象服進悲贈公之不獲偕老也一拜賜不復御而憲使坐勘事忤臺指移黔中淑人以爲善奉職不色慍自黔奉表入望門淑人八十出

上所旌功賜金爲飲器率弟妹子孫羅拜上壽淑人爲引滿監司都邑筐篚羔鴈充庭而憲使適有新命乃笑曰汝爲我祝我爲汝祖酢酬拜起敵少年已趣伯子西

大泌山房集

卷之九十五

墓銘

九

半歲則孫婦卒已憲使婦喪即中情緒益惡婦事我四十年聽而婉情之所鍾可柰何頃之示疾而卒晚歲歸依西方構庵舍東奉大士月常十日齋晨起禪誦禮名僧諷經滿藏卒之日肢體溫柔兩願若含笑然意者有宿因耶贈公生嘉靖庚寅十有二月十有七日卒萬曆丙戌三月十有八日年五十有七太淑人生嘉靖辛卯正月二十有六日卒萬曆壬子二月二十有一日年八十有二丈夫子二人伯萬年卽憲使娶吳文舉某女封淑人仲萬祿娶明經朱某女繼陸文學某女女二長適儒士毛士騏封吏部員外郎某孫次適庠生項弘鼎贈

兵部郎中某曾孫孫男六士元郡諸生入太學娶禮部員外郎陳泰來女繼給事中湯聘尹子孝廉某女士表聘李孝廉某女年出土揆娶福建叅政張某子太學某女士台娶文學鍾某女士先娶林某女士光未聘孫女二一適沈夢桂太學某子一適姚潛贈大理少卿某曾孫祿出曾孫男三以約聘通政使徐申子太學某女元出王臣揆出世臣台出未聘曾孫女四俱幼初殯贈公永三十鄉二成阡更卜麟謚鄉正收圩以甲寅五月二十有某日遷葬淑人附焉余服膺憲使公弘才有高韻清淳有神檢所述父母行畧數千言而學士陳公狀贈

大泌山房集

卷之九十五

墓銘

十

公文部賀公狀大淑人皆竹帛金石之文屬余爲志采而志之如右銘曰郡守爲父觀察爲子皆上大夫而身則士人曰無憂公獨異是遭家不造靡怙靡恃觀閱受侮巢卵幾毀困心衡慮忍而就此鬻子勤斯愛亦勞止手携示事而命提耳無忝所生優學優仕豈席父資實公特起豈子邁種實公穀似天玉厥成釐以女士患難安樂相爲依倚一德升聞誥迴鸞紙三加彌尊龍光蒞里維學士公暨天官氏片言華袞九流綱紀撰德圖芳傳之千祀墓則有銘言循典禮載華伊誰不佞舊史贈南京行人司左司副王公黃太孺人墓志銘

王近山公以正德癸酉十一月二十有八日生以嘉靖癸亥六月二十有四日卒年五十有一配黃太孺人以正德辛未十有一月十有七日生以萬曆庚辰十月二十有八日卒公卒時叔子應辰入南雍太孺人卒時應辰官南京行人司左司副而始為父母狀又三十五年應辰子民阜始以狀求志墓余于司副公同榜進士其為榆次令也先大夫官晉臬得聞治狀行李往來則信陽所寄選稔知公父子志不得辭公名省字希曾先世羅田徙信陽自祖汝榮始汝榮子廷璋廷璋六傳為公父朝良嘉靖戊子舉鄉試第三入仕至束鹿令母劉大泌山房集 卷之九十五 墓銘 士

孺人束鹿父居州黃梅村以力田為業其母弟為何仲默先生財數歲時就外傳屬文有奇語先生異之此我輩人非鄉塾師所能教也携之入城別館授以尚書名第與先生同既令束鹿則公亦為州諸生從之官而母沒不欲傷父心強為慰藉退輒擗踊涕泗雨下父知之泣曰若失賢母吾失賢妻仕宦何為遂乞長休告與公歸父卜得張氏司巾櫛公以母事之家政必咨稟焉數歲父沒公哀更甚不效俗用浮屠葬祭一依朱子禮張氏亦用母禮人稱其孝公雖諸生乎好詩好客與同志結社澗水上雅慕孔北海之為人座上客常滿樽中酒

不空足了一生矣有屋數椽延諸生儒能文者肄業其中芝生于亭因以瑞芝顏其楹所居近賢首山故別號近山云歲侵發廩粟賑饑有馬氏子餒而什田中掖之起徐食之與餽費以歸後游河內遇其人旅次率妻子拜為公壽族與里人有忿計其隱過公嚙蹙曰此大喪德取焚之為解搆叔子稱先輩將入南雍而見公色悴難于行公艱然其誼我耶叔子遂行而公病病矣語其兄政由家督母以酒阿弟學又曰余家世稱長者第未顯耳強為善無負先人元配黃父鯤齊家有禮制太孺人為女時訓行唯謹于歸自女紅外所贊公事父母教子孫睦六親御僮僕無不中內則應辰為南京行人司副值

今皇帝大婚禮成贈公如其官而太孺人有今稱三子長應元禮部儒士次應期諸生蚤卒次即應辰孫一即民阜諸生曾孫二長庚鼎甲孫女五一適郡守胡某子嘉遇一適邑令高某子克遜一適指揮使鮑某子涇三婿俱諸生一適邑令周某子之祐一適邑令李某子知性墓在州西之陽銘曰生五十年餘而子登科孰寡孰多沒五十年餘而銘始傳何後何先潛德升聞

帝命賁只子既有孫孫復有子孝子不匱天陞女士同

大泌山房集 卷之九十五 墓銘 士

室同穴地靈萃止下世靈長令聞不已

程封公詹孺人墓志銘

封西安李會泉程公以嘉靖辛丑十有一月二日生以萬曆乙卯正月十有七日卒配詹孺人以公生之年七月十有五日生卒與公同日孺人平居每戲公吾兩人同生必同死第未知孰先後耳公與孺人俱寢疾醫察脉者甚爲孺人危孺人卒公呼侍兒大孺人行矣侍兒懼貽公憂搖手曰未公曰無給我車馬充庭吾卽駕可相及頃之遂暝蓋間已午時耳邑里相傳爲異事迺余觀公與孺人行事同心同德天作之合固非偶也公名

大泌山房集

卷之九十五

墓銘

七

尚賓字國光其先出梁壯公裔孫廣崇徙海陽合千分五門自華甫公數傳爲琥公有隱君子之行紀于邑乘琥公三子公爲長幼有知慧父善星知其非凡流也而詹孺人父流塘公嚴者二子五女孺人最少盜不過五女門俗以爲善貧人將弃弗舉終恐而舉之琥公得其支千布算喜曰此必多福宜爲吾兒對委禽歸公公少從塾師受易治制舉業爛然有第嘗一試不售而父行賈折閱猶僕僕不休母念之語公爲人子服勤致死而恐其親劬勞爲子計耶公時年十五遂舍所學修父之業擇人任時論其有餘不足以徵貴賤貴出賤取卽父

謂讓其心計而耻夫目語頷瞬鬻良雜苦錐刀之未將盡爭之者故市人樂附公業寢與歲十九在外孺人以婉孌季女習中饋事如素練所爲酒漿衣服奉舅姑者盡志盡物舅姑忘其子之遠游也公有二弟可讀則爲之擇師可昏則爲之簡對一切納幣修贊必從其腆者已治田廬悉以歸父母身與三弟分無肥瘠多寡而孺人亦與諸娣時無間言舅姑每述其所爲輒慨然喜益自負吾子有內助異日必大吾門吾口談天不虛耳居琥公喪公寢苦枕塊哭晝夜無時歔粥朝一溢米夕一溢米喪母則公逾艾且病哀亦如是孺人亦如是蚤擗

大泌山房集

卷之九十五

墓銘

七

簪含襲冑衿袪棺熬之屬必躬親之歲時享祀以午夜起戒子婦酒醴芬香庶幾神之來饗也公闊達大度行顧其言或中酒有所然諾醒必踐之居常謂富好行其德然則貧可無德乎吾素位而行已矣五門之一財餘孤子出叵姑蘇携以歸計口授食而室其子死則殯之今其孫能自立小宗如綫之緒得無斬艾焉所善黃某者予之貲俾市油三十年貲且罄財遺諸器具可數百金而復以償他逋公不問更爲之排難解紛族有貸二百金以博奕狹邪蕩弃者或諷公宜束諸吏爲衆懲公不可更行法而無以償其人趣死地耳吾不忍也周之

如初知交有貸必應不責負負而更貸再三不厭焚其券不使人知吾市義而令人含愧乎徐氏子爲他人致償公金中道而竊者易之發視石也頓鬻女以償公慰藉之以是區區者使有女此離耶歲饑邑令富民以粟賑無應者公首捐廩富民愧之輸粟應至所活人無數以好施故產日減然不改其素嘗暴疾醫望之却走訖無恙人以爲厚德之報云孺人執勞作苦尺布斗粟不妄費而佐公施人有緩急薪米布帛諸小物無所靳至以傳別書致則謝之此男子事吾職在局鑰緘滕敢專之乎黃人子壯不能辱公見之愀然是吾爲德不竟也大泌山房集 卷之九十五 墓銘 十五

顧視棠垂矣孺人以其簪珥贊成事焉今生子每飲食必祝此程公夫婦賜也公爲儒不成意不無望治塾以俟族人學者而舉三才子則督之學察中子最穎課之尤至孺人性方正不怒而威內外臧獲驕蹇慢者嚴憚之見則踧踖如也人有妾搗女君女君來訴孺人召而跽諸庭下令受女君朴其持大義如此公訓諸子吾學易惟謙六爻无咎其象曰稱物平施施不平則爲驕爲訥中子登第又詔之曰有義有命行義俟命而已孺人約束家人無以郎君貴豁平昔意氣雅言必舉諺有日思無日語蓋言儉也又曰守一勤字萬事自舉凡此

皆修身齊家經世宰物之大道雖積學者不出其範圍矣公病得之當湖比歸口吃四肢未盡自如自少至老無勝侍起臥櫛沐悉孺人任之孺人壯年而羸目有青奉釋教素食踰六十目患除體加腴而以侍公疾復病病與公相類卒不起將釋氏所謂宿緣耶丈夫子三人伯子元亨娶古林黃大紀女中子策初名元吉庚戌進士娶同里范祖錦女繼水南汪賢女俱贈孺人再繼孫汝楫女叔子元良娶商山吳國丘女繼高槐范天仁女孫男四人亨出者其芳娶隆阜戴鋪女策出者其蘊娶洪芳汪守敬女其蕃聘隆阜太學戴國園女其蕃聘商大泌山房集 卷之九十五 墓銘 十六

山大學吳明翼女孫女四人亨舉一適隆阜戴曰是子士志策舉二長適商山吳時中子亮勳次未字良舉一適小賀姚天寵子玄進三適人者俱蚤卒曾孫男五人兆祿聘林塘范文適女兆裕聘隆阜戴子淳女兆禎聘商山太學吳昌齡女兆祐聘中城太學金星輝女爲陝西按察使金公忠士孫兆祺未聘曾孫女二人一字歛槐塘唐醇子豫時中子同榜武昌李官輝孫一未字以某年某月某日葬于某中子述尊人行事介其姻家吳生明翼奉觀察程公震所爲狀丐余志余讀史臣所代天言稱公孺人德美具矣銘曰漢傳列仙肇劉中壘炎

帝少女偶赤松子犢子陽都弄玉蕭史園客文賁則五
家耳世無仙人入道伊邇程公長者盞以女士如彼鰥
鵠目翼相比自天命之協于五紀以期年耆班毛齊齒
倡必有隨表符其裏勤無施勞儉無近鄙貴無長傲富
無崇侈憂則俱憂喜則俱喜有子有孫貽穀式似于華
萼不干木橋梓聲聞帝庭詒迴鸞紙在易家人男女其
始夫婦父母惟正是以大吉交愛六爻具美古稱伉儷
俗號鄉里一代一雙同物同死談豈涉恠命故定矣後
昆繩承丞昇祖妣祿位名壽吉祥止止何慕仙游仙寧
踰此佳氣佳城考卜正只孰與靈長天都漸水

大泌山房集

卷之五

墓銘 七

秦隱君吳陳兩孺人墓志銘

國子先生秦敬伯以禮經舉楚第一人六上春官成進
士則太公與兩母沒久矣墓未有志舉以屬余曰異日
倣一命請史氏代言庶有徵乎叔弟與敬伯同官稔聞
其家世按曹君某所爲狀而志之如左太公名必富黃
崗團風鎮人也高王父天榮自蘄水遷天榮伯子昌昌
季子永正永正伯子欽欽伯子則太公五歲失父弟某
僅三歲耳天榮三子昌昌皆勤儉起家子孫蕃庶稱
石族曷曙之後富羨游鄉校太學者相繼而昌後遜之
山足供饘粥廬足蔽風雨而已欽蚤卒其弟欽懷別兄

孤寡父不能禁太公屢空矣鉞速之訟避走郡城郡城
吳翁異之此人不長貧也會婦曹孺人卒遂贅于吳已
而王父亦卒鉞虐太公滋甚嘗獨行遭之城南日且入
太公西向鉞及所驅二人東向鉞恣睢奮擊啣藉叱咄
胡不揖找太公引二人西向日君目迎夕照能見東來
者否二人舉首而笑曰信非敢慢也徐揖鉞復揖二人
謂鉞曰姪願有白恐逢仲父之怒幸二君長者在側敢
畢其愚仲父與吾父一體而分非茹肝涉血之讎也父
不幸蚤世仲父宜覆護之外禦其侮顧相戕耶仲父以
是功大名美內臨其倫乎羸者孤也不足當樞質今無

大泌山房集

卷之五

墓銘 八

立錐土仲父還顧其橐何若日月暉於外其賊在於內
謹脩其所憎而禍在于所愛百歲後設有弟甘心仲父
子地下目必不瞑且仲父寧能爲石人耶死而有知何
顏見吾父請深惟而苦思之語未卒二人交責鉞鉞亦
憬然悟仰天大息流涕已和其顏色曰嘻我之罪也太
公頓首途中而謝自此罷訟入郡城則主太公屬之讐
作太公事以父禮鉞卒不能歛爲歛而葬之其子朝陽
朝仕居爲隱蔽出爲鴈行皆無後葬之如鉞黃人無不
高太公誼者太公少未從師稍長逢人輒問字或得片
楮私習之比壯遂多通所食糲粢不餘三日視褐十許

年不置曰衣食外皆長物吾竭力遺子孫而力有限不中不省者一擲賢者又不藉我何自苦爲故曰富不與梁肉期而梁肉至梁肉不與驕奢期而驕奢至驕奢不與死亡期而死亡至累世以前坐此者多矣吾竊懼之從父彥爲巨室所有武昌逮太公以居停連及老不任行子復稚僕祿殺然請代繫獄四旬僦賃索體家爲耗矣卒無怨言戚黨忿爭不決太公爲剖曲直立解年愈七十舉高年賓于鄉固辭不可無實而喜其名者削無德而望其福者約無功而受其祿者辱野老何功德實之有以辱國典族兄弟皆二名太公與母弟一名或大泌山房集 卷之九十五 墓銘 十九

言易之太公曰兒時命名先王父所知也今一名皆我弟家溫而好文吾不可以兄從弟貧從富賤從貴且歲時稱名告先王父先王父不識爲誰必不易其達大義皆此類也太公年垂五十而生國子愛之甚出外必逆之途然小過未嘗不夏楚已爲諸生撻其從者御道之以行義督學甚力鄉舉不錄國子有憂色太公曰盡其在我我不得與者非所憂也育母弟伯子繼賢與已子等無何母弟卒撫其少子繼聖每過其家子婦跪而逢迎拂席上食太公喜吾弟不亡矣元配吳孺人無子恒太公君少孤亟爲嗣息計太公弗忍偃蹇得陳孺人

吳孺人視之如娣有身則誨以古胎教國子既生自食乳外不離吳孺人懷抱寢之腹不使近尊國子病弱力護之不爲害五歲漸健矣人或密語太公此非人情不可測太公嚙指爲誓外論始息旣長受書太公或不具楮墨吳孺人脫簪珥市之國子就試必齋沐禱神試得雋百頓首神前不休國子宿書舍距家四里而遠思之減食目未常乾陳孺人語國子吾聞孝如曾參義不離親一夕宿于外若當數歸慰母心僕僕道路非計也因移家塾陳孺人恭事太公婉事吳孺人而治絲枲酒漿夙興夜寐大寒不擁爐大暑不揮箑心之憂勞形之困苦至矣舉國子兄弟臨之以莊女君愛若倍我勿令溺苦于學我不欲以水濟水太公吳孺人以此益賢之太公以正德某年某月某日生卒萬曆甲午某月某日年八十有二卒旬餘而國子登賢書不逮見所爲終身怨慕也吳孺人以嘉靖某年某月某日生卒萬曆癸未某月某日年六十有二陳孺人以嘉靖某年某月某日生卒萬曆某年某月某日年四十有九子某伯繼宗即敬伯初諭饒陽再教授南京武學遷今官三爲人師名下士多出其門娶某氏某女生子某人某某娶某女仲某娶某氏某女生子某人某某娶某某太公女某適某

孫女某適某字某者敬伯出適某字某者某出銘曰
如蓮如泣血漣如若磐若桓惟貞是居往來婚媾比應
厥初十年乃字天作合與險而止蒙亨以時中豈見金
夫而不有躬九二納婦包實成童子也克家養正聖功
需險在前利涉大川敬慎不敗衍爲體焉穴可以出血
可以前不速之客其來困愆訟而窒惕惕斯中吉雖小
有言舊德恒食不克訟歸逋三百邑復卽命淪安貞不
失楚隱君子則有泰氏夫婦婦父父子乾坤而後
四卦具美取繇作銘永言靡毀

俞太學公王孺人墓志銘

大泌山房集

卷之九十五

墓銘

三

金陵之有俞氏自太學養愚公始也先爲李而後復爲
俞自進士仲茅始也亦公本意云公上世居浙象山遭
南宋兵燹失其譜系元季述祖爲沔陽府推官罵陷城
賊死少子跳驅至平江路之常熟縣道梗遂家縣直塘
里而名曰復以示不忘故國之思

高帝用夏變夷簡凡民秀者爲諸生有才具者試吏里
人兩以復應詔而是時治亂國用重典復力辭逃海上
捕魚年逾九十卒子象胤胤子克克子道聰割常熟置
太倉州遂爲州人道聰季子表幼而徇齊姻家李廷器
子畜之從其姓長爲諸生以餘力治產累千金廷器六

十婢有二子好博負進貸黃金百以賄州守汪敦誣表
不孝強榜服之削諸生籍毆外裸身不得名一錢諸生
嘖有煩言表請還故姓廷器懼如此則在律爲凡人矣
白守不許未幾死二子無賴代人受杖駢死李氏爲餒
鬼而表亦愁居懾處不敢動搖以卒有五子四無後仲
子相賈浙嘉善嘉善人號長者娶嚴氏生公有異質父
喜是可竟吾父業句貸以充師贊著錄瞿文懿公弟子
籍中文懿器之若苦心于文而神自王豈終人下非此
其身在其子孫矣十九王孺人來歸孺人者太倉人爲
女時事父母以孝聞而公依父居嘉善以沈履溪先生

大泌山房集

卷之九十五

墓銘

三

爲師司成李見亭公爲友島寇猝至獲公與一叟見其
魁魁解唐語問諸生知兵法否公曰惟知有華夷分耳
魁笑顧左右飲以卮酒與叟并遣歸其日死者百二十
人獨公與叟免叟卽李司成父也歲饑邑令檄公父施
食父出亡隸蹋門大詢公報之令受隸懇逮公試其文
大佳更霽色而語若自度能任否對曰能取孺人簪珥
及假人金市粟而身執爨爲糜散布有方於是風涇里
活人最多令程功酬過其直尋爲州諸生而母憐少子
迫析箸公讓而受寡受惡則儻田與傭保力耕王孺人
治酒漿艇脯以奉尊章務極豐腆公授徒十許人恒以

軍明起問二親安否則入館比暮還共孺人篝燈書聲
續聲相和夏月不納涼浴罷即臥恐妨晨興如此者十
餘年嘉禾距州十舍往來僕僕檢囊裝援例入南雍以
湊買一蝸牛廬介居盡與其賢豪長者相結如生平歡
孺人以女紅佐饗殮文懿方爲大司成評目甚高南郡
人士敬愛公公因以籍自占候時轉物齋用益饒計二
親所需時時遺叔弟而叔弟耗之狹邪二親復有幼子
女於是菴之來南都恣所欲以順適其意王孺人九乳
不育晚得仲茅而側室先舉子長仲茅二歲皆善屬文
公棄去舉子業杜絕交遊宴會不營巫祝不信祲祥不
大泌山房集 卷之九十五 墓銘 三

歸若所生子女爲經紀畢具仲茅舉京兆歸省意不欲
復北孺人悵然噤口涕滿匡而橫流地下人目猶視柰
何旣成進士卽上書歸養而孺人正七十賀客爛其盈
門孺人獨哭吾無夕不夢若父若有今日伊誰之賜唯
勉爲善而已仲茅扶持入太倉展先墓蓋違鄉五十三
年悲喜交集歸至真州病仲茅禱三茅而差自是遞病
遞起而年八十嘆公之不逮見也爲罷酒又二年卒公
長身廣額豐頤音吐洪暢學宗宋儒本朝林蔡諸家訓
詰與性理大全通鑑歲閱一週筆諸簡端每試必爲論
治經尤精研具人倫鑒於浙識衰了凡兵部李見亭太
史於太倉識王荆石相國張起潛憲副於金陵識顧毅
菴憲副與其子司成太初張孚之太守何子極郡理周
長卿明府焦茂潛孝廉多知名於時在布衣之位蕩然
肆志不詘於人不合已者不能忍見端言其過不畏忌
諱諛或因誨妬而事已卽化仁而愛人喜施意豁如也
存骨肉出逐不收者或故爲可憐之色泣以相告亦爲
之泣委曲應之焚券棄責振孤問疾虛家廩以救窮民
累千百少聞李氏虐祖父狀甚憤而父夢李氏父子戟
手相難地忍之每語仲茅若曾大父被汙惡言而死今
三世刀俎魚肉之餘也舊鬼小新鬼大孺子無忘仲茅

第進士亟請於宗伯更姓疏

上報可仲茅以公望子一第暴衣露蓋不愛其死曾不
小待每一言泣數行下既將母來諗十三年惟日不足
近例養親十年即與錄用謝不欲聞母以天年終無所
解憂所爲二親狀數千言愴惻殆不堪讀求忠於孝異
日顯親揚名死者不朽矣公名一元字太初生嘉靖壬
辰四月十有九日卒萬曆戊戌三月二日年六十有七
孺人生同公歲七月四日卒萬曆癸丑三月十有二日
年八十有二仲茅名彥文行爲都人士冠冕所謂一不
爲少也娶金太學印女生子錢年娶許大學延祖女裕
大泌山房集 卷之九十五 墓銘 五

州守天叙女孫孫女適兵部郎余大成子一唯曾孫女
二公女適工部郎錢濬孫顯裔後孺人一歲卒仲茅體
孺人之愛養生送死具有恩紀焉初公葬父母江寧縣
太北鄉翠屏山預爲二壙以需身後形家言宜更卜卜
得上元縣鳳城鄉咸田里而以乙卯三月十四日合葬
銘曰力與命衡身屢遷自他有耀光其前三世誓不共
戴天願比死者一洗焉淑哉伉儷佛仔肩家人嚴君啟
象賢繼志述事無忘愆奉詔錫姓報重泉靈也歆承恩
安然鬱蔥佳氣帝城邊樹石表道命新阡美則彰公盛
則傳與國同休萬斯年

文學吳公楊孺人墓志銘

吳澄川公爲諸生以文行名年四十有三喪其偶楊孺
人明年亦卒其子福生時已爲諸生有聲學士大夫因
子以知父則有合志公與孺人者有專爲公表若碣者
福生猶未愜于志垂四十年成進士應拜尚書郎且以
其貴貴公而愈欲然奈何以一第一命掩親大美則屬
不佞更志之吳故宣城右姓文文山有江左王謝之日
宋末潛淵兄弟載在國史公其十一世孫也名玉相字
廷諫曾王父石岡公宗周爲臨江守以忠孝聞父某公
亨卿有質行爲吳宗祭酒娶某孺人生公神儀明秀言
大泌山房集 卷之九十五 墓銘 五

動率循禮法蚤歲失父徒跣號咷對食咽而不下以故
善病比長屬文卓有思理尋爲諸生念其母瘞而晝哭
也肉痛心煩有如割截謝諸生籍朝夕待母母憫其服
勞數慰藉之飲以醇酒公亦稍稍游于酒人耳熱輒擊
節而歌古人詩或自爲詩誦之聲如出金石中而時忽
潛然泣沾襟蓋風木之悲未嘗一日替云會楊孺人兄
爲平度州守公以母命往視因涉齊魯之封探鄉壘之
勝與諸儒上下論議人人解頤歸謁延陵季子之墓慨
然嘆曰是所稱閭閻博物君子也吾師之益淹浹諸經
史子集而里人俞明府沈太史締社論文最爲公哭嘗

得酒斟竹葉杯杯盡詩詠梅花句句新二語士林傳誦
載酒問奇履錯於門福生長受書父子伊吾相荅已治
舉子業爲之明意旨正體裁學成爲諸生慟父不逮見
也哀如初喪其訓福生恒曰君子之學也入乎耳著乎
心布乎四體形乎動靜端而言蠕而動一可以爲法則
文雖工抑末矣孝弟爲仁之本若翁竊有志也而未之
逮焉家故無長貲伯氏當戶析箸讓而受惡而供母甘
毳畢具產以益挫傷父未歸土選地而厝之拮据胼胝
脩嘗諸苦四方來觀者嘖嘖孝子公于醫卜形家言咸
得要領尤善爲星居嘗以其命不當貴與壽而無戚容
人必山房集 卷之九十五 墓銘 三

生蒐輯遺集纔數十章名曰容膝軒稿大指慕陶徵士
梅禹金稱其遺世故外形骸矜然不滓湛然自知洵知
言矣楊孺人者石溪都惺公女女時以慧聞歸公則能
佐公事母視色察聲敬應無違公以產讓兄孺人善之
兄弟怡怡則父母順君欲悅親道必出此且也妾在寧
虞養耶簪珥雜佩悉以市膳膾先時而具因時而進非
時而得卽公亦不省所從來而與女奴共井臼卑媿夙
與夜寐無倦福生之入小學大學也親師取友禮無不
腆公有問好施予唯諾若不及平度公卽時周急孺人
不私諸筭必以供姑與公所自奉蠶紉疏糲人不堪其
大必山房集 卷之九十五 墓銘 三

每舉河汾氏之說治亂運也有乘之者有革之者窮達
時也有行之者有逢之者吉凶命也有作之者有偶之
者一來一往各以數至豈徒云哉聊乘化以歸盡樂夫
天命復奚疑于人無賢愚貴賤一無所失若鏡水之與
形接不設知故而方圓曲直莫能逃也遺福生負笈從
從兄汝州守學而病寢棘知不可起強起別其母而流
涕言兒不怖死獨不得終事母爲恨寄語吾兒代吾事
母吾目瞑矣福生歸讀其遺言生寄也死歸也知富不
如貧貴不如賤未知死何如生彼何長者何悟之晚也
其達如此生平吟撰寓意而已不爲名高篋無留草福

憂而處之泰然其卒也姑深惜失孝婦如失左右手公
情累所不可忘非牽牀弟之愛矣公生嘉靖甲午某月
某日卒萬曆丁丑某月某日孺人生同公歲某月某日
卒萬曆丙子某月某日丈夫子二人長伯與福生其字
舉萬曆癸丑進士娶高某女繼梅某女次伯隆娶楊某
女女一人適郡諸生陳希允孫男某人士威郡諸生食
廩矣娶方某女次士華士耀士康士寧孫女二人一適
濮陽士燁一適某某曾孫某人某某葬以萬曆丁亥十
有一月某日墓在城南銘曰維孝與弟終身所履維詩
與酒爲而不恃刑于細君一德咸只旣無忝生復何患

延遜名名隨顯揚有子馬巖之封其文則史匪公思存世法云爾

吳孝行談貞節墓志銘

孝子節婦人世卓行然不必盡成其志食其報亦不必萃之一門而獨吳與吳孝行談貞節夫婦兼之天人兩無憾云孝行名人驥字叔良太平守小陵公一儒子貞節遜屏公某女也吳世家崇德有南丘公者爲龍溪顧氏贅婿生子晚丘公卜居練溪文橋里爲歸安人生太平公太平公娶錢恭人生三子鍾谷公人龍鍾泉公人所而孝行最少兒時侍父母寢食不須更離側太平公

山房集

卷之九十五

墓銘

三

數語以古人忠孝節烈事輒強識而善談之家人有過面折逆無諱太平公病其艱唯唯遜謝稍長讀書日萬言屬文操筆立成十五爲諸生學使武進薛公華亭范公奇其才十七遂升米廩慷慨有大志太平公慮囚於蜀蜀有國子生坐大辟以千金奉孝行爲地麾之使去俞氏子負責累千緡莫能償焚其券而大平公卒于官從兩兄輦喪與其母歸哭踊悽楚行路見聞者改容先是里有父子爲盜魁太平公發其父姦置法子蜀之深又度郡守有厚藏月夕糾衆三十人噪而入孝行居于外家衆昇之竄弄中不可亟問母安在則盜已得恭人

堂中孝行踰牆升屋從燭影中望母泣而號盜矢中其股忍痛張兩手而下矢又中額墜墻石間抽矢抵恭人所盜露刃環之孝行頭搶地乞釋母曰人豈以命易財恣爾所取而太平公故廉吏括室所有不厭其意數以刃犯恭人孝行身翼蔽母賊黨自屋上臨瞰之復射中脇仆地牽母衣不解跣而從鄉隣拯者四集以主人見執無如何盜乃劫母子俱抵舟里許弃之而孝行將母還血淋漓素衣若赭昏不知人在死法中矣恐傷母心不欲言質明莫自堅其命告母曰兒容有生理脫不然母則有兩兄兒兩孤婦腹猶有遺則有兩伯父兒可無

山房集

卷之九十五

墓銘

三

憾母幸自愛明日告兩兄男子所死一言耳而況於母乎以身易母死視死如歸其所不死者有弱子在目眩然不瞑顧貞節以母若子累若遂卒是時伯子憲祖方八歲仲子志祖方三歲少子念祖卽遺腹也貞節慟濱死而蘇其父母憂之兒少有志操必以身殉恭人嗟唏服臆以我故失佳子而更失佳婦耶弔者曰夫以死衛母而婦以生背姑可乎貞節瞿然而悟吾二十年爲女八年爲婦逮此閔凶不若速死顧吾夫有母有子吾有父母吾死莫之省憂死亦何爲每起必告姑婦何敢死偶悶絕耳哭必有時不以垢面蓬首見而姑稍安少間

則泣告姑曰婦豈能頃刻離姑第寄居長兄公所心所
才安先王舅嘗爲死者構室姑能與婦偕處否姑泣曰
正如吾意既從而念祖生復泣而告姑婦不卽死以上
有姑下有三孺子耳一切家政請專聽兩兄公而匱資
盡入盜手所存境陘田若干畝爲二籍一藏姑箝中一
付兩蒼頭稽出納而身督女奴織襪井白早作晏罷遇
於一哀至不可忍亟趨姑側收淚更爲他語依類託寓
解之或抱念祖臨水火曰吾死若以此兒焚溺也將忍
乎哉姑識其指曰有吾婦若有吾子念祖匍匐就口實
忽問母父所在貞節不言念祖啼不已卒不言流涕如
雨而已稍長從人聞孝行死狀益大啼而貞節叱之若
母聲太母垂白獨處無重貽其憂太平公葬游城貞節
請附孝行而詔三子待若長更卜兆也貞節病困幾殆
恭人計無所之分其產以憲祖屬伯子志祖屬仲子念
祖屬外大父母貞節覺之戚滋甚卒無恙而擇嚴師督
課三子垂涕泣道之日夜無倦已爲之受室必故家女
所爲奉恭人旨甘輕煖必備而食指衆區畫經費至忍
饑以從事姑憫其勸令三子子婦自爲生計以休之恭
人亦間過伯仲居而春秋高夜不能寐又盲兩目貞節
復旦夕侍寢膳蓋後先三十年而姑卒貞節哀之如孝

大泌山房集

卷之九十五

墓銘

三

行疾復作而仲兄公又卒貞節從伯兄公治葬唯謹三
子與其婦事貞節如貞節事恭人而業日落貞節慰藉
之惟勤與儉人定可以勝天居恒聞人言苦節則謝曰
苦者不常常者不苦守節婦人常事何苦之有其鄰孀
哭夫不絕聲人皆憐之貞節獨曰懼不可繼六年而別
嫁矣非冬夏更衣則不解帶凡五十餘年子婦請之曰
習貫如自然其檢身若此而與人甚親諸娣姒相與自
少迨老靡有纖介三黨之戚慶弔酬往以姑與兩兄公
命率三子行之厚薄當于情禮里發婦孤兒耻不若吳
李公母子學使滕公中丞張公議旌孝行不果吳陳公
來爲守鄉先達孝廉文學鄉三老百千人投牒公庭公
爲白直指吳公金公學使李公而邑令李公監司李公
詹事朱公與他郡士大夫請益力事上宗伯請表曰孝
行貞節之門藩伯吳公曰夫孝婦節古今所難兩給坊
直以示異而貞節愀然以而父之變成吾名吾則安忍
且撫孤孤未有立也自驕而功之愧矣三子謝不敏貞
節六十以前善病垂八十而健念祖婦問之曰吾向者
勞心勞力今心勞而力小逸一日語其娣姒吾有異夢
商令盡此吾故服道家齋今當請佛修懺不決月卒而
仲子已先卒念祖與伯兄以母遺言卜張村新阡奉父

大泌山房集

卷之九十五

墓銘

三

明合葬念祖字用修頤而美髯孝友文章名著四遠傷其父之生平母不能盡言子不能盡問也又傷其身之不遇無以顯父母也爲述兩人行四千餘言意猶若結約者以余先方伯爲太平公同榜日承乏秉憲憲與聞其父母事來請爲志稽顙而後拜泣數行下而諸通人道其白父母孝節時一夕頭爲白蓋死母者從夫從子者俱可周一甲子通國之人信之而有司以崇獎人倫爲末務或爲有力所抑厭念祖發憤畢誠亦有足多者余是以稍詳之孝行生嘉靖甲午八月七日卒嘉靖庚申某月某日年二十有七貞節生嘉靖癸巳二月四日

大泌山房集

卷之九十五

墓銘

三

歿萬曆辛亥十有二月二十有五日年七十有九三子憲祖郡庠生娶李氏志祖娶趙氏念祖郡庠生娶茅氏繼毛氏孫男六人國俊娶稽氏國光邑庠生娶施氏繼娶趙氏國彥蚤卒國禎娶徐氏俱憲祖出德輿邑庠生聘茅氏娶徐氏繼娶卜氏德函娶李氏俱念祖出孫女三憲祖出者適邑庠生時永泰志祖出者一適費某一適邑庠生沈某曾孫五某國光出某國禎出某德輿出某德函出俱未聘銘曰有死者無救於親死不若生之愈也有從一者無裨於夫生不若死之愈也子死而母稱壽母又以諸孫當戶也婦生而夫稱王父又以諸

孫繩武也母見子於地下謝子之以可生少年易可死老姥也婦見夫於地下謝婦之以萬死一生代父爲子代子爲父也以死殉生以生殉死人者爲主也生若報死死若俱生天者爲輔也孝行貞節踰五十年與人之誦莫不與也表厥宅里以風天下春官請之

天子所許也生同本于天死同歸于地無先後無男女也在天爲正氣在人爲令名無死生無今古也

曹處士方孺人曹長公吳孺人墓志銘

曹氏有方吳兩節婦方爲處士勝祐妻吳爲長公將仕郎湖妻湖則勝祐伯子也湖諸子中伯子應鳳最知名

大泌山房集

卷之九十五

墓銘

三

奉其父母王父王母合葬于某而手述母行畧與其里人祠部洪公爲母狀方公爲父狀直指張公爲王母狀前方公爲誄武林俞公爲傳介友人汪叔吉以請志于余其言曰聞之婦從夫母從子先王母之節也爲先王父爲先君兄弟也母之節爲先君也爲諸孤也今日之事卽先王母與母不敢忘先王父與先君而諸孤何敢忘之維是先王父早世行事不少概見孤幸事母日長得睹記先君差詳無者不敢誣有者不敢蔽也使君其爲志墓中之石按諸君子皆以筆爲衮鉞者簡重兩端人鄉評史書之義也應鳳以兩世父母並稱孝子慈孫

之情也於道皆是通爲志曰方孺人黃村人父曰玄生而有志操言笑不苟職女紅甚勤居母喪哭泣之哀顏色之戚有加常等筭而歸勝祐祐者曹公順叔子也以誠慈聞孺人事姑舅無逆命諧娣姒無失色御賊獲無情業綈繒蔬糲無侈容叔子悉囊中貲賈淮人與貲葬魚腹矣孺人時年二十有四將死之而兩孤大者五齡小者六月乳乳無依舅姑曰若誠不忘死者則當爲死者卹孤孺人收淚而謝敬奉教而貧甚取生菜汁啜之晝夜織紉自給宗黨或說曰極知若爲子計盍于娣姒中以一子爲之子是子無母而有母也携一子以事人大泌山房集

卷之九十五

墓銘

三

丁

是子無父而有父也何自苦爲孺人輒然怒已噉然哭吾忍死以望孺子之成慰死者地下而何患貧又何憚勞卽不然以貧死吾與吾子故曹氏餒鬼也言者慚而退而益勤女紅衣當坐處悉穿指搗或墮不顧併日一食食唯大豆而務飽其二子二子長使從賈累錙銖致十百千萬而孺人綈繒蔬糲自如每見所贏得則嗟曰父所以畢命道路將以此貽若曹而曾不得見之因擗踊號咷左右咸爲流涕居家不召巫卜鄰婦約往觀劇者不應二子各有孫延師教之曰鄉以治生迫若父于賈儉天之幸少有矣孺子其力學爲儒脯脰筐篚之贄

必勝所知發婦周其不急曰彼艱難狀惟我深知臧獲孤者幼者子孫或督過夏楚卽爲理釋若不思無父時苦耶二孫入太學二子賜爵一級每舉壽觴拒不內無何二子相尋卒晝夜哭食不下嚥而流涕言吾少而哭母歸而哭舅已而哭夫衣無一日無淚痕今老又哭吾子是未亾人能爲曹氏不祥也死晚矣又三年卒長公弱冠以五十緡與弟賈周鐵鄉未幾遂饒謀曰京師萬貨之泰舟車轉輸可致富也卒如其言而以早失父念之不忘名其堂曰思椿門內之親千指不析爨侍食于母務爲歡端侑之母病則與醫討論方書肅衣冠手藥大泌山房集

卷之九十五

墓銘

三

丁

跪而進之繼之以泣夜分或昧爽稽首呼天母乃差其奉諸父如父而視仲子子如已子從子病卽中視之夜不啻十起同舟遇風濤舟人懼不免號而禱曰某幸多男吾弟財此子欲自投以代之舟人挽之乃已俄而風息子長則以應鳳入太學以應麟爲諸生而會司農告訕舉故事授將仕郎太醫院吏目以母七十歸爲壽至陽羨病作遂卒彌留時以不終事母爲憾死必附我母以葬周鐵鄉多盜爲建漢漢壽亭侯祠侯靈異盜不入界所食餒人所療病人所歛死人甚衆關里之遠戎邊無資者與不問中表兄弟子錢兩人尸祝之邑令旌其

門尚義配石嶺吳孺人父銘母孫以長公孤能自立字焉歸則王姑程孺人猶在王姑目之語其姑新婦必能助若起家長公迎母荆溪孺人率其姊夜績而晝爨得甘旨先奉姑而姑念王姑甚孺人與長公還里治居室日爲數千百人饌皆其意長公將之京師以母老沈吟未決孺人曰娶妻有時爲養妾敢不盡力無何長公卒孺人哀而垂絕而季子方乳強起乳之殯長公于郊哭之咯血已哭姑咯血滋甚以是不起長公惡生分四子至今不殊孺人詔之若父有成言富歲子弟多賴逸居無教不比于人數仲季讀書黃山數使人督課之省大泌山房集 卷之九十五 墓銘 三

其子若婦過其門則哭迴車叔氏姊反目志欲雉經力解之後以子故避難荆溪匿不令人知孺人使其子存之無以子絕母母何罪是與我同患者也諸賈人婦多奢孺人無華飾嘗謂子婦吾昔夫在姑在口若緘足若枳幸而後死夫好逸惡勞非保家保身之道也病力語仲子吾所未了者若姊爲王氏婦計聚首財月許三年而孺與我處四十五年事我孝他日返孺之喪使同穴幸甚不則以耐我吾目可瞑矣處士生正德某年某月某日卒嘉靖某年某月某日年某十有某方孺人生正德已卯五月十有一日卒萬曆癸巳二月九日年七十有五長公生嘉靖某年某月某日卒某年某月某日年某十有某吳孺人生嘉靖乙巳九月二十日卒萬曆辛亥七月二十有一日年六十有七長公母弟汪王府典儀娶謁川胡鉉女長公子四人伯應鳳太學生娶同里方文學東明女仲應麟郡諸生娶黃村黃元杞女繼臨河程紹裘女南豐令隆女孫應鸞太學生娶長齡鄭守誥女繼稠樹汪應治女應鶴邑諸生娶同里趙太學滂女女二人長適同里王自賓嘗割股療母者也次適澄塘吳從夏孫男五人泰陽復陽鳳出抱陽麟出陞陽鸞出四陽鶴出泰陽娶潛川汪待取女陞陽聘俞村程太

吳某女餘未聘孫女六人一適同里潘文學今聞子彥
實一字鮑孝廉觀光子象新餘幼未字先是有巨室子
孤而窘吳孺人子之與子等一曰應龍娶吳某女繼潘
某女子一人景陽女一人一曰應梓娶江某女子一人
可教典儀子三人應鵬太學生娶胡廣文清孫女應鴻
應騶未聘女一人一適吳文學君微子雲驥一字溪南
吳自寵兩孺人守節立孤同抱曾孫同病以咯血同方
年應格旌于朝吳年不應格旌于國方踰老吳踰耆微
異耳曹氏方與米艾肇基男子成于兩痿其男子定有
綏後祿者非偶然也銘曰死而子孫是續是似何憾于
大泌山房集 卷之九十五 墓銘 三

死不死而子孫爲郎爲仕何愧于死子不爲寡婦子未
有見焉而父且因子以傳母不以子爲他人子而字他
人子若干然聽者婦慈者姑何德之符貧者富賈者儒
自有職無吾以妻知夫必也刑于吾以子知其父若王
父惟德不孤詩有曹風不忒其儀以正四國萬年爲期
爾更兩世儀則一兮無忝先人視此銘詩

吳翁潘孺人墓志銘

吳雲津翁與偶潘孺人後先三日卒三子涕泣述其行
事屬程儀部爲翁狀宗父孝廉爲孺人狀而以墓中志
屬余余于翁季子寧野爲文字意氣交卽辭不逮二君

子義無可諉因按次二君子言志之翁名文漢字德昭
雲津其別號云父處士公鑒母潘令人翁生甚慧比長
受書至太學生財之道喟然嘆曰有天下者猶然生衆
食寡爲疾用舒何論庶人躬行節儉不作無益害有益
或貽之玩好輒以貿易居積旣受室孺人出其奩具可
二十緡走芝城爲陶賈得倍稱之息處士公與舅氏潘
公異之何術而臻此對曰白圭之廢著范蠡之三致千
金豈有天幸哉運之六寸轉之息耗取之貴賤之間耳
舅氏稱善出萬緡主鹽筴淮上淮上人爭赴之身與僅
僕共作同甘苦米鹽凌雜謹正簿籍恒譬曉同人夫分
大泌山房集 卷之九十五 墓銘 四

財賄而設鉤策非以鉤策爲能均也使善惡多寡無所
歸其怨也是故卜筮以爲決權量尺寸以爲器書契章
程以爲式古之人皆用之衆唯唯莫或欺莫或怨焉不
二十年潘公業大起歸德于翁翁不任也先是河鹽盛
行遞至遞掣而賈人病翁翁白當事者行兩季三單之例
貪賈爲私相牟利而官病翁復請嚴其禁上下便之諸
賈人高其識推翁祭酒其後作姦犯科者肆行鹽筴大
壞衆乃追思翁翁而在寧至是翁事父母孝父老
上食必先嘗察衣寒煖臥起向背所宜痛母之早世也
歲時之奠及哀端所觸淚如綆縈四十年如一日自高

曾以上明世系昭穆置田供粢盛犧牲名之曰茂塋而培植封樹望之鬱鬱蔥蔥有佳氣矣季弟少孤恐其育鞠以處士公所遺爲之營子三倍于母其教諸子經以勿欺爲心以孝弟爲行或諷治宮室拓丘園謝曰吾聞土木勝人者災務廣地荒而不治何自苦爲終身浣補之衣服之無數晨起櫛沐庭視掃除圃視種藝壘視誦讀夕視完鑰從新閉突而後寢外王父蚤世外大母無以自給爲育其子孫歲饑邑令行糜粥廣外糴翁首應令令表其門鄉射宴以左席奉詔綬爵一級曰儒官潘孺人父長公某母姚姬幼善女紅又能相母治中饋父

大溪山房集

卷之九十五

墓銘 里

母慎所字而吳翁年十六魁岸若丈夫簡爲婿年方笄耳諳事若素習而與翁相敬如賓事尊章婉以承歡姑操下嚴獨安孺人翁之行賈也孺人所爲養二人奉賓祭者豐而有恒卽極寒暑無倦姑每爲祝釐家廟新婦賢其昇之多男間歲舉伯仲二子身乳哺之理家政不廢姑病瘵以身左右須臾無違姑更憐之孝哉婦吾請命于天令而之婦事婦如婦事我而以其季子目屬孺人是將以嫂爲母孺人飲淚受命頌之曰吾願矣其視季叔視已子有加學具贅婚具采以成翁友于之美而于仲叔及叔季兩娣咸和睦閨中化之鬼然若無事寂

若無聲諸子長而才不苦程督時訓勵以古人言行念其母老弟弱請于翁婚嫁生者而歛葬死者其用節儉與翁等好施亦相當至脫簪珥應乞者償與否悉勿問市兒故昂其直無所校翁飭廉隅詳綜覈孺人劑以寬掩人之短而說其長家衆千指詬訾不形于口鰥寡孤獨從之如歸市病則禱卒則哭履相及聲相屬也諸婦請遺言曰隱惡揚善有容德乃大問諸無質劑者當若何曰皆寡人子何忍言生平陰行善類如此其年爲萬曆癸丑九月十有九日距生嘉靖庚子二月十有九日年七十有四翁故健秋忽疾又傷孺人後孺人三日卒距生嘉靖戊戌十有二月十有八日年七十有六以某年某月某日合葬前山之陽子三從志從謙從先志太學生謙以太學生授正提舉先以庠生入太學寧野其字聲稱籍甚志娶許玄相女謙娶鄭輅女先娶汪天錫女女二一適程有祚一適汪啟徽孫男五孔嘉孔良孔瑄孔珍孔瑞嘉良俱太學生皆謙出瑄珍瑞皆志出嘉娶葉大學茂元女繼汪經歷廷武女良娶程孝廉鐸女瑄娶汪孝廉一鸞女珍娶程太學道翼女瑞娶程光祿從伊女孫女七人一適鄭庠生一鳳子縉雲一適程太學嗣木子道輔一適汪太學宗道子兆龍皆志出一

大溪山房集

卷之九十五

墓銘 里

適鄭太學懋德子本燭一適程起鸞皆謙出一字潘太
學斯克子茂中一字汪太學士龍子維垣皆先出曾孫
八人期傳期俛期倣期价皆孔嘉出期俚期佺孔良山
期阜孔瑄出期芬孔瑞出傳聘黃太學希周女俛聘方
廉憲萬山孫女餘與四曾孫女俱待年其家澄塘自李
唐以來代有達人詳狀中銘曰男女之道與天地並夫
和而義妻柔而正惟吳翁媼前倡後趁翁爲乾健媼爲
坤順其始則戚感應相與止而說之男下于女其終家
人父父子子兄弟弟富家吉矣有親有功可大可久
三索得男稱乎父母言采蘇辭勒石坎中乾坤不毀榮
大泌山房集 卷之九十五 墓銘 四

名寔同

江公劉徐兩孺人墓志銘

建德江君之倅余邑也饒幹局飭簞簋是時令爲歛洪
公廉而慈不阿邑上官上官中之波及丞倅倅遂左遷
弃去家無中人產餬其口于四方而以長賦過金陵謁
余言往者登之承乏使君之鄉奠以先父母倅不朽于
下執事會使君起家上郡不果而登之尋返初服道阻
且長無能致今者傲天幸再奉顏色使君念登之無遺
誦千人邦以貽先人辱其聽許之愧無可爲禮第九頓
首以請余拜諾問其家世曰江氏池州府建德縣人也

高王父通故諱令娶于蘇與龐曾王父賢娶于檀與朱
王父藻娶于鄭與夏父曰東是爲我溪公公生歲餘父
卒母鬻子閔矣然不爲姑息以是公奉母訓有處士之
義里中推祭酒邑禮之爲鄉飲賓初娶于劉副之以徐
舉丈夫子五人長曰統之以明經高第仕江西石城令
次日行之諸生升米廩有聲三日定之以文無害爲山
東曲阜尉擢廣西上思州幕四曰正之最少者曰登之
以邑諸生爲國子生仕湖廣京山縣簿擢魯府典寶三
回劉出也一二五徐出也女爲南溪金國器安定程道
遠婦統娶汪某女行娶汪某女定娶夏某女正娶劉某
大泌山房集 卷之九十五 墓銘 四

女登娶程某女孫曰大派大貳皆國子生太橫大帶大
任大通皆邑諸生大勳大粵庚祥暨曾孫賢孫德孫長
春百孫輩數十許人皆鄉學斌斌質有其文焉金婚之
子學經爲貢士程婿之子式爲郡諸生孫女四人適比
部郎胡某孫其觀適國子生金光辰邑諸生金學章金
九泰我溪公生正德丁卯八月十有一日卒萬曆某年
某月某日葬查冊湖其山形鳳負某抱某劉孺人生正
德辛未九月二十有八日卒萬曆某年某月某日葬茅
店其山形雙龍下海負某向某徐孺人生嘉靖乙亥十
有一月二十有九日卒萬曆某年某月某日與劉同窆

公卒兩孺人前劉卒徐前徐春秋七十有三公與劉年亦相亞而及見子孫蕃盛爲名家問其父母行事曰公念父蚤逝葬故有闕爲石封墓斬衰哭之盡哀率子孫致祭廬居七日然後歸嘗遺三十金于路族人得之公不復問而族人故受恩持金還以半謝不受割田連畔者授之書致里人貧不能晷沒不能葬資之無所靳有不知何人死于道爲瘞之折節體貌儒生行必讓道顧必肅迎歎必豐其睦於鄉里有知不以相欺役有力不以相臣主也騎而之野或加惡聲童子以告微哂曰彼詭他人耳人服其有容御子嚴伯子統長矣小過輒予

大泌山房集

卷之九十五

墓銘

五

杖故諸子能自立比部郎胡遠大中丞李一元徐紳重公之行詎締好聯姻劉孺人莊御徐母不少示狎色而徐母事之恭家政無巨細一聽命女君已遂相諧王母鄭以勤儉造家兩母則而象之子婦儀刑三世勿替登之黥淺所述止此矣余猶憶倅之佐邑也當道旌之曰清白吏家不悉所以乃今知出自賢父母倅善則稱親曾無長語意其爲人也和安而好敬守業而不淫柔惠小物非義不變慶流後裔宜哉銘曰善無近名名以子不爲福先福俾爾龜窻之宮相對峙山澤通氣吉祥止鍾美于世濟美何所取徵銘則史

范長君鄭孺人墓志銘

左丞范原易公以清直著聲評騭人倫少所假借而獨善宗人本禹爲印石處士小傳又以太史焦弱侯銘之尚璽祝無功傳之兩人左丞營道同方之朋不虛美者也長君名濠本禹其字別號印石少與左丞共就外傳父書強記以綴文左丞謝弗如會父病不能治生乃代行賈而待醫藥相起居數年不懈父歿哀且毀母病以身解祠恒終月忌寢食喪母與喪父等產漸落復賈淮揚吳越間嘗就左丞問計左丞曰吾家范蠡能積能散享有令名今人知積莫知散偏才易與耳長君起謝吾

大泌山房集

卷之九十五

墓銘

六

其爲全才乎知時任人一如蠡法十年貲大起所至眺覽名山川把酒放歌流連忘返諸賈人訝之此寧奇貨可居哉傲然自如也長君雖賁用饒而服食蔬儉如故時獨祀先饗客必豐若歸殯從弟卹孤嫠藹藹肯與人母錢寬其子左丞聞而喜吾宗有人已從左丞請學詩教以大致後出其詩示左丞左丞益喜卽余歸林下何患無惠連屬和哉所爲赤牘他文皆小有意有印石山人集藏于家年未及艾而卒卒時無惶怖無繫戀或曰長君善爲星知祿命之有定故也配鄭孺人始生日者以爲可作門楣七歲能讀女孝經七歲年十五來歸相

望者稚之顧甚諳婦事得舅姑歡佐長君應務有條理
睦于諸後先其節畲一如長君長君病泣而禱神願以
身贖病果愈更數年卒哭之慟絕念諸子不習事督之
如長君仇酒肉之味誦貝典終其身族有婦無禮于姑
垂泣涕而道之婦悔請自新歲凶賑饑除道通津夏給
水漿陰暘者左丞更新祠建石梁出千金效功以事佛
虔人呼之慈悲菩薩病革趺坐持呪室有異香里人相
傳爲宿因云長君生嘉靖辛丑十有二月二日卒萬曆
丁亥六月二十有一日年四十有七孺人生嘉靖乙巳
十月十有五日卒萬曆甲辰後九月二十有八日年六
大泌山房集 卷之九十五 墓銘 四七

十伯子械娶潛阜金高芳女仲子櫟太學生娶下山方
玄倫女後孺人卒叔子相娶城南太學金鑑女繼新屯
載佑女季子櫟太學生娶畢枋程楊女女一適新屯朱
文明爲節婦孫十二人械出者文順聘光祿署丞吳繼
達孫女文立聘畢宗旺女文彭聘諸生汪仲達女文丘
未聘櫟出者文豹聘太學程渡女文彥未聘相出者文
震聘太學陳肇學女文慶聘汪國正女文蠡未聘櫟出
者文衢聘太學朱有和女文傑文佐未聘孫女五櫟女
字商山吳明璋子某相女二一字竹林汪煥子某一字
理問畢存方子某櫟女二一字約山汪國正子一未字

櫟嫺于辭述孺人事以請于邵奉常程郡李程明府爲
狀爲傳爲銘而謂余雅奉教于左丞有通家之好乞爲
合葬二親志銘曰昔者范蠡所居三徙徙必成名非苟
而已惜哉其婦及其少子聞于知人長男竟死維范長
君亦用賈起徵貨徵賤行如流水財不傷義富而好禮
稱物平施誦者比比天錫祚胤昇之女士僂力同心二
物經始于也四之仰橋俯梓彬彬文質器從所使櫪梨
橘柚各有其美兄弟怡怡父母順只宗老直筆家乘特
紀名實所加無羨蠡矣馬鬣之封卜青林里史銘藏焉
永言勿毀

大泌山房集卷之九十六

京山李維楨本寧著

贈工科給事中何公錢吳兩孺人墓志銘

甚哉天之難謹也善不必福而遭禍不善者或縱之以厚其毒至於摧折子遺之餘而擁佑之久而靡替衰而復振使夫疑者憤者究乃爽然失暢然快而深懼夫不測之威不漏之網無淹速一也其明威如此余於義與何贈公徵焉公初娶黃孺人繼錢孺人再繼吳孺人黃蚤卒錢實生子給事君而以給事始有吳何世居官堂丘壠在焉有從子季陽善田季陽擣蒲無顧藉貧矣大泌山房集 卷之九十六 墓銘 一

將以田鬻於人公曰如先墓何倍其直取之而時督責其亡賴季陽以爲辱所得直居無何復盡復欲鬻田里有黃正蒙首匿家三盜學恭學道學儉爲囊橐聞人言官堂地佳欲之則甚季陽若叔四十無子卽其產若產也而若以產予之乎若語叔以產歸我不然吾爲殺若叔削株掘根無與禍鄰季陽惑之操刃脅公公絕裾而避之蒙山外家自傷生不得正襟牖下更爲餒鬼乎日夕望抱子而給事君生諸賊宣言懷抱中物不勝吾折鉤喙公孰思之身與產孰親而以是區區父子不相顧計之左也乃以書致授季陽內正蒙正蒙嘻來何暮耶

其黨毆公錢孺人驟得耗悴而愀遂卒給事好食豚其錢孺人令猶子高市之日肝不歸憾曰我在也而路死於此死兒何所寄命攬涕如雨給事每憶及此事心爲寸折而公亦哀給事靡恃以吳孺人母之賊初以母死子不必生且後母每虐前母子而吳孺人之子給事無殊前母賊大恚必除之乃已會公族人與學恭開賁欲訟之官未行公以他事入邑正蒙怒鼠子是必追貞難我令三賊伏松塢伺公過束而之溪畔裸躬撻幹撈楚并兼投諸水公強起復捶之村人盧保見而不忍以竹兜子舁歸昏不知人醫言痕瘡身無完者骨斷矣須土驚續之孺人泣告天旁求破其指血殷裳忽得土驚數枚以療公稍蘇季陽謂公定死謀殺給事絕口入門謬曰誰殺吾叔吾其以孤兒赴愬哭而泣不下孺人先已匿給事其夜送之舅氏家而丁寧之無出門跬步不者轉屍溝壑矣季陽輩迹得之將略而斃之山谷中又賂販夫播鼓於門潛傳藥於鍼刺殺之給事奉母病唯謹不踰戶以故免孺人憂患未歇也令人負給事走武林朱公家朱公故嘗告言黃氏殺人有負首仇而知力能自將俠類朱家云諸賊計曰騎虎勢不得下然死毆著不若死獄隱乃召季陽僞爲公訟學恭盜財

大泌山房集

卷之九十六

墓銘 二

者盜無賊仗則坐公誣告耳郡倅韓某寧縣事諸賊故與邑胥史錢通表裏爲奸使隸逮公不令公知也左驗具倅問公衆曰何某自知罪不敢對簿問季陽季陽曰然案空劫入公律贖季陽詐亡逮者反按公公瘡痕未復錯愕不審所謂而逮者還白倅是夫飛揚跋扈非銅之園牆不可倅已醉首肯又迫公代季陽贖諸賊賄獄吏令公不生出獄留其日三木敲朴不休吳孺人急洗索爲公贖公還身負重傷病在死法中矣語給事吾生平無獲罪於天而以賊死齋志入冥孺子長所不報父仇者無瘞吾骨給事方九齡耳孺人將以死殉而有身

大泌山房集

卷之九十六

墓銘三

甚

姑俟之生矣男也不數月復夭孺人泣曰庶幾以是左提右挈爲死者地而不獲有耶復欲投繯死而給事持之泣兒非母無以至今母死兒何能獨存獨不思父訣時語乎孺人噉然而哭所爲報父仇者必于有成也無成與無子同徒亂人意不若速死給事泣而諾而母更戒之言出吾口入若耳亂之生也則言不密爲階若父飽仇毒拳不敢言垂沒而後軋于語若可不慎哉遣給事復之朱公家學諸賊無所發難小挺矣季陽入室掠僮僕器具雞豚殆盡孺人爲鄰婦傭刺繡紋容身而衣量腹而食而以其贏共給事脰脯燈火給事間歸省孺

人生之公靈牀前咨考其學有不解怒而予杖吾所忍死謂何而忍負之夜午書聲刀尺聲相應渴則水漿饑則豆羹與淚俱飲也自是給事益刻厲書其父不祿時日置衣帶中同舍生或徵逐酒食視帶輒止強之酒財沾唇而止閉一室不通外事穴壁進饘粥而題曰會稽關學成爲諸生孺人治一帛充儻貨市兒竊以走貸得二錢步而往足爲重繭其當厄皆此類也公始被毆血淋漓染衣孺人殮公則瘞血衣以俟給事長而觀之其夜夢父老執紫芝語曰此而家報三七乃驗瞿然覺莫曉所以嘗私取衣曝庭中桃桃立爲枯而給事以先輩

大泌山房集

卷之九十六

墓銘四

甚

調母母率之憑公棺而號已出血衣相視相抱大哭昏仆地慘然無生趣若病狂易者一日謂給事未亡人十七年泣血與此衣等若不能報仇我死無瘞吾骨遂絕給事痛割善毀亦若狂易逾年小差而舊所瘞血衣處有枯桑生紫芝其上季陽好爲謾辭謝罪願殺黃賊自効給事陽許之置酒東埠相對接待甚備而陰令賊翳宿莽行刺給事心動且母命不敢忘陽辭別去而行刺者逢二虎俛脫季陽大驚丁酉上公車禱於于忠肅祠其夜季陽暴諱若鬼伯縛之者明年給事成進士觀戶部政將具疏白父冤友人格之審爾迹奇露罪人不可

必得乃白司徒楊公以嫡師遼陽便道還里而鹽莢使者袁公業已下吏捕學恭學恭逃死大索十日不得忽得之云有二虎繞前後足爲枳給事詣諸臺流涕言曰世無無父之子國無不子之臣某父何辜爲衆惡所魚肉荼酷萬狀生母繼母皆坐父故孤寒寡偶控籲無階私痛迄今如謂罪止一人則律有同謀如謂事經累歲則見知故在學道學儉虐甚加功正蒙李陽實先造意四凶罪不容死偷生已久三喪視而不含銜恨無窮不共戴天有如此日見者鼻酸心悴通邑薦紳仗義執言邑令驗問頗有遂而某子甲或中賂撓之給事奔告直

大山山房集

卷之九十六

墓銘五

墓

指劉公劉公惻然改容記下郡理邵公窮治獄具尸學恭衡加木焉昇野犬爭啗之道儉變姓名入山中丞陳公搜捕道疫死或曰見緋衣人鉗灼考立其罪尸糜爛無收者李陽論胥靡又一年暴死血胤斬然正蒙先二年中盜焚死其年已亥距公卒二十有一歲符三七之數云給事既雪恥除兇爲文告父母慟如初喪欲終身自廢以謝地下人而友人難之孰使爾釋二親憾者非君恩耶報君卽報親負君卽負親也乃謁選人司理明州以考績贈父如其官母錢吳俱孺人已擢兵部主事未任選工科給事中值國慶復贈父如其官三母皆孺

人而疏請歸葬十六上不報又特爲吳孺人請曰臣母爲夫立孤孤立而臣母以死殉臣父臣一毛一髮皆母恩一字一句皆母教臣既不及祿養臣母節限於年未旌臣何以自解中丞臺爲坊表閭又踰年奉命使楚已事而竣復乞歸卜侯山之陽鵲亭以葬而余陳臬浙時習給事治行給事屬爲父母志墓咽塞不能置辭已讀李水部所爲公別傳令人怒髮豎令人悲涕下復令人喜榮齒實人間一大奇事媿余不文爲識其大都而叙公生平如左公名其孝字惟達別號養心其先浙定海人宋丞相執中二十三世孫也遷義興則七世祖仲昇

大山山房集

卷之九十六

墓銘六

墓

從子益任常州路教授覽官堂里之勝樂之里人病疫得翁藥皆甦焚香羅拜留翁家焉數傳至東園翁時慙生鉉鉉生溥溥富而能仁歲粟百千出入一斗曰吾子孫世守之里有門前山形家以爲吉將昇蔣氏所善張公曰君獨無父母耶仍別予之地予石橋公樞性謹恪飲醉歸失容三月不庭舍傍溪漲行旅斷絕爲造石橋人因號石橋公舉三千伯其廉仲其清季則贈公公生當橋成日賀客傳說天之所以胙善也習舉子業不售而石橋公困重徭才公任以家公力課男女耕織旦莫不休業乃中興事父與母黃孺人生養死葬如禮思至

而痛中路嬰兒之失母也哭不絕聲矣兩兄析箸交讓
爭處卑委利爭受寡力事爭就勞曰先人故以我善治
生一切埤益我何敢薄同生者而辱先人命夫代勞代
置爲人弟事也錢孺人相公行德三族四鄰下至臧獲
遇之甚厚借公經紀伯兄喪爲嫂杜若兩子通與高衣
食計給事之未生也以高任簞簋而通得專其父所遺
一意養母輸公家之賦入私室之責兩人束手蒙成而
已族兄其財賈無資貲二千緡業之折閱不問授甥狄
同炳母錢已失復授終身不衰收養故人王懷東三十
年鄰人王四賣身還其券以十金令息之聚婦環官堂

大澗山房集

卷之九十六

墓銘 七

苦

而居者煖澄不時出廩以賑五年而後收負者身請爲
奴妻若子爲質皆不受耕耨之器種畦之種斂殯之具
戶口之算仰給公如寄蒙杖輶屨之衆腹猶果然出入
一斗守大父語無失里人稱何氏三世斗焉公生嘉靖
辛卯某月某日卒之年某月某日年四十有九錢孺人
某公女生某年某月某日卒某年某月某日年某吳孺
人某公女生某年某月某日卒某年某月某日年某給
事名士晉娶諸生吳公某女封孺人女兄適同邑張主
廉女弟適溧陽諸生狄公某子同矯俱錢孺人出男孫
熙祚邑諸生娶翰林學士吳公道行子東昌守公玄文

女一娥未字余聞之孔子善不積不足以成名惡不積
不足以滅身小人以小善爲無益而弗爲也以小惡爲
無傷而弗去也惡積而不可掩罪大而不可解何氏一
斗小善耳而積之三世不易惟不易而善積焉公不以
蒙大難一日忘善虎爲之驅也神爲之夢也鬼爲之厭
也桃爲之槁也芝爲之榮也天何嘗一日忘公善其有
給事非朝夕之故矣給事法父母陰行善官十六年以
其祿爲義田義倉睦宗族鄉黨卹老疾矜寡敬共神明
治一國津梁何氏斗行爲魁柄斟酌太和元氣小善云
乎哉銘曰一田舍翁而歷試諸艱玉成厥終一弱女子

大澗山房集

卷之九十六

墓銘 八

苦

而子藉以生夫藉以無死何好修而不免其身無乃前
世因天道無常善是親不於其身於後人天勝人者人
未定人既定者天爲勝吁嗟何公積善之家必有餘慶

封奉政大夫楊公顧宜人墓志銘

封郡丞楊一真公之葬也其子駕部大夫已先卒其孫
之屏之翰乞銘於相國王文肅公足不朽矣又數年而
公配顧宜人卒兩孫舉附公之墓而以合志屬余蓋駕
部爲余所進士余游太倉從公之婚姻王司寇太常兩
公得交公知公賢故可志也楊氏先世自弘農遷於鄒
勝國時海漕萬戶春堂居崑山之新安鄉入明而析置

太倉州乃爲州人自父以上率善農致富而公以入貢拜鴻臚典客後以駕部封郡丞少與伯兄受儒伯兄過苦病徃以死公乃入太學爲儲文懿公所知嘗後其仲父資資晚舉子翁還爲父子遺產無所取而歲時享祀不廢又爲擁護仲父子女兄爲龔氏婦夫婦皆蚤死親視含斂營葬如其子孫龔氏之嗣穉且貧贍之田又代爲之入租游太學歸遭父喪三年不入內哀而毀瘠而焚諸負父子錢者券以千百計伯兄二孤一未免乳一猶在腹與其婦事其嫂抱哺其子部署其家而少于士選且通籍於朝嫂八十以節旌門公實成之也里家初

大泌山房集

卷之九十六

墓銘

九

欺公易與狎侮備至無所曲徇既身與子貴其人慚而公初不以屑意州舉賓社虛左席迎公固謝不往第與里父置酒爲樂耳有齒及市井事者以大白浮之造請居間侍坐終日莫得發言食無二簋衣無兼副而好施病與藥死與肆歲侵不責佃租又食其餒者喜讀叅同契及西方氏言比死三日面目如生人以爲尸解而訓子孫則惟忠孝勤儉四言一軌於正也配顧宜人蓋甲族爲女時能佐母主中饋比歸益虔朝夕奉養尊章飲食啓居必得所欲執喪與公同哀葬祭咸比於禮舉駕部口授章句既就外傳供具極豐腆曰吾門待子而大

吾子待師而成違惜小費少長聘海虞孫公爲師禮倍敦駕部乃先孫公第矣孫公數語人楊氏母之教子蓋嚴父嚴師兼之者也已更聘孫公子爲其孫師駕部宦遊佐公治家監奴不得干公家事女奴不得學時世粧族人無有挂吏議者駕部父子先卒兩孫以文行禪其家山宜人功居多既哭子復哭夫外侮乘之從容調御無怨憤色蔬食布衣不貴金玉之飾不尚彫幾之器禮大士像於東軒誦經持戒甚謹聞淄流談天竺海南惑婦女往謁則唾斥拒絕之甫旦而興夜分而息機杼不釋手爲臧獲潏濯補綴故衣疾病則治藥餌母家遭中

大泌山房集

卷之九十六

墓銘

十一

葉以其所織紵周之終不費楊氏一縷楊氏有緩急則贊公施不遺餘力云公生嘉靖甲申十有二月二十有四日卒萬曆癸巳後十有一月十有四日年七十宜人生嘉靖某年某月某日卒萬曆丙午某月某日年八十有某子一人卽駕部名士元有文學政事聲婦陸宜人孫二人伯之屏娶錦衣衛指揮同知凌公玄超女仲之翰娶太常少卿王公世懋女曾孫男某人曾孫女某人字華亭徐文貞公孫嶷者之翰出也以萬曆某年某月某日合葬於某所銘曰觀而身前而富而貴而永年觀而身後而子而孫多賢人所願欲天所篤右而得其全

而何德以將之墓有志在焉宜其然

贈大理司務項公暨元配江孺人墓志銘

今天下思將帥志義死封疆之臣必曰曾襄愍公而不知爲公佐惟中畫者有武岡同知項公自商丘相國爲傳武岡公長美見乎天下而不知爲父佐惟中畫者有子贈大理公武岡公初仕西安衛叅軍以公從而襄愍公方銳意驅虜復河外新秦中地聞武岡公膽畧名置麾下會虜南牧武岡公以五十人往卻之忠愍公心輕虜可箠使而贈公獨與父計宜先爲不可勝去鎮三十里高壘深池戍守相望兵耒耕作其中縱橫樹木成列虜騎不得騁少遼緩之力沛若有餘更拓三十里需以五年積聚訓練可得志虜襄愍曰是不俟河之清乎尋中讒死而武岡公擢判沅州贈公亦從之官蠻甘妹侵軼我內地督府張公檄以千人往夜出不意薄寇柵質明大譟寇驚爲神咸竄手劍而叱之縛其渠魁已相地晃州南便水西五板而堵五堵而雉百雉而城守禦備具沅乃安蓋父子所規畫爲一方久遠利而擢同知武岡以勞動病上書乞骸歸里初父病一歲所贈公調藥餌相啓居瞻察衣食夙夜禱于神請損已年益父壽武岡公乃起著績朔方故有什一之業在外郡念父老

大泌山房集

卷之九十六

志銘

又十

墓

終鮮兄弟不復去子舍稍取質劑之贏慈以甘旨而有

大夫子四人分職賦功使各奏能以承親歡季子大理弱而才督之學尤勤世受大戴禮少所誦習出以授季子而丹鉛章句釋其義指置座右膝上詔之問侍兒是夜中與甫罷季子至今讀其書不禁涕之潸然下也贈公以家督不竟儒而自少迨老持一編不釋暇則開蔣生之竹選編陶令之菊籬與文學士觴咏爲樂篤于禮而薄于利自諸父兄弟疎屬緩急相護有無通共推之婚姻鄰里昏嫁不給饑寒失所悉爲周卹所折券并責數百千計惡惡也疾始善善也樂終與人未有過切也而盜妄意室中厚藏席卷去母驚悸卒心傷之哭泣醜飢粥嗑不容粒遂逝矣通國人皆雜然曰天何奪善人之速也爲之流涕得盜而甘心焉贈公元配江孺人間右江公女歸時家故優潤而持之以儉布素蔬糲與女奴同操作獨相贈公所施于親疎遠邇不少靳武岡公御子婦嚴孺人敬而不黷歲時伏臘姑戒無舉觴則屬諸姑伯姊輩以請必俞乃已鞠躬屏息齋如也至御諸子婦恣柔愛之道焉贈公卒孺人以尊章老強起代夫爲子而課諸子學輟其身首之飾以充師費雖蠶桑簞食四脰脯必潔必虔而武岡公沒貲減貲勉拮据無

大泌山房集

卷之九十六

志銘

十一

墓

育鞠以貽地下人憂行年七十機杼無倦子婦請息不可作法于勤猶恐其情況以情訓且吾樂此不爲疲也季子舉于鄉雪涕而告贈公之靈不色喜卽屢誦公車不色愠有助孺人造者親之若姊奴而撫其女與諸子等其卒也語諸子若爾父之年者宰上之木拱矣吾何歉焉坐瞑若尸解然人咸異之武岡公名鏞贈公名曜字德輝生正德乙亥七月十有一日卒嘉靖癸亥四月五日年四十有九孺人生正德甲戌九月十有二日卒萬曆己亥十月二十日年八十有六伯子諾仲子訓叔子詔季子際明由武進諭遷國子先生今爲太理司務

大泌山房集

卷之九十六

志銘 十一

贈父如其官孫男十人曾孫男十有八人女一人孫女四人曾孫女九婦家婿家皆著姓與其上世詳狀中墓在某所余以次兒游南雍給事大理署中因得交季子稱通家季子以志墓見屬余聞之荀卿禮者法之大分羣類之綱紀信然哉項氏學禮者數世季子教訓正俗以禮備分爭辨訟以禮決贈公與武岡公父子兄弟以禮定宦學事師以禮親道德仁義以理成班朝治軍蒞官行法以禮行所由來者遠矣銘曰父無客死子故之以子何蚤死母故之以生死無憾是爲孝矣宜爾令妻宜爾令子曾孫繩繩世濟其美帝有褒書賁于蒿里廷

尉高門東海並峙

明經危先生易孺人墓志銘

某從里中師受經者兩人其一田先生其一危先生兩先生俱以明經待詔公車而田先生爲丞令稍行其志獨危先生逢掖終其身里人莫不憐惜之先生卒十年而配易孺人卒又某年而葬門下士名能私其緒者獨某在耳憶先生末年詔某除師學之禮酌酒切肺約爲朋友則何得以不文辭令先生沒沒也危之先世江西金谿人有大理者避亂徙京山生夷夷生槐是曰東岡先生亦以明經貢太學授南豐訓未之官尋卒南豐公

大泌山房集

卷之九十六

志銘 十二

娶于雷生先生及崑已貳室晏生叔崙季芥先生有異質南豐公授書應如嚮又遣從某婦翁光祿卿王虹塘公學學益進光祿公每語人此吾高足弟子遂補邑諸生楚督學使者秦喬公洛吳公蜀劉公越張公前後試先生輒在上等于是先王父藩伯公先大夫右丞公聘之家塾使某與諸才俊隄人某帝先生教義取偶以相譬喻妙析奇致少不自竭聽者未盡意諸弟子文錯綜標位便各成趣不相採雜而性嚴整某甚仇數通蕩先生數操大杖撻之數十百許先王母愛家孫私泣而乞小霽威先生弗顧也自勝冠以迨童稚數十曹席

有上下坐有左右行有並隨立有列序進退容止必比于禮父兄迫欲成子弟者咸願得先生爲師負笈提贊數十百人而會南豐公卒于京師先生荀訥輩之歸曾爾重胝顏色黢黑矣三年喪畢則授仲弟農授叔季兩弟儒先生割月奉以食之出父書以教之仲弟饒于貲而叔季爲諸生今亦以明經貢太學也先生慟母早世慟父不及見諸弟故忌日必哭稱諱如見歲時伏臘之祭饗之必樂已至必哀所以事如母字諸弟者情最隆洽旁及族人推食解衣無餒人焉居恒見侮而不鬪行則讓路不疾先騎而遭所知必下廝徒馬圉卑體婉辭

大泌山房集

卷之九十六

志銘

十二

四

以相延接督學使者越金公拔先生于六人中而貢之又以高等就試省闈蓋充賦有司者可以十數而卒不第乃入太學太學諸生與之論議咨嗟稱快文成無不傳寫歸而苦足萎腰更數年而卒配易孺人者處士未道公叔女幼甚慧縑麻索縷手經指挂稠綦組雜奇彩抑揚父與南豐公善見先生而材之遂以字先生并而來歸姑嚴行無專制有奉持如將不能忍失之其行也衍衍以數姑乃大安藜羹不慘甘之如飴益佐先生力學沐瀋茗漿身爲役不假侍婢南豐公之謁選人也輟替珥辦裝甫舉伯子尚忠而先生遭父喪外侮乘間起

操空拳撐柱之卒無患相先生營葬祭中禮再舉仲子尚德治生愈勤蓰粟成行瓶甌有堤廟具鮮饈牧多牦牛騰馬矣然猶量粟而舂數米而炊也所親請自享不可大車人徒步匠人處狹盧豈必身食其報子婦皆名家女御之不以姑息曰昔者先姑威克厥愛老婦是以有今日安忍以晏安鳩之先生寢疾視啓居藥物雖溽暑不解衣而念伯子不以時成名拂先生心遣游南雍無何先生捐館舍矣既哭夫又思子發胃擊心志慙氣盛哀容瘠色終日食不盡堰已而庶姑卒則號天而泣兩未亡人輔車唇齒也若之何偏敗吾寧獨存而又憂

大泌山房集

卷之九十六

志銘

十三

甚

仲子屢舉子不育屬伯子以仲孫向辰爲後伯子諾久之卒尚德向辰俱殤先生名嶽字伯瞻別號雲臺生嘉靖丁亥三月十有七日卒萬曆壬辰三月二十日年六十有六孺人生嘉靖庚寅六月十有三日卒萬曆辛丑十有二月七日年七十有二尚忠娶儒官王寵女生男子存者二人拱辰北辰女子子一人適太學生周承子耿烈銘曰猗與先生握瑜懷瑾待叩如鍾引聲如輦萬室之邑如木鐸狗如雲往從如牆並進仲弓多通仲舉太峻兩端用中朋來何慍情田舌耕意將文陣童冠輻奏羔鴈充牣靡倦靡傳蕙陶浸潤功豈素餐俗惟坐鎮

明經久次歲書升俊澤宮適選槐市推遜且以子寧願
袖後進開徑三益養生四印隱厚壺遂馴謹石奮兄良
弟弟長惠幼順鄉閭默化有司不恩懿厥伉儷若驂有
勦勞無倦勤儉無爲各家人嚴君女士祚胤萊婦鴻妻
貞志嘉邇所遭靡辰嬰茲疾疚人惜无妄天胡不慈是
父是子寡食祿分昔楚荀卿師術垂訓尊嚴而憚者艾
而信誦說不凌知微而論繁吾師乎古心遠韻小子無
能致而勿措夏楚用威學後知困絕塵而奔步趨安聆
穉林驚駘弃捐神駿白首北面虛辱董振應超官閣寧
堪一瞬梁木其頽心喪但綽負土營冢薤露虞殯薄裁
大泌山房集 卷之九十六 墓銘 十四

銘詩宜昭令問危行危言杓帝鄉郡

明經王公孫孺人墓志銘

高郵有諸生王百祥百順者以文學知名部使者錄入
維揚書院數試高等余因得與往還兩生謬推余時從
問業一日持其父母狀長跪流涕而請曰以吾先子之
文行而終以縫掖老其子之不肖又無能顯揚之則惟
使君一言以不朽余亟許之其爲父狀者陸無從爲母
狀者梅季豹皆名下士也公名應元字一之漢丞相商
裔勝國時始祖成家濠梁從

高皇帝征高郵有功除世襲冠帶總旗遂隸高郵衛六

傳至印印生公兩手有文如中字七歲從常寧令陸南
陵先生受詩目數行下旁通諸經子史二氏之言十五
爲州諸生與博士吳夢周姚克從相甲乙學宮圯率同
舍生詣州守謀新之守以費訕不卽應公奮曰是夫猶
凡民耳見非常之原且縮胸矣安足與議乎亟徹其朽
蠹而白諸當路守聞之恚將如我何衆爲公恐公曰老
釋之官其徒能繕治之吾輩何忍使夫子俎豆地鞠爲
茂草也卽以開罪州安所避之當路高公之義亟發金
來助公因是議復廟祀樂舞大禮畢具矣泗水汜溢勢
迫陵園有議開邵伯諸閘而洩周家橋水使從高郵寶
大泌山房集 卷之九十六 墓銘 十五

應循金灣入大江者公復率諸生上書舒中丞言諸閘
不可開開則黃淮水勢如建瓴壞運道廢漕艘而高寶
興泰諸州縣人其魚矣舒公覽之色動疏寢其事言官
以是中舒公

上怒鑄其官爲編氓而躡尋昔上書稱不便者衆又爲
公恐公曰吾豈爲一身一家計哉何患之有久之事白
而瀕河諸州縣知出公策尸祝之矣州守范公聘公修
州志程量人物雖權貴無所曲筆而於闕城東水關濬
城外涸隍築杭家嘴以護州郭培園城以保運隄蠲草
場積租以甦疲民皆關切利害疊疊叙論之後無不如

所料者初以母姚命與伯兄應登析產讓而取薄及伯兄家貧復捐資濟之不足繼之以稱貸而兄卒其猶子賴公受室公廩於庠歲久既以明經薦不肯行親知勸駕公笑曰函牛之鼎烹小鮮不如勿用吾由百世之下等百世之王揖讓聖賢師友造化詎屑一博士冠父故有東園因別號懷圃以志思與江都高洪父強公亮宣城曾守仲山陽王伯醇同郡沈德儀夏元禹陶兼善諸子結社湖上賦詩行酒陶然自暢忘其年之至也卒之年夢有冠裳來迎者晨起詔諸子受遺令大都在篤倫理惇恩義睦宗端絕不及私語竟僚然而逝所著萬竹大泌山房集

卷之九十六

墓銘

十六

甚

山房漫稿六十卷高郵志十二卷覺湖詩選二十卷禦倭管見十三篇皆有經世才略非直以翰墨稱雄也配孫孺人上埜孫公女孫公與公父莫逆相許爲婚姻至期時母朱夢玉燕投懷覺而有鳥盤旋室中五色成文遂生孺人二十于歸獨有姑在爲衣服飲食奉姑甚謹公不省家計孺人代之經紀咸有法度公得一意於學爲博雅之儒既公以讓兄食貧孺人則執女紅佐之寒膚嗽腹作勞不懈性不妄殺生不濫費家漸饒篝燈夜績如故課諸傭耕而封識其所獲聽公費初舉子而天哭之哀眉髮一夕爲白晚舉兩子延師家塾洗腆酒食

朝夕如一數十年不衰兩子少倦督責勞苦之不爲姑息孺人沒而公諫之曰父嚴而寬母慈而嚴人以爲允兩子好古文詞或苦無書孺人曰吾見若祖母之教若父不惜簪珥易書吾何靳此奩中物於今兩子讀書恒淚汎瀾下某書母某物所易也公撫兄之孤有恩孺人字之如已子而敝衣蔬食終其身又喜賙人患難卒之日臨者數百人皆哭失聲公生嘉靖壬辰九月二十有八月卒萬曆辛丑七月二十有五日年七十孺人生嘉靖壬辰十月十有五日卒萬曆己亥正月二十有五年六十有八子二長百祥娶秦氏次百順娶謝氏俱州

大泌山房集

卷之九十六

墓銘

十七

甚

諸生女二醫官吳官班國子生丘邦傑其壻也孫男二長孫端聘於葉次孫繩孫女三未字余惟國家羣士於學而廩食其優者所習不過帖括年至而貢之無所取材有如王公博學多通明習世故幾何人又厄於科目齋志而終豈非天哉然其仗義立言自足傳世矣銘曰居一畝官而有四方志操三寸管而窮千古事老諸生籍而爲萬乘器見定則禍患不避養高則爵祿不易窮年曼衍玩世游戲生而掌文成字沒而遺書在簡夫思媚兮伉儷子濟美兮昆季彼浮雲兮富貴嚼若永兮錫類勒銘藏兮大隧令問昭兮無替

太學胡公袁孺人墓志銘

吾邑多望族士大夫砥礪名行孝子弟弟皆可得而察焉數十年來乃有縱尋斧於枝葉者和樂且孺沒齒不聞獨胡太學公兄弟耳不二年而胥失之國人安做太學公子孝廉兄弟介余叔弟以志墓請余爲之歎息彌襟蓋有以也太學公名宗沆字師李號若泉其先石首人宋末遷邑白陽村始祖永春子添福添福子淵邑增廣生子思忠以人才辟仕青田簿子偉正德辛巳進士以永新令遷知潁州祀名宦鄉賢有子五人其季爲西朴公鈍歷壽徵二藩膳宰贈叙州知府元配黎贈戶部

大泌山房集

卷之九十六

墓銘十八

甚

郎僉女雲南憲副公遵訓女弟累贈恭人子三人伯虞城令心泉公宗淳仲憲副幼泉公宗洵季郎公西朴公與恭人之贈皆以仲子貴也公故有異質從兩兄受書屬文奇警不羣仲以嘉靖辛酉伯以甲子相繼舉公益自奮而父母督勅益勤隆慶戊辰袁孺人來歸是爲太學袁公殉女其母則南昌尹杜公出也無何西朴公卒公泣而不止如少兒啜寒粥于飯稍引滋洵循因而下孺人哀次于公而事姑黎恭人以恤事伯姒楊孺人仲姒孫恭人以婉杼軸并白晁敏從之公一意問學學成兩兄難弟矣服除爲邑諸生再試楚闈而伯兄官虞城

仲兄官嘉禾別駕恭人往來兩署中備志物之養公心念母迎以歸而母寢疾兩姒俱先姑卒獨公與孺人侍疾形神交瘁母卒不起矣足時孺人舉伯子孝廉僅旬日痛姑之無祿早世也嗟嗟泣血幾殆諸姑慰之三郎哭母業已續續若復爾將奈何孺人起而治送終隨身之制究備兩兄奔還知狀謝曰微叔弟夫婦幾不成子公所居邑西十里而近柴門謝客日繙書不釋手孺人主中饋酒漿脩脯銓度調和悉有法故田園環舍率男女耕蠶蚤作晏罷收入歲倍客至治具旨且多騶儻無不饜飫者仲兄官京兆從兄延平公宗洵時爲戶部尚

大泌山房集

卷之九十六

墓銘十九

甚

書郎往省之遂遊太學大司成徐公首錄之已入京兆試且上第而東於例遂罷仲兄私念志而不得得而中亡能無淫乎公不其然歸而築書舍城西再遷宅西南課孝廉兄弟擇名師師之所友必雋士若從孫其慥明府輩煩文相假飾詞相悖巧臂相稱母聽受也而公丹鉛諸古書及舉子業以授之所見所聞賢大夫士之行事則曰是非盡人之子與可企而及也其或不然則曰殷鑒在茲可不慎與蓋耳提面命手指事示縻縻有嚴君而孺人復時省其私加規儆焉三時率僮僕田與同効或言公貴介弟何事此公曰無逸幽風有天下與國

者重焉況吾家世素業可不知稼穡艱難已而孝廉爲茂才三年舉于鄉蓋兄弟三人兩兄身爲之公不於身於其子邑之人曰三君德齊而天報若一可以勸善矣公亦感異夢呼天而謝子幸爲之勝於自爲以孝廉文弱不耐勞攜上公車不第而公與孺人不爲戚汝年可待汝弟可教兄弟師友此吾伯仲已事之效也寧患無成無何伯兄卒哭之如喪考妣而仲兄亦被讒免兩人出入肩隨宛然一體已仲叔兩子俱爲邑諸生公孺人意益發舒而叔子棠有大志下筆千言立就獨居精舍歷時不歸屬望殊厚無何孺人卒矣服除孝廉上春官

大泌山房集

卷之九十六

墓銘 二十

復不第因憶仲父謁選人年甫三十蓋急於養母故今母不得養公幸無恙然事有不可知亦謁選人當除令而忽心動促裝歸公迎門勞之念兒殊甚見年正強也銓曹不卽除儻有意乎余所乏非溫飽無以介介公體豐腴以哀孺人病殯殮俄叔子卒哭之慟病不斟卒矣公博學知服近文章砥厲廉隅本方立義事父母孝事二兄恭宗戚鄉黨慕賢而容衆具有儒行孺人相之夫婦兄弟父子閒事可儀則邑人無小大長少敬愛之男子袒免女子髮笄者數十百爲羣爲開凶門而哭之而其賢者以輿人之誦私謚公曰靖慈孺人曰恭順蓋未

踰替而仲兄與其兩姊俱以哭公與孺人相繼卒是以徵公孺人矣公生嘉靖庚戌五月二日卒萬曆辛亥八月五日年六十有二孺人生嘉靖己酉五月二十有九日卒萬曆丁未八月二十有三日年五十有九丈夫子四人女子三人伯曰機卽孝廉娶茂才馬呈極女麟遊尹政女孫仲曰樹娶臨洮郡丞譚完女棠先公卒娶處士吳天祐女高州司理敬止女孫季曰楮配余季弟維標女四川大足主簿魏宗秀子儒士論余叔弟維柱貴州思南理官黎塾子楚材其壻也機有子四人女二人其煌聘侍御史劉蘭女其燦聘廩生譚如綸女其煥

大泌山房集

卷之九十六

墓銘 二十一

其燭未聘女一字巢縣令袁樞子承統一未字樹有子一人其煥女二人棠有子一人其製萬曆壬子後十有一月二十有五從公所自卜棚宅南朱山之原于公之廬數百步于贈公墓二里而遠生於斯藏於斯無遠父母孝之屬也銘曰寬樂令終表裏如一謂慈靖不懈爲德和比于理是謂恭順古今謚法稽諸其人實鮮副稱惟公夫婦具有懿美私謚非佞書云孝乎友于兄弟施于有政公爲弟友本在孝親以生百行一家仁讓一邑矜式操政之柄史采與誦邇所繇始孝弟天性通于神明宜爾子孫則篤其慶封之若堂地靈人傑佳氣

輝映

文學陳季公魏孺人墓志銘

邑東門外有百家之聚陳氏爲望同產游鄉校者六七人獨季公父子同時季公子璵珙高等生赴省試者五不第傷其父母以逢掖綦縞沒齒今從父所自卜南山祖塋之次以某年某月某日治窆窆事而走白下奉狀乞余爲志余雅游陳氏父子兄弟間覽其狀無長語無飾語可志也已陳始祖諒諒子衡邑諸生三傳爲伯魚伯玉伯玉子祿祿子諸生所知魚子爵爵娶於汪無子而副室吳舉五子其二殤仲曰所學叔曰所養皆諸生大泌山房集 卷之九十六 墓銘 二十三

季卽公名所見字在賢世居富水里古臺山父以古臺爲號故別號似臺云生而聰悟授書誦不忘師事孝廉萬君善而余外父光祿卿王公坐斥分宜左遷居里第目屬之羣兒中數見賞譽學使慈谿顏公理學名家獨器公而錄之爲諸生年才十八耳踰年受室於魏興都禮官魏公某女也魏故邑右族孺人婉靜閒禮法古臺公遴而委禽于歸之夕古臺公遽卒季公擗踊哀號寢苦塊不入內孺人亦獨齋裝庀舍槌人以爲孝季公篤志於學而兄弟已廢兼治生鑲金其入而主撮其出男女不易職作息不廢時孺人操機杼謹筭籥字雞豚

蔬果歲推布疏糲累積奇贏南畝益拓爲新居美輪美奐而公學亦日益邑令宋公雍校邑士首公而中忌者口抑之第五公笑曰第五之名奚必減驃騎哉而二千已露鋒穎公摩挲其頂吾將以孺子代筆耕無自苦也與所善手談行酒爲樂而遣其師邑故茂才胡君某進士季公某孺人早暮治具饘菹豐腆歲時筐篚有加等學成相次爲諸生而孺人卒公念罷勉同心之勞殷勤孺子之閔也涕泣然交頤不勝哀念無意功名事矣語叔氏男子有事四方安能鬱鬱若井蛙轅駒借之爲白下遊鍾阜石城之王氣吳宮晉苑之遺蹟牛首燕磯之大泌山房集 卷之九十六 墓銘 二十三

奇勝秦淮桃葉之妙麗靈谷天界之幽絕靡不攀陟探討低迴久之不能去而其大致庶幾遇有異人黃金大藥可求而竟未得也買一姬以還自言楚范少伯五湖一舸與夷光共載吾何讓焉伯兄子瑞與琮琬以母喪試後期力白有司收之得爲諸生已當食廩苦無所行贊尼其牘不上令調督學使者熊公以請報可而代壹是經費瑞業就窘周之無方仲氏艱於子爲開賸路而身禦其外侮兄兄弟弟居相依步相隨有田真賈彪之美焉其教二子由童稚始居恒言曰蒙以養正聖功也初六如務脫桎梏然六三如務禦寇賊然可不正乎二

子以是克家孺人相夫君以順比娣姒以睦課子女慈而正督臧獲惠而嚴季公之爲劉寔王襲有以也公卒萬曆甲辰二月二十有五日生嘉靖壬子四月二十有九日年五十有三孺人卒萬曆戊戌七月十有四日距生嘉靖辛亥二月五日年四十有二子伯卬璵娶諸生羅君某女繼諸生祝君某女仲卬璵娶常德教授袁公中心子廩生君芝女三女婿爲王啓之謝觀光熊某啓之亦諸生三婿父諸生王君某謝君某貢生熊君伯夔也孫男二構生青紫俱珙出孫女四璵出者三婿王象儀王其王子鳳象儀父爲太學君應銓祖爲鄉祭酒公宗泰某父爲典客君應欽祖爲邑倅公玉卬余外父光祿公曾孫子鳳卬啓之子祖爲貢生公某珙出者一婿王京父爲廩生君應軫祖爲太學公某曾祖爲邑丞公宗予高祖爲太僕公格二子之友數十百人欽公令德倣昔人私謚謚公孝懿五宗安之曰孝溫柔賢善曰懿也並謚孺人齊簡資輔就共曰齊一德不懈曰簡也以質於余余考張守節史記正義謚法解大行受大名細行受細名行出於己名生於人季公孺人足當之矣銘曰漢太丘兮昌後繁華兮君右性通明兮戶牖質溫良兮瓊玖文陸離兮藻綬采泮水兮芹菲稽素履

兮無垢兄因心兮則友叢以告兮慈首德音括兮嘉偶既從夫兮哲婦亦訓子兮令母俄妖夢兮炊曰亡此僚兮窮糾忍逝梁兮發笱解煩憂兮醇酒澆磊塊兮大斗莫問辰兮卯酉歌鳥兮擊缶橋中樂兮叩曳玩世局兮反手胡容穴兮寢輟刺扁舟兮東走匪四方兮餬口思遊仙兮或有嗟誰遇兮誰授盍旋歸兮故耦謀野獲兮邑否虛秀才兮所負曾不如兮九九疇弓旌兮巖藪五石瓠兮空割敝青衿兮下壽維正命兮順受齊殤童兮黃菊坎而宮兮若阜謚與銘兮不朽神式靈兮起起聊蒼螭兮素蚪錫祚胤兮單厚綰銀黃兮兩肘家萬家兮居守

汪處士吳孺人墓志銘

往余爲汪明經表其適母吳孺人之墓蓋新安母婦中所鮮遘而其從弟士能爲余言先伯父月山公質行有古人風惜哉家司馬氏未及傳也初月山公病久面深墨召寫照者不得十一已司馬起家撫楚明經從之有左氏善繪事示以遺像曰心知其非是不能置詞若第多爲之或有中者左氏一舉筆而肖明經不勝喜復不勝悲司馬愕曰異哉是爲神授宜有紀而軼掌未就又二十年將踐諾以病輟于是明經因士能以狀白余夫

左氏未識先君子而能傳其神司馬稔先君子而片言不及施儻有數耶先母氏後不朽于執事敢以司馬氏雅意爲先君子請人不問于兄弟之言惟司馬與士能在按狀公名良植字文華千秋里人也爲唐越國公八十一世孫生而亢直不能容人之短里人有爭是則是非則非無所諱門內之親有挾富挾貴而倨者恥爲之下或以方麴障面過或遭之客次輒先引去或不與交一談至賢豪爲衆所信服及門則倒屣遇諸塗則却立而待布席則鴈行而奉其言少從父以鹽筴賈括蒼已徙武林太末常山見諸賈人言利析秋毫而目不識一大泌山房集

卷之九十六

墓銘

二十六

甚

丁心鄙之吾聞賢可以引年可以事親武可以衛身可以致用稗官小說可以廣聞見可以益智意朝夕誦習焉兄弟五人同生產公無婚嫁費稍贏父病還視醫藥沒治後事歲餘從子爲少年所誘費其貲狹邪中並耗公貲公詘矣或謂公何不言之官以官法治逋蕩以尊長訓卑幼在是舉矣且義所當取無取不足明恩第見弱耳公不然稚子與先人一體而分葛藟底本根之謂何而人乃剪刈之財自我得自我失何常之有卒不校窘無以餬口鬻舍鬻田攻苦食淡而明經弱冠爲諸生授徒小有月奉以具饗養每詔明經吾擇地而蹈仰不

愧天俯不作人疏食飲水致足樂也不義而富貴若夫已氏吾羞之若無以我食貧爲憂疾革明經涕泣不勝公慰之古人不貴祿養而貴養志若志爲善諸子未有室家者以相累吾待若而瞑遂卒吳孺人嚴鎮吳公鳳女善事尊章當其少有養無不備終身不改其初娉姁之子女有所乞脩脯蔬果傾筐倒篋無吝內外宗若鄰里婦媼矜寡疾疾以衣食婚喪費貸者子不責償所乳僅一女存而後先中或甚之曰三男俱殤天實厄之丈夫憂無後必置妾如其有子母以子貴色衰愛弛人情然耳若于從子中立所愛以爲適無受制他人孺人謝

大泌山房集

卷之九十六

墓銘

二十七

甚

之而喟然發嘆曰吾久欲置貳吾君子不忍遂爲他人所睥睨力請公得明經母蔡而以女弟視之禮秩無二明經生則擇母乳之而自攜持之聞其啼若痾瘳在身惟所欲食無時常先子而後女相室者言女適也子庶也鈞之猶可而胡軒輕若是曰女子有行遠父母兄弟是子也汪氏先靈所憑依敢不重乎明經就塾師晨起送至闔日入遲歸未嘗以疾呼盛氣相加遺十歲時郡人訛言寇至皆狂走孺人擗心曰吾當死寇如兒何終夜寢諸懷聽鼓聲見火光懼莫知計所出凡四十日不寢不食病且死明經哭則強起作健而語之兒身係汪

氏存亡兒存卽我存也奉父教思母言親師取友好學
不憚顯親揚名于世吾含笑入地矣君子以孺人不怙
私昵不搖衆口爲夫決策得宜子者又愛其子而以身
殉之賢明仁智具列女傳二美矣月川公生弘治癸亥
十有一月二日卒隆慶丁卯九月十有八日年六十有
五孺人生正德丙寅四月九日卒嘉靖辛亥七月二日
年四十有六葬某所子三人道暄卽明經婦鄭文學良
臣女有子曰康運廩膳生婦吳一鵬女有孫曰與毅暄
同母弟道範婦閔某女有子曰一駿婦鄭某女有孫曰
與紳季道曉張姬出碩人不逮見矣娶鄭某女無後銘
大泌山房集 卷之九十六 墓銘 二十九

樊季公馮孺人墓志銘

周虞仲裔孫爲卿士食采於樊因以國氏世居上黨至
若水居江南子孫用文武起家不可勝數宋宣和間江
西團練弘子崇讓居江西栢山淳佑時五世元曠爲歙
教授因居歙西市南山灣四世德成徙叢睦八世北瑄
北瑄三子季子心田公名傳德芳其字也父母蚤世藐

焉孤兒顧有四方之志十六游中州至于杞曰此夏后
氏故都也百貨綰轂其口而俗近朴卜居莫良於是遂
受廩以其貲行買久之益饒然積而能散振人之厄好
義聲聞四遠歸之者填咽其門系鉅萬矣則徙廣陵治
鹽筴其饒復倍杞而好義滋甚族人與所知交下至備
保廝養所見乞者予食胥靡者予贖暴骨者予樽閱訟
者予解構厚薄疎數事有品式歲有程度諸賈人服之
推爲祭酒有所疑難關決於公十不失一郡邑長吏不
敢以爲部民而賓禮之四方薦紳貴人文學士聞公名
願締交公亦人人與歡決安禮要節而行之如生四肢
大泌山房集 卷之九十六 墓銘 二十九

客或縱譚世故公旁出一言輒中竅竅嘆異以爲此豈
宿慧耶何能爾督府董公聘之幕府則辭吾不能以七
尺僂僂長跼取客出乃揭揭驕人也辭不往而有人倫
鑒所賞識皆如其言方侍御元彥爲諸生一見結契遂
締姻居恒念五服支屬百千指其初故是一人吾有餘
力而諸子姓或無中人產親親之謂何人授以業息之
諸子姓感奮偕起與公相亞而樊氏遂豪閭右痛二人
之不逮養也語及悲涕以意爲傳神寫照奉堂中朝夕
必拜飲食必祭進退必告歲時伏臘之祭始必敬既必
哀終身以爲常嘗涉河半道溺數十里若有神援之及

岸夜臥舟中倏有警起而失足入河旋起衣履不濡渡江值石尤風舟幾覆衆聞空中有呼公名者而公自省吾身從萬死一生中得之天地以好生爲心不忍一物強死也因行好生編以風世配馮孺人其父廷鳳江陵人也賈于杞遂家焉有心計爲諸賈人雄而季公壯未有室或爲之媒灼不可乃公固不易偶也馮公亦愛其女有令儀不輕字公知之請婚馮公固習公才許之則公年且四十矣時有遠遊孺人處閨中歷寒暑不踰闕而家政肅舉性儉素眞州多新安婚姻家以金玉組纈相矜孺人食蔬衣布不改而助公爲施無靳公長矣孺人子明良終鮮兄弟置諸賸遞舉子遞殤憂戚同之而故子嚴務軌于正子入太學有聲屢誦一第則謂士立身行已在無媿聖賢功名外物非所急也樂聞古今成敗興亡忠奸邪正時使子誦說之見人善色喜不善若浼曰小子識之晚歲禮佛戒殺所崇飾梵宇飯僧若治衣履之屬甚衆忽病脾不治而無恐怖顛迷散亂之狀人謂得西方教云公生嘉靖癸未仲冬一日卒萬曆辛卯仲冬二十有九月年六十有九孺人生嘉靖乙巳仲春二十有八日卒萬曆戊申仲冬二十有二日年六十有四子一人卽明良太學生娶卽方侍御女女一人

大泌山房集

卷之九十六

墓銘

三十一

世

適巖鎮諸生汪其浥仲子梅蕃孫男二人伯亮彭娶潛川汪九達女次亮參聘巖鎮諸生方胤澤女孫女五人一適溪南吳太學遜仲子允高一字岩鎮司徒鮑公孫世美仲子某一字岩鎮諸生鄭茂恭仲子炳斐餘未字以某年某月某日合葬于某所銘曰孤兒僂僂所操幾何而富與陶白偕是徵爾才踰壯而介特而卒有良偶有佳息是徵爾德隆丘坎宮于卜則兆有銘藏焉

今名

潘處士吳孺人墓志銘

大泌山房集

卷之九十六

墓銘

三十一

世

嘉靖己亥二月三日生以萬曆壬子六月二十有九日卒年七十有四其子曰昌明景明余不識處士父子而其宗人太學方凱言必稱之情好綢繆卽同生不若也處士卒所親方侍御元彥爲狀二子穆卜以十有二月十有三日合葬于周塘山則自爲孺人狀而方凱請余爲之志按狀處士名維垣字子高少驚陶於吳門吳兒輒輓欺人頻頻之黨甚於驚斯處士智能御之寡言笑雖卒遠不換色不爲不可成不求不可得不處不可久不行不可復計凡付終期而致使而往徵貴賤酌取予賈人讓其能居貨辨功苦上完利進退勞佚與人相胥

俱操其誠以來閱五十年市魁庸保人人安之也好解人紛卽有忿心張膽氣如涌泉必委曲諷之或曰不自爲地乎俛而笑曰諾吾聞鞭噬狗策蹠馬而欲教之雖伊尹造父弗能惟欲害之心亡於中則饑虎可尾吾何心哉故人往往聽其言若繩扶掖以爲正准堵險以爲平鉤入枉而出直無心造怨故也貲旣贏持之以儉博帶梨大袂列刻鏤削彫琢采五卯苔菜之食而已然而豐饗祀供賓客養長老慈幼孤卹寡問疾病弔禍喪衣涼寒食饑渴匡貧竇賑露資乏絕恥夫貪而不施者之亂也若族人周仕生養死殯若友人孫甲男病狂

大泌山房集

卷之九十六

墓銘

三十三

其

易爲治禳而歸之慮其季失業召與偕使復故焉若道隆窘且死授百金入楚不顧衆怒將拘以來卒勿問若太和盜宰木守者束而詣吏亟脫之脫而家食時偕同志怡情林壑飲徵歌室中儲名畫古器展玩之欣然永日每言快意在素位素位在去名無名無辱勿墜勿闕目前皆吾適也其間與道合若此俗相矜以久賈處士念母歲時歸寧雖風雨寒暑不避推母之愛及其舅氏如奉母焉教其子擇名士爲之師而時耳提面命之夫學生於慮成於務失於教今日不爲明日忘貨昔之日已往而不來矣孺子勛哉比卒里人吳人袒免哭

踊賄賻者趾錯于道莫樂之則莫哀之莫生之則莫死之是可觀處士矣吳孺人名家女慧而貞靜執女紅澹發巧思而事父母以孝聞年十七來歸則王姑與姑無恙事事當其懽處士以家政委之筦籥庖廩出內會計不減丈夫小姑有行輟簪珥以佐姑大喜是孝女而能爲孝婦也而身約素如貧婦向晨而起日入夜分操作不倦時督誨子孫若諸婦勤儉治家之本且可養生也足不踰閭三尺之童非召不入客至躬治具隆殺稱情或有貸于處士恒贊之與不期衆少期於當厄怨下期深淺期於傷心富者衆之怨也可不慎乎愛子不以姑

大泌山房集

卷之九十六

墓銘

三十三

其

息有過必責之吾夜思所行臥不安寢必無憾而後已子所交往惟而聞其言論風旨退而詔之某也賢某也不肖重之抑填正與之正傾與之傾禍福之門宜早辨矣兩子皆爲令器則父教母教均也子二人伯卽昌明娶汪欽女仲卽景明國子生娶王之輔女繼娶吳洋女女子三人一爲方應球子健中婦一爲閔齡子一震婦一爲王用臣子立綱婦孫七人知禎知祥昌明出知章知言知新知白知止景明出禎娶吳時言女繼亦吳祥娶吳養浩女章娶吳一觀女言聘方文遠女新聘汪太學呈采女白止幼未聘曾孫五人重輝重熙重光禎出

重第祥出重華章出重暉聘吳某女重熙聘汪某女光第華未聘揚子雪有言銘哉銘哉使人信之所不可爲也吳秘注以爲鄉人善者好之則可信矣余信方凱善是以銘銘曰構埴之工有人道焉有天道焉剛則甄柔則坏惟和者免旃倚歟潘處士直方規圓如器中膊豆中縣鬲獻其氣而甌受之與衆由由然知創巧述異物不還習與性成人貌行天妻也刑于子也象賢古有關父陶正爾名並傳爾世永延

孫處士汪孺人墓志銘

海陽孫溪張氏其先開化人也宋常州守鼎謫休寧五
大泌山房集 卷之九十六 墓銘 三

城巡檢樂孫溪土風家焉歷十餘世至鑒燦生處士文曜字之曰子榮幼有丈夫志槩善事父母娶于汴州程繼以閔川汪嘉靖時使者采木江南處士應募如期而集咸中選爲諸商最賜爵一級不受歸至構李島寇方蹂躪郡境士民死兵燹白骨如莽處士爲槽而瘞之以千百計俾聞鼓譟聲則寇且至矣半道而立處曰必死賊手吾身若吾所運者何以見先人奔而投于河庶幾萬分一可全水中若有人引其髮沿綠葦間或識之此孫處士也胡爲至于此語之故迎歸其家具浣沐更衣裳徐進藥餌食飲乃起人以爲陰德之報云猶子希俊

三歲而孤子之如已子爲之受學爲之受室以其業與中分焉父歿哀而毀後母疾處上方遊浙心動急走歸母死矣朝夕號泣食不下咽諸父諭之曰居喪自有禮何至是強起飲水得無死經年貌削毀不可識一日忽自言得見母矣遂卒汪孺人相處士以勤儉終身言色無忤晚撫諸孤綜家政耕稼任輦機杼井曰臧獲各有司存而身先之以故饒於處士時家人數百指翕然同爨凡四十年若一日處士生正德壬申十月十有二日卒萬曆癸酉五月六日年六十有二孺人生嘉靖己丑十月九日卒萬曆辛亥九月十有一日年八十有三子
大泌山房集 卷之九十六 墓銘 三五

五人希但娶臨溪程某女繼以沈某女程孺人出也先卒希佐娶汴川程某女希侃娶山斗程某女繼龍灣程某女希傑娶閔川汪某女希倫諸生娶姚某女亦先卒汪孺人出也女一適富溪程宗播孫男十有一人但出懋中禮部儒士娶臨川程某女懋貞娶鍾澤汪某女佐懋衡娶吳田程思明女懋德聘五城黃時敏女侃出懋功聘同里程士文女懋勲聘同里程某女懋良聘余川程某女懋臣未聘懋才聘商山太學吳明瑞女傑出懋泰聘五城諸生黃某女倫出懋亨娶閔川畢某女孫女十有一人但出時弟適汴川程世助四弟適汴川程

玄德佐出轉弟適漢川程應詔侃出福弟適月潭朱鳳輝官弟字商山吳繼寧子某義弟字霞川大學程某子傑出八弟適五城黃士奇有弟適商山吳某子某副弟字吳田別駕程栢長孫某餘俱未字曾孫男三人衡出嘉兆聘商山吳某女嘉會與亨出嘉賓俱未聘某年十有一月十有三日葬蓀谷之陽銘曰無以寇死無以溺死而以母死可謂孝矣其婦令只其子佳只子復有子踰省沒齒孝通神明既受多祉鬱鬱新阡綿綿神理勒銘其中永言無毀

大泌山房集卷之九十七

京山李維楨本寧著

鄉進士王君劉碩人墓誌銘

方伯任城王公觀察秦中某不佞辱在顏行相善也其伯子所爲舉子業一準古作者不佞舉酒賀公是且復讀中秘書矣既別去六年而公蒞楚不佞從吳越遊還晤公黃鵠磯上問伯子何似公曰兒善病顧其業殊勝秦中明年伯子舉于鄉不佞自喜曩者言儻有驗乎明年伯子罷春官竊怪之無何公遂以訃來語極愴惻已述其生平崖略屬鄉人陳民部爲狀而謂某習伯子有年簪笄中石俾誌之伯子名用霖字汝弼母姜夫人方伯公元配也伯子生三年公舉省試鼓吹道入里門里人持牛酒相賀則已能豔慕其事知嚮學矣既就外傳性不好弄手一編紙弊墨淪不休而體故癯不勝衣公不欲苦之稍長始授朱氏易輒大悟夫易窮理盡性至命之書也柰何以卜筮求之塾師奇其言而方伯舉進士爲翰林吉士若經若子史若諸大家所論著若當代典籍法令若縱橫農雜稗官小說靡所不窺伯子見而好之曰文在茲矣吾故知舉子業無甚高論也日取而校讎吾伊父子間如相師友者援筆摘詞往往度越人

意表會姜夫人寢疾伯子侍起居奉藥物唯謹不知晝夜飲食比沒一呬而絕良久乃蘇公拜侍御史會

莊皇帝踐祚得贈夫人爲孺人伯子痛母不小待也撫棺號哭五情無主公因上書乞告爲恭人治喪而太母劉夫人憐愛伯子調護萬方久之補博士弟子員督學使者按部數試高等予廩餼弱冠娶于劉是爲中丞東溪公孫女事尊章如禮惟布同女奴操作刀尺纂組糗餌酒醴之工精好豐腆言不出梱而中外歛然稱其賢歲庚辰劉卒伯子慟之公方叅知浙事部金華則迎伯子金華寃譬之伯子陽諾而中夜時時淚龍鍾枕籍矣

大山山房集

卷之九十七

墓誌二

再踰年以公命委禽于楊是爲指揮僉事桂馨女其虞侍伯子甚備伯子終不以新遺故而劉有息女鳳甚慧日三摩挲卽歔歔不自禁于時伯子年已壯凡三就省試不利中不能無望而覃精極思字比句櫛不驚人不休客或勸伯子若以工瑟而游好竿之門左矣請損之伯子喟然嘆曰吾寧範馳驅而不獲禽母以詭遇舉柴也卒如初乙酉

上永廷臣言簡京朝官有文學者典諸道鄉試伯子私念是吾得志之秋矣而驟有寒疾小瘥強起入試司衡者讀其文大賞之舉第五十六人莊嶽之間爲之語曰

大山山房集

卷之九十七

墓誌三

寧渠不爲士不見王家子舉舉何論後先不見王家子翩翩美少年其冬公上計伯子偕行邸中局一室諷詠不輟衆心儀伯子必第第必不後人而事固有謬不然者伯子懼失公歡自解曰養由基之善射也繇善息得之兒且息矣方伯公取道還里第屬三載考績令甲得貤封祖若父以所居官姜夫人晉今稱始夫人之再贈恭人也伯子哀若贈孺人時至贈夫人哀滋甚方伯公病其過伯子破涕爲公趣辦裝公遂行至濟陽橋揮涕而別別兩月伯子病消渴使使告公公召醫往視之重迹押至不踰月卒矣伯子生嘉靖壬子八月四日卒萬曆丙戌六月十有五日生三十有五劉碩人生嘉靖辛亥十月十日卒萬曆庚辰十有二月六日年三十以某歲某月某日葬于廓外北城陰村先塋之次按民部狀任城百貨綰轂俗競紛奢伯子處泰如約服食器用不爲豪淫里閭無貴賤與鈞禮年長以倍者父兄事之母弟用極繼母宋恭人舉叔用渠季用渠兄弟怡怡如也某子甲以田質二百金越歲盜鬻他人又有敗祖塋地脉者公以嘗伯子將訟之伯子不可聞者愧謝卒之日三黨旄倪相向而哭皆失聲其素行感人類此伯子贏而好學重以傷母若婦故不起假令蚤處金馬承明著

作之庭當必斐然有足述者而頗爲縫掖家言所困父在觀其志以是無殊尤卓迹可表見於時不佞嘗讀王司寇文章九命惟夭折無後極烈矣伯子年齊謝瞻後同崔曙天寶爲之人何尤焉銘曰而所急者名乎而國有賢能書而銘史不爲錄而所思者母若婦乎而舉如宰如融融洩洩與而偕居彼充青徐文獻所都勝已者若已者不若已者誰與百千萬歲歸於太虛於戲

茂才劉公閻孺人墓誌銘

余分部大梁時今洛陽劉大夫謫判嘉定余友司徒郎王似塘方令雙流兩人相得如昆弟似塘數以書來言

大梁山房集

卷之九十七

墓誌

四

嘉定狀又稱其子承眷有雋才余心識之蓋六年而大夫判鞏昌府遭母喪歸則使使介似塘請爲志其母若父而以少司寇王公狀授之司寇先方伯府君同年友也語曰不知其人視其友以余父子交游耳目所睹記非虛美已志曰劉月軒公者名百之字充美先世山東臨清人勝國時有仕爲長蘆運使袁州路推官者至明敬祖以醫名徙洛陽五傳鵬治經術爲洛諸生冠首娶于鄧生公少聰敏風神秀徹父授孝經小學舉目暫視光其意旨終亦不忘治舉子業鴻臚比密意象衡當父下子弟推讓之十四補郡諸生父子相切劘益苦家

有粟六十斛日以治粥使凍剗而飯之期三年當偕計吏縣次續食矣無何父卒公柴毀以餘粟舉葬窘甚然力學如故盟津有著姓慕其名請爲塾師奉母往就養嘗讀王襄毅公正學訓規德業舉業一也體驗聖賢之言以存養本心義理則議論文字益有精神不然者識見凡下何緣得好舉業公以爲名言故其設科先敦行而後論文知其美惡然後博論諸不如式者夏楚不貸踰年生徒踵屬登賢能書者數人而口未嘗問束脩聞生忠信者補諸生市其柿園數畝爲謝公麾之奈何以醒齷小禮而廢先人業閻尋舉于鄉洛陽人爭致爲師

大梁山房集

卷之九十七

墓誌

五

一歲中弟子爲諸生者二十餘人先後登第相望而公獨數奇不售乙卯長子舉于鄉公曰庶幾成吾父志居頃之長子以療殤公哭過慟遂寢疾弟子日侍醫藥禳禱占卜唯謹劉生延祉初食縣官餼廩手炊而進之公爲嘗一匕相向哭竟不起公配爲閭孺人生而令淑父偃蹇擇配以字公甫及笄來歸值公食貧晝夜操女紅鬻于市代養公以故得專于學公歿殯力營葬已督課諸子耕讀冬夜不廢刀尺或踞竈觚而聽其吾伊風雪入戶以敝絮障面而已大夫于諸子中最才責望尤勤既舉于鄉泫然涕下慟不逮見公也大夫五上春官不

第謁選得沁源令迎母就養甘毳差具孺人顧愀然不樂數誠諸婦福宜惜吾家素風可以長久雞鳴大夫出視事輒耳提之母以刑罰快私忿沁源人謂大夫慈母孺人慈母母也擢守靜寧以謫左遷蜀意不欲行孺人解曰蜀道難耶左官薄耶畏難厭薄非人臣之義趣裝之蜀三年治如沁源擢判鞏昌專督餉莊浪道家省母會開六秦賓朋燕賀履錯于道而大夫重離膝下次且未卽發孺人察其意謂大夫我尚健噉兒何憂我老試與兒俱西居半載番房雜糅鄰日聳大夫復欲將母歸孺人不可兒十年四命國恩甚厚此圖報之秋也老婦有孫孫有婦不苦尸喪矣大夫別母蘭皋而其子扶侍還猶日綜家務諸孫環列膝下甚樂春偶患風欬浹旬而逝公性高介恥爲姘阿言事慷慨孺人事公莊時進雞鳴之警公犯風雪治父墳歸失道墮坎中沒頂幾死族子以小綆引之得出孺人事姑藥必嘗後進累月衣不解帶姑就其懷中瞑瞑時泣而呼孝婦良苦公教諸子身爲師不小姑息諸子微過孺人必告公嘗曰子產衆人之母食而不教吾不欲衆人吾子公有姑貧輟粟贍之孺人復收其子門人糊口不給公佯自飯命侍食而孺人脫釵珥資其不能婚者其儷德如此類不勝

舉公年五十有二孺人年八十有三丈夫子五人伯澤深仲澤溥叔澤演季澤潤少澤濟澤深卽乙卯舉于鄉而天者潤濟亦蚤卒澤演卽大夫澤溥爲壽官孫十人溥出者六承德承錫承胤承嗣承祖承統演出者一承卽所謂有儒才者也潤出者二承慶承基濟出者一承祉會孫男四人琦瑋瑛珍女三人孫女某人曾孫女四人所婚嫁與公孺人生卒葬附月日具狀中銘曰三世爲儒而集于茶施及叔子若輩昭蘇泰晉巴蜀駟馬載驅葬以士祭以大夫悲風撼樹烏尾畢連旨蓄御冬新婦御窮晚乃大豐子孫蕃庶食鼎鳴鐘胡不丁我躬

婦道無成而代有終子之能仕父教之忠是曰潛德是曰陰功崧高二室龍門九曲魁父者丘藏舟埋玉其澤曼延其名馥郁以詔後人貽穀式穀天之報善或淹或速受命如響百世可卜

李貞孝華孺人墓誌銘

本文定先生魁天下相天下以首揆謝政而二親猶無恙子八人爲卿士郡守若賢良文學聲稱藉甚孫二十有奇曾孫四十有奇玄孫十有奇方興未艾名位福澤之盛世無二矣八子中余得見六人皆佳公子獨不識五郎七郎何狀七郎早夭五郎四十有三而卒二子五

孫蘭苗玉立伯子思恒最賢勸父無祿手狀其行四千餘言屬不佞使志墓中石先大夫爲水部郎得事先生而不佞忝先生進士三世通家故不以不文辭而志之曰公諱茂業字子修以誠類其齋因爲號先生第五子也先生元配徐夫人而有知夫人者三曰楊曰畢曰徐畢實生公畢夫人從先生京師載震載夙先生昧爽入朝禱于漢壽亭侯得籤詩有生來骨格超凡語已而公生眉目疎秀顏渥丹而豐下先生喜解朝服爲襟而徐夫人絕憐愛之日雍樹爲歡徐夫人喪方六歲哭甚哀弔客問其故奇之已就外傳日受書千言八歲自署

大澗山房集

卷之九十七

墓銘

入

稽古子十歲爲舉業之文隨目立成會無尋檢咸有思理所師施宋陳三先生皆閩蜀豫章孝廉知名者稱善相屬十有三歲先生以同人排擠免不色愠而時負劒辟珥誨公公唯唯先生解頤有此何羨鼎司哉先生父母良食日夕率子孫希韞韞侍酒於前奉觴上壽舞衫歌扇休儒俳笑極倦乃罷公定省有期間登堂稽首進一杯羹卽退而扃戶讀書所師潤州李藩伯先生器重之十有五歲而學使者簡拔爲諸生先生迎門相勞所屬望兒寧止是公敬諾十有七歲而娶華孺人孺人年亦如之是爲無錫鴻山學士孫女學士李子儀部先

生門人而以兄女室公兩家貴盛相亞諸姑伯姊娣姒數十人臧獲數百人俯仰延接一遵禮法中饋女紅精好又通曉詩書大義踰年舉子思恒三年舉子思兼公不問家人產而先生爲相無長貲孺人母家歲時餽遺仰至出其奩供給無乏公得精心于學文日有名爲楮陳兩學使所知行其卷以式諸生而格于京兆試先生命之曰無錫鴻生鉅儒之儔也親師取友良便兒其攜婦以往莊嶽之間數年楚子可齊語矣公謝罷諸冠蓋遊而與婦兄某某栖鶯湖之澣下帷相切磋以袁公黃爲師以陳公禹謨爲友累月不歸婦家俄孺人卒公以

大澗山房集

卷之九十七

墓銘

九

喪歸復遭王母喪繁憂總集而畢夫人哀新婦滋甚強爲歡容待母母憂不解遂病以侍病時究方書因猜其技母病良已而身店作後學使者試期用廩生例入南雍其秋幾第而復失之復延梁谿陸生同學手傳註經書縱覽諸經史千百家而于左馬南華呂覽眉山更爲淹浹作六朝駢儷文古選近體詩無不合也當其詣微之時雷霆不能入客諷之富貴在天何棘欲至是公不答而愈渾厲吾父母日晏望吾成名敢自處逸乎無何伯兄卒公哀而自爲文祭之詞甚楚再踰年先生卒公慟絕幾爲歾孝免喪衣不純采食不致味周饑寒者撫

道瑾者振庸調之不給而稱貸者邑令豫章饒公高之將旌其門公固辭饒公嘆曰此所謂非板調可光飾者也引與結兄弟交先生居政府

今上皇帝正儲位有冊立功當任子次應及公不請復虛梁荀畢夫人不悅也而後受室于袁袁吳著姓與畢婚姻意若重親然袁舉一子不育而又以畢夫人命有側室王王亦吳產舉一女于時恒兼髮覆額矣衣履筆札之屬手賦之如母在之日復延姚江張史兩生爲子師而左右之父子兄弟師生書聲相和也戊子入南雍趙司成極所鑒賞與兩婦兄齊名女弟歸于許其婿秀

人山房集

卷之九十七

墓銘十一

士而六弟弱冠爲諸生有偶才七八兩弟才亦相當五人者晝同席研書夕連牀而臥志相厲善相觀意相得也念伯氏早世仲叔季宦四方使問接迹而與諸猶子七人日過從爲娛之句曲必主叔氏從子思謨思諫博雅中倫事公謹恒令兩子詣句曲習其友于且展上世丘墓云庚寅同室災流言中公父子置罔彌天恒不可耐公曰幽獨之中神明式臨之無庸將自及國人冤公第患無左驗踰月罪人斯得錮之獄大呼關侯其道本根所以然具白公誣公生平敬事侯忠直所啓佑非一事也疑謫者內愧公乃昇畢夫人儀城北鄙避之忽

大水沉竈產蛙走金陵依其季兄握手江汭流涕覆面而諸子子牧客星沮修遞相慰藉之公意益適無如母思故居何復奉母還家徒四壁立埃墨不可措足怡然安之爲恒兼娶婦婦都舉子女母含飴哺諸孫甚樂也已改北雍復四應京兆試新建相先生門人公又其門人也枉顧然後報謁辛卯主司業已收錄坐墨卷逸罷蕭司成梓其文而袁青州敘之都人傳誦焉庚子復不第公執書咤嚔吾束髮以來七戰七北力之不可與命衡也信矣孺子可教也師則梁溪陸生澄江繆生劍江雷生友則茂苑汪沈二生同邑成生師友間則姚

人山房集

卷之九十七

墓銘十一

江鄒生同邑王生授故所讀書句字無不升鉛其訓詞滿座刀劍戶牖之銘不諱于此矣偶病下血壹似重有憂者取日者言討論之爲書踰年病寢劇而子兼復病猶時按方藥之中元日呼盥洗聲如洪鐘夜起問月色尚如故乎大呼毋數聲而瞑宗人鄉人臨者行哭失聲邑令翁公爲文誄之下教三老薦紳大夫博士弟子員廉公生平狀人述所睹記以對翁公曰賢哉予與李君游六年固悉之法不得有請卹奈何東漢諸君子私謚其可也謚法清白守節曰貞五世安之曰孝李君無愧辭矣謚之貞孝先生遺書有四書書經便蒙左馬評莊

子音釋呂覽新鈞分類表華爾耳軒雜著及通書指掌
地理刪繁藏于家公生嘉靖己未三月一日卒萬曆辛
丑七月十有五日年四十有三配華孺人太學生伯貞
女生嘉靖己未十月二十有七日卒萬曆庚辰九月十
有三日年二十有二繼袁氏吳人贈布政使司左叅政
褒女按察使平女弟也二子俱華出長思恒邑諸生娶
金壇封刑部主事于明照女都御史湛曾孫女也次思
兼應天諸生後公一年卒娶丹陽光祿丞賀學文女按
察使邦泰孫女也女一王出適江都諸生楊聖言司城
守恒子也孫男五人長發聘江都諸生王士美女長舒
大沁山房集 卷之九十七 墓銘 十三

聘同邑戶部郎徐來儀女封比部郎可貞孫女也長祚
聘丹陽賀孝廉懋功女太學生學古孫女也長榮未聘
長馨聘同邑諸生成友益女兵部尚書璉曾孫女也長
祚出思兼餘俱思恒出孫女九人長字同邑金華郡理
黃建中子諸生琮封南陽郡理大訓孫也次字同邑太
學生袁如珩子會戶部郎應祺孫也次字常州太學生
白紹允子某光祿卿啟常孫也次字金壇太學生于玉
節子鉦其祖即恒婦翁次字同邑太學生解汝成子學
召藩伯宋孫也次字同邑王孝廉應祥子字調次未字
次字金陵諸生何林如子某御史淳之孫也次幼未字

字白字于者思兼出餘俱思恒出李氏之先詳文定及
諸兄志傳碑狀中不具論公居恒好稱說高王父樂易
公爲兄子所侵自句曲徙地昭陽以遠之光啓後人友
讓之德神實胙焉其邁遇趨操有相類者云銘曰時不
逢兮才則妙年不永兮德則邵角弓反兮終風暴遠引
去兮吾何校昔華屋兮今漳淖倂成敗兮無迷稍無衆
觀兮易情貌齋中人兮誠慥慥父文定兮子貞孝垂令
名兮相炳耀謙受益兮德必報稽乃祖兮有明效天陰
騭兮神所勞宜子孫兮賢克肖絢文章兮開奧窔池鳳
銜兮五色詔封夜臺兮頒顯號魂歸來兮歌且歎
大沁山房集 卷之九十七 墓銘 十三

潘康惠百歲方媼墓誌銘

潘益山翁以正德癸酉某月某日生以萬曆壬午某月
某日卒年正七十番三十年而未舉葬則其偶方媼篤
老諸子孫不忍言今年媼登百歲卒而後其孫令猷與
其從兄之恪稍次翁與媼行事巧余先爲墓中志以待
合葬而瘞之翁家巖鎮爲右族上世不具論父曰達舉
三丈夫子伯曰侃孝廉仕至汀州別駕仲曰仕叔即翁
名傑字惟興與仲偕以文學爲國子生少喪父母悲啼
不食賓客來弔者無不嗟異焉事兩兄以父師之禮居
常講問疑難自以甲第處下坐如庾乘兄奮擲塵尾談

鋒如劍必帖耳聽之或顛薄怒有所譙訶必色笑而受之兄復歡然如故也既各有室食指日繁析箸聽兄所授田廬不言美惡僕妾不言好醜器具不言工苦子母錢不言多寡自鬻卅至白首未嘗有纖介忤其性溫然靡然居恒言堅則毀矣銳則挫矣不譴是非以與世俗處椎柏斲斷以晦合歡視管管之飛喧喧之吹亡何有也或待以橫逆今家人閨扉而避之雖營什一之方其未得之也耻錢瘠其既得之也耻錢虜三黨之戚饑者賦粟夷者賦帛不能婚者不能葬者助之成事不能償者其質要嘗以數千金畀里人方克禮息之克禮耗盡主藏者詰問則自搏額引罪而手書券願寬假時月以償翁陽內之而陰召克禮歸其券若以患貧故至此人情欲富與不欲貧等耳無留此爲他日子孫憂克禮九頓首而謝顧天胙公純嘏新安人推翁長者晚而益好行其德謀建宗祠義居以報本反始敦睦九族會歿不果號哭而臨者肩摩趾錯也賢士大夫按謚法溫柔好樂爲康施勤無私爲惠于公生平行事符合而謚之康惠方媼少失恃而言動有禮法歸事舅姑婉而敏事兩妯娌讓而和織紵纂組黽勉如恐育鞠雖溽暑燕寢不袒不擲承上接下不妄發一言子女長矣而翁有兩

嫠視嫠如已之女視嫠之子如已之子子若女若子婦若諸孫子婦數十曹笑言啞啞延接之卽有過未嘗詆詈飲食衣服布帛佩帨蒞蘭分而賜之而察其能勤儉孝敬者加隆焉以示獎勵冠與婚與舉子女則有慶內外宗歲時問遺物必稱情而尤周其凍餒廢疾孤寡者晚失明而耳甚聰聲雖下必聞子孫務爲歡笑事以悅之則亦嗔然而笑爲嬰兒態或匡坐歷日夕不假寐其卒也無疾痛愁苦第不食耳貌如生而體柔衆以爲異以正德壬申某月某日生以萬曆庚戌八月某日卒以閏計之百歲有餘矣媼舉三子斗南圖南華南舉二女一爲汪某婦有外孫爲諸生登賢書矣一爲鄭某婦媼張舉二子儀南江南勝趙舉一女爲程某婦斗南太學生四子令升令謨令緒皆太學生小者令範升一子某謨一子某緒二子某某儀南六子令聞令名令望令舉令器令功聞四子彥晉彥賓彥先彥章名太學生一子彥廣望一子彥登譽二子彥其彥其器四子彥熙彥選彥夔彥某功二子彥冲彥其華南太學生四子令言令行令淑令上言七子斯亮斯盛斯茂斯道斯昭斯時斯其行一子斯和淑二子斯可斯泰上二子三輔三畏江南一子令德德二子國賓國贊圖南太學生一子令猷

猷五子斯讓斯謙斯訥斯諤斯諫華南圖南早卒江南
卒時年六十矣圖南最天最有名汪司馬伯玉爲之傳
斗南儀南今年皆踰七十令猷字廷陳文行與諸父兄
齊名葬以其年某月某日墓在某銘曰箕疇五福不
言子孫子孫逢吉卜筮命昆夫何以故福當人身彼身
後者聽於天鈞吁嗟潘翁五福具膺抑有伉儷其年倍
登五世百男茂實蜚英自義率祖貽之令名疇究于九
陰隲下民民德在六則天所因爰稽爾德爲康爲平維
皇建極是訓是行釐以女士實爾儀刑從以孫子爾訓
趨庭有猷爲守克享天心卜筮從之後裔若林木冠展

大心山房集

卷之九十七

墓銘

十六

謁若下馬墳天人之際請徵斯文

王翁蔚媼墓誌銘

王郡丞惟大居盱江時乞不佞表其王父墓尋謝病歸
可一年而不佞再入秦部河西惟大病良已則又走河
西九頓首謝不佞且脂車入晉惟大坐次嚙嚙喉吻間
扣之則泣而對王父微惠先生墓有表矣無祿王母復
卒鄉官應州以墓中志乞山陰王相國相國許諾比子
告而後聞相國捐館舍也願以煩先生先生方辦嚴小
子懼再賁不敢不佞語惟大秦人呼筆爲生活吾筆非
諛墓求活者何嫌表專若王父志謙若王母其可也惟

大泣而稽顙謝而更出呂文簡及王中丞所爲靜庵容
齋兩公志知其世德遠矣蓋公會王父曰文美是爲靜
庵公王父曰紹是爲容齋公及公三世俱以高年爲鄉
祭酒邑三老而公應詔賜爵一級云靜庵公四子伯爲
崑叔爲紹崑娶于許有子一曰世卿以子學謨貴封某
部主事紹娶于徐有子四仲爲公來聘其名也崑早世
日者言世卿不宜爲獨子須有弟方可靜庵公患之會
公甫生屬許乳之以爲世卿母弟容齋公重違父意敬
諾靜庵公慮有後言凡田宅書致子母錢券一切計帳
必書世卿來聘兩人名而公母事許兄事世卿甚謹出

大心山房集

卷之九十七

墓銘

十七

則服賈歸則力農事執其最勞者身非飲食惡衣服而
養靜庵公旨甘輕煖必備有疾延醫藥納漿粥扶持不
舍晝夜靜庵公喜阿聘可爲孝子慈孫矣取故所衣未
一襲以授之書不云乎紹聞衣德言吾以旌若爲後世
子孫勸公飲淚拜賜歲時伏臘服以祭輒流涕覆面如
此者終其身靜庵公卒許亦卒其治喪有所竭情盡慎
致其敬而誠若有美而文而誠若而讒口或間之世卿
夫無子而立後有之有後而更爲後何居且非出阿翁
意夫夫甫生惡知其賢而詭曰爲兄助乎多子分產薄
一子得產厚宗子長矣何藉是是矍相之圖所不容入

也公以白容齋公容齋公泣曰吾所覬覦伯氏產者有如日吾以順親志也公亦大泣兒于世母生養死葬不敢違禮今者兄爲家督有餘裕他日兒從太父九地之下可無愧色于是辭其兄而歸容齋公諸田宅器用讓而受惡視靜庵公所貽約十無一焉而讒口復間之是非人情不可忤公乃走告宗老婚姻鳴鐘鼓矢諸神明焚田宅券而還其器用兄所其詞慷慨泣數行下宗老婚姻無不泣下沾襟或輓留或固遜卒不可而容齋公三子亦析箸見公羸身來更取三子產四之以畀公公不可辭諸從兄而分諸母弟可謂廉乎厚從兄而薄母

人山房集

卷之九十七

墓銘

十六

弟可謂仁乎大人母憂兒貧兒心饒籌策力任驅馳必不操瓢囊爲溝中瘠以貽大人憂容齋公壯之而終不釋然以其四分約授公諸弟來朝輩須之身後必如約公養容齋公如養靜庵公比卒率諸弟營綜葬祭而諸弟持故約以進公復大泣約一也生受之於太父太父沒且返之生辭之於太父沒若之何其受之吾豈敢以辭讓博名念吾兄弟自太父一體而分必不忍於偏敗吾幸而羸視約過當卽太父與父復生不易吾言諸弟割所有與我獨爲君子是謂我不成丈夫也取約焚之靈床前吾兄弟子孫日益繁不忤不求無使效郵通國

人盛傳其事博士弟子員言邑長吏禮爲鄉飲酒上賓其奏記有曰財讓千金心竭兩報可方信史矣公配蔚碩人邑名家女公在世父家時世母許實爲公行六禮公孝于世母碩人養姑必豐公弟于伯兄碩人事奴婦無違言許卒未葬而讒作碩人從公歸朔望及生忌日若嘗新必以酒脯果蔬來薦門者拒不內則長跽門外餽涕酌酒而後去與公苴衰斷肉食三年乃竟公棄分產如脫徙碩人亦無纖介于中而撫其子若孫曰此吾良田廣宅也於諸孫中最器郡丞少以地震厭伏碩人身負之至傷股郡丞舉于鄉公已卒碩人慟公不逮也

人山房集

卷之九十七

墓銘

十九

哭之哀幾絕久而後蘇公卒萬曆辛巳十有一月二十有九日年七十有五碩人卒萬曆壬寅二月二十有一日年九十有八啟公之窆祔焉不佞竊聞之書云孝乎惟孝友于兄弟詩曰宜爾兄弟樂爾妻孥孔子曰父母其順矣乎人莫不愛其子子率有兄弟兄弟不友惡在其能孝也然以上世之朴也而高辛二子尋曠林之戈以聖人之宏也而有有庠二叔天下熙熙皆爲利來天下攘攘皆爲利往利令知昏安知有父母又安知有兄弟王公不利其兄之利若曰太父所以使我弟伯氏子者謂何不忍借也不利其弟之利若曰父所以使從太

父命弟伯氏子者謂何不忍惜也以故爲兄良爲弟悌其婦化之以故爲夫義爲婦聽家之肥也蓋以義爲利耳不佞表公墓未悉其大致今志特詳之他行事及世系子姓表具矣郡丞自義率祖眷眷不忘亦可紀也銘曰王氏之先兄弟弟代有人焉商也推財祥遇無道而以覽全琳暨微之身請從歿弟小延我思古人世衰道微惟公象賢母異爲難矧乃異父能無間然覽則有婦公亦有蔚刑于靡愆兄弟天顯孝弟天性貌天行天驛駢角弓韡韡常棣光燭簡篇我表其陽載志其陰不崩不窳

大沁山房集

卷之九十七

墓銘

千

武陵楊公劉媪墓誌銘

吾楚詞賦之業斌斌輩出而莫盛於武陵今長安楊明府與其父博士子孝廉三世皆稱才子余與明府數相聞未相識也而先識博士虎林久之識明府長安見其子孝廉制義多儒語有職競焉不能從容揚扈既移晉陽而博士以書來言夫累世通家謬相借耳孰與不佞三世締交所日夜腐心者先父母墓中之石缺不具幸及使君未耄一言志之余知博士長者不誣其先志曰楊啟庵公者名兆瑞其先建平人也永樂初徙武陵七世爲處士鏗娶于胡生男女各三人公爲中子姿儀娟

秀如好女性開敏經目輒識從塾師學日誦千言如流甫壯而傷其足遂罷去父家故饒公脩其業心計絕人不出戶而坐致倍稱之息朝莫必舁而詣父母所視省席燥濕衣寒煖有甘新之食非先奉父母終不入口兄以任俠貧粥其居割已居居兄念母所愛在季務饜其欲不瑕疵也女兄爲李氏婦而寡病則醫藥沒則殮葬抱哺其遺孤子女食則坐於其側必先取足焉長則婚嫁公孱然山澤之癯而義形於色峭直如斷山絕嶽不可逕造御其偶劉孺人甚莊無以燕嬌見所產博士外無他子愛之勿面使之勿貌或爲兒戲連訶之八歲築

大沁山房集

卷之九十七

墓銘

三

別舍聘經師督課其中簡里人佳子弟同席研書相觀而善而時耳提之學猶殖也不殖將落聞正言見正事親正人脩此三者沒身而已矣客過公共具甚腆不醉無歸以是戶外屨滿而于儒生尤所尊禮人有困阨若振溺救焚唯力是視僧雛倚門泣而有懼容食之辭與之金辭詰之則失其師雨蓋故立爲市而償之其好施不厭曲盡人情如此類不勝指數劉孺人者故富人女而無子以女爲男又甚慧讀孝經論語通曉其指亦能作字既字公而公病父母且淪盟孺人謝不食曰自納采問名以來兒爲楊氏人久矣敢以死矢無二遂歸事

公婉婉聽從左右扶持靡不如意極猥婢不言辱極倦
訖不言勞武陵人大異之物有至性比目比翼比肩是
也楊氏婦何必減此事尊章旨甘柔滑盡物居諸姑姊
如間相得其驩率女奴操作日晏不遑食鷄鳴而起疏
食惡衣非祭祀賓客未嘗割鮮公之沒也慟不欲生姑
慰勞之曰如是孺子何強起視事哀至乾啼濕哭羸劣
支牀當葬公天大雨雪孺人往周視四域指其中是可
藏也羣言淆亂不頃時而定今形家望氣者以爲吉家
近市徙入邑締構良苦或言何不憚煩孺人曰孟氏以
子三遷吾一行之何憚博士因是以得親師友著文行

聲既受室張爲諸生一切禮文悉孺人手營綜張舉長
安而瘠已甚孺人取子之口授書于古忠臣孝子前言
往行諄諄三致意焉久之長安舉孝廉孺人泫然流涕
不虞未亡人之爲人王母也博士試高等屢于官七上
有司不售長安偕計吏孺人春秋踰七十矣博士謝歸
養又五年孺人卒又五年詔賜署博士南郡不之官食
祿而長安成進士除洛南令察廉舉最調長安又三年
孝廉登童子第公生嘉靖癸未六月五日卒庚申十月
十日孺人生嘉靖甲申五月三日卒萬曆戊戌六月二
十有四日合葬于田坪之陽即孺人考也博士名時

芳元配繼室皆張贈封皆孺人長安則元配出長安名
鶴配陳繼丁贈封皆孺人陳生嗣昌卽孝廉余按往事
負楊公疾者若王貽申徒嘉叔山無趾寓言耳卻克李
厥陸績趙岐夏叔皇甫謐李華之屬皆聲施到今或中
年不仁或行步小窘不若公早廢亦不審其婦能周旋
否列女傳所稱宋女嫁于蔡而夫惡疾母將改嫁之作
芣苢之詩卒不去不若孺人未行從一又不聞蔡人妻
所以事夫且成夫之子若孫顯親揚名于後世否易曰
蹇君子以反身脩德楊公以之歸妹以娣跛能履征吉
孺人以之兩人事絕奇是安可無志也博士心隱痛不
忍言久次且貢而棄之如敝屣又不忍以子先其親貴
母沒而後爲博士受長安令封至謀所以不朽親者謬
屬之余嗟乎爲人子當如是矣銘曰而足不良子行有
尊足者存教誨而子及而孫雕龍紹慶高大其門胎而
令名珠玉之馳萬里夫豈在蹉跎哉女士無以雙二心
事生事死蓋五十年而羸夫以婦相墓聿求厥寧子以
母相宅聿觀厥成竹帛金石未之前聞後進好事儒者
視此貞珉

吳次公程孺人墓誌銘

慶曆間海陽多君子其衷然者曰程辰州公與其子文

學巨源奉之爲平輿月旦其所善獨里吳太學茂文父子茂文父子皆受室于程父卒辰州爲狀婦卒茂文自爲狀茂文卒子康侯兄弟始舉葬則乞巨源爲狀而介之以墓志乞余匄旬千里而來臘盡迫春良苦矣不識其父識其子不識其人識其友余旣善康侯之爲子信巨源之爲友乃采兩狀而志之曰吳蓋漢長沙王芮之裔其間於唐者爲御史公少微間于宋者爲八公園至明而爲泉湖公大迪功公宗浩則茂文祖若父也迪功伯子文理善病乃置助進者謝而夢金甲神抱送兒來謝亦夢人昇之雉拔其羽輦右趾茂文生而右足黑子

人山房集

卷之九十七

墓誌

三

當摯處客以爲祥相賀也比有知一覽便記人目之稱正平稍長迪功賈維揚攜之與諸子孫共學閉塾門絕一切往來茂文數坐連蕩受罰比屬文課功復受上賞所師程文學盛參政汪侍御奇之已爲維揚諸生督學周公都試諸校置上第尋入太學而迪功卒矣里俗貴嫡而賤庶析箸庶不得適之半因以誨爭茂文曰宗子家督禮固當然諸季化之交讓無違言無何叔弟卒爲卹其二遺孤綜理其遺業而行其遺詩女兄爲畢氏婦遭姑惡害甚親數存之季弟客从脩郤者構其孤子訟力爲周旋乃解族有游楚而不能歸者資之歸沒而資

之葬從子爲諸生無以具束脩從兄沒無以具棺斂無以欸弔客皆倚辦茂文已考先世訂史謀爲本支譜有記有辨有志有傳吳氏望繇此日著矣已捐貲爲族人先立大宗祠祠旁名田以爲室居族人無居者已葬迪功於青陽墩以母程祔諸母以次祔已創魁父草堂專祠迪功而高曾以下祖妣祔諸兄弟坐而受成事兄弟六人有衣無常主之風其最少二弟至父事茂文而諸兄弟之子可知已已輯迪功行事徵文于鴻筆爲傳若誌而并行其集自侍疾初喪以迨沒身歲時伏臘若生忌辰依依孺子慕也履畝令下市豪競爲奸利茂文饒

人山房集

卷之九十七

墓誌

三

心計相與句稽族是以無加賦夫已氏以橫逆至與衆共禦之中或畔去茂文無所避族是以無外侮其在太學受知許張二相國六館士望塵下拜而張駕部孫孝廉爲衿契然厭薄舉子業專意古文辭已入楚游吳明卿瞿魯夫兩先生間每奏其詩若文兩先生擊節不已遂爲名家今所餘孫堂集是也間修什一之業審天時趨地利察物情知人善任家僮手指于各執一業米鹽煩碎無不籍記而知力能推行之日用粢食不鑿疏布爲尚器無雕鏤土木無文繡而雅好客客必清流勝引無日不滿坐不醉無歸不以一諾負人不以一毫挫于

人排難解紛不以一介責報人汪盛兩師既貴矣時造其門間有所欲言乎輒謝曰無有所至佳山水胡床蠟屐吟眺忘返歸爲適園已爲孫園池館臺榭備具四時花竹百家圖史充牣其中手披口誦夜以繼日嘗得漢冢覽有延熹年篆隸摹勒之石而築延熹館藏之海內好事者題識鑒賞與古帖等茂文雖逢掖淺帶所居重于二千石邑令丁公引爲上客魯公辟爲閭師太守竟陵陳公標其門程孺人者其父昇其王父善迪功茂文始生喜而字之諸媒妁不能奪也年十九來歸善事嫡姑諸庶姑事之有差姑三人皆曰賢善事家婦諸娣婦事之有差後先五人皆曰賢相茂文治父喪物稱其情茂文因母老而性下家人救過不暇給獨安孺人相茂文養生送死彌謹凡舉男子七人女子子一人執家秉垂三十年拮据如不及諸子女各有保母聞啼聲卽雪夜必披衣起或終夕不監寐一日客卒至孺人治具饑甚淪雞卵充虛諸子女競攫取孺人地忍之而已其恣柔愛如此旣入塾則朝夕勅厲無懈有過必白塾師加朴仍召之前垂涕而教之里婦競爲時世妝孺人纂編自如衣食諸子女恒取其惡者每語茂文微天之幸七兒一女作法於涼猶恐其奢譬之捧水實漏卮耳至饗

客惟所欲無時茂文數上公車報罷意不無芥蒂而又不能忍人過微色發聲孺人趣飲以醇酒寬解之病革出床頭合以筭鑰付茂文妾不天不終事君子今以少兒少女累君乎生平未嘗有絲縷貽外家老母軋然發也向君乞千金作饗殮遂卒茂文悼亡不勝痛復埋益之以家政不勝勞久之寢疾尚強起命駕爲黃山白嶽遊一夕病大作卒茂文名文奎初字廷聚已更今字學士大夫率字之故以字行其生嘉靖壬子四月二十有五卒萬曆甲辰二月二十日年五十有三孺人生嘉靖庚戌九月二十有三日卒萬曆甲午十有二月十日

年四十有六葬以某月某日墓在某七子曰可中儒士婦同里程某女可鏡試童子科第一人蚤夭婦草市孫某女繼藏溪王某女可晉卽康侯邑諸生婦汪溪金某女繼太塘程某女可奇太學生婦率口何某女可獻太學生婦閔口葉某女可隨儒士婦新溪戴某女可訓太學生婦榆村程某女女字汧川程大學繼立子某五孫良彥良譽良嗣良芬良疇良嗣者茂文以嗣可鏡故名也茂文旣失婦虛梁笥以志思而置妾二人曰傅曰盧傅舉湯子可托盧與茂文後五日卒年二十有六博士弟子上其事郡表貞烈見巨源傳銘曰儒者恒言治天

下易莫難于家家六兄弟子婦倍徙不敖不吳亦有七子朝莫上下心一無瑕是夫是婦是父是母若蓬生麻聖稱庸德似易實難夫復何加亦有遺文無受古役無取俗誇延熹之覽爲篆爲隸疇所藏耶千六百年女則寶之比于瑤華銘女墓石以載令名與覽無涯

張仲公楊儒人墓誌銘

涇陽張孝廉麟余門人也嘗過余大梁署中問奚自曰自廣陵蓋仲兄賈廣陵云因言吾門得仲而大非小子之以也其行事則孔氏之雍容任氏之節儉朱公之富行其德不啻足矣余心識之後二十年而余有少弟與

大泌山房集

卷之九十七

墓誌

三

仲叔子同官內史所聞與孝廉語合比見仲仲子則仲沒矣仲子泣而請曰使君知先人也以季父以使君之貴介弟無祿先人卽世幸得遭使君敢以墓志請里人韓太史爲狀一二行事孤不敢有所誣惟使君采之仲公名魏字思高過華見三峰削成而四方奇之遂以爲號其先家汧陽至勝國遷涇陽中張里則祖受之也已遷甘張里永昌屯則祖實也實子文秀文秀子帽帽子進進子洋洋子植洋賈朔方至植而富植娶于馮舉三丈夫子伯嶽爲功曹仲卽公季卽璘以乙酉舉于鄉官至濟南別駕公少時父督之受經於少府魏公所與季

大泌山房集

卷之九十七

墓誌

三

同席研書然不甚省記久乃厭之曰夫必儒也而後可立身則矜紳軒蓋澤量若蕉耳彼白首一經而爲窶人子惡乎用之吾祖父廢居居邑轉輟百數封君或氏首仰給焉寧在儒下耶請代父爲賈父許之計無如用鹽策便輸粟塞下而大鹽鹽於淮南北浙東西皆數鉅萬睨其橐曰吾倍陶朱公多矣不可以吝施人有急必周之有卻必平之卽以橫逆至寬然忍之越邵于總逋公家賦而以其居爲質公笑曰我不若秦越人視肥瘠雖然秦人而越居持此安歸既逋公家賦吾當代爾償乞之數百金邵出獄越人皆驚張仲公作何狀而好義若是爭踵門願爲布衣交邵尸祝公每食必祭卒不負也邦溝大漲蕩鹽艘幾萬金報至公方與客棋不答而終局客怪問公曰吾往貲不及今所喪而所存固已奢矣吾聞諸析像門戶殖財日久盈滿之咎道家所忌塞翁失馬安知非福區區豈顧問哉客大敬服而念其母春秋高七十矣歸而上壽遂居子舍色養者數年母卒厝之先隴而爲垣墀墓域大起冢舍廣植宰木一切經費不復煩宗人旁爲祠祠其四世以上祖妣每展墓訖與宗人釋燕毛序齒肅肅穆穆如也三原二城清峪水貫其中民多病涉太保溫公創石梁公以百金輔之此其

少者以田宅售必多其直田則治渠宅則革故鼎新每以時誦舉嬴使隱民就食焉此其人已俱得者士無以遊學行贅里無以冠婚喪祭于公平資此其專為人者不可一二詳也關中歲惡不入穀價翔貴罷夫羸老易子而敲其骨官振廩不給公輸粟而助之賑飢者悉起又三年飢倍甚富家所出塵塵緣于盡邑令憂之詣公門貸千金公謝曰民固已辦此第不敢先邑賢豪長者而獨任德明府舉主趾臨之是天所以哀吾邑之遺黎而加肉于白骨也敢不共命所全活數千人事竟令置酒召客公上坐而贈之詩衆人惜鎔錄義士捐百千諸臺以其事聞上發帑金爲樹棹楔其門公遜謝既沒而國有慶賚復申前旨迺始舉行焉公元配繼室皆楊孺人元配不數年卒姑馮御諸婦以嚴見憚楊孺人承之以婉婉行酒脯浣衣裳相敬居早莫匪懈姑語公若有大度而新婦克勤小物可與俱之廣陵公每就之計事可否成敗如列眉男子所不如歲時若姑生日爲甘毳先期遣奴產子歸而稱壽拜而送之比與公歸姑迎門勞吾固知若賢今果爲素封侯婦又孝我不以遠地歲久有二心出其素裝恣姑之所欲以貽諸娣姒若三黨之女黨無不人人滿志也公事母生盡物歿盡哀孺人

贊之無違其從史公好施孜孜如不及宗廟之祭賓客之燕饋問之禮筐篚遜豆之數溫甘滑膏之宜具有經紀數十年顯若畫一里婦竊效之不能也與臧獲數千指同苦樂而勅厲諸子若婦必曰盈損志夸崇僻奉此六言者保家之主也五子式穀有自來矣長曰鳳蕭年十四爲邑諸生有才名踰冠卒娶魏少保弟贊畫某女繼娶慶某女次曰鳳翰光祿署正娶三原魏處士某女三曰鳳躍中書舍人娶刑部郎咸寧王某女繼娶某女四曰鳳翔指揮僉事娶尚書劉某女繼娶某女五未名而殤女七人一配仇濟春一配諸生趙思聖爲直指某猶子一配國子生師保一配諸生雷化龍一配儒士李三茅一配任緝祖蚤卒以七女繼孫男四翥出者昌齡殤翺出者脩齡德齡延齡孫女六翥出者二一配雷起斗一配諸生韓國柱翰翺出者各二皆未字公生嘉靖己亥十有二月一日卒萬曆丁未後六月八日年六十有九繼楊孺人生嘉靖丙午五月二十日卒萬曆乙巳十月四日年六十葬我山之西北新圩翥又言公隆顙豐順眉目皙秀美鬚髯聲若洪鍾六十不復問生產結五老社楸枰觴酌或躡屐我仲泛舟涇渭日夕樂而忘倦伯以苛急季以狷介公獨油油然與衆偕衣褐寬博走

江淮關洛間四千里而遠惡聲不加于耳此其識量求諸儒生中固不易得多富多壽多男子備有華封人之祝宜矣李誠深知兄者不幸與伯俱無後公心傷之以翊及長女嗣伯以躍及次女嗣李世世奉嘗不絕也銘曰積而好施滿而能持雄而守雌其來不辭其去不悲其形不虧其神不疲其後蕃滋人則罄宜天則全釐女士從之即安于斯逝者爲誰張仲公倚

高行胡公李節婦墓誌銘

胡公之卒也爲萬曆丙子九月十有九日年三十有八其偶李孺人年亦如之子孝廉其慥財十許歲不克葬

大沁山房集

卷之九十七

墓誌

三十一

比長始葬公石家山又十年孝廉舉于鄉三上公車不第而母復卒孝廉慟父之不逮養母之不待祿也爲狀兩人行事殆四千言而乞余志墓中石家世與胡重親耳目所覩記質諸狀無不合者爲之志曰胡邑右族也始遷者爲允春三傳則茂才淵淵生三老思溫思溫生英山丞端端生鄉大賓銳銳生茂才宗儒娶孫孺人以嘉靖己亥後七月二十有五日生公公生一歲失父五歲失母王父實鞠育之朗惠日可誦千言又沉靜有大入度不爲竹馬鳩車之戲而茂才李公位者父同舍生雅相善以生公之年三月二十有八日生孺人口授惠

姬七誠強記不忘笑不至矧言不聞柵外絕愛之見公才而摩挲頂角曰吾友爲不亾矣王父識其指因爲公委禽公十五治舉子業研精極慮寢食失恒發爲文辭春容色澤郡若邑試數有名而亦以子雲沉思長吉嘔心致病于時李孺人脫簪珥裹大事蕭然四壁諸豪直視爲覆巢穀矣公竭歷以御外侮不能竟佔俾而孺人懷鞠育之恐操作良苦夜分假寐雞初鳴輒起風雨霜雪手足皸瘃不休又繼王母陳束濕諸子孫婦公與孺人事之婉容愉色王母啜菽飲水而甘而仲父已受室不忍生分公父事從父孺人姑事從姑有無通共無纖微異向仲父之卒也其子提孩公調棺殮不以終窆廢禮而孺人乳二女一男皆不育禱于太和山夢從曾王父南溪尹畫地而授之此種蘭九畹也而孝廉生公大喜吾家世以詩書顯吾父厄於年吾厄於貧與病孺子敢徵蘭乎孝廉能言則日置之膝而教之章句復爲之通其義孝廉多所領會則益大喜吾庶幾藉手以不愧地下人五歲就舍旁爲書室禮經師授經畫則公佐其師夜則孺人佐公督課孝廉銳敏多奇語公讀之擊節吾門待此子而大迫見其成而所居孤危操心慮患極成委弊限之大故矣孺人號踊將以歿殉念孝廉未有

大沁山房集

卷之九十七

墓誌

三十一

樹也向所不得志于公者復甘心孝廉孺人益號踊吾
安忍令先君子遺體爲他人魚肉所以綢繆撐距百于
公初孤時執喪踰月卽遣孝廉從李天目先生學召其
兄之子茂才鍾靈爲友孺人督課視昔加詳已爲孝廉
娶婦而女畜之孝廉尋爲郡諸生孺人曰譬之作室若
考底法而肯堂矣未之構也已孝廉居上第食縣官廩
孺人曰是構矣不有垣墉塗墍乎孝廉服膺母訓孜
孜如不及久之舉于鄉徙居邑屋孺人曰室美矣可以
歌可以哭可以聚族矣夫誰使我有今日者而曾不得
見也拜公之主號踊如初喪孝廉罷春官還則詔之必

與四方賢豪長者上下其議論而後學日益宜無如成
均孝廉是以有金陵遊而孺人初產孝廉乳間著微核
不疾痛害事忽墳起孝廉懼不敢離子舍孺人艱然不
悅也是疥癬疾何所忌而作兒女子態辛丑之役孝廉
飲泣戒途孺人亦泣而送之門可早乞一官吾猶得分
儋石之祿爲窳盛以享而翁孝廉敬諾銓曹以其年方
壯須再舉孝廉馳歸則孺人乳遂成巖窮醫藥之力二
歲寢劇綿惓語孝廉吾得從地下以身爲而翁尋蟻幸
甚且道而事指數而男女若干人當爲而翁解頤又若
見李公夫婦如生平乃暝是爲萬曆癸卯四月五日年

六十有五公居約束脩至行恥以身爲溪壑內無強近
之親傍無一言之佐蒙難而能正其志孺人咸有一德
故褊心盛氣望而自消旣少有持之以儉菜羹短褐晏
然太牢孤貉之豐美也公念曾王父墓田冢舍在邑西
郊歲時伏臘之費于是乎出獨王父缺如衆相仗莫應
因以兄弟名田充之時祭餼餘族數千指匪頒必徧他
問遺酬往寧非母曠性不勝杯酌而同人醉醒終日手
談不較勝負居鄉黨悛悛言不出口理遺情恕事非一
端有伏不鬪之風人無知愚導卑樂就之病而爲之禳
沒而爲之哭失聲者數十百人人人高公之行遂目之

高行云孺人慈良不獨施其子婦卽廝役扈養不以厲
聲相加周急匡困行事大類公每食呼公設豆間之祭
而後舉淚忽忽承睫凡三十許年無異邑葵秉節而兼
有立孤功者孺人爲最有司以例格未及旌綸綍之命
則俟孝廉異日矣公名應科字子試別號又岡子一人
卽孝廉婦羅爲茂才采女孫男二人伯培聘太學王胤
庚女漳州守銘池公孫也仲坦未聘孫女四人伯宇處
州別駕周洪議子潮州別駕東華公孫也仲字太學王
在子應銳余外父光祿卿虹塘公孫也叔字某某季以
孺人卒之後始生孺人附葬公右銘曰父無父母而有

王父母子無父而有母賢哉父雖無王父母必無忝父
母賢哉母能代爲人父無忝爲人婦以是父無中壽以
是母稱發婦未定者天人則何咎父爲高士母爲貞婦
子爲孝廉沒而不朽人既定矣天亦何負

程翁吳媼墓誌銘

新安多大姓而程氏最著由東晉至今最遠其枝分若
篁墩新屯埜山之屬殆半郡邑而率溪最繁其人以什
一之業冠帶衣履天下而楚最盛其以籍自占于吾邑
者可三百人而萬昌公子孫最賢見川公者萬昌公適
曾孫也始萬昌公游楚樂吾邑土風而相宅處之治產
大必山房集 卷之九十七 墓銘 三
積居比于封君至其子孫息益饒而雅尚經術比舉公
機悟道敏口授書誦輒不忘屬對如響少長攻舉子業
時有警語同舍生推讓之公益瑩精不衰甫勝冠父卒
矣弟四人大者髻髻小者孩提俛俛乎無所之于時維
揚有鹽筴竟陵有居貨新安有督亢田監奴少其主懷
二心公往來吳楚間勾稽營綜若不能分身縮地者以
故無接浙黔突而舉子業廢矣居恒事父母蒸蒸色養
不離左右疾則爲親嘗藥導進糜飲浹辰踰月不監寐
父沒呼暑擗踊聞見者皆爲泣下沾襟其卒也竟陵其
葬也新安僦賃無所不費儀物無所不豐然不以煩諸

弟諸弟直從苴墨之數而已母新安人也留新安兩庶
母竟陵人也留竟陵公父事母母事庶母居數年母復
卒諸子遠遊獨公奉訣已庶母相繼卒則葬母新安附
父而葬庶母竟陵君子以爲孟之歸魯也孔子之合防
也太公之反周也季子之于羸博也皆是也諸弟可就
外傳則爲之具脩脯延名師可受室則爲之簡女士備
六禮度其有樹也而後析箸出入朝夕事必咨決有過
輒規諸弟惟所警欬稟承無失今皆以富名里中少弟
及諸子或以茂才或以掾史各舉其職長惠幼順戚戚
莫遠蓋六十年而頌哲兄世父功德者交相祝也與其
大必山房集 卷之九十七 墓銘 三

偶吳碩人如冀缺之賓也如馮良之君臣也旣壯而始
舉諸子絕不爲姑息新安中人產以上鮮衣怒馬爲富
貴容逐少年之戲而諸子服食器用務非薄勿令溢志
身布素蔬糗先之知畧輻湊觸事翔發應手命中里中
人有構出一語立平之卒不自多以掩其曹伍卽之貌
間然無崖異語娓娓然有區蓋也族與隣開久不解公
在楚聞之蹶然此非吾所宜被髮纓冠救者耶趣歸召
集其人譬曉萬端事遂寢更爲婚姻家戚獲食指千控
縱其黠者率作其壯有力者器使其齷齪者其急義若
濁其應人緩急若桴鼓凶年饑歲發廩資貧者爲饘粥

食餓者墜道明者藏骸齒之暴露者助婚葬之不給者
三黨四隣望門得止望屋得食所盪滌疾蠱滋殖蕉萃
不可勝計疾革篋中券千金以往悉焚之春秋七十縉
紳學士鄉三老五更請於郡邑監司兩臺使者大宗伯
授高年爵一級曰公士表其門公洪于食而酒更無量
不省有醉時豐軀廣臂重頤大耳舌及其鼻望之岸然
偉男子也音吐高亮一發充堂故常少疾仲子伯統好
學善屬文而天公慟之因病矣會吳碩人稱耄諸子思
歸壽母而難去公公遣之往吾聞夫婦七十同守無間
吾東西南北之人也以天之靈而母幸及于月告存夫

大泌山房集

卷之九十七

墓銘

三

一子不從政二口不預賦卽人主且眷然念之而況夫
之于婦子之于母乎諸子馳而爲母壽已于事而馳侍
公公迎門相勞兩得之矣居十日寢疾親知問者必厲
聲以對吾少席先人之遺長而式廓之有子五人有孫
男女十一人以年則幾杖于朝而又夫妻偕也吾何憾
恬然而瞑公之學於儒也以孤奪之良于賈也以儒緣
飾之米鹽煩碎舟車委頓小間未嘗不持一編咿唔旁
人竊笑之公不顧而最喜爲詩情景所會長篇短詠駢
衍豐沛新安人工于詩者王仲房吳次魯方仲美輩披
襟領契上下其音具在率濱社稿陸鴻漸茶經別錄新

安文獻集中卒之前數日猶爲詩二章以壽其友人詩
成而歌之鏘然如出金石日召諸子而訓之曰夫以我
賈而好儒而儒我我弗屑也以我學儒而爲詩而儒我
我亦弗屑也儒之道大矣何物蔑有寧獨賈儒之學弘
矣何事不精寧獨詩邑有學宮之役公損其橐爲助吾
乃不得與章甫逢掖之士執邊豆駿奔走乎留所不足
以貽吾子孫是役也所以志也魯國之儒一人兒曹非
曰能之願學焉諸子以賈以賈儒一門之內二業並
興吳碩人者同邑臨溪處士祐女年十六歸公公歲什
九在外碩人當戶率以雞鳴起縱箏而朝尊尊供茗飴

大泌山房集

卷之九十七

墓銘

三

隨滑性嚴整五尺之童不得窺其室巫覡之屬不得入
其廬紉鍼補綴和灰浣濯功等干下婢朝賦職夕獻功
惰者有常刑椎髻練裳不知其爲高年嫗也新安婦人
奇妬母多而庶鮮碩人壯年有子爲公置副室若陳若
魯者罕翼其子人情難之諸子婦往往家新安不之楚
則姑實足賴也驟得公凶問不勝哀後公四十許日卒
萬昌公名韓韓生迪迪生大儉娶于何寔生公公名子
彬字用中生嘉靖丁亥九月二十有四日卒萬曆甲辰
十月二十有九日年七十有八碩人生嘉靖乙酉九月
四日卒以公卒之年十有二月十有一日年八十以卒

之明年某月某日諸子奉公柩歸新安葬于某而以吳碩人附子五人長伯紹次伯統次伯繼次伯絢一名世俊次伯緝紹碩人出緝陳出其三曾出繼太學生絢與緝竟陵諸生鵬培風豹隱霧進未可量也其婦博村范子姑潭汪隆阜戴閔口項方口吳女子子三人婿隆阜戴良宰溪東孫德譜五城黃時宇孫男子五人伯紹出者之英婦坑口孫之夔婦隆阜戴伯統出者之華婦博村范伯絢出者之芸之范孫女子六人伯紹出者適草市孫自洵沙園孫元翰字林塘范某伯繼出者字隆阜吳其餘尚幼新安人重姓望故所婚姻皆聞家子女銘

大泌山房集

卷之九十七

墓銘

四

艾翁孫媼墓誌銘

五臺艾翁之卒也余時從先大夫梁邱中其子事屬余爲志墓又十有三年而配孫媼卒附葬君右又十有六年而亨與其子茂才必達必培始請爲合葬志是時亨

年七十矣先大夫先王父與翁往還最稔先王母楊恭人復善孫媼歲時東脯之餽不絕先王母操下嚴獨聽媼言如嚮家人賴以免訶譴者甚衆余兒時故識之今無一存者俛仰興懷良足悲也按狀艾氏之先蓋河南封丘人南宋時延拜江西吉水尹以其籍自占故又爲吉水人本支蕃碩御史鳳翔實其族自君之父鸞鳳賈楚而於皂角埤最久埤在景陵東七十里而近田地善可家故又爲景陵人娶于龔有子五人翁其叔也翁初食貧媼以良家女來相之兩人務爲纖嗇力作父母得不失養母病力念其少子翁引與共饗食媼亦女弟視其婦謝有無共之君小羨更好施爲繩非以給行者而媼日盥濯修祀竈方已舉子亨人以爲善報已舉二女適唐昌王案會仲兄坐法當戍諸昆弟及里社皆避去獨以身爲扞蔽而媼至割其裝送供索饘事解乃已伯兄有子章君遣之受經先大夫媼脫簪珥行笄如禮章卒爲博士弟子員而授其子醫先大夫宦越得越諸家方書翁請以督課之曰儒之效不若醫捷也翁卒後六月而亨婦王亦卒媼爲抱哺其三孫亨遂不再娶而媼年已八十諸孫少長謂其父曰柰何以母尸饗亨於是復有配汪方伯兄邁難艾氏如一髮引千鈞賴翁無恙

大泌山房集

卷之九十七

墓銘

四

及諸孫中路失其母而媼更母之猶及見必達之爲茂才也諸兄弟子久之還定安集喪君與媼與亨同亨醫有醫方伯劉公表其門子冠服復其家亨初聘於魏繼聘於董蚤卒無子獨王氏舉三子伯必達仲必培叔必選必達娶唐大費女舉三子如芝如張如蒞張娶黎元善女培舉一子如蘭未聘選娶韓碧女舉子京源俱殤媼於諸孫中尤懷惻選亨奉其意以如張爲之後昇墓傍田供祠事君卒隆慶丁卯正月七日生弘治壬子二月九日年七十有六卒之年十月十有六日葬龔家山之原媼卒萬曆己卯十月二十有三日生弘治丙辰

八

卷之九十七

墓誌 四三

二月二十有八日年八十有四卒之後二年十有二月二十有四日合葬子以醫孫以儒高其閑閭河潤九里澤及三族非翁與媼孰貽之今視其良旣爲楸栢之實矣造物者報人不報其人而報其人之天夫人之天卽人也世衰道喪人情以友于兄弟爲難翁夫婦行舉天性合于人倫卽無論施報是足術矣銘曰羹頡名侯沛藏怒食糠覈肥伯所惡此今異居充逐婦閉戶自撓繆斯聚不問射牛牛無數娣姒禮法王胤祚授經諸子薛播著對果流涕士安悟撫育有恩謝瞻樹周公作雅宜兄弟兄弟妻帑耽樂未家人女貞利在篋九者善敗視

前事倚與艾君如常棣疇則相之曰伉儷質任自然行若快同產肺附無隆殺布衣之門存仁義我作銘詩藏諸窆後來觀者尚爲瘞

汪元蠡程孺人墓誌銘

往余謁汪司馬先生太函周旋三月先生以宗子聖學聖修從聖學爲舉子業教授家子弟聖修善隸書署書而皆長於詩其後聖修從余入吳已入楚入蔡弇州下雒新蔡諸先生皆稱說之而聖學詩道成爲子可遠相國李于田少保孫以德少宰于文若中丞趙夢白文部邢子愿太僕張德夫儀部所推許二子聲稱籍甚矣當

八

卷之九十七

墓誌 四三

余內交時其父元蠡處士蒙大難幸以赦歸鬱鬱失志而沒家益毀不能葬而母與太母俱稱未亾人不忍以葬聞第時時飲泣談父之行事屬余傳之而諸先生若海內才人題贊其父象語甚具余目之人貌榮名世知有元蠡以二子也距父沒之二十有九年而母沒二子使如晉以葬日告且請志墓門之隧夫知元蠡夫婦父子者莫稔于余舍余志將誰屬哉元蠡名本湖少受易東海胡君翰爲舉子業斐然有意而遽棄之大丈夫寧渠持此博青衿向老博士北面乎太學先生皆金馬承明作者是吾師也則入太學而廣陵客部朱子价華亭

司成朱象玄金昌觀察皇甫子循里中處士陳達甫於之甚至所蓄三代遺器鑒別明審考訂精覈博古者無以難爲墨與箋濟發巧思合于往則好事者懷金問價縉紳學士聞其名造請麝至元蠡對其產盛供張爲長夜飲不醉無歸一日坐無客則不歡家人行賈真州真州之跡歲十八九客日益進舟車絡繹幾同郵舍然非所臭味白眼相向而較名青樓美姿首善歌舞者佐酒或一昔費百金不厭曰吾適吾意耳安能詘體事輦上貴人而對酒肉儉父強爲歡乎蓋生是誨妬矣久之楚人有倅新安郡者直性狹中顧獨與元蠡善倅下吏訊

太山山房集

卷之九十七

四四

跡往元蠡所睚眦乘是報怨遠成太原而虞傷母心飾衣履絨琴劒篋圖史若疇昔行賈然既歸而母始知狀爲團焦名之曰繡佛爲小閣名之曰金雞塊然獨處朝夕誰問母啟居致甘毳之奉盡絕諸往還有閉戶思過題門示諷之指焉其氣決背育莫奪其然諾要領可捐無論金錢東南人或借名以行而爲詩獨夷雅平澹出入王孟錢劉間皇甫子安贈之詩茶向僧齋乞香從佛供分多少囊金者還家獨愧君一時同賦者謂之實錄元蠡在太原諸詩無憤世疾俗語至于并州何處是且當故鄉看抑何醞藉婉致也別產子兩人舉遺貲獲倍

稱之息以爲功剖而三分之君子稱其長厚配程孺人忠壯公後王父祖生父濟時皆個儻有志槩父娶於詹生子女十有五入而孺人長少閑女訓元蠡父鹽筴祭酒兩翁相歡遂締婚好元蠡生二月而孤嫡母金與庶母吳少者才二十有四吳下急孺人事之謹卒得其歡元蠡方富盛好客月無虛日宴會問遺舍卒立辦已舉長子三女諷元蠡置膝元蠡不可而時沉湎狹邪中若弗聞也者已復舉四子婚嫁之費悉手經紀元蠡不問也目泰趨約外侮不小處之晏然兩子壯游大人成名卒據惜別輒麾之老婦閱世深必孺子而後可家寧至

太山山房集

卷之九十七

四五

今日子行乎子志吾行乎吾義而已抱孫抱孫之子若子孫婦內外訓誨一遵禮法二子遊歸平頭奴子所負囊多詩艸及諸君子之贈言爲母誦之色喜此倍于饗太牢衣文繡矣海陽人婦順母儀以爲稱首其卒萬曆戊申正月五日距生嘉靖丁亥十有二月二十日年八十有二寢疾神不亂惟目久眚則以哭元蠡故以卒之年十有一月二日葬連塘山元蠡卒萬曆庚辰七月二十有二日距生嘉靖己丑十月十有四日年五十有三以萬曆乙酉四月十有八日葬八都東閣山子四人伯聖初娶中市金澤女季聖年娶峽東金某女皆先卒仲

卽聖學字敬仲叔卽聖修字永叔仲娶萬安鬱林判吳
玄求女事姑如姑之事王姑也叔娶張村張攀女與姑
儷德余自有志繼娶張某女女三人爲夏敞金繼綱張
光翰婦孫子六人振宗娶于金顯宗嗣宗俱娶于程秩
宗娶于吳禮宗娶于朱嘉宗幼孫女四人爲金高郎金
有恒陳茲金夢龍婦曾孫七人廉壽娶某彭壽孝壽某
壽鹿壽某壽某壽曾孫女四人未字夫元壽豪士也以
醉飽言語之故至累楮衣而有程媼爲偶有敬仲永叔
爲子天意將閔閔焉其後必有大興者志而俟之銘曰
以俠賈名以名賈禍謂天也宏胡深督過居約能孝居
大沁山房集 卷之九十七 墓銘 四六

程高年吳孺人墓誌銘

海陽盤石程公名詮字德平以嘉靖丙戌三月二十有
四日生以萬曆戊戌十月十有四日卒年七十有三配
吳孺人名英以嘉靖辛卯二月二十有一日生以萬曆
壬寅八月九日卒少公一歲公事父母烝烝色養無違
病則致其憂求醫翼全夙夜匪懈事伯兄溫恭朝夕家
政大小咨詢而行已自奮曰吾聞范蠡楚人而之陶爲

朱公倚頓魯人而適西河以興富於猗氏蜀卓氏趙人
而求遠遷致之臨邛大丈夫有事四方奈何局趣牖下
依倚他人生活夫武林金閭東南都會也俗雜好事業
多賈可用吾所長矣遂賈裝賈吳越其道在觀時變節
狙儉較諸賈爲廉而贏得過當旦出而道有遺金跡其
人反之請分所遺之半公俛而笑吾利在得金孰若不
與吾幸有餘貲寧屑此其人頓首塗中願爲兄弟聞者
高公之誼益心附焉已賈淮揚治鹽策諸賈人爲姦利
不可勝原公獨守故常日計若不足久之諸賈人犯禁
相坐惟公不染於辭而收倍稱之息器備無重玩好不
作車馬從給不爲漏卮亦不爲樸滿更繇租稅先期受
事歲時伏臘祭于寢祭于墓豐物備禮焉所見聞篤老
而饑寒者必無棺斂者緩急稱貸者施助有差負販之
子持小物不復評價隨語與錢嘗曰吾所損若九牛拔
一毛彼所賴多矣里中路詰屈爲石道屬於汧川列樹
以表列亭以憩又爲石梁以濟要津與人誦之子壯公
傳以政日與諸昆弟故舊燕娛園亭間而數課子吾家
代以儒顯及吾之身未遑竟業命伯子爲儒士隸宗伯
省仲子游成均諸孫習博士家言公時誦聽其誦說
而心賞之生平與人無競鄉有訟爲居間必釋乃已邑

令江夏丁公奉詔以高年賜爵顏其堂曰尚德禮之鄉
飲賓寢疾子孫問何言曰治生莫若勤儉立身莫若忠
信此吾所常談也遂卒吳孺人父元福元福子皆聯出
而適舉孺人知慧不凡喜而撫之若女中英也因以名
焉相攸數十人才公而字之笄而歸佐公奉舅姑詞色
婉婉如恐有傷喪祭從公執事唯謹其操作勤服用儉
與公合德公性剛毅而劑之以和子婦減獲溫渥款浹
有大過切責無所容終不予朴公出遊千里外積歲不
反孺人當戶慶弔酬往尊卑遠邇踈數隆殺無不切事
情中體式其于奴婢嫂婦女公女妹出姪婚嫁之屬往
往厚施而不靳報貸不問償贖連無歸者恩卹有加鄉
隣翕然稱之諸子儒衣冠而見必詔之曰士所當爲不
止此公有從子子之若已子恒指天而語子婦夫者婦
之天也天可忽乎公卒不勝哀因遘疾子孫環泣請禱
請醫不可死生有命無復爲煩吾得從先公地下幸甚
請所欲言曰不聞先君子治命乎顧力行何如耳伯子
宗洽禮部儒士娶吳復前女仲子宗涵太學生娶范集
女女一適平涼別駕吳繼茂封孺人孫男五人家屏娶
吳繼福女家麟聘鴻臚吳繼鳴女家鳳聘吳文元女家
泰聘某女家慶聘太學生吳繼可女孫女五人一適范

玄壽一適吳正學子純典一字吳繼可子明鎮一字范
方伯涑曾孫遇時一字某曾孫男二人元生仲生曾孫
女二人一字吳太學明春子道一字某蓋海陽世家程
吳爲冠程自梁將軍靈洗孫炳遷富溪公大父慶院公
博學多文父達陸公有處士之義吳自唐御史念居商
山商山富溪相去一舍兩家世締得而州大夫吳公繼
京實公外生以循吏著聲謝不待年公與安人狀皆大
夫作言信而有徵其弟繼可其猶子明時明翼明本文
學賢良從余遊久以狀屬余志志所臚列吳氏悉大夫
黨也墓在里南東于銘曰豈無文儒而行或愆豈無富
貴而命或不延豈無胡考而後嗣或缺焉於戲程公賈
名儒行孔釋齊年子孫多且賢刑于其偶福德亦然人
可能也不能者天於戲程公天人全

汪長公吳孺人墓志銘

汪長公之卒也司成馮開之爲狀其偶吳孺人之卒也
從兄太學仲嘉爲狀凡十餘年子一涓將舉葬事介仲
嘉士能兩叔父以志請余從司馬先生游悉長公父子
久矣先世自越國公華著于歛後自唐模析爲十六族
松明其一也司馬號爲世叔而傳之者曰良榕字文盛
是生長公名道喚字奎卿少司馬一歲自孩提以迄幼

學出入諷誦無不相借歡若同生父以鹽筴賈甌括未五十歸老以授長公才數千緡長公酌天時察物情量軍興緩急先事而爲之計得息三倍已謂淵編小舞袖不足迴旋淮揚舟車四達萬里是范大夫之陶也可舒勃吾所欲爲矣季父文材不從乃留三之一畀季父居浙而以其二入淮某子甲心知長公能以貲附之不數年乃大贏父大治第宅費不貲悉倚辦長公長公亦入貲爲郎當拜祭軍以母卒不果行而父召與其弟道曄析箸曰家具增於往微爾兄力不至此今所畀爾視先人畀我者過當矣久之父亦卒長公喜客客無貴賤需其津潤比年五十稍歸某子甲子母錢而餘金付吳孺人弟息之構別園廣陵郭外具池亭花竹之勝日飲亡何付者不忠所事乃分授諸子吾效陸太中大夫矣獨計君子先宗廟後居室先祭器後用器吾不敢自封爲室祀曾祖考以下四世小宗季子請候豐歲卒不可室成而公疾作卒矣初從王父守庸公見司馬長公于童年喜曰吾先世樹德以二兒高其閑閤司馬貴長公富皆如其言司馬居母喪歛令四明陳公來弔陳故與長公舊練坐定長公宣言曰人道歛難治殊不然治者難得廉吏耳誠如武陵姚公治歛歛何難客皆吐舌長公

氣彌奮令亦賞其直率長公始娶於鮑生子一源未幾鮑卒以吳子欽先生女良姬繼是爲吳孺人子欽九歲童子叱縣吏爲博士弟子力能抗博士先生無禮者司馬所爲傳者也孺人歸媚于舅姑姑愛少兒少婦孺人身下之而姊愈驕不可忍悲欲自殺起剔佛前燈三起三滅恐而投繯繯絕家人覺救之免既而姑察其故叔姊愧又與叔郎小嫌死而孺人更哀之釋其舊憾長公客越父家政嚴亡尺帛貽孺人孺人菲衣惡食不厭比入淮稍具笄珥然不恒御有丐貸者輟其釵直三萬錢予之不責其負更貸復無所靳里婦嫠者病者死者機寒者里老無歸者閭閻負販無資者行乞者日夕盈門美其號曰惠碩人先後乳男子五人一治一鴻一藩一渭一濠女子某人一治未昏而天一藩夫婦相繼天一鴻七尺軀馳馬試劍從擊胡累功爲金吾尉結客倍于父客奉仰給孺人不三年孺人私藏盡矣而鴻病死濠好學嗜義亦好客早死渭有子國士國華如栢復天孺人殷憂不解獨濠諸子與渭子國政國政有子壽孫而政復天孺人不勝哀病不起矣長公貲中落罪有所歸以孺人之篤愛其弟也置不問而孺人深念吳氏孤女每食必問安否家人曰安乃食其子一源不啻若自己

出一源娶鮑氏有子國裕娶鄭氏有女適太學生吳允
文有孫二廣成廣居廣成娶吳氏廣居未聘有孫女五
一聘吳氏餘皆未聘一謂娶蔣氏有子皆天見前國政
娶吳氏有三女適吳秘書子太學生翔鳳女先死次適
太學生鮑元宸次未聘有孫一即壽孫未聘側室晏氏
生女一未聘鴻更名題先娶黃氏繼潘氏有女二適縣
學生吳士謙府學生程明元一藩娶黃氏一濛先娶羅
氏中丞應鶴公從女繼吳氏有子三國申娶吳氏奉常
應明公從女國常聘吳氏國光聘胡氏有女一適吳最
目
失鴻濛已自捐邑而尤深惜國華比喪吳孺人

房集

卷之九十七

墓誌

五十一

益少歡趣遂卒卒以萬曆乙巳仲夏某日距生嘉靖丙
戌仲冬七日年八十孺人卒以萬曆辛丑仲冬十有一
日距生嘉靖辛卯秋五日年七十有一葬以其年某
月某日墓在某渭事父母孝能徵言以垂不朽五子不
滿罔一子可滿朝有子如渭奚必立朝然後顯親哉銘
曰壽富康寧好德考終猗與參軍五福攸同其妃相之
肅肅雍雍其家耐之洩洩融融子孫千億以宗有功何
歉乎司馬知人哉守庸公

茂才潘川唐君暨配顧令人墓志銘

唐仲言少贅而好學從其父兄受書誦之不忘久之屬

文尤長於詩四方士大夫多與之交一日過余而持其
兄所為兩尊人狀屬余志墓夫仲言奇如此不有為之
先者惡能然哉按狀唐先蓋汴人宋建炎中有貴一者
從南遷卜居華亭白砂里遭元兵焚失其譜獨九世祖
道寧墓無恙道寧子璟璟子玉玉子壻曹副憲墓表可
考也玉兩子是為北園公祚西園公賴西園舉進士為
顯官北園以隱德著陸文裕顧文僖誌表可考也北園
伯子俱俱中子自明娶李孺人生潘川君潘禹字予孜
少喪母贅婦家顧公所以母暴卒悲號竟日夜致疾朱
山人為作母像則婉容愉色奉之如生每祭涕泗沔沔
大波山房集

卷之九十七

墓誌

五十二

而令人亦恨不及事姑淚承睫也烏冠起避之茗溪時
省問父無缺父性嚴重竟日不一言君與婦侍側唯謹
未嘗聞聲事務當其意嘗夜夢若壞牆覆屋者驚起訊
隣人皆無有而得父病耗不任憂疽發背經年乃瘳
弱冠為諸生不問家人產父苦轉粟入京費不訾貸之
豪家豪家責通急令人盡出其奩以償而饗發其旨承
權輿焉初依外家居城中先人廬且圯念欲徙則以繕
修累伯氏於是已所應得者摧其直歸伯氏而厚其
直以市城居兄弟白首情好篤摯伯氏長子汝謙早卒
伯氏尚無恙君卹其遺孤如已孫嘗書其祠中曰祖宗

父母之心願子孫爲佳士宜兄弟樂妻孥則成者必喜
不則必憂蓋身實踐其言矣婦翁艱於子則以妻姑故
而族且欲利其有強之立嗣君夫婦勸導諄切卒置妾
舉兩子婦翁卒爲兩子析產授之或以君於俗爲半子
宜有所分君不屑也別業與龔氏隣有田當其室後割
而畀之隣喜過望倍直與君不受其子若孫迄今稱之
不衰與人言傾寫中懷殆盡有過則不憚面數橫逆相
加付之不校爲小圃手蒔花竹佳日與親知命酌陶陶
適志忘其屢空也君卒令人已篤老哭君慟不欲生其
處妯娒若諸姻戚馭家衆情義禮文相得客至治具咄

臥山房集

卷之九十七

五十四

嗟而辨訓諸子孫坐勿箕遊無踞語勿譁飲食勿溲子
孫式化以文行名家君卒萬曆己酉七月二十有一日
距生嘉靖壬辰七月十有七日年七十有八令人生嘉
靖庚寅七月十有五日卒萬曆辛亥十有二月二十有
九日年八十有二癸丑八月八日葬金雁塘西先隴之
次子三伯汝諤邑廩生娶顧文學慕泉女仲汝詢即仲
言娶包少雲女叔汝謀後君六年卒娶曹景菴女女四
適張嗣光何汝梅張重宜黃廷麟三爲諸生孫八汝諤
出者孟康邑諸生娶王文學文字女孟祁娶翁廣文少
堂女孟簡娶沈尚質女汝詢出者孟莊娶吳山人逸一

女孟嘉孟啟孟融與汝謀出者孟洗俱未聘孫女三俱
汝諤出適諸生徐楨秩諸文徵陳堯道徐則比部郎鴻
洲公子曾孫男七侯章侯度侯衡侯興孟康出侯服孟
祁出侯勛侯勛孟簡出侯憲孟莊出曾孫女六長字沈
某餘俱幼銘曰

雖則貧瘁有懷二人雖則生分不廢懿親孝弟之行持
以沒身刑于厥婦親仁善隣子孫似續文學彬彬年踰
大耋乃反于真古之君子今之逸民其後日昌其名曰

大梁山房集

卷之九十七

五十五

大泌山房集卷之九十八

京山李維楨本寧著

王母魏淑人墓志銘

今方內五尺之童能屬文者莫不推王弇州先生而不
悉其人先生累世公卿所居江左佳麗地風流自賞時
露之篇什間意必饒聲色之奉而實不然從先生遊者
悉之而不悉其有魏淑人助也淑人卒子兵部郎岡伯
文似先生狀其事萬餘言而胸臆約結不盡吐踰四年
始以屬先生通家子某曰吾先君夫婦之懿不肖孤母
子兄弟之情子善爲我辭而勒諸墓石按狀吳有名臣
地大泌山房集 卷之九十八 墓銘 一 晉陵李維楨寫刻

魏恭簡公校者淑人王父行也恭簡公無子子兄弟之
子而獨愛其從子太學君縝爲擇婦得嚴孺人是爲淑
人父母淑人生而姿貌令秀舉動容止不失常未嘗忤
視恭簡公愛之過于所子者之女于時無錫鄒氏與大
司馬王公俱求婚恭簡恭簡以所子者女字鄒而以淑
人字弇州先生恭簡沒先生入臨年財十有八已登賢
書恭簡夫人從帷中窺之撫棺哭曰爲吾孫女簡美對
而不以適才流若王氏子者何也明年來歸年甫及笄
而姑郁夫人故嚴重難事又心少淑人瑣科條不休淑
人自修飭終不以柔曼取容司馬語夫人新婦有郝鍾

禮法母督過也先生成進士尋除比部郎淑人至京師
舉子果祥甚慧而天司馬郁夫人傷之亟欲抱孫于是
如淑人者李若高以次進矣先生慮囚江北過家還朝
夫人留淑人而以李從先生弗敢逆是生岡伯司馬聞
之弗善也馳使趣夫人攜淑人北淑人見岡伯欲身乳
之夫人謂新婦不宜子不可明年舉子榮壽司馬熟視
不憚是將復爲果祥已而天淑人哀榮壽不若果祥則
夢岡伯爲果祥後身日詩負之自寬耳司馬爲佞相所
中下獄先生觀察青州棄官走闕下請代淑人倉皇還
故里司馬尋被害先生哀瀕死三年不茹葷不入內淑
地大泌山房集 卷之九十八 墓銘 二

人之執君舅喪猶先生也郁夫人以司馬故倦內政而
傳諸子婦愛淑人婦婦章安人淑人不以其故恚望事
姑彌恭長女歸于華以免乳天淑人不勝哀而高舉仲
子驕岡伯復有母弟駿夫人嘆曰他人多子而新婦且
哭女何命之薄也稍憐淑人而夫人尋卒淑人之執君
姑喪猶君舅也先生三起家爲藩臬爲太僕爲中丞司
馬司寇先後二十年淑人謝不相從而當岡伯生後十
五年後房無夢蘭者淑人慮兒終鮮市一婢以進偶有
小過譴讓之不能受淑人言于姑冀薄創耳姑迫先生
必逐之婢大怨望其父母強使他適卽毀形臥不起凡

十年先生重違母意不復收病且死用邑父老言置之別室以歛淑人婢子死實由我遂謝病不關家事先生晚年居弁州園及恬淡觀益與妻子疎令三子析箸而淑人與驢同宅家人輩心儀淑人豈以仲子爲子耶何獨此子依母也而淑人卒不可得親疎至爲仲子治宅傾篋倒篋苦不繼堂鬱損已弊病見端矣一日忽尸蹙兒女環左右泣頃之蘇而以手授罔伯執之諸子請更番卒不許如此者三日而先時先生臥弁園之爾雅樓樓下若有物厲聲三呵召罔伯而語之故此爲咎徵而淑人病當之自是多蓐寢矣先生乞長休告見淑人

地 大邑山房集

卷之九十八

墓銘

三

而輦蹙若生死不卒奈何而先生顧先卒淑人不能成喪涕泣淋漓枕席而已淑人事先生莊兩頰白相對移時常不發一言罔伯既娶婦矣其母見淑人猶侍立罔伯跪請曰婦坐而姑立禮與乃命之坐病困矣罔伯與少女在側忽面赤若不可忍微語女吾痛欲發聲奈汝兄何而數訓誨諸女女子母輕假丈夫輩笑吾少年從汝父官耶欲謂汝土母適大雨庭潦盈尺橫一木過蕩而恐汝父手引我忽見汝王母慚阻幾墮水其矜持如此諸子婦謁有時禮有等而使女奴微之或比肩坐若笑言啞啞則愀然不樂諸子婦不省也其後罔伯聞中

華言不欲傷淑人心秘之而島寇犯朝鮮都護來募兵驢以家僮應募身與三五少年方舟往來江海上有告變者中丞捕驢淑人大驚既知狀乃諭驢婦無恐尋當白口語籍籍謂問伯不力救淑人言兒嘗與我計口舌爭無益靜以待之至誠以感動之可耳藏怒宿怨所不爲也吾信吾兒深不若曾氏母猜者語寒會某中丞彈事有蒙世大誦借名生奸之議問伯因上書中丞乞哀中丞察其指爲弛刑事小挺驢婦請歸寧淑人艱然不悅何念母家而忌獄中人乎以語問伯悄然淚下交頤也淑人善知人三女夫爲華叔陽朱綾華之支謂叔陽類衛家兒非遐福器謂綾長者貌雖寢祿固未艾卒如其言少女以淑人病修齋誦經而之文挾兩婢子去少女不勝憤白母則慰之若未有子何以禁壻不畜婢女曰阿翁在壻那得爾則責之夫者婦天以父驕夫違天不祥少女其所甚愛也或與驢小有言而視驢殊不減女驢依淑人日久而視罔伯殊不減驢駿以郊居不時省母而視駿殊不減罔伯罔伯從弟驢淑人有顧復恩舉于鄉而喜可知也諸夫黨母黨尊卑遠近情文隆殺母驢重逆施即先生以爲難淑人笑不至矧言不出閤牖于大義而恥小慧自見從夫從子無令人以私惠歸

德尊章娣似諸姑伯姊下逮臧獲事有不如意者地忍之不動聲色人莫窺其際始而疑中而安久而信沒而更見思也季子駿美秀而文哀淑人不勝喪天矣淑人生嘉靖庚寅某月日卒萬曆丁酉正月二日年六十有八前三日諸苦節盡體鮮潔口鼻失正者復如初就棺神色皎然閭士達觀聞之曰今魏淑人始昔之魏夫人也遣其徒焚香誦偈作禮而去先生第太常敬美雅敬丘嫂而王解元辰玉爲文壽淑人頗悉其隱德問伯弟故遜太常而歸文不得如辰玉不諱又深悲淑人以貴家女爲貴人婦若母而五十年無伸眉目抱病居十

卷之九十八

墓銘

五

之三身遭人倫變幾不自明而知子者惟母是以狀數萬言而猶欲然未寫也問伯名士騏舉進士爲兵部主事以先生病請急歸十許年不謁選人娶馬氏士駿娶嚴氏士驥娶潘氏問伯二男子瑞庭瑞毅俱先娶沈氏出瑞庭娶潘氏瑞毅聘包氏爲駿後二女子一適嚴材一與二孫女俱未字銘曰矯矯太常故善論秀相女士攸乃得司寇司寇名世伉儷實難懿厥哲婦利貞閱觀肇而有別如彼睢鳩無懷與安今名靡倫太常賜諡恭簡固當一德不懈敬順事上淑人生平二者兼之婦諡古有請諡以斯宅相非甥門楣非女載錫之光見賢內

舉司寇新阡佳氣輪囷登者肅拜施及淑人

曾司空元配劉淑人墓志銘

代

始余爲吏部郎與今大司空吉水曾公同舍故事吏部郎多闔扉謝客而兩人獨數相過不厭司空元配劉淑人者炊黍烹茗佐談竟日夕以爲常兩人既歡若同生卽內子事相慕也余頗司空胥由無速官謗積資至御史中丞與司空畧同而會有所齟齬之長休告屏居里中則司空亦遭謗歸耦淑人耕文江之畝矣久之司空與余後先起家而內子卒淑人謂司空兩君生平事時相當妾從此逝矣無何淑人卒司空哀不勝手狀其行

卷之九十八

六

事徵銘于余余以司空稔知淑人賢以悼內子知司空不欲朽淑人乃爲之志其墓曰淑人名某安成脩江里人也父瑗福州別駕祖壬邑令壬弟丙南大司空諡恭襄曾祖敦翰林孔目高祖實守南雄皆名臣事載國史郡乘中而別駕治福州居二年抗節忤部使者棄官歸時與鄒文莊羅文恭劉三五諸君子講業青原山石屋中劉氏之盛甲安成以此別駕配顏宜人爲郎中如瓌女嘉靖甲午正月二十有三日生淑人淑人生而婉婉父母憐愛之稍長授以女誠孝經輒通其故而司空父方伯公故與別駕同舉司空配矣無所委禽里人有善

別駕者以淑人問方伯公大喜曰余爲禮曹郎見恭襄公二子儉素有父風別駕砥節如恭襄是宜有令女謀之配某夫人亦大喜因自爲書抵別駕締好別駕敬諾後十年來歸別駕爲八誡遺之曰孝曰敬曰順曰儉曰慈曰惠曰簡言笑曰嚴取予淑人誦之終身不衰司空弱冠爲諸生負篋從師歲不數歸歸與淑人相對無媿姪兒女子語別駕初遣女蒙裝極豐蓋知方伯公廉司空弟妹衆冀以資之耳淑人謂司空君績學不問家計安用此爲吾聞內則有遺婦蘭芷者必以薦於舅姑君其行之自是方伯公有寔取給淑人他日或償其直竟謝不受曾氏之老無不嘖嘖新婦賢也居四年方伯公疾革召司空而語之曰婦有長舌維厲之階若婦孝弟吾無患矣司空爲方伯公家督某夫人春秋高一切屬淑人淑人言不出閫外而事備舉已爲司空弟婚已爲司空治第連湖奉母已爲司空葬方伯公已爲司空少弟聘拮据日昃不遑食左右諫少休淑人譬曉之曰吾所奉先君子之教與舅氏之遺訓政唯今日其何敢自愛最後某夫人卒扶輿南還勤瘁彌甚司空即文選淑人嚴局鑰勅家人毋與門者通郎繇此顯名後忤執政免官淑人無愠也司空客日進張具樂飲屢捐替珥佐

施中外屢推轂司空司空就徵還朝淑人不欲行強之甫就道抵都踰月而病踰年而卒是爲萬曆乙酉六月二十有三日得年才五十有二初以司空任主事秩滿封安人又以郎中值東宮恩封宜人又以太常少卿值登極恩封恭人卒之明年又以少司空秩滿贈淑人爲恭人時入賀

慈聖

仁聖二后賜綵幣戚黨榮之淑人體羸歲乙卯生女鳳英尋夭自是不復孕而爲司空擇宜子者進之得劉姬有子之可貴惜引持若自己出之可哭淑人逾於其母

云余旣已誌淑人而嘆今學術之謬也古學者不言而躬行修其身以齊其家使婦孺化之今士高自標幟將戶說以眇論闕其室則婦姑有勃谿者矣安成人號爲儒者衆至別駕而有青原之學余觀淑人備有閭閻大抵皆入誠中語是必有不令而行者豈寡言無可相引乎方伯公以恭襄二子徵淑人賢善哉能觀人矣皆足衍也銘曰安成劉氏五代濟美乃有女士嗟方伯公與子司空營道術同淑人乃來鳳鳴孔諧天作合哉旣稱賢婦亦稱賢母豈惟天授父兮生我舅兮知我夫兮成我帝四命之象服是宜爲中間規無子有子無齒有齒

德故之以司空悼亡無逝爾梁終借爾藏不腆伉儷如女兄弟後先卽世墓門有勒彰爾懿德寄余私臆

劉司空元配李淑人墓志銘

沁水司空劉公卒于官

上咨悼輟朝命冢宰予贈宗伯子祭司空子葬葬于某又七年爲萬曆戊寅三月二十有二日公元配李淑人卒于文學用相疏請啓公之寢以附而俾余志隧中石余少借公讀秘書縉帶而交且四十年嫂事淑人習其閨懿晚得仕公鄉適與淑人喪會疇昔同館兄弟物故十七存者六人地或風馬牛不相及志淑人者故宜在

地沁山房集

卷之九十八

墓銘

九

余淑人蓋沁之李村人也族最蕃碩因以名其村父西岡翁景暘娶于楊是生淑人母夢星隕懷中遂有身至大期時夢天女乘雲冉冉下衣五采肅拜而前自通曰淑人寤而異之以質里嫗卒不省淑人爲何然心知非田家女矣嘗與諸女立巖下巖崩諸女僵仆久之始蘇淑人獨無所傷又嘗失足井中家人分必死縋而出之無幾微失色父大以爲奇里有富人子聞女多貴徵介媒妁通言悉謝不許而司空公方幼受詩故給事李鳳岡公兩李公同里閑語父若爲女相攸無如劉郎父時過給事塾中見公眉宇非常則益大喜若誠快婿亟許

婚數以算器食相餉淑人笄又四年而後歸三日而執中饋綆汲春杵治尊章飲食餉田者黍肉晚則剥柿裝褰手甲盡脫也司空父故爲掾已爲買折閱粟不足將嫁于四方而王姑復好施顧其室懸磬矣淑人出奩資供甘毳賜予司空力學夜恒達旦淑人操作以相不少懈慢既爲吉士同舍郎遞治具家有女奴可供刀匕必躬親之司空除給事中論時事拂宰執意宰執非時察臺省盡斥諸異已者公亦中考功令謫丞蒲城余與同人往弔相對泣下沾襟淑人獨寬譬公人不負丞丞何負於人君直聲震天下勝九遷其官矣司空謝曰若婦

地沁山房集

卷之九十八

墓銘

十一

人而有丈夫氣趣駕行會大雨雪戒家人諱言寒無傷乃公心歲餘遷廬氏令益明習吏事治文書日昃不暇餐執掌嬰疾已遷比部郎疾滋甚淑人晝夜瞻察起居理藥餌累月不稅衣而寢良夜私飲淚頤天請以身代日不肉食冬不暖衣迫公起後十年如故至備兵易水公念淑人非壯婦比強之始絮縑袍而手製襦數十百事乞號寒者歲爲常每以除夕召鄰之羸老者廉問一歲所資具爲區處使無乏卽受券不責償愛文學終鮮爲公置抱衾櫬者娣姒若而人相得終身無小有言訓諸女女孫若僮僕以嚴正爲本然不聞詬言鞭朴降初

以公比部郎考績封安人再以督學使值

皇太子生行慶封恭人三以少宰封淑人夢祥信矣其勤儉無改於舊司空清白著聲河漕使者供億輻湊裁其半余過濟上候公臥內布被竹簟多所敗缺屬公病困熟寢不欲煩以應對須之移晷內呼茗出啜客差別于水而已公晚年精研竺典淑人從之禮大士像閉戶跏趺而坐正綿微時誦心經子婦叩以家事不答距生嘉靖乙未二月七日年七十有四子一人即用相文行紹其家娶韓繼霍女女三人爲何適譚王洽張洪猷婦孫一人一衡孫女四人爲韓榮賈希洛張銘婦其一未

大宛山房集

卷之九十八

墓銘

十一

盧夫人墓志銘

代

盧夫人之歸中丞霍公也甫笄耳而公方治兵肅州逐虜徙王庭幕北斥松山地可千里夫人日夕請命于天祈我士馬無奸命以貽公憂或宿昔不寐坐遲捷奏而公尋上功大司馬晉爵二等夫人因有今命云已公部汝洛治河渠良苦中人司礪權者勢甚張民卒瘁患亂

爲調護幸無患已公填撫雲中虜王部落生戎心卒就我罄控款市不敗公每退食有憂色夫人輒問故公時以策試夫人亦輒有會而

皇孫生上

太皇太后徽號大齊羣臣夫人從公中永秩四品更號恭人其猶稱夫人者從所尊也公母夫人春秋高復善病革之來雲中不耐寒虜王物故嗣者西行未反疆吏戒嚴公疏請歸養母不許而令夫人將母還里第無何以脾疾卒計至公不勝哀手狀其行事以屬其友人某使志墓中石曰吾所爲哀吾婦者非以佳人難再得又

大宛山房集

卷之九十八

墓銘

十二

非傷其年之不永也吾嘗遭疾狀甚惡婦長跽而泣露禱北斗下矢一年不御肉食吾尋瘳婦病而吾不得調方藥婦沒而吾不得視舍穢敵體之謂何然猶吾私德也吾有母千里而遠飲食臭味衣服寒暖之宜惟婦能酌之疴癢抑搔起居早晚之節惟婦能相之吾有女弟母所鍾情不幸左臂半枯母以此邑邑少樂惟婦能周旋之吾歲時拜母婦出其刺繡粉悅繁褰衿纓履襪之屬以獻母稱善喜而納之爲西王母觴觴母祝母年與西王母等母喜而醕之居無私貨私畜私假與容有之必以白母乞諸姬諸子女母喜而許之來日無多吾母

恒視蔭而悲惟婦能樂之吾諸兄弟婦奴貧賤豐約至不齊也往還問遺人情易生得失惟婦能諧之吾始娶于李無子再娶于康三娶乃得婦吾又以亟生子納諸姬諸姬年長于婦所生子年長於婦之子人心不同有如其面惟婦能一之不然而已矣婦既抱子媵非乏人也復擇宜子者閭張二姬以進曰則百斯男寧厭多乎穆木螽斯古稱絕德或齒長而無子庶可勉焉未有年不踰二十而能無如其身嘗字未艾也而冀他人多男者惟婦能行之婦生平大致若是諸小善不具論婦孝于姑而吾不媿子婦和于先後而吾不媿兄弟婦慈于子而吾不媿父婦宜于諸姬若家人而吾不媿主吾仕宦居邸不數月居家不數歲而婦代爲政吾不媿宦吾婦病實以侍姑及小姑疾故吾逸而勞吾婦以至于死吾安得無哀又安得以牀第私爲嫌而令婦沒沒無身後名某與中丞公皆畿郡人後先仕於朝肅汝之役承乏踵公比撫晉陽倚公雲中爲屏蔽以是公家範官箴耳目睹記甚備夫人父曰可傳以明經貢於朝凡六女夫人最少貞靜婉嫕慧辨韶令父教無違焉盛年歸公貴倨矣能廣夫室之愛開祚胤之原至馭臧獲嗃嗃斷斷以嚴見憚蒸嘗祖禰宴饗賓客佐公一比于禮某恒

地
大山山房集

卷之九十八

墓銘

十三

述以風勸內子輩深相慕也公刑于誠有道顧夫人少成若性人力不至此矣夫人卒萬曆丁未閏六月二十有一日距生萬曆壬午六月二日年二十有六生男一名叔琮于序爲季其出康夫人者叔瑄也出諸如夫人者叔璉叔珩叔璋也叔琮瑤環瑜珥必爲令器焜耀夫入之望將在茲乎公以夫人卒之年十月二十有五日常西郭先塋之次銘曰有齊季女修爲人婦倏爲人母匪直也婦爲名臣婦爲天子命婦匪直也母爲衆人母爲賢母胡興之驟胡畀之厚留所有餘以貽厥後其世無窮其名與久非以生存非以年壽

地
大山山房集

卷之九十八

墓銘

十四

祝母周恭人墓志銘

余兄弟從海寧祝氏成進士者爲淳州守子遷粵僉憲耳劉備聞其門風蓋有周二南之化焉而耳劉王母賈太安人百歲母周太恭人近之子孫福祚方內所不多有耳劉以名進士知隨州恭人魚軒從余隣國人也父老子弟道恭人所以訓誨隨州狀甚著歲饑民流溝壑如舉柴盜賊羣羣庸巨人而炙嬰兒邸中無所得米或雜糠覈恭人歎曰吾恨不能以此分食餒者忍求多乎耳劉毀服徒步奔走羣望爲民請命恭人亦露禱中庭每後廩歸問所賑幾何人全活幾何人爲憂喜蓋事

既而母子貌爲省瘦也尤軫卹諸獄囚寒暑之不時賜以薪火繼續水漿藥餌耳劉治獄多平反以奏恭人恭人爲加餐比歸越號泣聲徹棘牆執有綬我須臾死如太君者哉耳劉政聲冠江漢間所從來矣恭人不第善成其子且善成其夫夫中憲公爲比部郎二三戚黨居津要可貨緣徙他曹恭人曰君乘羸馬入署治事歸則持一編誦如儒生夫非羔裘素絲退食委蛇者耶賓客輻湊馬游龍車流水視之若浮雲也中憲公大笑卿言得吾腹中事諸貴人過從中憲公未嘗卑節下意其女奴來候恭人者啜茗而去三載考最恭人與姑賈俱封

大泌山房集

卷之九十八

墓銘

五

安人而出慮囚江南江南善造請關說海寧相去近諸猾竊借名爲利恭人勅舍中兒無窺市井諸郡邑胥史逡巡林間外不敢入中憲公請獻精明平恕事竣擢汝寧守恭人嫁女公子三人奉賈太安人之汝寧汝寧崇王封國王故賢時伊庶人方得罪中憲公執法不徇王中猜不自安兩郡佐從京朝官左遷貌相亢恭人燕居請公於三者加禮焉而公忽病矣就榻前治文書不休恭人謹斂鑰內言不出外言不入求多公者微之不可得公入覲卒京師恭人欲以身下殉賈安人曰將置藐孤何地恭人泣受命悉却郡邑賻先君子不家於官未

亡人何敢家於喪中丞吳興蔡公直指南海龐公聞而高之授過所遺材官護喪有司以次續食恭人痛創面直杲杖而後起虞傷姑心私揮涕泫苦塊而已浮淮入江無風雨波濤之患人以爲恭人精誠所格也已葬封樹華表具舉而舊廬圯敞特甚遷橋李一日有徐孝廉升堂拜曰故尚寶公履祥子泰時也師事中憲公恭人見之謂公此他日高第弟子古人重知我與生我同是以來謝徐後成進士爲光祿卿寓橋李十年復還拓故業而居之蓋恭人拮据自涖清龍陽三遷矣賈安人卒恭人襄大事倍教而族子侮之數挑釁耳劉艱然則遭

大泌山房集

卷之九十八

墓銘

十五

之西湖兩山中治業日多行不義將自斃耳兒以湖山靈秀爲襟抱母望市廛俗氛其識度宏遠類大丈夫矣恭人春秋七十而母朱孺人尚在耳劉自隨州擢武選郎移疾歸會朱孺人百歲恭人率耳劉繡服稱觴里人榮之倭寇破朝鮮大司馬誤聽細人言啗以封貢廷臣暴其罪下詔獄恭人趨耳劉北上若司馬官屬寧得付理亂不聞老婦健不減若王母遂領舊職攝諸曹贊籌畫驅酋關白出境朝鮮復其所擢僉魯憲恭人進今封拜慶之日正八十耳劉奉翟冠象服六珈之飾五文之語以進又以袁太史劉給諫輩所爲壽言誦脩食恭人

曰吾俸賜婦閱歷三朝帝三錫命若爲報謝是在孺子
若友袁太史輩故言之耳劉入粵踰年以賀萬壽過家
恭人色喜嶺海瘴癘兒無恙來歸且以桂蠹荔枝食我
幸甚耳劉既事復疏乞終養報許恭人不悅曰所惡於
絕裾者以非母志也我力能從兒萬里游心殊樂之何
自畫爲雖然兒報母日短報生日則長矣耳劉就養無
方十有三年而恭人卒年九十有四越人稱恭人純嘏
耳劉純孝云恭人出廟灣望族父我泉先生有鄉曲之
譽母朱孺人亦名家女生恭人所善自女紅外聽古昔
嘉言懿行於心終不忘先生好白香山程朱理學家詩

人必也房集

卷之九十八

墓銘

五

酒酣朗吟恭人側聽成誦百餘篇于歸時中憲公父宦
豫章恭人任家政夙興夜寐先僮僕操作事從姑諸娣
如挹遜款洽無間初終中憲公居父喪不勝哀病失聲
願指示意輒解調藥物治病請於神願以身代病間贊
之葬祭如禮服除爲公車藝良苦請小休不得則延老
儒生取稗官小說家坐幕外談說之雜以諧笑中憲公
怠倦也家華腴身命婦而服御儉素嫁時衣浣濯七十
年如新有靡麗尼奇者斥之此身之災也不敢服以見
當大耋耳劉命家人爲堂四楹待賀客制稍侈曰作法
於奢如後人何撤材三之一較計繕修之費無令消功

單貽祀先則牲牷肥腍粢盛豐備於賓師尤虔雖豆羹
片脯必寓目品嘗之勅執爨者毋失畧漏期四女先卒
所遺外孫男女恭人視之如其母如其王母也中憲公
從父郡幕公子孫徙出鄉數使人酌酒其墓或曰是不
當甘心我者耶恭人曰往密孺人遇我不薄吾不忍其
鬼之餒也里嫗過必投餐而內餽餽其袖中以歸貽兒
女孤獨疾苦乞貸者委曲周卹無倦減獲數千指勞之
而數休之飽食煖衣務饜所欲累孫屬文而負劍詔之
曰夫文猶吾刺繡也五采章施而不亂猶吾戶簪也五
味參和而不偏學士家異之是論文指南車矣支屬子
人必也房集

卷之九十八

墓銘

十六

姓若姻戚來謁士則勉之力學農則教之治生嘉善而
矜不能有如逋蕩失職督過不少隱其始甚愧其旣乃
思恭人言藥石生我矣晚奉西方之教事大士齋中侵
晨拜誦心經一周雖祁寒暑雨不易曰吾求淨見在心
不爲因果福田謀也暇則從一婢子行田間省桑麻望
之者以爲女仙故無病季年稍克耳而能射人意人不
敢譏卒之年左股與肩作楚不多飲藥日必盥櫛或呼
浴或飲水一夕語耳劉我壽寵得沒事若王父母若父
若我父母地下若生平歡愾天之幸厚矣無可遺若有
若父一象笏在耳劉垂涕不能對徐曰我無所念無所

苦若男子安用悲問今日甲子爲何至則行矣遂瞑顏
色如生如含笑者內外宗與隣里鄉黨以其班來哭盡
哀萬曆壬子七月十有八日也其生則正德己卯某月
某日子一卽以幽耳劉其字娶毛某女封宜人女四爲
邑諸生許敦僊朱履份太學生濮武郭應燧婦孫五守
一娶譚某女繼聘沈某女守元聘馮某女繼聘姚某女
守穆聘朱某女守熙守王未聘孫文六爲許某沈某查
某婦其幼者字朱某錢某陶某以癸丑某月附中憲公
大碑港三里村墓右銘曰女也淑女婦也孝婦妻也令
妻母也賢母人所難能何一不有從夫貴婦從子貴母
地 大泌山房集 卷之九十八 墓銘 七

二語爲墓銘詩

任恭人墓志銘

任恭人者今河南按察使臨安王公之配也任於臨安
稱右族恭人父曰之俊別號淇竹以高年賜爵一級其
昆弟有爲主事者之賢爲資縣尹者之良三人友于無
間而淇竹公之偶郭碩人娠有異兆已生恭人言笑有
常度遂名之叔貞諸母無不憐愛者而淇竹公有女弟
受特甚則取而躬字之逾三年不免懷居恒謂諸兄弟

是恨非男將益大吾門以是諸議婚者俱報罷而按察
公方髫有才情爲臨安守姑蘇張公所甄拔令讀書其
齋中師事里人張毅庵公文藻日新守微知公未有室
又聞任有淑女一日召淇竹公而謂之曰吾爲若得佳
婿淇竹公敬諾而取公所爲文以眎主事縣尹公二公
大賞之守爲具六禮來歸時嘉靖乙卯年甫十有二未
笄也翁嫗與其族老竊少之而恭人婉婉順於舅姑和
於諸姑娣姒又善執席泉治絲蘭織紵組紃爲酒漿邊
豆蒹醢胥中內則家人奇新婦賢天授非人力也公結
髮志學精勤不倦恭人謹俟之母小懈公學成以辛酉
地 大泌山房集 卷之九十八 墓銘 十八

舉于鄉或給恭人是富貴可坐而食矣恭人不然吾聞
女子生臥之床下而弄之瓦臥之床下明其卑弱主下
人也弄之瓦明其習勞主執勤也夫葛覃之后蘋藻之
季女其人非富貴者與而若是而何有於余卒如初所
衣大布衣敝則澣而綴之左右家午夜聞機杼春榆聲
輒曰此王氏冢婦也迹之信然而亦以作勞善病藥餌
多於養殮矣公成進士除留京起部郎恭人從病且殆
爲禳禱醫療復痊明年
上登極大賚天下封太公如其官恭人與姑俱安人丙
子公僉蜀臬事羣不逞講張爲幻將窮治之恭人從容

謂公君不聞下車泣罪解網祝禽者耶公用其言不怒而民威於鈇鉞三年遷粵藩參議部瓊海南北而恭人念尊章春秋高矣道遠莫能輦致則請代公居子舍公從之所以就養無方二年擢副貴州臬事而太公業以天年終恭人調棺斂美好款內外宗之給喪事者與四方賓客之弔者公匍匐歸而謹謝之徵君幾令我有遺憾於大人已助公治葬而太公先是埤益恭人一切家政恭人修而息之益饒顧病日益深矣甲申公除服太恭人命之新婦善病日夜治家人產良苦其從兒之官吾與若弟婦當室耳公乃謁選人爲天津治兵使者恭人重門返鎖取竺氏書諷之屬冬寒二子白治帛襦恭人曰吾爲汝家婦三十年貫衣布何以帛爲公之治天津廉幹聲彌著三載考績太公贈如公官而恭人與姑有今封其年遷河南叅政分守大梁屬河決公畫地而治堤民中疫死者大半公亦跋涉水草病矣恭人聞泣而日夕籲天冀以身代也公蘇河工報成詔加賜祿一等而恭人坐憂痺病復大作公復攝方伯事入計京師恭人勸孺子毋言我病爲乃公憂比公還治而恭人貌憔悴驚怪所以則淇竹公夫婦後先逝矣於是恭人亟請歸而憚暑不可行公適有新命乃已恭人以創鉅故

人重門返鎖取竺氏書諷之屬冬寒二子白治帛襦恭人曰吾爲汝家婦三十年貫衣布何以帛爲公之治天津廉幹聲彌著三載考績太公贈如公官而恭人與姑有今封其年遷河南叅政分守大梁屬河決公畫地而治堤民中疫死者大半公亦跋涉水草病矣恭人聞泣而日夕籲天冀以身代也公蘇河工報成詔加賜祿一等而恭人坐憂痺病復大作公復攝方伯事入計京師恭人勸孺子毋言我病爲乃公憂比公還治而恭人貌憔悴驚怪所以則淇竹公夫婦後先逝矣於是恭人亟請歸而憚暑不可行公適有新命乃已恭人以創鉅故

地 人重門返鎖取竺氏書諷之屬冬寒二子白治帛襦恭人曰吾爲汝家婦三十年貫衣布何以帛爲公之治天津廉幹聲彌著三載考績太公贈如公官而恭人與姑有今封其年遷河南叅政分守大梁屬河決公畫地而治堤民中疫死者大半公亦跋涉水草病矣恭人聞泣而日夕籲天冀以身代也公蘇河工報成詔加賜祿一等而恭人坐憂痺病復大作公復攝方伯事入計京師恭人勸孺子毋言我病爲乃公憂比公還治而恭人貌憔悴驚怪所以則淇竹公夫婦後先逝矣於是恭人亟請歸而憚暑不可行公適有新命乃已恭人以創鉅故

地 人重門返鎖取竺氏書諷之屬冬寒二子白治帛襦恭人曰吾爲汝家婦三十年貫衣布何以帛爲公之治天津廉幹聲彌著三載考績太公贈如公官而恭人與姑有今封其年遷河南叅政分守大梁屬河決公畫地而治堤民中疫死者大半公亦跋涉水草病矣恭人聞泣而日夕籲天冀以身代也公蘇河工報成詔加賜祿一等而恭人坐憂痺病復大作公復攝方伯事入計京師恭人勸孺子毋言我病爲乃公憂比公還治而恭人貌憔悴驚怪所以則淇竹公夫婦後先逝矣於是恭人亟請歸而憚暑不可行公適有新命乃已恭人以創鉅故

傷脾召醫診之曰土虛矣春木王且有災立春之五日恭人初度四十有七歲越十一日卒是爲萬曆庚寅正月十有六日其生則甲辰蓋嘉靖之二十有三歲也二男子長曰瑞圖爲郡諸生娶于戶吳道行女次曰瑞國聘太學生江禹績女恭人故諱圖史其教二子也時舉古今忠孝節義事詔之衣服食飲悉從其惡者不使佚志卒之日惟瑞國侍請治命曰兒兄弟能如阿翁兒婦能如母無憾矣太恭人不得終事則若何雖然有君子在遂瞑公哭之慟闌人謝客不得通余以督漕入山東迫見之公流涕覆面呼瑞國再稽首將以而母不朽累下執事浹旬公乃手狀恭人行走山東相屬曰是夙志也內子歸葬有日其幸無辭大梁之役余實代公有伯仲墳簾之好焉所聞恭人閭閻爲詳因刺取狀中語志之而系之銘曰髻而女胡以婦匪彼婦之口代夫而子以孝於父母鬢而婦胡以母匪衆人之母教誨其子式殺似父盡歸寧父母從夫則否父母不慙遺身從其後是謂婦而女女而婦既載廣柳故丘斯首而處其右虛左而偶中有石焉無以速朽其誰爲之而偶之僚友

周母吳宜人墓志銘

故太僕卿周用吾先生元配吳宜人以嘉靖甲辰二月

二十有一日生萬曆辛亥九月六日辛年六十有八明年三月某日葬新橋坂之陽孫太學朝相狀宜人行事請余志而飲淚言曰此王母大略耳朝相悲哽不能詳今太父行如向晨星使君嘗共事蜀備知內政幸志其墓朝相先生信予之伯子是爲家孫極極失母宜人實母之故鍾情若此按狀宜人與太僕皆貴溪人父曰處士遲生時有光墮地如電鄰人驚以爲火爭來救已知舉女賀曰是必賢且貴爲門楣光矣稍長婉變貞靜動有禮法父母異之慎簡所對而太僕爲諸生有文名吳翁見曰此真快婿以宜人歸蓋太僕長宜人十有七歲他強家以其間奉千金太僕請易婚卒不許其事舅姑應唯敬對進退周旋慎齊無情容也問衣煥寒問所欲而敬進之旨甘柔滑唯其適布帛佩悅蒞蘭無私藏也其事太僕刀尺機杼以相之酒茗果實殷脩以食之夙興夜寐以先之無佚志也其持家字雞豚操井曰供賓祭量入爲出無廢事也太僕是以無內顧而優于學矣太僕成進士爲令江浦金壇江浦繁金壇饒易生得失宜人時進說曰惟廉則賦不能穢也惟勤則事不叢胥也令治行最財擢陪京比部時進說曰省事可以養生也退處可以寡怨也既守貴陽飭兵于黔于粵于張掖

大山房集

卷之九十八

墓銘

三

時進說曰君所部蠻夷戎狄非我族類未可一切治也寬文法以撫之簡軍實嚴候望預儲胥以待之而已太僕是以達其志通其欲齊其政不易其宜而優于仕矣太僕爲蜀右丞應事火火且燠寢室家衆恐請穴墻以通宜人不可夫子有造于蜀祝融有靈必無患卽不然老婦奈何以窄窳免無何反風火滅矣其教諸子若孫衣服有量飲食有程朝而出受業日入而歸督之復習嬉戲之具不設于家狎遊之朋不入于門不大聲色而儼然家有嚴君也其御諸姬豐與同豐約與同約勞與同勞逸與同逸以次入侍子其子與已子等太僕恒言閨中良友堪配三公鄉謂虛語耳不圖吾門有此佳偶初以太僕爲令考最封孺人復以比部值覃恩封宜人其策命之詞曰性本柔嘉德惟淑慎協志相成內績用彰曰秉德肅雍視身溫惠克相君子在公夙夜蓋無媿詞云宜人雖貴自奉不汰侈雖老操作不倦數勅子孫貴家兒郎責望者高實藝懿行人未必信纖瑕微累十手爭指摘矣子孫化之文敏篤誠皆保家之主也昔漢虞升卿晉李令伯祖母俱九十許辭官就養號曰孝順不問其能表章祖母賢朝相卽未仕得奉宜人終身宜人壽差遜兩母而賢名以孫故永傳矣男子四人宜人

大山房集

卷之九十八

墓銘

三

出者三伯師文郡學生娶都御史汪休孫女繼博士張
鍵孫女仲成文娶弋陽學生方以相女繼江某女叔憲
文娶弋陽太常卿汪側孫女繼吳某女俱邑諸生季宗
文娶某女庶鍾出也女一人適布政使徐懋孫最孫男
七人師文出者朝生卽朝相更名也娶房山尹吳榕女
我生娶太學生詹汝偉女方生達生幼成文出者岳生
嘉生尊生孫女二人師文出者適鉛山工部郎寶懋樂
曾孫雲仍憲文出者適同邑學憲江以達曾孫鏡曾孫
一人曰應秋應庚曾孫女一曰坤叔許聘揚州判毛九
苞次子元士俱朝相出銘曰爲婦婉而聽爲妻順而敬
爲適和而正爲母爲王母慈而能令其年稱老其貴再
命有子有孫則篤其慶石有銘史有乘彼電光須臾耳
軌與榮名之無竟

羅宜人墓志銘

恭知孫公以侍御史左遷余郡李余方督學關西承顏
接詞蓋偉人也公初不言有子爲諸生比余臨校扶風
而得今民部在高等益服公義方之訓既二十餘年余
領潁川節民部爲蒙城尹則公沒久矣未幾余遭大故
歸民部率公之教以能其官又十餘年余坐急難留滯
江淮間聞蒙潁士民誦民部治狀微獨民部賢其偶羅

大泌山房集

卷之九十八

墓銘

三

宜人蓋相成也羅爲扶風西鄉黃甫里人父文奎以明
經仕廣文累遷韓國教授母田碩人父夢月墜母懷而
生宜人其月能言能行不苟訾笑性好潔餅過焦飯有
埃墨必不食衣有浣必不衣不聽則繼之以泣六歲執
女工卽精良父母異之不輕字叅知公雅聞羅氏有淑
女爲民部委禽十六來歸民部待叅知公豫章以宜人
從姑某淑人閨範甚肅宜人不以嫠見中夜有召理筭
縱整桂裳而後進姑疑其未臥也已知狀喜曰新婦達
于禮矣使治食飲刺繡紋司筭鑰程支費無不當其意
三年叅知公倦遊予告無何遂卒姑哭之毀兆于死所
矣宜人日夕侍屏氣似不息者視藥物餽粥扶掖臥起
累月不休姑病瘳不下口呬而導之姑嘆曰婦乃與我
病同苦孝至此乎侍兒竊窺傳誦皆爲咨嗟辛楚而姑
卒不起搏膺而踊噉然而哭嫗冥殊甚于時年方十有
九耳民部連遭大故斬然在疚宜人爲營綜内外事小
姑在室有目眚醫窮萬故不瘳恒以鷄鳴漱而飭之積
歲目如初其歸也賫送甚豐已爲民部母弟受室婦婦
稚齒不及事尊章簡倨陵折豕婦宜人優容之已舉子
則保抱攜持哺之以乳卽在官所問遺不輟娣婦惘然
妮以意自閔也地若可入吾豈忍見吾奴哉家數百人

大泌山房集

卷之九十八

墓銘

三

男授耕女授織總方而議作息以時而身執勞先之不
指招不叱咄井井乎其有條理也嚴嚴乎其有終始也
厭厭乎其能長久也承祭禮賓五宗六戚鄰里鄉黨往
來餽餉豐約親疎情文相得般載脯脩膾炙臠臠膳鱸
胸末皆有分刊節度慈涼飴蜜滌脂膏酒漿醯醢既
多且旨民部以此不問家專力公車之業早登鄉書矣
居蒙城每勗民部令者民之父母發政施仁以廉爲本
廉則節用節用則愛人先舅先姑之遺範妾耳而目之
孰矣君其服念哉邱有圃藝蔬果字雞豚取諸官中
用之不煩里旅而時爲煖餌粉醢淳熬之屬以輔共張
地 大泌山房集 卷之九十八 墓銘 三五

人從夫貴有今封益大勸語民部妾不得久事舅姑以
爲恨然而舅姑身貴矣有子顯親揚名可無遺憾妾微
君之福再受命婦祿而無所效于妾之父母若先舅先
姑生女爲門楣之謂何初宜人長女爲侍御史劉九經
子孝廉本唐婦本唐夭女以死殉宜人傷之體久不平
竟以是卒萬曆辛亥八月二十有二日也距生嘉靖乙
丑十有一月九日年四十有七民部名崇先以宜人卒
之後六月遷南京戶部員外郎二子長世法邑學生娶
岐山楊統程女贈憲副孝廉岐麓公孫也次世昌聘館
陶尹吳峻女女四長卽劉本唐婦次適汪之仕次適唐
地 大泌山房集 卷之九十八 墓銘 三六

祝聞宜人訃哭四日而死又次適王倬萬曆壬子某月
日葬耐先塋左昔孫子荆除婦服作詩示王武子武子
覽之悽然增伉儷之重然不聞婦德何似宜人視姑與
女妹疾及小郎妻三事人所最難矧重之以修能乎民
部爲狀千許言猶有餘悲非若子荆直以情生文也采
而志之銘曰事姑孝只施及矣字與其子婦與其孫子
事夫敬只教誨爾子式穀而似佐以長民所至咸理于
家于國功德具矣考終兮穎川歸藏兮涓涓再命兮太
史勒銘兮舊史無曰無年令聞不已

鄭母沈宜人墓志銘

鄭端簡公爲嘉靖朝名臣子孫皆以文行濟美而諸婦
式化之若仲子比部郎之偶沈宜人其最也宜人先世
自吳興徙當湖清溪高王父爲封主事渭曾王父爲叅
政榮王父爲封評事光父爲惠州守垣母爲王碩人生
而聰悟莊觀授書輒解女紅一習而精父所篤愛兩家
翁同官京師時相過兄比部有成人度亟稱其佳端簡
使媒妁通言惠州喜爲女求美對無如此矣惠州出守
卒官宜人財九齡耳噉噉毀容年十四來歸服食省嗇
佐比部學不溺宴私會島寇闖入東南麾城衛邑比部
方從端簡淮邸而寇且逼海鹽城西北圯有導從圯入

地
大山山房集

卷之九十八

墓銘

三十七

者城中人聞之計無所出相向大哭公家適構室宜人
令徹其磚石築城詰旦城完寇至怒導者欺已磔之事
定人歸功宜人以方古夫人城云寇之圍邑也宜人與
其儕約曰城破賊且魚肉吾曹當先爲防乃易男子裝
環列池上事不諧以此清流卒命矣寇退比部自淮歸
攜之北居邸中奉舅姑味爽并總從夫問寢安否而手
調食飲以進傳婢請代不可吾手所不操口所不嘗心
終不憊也已入京師亦如之端簡坐不阿邑忤旨歸而
伯子光祿已登朝季子太學徙宅郡中獨比部宜人居
子舍就養服勤六年無懈端簡病相比部禱祠醫藥甚

謹及卒合殮備物比部將詣京師請卹或虞
上意不測宜人曰先舅清忠簡在

帝心頃日有讒口交構其間今且白矣君無過疑使先
舅葬有闕也比部遽行冰月之間宜人治裝手爲凍裂
卒得請而又論叙平倭功比部爲任子矣葬端簡遠近
會者數千人舟車繼路有虞而後返者宜人具饋餉芻
秣人人霑浹始終無數下逮執紼忘其斥苦問所從來
知出宜人營綜咸噴噴是有婦德而有婦才者也比部
除官御史大夫臺幕則留宜人侍姑顧宜人而姑疾作
宜人所以禱祠醫藥視端簡時彌虔中夜泣而顙神願
地
大山山房集

卷之九十八

墓銘

二十八

姬侍君莫早將雛爲快耳蓋比部嘗病困宜人療之萬
端甫瘳而深以嗣胤爲慮乃進諸姬諸姬舉子多不育
比部失望宜人貽書慰曰君第養德養身以須天定復
擇宜子者而得伯子忠材母趙於白下忠材甫生而母
死比部屬之宜人曰微卿無是兒卿爲我卒成之宜人
旦夕寢側出入顧復寒夜坐視衾枕或遂不寐已而周
姬舉仲子恕材宜人子之復然其患疹也不解衣而調
護之者四十日帶圍減尺比部勸遊予告歸里讀端簡
遺書不問生產宜人當戶事無大小可卒辦脫有急以
簪珥應而又兩子繞膝爲歡比部恒自幸天其佚我老
地
大泌山房集 卷之九十八 墓銘 二十九

之擇妃而知刑部郎祝公禮部郎高公女賢以祝歸忠
材以高歸恕材忠材舉子矣而母子同天宜人驚絕遂
病恕材舉子累月亦天已又舉子而高夭無何子復天
忠材入太學試京兆宜人送之門曰若兩試報罷其努
力此行也慰吾莫年而會聞恕材病亟歸恕材病差宜
人收淚而言得兩兒在左右無間功名矣爲忠材再娶
於卞恕材再娶於朱迫得抱孫各爲置媵而忠材僅舉
女宜人悲甚我忍死三十年何爲者病深矣呼二子語
曰吾年過七十事先舅先姑及兒父又及兒兒今日無
所媿憾余病自庚子始已十二年非醫可治兒紹乃祖
地
大泌山房集 卷之九十八 墓銘 三十

乃父無情學無軌德無削產無刑牲養壽命之元永錫
胤祚吾沒且不朽又顧恕材曰善視女孫而兄善病善
事之遂瞑宜人有姑彭淑人早世字諸甥如子今御史
君兄弟母事宜人亦四十年不衰恕材後其季父而季
父有二女宜人厚遺之與之名田或曰於鄭氏無故事
宜人必與曰兒以嗣季父祀非利其產也禮以義起何
害邑子翁耀陷大辟非其罪也資之脫獄賀南陵者隱
君子比部初得子欲爲子師而未言南陵歿比部往弔
五喪未舉授地以葬而賀子姓蕃盛四面鄭田無可封
樹宜人曰爲德不卒如先君何斥地若干治冢舍郡丞

姚者其後貧不能葬宜人亦于地葬之內宗外宗節婦賢婦困厄者廩之終身凡十餘輩敬鬼神而遠之見大家倭佛者非之佛而喜倭何取於佛施金錢無何有之鄉與奔溝壑等耳孰若衣食饑寒之深切著明也故窮交疎逖寄命宜人者甚衆宜人生嘉靖庚子正月二十

有三日卒萬曆辛亥十有二月二十有六日年七十有

二伯子忠材太學生婦翁祝公以庭繼武進丞卞公洪

章恕材太學生婦翁高公繼元繼太學生朱公學禮助

造者蕭舉二女長字按察使劉公忻子太學生世甄次

宇孝廉錢公與映子太學生陞孫女一忠材小婦韓出

地 大興山房集 卷之九十八 墓誌 三十一

韓以痛宜人後六月卒比部葬甘泉鄉某年某月某日

以宜人附二子爲宜人狀而介其王父彌甥孝廉劉少

彝徵余志墓中石少彝者宜人子晉世甄兄也復向余

言爲婦難孝而孝於端簡公尤難爲妻難賢而方其盛

年輒爲比部廣勝路尤難爲母難慈而二子忘其所出

至以二子家漸耗不及含飴哺孫殷憂損其天年爲尤

難二子以宜人成名忠材哭母病滋甚恕材觸暑匍匐

請志狀五千言而猶云未悉也然此三大美女史中不

一二遺矣銘曰父黨夫黨貴矣世矣無驕無侈故非易

矣家人利貞正內位矣孝於舅姑夫思姻矣婉孌季女

蚤置貳矣室家之壺錫爾類矣孔釋抱送麟兒二矣離東廟毛同所孽矣六八之孤命斯寄矣教之誨之成令器矣勉造家躬盡瘁矣婦順母儀內則備矣老而考終昭德致矣下報主君謝卿賜矣史氏勒銘寘諸隧矣神叨默相昌後嗣矣展墓掃除引勿替矣

鄭母董宜人墓志銘

董宜人者應天治中鄭公心材繼室茂才端濟因母也

一命爲孺人再命爲宜人治中公王父司寇端簡公曉

父光祿少卿公履淳爲世間人母爲朱宜人元配爲鍾

宜人鍾宜人卒所遺子女弱朱宜人謀繼者媒妁來言

地 大興山房集 卷之九十八 墓誌 三十一

率富貴家朱宜人不可紫崖董公儒是先君子同道之

朋也偶徐碩人教子女有禮法其女必賢具六禮以宜

人歸而鍾宜人遣子端胤與二女宜人憐愛之子女恒

戀戀膝下事朱宜人屏息柔聲伺意指曲中處諸娣姒

目無還視口無還言操作與女奴等姑喜吾以婦受知

人之名矣姑病佐治中公視藥物相啓居夙夜匪懈諸

姑來候者姑輒語之曰新婦孝我更善爲生此吾家福

吾復何憾姑卒宜人哭顏爲顛頓向後思至或語及未

嘗不酸洟也旣代姑執家政冰鹽靡密無不飭治而治

中公有內難外侮疲于奔命當事者以名臣裔不自保

爲善者懼矣幸稍解而病幾殆宜人視醫物相啓居如其事姑旦晚顧天願以身代涕泗滂沱侍兒見者皆流涕治中公病已讀書屬文宜人以機杼聲和其伊吾而時爲酒漿脩脯勞之端濟就外傳治中公任其意不爲程宜一日考訊無少寬假恒以繩墨相檢制不得出一詭語服一奇麗治中公官京師端濟從而念母思歸宜人貽書督之兒寧須乳耶京師四方賢豪長者所集考德問業何往非學男子當跨世凌時遠蹈獨遊蚤垂終日經營不越階序吾奚賴爾已治中公奉使攜端濟還里宜人撫之兒長矣可室矣爲之娶于陳而數戒之晏

人泌山房集

卷之九十八

墓銘

三十三

地

安煬毒不可懷也治中公官陪京宜人以端濟往簡經師與之俱而念中饋無主者屬副室虞代之操舟送里許丁寧媿媿善事夫子令一意公家無內顧初朱宜人有助遘者陳朱宜人身下之宜人事陳以姑禮而情好久彌敦陳二十而孀垂七十有造家功則宜人能左右之也其御錢勝極有恩錢舉子日夕顧視保抱暮月而殤悼惜至減匕箸女公適卜氏者朱宜人所愛也饋遺不絕曰吾異日庶幾可報姑地下鍾宜人少女尤所鍾情周恤備至端濟父子兄弟或不及知端胤小妻有女賴宜人以生旣女于崔而其舅語彭侍御曰微董宜人

世安得有余婦崔爲彭姑夫彭爲端簡外孫六戚間品藻賞譽如此宜人課男女耕織無一游惰者會計出入柴黠奴莫能爲欺而施惠老疾鰥寡不靳所諄諄訓子曰不以小過棄人則人樂助不以無益費財則財恒足責已宜嚴待人宜恕先民格言不是過矣生平綈縞衣浣葺敝垢無數而女紅未嘗去手以故嫗冥患血暴下多脈眩會卜氏姑病心憂之尋卒視含殮追思朱宜人

不任慟割病留矣而父忽卒臨喪擗踊呼號不欲生

淡句水漿不入口羸劣甚端濟輦以歸泣而過市市人皆泣旬餘稍加饘粥而治中公所置義田有司責租

大泌山房集

卷之九十八

墓銘

三十四

地

挈宗人窘者嗷嗷宜人趣端濟白郡大夫曰設有風雨行無欲速端濟已事而竣至中道則宜人卒矣端濟傷母未稱中壽身不受訣狀其行悲哽不盡吐而介叔父恕材請曰叔氏母沈宜人使君爲墓志沒且不朽母內德與沈宜人濟美敢微惠如叔氏母子恕材亦亟言丘嫂賢吾兄居家孝友居官清直嫂有相之道焉因爲叙次如右宜人子二端濟邑諸生娶韶州守前侍御史陳公奇謀女宗杰聘尚書陸莊簡公子刑部郎中公基忠女殤鍾宜人一子卽端胤邑廩生娶京兆查公秉彝孫太學公允愷女二女長適中書舍人項臯謨封孺人次

適刑部郎張公正鵠孫胤淳孫男七人存者五宸孚交
孚寵孚胤出宸孚聘長寧令錢公應晉女永孚寅孚濟
出永孚聘和州守陸公廷誥孫女孫女六胤出者五濟
出者一長適廣東閩帥崔公天賜子榮祖次字少宰兼
學士朱公國祚孫茂輝次字貴州按察使劉公烱曾孫
蒙濤次字文學李公日芳子宇琦次字文學朱公用堪
子岳鎮以宜人無異母異子也因並載焉濟子女皆
小妻徐出宜人卒萬曆丁未後六月十有九日生嘉靖
丁巳二月十有九日年五十有一巳酉二月十有九日
合葬鍾宜人之窆在海鹽十四都甘泉鄉銘曰孰爲後
大泌山房集 卷之九十八 墓銘 三十五

陳母羅孺人墓志銘

古之哀婦喪若荀繁溺色不足論卽孫楚潘岳要以情
勝于內德無所考見今者陳上元之慟孺人則令德不
可諉也非尋常帷幃之愛也孺人爲姚江著姓父某母
某少而婉嫕有志操年十二歸於上元父子方苦食貧

而姑董孺人復病孺人朝暮姑側抑搔其病癢裁量其
衣寒煖精潔其饘粥果蔬脩脯扶持其啓居嘗其藥餌
以進三月而姑脫然愈姑以告舅氏曰始謂新婦稚不
足賴今善事我有瘳疾功吾兩人可無憂矣自是按內
則日以甘旨慈舅姑而飼蠶繅絲拮据孳孳如不及所
爲佐上元兄弟誦讀資者何無何有龜勉求之殆無暇
隙上元爲諸生有文名三吳人聘爲師意不欲遠父母
父母語之新婦孝我不啻若無庸內顧上元是以久於
塾恩月奉以遺孺人孺人中饋益贍而母弟三人皆有
室舅姑以食指衆析著孺人諷上元君以筆耕不虞歲
大泌山房集 卷之九十八 墓銘 三十六

是區區者盍割以慰父母少子之愛乎上元喜卿得吾
意中事所受惟下產鄉人稱上元貧而無怨孝而能友
以此舅卒相上元治喪周於身者誠信無憾而事發姑
倍敦於疇昔所乳三子自孩提至羈貫保抱提携未嘗
假手他人從師取友擇對委禽諸禮文節目事爲之備
上元諾而受成而孺人窮極倦欲遂以病卒姑拊而哭
之曰天乎遭家不造何奪吾婦之速也婦初入吾門以
吾疾故不知新昏之孔嘉也兒游於外垂二十年三子
繞膝而啼不知骨肉之有歡聚也子生矣孰長育是子
長矣孰教誨是一畝之官孰垣墉塗墍茨是孰櫟斷丹

腹是吾兒學成名成就贊相是而婦不及見也吾老大
命近止孰調護是而婦先吾逝也家男女長少娣姒若
內外宗來臨者聞姑哭且號無不潛然流涕沾襟蓋卒
七年而上元爲孝廉十年而上元仕爲興化令考最孺
人從夫爵有今贈既擢上元拜

上所賜勅命錄其副爲楮象翟衣副笄六珈焚而告之
而深慟夫偕老之乖宿願也次第其行實使余爲志瘞
于獅山之兆孺人生嘉靖乙卯四月十有四日卒萬曆
甲午七月二十有一日得年僅四十子若孫若女孫婚
嫁皆名家詳舅姑志中其爲孺人狀者余同榜左丞鄒

大泌山房集

卷之九十八

墓誌

三七

公學柱爲孺人傳者余通家太史李公思誠無間然矣
余所謂令德不可謾非尋常帷幃之愛也銘曰秉德何
豐而年何虧服勤何蚤而報何遲天道非耶人胡不悲
之死致生夫君未思子孫繩繩善歸母儀維帝命之維
史銘之所不朽者歲歲無期